

ANGELA

CAI

WILLIAM

Opera






Pharmacopœi Parisiensis

Ex Dono Magistri
GILLET

1765









ANGELI SALÆ

VICENTINI
Chymiatři Candidif
lmi & Archiatři
Megapolitani,

OPERA

Medico-Chymica
quæ extant omnia.

*Ediitro postrema auctior
& emendatior.*



ROTHOMAGI
Sump. IOANNIS BERTHELIN Bibliopolæ
M. D C. L.

Res 11313

ANGELI SALÆ 11313 VICENTINI

CHYMIATRI CANDIDISSIMI
ET ARCHIATRI MEGAPOLITANI.

OPERA MEDICO-CHYMICA QVÆ EXTANT OMNIA.

Frustulatim hæctenus, diuersisque linguis excusa, nunc in vnum collecta,
latinoque idiomate edita.

Editio postrema auctior & emendatior,

In qua præter correctionem crassissimorum errorum plusquam mille
locis commissorum in nouissima editione Francofurtensi, integra
capita sparsim Gallicè aut Germanicè expressa,
latinitate donata reperies.


*Huic vltima editioni accessit tractatus peculiaris Angelii Sala de erroribus
Pseudochymicorum & Galenistarum, multum desideratus,
& nunquam nisi seorsim editus.*

Addito indice rerum & verborum locupletissimo.



R O T H O M A G I,
Sumptibus IOANNIS BERTHELIN, Bibliopolæ.

M. D C. L.



UTRIVSQUE MEDICINÆ STUDIOSIS

IOANNES BERTHELINVS

ΕΥΚΡΙΝΕΙΝ.



EMINI cum ego anni superioris initio sermones miscerem de iteranda celeberrimi Angeli Sala meis typis editione, cum Doctrinæ Medico huius urbis, cuius nomen tacere hic animus est, fortassis non omnino iam tibi ignotum, & amplius prope-
ciem noscendum propriis ingenij fœturis statim edendis, & aliis quas adhuc in sinu fouet suo tempore euulgandis, quod inquam me non mediocriter hortatus ad tanti operis iam suscepti perfectionem, familiariter satis mecum egerit de Angelo Sala, eiusque laboribus: Eum scilicet de medicina chymica multum meruisse hoc sæculo è tenebris veluti emergente, multa ipsum detegisse quæ antiquis Medicis abscondita, utramque nunc medicinam lo-
cupletarent; & quamuis nonnulla passim apud illum extarent, à Salutaribus & tan-
quam ex tripode pronunciata, de lapide Philosophico præsertim atque auro pota-
bili, sibi non usquequaque probata & à se (ut aiebat) publica sed amica diatribæ
aliquando examinanda, non ideo tamen de Authore nostro alioquin doctissimo &
omnium quæ hætenus de rebus chymicis scripsere sincerissimo iniquè sentiendum,
cum nullus esset vultus (inquiebat) qui nauis careret; sibi nunquam idcirco ar-
rississe recentiorum quorundam nimis amarulentas in Salam animaduersiones, nec
vllatenus generosum putasse leoni mortuo barbam vellere, & τὸν ἰσχυρὸν (ex Archi-
locho referebat ille) κατὰ τοῦτον κερταῖον ἐπὶ τὸν ἀνδρῶνα: Me insuper monitum velle se
nullas adhuc Angeli Sala Editiones Latinas vidisse quæ grauißimis non scate-
rent erroribus, ex eo quod vir Doctus circa chymicæ ἐργασίαν occupatissimus,
non satis Romano eloquio claruerit, sed lingua contentus fuerit Italica quæ ipsi
vernacula erat, Belgicâ etiam atque Germanicâ, quibus in regionibus multa cum
laude medicinam fecerit & tandem in vltima occubuerit; hinc contigisse ut huius
monumenta his linguis publicata, præsertim verò germanico idiomate, à Germa-
nis auidissimè fuerint arrepta, & à variis vario stylo sed prorsus barbaro & in-
concinno in Latinum versa, frustulatim diuersis temporibus atque formis in lucem

editis, n scio quofato (aiebat) an interpretum supino veterno, (noluit ignorantiam dicere) an Typographorum incuriâ, tam confusè, stolidè, & corruptè prodierint, vt non grauius peccatum in Salam Chymiarorum optimum excogitari possit; atque adeo metuendum esse ne Beyerus Bibliopola Francofurtensis, qui hac distracta vndiquaque diligenter requisivit, simul typis mandauit, & in vnum compingi non sine laude voluit, haud satis fuerit in priorum editionum erroribus detegendis cautus, iisque Doctorum trutinæ submittendis antequam opus vniuersum pralo committeretur; ac proinde mihi sedulo prospiciendum vt eiusmodi exemplar non satis forsan castigatum imitatio editionis nouæ corrector impiger atque intelligens præsto adesset, cuius operâ oleum & operam bene collocare possem, non autem Operis suscepti seriò sed seriùs pænitere. Huc vsque Doctor Medicus noster talibus aut similibus verbis me arrectis auribus adstantem allocutus est, quippe qui mihi metipsum iam conscius essem de excuso vno aut alterno quaternione, cum hac fiducia, nullas scilicet aut paucas reperiri mendas, in illo quod mihi veluti Archetypum proposueram exemplari: hos igitur trepidanti manu & fluctuanti animo, ob præmissam admonitionem, legendos porrigo; Nec euentus Doctoris conjecturas fefellit, tantos enim, etiam in limine, mihi palpandos errores detexit, vt vix ambo possemus oculis nostris credere, nec vir Medicus sibi persuadere hosce omnes in exemplari Francofurti edito contineri; quod statim à me oblatum atque passim ab eo & oculo properante lectû, non mediocrem indignationem mouit, ob grauiora adhuc errata quibus vndiq; scatebat; ita vt mihi libere dixerit me rebus meis parùm consulturum, si vel minimos sumptus in tam mense codice se quendo impenderem; se tamen pro sua in publicum bonum propensione, & erga Salam Authorem candidissimum animo, non dedignaturum horas aliquot succifinas huic exemplari æquè emendando infumere: Lectori Philiatro cogitandum relinquo num letus oblatam conditionem ipso è vestigio arripuerim; sed bone Deus! quot σφαλμάτων monstra, quàm terribilem absurditatum lernam, in hoc libro debellanda habuit ὁ κριτής noster! Fateor equidem ingenuè, multoties me, ne consilium mutaret remque infectam desereret metuissè, cum scilicet ille alijs implicitus curis non semel referret, animum despondere in tam putido cæno diutinè volutatum, se minori cum labore Ἀγρίων ἑσθίων repurgaturum, nec vngquam opus adò salebrosum aggressum fuisse, modò difficultates in castigandis defectibus subindè renascentes prius notas habuisset. Tandem Deo aspirante huius vicit labor improbus & grata σπονδὴ, Prodit nunc in lucem Angelus Sala multò quàm antea intemeratior ac sibi ipsi paulò similior, solacismorum myriadibus auerruncatis; crassioribus barbarismis ubique sermè pullulantibus succisis; obscuris tricis atque ambagibus infinitis locis occurrentibus, interlucatis; præposteris dosibus in remediorum præparatione vt decebat restitutis, nec

non linearum integrarum defectus resarcito, orationis seriem obtenebrante, ut & rerum ^{ad hunc} redundagine penitus rescata; idque omne partim ex aliorum codicum fide quos penes se habuit Medicus noster, partim propriis ^{ex quoque} & illa quae pollet, in rebus ejusmodi peritia, absolutum est: Optandum solummodo esset librum hunc Latino sermone paulò defæcatori a Germanis interpretibus exaratum fuisse, sed hæc omninò attingere noluit Restitutor, & ea quæ a cordatis viris intelligi possent, quamvis rudiora, & Carmenta sæculo digna, eo nomine reliquit, ne videretur novum opus propriâ industriâ fabricasse; curavit denique ut omnia quæ Gallicè aut Germanicè scripta Lectores remorabantur in editione Beyerri, Latine redderentur: operamque dedit ut huic nostræ, tractatus novus Angeli Sala accederet, de Galenicorum & Pseudochymicorum erroribus, nunquam antea reliquis eius operibus associatus: grato igitur animo (quotquot estis utriusque medicine studio inflammati) accipite quæ in vestram utilitatem perfecit ille qui nullis percipit laboribus ut tanto Authore vos ditaret vigiliis suis restituto, & vobis infectis, inuitis, ^{grato} ipse tantum creat beneficium. Caterum vos obtestor ego, ut si quæ sint errata typographica in hac nostra editione, ea pro vestro candore emendare dignemini, vix enim possibile credimus tam crassum volumen ^{ad hunc} esse, præsertim cum admodò frequentes ac densæ exarata fuerint correctiones tum Græcæ tum Latine in persfluente hinc inde papyro editionis Beyerri, ut ^{ex quoque} aliquando imponerent, nec omninò per otium Doctori licuerit, typici periculi foliarevivere; sed illud unum me solatur, quòd cum hominibus rem habere debeam, qui errare humanum esse non ignorantes, me in re tam ardua voluisse boni consulent, Valete, & si Dî velint, instituta inter Partes comparatione, ^{explicite}.



ELENCHVS

Tractatum in hoc opere contentorum.

1. *Anatome Essentiarum Vegetabilium.*
2. *Hydroleologia.*
3. *Tartarologia.*
4. *Saccharologia.*
5. *Septem planetarum terrestrium explicatio.*
6. *Aphorismi Chymiatrici.*
7. *Chrysologia.*
8. *Descriptio Auri potabilis.*
9. *Tractatus de Antimonio.*
10. *Anatomia vitrioli.*
11. *Tractatus de natura, & proprietate vitrioli.*
12. *Tractatus de Peste.*
13. *Antidotus pretiosa.*
14. *Ternarius triplex Emeticorum, Bezoardicorum, & Laudanorum.*
15. *Exegesis chymiatrica.*
16. *Myrothecium spagiricum.*
17. *Appendix de pulvere Rosa vite.*
18. *De Erroribus Pseudochymicorum & Galenistarum.*

ANATOME

INDEX PRÆCIPVORVM CAPITVM, QVÆ HOC OPERE CONTINENTVR.

CAPITA LIBRI PRIMI.

P Sendochymici quinam sint.	
pag. 6	
De auro potabili.	7
De antimonio.	8
De Talco.	11
De Tartaro.	12
De lapidibus pretiosis, coralliis & perlis.	ibid.
De extractis in genere.	13
De quinta essentia vini.	ibid.
De aquis destillatis.	14
De oleis destillatis.	ibid.
De balsamis aromaticis.	ibid.


CAPITA LIBRI SECVNDI.

P harmacia Galenica cur sic dicta, & quæ sit via ipsius.	16
Pharmacia Spagirica quæ nam sit, & quæ sit via eiusdem.	ibid.
Quæ sint Galenicorum præcipuæ calumnie in	

Pharmacia Spagirica, & quæ ejusdem responsiones.	17
Duellum inter Pharmacia Galenicam & Pharmacia Spagiricam de præparatione & compositione medicinali.	21
De aqua communi.	22
De aquis destillatis.	23
De saccharo & melle.	ibid.
De conservatione succorum.	25
De decoctis in genere.	26
Decoctum de ligno guaiaco.	27
De infusionibus.	28
De iulepis.	29
De syrupis.	30
De scamoneis.	33
De confectionibus aromaticis.	34
De confectionibus opiatis.	39
De Trochiscis.	46
De pilulis.	ibid.
De Looch.	47
De nonnullis medicamentis applicatiuis, cuculsteribus, suppositoriis, & puluinaribus, nasaliis, &c.	49
De medicamentis chirurgicis.	ibid.

INDEX MEDICAMEN- TORVM, QVÆ HOC OPERE CONTINENTVR.

A lly extractio.	43	Perlata nostra.	39
Antidotum Liberantis nostrum.	38	Mumie spiritus.	43
Aurea Alexandrina secund. descript.	44	Opij Extractio.	ibid.
Aurea nostra.	45	Olei Castorei description. Iacobi de Manliis.	49
Campboræ solutio.	43	Olei Oliuarum rectificatio.	50
Confectio Alchermes.	36	Oleum ad morbos frigidos inuentionis nostra.	ibi.
Confectio Liberantis.	37	Pilula Lucis maiores description. Mesue	46
Confectio Alchermes nostra.	35	Cephalicæ nostra.	47
Cornu Cerui Diaphoreticum.	43	Rosarum Infusio simplex.	28
Diaeytonium purgans.	34	Scammoneæ præparatio.	33
Electuarium Indum majus D. Mesue.	ibid.	præp. more nostro.	34
Elect. Lætificans Rasis.	36	Syrupus saporis de Pomis.	30
Electuarium Lætificans nostrum.	37	de Epithymo desc. M.	33
Gentianæ Extractum.	43	Succorum conservatio more Gal.	25
Hypericonis Tinctura.	ibid.	more Spag.	26
Juniperi magisterium.	ibid.	Sulphuris flores Diaphoret.	43
Liquor Cardiacus.	32	Theriaca Andromachi.	39
Looch de Papauere description. Mesue.	47	Aurcata nostra.	44
Perlata nostrum.	48	Juniperina nostra.	42
de Pulmone vulpis descript. Mesue.	ibid.	Trochisci Viperini.	46
Sulphuratum nostrum.	ibid.	Veronicæ succus condensatus.	43
Manus Christi Perlata	38	Vinum mundificatum nostrum.	33



ANATOMIE ESSENTIARVM VEGETABILIVM,

CONTINENS VIRTUTES, VSVS,
*nec non modum extrahendi Essentias ex herbis, floribus,
fructibus, radicibus, corticibus, lignis, ac reliquis
ad rem pertinentibus observationibus.*

ESSENTIARVM VEGETABILIVM ANATOMES.

SECTIO I.

De Nomine, & antiqua essentiarum inuentione, earumque additione à Chymicis facta; Item usu, utilitate, & simplicium ad talem præparationem aptitudine.

SECTIO II.

De modo extrahendi & conseruandi Essentias ex varijs simplicibus.

SECTIO III.

De exsiccatione herbarum, florum, radicum, & qua ratione per illam utilitatem, aut damnum capiant.

SECTIO IV.

De Essentiarum purgantium extractione earumque virium auctione.

SECTIO V.

De processu extractionis calidorum vehementium & asrium Catharticorum.

SECTIO VI.

De separanda variarum simplicium maximè exoticarum, & gummatum ferulaceorum impuritate.

APPENDIX.

De Usu, dosi, necessitate, & utilitate Essentiarum; adjunctis varijs experimentis, annotationibus, & manuali operandi modo.



ESSENTIARVM VEGETABILIVM ANATOMES,

SECTIO PRIMA.

CAPVT I.

De Nomine Essentie.



VARIA est apud Chymicos hujus Nominis acceptio; Primo enim hoc vocabulo quidam Olea intelligunt. Secundo, Spiritus vel aquas vitæ ex simplicibus productas. Tertio, Spiritus acidos minerales Vitrioli, Salis, Sulphuris, Salis nitri. Quarto, Magisteria metallorum, Marchasitæ, lapidum pretiosorum, Corallorum, Perlarum, quorum in libris Chymicis passim obvia sunt exempla.

Quæ cuncta sub hoc nomine, hoc in tractatu, complecti animus non est; sed illos tantum succos, vel infusa, aut decocta, mediante euaporatione inspissata, quæ vulgo à Medicis dogmaticis succi condensati, nonnunquam Sapa, à Chymicis vero Extracta nominantur.

Non tamen hic eas tanquam prima entia, & principia, secundum Philosophorum considerandi modum accipio; non ignarus eas adhuc ex diversis, nec ipsis simplicissimis Elementis constare. Subjecta nempe intelligo, in quibus sim-

plicium potissima virtus essentialiter radicata est, qualis frumenti in purissimo polline, Vvarum in vino defecato, essentialis, & potior pars consistit.

CAP. II.

De prima Essentiarum inuentione, & processibus antiquitati vsitatis.

Primum authorem hujus inuentionis nondum compertus sum, contentus probabili ratione, eam cum primitiuo Medicinæ vsu, & inuento in apertum venisse: siquidem in antiquissimorum medicorum scriptis, succorum expressorum, decoctorum, infusorum frequens fit mentio, non alia procul ratione, quam quod præcipuas vires, partibus quali excrementosis separatis, in succis, vel infusis, & decoctis contineri animaduertent.

Quæ intentio laudabilis, nec contemnenda vilitas decoctorum, infusionum, & succorum sedulo ad artis præscriptum paratorum, quæ à tota mixti substantia, expectari nequit, si hoc ipsum antiquissimos non latuisse extra dubium ponimus, nec illud inficiari possumus, substantiam istam extractam, & demum per exhalationem beneficio caloris ele-

mētaris aquōsa parte liberatam, specifi-
ca, quæ in vegetabilibus expetitur, vir-
tutis subiectum, rectè statuendum esse.
Quod ipsum abundè testantur, scripta
Pedani Dioscoridis Anazarbei, impe-
rante Augusto Cæsare, apud Ægyptios
sub Antonio & Cleopatra Medici famo-
sissimi, testibus Galeno, Oribasio, & Plinio,
in quibus ille præter variæ, de simplicibus
doctrinæ traditionem, formularum
essentias extrahendi, quamvis diuerso
nomine inscriptarum, minimè oblitus
fuit; vt videre est in capitibus de
Acacia, Aloë, Apio, Britannica, Centauro
minore, Chelidonia, Cyclamine, Clymeno,
Euphorbio, Gentiana, Halicacabo, Hypocistide,
Lentisco, Malo punico, Mandragora, Papauere,
Peucedano, Rosæ, Scammonio, & aliis hujuscemodi
simplicibus, quæ euidenter arguunt tyrocinium
harum præparationum non à Chymicis, sed antiquissimis Medicæ
facultatis Proceribus promanasse.

Receperunt vero herbas & radices succulentas,
vel aridiores quidem sed aliquot diebus prius
aqua maceratas, ac ex hisce liquorem expressum,
sole, umbra, aut ignis mediocri calore, ad sapæ
consistentiam aut maiorem inspissationem,
ac porro in pastillos aut trochiscos redactum
sedulò in vsum asservârunt, qui etiamnum à
dogmaticis quamvis rariùs ac illo ævo, quo
nondum siruporum vsum introductus fuit,
paucis exceptis, exoticis nimirum succis
condensatis, vt Aloe, Opio, Scammonio,
Euphorbio, Hypocistidis, Acaciæ, & Glycyrrhizæ
succo, crebrius vero nunc illæ essentia
vegetabilium familia, Extractorum spagyricorum
nomine insignitæ, bono, & rei medicæ
profectu, in compositiones medicamentorum
accerfuntur.

*De modo præparandi Essentias, earumque
augmento, & correctione à
Chymicis inuenta.*

POSTquam harum vsum vtilem in praxi
medica Chymici cognouerunt, non modo
eas ab obliuione vindicare, sed etiam
accuratiorem modum ejusmodi præparationum
tradere sunt conati.

Antequam enim succos, infusa, vel decocta
in consistentiam coagulârunt, studiosè prius
ab impuritate sæculèta (quod à veteribus
neglectum fuit, vti liquet ex Dioscoridis
operibus) clarificatione, aut colatura, &
digestione depurauere, de quo pluribus
vltima sectione hujus tractatus: Quin etiam
qui præscos latuit, vsu spiritus vini rectificati,
Essentias resinas, & balsamicas extrahendi
inventionem addiderunt.

Insper cum hisce, vt in illis orientalibus
plagis, quas Medici isti vt plurimum
inhabitarunt, solis calor remissior sit,
instrumenta quibus quouis Anni tempore,
gradus Ignis ad harum præstantiorem
præparationem securè seruari possint,
excogitârunt.

Nec tandem etiam hic acquiescere ijs
visum fuit, explorandi nimirum auidis,
ex quibusnam Mixti partibus, Essentia
potissimum constaret; Vulcanum igitur
in partem operis adsciuerunt cuius
ope spiritus, aquas, olea, tincturas
balsamicas, resinas, sales, & diuersa tartara
segregarunt, quorum plurima, vt antiquis
dogmaticis nondum cognita fuerint,
à nullo tamen sanæ mentis com-
pote vituperari possunt.

CAP. IV.

De mirifico Essentiarum usu in Medicina.

HÆ sanè iusto modo præparatæ levis momenti non æstimandæ sunt in Medicina.

Primò, cum ex diuina benedictione vno verbo fiat, simplicibus ab initio quædam virtus indita fuerit, quæ non æqualiter per omnes mixti partes diffusa existit, sed peculiaribus quibusdam ei virtutis recipiendæ, tanquam proprijs subjectis magis aptis, inhæret, sit vt mixtum partibus recrementitijs liberatum, nobiliorem naturam sortiatur.

Secundò, simplicia hoc extrahendi labore maiorem digestionem subeunt, quæ mediante, cruditatem, quæ integris adhuc commixta existit, amittunt, ac consequenter corporibus humanis curandis aptiora redduntur.

Tertiò, vi propria balsamica (quæuis haud cuncta ex æquo & similiter) longioris durationis euadunt, vt sine sacchari, aut mellis additione ad plures annos seruari possint.

Quartò, ratione quantitatis in dosi, tum ad curationem morborum, tum mixturas medicinales, maiore facilitate sumuntur.

Cum enim propositum fuerit apozema aliquod emolliens, digerens, aperiens, attenuans, aut incrassans, seu cuiuslibet facultatis parare, nullo labore has essentias in vñ destillata, vel appropriato quouis liquore dissolvere, & tâtילו saccharo condire licet.

2. In confortantes etiam mixturas seu solidas seu liquidas appositè recipiuntur.

3. Ad Alexipharmacorum, in formæ Theriacæ vel Mithridatij, structuram, simplicibus vulgari modo in pulverem contritis præferendæ sunt,

4. Ad Tabulata seu morfellos, capiti, pectori, stomacho, hepati, lieni, renibus, conuenientes, vicem suorum simplicium commodè subeunt.

5. Ad purgantes potiunculas, seu confectiones quæ specifica vi medicamentum ad partes expurgandas ducant, ejusque malignas qualitates infringant, viscera deobstruant, humores alterent, & ad exitum disponant, hocque peracto interiora roborent, sanguinem purificent, hisce essentijs nil præsentius, aut vtilius, quæ ejusmodi operationum ergo, massis pilularum conuenienter misceri possunt.

CAP. V.

De quibusnam simplicibus Essentia extrahantur.

QUamvis omnibus in vniuersum simplicibus insint peculiare quædam, & nobiliores partes, in quibus potissima medendi facultas consistat, non tamen omnes huic operi ex æquo, sine discrimine subjiciuntur, sed singularem aptitudinem ad hoc requirunt, quales sunt omnis generis summitates, corymbi, frondes, flores, folia, fructus, grana, radices, cortices, ligna, inuolucra fructuum, & omnis generis lignorum viridium siccatorumve solidæ substantiæ, frigida vero, humida, viscida parum salis & sulphuris continentia, ad hoc opus vtpotè cito corruptibilia minimè apta sunt; Cujus classis sunt Amygdalæ, pistacia, pignola, triticum, & similis farinæ fructus, vel semina, quæ nisi primum fluidum & corruptibile temperamentum, vulcani opera, cum solidiore & sicco mutarint, nihil ex iis titulo Essentiæ dignum elici potest, quod obseruatu dignum.

CAP. VI.

De mensruis ad extractionem Essentiarum requisitis, eorumque usu, & differentia.

ESSENTIARVM VEGETABILIVM ANATOMES.

SECTIO II.

Quemadmodum in pluribus vix tantum liquoris reperire est, quo tantum appropriato essentiam rerum maxime arefactorum extrahere detur, duo præcipue liquores in usu sunt, Aqua sc: totana & spiritus vini, illa ad omnes substantias, quæ facile solui possunt accommodabilis, hic verò extractioni partium resinotarum, quales in Iunipero, Cypresso, Quiajaco, & variis radicibus, ac herbis manifestæ sunt, magis competit.

Nec tamen, ut multi imperiti opinantur, spiritum vini generalis menstrui loco habendum esse iudico. Etenim illius opera nihil potest in substantiis, aqua simplici tantum euocari aptis, huius essentia obtineri; idque duplici ratione: Prima est, quod temperatorum simplicium qualitas huius usu immutetur, vel potius corrumpatur: Secunda, quod subtiliores & volatiles partes spiritui vini unitæ, euaporatione effugiant; & contra quæ spiritum vini sequuntur & simplici non obediunt; licet improbare non auisim aquas destillatas ad suorum simplicium essentias extrahendas adhiberi. Cæterum sicubi pura fontana sufficit; minus tamen pura, & clara ad manus sit, destillatione à terrestri fœculentiâ liberanda est. Ad quod opus licet etiam vinum, mulla, cereuisia, & acetum quodammodo apta sint; tamen ob tartarum, aut viscidum quid substantiis eorundem commixtum; nisi, hoc aliquis ipsis extractis, singulari intentione, conjunctum exoptet, repudianda sunt. Quidam etiam aquas ad extractionem eligendas — Vitis, Trioli, Salis, Sulphuris, Tartari, aut alio quopiam, è v...unt; de quo deinceps

Premissa in præcedente Sectione, rudi quadam, & vniuersali manu ductione, rem ipsam agredi ordinis ratio postulat: Quomodo nimirum essentia ex floribus recentibus, herbis, fructibus, radicibus, corticibus, lignis, arechymica elicende sint. Licet verò etiam quorundam auidorum hac sectione negotium suscipiatur, id tamen, ubi eandem, quam recentes præparationem exigant, salua methodo fieri, existimandum est.

CAP. I.

De essentiis, ex recentibus floribus, vipote Borriginis, Iacæ, & aliorum succulentorum, extrahendi modo.

Implere decet cucurbitam, floribus Borriginis, quantum fieri potest acutè compressis, alembico cæco, qui exactè claudat, imposito, simul & fugis accuratè oclusis, ne, vel minimum transpirare possit; quod commodè loris, ex intestinis, vel vesicis bubulis paratis perfici potest, hæc enim aqua emolita, applicata, & indurata, firmiter instar glutinis adherent. Cucurbitam, ad mediam altitudinis partem, in Balneum demergere conuenit, aucto paulatim igne, eo tam caloris gradu, ut aqua non bulliat; donec flores, colore proprio spoliati, instar pulmenti collabescant. Ex refrigerata porro massa, linteo firmo, succus in vas vitreum exprimatur.

Hic succus recentibus floribus, secunda vice, juxta præscriptum modum procedendo, denuò affundatur; qui demum albimine oui, vsitato depurandi more, commixtus, & cucurbitæ redditus, Balnei

calore, per mediam horā quadrantem, ebullire permittatur; donec fœcibus crassioribus supernatantibus, succus per manicam colatus, purus euadat. Hic modus, ei, qui per longam, in balneo digestionem, à Chymicis recepto, præferri debet; quo sæpè succi clari aut turbidi emergunt, aut partium lenientium, vel tartari sui utilis iacturam faciunt; quem essentiis conjunctum esse præstat, vt pluribus, in Tartarologia nostra, deinceps docebo. Vltimo aquositas succi transcolati, lento balnei vapore, euaporatione auferatur, ad mellis consistentiam, picis instar splendentem, persistente odore, & sapore integro. Hæc essentia refrigerata, in vase vitreo, tela emplastica, & duplici charta aut molli corio duplicato, occlusa asservatur.

In defectu florum plurium, & vbi pauca huius essentiæ quantitas expetitur, prima & vnica expressio sufficere potest.

Essentia hæc cor confortat, vitales spiritus recreat, sanguinem purificat, tetras ab atra bile fuligines, & insomnia terrificæ coerct.

Dosis eius à ʒj ad ʒj in vino vel iusculo, decocto, aut liquore stillatio.

CAP. II.

De Essentia florum Tunica rubearum.

EX floribus hisce, saturato rubore, odore vegeto, ac multiplici folio conspicuis, nobilis essentia paratur: Et quidem ad priorem planè modum; nisi quod florum non ita pridem apertorum, quo tempore viuaciores sunt, & tempore sereno collectorum, resectis particulis albis, sibi vni aquæ fontanæ tantundem affundatur, in mortario lapideo contundatur, donec pulmenti consistentiam acquirat: Cæterum obseruato præcedenti, de Borragine, ordine essentiam obtinebis, colore, & odore delectabilem, 3. circiter annos vires suas conseruantem. Animad-

uersione dignum est, nè ferreis instrumētis, maxime, antequam in consistentiam redacta sit, tractetur; hac quippe ratione colorem amittit. Ad hanc normam, essentiæ, ex floribus Rosarum, nondum planè apertis, ex floribus Calendulæ, Cheiri, &c. qui tinctura, absque superflua humiditate abundant, elaborantur.

Potis est hæc essentia confortare caput, & sensus omnes ad ipsum hepar; contra vertiginem, syncopen, pestilentes, & malignas febres, medicamentum nobile est. Dosis eius à ʒj ad ʒss.

CAP. III.

De Essentia florum Violarum.

Quamuis huius essentiæ præparatio, sub priore, de floribus Borraginis processu contineatur: Operæ tamen pretium esse arbitratursum, faciliorem eiusdem parandi modum exhibere: Floribus nimirum sereno tempore collectis, integris cum foliis viridibus, resectis tantummodo petiolis, s: q: aquæ in cucurbita affundatur, ijque Balneo Mariæ, donec tincturam fundant coquantur, cuius expressio vt de Borraginis floribus habes, secundo, recentibus floribus denuo Balneo Mariæ cocatur, & tandem ad aquæ substantiæ exhalationem, leni igne coaguletur. Carulei coloris est, vt vitro aut cochleari argenteo affricata, Saphyri tincturam inducant. Nec quicquam folia viridia hic officiant, cum 7 magis in violaceas partes agat; vt nec ipsa semina conjuncta; vtpote quæ humectandi, & refrigerandi virtute pollentia, medicamento bonitati nihil detrahant: Quod etiam sirupus ex integris floribus, illi ex folis florum foliis decerptis parato, mendendi dote par, si non superior conuincit. Quod admonuisse sufficit, pro illis qui turbam famulitij, aut integras herbarum farcinas non possident, vt hoc compen-

dio non inutili vtantur. Hic sirupus, modo frigido loco reponatur, colorem, & saporem genuinum, biennio conseruat. Ad ipsum modum, infusio rosarum incarnatarum fieri solet.

Color verò huius essentia, facultatibus cæteris falsis, vix dimidij anni spatio durat, vt & aliorum medicamentorum ex violis confectorum, colore fugiente, vires nihilominus integræ perennant.

Efficax est hæc essentia, in calidis pulmonum & pectoris affectibus, faucium raucedine, & dolore; tussi sicca, hepatis, & renum inflammatione; in lenienda humorum acrimonia per vřeteres diffusa, nec non mitiganda bile vtraque, ejusque educatione commendabilis.

CAP. IV.

De Essentia Hyperici.

Herba Hypericonis vulgo nota est; hæcque apud Medicos triuiales, qui exoticis, & peregrinis, quam domi nascentibus cupidius inhiant, propemodum vilescit: Idcirco tamen reapse, virtuti eius ne hilumquidem decedit qua vulnera, luxationes, ossium fracturas, & rupturas sanandi pollet: Internè vero adhibita, contra renum calculum, dysuriam, nervorum & articularum affectus, verminationes ex ciborum corruptione ortas, ac venena insignis est; nec infimum in potionibus vulnerariis locum obtinet: Præterea insignem facultatem, imaginationes falsas, terrores, melancholiam, & intellectus deprauationem corrigendi sortita est; quæ accidentia, etiam homines proba temperie præditos, & in quibus nullus manifestus excessus humoris melancholici, quandoque subito instar fulminis die vel nocte corripunt.

Nec si vřpiam simplex aliquod reperire detur, quod ad veneficia abolenda valeat, vřllo merito huic præferri potest;

teste Theophrasto Paracelso, libro primo, de rebus naturalibus, capite quinto, de Perforata: Quod mihi ansam primò in similibus morbis, sanè, non sine stupendo effectu, eius periculum faciendi dedit; qui alias ad integri pharmacopolij aut pretiosissimorum, ex auro, argento, corallis, margaritis, lapidibus pretiosis & Betzoardicis magisteriorum, vt vix in aliis accidentibus præstantissimorum vřsum, fortè secutus non fuisset: Quod ab inexpertis non tantum difficile creditu, sed etiam explosione dignum haberi potest.

Accedo ad præparationem hujus simplicis, in quo duas natura differentes partes reperio: Vnam in vř solubilem: Alteram dissimilem resinofam, & balsamicam: Qui itaque ambas expetit, sequentem processum imitetur;

℞. Gemarum, id est, florum hyperici nondum apertorum, cum ipsis foliis tenerioribus incisorum; his affundatur in cucurbita vitrea Spiritus vini, à summitatibus eiusdem herbæ siccis abstracti q:s ad irrigationem, pistillo comprimendis; iique alembico cæco capaci imposito, & fugis probè obturatis, 2. integros & miti B. calore, cuius contactum, manus temperata facile perferat, maceantur: Exin ex materia refrigerata aliquo expressus, ad calorem fuscum declinans, vt clarior euadat, per manicam coletur, seu per residentiam depuretur, & conuenienti porro B. calore Spiritus vini abstrahatur, ad consistentiam essentia competentem.

Nota, quod nec hoc, nec quod vis aliud infusum resinosa substantia particeps, albumine cui clarificare conueniat, hac n. via si non turbidius redditur, potiori saltem resinosa substantia parte priuatur.

Virtutes eius abundè supra enumeratæ sunt: Adde quod nullius alterius gummi aut resinæ, vřpote quæ tota balsa-

mica est additione indigeat : In rupturis verò, & luxationibus, admixtione aliarum rerum, vt in emplastri formam redigi possit, opus habet : Contra dysuriam, calculum, lumbricos, venena, & mentis aberrationem, in vino vel iusculo dissoluta, bis in die, sc. manè ante solis ortum & vesperi ante somnum exhibenda.

At si æger hanc, tanquam resinofam, & potiones turbantem fastidiat sequenti forma liquoris, rubini instar pellucidi, vt liberum erit : ℞. Aquæ stillat : Hyperici ℥ij. Essentiæ huius in ea dissolvenda ℥ij : Sacchari ʒij : toties per linteum coletur, donec clarescat, ejusque 3. vel 4. cochlearia manè, & serò exhibeantur.

In hac præparatione, resinosa quidem substantia, inter colandum, linteis adhærescit ; ea tamen pars, quæ in ∇ solubilis, & cujus vires, ad plures morbos satis efficaces deprehendi, hac ratione obtinetur. Cæterum essentia hæc ipsis floribus, aut oculis Hyperici siccatis ad Antidotam magnam multò conuenientior est ; vt etiam illa, quæ paratur ex centauryo minore, resis, scordio, & cæteris quæ viridia passim, nobis occurrunt ; hoc modo n. ipsa composita, altiore virtutis gradum consequerentur, nisi obstaret nescio quæ stoliditas, ac vana religio eorum, quæ veterum inuentis addere criminis loco haberent ; quod alioquin salva antiquorum autoritate, incrementum rei medicæ illustre adferre posset. Hi vero nullo modo, nisi ignauia, & fuga laboris meliora inquirendi, excusari possunt. Dosis huius essentiæ, in quavis medicamento formula, à 10. vsque ad 30. grana offertur.

CAP. V.

De Modo extrahendi essentias, ex herbis viridibus, & in primis ex Plantagine.

Est & ipsa Plantago nobilium herbarum, quæ ideo quod passim obvia sint, vilipendentur, haud postrema. Essentia eius vulgari isthoc modo paratur. Succus expressus ex foliis Plantaginis latifolij electis, & viridibus, ovi albumine depuratus per pannum colatur, ac porro ad mellis consistentiam inspissatur. Hac methodo ex cichorio, fumaria, acetosa, & quibuscvis aliis herbis succulentis, essentiæ educuntur. In prædicta essentia notatu dignus, animalium hepati prope similis, & in aliis extractis nondum conspectus color, occurrit ; qui essentia in ∇ soluta & paucis $\frac{1}{2}$ Viëtrioli guttis instillatis, in rubescentem, & serè incarnatum colorem mutatur.

Vsus eius ad eodẽ affectus, ad quos à Botanicis herba ipsa commendatur : Cæterum ad inflammationes hepatis, & sanguinis, prodeuntibus vrinis luteis & rubente colore tinctis, subsistente adfundum, materia spissa bolari, ad ardores item, & vlcera renum, spyncteris, vesicæ, gonorrhæam purulentam, & putidum mulierum cum exulceratione fluorem, hydropem, & vitia alterati hepatis, ex nimia vini ingurgitatione, vrina quodammodo subsistente, & prædicto colore affecta, huius simplicis, quauis forma, præcipuè vero essentiæ eius admirandas & plurium aliorum, quæ ex operosa hepaticorum congerie, concinantur, medicamentorum, præstantiores vires esse, ipsa experientia magistra cognouit. Eius vsum 3. vel 4. dies continuatum, vrinæ non modo in colore, sed & quantitate mutatio consequitur ; & simul immoderata sitis compefcitur : Quod vnicè omnibus

omnibus hydropicis in votis habetur. Existimo equidem, si ab vilo simplici, in hepatis substantia læsa, ab hoc præcipue, præ omnibus aliis, auxilium expectandum esse. Quantum vero in chirurgia valeat, neminem artis hujus peritum latere potest.

Dosis est à ʒβ ad ʒj & amplius, pro natura ægotantis, in propia ∇ stillatitia, aut hordei, vel brodio: Additione raro opus est; ni placeat aliquot guttas ∇ vietrioli, cum portiuncula sacchari iungere. Chirurgi hanc ad potiones vulnerarias, in fauciatu hepate, & renibus læsis expetunt.

CAP. VI.

De Essentia Centaurei minoris.

SVnt quidam, qui Galenum, Medicorum dogmaticorum principem, de Centaurei minoris facultatibus, integrum libellum scripserisse autumant: Eius vero essentia paranda modum, Dioscorides tradidit: Et talem quidem ipse sequor.

℞. Huiusfolia cum floribus, dum maxime turgent, decerpta & contusa & s: q: ∇ madefacta, in cucurbita, alembico cæco munita, per 24. horas B calori maceranda impono; ex iis porro succum expressum, & albumine oui clarificatum, ad consistentiam, vt de aliis dictum, euaporatione redigo. Hoc modo, ex Veronica, Verbenā, Pilosella, Agrimonia, & cæteris herbis minus succulentis, essentia extrahuntur: Quarum maiorem, si quis copiam desiderat, ei infusiones aliquoties repetere, vel vna vice, aliquot cucurbitas replere licet. Potens est in hepatis, & lineis obstructionibus, ictero, sanguine corrupto, hydropē, mensium suppressione, venenis frigidis, & lumbricis; præcipue contra prolixas & implicatas, à bile, & viscida pituita febres, harum materiam promptè educendo effi-

Ang. Sala.

CAP. VI.

cax est; eoque amplius laudatur, quod viscerum oppilationes tollere, putredini resistere, & membra corroborare potis sit; quibus scopis, ejusmodi cura ferè completur. Dosis eius à 10. ad 30. grana, in massa pillularum, vel liquoribus appropriatis.

CAP. VII.

De Essentiis in genere ex fructibus.

SVcci ex fructibus, sc. vis, cerasis, pomis, sambuci baccis recens expressi & decoctis à Medicis Sape vocantur: Quarum parandi modus, non modo Pharmacopæis cognitus, sed etiam lippis & tonsoribus vsu innotuerunt easque tum in cibum, tum agritudinum curationes adhibere edocti sunt. Has tamen ex classe essentiarum relegandas esse non judico; ideo quod potiores suorum simplicium substantiam contineant; Vulgarem tamen modum minimè probo; cujus error tum in clarificatione, tum coctione, manifestus est; quoniam nihil de fæculenta substantia, expressione collecta separatur; vnde hæ sape crasse, & tenaces existunt: Secundo in vasis cupreis, quorum virorem aliqui succi facile imbibunt, valido igne percoquant: Contra ac Chymici faciunt, qui hos probè clarificatos, leniore igne inspissare solent.

CAP. VIII.

De Essentia Tamarindorum.

FRuctus Tamarindorum, à peregrinis regionibus ad nos delatus, plurimo vsui in re medica destinatus, & vulgò cognitus est: Cujus essentia sequenti modo paratur.

℞. Fructus Tamarindorum lb 3. vel quatuor, recentioris nimirum (qui colore fusco & splendente, sapore vero instar pomorum Citri acidulo, intermixtis filamentis, & ex granis durioribus arri-

det; his n. notis non præsentibus, fraudis, & alienæ mixturæ suspitione carere nequit) huic in patina vitrea, tantum aquæ calentis affundatur, vt pulmenti instar, liquidum euadat, ac cochleari ligneo agitur, donec villis, & granis subidentibus, caro acida, aquæ penitus commixta separari, ac demum percolata, & adjectis aliquot albuminibus ouorum, in cucurbita, alembico cæco munita, 3. vel 4. horas, bullientis aquæ feruore macerari possit; & hoc peracto, iterum per pannum, leui aliqua expressione percolata, leni denique calore, in patinis vitreis, ad mellis consistentiam euaporet.

Vires: Ad febres eruptas, malignas, ac etiam biliosas intermittentes, quarum feruorem mitigat, nec non effervescentias, ac sanguinis ebullitiones comprimit, eumque fuligine adestorum humorum liberat, putredinem corrigit, sitim sedat, facultates naturales fulcit, & spiritus vitales recreat, biliosam congeriem per alvum, & vrinam subducit, prodest in affectu scorbutico, & omni fœditate cutis, à biliosis, adustis, & salis humoribus; vtpotè scabie, prurigine, impetigine, pustulis curandis excellit.

Potus admodum salutaris, in gratiam ægotantium, vt sequitur paratur.

℞. Nimirum mensura vna cum dimidia lactis caprini, cui in ∇ bulliente ℥j, huius essentia in ∇ eichorei dissoluta, ad separationem caseosæ substantiæ infunditur, eaque demum colata, & albumine ovi depurata, particula sacchari temperati, & corticibus citri temperatur: Variè autem cum variis, pro solertis Medici iudicio medicamentis, misceri potest. Dosis à ʒβ ad ʒj aut ʒiβ.

CAP. IX.

De Essentia fructus rubi Idæi.

Leuī opera, huius succus probè clarificatus, vt rubinū colorem referat, ad

sæpius repetitam consistentiam coagulatur; eodem modo, quo fragorum, mororum, granorum Sambuci, ebuli, & aliorum fructuum succulentorum inspissatio peragitur. Colore, odore, & sapore commendabilis est, in morbis calidis Zulapiis mixta.

CAP. X.

De Essentia granorum Alkekengi.

COquantur grana Halicacabi, s: q: Δ, eorumque decoctum expressum, clarificatum, eodem modo, quo Dactylorum jujubum, sebesten, & passularum minorum in spissatur.

Specifica est in calculo pellendo; Exhibetur à ʒβ ad ʒij, in iusculo carnis, aut alio decocto conueniente.

CAP. XI.

De Essentia Myrobalanorum.

MYrobalanorum fructus, eorumquē 5. generum, colore, & magnitudine differentiam, prunis propemodum similes, suis quoque nominibus distinctos, nobis India suppeditat. Ad purgandum sanguinem, & corporis habitum vitioso humore refertum, magnoperè valent; diuersi diuersos tamen humores ciendo: Nimirum aliqui phlegma, alij flauam, vel atram, piritam: salsam, aut mixtos humores, denique partes nobiles, cum earundem facultatibus conseruant. Hinc etiam antiquis, à Medicis in pretio habiti fuere & ad præcipuas confessiones, ac pilularum massas contra fixas morborum radices, ac sanguinis corruptionem inuentas, præ aliis ferè, requisiti sunt. Plurimi Medici ea in sententia versantur, hos antequam ad nos perueniant, indurati, & exsiccati, purgandi facultate, si non ex toto, majore saltem ex parte exutos esse; ac vim adstringendi potius, quam laxandi in iis dominari; vt

alius sapor acerbus, & stipticus testatur, præsertim citrinorum; quibus vix aliud hujusce qualitatæ respectu præferendum: Hinc rarè illis solis, sed aliis mixtis catharsis instituitur. Vt ut se res habeat; ijque purgandi vi parum valeant; experientia certè constat, hosce materiam peccantem alterandi virtute polle- re, & purgantia ad certos humores dirigere, ac moderari posse. Sequitur processus talis. Myrobalanis confractis & grosso modo pulveri satis, demptis, ac rejectis nucleis, in cucurbita, aqua fontana, vel quævis alia ex destillatis conueniens q. s. ad extrahendam eorum substantiam, affundatur & leni B. calore cæco imposito 5 dies digerantur: Succus expressus, colatus, clarificatus, in concha vitrea, ad consistentiam lentè inspissetur cauendo interim eum ferrea spatula tangere. Hujus essentia virtutes, cui placuerit, ex ipsius fructu, apud diuersos authores descripto, colligere licet.

Vsus: Potest essentia hæc, quibuslibet compositis; vtpote Electuariis, Pilulis, Morsellis misceri. Vnum hoc notandum; præstare hanc, cum præter stipticam facultatem, insigni acrimonia excellat, semper emollientibus mixtam exhibere. Turpiter vero hallucinantur ij qui has essentias, correctionis igitur, sero lactis extrahunt, ob crassam, lentam, & caseosam substantiam, illi conjunctam, quæ temporis progressu olidas ac rancidas reddit; vnde illis plus detrimenti, quam commodi accedit: Nec illi errore eximuntur, qui succum pomorum dulcium, in hunc usum exigunt; siquidem eo modo compositum fit; & pars, quæ de succo pomorum inspissatur, illam de Myrobalanis, longè excedit: Consultum ergo potius, illam simplici forma elaboratam, sub ipsum usum additione aliarum rerum corrigere. Dosis eius à ʒj ad ʒss.

C A P. XII.

De Essentia Pomorum dulcium.

Etiam hic fructus, in foro medico, ob virtutes suas, locum obtinet, quando quidem ad affectus melancholicos celebris est; quorum causa etiam, Sirupus ille Regis Sabor inuentus est: Cui ob lenientem, & suauem temperamenti qualitatem essentiam hanc præferendam iudico.

R. Succi pomorum dulcium, redolentium, loco aprico natorum & aut residentia, aut colatura, seu per aliquas horas, Balneo Mariæ bulliente depurati; cuius beneficio, crassum à claro, & subtili sequestratur, vt faciliè filtratione, separari possit: Qui porro ad modum aliarum essentiarum, lento igne inspissatur. Hæc essentia colore pellucido, subfusco, & sapore admodum grato adblanditur & qualitas statulenta, quæ omnibus fructibus horariis inest, hoc modo consumitur.

Ad cuius exempli imitationem, ex omnibus fructibus succulentis, essentia extrahuntur; exceptis illis succis acidis Berberum, Malorum Citri, Limonum, Granatorum, quos quantum vis moderato calore, coagulare quis tentet, aut coloris iacturam, aut saporis grati, in amarum mutationem faciat, necessum est: Quocirca ad sirupos, aut gelatinas conficiendas aptiores sunt.

C A P. XIII.

De Essentia Scortizonæ.

Radix hæc ob nobiles suas qualitates magni fit: subamara, & adstringens masticando percipitur; calidis æque, ac frigidis morbis commoda: Cordis imbecillitati, contra venena, & pestiferos insultus opitulatur: Obstructiones.

partium principum euincit, simul putredinem humorum coercendo, ac superfluum ex massa sanguinis impuritatem, partim per urinæ ductus, partim per sudorem, aut insensibilem transpirationem euacuando. Sequitur nunc essentiae præparatio.

R. Radicis Scortzonæ, nec nimis sicca, nec nimis recentis, & cruda, in taleolos concisa lb j; quæ, aquæ fontanæ lb vj affusis, Balneum Mariæ fervente 8. horis maceratur: Exin eius decoctum, expressum, ouorum albumine clarificatum, per pannum colatum (quod ad nauseam fere, in aliarum præparatione, sæpe inculcatum est) tandem coagulatur: Ipsum colatum in vitro, aureum colorem representat.

Dosis ejus à ʒj ad ʒj, per se, vel aquis destillatis, liquori, aut mixturæ alicui juncta: Cæterum ad mensuram vnam potus ordinarij ægrotantium, ʒj sufficit: Magnis viribus prædita est ad venenatam, & contagiosam luem, febres tertianas, & quartanas ex humorum putrefactione resultantes, Cachexiam, hydrophem, morbum gallicum, aliosque affectus corrigendos. Ad præscriptam normam, essentia radices Tormentillæ, Ononidis, Cichorei, Petroselinii, Sarzaparillæ, Chinæ paranda veniunt.

C A P. XIV.

De Essentia Glycyrrhizæ.

Hæc radix familiare, & cum hominis temperamento maximè conueniens medicamentum est: præter insignem dulcedinem, humectandi, mollificandi, & blandè abstergendi facultate, raucedinem, asperitatem, & erosionem faucium, pulmonum, pectoris, stomachi, intestinorum, renum, vterum, spyncteris vesicæ, membri virilis, omniumque cavitatum, corporis humani, ab acrim, & salforum humorum decubitu; modo

catenus penetrare possit, bellè demulcere assolet: Variis inde symptomatibus exortis, tussis nempe, suspirijs, astmati, urinæ suppressioni à calculo, gonorrhæa, & renum impuritati oppidò auxiliatur: Hinc varia, solida, & liquida forma, per se, aut aliis mixta, in vsum venit: Cum vero aliquibus suspecta sit, quod ventriculi vim retentricam exsolvat; Medici prudentis & circumspecti est, vsum, & dosin moderari, adhibita consideratione temporis, & habitus patientis. Sequitur essentia.

Radices Glycyrrhizæ recentis rasæ & in taleolas minutas concisæ lb j, affusa mensura vna & semis aquæ fontanæ mediocri B calore, per 24. horas maceretur: Si nobilius medicamentum quis expetit, infusum hoc, sine expressione decantatum, alteri lb recentis Glycyrrhizæ, in omnibus vt prius procedendo affundat & vt sæpius hæctenus docui, ad talem massam redigat, vt pilulæ prope modum ex ea formari possint. Nota, hoc infusum clarificatione, per ouorum albumina, non indigere. Omnibus in vniuersum affectibus, quibus alias succus Glycyrrhizæ cõpetit, hæc essentia tutior est, & cõmodior.

C A P. XV.

De duplici essentia ex ligno Quajaco parabili.

OB vtilitatē quidem in vfu medico, hoc lignum, sanctum vocari meruit; nihilominus sine ratione, & methodo vsurpatum, propter exsuperantem siccam, calidam & acrem qualitatem, damnum asserre potest: Et vt exterior ligni facies, alba, læuis, & arida, interior vero subnigricans, grauis, pinguis, & crassa conspicitur, ita duplices reapse differentes substantiæ, prima ♀, altera instar resinæ, oleo solubilis, sequenti modo extrahuntur.

Rasuræ ligni totius lb iij, in vesica

stanno obducta, aquæ fontanæ sex mensura affundantur, & alembico cum refrigeratorio appposito, destillatio per 24. horas continetur; aqua quæ promanauit sæpè iterum per canalem vesicæ infusa; aut rasura hæc, si laboris non pigeat, in cucurbita forti B. fervore per 3. σ macerari potest: Hinc infusum albumine oui clarificatum, in essentiam condensetur. Est ejusdem cum decocto communi vsus, in potu ordinario, brodio carnis, vino, seu cerevisia dissoluta, & exhibita; quam cum alijs essentijs refrigerantibus, pro varia humorum, & corporis constitutione, ac diuerso Medici scopo, miscere, & temperare conuenit. Dosis pro ciendo sudore, à ζss ad zss , eadem vero proportio, ad duas mensuras potus ordinarij conuenit.

Alterius parandi modus hic est, quem in extractione florum hyperici videre est. Scilicet hujus ligni parti interiori, nigricanti, & sub pingui, s. q. spiritus vini affunditur, in B macerando, donec saturato colore tinctus, porrò à parte resinosa, quæ essentia ipsamet est; separari possit: Vehementi acrimonia, linguam ferit: Eius usum internum nondum tentari, non tamen dubito, quin is tutus sit; dummodo in forma boli, conuenienti vehiculo jungatur: externè vero in emplastris & vnguentis, ad vlcera venerea, tophos, & gummosos tumores quippe quos valide abstergere, siccare, & resolvere potis est, mihi admodum familiaris existit. Idem operandi modus, ex omnibus lignis extrahendi, vna hac distinctione facta, quibus ∇ simplex, & quibus spiritus vini conueniat, obseruandus est.

CAP. XVI.

De facula Aronis extrahenda.

EX aliquot radicibus, farinacea quædam substantia separatur, quæ quod

sponte more facum, in alijs liquoribus, ad fundum secedat, hac appellatione venit; nihilominus tanquam extractum quoddam, suum in Medicina locum obtinet: Hic primo loco processum de facula Aronis, vt sequitur, trado.

Tempore vernali, mense Martio aut Aprili majoris, seu minoris Aronis radices, exteriore cortice liberatæ, in mortario lapideo conquassentur; dein affusa quantitate aquæ, vt pulmentum crassitie æquet, & sacco conclusæ prælo exprimentur in ollam vitream: Remanentia, vt prius iterum cum ∇ , contundantur: Expressum (opus hoc toties repetatur, quoad, amygdalinum lac, colore referat) in aliam ollam probè testam reponatur: farinacea substantia, intra biduum, in fundo collecta, aqua per inclinationem separata, vitro inducitur, ad modum margaritarum, aut corallorum præparatorum, & loco congruo anemio exsiccare permittatur. Ita facula paratæ sunt, quæ ex prima, & secunda expressione, candidæ instar niuis, subsequentes verò, grisei coloris, ferè conspiciuntur. Sic ex radice Serpentariæ, facula colliguntur. Ari qualitas calida, sicca, & acerrima est; quamvis primo linguæ contactu dulcedinem præferat, tandem exurentem vim, qualem vix piper hispanicum obtinet, exferre solet; imo manibus tractatum, non minus, quam Thyrmalus, aut Ranunculus, exulceratione vesicas inducit: Cæterum maligna, & virofa affectione caret: dicitur Teutonibus Zingiber germanicum, quod quidem calore æmulatur, acrimonia vero superat; qua debita preparatione liberatum, illustre medicamentum euadit, ad dissoluendum tenacem, & glutinosum humorem tartaro permixtum, & inde natos morbos, tussim videlicet, orthopnæam, obstructions viscerum à crassa pituita, febres quotidianas, vt & tertianas spurias, ac prolixas, quarum fomes,

ex bile crassa, cum viscido phlegmate diutius subsistit, urinam mouet, vrteres, nec non vterum à limosa frigida colluue purgat, menses ducit, & in conjugalem amplexum seigniores excitat, pestem, & malignitatem arcet, stomachum flatibus & pituita infarctum extergit: Qua ratione Quercetanus, Arum in Tragea quadam stomachali, & pluribus alijs compositionibus, vt videre est, in pharmacepæa dogmaticorum restituta, summopere extollit. Summatim omnibus affectibus, ad quos alias ipsum Arum commendatur, ob qualitatem acriorem depositam, fæculæ aptiores existunt, inprimis ad expectorationem lentæ, & pectus grauantis pituitæ: nec non purgantibus mixtæ, ad thoracem, ventriculū, mesenterium, & intestina, sine molestia mundificanda, ipso ferè Agarico trochiscato præstant. Dosis eius ʒj plus minus pro re nata.

CAP. XVII.

De Extractione fæculæ ex Brionia.

Vix locus patet in Germania, in quo radix Brionia non se offerat, odore & sapore valde ingrata; bilem cum pituita, & sero non sine molestia exturbat: fæculæ ex hac hunc in modum fiunt; Radici Brionia, vt supra in Aronis preparatione, contriti parum ▽ Melissæ affunditur in olla vitreata, liquore paucis post horis separato, in fundo, fæcula niuei coloris reperta, & exsiccata in vsum asseruatur.

Hac præparatione Brionia, qua odorem, qua saporem gratior euadit, seruata facultate detergente, qualis radice Aronis est, adeo vt etiam in morbis pectoris & aliarum partium, ex viscosa congerie productis, epilepsia item & suffocatione vteri per se vel cum dosi eadem quæ fæculæ Aronis: Eadem methodo, ex omnibus radicibus v. g. liliorum alborum, peonia, quæ farinacea substantia præditæ sunt, fæculæ extrahi possunt eiusdem

cum ipsismet radicibus virtutis, facillioris vero, & tutioris vsus.

ESSENTIARVM VEGETABILIVM
Anatomes.

SECTIO III.

Agitur hac sectione, de ratione exsiccandi, & conservandi simplicia, quæ aliter in vsum ducenda non sint; nec non de differentia recentium & aresactorum; demum de methodo essentialium parandarum, ex siccis, odoriferis, calidioribus, ac aromaticis simplicibus.

CAP. I.

De modo exsiccandi, & conservandi simplicia.

Necessaria est hæc inuentio, quando quidem per totius anni decursum, viridum copia non detur, & putridorum vsus abominandus sit; restat, vt in ijs exsiccandis opera nauetur; sine qua etiam nobilissimis aromatibus, quæ nobis peregrinæ regiones suppeditant, carere cogemur. Quanta vero pharmacopæorum quorundam, qui vix nomen, & ofam merentur (excipio artis peritos & industrios quos hæc nullo modo tangunt) supina in hoc negligentia sit, nemini non constare arbitror; quorundam dico, qui herbas collectas, in tabulato aliquo, superioris contignationis, catiis & muribus permingendas, araneis item, & muscis, ac omnibus sordibus puluerulentis conspurcandas exponunt; nihil minus curantes, vtrum sole, vel umbra, vdo, vel sicco aëre afficiantur, vnde nativæ qualitatis magnam mutationem, ne dicam, corruptionem patiuntur: Has porro in saccos, vel scatulas rimarum plenas, per quas aër humidior subeat, recondunt, aut fasciculorum forma, in conclauis aliquo, situ, & fatore pleno, suspendunt; vnde

effectū exoptato, & Medici, & ægroti defraudantur.

Quandoquidem igitur, ad exsiccandi commoditatem hanc, solis efficacia aut aëris puritas, septentrionalibus hisce plagis, non ubique sufficiens; nihil commodius erit quam in hypocausto calido, in quo circumcirca, 6. circiter pedes, distantia sustentacula, parietibus affixa, quibus tabulata innitantur, per medium, aut linteamine crudo, aut viminibus, cribri forma intertexta sint ac super iis, eodem caloris gradu, singulis decem horis, herbas vertendo exsiccare. Quomodo ritè exsiccatæ, vt etiam intra digitos conteri possint, in ampullis vitreis aut vceolis transylvanicis, mundis, & siccis, corio, & subere probè obturatis, reponuntur. Hac industria Rosas incarnatas, & rubras, quæ faciliè alioquin primam faciem mutant, per plures menses, odore, & colore integerrimas; flores item Malvæ, colore cum violis certantes conservauimus. Ita nimirum omnes herbæ, cortices, radices, ex his crassiores in taleolas concisæ, viribus diu valentes, & ab aëre qui iis maximè infestus, situm, ac ferè putredinem adfert, immunes redduntur. Observandum quinetiam, quandocunque farragine herbarum, exhalationibus stussa nimis repleatur, iis per apertum ostium, aut fenestram patentem exitum deberi, nec calorem vehementiorem conuenire, quo simplicia, præsertim pinguiora proprio humido quasi effervescentia, natiua qualitate, & tinctura spoliantur; nec sine damno remitti, siquidem vapor, ex illius remissione condensatus, denuo herbis incumbens, & aliena qualitate eas imbuens harum colorem corrumpit. Si cui herbarum siccatarum copia nullo vsui sit, aut is hypocausto tali careat, ergastulum aliquod ex ligno constructum, suppositis in fornace carbonibus sulphureo fæctore liberatis, ad hunc vsu accommodare poterit.

CAP. II.

Quid herbarum viribus exsiccatio detrahat, vel addat.

Quandoquidem per hanc, simplicia cuncta sicciora, & calidiora cum adstrictione quadam, temperamentum fortiantur; dubium an non sic quoque propriarum virium iacturam patiantur: Quod hac ratione tollitur: Nempe hæc persistentibus partibus essentialibus integris, quas in prima elementorum mixture, ex naturæ decreto, vt in primo capite, primæ sectionis docui, consecutæ sunt nullam facultatum labefactionem pati posse; has vero omnes in ritè exsiccatas, nec ætate, aut proprii humoris putredine confectis periisse, nullis argumentis quisquam probare potest; id enim humidum, quod exsiccando consumptum est, substantiale, & proprium non fuit, sed superfluum, & excrementitium, utpote alimenti ex terra hausti, residuum quid, plenum adhuc flatulenta cruditate prius vero, & natium, cum cæteris substantiis elementaribus genuinis & illas, in exsiccatas, superesse ipsius Vulcani operatione conuincimus; ac consequenter eorundem vires incorruptas coexistere. Quemadmodum enim frumentum moderatè siccatum, facultatem nutriendi nihilo secius servat; ita virtutes, calidorum, siccorum, maximè odoriferorum simplicium, superflua, qua obtundebantur, humiditate, tanquam compedibus liberatæ, conspicuæ magis, & euidentiores fiunt; paucis illis, iisque non magni momenti exceptis, ob vim laxantem, actuale humiditatem, & refrigerandi virtutem expetitis. Caterum, quamvis simplicia sicca, ferè ad compositiones requirantur, recentibus tamen in essentialium confectio potior locus, & pretium existit.

CAP. III.

Quid in extractione essentiarum, ex calfacientibus, tenuis, & odora substantia vegetabilium observandum.

Simplicia odorifera, ut plurimum calida, & penetrantia, partibus aërijs, spirituosius, & sulphureis referta sunt; quæ à terrestri concretione, actione ignis operante, euaporando facile separantur: adeo ut in horum extractione, decoctione, infusione, quin subtilioris, & spirituosae partis quidpiam, in auras euolet, ac sic harmonia partium substantialium immutetur, difficulter impediri possit cuius dissolutioni sicca, quam viridia, magis obnoxia sunt. Quandoquidem in illis partes spirituosæ, & crassitie humoris liberæ magis attenuatæ, & penetrantiores existant; sequitur eas, actione ignis accedente, celerius moveri, & volatilitate sua auras petere, quam in viridibus, quæ humido cuidam crasso, adhuc immerse & alligatæ hærent; ut spiritus vini in musto, antequam fermentationis beneficio, à crasso vinculo solutus, naturæ propriæ reddatur, vix manifestus est.

Nec tamen idcirco volo, essentias ex dictis simplicibus, maximè siccatis, rejiciendas, aut potius talia in substantia tota exhibendas esse, quamvis enim cā in præparatione, aliquid de substantia spirituosâ amittant, tanta tamen ipsæ superest, ut ad nobiles operationes edendas, satis efficaces adhuc existant, ut quotidiana testatur experientia: Suadeo tamen, ubi recentes in promptu sint, ex ijs potius quam exsiccatis, essentias parare, & quæ aromatica non nisi sicca, ad manus nostras veniunt, ea summo studio tractare quò tenuis, & oleosa pars, ipsis essentijs conjuncta maneat, eaque viribus vegetiores persistant.

Nota: In comparatione essentiarum

eas in nobiliore qualitatē quā quantitate obtinendi studio duci magis conuenit; ideoque rebus, menstruum minima, quæ sufficere possit copia, nec iteratò affundi, ne vires simplicium, in maiorem, quam par est, liquoris molem, quæ etiam longius, ad euaporandum in igne, temporis spatium requirat, nimis diffundantur. Diuturniore enim, super igne, euaporatione, notabilem virium jacturam faciunt, quandoque etiam fit ut largiore menstruo, eiusque repetita affusione, partes in idoneæ, terrestres, insipidæ tandem eliciantur, quæ extracto commixtæ, deterius id reddunt.

Observandum quoque, longa, aliquibus chymicis visitata, digestionē, essentiarum virtutes imbecilliores reddi, quod pluribus, tractatu de oleis destillatis demonstrabo.

Vltimo præstat, infusum in plures conchas distribucere quò citius exhalatione ad consistentiam perueniat, quod alias vnitum, maius tempus, cum extracti detrimento postulat.

CAP. IV.

De Essentia oculorum Absynthij.

Absynthij herba nulli ignota essentia hoc modo absoluitur. R. oculorum Absynthij siccatorum, mox in flores flavescentes erumpentium, & minutim incisorum ℥ ss, quæ post affusionem aquæ Absynthij ℥ iij in diplomate 12. horis digeratur. Infusum, expressum, colatum, & in aliquot conchas diuisum, super vapore aquæ calentis, ad olei spissitudinem, ac tandem in vnam concham iterum conjunctum ad pilularum consistentiam coaguletur, ex ℥ ss oculorum, ʒ j essentia obrinetur. Restat quidem in remanentibus, amara qualitas Absynthij, quæ illa copiosis viribus prædita esse arguit: Ego vero prima, utpote nobiliore extractione, contentus, illam cui placet relinquere.

Est

Essetiam essentia formæ liquidæ, spiritu vini extracta, ad vinum Absynthij ex tempore parandum in usu; quam si quis solidiorem, spiritus vini abstractione reddere tentabit, prodibit is amarissimus, potissimas in se Absynthij virtutes continens relicta massa invalida secus ac fieri solet, aquæ affusione, quæ iterum vapore balnei, vix censibilis amaritudinis particeps separatur, mediante qua, omnia simplicia, resinosa substantiæ expertia extrahuntur.

Cæterum odorata calida, vt & Majorana, Melissa, Basilicum, Thymus, Rosmarinum, Salvia, Dictamnus Creticus, Origanum Creticum, Mentha moschati-
na, Schænanthum, Scordium, Folium Indicum; & similia in essentiam, eundem ad modum, elaboranda sunt, etsi consistentiam, neque æqualem, neque tam solidam, vt Absynthium consequi possunt.

Easdem quas Absynthium vires, huius essentia continet; præcipuè in pilulis, emplastris, vnguentis, roborando stomacho dicatis; contra pestem, & lumbricos plurimum valet: Quoad cætera viribus cum Aloë, propemodum conuenit; in purganda bile, & pituita abstergenda, somno alliciendo quoque expediens, quamvis calida, & sicca, contra antiquorum erroneam opinionem, qui huius potentiæ medicamenta, sine discrimine frigida esse docuerunt.

C A P. V.

De essentia Rosarum rubrarum.

Essentia hæc à Chymicis vulgò tinctura Rosarum vocatur, sed propria confecto sententia, & huiuscemodi extracta, cuiuscunque coloris sint, essentias voco, nam si in his coloris ratio habenda esset, omnes essentia tincturæ nomine venirent, cum plerumque aut saturatam rubedinem aut prassinum, fuscum ex viridi

Ang. Sala.

flauescentem, nigricantem, aut quævis alium colorem representent. Quidam ad hanc extractionem ∇ spiritu vitrioli acuata, ita eam melius perfici credentes, quod nullius est momenti; siquidem hac color tantummodò exaltatur, extractione nihilo meliore sequente, quod experiri facilis labor, communi sc. infuso, vel decocto rosarum rubrarum, aliquot guttulæ spiritus vitrioli, sulphuris, salis, nitri, instillatæ similem colorem conciliabunt; quo modo ipsa conserva carmesino colore tingitur: Quod nec mulierculis ignotum est, floribus enim caryophyllorum, & rosarum arcaetis, similibus salinis spiritibus reuocant, quin etiam charta cærulea & flores huius coloris, cum horum aspersione, cum rubro permutare solent; nec etiam de Gallarum essentia est, nigredo illa, quæ vitrioli additione, in eius extractione, per aquam simplicem instituta exoritur, quales accidentales rerum mutationes, ad mixtionem aliorum, in chymicis operibus, non infrequentes occurrunt, vt in tractatu meo de septem Planetis terrestribus planum faciam: Quem tamen errorem, quo sepius turpiter labuntur, rudiores Spagyri sibi remonstrari agrè ferunt. Posito vero, non concessio; horum spirituum additione extractionem promoueri, restat tamen dubium, vtrum hi spiritus, qui in separabiliter cum essentijs cohærent, earundem naturæ conueniant; sic ne essentia Rosarum aut quævis alia vitriolata simplex nominari potest: Interest enim, has in simplicissima sua, quantum quidem per artem licet, substantia obtinere; cui vero alterius intentionis ergo, spiritum vitrioli jungere visum est, sub ipsum exhibendi tempus, commodius id facere licet. Eius autem parandæ modus mihi vñtatus talis est: Rosarum rubrarum, resectis vnguib, seu parte flauescente, minutim concisarum ʒij affundatur aqua Rosarum, aut huius defectu aqua fontana destilla-

C

ta, & in Balneo Mariæ, 6. horis macerata exprimantur, quibus rejectis, in hoc ipso liquore expresso, recentes bis vel ter denuò infundantur; colatum porro albumine ouorum clarificatum coagulatur. Hæc essentia colore rubens, omnibus affectibus, ad quos ipsæ rosæ conueniunt, peridonea est. Sic ex Salviæ, Rorifinarini, Cheiri, Iasmini, & caryophyllorum floribus, essentia extrahuntur. Dosis à ʒj ad ʒj cum vehiculo congruo.

CAP. VI.

De Essentia Croci.

CROCUS, vbiq; gentium, ad rem cibariam adhiberi solitus, nihilominus in Classe nobilium simplicium, quæ vitali robori addere possunt, numeratur, adeò, vt haud immeritò, aurum vegetabile vocetur. Essentia eius extrahitur aqua Rosarum, aut Naphthæ, & ne mucagine, quæ infusioni tali commixta manet, eam temporis progressu rancidam reddat, oui albumine clarificatur, & ad mellis consistentiam inspissatur. Hanc pellucida rubedine, blandientem, essentia cum spiritu vini parata, præferendam iudico: quæ intus, & extus adhibita, ipsius integri croci vice fungitur, & à gr. j ad vj in congruis liquoribus propinatur.

CAP. VII.

De Extractione essentia, ex Caryophyllis, ac alijs aromatibus.

QUAMVIS essentia aromatum, quam reliquorum simplicium rariores sint, quod in puluerem comminuta, & in compositis, & per se adhibita satis efficacia sint; ordinis tamen ratio has præterire non permittit. Caryophyllorum ʒij affusus aquæ destillatæ ʒxij & spiritus vini ʒij β, Balnei Mariæ calore, in cucurbita probè conclusa, 24 horis macerantur: Infusum porro colatum expressum per

residentiam depuratur ac liquor ad tertias Balnei Mariæ abstrahitur, qui ad aliorum Caryophyllorum extractionem; aut alia quædam, siquidem sapor efficaciam superesse arguit asseruatur, & id quod restat, in concha ad consistentiam redigitur. Sic ex Cinamomo, Galanga, Zingibere, Pipere longo, & rotundo, Cardamomo, Calamo odorato, Granis paradisi, Spica indica, Zedoaria, & cæteris aromatibus extractiones institui possunt. Causa, cur spiritus vini aquæ jungatur, hæc est, quod præter bonam partem essentia in ∇ solubilis, alia resinosa supersit, quæ non nisi spiritus vini (cuius quantitas pro copia, eiuscemodi substantia, augeri, vel minui debet) commodè educi potest. Ad morsellos, tabulata, pillularum massas minore quâ pulueres quantitate appositè adhibentur, nec non in epithemata, vnguenta, balsama, emplastra, quæ contra cordis, stomachi & vteri imbecillitatem externè imponuntur, vtiliter recipiuntur.

CAP. VIII.

De Essentia corticis Citri.

FLAUEDO corticis Citri puluerisata, affusa aqua fontana 24. horas Balneo Mariæ bulliente maceratur, infusum colatum, & albumine oui clarificatum inspissatur more solito, quemadmodum è corticibus Limonum, & Aurantiarum, extractiones fieri solent. Dosis à ʒβ ad ʒj.

CAP. IX.

De Essentia radicis Angelicæ.

DOTA est hæc radix, substantia aromatica, & resinosa, quæ propter eius essentia ad normam paulò ante Capite septimo traditam paranda; aliarum similis qualitatibus, ac ferè veneno repugnantium radicum modo; vt sunt, radix Im-

peratoria, Valeriana, Carlina, Petasidis, Aristolochia, Gentiana; quarum essentia haud difficili opera extrahuntur.

C A P . X.

De Essentia resinosa ligni Aloes.

Nobile hoc lignum, inter cordialia primatum obtinet, & dolendum eius non nisi parva segmenta, ad nos deferri. Reperiuntur imperiti pharmacopolar, qui speciem ligni ponderosi, & nigricantis, in longa, & laeva frustra* disseci, sine aromatico odore, & sapore, in grato fumo, mox igne in cinerem fatiscens, pro vero Xyloaloe (post habitis paruis, de genuino segmentis, quae essentiae parandae admodum conueniunt) pharmacis miscunt; quod Materialistis sic vocatis quidem in lucrum; pharmacopaeis autem in dedecus, ægrisque in damnum redundat. Essentiae parandae processus talis est: Pulveris ligni Aloes optimi (N.B. dum in pulverem conteritur, aqua rosarum, ne dissipetur, subinde aspergitur) colore sc. ex atro fusci, sapore amari, ponderosi, in igne pinguedinem picis instar exsudantis, & difficulter in cinerem, conuestibilis, odoremque gratum, & aromaticum expirantis, ꝑ j in cucurbita satis magna, & alembico cœco munita, Spiritus Vini optimè rectificati ꝑ vj. affunduntur, ac moderato calore, sine ebullitione, ne vitrum in frustra dissiliat, aliquoties interim agitando, per 3. macerentur, liquor retriggeratus alia cucurbita exceptus, reiectis fœcibus, & addita aquae rosarum ꝑ j. per Balneum Mariae, igne lentissimo destillatur, donec spiritus pulgisticus omnes exiuerint; qui ad vsum corroborantem, vel aliorum extractionem seruari potest: Restibili vero in concha vitrea reposito, cum reliquo cucurbitae adhærescente, spatula lignea abacto, resina ad fundum separatur, quae aqua Rosarum, vt odore Spiri-

tus Vini liberetur, aliquoties elota, lenissimo igne, ad debitam consistentiam cogitur, ex qua trochisci formari possint, in vase firmo optimè clauso seruandi. Pulvis ligni ab extractione relictus, etiam carbonibus impositus, vi odorifera exutus deprehenditur, quantulaeunque vero superest, Spiritus vini abstracto, facile extrahitur. Simili modo, essentiae resinosas, ex ligno cupressi, & santali albi, essentiae resinosa extrahuntur.

Hæc resinosa essentia, colore Ambrae nigrae, vel Padano similis est, sapore amariuscule, grato tamen, cum adstrictione quadam, cuius granum vinicum, carbonibus injectum, suauem, & subacidum odorem spargit, quo cerebrum, & spiritus vitales, mirè recreantur, delicatis personis, qui fumum aliarum rerum auersantur, aptissima; nec non ad pastillos ex Ambra, & Moscho pro Magnatuum suffumigiis, maximè conueniens, internè sumpta, cerebrum, cor, ventriculum, & vterum corroborat, sensus omnes, & fluxione labefactatos articulos restaurat; contagio pestilenti resistit; ac hæc omnia maiori efficacia, quam ipsum lignum præstat; quam medici in publicum ciuium commodum in magnis vrbibus tale pretium ferre valentibus, meritò parandam officinis inungere deberent: hæc etiam, ad compositiones illas trochiscos sc. de Gallia moschata & confectionem Alkermes ipso ligno multo aptior existit. Dosis eius 3. 6. vsque ad 10. grana, in pollinem redacta, cum vehiculo appropriato exhibenda, vel ex drachma huius cum ꝑ ij sacchari in aqua Melissae soluta, cum 6. vel 7. guttis olei eiusdem plantae morfuli consiciuntur. Omnes virtutes eius, & vsum describere, prolixiori, quam conuenit, labor futurus esset: Quo circa medico gnaro, & erudito, hæc sufficere arbitror.

*Succincta instructio, quomodo vires, in
essentiis rerum aromaticarum, auge-
re, & conservare conveniat.*

Quo studio essentia, ex simplicibus, quæ subtilis & volatili oleo abundant, præparentur, fieri nequit, quin partium subtiliorum jactura aliqua fiat; hanc refarciendi modus hic mihi præ cæteris placet. x. Essentia quævis, v. g. ex corticebus citri, cinamomo, caryophyllis, Roremarino, Majorana, Sassafras ad supra præscriptum modum parata; cui duodecima pars sacchari candi pulverisati, cum aliquot guttis olei ex eodem simplici destillati permixta, saccharum aliquantum humefcat, additur. Aliorum vero, resinoforum simplicium, quæ destillatione, nullum oleum fundunt, hac correctione non indigent. Omnes vero vitris, curiosè conclusæ frigido conclavi asservandæ sunt; calor enim spirituosas illarum partes euocando vires nativas plurimum extenuat.

ESSENTIARVM VEGETABILIVM Anatomes.

SECTIO IV.

*De modo essentias extrahendi ex mediocriter
purgantibus simplicibus.*

Purgantia vulgè in tres classes discescunt, quarum prima est benigniorum, ut Cassia, Manna, Rosæ, Violæ, Prunæ. Secunda, mediocrium, qualia Aloe, Rhabarbarum, Sena &c. Tertia vehementiorum, ut sunt Scammonium, Colocynthis, Elleborus, ac similia. Prima huius loci non sunt: Duo sequentia autem huc pertinent, de quibus ex ordine tractare, nunc propositum est.

De Essentia Aloes, seu Balsamo Aloetico.

ALoë est cujusdam plantæ, seu Semperuii marini, in Asia, Arabia, & Indorum regione, luxuriantis, succus expressus: Nunc etiam passim in Europa, industria sagacium Botanicorum colitur. Succus hic condensatus, essentia rationem obtinet, quandoquidem totius simplicis, præcipuas balsamicas partes includit; quo medici ante aliquot centenos annos vsi, & in hodiernū vsque diem, moderni, cum fructu vtuntur. Cæterum hic purus existens, nulla alia præparatio ne indiget. Ob fraudem vero, & mangoniam à Turcis, Mauritanis, & Iudæis, qui ejusmodi succos præparant, & distrahunt, committi solitum, hæc depuratio necessario censetur.

Tres vulgo species Aloes cognitæ sunt: Prima & omnium præstantissima, nauali commercio vigente, ex Insula Soccotora, vnde nomen trahit, ad nos in Europam deferitur; sicca & friabilis est adeo lucida, ut eius particula solaribus radiis opposita, hyacinthum orientalem & in pulverem contrita ipsam rhabarbarum præsentet: Ab hac secunda, hepatis modo coacta, & colore æmula, nec non insigni amarore prædita, hepatica dicta pura est, & satis laudabilis: Prostrema nigricans, & ponderosa, sordibus referta, veterinaris vsu recepta, & inde caballina vocata, ad medicamentorum compositiones, quod fortasse fraudulentis, aliqui Seplasiarij, lucri gratia faciunt, minime admittenda.

Complures Medici, hanc Soccotrinæ coloris gratiam, adulteratione inductam existimant: Secus sentio, ac istis locorum copiosius nascentis, depurationi, & commodè exsiccationi, quam aliqui ex Europa, ibidem commerciorum causa

versantes, addiscere potuerunt, potius acceptam refero: Adde, quod tanto temporis decursu, eius effectus hactenus à tot Medicis, ac Pharmacopolis, toties comperti, hanc Aloë hepatica, præstare clare demonstrant.

Eius adulteratio, quæ ab exsecrandis nebulonibus per gummi arabicum committitur, 5. notis manifesta sit: primo dilutius colore; 2. defectu amaritudinis solite; 3. molliore consistentia nec adeò friabili; 4. prona solutione in loco humido; 5. viscopasite in aqua solutæ Aloes, instar glutinis, digito adherentis, notabili. Deprehenditur quoque aliquando, pro auctione Ponderis, lapis inferiori nodo vesicæ aut sacculi coriacei inclusus: Qui dolus eo quo ipsa substantia corrumpitur tolerabilior est. Frustra autem, si pura est, eius extractioni labor impenditur: Ad eius qualitatem porrò siccam, calidam, & amaram corrigendam, sequens modus singularis est: Ibi vni Aloes in pulverem redactæ, infusi violarum ad præscriptum essentia violarum in secunda sectione parati, lbij affunduntur, iisque Aloë lenissimo igne solvitur panno percolanda, vt à lapillis, frustis corjaceis, & aliis sordibus repurgata, calore Balnei Vaporis, quem manus contactus facillè ferat, ad consistentiam tandem euaporet: quæ Aloë violata, magno apud Medicos in pretio habetur. Extractio autem hoc modo fit:

Aloë Soccotrina, affusa s. q. aquæ rosarum albarum, Balneo Mariæ calido, sine ebullitione, per integrum & maccando, & sæpius agitando solvitur; die subsequenti, loco modicè calente, vt fæces ad fundum secedant, reponitur: Hic liquor clarus decantatus, leni igne coagulatur: Ita Aloës balsamus confectus est, qui per se, & aliarum pilularum massæ mixtus, vtiliter exhibetur. Huius, vt & Aloës violatæ dosis, à ʒj ad ʒss, pro ratione subjecti, & accidentium, pulvere

glycyrrhizæ conspersæ, aut ʒj sirupi violarum mixtæ offertur. Cum Aloë primo ad bilis, secundariò ad crassi, & tenacis phlegmatis educationem, à medicina consultis, nec non ad correctionem frigidæ intemperiei, ventriculi, & reliquarum partium, tanquam præcipuum præseruatium specificum, ægritudinum, à frigida humorum colluie ortarum, vno consensu celebretur: Iisdem intentionibus, Aloen violatam, ac eius balsamum absolvendis, magis conuenire ratio suadet.

Nota tamen, etiam hoc modo hæc Aloetica aliquantum correctæ, calidiore tamen, & sicca temperiæ præditis, maxime ventriculo, pulmone, hepate, splene, vtero, simili affectione, sine materia labe factis, ac instante hæ morragiæ cuiuslibet periculo, cum accurata præmeditatione, & non nisi cautè administranda esse.

C A P. II.

De Essentia Rhabarbari.

Nobilium ex cholagogis medicamentorum Rhabarbarum primum est, bili, & pituitæ purgandæ dicatum, idque efficacior, magisque securo, quam ipsum Aloë, modo; potissimum ex ventriculo ac locis circumferentibus: Pueris, & prægnantibus tutum medicamentum, à nonnullis anima hepatis dicta, quod bilis detractione, & mediante virtute adstrictoria, id roborando, dupliciter iuuat: Ad profluuium ventris etiam in principio, ad materiam peccantem, sine maiori affluxus commotione exturbandam, nulli secundum: ad febres diuturnas, ex materia mixta, icterum, morbum virgineum, prauam viscerum constitutionem, & non tantum renes, eorumque ductus, à mucilagine liberandos, sed etiam primam materiam Tartari, quæ chylo commixta restagnat, è prima re-

gione, subducendam, nunquam satis laudatum est: Idcirco & calculo affectis, sæpe, ac parua quantitate sumptum, præseruatiui loco est: Verbo dicam, ad omnes affectus innocentiùs pharmacum, in rerum natura, non occurrit; si febres ardentes & fervorem hepatis absque materia excipias, cujus calorem aliquantum augere & intendere solet: Quocirca in simili casu minor dosis, cum liquoribus, plurimum refrigerare, & humectare aptis exhibetur. Modum, hanc essentiam educendi, quem quidem ut potioremi aestimo, talis est: Rhabarbari optimi; eligi autem debet, quod in albo, rubicundis filamentis intertextum est, sine carie, nodosum, & siccum, croci tincturam continens, quale ex Persia aduehitur, quod enim ex Moscouia, cortice crasso, lignoso, colore obscuro, ponderosum, humidum, & corrumpi proclive, deterioris notæ est.

Prioris ergo ℥iij affundantur in cucurbita vitrea, libij aquæ cichorei feruentis; postquam refrixerint tela cannabina fortiori, prius aqua cichorei madefacta, omnia ad siccitatem exprimantur: Expressum albumine ouorum in Balneo Mariæ clarificatum, & in plures conchas diuisum, ne alioquin diuturniore exhalatione (quod in præparatione subtilium essentiarum, perpetuò obseruandum) vires perdat, leni igne inspissetur, dosis eius à ℥j ad 3j quæ conseruæ rosarum, rubrarum, violarum, Borriginis, vel syrups, decoctis, infusus, aquis destillatis mixta, aut in morsellos recepta sumitur, vel etiam polline Rhabarbari, in pilularum massam redacta, cum aliquot guttis, olei Nucis moschate, pro correctione, & pulvere glycyrrhizæ conspersa asservatur. Hoc modo potissimum, singulis septimanis aliquoties, paulò ante prandium, in 5. pilulas diuisa nephriticorum vsui accommodatur: In genere verò prolixa ægritudine implicatis, qui Rhabar-

bari saporem, in potionibus auersantur; superbibendo liquorem aliquem humectantem, & refrigerantem ad modum conuenit. Huic acueda 1. vel 2. grana scammonij depurati, aut essentiæ Turpethi, quandoque adduntur.

C A P. III.

De Essentia foliorum Senæ.

Senæ in ordine Melanagogorum celsioris est; non solum atram bilem, sed etiam flauam cum pituita, & tartarea mucagine, expectore, stomacho, liene, hepate, mesenterio, & cavitatibus lumborum exhaurire apta est, nec non morbos, à similibus humorum infarctu, obstructione & putredine, litem gallicam, alphas, serpiginem, impetiginem, continuato vsu sanguinem, & ipsum corporis habitum mundificando, profligare potis est; sensus alacriores reddit, iuuentutem prorogat; omnibus corporis constitutionibus ratione & methodo adhibita, conueniens: Vnico hoc culpata, quod eius sumptione, quibusdam tormina oboriantur; id quod aliqui per accidens fieri, & non ipsi Senæ, sed resistentiæ tenacioris phlegmatis, & ferè vitrei, aut commotione actioris humoris, per intestina deuoluti, attributum volunt: At vero similis, à flatulenta, & mucilaginosa Senæ vel infusæ, vel coctæ, parte validius expressa illa contingere. Certum enim est, eam zingibere, vel semine anisi, aut fœniculi correctam; deposita hac malitia; aut nullos, aut leues admodum huius generis dolores excitare, quod nihil ad rem facere; si illi ad acrimoniam humorum sequerentur, Quin ante alterationem illorum, potius damnum augerent; etenim extra controuersiam est acrium humorum transitu intestina corrodì, imò ut in dysenteria sit, planè excoriari, vnde dolorum immanitas ingruit: Vtut se res habet, etsi vulgare, hoc tamen pretiosum

catharticum ; proprius valor tutatur. Singulis vnciis Sene Alexandrinæ , ꝑviii aquæ fontanæ extrahendis sufficiunt. Sūt ex chymicis qui magnum quid se præstare autumant , superfundendo foliis senæ aquam Tartaro calcinato aut eo per deliquium soluto acuatum ; aduertentes huius opera, colore aureo aquam subito tingi, ignaræ eam potius ab externa tinctura quam ipsius rei essentia proficisci, quod tamen etiam ipsis tinctoris lanæ sericæ minimè ignotum, qui colores, additione Tartari aut salis Alkali, momento immutare solent : At posito, rem vt opinantur se habere, quodnam operæ pretium, cum etiam simplici aqua fervente vis purgandi, exiguo temporis interuallo, facile extrahitur, sine mixtione calidæ, siccæ, & acris ex Tartaro calcinato qualitatis, quæ aliquos maximè, qui internas erosiones patiuntur amplius oblâdere possit. Omnibus affectibus ad quos ipsa Sena valet, accommodatur. Dosis fere ʒj plus minus : Magno verò emolumento, sequenti forma exhibetur , ꝛ. huius essentia ʒj aquæ Cichorij Syrupi violarum (vel huius loco Mannæ Calabrinæ) ʒjss. acidi Tartari ʒj super igne soluta, solenter misceantur, & cum mixtura de corticibus Citri, nonnihil condiantur ; quæ potio à jejuno , tempore matutino 4. horas ante prandium sumenda est. In defectu huius essentia in decocto ʒij vel ʒiij foliorum senæ vna & altera ebullitione intercedente, parato non tantum supradicta, sed etiam diuerso respectu, aut partium affectarum, aut humorum peccantium, aliquot simplicium appropriatorum essentia, vnâ dissolvi possunt. Acidum Tartari verò, præterquam Senæ optimum correctiuum sit, vim etiam purgantem, sine noxa adaugendi, humores terrestres, glutinosos attenuandi, & incidendi, meatus aperiendi, sitim sedandi, fervorem bilis obtundendi & stomachum roborandi intentione, commo-

dius quam vllum aliud simplèx admiscetur.

CAP. IV.

De Essentia Agarici.

Inter mitiora phlegmagoga agaricûs locum tenet : ex pectore, pulmone, stomacho, epate, splene, mesaræo, intestinis & ex ipso, (licet id aliqui negent) capite, primo pituitam, secundariò bilem vtramque in morbis longis, & diuturnis, qui per epicrasin curari postulant, probè educit, vno hoc vitio notatus est, quod ob ingratum saporem, vt volunt aliqui, addo ob leuitatem, nauseam ciere soleat ; quod vitium zingibere, caryophyllis, spica celtica corrigere student, & cum ob mucilaginosam substantiam, internas cavitates, tardissimè permeet, operationem eius additione armoniaci (ad quod etiam acidum Tartari valet) expeditiorem reddunt. Essentia hæc ob partes amaras, & quodammodò resinosas, quas aqua sola euincere nequit, ex agarico trochiscato cum Spiritu Vini extrahitur. Dosis eius à ʒj, ad ʒij, cum Manna, & acido Tartari, vt in capite, de Sena habes, cum tantillo aquæ Cinamomi aromatizata sit potio, aut cum essentia Aloës pilularum forma fingitur. Si quis illum ob nauseam, quam adfert, sumere vereatur, tertia pars dosis infusæ senæ, aut eius essentia juncta, contra febres quotidianas, & tertianas nothas, nec non quartanam inveteratam, commodissimè propinatur:

CAP. V.

De Radice Mechoaca.

Radix Mechoacanæ concisa, si saporem, & odorem, aliasque qualitates excipias, cum Bryoniæ taleolis forma admodum conuenit, ex Mechoacan, Indiæ occidentalis Insula adfertur cortice

exteriore cinericeo, parte interiore candicante (ni vetustate, aut aquâ marinâ corrupta sit) substantiâ farinaceâ, inodora; & quamvis à compluribus insipida habeatur, manifesto tamen eius quodammodo, abstergens acrimonia, quae eis ferè Scammonij, impari licet gradu, inter masticandum deprehenditur. Cæterum in potionibus, sumptu facilis & innocua est, quæ causa, ab aliquibus rhabbarum album vocatur, & quamvis plerisque ferè humores educat, tamen præ cæteris, mediocri facultatis, cathartici in euacuatione feri citrini, & acris, prærogatiuam tenet & hydragogis adnumeratur, etiam in substantia subtilissimè pulverisata, tutâ, & modestæ operationis medicamentum sit, puerulis, pectoris, & ventriculi cavitatem pituita oppressam habentibus, ferè ʒj offertur; contra defluxiones à capite in articulos, chiragram, gonagram, podagram, ischiafin, luem veneream, cum brodio gallinæ, aut febre absente, cum vino porrecta, magno in usu est.

Essentia hujus, eundem ad modum, quo agarici extractum paratur, personis consistentis, minori dosi, quam ʒj vix exhibenda. Cum pulveris certior operatio, ac major efficacia, mihi proba cognita sit, nihil singulare, in ea deprehendere potui, nisi quod ob facilem solutionem ad poriones commodior sit, præsertim vt voto satisfaciât acido Tartari aut diagridio acuata, quam mixturam quidam pro simplici essentia obtrudunt. Tantum demecchoaca, ordinis ratione postulante.

ESSENTIARVM VEGETABILIVM Anatomes.

SECTIO V.

De Catharticorum vehementium essentia.

C A P. I.

De præparatione essentiaë gummosæ ex Euphorbio.

EVphorbium quodammodo succus concretus est, vel potius peculiaris gummi species, ex planta ferulacea, in Lybia nascente ad nos delata, vt Galenus, & Fernelius asserunt, omnia gummata, vi caustica & malignitate quadam superans, adeo vt hominem, interiora eius inflammando, diuellendo & corrodendo in lipothymiam concitiat; Hujus rei exemplum habui Hagæ Hollandorum, in quodam Anglo Musico, qui hemiplegia sinistralateris, & linguæ correptus, cum etiam doctorum Medicorum consilio maturè restitui nequiret, Empirici cujusdam fidei se commisit, qui extractum Euphorbij, nescio quæ miracula pollicitus, ægroti sumendum persuasit, eique vnus horæ spatio supradicta symptomata, vnâque vitæ periculum accersuit; quibus temerarius agyrta confusus, fuga sibi consuluit, ad quem tandem vocatus cum collega meo, in cordis inflammatione, dolore, angustia, fauciumq; ac intestinorum corrosiua exulceratione, per epithemata, gargarismata, & clysmata mitiganda diu, multumque desudauimus, perseuerante nihilominus priore affectu, donec integri ferè anni decursu, conuenientibus mediis, eo vsque restitutus, ambulare, ac obscurè loqui cœperit: Vtrum vero Empiricus ille, in dosi, vel præparatione aberrauerit, mihi non constat. Cæterum huic gummi, facultatem, phlegma,

phlegma, & aquas ex ipsis articulis trahendi, magna violentia trahendi, Medicorum consensus tribuit: In speciebus paralysis, lethargi, epilepsiae, cephalae, & grauedine capitis, ex lue gallica contracta, febre quartana, & aliarum etiam febrium horrore praeualido in pilulas formatum, celebre medicamentum existit, & praeter ceteros Iosephus Quercetanus in sua pharmacopaea dogmaticorum restituta propria inuentione praeparatum, contra diuersas aegritudines, mirifice commendat: Ego quidem nec vnica vice istoc vsus sum, nec vnquam vtar (saluo aliorum iudicio) quamdiu, medicamentorum benigniorum copia, eorumque effectus, seu celer, seu tardus mihi fauet. Tota praeparatio in eo consistit, vt adurens, acris, & volatilis qualitas corrigatur, nec non, si quae superest, permixtione lenientium infrigatur. Complures ex chymicis, menstruum ad similitum, sc. Euphorbij, Tithymali, colocynthidis &c. extractiones, spiritu Vitrioli vel Sulphuris acuatum, non tantum fortius reddi, sed etiam ipsorum malignam, & acrem qualitatem, hoc modo, auferri posse existimant; quod nec ratione, nec experientia haecenus assequi potui: Posito (quod omnes fateri coguntur) extra controuersiam, spiritus vitriolatos, seu quosvis alios liquores acidos, decoctis, vel infusis, pingui, & resinosa substantia refertis, eoque, vt acescant instillatos, ea non modò turbare, sed etiam paruo momento, dictam substantiam separare, & ad fundum praecipitare: At praecipua vis purgandi, in hac resinosa parte, comprehenditur: Qui ergo poterit tale menstruum, ei maxime aduersum, ipsam elicere, cum extractio similis, per simile, in hoc negotio, necessario expedienda sit. Praeterea in confesso est, magnam horum simplicium partem, ob siccam, calidam, & acrem qua pollent, qualitatem, potius lenientium, & humectantium, quam ho-

Ang. Sala.

rum spirituum mineralium, magis exsiccare potentium, additione indigere, cum nec acrimoniam minuat, nec facultati purgandi adjiciat, quod lenioribus acidum Tartari, celerioris solutionis igitur, junctum praestat, nec operationem catharticam spiritus Vitrioli, vel Sulphuris, ejusdem ambo facultatis adstringentis, & exsiccantis, in laxato partium tono, à causa humida, ac profluuiis inde ortis saepius probata, vilo modo adiuuare potest. Restat ergò hosce, ad talium purgantium extractionem, cuius rei ipsemet periculum feci, nullius esse momenti: Sub ipsum tamen exhibendi tempus, ad effranem catharticonum violentiam arcendam, aliquot guttas admitto.

C A P. II.

De essentia radices Esulae.

HErba haec vulgò nota, & passim luxurians, in plures species diuisa, quarto gradu calida, & sicca, cuius succus inflammando, & corrodendo partes corporis affricatus in vesicas attollit, ad technas lixarum, & mendicantium, qui membra hoc exulcerata, ad stipem liberalius cogendam, praetereuntium oculis exponunt, aptissimus, ac ipsa vlcera, feriis finitis, cerusa, aut quolibet refrigerante & siccante linimento, iterum emendare solent; Quorum curam, melius Proceres Veneti administrant mittendo similes impostores ad remigia.

Norunt & mulierculæ, huius vsu maculas artificiose extergere. Huius succus, & lac, atque hoc quidem violentissime, bilem, & aquas exturbant. Laudatur nihilominus ab aliquot Medicis, imprimis à D. D. Martino Rulando, in cuius Observationibus, huius mentio fit, & sequenti modo paratur. Vere primo, pululantis herbae radices colliguntur, harumque cortices, in quibus vis potius consistit, separati s. q. vini Rhenani, aqua

D

cuiusvis altèrius generosi, in cucurbita, destillationis modo, percoquantur, donec decoctum, vim horum penitus imbibit quod expressum, colatum, absque vltiore clarificatione inspissatur; ejusque denuo, aqua plantaginis dissoluti, 4. dierum, Balnei Mariæ digestionem, putum ab impuro separatur, albumine oui clarificatur & in consistentiam cogitur. Nec absurda hæc est, licet alijs alia in usu, malignas Esulæ qualitates corrigendi ratio; quamvis etiam sic paratam, tertia saltem vice, in praxi præscripserim, nec vbi leniora, in teneris præsertim constitutionibus sufficiunt, hanc magnopere laudare possum. Huius dosis, à gr. x. ad xx. Nota hanc herbam tractantes, cautos esse debere, ne eius vapore, aut contactu, manus, & facies inflammationem, & tumorem contrahant, quod cuidam famulo meo in Helvetia accidit.

CAP. III.

De Essentia Ellebori.

Huius duæ sunt species, Elleborus albus, & niger, hic vt tutior hoc loco tractandus venit, quamvis eius dosis summa, vehementis est operationis, à remotissimis partibus validè attrahentis, quod & rustici norunt, qui bubulis, aëris corruptione infectis, foramine in cute facto, ad humorum putredinem, & malignitatem euocandam insunt: Cuius vim, & efficaciam in aliquot grauib, præsertim matricis, ex mensium retentione affectibus, sum expertus: Quo casu, fœminis cuiusvis ætatis, temperamenti, & conditionis 3j Ellebori nigri, nodulo serico exceptum, per vices renovatum, locis muliebribus applicatum, quoad necessitas postulat gestare præcepi, à cuius usu mutatio, & quedam quasi contractio, per totum corpus oborta, eatenus durauit, donec menses, pedetentim pro-

manare ceperint; quod admiratione non caret. Si huius externa applicatio tantum potest, quantum eius (quem quidem Medici, plena dosi, raro admittunt, & ad Hippocratis sancita, de eius laude obstupescunt) internus vsus præstare possit, considerandum. Sunt qui opinantur Hippocratem alia specie Ellebori usum, aut tutiorem ex corrigentibus, illi sæculo, vsitatum modum tenuisse, aut istum propter cæli, & terræ Græcæ clementiam, absque malignitate, multo benigniorem creuisse. Apoplexiæ, epilepsiæ, arthritidi, lepræ, cancro, furori præsertim, ex atrabile, & mania curandæ dicatus est; vnde illud Elleboro indigere, de insanis, in prouerbium abiit. Diuersa apud diuersos, huius extractio traditur; mihi autem hæc familiaris est. Ellebori nigerrimi extus, & intus albi, radicibus recentioribus confusis, & curcubitæ inclusis, aquæ fontanæ lb iij & spiritus vini 3iij affunduntur, ab his, in Balneo Mariæ, temperata digestionem per xxx. horas continuata infusum separatur quod sale, ex residuo concremato, addito denuo per σ in B. digestum, & quoad fieri potest clarificatum, ad Pilularum consistentiam redigitur. Dosis à gr. xv. ad xx.

In eius exhibitione corrigentia haud omittenda sunt, hæc quandoque quauis dosi sumpta, haud quaquam operantur: Rarissimè ea vtor, nec non, cum infusione Senæ, acido Tartari, aut massa aliqua pilularum; ac potius eam per vices repetendo, quam maiorem dosim, exhibendo.

Perfeci hanc, aliquot ante annos, Cassellis, ex selectissimo Elleboro, quæ ad gr. vj, vel viij, pilularum forma, cum iusculo gallinæ sumpta, sine vlla molestia operabatur; ipsamque aliquoties ex illo tempore sed quoad hos effectus, minime parem, elaborauit: cuius rei causam ijs, apud quos, huius vsus frequentior est, discutiendam relinquo.

CAP. IV.

De Essentia Colocynthis.

Poma Colocynthis siccata, excorticata, ex Ægypto, & Alexandria aducta, ad præcipuas, utpote, quæ bilem, phlegma, & serum, promptè subducere, queant purgantes compositiones, requiruntur: Quamvis nimia penetrandi, venas aperiendi, & intestinorum fibras correndi vi ut etiam agresti amaritie, interdum oblatere possint; eius tamen essentia ritè preparata, tutius quam præcedentis, in usum venit. Hæc duplicem substantiam, vnam aqua solubilem, resinofam alteram, & utramque purgandi vi præditam, continent; quamvis harum cuilibet, separatim extrahere licet, quæ conjunctæ tamen præstant. Essentia hoc modo comparatur.

Carni seu pulpæ Colocynthis albisimæ & rejectis seminibus minutim incisæ, nec non aqua Plantaginis irrigatæ, duæ porro, & in s. q. aquæ distillatæ, partes & vna spiritus vini in cucurbita vitrea affunduntur, inque Balneo Mariæ mace rantur: Vltimò infusum, seu per residuam, seu colaturam clarificatum inspissatur: Hæc essentia, satis purgando efficax, & in omnibus affectibus, ad quos Colocynthis celebratur multo utilius exhibetur, potissimum pustulis, & scabie maligna ex lue venerea pullulantibus. Dosis à 4. 6. ad 10. grana, adjunctis corrigentibus, & vehiculis, cum debita obseruantia, minori dosi cæterisque mitioribus mixta potius conuenit.

CAP. V.

De Essentia Turpethi.

Radix hæc tenuis oblonga, extus cinerici, intus excauata albi coloris, ex

plagis oriëtalibus delata, optima est quæ sub pinguis, grauis, gummosis in radicem penetratibus, & non in fraudem ad glutinari, solitis referta est, ac propterea Turpethum resinofum vocatur, quamvis etiam satis laudabiles radices Turpethi, sine tali resina reperiantur. Potior purgandi vis, in parte resinosa contenta, spiritus vini elicitur.

A crasso, & tenaci phlegmate, non solum interiora, pectus, stomachum, caput, neres, sed etiam ipsum corporis habitum, & juncturas emungit, vnde Arthriticorum incommoda mitiore, quam ipsius Colocynthis essentia, modo, cum ratione tamen adhibita, subleuare apta nata est. Dosis eadem quæ Colocynthis.

CAP. VI.

De Purificatione essentia Scammonij.

Scammonium, succus cujusdam radiceis peregrinæ, Scammonæ dictæ, vi purgandi validus, & ferè in Cathartico rum pilulis, trochiscis, pulveribus, electuarijs, quorum exempla, passim in dispensatorijs occurrunt, & basis loco ponitur, essentia etiam rationem obtinet, phlegma, bilem, & aquas, magnoperè quidem ducit, sed ob acrem, igneam, & quodammodo malignam qualitatem, quæ nõ solum stomachum, & hepar, sed ipsum cor, ac reliqua viscera tentat cautè administrandus est: Cuius igitur tot præparationes & inuentiones à veteribus inuentæ sunt: Quidam chymici hunc in succo Citri, Cydoniorum, vel rosarum, aut etiam spiritus vini solutum, & sordibus purgatum, eoque modo malitia dempta, mitiorem redditum, denuò condensant; quem sic præparatum, extractum Scammonij vocant. Processus quo uti soleo talis est.

Scammonij crassè pulverisati, vncijs

duabus, in vitro spiritus vini ꝑij affunduntur, & Balneo Mariæ donec omnia dissoluta sunt, aliquoties interim agitando, 2. vel 3. horas foueantur, hinc per subtiliorem pannum lineum colatus liquor, affusus ꝑij aquæ Rosarum turbari, ac lactis ferè colorem, induere incipit, à quo demum, per cucurbitam destillando abstractus spiritus vini, ad alium vsum seruatur; residui vero, in concha vitrea excepti pars Resinæ similis infundo con- crescit supernatante aqua Rosarum cum igneo lactescente Scammonij succo. Hæc resinosa substantia, sæpius aqua Rosarum lauatur, & B vapore leni exsiccat, vt digitis instar Terebinthinæ coctæ contēri possit: Post hæc mortario, & pistillo eneo, oleo amygdalarū dulcium inunctis, leui contritione in puluerem album, mali odoris ac saporis acrioris expertem redigitur. Extractum hoc modo præparatum, in vitro obturato asservatur. Scammonium sincerum, vix vltra tertiam ponderis partem quæ ex facibus cōstat amittit. Hæc Resina Scammonij in vicem Diagridij tutius substituitur. Dosis depurati Scammonij à vj ad viij nec non xij & quandoque pro robustissimis xiiij gr. quæ in gelatina, conserua Rosarum &c. cum vna, & altera gutta olei Cinamomi, vel Caryophyllorum correctionis causa, an massis pilularum commixta, cum acido Tartari blandè operantur. NB. Scammonium quantumvis correctum, calidæ, acris, & siccantis qualitatibus particeps manet; idcirco lenientibus, humectantibus & refrigerantibus junctum, sicca intemperie præditos minus offendit, & faciliorem præstat operationem.

C A P. VII.

De Purificatione Gummi Gutte.

Gummi Gutte, resinosa quædam substantia, sicca, dura instar Aloës, co-

lore aureo, odore, & sapore satis tolerabili, certa tamen quadam acrimonia, Scammonij resinam imitatur. Hoc Gummi, primò ante triginta annos, ex Indiarum regionibus ad nos deferri cepit; de quo etiamnum, dubiæ Medicorum sententiæ extant, quorum aliqui resinam, eiusdem plantæ ac arboris, alij factitium quid, & denique quidam, terram antimonialem esse statuunt, quod tamen nec solutio, sapor, aut operatio probat: vtunque in hoc se res habeat, de virtute, & nota bonitatis quam de origine eius accuratius cognoscenda, maior hætenus cura fuit. Exempli loco Ambram griseam pono, de cuius ortu nihil certum adhuc constat, attamen apud omnes Medicos in pretio est, ob compertam, in roborando capite, & corde virtutem; ita hocce gummi, quamvis de eius pro sapia dubij simus, ei nihilominus, inter hydragoga locum, quæ parua dosi, serosorum ichorum euacuationi dicata sunt, nobilem concedimus. Vno hoc vitio notatur, quod vehementer nauseam creet, absque calore tamen inflammate, aut intestina corrodeute, hæc tamen præparatione, malitiam amittit, vt sine vomitus excitatione, per inferiora blandè operetur. Rasuræ ligni santalini rubri ꝑ ad extractionem tincturæ, in leni calore ꝑxviij spiritus vini infunduntur, percolato spiritu vini tincto, in cucurbita Gutte gummi pulverisati, & per 3. horas in Balneo Mariæ dissolvendi ꝑij addantur, quo interuallo, materia quædā subsusca, instar Colophonix infundo subsideat: Quo facto liquore, à residua tenaci materia, quæ nullo spiritu vini dissolubilis est separato, & cucurbita excepto ꝑij vel viij aquæ Rosarum affunduntur, quoad in turbidum, flavescentem, & succo Chelidonij majoris similem colorem mutetur, & tandem spiritu vini, vt capite de Scammonio docui abstrahitur, reliqua vero materia, in concha vitrea, miti calore inspissatur, quæ instar luti,

sole arefacti, in rimas dehiscere solita, tandem pulverisata, ad vsum servatur. Hæc resina hocce modo præparata, nobili cathartici vicem subit, ad aquas hydropicorum ducendas, summopere expetita, Dosis eius à 4. vsque ad 8. & 12. gr. cum acido Tartari mixta & gutta vna vel altera olei Anisi, in vino, vel jure carnis exhibenda.

C A P. VIII.

De Essentia Cucumeris Asinini.

NON est, quod hic de Elaterio, singulare quidpiam proferam sed ad Pharmaceutica dispensatoria huius præparationem indagantem. Caterum, vehemens, igneum, & acerrimum, ac quodammodo venenatum (vt ex fructus graui, & narcotico odore patet) medicamentum est; quo nunquam vsus sum, ac suo cuique pretio concesso, cautè vsurpandum iudico.

C A P. IX.

De Essentia Gratiolæ.

GRATIOLA, multis in locis triuialis, amaritudine, & sapore vehementi, centaurium minus ferè equat, rarus equidem eius vsus, cum magis secura in promptu sint, nullum tamen simplex phlegma, aquas, & bilem, quamcunque in corporis partem effusam, pari, ac perfecto modo educit, quod non ex historia seu scripta, seu oretenus facta commemoro, sed propria experientia in ictero flauo, & febribus biliosis mihi notum profero: Quamvis non inficias eam, Thomam Bouium, Patricium, & Medicum Veronensem, Encomio in hanc herbam publicato, annexis plurium affectuum curationibus, quas mediante hoc simplici compleuit, eam experiendi causam mihi de-

disse. Foliorum eius 3j, per noctem vino maceratorum colatura, mane tantillo aquæ cinamomi aromatizata exhibita biliosam colluuiem, & cuiusvi generis vermes, ex stomacho & intestinis, quæ terrificæ sæpè accidentia procreant, sine vlllo periculo, & molestia (nisi quod aliquando, congerie tali in ipso stomacho exsuperante, vomitus tolerabilis tamen oritur) mirifice exturbare solet: Materiam vero in jecore, liene, mesaræo, & pancreate restagnantem per secessum expellere solet: lis modò, quibus à vomitu, aut fluxu sanguinis, & hæmorrhoidum periculum impendet, ob acrem & amaram qualitatem, parcius & accurata circumspessione offeratur. Huius dosis varia est, pro varietate subiecti, illam sumentis. Eius succus cum Saccharo in Syrupum, aut consistentiam congruam quæ à ʒj ad 3 ss porrigitur redigi potest.

Huius defectus, aliquot locis, transplantatione resarciri ac foliorum, bis in anno, Majo nimirum & Septembri amputatione, vigore radicum per totam hyemem consistente coli solet.

C A P. X.

De Separatione acinorum Ebuli purgantium.

EBULUS, ex genere fruticum, species quædam Sambuci, amans locorum viferorum, satis ipsis rusticis, qui sapam inde, contra febres, & alui fluxus, ac dysenteriam conficere solent, nota est. Eius cortices in Officinis prostant, ad hydropem laudati, quos tamen solos, in aquæ sufficienti euacuatione, nunquam quid præstitisse, obseruaui. Facultates seminis Ebuli probè perspectas habeo, cuius tum colligendi, tum adhibendi modus, cum à Botanicis hætenus præteritus sit, hoc loco eum tradere, visum fuit. Expresso baccarum Ebuli succo, & in vulgo

notum vsum excocto, tota massa, ab expressione relicta, in cadum s. q. aquæ fontanæ affusa mittitur, semina ab inuolucris, quantum possibile est, manibus separantur: Aqua cum tunicis, & leuiore seminum parte aufertur, toties affusio- nem, & depletionem repetendo, donec semina oblonga, & ponderosa, nec non ab inutili parte, liberata, & modeste exsiccanda remanserint, horum virtus purgandi, arthritidem, & aquam intercutem alleuans, abunde cognita est. Huius ʒj, vel ʒiʒ, aut etiam robustioribus ʒij, cras- sifusculè puluerisati, (nam pinguedinis ratione, aliter fieri nequit ʒ, horis ante ci- bum, summo manè, in iusculo carnis, cum aliqua parte aquæ cinamomi offertur, aut ex huius aucta dosi, cum brodio carnis, aut aquis stillatitiis, quæ saccharo, & aqua cinamomi condita tepida exhibe- tur.

Vel hunc in modum: ꝛ. Seminis Ebu- li probè contriti ʒiij, Acidi Tartari super Porphyritæ læuigati ʒj, conseruæ rosa- rum recentis, & succolentæ ʒiij, miscean- tur sine igne, & infusus aliquot guttis olei cinamomi, ad gratum saporem, fiat Ele- ctuarium. Huius dosis robustioribus, plus vel minus, pro re nata ʒj per se, vel in liquore soluta, potionis forma sumenda. Huius medicamenti vis, & efficacia, in singulis annis renouetur, temporis pro- gressu exolvitur, atque oleaginea, & ran- cida fit: cuius vsus, cum ratione suscep- tus satis tutus, & operatio sufficiens est, excepto, quod aliquibus, nauseam, & vo- mitum creet; potissimum, ventriculo vi- tiosis humoribus scatente.

Sunt quidem præter commemorata, alia adhuc quædam simplicia purgantia, vt Mezereon, Chamælea, Lathyris, Cata- putia, Sedum, ac plura huiusmodi, quo- rum quandoquidem extrahendi modus, in suprascriptis continetur: his tanquam minus vtitatis, supersedere lubet,

CAP. XI.

Repetitio summaria, earum animaduer- sionum, quæ tam in præparatione, quam conseruatione essentiarum, & vegetabilibus seruari debent.

PRIMò, licet supra, gradus caloris, quò essentia ad consistentiam cogendæ sint, sapius inculcatus sit, ordinis tamen gratia id ipsum repeto, sc. calorem Bal- nei Vaporis intensiorem non conuenire, quam manus sine alteratione perferri possit, præcipuè sub finem, ne Empyreu- ma contrahant, vapor enim aquæ calen- tis inclusus, æque ac alius vegetabilium essentias corrumpere potest: Quare non minore cura regimen ejusdem, æque ac caloris, ex ipsa aqua, cinere, vel arena tenendum est.

Secundò, Essentijs ad crassitiè perti- gentibus, tunica instar epidermidis facta auferatur, vt restibilis humiditas tanto melius euaporare possit, & spatula lignea massa conuertatur simulque parietibus conchæ adhærescens, antequam exsicce- tur, abstersione congrua, reliquo com- misceatur.

Tertiò cum hæ essentia, iustam consi- stentiam adeptæ sunt, à calore remota, donec penitus refrigerescant, lignea spatula continuò agitata, in vasa vitrea, lato- orificio, qualia sunt in vsum conserua- rum facta, sicca, & munda, recondantur, vt in capite de essentia, florum Borragi- nis ostensum.

Quartò essentia hæ, quoad fieri licet, loco sicco seruandæ sunt; humidiore enim temporis decursu, nisi vasis probè conclusæ, & obturatæ sint, situm contra- hunt, neque in admodum calidis v. gr. hypocaustis durant; à sole tamen vix vl- lum damnum patiuntur.

Quintò, casu quo hæ essentia alias

debito modo preparata, & asseruata, spuma cooperiantur, ipsa aut reliquæ massæ misceatur, aut quod consultum magis est, ita immota relinquatur: Quandoquidem prima ablata, nihilominus altera subsequitur quæ minimè excrementosa, sed vtilis & volatilis Tartari pars, fermentatione separata, superficiei adhærens, paulò post essentias splendiores reddit.

Sextò, Essentiæ Violarum, Borraginis, Buglossæ, Persicorum, Rosarum incarnatarum, Endiuixæ, Mercurialis, Plantaginis, Cichorei, Polydopij, vtpotè refrigerandi, humectandi, & laxandi facultate pollentes, cum progressu temporis proprias qualitates cum acrioribus mutant, singulis annis renouandæ sunt.

Septimò, Essentiæ natura calidæ, siccæ, & terrestres, vi aromatica, salina, & tartarea præditæ, quousque sapore, & odore incorrupto constant, minimè rejiciendæ sunt: Exoletæ vero concremandæ sunt, eorumque sal alios in vsu seruandus.

Quapropter, Medicus, hisce vtens, eas aut propria industria elaborare conetur, aut industrio Pharmacopæo parandas iungat, & ne quis error committatur sedulo aduertat: Sic vbi locorum, defectu praxis, tot essentias habere non consultum, ne vt aliquando, ac male sit; longa ætate marcidæ, pro recentibus dispensentur; præstat ex viridibus, per hyemem vero exsiccatis, decocta, & infusa parare. Atque hæc sunt, quæ in extractione, & conseruatione simplicium obseruanda esse existimo.

ESSENTIARVM VEGETABILIVM ANATOMES.

S E C T I O VI.

De succorum, exoticoꝝ, condensatoꝝ, ac precipitoꝝ Gummatum depuratione.

C A P. I.

De modo, succum Glycyrrhizæ purificandi.

Qua incuria, essentiæ, seu succi condensati, ex peregrinis simplicibus conficiantur, & quibus sordibus sca-teant, capite secundo, Sectionis primæ mentio facta, sequentia vero exempla clarius id demonstrabunt.

Primo loco, succus Glycyrrhizæ venit, vt apud Materialistas, sic vocatos, sigillo munitus prostat, cuius maior pars & melioris æstimationis, ex Insula Creta, seu Candia, ad nos peruenit, vsu frequens in re pharmaceutica; qui in Theriacam Andromachi, Diapenidium Nicolai, Diatragacanthum calidum, Looch de pino, Looch de pulmone vulpis, Pilulas bechicas, Trochiscos de Lacca, & Alkekengi vulgò recipitur.

Quantam verò impuritatem, etiamnum ejusmodi succus concretus continet, sequens processus demonstrat.

Horum Orbiculorum in tenuas laminas concisorum it j. in aqua calenti dissoluta, & albumine ouorum agitata, ad ignem ebulliat, & per setaceum, leui expressione facta, percoletur, remanente limosa, & abominabili in colo substantia, ipsam Glycyrrhizam, quoad pondus, superante, porcis, quam miseris ægrotis aptiore; cuius vero generis materia admixta sit, an fabarum, pisorum, aut hordei farina, quæ condensationis, ponderis, & facilioris signationis ergò misceatur, nihil nondum compertum est.

Ipse liquor clarificatus, arte Chymicis solita, ad pilularem consistentiam redigitur, & vase vitreato Siburgico coque firmo excipitur, qui etsi empyreuma, non planè, hoc modo exuat, longè tamen gravior & efficacior sit, pro cuius processus communicatione, tum Medici tum Phar-

macopæi aliqui, grati erga me extiterunt. Hic, infusi violarum & succi tussilaginis, æqualibus partibus mixtus, asperitates, & noxas pectoris, ex defluxione acriori, blandè tollit: Cui tamen essentia, ex ligno recenti, sectione secunda tradita præferenda est.

CAP. II.

De modo purgandi opium.

QVanquam naturam, proprietatem, præparationē, correctionem Opij, cum variis de eo Medicorum sententiis, & tum aliorum, tum mei Laudani Opiati, adjuncto usu, & confectione, ante complures annos, in Tractatu quodam meo Opiologia dicto, prolixè descripsim; ordinis tamen, & aliquot Alexipharmacorum, vtpote Theriacæ, Mithridatij & Auræ Alexandrinæ, ad quæ Opium recipitur, eoque opiata dicuntur, ratione commotus de Opij qualitate, & essentia extractione, agere constitui. Opium nihil aliud est, quam lacteus, & acris ille succus, ex papa veris albi, & nigri capitibus, expressus, & inspissatus: iisque apud Turcas latissimis Natoliæ, & aliarum prouinciarum campis, studio excultus, frequenti in usu, Massach dictus, ad nos deferitur.

Modum colligendi opium, vt Bellonius, & alij, qui talia experiundi causa, in Turcarum regione peregrinati sunt, talem tradunt; In capitibus Papaueris, maturitatem adeptis, adhuc tamen viridibus, absque dubio, ordinata serie (relieto per medium spatio) consitis, ne colligentium pedibus atterantur, aut succus vestibus abstergetur; huic labori destinati, sublongas, ferro acuto, inter exteriorem corticem, & interiorem, qui semina inuoluit panniculum cæsuras faciunt; ita ne succus hicce lacteus, intra vergere, sed potius foras emanare possit, qui pro-

fluens cochlearibus excipitur, ac sponte sua concresecit; quem æque in nostris ac Turcarum partibus, qui Opio Turcico, sapore, odore, & viribus ne hilum quidem cedit, ni labor in visus esset, colligere licet: Cuius satis magnam quantitatem, ipsemet ad proprium vsum, cum delectatione quadam collegi. Opij probati, sequuntur signa: Primum est, vt in placentis rotundis, aut oblongis pollicis crassitie 6. vel 7. vnciarum, folio Papaueris inuolutum sit. Secundum vt pondere præualeat. Tertium, vt odore infesto infar nostri Papaueris succi, nares valèdè feriat. Quartum vt in frusta diuisum, colorem brunneum, vel ex flauo fuscum, quemadmodum Aloes succotrina exhibeat. Quintum vt non friabile, sed picis in modum lentum, manu sotum, citò mollescat. Sextum vt saporis acrimonia, quæ linguam, Tithymali more, ferè corrodat, potius quam amaritudine excedat. Septimum, vt ad candelæ contactum facile flammam concipiat, vtpotè oleosa substantia præditum. Octauum, vt in pulverem redactum, luteo colore, Aloem imitetur.

De qualitate Opij Medici haud conueniunt, complures enim, ob grauem narcoticum somnum, & stuporem membrorum in quem præcipuè crudam eius, magna quantitate substantiam fumentes cum oppressione caloris naturalis conijcit, siccam primo, & frigidam quarto gradu, esse sinxerunt: Alij verò quorum sententiæ ipsius accedo, amarore, acrimonia, & diuersis rationibus, ac exemplis inducti, vt in Opiologia mea videre est, contrarium tenent: Nimirum opium calidum esse, eiusque vim somniferam, neque frigori, neque calori, sed occultæ & à tota substantia qualitati profectæ, adscribunt, nec vlla firma ratio adferri potest, cur soporifera, quorum mulea vehementer calida sunt, necessario refrigerantem qualitatem conjunctam habeant.

béant. Depuratio eius vt succi Glycyrrhizæ soluendo, clarificando, & coagulando perficitur, & quidem à chymicis diuersi, pro diuerso scopo liquores vsurpantur: Ad febres vero ardentes, ac malignas, & vehementi humorum ebullitione infestantes, acido succo Granatorum, Limonum, Citri, aut ipso aceto solutum, ab impuritate liberatur.

Facilis vt & vtilissimus modus hic est: Opij in lamellas concisi, lb̄ vnâ in patina ferrea parua & munda ȝij vel iij aceti rosacei asperguntur, super moderato igne agitando, donec acetum, cum opij odore consummetur & refrigeratum, digitis conteri possit: Cautione hac, ne adustione vires perdat, lentè exsicceatur; quo modo praua, & narcotica qualitas, ex parte corrigitur: Denique in puluerem contrito in Balneo Mariæ aut arena calenti, per aliquot horas, vt soluatur posito aceti lb̄vj affunduntur, ac per panum ad totius liquoris expressionem percolato, eique, vtut turbidus sit sine clarificatione inspissato, aquæ ex floribus sambuci fermentatis fragrantissimæ, q. s. ab dissolutionem additur; albumine ouorum porro clarificatum, & per pânium colatum rubicundi, & pellucidi coloris, in pilularum consistentiam redigitur.

Hæc opij essentia ipso crudo longè tuior est: Data voluntate secundum præscriptum processum, acida, & tartarea aceti pars, in hæc essentia, relinquatur, eo quod, non tantum narcoticam qualitatem, mitiorem, sed etiam contra humorum putredinem, ac malignitatem, additione aliorum conuenientium efficaciorum reddat: Sæpius enim à me obseruatum est, huius vsu, præter doloris, sanguinis æstus, ac febrilis caloris sedationem, sudorem facilem, quo materia peccans, partim expulsa, roburque vitium fuerit, obortum esse: Obseruata enim methodo, causæ morbificæ & temperamenti cognitione, correctione &

Ang. Salæ.

additione conuenientium, iusta dosi, & temporis opportunitate adhibito, maiorem, quàm pharmacorum Myrias, vtilitatem, ac vice versa, posthabitis illis eius vsus, vt sæpè ab empyricis, potissimum Iudæis, balneatoribus, alijsque veræ artis, & scientiæ medicæ expertis, fieri solet, lethalem noxam adferre potest: Vnde factum, vt à quibusdam, qui inter vsu, & abusum distinguere nesciunt, non solum infamis habita, sed etiam contra rationem, experientiam, ac auctoritatem doctissimorum virorum, tanquam præsentissimum venenum, & ex republica medica exterminandum, proclamata fuerit.

C A P. III.

De modo purgædi Acaciam peregrinam, eiusque defectu aliam substituendi.

ACACIÆ fructus lupinis non absimilis, cuiusdam fruticis spinosæ ad arboris magnitudinem accedentis, Ægypti soboles est, cuius succus expressus, & coagulatus, in Theriacam, ac cætera famosa medicamenta recipitur: Istoc autem modo à sæcibus repurgatur, aqua florum acaciarum solutus, & albumine ouorum clarificatus, iterum condensatur; vt Lycium, & cæteri succi resinæ expertes ac in aquis solubiles. Cum verò acacia genuina, ad manus nostros rarè deueniat, adeo, vt semel tantum germanis notis signata mihi oblata fuerit, cunque in pluribus alijs simplicibus, æquipollentem vim reperire sit, ratio postulat, in vicem acaciæ ex Ægypto delatæ, aliud compositum, hoc modo præparatum, substituere.

℞. Balaustiorum, vel corticum granatorum, crassiusculè contritorum, lb̄ ij quæ aqua fontana maceratæ in aleno stanno obducto, aut vase vitreato, donec

E

decoctum virtutis adstrictoriae particeps fiat percoquantur: Huius decocti expressi & percolati mensuris tribus adhuc feruentibus, prunorum sylvestrium cum nucleis contusorum, lb̄ x. per duos dies macerentur, quod denuo percolatum, & albumine ouorum clarificatum, ad consistentiam euaporare permittatur. Hæc essentia frigida, & siccantis qualitatis, repellit, adstringit, & incrassat, quare ventriculi tono relaxato, vomitionibus, sanguinis reiectioni, dysenteria, hæmorrhoidum, vteri, ac omnium fluxuum abundantia, planè appropriata existit. Dosis eius per se, vel conuenienti vehiculo mixta à gr. x. ad ʒj. Ex hac gargarismus paratur soluta, columellam laxatam, & mollitiem gingivarum corrigit, dolores dentium, ab acrium humorum influxu sedat, contra luxationes & fracturas ossium, ac sinoviam, influxum humorum coercendo, partes roborando, vt & sanguinis eruptionem, enteroceleum, procidentiam ani, & vteri, magno vsui est.

CAP. IV.

De Ammoniâ, & aliorum ferulaceorum gummatum purificatione.

Gummi Ammoniacum, assa fœtida, galbanum, sagapenum, quod ex lignosa, & altiore frutice, ferula non absimili nascantur ferulacea dicuntur; duplicem substantiam complectuntur, vnam resinosam, ponderosam, in aqua subsidentem; alteram mucaginis, aut gummi cerasorum solutæ instar, aquæ miscibilem. Et si aliqua, in horum qualitatibus, quoad gradus differentia occurrat, virtute tamen calfaciendi, molliendi, penetrandi, discutiendi, intra corpus sumpta, tenacem pituitam, ex pectore, & pulmonibus euocandi, fere

conueniunt: Vtui sunt contra tussim, orthopnæam, ex frigidi humoris decubitu ortum, spasmus, apoplexiam, epilepsiam, suffocationem vteri, suppressiones mensium, obstructions, dolores laterum, duritiem splenis, morsus serpentum: Cuius igitur, in emplastra vsualia, antidota, & confectiones opiatas, massas pilulares à præcipuis Medicis dogmaticis, ob plures rationes expetuntur. Purgatio horum, quæ in partium lignosarum, arenularum, lapillorum, aliarumque inutilium rerum separatione consistit, sequenti modo perficitur. Gummi in conuenienti & ad scopum pertinente liquore, dissolvitur; cuius tota gummosa substantia per pannum, relictis fecibus expressa iterum inspissatur: Cum vino maluatico, aut alio quopiam generoso, ad Theriacam Mithridatium, ac similes confectiones, aceto verò soluta ad emplastra magis conueniunt, quod pharmacopæis ac chirurgis peritis optimè notum est, & in detergendi intentione admodum quadrat; Cum vero leuiore operatione opus in vlceribus præsertim, quæ Tartari ex aceto relictî, acrimoniam non sustinent; præstat in succis plantaginis, solani, florum sambuci, quibus caloris excessus moderatur, vel in decoctis vulnerarijs, ex Tabaco, Sanicula, Alchimilla, consolidida Saruacenicâ, ad varios scopos, prædicta gummiata dissolvere. Intra corpus vero cum appropriatis offerantur v.g. ad capitis, & nervorum vitia, cum Betonica aut Primula veris; pectoris & pulmonum, cum scabiosa aut Tusilaginis succo; ad vterum cum Artemisia aut pulegij, contra venenum cum scordij expressione, diluantur: Quæ porro inspissata, vasis vitreis optimè clausis, seruantur.

CAP. V.

Quomodo ex quolibet horum gummatum, duæ differentes substantiæ separandæ sint.

Supra mentio facta est, diuersarum partium in his existentium, quod reapse nunc demonstro.

R. Gummi Ammoniaci, vel galbani, minutim confracti ꝑijij, affunde in cucurbita alembico cæco munita, aquæ fontanæ lb iv; & moderato Balnei Mariæ calore, donec dissoluantur, teneantur; hoc peracto, super pannum lineum, super patinam vitreatam extensum, adhibita sub finem expressione forti, percolentur, & si post primam colaturam, utilis substantiæ quidpiam, in panno restet, liquore colato, & iterato calfacto, dissolvi & exprimi solet, materia tota, tam fluida, quam crassa conjuncta, in vitro lati orificij per 8. quiescat, donec pars eius ponderosior, ad fundum secedat, liquor autem lacteus flauedine quadam mixtus, & supernatans, in aliud vas à residuo decantatus, & cum ouorum albumine clarificatus, per pannum filtratur, ac mediante balneo, roris ad consistentiam fusi, & splendentis gummi reducitur: Hæce pars viscosa est sine Sulphuris participatione, & in aqua solubilis exsiccata, haud difficulter in pulverem teritur, ignique admota, flammam minimè concipit, ac per omnia, ad modum gummi Ceraforum, Pomorum, aut Arabici se habet.

Altera supradicta in vitro pars reliqua, in concha vitrea, super vapore aquæ calentis, aut arena fervente, eâ, quæ superest, pauca quantitatis, aquâ dissipatâ, in resinam concrescit, quæ sequentibus notis distinguenda: Primo, pondere & colore: Secundò, quod ignis contactu liquecat, altera vèro tantum inarescat: Tertiò, quod incendio pingue quid

exsudet: Quartò consistentia resinosa: Quintò quod saporis, & odoris alteram præcellat.

De ambarum substantiarum, quoad virtutes, & operationes differentia.

Cum prima sapore, sine manifesto caloris, & acrimonie excessu, respectu totius gummi, longè mitior existat; nullus dubitandi locus superest, eius temperamento, operationem conformem esse, & pari, ac gummi arabicum modo, sub lingua eliquatam; thoracis, & faucium, ac partium vicinarum, ab acri defluxione, morbis obortis, quam ipsum totum gummi, magis expedire. Postremam vero, vt pote resinosam, majore calore, & acrimonia, innocua tamen ad durities lienis, à glutinosa, & tartarea concretionem, resolvendas, mensum itidem suppressionem, ab infarctu similium frigidorum humorum, aliosque morbos, ad quos gummata ferulacea præstant, plus valere ratio dicat: Denique ad emplastrorum confectionem, his scirrhus, & tumores emolliendi, ex profundis vulneribus superflua extrahendi, vlcera mundificandi, & sanandi maior virtus inest; & ex hac olea destillata, maiore, quam ipsis gummatibus, quantitate, sine nidore caustico facilius educuntur, quod peritus Artista ratione facillè assequitur.

CAP. VI.

De solutione Bdellij, & Myrrhe, nec non extractione resinosa, & balsamica eorumdem substantiæ.

Bdellium, & Myrrha, nobilia duo gummata, ex certis in Arabia arboribus, vt Dioscorides memorat, promanantia, & à multis sæculis, magno in pretio habitâ, vt etiam sacra Biblia, horum mentionem faciant. Dolendum vero, hæc genuinis signis & effectu secundum præfatum Authorem prædita, ad nos nun-

quam deferri, quare quidam inducti, ea quæ nobis hoc nomine in vſu ſunt, aut adulterata, aut vilioris vel planè alterius ſpeciei eſſe ſtatuunt, quæ tamen quibuſdam cum vera myrrha, & bdellio conueniunt: At vero, cum non ſolum hæc, ſed multa alia medicamenta, Turcarum, Mauritanorum, Indorum, & Iudæorum, nec non impiorum Chriſtianorum, malitioſo manganio corrumpantur, in eo detegendo nos ſolertes eſſe conuenit, vt quiuſ talem fraudem cuitandam diſcere poſſit.

Horum gummatum, cuiuſcunque, vt dictum, probitatis ſint, eorum quæ à modernis, in vſum, traducuntur, præparatio talis eſt.

Gummi Bdellij, vel Myrrhæ in cucurbita, s. q. ſucci herbarum, decocti, vel in ſuſi ſimplicium, ſcopo conuenientium, ad eminentiam duorum digitorum affunditur, & in Balneo Mariæ ſufficienter eliquati, ſit expreſſio, cuiuſque tandem leni calore inſpiſſatio: Conſultum verò eſt tum demum, quando vſus poſtulat, hoc modo præparare, ne ante illum ſitu corrumpantur, aut plus æquo indureſcant. Sequenti modo baſamica horum ſubſtantia extrahitur. Bdellij, vel Myrrhæ, craſſiuſculæ contritæ lbj. Spiritus Vini ex vino malvatico vel hispanico deſtillati, & reſtificati lbijj affunduntur; materia omnis, in cucurbita alembico cæco munita, Balnei Mariæ moderato calore, ſubinde leniter agitando, tantisper contineatur, donec liquor probè tingatur, ab hoc porro, in aliam cucurbitam, quantum fieri poteſt limpidiſſimo tranſuſo, Spiritus Vini ad remanentiam octauæ partis abſtrahitur: Reſidui in cencham effuſi, aquea pars vt extractum terebinthinæ conſiſtentiam, ſapore, & odore gummi præcellentem acquirat, euaporare permittitur, quod valis vitreis exceptum, loco frigido ſeruatur. Eſſentia hæc baſamicæ virtutis, vtilis eſt, ad maſſas pilulares

& antidota, veneno, aut humorum putrefactioni reſiſtentia; & cum laudano, morbo exigente, ad quem gummata ipſa laudantur, commodum miſcetur. Doſis à 4. 5. ad 18. gr. Fæces quæ in extractione remanent nullius ſunt qualitatis propemodum, à Medico prudenti tamen, ad externos affectus applicari poſſunt.

C A P. VII.

De Purgatione Gummi Ladani.

Ladanum gummi ſpecies quædam odorifera, collecta ex foliis arboris Ladi, vt Dioſcorides reſert; præterquam ad odoramenta expetatur, pluribus aliis, à modò dicto Authore, virtutibus notata ac digerendi, caſfaciendi, emolliendi, pilos conſeruandi, cicatrices extergendi, dolores aurium leniendi, ſecundinas expellendi, vteri duritiem emolliendi, tuſſim ſedandi, vrinam ciendi, & quoſcunque alui fluxus moderandi efficacia pollet.

Ladanum duplicis generis, apud materialistas vocatos, reperire eſt: vnum in placentas rotundas conuolutum, Alterum maſſæ cuidam craſſiori; quod ſerè præſtat, maximè, coloris ex viridi, obſcuro, grati odoris, ſubſtantie mollioris, & digitis facilè cedentis. Qualecunque autem ſit, vix vnquam, ſordibus, & arenulis caret, & leui opera purgari poteſt, ſcilicet aqua Roſarum ſolutum, eodem quo de Myrrha, & Bdellio, modo actum, per pannum denſiorem colatum, iteruq; coagulatum, & in orbiculos formatum, vel in maſſa quacunque ad vſum ſeruatur.

C A P. VIII.

De purgatione Gummi Styracis Calamitæ.

HOc gummi acidodulci ſaporè, odore vero ſuaui, præditum eſt, vnde

vsus eius, ad pefumigia frequens. Dioscorides huic calfaciendi, maturandi, & emolliendi virtutem adscribit & contra tussim, catharros, raucedinem, capitis grauitatem, angustiam pectoris, aphoniam defluxione inductam, oppilationes & duritiem vteri, suppressionem mensium, obstructionem alui summopere commendat: hoc verò, vt alia exotica, rarò fraude & mangonio caret, vt etiam illud, quod à pluribus præstantissimum celebratur (sed à Dioscoride fallaciam ridente explosam) styrax vermicularis dicta, aliarum enim rerum admixtione, adulteratum, sole fervidiore existente per setaceum agitur, vt talem formam acquirat.

Illud vero melioris, secundum præfatum Authorem, notæ; nondum, aut rarò admodum, nobis obtinere licet: Quare optimum quodque, ad nos delatum, quod colore rubro, & substantia resinosa constat, vsu medico exigente, in modum ladani paulò ante dictum solutum ab impuritatibus liberatur. Caterum probatur carbonibus injectum, odore Balsamo Peruiano simili fragrantissimum: Si verò nidoroso, & alieno nares feriat, aut aqua rosarum solutum, dulcedinem amittat aut pinguedinem fundat; pingui aliquo, aut melle, aut alia re adulteratum esse suspicio est.

CAP. IX.

De Styracis liquida clarificatione.

Styrax liquida, tenacis, & resinosa substantiæ Terebinthinæ communi, & impuriore similis, colore pellucido, & quandoque ex cinereo fusco resplendet, odoris penetrantis & quasi acidum quid referentis. Dioscorides libro 1. cap. 6. 7. duas species Myrrhæ recenset, vnâ Pedismon, alteram Gabiream vocatam, ex qua styracem liquidam, exprimi docet. In cuius sententiam Medici quidam cedunt,

alij vero dissentiant & liquidam ex prioribus calamita certo modo extractam esse statuunt; quidquid autem sit, nec colore, nec odore aut sapore, cum gummi illo; quod pro Myrrhâ accipimus, affinitatem ullam habet, & in igne odorem styracis calamitæ diffundit & sequenti modo depurata, insignem liquorem balsamicum suppeditat. *℞.* Styracis liquidæ lbij ex his, per cucurbitam, in arena, moderato igne, ne aduratur (qua opera simul aliquid pingue pellucidum vehementis odoris instar spiritus Terebinthinæ extillat, quod per se vel vnguentis mixtum, vsui medico commodare potest) humiditas abstrahitur; residua vero pars styracis, adhuc calens, linteis excepta, in patinâ terream vitreatam exprimitur, vt nihil nisi impurum recrementum reliquum sit: *Quare* iterum, in cucurbita, alembico cæco instructa Spiritus Vini rectificatissimi lbij affusus, Balnei Mariæ calore ad manus tolerabili, agitando per vices materiam, integro die foueri decet: Ab hoc porro liquore refrigerato, & fœcibus per colaturam purgato Spiritu Vini, calore Balnei Mariæ abstrahitur; post quem substantia, instar Balsami ad Indis ad nos delati, & Copal dicti, quedam fusca, & resinosa remanet; quæ præstantiorem hac præparatione odorem nacta, vitreo vase seruanda est.

Balsamus styracis calefacit, emollit, attenuat, maturat, attrahit, quæ de causa per se, vel vnguentis, & emplastris mixtus, externorum affectuum, in quibus medicamenta, eiusmodi facultatis requiruntur, vsui conuenit: Dolorem ex frigore natum, vi balsamica tollit, consolidationem vulnerum promouet, intra corpus sumendum, nondum quidem obtuli; tamen dubito, quin, quam Balsamus Peruianus, aut liquidanbar, quæ ferè acrioris, & calidioris facultatis sunt, æque tutò administrari possit: Ad composita odorifera gratiora reddenda, ad trochis-

cos, & candelas fumales cinamomo præcipui mixtas, ipsa styrace Calamita præstantior est: Quæ in gratiam studiosorum huiusce artis addere placuit.

C A P. X.

De Assæ dulcis repurgatione.

Assa dulcis, gummi cuiusdam elegans species, Ammoniaco ferè similis, consistentiæ tamen aridæ, adeo ut nec manuum calore emolliri queat. Cæterum pergrati est odoris, & penetrantis qualitatis; quæ ex pulveris contritione, ad cerebrum delata, sternutatione, largam pituitam excutit, eiusque fumus, copiosius admissus, non solum caput tentat, sed etiam pectus & pulmones (non minus quam Sulphur minerale, cum quo etiam præcipuis siccandi, detergendi, extrahendi, & putredinem arcendi viribus conuenit) suffocationem, quodammodo excitando infestat: Vnde non modo, artem perfumandi sectantibus, ob singularem odoris præstantiam, sed etiam Medicis pulverisata, aut sublimata, ad pectus crassorum humorum infarctu expediendum, in linctus tabulata, & trochiscos recepta, non minus quam ipsum Sulphuris sublimatum frequenti in vsu est: Ex quo aliqui pro illis, qui olida vnguenta, & emplastra moleste ferunt, conuenienti additione, emplastrum splenicum nobile componunt.

Eius purificatio talis est: Gummi huius pulverisati lbj, affusis Spiritus Vini rectificati in cucurbita lbij per horam in Balneo Mariæ aliquoties agitando, non solutus liquor, colorem vernicis æmulum præferat: A quo refrigerato, decantato, per pannum, in vitrum, ad separationem fecum percolato, Spiritus Vini per Balneum Mariæ abstrahitur, ad remanentiam materiæ rubicundæ, & splendentis, secundum doctrinam, supra de myrrha traditam. Porro ad odoris ex Spiritu Vi-

ni contracti ablationem, aliquoties, aqua rosarum elota, lapideo vase obturato reconditur. Qui verò hunc sumptum ac laborem ferre recuset, methodum de Ladano præscriptam, sequi poterit.

C A P. X I.

De purgatione sanguinis Draconis.

DE origine huius gummi, multa fabulosa extant; periti verò ex Neoterics Medici, hoc cuiusdam arboris, qui cortice ablato, squamosam Draconis pellem referat, sobolem esse contendunt, & tum propter hanc, tum colorem instar sanguinis rubrum hoc nominis sortitum esse: Quem sensum inprimis Nicolaus Monardus, historia sua, simplicium in occidentalibus Indiis nascentium tuetur: Alij vero hoc gummi, ex fructu quodam rotundo, ceræ conformi, in arbore quadam, qui Draco vocetur, progeneri autumant: Quidquid id sit, certum est, ipsum nullius generis animalium sanguini, sed vegetabili cuiusdam substantiæ, originem suam acceptam referre: Rarè autem hætenus, absque fraude purum nobis oblatum est: Quo factum, ut quidam mixturam ex sanguine hirci, bolo armeno, prunis sylvestribus, aliisque adstringentibus succis & fructibus confectam, & nomine sanguinis Draconis notatam, in usum duxerint: Cui suum quoque pretium relinquo.

Aut nullo non tempore impostores dolum meditantur, qui compositum quoddam ex gummi arabico, & tinctura ligni Brasiliensis, aut facibus tincturæ granorum Chermes, coloris rubri in orbiculos redactum, pro genuino sanguine draconis, sæpè distrahunt; cuius usum cauendum esse adhortor, Germanus colore rubro sub obscuro splendescit variis figuris, rotundis, vel oblongis, quemadmodum cætera gummata, ex arboribus stillantia, & in grana coagulata conspiciuntur,

vt plurimū segmentis, corticis ligni, ex quo profluxit, intermixtis: Hic vehementer siccus; nullo manifesto odore, aut sapore præditus, & in puluerem contritus, colorem rubrum pingendis vitreis vasis instar vernicis aptum præbet, demum nec aqua, oleo, sed vno Spiritu Vini solubilis, quibus signis quoad externam etiā formam, aut colorem, factitius, aut mangonifatus minimè respondet, sed lentus est, tenax, cito humescens, attritu difficilis, pallorem contrahens, & cum aqua, vt Tragacanthum, aut gummi arabicum misceri ac vniri aptus. Vidi aliquoties, præsertim Hamburgi, apud admodū doctum, & in rebus pharmaceuticis versatissimum D. Benedictum *Gluck*, amplissimi ibidem Senatus pharmacopœum iuratum, peculiarem speciem, in bacillos longos efformatam, foliis *Ericæ* similibus involutam, quam omnibus notis, & virium præstantia, cum genuino sanguine draconis conuenientem, sine vltiore præparatione, ipso effectu probaui: In qua forma, haud multo post tempore factiosos irrepsisse sensi, qui cum modo specie descripta, minimè conferrī potuere, quæ propter sanguinis draconis vsu indigentes, in eiusdem electione cautos esse iubeo. Reperitur etiam hoc gummi in magna frustra concretum, quod nullo modo improbandum.

Hoc gummi, frigidi, & sicci temperamenti est, facultatis adstringentis, & adglutinantis, quibus venas apertas claudere, interiora fracta sanare, & corroborare solet; omnibus sanguinis eruptionibus, ossium fracturis, herniis, dysentericiæ, hæmorrhoidum fluxui enormi, curandis præstans est remedium, vbicunque, nec venæ sectio, aut ventosarum applicatio, aliaue medicamenta, secundum artis methodum præscripta, casu exigente quicquam euincere valuerunt, hoc in puluerem contritum, & artificiosa ligatura applicatum, quandoquidem sine ulla noxa

humorum affluxionem coërcet, sinoviam sistit, vulnera consolidat, omnibus aliis facile præferendum esse, ipsa experientia cognoui.

Huius frustra majora, sine aliena lignorum, alteriusvè rei accretione puriora, nulla præparatione indigent, nisi vt in pollinem redacta ad vsum seruentur: illi vero in granis quidem sed multis impuritatibus referto, modò alioqui sincerum sit, in puluerem contuso s. q. Spiritus Vini in Balneo Mariæ, vt dissoluatur, affunditur: Huic, qui sanguinem colore, & consistentia refert, per pannum colato, post Spiritus Vini (vt quarta pars reliqua supersit) abstractionem, in vitrea, aut terrea patina, aquæ plantaginis q. s. affunditur; quò gummi, quemadmodum, in aliarum resinarum extractione dictum, à liquore separetur, idque toties elotum, ne quid de spiritus vini odore supersit, exsiccatumque, & refrigeratum commodè in puluerem conteri possit. Dosis eius à gr. 12 ad ʒj aut summa necessitate postulante ʒʒ, quod pulverisatum, in succis appropriatis Berberorum, Ribium, Cydoniorum, Myrtillorum, Plantaginis, Bursæ Pastoris, cum aquis eorundem & saccharo conditis, ne crassities obstet, quo minus facilè, ad partes affectas penetret: Si cui vsus Sacchari ad scopum tacere non videatur; in gelatina ex pedibus vituli, sine sale, & aromatibus parata, adhuc calente, pro necessitate, sine periculo, tertio, vel sæpius offerri solet. Cæterum, vsu distante, aliis medicamentis misceri, vel ad composita, pro prudentis Medici iudicio transferri potest.

APPENDIX

De Mixturis præparantibus.

Sequuntur nunc, appendicis loco, aliquot, & quidem præcipua, ex vegetabilium essentijs, composita, quæ ab alijs

mixtura vocantur; ac necessitate postulante, materiam peccantem, alterandi, concoquendi, refranandi, attenuandi, emolliendi, detergendi, meatuum interiorum asperitatem leniendi, eorundem obstructions aperiendi, aliarumque intentionum causa, ante, cum, & post cathartica, in morborum curis absoluedis, magno ægrotantium solatio adhibentur.

I.

*Mixtura lenitiva, aperitiva,
frigida, temperata.*

℞. Essentiar. rad. Cichor. Sylvest.

Graminis
Oxalidis ana ʒij
Violar. cærul.
Rosar. rubr. ana ʒj
Glycyrrhizæ ʒß
passular. albarum ʒiij ß.

Hæ Essentiæ, in concha vitrea super vaporem aquæ calentis equilatæ, probè misceantur; ac porro in vitreis valis, ad usum recondantur.

Vires: Mixtura hæc, moderatè refrigerat, attenuat, aperit, digerit, & abundè resolvit, ad expediendos infarctus, jejoris, lienis, venarum mesaraicarum, ad apparatus humorum euacuationi idoneum, & ipsum corpus habile efficiendum, summopere expetita: Ad icterum insuper, cachexiam, febres prolixas, morbos inueteratos, humorum feruorem, & acrimoniam abolendam, in teneris præsertim constitutionibus, quas violentius, alterare nefas est, peropportuna est. Dosis eiusdem à ʒiß ad ʒij pro ratione, & necessitate indicantium.

II.

*Mixtura lenitiva, aperitiva, calida,
temperata.*

℞. Essentiæ Agrimoniæ
Betonicæ

Rad. Scorzonæræ
Fumariæ ana ʒj
Flor. Berraginis ʒiß
Glycyrrhizæ ʒß
Caricarum ʒij

Elæosacchari Anisi ʒß.

Hæc ipsa, ad normam præcedentis sit, eique demùm Elæosaccharum conjungitur.

Vires. Ad modum temperata vi calefaciendi, & digerendi, ad affectus diuturnos, & obstructions ex frigida materia tollendas, nec non viscera corroborandi virtute pollet. Dosis eadem cum superiore.

III.

Mixtura carminativa.

℞. Essentiæ Summitatum fæniculi
Florum Chamæmeli ʒj
Baccar. Lauri
Thymi
Rad. Gentianæ ʒß
Caricarum ʒiijß

Elæosacchari Carui recentis ʒj

Vires: Hæc mixtura calfaciens, crudam, & frigidam colluviem, in ventriculi, & intestinorum cavitare, restagnantem resolvit, detergit, ad euacuationem disponit, flatusque ex in ortos dissipat, dolori colico, & tympanitidi beneficit, vrinarum, & mensium tarditatem corrigit, quam aliquando, sub ipsum exhibendi tempus, acidi Tartari mixtione acuire licet. Dosis à ʒß ad ʒj.

IV.

Mixtura Diuretica.

℞. Essentiæ Parietariæ ʒij.
Rad. Ononidis ʒiß.
Pimpinell. hircinæ.
Sem. Saxifr. albæ ana ʒvj.
Glycyrrhizæ
Baccar. Juniperi ana ʒj
Fruct. Alkekengi ana ʒiij.
Elæosacch.

Elæosacch. cerefolij ʒj. Misce.

Vires : Ureterum meatus, viscido, & tenaci humore impeditos liberat, calculum dissolvit, arenulas, & flatus exigit conclusos, lumborum, ac dorsi dolores, ex vrinæ retentione obortos pacat, ad splenis, ex copia feri, instar spongiæ turgentis incommoda, aquam intercutem, ac reliquos affectus, ad quos diureticorum vsus requiritur valde competit: quæ ipso vsus tempore spiritus salis vel ammoniaci guttis 6-8. acuata efficacior fit. Dosis eadem, quæ supradictorum.

V.

Mixtura Acetosa.

ʒi. Succi Oxalidis clarificati lb viij.

Tamarindorum recent. lb j.

Fructus Tamarindorum, in præfato succo dissolvitur, opus continuando, donec, ex data in capite octauo, primæ sectionis instructione, amborum essentia confusa, istam consistentiam consecutæ fuerint.

Essentia hæc composita, & ea industria elaborata, vt non modo sit Empyreumate libera, sed etiam tartaris suis acidis, & teneris, adhuc prægnans existat sapore acuto, & penetrante, ac omnimodo ipsius Limonum, Cetri, Granatorum, ac Berberidum succis, suauitate non modo æqualis, quocunque modo extractis & paratis, sed etiam illos, cum breui temporis spatio, amarescant, vigoris constantia superat.

Vires : Non solum feruori, humorum biliosorum extinguendo sed etiam viscidis, & terrestris recrementi admixtione pertinaciorum redditam, attenuare, & abstergere, vt & sanguinem, à calidis ichoribus mundare, ac per vrinam expurgare, sitim lenire, fauces recreare, vires cordis, ventriculi, & hepatis, immodico calore exsolutas reuocare, succos alimentarios, à putredine, ac ipsum corpus, à pe-

Ang. Sale.

stilenti maligna affectione vindicare, materiamque opilantem, glutinosam, æque promptè ac quodvis aliud ex acidis ad hæc appropriatum, incidere; eoque modo Scorbuti characterem obscurare potis est, & variis omnino scopis per se, aut aliis mixta, inferuit. Dosis eius à ʒj ad ʒj, circiter pro re nata.

VI.

Mixtura Plantaginis.

ʒi. Essentiæ foliorum Plantaginis ʒiiij.

Rad. Nymphææ.

Violar. cærul. ana ʒj.

Rosar. rub.

Capit. Papau. alb. ana ʒiiij.

Camphoræ purificatæ ʒß.

Fragorum Syluestrium ʒvj.

Misce.

Vires : Mixtura hæc refrigerans, fluidos, biliosos ichores sistere, acrimoniam eorum, vt euacuantibus promptius cedant, infringere, febres, dolores capitis, somnia terribilia, insaniam, sitim, ac omnes morbos ex bilis ferocia pulsulantes, libidinem effrenatam compescere, gonorrhæam, & fluorem muliebrem corrigere, somnum invitare, partium principum febrili ardore, dejectas vires, suscitare solet efficaciter, Dosis à ʒj ad ʒiß.

Essentiæ Rad. Nymphææ præparatio.

Talis est, vt sequitur. Radici Nymphææ siccatur, & in taleolas concisæ, in olla optimè vitreata, aquæ Nymphææ feruentis, lb iv. affunduntur, absq; commotione infusum per noctem quiescat, hinc liquor pellucidus, flavus, per setaceum, sine expressione coletur, colatum vsitato modo, leni euaporatione, in consistentiam cogitur. Hic ipse modus, in radicem Althææ, Symphyti, & similibus mucilaginosarum extractione optimus est: At cum huiuscemodi essentia citò rancescant, hæud multò ante ipsius mixturæ confessionem eas parare consultum est,

F

VII.

Mixtura Betonica.

℞. Essent. Betonice ʒiij.
 Summit. feniculi ʒij.
 Acori Matthioli
 Thymi ana ʒβ.
 Passularum.
 Caricarum ana ʒiij.
 Salis Absinthii granulati ʒβ.
 Elæosach. Origini.
 feniculi ana ʒj.

Misce.

Vires : Hæc mixtura pituitosis, crassis humoribus incidendis, & abstergendis apta est, eoque nomine pectus, stomachum, hepar, lienem, renes, vterum, & cætera viscera hisce grauata releuat, calfacit, & confortat. Dosis à ʒβ ad ʒj.

VIII.

Mixtura de Buglossò.

℞. Essent. florum Buglossi, vel Borræg.
 Malorum fragrant. ana ʒij.
 Viol. cærul. ʒj.
 Flor. perforat. ʒij
 Elæosacchari Melissæ ʒj. Misce.

Vires : Ad vtramque bilem, earumque adustas fuligines, vnde cordis, & cerebri grauia accidentia, vt potè vertigo, cephalagia, somnia tetra, mania, lipothymia, oboriuntur, sine noxa coercendas efficax est. Dosis à ʒj ad ʒij.

IX.

Mixtura Fumaria.

℞. Essent. Fumariæ ʒiij
 Cerefolij
 Asplenij ana ʒij
 Cauliculor. Lupuli
 Polypodij querciniana ʒj
 Tartari Acetos. depuratiss. & subtil. puluerizati ʒj

Elæosacchari sem. Cerefol. ʒβ.
 Misce.

Vires : Potens est hæc tinctura, crassam, tenacem, faculentam, ac terrestrem cum atrabile congeriem, edomare, & per vrinam subducere, pertinaces viscerum obstructions soluere, sanguinem à putrida, acri, falsa, & adusta infectione mundare, arquat, febrem quartanam, nec non scirrhus hepatis, ac lienis, melancholiam hypochondriacam, Scorbutum, cancrum, psoram, lichenes, morbum gallicum in habitum corporis serpentes, pustulasque & tophos germinantem, ac quosuis alios, huius farinae affectus, mitigare nouit. Dosis à ʒj ad ʒj.

X.

Mixtura de Anagallide.

℞. Essent. Anagallidis flore rubro ʒij
 Betonice
 Fl. primule veris ana ʒj
 Iux Arthriticæ
 Saluie
 Acori Matthioli
 Maiorana ana ʒβ

Elæosacchari Roris marini ʒj Misce.

Vires : Appropriata est, contra apoplexiam, spasmodum, epilepsiam, lethargum, tinnitus aurium, memoriæ lapsum, articulorum dolores, ex humorum affluxu, aliosque affectus ex cruda, frigida, & flatulenta materia obortos, plurimum valet. Dosis à ʒj ad ʒj.

XI.

Mixtura Althea.

℞. Essent. rad. Altheæ.
 Symphyti
 Viol. cærul. ana ʒj
 Glycyrrhizæ ʒβ
 Cortic. Papau. albi ʒij
 Iuiubarum ʒiij
 Gum. Tragacanthæ

Arabici subtil. pulueriz. ana
ʒij. Misce.

Vires: Mixture hæc pectori, & pulmonibus, faucibus, calidorum,, acrium-que humorum influxu tentatis, refrigerandi humectandi, ac leniendi, virtute, expectorationem promouendo; vte etiam phthisi, peripneumoniæ, pleuritidi biliosæ, exulcerationi renum, vtererum, gonorrhææ malignæ inueteratæ, vnde dolores, & symptomata varia oboriuntur, vna simulque acrimoniam vrinæ obtundendo, sabulum, & sordes, blandè subducendo, egregiè opitulatur. Dosis ʒʒ, plus minus, pro ratione necessitatis.

XII.

Mixtura de Tussilagine.

℞. Essent. Tussilag. ʒiij

Hyslopi ʒiʒ

Glycyrrhizæ ʒvj

Rad. Helenii

Prassij sive Marrubij albiana ʒʒ

Fæculæ Aronis ʒj

Elasacchari faniculi dulc. ʒj. Misce.

Vires: Calfaciendo, maturando, incidendo & abstergendo affectus pectoris, pulmonum, vtpote, anhelosam tussim, angustiam respirationis, à crassorum, ac viscidorum humorum infarctu, expectorationem promouendo, oppidò iuuat. Dosis huius mixturæ à ʒj ad ʒʒ.

XIII.

Mixtura de papauere erratico.

℞. Essent. fl. papau. Rhæadis ʒij.

Scabiosa ʒj

Betonicæ

Cardui bened. ana ʒʒ. Misce.

Vires: Contra pleuritidem, tam in principio antequam radicem fixerit, materiam adhuc fluxilem, per sudorem, & insensibilem transpirationem consumendo, quam in ipso statu, apostema rum-

pendo, & mündificando; vt &, ad omnem purulentam, cruentam, & fatidam faniem, in pectoris cauitate contentam expurgandam, remedium est specificum. Dosis à ʒj ad ʒj.

XIV.

Mixtura Myrtilorum.

℞. Essent. fruct. Myrtil. cum aqua plantag.

vel Buriæ pastoris ext. ʒij

de rosicis ʒj

Acaciæ nostræ ʒij

Cydoniorum ʒiij. ʒij. Misce.

Vires: Hæc adstringendi, & refrigerandi potentia, acres, & subtiles, à capite defluxiones, ad pectus ruentes coercere, ac partes labefactas corroborare, & quemcunque per inferiora, & superiora, sanguinis & alui fluxum, vteri potissimum, acrem, & biliosam sistere gonorrhæam virulentam, moderata adstrictione, putredinis correctione, sanare valet. Dosis communis ʒʒ.

Quomodo Essentia cydoniorum, ad hanc mixturam requisita, preparatur.

Cydoniorum selectorum & maturorum, cum corticibus in tenues, & oblongastaleolas concisorum, q. s. rejectis seminibus, cucurbitæ indatur, & affusa aqua rosarum, ad eminentiam aliquantulam, alembico cæco apposito & in Balneo Mariæ vt cydonia emollescant foueatur; hinc aqua rosarum aliquantulum tincta & separata reliquum leui expressione, ne quid viscidum admisceatur, coletur, quod cum aqua dicta conjunctum, iterum blandè, ne quod empyreuma contrahat, inspissetur. Essentia gustu, & visu gratissima existit.

XV.

Mixtura de Rubo Idæo.

℞. Essent. fruct. Rubi Idæi ʒviij

Cydoniorum cum aq. Ros.

ext. ζ iiij

Elæofacchari de corticibus limon.
recen. \mathcal{D} j. Misce.

Vires: Vi refrigerante, & adstringente grata aciditati conjuncta, æstum ebullientis bilis infringit; & specifica proprietate, cor, ac spiritus vitales, contra cardialgiam, alioſque affectus, ex calidiorum, & venenatorum succorum insultu inualescentes defendit; alui fluxum, & dysenteriam humorum acrimonia obortam sistit. Dosis ζ ij plus minus, cum liquo- re conuenienti.

XVI.

Mixtura Scorzonera.

\mathcal{R} . Essent. rad. Scorzonera ζ ij
Herb. & rad. Galangæ ζ j
Doronici
fl. Tunica rub. ana ζ ß
Oxyſalis diaphoretici ζ iiij
Elæofacchari Melissæ
corticis Citri ana \mathcal{D} ß. Misce.

Vires: Præstantissima antidotus, & simul cordis confortatiuum est, in febribus contagiosis, malignis, & pestilentibus necessarium, humores à centro corporis ad peripheriam, & materiam mor- bificam, in venis, & habitu corporis latentem, per insensilem transpirationem, vel sudorem modicum, euocando omnibus corporis constitutionibus, & cuiuscunque corporis qualitatibus, ad- modum conuenit. Dosis à ζ ß ad ζ j. Præ- paratio Oxyſalis diaphoretici, ad calcem huius tractatus reperitur.

XVII.

Mixtura Absinthiaca.

\mathcal{R} . Essent. Absinthij recent. ζ ij
rad. Bened. caryophyl. ζ j
Cort. arant.
Agerati ana ζ ß

Elæofacchari Menthae crispæ ζ j.
Misce.

Vires: Vim ventriculi, potissimum re- tentricem, vt & hepatis, frigore labefa- ctatam erigit, dolores eius placat, flatus dissipat, icterum curat, bilem per vrinam expedit, lumbricos ex corruptione cibo- rum natos deturbat. Dosis à \mathcal{D} j ad ζ j.

XVIII.

Mixtura de Artemisia.

\mathcal{R} . Essent. fol. & flor. Artemisiae rub.
fl. Chamæmeli ana ζ j
Pulegij
Melissæ ana ζ ß
Valeriana
Aristolochia longæ ana ζ ij
Fæculæ Bryoniae ζ ß
Elæofacchari Cinamomi \mathcal{D} j. Misce.
Vires: Calfacit, aperit, abstergit, men- ses ab infarctu pituitosi, & tenacis hu- moris impeditos promouet. Dosis à \mathcal{D} j ad ζ j.

XIX.

Mixtura chalybeata.

\mathcal{R} . Succus fumarie lb viiij
Tamarindor. recent. lb j.
Tamarindorum, in succo fumarie, vt in Mixtura acida, dissolutorum liquor, in phialam robustam transfunditur cum ζ vj subtilissimæ limaturæ chalybis, ex acubus confecti: Vas continens opercu- lo tectum, in arena calida ponatur, vt fermentatione quadam, per 3. vel 4. dies sursum, deorsumq; feratur materia, inte- rim per interualla agitando, detecto ta- men vase, ne vi vaporum dissiliat, donec tandem penitus nigrescat: Liquor porrò per pannum trajectus, ad mellis consi- stentiam euaporet: Quæ mixtura sapo- rem validum, à chalybe hac opera acore fere deleto mutuatur, residuum in pulve- rem contritum, siccatum, alleruatur, ad

eandem mixturæ, confectionem, quandoque vsui futurum. Vires: Ad inueteratas viscerum obstructions, cachexiam, arquatam, & icterum flauum pellendum valet: Præcipuè spleneticis, & melancholicis, magno auxilio est. Dosis à ʒj. 3ʒ. ad ʒj.

X X.

Mixtura Alchimilla.

℞. Essent. Alchimillæ ʒiij
 Saniculæ
 Virgæ aureæ
 Pirolæ
 Vincæ pervincæ ana ʒvj
 flor. papau. rhædis
 Hyperici ana ʒβ
 Elæosacchari Nuc. muscatæ ʒj.
 Misce.

Vires: Mixtura hæc adstringendi, adstergendi, & consolidendi facultate, partibus internis, exulceratis, purulentis, ac fauciatibus; sanguinis item concreto, vulneribus, puncturis periculosis & rupturis, oppidò auxiliatur. In quibusvis, & cuiuscunque tmeperamenti hominibus, quotiescunque opus, sine periculi metu, à ʒj ad ʒj exhibetur.

De modo Elæosacchari parandi, quæ ad prædictas mixturas recipiuntur.

Quandoquidem molea destilata vtpote subtilia, penetrantia, & aromatica, aut de facili exhalare, aut rancida euadere, aut inter gestandum, vasi ruptis effundi possunt, huic damno, quo occurrâ, modum ea incorporandi, ante viginti annos excogitaui. ℞. Sacchari subtilissimè puluerizati, infundatur huic guttatim, & successiuè, oleum destillatum quantum capit vt adhuc in forma pulueris subsistere possit, ac chartæ affricatus, solummodò illam, aliqua pinguedine inficiat. Ad hanc normam similes, ex diuersis oleis, mixturæ confici possunt, quæ in vitreis organis, seruatu faciles, pro prudentis

Medici iudicio, ad medicamenta aromatizanda, eorundem vires augendas, prauas qualitates corrigendas, frequenti sūt in vsu, à me vero, antehac Magisteria vocabantur; licet ipsimet mihi, Elæosacchari nomen, magis competere nunc videatur. Quidam loco Sacchari, salern proprium, sed perperam admiscunt; Neque enim Saccharum, æque ac Sal, qualitates oleorum, immutare solet.

Oxyfalis Diaphoretici preparatio.

℞. Salis card bened. in granis selecti, cui in concha paulatim, spiritus, aceti vini acerrimi, vel (de quo si Deus annuat in Saccharologia mea) ex Saccharo per Balnei Mariæ lenem calorem, absque empyreumate parati, tantum affunditur, vt non modo sal soluatur, & fumus ex pugna vtriusque orta, sistatur, sed etiam gratus, acidulusque sapor præcellat, cuius humiditas, lenta porro euaporatione consumetur, Hinc ex sale denu, in aqua rosarum soluto, & in Balneo Mariæ, per octo dies digesto, pulcherrimi, & pellucidi coloris liquor conspicitur, qui clarus in concham effusus, in consistentiam siccam iterum reducitur, & in vasis vitreis, accuratius ocllusis seruatur, neut proclius est, externi aëris contactu liquescat.

Hoc numero Mixturas essentiarum vegetabilium, præter simplices essentias, in promptu mihi existentes, ad vsu asseruo. Semina frigida maiora, & minora, ad nulla composita, nisi mox exhibenda, facile admitto, cum ob oleagineam substantiam citò rancida fiant: Sed cum vsus postulat, emulsiones recenter, ex seminibus paratas aliis medicamentis miscere soleo: Quamuis superscriptæ Mixturæ, etiam sine horum additione refrigerandi, humectandi, leniendi, & abstergendi virtute, nihilo inferiores sint.

Vsus earum talis. Has in forma apoze-

mais vt plurimum, aut aqua destilata, sero lactis, decocto hordei, aut cicerum dissolutas, & quandoque parte aliqua sacchari conditas porrigo : Quandoque verò frigore ob læsas partes calfaciendi, flatus discutiendi, vrinæ mouendi causa, in vino, vel mulsâ benè cocta, aut si scopus ferat vino saccharo dulcificato; quibusdam etiam in Iulepo, alioue liquore appropriato cum saccharo, vel essentia passularum propinare soleo : Aliquas etiam, aquis destillatis, vino, aceto, prout vsus exigit, commixtas addito Saccharo aut melle clarificato in syrûpi cōsistentiam coqui iubeo, vel cum aliis speciebus, tabulata, linctus, & electuaria confici, aut in emulsione feminum frigidorum, vel hordei dissolvi, ac porrò edulcorari, & aromatizari curo. In potu

verò vulnerario, si quando humores, ac corpus, non tantum præparandi, sed simul laxandi, vel purgandi intentio præualet, facilis labor est, cum cassia extracta, syrupo violarum, aut rosarum, cum Sena & Rhabarbaro solutiuo, aut aliis purgantibus id consequi : In quo etiam harum aliqua, vel deficit, vel excedit, additione vnius, aut duarum aliarum, vt optatum effectum fortiat, refarciri, ac multiuariis aliis modis, earum vsus limitari potest, qui cū erudito & dogmatico Medico, sine dubio, cogniti sunt, superfluum esse opinor, singulos recensere.

Tantum de præparantibus Mixturis: Quod singularia mea vomitoria, cathartica, diaphoretica, alexiteria, cordialia & hypnotica attinet, reliquis meis quibus comprehensa sunt, opusculis videre licet.

F I N I S.



HIDRELÆOLOGIÆ.

SECTIO PRIMÆ.

CAP. I.

De Aqua, in genere.



Qua, inter elementa mirabilis est, nec enim minus ipsâ terrâ, cæterisque elementis, stupenda altissimi opera exhibet. Hæc enim tanquam volatilis, ac fluida substantia, ad ignis contactum, in vaporem conuersa, ac in sublimè ascendens, aëri, cum quo naturam analogicam, & symbolum gerit, permiscetur; iterumque frigidioris auræ alapsu, suo pondere deorsum vergens, mox ad ingenium pristinum redit. Quod clarum, & obuium est in destillatione, tanquam exhalatione aliqua naturali, & artificiali, ab igne vel sole, mediante aliqua commotione, vel attractione, vt etiam in foris nubiumque condensatione quotidiana experientia palam fit, quæ leuissima causa, pro ambientis dispositione, in aquam resoluta, ad terram delabuntur: Feracissima insuper, non modo, omnis generis piscium, sed etiam vegetabilium, varia figura, colore, & consuetudine conspicuorum, quæ hoc nomine, turbæ physico-rum, amplissimum contemplandi campum exhibet: Admiranda porro quem-

admodum ex nauigatione patet, potestatis est, vt vt enim, corpus hoc, fluidum, ac molle, vastas tamen ad stuporem vsque, remis velisque instructas machinas, ac immensa pondera sustinet, quæ ventis commota, cum aquilarum volatu, celeritate facile contendant, nobisque hoc tramite, orbem vniuersum pandit, & varias nationes perlustrare, earumque linguas, ritus, mores, proprietates non sine fructu commerciorum, cognoscere facit; sine quo magna Æa Creatoris, cum primo Mundi theatro edita, rerumque diuersarum, ortus, natura, & progressio, nostris non ita commodè oculis paterent.

Quanta denique eius, non dicam utilitas, sed necessitas sit, ad vegetabilium, hominum, cæterorumque animalium, sustentationem, quorum nulli salva vita carere licet, iis optimè, credo, notum est, qui aliquando aridis, & inaquosis locis, vel degere, vel iter facere, coacti fuere.

Aqua in sua simplici essentia considerata, frigida, humida & insipida est, eiusdem vbiuis naturæ, hoc considerandi, nempe modo: Reliquæ vero marinæ, salis, calchantosæ, aluminosæ & c. medicamentosæ, intus, & extus adhibendæ, ad sanitatis vsum, vel morborum depulsionem, DEI prouidentia ordinatæ, ob heterogeneam mixtionem, tales sunt, cæterum à reliquis, natura, & substantia

minimè differunt : Accidentalibus tamen differentiis, in omnibus ferè deprehenditur, mitto illas ex rore, niue, glacie, nubi- bus resolutas, quæ notabilem qualitatum mutationem, in aëre ex rei alienæ com- mixtione passæ sunt, nec reperire licet, tam claras, ac limpidas, ex quibus, non modò terrestre quidpiam, sed etiam, oleum, & sal, absque vlla additione, chy- mica opera separari possit. Ita corpora elementaria, variè permixta sunt, vt nul- lum sub sensum tactus, vel visus, cadere possit, pure homogeneum, quod aliquot chymicos eo præsumptionis induxit, vt aquam puram, in lapideam substantiam, & vice versa, hanc in illam, transmutari posse, quamvis euentu hæcenus destituti, haud erubescant affirmare, cui errori, propè similis est, Chymerica illa opinio, de genuina auri, in salem, aquam, & oleum solutione : Licet n. nulla substan- tia facile reperiatur (vt supra allatum est) quæ non heterogeneis, vt ipsum etiam aurum, partibus constet, huic mix- to tamen, præ cæteris maiorem fixitatem, & quodammodò incorruptibilem natu- ram, Creator contulit.

CAP. II.

De Aquis Stillatitiis in genere, ac destil- landi inuentione.

ET si varia, variarum stillantiarum aquarum natura sit, & quoad sapo- rem, colorem, odorem & in his quæ ex herbis, floribus, fructibus, lignis &c. arte educuntur, notabilis differentia appa- reat; in genere tamen quoad consisten- tiam & reliquas aquæ proprietates con- ueniunt, ac si quid diuersum continent, id ab aquæ natura alienum est, oleosum nempe, aut sulphureum, aut terrenum id, vt odor, ac sapor prodit, quod simplici, in prima mixtione, aut alimentum attractio-

ne, pro propria cuiusquæ indole, & soli, quo nascitur proprietate, extrinse- cus accedit, quod in odoriferis, ac iis, quæ volatilis sulphuris, plurimum parti- cipes sunt, manifestum est; reliquæ n. etsi sulphureæ, ac oleosæ substantiæ haud expertes sint, illis tamen magis terre- stres, ac graues, & quæ non nisi violentia ignis, vix sine empyreumate, nulla odo- ris, aut saporis præstantia commendabi- les, elici possunt. Ne autem imperitis, in arte, hoc admirationem pariat, exemplo doceri ne recusent : Sumant nimirum, Cinamomi, Caryophyllorum, Nucis moschatae, Cardomini, Piperis, ac simi- lium quantum placet, & s. q. aquæ fon- tanæ affusa oleum cuiuscunque quantita- tis, destillatione extrahant ac separent, aquam reliquam, quantumvis rectificare conentur, nihilominus odorem, ac sapo- rem, rerum cum aqua destillatarum nun- quam penitus auferent; Nec est quod quispiam sibi persuadeat, hanc aquam, ex siccis aromatibus,eductam esse, quali- tates enim aromatum, solummodo sibi adsciscit, quod infusione, vnus guttulæ, olæi Cinamomi, in cantharum simplicis aquæ plenum videre est, quàm mox, eam vehementi odore, & penetrandi vi alte- ret: Nec cum aromatibus solum res sic se habet, sed cum odoriferis & sulphureis plerisque floribus, foliis, seminibus, cor- ticibus, Radicibus &c.

Ex aliis vice versa, vt vis, acerbis, acri- bus, salis, amaris, vix quidpiam, nisi, ino- dorum, aut fortè empyreuma redoleat, per destillationem exigere licet, nec aquæ ex catharticiis destillando prole- ctæ, purgandi, neque ex stegnoticis astrigen- di, ex vulnerariis purificandi, & consoli- dandi, aut ex alexitericis venenum in- fringendi, (qualis in eorum substantia oblata, decoctis, vel infusione deprehen- ditur) adæquatam vim obtinent: Quam- obrem prudens ac cautus Medicus eius- cemodi simplicioribus aquis, non magis, quam

quàm virtus, ac vèra eorù laus, sustinere possit, facìle attribuat; ac eruditiores quique, tales maxime refrigerantes, & humectantes vix vnquam basia loco, sed in mixturis, & Julapiis, ad morbos calidos, aut aquæ communis vice, ad infusiones, & decoctiones adhibere consueverunt. Iit tamen interdum vt etiam quædam, nullo acri sapore, aut odore prædita, sed simplici vi diaphoretica prædita, cuiusmodi sunt, ex radice Scorzonæ, Vrticæ, Card. bened. & Veronicæ destillata, pro iis aguis, qui delicatuli, viribus fracti, facìle in sudorem disfluant, aliaque remedia fastidiant, per se etiam in vsum recipi possint.

Ac harum præcipuè odoriferæ & appropriatæ, pro ratione circumstantiarum, ac varia intentione, in capitis nimirum vsum Aquæ Lauendulæ, Salvicæ Roris marini, Liliorum conualium, Majoranæ; in pectoris leuamen, aquæ Hyslopi, Marrubij, Enulæ; in cordis subsidium, Melissæ, Basiliconis, florum Aurantiarum, Cinamomi, Rubi Idæi; ad stomachi confortationem, Mentæ, Thymi, Absinthij; ad vteri rectificationem, aquæ Pulegij, Artemisiæ, Scordij Valerianæ expetuntur. Absurdum vero in morbis grauibus, ex eorù solo vsu, perfectam curam polliceri, vt quorundam simplicium, ac rudium fert opinio: Quinimo intempestiuo horum vsu, vires ventriculi dejectas, fluctuationes, plurimi senserunt.

Destillationis primum inuentorem, vt fatear, ignoro, antiquissimam tamen esse, conjectura quiuis facìle colligit, cum famosissimi illi, iuxta & vetustissimi Medici, Rhasis inquam, & Albucasis (qui anno, à Christo nato M LXXX, in viuis clauerunt) illius meminerint: Probabilitatem quandam hanc ab Ægyptiis inuentam, & aliquamdiu secretò habitam tandem ad cæteros demanasse, Suidas & Firmicus asserunt. Vt vt sit nullus dubito, quin aqua illa, guttatim in operculi con-

cauo, à vaporibus ex lebetè ascendentibus, collecta, hominibus huius inuentio- nis ansam dederit; dum cibos in ollis, vel quid aliud, ad ignem coquebant, hacque ratione moti, porò singularia instrumenta ad hoc opus finxerint: Quamquam non multum interest, quando, & quis Author huius extiterit. Sufficiat eam iucundam, juxtà & vtilém esse, qua mediante, non solum olea vegetabilium, spiritus ardentés, aquas vitæ, spiritus vitrioli, Salis, Aluminis, imo Sales ipsos ex fecibus educendi, decocta inspissandi, infusa subtilissimorum aromatum, modo longè conuenientiori quam olim apertis vasis perficiendi nunc facultas datur ac plurima alia, quæ, breuitatis studio, prætermitto.

CAP. III.

De variis modis Aquas destillandi.

AD opus hoc diuersa, diuersæ figure, & vsus, instrumenta inuenta, distincti itidem ignis gradus, reperi sunt. Inter antiquissima, cuius nota instrumenta, primò Alembicus occurrit, in forma campanæ superius acuminatus, inferius latus, cum rostro, à latere, ex plumbo fabricato; quorù tres vel quatuor, super totidem, in fornace constructas aheneas vesicas, ponuntur, accumulata circumcirca inferius arena, ne æs, vel cuprum, ab igne, immediatè tangatur quibus herbæ, vel flores continentur, atque accommodata ad alembicum excipulo, permanentibus simplicibus, in forma placentæ fixæ: Qui nos ante 40. annos, Nobilibus Italis, eorù que Pharmacopæis, vñtatissimus fuit, qui tamen vitio non caret, quandoquidem, aquæ acidæ vel alioqui acriores, prauas ex plumbo qualitates contrahentes, turbidæ, albæ, & dulces fiunt, quo circa, vitrea instrumenta, aliis præferenda sunt.

Secundus modus hic est, fornax ei, qui hypocaustis calfaciendis commodus, similis extruitur, inferius latior, & paulatim per gradus, in acumen ascendens, ex fidelis durissimis, & vitreis quæ in externa fornacis parte, concauæ sunt, instar cucurbitæ breuioris, quibus alembici terrei, vel vitrei imponendi, quo artificio, exiguo igne, diuersæ aquæ, vnica vice, destillari possunt.

Alij peculiare fornaces, arena, vel cinere replent, quibus cucurbitas terreas, vel vitreas, aliquantum firmiores, herbis refertas astruunt, ac sic iuncto alembico, leni igne aquas prouocant.

Alij vero, animaduertentes, isthoc modo aquas, nisi accurata cura habeatur facile Empyreum contrahere, per ahenum, aqua fontana plenum, igne subtus accenso, ex cucurbita opus compleuerunt, qui modus, per Balneum Mariæ nunc audit: Cumque nec hoc modo, adustionem, aqua, paulo vehementius bulliente, euitari posse vidissent, ac insuper plures cucurbitas simul impositas, in operculis ad hoc constructis, aut plumbeis circulis quo minus fluent, obfirmatas, facile mutua collisione rumpi; elegerunt fornacem, cum magno cupreo vase, præfixo intus sustentaculo, per modum marginis, cui laminæ ferreæ inniti hisque patella cuprea, foraminibus peruiâ, aut asserculum robustum, seu sporta densior panno lineo rudiore inducto, superstrui possint: Partem cauam aheni, quidam arena, quidam verò segmentis lignorum replent, & per canalem ad hoc factum, qui ad fundum vsque penetret, sufficientem aquæ quantitatem infundunt, ignem augendo, donec segmenta, vel arena, à vapore aquæ incallescant, hinc aliquot cucurbitas, pro fornacis capacitate impositas, ad medium vsque sepeliuntur, securiore, quam in balneo modo, subsistentes, qua ratione, etiam aquarum major copia, ignis per diem, & noctem

continuatione, destillatur, præsertim si fornaci turris conjuncta sit, qui iustam carbonum quantitatem recipiat, qui modus destillandi per arenam dicitur. Alius modus: in fornacem conditur vas ahenum, cum operculo multis amplis foraminibus pervio, quibus pannus lineus annectitur, in quo tanquam in sacco cucurbitæ firmari possint: ita tamen, ne aqua affusa harum fundum attingat, qui Balnei roris nomine venit.

Paratur quoque, non minoris artificij fornax, ex quo mediante vapore, ab aheno extrinsecus adueniente, plura instrumenta aquas fundant. Quo in genere, hoc præcipuè notandum est, vt semper aquæ sufficiens copia adsit, ne ahenum corrumpatur, aut sacculi per calorem adurantur, vel cucurbitæ frangantur. Quidam etiam destillationes, per descensum, vt vocant, instituunt, ollam iustam, satis latam, ac firmam recipiunt, cuius orificium panno lino, vel in cerniculo obducunt, floresque, ac herbas, iterum linteo cooperiendas, ad trium digitorum altitudinem, ac insuper orbem ex terra, vel cupro, cum margine, qui arenam capiat, cum ignitis carbonibus, imponunt; unde fit, vt humor simplicium calore expressus, vaporis modo, deorsum, compellatur. Magna vero diligentia adhibenda, ne simplicia calore exurantur, aut per marginum iuncturas euaporent, quod planè quidem, vix impediri potest, cum omnis humidi, in vapore soluti impetus, sursum nitatur, donec iterum, frigore incrassatum, suo pte pondere, deorsum vergat. Induxit quosdam curiositas, rerum odoriferarum vaporem, mediante calore solis, vel lampade, oleo, vel spiritu vini elicere: Vulgatissimum demum mos est, quo spiritus vini, per vasa cuprea elicitur, qui cum lippis ac tonsoribus notus sit, nihil attinet, plura verba facere.

*Quinam ex supra allatis modis, optimi
censendi sint.*

QUAMVIS plures, quàm supra expo-
sui, destillationis modi reperti
sint, ac ignis vna eademque natura sit,
eiusdem tamen, quo ad gradus distinctio
magnaue instrumentorum, haud adeo
magni momenti varietas est: Quocirco
vt res planior fiat, distinguamus oportet,
vegetabilia, ex quibus aquas elicere
animus est, in duas differentias scilicet,
humidas, frigidas, & terrestres, vt pluri-
mum inodoras, & in calidas, odoratas,
sulphureæ, ac oleagineæ substantiæ: Illis
mitior calor, qualis est Balneum Mariæ,
conuenit, distinctione graduum habita,
quandoquidem, quo temperamenti frigi-
dioris, & humidioris simplicia existunt,
leniorem, ac vice versa, quo calidioris,
fortiorem quoque ignem postulant, quod
si tamen suprascripta difficultas, per hunc
modum destillandi, quempiam grauat, is
per arenam humidam, vel vaporosam,
negotium absolvere poterit. In hoc enim
unico, rei cardo versatur, vt nulla ignea-
rum partium contaminatione, aut em-
pyreumatis contractione aquæ corrum-
pantur: His vero multò fortior, quo ma-
ximè sulphureæ, calidæ, & subtilissimæ
substantiæ euocantur, qui gradus subli-
mationis humidæ, nullo alio instrumen-
to meliùs, quàm per vesicam procurari
potest: Quamvis enim destillata quæ-
dam, vt Rosarum, Salviæ, Melissæ, Lilio-
rum conuallium, satis efficacia per Bal-
neum Mariæ quoque obtinentur, dura-
tione tamen, & viribus perpetuò inferio-
ra sunt.

*Quomodo suprascripti destillandi modi,
in usum ducantur.*

INSTRUMENTA, ad frigidiorum simpli-
cium destillationem, talia in promptu
habere oportet, primum ahenum oblon-
gum quod 4. vel 5. circiter cucurbitas ca-
piat, exceptum fornace commoda, ca-
tillo, spiraculis, & ostiis ferreis, quæ
aptius claudunt, magisque durant, quam
quæ ex alia materia constant, ac tali, in
qua, pauca carbonum quantitate, ignis
multis horis foueri, & pro libitu variari
possit.

Qui vero posthabito Balneo Mariæ,
normam, per arenam humidam destil-
landi, necum amplectitur, is neque
cupreo operculo, per cuius foramina cu-
cubitæ distinguantur, nec circulis plum-
beis quæ illæ pressæ firmentur, opus ha-
bet: modo ahenum profundius, cingen-
te, interius ambitum margine procuret,
in quo orbita cuprea perforata, ac catil-
lus grosso linteo obductus, appositè lo-
catus sit, cucurbitæ autem, vt & qui has
claudant alembici, capitellis capaciori-
bus, quò vapores facilius in aquam re-
solvantur, ex stanno optimo Anglico elabo-
rati sint. Has herbas minutim incisæ
vel radicibus, e.g. Scorzonæræ; Cichorei,
Bryoniæ, aut fructibus Cucumeris, Ci-
trulli, Melonis, Cucurbitæ, fragorum,
Rubi Idæi confusis, vel, prout usus po-
stulat, herbis, & floribus integris, ad
medietatem manibus comprimendo im-
plere decet, & eousque autem in arena
sepeliendæ sunt, vt transversus digiti spa-
tium, à sabuli fundo absint: Sic appli-
cato alembico, & recipiente, curan-
dum, vt sabulum humescat, cum stabili
caloris augmento, ad moderatam vsque,
non totalem tamen, in cucurbita con-
tentorum ariditatem, primus quisque

liquor, posteriori præstat, secundus mediocris, ultimus vilissimus, qui ignis actione, nidorem accepit, quæ regula, quamvis vulgò negligatur, ab edoctis tamen, studiosè obseruatur. Multoties magè consultum videtur, ut loco herbarum vel fructuum eorundem, succus colo expressus, vitreis organis distilletur; restibilis pars, magè spissa, cum Saccharo, in Syrupum redigitur: Is licet aliquanto impurius, ob terrestreitatem, antequam in cucurbitam mittatur, depurari possit, ab hoc tamen labore abstinendum, ne aëreæ & subtilissimæ partis, quam in his aquis expetimus, iacturam faciamus. Cæterum, quod in cucurbita remanet, nunquam alicujus empyreumatis expers esse potest, quocirca nullo modò id, pro essentia, de qua superiori tractatu actum, oberudi debet: Et posito, non concessio, succos illos, antequam ad destillationes adhibeantur, clarificari posse, sine infirmatione aquæ destillandæ, succi tamen illi ut experientia ipsa fateri cogit, clausis instrumentis ad crassitiem redacti, cum vapor diù, multumque antequam expiret, vel in aquam resolvatur, in alembico morari soleat, nunquam sapore, colore, cæterisque viribus, ad illorum extractorum bonitatem accedunt, quæ leni igne, in phialis apertis, aquositate suam deponunt, ac spatula interdum, quò celerius consistentiam consequantur modicè mouentur: Residuum igitur, licet aliàs ex eo Tartarus, seu Sal extractus vsui veniat, ad harum tamen virtutem nihil confert. Si verò animus est succos, ad balsami consistentiam inspissare, qui à me, essentia vocantur; necessum est, hos prius clarificare, & tradito à me alibi modo, aquosam partem per exhalationem separare.

Sed ut eo, vnde discessi, reuertar: Malorum Citriorum, Limonum, berberorum, ribium, vuarum immaturarum, aliorum huiusmodi succi aciduli, præcipuè

cum residuum in usum servandi, intentio adsit, aprius in vitreis organis destillantur: In his aquis quod admiratione dignum est, vix ulla aciditas, sed tota in residuo hæret; cuius rei ratio, meo quidem iudicio ea est, quod pars ea, cui aciditas connectitur tanquam tartarea ac terrestris, non visî violentiore igne, elici possit; quod palam fit, si hoc residuum ex retorta, primum lento ac deinceps vehementiori igne vrgendo, ut instar fumi crassi, in recipiens transiens, cum prima aqua, se commisceat; adeo enim acuta efficietur, ut acore cum spiritu vitrioli contendere possit.

Hæc quamvis à secunda destillatione vel rectificatione pellucida, adustionis tamen, nunquam expers, ad varia Chymica opera, ad corallos, Margaritas, oculos Cancrorum, cæteraque corpora duriora solvenda aptissima est. Cæterum Acidum Vini, Cerevisiæ, Mulsi, per Balneum Mariæ, aut arenam vaporosam euocare conuenit, cuius ultimum, quod egreditur, magna aciditate pollet, atque ad omnes in Chymia vsus, æque ac illa, per arenam siccam destillata, efficax est: Hi, alique similes succi, licet aciditate sua, vix ipsi aceto cedant, cum aquis tamen destillandis, per Balneum Mariæ, minimè ascendunt, alterius eos naturæ esse quàm acetum, quod multò subtiliores, ac penetrantiores partes, in se complectitur, probare haud est operosum.

Secundum hanc viam, tum Spiritus Vini, & alterius generis aquæ, ex cucurbita, ad tertiam tantum partem repleta, si vinum destilletur, ne ipso effervescente, vitrum rumpatur, lento igne, juncturis probè clausis, educuntur: Qui verò Spiritum Vini rectificatum expetit, eum secundò vel tertio, ex cucurbita, igne moderatissimo, prouocet, tantum ea pars; quæ maximè aërea (quæ spiritus propriè dicitur) à suo

phlegmatē libēra prodeat : Quod hac observatione assequeris ; si spiritum, qui per modum striarum, leuissimo igne, in alembicum surgentem tollas, separatim recondendo, qui scilicet igne concepto mox totus conflagrat, vt eius nihil amplius restet, qui enim, licet in principio, flammam caruleam fundat, penitus tamē comburi recusat, admixti phlegmatis arguitur. Quod quidam pulchro artificio interciperē solent, charitam empyreticam, rostro alembici ad-mouendo, qua partis aquosæ transitus denegetur, qua ratione, spiritus omnis phlegmatis expers extillat, secundus vero ab hoc, in destillatione consequens, præcipuē si ex vino maluatico, Hispanico, Vngarico, moschatello, alijsque id genus generosis, in quibus maiorem, quā in reliquis penetrandi ac digerendi, virtutem advertere licet, quandoquidem, sapore & odore, non ignobilis, loco communis spiritus vini, varios in vsus aptari potest.

Hæc itaque sufficiant de vtilitate Balnei Mariæ, ac arenæ vaporosæ, quæ pro vario gradu, ad rerum infusiones, digestiones, circulationes, dissolutiones, coagulationes, ac rectificationem quorundam liquorum, commodissima habetur.

CAP. VI.

*De modo destillandi aquas,
per vesicam.*

Est & differentia sua, destillationi per vesicam pro varietate sc. instrumentorum, refrigeratiorum, canalium, serpentinarum, quorum quæ Medico, commodissima esse existimo, saltē proponā. Eligatur vesica ænea fortis, vel è cupro rubro, quæ fundum versus, paulum angustior sit, ac sensim, in maiorem latitudi-

nem assurgat, vsque ad collum, altitudinis duorum pedum, ipsius verò colli altitudo, quatuor transversos digitos non excedat, latitudo tanta, vt manus libere immiti & extrahi possit, totius vasis capacitas 16. mensurarum ; Alembicus ex stanno Anglico, cuius collum, in vesicam intret, longitudine transversæ pollicis, in pede, refrigeratorio cupreo cinctus, cum rostro, penē refrigeratoriij fundum penetrante, ipsum refrigeratorium, iustæ latitudinis sit, altitudinis tantæ, vt repletum ad 3. digitos in altum, aqua alembicum attingat, ac medijs transversis pedis, altitudine superet, constructo ad latus epistomio, ad aquæ calidæ, cum frigida commutationem, post hæc furnus, huic vesicæ excipiendæ aptus, ad variarum aquarum, & oleorum destillationem : Cui hæc in maiori copia parare, visum est, vesica communis quam spiritui vini, ex fœcibus parando adhibent, sufficit, mutato saltem cupreo alembico, in stanneum, ne aquæ vitæ, olea calidiora, & acria prauas inde qualitates contrahant, quæ sæpissimè, cupri saporem, aut colorem vitrioli referunt, cuius rei experientiam facere, parui laboris est, sumendo nimirum spiritum, ex vino quocunque, Hispanico, seu Rhenano, in cupreis instrumentis destillatum, euntque leni, vt supra docui, igne, ad mediam circiter partem abstrahendo, spiritus prolektus fortis eadem, sed delicatus, & suavis apparebit, restibilis verò flauus, aut viridis coloris, abominabilem saporem continet, quod ad duo cochlearia haustus, homini etiam durissimo, aut vehementer stomachum conturbabit, aut enormem vomitum excitabit : Vnde potatores spiritus vini, ingentes sæpe noxas ventriculi, hepatis, intestinorum, ac diuersa grauia accidentia incurrunt, quæ potiùs, ex praua cupri tinctura, quam ipsius spiritus calore (quamvis, & ipsius abusus, nocendi potestate, non careat).

proficisci solent, quæ noxa à stanneis alembicis, nequaquam timenda est, etiam si enim olea, ac spiritus acriores, corrosione quadam, huius metalli aliquid imbibere, id tamen, prout natura huius metalli fert, nunquam ut cupri pariter liquori per minima mixtum manet, sed in forma pulveris, ad fundum secedit, modo ipsum stannum, absque mixtura plumbi purum sit. Nemini enim non constat, recepto usu, apud complures nationes, patinis stanneis sine discrimine, dulces, acidos, acres, calfactos, frigidos, mensa inferri, ac quandoque in iisdem coqui, nulla tamen læsione subsequente: Huius ergo, Medici, & Physici, Locorum, & urbium, quibus provincia, officinas pharmaceuticas lustrandi commissa est, hos cupreos alembicos aboleri, & ut stannei eorum in locum substituantur, curare debent: Nec me latet, quod aliqui hac in re satisfacere sibi persuadeant, si canales cupreos, intus stanno obduci curent, secus autem se res habet, præterquam enim uniformiter, per totum canalem, vix stannum induci possit, calore paulo maiore accedente, illud à cupro solui contingit. Obijciunt aliqui frustrares in cupreis vesicis coctas quæ jam quidquid pravi contrahere possunt imbibere, & de facto pravae qualitatibus participes existant, stanneos alembicos ac serpentinæ requirere, Concedo equidem succos vinosos, acidos, & acres, in ipsa vesica, de cupro quid in ferre recipere; Sed quidquid id sit, vitriolatum, aut æruginosum, illud, inter destillandum, cum halitibus, tanquam terrestris ac graue quid, minimè in alium ferri, ratione consonum est. Restat igitur, si quid tale, aqua destillata possident, culpa alembici aut serpentinarum, id fieri: Quod ipsa operatio, ad oculum demonstrat, tales enim aquæ à cupro corruptæ, si denuo, mutato solummodò alembico cupreo, cum stanneo, aut vitreo destillantur vitiatæ prius, jam claræ, &

correctæ, optimo sapore ac odore prædibunt: Quare labem contractam, non à vesica, sed ex alembico accepit, in cuius, & canalium rimis, magnam sæpe æruginis quantitatem videre est (quod etiam, in huiusmodi laboribus, parum versatum, nedicam probatum chymicum vix latere potest) quæ tota difficulter erui potest; illud vero in vesica, post distillationem relictum, ad usum internum minimè admittendum est. Hinc crassum errorem Medici errant, quicumque decocta sua, in diplomate cupreo, fieri mandant, seu vinum, seu acria, falsa, & acida vegetabilia recipiant; at vero multo melius illi, qui vas vitreum, id negotij peragunt: Atque hic, nisi intra cancellos, destillandi, per vesicam doctrinæ, subsistere consultum esset, latissimus pateret campus, de instrumentorum æneorum, atque cupreorum abusu, differendi.

Requesita ad distillationem, per vesicam, hæc sunt: Primum materiam in vesica contenta effervesceat, ac bulliat: Secundo, additione liquoris cuiusdam, maxime, in aridorum per vesicam distillatione opus est: Tertiò omnia simplicia refrigerantia, etiam si amarore, vel acrimonia prædita sint, ac frigus temperandi, aperiendi, solvendi, detergendi potestate valeant, cuius classis sunt, Cichoreum, Endiuia. Card. bened. Fumaria, Nasturtium aquaticum, Beccabunga, à vi, & odore aromatico aliena, sine vitium iactura, commodius, per vesicam quam Balneum Mariæ destillantur. Quartò, communis ille, ac asinino stupore, obreptus pharmacopæorum mos repudiandus, qui cuicumque herbae, cuiuslibet temperamenti, ea sit, cum in cumulum concisæ fontanam affundunt, & superciliosè destillandi opus vrgent, donec ingentes amphoras impleuerint, nominibusque herbarum, & insigniis ornauerint; ac sic denique, egregiam rem se præstitisse, opinantur, quæ destillata demum, ad Zula-

pia, tabulata, emulſiones, mixturas cordiales, margaritarum ſolutiones, ægroſis tanquam ſupremum ſubſidium, ac vltimum in ſumma virium deſectio- ne, anxietatibus, Syncope, cæteriſ- que non contemnendis affeſtibus, Aſy- lum futurum adhibent, quorum erro- rum, non tantum aliquos non pudet, ſed etiam nefando auſu, defendere conan- tur. Quintò Herbarum, quæ huc refe- rendæ, ſuccus exprimendus, eoque veſi- ca, ad medium uſque replenda, & fo- cus augendus ad ſucci ebullitionem, ne tantum guttatim, ſed inſtar ſpiritus vini deſtillantis prodeat, continuo, ſerè ignis gradu obſeruato, qui tamen ſub finem, paulatim remittendus ne craſſum illud, liquoris reſtibile aduratur, aut aquæ alie- num temperamentum, aut virium muta- tionem ſubeant, ad quod etiam aquæ in refrigeratorio ſæpius cum frigida per- mutatio, quo facilius vapores, in aquam reſoluantur, plurimum præſtat: hocque, modo, ex ſex partibus ſucci, quatuor vt plurimum eliciendi ſunt; Sal vero, ex re- manentijs, in cinerem redactis, more vi- tato extrahi poteſt. Hiſce, ac hoc modo peractis liquoribus ſtillatitijs, confiden- ter, quâ conſcientia, quâ effectus ſecuri- tatem, meritò vtetur.

At vero herbarum calidarum, & ſic- carum, vt Salviæ, Majoranæ, Roriſmari- ni, &c. ſeu multum, ſeu minus odora ſint, deſtillandi ratio hæc eſt, minutim in- ciſis ac ollæ vitreatæ impoſitis, aquæ fon- tanæ, q. ſ. ad pulvis conſiſtentiam affun- ditur, ex curioſe contactis, ac refrigeratis, poſtmodum ſuccus exprimitur. Hic ex præſcripto artificio deſtillatus, ſapore, & odore præſtantiſſimum liquorem ſuppeditat, tantillum enim aquæ, ad aridæ, & tenacis ſubſtantiaſ reſolutionem ſpecificam ſim- plicis virtutem, infringere nequit; quod alias in maiore copia, ſc. ad herbæ ſb j. aquæ ſb iiij. affundendo contingeret. Qui vero hunc laborem auerſatur, ſaltem her-

bis conciſis, tantum aquæ affundat, vt ſi- ne aduſtionis periculo, ebullire queat, quæ denique eoſque abſtrahenda, dum ſapor ac odor, vires ſatis validas inſeſſe probet, ac nulla nidoris contamination, ſe manifeſtet; quam nouis identidem her- bis, ter deſtillationem repetendo conjun- gere decet: Nec ignorandum, per veſi- cam ſtanneam, cum alembico vitreo, æque præſtantes, ac per ipſum B. liquo- res educi poſſe. Vltimò, & hoc obſerua- tione dignum, quædam ſimplicia, ante- quam ad hoc opus veniant, condituram ſalis, quædam macerationem per ſe, in vitro clauſo, vel aſperſionem vini, alia denique fermentationem, pro varia Me- dici intentione requirere, quæ in gratiam Iuniorum, & necdum in arte conſum- matorum artificioſum, ſequentibus exem- plis declarabo.

Aqua Roſarum nobilis ex Roſis ſalitis.

Modus hic apud Pharmacopæos viſita- tiſſimus eſt ac quandocunque maior roſa- rum copia quam ob breuitatem temporis deſtillari poſſit, commodiſſimus.

Roſæ ſufficienti quantitate ſalis con- ſperſæ, menſæ inſternuntur, ac manibus confricatæ, in dolium quetnum, ſeu ol- lam vitreatam, aut quod ſerè præſtat, in cucurbitam, ampli oriſcij injectæ, piſtillo ad valis tollerantiam, donec repletum ſit comprimantur, ac ſic probè clauſa ad uſum deſtillationis ſervantur, quæ ſe- quenti modo fit. Hujus condituræ roſa- cæ, menſuris quatuor, ſex aquæ fontanæ menſuræ affundantur, ac ſecundum ante datam inſtructionem, aquæ ſtillatitiæ, menſura proliciatur, quæ ſeorſim, in vi- treis lagenis, bene clauſis, loco ſicco, non admodum calido ſervanda, reliſta, ſi quæ adeſt, candicante pinguedine, inſtar ſper- matis Ceti, quam aliqui oleum Roſarum eſſe autumant: Hæc aqua, poſt aliquot

temporis spatium, fragrantissima redditur, leui quodam amaro, Rosarum foliis, genuino, & proprio, gustum afficiens, cuius cochlearis mensura, vulgaris lb integra, quandoque praefenda est; eius scilicet, quæ auaritiæ exsaturandæ causâ, vel stolidorum eumentium, potius ad quantitatem, quàm qualitatem attendentium vitio comparatur. Secundaria autem, destillationis progressu proueniens, vitæ minoris virtutis, nouis Rosis destillandis, loco communis aquæ inseruit.

Nobiliores tamen & præstantiores, ad compositiones cordiales, & bezoarticas, ni sumptibus parcendum sit, hoc modo fieri possunt, aqua nimirum primo loco destillata, & secundaria simul, quatuor mensuris Rosarum denuo, affundantur, & quinta, vel sexta tantum pars, destillatione producta, ad hunc usum seligatur.

Variant aquæ Rosarum, non modo, differentibus, inter se, Rosarum qualitatibus, sed etiam pro destillationis modo, quæ enim odoris gratia, & refrigerandi simul intentione expetitur, illa quæ ex Balneo Mariæ, vel arena vaporosa & quidem ex Rosis albis destillatur, præstat, ac huius loco, illa per vesicam destillata, quantumvis, in aliis affectibus præstantior, contra oculorum inflammationem, in collyrium adhibita, ardorem præsentem exasperando, non paruum nocumtum adferret: Nam sulphuræ, odoræ, & penetrantis facultatis aquam, vesica depromit, potissimum ex Rosis fermentatione spirituosius magis factis; Quæ odore excellens, sapore subamaro, ad euandidas vires, calore absente aptissima.

Modus aquam odoriferam eliciendi ex fermentatis Sambuci floribus.

Hiscæ floribus, à petiolis liberis, q. s. & bene compressis, aliquot cucurbitas vitreas, vel ex stanno Anglico factas, implere decet, quæ si angustioris orificij sint,

subere, & cera hispanica, latioris vero alembico cæco claudantur, vt nihil expirare possit; quæ ahenæ aqua repleto imponenda, haud profundius, quam vt tertia cucurbitarum pars, ab aqua tangatur, coque caloris gradu, quem manus, sine molestia perfert, ad quartum vsque diem foueatur, tandem aqua refrigerata, ac floribus, qui in proprio humido, ad pulvis consistentiam contabuerunt, expressis, succus, per vesicam parvam, cum alembico stanneo, destillandus est. Aqua hæc mirifica, quâ odore, quâ sapore suauitatis est, ad externa iuxta, & interna, ejusdem, cum vulgari Sambuci destillato, vsus est.

Aqua, ex floribus Caryophyllorum.

Floribus Caryophyllorum, rubris, & odoratis, minutim incisis, in cucurbita vitrea, aqua rosarum incarnatarum ex Balneo Mariæ destillata, ad æquale cum floribus pondus, affundatur, quorum succus expressus, post 40. horarum in B. fomentationem, vel tota massa, ex vesica parua stannea, cum alembico, & serpentinis vitreis, donec aqua lb iij prodierint, destilletur: quæ studiosè seruanda, & vsu postulante, aquis cordialibus, ac bezoardicis miscenda.

Aqua Liliorum conuallium.

Paratur hæc aqua, diuersis modis, quorum complures vix alicuius momenti existunt, hic autem præ cæteris, potior mihi visus est. Floribus Liliorum conuallium recentibus, à viridi parte mundatis, & in cucurbita bene compressis, mensura vna, cum mediâ vini Hispanici, aut malvatici, affundatur, hisque in loco frigido seruat, elapso triduo, quinque mensuræ aquæ fontanæ addantur, cuius prima, per vesicam, destillatione mensuræ seorsim colligatur, magnæ, & progressu temporis

temporis increscentis virtutis, quæ vero hanc sequitur, minoris efficacæ secundaria est.

Aquanobilis Veronicæ.

Herbæ Veronicæ, mundatæ, concisæ, & contusæ, in mortario lapideo, tantillum vini aspergatur, eaque per diem & noctem, vt marcescat quieti detur, cuius succus demum prelo expressus, ad medietatem destillatus, aquam citrini coloris, odore, & sapore valentem refert. Virtute pollet soluendi, abstergendi, aperienti, siccandi, & mundandi; quamobrem internis obstructionibus pulmonis, hepatis, lienis, mesenterij, in scabie, pruritu, serpigine, febribus malignis, morbilis, sanguinem mundificando, & sudorem pellendo vtilissima censetur. Dosis ab ʒss. ad ʒij.

C A P. VII.

De Insolatione aquarum destillatarum, & earundem conservatione.

Obtinuit antiquus jam vsus, vt aquæ recens destillatæ, per dies aliquot soli exponantur, idque duabus potissimū de causis: Prima est, vt impuritatem, quam continent, maximè spumofam, ad fundum deponant, & quadam veluti digestionem à cruditare repurgentur: Secunda, vt si quod empyreuma alienumq; saporem, aut odorem contraxerint, illud abijciant; Non tamen omnibus, ex æquo hæc competit, iis ex frigidis, humidis, & glutinosis simplicibus destillatis, visu albidis, & mucosis conuenientior; ex calidioribus vero, odoratis, siccis, sale conditis, fermentatis, cum additione vini, aut mellicrati productis minus vtilis. Hæc enim ratione subtilioribus partibus orbatæ, virium jacturam faciunt, vt cuius, etiam parum docto patet.

Ang. Salsæ.

Contrahunt aquæ destillatæ empyreuma, pro vario destillationis modo, maius, vel minus, vel etiam nullum; nullum illæ quæ ex succis, vel simplicibus longo tempore maceratis, nec ad siccitatem residui, abstrahuntur; quod alioquin contingit, siue per B. siue per vesicam, opus perficiatur, Semper igitur præstat, humido adhuc, infundo superflite, ab opere desistere & nobilioris substantiæ rationem habere.

Quantum ad conservationem aquarum destillatarum, excipiendæ sunt hæc vasis vitreis, vel terreis vitreatis, & sufficienter excoctis (qualia sunt Siburgica, aut Waldeburgica) eaque benè obturatæ, loco temperamento locari debent: hyemali tempore, quæ vim frigoris agrè sustinent, muniendæ sunt, semel vero frigore concretæ, rancidæ, aut mucilagineæ rejiciantur: Quod si aquas turbari, aut albescere contingat, per arenam mundam, vel pulverem vitri crySTALLINI, aut filicum alborum, filtratione depurentur, exceptis ijs, quæ ex oleosis, & aromaticis simplicibus, aut cum vino destillantur, quarum albicantes præstantiores sunt; vt in aqua Cinamomi videre est; quandoquidem non ob impuritatem, hoc colore tinguntur, sed partis aut vinosæ, aut oleosæ commixtionem: Quamobrem vtilitas insolationis, ad dictas aquas simplices, nativo vigore imbelles solum extenditur; quamvis etiam in his quædam reperiantur, quæ etiam optimæ, clarificatæ, & correctæ, hoc tamen à natura obtineant, vt nunquam sine aliqua hypostasi, aut mucagine existant, quæ, modo putrilaginis, & alieni saporis expertes sint, ob id minimè rejiciendæ.

HYDRELÆOLOGIÆ

SECTIO II.

CAP. I.

*De Sulphure , pingui & combustibili
rerum naturalium substantia.*

A Qua, vt in prima parte, primi capitis demonstratum, ob volatilem proprietatem, & analogiam quam cum aëre possidet, Mercurij nomine, à Chymicis profertur, substantia vero pinguis, faciliè inflammabilis, sulphuris vocabulo, idque secundum Theophrasti Paracelsi dogmata, libro primo, de tribus substantiis, quo loco inquit; Omne euaporabile, & in auras mutabile Mercurius est, omne combustibile sulphur est, quod in cinerem abit sal est cum parte terrestri; vt summum dicam, vnicum ignis subiectum est Sulphur, nec enim elementum ignis, in mixtis latens, de potentia in actum duci, neque aliter, nisi mediante sulphure, & principio combustibili rerum in quibus absconditur, oculis nostris visibile fieri potest, siue res simplex sit vt oleum, seu mixtum, vt lignum, & stipula: In quo vero subiecto semel flammam concepit, tamdiu potentiam suam exserit, donec vel penitus id consumpserit, vel in cinerem, ac vaporem mutarit, quo facto, coram oculis nostris euanesceus, in suum chaos reuertitur.

Nunc verò, in genere, quod attinet nomen Sulphuris, si istud tanquam subiectum ignis, id est vt substantiam quandam ignis nutricem consideremus, vnicum, in rerum natura, sulphur existere, optimaratione astruere possumus quemadmodum in priore parte, genericè loquendo, vnicam in vniuerso, esse aquam.

At cum singularia mixta, quæ sulphu-

ris nomine veniunt ob inflammabilis in ipsis substantiæ prædominium, quæque Archæus naturæ in classem sulphureorum mixtorum constituit, perpendamus, variæ horum species occurrunt: Aliud enim naphthæ, petrolæi, & Bituminis; aliud pinguedinis terrenæ, aquæ, animalium; aliud sulphur in succino, Resina, Terebinthina, Gummi, Lachryma, Balsamo, & Oleo Oliuarum, & in toto triplici illo regno, v. g. minerali, vegetabili, & animali, quoddam aridum; aliud vero vinctuosum cernere est, & ipsis carbonibus ac mineralibus, sua sunt diuersa sulphura, quamvis in fundamento, ad ministerium, seu alimentum ignis, vnum vnus naturæ sulphur, à Chymicis intelligatur.

Quamvis primariæ sulphuris vires calfaciendi, nimirum, & exsiccandi, omnibus notæ sint, diuersimodè tamen, nec ex æquo singula, sed pro varia eorundem mixtione, supradicta sulphura id præstant, quibusdam etiam, haud exiguant humiditatem inesse, experientia monstrat.

Æquum igitur est, inter hæc, atque inter sulphur per se, & simpliciter consideratum, ne in præiudicium Medicinæ error committatur, distinctio habeatur. Est sulphuris, tum vtilitas, tum necessitas quam maxima, omnibus in vniuersum creatis, ad caloris innati stabilimentum, quo res quæque durant, ad maturacionem, coctionem, digestionem, superfluorum expulsiõnem, & humiditatis restrictionem, obtinendam, nec minus quam aqua, seu Mercurius ille naturæ ad rerum generationem, augmentationem, sustentationem, torida, & frigida sua qualitate, sulphur temperando, vel sal, ad soliditatem, & putredinis inhibitionem, omnibus mixtis essentialiter inest: Sic Omnipotens, pro immensa sapientia sua voluit, vt mixtione & contraria, in se inuicem Elementarium qua-

litatum actione, Idea Vniuersi huius consistet.

Quam in Medicina prerogatiuam sulphurea hæc substantia obtineant, frequens eorum preparatio, & ad morborum curas applicatio, docet; Quanti denique momenti sit, ad hominis, ex cuius mole partim constat, conseruationem, tum vt pingui illa, & sulphurea, in cibo, potuq; recondita substantia, corpus reficiatur, tum externo in vsu, supposito, quod sine sulphure ignis esse nequeat, ad ciborum elixationem, frigoris depulsionem, tenebrarum discussionem, natura, & ratio, solerter demonstrat.

C A P. II.

De Substantiis Sulphureis, seu oleis destillatis in genere.

Olea sunt partes sulphurea subtilissima, ex mixtis, virtute ignis, a crassioribus terrenis, in talem formam ac naturam separata.

Sunt hæc varia admodum, colore, consistentia, pondere, sapore, odore, aliisque qualitatibus, non solum pro natura mixti, sed etiam gradu ignis, cuius ratione, quædam suorum simplicium, odorem, saporem, & virtutem retineant, quædam vero, temperamento destructo, ita alterata, ac aliena euadunt, vt nihil horum amplius redoleant.

Has substantias sulphureas, in forma olei, non modo res ad oculum pingues, & inflammabiles; vt Resina, Terebinthina, Mastix, Balsamus natiuus, sed omnes herbae ligna, &c. pro rata portione, innata oculis nostris, quamquam haud peruiæ sulphurea pinguedinis (quorum nullum, qualecunque sit, huius penitus expers est) artificio, & Vulcani imperio compulsa exhibent.

Quo ad vsum, proprietates, & virtutes, pro ipsarum singularium differentia,

vt memini varia sunt, in genere tamen destillata, vt pote calida penetrantia, non parum ab iis differunt, quæ natura ipsa, a vegetabilibus separauit, aut laboriosa manus expressit, vt experiri licet quotidie in oleo oliuarum, aliisque per expressionem factis, & balsamis naturalibus, quorum natura viscositatem, lentorem, pinguedinem, crassitiem, & grauitatem perpetuè præ se ferre solet; Illorum vero tenuitatem, calorem, & penetrandi vim manifestam, quæ ante destillationem nulla in parte deprehendi potuit; ne etiam olea cruda, his in effectibus respondent: Quare ratio, Dux, medicinam facientium, in discernendis viribus mixtorum consulenda,

C A P. III.

Quibus modis olea ex vegetabilibus eliciantur.

Præcipuum medium est ignis, dein instrumenta vt fornax, & vasa, quibus materia concluditur, & aliquando additamentum liquidum, quo oleosa substantia, tanquam vehiculo, in altum euehi possit quandoque in durioribus maceratis, vt, pori aperiri, & sulphurea partes facilius separari possint.

Satis operosè, fusè & confusè, de his antiquitas egit, variosque ignis gradus, mille figuras fornacum, & instrumentorum, mira macerandi præcepta, processus tædiosos proposuit, vt ex eiusdem scriptis constat, huic verò sæculo longa experientia, naturæ scrutinium, ac verus vsus, compendiosam manu ductionem vltro obtulit, qua id ipsum, melius, citius, & securius præstare liceat; Eius vanitatem igitur, & inutilem multitudinem missam faciamus.

Longo vsu compertum est, quæcunque vegetabilia, imò ipsius naturæ excreta, in duris, ac tartareis suis visceribus

lentum, graue, ac terreste plane sulphur, in visceribus suis conclusum habere; præter hoc verò, in quibusdam etiam subtili, aëreum, penetrans, & spirituosum sulphur reperiri. Pro huius duplicis sulphuris diuersitate, manualia etiam, ac media diuiduntur: Quod primum atinet, propter tenacem, & grauem consistentiam, ut in lignis, vel materia compacta, ac terrestri, è suo subiecto educi nequit, nisi illo resolutò, & destructo, in primis mediante intensiore ignis gradu, qui pingue illud extorqueat, donec residuum quodammodo combustum, & carbonibus simile appareat, qui gradus in arena, per retortam, ad totam operis absolutionem instituitur; hoc vero postremum sulphur, aëreum cum sit, volatile, & valde mobile, & ad primam caloris instantiam, qua aqua ebullire incipit, facile sine adustione à corpore suo separatur; ita ut simplicia, affusa aqua, secundum superscriptam methodum, sufficiat destillare; quo bino destillandi genere, per arenam nimirum, & vesicam, omnis generis olea educi possunt. Reperti sunt quidam Artifices, qui subtiliora sulphura simplicium, facilius per calorem Lampadis, vel Balneum Roris, euocari posse, literis prodiderunt: Quod inuentum curiosum magis quam utile, successus parum respondet, prima maxime destillatione, cum corporum separatio, quæ necessaria est, tardius fiat, licet hic modus, quodammodo ad rectificationem eorum, quæ hac opus habent, commodus sit. Hunc itaque otio abundantibus relinquo, cum eo propter prolixum tempus non parum, de nobilissima substantia euanescat: Mihi equidem artis compendia amplecti volupe est, cum palam constet, paucis nunc horis præstantiora olea quam à veteribus, aliquot dierum spatio, destillari. Notandum quoque, quod longa maceratio simplicibus odoriferis, & aromaticam vim habentibus, non parum detrimenti adferat.

*De Destillatione oleorum, per arenam,
& primo eorum, quæ ex lignis
extrahuntur.*

Cum pro duplici sulphuris differentia, bipartitum destillandi processum, ac duplicia quoque manualia proposuerim; Necessarium est à destillatione, per arenam, cui ligna subiiciuntur exordium capessere, ac deinde ordine, ad cætera progredi,

De oleo ligni Guajaci.

Primo, fornax rotunda, aut quadrata in promptu sit, cum catino firmo, ad latus excauato, quo collum retortæ transire possit, ex ferro sc. fusæ quæ figulina, aut lapide præstat, quandoquidem ignis violentiam tutius perferat, ac mihi vilitata est. Hinc ligni sancti interiore parte nigricante, pingui, in taleolas secta ac demum in minutoria frustra confracta, retorta, firma, vitrea aut ferrea, tantæ magnitudinis, ut capella capere possit, repleatur, ac capellæ, cum arena cribrata, infra ad duos digitos; circum latera vero, usque ad omnimodam repletionem, vnus digiti crassitie strata, imponatur, quod ut commodius fiat, regionem fornacis, qua retortæ collum transit, ne fabulum effluat, luto munire oportet, ac recipiente apposito, ignem gradatim augere, donec arena incalcescat, & liquor acidus manare incipiat, qui acetum Guajaci quibusdam dicitur, eoque cessante, ignis intendatur, donec lignum exardescens, crasso fumo conglomerato, in modum striarum, humidi quidpiam, ac denique crassum quoddam oleum, in recipientem transmittat; hoc gradu ignis continuandus, quoad fumus duret, ac oleum totum transferit, refrigeratis porro instrumentis;

tis, oleū ab aqua separandum, quod deinceps rectificandum est.

Ad eundem modum, ē Buxi, Juniperi, Aloes, Ebeni, Santali, omnisque generis lignis, olea elici possunt, paucis exceptis, v. g. ligno Rhodio, & Sassafras, quæ præter crassiusculum illud pingue, etiam oleum volatile continent, quod per vesicam exigendum, aliter nimirum in crasso illo, ac fœculento pingui extrahendo, aliter in subtili illa aërea & oleosa substantia procedendum: Ex restibili, in cineres redacto, Sal eliciendus est. Notandum insuper, cum vitra inter destillandum quandoque dissiliant, aut data opera frangantur, quo commodè residuum eximi possit, præstare ferreas retortas, quæ longè diutius durent, collo, & corpore vtrunque seorsim fuis, ventre rotundo, longiusculo, sensim in angustum coeunte, cum margine, vel circulo interiori, ut collum luto tenaci munitum, exactè ad duorum digitorum latitudinem, post materiam ad destillationem aptè inferi, claudique queat.

Quarundam etiam rerum proprietas, propter promptitudinem effervescenti, in retorta, non parum difficultatis adfert, & quandoque loco olei, materia destillanda tota, in excipulum delabitur, aut id in plures partes disjicit, quocirca cucurbita ferrea necessaria est, cum margine infra, ad duorum digitorum spatium, qua alembicum imponendum comprehendat, vel absque margine, ad profunditatem trium digitorum, collum alembici aliquantum gracilius sit, quo commodè excipi possit ab retorta, qui modus etiam in destillatione, per vesicam observatur: Quandocunque enim alembicus retortam excipit, aut extrinsecus claudit, oleosa substantia magna fit iactura: Denique etsi colla alembici angusta sint, quæ orificium retortæ subeant, capitella tamen totundæ, & amplæ capacitatis ex usu sunt, ne spiritus ascendentes, dila-

tandi sese spatio, & ingenio defraudati, in aquam vel oleū conuerſi prohibeantur vel ipsum alembicum disrumpant. Canales etiam satis ampli sint, ut sine impedimento, ad recipiens delabi, & citò in liquorem mutari possint.

Mediante hoc instrumento, non modo omnes vegetabilium, ac animalium substantiæ, sed etiam nitrum, cæteraque, quæ ad aquam fortem requiruntur, non leui sumptus compendio, destillari possunt: Retortæ enim vitreæ, rarò plus, quam vnicam vicem operationis subſtinent, accedit, quod in ferreis, materia vel ligne liquata, aut combusta, pro necessitate, commodè eximi, ac ipsa, sine periculo rupturæ, abſterſa purgataque, ad alios, atque alios usus adhiberi possint. Restat modus, ex lignis resinosis, v. g. Aloës, Guajaci, magnam quantitatem olei eliciendi, quem sine invidia communico: Nimirum horum resinosa substantia, repetita spiritus vini affusione extracta, deinceps destillatione separetur.

De virtutibus horum destillatorum, propria mihi experientia cognitis, non est quod multa afferam, cū illis, ob vim causticam, & recessum, à temperamento simplicium, è quibus extorta sunt, vix nisi semel aut bis, ad mixturam emplastri, aut vnguenti usus sim: Sunt qui propter vim anodynam, & somniferam, multum oleo Buxi tribuant, de certitudine tamen effectus, hæcenus dubitans magis probatis, ac gratioribus uti placuit.

Vires horum liquorum in genere, calfaciendi, penerandi, & exsiccandi, cognitæ sunt; quocirca externis, ac frigidis affectibus prosunt: Ego quidem, quod gratis, & odoriferis consequi potero, haud facile fuliginosis illis, ac fœtidis oleis empyreuma redolentibus tentabo, experientiâ doctus, his, ac similibus, capitatis dolores, vertigines, nauseas, & animi deliquia, ægrotis promptè accerſiri,

CAP. V.

De destillatione oleorum, ex Resina, & Terebinthina.

EX Terebinthina, seu Resinis arborum, v. g. pinus sylvestris, lentisci, &c. pro vario sulphure, quo abundant, triplicia, quoad odorem, colorem, vires, pondus, & consistentiam, parari possunt: Quorum duo prima, ut magis aërea cum commodius per vesicam educantur, ad alium locum remitto: Illud verò quoad pondus, & substantiam crassius, sic paratur: Terebinthinâ, vel resinâ, olei sui subtiliore parte jam spoliata, ad dimidiam capacitatem, retorta impletur, ac per gradus ex arena, crassâ, & tenacis consistentiâ, coloris subrubri, ad fuscum inclinâtis, oleum exigitur: quæ tanquam terrestres, & sulphurea substantia, à chymicis Balsamus Terebinthinæ vocatur, qui æque ex crudis illis, parte subtiliore, per destillationem abstracta, fusci coloris, & crassâ consistentiæ, secundum vulgò vsitatum processum parari potest.

Quare, cum per vesicam, sine periculo empyreumatis, subtilissimâ, aeræ, & aquosâ partes, quæ non parum incepto labori, in retorta efferuescentia sua obflarent extrahi nequeant, operæ pretium duco vnumquodque horum, suo, qui maxime conueniat, destillandi modo subijcere.

Pollent modò dicta olea, virtute calfaciendi, attenuandi, abstergendi, glutinandi, quocirca per se, vel vnguentis mixta, ad paralyseos, ex frigida causa, scirrhusi, ac etiam œdematosi tumoris, vlcerum fetore & humore grauium, ragadum in pedibus frigoris injuria contractorum, curationem, egregiè faciunt, nec non ad gangranam, & carnis mortificationem, ac sæpè aliis rebus mixta, supradictis liquorum oleis præferenda.

CAP. VI.

De modo peregrina & natia Balsama destillandi

QVandoquidem, natiui Balsami, ex Ægypto, ut plurimum, allati, & antiquorum elogio multum decantati, vix vlla nobis copia detur, nisi quis eum fortè à Turcarum Imperatore, qui vnicus, ac tenacissimus eius possessor est, muneris loco retulerit; Aliunde nobis, ex India orientali sc. & occidentali, diuina bonitas, prouisum voluit, & quidem quantum constat triplici, Balsamo nimirum de Tolu vocato, claro instar Terebinthinæ Cypriæ, altero Liquidambar vocato, tertio coloris ex rubeo fusci, Peruuiano dicto, qui virium præstantia Ægyptiaco vix cedit. Et si hi Balsami, ex naturâ penitralibus producti, viribus minimè insuauēs sint, ac medica virtute plurimum valeant, visum tamen aliquibus, certas ob causas subtiliorem eorum partem segregare, quæ cum propter subiecti tenacitatem, non ita faciliè, in prima destillatione, ac in Terebinthina, ac lignorum Resina fieri solet per vesicam euocari possit, hunc modum commendo:

Balsamo Peruuiano, Styraci calamitæ, quoad colorem ex fusco rubricantem simili, odoris vegeti, (quod experiri conuenit, vna, aut altera guttula, in carbones ignitos demissa) retorta firma vitrea, ut in accubitu ad destillationem mediam, ventris sui partem æquet, aliquatenus repleatur, & apposito recipiente, per gradus ignis ex arena continuetur, donec oleosa, aquea mixta substantia, guttatim ad quinque pulsuum intervallum extillet, eoque gradu continuato, vsque dum albicantes guttulae prodeant: flauescens vero guttis, & fumo sicco aboriri incipientibus, receptaculum cum destillato amoueat, ne subsequente sordidio

re inquinetur, & reliquū, intensiore ignis gradu, quoad potest, euocetur, magis fuscum, ac ponderosum oleum. Post hæc recipiens in aquam calidam mittendum, ut aquositas ab oleo soluto, facilius separari queat, residua in retorta materia, nigra, splendens & fragilis est, instar Colophonij. Hac via, reliqua Balsama atque styracem depuratam, in oleum redigere licet, de qua alibi in Anatomia essentialium vegetabilium, ex instituto docebo.

Ambo olea Balsami Peruvianii, vi calefaciendi, penetrandi, discutiendi, resoluedi, sunt insignia; primum tamen, nisi ex Balsamo mangonifato destillatum, aut errore gradus ignis vitiatum sit, omnino mitius, etiam suauiore odore progressu temporis accrescit; secundum pro violentia ignis, quæ ad separationem illius, à parte terrestri, inter destillandum requiritur, fuliginosum, graue, & adustum apparet: Vtraque tamen maxime primum propter odoris fragrantiam, externis in affectibus, vsu veniunt cum mixtura Balsami apoplectici, vnguento pomato, vel rosaceo; ad lenis inflationes, & tumorum, à causa frigida discussionem, maiore vtilitate, quam sordida inguina, de oleo Capparum, ac similia adhibentur, cuius experientiam insignem, in ventriculo, matrice, vitioforum, ac frigidorum humorum culpa inflatis, adeptus sum, ad sopiendos dolores musculorum, & nervosorum partium, conuenienti mixtura, iis, qui vnguenta graueolentia non tolerant, commodissima: De quo in dispensatorio singulari, à me componendo, aspirante cœlitus numine, vberius agam. Reliqua quidem Balsama, ut pote de Tolu, Liquidambar, imò ipsa styraç liquidam, eiusdem ferè virtutis, odoris tamen præstantia, quæ mihi hoc in praxi commendatum facit, aliquantum inferiora sunt.

CAP. VII.

De Peregrinarum ac balsamicarum Resinarum destillatione.

Resinæ quarundam arborum, ut Resina Elemi, Animes Taccamahacæ, Copal, ex remotis regionibus ad nos delatæ, à Turba Medicorum, in gummatum classem receptæ sunt. Attamen cum oleo, aut ceræ super igne eliquatæ, penitus incerporentur, quod in gummatibus, diuersa nimirum, & tam aquosa, ac glutinosa, quàm resinosa parte constantibus cernere non est, sed vel in pollinem, prius redigenda, vel aceto solvenda, antequam vnguentis, & emplastris misceri queant: hæc ratio me induxit, differentiam explicandæ horum naturæ commodam, præingenij mei modulo constituere. Nam si idcirco solum, quod ex arborum ramis ac truncis, velut gummata, exsulant, vnam in classem referenda essent, ratio nulla est, cur non Abietis, pinus, & laricis resinam, ac Terebinthinam illis quoque jungeremus, quod tamen ob naturæ diuersitatem, sine rerum confusione fieri nequit. Ut ad rem ipsam veniam, d. stillatio horum, sequenti modo per. gi debet

℞. Gummi Animes selectæ, colori flauo, intra digitos facile mollescentis odoris boni, & ferè aromatici lbj. coquæ retortæ pars tertia circiter repleatur, quæ corpore sit altiore, & sensim vsque ad colli principium, in angustum vergente, moderato igne, primum oleum, secundum, ut de Balsamis dictum, intensiore, & sic reliquarum Resinarum olea eliciuntur.

Oleum gummi Animes, virtute penetrandi, exsiccandi, calefaciendi, quamuis oleo Balsami inferius sit, multum valet, i. super corroborat & adstringit, hinc ad curationem spasmi, contracturæ, paralytis, ex defluxione, & materia frigida

obortæ, p̄r se, vel vnguentis mixtum, tanquam singulare remedium commendatur: Quamvis reliquarum resinarum olea, cum hoc, in viribus propemodum conueniant. Proprium tamen Taccamahacæ est roborare, & exsiccare, olei Elemi subtilioris, per vesicam destillati, contra-cturam, spasnum, apoplexiam, capitis & nervorum puncturas & dolores ex iis proueniendi, sanandi virtute excellere. In genere, olea hæc in magnis contusionibus & luxationibus à chirurgis magnopere expetuntur.

CAP. VIII.

De Gummatum odoriferorum destillatione.

IN varia gummatum differentia, tria nobis occurrunt quæ ob præstantiam odoris, ad compositiones requiruntur, v. g. Benzoin, styrax calamita, & Ladanum. Benzoin, præ reliquis, odoris causa, commendatur, suauissimum enim ignitis carbonibus, injectum, spargit, & ad perfumigia celebris est. Torlit multis chymicos sollicitudo, quo pacto oleum, ex ipso elicerent, quod tum ad medicinam faciendam, tum ad fustitum complendum, præstantius esset, eiusque causa, varios processus excogitarunt, eius autem parandi difficultatem, experientia docet. Quamvis n. Benzoin gummi species, & ob pinguem ac sulphuream substantiam, inflammari proclius sit, ex quo, inexper-tus, oleum facile elici posse sibi persuadeat; res tamen, cum ad Vulcanum defer-tur, aliud probat. Etenim vulgatus destil-landi modus, nihil præter albicantem, & in modum floccorum sericorum, conuo-lutam materiam proferit, quæ apud chy-micos, florum Benzoin appellationem nacta est, ac omnis pinguedinis, ad sen-sum expers, igne liquata, iterumque re-frigerata, in massam, Benzoin substantiæ

similem concrefcit, manifestamque cum sulphure minerali analogiam habere, ratio indicat, quod quamvis sit admodum pingue, tanquam genuinum ignis subiectum, ad ignem incucurbita fufum, nihil nisi pulverem flavescentem, sursum, ad alembicum mittit, qui nihil aliud, nisi ipsissimum sulphur est, parum attenuatum, & de facili, iterata fusione, in solidam substantiam reuertitur. Non desunt ostentatores vaniloqui, doctrinam ineam chymiatricam suspenso naso explodentes, qui multa de oleo Benzoin ja-cent, nec tamen, quod volunt, obtinent: ope-re n. & facto, non verbis, demonstratio-nem requiro, qua ratione, aut via, oleum ex Benzoin, sine additione alienæ pin-guedinis, ignis potentia prodeat. Vidi equidem, apud aliquos, oleum subnigri-cans, acre, subtile, odore nidoroso, sub titulo, olei Benzoin per se destillati, de cuius veritate adhuc dubito, & ne hili quidem istud facio, cum eius vsum, nec in pharmacis, nec odoriferis componendis aptum, ac ipsum Benzoin depuratum, ac igne moderato sublimatum, multo præstantius esse, agnoscam.

Quod attinet styracem calamitam, & ladanum, ad modum aliarum resinarum, destillari debent, habita observatione, vt hæc prius super igne lento, aqua rosarum soluta, per pannum exprimantur, ac sor-des, velut arena, & ligna, hoc modo se-parentur. Irritus quorundam fuit labor, qui oleum horum, per vesicam extorque-re conati sunt, etenim partibus, quas aqua bulliens, exsolvere possit, oleosis, ac subtilibus carent. Et vt paucis, nullius propemodum utilitatis sunt, aut vsus, ne ad perfumationem quidem, propter em-pyreuma, ab igne contractum.

C A P. I X.

De ferulaceorum gummatum, vt Ammoniaci, & similium destillatione.

HOc nomine accipimus, gummata illa, ex plantis quibusdam ferulaceis producta, quæ viscidum quid, & aqueum, vt gummi arabicum, ac præterea, resinofum & sulphureum aliquid, vt styrax calamita continent, suntque Galbanum, Ammoniacum, Opopanax, Sagapenum. Plantæ ferulaceæ verò, quæ caule, quemadmodum Angelica palustris, & Leuisticum altius surgunt, de quibus, earumque præparatione in vltima sectione Anatomes essentiarum vegetabilium instructio traditur.

Ex his gummatibus, modo non vetustate exoleta sint, pars subtilior, æreæ oleaginæ substantiæ per vesicam euocatur, quæ odore, & effectu in congruo vehiculo sumpta eximia deprehenditur, ex altera parte verò, oleum crassum, vt constat ex capite, de resinis peregrinis, per arenam, commodius euocatur.

Vt gummata, inter se, ita olea ex illis destillata, qualitibus manifestis, in genere conueniunt, & propter acrimoniam illis communem, insignem vim penetrandi, calfaciendi, & siccandi obtinent; hinc in mixturis vnguentorum, magnopere commendantur, ad tumores duros, membra resoluta, frigida, exanguia, pororum obstructionem, sanguinis crassi & tenacis attenuationem, caloris natiui, in membris torporem, apoplexiam, lethargum, duritiem splenis, dolores sciaticos, tartaream in articulis coagulationem, nec non ad matricis inflationem, vel suffocationem, à causa frigida exortam, vt cuius, mediocriter in arte medica versato patet.

Ang. Sala.

C A P. X.

De Myrrha & Bdellij destillatione.

HÆc duo, colore, sapore, & odore, adeo cognita sunt, vt Myrrha, quasi alterius Bdellij & Bdellium, quodammodo alterius Myrrhæ species appareat, adeoque inexpertus, difficulter discrimen, inter hæc duo agnoscat, & licet varia, sicut reliqua, mucilaginea tamen potissimum parte constant, qua de causa, non tam faciliè, ac ea, quæ resinosa parte abundant, ignem concipiunt, & aqua, vel vino soluta, tota ferè, in mucaginem vertuntur vix aliquo resinoso subsidente, vt reliquorum ferulaceorum natura fert, iterumque coagulata, amaro & odore excepto, gummi cerasorum, vel pomorum speciem referunt.

Vanus plurimorum conatus fuit, ex his, per vesicam, oleum subtile sine empyreumate eliciendi, vt supra de styrace calamita proditum est, compendiosiore via, ex retorta, per arenam opus peragipotest, quæ nil aliud, quam copiam aquosæ substantiæ ac oleum, ad nullum, tum intra, tum extra corpus, vsum, paucum, foetidum, ac nidorosum exhibet: Atque hæc idcirco moneo, vt quiuis, quantum in arte ex quibusvis consequi licet, intel ligat: Quocirca qui posthabito Myrrhæ, vel Bdellij corpore crudo, eius balsamicam, & sulphuream substantiam expetit, nuilo, vt in libro de essentia vegetabilium, à me docetur, commodiore medio, quam per spiritum vini rectificatum eam consequetur.

Quidam hunc modum commendant, Myrrham cum segmentis ligni pinastris aliquanto tempore macerant, oleumque alicuius odoris, & amaritudinis compos, extra, & intra corpus, cum fructu exhibendum, per vesicam pellunt. Quod licet sapore, & odore Myrrham referat,

majorem tamen olei partem, de segmen-
tis, non Myrrhæ substantia promanasse,
atque dictas qualitates, contingenter sibi
adsciuisse, credibile est, nec id contem-
no, modo nullus veritatis amans, pro sin-
cero Myrrhæ oleo, obtrudere, seu dispen-
sare nitatur: Quam nefariam sæpè frau-
dem pretiosa illa olea Cinamomi, Caryo-
phyllorum, per similem macerationem,
ad majorem copiam impetrandam, aua-
ritia dictante, patiuntur, ac Materialistis
vocatis, ac etiam stolidis quibusdam
pharmacopæis oblata, grandi pretio sæ-
pè commutantur, nec stulti semetipsos
tantum fallunt, cum ea temporis de-
cursu, rancore cito corumpantur, sed,
quod grauius est, miserandos ægros, et
quibus similia offeruntur, injustè de-
decipiunt, in quam errorum lernam, me-
dici, & physici jurati, meritò animad-
vertunt. Quamvis in his, non utrobius
par ratio sit, quod similia olea, multum
de aromatum substantia, illud vero de
Myrrha nihil participat: Coincidunt ta-
men in fraudis culpa, quatenus oleum
Cinamomi purum, ab eo, quod magnam
partem, oleo ex tædis educto, constat, non
minus differat, quam aurum ex æqua por-
tione cum cupro conflatum, quin grauius
peccatur in his, quam in falsi auri, pro
vero commutatione, considerando ja-
cturam sanitatis, quæ pretium auri, &
argenti excedit: Qui error cuitari posset
si officinæ pharmaceuticæ, à viris, tum in
cognitione simplicium, tum in arte Chy-
mica versatis, sedulo lustrarentur.

CAP. XI.

*De essentia Tartaræ vegetabilis de-
stillatione.*

Quomodo oleum Tartari inflamma-
bile paretur, docui in tractatu meo
Tartarologico, secundum quam metho-
dum, omnia, quæ Tartari nomine ve-

niunt, corpora tractanda. Quidam vèrò,
quæ ignis appulsu, mox in sublimè ten-
dunt, ex ferrea retorta destillare, neces-
sum est, eadem ratione, qua succos con-
cretos, Aloes, Acaciæ, Hypocystidis,
Opij: Tandem ex saccharo, & melle pri-
mum igne lento, aquosa, dein fortiori,
oleosa subnigricans substantia educitur:
Quorum sanè, non tam vtilitatis, quam
curiositatis causa, ne quid mihi, de simili-
bus ratiocinandi, cum fundamento reli-
quum sit, experientiam feci.

CAP. XII.

De ceræ ac olei oliuarum destillatione.

Sunt, qui ceram in classem, de anima-
libus sumptorum referant, mea ta-
men fert opinio, hanc non in animalium,
Apium sc. corpore alteratam, sed substan-
tiam ab his, magis dulcem, & aëream ex
floribus collectam esse, quocunque mo-
do se res habet, eius destillatio aptè, ex
cucurbita, per arenam instituitur, hac
obseruatione non omissa, ut propter
procliuitem, qua in sublimè tendit,
primo pauca quantitate lento igne, de-
stilletur. Si cui hicce, ut pote aliquan-
tum difficilis modus non aridet, hunc
eligat: Arenæ mundatæ, vel pulveris sili-
cum, q. s. affundatur, ceræ purissimæ fu-
sæ ea copia, ut agitando ferè, ad empla-
stri consistentiam redeat, quæ per gradus
ignis leuissimos, amœnum, & coloris au-
rei crassiusculum oleum fundit, Chymi-
cis butyrum ceræ dictum magnæ emol-
liendi potestatis. Quidam hoc rectifican-
do, ad liquidiorē consistentiam redi-
gere conantes, nihil aliud referunt,
quàm empyreumate corruptum, & nati-
uo temperamento exutum oleum: Oleum
vero oliuarum, sine additione, facilis
destillandi labor est; quamvis hunc nulli,
maximè ei, qui alium ratum habet, præ-
cepti loco, obtrudam, de possibilitate

loquor. Oleum philosophorum, seu de lateribus dictum destillandi modus, vulgo adeo notus, vt cum huc referre, haud necessarium sit: Recipiuntur nimirum, regularum ab igne candentia frustra, inque oleo communi extincta, & pulverisata destillantur per retortam, ac hoc modo, oleum non contemnendæ virtutis exhibent, digerendi, penetrandi, frigidis, acin primis, splenis tumores consumendi, auditum rectificandi, vermes pellendi, dolores sciaticos, apoplexiam item, & spasmus curandi virtute pollet, quod tamen cautè, in sicciore præcipue temperie, administrandum.

CAP. XIII.

De oleo Caphuræ.

Caphura in classe sulphuræorum, propter puritatem, candorem, & penetrandi vim, iure principatum obtinet, & æquè citò quam spiritus vini, accessu caloris, ne dicam ignis, in auras eūolat, accensaque, nullo post se inquinamento relicto, puriore, quam Resina, Terebinthina, aut Balsamus, flamma, penitus consumitur, cum etiam cætera olea, quamvis subtilia, combusta, nidorosa pinguedine, vasa, quibus continentur, inficere soleant: Neque satis admirari queo, eius ingenium, quæ adeo acrea ac subtilis, vt nisi singulari industria condatur, se ipsam exhalando, interficiat, ac igne concepto, ipsis in vndis supernatans, vice lucernæ fungatur. Quamobrem in foro medico non infimum locum obtinet, & ad composita cordialia ac antidota plurimo in vsu est. Hæc meritò vindicanda est à multorum Medicorum sinistro iudicio, qui frigidam & siccam qualitatem ei tribuant, cum tamen promptissime ignem concipiat, cui frigida, sicca, ob partes aqueas, & terrestres commixta, naturâ aduersantur, nec

cum vlla re minus, quam cum terra conuenit, cum hæc arctissime, centro suo affixa manet, Caphura vero, minimo negotio, in auras euascescit, nec non acrimonia eius, & odor, contrarium euidenter arguunt. Quare aromatica, odorata, & subtilissimæ substantiæ ratione, cum calidis potius, quam frigidis, cognationem habere, rectè statuitur: Nec obstat effectus, externas inflammationes sedandi; simile enim simile attrahere, experientia, & ratio probat; siquidem materia, per penetrantem, attrahentem, & digerentem facultatem consumpta, tumorem, & inflammationem cessare, manifestum est; imò internos etiam ardores, vi sua diaphoretica, & putrefactionem horum coercente, vt plura huiusmodi remedia, temperamento calida, dissipare potest. Eiusdem valoris argumentum illud est, quod ex facultate, libidines infringendi desumunt, ad assertionem temperamenti frigidi. Etenim si vnicè, & propriè qualitas frigida, sicca, ad hunc effectum requireretur, sequela hæc foret necessitas, nullum simplex, quod calidum, & siccum est, id perficere posse, quod experientiæ, in Ruta, & agno casto non respondet: mitto cætera argumenta, breuitatis causa, quæ ad hanc doctrinam confirmandam afferri possent. Ad virtutes eius redeo, quæ insignes sunt, contra malignas, ac pestilentes febres, nec propter substantiæ puritatem, multa præparatione indiget, vbi tamen oleum expetitur, id parandi talis processus est.

Caphuræ purissimæ ꝑij. Luti figuli arena præparati lbj, in modum pastæ misceantur, quæ in globulos formata, exsiccata, ex arena, per retortam vitream destillatur, qua opera, oleum quidem fluuum, inodorum tamen, minorisq; efficaciam, ipsa Caphura substantia obtinetur, quam insigni cum fructu, vel forma pulueris, aut liquoribus appropriatis solu-

tam, mixtūris cordialibūs, alexitericis addere licet: Neque tam doctos informandi, quam quid de similibus sentiam ingenue communicandi causa intellecta volo.

CAP. XIV.

De oleorum memoratorum destillatione.

Rectificatio, vocula seu terminus idem, quod substantiæ purificatio, aut exaltatio, quali fere opus habent, aquosi, vel sulphurei liquores, prima destillatione, intensiore igne exacti, ut nidorosum, graue terrestrequē commixtum, mitiore ignis afflatu, per repetitam destillationem deponant, quæ tamen omnibus oleis, necessaria non est, utpote, quæ ex Resinis, Balsamis, Gummatibus, absque ignis violentia, non expectata adustione, quæ crassam, sulphuream, terrestremque substantiæ primæ parte confundat, secundum artem destillantur, ac multo minus iis, quæ admodum infra præscriptum, per vesicam educuntur, nisi noxam à cupreis instrumentis, vel laborantis negligentia fordidum quid, & mucosum contraxerit, quemadmodum superius tractando, de alembicis & serpentinis vitreis, aut stanneis monui, nec ignorandum, rectificatione præcipuè in arena instituta, virtutes oleorum aromaticorum, & subtilium minui. Exempli loco, oleum succini, quamvis rectificatum, clarius, subtiliusque fiat, non tamen, sine empyreumatis labe, & saporis mutatione repetitam ignis violentiam sustinet, quæ huius, aliorumque naturam proprietatem destruere potis est. Vbi autem necessitas eam requirit, hoc modo instituenda est:

Oleorectificando, in cucurbita vitrea, duo decupla aquæ quantitas affundatur,

& ex Balneo, vniformi aquæ bullientis calore, subtiliores olei partes blandè euocentur, quæ denuò ab aqua separandæ sunt: Ad eundem modum, quæ per vesicam destillata, & laborantium incuria conspurcata sunt tractantur, diligentiam tamen animadversione adhibita, ne per juncturas malè factas, vel clausas odorigera olei virtus expiret, aut defectu refrigerationis alembicus diffiliat: At si olea crassa, tenacia, & nidorosa occurrunt, quæ ab igne nullam noxam seu proprietatem, seu effectum eius consideres, recipere possunt, arenæ mundatæ mixta, modico igne, quoad omnem sæculentiam deponant per retortam, aguntur: Nec minus commodè destillatio oleorum, quæ subtili, & æreæ substantia prædita sunt, per vesicam, quam B. præsertim, cum eius copia maior expetitur, perfici potest.

HYDRELEOLOGIE

SECTIO III.

CAP. I.

De oleorum per arenam destillatione, abundè in priore Sectione, nunc de æreis, & spirituosiss, indolem suorum simplicium, odore, & sapore referentibus, quæ per vesicam euocari amant, agere restat.

R. **S**eminis Anisi lb iiii. Aquæ fontanæ, mensuras sex, secundum supra præscriptum modum, per vesicam, moderato igne tamdiu continuato, donec nullum oleum amplius prodeat, destillantur, mutato subinde excipulo, quo melius finem olei extillant, experiri possis.

Pari modo, semina cymini, dauci, fœniculi, angelicæ, Sinapeos, granorum Pa-

radisi, Cardamomi, quæ tenui, pingui, & volatili substantia grauida sunt, tractantur : Secus verò cum semine Raphani, Papaueris, Lini, & Cannabis cæterorumque fructuum nucleis, amygdalis, &c. utpote quæ lento, & graui liquore referta sunt, agendum est, quæ prælo expressa, & à corpore separata, nusquam in alembicum ex vesica, vi ignis pelli possunt: Sunt etiam quæ pro quantitate rei, destillationi subiectæ, mox initio, intra vnus, aut alterius horæ spatium, omnem oleosam substantiam leui destillandi labore fundunt, ex aliquibus contra, vt in semine feniculi, & Petroselini, aliisque de quibus porro agendum est, vix biduo oleum separari potest: Hinc labor etiam, pro hac diuersitate instituendus, & aliqua pars aquæ abstracta, oleo separato, simplicibus denuò affundenda est, vt huic pro iusta copia, sine adustionis periculo, ad finem destillationis vsque innatare possint. Nec minor, aquam in refrigeratorio, cum recenti frigida, sæpè mutandi necessitas incumbit, illa quippe calidior, vel vaporum ascensum impedit, vel illis, plus iusto rarefactis, receptaculum in frustra explodit. In genere, olea aquis innatantia, per tritorium separantur, quod constet, orificio supernè stricto, ventre amplo, & vnus mensuræ capacitatis, infensè longo, in acumen ducto canali, ligneo obice præfixo, tritorium aqua, cui oleum permixtum, est repletur, iterumque interposita quiete aliqua, donec oleum supernatet, remoto obice, elabi permittitur, donec solum oleum in illo restet, quod vase vitreo exceptum seruatur: Sunt qui ex lagena, stricti orificij, aqua ad summum repleta, oleum, quod supernatat, spongia colligunt, ac porro duobus digitis exprimunt, quidam elychnio ad os appenso, illud prolestant. Olei Anisi hoc proprium est, vt auræ frigidioris alapsu, instar floccorum albicantium, aut spermatis Ceti forma concreseat: facul-

tates eius ipsi semini sunt analogæ. Dosis 6. guttas, vino, Cereuisiæ, vel carnis brodio mixtas, raro excedit.

C A P. II.

De Oleo Melissæ, ac aliarum herbarum.

QVandoquidem, inter simplicia cordialia Melissæ excellit, ab hac exordium facere lubet. Huius folia, cum herba semine turgescit, concisa, & contusa, more vsitato, sc. q. aquæ fontanæ affusa per vesicam amplam destillantur, oleum pauca omnino quantitatis, vnica destillatione, impetratur: Ad eundem modum Menta moscata, Salvia, Ruta, Absinthium, Origanum, Majorana, Lauendula, Rosmarinus, Thymus, Hyssopus, Satureia, Lepidium, Basilicum, ac ceteræ huius farinæ, calida, odora, ac sulphurea mixtura abundantes herbæ, non tantum virides sed exsiccatæ quoque tractantur; nec etiam seminum maturitas, in omnibus expectanda, quorum folia, sc. f. q. olei suppeditant, v. g. leui labore, ex his j foliorum Rosmarini, diuæ, vel tres drachmæ olei eliciuntur.

Præcipuum locum tenet, in cordialibus, & Bezoardicis contra cardiacam passionem, ex flatibus, aut atræ bilis feruore natam, anxietates, melancholiam, inflationem lienis, matricis; cerebro insuper corroborando, & memoriæ confortandæ, aptissimum remedium est. Dosis vix 3. guttulas, propter subtilem penetrandi vim, superat.

C A P. III.

De Olei Rosarum destillatione.

ROSA præsertim incarnatæ, non tantum ob vsum medicum, sed etiam odoris præstantiam, meritò coluntur: Oleum ex hisce, agnitæ suauitati com-

par, non nisi parva copia, per destillationem obtinetur, ob quod magnatibus tantum, ferè in usum cedit; Quod enim ex salicis rosis producitur, multum de nativa odoris indole deficit; consultum igitur, ex recentibus id ipsum elicere, ac quidem ex iusta florum rosarum quantitate concisa, per vesicam amplam, superstructo alembico stanneo capaciore & recluso, cum refrigeratorio: Qui modus, ad vapores, tum aquosæ tum oleosæ substantiæ, innato vigore pollentis, in excipulo colligendos, potior est illo, qui serpentinarum ambagibus, per cadum ductis absolvitur; promptius enim destillatio procedit, frigida in locum calidioris aquæ successu, modo refrigeratorium pariter, & semper plenum existat. Omnium vero optimus is est, ut ex fonte vel magno aliquo vase, per epistomium tantum aquæ influat, quantum ex alia parte refrigeratorii subducitur: Alembicus vesicæ arctissime junctus, vitrum firmum retundum excipiat, quod porro, mitioris ignis operatione, ne rosæ in sublimè rapiantur, ex dimidio repletum, cum nouo recipiente mutatur. Oleum aquæ destillatæ innatans, instar pinguedinis albidioris, panno super vitrum lati orificij, expanso, & aqua per tritorium transmissa, excipi, & cutello tenui colligi & tandem in vitro, cuius osculum patella vitrea, & de super vesicæ bubulæ particula obturatur, servari solet. Aqua autem simul egressa, recentium Rosarum sufficienti quantitati affusa, destillatio repetitur, donec, quantum lubet olei, obtineatur: Non minorum virium hæc aqua, ac illa ad eandem, quam paulò ante tradidi, normam destillata, in qua separationis olei nulla mentio facta, quoniam propter exiguam copiam hoc labore dignum non judicatur. Nec etiam exsiccata, cujuscunque coloris, & odoris sint, rectè laboranti, pinguem, & æream substantiam denegant: Quidam etiam, Sacculum ex sin-

done, rostro alembici affigunt, quo pacto, oleum, transmissa aqua, colligere student, sed mitissimus ignis adhibendus, alias enim evanescit, aut penitus à linteo absorbetur. Acerrimo sapore, amaritudine, & caliditate pollet, & paucio temporis intervallo in auras expirat, nisi accuratè obturatum affervetur, aut mox à destillatione, Saccharo commisceatur. Ad mixturas cordiales aquas vitæ, balsama apoplectica, & cardiaca, quorum vim auget, frequentem, apud Medicos solertes in usum venit.

C A P. IV.

De oleo Liliorum Convalium.

EX iusta Liliorum convalium quantitate, vino conspersa, addita fontana, liquor destillatur, qui in loco quiescat, donec oleum album supernatet, cuius porro, sæpius dicto modo, separatio instituenda: Secundum quam methodum ex floribus Chamomillæ, Verbasci, Ligustri, Aurantiorum, Iasmini, Mirtillorum, Rosarum moschatarum, oleosæ substantia, quoque elicitur, omnes tamen vino conspergere, non est opus, nisi aquæ spirituosæ, ac magis calidæ desiderentur. Singulare quid, in oleo Chamomillæ videre licet, quod colore cæruleo, cum saphyro, aut illo Azuro ultramarino, contendit, eorum autem opinionem, qui hunc colorem à cupreis instrumentis contractum volunt, tanquam erroneam rejicio: necessarium enim foret, ut reliqua olea acriora, eodem colore tingerentur, cui experientia reclamatur: Licet vero quædam ære viridi ex diuturna destillatione infecta, comperiantur, nullatenus tamen cum hoc conveniunt, sed ex Balneo Mariæ destillata, alieni coloris ticturam ex cupro, in fundo relinquunt, cum vice versa, oleum chamamelis, nulla rectificatione, vel destillatione, proprium co-

foetem amittit, qualem sc. non per accidens acquisitum, sed natura insitum quibuscumque instrumentis, stanneis, aut vitreis destillatum, experientia teste, obtinet, cuius rei rationem, cum ante destillationem præter luteos flores; & virescentem herbam, nihil in dicto simplici appareat, sciolis, & physicis argutis, qui multa, de multis speciosè magis, quam scientificè proferunt, enodandam relinquo. Conuenit oleum Liliorum conualium, ad mixturam balsami apoplectici ac vitalium partium corroboracionem.

C A P. V.

De Oleo Iuniperi.

Vlgo, ac passim notum est, oleum Iuniperi, quod, pestilitate grassante, præseruatiui loco, aliquot guttularum dosi, vino mixtum, jejune hauritur, potenter flatus conclusos dissipat, calculum & mucum ex renibus abigit; raro quidem, sine adulteratione aut mixtura olei terebinthinæ, sæpe viscidum, ac rancidum offertur, quocirca consultum, ut aliquibus medicamentis parandis, solers Medicus ipse operam det, ac modio baccharum Iuniperi contusarum, affusa aqua, vesicam repleat, & destillando quam diu oleum prodit, opus vrgeat, ac tandem ab aqua separet, ut in aliis quoque traditum, qui modus quoque, cum bacis Heredæ, Lauri, Myrtorum seruandus.

C A P. VI.

De modo destillandi olea, ex corticibus, Limonum, citri & aurantium.

Raro fortasse hæc olea, apud seplasiarios, quæ non ex putrefactis corticibus destillata, vel vetustate exoleta, aut diuturna harum maceratione, majoris copię acquirendæ studio non labefactata sint reperiuntur; cum tamen multum

interfit, quo integra, & viribus perfectæ habeantur, qualia ex sequenti præscripto parantur. Corticibus exterioribus, ex centum limonibus maturis & integris, in vesica s. q. aquæ fontanæ affunditur, ac reliquo secundum priora exempla, apparatu adhibito, spatio quinque horarum, oleum subtile & instar crystalli pellucidum, vsque ad drachmas decem, vel amplius elicitur; quod in separatione ab aqua, tantam odoris fragrantiam fundit, ac si locus circumcirca Limonibus refertus existeret, & ne vis, ac odor, deinceps magis dissipetur, subere, ac duplici membrana, angustis orificij vitro obturato, & quoties aperitur ad claudendum noua pellicula adhibita, loco frigido, seruandū est: *Qui labor si cui forte tædiosus est, hoc oleum, pulvere sacchari, ut pollinis, consistentiam retineat, incorporari potest, qua forma, sæpius per quinque annos, viribus integrum seruatur: Eandem regulam in malis citriis & aurantium sequi conuenit.*

Reliqua pars corticum, crassa, & alba, ad condimentum, succus etiam, & semen suos in medicina vsus habent. Calfaciendi, siccandi, incidendi, ac penetrandi facultate, aliqua amaritudine comitatum pollet, aduersus cordis palpitationem, anxietates cardiacas, à flatibus, & tetrīs vaporibus, ad ventriculi refrigerationē, tormina, venena ac pestifera contagia, exigua quantitate exhibitum, magno corticum cumulo præstat. Iulapii sitim augentibus, potiunculis, & catharticis corrigēdis, balsamis componendis, quorum odorem perficit, frequenter miscetur: Non tamē sine omni læsione, à quibusvis, maxime bilioso, aut sanguineo habitu præditis aut capitis dolore, à causa calida, affligi solitis, potissimum vino mixtum, vsurpari potest, licet cerebrum sensibile, vapore, & odore, cæteris aliquantum mitius, anathymiali sua, ferire soleat. Huius dosi ad quinque vel sex guttulas ascendit, Elæosaccharum vero, quantum

cuspide cultri capi potest. Cum vero prima citria, limonibus ob alexitericam vim, & corroborantem communi Medicorum suffragio, preferenda sint, eorumque copia, nobis raro detur, consulo ut nautis in Hispaniam profecturis, quo loco vili admodum pretio veniunt, negotium detur, ut flavedinem ex aliquot centenis pomis citriis, concisam, in dolium mundum, ex ligno quercino recondant, idque affusum quantum capere potest spiritu vini Hispanici, ad summum repletum, & exacte clausum, in fundo Nauigij, loco frigidiorē collocatum aduehāt; quo pacto condita, nullam sex mensium spatio, noxam patiuntur; cuius rei, ipsiusmet experientiam feci, in corticibus Limonium, post quatuor menses, ex Hollandia delatis; Oleum porro ex illis, ut sequitur, paratur. Hi cortices cum spiritu vini, & parte aquæ fontanæ, per vesicam destillati, albescentem, & spissum liquorem fundunt, qui mutato, subinde recipiente, à spiritu separatur, qui denuo ex Balneo Mariæ rectificatus, aptissimus, ad mixturas aquarum cordialium, & bezoarticarum existit. Hac ipsa commoditate, Flores Aurantiorum, vino Hispanico conditi, ad nos deferri, atque ex iis, secundum instructionem datam de Liliis conuallibus aquæ præstantes, destillari possunt.

CAP. VII.

De oleo Ligni Cupressi.

TAmethi, huic ligno, non ubiuis terrarum nasci detur, ex his nihilominus cistæ, aliæque complures res confectæ, propter nitorem, robur, & fragrantiam, varias in regiones commutantur, pauciora æquidem ex lignis, quamuis pinguius, solidis, & grauibus, ut sunt guajacum & lignum Aloes, quæ, præter hoc unicum, per vesicam, verum oleum, Vul-

cano imperante exhibent. 2. Rasuræ ligni Cupressi lb viij vel x. & affusa q. s. aquæ fontanæ, per vesicam destillatio instituitur; Qua via oleum prodit, miræ, & in reliquis vegetabilibus, non viciatæ proprietatis, præterquam enim pars eius fundo adhærescat, vel aquæ supernatet, etiam in vasis summitate, instar salis volatilis, succini, aut cornu cerui concrefcit, ac per totum excipulum, quasi filamenta, mirè candentia, tenuia, oblonga, pruinam arbores per hyemem cooperire solitam, referentia, naturæ insuper adeo volatilis est, ut si, quod in collectione necessarium fieri debet, parum ad calorem fundatur, magnam partem ferè euanescat, & spiritiuosa leuitate sua, ipsum spiritum vini superet; in frigido etiam loco seruatum, in vase, ex parte vacuo, quoad datur, sursum nititur, & quamvis arctè conclusum, per omnes poros fragrantiam suam transmittit; & quod magis admiratione dignum est, plurimorum annorum decursu, adeo subtilis hæc oleosa substantia, in subiecto suo, ligno ipso nimirum, salva permanet, quod prima destillatione comperi; ex fragmentis enim cistæ cuiusdam ante centum factæ, in gratiosi Domini mei Arce Gustrouien-si, satis magnam olei quantitatem impletrai, ac deinceps hunc laborem, cum recenti ligno pari semper effectu repetiui: Quocirca nobilissima chymia quæ arcana naturæ nobis pandit, quæ communia physicorum theoremata, nunquam eruerent, nunquam satis laudari potest. Ut ad destillationem huius olei reuertar, illa continuanda, donec oleum omne transcenderit, quod aliquot horarum spatio perficitur, recipiens porro, in aquam calidam mittendum, quo oleum ad latera concretum, dissolvatur & ab aqua decenter separatum reliquo jungatur: Hoc quandoque, ad fundum, in granula, salī non absimilia, coagulatur, ut in balsamo Peruviano notauī, quæ tamen pura puta substantia,

Substantia, oleosa, ad priorē formam, super igne redire solet; talem certe proprietatem, in hoc oleo, qualem in nulla alia re per vesicam destillata deprehendi. Vires autem eius, experientia has cognoui, vnguentum ex eo, cum sapone hispanico, & spiritu vini, contra defluxiones frigidas, in articulos decumbentes, vtilissimum paratur. Caterum communis Medicorum tert sententia, lignum moderata sua adstrictione, sine qualitatum primarum excessu, membra relaxa corroborare; aliis autem eius olei, ac aquæ, quæ valde odorata est, specialem vsum explicandum relinquo.

CAP. VIII.

De oleo Ligni Rhodij.

EXoticum hoc lignum Rhodium dictum non quod Rosarum ferax sit, sed propter odoris cum Rosis cognationem id nominis sortitum est, soliditate Buxū, & exteriore parte insipida, Guajacum propemodum æmulantur, intus pingue, & amarum, quod autem his notis destituitur, tanquam spurium rejiciendum.

Huius ligni q. s. in frusta dissecti, à quo album inodorum, velut inutile separatum est, & huius aquâ fontana affusa sine præmissa maceratione, & tribus vel quatuor manipulis salis adjectis, per vesicam destillatio absoluitur, & postquam vna aut altera mensura aquæ prodiit, illa mutato recipiente & oleo separato, materiæ destillandæ reaffunditur, sic procedendo opus vrgendum, donec nihil olei amplius exiller, ad quod cum ratione tenacis, & solidi subiecti, cui inhaeret, tum propria grauitatis ipsius olei, spirituosa subtilitate carentis, spatium quatuor, ac plurium dierum requiritur. Hoc oleum in genere, clarum, pellucidum, & subflavum est; primum, ac secundum, posterius collecto, semper nobilius, quod vetustate,

Ang. Sale.

facile glutinosum euadens viribus deficit, præsertim si negligenter tractetur, odor eius tamen, additione olei Caryophyllorum, vel Cinamomi, aliquantum restaurari potest, hoc ipso, quamvis amari & acris saporis sit, nihilominus à quibusdam, ad capitis dolores, à causa calida prognatos vtuntur, frigidam sc. & siccam intemperiem, ei adscribentes, potissimus eius vsus in balsamis conficiendis, suauissimam enim, & planè iucundam fragrantiam aliis odoratis Ambræ sc. griseæ, Moscho, Zibeto, balsamo Peruuiano, oleo Caryophyllorum, aut cinamomi mixtum, adspirare solet, & ad omnis generis perfumigia vtilissimum est.

CAP. IX.

De Oleo Sassafras.

Lignum Sassafras, ob nobilem vsum, Medicis valde commendatum, ab Indis ad nos deferitur, minus densum, sed leue ac porosum, quandoque vix crassitiem digiti, quandoque humani femoris crassitiem adæquans, cortice Alnum imitatur, diuersitas coloris, quandoque albescens, iam ex fusca grisei, vel Cinamomum æmulantis, parvi momenti est, modo grato sapore, & odore, faniculum quodammodo representante constet, quo cortex, lignum superat: Quod calidum, siccum, facultate incidendi, dissipandi, aperiendi, abstergendi, & frigidam, ac serosam colluuiem consumendi potens est: Quamobrem frigida intemperiei, obstructioni Iecoris, Mesenterij, Lienis, renum, vesicæ, vteri nec non capitis, pectoris, & stomachi, à causa flatulenta & frigida, aut à defluxione vitii, vt chiraagræ podagræ, luei gallicæ & scabiei à salsa pituita exortæ, egregiè opitulatur, adeo vt in huiusmodi affectibus, propemodum panacæ locum teneat, dummodo non temerè, & empiricè, applicetur,

K

sed obseruatis obseruandisque secundum dogmaticos, ætatis, habitus corporis, temporis, constitutionis cæli, dietæ, catharticonum, & venæ sectionis præparationis, ac iuxta dosi discrimine notantur. Hoc olim majoris raritate magnitudinem pretij augente, æstimationis erat, quam nunc, in tanta eius copia, quemadmodum ceteræ res, & ipsæ scientiæ, nuper inuentione gratæ, communes vetustate factæ, errore ingeniorum, qui nouitate trahuntur, citò vilescunt, & vt nouiter, dummodo benè inuentis, laus sua concedatur, rei tamen medicæ, quandoque plus damni quam commodi hæc curiositas adfert.

Præstat igitur pro similium rerum, abundantiâ, qua etiam pauperes adiuuare detur, Creatori gratias rependere, quàm imprudenter contemnere. Destillatio, huius in tenuia frusta dissecti, sine alia additione, per vesicam cum aqua fontanæ quantitate, ad normam aliorum absolvitur, ex qua, oleum pellucidum, ex flauo ad fuscum vergens, tardè quidem, sed tamen spatio vnius diei prodit, quod aliquantum ponderosius, sub aqua, fundo vasis adhærens, vt alibi docebitur, separandum, omnibus affectibus, quibus lignum ipsum competit, subueniens, sed propter acrimoniam vehiculo temperandum, Dosis 3. 4. vel 6. guttæ, vino, cereuiciæ, aut carnis iusculo mixtæ hauriuntur.

C A P. X.

De oleo Cinamomi.

Nobilissimi huius aromatis libra integra nisi valdè acutum, & viribus integrum sit, vix drachmam vnâ olei præbet; Quantumvis nasuti, & gloriosuli quidam Chymici, multo plus elicere, se posse jactent, qui donec id, facto ipso præsent, apud me fidem non merentur, hinc eius pretij magnitudo, quamuis ra-

rò, sine adulterationis fraude, ad quam quidam tædarum segmenta adhibent, reperiatur.

℞. Cinamomi optimi, in partes minutas confracti lb iiij. aspergantur vino albo generoso, & paulo post, 6 aquæ mensuris affusis destillentur, prodibit aqua Cinamomi, alba, turbida oleo spicæ coloris mixta, quod partim in fundo, partim in corona liquoris, dispersum conspicitur, recipiens aliquantum manu agitur, vt oleum supernatans, ad fundum descendat & probè obturatū, per aliquot dies, loco frigido reponatur, vt eo temporis intervallo, oleū amplius separetur, hinc aqua, ad duorum cochleariorum circiter cum oleo remanentiam, in aliud vitrum effluere permittitur, quod promptè succedit, si recipiens, versus orificium, cum epistomio pro lubito remouendo, angustius sit: Hinc oleo in vitreo vase amplo, aquam Sale imprægnatam, & per chartam bibulam, filtratam, ad omnimodam repletionem superfunde, quo facto, mox oleum ascendit, quod deniq; in fundibulo vitreo, faciliè separatur, si quid parietibus vasorum oleosum adhæreat, illud tantillo Sacchari candi absorptum, in alium vsum seruat: Tota aquæ quantitas quæ restat, trium circiter mensurarū in aliam parvam, & mundam vesicam transferatur, destillationem continuando, donec mensura aquæ extracta sit, reliquas, vtpotè imbecilliores, pro vehiculo medicamentorū, seruare licet. Hoc etiam modo, oleum Caryophyllorū, quod fundo vasis, quoq; incumbit separatur, cuius tantum olei ex vnica libra Caryophyllorum, quantum ex duodecim libris Cinamomi producit. Oleum Cinamomi secundum proprietatem sui simplicis, ex quo extractum est, ad omnem noxam frigidam cordis, ventriculi, vteri, & partium genitalium, contra humorum putredinem, malignitatem, & anhelitum grauem commendatur, cerebri, & vitalium,

ac cæterarum partium vires recreat, ciborum coctionem promouet, vnica guttula contactus, oculos adeo vehementi dolore percellit, & tanquam vrtica pruriginē afficit; Quod mirum non est, cum cinamomum, & vulgo notum, summopere calidum sit, huiusque integræ libræ vis, in drachma vnica olei comprehendatur; Quamobrem cautè 3. vel 5. guttula, vino, vel alio liquore exceptæ, ac Saccharo temperatæ offerri debent, Compositio balsami, cum nulli pharmacopœ ignota sit, nullum verbum postulat.

C A P. X I.

De oleo Nucis moschata.

NVces Myristicæ, nulla re, nisi aqua communi addita, vt de corticibus Citri memini, destillantur. Libra vna optimarum nucum, 6. drachmas suppeditat, quod instar Olei Terebinthinæ, albo colore, innatare solet: Restibile in vesica, & crassum illud, quod alias torculari exprimitur, postquam ora refrigerata sunt, cochleari colligere inque patella, siquid de nucum frustulis aliquid permixtum sit igne eliquatum, per pannum transcolare licet; quod sine difficultate ex vesica excipi potest: totâ materia calefacta, in ahenum effusa, eaque refrigerata, oleum separetur, quæ vnica opera, duplex oleum acquiritur, prioris vsus, ad cardiacas, & flatulentas passiones colicam, & tormina matricis, renum, & sphincteris vesicæ exulcerationem, leniter abstergendo, & vrinam mouendo, nec nõ cephalicis mixti, ad cerebri corroborationem, varia experientia confirmatus est: Vltimum vero, contra tormina, & flatus, à frigida causa, ac stomachi fastidia, insuper roborandi, & astringendi virtute, contra fluxus alui adhibetur. Chymici vulgò, hoc, ad conciliandam balsamis consistentiam, vtuntur. Dosis eius, vt pote, in calore tempera-

ti, à 4. 5. ad x. vsque guttas, quæ vino, aliisque liquoribus, seu conseruis, pulueribus, ac cæteris mixturis, prout ratio, & affectus postulat, misceri possunt. Cubebæ, grana paradisi, cardamomum, macis, ac piperis genera, ac huius classis aromatica, quæ oleum subtilius continent, ad supra dicti processus legem, destillari possunt.

C A P. X I I.

De oleo Radicis Carlinæ.

Radis hæc plantæ cuiusdam, quæ carduo esculento similis aut animali illi, quæ millies colore variat, vnde etiam nomen trahit, omnibus ferè Germaniæ, ac maximè Alpium apicibus domestica, Carlina vero, quasi Carolina, ab Imperatore Carolo magno vocatur; cui post ardentis ad DEVM preces factas, quod stragem, quam exercitus eius, à lue pestilenti acciperet, benignè auerteret, Angelum in visione apparentem, digito in hanc herbam directo, pro antidoto, monstrasse, nec euentum defuisse, sed hoc remedio, maximam partem, lethum euasisse proditum est, Theophrasto autem Paracelso, carduus Angelicus dictus est, an huius historiæ instinctu, me latet, hic admirandas ei virtutes, præcipuè stato tempore collectæ, ac vim alios spoliandi robore, ad se magneticè attracto attribuit, idque exemplo cuiusdam rustici Alsatæ confirmat, qui cum certo pignore deposito, cum sociis certasset, se per miliare integrum, dolium certæ magnitudinis, vino plenum (quod illi impossibile esse credebant) humeris, nulla interposita quiete gestaturum, clam iis, de hac radice sumpsit & dicta mole onustus, ex pacto, reliquis omnino liberis pone sequentibus defessis, ad præfixum terminum, alacer & latus peruenit: Simile quid sæpè, & à pluribus accepi, equum, qui in

comitatu aliorum, huius radices particulam, in lupato gestet, reliquis planè defatigatis, firmum validumque progredi: De his tamen cuique, liberum iudicium relinquo: Nec hoc quod fide dignorum relatio me docuit, silentio præterire lubet, venatoribus in fummis Alpium jugis huius plantæ partem carnosam, floribus in ambitu substratam, deuorantibus, cerebrum adeo corroborari, vt porro, sine vertigine, & periculi metu, per prærupta horrida rupium, altissimorumque montium cacumina, damas audacissimè persequantur: Quin etiam notaui, vbi multa simul simplicia in mixtura Theriacalium compositionum confundantur, hanc vnam ferè præ ceteris, manifesto odore, & sapore se prodere. Hæc inter simplicia alexiterica, insignem prærogatiuam obtinet, in febribus malignis totum corpus penetrando, & in massam sanguinis agendo, faciliè sudorem elicere solet; oleum vero quod ex ea sequenti modo paratur haud inferioris virtutis est. Radicum xv. vel xx. libris, aquæ communis s. q. affundatur, ac per vesicam destillatio instituitur, eaque per plures dies, vt cum ligno Rhodio sit, cum tardè ascendat, continuanda est, primum oleum iucundum, & transparens, subsequens successiue, colore magis, magisque saturatum prodit. Dosis eius à 4. ad 6. guttas: Solet quoque antidotis, electuariis, & balsamis misceri, quod in omnibus ferè, sed majori vehementia, simplicis sui virtutem æmuletur.

C A P. XIII.

De oleo Terebinthina.

Varia ex Terebinthina olea, vt præcedente sectione videre licet, producantur, hæc si quis separatim, & maxime subtiliorem sine empyreumate substantiam obtinere conatur, nullo tutiore,

quam per vesicam modo eam impettrabit. Ex Terebinthinæ sibi circiter cum aqua simplicis iusta quantitate, per vesicam leni igne adhibito, primo pellucidum, & subtile oleum prodit, quod separatim, succedenti ex continuata destillatione, priori adhuc simili jungatur: Vocatur hoc oleum ob subtilitatem, & transparen-
tiam, spiritus Terebinthinæ. Vrgetur opus tam diu, donec nihil amplius, quod extillet super sit, ac flauescens quod ultimè egreditur, peculiari vase exceptum, seorsum seruetur: Residuum in vesica, vna cum aqua, in ahenum vacuum effundatur, quod refrigeratum, licet candidum, friabilitate tamen & duritie Colophonium repræsentat, in emplastrorum, seu vnguentorum mixturam aptum, ex quo demum, vt in priore sectione monstraui, tertium oleum, per retortam elici potest. Hic processus, etiam molli ac nigra pici nauali, resinæ abietis, Resinis elemi, animæ Taccamahacæ, omnibusque pingui, subtili, & ærea substantia præditis, probè quadrat. Spiritus Terebinthinæ præcipue, qui ex odorata Cypria illa prolektus est, vi diuretica renum, & vesicæ affectus mitigandi, in mixturis, & linctibus palmonum vlcera, & affectus thoracis corrigendi virtute pollet, in officina chymica, sulphuris in formam vernicis transmutandi artificio, ac in chirurgia balsamorum vulnerariorum confectioni seruit. Miror stupiditatem pseudochymicorum quorundam qui ex auro fulminante, imperitè ab iis calce auri vocato, tincturam hoc spiritu elicere conantur: Namque hi boni asini, dictum spiritum huic auro affusum, & calore digestum (quod non aliunde, quam à corrosiuis spiritibus, auro adhuc adherentibus fieri solet) colorari videntes, iam se arcanum maximum, ex tripode Apollinis excepisse, ridiculè sibi imaginantur, quæ verò analogia huic oleo, cum corpore metallico sit, qua mediante se id radicaliter solui

possit, ac quō loco hæc, & similia habenda sint, doctorum, & in arte chymica ver-
fatorum virorum, iudiciō relinquo.

CAP. XIV.

De oleo gummi Ammoniæ, per vesicam destillato.

OLeum clarum ac subtile, vt hoc gummi suppeditet, sic opus inchoandum eius vini, aut duabus libris, aquæ fontanæ vna circiter mensura affundatur, ac per vesicam parvam destilletur: Residuum in vesica, dum aqua adhuc fervet, panno firmo, super patinam stanneam exprimatur, vt tantum defæcatum transeat, & super igne, aquosa pars exhalet, suo vsui restituendum: Ad hanc imitationem, reliqua ferulacea, modo sint recentia, succulenta, vt galbanum, sagapenum, opopanax destillanda veniunt. Hæc olea summa penetrandi vi, ipsis gummatibus prævalent; præsertim in paralyssi, epilepsia, veterino, suffocatione vteri: Quæ tamen cum iudicio, pro circumstantiarum ratione, vt multa alia, ad vsum applicanda. Scitu quoque necessarium est, quandoque partem Resinæ, vel gummi vesicæ adhærescere, quæ vt etiam serpentinæ, ac rostra calfacta, & oleo illita, oleo præterlabente vnguinosæ, faciliè elui, & acerrimo lixiui mundari possunt, vt instrumenta penitus, odore præcedentis materiæ libera, in alium vsum, subsequente sola puræ fontanæ destillatione renouentur: sic quoque Mastix, Olibanum, Sandaraca, aliæque huius generis lachrymæ resinosæ, quantumcunque olei, per vesicam destillatæ fundunt, exiguo sumptus impendio, parva materiæ quantitate, per minutam vesicam, cuius experiri concessum.

HYDRELÆOLOGIÆ

SECTION IV.

CAP. I.

De nomine Aqua vitæ.

SIquidem spiritus vini, ab aquositate, accuratissimè defæcatus, flammam ab igne, promptè concipit ad consumptionem vsque, licet aquæ forma, non pingue facere habili constet, nihilominus sulphureis substantiis adjudicandum, earumque ordini inferendum arbitror. Hunc ad imitationem germanici nominis, quidam vinum adustum vocant, à destillatione fortè qua producitur, aut conflagrandi promptitudine, alij aquam vitæ, & quidem non immeritò appellant, tum quod nec vllus, aquæ consistentiæ liquor, æque ac spiritus vini, summè rectificatus, modo accuratè, ne exhalare queat, conclusus sit, stante saporis, & odoris integritate, eam ætatem attingere possit, tum quod substantiæ balsamicæ vegetabilium, eorumque planè, ad nostræ vitæ conseruationem pertinentium, vt pote panis, vini, cerevisiæ, mulsæ, &c. ipiritualis, & restaurare aptæ, sine quo prorsus languida sunt, ac inefficacia, potissima pars existat. Cur vero spiritus vini, quinta essentia vocetur, porro capite de fermentatione explicabitur. Atque, cum non de spiritu vini solum, sed in genere, de omnibus sulphureis, balsamicis, & incendio pronis substantiis mihi agere propositum sit, etiam deinceps quibuscunque, siue ex frumento, pomis, rosis, melle, aliisque confectæ sint, communi, & spagirico foro maximè accommodato, aquæ vitæ ardentis nomine appellabo, ad differentiam quorundam, sic dictorum spirituum, vt pote Vitrioli,

Sulphuris, Aluminis, Salis, Nitri, qui vehementer acidi, potius igni aduersantur, aliique flammæ concipiendæ inhabiles, v. g. Spiritus Tartari & Guajaci, nihilominus propter subtilem, ac tenuissimam substantiam, vimque penetrandi, à chymicis, hoc titulo, donantur.

C A P. II.

De usu Spiritus Vini.

Spiritus vini estimandus est, ex summa, per rectificationem, acquisita, & crystalli instar, pellucida Subtilitate, ac phlegmatis paucitate, ex vino generosissimo prolectus, quo charta, aut linteum imbutum, incendio ocus consumatur: Hic corrumpi nescius, calidus, siccus, penitissimè substantias corporeas penetrandi, easque à cruda, & indigesta colluvie, & putredine vindicandi, auditum, memoriam, iudicium, sensus, stomachum, veterum, partes genitales, & in genere vires omnes præcipuè ex quartana, aliarumque febrium prolixitate consumptas, spiritus vitales, & hæmatosin confortandi, meatus internos aperiendi, melancholiam profligandi, ventositates dissipandi, venenorum frigidorum vim infringendi, urinæ remoram, animi deliquia, & vertiginem ex frigida crassa materie, & exhalationes, ex vermium putrilagine tollendi mirifica vi pollet: Quin etiam Acherontis Charybdi, mox imponendi, huius usu respirasse visi sunt, illi præcipuè, quorum cerebrum, aut exiguum vitale robur superstes memoriâ sopita, & syncope induta, propemodum suffocata essent, ut necessitati porro suæ, ad paucum licet tempus, providere potuerint: ad defluxiones consumendas, nuchæ, & coronæ capitis affricatur; veterino, tumoribus frigidis, aurium tinnitui, bombice appositus, ac in cataplasmata, gangrænæ removendæ congrua, sine igne tamen, ne vis eius pe-

reat, aptissimus existit, cum hæud vllum aliud, in regno vegetabilium, calori nativo fouendo, quod corruptum, & maturum est separando, confusa membra fouendo, coagulationem sanguinis, ipsis obortam inhibendo, huic æquiparari queat, quidam infellum in stupha, juncto foramine, per quod caput exeri possit, ac spiritu vini supposito, & incenso, sudorem provocant, ad membra resoluta, tremebunda, frigida corrigenda. Plurimum e quidem remediorum vices tenere aptus est de quo tamen plura verba facere, superfluum iudico: Atque ut hoc encomium, conuenienti eius vsui debitum, quibusdam arridere potest, ita sanè eius abusu intricatis, ac eo inebriari solitis, terrorem incutere par est, considerando quantum damnum adferre possit, quandoquidem memoriam, iudicium, visum auditumque labefactat, ophthalmiam, jonthos, varos in facie, acres ad dentes defluxiones, apoplexiam, epilepsiam, venternum, spasmodum, tremores membrorum, inflammationem hepatis, defectum hæmatoseos, ventriculi exsolutionem, fætorem anhelitus, hydropem, & ut paucis complectar, natium calorem suffocando sanguinem adurando, Naturale, & blandum humidum, carnemque vegetam consumendo, anxietates, & melancholiam suscitatur, cujus manifestam noxam, spiritus vini, & ipsius meri, aliorumque liquorum, qui hujuscemodî spiritu turgent, potatores, quotidie ferè experiuntur, iis itaque, qui apoplexiæ, epilepsiæ, dolori capitis, vertigini, sibilo aurium, defluxionibus maximè podagricis, à calida, sicca, & acri humorum constitutione, hæmorrhagiæ, erysipelati, inflammationi interiorum viscerum, atrophix, diabetæ, urinæ difficultatibus, naturali inclinatione aut actu ipso obnoxii sunt, penitus interdicendum: Quapropter sedulo de talibus ratio, & experientia consulenda, nec sine discrimine, copia

CAP. III.

De differentijs Aquarum vita, ex varijs rebus extractarum.

ei^{us} per se sumenda; quamvis frigidit^{er} temperamenti hominibus, & loca septentrionalia, inhabitantibus, & alluefactis, paulo largiore dosi concedendus sit: Quidam in more habent, huius partem aliquam saccharo temperatam, cum aquis rosarum, fragorum, acetosæ, borraginis, fructus Rubi Idæi probè destillatis, miscere, ac potissimum sequentimodo; &c. Sacchari albi, & Aquæ Rosarum ana ꝑiiiij. misce absque igne; ne fragrantia minuatur, ac demum adde spiritus vini optimi ꝑ viij; de qua mixtura, quandoque addita ambra, moscho, aliisque aromatis, cochlearis mensura offertur, per se vel quopiam vehiculo congruo. Vtimur quoque spiritu vini, ad aliorum virtutes acuendas, superfluum humiditatem arcendam, essentias resinosas, balsamicas, & aromaticas extrahendas. Ridicula sanè, quorundam pseudochymicorum opinio est, qui huius potestate tincturas, & essentias, è lapideis corporibus, v. g. marchasita, imò ipsis metallis extrahi posse venditant, ut processus reperiatur, ad tincturam, vel essentiam solis, lunæ, martis, mercurij antimonij, rubinorum, corallorum, quin spiritus vini, ad hoc opus nuncupetur, & quidem sine fundamento, nec enim huius est potentia, corpora tam solida penetrandi, aut solvendi, ac si quem, ex calcinatis, vel alio modo resolutis, huiusmodi corporibus, colorem mutuatur, id per accidens, & mixtura spirituum corrosivorum accidere solet: Et posito, non concessio, is hanc dissoluendi vim obtineret, (quorum nihil tale foliis auri, & argenti, antimonio, mercurio, corallis, margaritis, lapidibus pretiosis superfluis præstat) minime tamen ista in tincturas, sed potius substantiæ partem, in atomos, quo ferè modo, magisteria perficiuntur, redigeret: Quam fallaciam, in aphorismis meis chymiatricis, & Chryfologia aliisque operibus meis, veritatis studio derexi.

Quandoquidem non ex solo vino, & eius fœce, sed etiam ex frumento, fructibus, melle, saccharo, aqua ardens produci potest, huic quaestioni occasio datur, utrum omnes eiusdem sint qualitatis, & virtutis. Pro huius solutione primò statuendum, rebus propemodum omnibus, duplices connasci qualitates, manifestas nempe, seu primas dictas, secundasvè & occultas, quæ proprietatis nomine, ferè nobis veniunt, quarum tamen cognitio manca, nec tam definitione, quàm effectu ipso nobis evidens sit: Non n. simpliciter, caloris, aut frigoris, humiditatis, aut siccitatis, amaritudinis, aciditatis, acrimoniæ, grauitatis, leuitatis, densitatis, raritatis, aliisque sensibilis qualitatis energiæ æstimandæ sunt, sed vi quadam occulta, & inexplicabili à natura, toti composito implantata, quam Medici, nomine qualitatis à tota substantia seu forma specifica designant: In manifestis quidem qualitibus, aquæ ardentes propemodum conveniunt, excepto sapore, & odore, in diuersis diuerso; Alius n. eius, qui ex vappa, vel fœce vini, alius eius qui ex vino generoso, ex malvatico, muscatello, odorifve aromatici, aut ex frumento, melle, cerasis &c. qui omnes aliquatenus differunt, de quibus Physicorum turbæ, ratiocinandi materiam relinquimus. At lōge secus cum occultis se res habet, eo quod, non de totius mixti, eiusq; omnibus partibus proveniant, imò, nec actu ipso hi spiritus, ut aqua, oleum, tartarum, & Sal in subiecto suo, præexistât, sed externa quopiam re, fermentatione videlicet interueniente, producuntur; hinc eorum virtus, ac facultas specifica, ut sensum, sic iudicij nostri scrutinium eludit

nec quid illi, extra communes, & sensibiles qualitates, præstare possint, nisi experientiâ cognoscere datur.

CAP. IV.

Virum aqua ardens, ex vino Rhenano, iis ex aliorum vinorum genere productis, præferenda sit.

Inualuit apud Teutones opinio, non tantum inter cætera vina, Rhenanum primas mereri, nec æquè salubre aliud, sub sole reperiri, sed etiam spiritum, ex his prolectum, aliis præferendum esse. Noui quoque Præsidem quendam, certæ cuiusdam provincie, qui communi eiusdem consiliatorum concessu, aquam vitæ, è vino gallico, tanquam sanitati minus commodam, publico edicto prohibuit: Quæres tamen, non tam in emolumentum, publicum redundare, quam occasionem fraudi, Franciam sc. pro Rhenana diuendendi præbere potis fuit: Antequam vero de hoc plura verba faciam, prius de optimi vini notis, pauculas theses proponere lubet. 1. Qualem viri optimi naturam esse conueniat? 2. Quæ sint qualitates eius, in genere? 3. Vnde vino vis æque refrigerandi, ac calefaciendi insit? 4. De Vinorum diuersis proprietatibus. 5. In quo præstantia vini Rhenani, cuius causa aliis præfertur consistat? Quatuor potissimum sunt requisita, ex quibus vini qualitas, & bonitas æstimanda. Primo loco est, ipsius vitis certa species, quæ vvas melioris notæ producat, in his n. vt in aliorum fructuum genere, magna, quoad saporem, odorem, temperamenta, & vires, differentia deprehenditur. Secundò, ipsius soli, in quo vites satæ sunt, proprietates, quæ extranea mixtura mineralium, vel lapide calcario aut vligine nisi careat, etiam optimæ cuiusvis speciei vitis, non nisi vitiosum, & congenerem terræ, ex qua alimentum trahit, fructum,

vinumque ex ipso expressum, calculis, arthritidi, & contracturæ generandæ idoneum producere potest. Tertio, celi & astrorum cuique regioni peculiaris influentia, cuius respectu, radiorum solis, aëris, roris, imbrium copia, & benignitas varia est, etenim quæ in collibus, terra leui, & pura nata, versus Solem orientem spectant, iis, quæ in vallibus, seu vmbrosis, vliginosis, & paludosis locis producuntur, longè præstant. Quarto, cultura conueniens, qua neglecta degenerare, & marcescere, vel foliorum onere obumbratas, maturitatem non attingere necessum est. In genere, vinum optimis notis, & qualitatibus insignitum, pro ratione præ & sub-dominij, ex elementari mixtura resultantis; cum non tantum calefaciendi, siccandi, & penetrandi, sed etiam humectandi, ac refrigerandi virtute polleat, moderatè haustum, sanguificationem laudabilem reddat, putrefactioni resistat, corroborare, & omnes sensus acuerenatum sit, cuius igitur hoc non profanæ modò, sed & sacræ literæ laude extollunt, eique à pane, ad hominis vitam instaurandam, secundum locum tribui, æquum est. Vnde porrò hæc è diametro pugnantes, calefaciendi, & refrigerandi, siccandi, & humectandi, contrariæ sc. qualitates profluât, nobilissima ars Spagirica, in Anatomia vini, per Vulcanum aperit, qua median-te, duplices liquores, vt alias substantias nitram, spiritum, vnum, aquam inspidam, alterum exhibet, quasi in vnum subiectum, ignis, & aqua coiuissent. Spiritus enim ille velut subtilissima quædam, & sulphurea substantia, veluti verum ignis subiectum, calefaciendi, penetrandi, & siccandi vi pollens, corruptionem in se non admittit: Contra aqua propter crassitiem, pondus, & ignauiam, frigidum ac humidum temperamentum putredini plurimum obnoxia est, vnde liquet cui horum subiectorum quæque qualitas

qualitas adscribenda sit, & quoniam pacto, utraque harum substantiarum, effectum suum separatim edat: Etenim in vini, ad membrum aliquod corporis, applicatione, cum eius duæ præcipuæ partes existant, Aqua, & spiritus, hic utpote actuosus, levis, & mobilis ac volatilis, cito vires suas, calefaciendi, siccandi, & penetrandi, exserit, quo à caloris nostri actione in vapores, & exhalationes verso, ac dissipato, aqua sibi relicta, sine impedimento contrariæ potestatis, refrigerandi, humectandi, repellendi, incrassandi, energiam prodit; & quicumque horum ex vino effectus resultet, eum non per accidens, sed virtute diuersarum partium, quas vintum natura sua quatenus vinum est, ac dicitur, continere debet, per se produci iudico: Quæ enim per accidens fiunt, non primò & directè, ad qualitatum in subiectis virtutem, & operationem, sed ad aliud quid, per illas productum, sequuntur: Exempli loco, sit tumor calidus à materia biliosa, cuius materiam, spiritus vini admotus, vi attenuandi, resoluendi, porosque aperiendi, ac per insensilem transpirationem euocet, vel consumat, qua sublata & tumor cesset, ac membrum, natiuo temperamento restituatur: è contra pars corporis, poris nimium patentibus, vel calore externo, internum euocante, supra modum debilitata, affusa frigida ut meatus constringantur, & effluuium coerceatur; membrum pristinum robur recuperet, ambo effectus sunt per accidens consecuti, si quidem nec ille per calefacientia, nec hic per refrigerantia, primò ac per se absoluitur, quorum similia contingentia, in medicina facienda, crebrò admodum occurrunt.

Cæterum, qualitates vini generosi, (vappam n. & vina acida, agrestia, tractare non dignor) amplius consideranda veniunt, quæ secundum coloris, saporis, odoris, consistentiæ, mixtionis, ac ipsius

substantiæ modi differentiam admodum variant: Quæ cum tractatum nimis prolixum redderent, breviter de vino albo, fæuvo, & rubro pauca quædam admonebo. In genere sciendum, omnis generis vina, præter aquam, & spiritum, uti paulo antedictum, etiam Tartarum, & viscida cuiusdam lentæque mellis ad insar substantiæ aliquid continere. Quantum ad Tartarum, confertis vino, laud ingratam acutiem, & quasi vitriolatam, quæ sitim sedando, appetitum excitando, crassa, & viscida attenuando, per alvum, vel vtereres superflua expellendo, non leue pretium meretur; hæc vltima denique, quæ lenta, & crassiuscula, cum primis si dulcis, & temperata sit, facillè in chylum & sanguinem verti, eoque nutrimentum, ut cætera vegetabilia, corpori præbere potest. At licet aqua, spiritus, & Tartarum, in omni vinorum genere, eiusdem ferè qualitatis, existant, hoc tamen posterius, Tartarum scilicet, in aliquibus flavum, & dulce, in modum succi condensati, ex pomis optimis, ac dulcoribus, in quibusdam verò saturatè rubens, ad sacchari saporem accedens, in aliis cuiusvis coloris sint, dulcedini, acrimoniam mixtam gerit, in nonnullis potius acerbum, quandoque austerum, non sine astringendi vi deprehenditur: Quæ varietas coloris, odoris, saporis, consistentiæ pro natura vvarum, ex quibus illud exprimitur, ac huius cum illis tribus, eorumque inter se proportionem, differentiam vino conciliare solet. Diuersum quoque est Tartarum in vino, exuvis sole maceratis, aliud in vinis, à fermentatione, (quamvis turbida, dummodo dulces maneant) prohibitis, vel igne excoctis, aliove modo fucatis. Primo, vina alba, clara, consistentia tenuia, penetrantia, odorifera, sapore nec acido, nec dulci, sed ex utroque temperata, quæ vitro infusa, leuem spuma in mox interpretentibus atomis, evanescentem, ac subtilem splendentem ex-

modica flauēdinē reflectionem mittant, quæque valis mundis excepta, diutissimē coloris, aliarumque qualitatum probam perennant, hæc, inquam, moderatē hausta sitim sedant, appetentiam ciborum prouocant, modicē nutriunt, sine hepatis alteratione, & capitis grauitate, corpus blandē calefaciunt, humores crassos tenaces corrigunt, meatus apertos conseruant, & vrinam absque impetu, prout natura requirit promouent: Quæ vero, colore albo, & pellucido, aquam referunt, spumamque diu seruant, nullo modo, sine artis opera, aut sulphuris incensi aspersione durare queunt, & quamvis alioquin, sapore subacidulo, haud ingrata sint, nec tamen calefaciunt, nec vt supradicta nutriunt, sed Gynecæo, & pueris, vel robustis, & sanguineis hominibus, per ætatem, cæterisque febre, ac calida intemperie affectis, apitissima sunt, ac ratione aquosa substantiæ, vrinam maiori copia fundunt.

Atque quæ colore auxeo, & consistentia, ad multum ferē accidente, vt melleo lentore, digitos propemodum inficiant, nihilominus clara, natura sua aromaticum odorem spirantia, sapida, dulcia, vitro infusa nulla ferē spuma, saltem durabili, guttisque intercurrentibus supra, ac infra micare conspiciuntur; hæc quoque propriis viribus omni temporum statione, terra marique, reliquis diutius, integra seruari possunt, ac calefaciendi, nutriendi, sanguinem generandi, coctionem ciborum adiuuandi, spiritus vitales recreandi, insignem potentiam obtinent, ideoque merora confectis, melancholicis, frigidaque intemperie laborantibus, offerenda sunt, quo incallescere, confortari, & exhilarari queant; ab hominibus tamen, tenax constitutionis, modica quantitate, sumi possulant, hos enim nimium spirituosa, obledere possunt: Reliqua ab his colore dilutiori, & consistentia tenuiori, recedentia, odore

tamen, ac sapore grata, cæterisque bonitatis notis respondentia, illis quidem fortitudine inferiora, vrinam tamen promptius exigunt, quam colore saturata.

Nunc vina rubra quod attinet, sunt quodam rubore pellucido, instar granatorum, vel rubinorum, aut lapidis Amythystæ æmulo, tincta, vvarum saporem suauem imitantia, sapore acuto, recenti, non tamen acido, quæ vitro infusa spumam subsultu quodam, citò amittunt, & multo tempore, in vigore consistere apta, salubria sunt, & præter vim calefaciendi, blanda adstrictione dotata, stomachi, hepatis, intestinorum, ac cæterorum viscerum, constitutionem incorruptam seruant. Quædam vero, sunt rubore magis intenso, & ferē, ad nigredinem inclinante, consistentia spissa, à vini fulvi superius descripti, qualitibus, haud multum distantia, calore vegeto, & spiritu plena, subito vires recreare queunt, aliquantum tamen plus nutrire, & ob temperatam astringendi vim, omnibus rubellis insitam, non tantum humores tenues incrassare, coquere, sed etiam (cuius causa cum discrimine circumstantiarum, offerenda esse censeo) venas, & viscera, aliquantum obstruere nata sunt. Atque hæ præcipuæ, propemodum sunt, vinorum differentia, prætermisiss acidis, acerbis, immaturis, aquosis, insipidis, igne coctis, impuritate soli, vel fūco inquinatis, de quibus verba facere, non attinet: Et vt summatim complectar, vina cuiuscunque saporis, coloris, odoris, & consistentia, quæ omnibus vel pluribus, vel etiam mixtis, quocunque gradu, cum suprascriptis, affinitatem quandam habent, inter vina bonæ notæ censenda sunt, insitūque spiritum, ac generosam inodorem prodent, modo probata vvarum proprietate, aptitudine, & puritate soli, radiis solaribus, maturitate, cultura congrua fermentatione, ac valis conseruationi aptis, non

deficiantur, eorumque, qui moderate eo vtuntur, viribus augendis, & corporis habitui confirmando apta erunt, ea-que seu à Rheni tractu, seu aliunde ortum duxerint, nunquam pro natura, & valore suo, titulo vinorum primariorum priuari, æquum est.

Cæterum eos, qui post habitis omnibus aliis, cuiuscunque regionis, vni Rheno, primas deferunt, in errore versari existimo, cum antequam Germania, viribus consita fuerit, multorum historica relatione præstantia constet. Nec incipias iuicem, secundum notas supra positas, facultatem nimirum calefaciendi, attenuandi, aperiendi, quæ in genere diureticis competunt, Rhenanum optimorum classi inferendum esse, non tamen in reliquis qualitatibus, omnibus omnium regionum vinis præstantius, ne dicam par est, quamuis Teutones hoc audius amplectantur, quod duabus de causis, fieri arbitror: Prima, quod hoc ipsis, longa consuetudine, familiaritate factum sit: Secunda, quod malum, longa consuetudine, apud Germanos, potissimum introductum, vt computationes in plurimas horas protrahant. Rhenanum, caput non adeo vehementi calore feriendo, hepar incendio adurendo, sed ob tenuitatem, ad venteres penetrando, vel per poros exhalando, horum corporibus, etiam in larga quantitate sumptum, cæteris longè tollerabilis, & conuenientius existat, quas tamen dotes, cum pluribus aliis communes habet. Generosissima autem Gallia, ac Italia vina, quæ proprietate vuarum non minus, ac climatis clementia, & solaribus radiis excocta, spirituum copia, cum Rhena superent, adeoque in corpus calore suo, & fori exhalatione in cerebrum agendo, vires & sensus turbando, gutturis irrigationem, & voluptatem, in potando protrahi solitam, citius interrumpere possunt: vnde isthæc damna valetudinis, quæ ab huiusmodi (vt etiam ab ipso Rheno

potentiori) copiosius haustisoriuntur, non eorum proprietati, quæ naturæ aduersetur, & natiuo vitio, sed spirituositati ob quam tanta copia, sine læsione bibi nequeunt, imputanda sunt: Quapropter, quidam teneræ, & imbecillioris constitutionis, aut etiam, potatores cautiore, qui in corona bibentium triumphare affectant, missis non tantum Gallicis, ac Italicis, sed etiam ipsis Rhenanis meracioribus, mitiora, & temperata, pro sese eligere student: Quod verò, illorum quædam, in specie, ob loci situm, & terræ vitium nociua sint, quibus etiam Germania, multis in locis scætet, laudem cæteris, melioris notæ non eripit. Insuper luce meridiana clarius est, vina Rhenana, ob subtilitatem, homines de fluxionibus, & catharris, ac cõvulsionibus obnoxios, plusquam Gallica, oblatere posse, quæ etiam præsertim rubella, benè matura, in laxitate oris ventriculi, aliarumque partium, nobilissimo Rhenano, præferenda sunt: Idcirco suum cuique, adhibita distinctione, quod meretur, laudis tribuendum. Sed vt ad propositam quæstionem descendam, vtrum spiritus, è vino Rhenano extractus, ei qui ex Hispanico, Gallicove educitur, Germanorum vsui (vt hætenus opinio vulgi obtinuit) commodior sit? respondeo negando, nulla enim probabilitate contrarium fulciri potest; concedo equidem, vinum ipsum quatuor suis sæpè nominatis partibus, adhuc cõprehensum, ac integrum, ob dictas causas magis, quam vehementia illa exotica, Germanorum naturæ, & consuetudini conuenire, non idem tamen in spiritu, ex illis parato, locum habere, nec vinorum differentias, inter se supra comparatas, huic competere posse admitto: Vt ex quovis vino generoso, aut vini sæce, recenti, & odora, cuiuscunque Regionis, & proprietatis sit, spiritus educitur, modo cuiusque ex æquo, per rectificationem, phlegmate ablato, ad summam subtilitatem, & conflalandi aptitudinem, exalta-

tus sit, eius, nisi quoad saporem aliquantum, nullum discrimen reperire decur: Nec adducta ratio alicuius momenti est; nimirum cum Rhenanum, sapore acuto & recenti, sitim extinguere, nec eam, quam cetera caloris vehementiam, in corpore excitare, sed celeriter meatus penetrare, & exhalare solitum sit, eandem idcirco qualitates, & affectus, etiam ad spiritum, ex eo destillatum pertinere: Quin contrarium potius, experientia euincit; & non ex Rhenano modo, sed quouis alio aquoso, & acidulo, dummodo corruptum, fucatum, adulteratum, nidoris, & faetoris plenum excipias æque ardentem, & penetrandi vi insignem, odorisque fortis, ac ex ipso Malvatico, vino Græco, Canariensi, & Alicantico separari posse; Nec naturæ in vino diuersitas, spiritu vini diuersitatem parit, quâuis hoc vel illud vinum, prout spirituosa parte, magis vel minus, abundat, etiam maiorem, vel minorem spiritus copiam suppeditet: Quare nisi in vno aut altero, siue ex Hispanico, Italico, Gallico vè destillato, latentem, & malignam aliquam proprietatem, quod minimè probabile, demonstrare liceat, cum in reliquis qualitibus manifestis, nisi secundum magis, & minus, quod per rectificationem corrigi potest, conueniant, cadit omnis, in hoc effatu digna differentia. Quæ tamen opinio hæcenus, materiam, & ansam fraudis dedit, cum vulgò spiritus, & aque vitæ, alias satis, si probè & sedulò parentur, laudabiles, non tantum, ex vino Gallico, aut Hispanico, sed etiam cereuisia confecti, leuiori alioquin pretio comparandæ, sub titulo aquæ vitæ Rhenanæ, multo maioris, passim vendi constet; Ego sanè, quandocumq; spiritu vini opus habeo, illum ex generosissimis illis, ac dulcibus vini generibus ex Italia, Prouincia Narbonensi, Carinthia, Hungaria, potissimum Canaria advehi solitis, vel è Muscatello, & Malvatico, horumvè facibus

recentibus, industria elicere soleo. Atquæ his, de Spiritus Vini electione, propriam sententiam declarasse sufficiat.

CAP. V.

De utilitate fermentationis.

EXposita vtilitate Spiritus vini, & eius subiecti, vini videlicet, antequam ad ipsam encheirisin, seu manualet hanc destillandi operam, veniam, pauca quedam de fermentatione, ceu re ad hunc tractatum necessaria, prælibare visum est. Fermentatio igitur est motus quidam, seu alteratio, a calore interno, in humidum agente inducta, quæ diuersæ, & inter se pugnautes, substantiæ elementares, partim separantur, partim in vnum nobiliorem mixtionis modum, ac vniorem rediguntur, quod rerum fermentantium strepitu, pugna, & humidi turgescencia apparet, hac mediante, res ad subtiliores, spirituosas & balsamicas, varietate operandi, & penetrandi virtutes exaltantur: Id quod quotidiano vsu, non tantum in musto, pomis, pyris melle, &c. Sed etiam in frumento ad cereuisiam, in farina ad panis confectionem experiri, cuius obuium est: Nec panis, aut vini nomen meretur, massâ ex farina cocta, aut vvarum succus, nisi hanc alterationem subiuerit, ac eam perfectionem, quam à nullare alia impetrare possunt consecuta fuerint, nec aqua melle mixta pro musta, aut humor cum aqua ex frumento expressus, pro cereuisia vsurpanda, quæ corporum humanorum dispositiones, potius in deterius mutandi, quam valetudinem, conseruandi apta nata sunt: Sic spiritum, & aquam vitæ, ex nulla re vsuam, quouis modo, cuius spirituosa pars, a corporeis vinculis, fermentationis ope, non prius liberata sit, ac quasi à potentia, in actum deducta ad ignis actionem sursum moueri

aptitudinē acquirat , sed potius, eius loco, aquosam & igni concipiendo ineptam substantiam educi constat. In hoc objecto speculationis, naturæ mirabilis habitudo , & potentia apertè demonstratur, quantumvis enim rem non fermentatam. Vulcani machinâ tentes, ex eius Anatomia, præter oleum, aquam, tartarum, mucilaginem , & cinerem, in quo terra, & sal continentur, quæ totâ natura à spiritibus discrepant, nihil consequi poteris, quo rationis momento antiquos Philosophos Spagiricos inductos esse suspicor, vt nulli ex quadripartita diuisione, resurgenti elemento, sed ex illis quatuor junctim vnitis, nouæ demum substantiæ productæ, quam nomine quintæ essentia expresserunt, adnumerauerint. Vnde enormiter hallucinantur ij, qui ex spiritu vini, etiam summè rectificato, quintam essentiam producere conantur : Etiam si enim huic viginti annos circulando, & transmutando quis insistat, nullam aliam formam, & virtutem, quoad generales qualitates, ipsi comparare potis erit , ipse enim vini spiritus, suo modo , quinta essentia est. Nec minus illi ineptiunt , qui hocce, ex illis rebus, quorum natura fermentationem, penitus auersatur, vt sunt metalla, ac lapides pretiosi, qui cum vegetabilibus, nullam naturæ affinitatem obtinent, se quintam essentiam elicere posse ridiculè jactitant; de quo pluribus, in Chrysiologia mea, Deo dante acturus sum. Vt ad institutum meum redeam, hæc non modo, ad supra dictorum, & ad vitam pertinentium rerum perfectionem, necessaria est, sed etiam, ad alexiteriorum, purgantium, confortantium medicamentorum, præcipuè Theriacæ, & Mithridatij compositionem, diuersissimum rerum vnionem, crudorum digestionem, & balsamicum, ac diutius consistentem vigorem acquirendum, vsu venire solet. Hæc vt non vtilitate, ita nec (quod patres familias, malo suo sapè ex-

periuntur) damno caret, cum massa panis, mustum, mullum, ac cereuisiæ decoctum, hoc modo putrescant, quod & medicamentis obtingere solet, quorum vires, dum fermentatione partes spirituosas, penitus expirant, parte crassa, & quasi mortua relicta, non rarè exolvuntur. Quapropter temporis, & modi fermentationis, ratio habenda est, nec non distinctio facienda, inter medicamenta quæ hanc sine virium iactura perferunt, & inter illa, quæ eam minus sustinent : Etenim, quæ ad humorum fervorem, seu acrimoniam temperandam, asperitates & excoriationes faucium, pectoris, stomachi, renum, sphincteris, vesicæ, aliorumque viscerum leniendas abhibetur, fermentata minus commoda sunt; hæc enim blandam, dulcem oblinendi, ac refrigerandi qualitatem, fermentationis actu exuere, ac cum acriore vel magis acida commutare solent. Quam ob causam Medici, in huiusmodi affectibus, cereuisiæ, & vino multæ ætatis rejectis, hordeatum dulcibus mixtum, aut cereuisiam albam, tenuem, aquæ adhuc, cuiusdam dulcedinis, à frumento acceptæ particeps sit, requirunt; diuerso, vt quidam faciunt, modo, quibus tum spirituosiorum, & penetrantium medicamentorum copia præstò sit, sat se instructos existimant, ad omnium morborum curationes; Sed opinione plus, quàm recta ratione ducti, in tenebris ignorantia palpitant. Vt concludam, hæc ad concoctionem ciborum, quæ in animalium corporibus fit, potissimum facit, hæc enim mediante, Archæus naturæ, subtile à crasso, purum ab impuro, alimento sum ab excrementitio segregando, vtilia vniendo, in stomacho chylum, eumque, accedente noua in hepate fermentatione, alio caloris gradu, & specifica proprietate, in sanguinem vertendum, elaborare consuevit. Cuius rei cognitio, aditum, ad naturæ arcana penetranda, ac insuper principium, non

modò, ad medicamenta præparanda, sed etiam causarum moribicarum curationem, ac curas ritè instituendas, vtilissimum confert.

C A P. VI.

De spiritus vini destillatione.

ET si in præcedente sectione à me declaratum sit, quo pacto spiritus vini, à reliquis concretis substantiis, per arenam vaporosam secerni queat, nihilominus tamen, quod ordo rei postulat, modum per velicam destillandi spiritum, nunc explicabo.

Recipiatur Vini generosi optimi quantitas sufficiens, quo ad medietatem vesica repleatur, superstructo alembico stanneo, & in medium refrigeratorium inserto, ac juncturis probe clausis, ne quid exhalare possit, recipiens adaptetur, & leni supposito igne, simul per vices, aqua in refrigeratorio, cum recenti frigida mutata, continuanda destillatio, donec strix alba, in receptaculum manare cessent, aut charta grisea, rostro alembici admota, & humectata, super igne flammam concipere recusent; at si quis spiritum vini purissimum desideret, cum, qui ad bibendi quidem vsum, satis congruit, phlegmate tamen, adhuc scatere deprehenditur, per B. rectificare debet. Quantitas quæ elicitur, varia est, pro natura vini, eiusque potentia.

C A P. VII.

De spiritus è cereuisia destillatione.

Compluribus nationibus notissimum est, cereuisiam, arte, & industria probe paratam, pro naturæ lege, temperatè haustam, non tantum sitim extinguere, cor recreare, corpus calefacere, laudabile nutrimentum, & sanguinem producere,

sed etiam immodicè vsurpatam, cerebrum turbando, rationem & sensus eripere, nec minus, ac meracum vinum inebriare; Causa autem huius rei, non omnibus, ne quidem doctis aperta est, quam Vulcani potentia prodit, ac in ipsa cereuisia spiritum ardentem, huius rei auctorem, contineri demonstrat. In huius destillatione, gradus ignis, accuratè obseruandus, ne cereuisia ipsa, in ascensum procliuis, ad receptaculum regurgitet. Notandum quoque, humiditatem spumofam, quæ spiritum antecedit, ad huius aduentum, esse remouendam. Hic Megalopoli, certa quædam alba, & sapidissima cereuisia, *Kiesnach* dicta, conficitur, cui præ cæteris, ob meracitatem, meritò palma debetur cuius mensuræ sex, dummodo ex iusta frumenti quantitate constet, vnam integram spiritus, destillatione exhibent. Bernburgi, in Ducatu Anhaltino, ciues cereuisiam parant, supra dictæ quidem, quoad saporis suauitatem, inferiorem, non minus tamen spiritibus prægnantem, cuius sex partes vnam spiritus continent, quam proportionem, in ipsis generosissimis Hispanicis & Canariæ vinis obseruavi, cesset igitur admiratio, cur huiusmodi potus genera, non minus, ac ipsa vina meraca, homines non tantum letos, & ebrios, sed etiam insanos, & furibundos reddant; aliæ vero, minus fumosæ, cereuisiæ, inter quas illa Breyhan vocata etiam numeratur, cuius, licet, inter albas cereuisias, gratissimi gustus & mediocrium virium sit, vix decima quinta pars tamen, in spiritum verti potest: Atque hoc critirio vini, cereuisiæ, aliarumque rerum, quæ spiritum ardentem contineant, etiam modica quantitate, per vesicam parvam, explorare datur.

CAP. VIII.

*De Melicrati, & potus ex fructibus
horariis destillatione.*

POpulis Septentrionem, ac frigida loca inhabitantibus, vini, vel cereuiſiæ loco Medicratum in vſu eſt. Hic in Suecia, Moscouia, & Polonia comuniſſimus potus, paratur ex melle mixta aqua cocto, & deſpumato, probè fermentato, quoad clarus, & pellucidus, guſtui blandiens, vinum malvaticum, prope modum æmulentur, quorum Liuonicum Melicratum nobiliſſimum cenſetur. Non minus ex ſaccharo potiones ſpirituofæ, vt in tractatu meo, Saccharologia inſcripto, docebo, fieri poſſunt. Sunt etiaſ Pomaceum atque pyraceum, Gallicis *du ſidre & du poiré* in Normannia Galliæ prouincia, ob fructuum copiam admodum frequenter, ex ſucco pomorum & pyrorum expreſſo, & ſine additione fermentato conſecta, ex quibus ſimiliter aqua vitæ ſpirituofa arte producitur.

CAP. I X.

*De Modo, ex omnium frumentorum
genere, aquas vitæ eliciendi.*

QVandoquidem, non ſolum ex cereuiſia, vt oſtenſum, ſed etiaſ immediate, ex omnium farinaceorum genere, aquas vitæ, ad eundem vſum præparari, omnes ſeptentrionalium regionum habitatores norunt, modus cum per vulgaris ſit, longa explanatione non indiget, ac talis eſt: Recipitur frumentum ad cereuiſiam conſcificandam (quod aliquibus Byne dicitur) elaboratum, & craſſiuſculè conſuſum, aut mola contritum, aut etiaſ frumentum crudum, & conciſum, cui in cado aqua, ex tepore calida aſfunditur, ſpatula agitando, donec pulmenti tenuio-

ris formam acquirat, porro puri fermenti cereuiſiæ, pars adicitur, ac eoſque fervescere permittitur, donec odoris viniſi particeps euadat, in quo modus notandus eſt, nam ſi minor æquo ſit fermentatio, quàm quæ ſpiritum, craſſioribus partibus immerſum, de potentia, quaſi in actum, deducere poſſit, omnis labor irritus eſt, nec vnquam ex tali maſſa, ſpiritus prodibit, ſi verò iuſto maior, & diuturnior, paucus, quippe maior eius pars, per exhalationem diſſipabitur. Hac mixtura mediocriter fermentata, cuprea veſica, vſque ad medietatem impleatur, & ſuppoſito igne, ſpatula agitetur, donec quidem ebullire incipiat, tumorem tamen citò remittat: Hinc remoto aliquantum igne, alembicus cum reliquo apparatu imponatur, ac deſtillatio tandiù, donec ſpiritus omnes prodierint, continuanda, & repetita deſtillatione ſufficiens quantitas obtineatur: Tandem collecti ſpiritus, vt aquoſa parte liberentur, ſecundò per veſicam deſtillando, pelluntur: Hac via ex frumento, præſertim ex tritico, quod omnium reliquorum optimum, ſpirituofa, & laudabilis aqua vitæ impetratur. Cui artificio illæ prouinciæ frumenti fertilitate clare, quales ſunt, Episcopatus Magdenburgenſis, & Ducatus Brunſvicenſis, præſertim vrbs Wernigerod illuſtri Comiti à Stollberg ſubjecta, longa conſuetudine addictæ ſunt, quæ ante ortum bellum, multis amphoris, huius aquæ vitæ, præ cæteris laudatæ, conſectis, commercia ſua longè lateque extendebat. Ipſa me veritas fateri cogit hanc aquam vitæ ex tam nobili ſubjecto productam, ſi ritè, & ſedulo, ſine aduſtione paretur, illi, qui ex vino extrahitur, minimè cedere. Ad quam normam reliqua frumentorum genera in hoc opus tractare conuenit.

CAP. X.

De modo extrahendi spiritus ex omnis generis fructibus.

Quemadmodum ex pomis, atque pyris, sic ex malis Cydonijs, mespilis, ficibus, cerasis, melonibus, fragis, baccis Ebuli, & Sambuci, ac similibus cuiuscunque nominis sint, Spiritus elicetur, sequenti modo: Fructuum succulentorum liquor exprimitur, & ad fermentationem loco calido reponitur, ac dein sæpius inculcato modo destillatur.

Illi verò, qui sicciores, tenaces, duri, vt ficus exsiccatæ, passulæ, uvæ Corinthiacæ, Myrtilli, bacca Juniperi, primò contusi, aqua calida affusa, ad pulmenti tenuioris consistentiam, loco calido, fermentationem adjuuare apto, reponantur, & secundum modum de frumentaceis traditum, destillantur, qui pro naturæ suæ modulo, magnam, vel parvam copiam spiritus, ac quidam non nihil olei simul emittent.

CAP. XI.

De Spiritu Rosarum.

Nec ipsæ Rosæ, seu rubræ, seu incarnatæ, albæ, vt spagiricis notum est, hoc spiritu ardente destituuntur, ad quem euocandum sequens processus valet. Rosarum, cuiuscunque generis, contusarum sufficiens quantitas, in dolio è ligno quercino, quod octo circiter mensuras contineat, recondatur, & aquæ rosarum calentis, in qua nucis magnitudine, fermentum dissolutum sit, sufficiente quantitate affusa, & orificio dolij, ne aer penetrare possit, accuratè obturato, loco calido per 14. dies reponatur; Quibus, aut pluribus elapsis, vase recluso, Rosæ in modum mollioris pulmenti solutæ,

boni, & acuti odoris, per vesicam, lentè igne, donec mensura vna spiritus extillarit, vrgeatur, cuius tamen, quæ minima est, pars spirituosa certo modo, vt postea docebitur, separanda est, & destillatio porrò, s. q. aquæ fontanæ, materiæ, in vesica relictæ, affusa, ad educationem aquæ, vnius mensuræ, plus minus continuanda quæ præsertim ea à qua paulò, ante dictus spiritus, separatus est, haud contemnendæ virtutis est. Vtiliter quoque infusum Rosarum, absque contusione, cum aqua communi, in vesica, alembico cæco, & capaci, ne quid exhalare possit arctè clausa, instituitur, quod in loco calido, satis fermentatum, destillationi demum subijcitur: Quod quam facile factu sit, Pharmacopola, infuso Rosarum solutio, superfuso oleo, & ad Solem exposito, docentur.

Notandum, vt vasa, non omni aëris aditu intercepto, oclusa sint, ne in frustra dissiliant. Hac methode, etiam spiritus ardentes, ex floribus Sambuci, herbis, radicibus à natura similiter comparatis, quæ omnia speciatim recensere longum foret, extrahi possunt.

CAP. XII.

De rectificatione Aquarum vitæ, post primam destillationem, & purioris, ac spirituosa substantia separatione.

Aquæ vitæ, seu ardentes, ex quibus libet supra memoratis subiectis productæ, quandoque turbidæ, & aquosæ, secunda destillatione indigent, qua à phlegmate suo purgatæ, claræ, & pellucidæ, nec non efficaciores, pro lubitu tamen laborantis euadant, nam si primò egresso spiritui subtilissimo, subsequens, quoad spiritus saporem referat, accedere permittatur, nihil efficiente rectificatione, imbecilior manebit: Et qui conscientia

ſcientia magis, quàm lucro ducuntur, ad primo loco elapſum, etſi aquoſitate quadam adhuc ſcateat, nihilo tamen plus accedere permittunt, quam vt linteo exceptum, flammam adhuc concipere poſſit: nullus enim eorum, quæ vulgo venduntur ſine phlegmate reperire eſt, quamvis inæquali copia, quo penitus carere, nec præſtantiſſimus poteſt.

Quapropter, ſpiritum vini empturus, nullo certiore ſigno docimaſtico vti poteſt, quam linteo inbibito, & accenſo, hoc enim ſi flamma citò euaneſcente humidius reſtet, multam aquoſitatem continere, ſi vero ſiccum linteum, vnâ flamma, depaſcatur, optimum, & pauciſſimi phlegmatis iudicandum eſt; Minimè ergo, vt quidam imperiti, & ſtolidi opinantur, igneo ſapore, qui fauces adurat, æſtimandæ ſunt, hanc enim fraudem, aliquibus quod ſciam locis, magiſtratu detectam, grauique pœna prohibitam, res acres, & igneæ facultatis, ac ſapiſſimè nociuæ complent: Labor vero, ſpiritum vini in Alcohol exaltandi, à communi rectificatione differt. Cæterum, cum aliquantum maior phlegmatis pars, ſpiritum vini albefeſcentem, & turbidulum inſtar ſeri reddat, vulgus eoſque tantum, aquoſam partem abſtrahit, vt clarus, & limpidus euadat, qualis etiam vtpote temperatus, in potum aptior, ac ſui cultoribus ſumptu facilior. Illius vero elaborationem, Chymici varia opera & ſumptu tentarunt, quidam enim multis repetitis cohobationibus, aliqui inſtrumentorum altitudine, alij ſpongia roſtrum alembici obturando, vt ſoli ſpiritui, aqua retenta, tranſitus detur; nonnulli etiam flamma lampadis, vt ad ſummum gradum depurationis exaltaretur: Qui modi omnes, etſi non penitus aſpernandi ſint, nulla tamen ratione perſuaderi poſſum, quicunque labor & modus adhibeatur, impediri poſſe, quin tantillum aquoſitatis ſimul tranſeat, &

Aug. Sala.

ipſi ſpiritui miſceatur, ita vt eum, ad terminum, in quo, non guttulas aliquot aquæ contineat, deduci impoſſibile ſit. Enim verò vt concedam, aquam vtpotè grauiorem, & ignauam, non tam promptè, ac ſpiritum aſcendere, nondum tamen id, tantam differentiam probat, vt aqua neceſſariò terræ mixta, penitus per hanc deſtillationem, in fundo relinquatur. Experientiam teſtem aduoco, aquam leniſſimo, & vix, ac ne vix quidem ſenſibili calore agitatum, etſi longiore tempore, & minori copia, quam ſpiritum vini, ſurſum quidpiam per modum euaporationis mittere, quidni ergo, illo ſatis ſenſibili igne, poſſiſſimum cum ſpiritus aquam, tanquam ſuum vehiculum, ſimul ſurſum rapere amet, contingere poteſt, cum quandoquidem tranſvaſari nequeat, quin præterquam, ob calorem, & ſiccitatem, pars aliqua, in auras exſpiret, etiam humiditatem aliquam, ex aëre, qua priuatus eſt, auidè ſibi adſciſcat: Nec vero ſi ſpiritus in linteo accenſus, & conſumptus, nullum poſt ſe, humoris veſtigium relinquens, reſtitiſſimus, & ab omni quantum fieri poteſt phlegmate liberatus ad chymicos labores, magni habendus ſit, hoc idcirco euincit, ipſi non guttas aliquot phlegmatis admixtas eſſe, quæ cum potenti ſpiritu corporeo, vnice vnita perſiſtant, vt nullum ſui, in ſimili experimento indicium præbeant, ſed potius ignis vi, in vaporem conuertantur: Nec adeo nouum id eſt, in mixturis naturalibus magnam alicuius rei partem, minutulam licet contrariam, in ſe abſconditam, adeo ſopire, vt nullo effectu deprehendi poſſit: Exempli loco, tenuioris cereviſiæ aut vini etiam calefacti vaporem, nulla flamma candela, aut charta accenſæ manifeſtabit, quemadmodum fortiorum, & generoſorum, licet ſpiritus etiam ab iſtis abeſſe nequeat, extra de ſinitionem, & naturam vini, aut cereuiſiæ, enim alioquin forent, quamuis nimis parua

M.

quantitate aëri humido immerfus sit, vt non aëque faciliè hæc ea copia, & vigore spirituum referta vina, flammam arripiant, contra nec spiritus, qui etiam, ex odore, & sapore, in phlegmate, contineri arguitur, vel $\frac{2}{3}$, tantum, mensuræ vni aquæ confusus, vlla arte, quin aliquid saltem restet, planè ab aqua separari potest: Quamobrem, huic cum ratione fundatæ sententiæ, firmiter insisto, nullum spiritum vini reperiri, vtcunque celeriter in purissimam flammam conuertibilem, qui non portiunculam aquæ complectatur, ac proinde, suum cuique tamen liberum iudicium relinquendo, concludo, illum qui vna, aut altera rectificatione sublimatus, cumque puritatis gradum adeptus sit, vt examen supradictum per ignem sustinere possit, æquè præstantem esse, ac eum, qui quadraginta cohobationibus elaboratus sit, vix enim aliud iis efficitur, quam vt saporis suauitatem amittendo, peregrina ab igne, calida, & acris qualitate contaminetur.

Quare missis ambagibus, sequens processus sufficit, transfuso in cucurbitam iustæ magnitudinis, spiritu rectificando, alembico, & recipiente siccis ac puris accommodatis, rimis accuratè clausis, leni igne subiecto, ex arena humida, vel Balneo Mariæ destillatio instituitur, quæ pars spirituosa, relicto in fundo cucurbitæ phlegmate elicitor, quæ attractu flammæ, mox pauca humiditate relicta, conflagrat. Quæ destillatio porrò mitiori igne repetatur, vt ne alembicis quidem incalcescat, vt relicta a parte phlegmatis, pauco spiritu commixta, qui nunquam ad amissim separari potest, in recipiente restet, clarus, subtilis, & penetrantissimus, qui igne accensus, nihil humidi post se relinquat. Casu verò si quispiam, artis, aut industriæ defectu, hanc operis perfectionem, secunda destillatione, non attingeret, tertia denique, vel quarta laboris repetitione, donec voti compos

fiat, propositum opus vrgēat.

Prolixiore equidem stylo, hunc tractatum chymicum extendere potuissim, ni potius consultum iudicassim, ea tantum quæ ad institutum necessaria sunt, breuitate non minus grata quam vtili commendare, atque almi Numinis nutu, ad cætera, quæ scribenda supersunt, Botanochymica, cursum dirigere.

APPENDIX.

De Aquis vitæ compositis.

Modum equidem, spiritum ex diuersis vegetabilium subiectis, sine heterogeneorum admixtione, quæ innatas qualitates aliquantum immutent, in simplici forma extrahendi, adjuncto eorum vsu & commodis, vltima sectione Hydrelæologia meæ, pro modulo ingenij mei, planum facilemque conscripsi: At verò cum dudum naturæ, & medicinæ scrutatores, his non sint contenti; sed insuper quantum ad hominum publicum vsus composita conferant, id additione variarum rerum tentant, quod tum apud pharmacopæos lautè instructos; tum aquæ vitæ institores, ac plurima dispensatoria vsitata videre est: Fortè tamen cum in hoc opere quibusdam minus satisfecisse viderer, ni proprias observationes adderem, vt vt aliis præcipuè in arte magis versatis superflua annexere nolim, Tyronibus equidem, & ab horum plenioris cognitione remotis, vtilem operam me locaturum spero.

CAP. I.

De subiectis, & fine, ex quibus, & cuius igitur, diuersa genera, aquarum vitæ componantur.

Triplicia sunt harum subiecta; primum aqua ardens; secundum, herba, semen, fructus, radix, vel aromatum aliquod; tertium Saccharum additum, quo non tantum haustæ gratiores, sed corporis constitutioni convenientiores fiant, quandoquidem aquæ per se ardentis aromatum aliorumque accessu, auctior calor & acrimonia fit, eius sine edulcoratione difficilior vsus foret. Non minus aliquos cura tenet, quomodo tinturæ variorum colorum, licet præter oculorum gratiam nullius existent vsus conferri possint: Intentiones compositionum quoque variæ, varias corporis partes roborandi, & nunc capiti, vel pectori, cordi, vel stomacho, renibus, vtero, genitalibus partibus, appropriatorum simplicium, virtute imbuuntur, quandoque theriacali, & veneno resistendi, purgandi, sudorem ciendi, ac vires vniuersas roborandi, facultate imprægnantur, quæ tamen omnes, secundum manifestas qualitates, calfaciunt, siccant, penetrant, affectibus, ac personis, calidæ, & siccæ intemperiei minus commodæ; etsi enim, pro quantitate Iulapiorum, aquarum, succorum admixta, gradum aliquem calfaciendi & siccandi remittant, talibus tamen minus tutæ, & potius mortis, quam aquæ vitæ existunt; quarum abusus horrenda sæpe spectacula exhibuit; estque illorum opinio, qui aquam ardentem, mutata propria indole, naturam eorum, quæ ipsi miscentur ingredientium induere statuunt insanix proxima, vt cuiusvis intelligenti ratio, & videnti experientia suggeret.

CAP. II.

Quæ præcipuè obseruanda sint, in aquarum vitæ præparatione.

Aquæ vitæ, vel per destillationem, à rebus infusis substantia rara, molle, ac oleo volatili præditis, quas vini spiritus faciliè penetrat, pellucidæ & virtute simplicium quoad saporem odorem refertæ abstrahuntur, vel per macerationem, qua mediante, spiritus vini essentiales vires vnâ cum colore stabili imbibere solet, accomodatam rebus duræ, & lignosæ consistentiæ, ex quibus hic spiritus, non ita faciliè, atque ex supradictis, partes subtiliores, quibus color, & sapor connexi sunt, euocare potis est: Exemplo res clara est in ligno Aloës, & omnis generis santalorum &c. quæ rectius aqua simplici, quàm spiritu vini, vt odorem, & saporem referant, destillantur; quod aqua vtpote grauior, vim ignis, & longiorem moram antequam ascendat, sustinere potis est, cuius ratione dictas substantias melius solutas secum ferre possit; spiritus vini autem, vtpote volatilis, antequam iis vniatur, leuissimo calore euolet: Quamobrem etiam, ad rerum aromaticarum essentias extrahendas, spiritus vini, vt plurimum aptior est, quippe, qui in euaporatione, non ita, vt aqua, eas odore, & sapore spoliare solet.

Paraturo igitur aquam vitæ selectam, ad manum sit spiritus vini optimus, quoad rectificationem & omnes reliquas notas, cui aliæ aquæ destillatæ, meliores ipsius proprio phlegmate iungi possint: Vnde non leuis eorum lapsus, qui ad essentias, per infusionem extrahendas, spiritum non rectificatum eligunt, quibus quamvis claris, & transparentibus, phlegma cuprum, vt plurimum redolens adheret, vt in prima parte Hydreleologie

mea demonstraui : Hæc igitur, qui in similibus, cum vtilitate versari contendit, studiose obseruet, ad quæ etiam sequentia seruirent.

CAP. III.

Aqua vitæ nobilis, cum Ambra, per infusionem paranda.

Rosarum incarnatarum ℥xx, in vna, aut pluribus cucurbitis vitreis, congestis, spiritus vini hispanici, & odoris ferè aromatici, ℥x. vase obstructo affundantur, atque per tres, vel quatuor dies, loco frigido macerata, ex vesica cuprea, cuius alembicus stanneus sit, ad spiritum vini, cum parte aquæ, euocandum destillatio instituat, in quo iterum, rosæ recentes infundantur, ac post hanc tertio repetitam infusionem, ac destillationem, spiritus vini rosatus, per arenam vaporosam rectificetur, ad sequentem aquam vitæ complendam.

℞. Spir. vini rosat. ℥ij. ciuil.

Aq. fl. Aurantior.

Rosar. opt. ana ℥b

Ambre griseæ opt. ʒj

Moschi orient. puri ʒj

Sacchari candidi ʒvj

Ambra grisea, & Moschus cum ʒiiij dicti spiritus, in mortario vitreo dissoluntur, dein in phialam capacem, probe obturandam, ne quid expiret, ad circulationem, in Balneum vaporis, aut calore arenæ, per octo dies continuandam, transferuntur, hic spiritus tinctus, & per pannum lineum tenerum, colatus, reliquo iungitur, atque hoc modo, saccharo etiam in pollinem redacto, absque igne in aqua Rosarum & naphæ soluto, & ad Iulepi consistentiam, omnibus mixtis, Aqua Ambrata parata est: Que licet initio turbida existat, tandem per residentiam

clarior euadit: Si verò turbatio liquoris (quæ tamen, cum tam ob pinguedinem ab Ambra communicatam, quam confusionem spiritus vini cum aquis oriatur, nihil, aut parum refert) quempiam anxium habet, facile corrigitur, ad mixta media parte albuminis ouorum, in ampulla vitrea, prauia agitatione, vt probe misceatur, & concessa per 24. horas, in loco frigido quiete, per sacculum, ex linteamine denso confutum, colatus, clarus, ac instar auri fulgens euadat. Hæc aqua, sapore, & odore Ambre præcellit, quam quilibet aucto eius pondere validiorem efficere potest.

Alia Aqua vitæ Diambre per destillationem parata.

Qvanquam meo quidem iudicio, rectius is facit, qui Ambram, & Moschum, vel in substantia, vel in spiritu vini, aliove liquore appropriato solutum, ad vsum eligit, quàm qui alteri horum, affusum spiritum, aut aquam, destillatione iterum abstractam vsurpat, quandoquidem præcipua, & balsamica, & in primis Ambre substantia, perpetuò in fundo vasis destillatorij hæreat: Illorum tamen in gratiam, qui aquam vitæ ambratam in votis habent, hanc communicare volui.

Pulvis Diambre.

℞. Rosar. rub. drach. vj

Ligni Aloës veri resinosi ʒb

Benzoini puri

Styracis calam. depur.

Ambre gris. opt. ana ʒij

Moschi orientalis ʒb

Bals. de Peru aqua ros. loti ʒj

Ol. Nuc. musc. gut x.

Rosar. pall. recent. dest ʒb

Sacchari candi ʒb

Misc f. pulvis subtilis.

Qui in vitro, angusti orificij, & ne quid exhalare possit, benè obturato, aliquot dies, loco moderatè calido, ne Benzoin, styrax, & Ambra liqueant, maceratus, odoratissimus euadet, modo Moschus, qui adulterationi magis obnoxius probatè notæ sit, sine quo Ambra languidior est.

Huic ita parato, in vase circulatorio, Aq. Rosar. præstantissimæ, lb ij affundantur, subsequente digestionem, per 14. dies in arena calida, aut per hyemem, in præfurnio, eo caloris gradu, ut aqua quidem in circulum moueri, non tamen ebullire possit: Magni enim interest hanc macerationem rectè complere: Hinc, ex materia in cucurbitam translata, Aq. Naphæ lbij. affusis, singulari industria pel Balneum vaporis, aut arenam vaporosam, liquor ad sequentem usum adhibendus euocetur. Studiosè laborandum, ne pulvis, qui deinceps perfumigiis inservit, empyreumate contaminatus, pretiosam hanc aquam quoque inficiat.

Paraturus igitur Aquam vitæ Diambratam, prædicti destillati, lb j. accipiat, dissolvendo in ipso, pulveris sacchari cand. 3vj, & spiritus vini selectissimi lbij affundat, quo modo præparata, insigni sapore, & odore commendabilis est.

Quin etiam saccharum album, finissimum, absque vlla coloris mutatione, cum Ambra & Moscho conficitur, ex quo, in aqua Rosarum soluto, & cum spiritu vini mixto, aquam vitæ ambratam extemporaneam, componere licet, cuiusmodi aliquot modos, brevitatis causa, consulti præterimus.

Hæ modò præscriptæ Aquæ vitæ, vires morborum frigidorum pertinacia dejectas, calorem innatum, ac sensus omnes, partes principes, potissimum cor, accerebrum, ad quæ Moschus, & Ambra appropriata sunt, recreant: Ciborum coctionem adjuvant, partes genitales, ac

utrum roborant, eiusque ex frigida coluic, oborta symptomata arcant: Temperamento tamen frigidioribus, utpote senibus, quibusque calor, abundantia humorum phlegmaticorum quodammodo suffocatur aptiores, quam Iuvenibus, cholericis, & concitatis, ac sanguineis, quibus dolorem capitis, sanguinis ac membrorum inflammationem excitant, ideoque cautè usurpanda.

C A P. I V.

Aqua Vita aromatica per infusionem.

HÆc compositio, ob aromatum admixtionem, talis vocari meruit, cuius apparatus talis est.

Pulvis Diaromaticus.

℞. Crassiæ lignæ veræ, siue Cinamomi viscosi 3iij
Cinamomi vulgaris acuti 3iij
Ligni Aloës veri, opt. & resin.
vel more nostro ut infra loti.
Santalini. Citrini. fragrantiss.
Nuc. musc.
Macis ana 3j
Galangæ,
Zingib. ana 3ij
Caryophyl.
Cardamom.
Granor. parad.
Piperis alb. ana 3j
Crocii Orient. 3ß
fol. Menthæ moschatæ.
Coriandri ana 3ij
Sem. fenic. dul.
Anisi ana 3j
Elæosacch. de corticib. Citri
vel Limonum 3ij
Ambre cinerit. opt. 3j
Moschi Alexand. 3ß.
Sacchari Candidi 3ij
Misce f. Pulvis subtiliss.

Qui, aromatibus, per setaceum, in pollinem redactis, Ambra, & Moscho, cum Elæosaccharo Citri, & pulvere sacchari candidi super porphyride lævigato compositus, in vitro ad vsum feruatur.

Cassia lignea, ex genere corticum aromaticorum, Cinamomo admodum similis, nisi quod læuior, magis fusca sit, ac densiore flamma comburatur, sapore grato, Cinamomi æmulo, & dulci, quæ longiore masticatione, sensum aliqua acrimonia ferit, & in aqua cōcta, & infusa, mucaginem, quemadmodum semen Cydoniorum deponit, vnde cassia viscosa dicta, destillatione maiorem, quam ipsum Cinamomum, olei copiam fundit, atque ex residuo eius, affuso vino malvatico, aut Hispanico, liquor cordialis, qui aquam Cinamomi, virtute aromatica, & corroborante superat, elicitur, cuius simplicis olim, insignem quantitatem ex Indiarum regione, ad Hollandos ad vestram notaui, ex illo tempore rarius, nec eadem quantitate, aut bonitate, ad nos peruenit, qua tamen in re, vt selecta quæque haberi possint, nullis parcendum sumptibus: Hanc aliquando Cinamomo mixtam, reperiri fertur, quod vero simile, cum Authores, in Insula Zeilan, id nasci, atque cassiam, Cinamomi speciem selectiorem statuunt.

Lignum Aloes, quod attinet, eius distinctionem, in Anatomia vegetabilium tradidi, cum seria admonitione, ne quis pro eo, illud nigricans, & in igne fortens lignum, vt multi etiamnum Medici faciunt, substituatur: si quis autem pharmacopæus, minus solers, ac industrius, selectum consequi, haud laboret, ex fragmentis saltem ligni veri, cum spiritu vini, balsamicam partem extrahere conetur; quæ ablutione, sequenti modo, eligi possunt.

℞. Fragmentorum horum, quamvis exoletorum, dummodo partes aliquas ve-

getiores contineant, sufficientem quantitatem, horum pulveri per setaceum transmissio, frigida affunditur, ac pars supernatans, cochleari tollitur, aliquot porro diebus elapsis, aqua turbida separatur, servato in fundo ligno quod probatum, & exsiccatum in vsum reponitur: Quod experimentum, à me casu exigente, huius artis studiosis, vitro communicare volui. Quid Elæosaccharum sit, in appendice, de mixturis præparantibus, docui, nimirum saccharum cand. pulverisatum, cum s. q. olei de corticibus citri, vel Limonum miscetur, vt pinguisculum fiat, quemodo, non tantum gestatu, sed etiam sumptu commodius existit, & vires integras, diutissime conseruat, quæ hanc aquam vitæ, paranti, probè observanda sunt. Huius pulveris ℥ij. spiritus vini rectificati ℔iij. affunduntur, quod infusum, per triduum, calore maceratum, per pannum lineum colatur, eique ℔ij. Aquæ Rubi Idæi, in quo ℥iij. Sacchari Cand. solutæ sint, & infuser, albumen oui addatur, ac spatio vnus diei transacto, iterum per sacculum mittitur, vt aqua vitæ, coloris fusci, pulchra & pellucida evadat.

Quomodo prædictæ aquæ vitæ, per destillationem parandæ sint.

℞. Pulveris Diaromatici præcedentis, ℥ij. spiritus vini rectificati ℔iij. macerentur, per diem, & noctem, dein aquæ Rosarum, vel Rubi Idæi ℔ij. affundantur; spiritu per destillationem abstracto, & Sacchari fini ℥ix in eo dissolutis, vt spiritus limpidus, & clarus fiat, per pannum Xylinum coletur. Aquæ vero ℔ij. post spiritum destillatum educantur.

Aquæ hæ aromaticæ, calore suo membræ interiora, à frigida, & humida materia labefactata corroborant, coctionem, & appetitum promouent, aquosam superfluitatem, per habitum corporis diffusum, vnà cum flatibus consumunt, tenacem pituitam incidunt, & putredini re-

sistunt, ac non tantum supradictorum morborum symptomata mitigant, sed etiam valetudinem pituosis conseruant: Calidi, & sicci tamen temperamenti hominibus, non minus, quam aqua vitæ ambrata aduersantur.

C A P. V.

Aqua Vitæ cordialis præstantissima.

℞. fol. Melissæ, dilig. exsicce.
Rofar. rubr. ana ʒiʒ
fol. Menthæ moschat.
Ocyimi Caryophyll.
fl. Borrag.
Buglossi
Calendulæ
Chamomillæ Romanæ
Liliorum convall.
Meliss. Turcicæ ana ʒvj
Rad. Doron. Rom. ʒiiij
Pæoniæ debito tempore coll.
Scorzonera
Tormentillæ
Iridis florent.
Cort. extern. Citri ana ʒij
Ligni Aloës resinosi vel morë nostro lotj
Cassia lignea veræ ana ʒiiij
Santalî citrini domestici ʒiʒ
Macis
Nuc. moschat. ana ʒj
Galangæ
Granor. Paradisi
Zedoariæ
Caryophyllor. ana ʒij
Spicæ Indicæ ʒj essentia Flor. Tunicæ rub. rec. ʒj
Crocî orient. ʒj
Tartari Acetof. depurat.
Melissæ ana ʒj
Oleor. Melissæ
Menthæ moschat.
De cortic. Limon.
Cinamomi

Salviæ ana gut. x.

Sacchari candidi ʒiiij

Misce f. pulvis subtilissimus.

Saccharo cum aqua Rosarum, ad syrupi consistentiam percocto, ambæ essentia miscentur, eique in tabulam morsulorum instar effuso, siccato, & in pulverem redacto, olea destillata cum reliquo pulvere, ac insuper Ambra griseæ gr. iiij. & Moschi orientalis, ad singulas uncias compositi gr. ij adduntur.

Pulvis hic, non tantum, ad aquam vitæ, vt sequitur parandam, sed etiam, ad confectiones cordiales, epithemata, aliasque formulas, commodus est: Vocatur autem Diamelissophyllon, non tantum, quod folia, flores, Tartarum, & oleum Melissæ in compositionem admittat, sed etiam vt Melissâ, inter simplicia præcipuum quodammodo Cordiale existit, ita & hoc compositum, inter corroborantia excellat. Proposita autem aqua vitæ, sequenti modo paratur:

℞. Pulv. Diamelissophylli præscr. ʒij

Spir. vini rectific. lbj. civil.

Tota Mixture, in phiola obturata, per diem digeratur, spiritus tinctus, & quo ad fieri licet clarus, in aliud vitrum transfundatur, atque residuo, addita libra aquæ ex fragis fermentatis destillatæ, per diem, & noctem calore foueatur, quod tandem percolatum cum residui pulveris expressione spiritui prædicto vnâ cum Syrupi flor. Tunicæ & flor. Aurantiarum ana ʒiiij. misceri conuenit, ac cuncta albumine oui mixta, porro per 12. horas, calore macerentur, ac per sacculum mundum colentur. Aqua vitæ insignis est, contra vertiginem, animi deliquium, puncturas laterum, terrores, & palpitationem cordis, ac quæcunq; accidentia, tū ex frigidorum humidorum, ac putrescentium prauitate, tum ex atra bile effumante, ac maligno apparatu suborta, nec non animum exhilarat, cogitationes anxias, & in-

omnia terrifica subleuat, variæque gravidarum imbecillati succurrit.

Dosis eius, Cochleare vnum per se, plus vel minus, & quanquam satis temperata est, præsentem tamen febrili calore, cum aquis Tiliæ, Fragorum, Borriginis, Iusculo, vel emulsionem amygdalarum, pinæarum, aut pistaciorum, exhibere præstat: quarum emulsionum, potior pars nutriendi, per alembicum, iusana quorundam opinione, non ascendit.

Aqua vitæ Cordialis.

℞. Pul. Diamelissophylli ʒiij

Spir. vini rectif. ℥iij civ.

Aq. Rosar. pallid. opt.

Rubi Idæi ana ℥i℥.

Spiritus destillatus, & aquæ ℥i j, postremo egressæ, cum sacch. cand. ʒ viij. pulverisatis edulcorentur, & per sacculum, vt instar fontane limpida fiat, percoletur: Qui vero colorem non magnopere curat, Sacchari loco Syrupi de rubo Idæo, & florum Tunice ana ʒv miscere, & colaturâ clariorem reddere potest, quo pacto, virtutes eius auctiores fiunt.

C A P. VI.

Aqua vitæ aurea.

HODiè non modo Spiritus vini rectificatus, sed complures aquæ vitæ compositæ, commixtis solummodo aliquot auri foliis, potissimum à circumforaneis, ad emungendos oculos hoc titulo decantantur: Vt tamen spiritui vini, ac præcipuè, variis aquæ vitæ compositis suum pretium relinquam, sine discrimine, & methodo adhibita, sæpè parum præstant: Quare nemini titulus, aquæ vitæ imponat, cum folia auri innatantia, ad rem nihil faciant, sed plicis ventriculi, & intestinorum, inhaerentia, plus officiant, quam profunt; donec nondum alterata

cum excrementis alui expellantur. Qui vero cum hisce aquis, Aurum, Argentum, lapides pretiosos, lapidem bezoardicum, corallia, margaritas, terram Lemniam, cornu cerui vitum, vni cornu, os de corde cerui, ac similia metallica, lapidosa, lutea, vel ad cornu duritiem accedentia admixta cupit, primò solventibus appropriatis, in formam magisteriorum, quæ in liquore resolvi possunt, redigantur, quæ etiam loco crudorum, ad pulveres, & confectiones cordiales, meritò recipiuntur, & à doctis horum præparationem, usum, virtutes, non ignorantibus, administrantur: Atque hæc, in eorum gratiam, qui has, panaceæ loco, ostentant profero, qui tamen, qua ratione, aurum has perficere possit, minimè sciunt, cuius, aliorumque magisteria, hic exponerem, nisi rerum confusio vitanda esset: Quandoquidem hoc loco, tantum de vegetabilibus agere propositum est. Dicuntur autem iure merito, huiusmodi aquæ aureæ, non ob folia auri admixta, vel colorem fulvum, sed singularem virtutem, vitale robur augendi, ac cor, cui aurum comparatur exhilarandi beneficium.

C A P. VII.

Elixir vitæ.

NOMINE Elixiris Chymici, medicamentum quoddam, partes principes roborandi, putredinem arcendi, vitam prolongandi, virtute pollens subaudiunt. Quidam, nec abs re, Spiritum vini hoc titulo donare cœperunt, ac ipsiusmet qualitatem eius considerans, facile in eorum sententiam concedo, vt in postrema parte Hydrelæologie meæ declaravi: Quidam vero, simplici Spiritu vini non contenti, compositas aquas vitæ, cum additione specierum confortantium excogitarunt, quibus pro lubitu, nomen hoc Elixiris imposuerunt, quæ tum, apud Medicos,

dicos, tūm Magnatēs aliquos, ac inter ceteros præcipuē, apud magnum Hetruriæ Ducem, in pretio habentur, qui præter alia selectissima, & illustria medicamenta (quæ regia planè munificentia, non tantum subsidis petentibus, gratis elargiri curat, sed sæpè quoque magnatibus aliis, ipsum inuisentibus, muneris loco offert) singularem etiam, & quendam aromaticum spiritum, per ordinarios suos chymicos elaboratum, sub titulo elixiris possidet: Quia propter nec ipse potui, quin etiam hoc loco, singulare aliquod elixir adjungerem.

℞. Pul. Diamelissophylli ꝑijss

Diambræ nostræ ꝑß

Spiritus ardent. Rubi Idæ rectif.

℥ij.

Mellis fragrantiss.

Vini malvatici opt. ana ℥j

Aquar flor. Arant.

Rosar. opt. ana ℥iiss.

Omnia mixta, per alembicum vitreum, in arena vaporosa destillantur, ac primò egressus spiritus, seorsum servatur ac porrò in duabus aquæ libris posterius extillatis, sacchari candidi ꝑviij vt Iulepi consistentiam accipiant, solvantur, addita ea spiritus salis Melissæ quantitate, quæ sufficit, ad saporem instar Syrupi citri acidulum, conciliandum, cui liquori demum, prius reservatus iungitur. Atque ita Elixir vitæ absolutum est, quod quidem in omnibus affectibus, Panacæ vicem haud sublinet, ac multo minus mortuos excitat, viribus tamen cuiusvis specifico cordiali, nequaquam cedit. Dosis huius, vt etiam aliarum aquarum vitæ cordialium, se habet, cum vehiculis congruis: Quin etiam spiritum salis Melissæ auro, & corallorum, margaritarum, aut lapidis bezoardici magisteriis imprægnare licet, quo facultas confortandi adaugeatur; quamvis per se ritè præparatus, virium nobilitate excellat.

CAP. VIII.

Aqua vitæ Diasatyriionis.

INter alias aquas vitæ, etiam aqua Magnanimitatis locum habet, quæ illis præcipuē, quorum natura mollis, languida, frigida, humida, rei venereæ tractandæ impar est, subsidio venit. Nominis autem ratio, ni fallor, hæc est, quod (vt communis fert sententia) illud ipsum, quod calorem, ac potentiam, ad rem veneream confert, etiam animositatem, ad res arduas gerendas, in iisdem augeat. Vnde ille naturæ genius Aristoteles vsum Menthæ militibus, eo quod sperma consumendi & consequenter animum, & corpus, torpore afficiendi vim obtinere, huncque effectum, semper cum defectu animositatis virilis, ad pugnam conjunctum esse crediderit: Vt non abs re, destillatum huiusmodi facultatis, aqua pusillanimitatis, ac vicissim generandi vim corroborans, aqua magnanimitatis, vocari mereatur. Balsis, & præcipuum ingrediens, apud quosdam est certum genus formicarum, cum aromatibus Ambra, & Moscho, ac vino malvatico maccratum, ex quo infuso, Aqua vitæ, ad dictum vsum accommodata destillatur; Sed quoniam huius generis medicamenti (quamvis non negem, huic præ multis, vim confortandi venerem, ac insignem quoque calefaciendi, & penetrandi vim inesse) nullam vnquam experientiam feci, eo misso, quandam aquam vitæ, Diasatyriion vocatam, non minoris efficaciam, describam.

℞. Sem. Anisi

Dauci

feniculi dulc.

fraxini ana ꝑj

Nuc. mosch. ping. 3vj

Macis

Costi dulcis

Caryophyllorum
 Galangæ
 Piperis longi
 Sem. Erucæ ana ʒij
 Ambræ grif. opt. ʒj
 Moschi Alexand. puri ʒj
 Mische f. Pul. vltimò add.
 Ol. Melissæ

Cinamomi ana gutt. x. Mische.

Huic pulveri in phiola, spiritus vini ꝑvj affundantur, & vase obturato, ne spiritus exhalare possit, per duos dies toueantur, & vt virium dissipatio, commodius euitetur, triplici circulatorio in quo spiritus, sine iacturæ periculo agitari possit, excipiantur, ac definito tempore elapso, spiritus tinctus, in aliud vitrum trāsfertur, pulveri vero in circulatorio reliquo, succi Onosorchidis recenter expressi, sine clarificatione, ꝑbiiß addantur, & vase denudò clauso, simul per quatuor dies macerentur, hinc per colum tortiter exprimantur, ad succus colatus, cum mellis virginei electi ꝑb ¼ in eo solutis, & spiritu vini conjuncto more solito clarificetur.

Hæc aqua vitæ calefacit; partes naturales, vnâ cum genitalibus, spiritus, sanguinem, & genituram augendo corroborat, ac propriæ functionis memores facit.

Dosis, pro natura sumentis, vnum, vel duo cochlearia, paulo ante pastum, præcipuè iis, quibus stomachus frigidior negotium facessit, quandoque etiam post cœnam, sumenda sunt: Qui vero obeso, humido, & molli sunt corporis habitu, prius per cathartica, & sudorifera, diætā, & exercitia, corpus, ad eius vsum disponant: Contra exsanguies, squallidi, melancholici, vel longo morbo confecti, sola diætā humectante, & restaurante prius corroborati, cum vehiculis analepticiis, vt in capite de Aqua vitæ cordiali memini, stata, hora, quam diu, & quantum opus, sumere possunt.

CAP. IX.

Nobilis Aqua vitæ cephalica.

PRæmissis nunc quinque præcipuis compositionibus, totum corpus roburare valentibus, aliæ nunc proponendæ restant, quæ licet, humidam, frigidam superfluitatem consumendo, vnâ totum corpus penetrent, peculiarem tamen, ad certum aliquod corporis membrum, respectum habent. Quarum prima hæc est.

ꝑ. fol. Beton. recent. exsicc.

fl. Rosar. rub.

Stachad. arab.

Cortic. ligni Sassafras

Fruct. Myrtill.

Nuc. Muscat. ana ʒj

Ligni Aloës opt.

Rad. Irid. florent.

Benedictæ Caryophyll.

Pæoniæ

Mastiches el.

Succini albi

Styracis calam.

Benzoini amygdaloides ana ʒvj

Calami aromat.

Cubebæ.

Granor. Paradisi ana ʒij

Spicæ Ind.

Cardamomi ana ʒj

Sacchari albifs. ʒij

Ess. flor. primul. veris ʒß

Ol. Salviæ

Rorismarini

Majoranæ

Caryophyllorum ana gutt. vj

Fœniculi dulc. gutt. xx

Ambræ gris. gr. xxiiij

Moschi opt. gr. xij f. pul. f. a.

Huius pulveris ʒiiij. spiritus vini rectificati ꝑb iij affundantur, ac postquam spiritus, spatio vnus diei elapso, abundè tinctus est, is cum expressione, ad pulve-

ris siccitatē, per linteū colatur; hinc cum aquæ Melissæ, & Rosarum optimæ (in quibus Sacchari finissimi, ʒvj solutæ sint) ana ʒij misceatur.

Præstat hæc aqua vitæ, ad capitis, & nervorum corroborationem, calefacit, siccatur, digerit, sensuum interiorū meatus aperit, & humida cerebri intemperie, vertigine, defluxionibus, tinnitu aurium, imbecillitate memoriæ, veterno, apoplexia, epilepsia, & spasmo laborantes oppidò juuat.

Dosis. Cochleare vnum aut duo, matutine, seu vesperi diuturnionem verò eius vsum curatiuum, conuenientia cathartica præcedere debent.

Aqua vitæ cephalica alba.

℞. Pul. cephal. præscripti ʒijj
Spir. vini rectific. ʒiij
Aq. Salviæ ʒi ʒ

Pulvis cum liquoribus, leni calore, tribus diebus maceretur, dein liquori, per distillationem abstracto, Aq. Melissæ & Rosarum cum saccharo, planè ad ipsum, cum præcedenti modum, addantur, adhibita cui visum est, clarificatione: Spiritus abstracti pars, antequam cum aquis misceatur, seorsim seruanda, ad externum in epithematis vsum, caterum vsu, & dosi, cum superiore conuenit.

C A P. X.

Aqua liliorum convallium composita.

Flores Liliorum convallium, vbicunque terrarum, præcipuè tamen in Germania, à cuiusvis ordinis hominibus, magni fiunt, ac licet vario modo, in medicinam veniant, liquoris tamen forma vtitior est, cuius descriptionem quandam hic subjungam. Florum Liliorum convallium, recentium, ablatis caliculis viridibus, ʒxx, cum pulveris Diamelisso-

phylli, & pulveris cephalici ana ʒiij, in cucurbita, Spiritus vini rectificati ʒviij affundantur; tota hæc mixtura, per octo dies ferè macerata, duabus mensuris aque fontanæ additis, per alembicum vitreum, aut stanneum, vt in sectione aquarum distillatarum docui, distilletur donec omnis spiritus egressus sit, qui ad aquositate separationem, per arenam vaporosam pro subitu rectificari potest: Hoc verò opus, per vesicam instituendum, quo oleum, ac nobiliores florum, & pulveris partes ebullitione solutæ cum spiritibus ascendentibus, facilius vniuntur.

Mirifica virtute pollens, ad affectus omnes, quos vulgaris aqua liliorum conuallium subleuat, intra, aut extra corpus adhibita, meliori cum fructu vsurpatur, qui temperatiorem verò desiderat, spiritus huius libris duabus, Aq. Rosarum & Aq. liliorum convallium simpl. ana ʒi ʒ. cum sacchari albi ʒ viij admiscere potest.

C A P. XI.

Aqua vitæ pectoralis optima.

℞. Flor. Scabiosæ
Mal. arbo. rubr.
Fol. Hyssopi
Marrubij
Glycyrrhizæ ana ʒj
Rad. Helenij
Iridis florent.
Sem. Anisi
fœniculi ana ʒʒ
Origani
Thymi ana ʒij
Croci orient. ʒʒ
Benzoini
Styracis calam. depurator. ana ʒvj
Essentiæ flor. papau. Rhæad.
Veronicæ ana ʒij
Sacchari ʒij
Misce. f. pulvis s.a.

N ij

Processus talis est. Essentia ad huius pulveris ꝑij, Spiritus vini lb iiij affusus extrahitur, in separato autem à pulvere spiritu, sequentia minutim incisa, infundantur.

℞. Iujubar. recent. enucl.

Daſtilor enucl.

Caricar. ping. ana ꝑiij.

Mixta, per diem & noctem, calore foveantur, subinde commouendo, tandem spiritui iterum percolato, iungantur Aq. Tussilaginis, & Scabiosæ ana ℥j. Syr violarum ꝑiij, Essentiæ passular. ꝑiij. clarificentur.

Vires. Calefacit, digerit, tenues fluxiones à capite in asperas arterias vel cautitatem pectoris procumbentes concoquit: nec minus concoctam, & tenacem materiam, expectorationi appareat, tussi diuturna, & respirationi difficili succurit, apostemata interna rumpit, mundat, sanat, anhelitum, à contagione purulentæ materiæ fatentem, corrigit.

Dosis: Cochleare vnum plus vel minus, cum vehiculo pro ratione affectus, ætatis, &c. omnes vero, qui cum pulmonis exulceratione, calida intemperie, aut febricula continua, lenta, carnosam totius corporis partem consumente, laborant, ferò adhortor, ne hac vel similibus spirituosis aquis mortem sibi accelerent: Nulla enim habitualis intemperies calida, similia medicamenta, absque noxa sustinet. Quamobrem analeptica, diata refrigerans, & substantificè humectans, potius in conseruationem vitæ conspiciunt.

Depurantur autem ambo Gummata, styrax nimirum, & Benzoin hoc modo, vtriusque partes æquales, cum aqua Rosarum, super modico igne dissolvuntur, & per pannum firmum, ut purior pars relictis sordibus, transeat, colantur quæ exsiccata, facili opera, in pulverem conteritur.

Aqua Anisi.

Cum Anisum, præter gratum, & dulcem saporem, virtutem quoque frigidæ pectoris noxas mitigandi, obtineat, eoque tam laudatior, quam vsu tritum medicamentum existat, aquam vitæ ex eo faciendam hic apponam.

℞. Sem. Anisi recent. grosso modo contusi ꝑxij

Spir. vini rectif.

Aquæ fontanæ ana lbvj

Ex his commixtis, & per noctem maceratis, per vesicam, cum alembico stanneo primo spiritus seorsim excipiendus, dein aqua non contemnendæ virtutis, usque ad duas libras destillatur, quæ cum sacchari finissimi ꝑxij, spiritui primo loco egresso, commixta, mixtura sit laudabilis, quæ aliquantum turbida, per linteum Xylum clarificari potest. Facit ad collium humorum frigidam, in pectore resolvendam, lac auget, urinam mouet, medicamentum polychreston est, & familiare.

C A P. XII.

Aqua vite Mentha.

℞. Foliorum Mentha Moschat. dilig. exsic. ꝑvj

Spir. vini rectif.

Aq. com. ana lb iiij.

Ambo, spiritus sc. & aqua, ex vesica per se destillantur, in quibus Sacchari lb s. dissoluta, hæc compositio absoluta est: Simili modo Rosmarini, Salviæ, Thymi, Melissæ, ac aliarum, sicci & calidi temperamenti herbarum, Aquæ vitæ fieri solent: Et cum huiusce herbæ diuersæ species existant, ad hoc opus moschatinam, folio oblongo, fusco, odore moschum referente, tam, ob odoris præstantiam, quam acrem, & aromaticum saporem

præferendam censeo : In cuius defectu, *Mentha crispa hortensis*, qua multis annis usus sum, merito succedit.

Huius vires illustres, & raræ sunt, quam *Fernelius Dogmaticorum* decus, sequentibus verbis commendat.

Mentha utraque calida, sicca principio tertij ordinis, gustu acris, subamara, tenuium partium, adstringendi & siccandi vim obtinet, stomacho apprimè utilis est, appetitum excitat, & in condimentis peculiarern usum inuenit, & in eo, humores frigidos, crassosque excalescit, attenuat & absorbet, singultus, vomitiones, choleramque sedat, sanguinis rejections sistit : Quæ virtutes consideratione dignæ sunt. At vero miror, non modo tantum, ac talem virum, sed complures alios viros doctos, *Aristotelis* auctoritatem sequentes, ut in capite, de aqua vitæ *Diasatyriionis* memini, quod hanc conceptioni resistere doceant, semenque ipsum extinguere :

Etenim talis effectus, aut vi manifestæ qualitatis sequitur, aut occulta proprietatis, cuius natura nondum apud physicos, vlla rationis indagine definita est. At vero hæc herba, cum calida, sicca sit, in principio tertij gradus, amara, & subtilium pareium, cum sensibili adstrictione ; huius operationis, à manifesta qualitate, nulla assertio dari potest : Si quidem consecutionis necessitate, *Piper*, *Zingiber*, *Cubebæ*, *Cardamomum*, *Cinamomum*, *Caryophylli*, & complura aromata, ut ipsæ herbæ, similis propemodum temperamenti, v. g. *Majorana*, *Thymus*, *Satureia*, *Lepidium*, *Sinapi*, *Carum*; cuncta quæ acrimonia & calefaciendi, siccandi, & penetrandi facultate, *Menthæ* nullatenus cedunt, eundem, quod apertè falsum est, effectum præstarent : Ab occulta vero, nobis tantum sensu & experientia cognita, multo minus demonstrari potest, quandoquidem hæc, à manifestis qualitatibus independens, sine discrimine in

omnibus, cuiusque temperamenti, hominibus, vi quadam magnetica idem efficeret, cui quoque euentus refragatur, hæc enim recens, aut sicca commesta, sine seminis exsiccatione, coagulatione, aut consumptione vlla, fumentes alacres, magisque animosos reddit. Quare aut diuersæ speciei herbam, aut cæli constitutione, solivè natura, alteratam, aut ex idiomate originali non satis intellecto, alieno nomine expressam *Aristoteles* protulit. Vel vana isthæc persuasio, quorundam veterum Medicorum errore introducta fuit, quemadmodum illa, de ligno *Iuniperi*, quod ut præsentissimum venenum, hominibus necem adferre, quidam per somnium scripserunt, cui experientia haud quaquam respondet ; & qui hoc absurdum, apud Germaniæ populos proferret, vulgò pro infano, & mente capto haberetur, ex eo enim non solum pocula, sed etiam decocta, & infusa, a quæ, nec minori ferè cum fructu, ac ex ipso ad varios humani corporis affectus, catharros sc. nervorum languores, dolores articulorum & curam morbi Gallici parata, in usum veniunt. Enimvero, si sola autoritas, hoc vel illud, approbandi, aut rejiciendi, sufficeret, multa, experientiâ nobis cognita, iuxta & utilissima, ab aliis pro veneno diffamata, ex foro medicinali proscribenda essent. Quocirca, in valore rationum supra dictarum concludo, hanc nec manifesta nec occulta qualitate generandi vim infringere, eamque conclusionem ratam habeo, donec quispiam alius ex Medicis, praxi, & eruditione clarus, succo huius simplicis, in pluribus integris, robustis nullo virilitatis defectu notatis, hominibus sæpius exhibito, iisque convenienti huius usu debilitatis effectum talem experientia comprobet. Ego quidem, hoc nobile medicamentum, tum ad curationem, tum ad præseruationem, summæ conditionis hominibus, ac mecum alij

quoque Medici, magno commodo præscriplimus. Cæterum, quibus alioquin, temperamenti ratione competit, horum frigidas, & flatulentas ventriculi noxas, nauseam, dolores, ructus placat, ac præsertim vomitum ex effusione bilis ortum vnde anxietates, & palpitationes cordis imminet, blandè moderatur, appetitum & ciborum coctionem confirmat, quam benè peractam, non solum chyli, sed quoque sanguinis probi, & seminis generatio sequitur. Præter hæc virgines cachexia, cochlorosi, colore sædo, & corporis habitu intumescente, virium, & appetitus deiectione laborantes, præmisso congruo cathartico, hæc aqua vitæ, dummodo malum non inueteratum sit, manè ac vesperi à cœna, iusta dosi sumpta, breui temporis intervallo restituit, & vt paucis complectar, in omnibus ventriculi infirmitatibus, panaceæ loco est, seneces potissimum, inappetentes, ac peius etiam coquentes mirificè iuvat. Dosis, cochleare vnum, vel duo ad coctionem promovendam. Huius vsus diutius continuanti à cœna offerenda est, mane jejuno, cum mica panis contrita, vt ad vires ad melius exserendas, in stomachæ moram agat. Hæc etiam, præsentè in ventre, & intestini, pituita ac bile, eam abstergendo, magno fumentium commodo, aliquoties aluum mouet.

Cauendum tamen ne huius vsus, in abusum vertatur, nec illorum, ridiculè argumentantium stolidi ratio audienda, nimirum, si duo cochlearia stomacho profunt, ergo 4. vel 6. illum amplius iuuant, qui tamen illius quantitate offensi, & deterius habentes, medicamento, aut consultori causam imputant: minime etiam quotidianus vsus, sed pro necessitate suscepius approbatur.

Aqua vitæ Limonum, & Arantiarum.

Ex corticibus limonum, & arantia-

rum, qui non tantum odoris præstantia, sed etiam stomachum roborandi virtute commendabiles sunt, tum condita, tum Aqua vitæ, vt sequitur, parantur.

℞. Flauedinis corticum Citri ℥ss.

Spiritus vini rectificati

Aq. fontanæ ana ℥vj.

Primo spiritus, per vesicam destillando, dein quantitas aquæ, quæ sacchari ℥ss. dissolvendæ sufficiat, eliciatur, quæ aqua saccharata, cum spiritu, scrupulo croci tincto mixta, & per pannum colata, aquam vitæ complet. Idem processus, in aquis vitæ, ex corticibus Arantiarum parandis obseruatur, præterquam quod loco croci, eandem spiritus qualitas, rasura ligni fantali citrini tincta cum aqua saccharata miscetur. Eadem ratio est cum corticibus Citri, quorum recentium, si copia non detur, exsiccati, dummodo sapore, & odore integro præditi sint, ad opus eligantur, aut etiam, in horum defectu, olei, non quidem illius rancidi, à Materialistis, & Pharmacopeis quilibet dispensari soliti, sed odorati, & probati, guttæ aliquot cum spiritu tincto & aqua temperata misceantur, cuius generis olea, unicuique qui decipi recusat, manu propria, suadeo elaboret.

CAP. XIII.

Aqua Vitæ Iuniperi.

℞. Baccarum Iuniperi contusar ℥j.

Spiritus vini rectif.

Aq. fragorum ana ℥vj.

Sacchari finissimi ℥i.

Fiat Aqua vitæ, secundum superiorem methodum.

Vires huius aquæ vulgò notæ sunt, urinæ in aliquibus per accidens putrescentis fætorum, quemadmodum nuxmyristica, & terebinthina, ac simul calculusam constitutionem emendat, meatus urinarios, à limosa, & tartarea col-

lūvie rēpurgat, anhelitum commendat, humorum putredini, & pestilenti contagioni resistit. Dosis eadem, cum supradictis, in ipso vsu, contra calculum, cum succo violarum, vel apio quoppiam succo leniente miscente miscenda.

C A P. XIV.

Aqua Vitæ Carminativa.

Q Vanquam suprascriptæ aquæ vitæ, vi calefaciendi, penetrandi, discutiendi, in genere, ad flatum pellendos, ex cruda, humida, frigida materia obortos faciant, hanc tamen, tanquam magis specificam huic loco inferendam esse arbitratus sum.

℞. flor. Chamomillæ. Rom. ʒiiij

Baccarum Lauri.

Sem. Anisi

Carui.

Dauci.

fœniculi dulc.

Sileris mont.

Cortic. ligni Sassafras.

Galangæ ana ʒß

Moschi orient. gr. viij.

Misce f. pul.

Hic pulvis, in spiritus vini rectificati ℥vj. per duos dies maceretur, & pari quantitatæ aquæ affusa, per vesicam destilletur, ac quisque horum liquorum, seorsim excipiat, aquæ autem ℥ij. cum sacchari ℥ß. mixtæ, & spiritui confusæ filtrantur. Hæc aqua vitæ digerit, frigidum, & glutinosum humorem, in stomacho, & intestinis collectum attenuat, & expultricem, ad eum exturbandum excitat, urinæ meatum viscidis recrementis impeditos expedit, hinc magno vsui est, in colica, inflatione ventriculi, dolore laterum pungente, aliisque ex prædicta causa affectibus prognatis, frigidam & humidam vteri intemperiem corrigit, menses, qui pauca quantitate, cum

maximo dolorē, angustia, & flatulenta tensione prorumpunt, frigidos crassos succos attenuando, ac meatus aperiendo, expeditiores reddit. Dosis eadem, quæ aliarum præscriptarum aquarum esto. His vero, minimè solis, sed catharticis interpositis, insitendum, à quibus etiam prægnantes, & intemperie alicuius partis laborantes, sibi caueant. Plurimum verò facultas eius, tum in colica flatulenta, tum in urinæ suppressione, additione guttarum ʒ. vel 6: spiritus nitri rectificati intenditur, ac præsentissimum agris auxilium est, casu vero calidior, ac penetrantior, in frigidioribus constitutionibus si expetatur, solum spiritum à pulvere abstractum, sine aquæ, & sacchari additione, adhibere licet, quæ etiam exterius illitus prodest.

C A P. XV.

Aqua vitæ Theriacalis.

VARIÆ sunt aquæ antidotales, vt cuius vel in remedia leuiter initio patet, vnam saltem, ad vsu valde commodam subjungam.

℞. Scordij nostri ℥ij

Absinthij Pontici ℥ßß

Rutæ ℥ß

His debito tempore, & modo collectis, ac exsiccatis, mensuræ tres spiritus, vini, ac totidem aquæ fontanæ affunduntur, spiritus iterum destillando abstractus, vltèrius ab aquositate, per arenam vaporosam, vel Balneo Mariæ, lento calore rectificandus, hinc

℞. Theriac. Andromachi opt. ℥j

Spir. Vini præd. ℥. iiij. ʒiiij

Aceti flor. Sambuci

Tunica rub.

calendulæ

Succi Citri vel Limon. depurati ana ℥ß

Spir. Salis Absintij rectific. ʒiiij

Theriaca, in prædictis liquoribus dissoluta, & vitro conclusa per octo dies, benigno calore fouenda, hinc liquido à spisso separato, Theriaca linteo exceptæ humiditas paulatim extillata reliquo jungenda, adjecto porrò huic liquori, duorum ovorum albumine, qui sæpè agitata, elapso diei spatio, per manicam vt clarescat coletur. Cui aqua hæc pellucida, instar aquæ, in votis est, ei totam mixturam, leni calore, per instrumenta vitrea, destillare licet, sed cum Theriaca, & florum potiores partes, cum spiritibus acidis, & tartaro vtili, per alembicum non ascendant, sed in fundo cucurbitæ hæreant, præscriptus modus præstat. Aqua vitæ Theriacalis, venena, frigidorum, & malignorum humorum noxam corrigit, putredinem, & lumbricos, ex corruptione ciborum natos arcet, & tam præservatiuum, quam curatiuum non ignobile auxilium est. Dosis eius à ʒj, ad ʒij, per se, vel cum aquis destillatis sumpta, per sudorem, præcipuè in dispositis, & materia in extremitate vasorum, ac intra cutem hærente, blandè operatur, quod animaduersione dignum est, ne diaphoreticis, vt frequenter accidit, sudor extortus, plus damni adferat: Præcipua enim curationis pars, in morbo pestilenti, est sudoriferorum apta, & methodica applicatio: Atque hæc non in arte consummatis viris, sed junioribus, qui theoriam suam, nondum experientia confirmarunt, vel rudioribus, & nulla habita consideratione, mox ad quævis diaphoretica confugientibus, admonitionis loco adjunxi.

Aqua Vitæ Angelicæ.

Quandoquidem Angelicæ radix, primum inter antidota locum obtinet, eius aquam, ad præscriptum modum destillatam, hic Colophonidis loco, apponendam esse censui.

℞. Rad. Angel. mont. odorif. exsiccat.

ʒiij

Spir. Vini rectif. lbijj

Aq. commun. lbij

Radix hæc contusa, vna cum spiritu, & aqua, ex parva vesica more solito destillatur, dissoluta in aquæ vitæ lbij sacchari finissimi, ea demum clarificatur, quæ gustui grata, & excellens est, præcipuè, si ex radice Angelicæ montanæ quæ palustrem odore, & virtute superat paratur.

Ad eosdem affectus, quos ipsa Angelica iuuat, celebratur, pestem potissimum, & malignos morbos arcet.

Plures equidem aquas vitæ, etiam aluum, & vomitum cientes, quarum tamen cognitio vix necessaria est, in medium proferre possem, sed his tanquam præcipuis, acquiescendum iudico, cum hæc non numero, & quantitate, sed virtute, & efficacia ponderanda sint. Pro conclusione, omnes adhortor, vt harum abusum euitare studeant, ac casu requirente, potius hominibus ætate confectis, & penuria calidi innati laborantibus, nulla calida intemperie, aut partium inflammatione afflictis, quàm robustis, junioribus, & sanguineis, quorum hepares, & sanguinem adurere possunt, exhibendas suadeo: Quam admonitionem, valetudinis studiosi, aequè bonique consulant.

FINIS.

TARTA-

TARTAROLOGIÆ.

SECTIO PRIMA.

C A P. I.

De tartari etymologia & quid sub hoc nomine chymici indicent.

HÆ ex lutosa, mucilaginosa ac salsa, ex iis, quæ à vino separantur, fæcibus coagulata materia à Medicis, chymicis, pharmacopæis aliisque artificibus tartari nomine est insignita. Hocque etymon à tartaro, quod Germanis est abyssus, sine loco natali, quod profundè in doliis latitet, non verò ab ipsa rei essentia desumptum videtur. Accurata hæc ac curiosa nominis explicatio cum omnino nihil in proposito nostro ac materia tractanda nos juuet, non immeritò curiosis Aristarchis ac acutis scholasticis pro lubitu examinandum id relinquimus, non inficias interim euntes, vocabulum hoc Germanicum *Beinslein*, quia lapidi scissili non multum dissimile facillimèque calculi instar conteri potest, unde Angli etiam suâ linguâ id idem *Winstone* vocitant, externam rei faciem quàm optimè exprimere: Nomina quidem eius aut Latina aut Græca, quæ accuratius ac nervosè magis essentiam ac proprietates materiæ significarent, excogitari facillè possent, sed quia vsus ita obtinuit, ideo id ipsum nomen non immutare, sed retinere potius placuit.

Præterea observandum etiam ac probè

Ang. Sala.

notandum, hodiernos chymicos prædicto nomine non solum dictum jam tartarum, sed quasvis etiam alias materias, omnia sc. lutosa, viscosa, mucilaginosa ac arenosa, quibus aqua abundat communis, quibusve aliorum vegetabilium succi ac essentia plena sunt, attamen processu tandem temporis vel naturâ, vel artificio separabilia subintelligere sedimenta. Calculum item renum & vesicæ aliasque lutasas, argillosas ac coagulatas, non solum in vteribus ac renibus, verum etiam in cavitatibus ac venis hepatis, lienis, pulmonum, aliisque humani corporis humiditatibus perpetuò perviis meatibus, extremisque manuum ac pedum articulis (quod in cheiragra, gonagra, ac podagra nodosa videre est) hærentes materias communi ac vsitato tartari nomine eosdem vocare. Hocque non nudæ inventum est opinionis, sed firmissimo nititur fundamento gravissimisque stat sustulturn rationibus, quos Theophrastus Paracelsus in suis de tartaro scriptis primus nobis demonstravit ob oculosque posuit. Quæ ipsius scripta cum nos hili instar Ariadnæ ad veram & infallibilem substantialis rerum naturalium ducant compositionis cognitionem, firmamque pro inuestigandis multorum morborum ex inordinato diætæ regimine progenitorum causis materialibus, sint semita, vtilissimis insuper qua methodo curandi sint huiusmodi morbi (quod à nullo ante ipsum excellentissimo etiam medico

obseruatū mēdum facitatum legimus) sint ornata regulis generalibus, meritò itaque eadem legenda, relegenda, studioseque sunt ruminanda. Si n. eius, quā vsus est, prolixitatem non castigare, eiusdemque in alios medicos euibratis scomatibus biliosisque calumniis conniuere, obscurioresve, nihil tamen ad intelligendam rei essentiam facientes terminos remouere, doctrinarum è contra nucleum è scriptis eius eruere ac enucleare voluerimus, meo certè iudicio, ea, quæ hæcenus prodire typis excussa, pathologiæ maxime iudico vtilia documenta, quod aliis philiatris in Paracelsi scriptis parum veritatis significare breuissimis mihi placuit.

CAP. II.

De differentiis tartarorum singulisque eorundem ex vegetabilibus desumptorum speciebus ortu & generatione.

DE tartaro è vègètabilibus, non verò de illo, quod in corpore coalescit humano, cum nostrum nunc sit dicendi institutum, sciendum, non solum in vino, vt supradictum, verum etiam in omnibus, tam minutissimis herbulis, quàm fastidiosis arboribus, singulisque harum partibus, ne minimo quidem vegetabilium exempto, tartarum reperiri ac inueniri posse.

Discrimen tartarorum quod attinet, primò sciendum, omnia è vegetalibus desumpta tartara duum esse generum, duplicique sub forma ac qualitate sensibus nostris sese patefacere. Vnum enim ex illis saporis est acidiusculi, qualitatis maximè penetratiuæ ac aperitiuæ, inque aqua calida projectum, vt saccharum vel sal aliquod dissolubile, vbi verò aqua refrigerescere incipit, separatum ab ipsa, relicta sine sapore aqua, fundum sub priori

forma petit. Alterum verò vt tenuēs arenulæ vel subtile gluten omni fermè sapore carens, qualitate aliquo modo exiccatiuâ, absque vlla etiam acrimonia ac calore, astrictiua est prædictum. Quorum posterius in nulla aqua, siue calida ea sit, siue frigida dissolui potest, sed vt ciuimodi terrestria solent, immutabilem seruat faciem, solumque eandem primò turbidam reddit, postea verò pedetentim fundum repetit. Iuxta hoc discrimen, primum voco tartarum salinum ac solubile, alterum verò argillosum siue arenosum & indissolubile.

Præterea sciendum succos vegetabilium expressos, vtpote vinum & similes alios, non solum segregare ac secernere à se aliquod tartarum, verum etiam tale quoque in se tanquam singularem aliquam substantiam elementarem, quæ præter alias ad illorum succorum sc. essentiam pertineat, in se continere, sine qua nullus vegetabilium succus vel corporalis essentia consistere diu ac perdurare possit. Primum idcirco quod secernitur voco tartarum separatum siue externum, secundum verò subsistens siue internum, quia alias substantias in naturali vegetabilium compositione, à me essentia nomine donata ad finem vsque comitatur; non quidem eâ intentione, ac si ratione qualitatum duo diuersa essent tartara, sed solius ordinis ac scientiæ. Videtur par ratio in solutionibus certis menstruis factis, si præter alias substantias solvendas sal etiam, item sal nitrum, corallia, perla, lapis bezoarticus & alia similia soluerentur, soluta verò per aliquam accidentalem menstrui siue solventis fermentationem vel deficientem menstrui quantitatem aut alias ob causas pars aliqua salis vel coraliorum à liquore segregata, relicta reliquâ portione liquori permixta, vasis fundum peteret, hoc separatum sal vel corallia ratione suarum qualitatum reuera nihil diuersum essent ab illo, quod remansit

liquori permixtū, si modò quodlibet in suo proprio esse sine commixtione aliarum rerum consideretur ac comparetur.

Tandem etiam dantur fœcātā, quòd fœcum instar ac terrestris alicuius spumæ à vegetabilibus separentur, proueniuntq; ex pinguedine terre vel aquæ, quæ tamen ab iisdem in fermentatione succorum rursus segregantur. Similiter etiam inueniuntur tartara peregrina siue aduentitia, terrena ac mineralia coagulata, quæ vegetabilia, pro loci natalis diuersitate, ad se alliciunt, nec omnimodè eadem à se abijciunt, sed ratione materiæ semper aliquid de iisdem sibi reseruant ac retinent; Hincque desumitur ratio, quòd tanta interdum frumentorum, vinorum, fructuumque non solum sub vno eodemque climate, verum etiam non longè à se inuicem distitis locis crescentium sit qualitatum ac bonitatis disparitas ex aduentitia aliqua materiæ prauitate solum profecta: Non minor etiam est tartarorum differentia ab illis vegetabilibus, quæ proueniunt in excultis agris ac bene iteroratis, desumpta, & ab illis, qui in contrariis. Hujusmodi verò tartara & excrementitias superfuitates quilibet Medicus à veris naturalibus, essentialibus ac vtilibus vegetabilium tartaris distinguere ritè sciat.

Sed quærat quispiam, vnde rerum tartarum oriatur, quareve nullum vegetabile carere hoc possit. R. Ante omnia consideranda esse essentiam ac naturam duorum inferiorum elementorum, terræ sc. & aquæ, vnius, vt matris, in cuius vtero vegetabilia crescant, vigeant, cuiusve maternâ prouidentia alimententur, alterius, vt sedulæ ac vigilantis nutritricis, cuius curâ lactentur, humectentur & ad augmentum promoucantur. Ast non tam vilis in se ipsa est qualibet fertilis tellus, quam leuem illam plurimi stupidi ac bardi existimant, fœtus eius, gramina sc. arbores, flores ac fructus, nubilis mentis oculis

aspicientes, sed nobilius quippiam in ea reconditum latet, est nempe illa mater tribus diuersis substantiis, aquâ sc. oleo & sale repleta, hæque substantiæ absque vlllo labore ac difficultate à quolibet fertili solo separari ac actu ipso oculariter demonstrari possunt, & ita quidem, vt reliquum terræ quod relinquitur, nisi aliis terris vel aquis aliis in locis associatum pristinas suas substantias recuperet, ad producendum aliquod semen prorsus sit ineptum nullarumque virium.

Similiter etiam simplicissima licet appareat, præsertim pluvialis vel roris aqua, quâ terra humectatur ac irroratur, in se ipsa tamen ita est composita, vt, etiam si nihil aliud, quam aquosa humiditas oculis nostris occurrat, nihilominus tamen in eadem, oleum, sal ac terra lateant, quæ tria sine alio aliquo additamento ab ipsa separari arte atque in propriis suis receptaculis asseruari possunt. Cùm itaque in his duobus elementis substantiæ hæ, tanquam in centone composito inueniantur, ipse etiam aër (quo sine nulla creatura aut crescere, vel viuere aut respirare potis est) has licet in forma subtilissima, in se contineat substantias; vt iam de sole nihil, vtrum ille de se his inferioribus quippiam communice, vel in inferiora corpora imprimat, siue complexionaliter tantum operetur & prædictas substantias calore ac motu suo quasi exsuscitet, vel vtrumque perficiat, litem hanc, pro nunc, non faciam meam. Quia etiam vegetabilia huius substantiarum triados beneficio ac nutu augmentantur, aluntur ac corporaliter nutriuntur, concludere infallibiliter licet, non solum harum esse participia, verum etiam essentialem illorum ab iisdem dependere consistentiam. Quod experientia in anatomia vegetabilium ad oculum demonstrat.

Quòd si hoc verum vt est verissimum, manifestum ergò est, quæ & qualia

sint tartari huius subiecta & materialia principia, terram scilicet esse & entium sal conjuncta & coagulata, reique veritas primum ex sicca illorum terrestreitate ac grauitate, dein ex ipsa etiam probatione chymica, clarè elucescit. Quod verò in tartaris quippiam etiam inueniatur olei & aquæ, hoc ex mixtione prouenit naturali &, quam habent cum aliis reliquis substantiis, familiaritate. Vt enim nulla terra sine aqua, sale & oleo, nulla aqua sine oleo, sale & terra, nullusque sine terra, aqua sale & oleo esse acèr potest, & in quolibet licet elemento entium aliquod prædominari videatur, ita etiam in tartaro terra cum sale licet prædominentur, nihilo tamen minus aliquid etiam aquæ ac olei in eo, vt dictum, delitescit; Si de tartarorum essentialium naturalem vegetabilium compositionem ingredientium discrimine sit sermo, hoc non solum ex dispari quantitate terræ, salis, olei & aquæ, quæ inter hæc esse solet, prouenit, sed præcipuè ex occultâ operatione Archæi naturæ, qui, sicut quodlibet simplex pro inscrutabili ac incomprehensibili Dei prouidentia, è communi siue vniuersali ac elementari substantia peculiariter format, figurat, signat, colorat, gustu & odore quodlibet beat, ita ab eodem etiam tartara & aliæ substantiæ, pro diuersitate entium discriminantur. Omnipotens enim creator multa mysteria in naturalibus nostris oculis mentique recondita voluit, ne, si reuelaret, eadem nihili floccique æstimando, superbiores ac tumidiores efficeremur, sed in perpetua potius humilitate Creatorem in creaturis admiraremur veneraremurque. Quælibet enim minutissima etiam herbularum abjectissimique vermiculi præclarissima nobis cum sint specula ac subiecta in quibus omnipotentiam Creatoris satis sufficienterque admirari possimus ac in eorundem contemplatione omnium hominum sapientia

fiat stultitia, omnesquæ subtilitates, vanitates, sicque reapse miseri experiamur nostra omnium ingenia in hisce indagandis plurimum hallucinari ac in inuestigandis ac perserutandis prorsus cecutire.

CAP. III.

De vero vini tartaro, eiusve ac sæcum differentiis.

Cum de tartari nomine, eius differentiis, subiectis, & ortu generaliter hæctenus à nobis quippiam dictum sit, nunc ad specialia transeundum ac de variis tartarorum essentiis, qualitatibus, extractionibus, præparandi modis ac vtilitatibus dicendum restat.

De tartaro itaque vini, vtpote magis cognito & in medicina maxime vtitato, ordiemur.

Nulla sub sole crescunt vva, quæ non post expressum succum multique in doiliis allervari absolutam fermentationem, si non subitò post hæc, successiuo tamen tempore, duplex deponant & à se abijciant tartarum. Primum dicitur à materia terrestri tartarum sæculentum, vulgari verò nomine vini sæces. Secundum, quod deliorum fundo & lateribus lapidis instar adhærescit, hoc illud ipsum est tartarum, quod Germani vocant *Beinsein*. Hæc duo ita sunt commixta, vt tartarum sæculentum semper quippiam de vero tartaro in se contineat, tartarum verò terræ sæcum sit particeps. Præterea, in hisce duobus aliqua etiam venit notanda differentia, quod sc. in sæcibus tenuibus, humiditate earundem non omnimodè absumptâ, bona imò major, pro mensurarum proportionem, spiritus vini portio, quàm in ipso vino reperiatur, quod in tartaro neutiquam inuenitur. Duplex itaque harum sæcum vsus esse potest; primus est, quod exinde destillatione eliciatur vini spiritus, secundus, quod ex capite

mortuo formentur globi majores exsiccandi & in cineres comburendi, ex quibus cineribus alba producitur instar tartari calcinati materia, quâ tinctorum in Italia, Gallia, & aliis regionibus viniferis maximo suo commodo uti fruique sciunt.

C A P. IV.

De electione tartari.

PRO diuersis, quibus vina eorundemque; fœces ac alia quæ se tartaro per accidens associant superfluitates tinctæ sunt coloribus, diuersæ etiam sunt ac variorum tartarorum species. Aliâs n. id, quod pro vero ac utili tartaro haberi debet, eâ, quâ paulò post sum demonstraturus ratione, per & in se ipso semper albicat: Non minor est etiam disparitas ratione quantitatis ut & qualitatum & quidem passivarum, quod omne cuiuslibet in arte exercitato artificis satis sufficienterque cognitum.

Optimum autem tartarum ab omnibus tam Medicis quam Chymicis unanimi consensu habetur illud, quod continuâ serie coagulatum dolij lateribus aut fundo eiusdem in longitudinem protensum adhærescit, maximè est ponderosum duritieque sua non cedit lapidibus, ab eaque, quâ vinum tangit parte, plurimis apicibus adamantinis instar acuminatum splendet, quodque contractum, non apparet instar spongiæ porosum aut terrâ refertum, sed substantiâ suâ est solidissimum, contrita etiam minutissima eiusdem particula ex tempore cretæ similis candescit. Has notas habent omnia illa, quæ à vinis rhenanis colliguntur tartara, quæ etiam cæteris, quando crudis uti voluerimus, longè præferenda.

C A P. V.

De tartari crudi utilitate ac qualitatibus in medicina.

TARTARO hoc non solum auri fabri, vitriarii Veneri siue crystallopori, serici item tinctorum alique artifices mechanici pro cuiusque artificio diuersimodè vuntur, verum etiam maxima eiusdem est in medicina utilitas, vnumque est ex illis medicaminibus, quæ diuersi donata sunt qualitatibus contrariosque habent effectus. Nam quoad subtilem, acidiusculam ac penetratiuam, quæ in ipso latet, substantiam, non multum dissimile est frigide & siccæ qualitati, ut & subtilitati optimi ac purissimi aceti, quâ linguam aridam recreat, sitim à causa calida excitatam restinguit, fervorem ac bullitionem bilis reprimat, appetitum reuocat, dolores ventriculi sedat, viscidos tenaces ac mucilaginosos humores attenuat ac resoluit, interiorum viscerum obstructions reserat, aliosque producit effectus aceto familiares. Deinde ratione qualitatum calidarum ac incisoriarum salis, quæ in aciditate tartari latitat, & acrimonia, obferato in corpore à materia frigida exortos flatus, non solum melius discutit, verum etiam omnis generis crudos tartareosque humores incidit, & alio quouis medicamine feliciter ac commodius blandissimè educit. Hæcque est causa, cur plurimi è dogmaticis medicis hoc tartarum ita extollant, idque lenientibus ad acuemdam eorundem energiam stimuli loco felicissimo successu admisceant, cuius rei exempla habemus in Pharmacopœa Augustana, ubi longo vsui ac experientia comprobatus reperitur pulvis senæ, præparatus Montagnanæ, inibique à Medicis Angustanis descriptum ac multis nominibus recommendatum tartarum. Tartarum verò hoc excellens etiam ac utile

esse purgans medicamentum, præter alia exempla, meo idipsum proprio sanctè attestari ac affirmare possum. Cum enim in iuuentute mea per quinquennium passionis colicæ multoties miserimè dis cruciarer, nullisque medicamentis aliâs maxime iuuantibus ab eadem liberari ac curari possem. Singulari eijusdem magnarum qualitarum patriâ Lucensis in Italia senis consilio 3vj subtilissimè puluerfati crudi tartari assumebam, cuius effectus, aliorum omnium ante assumptorum purgantium longè erant excellentiores. Hoc enim assumpto in longum & quidem inconsumptum tempus cessabant accerrimi cruciatus, redeuntibus verò iisdem, reiterando huius usum immunem à tantis ærumnis per biennium vivebam vitam. Ast aliquando ad perstrenuum vocatus virum Dn. Zachariam *Geirzkopfflern*: Equitem auratum & S. R. I. ab ærario p. m. podagra in arce sua *Hamsheim* laborantē, multò atrocius quam hætenus vnquam cum prædictis doloribus torquerer, tentatis aliquot, quæ ad manus erant, tam internè quàm externè, sed frustra, remediis, recordabar vsus mei tartari, ac tum temporis offerebatur quippiam tartari à vino Vngarico separati, cuius non considerata eiusdem impuritate, nec quam habet, cum vino Rhenano longa disparitate, ex tempore prædictam dosim cum brodio carnis absque vlllo alio additamento assumebam, quo satis benignè aliquot vicibus sum motus, materiaque peccans exoptatè expulsa, ita quidem, vt ab acutissimis hisce doloribus plenariè liberatus, nihil amplius de tantis cruciatibus viginti nunc sex annis perceperim & diuina gratia ab eo tempore satis placidè vixerim. Quam mihi factam allevationem, meo quidem iudicio, ascribo remotioni causæ per tartarum factæ, quia tantas passiones à viscosa, tartarea ac frigida in intestinis collecta ac iis tenacissimè adhaerente materia progenitas certò cre-

debam, quam materiam tartarum præmemorata sua qualitate resolutam ac attenuatam, eliminavit, quod aliis medicamentis fuerat impossibile, vti remota ex fundamento causa materiali, remotum etiam sit exinde natum accidens. In hisce & aliis morbis à prædictis causis æ flatibus ortis plurimis eiusdem usum consului ægrotis, laudandosque semper, quos præstitit, sum expertus effectus, nihilque quod remorari usum ejusdem possit, inuenio, nisi quod fortè delicatulis ac nauseabundis molesta sit nimia eius dosis, assumendum enim, quando absque vlllo alio additamento ac stimulo, verè purgantis munere fungi debet ab 3ß ad 3vj & 3j.

Optandum itaque esset, vt purgans eiusdem facultas in minorem reduci posset quantitate. Hætenus autem exoptatam adire non licitum fuit Corinthum, aliis etiam præclusum inuenio aditum.

Quorum etiam aut avaritia aut dura paupertas in pretiosa medicamina impendere nummos prohibet, his conueniens ac vtilis preparari potest potiuncula purgans hunc in modum:

℞. fol. sen. s. st. 3ß

Sem. anisi 3j.

Tartari crudi pulveris. 3iij
coq. inf. q. aquæ, colaturæ adde parum sacchari ad conciliandam gratiam.

Hanc potionem ægrotus manè quatuor ante prandium horis ebibat calidam, Ingredientium etiam dosis pro ægrotorum purgandorum diuersitate augeri minuiue potest.

Potiuncula hæc omnes adustos, tēnaces, viscosos, cuiuscunque etiam sint naturæ, nociuos humores per aluum clementissimè educit, hepar & lien obstructa liberat, vrinam pellit omnesque flatulentas materias potentissimè discutit. Externus eius vsus singularis etiam est in tumoribus flatulentis, & oedematosis,

quos, si aliis calidis conuenientibus permixtum applicetur, valentissimè discutit & absumit. Ex his itaque videre licet, tartarum hoc non tam vtile, vt quidam stolidè sibi imaginantur, sed nobile esse corpus ac pretiosum, in quo perpulchra sane inferius manifestandæ qualitates occultentur.

C A P. VI.

De purificatione tartari Rhenani.

Tartarum Chymici (qui vtilem rerum curiosè rimantur ac quærunt nucleum ac exinde medicamenta simplicia ab impuritatibus, quibus è matris suæ gremio referta prodeunt, maximà sedulitate ac studio liberant, vt illeque ab inutili segregant) quod è scriptis illorum, vbi de tam multis ac variis substantiarum tartari præparationibus egèrè, manifestum est, nullo modo obliuione præterierunt.

Eius autem purificatio variis perficitur modis; Aliquibus enim placet ac aridet hæc conficiendi ratio: Tartarum crudum crasso modo contusum aquâ simplici aliquoties lauant, deinde adjectâ aquâ fontanâ limpidissimâ in vase figulino vitreato vel lebeæ æneo intus stanno obducto, horæ vnus spatio sensim ac sensim ebullire sinunt, & remoto ab igne lebeæ frigidiori loco exponunt, super cretcentem glaciæ instar cuticulam ligulâ collectam exiccant: Coctionem hanc tam diu repetunt, quam diu cuticulam supereminere vident, quæ per se exiccanda atque ad vsum referuanda, sicq; præparatum tartarum dicitur cremor tartari. Alij decoctum tartari feruentissimum in vas figulinum purissimum, cuius in medio bacilli in forma crucis sunt firmati, effundunt, aëriq; frigido exponunt, donec pars tartari crystallorum instar bacillis immissis adhærescat, quos ab ipsis separant & crystallos tartari nominant:

Qui verò crystallos hosce magnos satis ac candidos (processus enim sunt varij ac multiplices) præparare ritè nouerit, is summum se inuenisse arcanum existimat.

Videatur licet rationè formæ externæ inter hæc duo aliqua differentia, neutrum tamen præ altero ratione naturæ ac efficaciæ aliquam habet prærogatiuam, sed ratione essentiæ vnum sunt & idem, nihilque aliud, quàm purificatum & à crassa sua terrestreitate liberatum tartarum, non verò talia corpora, vt chymicorum quidam falsò sunt opinati, quæ diuersæ essent à tartaro productæ substantiæ, cum tamen pura tartari substantia totaliter in hanc formam redigi possit. Cum verò processus huiusmodi sint nimis prolixi ac tædiosi valdè, eosdem relinquendo, scopum rei propositum ad ipsam scilicet purificationem me conuerto eandemque principaliter observo, sequorque alium non solum modò faciliorem, sed meliorem etiam processum, qui talis.

Purificatio tartari.

Tartari optimi, candidissimi Rhenani vel alterius etiam sumitur q. placet, reduciturque in subtilissimum cribro trahendum pulverem; huic aquæ calidæ bona affunditur quantitas, agitur spatulâ lignæ & donec in totum refrigerit (ne de aciditate quid pereat) in aëre relinquitur frigidus. Dehinc glutinosa materia, quæ sub illa natat, simul effunditur. Lotio hæc ter, quater vel pluries repetenda, donec tartarum arecæ instar, purum ac subtile appareat. Quâ lotionem præmissâ tartarum in mundam projicitur dicotam, affunditur aqua feruentissima, agiturque vt supra optimè spatulâ lignæ, sicq; pars tartari in illa liquecet ac dissolvetur, acidumque aqua acquirere saporem; Hoc peracto ad manus sint duæ, tres vel plures, pro percolandæ materiæ

quantitatē, manicæ Hippocratis, quæ supra vasis figulinis optimè vitreatis collocandæ, per quas fermentatissima aciditate tartari imprægnata aqua ex tempore trajicienda, & si fortè à principio illa subcitrina transeat, ex vase subitò effundenda ac rursus percolanda, donec per manicam siue colatorium mucilagine tartari obstructum pura ac crystalli instar pellucida perfluat, quæ colatura ad finem vsque vt nihil amplius aquæ supersit, continuanda. Repleto etiam vno vase frigidoque exposito aëri, aliud in locum substituat, & si aqua hæc acidiuscula à tartaro per inclinationem sequestrata, tota fuerit trajecta, alia, residuo tartaro (quæ actu calens in promptu sit) iterum affundatur, agitur, & si paululum quiescit, per manicam Hippocratis ad reliquam percoletur, hincque processus tantisper reiterandus, donec omne tartarum in dycota ab aqua calida sit dissolutum consumptum & colo trajectum, nihilque nisi arena omni carens aciditate ac prorsus irresolubilis restit, quod exinde etiam nomino tartarum arenosum: Hoc processu habebis tartarum acidum, verum & vt deest purum per manicam Hippocratis colatum.

In hac præparatione autem duo veniunt obseruanda. 1. Vt solutio fiat aquâ feruentissimâ, & quidem, quantum possibile, celerrimè percoletur. 2. Si colatoria, vt liquor non conferim, sed guttatim tantum transeat, sint nimium obstructa, illa feruente aquâ in peculiari aliqua dycota à tartaro ac mucilagine sunt liberanda ac mundificanda, pristinoque labori, quàm diu iisdem indigerimus, accommodanda. Si itaque percolata aqua tartaro imprægnata verè refrixerit, candidissimus cremor non solum supernatabit, verum etiam bona splendentis materiæ pars congelatæ instar niuis in fundo residere videbitur: De hac prædictus cremor, ubi seorsim eundem colligere cuipiam pla-

ceat, primum separat. Sin minùs, spatulâ leuiter remotus cremor cum materia in fundo residente colligitur, dein aquâ purâ ab iisdem segregata, materia albicans colatorio lineo, vt residua aqua guttatim transeat, inditur, vel manibus expressa, super puro ac subtili linteo vel papyro rarissimè dispersa solis vel fornacis calore exsiccat. Hoc processu ritè obseruato, candidissimum ac optimè depuratum, iisdem etiam prorsus, quibus alia maximum laborem requirentia tartara, virtutibus ac qualitatibus prædictum habebis tartarum, cuius plus quadraginta lib. 2. dierum spatio poteris præparare. Imò, quod majus est, si tartaro hoc purificato sub forma cremoris vel oblongiusculorum crystallinorum lapillorum delecteris, breuissimis horis in hanc, quæ iuuat, formam transmutari idem ac redigi potest, hocque commodius, quàm tartarum crudum. Cùm verò formulæ hæc parum ad rhombum faciant, ac ipsam etiam tartarum crystallatum, nisi prius subtilissimè fuerit contritum ac puluerisatum, difficilimè in aquis, decoctis aut infusionibus possit dissolui, ideo vanam hanc curiositatem relinquens, prædictum purificatum tartarum super porphyrite vel in mortario marmoreo tam diu, vt subtilissimum ac candidissimum cerussæ instar venetæ euadat, contero, quod ad usum in vitris reconditum asservo, hancque exinde colligo vilitatem, quod illud in omnibus calefactis liquoribus sacchari instar faciliè dissolvatur, nec ulteriori puluerisatione indigeat.

Quid acidum tartari.

PRæparato hoc tartaro nomen impono acidi tartari præparati, vel tartarum id voco depuratum, quia qualitatibus suis ac probationibus igne peractis crudo tartaro respondet, nec aliud est hic diferimen, quàm ipsa (vt ita cum artificibus

fecibus loqui liceat) qualis cum saccharo fit, refinatio siue purificatio. Omne namq; saccharum siue purum sit siue impurum, primum sacchari nomen retinet, cognomenque solum refinitum à non refinito distinguit saccharo.

Tandem denique hic etiam obseruandum, quod si forte tartarum semel percolatum in fundo residens præter spem ac voluntatem non satis esset candidum, pro secundo illud aquâ prius feruentissimâ dissolutum, summo studio esse percolandum, tunc habebitur purissimum ac candidissimum, hæcque purificatio breuiori quàm prior absoluitur tempore, vel etiam tartaro si subtilis aliqua flaua simul cum ipso transiens associata esset materia, quod ex flauo aquæ colore, quæ semper, colatorium arctissimâ licet sit texturâ, talis apparet, videre licet, huic vitio ita occurrendum. Tartaro crudo pulverisato, loco aquæ simplicis (vt supra) affunditur lixiuium forte ex cineribus sc. clauellatis, vel alio viliori tartaro adusto, materia probè agitur ac per integrum diem ita servatur, postea nigrum illud lixiuium cum impuritatibus decantatur, tartarum que frigidâ aliquoties eluitur, ac, vt supra dictum, proceditur. Hocque modo tartarum candidissimum ab omnibus impuritatibus fit liberum & immune.

C A P. VII.

De tartari rubri, aliorumque purificatione.

Cum non quælibet tellus ferat quodlibet, nec vbique locorum eiusdem cum Rhenano qualitatibus reperiantur tartara, ideoque, quo iisdem succurri possit artificio, sciendum.

De tartaro itaque rubro præcipuè verò illo, quod ex Italia ad nos deferretur, ac à verè rubro vel potius rubido vino segregatur, viliorisque est pretij ac tincto-

Ang. Sala,

ribus maximè vsitatum, scias, hoc ipsum præ reliquis omnibus in candidissimum redigi arte posse acidum tartarum. Cum verò vina rubella aliis magis sint terrestria, neque fortassis tam citò à fecibus suis segregentur vt Rhenana, ideoque in huiusmodi tartaris plurimum mucilaginis ac terreitatis, parum verò candidi vt in rhenanis, inueniri potest. Nihilominus tamen hoc ipsum albedine, virtutibus ac qualitatibus Rhenano ne latum quidem vnguem cedit,

Depuratio eius, eo modo, quo superiori capite indicatum, fieri solet, id solum obseruandum, crebrioribus aquæ simplicis, remoto lixiui, lotionibus à nimia sua impuritate, mucilagine ac inutili terreitrate, quoad tartarum rubicundæ arenæ instar remaneat, esse purificandum, à quo deinde candidissimè splendens, subtile, acidiusculum ac gratum tartarum separari possit. Si verò præter hoc ab aliis etiam impurorum tartarorum generibus puri quippiam ad vsum hominum conducibile speramus, illa prius, vt dictum, ad obtinendum scopum, lixiui sunt solvenda. Hicque optimi ac certissimi modi sunt ac processus, quibus celerimè omnis generis tartara purificari rectè ac refiniri possunt.

C A P. VIII.

De qualitatibus ac vtilitatibus acidit tartari.

Tartari purificati qualitates conueniunt ingenere cum crudi, quarum supra mentionem fecimus, qualitatibus, solaque illud ab hoc puritate differt, maiorique subtilitate ac in operando fortitudine, tutiorque eius, si præsertim crudum exquisitè pulchrum deficiat, solet esse vsus, experientiaque sum edoctus tartarum vtrumque tam album quàm rubrum, modò eadem, vt dictum, ritè sint purifi-

cata, æqualium esse virtutum æqualiumve operationum, nec, quod à rubro provenit, magis alstringere, quam quod ab albo, hocque informationis ergo illis dictū volo, qui de hoc ipso plurimum dubitant.

Virtutes verò ac utilitates huius medicaminis, omnibus medicis iam dudum notissimæ, sunt excellentes, inseruitque contra omnes obstructions hepatis, lienis, mesenterij, renum, aliarumque parium, stimuli loco simplicibus leniter purgantibus, vt foliis senæ, rhabbaro, mechoacannæ, cassiæ, &c. vt supra de essentis purgantium & alibi monui, additur, & quod singularem in eo laudem meretur, corpus non calefacit, eiusve qualitates ita sunt temperatæ, vt vsus illius tam in calidis, quam frigidis sit commodus ac tutus affectibus.

Dosis & vsus acidi tartari.

Dosis eius est à ʒß ad ʒj, pro necessaria constitutionum corporum aliarumque circumstantiarum exigentia; exhibetur in aquis destillatis, brodio carniū, decoctis, infusionibus, prius verò calefactis, dissolutum. Misceri etiam pro arbitrio Medici potest cum conseruis, electuariis & pulveribus, concinnari ex eodem etiam possunt morsuli, quorum exemplum hic apposuimus.

Confectio diatartari simplex.

- ℞. Sacchari albissimi ʒviij
Acidi tartari preparati ʒij
Elæosacch. de corticibus limon. ʒß
Aq. rosarum q. s. F. L. A. morsuli in hunc subsequenter modum.

Saccharum subtilissimè pulverisatum cum mucilagine tragacanthi: aquâ rosarum extracta, admixtis tartaro ac elæosaccharo, P. L. A. morsuli per se in pura charta siccandi: Hoc modo sapor olei limonum fortior remanet, quam si elæo-

saccharum calefacto admiscetur saccharo ante morsulorum confectionem, quod superior processus innuit. Melior enim ac subtilior olei limonum pars calore sacchari ab igne semoti absumitur.

Elæosaccharum de corticibus limonum nihil aliud est, quam subtilissimè pulverisatum saccharum oleo de corticibus limonum stillatio q. sinebriatum ac ad vsum reservatum. Harum autem ex omnibus subtilibus aromaticis oleis conficiendarum mixturarum modum, cum annexa commoditatis causa, in mea vegetabilium essentiarum anatomia docui.

Morsuli hi gratiosâ suâ aciditate ac si ex recentissimè expresso limonum succo essent facti, gustui sunt gratissimi. In febribus acutis, ardentibus & malignis sitim agrotantium restinguunt, cor & ventriculum roborant, humorum malignitatem ac putredini resistunt, vomitum nimium compescunt, appetitum excitant, aliosque præstant utilitates, quarum variis in meis scriptis de acido tartari mentionem feci, oculisque demonstraui.

De his morsulis frustellum aliquod tam diu, donec totum sit consumptum in ore teneatur, idque toties, quoties, in febribus præsertim acutis ac malignis necessitas postulauerit, repetatur. In morbis autem chronicis ad referenda membra principalia & præparandos ad expulsiōnem tenaces humores aliosque vsus similes, agrotus manè jejuno stomacho eorundem deglutiat ʒj vel ʒij superbibendo brodium gallinæ recens vel carnis arietinæ, inprimis quando medicamini per angustos est transeundum hypochondriorum meatūs ac tenaces sunt dissolvendi humores.

Acidum tartari chalybeatum.

- ℞. Acidi tartari preparati ʒiiij
Magisterij chalybis virioli. ʒij.
Magisterium in ʒij aq. fumarie dissolvenda.

dum ac in mortario vitreo cum acido tartari in forma massæ incorporandum, ac ut ante incorporationem fuerat, acidum tartari puluerisandum, additoque pro aromatizatione cinamomi oleo, totus absolvitur labor.

Vires, Dosis & Vsum cum cautelis, vide inferius in spagirico auctoris thesauro, ubi hæc ipsa prolixè inuenies tradita sect. I. n. 3.

Quid sit magisterium chalybis vitriolatum?

Magisterium hoc chalybis vitriolatum est coloris viridiusculi, ex chalybe refinato siue optimè repurgato ac spiritu vitrioli per solutionem ac coagulationē rectificati arte spagirica præparatum medicamentum, quod præter fortem saporem, singularem etiam quandam in se habet dulcedinem.

Aloedarium Tartaro-violatum.

℞. Aloës lucidæ optimæ grossò modo pulverisatæ ℥ij. dissolve in ℔iij infusi violati de tribus, ut in anatomia mea vegetabilium essentiarum docui, & per pannum laneum in scutellam figulinam optimè vitreatam (cauendo, ne quid in panno, nisi parum arenæ, quod interdum commixtum cernitur, relinquatur) calidè exprimatur. Hæc materia, fac in B. roris euaporet ad consistentiam picis naualis, dein additâ præparati acidi tartari ℔ß, pistillo ligneo tam diu agita, donec materia iustam acquisiuerit consistentiam pilularis massæ, & cum refrixerit, adde ʒj Elæosacchari cinamomi recentis, seruaque ad vsum.

Vires.

Hæ pilulæ omnibus iis affectibus sunt conducibiles, quibus aloës violata vel balsamus aloës fertur utilis. Ratione autem tartari, pro incidendis tenacibus,

lentis ac crassis humoribus, iisque educendis fortioris ac penetratiuæ magis sunt qualitatis, blandissimeque suam operationem perficiunt.

Dosis & Vsus.

Hæc massa datur à ʒj ad ʒj secundum proportionatum humorum purgandorum quantitatem & copiam ac ut aliis pilulis, iisdem vitur.

Diatartarum purgans.

℞. Fol. sen mundat. ʒij

Rhabarb. seletill. ʒj

Aq. fumaræ ʒxxx

Refundantur in vase vitreo benè clauso in Balneo Mariæ modicè calente per horas vj. coletur postea, & addantur

Sacchari refinit. ʒv

Pulpæ cassiæ recent. extr. ʒiij

Essent. prunorum Damasc. ʒij

Rad. polypod. q. recent. ʒvj

Violar. cærul.

Rosar. rubr. ana ʒß

Glycyrrhizæ ʒij

Acidi tartari præpar. ʒij

Elæosacchar. anisi ʒj F. L. A. Elect.

Vires.

Electuarium hoc pro educendis noxiis humoribus, tartareis que & tenacibus è ventriculo, hepate, liene vicinarumque partium eliminandis materiis certissimum ac blandissimum est medicamen.

Dosis.

Datur ab ʒß ad ʒvj & ʒj in appropriatis liquoribus pro arbitrio Medici dissolutum. In casu etiam necessitatis, ubi fortiora purgantia necessariò requiruntur, electuarium hoc resinâ scammonij essentia turpethi, colocynthidis, vel aliis electiue purgâtibus specificè humoribus

euacuandis accommodatis , pro lubitu Medici, acui potest.

Pulvis phlegmagogus.

℞. Acidi tartari præparati
Hermodytyl. mundat. ana ʒij
Turpethi albi mundi ʒvj
Resinæ scammon. ʒij
Elæosacch. Caryophyl. ʒj
F. pulvis f. a.

Vires.

Pulvis hic omnis generis phlegmata ac serositates expurgat, in primis verò singularis eius vsus est contra apoplexiam, epilepsiam, catharos, dolores arthriticos, vt chiram, ischiadem, Gonagram, Podagram, morbum gallicum aliosque affectus, qui catholicis indigent purgantibus, pulvisque hic absque omnibus ventris torminibus secessum blandissimè mouet.

Dosis & vsus.

Fortioribus communiter exhibetur ʒj, debilioribus facillimeque alvi hominibus verò, minus. Offeritur tempore matutino cum brodio carnis calido, decocto hordei, vel etiam, præsertim verò iis, qui temperamenti sunt frigidi ac phlegmaticæ constitutionis, cum potiuncula vini. Quibus verò ob peculiarem quandam viscerum intemperiem calidam sc. & siccam, vel nimium hepatis calorem, hoc & similia alia purgantia calida & sicca in forma pulveris exhibita in ipsis viis remouantur, iis, præter hunc pulverem ʒj ad ʒij syr. viol. vel mannæ calabr. in brodio carnis dissolutæ aut ipse pulvis conf. ros. incarnatarum mixtus deglutendus exhibeatur. Huiusmodi enim humectantia in his similibusque constitutionibus mirum in modum medicamenti huius promouent operationem.

Pulvis Hydragogus.

℞. Acidi tartari præpar. ʒij
Guttæ gummi more meo depur. ʒj
Mastich.
Spicæ indic. ana ʒiij
Elæosacch. sem. ceref. ʒj M.

Vires.

Pulvis hic omnis generis serosas aquositates cum euphoria educit, pellit vrinam, conclusos discutit flatus, primariò autem conducit hydropi, tympanitidi, tumoribus externarum partium œdematosis aliisque è serosa colluvie pro natis ægritudinibus.

Dosis. Datur huius pulveris ʒj. ʒß & ad summum ʒij in appropriatis vehiculis, vel in forma Electuarij, potionis aut quacunque, pro cuiusque benèplacito, forma alia, hæc tamen observatâ cautelâ, vt accommodato tempore, præparatâ scilicet ad eductionem materiâ, id fiat.

De præparatione gummi guttæ egi in anatomia mea essentiarum vegetabilium.

Passula purgantes cum tartaro.

℞. Fol. sen. orient. mundat. ʒij
Aq. agrimon. ʒj. ʒiv.
F. infusio in vase vitreo bene clauso
s. a. colaturæ adde
Passular. corinth. mundat. & lotar.
ʒiiij
Sacchari albi ʒij
Acidi tartari ʒvj

Passulæ in expresse succo ad turgescen-
tiam lentè coquantur, exemptæ dein in
patina terrea reponantur, restitans verò
liquor cum saccharo ad syrupi consisten-
tiam coquatur, superque passulis funda-
tur, quâ facta affusione, acidum tartari
subtilissimè instar farinæ tritum admi-
sceatur, additis etiam ʒj. guttulis olei

anili stillatitij: in vitro conseruis aliàs destinato summo studio asservetur.

permiscentur, leuiter in mortario vitro agitantur & in vitro optimè prius cooperto ad vsum seruantur.

Vires.

Passulæ hæ corpūs ab omnibus noxiis crassique humiditatibus in ventriculo circumjacentibusque partibus stabulantibus absq; vlla molestia liberant, internas etiam hepatis, lienis, aliarumque partium obstructions referant, flatus discutunt, vteretres purificant, securissimus insuper, propter effectus, quos in infantibus præstant, eorundem est vsus. Inprimis verò excellens sunt medicina iis, quibus conclusa est alvus, vnde euaporationes calidæ, capitis dolores aliaque innumera sæpe sæpius exoriri solent symptomata. Maxime etiam conducibiles sunt pro soluenda ac humectanda ægrotorum aluo in lue venerea, sudoriferis eliminanda.

Dosis & vsus.

Dosis harum passularum est cochleare vnum, plus minus, pro ratione assumentis, paulò ante prandium. Hoc siquidem tempore felicius, quàm alio operantur, ac plerumque tam spumantes ventosas cruditates quàm alias tartareas materias expellunt, quibus æpulsis, ægroti, præsertim verò hypochondriaci grauissima ventosorum symptomatum sarcinà se liberatos sentiunt.

Pulvis Diartartari stomachalis.

℞. Acidi tartari præparati ʒij

Fæculæ aronis -

Rad. pimpinel. Hircin. ana ʒj

Elæosacchari cinamomi ʒss

Radices pimpinellæ densæ satis, ab omni impuritate liberæ, singularique studio exiccata, subtilissimè puluerisatæ ac per cribrum trajectæ requiruntur. Ac tunc omnia secundum præscriptam dosin

Vires.

Compositio hæc, licet propter ingredientium paucitatem primo intuitu vilis admodum & nullius videatur momenti, scopo tamen, cuius gratia est inuenta, tam æque est conueniens ac salutaris, quam aliud quodpiam multis constans ingredientibus medicamentum stomachicum, lenta enim, tenacia, viscosa frigidaque in pectore, ventriculo aliisque locis hærentia phlegmata incidit, resoluit, obstruetaque exinde membra referat, refrigeratum ventriculū calefacit, eiusdemq; vt & laterum ventositates absumit, prostratumque à frigida causa appetitum reuocat, ventriculique coctionem adiuuat ac promouet, inque curandis aliis morbis iisque inueteratis, vt cuilibet prudenti Medico id satis est perspectum, summè vilis eiusdem est vsus.

Dosis & vsus.

Pulueris huius tempore matutino exhibetur ʒj. vel ad summum ʒj. cum vino, brodio carnis calido, vel calida cereuisia & pro cuiuslibet lubitu parum potest addi sacchari, ex hoc ipso, etiam eo qui subsequitur modo, concinnari possunt morsuli.

℞. Pulv. diartartari præscripti ʒvj

Sacchari albiissimi ʒiiij

Aq. ros. opt. q. s. f. l. a. confectio in morsulis, qui etiam fieri possunt cum tragacantho, eodem, quo supra de conf. diartart. simpl. dictum, modo. Horum singulis manè sumitur vnus vel duo, ac tam diu eorundem vsus continuatur, quàm diu hunc ipsum necessitas exposculauerit; eodem etiam in forma opiata vel electuarij vti fruique licitum, vt;

Electuarium Diatartari stomachale.

℞. Pulpæ cydon. cond.

Myrobalan. cond.

Conf. ros. rub. ana ʒij

Cort. arant. cond.

Zinzib. Chinen. cond. ana ʒj

Contundantur in mortario lapideo & traiciantur per setaceum, deinde cum sacchari fini ʒiiij. & Aq. ros. q. s. coquantur ad consistentiam Electuarij adde

Pulv. diatartari stomach. ʒxviij

Elæosacch. crisp. ʒj. M.

Vires.

Electuarium hoc, excellentissima est pro ventriculo, ad eundem cum pulvere collmans scopum, medicina.

Dosis & usus.

Omni mane nucis moschatae quantitate jejuno stomacho vnicâ vice assumitur.

Plurimis aliis etiam modis tartarum in usum potest venire medicum, breuitatis verò studio hæc sufficiant.

CAP. IX.

De separandis per ignem tartari substantiis, & cuinslibet harum utilitate.

TRiplices præcipuè de tartaro separantur per ignem substantiæ, 1. Acidum phlegma, quod hic nomino spiritum. 2. Oleum. 3. Sal, separanturque sequente modo.

Pro hisce elaborandis chymici plerumque utuntur tartaro crudo, cum verò hoc multis scateat cruditatibus ac impuritatibus, ideoque nec sumptibus parco, nec laboribus, sed ita procedo: Tres reci-

pio libras tartari depurati (hoc est, acidum tartari nondum quidem subtiliter leuigatum, nihilominus tamen probè depuratum ac candidissimum, quod superior processus prolixè satis edocet) has per retortam vitream satis capacem destilloy in arena subtilis & ad latera duos transuersos digitos densa, appositoque excipulo, ignem per gradus lentè gubernoy ita tamen, vt cum retorta materia simul aliquo modo incalascet ac destillare incipiat, primum itaque ignis si cautè factis tractetur, ne tartarum empyreuma redoleat, extillabit acidum phlegma, deinde augetur ignis, vsque dum nebula prodeat sicca, hocque in gradu tam diu persistitur, donec nulla amplius humiditas exeat, tandem adactis ignis gradibus, admixto oleo tam in collo retortæ, quàm in ipso etiam receptaculo densa magis apparebit nebula, hic tandem labor tam diu est continuandus, donec tam oleum quàm nebula extillare cessent. Quibus peractis, instrumentisque refrigeratis oleû ab aqueo liquore beneficio chartæ & filtrationis separatum chartæ adhærescet. Vtraque hæc substantia valdè est turbida grauissimique odoris, illiusque ratione seorsum sunt rectificanda.

Prædictus itaque liquor, illud ipsum est, quod chymici spiritum tartari nominant, & meo quidem iudicio non alia de causa, quàm quia inter destillandum densa & in receptaculo circum volitante nebulâ comitatur, quæ non ab ipsa aquosa substantia, sed ab oleo potius & aliqua in retorta residui vstulati corporis parte tanquam densæ ac fuliginosæ huius nebulæ causis, dependet, vnde etiam absque dubio aqueæ substantiæ acrimonia ac penetrans prouenit qualitas. Quod enim omnibus expertis chymicis est notissimum, omnium substantiarum sulphurearum fuligo, salinam quandam ac acrem sibi semper habet associatam qualitatem. Hæc siue ita sunt, siue non, hunc

nihilominus liquorẽm prãmẽmorato nomine indigitare mihi placuit.

sal tartari siccũ remanebit in vitro scorsim asseruandum.

Rectificatio spiritus tartari.

Rectificatio spiritus tartari, quã ab impuritate ac tetro odore liberatur, licet sit multiplex, communissimus tamen modus est, vt ex Balneo Mariæ terciã vel quartã vice vasa destillationi inferuientia ob adhærescentem grauem saporem optimẽ semper lixiuio forti prius eluẽdo, spiritus destilletur, & guttulę aliquot olei forẽ supernatantes, summã curã sèparentur. Hac ratione spiritus reddetur satis clarus ad vsumquẽ tutus & accõmodus.

Rectificatio olei tartari.

Cũ nigrum chartæ, vt dictum, in filtratione adhærens oleum suos etiam in medicina habeat vsus, ideoque pari ratione etiam rectificatur: Affunditur oleo huic magna aquæ fontanę quantitas ac per Balneum Mariæ destillatur, primum prodibit colore cirrino, postea verò submissiori, residua verò materia cum quadam aquæ particula empyreuma recipit. Hoc oleum ab aqua separatum ac instrumentis, vt supra etiam dictum, probẽ elutis, additã aquã aliquã fragrantẽ, illã inprimis, quæ post olei ligni rhodij destillationem relinquitur, tanquam huic negotio maximẽ vtili, terciã vel quartã destillatione rectificatur. Quantum enim mihi cognitum, vel olei huius vel spiritus, vt grauis eorundem per destillationem acquisitus odor totus periret, impossibilis prorsus esset aliàs rectificatio. In residuo capite mortuo latitans sal tartari ita est extrahendum. Calcina- tur caput mortuum in fornace figulina ad colorem cineritium & feruentissimã aquã fontanã elixiuuiatur, hocque lixiuium vbi clarẽ decantatum in Balneo Mariæ in humiliori cucurbita vel phiala exhalauerit,

Vires & vsus spiritus tartari simplicis.

Prædictus tartari spiritus habet in se egregias qualitates, salinas, quibus incidit, penetrat, attenuat, aperit, resoluit, discutit & purificat, nec sibi exhydroticis par habet. Permeat enim spiritualitẽ vniuersum corpus, membrorumque internorum principalium, vt & venarum obstructions aperit, totiusque corporis habitum ab omni immunditie ac subtilibus superfluitatibus per sudorem & vrinam reddit immunem. Ideoque pro curandis hydropẽ, tympanitide, arthritide, paralyfi, ictero, scorbuto, lue venerea, impetigine, scabie, aliisque cutis impuritatibus, vt etiam in contractura artuum, ex materia flatulenta, humorali ac fluida, non verò tartarea coagulata & in articulis fixa, præter vsualia purgantia & alia, quæ methodus medendi in curandis hisce morbis, requirit tam interna quàm externa medicamina, est ex optimis, certissimis & in qualitatibus suis maximẽ innocuis, quæ in rerum natura huic scopo vtilis inueniri vel arte præparari possunt, spiritus hic primaria medicina reliquisque omnibus præualet.

Dosis.

Propinatur in aquis destillatis appropriatis vel brodiis carniũ, vino, decoctis aut infusis pro iudicio Medici à ʒj ad ʒj plus minus, pro ratione substantiarum, reiteraturque toties, quoties eiusdem vsus repetierit necessitas.

Spiritus tartari compositus siue theriacalis.

℞. Spir. tart. simplicis,
Aq. vitæ iuniperinæ ana ℥ijss
Theriac. Andromach. opt. ʒiiij.

Camphoræ resin. ꝯß

Ol. rad. carlinæ.

rad. petasit.

rad. angelic. ana ꝯß

Camphora primum & olea cum theriaca in mortario optimè mixta, in cucurbita satis ampla, ac, ne quid expiret, probè clausa, superfusis spiritibus lentissimo ignis calore per octiduum digeruntur. Dein liquor hic ad siccam theriacæ in fundo remanentiam in Balneo Mariæ destillatur: Spiritui verò egresso permiscetur ꝯß. spiritus nitri correcti, tingiturque ꝯß. croci orientalis & optimè ad vsum reservatur.

In hac destillatione observandum, si fortè pingue quippiam instar olei supernatauerit, à liquore illud non esse separandum, sed relinquendum ac vsus tempore cum ipso liquore vitrum circumagitantum.

Per aquam vitæ juniperinam rectificatam nihil aliud hæc sub intelligo, quàm è recentibus baccis juniperinis cum malta hordeacea prius l.a. fermentatis & de hinc destillatis, elicitum spiritum, eundemque reposità humiditate remaneat spiritus ardens, optimè rectificatum.

Per spiritum autem nitri correctum volo fortissimum ac ardentissimum illum spiritum, quem plurimi sapientissimi etiam artifices politicis ducti rationibus, alij verò rudi inscitâ ac cecâ ratione seducti reiciunt ac improbant, illeque ex liquefacto nitro cum bolo armena impastato destillatur, & deinde per Balneum Mariæ igne lento cum eadem spiritus vini cretici vel hispanici puri secundâ vice destillati ac rectificati quantitate permiscetur.

Vires.

Spiritus hic pro curandis febribus pestilentialibus, malignis ac contagiosis, conueniente tempore ac occasione talia

alexiteria requirentibus diaphoretica excellentissime est vtile alexiterium. Totum namque corpus humanum penetrat, malignitatemque à corde semotam potentissime per commoda emunctoria expellit, eamque multò efficacius, quàm alia huius generis solent alexipharmaca.

Dosis.

Exhibetur robustissimis, acutissimisque in morbis cum aquis cardui benedicti rutæ caprarie, scorzonæ vel alijs liquoribus appropriatis à ℞. ad ꝯj. Ejusque vsus, quoad morbi malignitas fuerit deuicta, bis vel ter reiterandus.

De viribus ac vsu olei tartari rectificati

Sunt nonnulli, qui huius olei guttas aliquot exhibitas ad dolores colicos, stranguriam, dysuriam, aliaque è flatibus orta symptomata, vt etiam vteri strangulatum maximè dicant vtile. Eo hæcenus nunquam sum vsus, nec alijs id vtendum præscripsi, attamen, quia alias oleum succini vt & alia ex gummatibus elicita balsama, quæ non minus, quàm hoc calidæ nimium ac penetrantis qualitatibus sunt participia, grauissimoque ac maximè ingrato nares feriunt odore, summo iudicio ritè exhibita nihil nocent, similiter etiam oleum hoc tartari, quod tamen ex nullo deleterio subiecto destillatum fuit, tutò probari posse, existimo.

Oleum hoc tartari quia cutis poros efficacissime aperiendo sudores promouet, eius itaque vsus maximè est commodus externè, si scilicet vnguentis ad scabiem aut luem veneream admisceatur. Non minori etiam cum fructu adiungitur emplastris duros callososque tumores dissolventibus. Ex eodem etiam ipso egregium paratur vnguentum contra chiragram ac podagram tumorosam, si scilicet nodosi tumores à materia pituitosa, coagulata, frigida,

frigida, articulis impaëti hæreant, recipit verò.

Ol. tartari rectificati

Gum. elemi per vesicam destillati

Axungia vulpis ana ꝑj.

Cera flaua ʒvj

Hæc ingredientia , ne olea exhalent lentissimo ignis calore in forma vnguenti permixta in vitro optimè obturato in loco frigido deponuntur ac asservantur. Hoc vnguento illinuntur tamdiu quam fuerit necessarium, tumefacti articuli.

De utilitatibus salis tartari.

Hoc sal acre est ac calidum, quo tamen vetustius, eò sit clementius. Rarissimus vsus eius est internus, nisi quòd nonnulli eo tanquam arcano specifico in aqua dissoluto pro extrahendis ex tempore foliorum senæ & rhabarbari essentiis vtantur, de qua extractione iudicium meum in anatomia essentiarum vegetabilium sectione de purgantibus tuli. Non contrariabor equidem, huius salis si de eo ipso sit sermo, per se sumpto ac considerato, in larga satis quantitate accommodo stimulo ac addicamento, internè præsertim linctibus & potiunculis, tenax viscosum ac frigidum phlegma incidentibus ac resoluentibus additi, vt aliorum etiam è vegetalibus præparatorum salium, tutum satis esse vsum posse.

Sal tartari vitriolatum.

Alias ex sale hoc & spiritu vitrioli mixtoscificatur aliqua mixtura, sal tartari vitriolatum indigitata, in hunc, qui subsequitur modum: ꝑ. Salis tartari albi ssimiq. pl. dissoluto in s. q. aquæ fontanæ limpida superfunde parum spiritus vitrioli rectificati, liquor ex tempore ebullire incipiet vitrum egressurus, vitrum itaque huic labori destinatum satis sit

Ang. Sale.

amplum necesse est. Hæc sopita pugnâ, rursus aliquid spiritus vitrioli affunditur, liquor parum agitur certaminique finis imponitur. Labor hic aliquoties reiterandus, donec finito omnimodè prælio, acidus satis sapor trophæum deportauerit, his ita peractis liquor in balneo roris in patente scutella ad remanentiam candidissimi siccipulveris exhalet, quod sal tartari est vitriolatum.

Sal hoc discutit, dissoluit, exiccatur, roboratur & ratione suâ, quam à spiritu vitrioli habet aciditatis, etiam astringit, hisque obseruatis probè qualitatibus, facillimè Medicus, quibus à se curandis rectâ ratione & methodo affectibus esse vtile possit, colligere poterit. Exhibitum etiam commodis ac appropriatis vehiculis sudorem promouet. Esse verò hoc ipsum, vt aliqui chymiatrum autumant, aliquod vniuersale preparans, veritatem haud est consentaneum. Vt enim corporum constitutiones materiaeque peccantes ratione suâ essentia ac qualitatibus diuersissima sunt, ita etiam diuersa requirunt, quod methodus medendi rationalis nos clarè docet, præparantia. Plurimum itaque hallucinantur ij, qui hoc sale in hunc finem & imprimis in intemperie sicca & asperitatibus quæ laeuigantia potius & humectantia, quàm exiccantia ac incidentia, (qualia hoc & alia huius generis sunt salia) requirunt medicamina, vtuntur.

Oleum tartari eiusque vsus.

Si præterea sal tartari angusto, acuminato ac flauesciente lineo sacculo inclusum & in cella supposito vitro suspensum aliquandiu relinquatur, in pulchrè albicantem liquorem qui sub digitis pinguedinis instar laevis apparebit, dissoluetur, hancque ob causam à plurimis Oleum tartari nominatur, licet per & in se ipso oleum reuerà non sit, nec vt alia

Q

olea, flammam concipiat, nihil enim est aliud, quàm sal tartari humiditate aëris in cella imprægnatum ac in liquorem dissolutum. Crebrior eius vsus est externus quàm internus, in absumendis scilicet spongiosis carnis aliisque in vlceribus inueteratis excrecentiis siue hyperfarcosis, iisdemque mundificandis ac firmandis. Summè etiam est vtile admixtum epithematibus vel emplastris, tam in forma liquida quàm solida, tumoribus aquosis adhibitis, hoc siquidem sal validissimè siccatur, dissolvit ac discutit. Cuti exoptabilem conciliat nitorem eandemque læuigat ac purificat, quamobrem sexui muliebri, in extirpanda præcipue faciei, colli ac manuum impetigine maximo est in vsu, maximo etiam cum frustu permiscetur aquis ac vnguentis ad scabiem à crasso phlegmate ortam. Vbi verò salis, serosi ac subtiles, vt in vlceribus diu manantibus ac sepebentibus videre licet, humores dominantur, in illis omnimodè est ab hoc abstinendum, quia eisdem reddit acriores, ac huiusmodi in vlceribus calorem maximè detrimentosum adauget, doloremque subministrat acerbiorum. Plus etiam damni quàm vtilitatis eiusdem ferre vsus potest, dum mulierum constitutionis plathorice tenerrimæque cutis facies facit excandescere, rubras excitando pustulas. Pro vniuersali itaque præparatiuo vti eo non possumus.

Maximus aliàs huius liquoris, vt & ipsius salis, antequam in forma liquoris fuerit dissolutum, in multis operationibus chymicis, præsertim verò, vbi aliqua metalla, cū suis corrosiuis prius dissoluta, veniunt præcipitanda, vt commodius de hinc, quando sub forma pulueris fundum petierint, à liquore separari possint, vt in auro & chalybe præsertim videre licet, vsus est. Hoc etiam sale quidam corallia & perlas destillato aceto prius dissolutas, præcipitare solent. Sal enim tartari siue siccum, siue dissolutum, perlis & coral-

liis additum, illa candidissimi instar pulueris ad fundum præcipitare facit, quem multà aquà postea edulcoratum ratione suæ subtilitatis magni faciunt. Quando verò, meà quidem opinione, hæc ita consequenda inprimis subtilitatis gratià præraguntur, existimo ego melius fore, si corallia & perlas, aquà aliquà destillatâ super lapide porphyrio (vt pharmacopœi hæctenus sunt soliti) optimè tritæ in eiusmodi subtilis pulueris formam redigerentur, quàm si pro subtilisandis his ipsis aceto destillato & sale tartari vteremur, de quibus in coralliis & perlis semper aliquid hæere solet, vt ita mutato illorum naturali temperamento, conformem cum nudè tritis operationem edere haud possint, quod in aphorismis meis chymiatricis sedulò monui. Quod si magisteria hæc pro acquistarum in solutione & præcipitatione qualitatum ratione aliis scopis quispiam destinauerit, liberum id esto Medico, qui iisdem pro discretione ac iudicio vti scit ac didicit. Tandem denique sal tartari ingreditur etiam mixturam vasorum vitreorum crystallinorum, eodemque vtuntur tinctorum aliique artifices mechanici, de quibus hic vltior dicendi locus non est.

TARTAROLOGIÆ

SECTIO II.

CAP. I.

Quomodo ex quolibet vino, vinique aceto, sit extrahendum acidum tartarum.

CVM hæctenus de tartaro externo quod vinum in sua defecatione deponit doliisque adhærescit prolixè satis egerim. Nunc, quâ ratione è vino, aceto,

aliquē vëgetabilium succis peculiaria sua essentialiter latentia tartara extrahi possint ac separari, aliquot exemplis docebo. Vt itaque à vino cui merito inter hæc primus debetur locus, exordiar, eius tartarum extrahitur subsequente modo. R. Duas aut plures cuiuscunque etiam id conditionis, siue clarum sit & pellucidum, siue vetustum, aut tantum, quantum possibile deposuerit tartari copium, vini mensuras, illas in cucurbita vitrea cum alembico optimè elauso pone in Balneo Mariæ destillandas, cucurbita fac in principio vt lentissimo calore sensim incalescat, oblongiusculi & humidi radij tunc in alembico & recipiente, sudoris è corpore manantis instar apparebunt, quibus apparentibus subitò incipiet destillare ac prodire ardens vini substantia. Hic ignis gradus tamdiu est continuandus, donec in totum prædicti radij euanuerint, illudque, quod destillatione fuit elicitum, igne candelæ tentatum non amplius ardeat, sed aqueum vaporem ipsam candelam interdum etiam extinguentem, de se emittat. Separato itaque vini spiritu, si subtilis nimium exoptetur, vt superflua humiditas absumatur, secundò vel tertio rectificari potest. Remanens verò, post destillatum spiritum, vinum, corpus est sine anima, in quo virium ac subtilium qualitarum parum cernitur reliquum. Itaque, nisi fortè ad alios quosdam vsus residuum humiditatem quispiam destillare velit, remoto alembico gradus ignis ad ebullitionem balnei augeatur, quò remanens liquor ad remanentiam quartæ mensuræ partis, euaporet, refrigerato verò balneo & cucurbita inde exempta, in eiusdem fundo tartarum vini oblongiusculorum crystallorum instar concretum reperietur, qui lapilli siue crystalli separandi, frigidæque aqua abluendi, siccandi & vsu asservandi.

Hoc verò tartarum eadem ipsa est

materia, quæ à plurimis chymicis sal vini chrySTALLINUM fuit nominata, ac non solum prolixos nimium processus de eodem comparando edidère, verum etiam non neminem conati sunt persuadere, hos vini crystallos subtilissimo cum vini spiritu mixtos verum auri soluendi, pro preparando auro potabili esse menstruum, cum tamen experientia doceat crystallos hosce in spiritu vini non omnimodè dissolvi. Licet n. colore citrino à sale hoc tingatur, hæc tinctura tamen aliunde non provenit, nisi à sulphure vel oleo prædicti tartari, salina quia substantia, in qua solventem qualitatem delitescere ajunt, spiritui vini non communicatur, sed in ipso corpore remanet. Notissimum insuper est, nec spiritum vini, nec tartarum vini, nec etiam separatam sal tartari, aurum villo modo aggredi, dissolvere aut alterare posse, nisi prius ab aliis mineralibus salinis spiritibus attenuatum fuerit & preparatum. Quod tamen horum trium modò enarratorum, superfusorum, licet alteratorum alioque colore tinctorum non viribus ac qualitatibus, sed spiritibus mineralibus ipsi auro incorporatis, adscribendum. Spiritus enim hi à spiritu vini, tartaro aut eiusdem sale excitati & illis ipsis coadunati, colore eadem tingunt citrino vel aureo, quam postea tincturam chymicorum aliqui aurum potabile verum, essentiam vel tincturam auri vocitare non erubescunt, cum tamen aurum semper tale maneat, eiusdem etiam tam exigua portio in hoc liquore subsistat, vt facile ab eodem separari pristinumque in auri statum reduci possit. Hinc itaque hi & alij similis chymicorum processus veram & genuinam auri solutionem certò nobis pollicentes dulcissima apparent somnia meræque vanitatum videntur esse vanitates. Etiam si enim horum permixtione vtilia magisteria & medicamenta in medicina maximè conducibilia, quòd ego

non negauerō, preparari possint, certissimum tamen est, aurum, quàm subtilissimè etiam attenuatum aut qualitercunque transformatum, semper suam, quâ à natura prædicitum est, retinere fixitatem, quod in scriptis meis chymicis abundè demonstravi, offeraturque mihi, qualecunque etiam sit aurum potabile vel aliquod aliud ex auro, à subtilissimis etiam ac artificibus præparatum medicamentum, breuissimo tamen horarum spatio aurum rursus separabo ac in pristinam formam id reducam. Probè tamen hîc notandum, huiusmodi medicamentum, verè & realiter auri esse particeps nec nudum aliquem ac purum liquorem, vel aliquam super auro quidem fusam, nihil tamen ab eo abstrahentem substantiam, aut aliam quampiam sub auri potabilis vero nomine vendibilem materiam, cuius imposturæ plurima adduci possunt exempla. Quod enim aurum non est, id neque ego nec alius quispiam in aurum verum ac reale mutare poterimus, quam etiam impossibilitatem maximo suo damno multa millia tam Magnatum quàm plebeiiorum sunt experta, experiuntur quotidie illam ipsam quàm plurimè.

Tartarum aceti.

Ex aceto vini pulchrum elicitur etiam subsequente modo tartarum. ꝛ. Duas vel tres aceti vini rubri vel albi mensuras, destillentur in cucurbita vitrea per Balneum Mariæ ad tertiam partem, &, destillatus liquor alicuius licet sit adhuc acrimoniæ particeps, nihilominus tamen aquea paucarum virium est aceti pars seorsim asservanda, reliquam verò (quod consiciendis ac præparandis è lapidibus ac aliis etiam mineralibus magisteriis est commodum) tamdiu destillatur, quoad grossius aliquis liquor remaneat, in quo refrigerato tartarum videre licet, hoc tartarum similiter, vt tartarum vini sepa-

randum, eluendum ac purificandum. Hoc verò solum volo intellectum de aceto vini, cum acetum cereuisiæ, hydromelitis aut sacchari huiusmodi tartara non deponat.

C A P. II.

De ratione ac modo extrahendi tartarâ acidâ è pampinis, palmitibus, & ipsa etiam agrestia.

ACidum tartarum, ratione naturalis compositionis, vino affinitate est conjunctissima materia, & ita quidem, vt non solum in maturis vvis & in ipso vino satis sufficienterque defœcato deprehendatur, verum etiam, quàm primum suis vestiuntur palmites, pampinis palmitisque prodire incipiunt foranei, vt in iisdem vvis maturis vires suas exerat, quod subsequenter sum demonstraturus exemplis. ꝛ. Bonam quantitatem iuenculorum palmitum cum tenerimis surculis ac pampinis, grosso modo omnibus primum concisis & in mortario lapideo contusis, succum fortiter expressum cum albumine oui coque, deinde optimè colatum clarifica, ad remanentiam octauæ partis liquoris, fac in Balneo Mariæ in cucurbita aperta exhalet, qui, si refrigerit, per biduum in cucurbita relinquendus, postea eximenda cucurbita in qua bona tartari quantitas in fundo liquoris subidere videbitur, ambabus his substantiis ab inuicem separatis, tartarum tunc, quantum fuerit necessarium, probè elutum ac purificatum, colorem acquireret candicantem saporemque similem tartaro vini acidiusculum. Si residuo liquori (qui & ipse acidiusculus est saporis non ingrati-que odoris) s. q. addatur sacchari, satis iucundus exinde fieri potest in medicina etiam utilis syrupus.

Tartarum Agresta.

Hoc eodem etiam modo à purificata agresta candidissimum & splendescens acidum tartarum in sua solutione ferme priori subtilius separari potest.

Quæ qualitas ac dominium tartari in augmentatione ac maturatione vuarum, dum jam dulcescere inceperint non deficit, sed constanter in iisdem, donec ad statum suæ *expm* peruenerint, permanet, in iisdemque præter alias elementares substantias fixâ sede firmatum gaudet, hocque exemplis clarissimè demonstrari potest, dum ab expresso & clarificato dulcissimarum etiam vuarum succo, ante fermentationem eadem tartari quantitas, quæ ab agresta, segregari ac separari possit. Imò dulcissimæ omnium suarum visumæque ac quæ summum maturitatis attingere gradum, in primis verò, quæ ex Candia, Cypro, Hispania aliisque calidis regionibus ad nos deferuntur liccatæ siue passæ vva, quarumque egregius inter lenientia vsus, ab huius tartari consortio ac familiaritate nullatenus sunt liberæ, hinc præter suauissimam dulcedinem subacido sapore gratissimè linguam feriunt, alvumque blandissimè mouent, ea etiam loca, quæ multo sunt referta viscoso ac mucilaginoso phlegmate, aliisque scatent impuritatibus potentissimè purificant, vt in oris fauciumque vlceribus manifestissimè videre licet, quando post eorundem vsum deteriso loco affecto grauissimos plerumque sentiunt, ægroti ex latente in iisdem aciditate, lassâ inprimis cuticulâ, dolores. Qui quidem effectus primariò à latitante in vuis tartaro proueniunt. Et si fortè quispiam in anatomia vegetabilium minus exercitatus hæc ipsa in dubium esset vocaturus, huius soluere dubiū posset subsequens hæc probatio. R. Passularum Damascenarum siue Zibeborum lbij vel iij (hæc siquidem omnium cen-

sentur à Medicis optima) superfunde ad supereminentiam digiti aquam tepidam quam super iisdem donec turgescere inceperint, relinque. Deinde per setaceæ, ad remanentiam cuticularum siue folliculorum & acinorum ligneo cochleari easdem trajice, percribratam materiam in f. q. aquæ dissolutam, & cum proportionata albuminis oui quantitate s. a. coctam, colâ, quâ percolatâ, perpulchrè clarus, in se vuarum essentiam continens prædibit liquor. Hic liquor seu tella vitrea satis capacis lento calore ad remanentiam tertiæ tertiæ partis exhalet, quâ in loco frigido per triduum aut quatrimum optimè asseruatâ, in fundo scutellæ pulcherrimum acidum tartarum pro tuo arbitrio separandum ac reponendum, inuenies. Residua materia fac ad consistentiam mellis euaporet, cuius dulcedine ac aureo quo tincta apparebit substantia colore summe delectaberis, eademque in casu necessitati vi poteris. Quod si superior separatio tartari non arripuerit, subito post clarificationem in principio in prædictam reduci potest consistentiam. Hæc est vera passularum essentia, ab aliquibus, ratione coloris ac cōseruationis, quibus melli est similis, mel passularum vocata, cuius vsus in medicina esse potest varius. Possunt etiam passulæ coqui, illarumque vt quidam solent, substantia extrahi, sed quoniam coctione ex acinis vuarum ac folliculis peculiaris quædam astringens extrahitur qualitas, hunc modum relinquens, approbo priorem, expertus enim hæc ratione vuarum essentiam magis fieri gratam ac dulciorem, longè etiam eiusdem cum lenientibus medicamentis mixta, commodiorem esse vsu. Quod tamen hoc licet in tractatu de extractione essentiarum nihil agendum præsumpserim, cum id alibi fecerim) ad finem huius capituli ad demonstrandum in vuis passis latitans tartarum, & quid ex residua, segregato tartaro, materia fieri possit, explicare ac indicare placuit.

CAP. III.

De extrahendo è tamarindis & moris tartaro.

Tamarindi ex peregrinis ad nos translati terris omnibus Medicis notissimis sunt fructus, de quorum qualitatibus, vtilitatibus vtendique modo in anatomia mea essentiarum vegetabilium vt etiam in appendice de mixturis præp. prolixè scripsi. Hi præ aliis fructibus refertissimi sunt acido tartaro, quod ita extrahendum.

E. G. ꝛ. Tamarindorum permixtione prunorum acidorum aut aliorum similitum non adulteratorum sibi carnosam eorundem substantiam in tribus mensuris aquæ remotis strigmentis, digitis contritam, cum duobus aut tribus ovi albuminibus s. a. clarifica, liquor in se quidem ipso satis clarus, apparebit subcitrinus, in Balneo Mariæ in cucurbita vitrea ad remanentiam dimidiæ mensuræ exhalandus, qui, vbi refrigerit per biduumque benè custoditus steterit, in fundo cucurbitæ bonam reperies tartari quantitatem. His ita peractis, restitantes in medicina etiam maximè vtilem liquorem in aliud vitrum decanta, tartarumque ad albedinem optimè laua, quod in vasculo vitreo probè asseruandum. Hoc tartarum acidissimo suo sapore subtilissimè penetrat.

Tartarum mororum.

De moris verò expressus succus si percolatus fuerit, clarificatur, in cæteris, si processus, vt supra de tamarindis dictum fuit, idem obseruetur, reperietur verè acidum ac rubrum tartarum, quod pro plácito multis solutionibus & filtrationibus purificari ac candesceri eo modo potest, quo in superiori sectione de purificatione rubri tartari vini diximus. Hæc via in

aliis etiam fructibus obseruanda.

NB. Insuper hic probè notandum, in aliquibus acidis fructibus licet tartarum acidum delitescat, hoc tamen vel ratione suæ subtilitatis, vel ratione suæ cum materia viscosa mixtionis, difficilimè segregari ac separari posse; quod singulariter in succo citri obseruauimus. Quamvis enim eundem optimè prius depuraueram, remanebat nihilominus tamen peculiaris quidam viscosus liquor pellucidæ gelatinæ instar vel mellis depurati, saporis acidissimi, à quo nullum prorsus, quale è superioribus fructibus colligebamus, sperandum erat tartarum, sed diuturno satis tempore idem semper manebat, meque loco tartari materiâ quâdam viscosa ac mucilaginosa beabat. Quod necessariò hîc monendum duxi.

CAP. IV.

De separatione tartari ex acetosa & melissa.

Acetosa, quæ maximè tam in medicina quam culina vtilis est herba, pulchrum sanè nobis præbet acidum tartarum subsequente modo extrahendum.

Succi acetosæ recenter expressi sufficiens quantitas more solito albumine ouî optimè clarificatur, humiditas vero beneficio balnei vel abstrahitur, vel, si liquorem asseruare velimus, ad remanentiam exiguæ substantiæ destillatur; Quâ factâ destillatione vel euaporatione, tartarum, in fundo vasis residens, vt de aliis supra monui, separatim, eluitur & in aqua feruente dissolutum, nec satis clarum fiat & candidum, percolatur; Hoc tartarum etiam maximè est acidum, satis attamen gratum, subtile & valde penetratimum.

Tartarum Melissæ.

In nobili melissa peculiaris quædam

aciditas licet non sentiatūr, nihilominus tamen pulcherrimo ac splendescente acido tartaro nos exhilarat, quod ex expresso succo, similiter vt acetosa tartarum preparatur. Hæc itaque de acidis tartaris dicta sufficiant.

Horum autem ex herbis & fructibus desumptorum tartarorum virtutes ac utilitates in genere quod attinet, inter has & vini tartari, ratione manifestarum qualitatū, nisi forte vnum præ alio citius sit dissolubile, nullam video differentiam. Si verò de eorundem proprietatibus sit sermo in specie, existimo ego quidem, hæc ipsa à forma specifica earum rerum à quibus separantur, quippiam participare, non tamen eo gradu iisdemque euiden-
tibus signis, quibus essentia rerum (in quibus principaliter elementares in vno composito conueniunt substantia) possunt. Quod fundamentum, quæque differentia cuilibet Medico probè veniunt notanda ac obseruanda.

Coronidis loco, nonnullorum chymicorum vanitatem ac dementiam satis admirari non possum, qui acida hæc tartara falsa vocant essentialia vegetabilium, cum re ipsa falsa non sint. Cuilibet enim physico satis est sufficienterque cognitum, quodlibet sal, ne minimo quidem excepto, siue sit fontale, siue maritimum, commune, gemmæ seu minerale, indum vel ammoniacum aut nitrum, siue etiam alkali ex herba kali preparatum, aut catinum quod fit è fecibus vini adustis, ita quoque omnis generis falsa herbarum, quæ hodierni Medici salibus annumerant, aqua frigida esse dissolubilia, in eaque subsistere, nullius etiam esse participes oleositas flammam faciliè concipientis, nihilque de suo salino sapore candidouæ colore, quocunq; etiam tentetur igne, amittere. Cum è contra acida tartara nulla possint dissolvi frigida, feruente licet aqua etiam fuerint dissoluta, nihilominus tamen ubi illa reffixe-

rit, subitaneum committunt diuortium, aquamque qualis antea fuerat, post se insipidam relinquunt. Secundò, hæc acida tartara igne probata non persistunt, sed inflammantur ac, vt alia oleosa materia, ardent, fuliginoso odore grauissimè nares feriunt & deposita albedine, acidoque spoliata sapore, carbonis nigredinem induunt; Destillata, verò, aquam, oleum, sal & terram nobis præbent, de quo fusè supra in anatomia acidi tartari vini. In his enim probationibus omnia acida tartara cum depurato vini tartaro, quod à Dogmaticis Medicis nunquam pro sale fuit iudicatum, multò minus falsa inter recensitum conueniunt. Ex hisce itaque apparet tartarorum huiusmodi cum salibus propriè loquendo neutiquam posse institui comparisonem. De hoc tamen sua cuilibet videtur pulchra (hodierno præcipuè tempore) siue falsa, siue vera ea sit, immutabilis prorsus opinio, faciliusque Herculi extorseris clauam, quàm horum alicui semel conceptam mutaueris opinionem. Tam altas nunc in hominum, præsertim verò chymicorum mentibus, ambitio & obstinatio egere radices, vt vnâ eandemque rem pro diuersa alia non solùm agnoscant, verùm etiam alio nomine venditent, quod tam ex hoc quàm aliis etiam exemplis clarissimè apparet. Quam eorundem stultitiam in diuersis meis tractatulis, vtpote spagirica recensione septem planetarum terrestrium, Anatomia antimonij, Cryfologia, aliisque meis scriptis satis ad oculum cum demonstrauerim, huic non necessaria repeti tioni lubens hæc supersedebo.

CAP. V.

III.

Quâ ratione è diuersis vegetabilibus viscosa ac arenosa tartara sint extrahenda, quodve de iisdem ferendum iudicium.

Cum in præcedentibus acidorum, splendentium ac in fervente aqua dissolubilium tartarorum extractionem sufficientibus declaraverim exemplis, nunc ad peculiarem aliam lutosorum, arenosorum, insipidorum & in aqua fervente indissolubilium tartarorum speciem devenire juvat, incipiendo à tartaro cardui benedicti subsequente modo extrahendo :

I.

Tartarum lutosum cardui benedicti.

℞. Succo cardui benedicti recenter expressi mensuras tres vel quatuor, coque easdem in ahenò ad ebullitionem, despuma & more solito albumine oui optimè clarifica. Ab hoc succo si aqua, (satis bona & seorsim asseruanda) ad remanentiam sextæ partis liquoris fuerit abstracta vel in Balneo Mariæ destillata, infundo subsidentem videbis cineream lutosam materiam, quæ à liquore, vt alia tartara, separata, reiteratis vicibus aquâ fontanâ eluenda, siccanda & ad usum est asseruanda. Et hoc est tartarum cardui benedicti.

II.

Tartarum lutosum lupuli.

Simili etiam modo extrahitur è lupulo tartarum colorem habens terræ sigillatæ similem, ex eodemque sufficiens elici potest quantitas.

Tartarum radice ononidis.

Ononis siue resta bouis omnibus phliatris notissima herba cunctis ferme in regionibus crescit. Variæ ac diuersæ eius cum sint species, hæc tamen illam intelligo, quæ spinosa est ac floret flore purpureo odorato, specificumq; præ aliis omnibus censetur lithontripicon. Eius radices haud exiguum in se continent lutosi tartari quantitatem subsequente processu extrahendam : ℞. Rad. ononidis mundatarum prius ac exiccatarum q. ph. concise in taleolas, in lebetæ figulino aquâ fontanâ tribus vel quatuor horis ad crassitiem decocti coloris dilutioris purpureæ instar, coquantur, hoc albumine oui clarificatum in Balneo Mariæ ad remanentiam sextæ partis liquoris destillatur, in quo paucas intra horas album tartarum subsidebit, quod, vt alia tartara, tractandum.

IV.

Tartarum scordij.

E scordio decantatissimo illo alexipharmaco extrahitur etiam album lutosum tartarum eo modo, quo de carduo benedicto dictum.

V.

Tartarum salviæ.

Tartarum salviæ ita extrahitur. Expressus succus optimè clarificatus si ad remanentiam sextæ vel octavæ partis exhalauerit, in frigido loco per octiduam relictam bonam tartari quantitatem crassæ albicantis arenæ instar, qualem, tartarum arenosum post purificationem tartari vini

vinī rēfiduū, subſidere facit , & ſi probè eluatur, omnis ſaporis reperitur expers.

Ex his pauciſſimis proceſſibus facilimè eſt colligere , quomodo in communi in omnium vegetabilium, herbarum ſc. foliorum, florum, fructuum, ſeminum, fructicum, lignorum, corticum, radicum &c. expreſſis ſuccis, decoctis & infuſis ſeparari poſſint & ſegregari l. a. tartara.

De viribus autem ac vtilitatibus horum luſoſorum ac arenoſorum tartarorum quod ſcribam, cum hætenus eorundem facultates nunquam ſim expertus, parum habeo. Interim tamen eadem, virtutem ſui ſimplicis, à quo fuère ſegregata, æmulari, illaque, quæ à ſudoriferis cardiis & alexipharmacis ſimplicibus ſegregantur, terra ſigillata, cuiuſcunque etiam ea ſit conditionis, nullo modo ceſſura firmiter exiſtimo. Non dubito inſuper, quin alij etiam prudentes chymiatrum mecum ſint aſſeueraturi, ex his tartaris lapidem præparari poſſe ac produci virtutibus ac operationibus lapidi bezoartico vero non imparem. Extra enim omne dubium eſt, lapidem bezoarticum ſive orientalem, ſive occidentalem eſt ventriculo animalis Paſan exemptum, nihil aliud eſſe, quàm peculiaria quædam eſt ſalutarium herbarum, quibus hæc animalia veſcuntur, ſucco & ſubſtantia elicitæ ac ruminatione collectæ tartara, quæ naturali animalis huius calore lapideſcunt, lapidiſque huius formam induunt, quod non ſolum ex illis hiftoriis, quas Nicolaus Monardes, Garzias ab Horto alique ſcriptores de hoc animali, lapidiſque bezoartici generatione conſignatas nobis reliquere, clariſſimè elucet, verum atteſtantur id etiam probationes per ignem, quando ſcilicet iſdem ſubtiliſſimas in partes diuiditur & calcinatur.

Quod ſi huiusmodi tartara in crucibulo igne exponantur, principiò prodiſt craſſus fuliginofuſve fumus, dein flammæ concipiunt & vt acida tartara ſolent,

Ang. Sala.

ardent, attamen vnū præ alio plus minusue, quæ etiam ſigna ſunt lateſcentis in iſdem particulæ ſulphuris vel oleoſæ ſubſtantia cum aliquali aquea humiditate. Quod verò in cineribus remanet, ex eo tale ſal, quod in aqua ſit, vt alia tartara acida, vel eſt cineribus totius vegetabilis extracta ſalia diſſolubile, præparari nullo modo poteſt, ſed ſapor eorundem idem eſt naturaliter cum lixiuij calcis, & vbi humiditas exhalauerit, remanebit in fundo ſicca aliqua candida materia non abſimilis illi, quæ à lixiuijo calcinatarum perlærum, matris perlærum, corallorum, oculorum cancri, ſilicum, lapidis Iudaici, lapidis ignei & aliorum ſimilium in aqua proſus indiſſolubilem relinquitur, cum eſt contra alia ſalia facilimè ſoluantur, ſed fundum candidi inſtar pulueris omnis ferè ſaporis expertis petunt. Hæc itaque de tartaro in genere dicta ſufficiant.

TARTAROLOGIÆ

S E C T I O I I I .

C A P . I .

De vera ac recta extractione, rectificatione & preparatione omnis generis à vegetabilibus deſumptorum ſalium.

Salia eſt vegetabilibus eliciendi ac præparandi modus ac proceſſus à multis chymicis eſt deſcriptus. Cum verò apud pharmacopœos ac Laboratores chymicos probè depurata ac granulis ſimilia eſt vegetabilibus extracta ſalia reperiantur rariſſimè, inueniantur eſt contra apud eosdem vt plurimum impura abominabiliſque putrefactæ vrinaſt inſtar ſaporis, interne nullatenus uſurpanda. Cum præte-

R

rea etiam hæc materia non multum à priori recedat, ideoque non potui intermittere, quin eum, quem obseruo in præparandis & ritè extrahendis salibus modum, breuissimis hæc sectione tertiâ delinearem ac representarem.

Primus & principalis in hoc peragendo opere, labor est, vt herbæ ita in cineres adustione redigantur, quò ardente suâ sulphureâ ac oleosâ substantiâ omnimodè priuentur. Sciendum etiam herbas & salia recenter concremata pulchrius semper ac efficacius sal habere, quàm exiccata. Si itaque felicem in tuis laboribus exoptaueris progressû, furnus mediocris magnitudinis, cuius focus ex optimè coctis ac firmissimè coadunatis sit extractus lateribus, ad manus sit necesse est. Furnus hic optimè primùm calefiat lignis fagineis vel aliis aridis, exemptisq; cineribus, repleatur viridi absinthio, arthemisia vel aliis, quorum exoptas habere salia, herbis, præfurnio verò clauso & ostiolo, quò vapores & fumû ab herbis egredi queant, aperto, breuissimo horarum spatium herbæ non solum siccescent, sed etiam flammâ conceptâ proprio motu ardere incipient. Si de hinc recluso præfurnio herbæ furcilla ferrea optimè vertendæ quantitas fuerit aliquo modo diminuta, recentes siue virides aliæ in locum ad sufficientiam substitui possunt. Vniuersa itaque herba si dicto modo in carbonēs fuerit transmutata, ostiolum, præcluso parùm præfurnio, donec conceptus carbonum ignis in se ipso contabuerit, furnusque refrixerit, seruetur apertum. Finito hoc labore cineres è furno exempti percubrentur, carbonēs verò residui contusi per cribrumque trajecti ac cineribus additi, super ferrea elatæ oræ lamina accensis subtus carbonibus in cineres circummagitati sæpius redigantur albissimos, qui ab igne remoti ac refrigerati, sequenti modo sunt tractandi.

Paratur primùm è ligno quercino,

tantæ altitudinis vt vasa ad excipiendum lixiuium supponi possint, vnam continens aquæ titulam, circulis etiam ne loco facilè dimoueantur vbique firmissimè munitum ac creberrimis foraminibus pervium infundibulum, quod straminis crasse concisi manipulus ac pannus stuppeus super extensus, ne cineres præterlabantur, contegat, quibus contactis, indantur cineres, pillisto ligneo quantum possibile, arctissimè comprimendi, ne etiam in superfusione aquæ supernatent, libramento panno lineo inuoluto sunt aggrauandi. Infundibulum insuper non omnimodè implendum, sed tertia eiusdem pars libera relinquenda: Ritè ita composito infundibulo cineribusque vt decet repleto, ferventissima aqua ad oram vsque affundatur, & quò diutius calor aquæ conservetur, operculo conformi contegatur, cum verò cineres superfusam aquam sensim ac sensim absorbere soleant, refusa alia breuissimo horarum spatio tinctum purpureo colore, satisque forte vt ovum etiam supernatare possit, maximè turgidum in vitro capaci excipiendum extillabit lixiuium. Repleto vno vitro supponatur ac substituatur aliud, cineribusque secundo superfundatur aqua feruentissima, qui labor toties reiterandus, donec aqua pertranseat nullius ferè saporis pallidique coloris, quibus finitis, sal è cineribus extractum hærebit omne in lixiuium. Hæc lixiuia conjuncta in plumbea quatuor vel plures etiam aquæ mensuras continente fatisque, igne arenæ sine ebullitione exhalent ac euaporent. Hoc vbi super lixiuium candidè splendescens apparebit cuticula, ea lignæ spatulâ amouenda, & vbi sartago ab arena remota refrixerit, splendescens in granulis sal colligendum, & in vitreis laminis, vt residuum lixiuium guttatim in aliud vasculum dilabi promptius, sal verò exiccari facilius possit, peculiariter in hunc finem

cū elata ora acuminatis, in hypocausto calefacto vel alio loco calido effundendum. Post hæc remanens lixiuum super arena iterum positum, tamdiu ibidem, quoad salina appareat cuticula parumq; lixiuij restitet, relinquendum, quod, vbi refrixerit, sal in minutissima granula cōgelatum quasi, ab eo separandum. Ambo autem hæc salia subsequente modo rectificanda in vno eodemque vitro conjunctim sunt asservanda, remanens verò lixiuum, cū non solum picis instar sit nigrum, verum etiam grauissimi ac teterissimi odoris particeps, ignisque veluti forte, pro mundificandis ac purificandis vitris vel præparandis cauteriis potentialibus, id asservare soleo, ab eius autem vsu interno cauendum. Quod verò vulgarium herbarum salia, quæ à Medicis in curandis affectibus præscribuntur, acri nimis sint ac grauissimè oleant, huius rei causa, artificum est vel rudis incertia vel maledica auaritia, qui lucro inbiantes, vt maximè quantitatis salis cupidi, qualitatem eiusdem, dum euaporando lixiuum, residuam acerrimum grauissimumque empyreuma redolentem partem non segregant, deprauant. Sūmis verò si laboribus huiusmodi sal ad perfectionis gradum exaltare voluerimus, subsequente ratione erit rectificandum. Præmemoratum sal in vno pluribusve, pro rei ac copię salis exigentia, vitreis discis superfusū aquā herbæ propriā stillatiā vel aliā simplici fontanā frigidā, vt in ea totum dissolvi possit, in cella frigida per decem aut quatuordecim dies expositum seruetur, tunc salis acquisita per ignem calidissima qualitas hisce duobus remedijs plurimum corrigitur. De hinc, quod si fortè terrestreitas fundum petijset, effusum super scutella vitrea sensim lixiuum, per balneum roris humiditas, donec ea, quæ in superiori exhalatione recentisa sunt, apparuerint signa, absumentur, salque eodem modo separatim verè tunc appare-

bit crystallinum. Remanēt etiam hic quippiam de purpureo, forti ac graueolente lixiuo, quod nihili existimandum, priori verò addendum. Artifices quidam imprægnatum sale lixiuum ad vniuersam remanentis substantiæ salinæ siccitatē decoquant, quæ postea in crucibulo, superaddito sulphure, vt in purificatione nitri solemus, igni satis forti fusa, rectificatur. Alij, quod facilius granuletur durumque sal permaneat, lixiuo spiritum sulphuria addunt vel vitrioli. Prius ego, quod sine alterius alicujus additamento præparatur, longè præfero, quod non minùs, si ritè tractetur, in pulcherrimos crystallos conerescit, inque vitris reconditum sic, cum permanet, quàm alia, quod in alijs omnibus, quæ sicca conservare voluerimus, similiter optimè observandum salibus. Sunt etiam aliæ, quando ex pauca cinerum quantitate salia cuiuspiam extrahere libuerit, prædicta non requirentes instrumenta viæ. Interim tamen, quod horum salium optimè præparatorum commodus vsus etiam possit esse internus, sedula eiusdem est instituenda segregatio à graueolente restitente lixiuo. Hæc sunt certissima manualia quibus propria vera ac essentialia omnis generis herbarum, lignorum aliorumque vegetabilium extrahi salia & rectificari possunt.

C A P . I I .

De proprietatibus ac utilitatibus salium è vegetabilibus extractorum.

CIneribus & sali vegetabilium excellentes & admirandæ prorsus proprietates ab aliquibus chymicis ascribuntur, è quibus non minus est Iosephus Quercetanus, qui in responsione aduersus cuiusdam anonymi phantasmata c. 23. non solum primò statuit, salia vegetabilium calcinatione ac incineratione herbarum humido suo primigenio nullatenus priuari;

sed tincturas, impressiones proprietates, qualitates, saporem sc. odorem, colorem ac veram ideam suorum, è quibus extracta, vegetabilium potentialiter in se plenariè seruare recondita. Quam suam assertionem duobus confirmat exemplis, Primum dicit, sibi fuisse cognitum Medicum Polonum Cracoviensem, qui vltra triginta vitra variarum herbarum prius tamen optimè calcinatarum cineribus repleta sigilloque hermetico obserata, in certoque ordine disposita asservasset, quibus admiranda ferè natura demonstrare solitus fuisset. Eundem enim demonstraturum cuiusdam rosam, calendulam vel aliam vegetabilium, quæ incinerata fuerant, speciem, nihil aliud fecisse dicit, quàm vitri, in quo eius vegetabilis, cuius videndi quispiam erat cupidus, asservabantur cineres, solummodò fundum calori lampadis, vt conclusi in eodem subtilis cineres incallescere, exposuisset, quibus calefactis subito in vitro plenariam vegetabilis faciem, signaturam & folia suis coloribus tincta ita quidem apparuisse, vt firmiter quispiam eadem terræ suæ adhuc esse incolae eandemque amœnissimè vestire credidisset. Refrigerato verò vitro, has in simul rerum facies ac formas euanuisse, nihilque aliud, quam cineres, vt antè, remansisse. Secundò à nobili quodam Gallo in filtrato optimè vtricæ lixiui tempore hyberno frigori exposito ac congelato plures mille vtricas in substantia sua ac forma cum suis radicibus, caulibus, foliis ac surculis sigillatim ita quidem vidisse representari, vt quilibet easdem in tabula quasi depictas secundum omnem earundem formam agnouerit, quam probationem author ipse multoties imitatus eandemque verissimam esse expertus; Primum autem Medici Poloni arcanum à cineribus plantarum præparatum, nondum se explorare potuisse scribit, nihil opinus tamen viam ac modum, vt illud

commode præparari possit prolixè satis citato supra loco docet, qui cuiuslibet artificii consulendus.

Virtutes ac utilitates talium vegetabilibus desumptorum quod attinet, licet sit extra dubium, eadem, vt aquam, olea & tartara de natura ac proprietate suarum substantiarum vnde fuere elicita ac separata diuerso respectu quippiam participare, interim tamen eorundem examen ac probatio satis sufficienterque demonstrat, ea ipsa, vt omnia alia salia, acrisse, calida & sicca, licet qualitatum gradibus interdum differant, dictasque ob qualitates in simul omnia incidere, dissolvere, abstergere, penetrare, calefacere, siccare, aperire, purificare, exterminare, putredinique resistere. Vbi itaque talium qualitatum medicamenta necessariò requiruntur, maximo cum fructu vti illis (adhibito tamen iudicio) fruique turè licet.

Quòd verò salia hæc manifestes qualitates vegetabilium vt pote colorem, odorem aut saporem in se contineant, vel etià proprietatibus à forma specifica siue tota substantia promanantibus sint donata, E. G. salia è lenientibus refrigerantibus ac humectantibus extracta similiter etiam leniant, refrigerent ac humectent; vel, quæ sint elicita ex purgantibus, abstringentibus, soporiferis, alexipharmacis & aliis proprietatibus agentibus, hoc eodem modo manifestè & realiter operare debeant, id hæcenus nunquam sum expertus, quas tamen suorum vegetabilium operationes vt extracta in se continerent, exoptandū maximopere esset. Hæc enim si ita agerent, nullam certè commodiorem formam excogitare possemus, sub qua ægrotis medicamenta exhiberi possent, quàm hanc ipsam Extractorum salium. Quæ primum omni carent graueolentiâ ingratoque sapore, quorum ratione plurima medicamenta fastidimus. 2. Quæ facillimè in aquis, non reddendo eas turbi-

das, sunt solubiles & formam suam in iisdem omnimodè occultant. 3. Quæ propriâ suâ vi suas qualitates conseruant, nec situm contrahunt aut putredine consumuntur. 4. Quæ minima in dosi id perficiunt, quod magna satis simplicis quantitas debebat. Et denique 5. Quæ, postquam igne fuerint tentata & purificata, libera sunt ab omni cruditate, ac venenosâ, quibus scatent simplicia vnde fuere elicitâ, qualitate. Hęc si ita sese haberent, haberemus certè quippiam de quo nobis meritò gratularemur, hocque salium conficiendorum inuentum pro nobilissima artis pharmaceuticæ parte esset existimandum, cum aliâs variis iisque in gratissimis potionibus, electuariis, pulveribus, pilulis & similibus, ægrotis molestissimi simus. Ast experientia huic malo nondum monstrauit medicinam aut vnicum subministravit solatium.

Idcirco, non spretis salibus, magis ego fido essentiis, in quibus vt suprà dixi, non solum sal, verum etiam omnes aliæ substantiæ vegetabilium elementares, in composito, vnde illorum proprietates specificæ oriuntur, delitescunt. Et si fortè sale aliquo vegetabili vtor, linctibus id, ad tenaces, viscidas in pectore collectas frigidas materias incidendas & attenuandas commisceo, vel etiam massâ pilularum pro expurgandis crassis & viscosis humoribus ac viis huiusmodi materijs infarctis, referandis, aut acueendis agarici operationibus, permisceo. Vel præscribo illud in clysteribus loco salis gemmæ ad abstergenda & exterminanda tenacia in intestinis hærentia phlegmata; Item etiam sale huiusmodi acuo potiones sudoriferas ac alexitericas, quò potentius penetrent ac malignitatem promptius expellant. Id etiam addo potiunculis diureticis, quando non solum multæ ad sunt Serositates, verum etiam ipsæ viæ ac vtreteres frigidâ lutosæ materiâ sunt repleti. Quibus malis medendis vt pluri-

um vtor sale absinthij, Cardui benedicti, Artemisiæ & Millefolij, ac vnam eandemque eorundem exprior operationem. Hæc itaque sunt quæ propriâ meâ experientiâ edidici ac nullatenus silentio prætereunda censui. Si verò quispiam hanc de me concepisset opinionem, ac si salium operationes non satis sufficienterque explorassem, desideraret idcirco prolixiorē informationem, is authores chymicos, præcipuè Curadi Cunrad secundam partem medullæ distillatoriæ consulat, primum sc. tractatum, de salibus præcipuarum, ex quo loco fortasse informationem, pro voto consequetur: Præter alia commoda salis vegetabilis, non tantum in medicina, sed etiam eundem, quem Sal Tartari, in chymia vsum habet 1. ad metallorum fluxum vtque malleabilia fiant, 2. ad metallorum mortificationem, in priorem formam reductionem, 3. ad aurum, metalla, item corallia margaritas, lapides pretiosos, à soluente, per præcipitationem formâ pulveris separandos, ad magisteria ex iisdem perficienda, aliaque metallurgica perficienda. Vltimo & illud scire conuenit, æque penetrantes spiritus ex hisce salibus, ac ipsismet mineralibus elici posse, vt sequenti capite docebitur.

C A P. III.

De modo ac ratione eliciendi acidissimum ac maximè penetratiuum spiritum ex variis herbarum salibus.

ARgilla arena couenienter mixtæ lbij. in mortario lapideo, ligneo, salis Absinthij, aut alterius, cuiusvis generis lb ij. commixtæ, pistillo subigantur, ex quo globuli exsiccandi magnitudine nucis moschatæ formentur, indantur in cucurbitam terream firmam, quæ ignis violentiam impunè perferre possit.

eaque in anemio posita ita vt collum aliquantum extet, ac flamma circumcirca cucurbitam lambere possit, fornace superius testâ, relicto tamen in medio foramine, per quod fumus, & flamma transire possint, collum arctè luto obducatur, vt tantum orificium pateat, quod si iusto breuius sit, vt excipulum accommodari nequeat, collum ex argilla peculiariter excoctum & vitreatum, adaptari potest, quibus peractis lento igne, donec lituræ exsiccata sint, tandem verò per gradus intensiores, destillatio inchoetur, donec fornax & cucurbita incandescant, relicto interim per duas horas, orificio cucurbitæ aperto, quoad globuli propemodum exurantur, atque omnis fœtor argillæ expiret, nec iactura, quæ interea fit, tantillæ partis spirituum, respectu aliâs contrahendæ impuritati tanti est, vt hic procedendi modus omitti debeat, hinc collo recipiens capacissimum, in quo mensura aquæ dimidia contineatur, arctissimè jungatur, ne quid expirare possit, quam operationem primò fumus citò euanescens sequitur, relicta materia, in ipso orificio albicante, ac tandem flavescente, seque dilatante, cum aliquot guttulis liquoris, in fundo existentibus & in eo porrò ignis gradu, quo vasa candentia permaneant, ad sex, octo, vel decem dies, pro ratione quantitatis salis contenti, persistendum; igne demum sub finem sponte extincto, ac instrumentis refrigeratis, spiritus rectificandus, sedulo ocellus reponitur, materia subtilis alba, instar farinæ collo recipientis, adhærens, nihil aliud est, quàm Sal Absinthij sublimatum, quod quibusdam flos salis dicitur, ad alium vsum separandus, ex globulis in cucurbita relictis, & ignis vehementia, ad fuscum colorem redactis, aqua communi calente, sal reliquum extrahitur, nullo pacto alteratum, nisi quod aliquantum acrior, & in aëre humido solui magis procliuvis sit, quam

dispositionem ei violentia ignis conciliavit.

De rectificatione spiritus salis destillati.

Etiam si aqua in recipiente, ad facilitandam vaporum resolutionem, cum spiritu conjuncta sit, si tamen is satis fortis deprehendatur nulla aquæ separatione opus habet, sed solum in arena, leni igne, ex retorta vitrea, ad siccitatem, & materiæ in fundo griseæ ac salis remanentiam denuò euocetur, qui totus crystallinus accuratè, ne pasta aut luto inquinetur, excipiendus est; Casu vero, quo is quocunque vitio contracto, deterior aut nimis aquosus esset, cucurbitæ inclusus, sine aquæ ebullitione, è Balneo Mariæ rectificetur, qui modus non tantum in omnium vegetabilium, sed etiam sale communi ex fontibus, aqua marina, vel lapidibus excocto, ad spiritus consiciendos obseruari solet.

Sequuntur quadam puncta obseruata digna, ad supra dictum processum pertinentia.

1. Quod attinet sal Cardui ben. minimè necessum est vt id summè depuratum sit, sed sufficit illud, ex primo lixiuio simpliciter extractum, quandoquidem impuritas & fœtor orificio aperto exhalat.
2. Cui argilla displicet, quæ, ne sale calore fluxile, in corpus coalescat aut cucurbita fundatur & dissiliat, additur, in eius vicem bolum orientalem, terram sigillatam Silesiacam, cornu Cerui perfecte calcinatum, aut puluerem laterum substituat.
3. Ad defectum sufficientis quantitatis salis, argilla & instrumenta secundum proportionem adhiberi & plurimum sa-

Nūm spiritūs simul, in fornacē capaci distinctis instrumentis destillari possunt.

4. Cum eodē ignis gradu 4. vel 5. dies continuato, nullus vapor (qualis ē viriolo, alumine, & Nitro eleuatur) in alembico etiamnum glomeratur, dubiumque oritur, vtrum operam ludere tingat, primum recipiente remoto, & angustiore præfixo, aut alembico cæco, præmissō in retortam cochleari aquæ imposito, nisi vase fracto alibi spiritus penetrent, aut ab argilla absumentur, dimido horæ spatio fumi oboriri, inque spiritum gustu explorandum resolvi incipient, quod signum infallibile est, præsentis copię spirituum, ideoque opus, ad plures adhuc dies, constanter vrgendum.

5. Recipiente remoto, & spiritu ad supra dictum modum rectificato, sal reliquum ex globulis extractum, ad idem aliquando opus, additè recentis salis quantitate adhibendum seruari potest.

Spiritus cum ex magna salis copia destillatur, vix quindecim diebus omnis prolicitur, nec vllō artificio, siue per follem, siue alias quibusdam vītatās inuentiones, citius euocari potest, sed certum ac definitum tempus requirit, non obstante aliquorum iactatione, se perfectum spiritum salis, additione nitri, paucarum horarum interuallo, elicere posse, quod etsi fieri concedam, nullius tamen momenti sunt, siquidem tales spiritus probè examinati, nihil præter nitrum redolent, vt & illo pseudochymicorum inani promisso, aurum simplici spiritu salis solvi posse, cum tamen, sine additione salis petrae minimè fieri possit.

6. Adde duas obseruationes notabiles, prima est nobilem, & quodammodo indissolubilem salis substantiam, in globulis restantem, quācūque ignis vehementia exercitāta, nullo modo alteratam reperiri: Secunda, spiritum salis non tantum ex aquosa, & sulphurea parte, vti

spiritum vitrioli, & Aluminis, sed ex toto composito ortum suum ducere ac nihil aliud esse, quam sal ignis actione sublimatum, & propter innata in humiditatem, liquoris forma consistens, nullā propenodum terreſtreitate relicta, ad similitudinem plurium rerum, quæ potentia Vulcani sublimantur, ac varie transmutantur.

De utilitate Spiritus ex sale Absinthij destillati.

Hic spiritus subtilis, penetrans, & acidus est, instar illius ex sale communi destillati, quod cum calidum & siccum sit, eiusdem quoque temperamenti eius spiritum esse constat, præcipuè cum ab igne, qualemcūque caloris gradum mutetur, calefacit & siccatur, eo tamen modo, nè vllam sitim excitet quam aciditatis ratione potius compeſcit, nec corpus calefacit sicuti cætera mineralia calida & sicca, salva interim digerendi, aperiendi, attenuandi, mundificandi, penetrandi, & putredini resistendi facultate, quibus de causis ad obſtructiones mesenterij, hepatis, lienis, renum, collectionem fabulosam, tartaream & viscidam materiam expediendam, ad hydropem, tympanitidem, febres inueteratas, ac morbos, ex meatuum (per quos chylus transire solet) interceptione, virium ex februm ardore aut causa morbifica malignitate dejectione tollendam efficax est, acrem & infestam materiam per sudorem, & vrinam expellit, & ad omnes ad quos spiritus salis communis adhibetur vsus seu externos, seu internos apprime conueniens est. Vtrum vero, etiam occultarum Absinthij qualitatum hic spiritus particeps existat, nolo hic pluribus disputare, sed in eadem, quam de reliquorum, ex salibus vegetabilibus, spirituum natura sententiam amplexus sum, etiamnum persisto: Spiritus

hic salis Absinthij, spiritū nitri rectificato acuatus, egregium quoque ad mineralia, & ipsum aurum soluendum, menstruum est, vnde excellens magisterium auri conficitur.

Præterea spiritus salis vegetabilis, proprio sali affusus procedendo, quemadmodum de sale Tartari vitriolato docui, suaue & subacidum, cum crystallis Tartari quoad manifestas qualitates conueniens sal suppeditat. Spiritus au-

tem huius, cum vino vel liquore appropriato, vti illius ex sale communi destillati, guttulæ 5. 7. ad 15. pro dosi exhibentur, ad cuius mirificam virtutem, (ob eos præsertim, qui in fundamentis chymicis parum versati sunt, eumque, vel audito tantum nomine, tanquam corrosiuum detestantur) demonstrandam, longiori orationis contextu opus esset, qui cum huius loci non sit, hic subsistere visum est.

FINIS.



SACCHA-

SACCHAROLOGIÆ.

P A R S P R I M A.

C A P. I.

Quid sit Saccharum, & quomodo colligatur.



Saccharum, est peculiaris quædam substantia dulcis, soboles arundinis cujusdam majoris, Botanicis cannæ, Saccharinæ dictæ, ad differentia in reliquarum arundinum, quarum diuersa genera existunt.

Prisci Medici, tum Græci, tum Arabes, saccharo, quo ad formam externam, nostro dissimili, nec ita elaborato, contenti fuerunt, ea siquidem harum arundinum proprietas est, ut magnitudinem conuenientem adeptæ, & succo illo dulci turgidæ, hinc inderimas agant, per quas, quemadmodum quædam arbores, gummi, lachrymam aut Resinam, hæ saccharum protrudant, quod, subtili eius humiditate, virtute solis consumpta, siccum, & coagulatum reperitur: Hoc itaque ipsius naturæ beneficio separatum, & quodammodo excoctum saccharum, in usum medicum duxere, ac istoc modo, in parua quantitate comparatum, tanquam rarum quid, in pretio habuerunt; ut Dioscorides in libro secundo, capite septuagesimo quinto sequentibus verbis testatur. Aliud genus mellis coagulati, à quibusdam saccharum vocatum, in India, & Arabia felici reperitur,

Ang. Sala.

quod cannis concretum, durum, & instar salis, dentibus compressum finditur, quæ ratione fortasse moti Plinius & Paulus Ægineta propter substantiam duram, albam, splendentem, hoc potius salis, quam mellis definitione expresserunt.

Nec sanè eam copiam sacchari antiquos habuisse, inde colligere licet, quod quidem, nostro melle propter abundantiam odoriferarum, & aromaticarum plantarum, multo præstantius meritò censetur. Subsecuti tandem solertiores. naturæ scrutatores, copiosiores longè quantitatem quàm à natura spontè protruditur, in his cannis animaduenerunt, eam extrahendi, non solum singulare artificium, sed etiam modum, cannas per seriem plantandi, ad modum culturæ vinearum, lupulorum &c. excogitarunt.

Quarum non tantum maxima copia, in Indiis orientalibus colitur, sed etiam molendino, magno numero, eas postquam ad maturitatem peruenerunt conterendi gratiâ ac instrumenta ad sacchari confectionem fabricata, ac aliquot millia hominum victum sibi, ex hac opera comparantium, conspiciuntur, cuius etiam maxima onera, per mare, in Europam, ad nos aduehuntur, vbicunque terrarum distrahenda, adeo ut commercia eius, illa cum oleo, vino, sale, serico, lana, & aromatibus fieri solita, æquare possint. Controuersia quædam & sententiarum discrepantia, post inuentum saccharum dicto modo elaborandi, inter Medicos veli

Botánicos orta est, quorum quidam nostrum, à saccharo antiquorum natura differre, alij vero solo producendi modo, nostrum, vt arte extractum, & igne coagulatum, illorum verò naturæ impetu emissum & sponte vi caloris cælestis exsiccatum, quodammodo diuersum, viribus, & proprietate tamen, quoad cætera conuenire contendunt: Cuius controuersia compositionem, apud Matthiolum, super Dioscoride, supra memorato capite, ac Tabernæmontanum, aliosque aucthores videre est, de quo hæcenus dicta sufficiant.

CAP. II.

De differentia Sacchari.

Saccharum primo impurum, & simplex, aqua excoctum, & siccatum, ad Europæos mittitur, quod dulciarij porrò candidum, splendidius magisque durum purificando reddunt, cuius sex potissimum sunt genera.

1. In forma pulveris album, & splendens instar niuis, sapore dulcissimum.
2. Itidem forma pulveris, secundum modo dictas qualitates, primo propemodum respondens.
3. Flauescens, & minoris valoris.
4. Impurum, & lutum, dulcedinis tamen non aspernandæ.
5. Subpingue, colore fusco, & sapore nidorofo dulcedini mixto.
6. Et vltimum, è pulvere, ac sordibus repurgatum, cuius generis ex Madera, ac Canaria, albissimum & dulcissimum, ingenti copia adfertur, in metæ formam reductum.

Saccharum, vt vulgi vocula vtat, iterum quadrupliciter distinguitur 1. in finum, 2. magis finum, 3. finissimum, 4. saccharum candidum: Restat nunc genus quoddam, in forma liquida, quod in rea-

finatione, à sicco, & duro separatū: Illud autem, quod in prima purificatione sequestratur, fuscum est, & melleæ consistentia, Italis Melazzo dictum, empyreuma cum dulcedine obtinet, vulgari in vsu, ad cereuisiæ iuscula, loco mellis, aut butyri, præcipue apud dulciarios propter pretij vtilitatem, & tincturâ, quam rebus confert: Huic proximum est, ex secunda reafinatione, colore aliquantum remissius, ad flauedinem accedens, fructibus condiendis, loco mellis conueniens.

Saccharum forma liquoris, ex tertia reafinatione separatum, adhuc purius, in consistentiam coctione reductum, in reliqui Sacchari locum, vsu, ac pretio succedit.

CAP. III.

De Reafinatione Sacchari in genere.

Hic de Sacchari varietate præmissis, nunc de reafinatione pauca dicenda supersunt. Dictio hæc reafino, illi chymicis admodum vsitata, rectifico æquipollet, atque reafinare, idem significat, ac substantiam quandam, ab impuritate liberatam, repetita opera, ad summam puritatem redigere, quemadmodum olea, à prima destillatione, empyreumatis plena, turbidaque & impura, eadem aliquoties reassumpta, ad eam (quam quidem eorum natura ferre potest) pelluciditatem reducuntur, vt visui gratissima existant, vt quoque spiritus minerales, sulphuris, vitriolis salis, nitri, ipsum tartarum vini & sales herbarum, fæculentia, beneficio rectificationis deposita, adamantis nitorem acquirunt, vt & nitrum è terra erutum, & depuratur splendore crystallum mentitur: Quæ omnia chymico perito, plusquam nota sunt.

Reafinatio autem, est ars quædam, Saccharum è cannis extractum, vt candor

rem, & duritiem consequatur, ab omni impuritate liberandi, quæ pluribus operationibus absoluitur, solutione nempe, despumatione, clarificatione, fusione in formas, sequestratione à sordibus, coagulatione, & ad finissimam substantiam reductione; Primum Saccharum, aqua & albumine ouorum, à sabulo & pulvere purgatum, clarificatum, & in pileos fustum, denuò in lixiuio claro, & pellucido, ex calce uiua parato, soluitur, excoquitur, & despumatur, aliasque in formas in fundo foramen habentes, fustum; à liquore nigricante, Melazzo Italici dicto repurgatur, quem laborem subinde, pro puritate, vel impuritate Sacchari repetunt. Namque hoc lixiuium, acrimonia quadam sensibili, pingues, ac faculentas Saccharo commixtas partes, secum absorptas aufert. Quod inuentum laude dignum, quandoquidem id, nullo alio liquore, quamuis limpidissimo perfici potest, non obstante artificum præfatione, calcem, aquæ huius clarificandæ gratia adhibitam, nihil in illa propriæ substantiæ relinquere, ne vulgus ab eius vsu abhorreat, aliud tamen gustus probat, etiam si ob id, vt sequenti capite docebo, Saccharum non reddatur deterius.

C A P. IV.

Virum ex dicto lixiuio, cum calce parato, corrodens, ac ignea qualitas, in Saccharo relinquatur.

Qvorundam Medicorum opinio est, Saccharo, ex supra dicto lixiuio calcario, in festas, & causticas qualitates, quæ agris plurimum obstat communicari, adeoque Maderanum, aut ex Canaria allatum, solummodo albumine ouorum clarificatum præferunt: Cuius quæstionis non friuolè, cum saccharum finis-

simum, tam sanis, quam ægrotis, sæpius quam alterius generis vllum, in vsu veniat, pro ingenij mei modulo, enodationem subijciam.

Primum, extra controuersiam ponitur, calcem uiuam ex lapidibus, (datur enim etiam ex alia etiam materia confecta) excoctam, ad hoc opus adhiberi solitam, potentem vim causticam continere, cuius rei cerdones, pelles animalium breui tempore, pilis corrosis læuigando, & vespillones, grassante lue pestifera, cadauera mortuorum, in magnam fossam congesta, æ aer, ex horum putrefactione, magis contaminetur, vsque ad ossa illico, injecta calce consumendo, ac chirurgi hac, cauteriis potentialibus mixta, carnes excrescentias exedendo, amplum testimonium perhibent.

Secundò, modo, & intentione, vsus calcis, in diuersis rebus distinguendus est, rebus enim modò commemoratis, in substantia, vt acerrimè corrodere possit adhibetur; Saccharo vero tantum aqua ex eadem acuata, & clara, quæ faculentam partem, Saccharum obscurantem tollat affunditur, cum prior ille modus Saccharum potius denigraret, & fluidum redderet, eique præsertim solido, nihil corrosui, & acris, quin cito sui indicia præbeat, Saccharo per mixtum consistere posse, quod argumentum euidentius est, Saccharum hac labe vacare. Nec ipsum lixiuium, huius qualitatis, qua Saccharum corrumpat esse potest, nam nec ea quantitate, qua coriarij, ad lixiuium suum, reafinators vtuntur, sed modica, in magna aquæ quantitate extincta, quæ in vasis ligneis, aut lapideis residere permittitur, donec aqua instar cristalli clara aufergi possit, interea per hanc operationem, omnis caustica, calcis ab igne acquisita qualitas, ferme expirat, & consumitur, siquidem hac ipsa, nulla adurandi vi, sed modica abstergendi qualitate prædita,

manus, & facies sine noxa ablui, inflammationes partium, Erysipelas, ac ignis sacer, mitigari possunt: **Qui** vero etiam, aquam inter coquendum consumptam, sal acre & igneum in Saccharo relinquere arbitrantur, sequentibus rationibus refutantur. Prima est, Saccharum cum salina, acri, ignea, & corrodedo substantia, nullo modo posse consistere: Secunda, aquam calcis, in concha, per exhalationem consumptam nullum sal, aut vllam substantiam acrem, in liquore resolubilem præbere, quæ saccharo mixta, calorem, & siccitatem adferre possit: Tercio actu ipso, in nulla sacchari parte, quantumvis anatomice, per dissolutionem, digestionem, filtrationem, anatomice distincta, aut etiam combusta reperire datur; Quarto posito non concessio, tale quid commixtum relinqui, huius tamen tantillum, tantæ sacchari copiæ vnitum, nullius efficaciam esse potest. Concludo itaque Saccharum reafinatum, malæ qualitatis, aut substantiæ, à calce contractæ, haudquaquam particeps esse, ac etiam si talis quædam, à lixiuio communicaretur, maximam eius partem, iterum cum spuma, aut ipso Syrupo, à dura, & concreta Sacchari parte separari, vt neminem, aut sanum, aut ægrotantem, nisi abusiue sumptum, oblædere possit, quantum quidem, in praxi tot annis continuata, semper finissimum vsurpando, obseruare potui.

C A P. V.

*De qualitate & proprietate
Sacchari.*

Etiam si huic aliqui, temperamentum humidum calidum, in primo gradu, adscribant, doctissimus tamen Fernelius libro quinto de methodo medendi Cap. vigesimo, sequentibus verbis reclamationat: Saccharum mellis species cum sit, siccatur

quoque & abstergit, sed quod rubrum, potentiùs, vt pote calidius & acrius. Quidquid sit experientia certè, hoc nulla manifesta vi calefaciendi, aut siccandi multo minus refrigerandi excedere, sed temperatissimum esse docet, cui Galenus Medicorum rationalium Princeps, consentit, illud ipsum in classem rerum, quæ febricitantibus tutò offerantur, referens, nec est quod quispiam putet, leuem abstergendi facultatem ipsi conjunctam, ex acrimonia aliundè mutuata, profluere. Insuper balsamicam qualitatem, non semetipsum tantum, sed res quoque alias conseruandi, ambo, crudum sc. & reafinatum possident: Horum tamen, Medico scitu necessaria, differentia quædam est, crudum enim temperamento, & operatione, ad mellis naturam, ipso reafinato propius accedit, apertè enim in clysteribus adhibitum, abstergendi, & resolvendi vim prodit, imò alui solutionem ipso melle, promptius operatur, & eius, non minus, ac mel corpus inflare soliti, vsum complures recusant: Quibus de causis sequitur, Sacchari reafinati calorem, quam crudi remissiorem esse, siccitatem vero licet innocuam, intensiorem, ideoque ad cibum & potum, confectiones aromaticum, ac medicamenta confortantia, magis conuenire, vt crudum ad composita, pro alio soluenda comparata.

C A P. VI.

*De commodis, & incommodis, quæ ex
vsu, & abusu Sacchari nascuntur.*

Sacchari virtutes, ac operationes, secundum rationem & modum vsurpatis, sunt sequentes; Corpus nutrit, sanguinem probum generat, spiritus vitales recreat, semen auget, fatum in vtero firmat, quod nemo miretur, siquidem hoc subiectum, æmulam vini dulcissimi virtutem, vt porrò docebo in se complecti-

tur, cuius proprietatem, in refectione longo morbo emaciatorum, senum, melancholicorum, moderatus vsus comprobatur, conducit affectibus faucium, pulmonum, rauedini, respirandi difficultati, ex defluxione acri obortis, exulcerationi item pulmonum, laterum, renum, vesicæ, purisque ex iisdem expurgationi, intestinorum asperitatem lenit, eorumque excrementa emollit, & expulsionem apparatus, vulnera in corpus penetrantia & puncturas, ut etiam oculorum maculas extergit, dolores vlcera, & tumorum, humores influxos coquendo, aut si ad suppurationem inhabiles sunt, digerendo dissipat, pluresque alios in medicina vsus habet, breuitatis gratia prætermittendos. Vice versa, quantum vsus utilitatis, tantum abusus detrimenti asferre potest, concoctionis nimirum debilitatem, appetitus dejectionem, inflationem, repletionem capitis, catharrum, visus obscuritatem, columellæ putrefactionem, dentium denigrationem, & vacillationem, fœtorem anhelitus, dispositionem hydropicam, dolores colicos, ac virtute retentrice, in officio stomachi, ac intestinis relaxata, fluxus alui inordinatos excitare, cuiusmodi passionibus homines, eo abutentes, teneros præsertim, & delicatos, sæpè multumque aggrauatos conspiciamus: Obijciunt equidem, Saccharum balsamica virtute, cum corpora à putredine vindicandi, virtutem possideat, eadem nullo damno afficere posse: Sed parum ad rem, siquidem etiam aliarum præstantissimarum rerum maximeque salubrium, utpote, panis, vini, aquæ vitæ & salis, quæ omnium basis balsamica, immoderatus vsus præter rationem, admixtus enormiter lædere solet, quo errore quamplurimos deceptos, & præmatura morte abreptos, ni lectoris otio abuti vellem, enumerare possem.

Cæterum vnanimi Medicorum sententia constat, non tantum flauæ, sed

etiam aruginosæ bilis, aliorumque acrii, melancholicorum & fermentantium humorum, sanguinis calidioris, impuritate scatentis, vel scorbuto contaminati, ac omnis generis febrium præsentia, quemadmodum paucum fermentum, integram pastam acore suo imbuat, saccharum (nisi citra moram, vnâ cum materia peccante, è corpore exturbetur) ad illorum humorum naturam, breui tempore transmutari, atque ita cum materia morbificâ incrementum, ipsos quoque morbos augeri, & prolongari necessum esse. Postremò mulieres suffocatione vteri, ex putrescente colluie & lubrica constitutione laborantes, aliosque naturâ ab vsu sacchari & rerum dulcium abhorrentes, nauseum, & diuersa symptomata excitando, summopere lædit, ut nemo mentis compos, illud omnibus sine discrimine conuenire asserat.

C A P. VII.

De utilitate sacchari, ad medicamentorum edulcorationem.

Cum præcipua medicamenta propter ingratum odorem, & saporem, ægrotantibus, ut plurimum aduersentur. Necessitas inuentionem, qua, sine propriarum virium iactura, correctâ, aliquantum suauiora redderentur, à Medicis exegit; quæ alioquin colore, sapore, odore, aut consistentia nauseabunda, horrorem, & concussionem toti corpori inducendo, plus ad ægrotantium debilitatem augendam, quam affectum propulsandum faciant.

Saccharum autem, præter adscriptas ei qualitates, ad medicamentorum edulcorationem, non solum saporis gratiam conciliando, sed eorum quoque acrimoniam temperando, & ne fibris intestinarum adhærendo, aut partes inflammando noceant, aptissimum, omniumque

operationem faciliat, acerbæ, acidæ, amaræ, stipticæ, temperat, cathartica mitiora reddit, quin ipsa aromatica, & cordialia composita, sine admixtione sacchari, delicatis ac teneris hominibus, non commodè offeruntur.

Vbi vero alij effectus, præter edulcorationem requiruntur, saccharo omniſſo: aliæ substantiæ aptiores adhibendæ v. g. ad incisionem tenacis phlegmatis, in capite, ventriculo & intestinis contenti, ad partes calefaciendas, nec non ad medicamenta, contra apoplexiam, & lethargum parata, edulcoranda, mel, quod non solum præter abstergendi ac mundificandi vim dulcedine saccharum superat, sed etiam specifica virtute, contra dictos morbos multum pollet, præ cæteris eligendum est: Ad excoriationem pectoris, renum & vesicæ, Glycyrrhizæ essentia sine empyreumate extracta: Ad bilem atram alterandam, & educationi præparandam, pomorum dulcium succus, ad mellis consistentiam inspissatus, qui absque condimento sacchari, ultra annum, viribus integer permanet, omnibus aliis rebus præstat: Ad apozema digerens, aperiens, & emolliens, quo subsequens catharticum feliciùs operetur, commodissima est passularum essentia cum aqua communi sine saccharo parata, cuius descriptionem in anatomia essentiarum vegetabilium tradidi, hæc enim præter dulcedinem, gratæ aciditatis aut tartari acidi particeps, ad intentionem hanc probè facit; ac magna quoque utilitatis, ad potiones vulnerarias, ad mundificationem vteri, in puerperis est, & parvo quidem pretio comparabilis, cum ex lb j. passularum ultra lb s. essentia producat. Tandem ad potiunculas purgantes ex Mechoaca, Sena, vel Rhabbarbaro, cassia, Manna, pulpa prunorum, in usu sunt, quorum purgantium actionem non modo adjuvent, sed asperitatem quoque, & siccitatem corrigant,

quorum tamen pro rationè affectus, & subiecti, differentia habenda.

C A P. VIII.

De utilitate Sacchari, ad varia condienda.

Permagnum ad omnis generis fructus, cortices, radices & cætera condienda, item confectiones aromatum, & seminum, Saccharum usum præstat, quorum varietate, non modo Pharmacopolia instructa, sed Magnatum quoque mensæ lautæ & ornatissimæ conspiciuntur, cum enim præter dulcedinem, nulla peregrina qualitate imbutum sit, & rerum quæ eo condiuntur, neque saporem neque odorem obtundat, & colores propter crystallinam claritatem, transparentes pulchrè exhibeat, huic operi aptissimum est: Denique propter consistentiam solidam, & siccam, succum rerum conditarum absorbendo, easdem incorruptas diu servare potest, ex eo enim morfili, ac marmeladæ cum Cydoniis, Cerasis, Berberis, Amygdalis, Pistaciis, varia forma concinnatæ, non tam facilè humescunt, atque ex melle, & melazzo confectæ, quorum parandi rationem, & modum, apud plures auctores videre licet.

C A P. IX.

De utilitate Sacchari, ad præparationem variorum medicamentorum.

Non minor Sacchari utilitas est, ad medicamentorum compositionem, conservas, confectiones, electuaria, eclegmata, & syrupos, quorum exempla passim in dispensatoriis, non modo arabica, græca, latina, sed omnium ferè nationum lingua conscriptis extant ex quibus illud, DD. Bauderoni ex gallico,

In germanicum idioma, translatum & Argentinae impressum, non modò medicamentorum præparationes, sed etiam nominum significationes, authoresq; ipsos accuratè conscriptos continet, quibus, breuitatis causa, omisiss, lectorem ad præfatum D. D. Bauderonum remitto, pharmacopææ studio initiatis præ reliquis commendabilem.

C A P. X.

*An Medicina Saccharo carere
nequeat?*

ENarratis Sacchari virtutibus, ad necessitatem eius, in vfu medico nunc accedo, & quandoquidem tot pharmacopolia, innumeris medicamentis, Saccharo conditis instructa, & ornata per Europam conspiciuntur, oritur quæstio, an Saccharum, ad medicinam faciendam absolutè necessarium sit? ad quam negatiuè respondeo, & licet ob saporem, & laudabiles qualitates, plurimum commodi adferat, sine eo tamen curas difficiliorum morborum absolui posse, planum est: Neminem enim in scriptis veterum Medicorû, qui de origine, & progressu Medicinæ scripserunt, vel medicriter versatum latere potest, illam ducentis annis viguisse, antequam Saccharum, ac illud excoquendi artificium cognitum fuerit. Etenim antiquissimi illi Medicinæ proceres, explorata morbi proprietate, tantum ferè simplicia, ad scopum tamen apprime facientia remedia adhibentes, nihilominus ob felicem, in curandis egris successum omnibus tantquam Dij admirationi fuerunt: Cuiusmodi fide dignorum complures historicæ relationes, & inprimis de Hippocrate Medicorum principe extant; ac etiamnum in viuus, doctissimi iuxta, & experientissimi Medici reperiantur, qui rarissimè medicamentis, cum Saccharo mixtis

vtuntur, ac nihilominus felicissimam, secundum tria illa vota, citò, tutò & jucundè, praxim exercent, nec defunt, tam magna, quam paræ conditionis hominum exempla, simplicibus in quauis forma vtentium, quos tamen in re medica, non contemnendam operam præstare in confesso est, vnde sequitur, Sacchari vsus in praxi medica, nullam esse absolutam necessitatem.

C A P. XI.

*Vtrum saccharum sit necessarium ad
conseruandas virtutes, quorundam
simplicium.*

Confirmata supra posita thesi, saccharum nimirum ad curationem morborum, simpliciter non esse necessarium, altera quorundam instantia sequitur, illud tamen ad conseruationem medicamentorum requiri, ergo saltem mediatè etiam, ad curationem plurimorum morborum: quæ simili modo solvitur, ad curationes enim morborum, medicamenta viribus integra necessaria sunt, atqui quouis anni tempore, medicamentis, nullo saccharo conditis, curationes morborum absolui possunt, ergò tanto tempore talia vegeta adhuc, & efficacia sine saccharo existunt, ac consequenter saccharum, ad eorundem medicamentorum conseruationem, absolutè necessarium non est: Adde, cum omnia, quæ sub sole existunt simplicia, aut animalium, aut mineralium, vel vegetabilium genere comprehendantur, atqui nusquam compertum sit, pulmones, hepar, intestina, vel vllam animalis partem ad medicum vsum expectitum, multoque minus metalla, marchasitam, lapides, vitriolum, Sal, aliaque mineralia saccharo condiri: Restat, hanc quæstionem solummodo vegetabilia spectare, quorum partes, vel ipsa integra isto tempore collecta, à putredine

defendi postulant, ac potissimum herbae, folia, flores, fructus, semina, radices cortices, ligna & succi expressi; Gummata enim balsama, resinae, terebinthina, nulla tali conservationis ope indigent: Nunc vero conservationem rerum quod attinet, clarum est, nihil in rerum natura existere, quod simplicia, in eodem gradu, & temperamento, quo recens decerpta deprehenduntur, absque eiusdem mutatione conservare possit, quin etiam quovis modo, conditarum vires, temporis progressu exolvantur; ac ipsis tum Medicis tum pharmacopæis notissimum esse, omnes herbas, folia, fructus, semina, radices, cortices, ligna debito modo exsiccata, vires præcipuas diutissimè conservare, succosque ex iisdem expressos, & inspissatos, non solum nostrates, sed quoque exotics, nulla artis methodo coagulatos, ac simplicia utcumque exsiccata, absque additione sacchari, multo tempore viribus pollentia consistere, propriaque, & innati balsami virtute, à putredine vindicari, atque ipsorum retrigerantium & humectantium succorum, formâ liquidâ, absque saccharo, ut nullum mucorem contrahant, conservandi modum, vulgo nunc innotuisse constat, ethi etiam coagulati, cum propriis aquis, ad eundem scopum soluti rectè usurpari possint: Quæ cuncta satis probant, quod Sacchari ad simplicium conservationem, vltus absolute necessarius non sit.

C A P. XII.

An vires vegetabilium, quæ saccharo condiuntur, melius conservantur?

THemate præcedenti probato, ac concessio, complura sc. simplicia sine saccharo in vigore virium diu consistere, etiamnum tamen dubium restat, an non melius, ac facilius saccharo mixta conserventur, Responso partem negatiuam, ra-

tione, & experientia firmatam tuetur: Etenim, cum illa ut supra docui præparata, in harmonia primarum, secundarum, ac tertiarum qualitatum, adeo completa sint, ut eorum virtutes, naturæ propriæ conuenientes, integræ deprehendantur; absurdum est statuere, easdem extranei cuiusdam accessione, magis perfici posse, siquidem nulla res, sub cælo lunari, aut arte, aut sponte producta extat, ut aliqui de materia prima ac vniuersali somnia sibi fingunt, adeo indifferens, ut alteri cuiuspiam incorporata, non alicujus novæ qualitatibus impressionem faciat, illamque non nihil alteret, ita ut magis pro composita, quam simplici habenda sit: Quemadmodum etiam lentæ, & ponderosæ sacchari substantiæ, peculiare quædam, ad effectus singulares producendos, qualitates insunt, ita ut eo condita mutationem in sapore, pondere, & consistentia manifestam patiantur, nam cum ad alicujus simplicis, v. g. florum Rosar. vel Anthos. lbj. sacchari lbss. ex præscripto veterum recipiatur ad eiusdem conservationem, unde quoque nomen conservæ, quo pacto illa, exactè temperamentum suum nativum retineant, aut altiore virtutis gradum impetrent dispicere nequeo, ipsa enim ratio dicat, ad qualitatibus sacchari extensionem simplicis vires necessariò remitti, nisi quis talem illi vim adscribat, quæ instar fermenti, saccharum in propriam suam naturam convertere possit, quod asserere ridiculum, & dementiæ proximum est. Ad eundem modum se res habet cum Syrupis, quorum magna còpia sacchari, essentiæ, à qua denominationem accipiunt, ferè suppressæ, vix aliquid effectui dignum, præstare possunt; adeo, ut succi alicujus simplicis v. g. betonicæ 3ss. integræ lb. eiusdem Syrupi penè præstet. Quare qui alia, quam exsiccationis, & extractionis essentiarum viâ, puras simplicium vires conservari existimat, magnoperè fallitur & nisi alterius inten-

intentionis gratia, in vsum medicum, huiusmodi substantiæ dulces, requiruntur, nulla ratio est, quin ab eo penitus excluderentur.

C A P. XIII.

Vtrum vsus medicamentorum saccharorum, reiciendus sit.

ET si duobus præcedentibus capitibus probauimus, simplicium vegetabilium, proprii & innati balsami beneficio, vires, absque saccharo conservari, nec hoc permixta, simpliciter exsiccatorum aut eorundem essentiarum gradus quo ad qualitatem & operationem eadem dosi attingere, non tamen eò, occasionaliter, in descriptione sacchari, illatus discursus collimat, quasi omnia saccharata medicamenta sint rejicienda sed vt qualis, horum inter se distinctio facienda sit, innotescat. Præterquam enim saccharo, vt quinto, sexto, & septimo capite videre licet, multum tribuam, concedo Saccharo confectorum medicamentorum, tanquam compositorum, etiam qualitatis, quam à saccharo mutantur, respectu, magnum in Medicina vsum esse: Ac primo conservæ, & condita, præmissis generalibus, maxime catharticis medicamentis, quasdam intemperies corrigunt, humores præparant, viscera confortant, aliosque effectus paulatim refectionis modo obtinendos præstant, & inprimis ad diuturnos, incurabiles, ac in habitum abeuntes morbos, qui potius per modum palliativæ, quam fundamentalis curæ, cum virium conservatione mitigari postulant, conueniunt, exempli loco est saccharum Rosarum rubrarum, quod observata ordinata diæta desperatis phthisicis multo tempore vitam prorogare constat, qui effectus, nec ex solo saccharo, nec ex Rosis per se separatim sumptis, sed virtute totius composui provenit; &

Ang. Sala.

ipsa Cydonia, quamvis austerâ, huius præparationis beneficio, ferè cætera condit suauitate superant, vtilissima ad stomachi roborationem, spirituum vitalium restaurationem, ad internarum partium relaxationem, ac alui fluxum immoderatum compescendum: Cortices Citri, Arantiarum, & Zingiber in India conditum, quamvis maceratione aliquam virium jacturam faciant, nihilominus ad stomachum, & interna viscera calefacienda, flatu dissipandos, eodem modo confecta, insignem habent efficaciam, nec facillè morfulorum, antidotorum, aliorumque medicamentorum saccharo conditorum vsum, in praxi medica carere licet, & ipsis Syrupis (quamvis vt supra dixi, simplicium è quibus componuntur vires, quantitas sacchari quodammodo obtundat) tum purgantibus tum alterantibus, precipuè acidis, ipsius effectus testimonio, multum tribuendum: ad looch vero, & elegmata, affectibus faucium, pulmonum & pectoris dicata, quandoquidem iisdem saccharum, per se conuenientissimum est, optima ratione adhibetur, quapropter perspecta eorundem vtilitate, nihil causæ restat, cur ante aliquot cætenos annos reperta, ordinata, & hunc in diem vsque usurpata, imò necessaria medicamenta, è prouincia medica proscribamus.

C A P. XIV.

Vtrum tot genera medicamentorum, saccharo confectorum in medicina necessaria sint?

PLurimæ, & propemodum infinitæ, ex saccharo cum aliis simplicibus compositiones, in lautioribus Europæ Pharmacopoliis reperiuntur, quarum non omnium vlla effatu digna necessitas est, hujus vero & tantæ varietatis triplex fe-

T

re causa esse apparet, quarum prima hæc est, quod vix aliquis, è Medicorum numero reperiatur qui ab vno vel pluribus, licet cum iisdem, in affectus eiusque differentia, causæ, indicationum, & scopi curatiui definitione conueniat, in electione medicamentorum non discrepet, ex hac vero tanta, ac tam diuersa copia, quisque quod sibi potissimum, ex vsu fore auguratur, amplam eligendi potestatem consequitur: Secunda est ingeniorum curiositas, quæ vix vnquam inuentis acquiescunt, sed perpetuo, ad noua perferenda feruntur, ac aquæ ad vsum potiora sint, disquirunt, quod equidem culpandum non est, siquidem ad diuinæ maiestatis gloriam, etiam his rebus conspicuam præpicandam, & proximi commodum accumulandum spectat: Tertia est abusus quorundam, qui plurima sine necessitate, ad ostentationem præscribunt, & stolidæ opulentiorum persuasio, accuratorem sui curam, hoc modo geri credentium, cum tamen naturæ motus interturbetur ac damnum innato robori inferatur. Concludo itaque hanc varietatem, superfluam & inutilem esse, cum vix vllus Medicus, quaecunque ætatem attingat, decimam eorum partem, ad vsum referre possit, & plurimos, circumscripto certis terminis remedium penuriam, suam in praxi felicitatem stabilire videmus, cum aliorum vicissimum simplicium, tum compositorum oceano, sensus ferè obrui contingat.

SACCHAROLOGIE

PARS II.

CAP. I.

De elementarium partium, quibus saccharum constat, distinctione.

Explicata in præmissis tractatu, natura, qualitate, & vsu sacchari, quæ medicinæ initiatum ignorare nefas, quid ex eo arte spagirica, ad praxin præparato, consecutus sum, porro docebo. Et si saccharum quod ad partes elementares, cum cæteris vegetabilibus, quæ oleum, sal, aquam & terram inspidam comprehendunt, fermè conueniat, differentia tamen aliqua, in iisdem cum aliarum rerum partibus, secundum colorem, odorem, saporem, pondus, & operationem chymicam deprehenditur, cuius mentio in Hydræleologia aliqua facta est, sequens autem processus, maxime compendiosus, abundè declarat. Cucurbitæ nimirum altæ capaci (saccharum enim excalefactum promptissimè fursum nititur) sacchari libris duabus aliquo vsque repletæ, iuncto alembico, & excipulo, occlusisque iuncturis catino arena cooperto impostite, lenis ignis supponatur, vt aqua sensim destillare incipiat, quo gradu ignis, vsque dum guttæ tardius prodeant, exin vero adaucto, donec nihil amplius eleuari possit, opus continuandum est & tandem refrigeratis instrumentis, aqua cum tantillo pro quantitate & qualitate sacchari, olei supernatante (crudum enim ipso reasinato plus olei continet) excipitur, quod ab aqua per arenam demum rectificanda separatur, ex residuo sacchari

in cucurbita relicto & in cinerem porrò redacto secundum modum in Tartarologia mea traditum sal extrahitur, relicta terra quadam mortua, nullam propemodum manifestam qualitatem redolente, qua methodo, quatuor diuersæ sacchari partes separantur: Harum virtutes quod attinet, aqua acerrima & penetrantis qualitatibus particeps, primum locum tenet, adeo, ut non minus ac succi Citri, Berberorū & illi ex Tartaro, ligno Guajaco, melle, destillati spiritus, Corallia, Margaritæ, Cancros, lapidem pumicem, in subtilissimâ atomis resoluendi vim obtineat, à cuius vsu tamen, propter nidorem ingratum abstineo: Caterum oleum eadem cum illo, ex Tartaro eliquato, & sal quoque ac ipsam terram, communes ferè cum reliquis vegetabilibus huius generis substantiis qualitates complecti existimo: Quod ut quid ars chymica valeat, & quomodo, ex hac operatione, ad plura arcana, via aperiatur, quivis intelligere possit, hisce paucis consignavi.

C A P. II.

De Saccharo cum spiritu vini soluto, à quibusdam oleo sacchari dicto.

Quidam chymici certum liquorem, oleum sacchari vocatum, tanquam singulare arcanum, in pectoris, & pulmonum affectibus, sequenti modo describunt, &c. Sacchari pulverisati q. s. spiritu vini, ad eminentiam digiti vnus, affuso, accenditur donec ad Syrupi consistentiam condensari, & spontè extingui incipiat, quem liquorem dictis affectibus, infarctum phlegma incidendo prodesse minimè nego, huic autem olei appellationem convenire, aut plus quam ipsum saccharum, quovis modo vsurpatum in medendo posse, neque rationi, neque experientie consentaneum est, utpote, quod nihil aliud est quam mixtura sacchari, cum restibili ex spiritu vini phleg-

mate, non nihil per adustionem spiritus vini quoad saporem & odorem alterata, nec enim sacchari in oleum, adeò leui opera tam repentinam metamorphosin fieri credibile est, atque illi chymici resolutio salis tartari liquori, spiritui vitrioli probè à phlegmate liberato, item illi ex ferro, auro, talco, liquori parato, potius ex aliorum opinione loquentes, propter crassam & lentam consistentiam, olei denominationem tribuunt; ac ipsum saccharum cum aqua Hyssopi, Enulæ, Tussilaginis ad Syrupi consistentiam solutum, non solum gratius, sed longè utilius remedium est, quandoquidem ipsum phlegma spiritus vini, hoc putativum oleum, deterius reddit, nec locum habet quod aliqui inferunt, non nihil spiritus vini, aut acidum phlegma, cum illo relictum, ad incisionem crassorum humorum, multum prodesse, siquidem cæteris Syrupis, aut quibuscvis liquoribus pectoralibus tantilla spiritus vini rectificati, aut aceti pars infusa, maiorem effectum præstabit, adde nec ipsa adustione, saccharum ullam laudabilem qualitatem consequi posse; ita, ut ne quidem ad aliquis communis medicamenti bechici præstantiam accedat: De quo tamen suum cuique liberum esto iudicium.

C A P. III.

De tinctura sacchari antiquorum.

Quidam ex prioribus chymicis, solutioni sacchari ad fuscum colorem reductæ, tincturæ nomen imposuerunt, quæ sequenti modo paranda, saccharo in vitro, ad humectationem paulatim acetum destillatum affunditur, hocque mixtum, donec infusum liquorem solvatur, moderato arenæ calore fouetur, cui porrò spiritus vini rectificatissimi, q. s. instillatur, ex quo aliquantum manibus agitatim, solum colorem acquirit, quo facto, & spiritu vini per Balneum Mariæ

iterum abstracto, liquor lentus fusci coloris relinquitur, cui miram, in edulcorandis medicamentis, potestatem adscribunt, vt hac in re minima, maximæ sacchari parti æquipollere possit, nec in vilo liquore, quemadmodum ipsum saccharum denuo concreseat: Sed cum saccharum nullum colorem, qualis in floribus Violarum, Rosarum, Tunicæ, Croci cernitur, à corpore suo separabilem complectatur, illum, ei per accidens ratione mixturæ, & caloris extranei contingere necessario sequitur; quemadmodum in pluribus aliis (de quibus, in diuisione septem planetarum terrestrium, Anatomia Antimonij, & Chrysologia mea, prolixius) non tantum è vegetabilem, sed etiam mineralium genere, substantiis per earundem, maximè diuersarum confusionem, colores, qui nec vni, nec alteri naturæ insunt, exoriuntur, ita vt illi nullo modo, tincturæ appellatio competat: Etiam si enim hic titulus aliis etiam singularis virtutis medicamentis, quæ humorum malitiam consumendo, cachexiam & scabiem corrigere, ac coloris gratiam restituere valent, vt in chirurgia magna, ac aliis operibus legitur, à Theophrasto Paracelso tribuatur; huic tamen eum ob defectum eiusmodi virtutum, conuenire nulla ratio euincet; quin ipsius sacchari temperamentum acciti, & spiritus vini admixtione mutatur, huiusque tantoperè, supra saccharum ipsum deprædicata dulcedo, extractione, & exaltatione comparanda, nulla ratione & experientia, sed friuola, & stulta pseudochymicorum imaginatione nititur, nec solum aceto destillato, sed etiam spiritu vitrioli, & salis nitri, saccharum, vt nullo modo in priorem formam reduci possit, primò solui, denique spiritu vini, in rubicundum liquorem redigi potest, qui tamen partim acidus, partim dulcis, inutilis ferè, & nullius momenti est.

De Sale Nitri cum saccharo preparato.

Salem nitri ad internum vsum, acutioris qualitatatis corrigendæ causa, quidam cum saccharo sequenti modo præparare solent: Salis nitri purissimi sufficienti quantitati, aqua fontana soluta, eam sacchari copiam adiungunt, vt eiusdem sapor ferè præcellat, hinc aquositate, ad mediam partem, per exhalationem separata, loco frigido, Nitrum, ad fundum vasis, in splendentes lapillos concretum, à residuo liquore, saccharum, & partem nitri continente (ex quo, labore repetito, noui crystalli producuntur) separatim seorsim, ad vsum seruant. Sed neque in hoc quicquam singulare deprehendere possum, cum nitrum pristinae naturæ, quod sapor, & ignis contactus probat, particeps, minimum de sacchari substantia contineat: Quare vtilius fore existimo, vt nitro optimè clarificato in mortario vitreo, competens sacchari quantitas misceatur, aut amborum q. s. in potionibus adhibeatur, quo laboris, & sumptus compendio, cuilibet consultum esse spero.

CAP. V.

Quomodo ex saccharo spiritus phlogisticos eliciatur.

Præmissis quasi per transitum, horum processuum descriptionibus, ne quis in rebus chymicis minus versatus, quorundam vilium medicamentorum, specioso titulo decipiatur, ad principalem scopum nimirum, ad illius in saccharo vinosæ qualitatis demonstrationem reuertor. In Dycota lignea sacchari lb xij. cum fermenti cereuisiæ crassiusculi lb β. & octo mensuris aquæ

calentis mixtæ, panno duplicato cooperiantur, quousque fermentare incipiant, quo tempore, aperto aliquantum vase, fermentationis spatium aliquot dierum concedatur, ejusque feruore, & motu iterum sedato, per vesicam cupream, spiritus secunda destillatione rectificandus abstrahatur, cuius majoris quantitatis obtinendæ causa separata aliquantum parte crassiore fermentans sacchari liquor, ad quatuor porro septimanas, in vase conclusus teneatur, vt beneficio blandæ, & diuturnæ fermentationis subsequens, spirituosæ partes, de potentia in actum, melius deducantur, quæ differentia, in vino, cereuisiâ, & mulso quoque obseruatur, quandoquidem hæc ipsa, vltimum fermentationis terminum consecuta, alterum tantum spiritus vini suppeditant, exempli loco, ex cereuisiâ Knisenack dictæ, benè fermentatæ 6. mensuris, vna integra mensura spiritus vini generosi, ac vice versa ex recenti, non perfectè fermentata, vix tertia pars elici potest, quæ ad aquarum vitæ compositionem commodior est, quandoquidem ob delicatiorem saporem, vis aromaticum minus suppressa, gustum magis afficit, nec tanti momenti pretium est, cognoui enim ex anu quadam, Hamburgi habitante, se ex saccharo communi, aquam vitæ, leni sumptu preparasse, eamque vulgari pretio vendidisse, cuius tamen inuentionis me Authorem, cuius dudum ante aliqui cognitionem habuerunt minimè profiteor. Hac in re consideratione dignum occurrit, quodnam spiritus ardentis, in saccharo proprium subiectum sit, cuius nullum vsquam vestigium, ne quidem per anatomiam totius mixti, sensibus comprehendi potest, qualis à sacchari qualitatibus, multum diuersus, post fermentationem elicitur, nec dubium soluit quorundam responsio, agentium partem oleosam, in saccharo contentam, fermentatione in spiritum

resolui, etenim hic olei quantitatem plurimum excedit, cum ex lb j. sacchari spiritus ardentis rectificati 3v. olei vero vix 3j educi possit: Ac posito potissimum olei partem, ignis vehementia in vesica consumi vero simile sit, diuersam tamen substantiam, nunquam olei forma comparentem & sulphuri quidem cognatam reperiri constat, ac in rebus aliis etiam combustis, adhuc subiectum aliquod ignis latere palam est, plurima autem ex vegetabilibus, oleo admodum referta, nec tantillum spiritus ardentis, quocunque artificio adhibito emittere queunt: Instant aliqui, solummodo certam dispositionem fermentationem excludentem, in causa esse, vt ex talibus quantumlibet sulphureis, spiritus nullus extorqueri possit, atqui hæc ipsa, ad fermentationem indispositio, & peculiaris natura diuersum quid, à proposito subiecto, & in illis, spiritus à potentia in actum deducendi penuriam arguit; nec illud oleosum esse, quod in spiritum vertatur, experientia euincit. Spiritu enim omni per destillationem euocato, istud adhuc cum residuo sacchari conjunctum manet; Quæ cuncta manifestè probant, spiritum ex hiseductum, à crasso illo, & sulphureo subiecto distinctum esse. Aquosam vero partem, spiritus materiam esse, multo minus probabile est, quandoquidem hoc posito, omnia illa, aqua & sulphure constantia, spiritum artis beneficio redderent, quod experientiæ repugnat, & ipsæ chymicæ operationes, re ipsa monstrant, aquam à spiritu perpetuò separabilem esse, nec horum duorum vnum in aliud, vlla artis ope transmutari: Quare cum nulli distinctæ, & ad oculum demonstrabili sacchari parti, secundum saporem, odorem, colorem, consistentiam aliamve qualitatē, definitæ adscribi possit, eam à tota substantia, occultæ proprietatis, fermentationem recipientis adminiculo, promanare ratio conuincit:

Qua de re ingenii curiosi, qui occultarum qualitatum indagazione pascuntur, philosophandi materia, & magnalia Dei Creatoris, vel in minimis plantis expressa, admirandi, & deprædicandi occasio exhibetur.

CAP. VI.

Quomodo ex saccharo, potus meracus, Hydrosaccharum vinosum dictum, præparetur.

Nemo, ut arbitror dubitat, quandoquidem & saccharo spiritus ardens elici possit, etiam potum meracum, quemadmodum ex vvis, pyris, pomis, melle, &c. euocari posse; sequenti modo. R. Sacchari clarificati lb iij. Aquæ fontanæ lb xij. dissolvantur in aheni stanno obducto, quæ mixtura, altero tanto, aquæ fontanæ per vices addito, spumam auferendo ad primæ quantitatis remanentiam decoquatur, quo cruditate correctæ potus fiat salubrior, in cadum vero fusa, & adhuc tepidæ, fermenti cerevisiæ duo cochlearia addantur; hinc post aliquot dies, liquor clarus, per colum transmissus, vase, è ligno quercino parato, excipiat, orificio, pro fermentationis necessitate, aliquantum aperto; finita vero penitus fermentatione, ad orificium vsq; seruata ad hoc separatim liquoris parte, repleatur, & in cella, ad minimum per 4. septimanas, ante usum quiescat, quo tempore robur acquirit, adeo ut paulo copiosius haustus, hominem temulentum reddat. Hic etiam aliarum rerum viribus, quandoque imbuitur, immixtis, dum adhuc ab igne feruet, corticibus Citri, Cinamomo, Zingibere, vel cardamomo, floribus Rorismarini, radicib⁹ Enulæ, calami aromatici cū ipso fermento pro rata proportionem quam in hoc artificio versatus facile nouerit, ac cum potus aliquan-

tum fortior expetatur, aquam minori copia (non tamen ea ut Syrupi consistentiam acquirat) adhiberi conuenit, sed ut ad similitudinem lixiuij mediocris, ovum supernatans gestare possit; quod si profundius se insinuat, imbecillioris potus indicium est, vires calefaciendi, cor exhilarandi, & confortandi easdem cum vino habet, in affectibus pectoris, nervorum item, & capitis frigidis, ipso mulsæ à Medicis in simili, vsu laudato, modo aromatum mixturæ expers sit, siue tanta acrimonia, longè temperatior existit, vino quoque acidum tartarum, & proprietatem nervos lædendi continente multo utilior est. Vnde differentia inter res fermentatas, & non fermentatas elucescit, cum saccharum Iulapij forma mixtum, nullam calefaciendi, & caput perturbandi, imò cum aliquibus aquas appropriatis, potius refrigerandi facultatem habeat, eoque ægrotis sine ulla læsione magna quantitate offeratur, hic tamen potus itidem ex aqua & saccharo compositus post fermentationem, modica quantitate sumptus, inebriare possit: Ex hoc ipso colligere licet, quantum illa medicamenta siue artificiosa, seu sponte naturæ aut casu facta alteratione ab aliis non fermentatis, secundum manifestas qualitates differant, ut in medicamentis, ad refrigerandi intentionem præscriptis obseruatum est, quæ calore agitata, & ad fermentationem deducta, ac intra corpus sumpta, ventris perturbationes, inflationes, & similia accidentia excitant, imò absoluta fermentationem, acrem & calidam qualitatem nata, contrarios planè effectus edunt, quod annotatione dignum, quo neglecto, non solum Medici famam, sed etiam ægrotantium valetudinem, & vitam periclitari contingit.

C A P. VII.

*De præparatione Hydrosacchari
compositi.*

PAssular optimar. lbxij. quæ in aqua fontana ad mollietiem coquantur, ac pistillo ligneo in cado contundantur, ac demum per setaceum, pelliculis, & acinis relictis trajiciantur. Huic pulpæ, cum aqua ex decoctione residua, & quatuor ovorum albumine, scopis agitata, major aquæ quantitas, vt tota mixtura lb xxxij adæquet affundatur, eaque super igne claro, ne fumo inquinetur, amplius coquatur, quoad spumam crassam cochleari aneo separandam emittat, quo peracta, sacco percolanda infundatur, aliquam aquæ calentis portionem, sub finem addendo, residui transmittendi causa, & definita octo cantharorum mensura integra sit, eiq; iterum Sacchari finissimi lb viij. in aquæ prius coctæ & depurata mensuris viij. solutæ addantur, hinc omnia in dolum, mali odoris expers imponantur, dum adhuc tepent cum sequenti mixtura aromatica & hyeme in hypocausto, æstate sub tecto, vbi solis calore reuerberari possint, quæ brevi tempore, emissa ad superficiem corona spumosa, atomisque (quod mixtura in vitro existente visu jucundum est (intercurrentibus, fermentare incipiunt, ac spatium triginta, vel quadraginta dierum iterum desinunt, pro maioris, vel minoris caloris ratione, frigido enim loco, fermentationem tardius absolui rationi consonum est, in qua rerum quarundam fermentatione clauso vase major diligentia, quam in aperto, pro rebus crassa sæce scatentibus v. g. cereuisia & mulso, adhibenda est, ne vel nimio calore vasa rumpantur, vel æquo minore, fermentationis perfectionem non assequantur, qua absoluta, clarum & limpidum liquorem se-

parare, ac transuolare oportet, qui temporis progressu, vinum maluaticum, sapore & odore aromatico superat. Calefacit hic potus, penetrat, vitale robur, sensus, & partes principes restaurat, senibusque eo modo, quo vinum malvaticum, sumptus plurimum prodest: Apparatus autem ad fermentationem talis est. *℞.* Zingiberis excorticati ʒβ, olei corticum Ciri, Cinnamomi, ana gutt. xx. Olei nucis moschatae, Caryophyll. ana gutt. x. Ambrae griseæ cum dictis oleis, ad olei consistentiam redactæ, ʒj. Moschi orientalis veri cum ʒj spiritus Sacchari rosati soluti ʒss, fermenti cereuisiæ cochleari vnum quæ omnia adhuc in vigore constituta, & iusto modo præparata, vtriusque supradicti liquoris quantitati imponantur. Vltimo aqua eligenda illa, quæ etiam cereuisiæ ac mulso alias conuenit, & nullæ alienæ qualitatibus particeps sit, non admodum dura, diutius excocta, vt in vase ligneo, per aliquot dies prius, omnem feculentiam deposuerit ita vt illam cum Saccharo, amplius diu coqui minimè necesse sit, cauendum quoque ne inter coquendum aqua fumo, carbonibus, aliisque inquinamento afficiatur: Ad quem modum etiam durissimæ aquæ ex montosis, aridisque locis scaturientes, & in vasis ligneis detentæ, preparari, ac ad hoc opus aptæ fieri possunt.

C A P. VIII.

Quomodo hydromel spirituosum, & meracum præparetur.

Cum Mel manifestis qualitatibus cum Saccharo, nisi quod illud aliquantum acrius, calidiusque sit, in paulo antecitato loco, ex Dioscoride demonstrauimus, in genere conueniat, & ipsum hydromel parandi artificium non tantum, à variis authoribus describi, sed illud etiam à communi plebecula in Septentrionalibus plagis confici contingat, singularem quo-

que parandi modum hic adjungam.

℞. Sex cantharos mellis cum aqua prius decoctæ, & purissimæ mensuris xij, impressoque in vase, quo usque liquor peringat, aliquo signo, major aque copia affundatur, super leni ac claro igne percoquendo, & spumam aliquandiu, ut lente feat, relinquendo, donec mensura una super cantharos octodecim superfit, ad defectum post clarificationem resarciendum, hinc ablata spuma, crassa, & octo albuminibus ouorum admixtis, denud igni admoueantur, ad ulteriorem depurationem, depositumque ab igne decoctum, etiamnum fervens, per saccum transcoleatur, affusa sub finem aquæ calentis portiuncula, ne utilis quidpiam in sacco residui fiat; quod uno aut duobus vasculis ligneis exceptum, & accuratè clausum, loco calido, ad maiorem fermentationis perfectionem ponatur. Mel autem ad hoc opus eligendum, sequentibus notis, insignitum sit oportet, dulcedine nimirum excellenti, acrimoniæ mixtæ, odore aromatico, colore quodammodo flavescente, consistentia granulosa, & instar Terebinthinæ lenta, origine, è regionibus, quibus copia est plantarum odoriferarum, ac ipsa aeris constitutio calida & sicca, quandoquidem eiuscemodi locis apes nobilius mel colligunt, & ad presens opus, magis aptum, quale ex Gallia Narbonensi, Portugallia, Candia, aliisque regionibus, aromatum feracibus, ad nos deferitur. Fermentum autem ad hoc requisitum sequenti modo componitur. ℞. Zingiberis albi, Cinnamomi, Galangæ ana ʒij. Caryophyllorum, granorum Paradisi ana ʒj omnibus crassiusculè confusis, spiritus vini vitreis instrumentis exacti, q. s. affundatur, quibus vnus diei spatio maceratis, & expressis, Moschi optimi orientalis g. iij & cochleare fermenti cereuisiæ addatur. Hic potus varia aquæ, & aromatum proportionem dilutior vel meracior redditur.

CAP. IX.

Aliud hydromel assulatum.

℞. PVLpæ passularum, ad eum modum in hydro saccharo composito traditum, præparatæ; hæc cum aqua post coctionem residua, in ahenum, & quatuor cantharis mellis optimi, ac ea aquæ coctæ, & adhuc ferventis copia, ut integra mixtura, plusquam octodecim cantharos adæquet, quæ coctæ, despumata, cum decem albuminibus ouorum clarificata, etiam dum fervens in cado, ad fermentationem cum portiuncula fermenti cereuisiæ reponitur, qui potus vinum Hispanicum spurium, aut aliud aromatibus conditum æmulatur. Plura poruum genera huic loco cum malis citriis, pomis Arantiarum, Cydoniorum, Cerasis, fructu Rubi Idæi præparata inferere potuissim, sed cum ex hisce præmissis, quemcunque in arte vel mediocriter versatū summam rei facile comprehendere posse sperem, iisdem superfedere visum est. Vires quod attinet eas cum hydro sacchari qualitatibus, partim conuenire, partim pro mellis proprietate, & calefaciendi energia, ad frigidos nervorum, capitis, & pectoris affectus, maiorem efficaciam obtinet, ac vicem præstantissimi melicrati subit, illoque quod à dulciariis conficitur longè laudabilius, colore sc. fusco, ex melle communi, aut eius fece parato, nauscam, & tormina concitare solito, quod quidem duris, & agrestibus hominibus, aliquantum tollerabile, in genere vero sanis tatis studiosis fugiendum est.

CAP. X.

De liquoribus fermentatis medicamentis.

PRæmissis nunc aliquot potionum generibus, ad quædam medicamenta ferment-

fermentationē exaltanda, tandem rei ordo vocat, quæ breuitatis causa, solo simplicis fermentati titulo insignita describuntur.

Fermentatum Rosarum, aliorumque florum.

R. Florum Rosarum incarnatarum, sica aëris constitutione collectorum, & crassiuscule concisorum lb iij, his in cucurbita stannea alembico cæco munita, tantundem aquæ rosarum affundatur, & per horæ spatium, in aqua ferventi detineantur, dein maceratio & expressio liquoris, cum recentibus Rosis, toties repetitur, donec infusum Rosarum essentia satis imprægnatum, digitis propter crassitiem quodammodo adhærescat, quod admixtis Sacchari finissimi lb j & ℥iij, ac iusta fermenti quantitate in lagena forti vitrea & loco calido, per tres dies fermentationis causa detineatur, qua peracta & spuma crassa, cum fermento supernatante separata, ad ulteriorem, ac blandam fermentationem, lagena, ita ut ad duorum transversorum digitorum altitudinem vacua sit claudatur, donec depositio ad fundum sedimento, liquor limpidus alio vitro excipi, & loco frigido servari possit: hoc fermentatum Rosarum, R. vbi-
num colore & odore ipsas Rosas superat: Qui modus in fermentato florum Caryophyllorum & violarum parando itidem observandus.

Notandum autem, in fermentatis florum herbere Paralyticos, Liliorum conual-
lium, ad affectus capitis & nervorum ordinatis, mel virgineum selectissimum, sine coctione & despumatione tantummodo in liquoribus solutum, ipso Saccharo præstare, nec toties repetitam infusionem in calidis, siccis, & odoriferis simplicibus necessariam esse, sed tamen, ad eorum essentiam extrahendam, aliquanto plus aquæ convenire. Vires quod attinet, ean-

Ang. S. A. c.

dem cum aliis spirituosius liquoribus, calcificandi nimirum & penetrandi facultatem obtinet, remissa laxandi qualitate qua infusum, aut syrupus Rosarum præstat, nihilominus tamen corroborandi virtute pollet, ad mixturas bilem, ac ferum ducentes, & purgantium acriorum Colocynthidis puta, Scammonij & Hel-lebori extractiones, ad massas pilularum purgantes, electuaria, & cōfectiones cordiales, apozemata hepatica & stomachica, epithemata confortantia, ad quæ alias Rosæ recipiuntur, maxime cōvenit, quandoquidem bases similium medicamentorum, penetrante & spirituosia subtilitate plurimum adjuuat. Ex hoc fermentato, spiritus ardens, per Balneum Mariæ, aut arenam vaporosam, elicitur, qui excellentissimus est, & ad Ambre griseæ extractionem & aquarum aromaticarum compositionem adhibetur, vocatur que hic liquor spiritus Sacchari rosatus ad distinctionem spiritus Rosarum simplicis, qui ex solitis Rosis conficitur, quod à prima destillatione reliquum est, facili opera in acetum fortissimum conuertitur, atque cum omnibus cæteris fermentatis parandis par ratio est.

Fermentatum florum Aurantiorum.

Flores Aurantiorum, ob odoris præstantiam, magna in medendo virtute pol-
lent, quam ob causam, ad aceta, conseruas, condita, & pretiosa vnguenta recipiuntur, & inter cordialia medicamenta, præcipuum ferè locum obtinent, sit autem hoc fermentatum eodem modo, quo Rosarum paulò ante traditum, florum nimirum, cum eorundem, aqua triplici infusione & expressione, addita Sacchari & fermenti iusta quantitate. Quorum deficiente copia, ut in frigidis regionibus contingit, in vase è ligno quercino, arctis-
sime compressi, & clausine aër externus eosdem tangere possit, ad quævis loca de-

ferri possunt, aut prius in tabulato expansis conueniens Sacchari pulverisati quantitas misceri, & prius dicto modo dolio excipi possunt, qua ratione, facilius à corruptione seruari, & tandem affusa aliqua eiusdem aquæ stillatitiæ portione exprimi, & cum fermento expressum ut superius dictum perfici potest, quod insignes virtutes obtinet, ad vitales & animales facultates restaurandas, ad exhalationes malignas ex humorum putrescentium minera ortas per sudorem & insensibilem transpirationem discutiendas, pestilentem luem arcendam, & animi tristitiam subleuandam, ex iisdem spiritus ardens ut de Rosis dictum euocari, & ad similem usum adhiberi potest, quamvis fermentatum, ad sudoris prouocationem, propter substantialium partium ex floribus collectionem utilius est, datur de hoc fermentato pro vice, cochlearis vnius mensura, & aliquando plussculum.

Quomodo ex Betonica, aliisque herbis fermentata fiant.

Succus ex Betonica non valde adulta expressus, cum albumine ouorum clarificatur, cui super moderato igne, per exhalationem quarta eiusdem parte consumpta, iusta (ut de fermentato Rosarum docetur) sacchari quantitas additur. Hac methodo parantur fermentata Melissa, Mentha, Salvia, aliarumque herbarum calidarum & siccarum, illis vero quæ parum succi obtinent, inter contundendum aliqua portio propriarum aquarum affundi debet & succos omnes expressos, in vase clauso, ne subtiliorum partium per exhalationem iactura fiat, clarificari æquum est: Quomodo etiam ex herbis siccis fermentata fieri possunt.

Hæc præparata, sequuntur vires suorum simplicium, ex quibus constant, quas sacchari conueniens proportio nullo modo obrundere potest, imo hæ ipsæ fer-

mentationis beneficio, ita exaltantur, ut multò maiorem vim, in corpus humanum agendi, altiusque penetrandi, quam alia cruda aut simpliciter permixta medicamenta exferere possint, in specie autem fermentatum Betonicæ affectibus pituitosis capitis, & nervorum conuenit, peccatori, stomacho, intestinis, renibus vtero, hepatis & lienis obstructis maximè prodest, vulnera interna glutinat, ac plures effectus (quos omnes recensere superfluum est) præstare aptum atque natum est, quos, in peculiari libello, de Betonicæ virtutibus, ab Antonio Musa, Cæsaris Augusti quondam Medico, conscripto videre licet, ut etiam apud Italos, quendam magnopere laudare volentes, prouerbum enatum. Colui tante virtu che la Betonica. Dantur huius fermentati, pro dosi duo cochlearia, cum Iusculo carniū cereuisia aut vino mixti, in die semel aut etiam bis aliquando, aliorum vero quæ amaritudine & caliditate excedunt, dosi minor est: Ex his fermentatis vina medicata ex tempore parari & quotidie integri mensis spatio, pro affectus discrimine usurpari possunt.

Fermentatum succi Cydoniorum aliorumque fructuum.

Succus Cydoniorum recenter expressus, octodecim dierum spatio circiter, donec clarus euadat in vitro clauso reponitur, hinc decantatus in cucurbita ad lenem ignem posita, ad mediam partem exhalare permittatur, in cuius stibique vna sacchari dissolvatur, ac secundum sæpius iam dictum modum, fermentatum fiat, ut quoque ex pyris, pomis, prunis sylvestribus, cerasis, baccis Sambuci, fructu Rubi Idæi fieri solent, hac distinctione observata, succos densiores minore exhalatione indigere. Conuenit hoc fermentatum potissimum ad

corroborationem stomachi, & ciborum concoctionem; Fermentatum Rubi Idai ad vitales partes, & sensus recreandos; ac illud, quod ex baccis Sambuci paratum est, ad dysenteriam, aliosque alui fluxus compescendos.

Fermentatum ex Radicibus Scorzonerae.

℞. Radicum Scorzonerae, quae nullam viam senserunt, lb j. his in taleolas concisis in cucurbita stannea, aquae fontanae lb viij affundantur, quo facto alembicus cum recipiente adaptetur, & moderato igne aliquandiu coquantur, cuius decoctum, cum ipsis radicibus fortiter exprimatur, quod aquae destillatae, & aliquot ouorum albumini junctum, iterum, ut ante in vesica coquatur, & destilletur: decoctum cum destillato refrigeratum per saccum colletur: percolati lb iij. Sacchari finissimi lb j miscetur, & praescripto modo ad fermentandum reponatur.

Hac ratione & via, ex radicibus Asparagi, Cichorii sylvestris, Graminis, Sarsaparillae, Chinae fermentata praeparantur, quantitas radicum autem arbitraria est, prout quisque fermentatum, majoris vel minoris operationis expetit, aut normam dosis eligit, aromaticorum enim & calidiorum minor copia requiritur, quae cuncta specie definire huius loci non est. Fermentatum Scorzonerae, obstruções hepatis, & lienis expedit, urinam, & sudorem promouet, putredini, & pestilentis luis contagio resistit. Vesica cum alembico ad hoc opus, de qua paulo ante, sit oportet ex stanno Anglico, alioque optimo, eiusque refrigeratorium ex cupro, de quibus instrumentis, in Hydræologia plura videre sunt. Commodum est plures vesicas, ad praesentem rem, in promptu habere, siquidem tales non solum ad destillationem aquarum, &

oleorum, sed ad quaecunque medicamenta, ex simplicibus in forma liquoris paranda aptissima sunt, eo modo enim quod alias subtilissimarum partium, in auras exhalaret, receptaculo exceptum, reliquo iterum conjungi potest, atque decocta ratio haec solummodo spectat, infusiones enim in cucurbitis vitreis, cum alembico caeco optimè perficiuntur, nec diplomata ex cupro probare possum, quae ne in frustra dissiliant operi adhibita, necessario canaliculum adjunctum habent, per quem vires rerum coquendarum expirare possunt, adde prauam qualitatem, quam à cupro contrahere solent, praesertim acida, quae ne quidem in staneis instrumentis, licet ad alia melioribus, sed vitreis aut terreis & optimè vitreatis excoqui debent, oportet autem non longe à collo, epistomium vesicae junctum esse, per quod deficiente aqua (refrigeratis tamen prius omnibus, ne subtiles decocti partes exhalent) alembico immoto recens infundi possit, quomodo etiam ne vasa etiam ipsa stannea igne liquecant, satis cautum est, ac talem decocta & infusa parandi modum, siubi à me eorum mentio fiat, intelligi volo.

Fermentatum ex Cinamomo, aliisque aromatibus.

℞. Cinamomi acutissimi lb f. Aquae Rosarum fragrantissima lb iiii fiat infusio in cucurbita & decoctio fortis, accuratè adaptato alembico caeco eoque magno, & subsequens maceratio in Balneo Mariae, aut arena vaporosa, per octo horas, quod infusum, vel decoctum sub clausura refrigeratum, probè exprimitur, ac lb j sacchari finissimi soluta miscetur, & ad reliquorum normam fermentatum fiat.

Idem modus observandus, cum caeteris aromatibus Caryophyllis, Galanga, Zedoaria, &c. acriorum tamen, &

calidiorum, minor quantitatis, ad certam aquæ portionem sumenda, fermentatum Cinnamomi, stomacho, intestinis & cordi opitulatur, flatulentos & frigidos affectus, diarrhæam, ac lubricitatem, à copia phlegmatis corrigendo, nauseam, vomitum & ructus compescit, fœtum in utero confortat, grauidis phlegmaticis, ac melancholicis compressis vtile est, offertur vti alia fermentata, cum Iulapiis & liquoribus appropriatis, quo etiam apozemata aromatizantur.

CAP. XI.

De liquoribus fermentatis medicinalibus compositis.

PRæter jam dictata simplicia, fermentata etiam composita pro vt sequitur parari possunt, quorum initium à fermentato cephalico in hunc modum facere visum est.

- ℞. Florum Paralyseos ʒiij
Lilior. conuallium
Rosar. rubr. an. ʒiʒ
Foliorum Rorismarini
Salviæ
Sem. fœniculi dul.
Sesel. Massil.
Cort. Ligni Sassafras
Ligni Aloës optimi
Rad. præniæ an. ʒj
Iridis florentinæ
Granorum Paradi. ana ʒʒ
Caryophyllorum ʒvj
Spicæ Nardi
Cardamomi ana ʒj
Ambre Griseæ ʒj
Moschi orientalis ʒʒ
Aquæ succi Betonice ʒvj
Melli odoriferi ʒij

Flores herbæ Paralyseos, ac cæteri ab alabastris seu viridi sedimento liberati, vt etiam reliquæ herbæ probè exsiccantur, vt odorem, & saporem integrum ser-

uare possint, quemadmodum in tractatū de essentia vegetabilium tradidi, simplicia hæc porro incidantur, omnibusque commixtis in cucurbita, Aqua ex succo betonice per vesicam destillata affundatur, vt infusum more Spagirico fiat, cui expresso & colato & cum duorum ouorum albumine in vase clauso clarificato mel ex Gallia Narbonensi, aut Portugalia ac Moschus, & Ambra cum sacchari ʒss. puluerisata adduntur, & cum debita quantitate fermenti reponatur. Appropriatum medicamentum est in affectibus capitis frigidis, & humidis, materiam peccantem digerit & expulsiōi aptam reddit, simulque memoriam, ac visum acuit. Dosis cochlearia duo admittit.

Fermentatum Cordiale.

- ℞. Florum Buglossi exsiccat. ʒv
Tunicæ rubr.
Rosar. rubr.
Ocymy Caryophyllati
Foliorum Melissæ ana ʒiʒ
Rad. doronici
Agallochi
Cassie lignæ
Cinnamomi acuti ana ʒj
Santalī citrini veri
Macis ana ʒʒ
Croci orientalis ʒj
Ambre ʒj
Moschi Alexandr. ʒʒ
Aquarum Rubi Idæi
Rosar. optimæ an. ʒiiiiʒ
Sacchari refinati albi ʒij.

Ex quibus secundum proximè præscriptum modum fermentatum paratur, ad cordis debilitatem, ex intemperie frigida, & humida, omnemque molestiam à flatibus, & fuligine succi melancholici ortam conuenientissimum, omnes partes internas, cum calore natiuo corroborat: Dosis eadem, quæ superioris fermentati cephalici.

Fermentatum stomachale.

- ℞. Foliorum Menthæ crispæ ʒiiij
 Summitat. Agerati
 Absinthij pontici
 Cortic. exterior. Arantior. ana ʒij
 Galangæ
 Cinamomi
 Sem. fœniculi
 Anisi
 Coriandri ana ʒj

Rad. acori

Caryophyllorum ana ʒß

Succi Cydoniorum depurati

Aq. Menthæ crispæ an. lbiiiiß

Sacchari albi puri lb ij

Ex his speciebus eodem modo quo antecedens, fermentatum paratur, sed propter cydoniorum succum, infusum & clarificatio, in vasis vitreis fiat, necessum est. Hoc fermentatum stomachicum plane est, ventriculum confortat, nauseam, cruditatem, & appetitum dejectum ac humidam intemperiem emendat, nec non hepatis, lienis, intestinorum, & vteri infarctus, à crudis humoribus tollit.

Fermentatum Bezoardicum.

- ℞. Foliorum Scordij nostrat. probè exsiccet. ʒvj
 Rad. Galangæ
 Scortzonæræ an. ʒij
 Cortic. exterior. Citri
 Rad. Petasit.
 Carlinæ
 Vincetoxici
 Zedoariæ
 Sem. Card. bened. an. ʒj
 Opij Thebaici, supra laminam ferream cum aceto Sambuci irrorati, postea absque vstione exsiccati ʒß
 Aq. ex succo Veronicæ destillatæ lb iiij.
 Succi Citri vel Limon. depurati lb iij.
 Mellis odoriferi optimi lb ij.

Fiat fermentatum, secundum præscriptum modum.

Bezoardicum hoc fermentatum, febrium, variolarum ac ipsius pestis malignitatis & putredini aduersatur, humorum corruptelam per insensibilem transpirationem exigit, & tum vitalem, tum animalem facultatem contravenenatutatur. Dosis eius cum liquoribus appropriatis est à ʒß ad ʒj.

Fermentatum Nephriticum.

- ℞. Flor. Chamæmeli ʒiiij
 Foliorum Parietariæ ʒiiij
 Rad. Glycyrrhizæ ʒij
 Ononidis
 Pimpinell. hircinæ
 Sem. lappæ maj
 Saxitrag. albæ
 Fœniculi dulc. an. ʒiß
 Aq. fragorum
 Cerefolij an. lb iiijß.

Mellis virginei optimi lb ij. Misce & fiat fermentatum secundum artem, quod infarctus renum, & obstructionem meatuum à materia viscida & sabulosa expedit, calculum comminuit, flatus & vrinam expellit, & ad omnem tartaream materiam, in morbis chronicis resoluendam, vtilissimum est. Dosis eadem quæ præcedentis fermentati, cum liquoribus appropriatis, tam ad curationem, quam præseruationem: eius tamen vsus, præsentem intemperie hepatis, ac renum calida moderatus esto: Atque hic de liquoribus fermentatis, ad euitandam prolixitatem, finem faciam, cum ad horum imitationem in arte medica versatus, varia fermentata, confortantia nimirum, sudorifera, diuretica, alexiterica, & præcipuè purgantia, quorum malignitas, fermentationis beneficio, plurimum corrigitur singulos in vsus componere potest, minoris vero quantitatis aquæ ad tantam simplicium copiam ratio est, quod parua

doli offerri, melius conseruari, ac in peregrinatione portari possint, cum eadem facile nihilominus, sub ipsum usum, admixtis liquoribus appropriatis temperentur.

CAP. XII.

Aliud fermentum, aque ac supradictum utile.

EXtra dubium est, saccharum, ac multò magis mel, innata proprietate, ad fermentationem procliuia esse, quod tamen cum sine temporis, & manualis operæ dispendio fieri nequeat, fermenti additionem necessariam esse duco, ex facie nimirum Cereuisiæ; quæ ad rem præsentem, propter dulcem, & spirituosam substantiam magis facere videtur, vel eius loco sequens etiam, commodissimum est.

℞. Hordei decorticati, & puri in mortario contusi, quantum placet, aqua frigida, ad eminentiam digiti vnici affusa, duodecim horarum spatio, maceretur, hinc plus aquæ addatur, & ad consistentiam mellis, aut mucæginis coquatur, eique iusta portio sacchari, ad sensibilem dulcedinis perceptionem misceatur, tandem ad hujus partes duodecim, vna fermenti farinacei communis additur, quæ mixtura olla vitreata excepta, in loco calido, duorum dierum intervallo in fermentum perficitur. Admonitionis loco hoc addo, omnes liquores cum fermento, adhuc calentes miscendos, & denique à frigore ne labor irritus fiat, esse defendendos: Quin etiam ex Byne, hordeo semadefacto, & post germen emissum torrefacto, superiori tamen non comparandum, fermentum parari potest.

CAP. XIII.

Quomodo ex saccharo acetum fiat.

NEc hoc controuersum est, ex quolibet subjecto spirituosæ substantiæ particeps, acetum secundum omnes qualitates perfectum, ac quidem sequentibus modis fieri posse.

℞. Sacchari lb j. Aquæ lb iij. mixturæ huic calefactæ, in vrceo lapideo, fermentum panis nucis juglandis magnitudine, cum aliqua parte tartari, aceto conspersi, & pulverisati addatur, hinc totum mixtum, vase probè obturato, calore foueatur, donec fermentatione absoluta, liquor ex turbido clarus, cuticula obductus, & in acetum mutatus appareat, quo pacto acetum, vetustate maiorem vim acquirens, paratum est. Aliud sequenti modo perficitur, ablata per Balneum Mariæ, ex hydrosaccharo vinoso spirituosæ parte, reliquo in cucurbita restanti, superius præscripta adduntur, & secundum traditam methodum, ad fermentandum reponitur, quo vnico labore, & spiritus, & aceti duplex fructus percipitur: Nec tantum ex huius Hydrosacchari residuo, sed etiam omnibus cum saccharo fermentatis, infusis, & decoctis, spiritu per distillationem abstracto, acetum parari potest, exceptis fermentatis, cum succo aliquo omnino acido confectis, hæc enim etsi distillatione spiritum ardentem emittant, reliquum tamen vix summo ignis gradu, nec sine empyreumatis contagio elici potest, tenaci, ac crassa, & quodammodo vitriolata præcipuè Cydoniorum, Limonum, Berberorum & Ribium natura reluctante, ita vt nulla ex parte, cum aceto, tum qualitate, tum operandi modo, non minus ac spiritus vitrioli, vel sulphuris cum Nitri spiritu conueniat.

Cæterum, aceti ex saccharo parati,

tūm in cibis, tūm in medicamentis, idem vſus, ac communis aceti eſſe poteſt; quin etiam ad quaſdam res multò conuenientius eſt, cum à tartarea illa, aceto, vnice incorporata, vt ſeparari nequeat, ſubſtantia immunis ſit, maximè vero ad præparationem magiſterij perlarum, corallo- rum, & in primis, acetum ex fermentatis cordialibus, Roſarum, nempe florum Aurantiorum, Tunicæ, Bugloſſæ, fructus Rubi Idæi, propter qualitatem appropriatam, vitales partes confortandi ipſis conſunctum, in quorum elaboratione nec labori, nec ſumptui parcendum eſt.

CAP. XIV.

De Eſſentiis vegetabilium ſaccharatis.

Non obſtante ſuperius data inſtructione eſſentias vegetabilium benè preparatas, à humido aëre intactas & vitreis vaſis incluſas vi innati balfami, abſque additione, longo tempore conſeruari poſſe, aliæ tamen præparationes, ad eandem maiorem perfectionem minimè negligendæ ſunt, vt patet ex ſequentibus cauſis.

Quarum prima hæc eſt, quod cum eſſentiæ ſimplicium humectantium, ad eam, per exhalationem quamuis moderato igne conſiſtentiam redigi nequeant ſine notabili earundem temperamenti, ad intentionem neceſſarij iactura, ipſæ per additionem ſacchari, non ablata ſucculentia neceſſaria, à corruptione multo tempore immunia reddi poſſint.

Secundò, cum proprium colorem eſſentiarum, per nimiam exhalationem perire neceſſe ſit, ille ipſe, in ſaccharo conditis, ſine tanta per ignem exſiccatione, ac conſequenter ſalua coloris integritate, ſeruari poſſit, quamuis alius etiam modus, colorem in ſicca conſiſtentia conſeruandi, optimè mihi notus eſt, com-

modum tamèn ex ſucci integritate redundans, in quibuſdam eſſentiis longè maioris facio; potiſſimum vero acida ſaccharo indigent, quæ per ſe, vi ignis ad eam conſiſtentiam vt durare poſſint, ſine notabili alteratione, ac coloris mutatione redigi nequeunt, ſed nimia acrimonia contracta, omnis congenita pars ſulphurea corrumpitur. Vltimò quædam harum eſſentiarum (reſinoſis exceptis) licet in ſaccharo conditæ ſint, progreſſu temporis, adeo indureſcunt, vt diſſiculer in liquoribus ſolui poſſint: Cuncta quæ incommoda, facilimè ſacchari admixtione cuitari queunt.

Eſſentia Acetoſæ ſaccharata.

Acetoſam, folio rotundo ſucculento, ad cordis propemodum figuram accedente, ab aliquibus Hiſpanicam vocatam, ob gratum ad guſtum aciditatem aliis præferendam eſſe cenſeo, in cuius ſucci albumine ouorum clarificati, inque conchis terreis probè vitreatis ad mediam partem conſumpti lb̄ xij. Sacchari finiſſimi totidem vnciæ adduntur, & porro aliquantum magis, ad ſyrupi conſiſtentiam inſpiſſatur: Quæ eſſentia hoc modo præparata, cum tartaro ſuo acidulo ad fundum ſubſidente, in vitro ad vſum reponitur, cuius vnica tribus vulgari modo præparati ſyrupi vnciis præſtat ac pauca quantitate Elaſoſacchari admixta, Syrupum Citri æmulatur. Eſſentia hæc contra februm bilioſarum feruorem, peſtilentem conſtitutionem, ac prauas ex hypochondriis euaporationes, viſcerum intemperiem, & obſtructionem, plurimum valet & in potiones refrigerantes, aptiſſima eſt. Tartarum autem, qui poſtlininiò ab eo, in fundo vaſis ſeparatur, à ſaccharo ablutum, ad vſum in Tartarologia mea notatum ſeruari poteſt.

Essentia Glycyrrhizæ saccharata.

℞. Glycyrrhizæ rase selectissimæ in particulas concisæ, & in sufficienti quantitate aquæ infusæ ℥iij. quæ post convenientem macerationem exprimitur, & expressum, additis sacchari ℥iij. ad consistentiam, per exhalationem redigatur; hoc modo essentia parata, vulgari illo fuoco Glycyrrhizæ inspissato, satis adhuc impuro, multum præstat ac in liquoribus solutu multo facilior est. Quam differentiam quidam turpiter negligunt, crimen esse putantes, si alia, quamvis meliora amplectendo, vlla in re, à veterum norma recedant, quorum tamen vassania parui facienda est.

Essentia capitum papaveris saccharata.

℞. Caputum Papaveris, nondum plene maturorum, succum lactescentem, superma cuticula solummodo incisa, fundentium, ℥iij. hæc seminibus, & interna pellicula remota incidantur, ac in vesica cuprea stanno obducta, solo operculo tecta (cum quidquid euaporet parum hic referat) in iusta aquæ fontanæ quantitate, donec viribus capitis Papaverum satis imprægnata sit, coquatur: In expresso porro, & per residentiam depurato, sacchari ℥iij. dissolvitur, & ad consistentiam syrupi, per exhalationem inspissatur: Quæ essentia, ut supra memini, propter saccharum, facile cum liquoribus soluitur, inque omnes usus, ad quod alias ipsum papaver recipitur cum primis vero, ad tenues, calidas, & salvas defluxiones in crassandas, & insomnia à causa calida tollendam, ac quorumlibet humorum acrium præparationem, percommoda est, parua equidem dosi, cum vnus cochlearis mensura, vulgaris syrupi de Papauere, trium vnciarum efficaciam adæquat, ac nihilominus, tam ad conserua-

tionem, quam mixtionem cum aliis, nec consumptu, & portatu commodior est.

Essentia rosarum saccharata.

℞. Infusi Rosarum, facti, secundum modum in cap. ix. explicatum ℥viij, quod addita sacchari finissimi ℥iij. in patina terrea vitreata, secundum modò superius traditam præscriptionem inspissetur ac sic essentia Rosarum, ad eundem effectum, quo Syrupus Rosarum solutus, sed minori dosi vsurpanda parata est. Sic quoque ex Rosis rubris, adstringentibus ad viscera corroboranda, triplici infusione, cum debita sacchari quantitate, essentia Rosarum conficitur.

Essentia Violarum saccharata.

℞. Succu Violarum expressi ℥iij. ℥iij. cui calefacto, ac tandem post dici spatium, per pannum setaceum colato, sacchari finissimi ℥iij. additur, ac inspissatur, quæ colore viuido ultra annum integra persistit, deficiente vero copia violarum, ex infuso cum floribus integris, secundum instructionem, in Anatomia vegetabilium, & Appendice Thesauri spagirici traditam, ex præscriptione sapius nunc data; violarum essentia parari potest: Quemadmodum vulgo, ex succis, decoctis, atque infusis, cum additione sacchari, medicamenta durabilia præparantur. Vires harum essentiarum in genere, ferè cum medicamentorum sine saccharo præparatorum qualitate & operatione conueniunt, nec enim modica sacchari quantitas tantam differentiam parere potest, licet dosi aliquantum majori exhibendæ sint, quam quilibet, in arte medica versatus, pro sacchari, & succorum proportionem modumque eas diluendi, & cum reliquis medicamentis, utpote syrupis, electuariis, linctibus, morsulis &c. miscendi

miscendi faciliè inueniet, quæ omnia in species, si recensere vellem in immensum opus excreferet. Admonitionis loco addo, patinas in quibus succi, ad ignem, propter exhalationem ponuntur, latiusculas esse oportere, vt illi fundum vix cooperiant, ita vt essentia citius, sine contractione empyreumatis, & coloris iactura, consistentiam acquirant, ad quos patina, ex stanno Anglico nisi aut acria, aut valde acida sint paranda satis commoda sunt.

CAP. XV.

De Elæosaccharis.

Q Vandoquidem olea ex aromatibus, calida, odorata, cuiuscunque nominis sint, difficulter forma liquida seruari, & quantumvis conclusa, propter subtilem, & nimiam penetrandi facultatem, vix diu consistere possunt, quin mucosi, & viscosi liquoris, spirituosâ substantia penè consumpta, naturam redolent, accedente præsertim, sæpius repetita apertione vasorum, quibus etiam, in vectura conquassatis & in frustra missis totum contentum perire potest: pridem meliorem ea conseruandi, & ad vsum exhibendi conuenientiorem modum meditatus sum, nec commodiorem inuenire potui (quo, veluti spiritus vini, in phlegmate custodiat) quàm illum per sacchari admixtionem quod siccitatis ratione, oleum absorbere proclive est, &

odoris absentia fragrantiam eorum, nullo modo obtundit, penetrandi verò vim, modica quantitas quantumvis dulcis minime infringit. De quibus, quidem in Anatomia essentiarum vegetabilium prius dictum est, sed propter sacchari anatomiam, hoc loco, id repetere visum est. Recipitur nimirum, pollinis sacchari subtilissimi quantumlibet, eique guttatim olei cuiuslibet destillati tantundem affunditur, vt aliquantum humectatum, formâ pulueris subsistere possit, quod phiola vitrea, angustioris colli, primo subere, deinde charta, & vesica supranexa, obturatum in loco frigido reponi debet, tum ad meliorem conseruationem quàm facilem cum aliis liquoribus mixtionem purgantiumve correctionem, & aromatizationem maximè proficuum, animaduersione hac adhibita, vt ad balsami vsum, saccharum minori quantitate addatur, ita vt ad vnguenti mollis consistentiam propemodum accedat: Diuersa quoque Elæosacchara, cum Moscho, Ambra, vel alia quapiam essentia aromatica, ad clareti confectionem adhiberi possunt: his vero minimè consentire possum, qui salia simplicium extracta, loco sacchari huiusmodi oleis miscet, Elæosacchari autem voce Græca nihil aliud intelligitur, quam olei alicuius adjuncto nomine proprio, cum saccharo mixtura, cui tractatui nunc finem impono, diuinum Numen supplicando, vt in rei medicæ incrementum, & plurimorum hominum commodum redundet.

F I N I S.

SEPTEM PLANETARVM TERRESTRIVM SPAGIRICA RECENSIO:

*QVA PERSPICVE DECLARATUR
ratio nominis Hermetici, analogia metallorum, cum mi-
crocosmo, eorum preparatio vera & unica, pro-
prietates & vsus medicinales.*

AD LECTOREM.



Orum, qui metallis vtuntur corpori humano medendo, alij corpus integrum siue purum, siue impurum, simpliciter adhibent: alij vero, vt melius sanitati consulant, metalla in hunc vsum praparent. Preparationis autem varios modos excogitarunt Medici spagirici. Cuidam aquæ & olei extractionem, alij Mercurij & salis eductionem tentarunt. Omnium rectissimè qui magisterium tantum vt unicam & solam prapARATIONEM in animum inducere suum.

Quamuis autem formalem aquam aut oleum adjunctis aliis rebus, quidam nacti sunt, reuerà tamen neque oleum habent sed vel menstruum alteratum, vel corpus integrum menstruo conjunctum, quod de Mercurio & Sole dici potest.

Huius veritatis nos exemplum in hoc tractatu statuimus, ne in errore minus ulterius cacutiret. Te igitur, Lector candidè, exhortatum velim, vt rem serio cogites, & prius capias quàm carpas. Si enim rationes adductæ leniores, aut autoritates minus aptæ videantur, ne rejicias tamen, sed Vulcanum consule, ipse tibi veritatem rei demonstrabit. Vale, Dat. Haga Comit. ult. Maij 1613.

Aurum cur sol nominatur.



Aurum metallorum Rex, apud Philosophos tam dogmaticos quàm Hermeticos, sol terrestris appellatur; quem enim corporis splendorem inter Planetas nobilissimos Sol nactus est, eandem luminis & fulgoris dignitatem inter alias aliorum metallorum species hic vnus obtinet. Neque verò deest arcta illa durationis & perfectionis analogia & similitudo, quam tanti estimarunt veteres nominum impositores, quos penes arbitrium, & vix & normaloquendi. Aded purum enim, perfectum & solidum corpus auro à natura datum est, vt id nullà lædatur corruptione, ærugine nullà, igne materiali nihil ei adimatur, neue villo alio modo imminuatur. Vsum autem Solis vtriusque si cogites, & inter se conferas, maximum quidem superioris, & varium deprehendes, huius verò non paruum. Extra controuersiam enim, Deo optimo maximo in œconomia administratione summæ & incomprehensibilis suæ prouidentia ad opes, honores & ordines conferendum & conseruandum, sic eo vti placuisse, vt totum illud penè discrimen inter principes & subiectos, dominos & ministros, liberos & seruos, pauperes & diuites ex illà tanquam scaturigine emanasse videatur. Quot enim homines ob aurum minutulū, se miserè principibus viris subiecisse, & quotidie vitæ periculum subiisse videmus? Vnde in prouerbum abiit:

Aurum & Homo faciunt omnia.

Observationes analogicae.

Primo mane exorto solis iubare,

princeps ille Planetarum si è terrâ vapores non sunt impedimento, vultum suum croceum & lucidum, sub vesperam autem rubrum Mundo intuendum & obseruandum exhibet: Haud secus sol terrestris aquâ regiâ solutus, croceo velamine amictus, per totum vitrum, flavissimum colorem & pellucidum, intuentium oculis objicit, & verò si progrediare ad mentis extrahendum, sub vesperam purpureum colorem videbis. Iam autem si ad vmbilicum opus perducas, & aucto igne vniuersam humiditatem extrahas, priorem auri flavissimum colorem perspicias: quam rem solis ortum, labore nocturno peracto, appellare licet.

2. Sol hyemalis (sicut apud omnes obseruatum) viuidum illum & floridum, quem æstate possidet, amittit colorem, idque ob Saturnum frigidum senem, qui eâ tempestate suum præcipuè exercet imperium; Eadem enim interna vbique temporum solis pulchritudo, & eundem à bruma recuperat splendorem: Eodem modo aurum cum Saturno terrestri siue plumbo, & aliis Chymicis mixtionibus in cementum adductum, quod bruma auro est, nitidum faciei colorem perdit, fuscum tamen & antimonio perpurgatum antiquum obtinet.

3. Auro aquâ regia dissoluto, & in vitrum, vbi est aqua fortis simplex, in qua argentum resolutum habes, injecto subito, tantæ & tam obscuræ exoriuntur tenebræ, vt quid vase contineatur, vix ac ne vix quidem oculis percipi possit: Ac si verò in Balneo Mariæ vitrum imponas, continuò aurum se ipsum segregat, &

vt prius clarum fit, radiisque mirum in modum fulgentibus & quauis suâ parte emicat: Hoc solis Eclipsim æmulatur.

4. Aurum præcipitatum (vt post hac dicitur) signi admoueat, contratio ac alia substantiæ ignitæ motu fertur, deorsum nempe; qua quidem in re radorum & caloris solarium motum imitatur, qui deorsum terram vsque ejaculati mittuntur.

His collatis obseruationibus rationibusque subductis, auro solis nomen attribui non ineptè videtur: Quam verò solis & auri analogiam declarauimus, eandem cordi humano (Soli microcosmi, vitæ & caloris natiui fonti primario, è quo præcipuæ virium efficacia & actiones deriuantur) Philosophi tanquam vtrique consentienti, attribuere. Vnde varij varias auri præparandi rationes excogitarunt, vt eo pacto substantiæ microcosmi conueniret, & sic tandem assimilaretur, verùm hæc omnia in cassum. Nos igitur quid de eo fieri, & qua formâ præparari possit, ac tandem in vitam redeat, liquido & apertè hoc ipso tractatu declarabimus.

Aquam aut oleum ex auro non elici posse vllâ arte, demonstratur.

Rex Prophæta Dauid, & eius filius Salomon, filiorum Adæ prudentissimus, in corruptam esse & immutabilem auri naturam, cui nihil igne deperit, seridè cogitantes, sacrosanctum & æternum Dei verbum auro contulerunt. Quidam tamen Philosophi liminares sibi somnia fingunt, mera equidem phantasmata, putant enim ex auro aquam aut oleum educi posse, sed oleum & operam perdunt, qui reitali nervos intendunt suos. Quamuis enim rectè asseritur, ex tribus principijs vnâquamque rem profapiam suam contraxisse, aquâ scilicet seu mercurio, oleo siue sulphure, & sale, cui rerum ana-

tomia fideliter astipulatur, tamèn hoc etiam accuratè tenendum est, aliter hæc se habere in minerali, atque corpore vegetabili & animali. Hæc enim formâ aquæ & olei, facta principiorum segregatione, mercurium & sulphur suum reddunt; illa autem non item, quemadmodum in metallis imperfectis & marchasitis manifesto apparet, vbi tentatâ separatione, mercurius & sulphur se oculis intuenda ad instar siccæ fuliginis obiciunt. Absit igitur tantâ nos insanire ratione, vt mercurium vdom, & sulphur oleosum è perfectis metallis, quibus perfecta, compacta & æquali principiorum pondere colligata corpora à natura data sunt, erui aut extrahi posse iudicemus. Et hoc quidem nomine maximum naturæ mysterium aurum existit, quoniam corpore indissolubili tres continet substantias, operationibus & virtutibus facultatibus distinctas.

De Mercurio auri currente.

Quæ sit hominum curiositas, vel hinc facile colligitur, dum maximopere laborant, vt quod ædificauit Natura, funditus destruant, & perficiant quod ipsa reliquit imperfectum. Quod ij quidem sategerunt, qui Mercurium vulgarem & currentem in fixum redigere conantur, vt eo pacto aurum & argentum sibi in mansupium crearent, & è contra illi etiam, qui malo sibi suisque lucro, aurum mira metamorphosi in Mercurium transformare cupiunt. Quanquam enim hac ratione fieri posse videatur, èd quod Mercurius currens prima metallorum materia statuitur, & facilius etiam cum eo, quàm cum cæteris aurum amalgamatur, experientia tamen (quam stultorum magistram vocamus) certò comprobauit, Mercurium auri adeo fixum, maturum & arctè cum reliquis eiusdem corporis substantiis conjungi, vt nullo modo retro-

grēdi possit, vnde magnus Philosophus Rogerius Bachonus Anglus ait, facilius esse aurum facere quam destruere. Ipse quidem laboris multum in hac re consumptum vidi, talem verò Mercurium nusquam videre contigit, varias sape & multas agyrtarum pessimorum fallacias, & maleficatorum technas Alchymistarum detectas & deprehensas perspexi. Sed concedamus Mercurium educi posse, quid hinc utilitatis ad Medicinam sperare poterimus? Verisimile equidem est, talem Mercurium nihil miraculi supra vulgarem posse, quo cum naturā vti & specie conuenit. Theophrast. Paracelsus lib. morborum mineral. hæc habet verba: Nostin cur septem metallorum vnum apertum reliquit tibi natura? hæc causa fuit vt arcanam & verā theriacam, morborum Mercurialium medelam, in eo vno solo queras, cætera enim ad fixationem traducuntur. Iis igitur quæ ipsa nobis Natura parauit, & ad manum attulit, ita vt separatio puri ab impuro tantum peragenda restet, audacter aliorum inopiā vtemur, & eorum magisteria abundè nobis satisfaciunt.

De tincturâ auri qualis opinio.

Proxima, quæ se offert consideranda, eorum est opinio, qui haud parum laboris conferunt in extrahendâ genuina tinctura auri, (sicut ex croco, santalo & brasileo solemus) ita vt postea aurum ad instar argenti, albi coloris maneat. Quantum autem ipsi Speculatores è scopo aberrant, facile apparet. Tinctura enim auri vni soli eius corporis non est alligata substantiæ, sed omnes eius partes inseparabiliter vnitæ, exterius flauæ, interius rubicundæ puro existunt modo. Mercurius propter summam maturitatem, sulphur ob igneam qualitatem, sal ex vnione & indissolubili conjunctione cum sulphure propter fixam satis naturam. Et

ex his tribus operatus ille color oritur. Quod Experienciâ apertè declaratur. Auro enim aquâ regiâ soluto, idque sine separatione principiorum, huius guttula manum, chartam, lignum aut quicquam tale, baphici cocci colore inficit, ac si granis Kermes colorem eis intulerit. Vnde quidam ait, occultum fiat manifestum, & vice versa. Sed hic labor, hoc opus est, Mercurius habitantem in medium proferre & extremum intus occludere. Non ait, separate rubedinem ab albo corpore, quippe quod ex quacunque sui parte tinctura est, adeo vt si potuisses dissolvere ipsa rei principia, colorem infectum redderes, quoniam est ex naturâ digestionem & inseparabili principiorum conjunctione & vnione. Quod me attinet, totum corpus auri in pulverem rubicundum & incombustibilem, reductum vidi, & eo tamen cum particula plumbi in cineritium posito, & Saturno profligato, auri granulus erat relictus, eiusdem ponderis, excepto argenti paulo, quod plumbum semper ex se relinquit. Manifesto igitur (vt mihi videtur) concludi potest auream tincturam ab albo corpore separandum non esse possibile; verum fateor viuidium & naturalem auri colorem ita albo obfuscari posse, vt in mentis elicitum credas. Sed id non est. Nam si id Vulcano probandum (ipse est fidelis explorator) denuo committas, mediante Antimonio pristinum coloris nitorem reductum videbis, imo hoc addam; si modo aquâ regiâ aurum resolvas, & per aliquot dies in balneo decineas, postea verò aquam regis igne abstrahas lentissimo, & reliquias aquæ limpidissimæ & claræ dissolvendas de nouo remittas, cremorem oleosum & sanguinem elicies, vt si ex prima fronte sententiam proferas, sanctè iurares, te veram & propriam auri tincturam natum fuisse. Sed hoc etiam erras, tota enim illa reliquia-

rum massâ in cremoris figuram dissolvi poterit, & insuper si crucibulo inclusum cremorem igni admoueas, non tincturam, sed solidum auri corpus reperies. Sed nimis hisce prolixus sum, verbum enim sapienti & varietatis amanti satis est, aliis opes & operam male collocando progredi liceat.

De Sale auri quid iudicandum sit.

Non desunt multi, qui laboriosâ & inani materiæ vniuersalis indagatione valde insudant. Hanc materiam variis nominibus insignitam & ad varios etiam vsus assignatam reperio. Apud quosdam enim Mercurius Philosophorum, filius regis, aqua arida, mater metallorum, lac virginis, simplicitas rerum, fons regalis denominatur. Præcipuus verò vsus hic est ad aurum è figura genuina educendum, vt ab eo tempore nunquam ad priorem redeat substantiam, sed instar salis pellucidi purpurâ rubicundioris maneat, qui quouis liquore dissolvi, & igni datus ad instar nitri fundi possit, neque igne consumi. Et hunc auri salem (vt ita dicam) omni morborum generi, tanquam medelam catholicam, summâ cum fiducia adhibent medici cogitatiui. Sed vt rem ipsam paulò altius prependamus, primò materia reducens, dein materia reducta consideranda est. Materia reducens ita dubia & incerta est, vt quid veteres, qui primò de eâ scripserint, sibi velint, nunc pauci, si vlli, certò norint. Equidem & hisce oculis vidi, & ex praxi aliorum audiui, qui multum laboris in omni ferè materia quæ vel visu perspicui, vel tactu deprehendi posset, haud parvo sumptu impendère puta quouis roris genere, vt manna terenjabin, melle, thron, rostock, id est stellarum muco, in metallis item, marchasitis, lapidi-

bus, aluminibus, salibus, sulphurè, nitro, aquis etiam mercurialibus & marinis, fructibus etiam maritimis, sicut bitumine liquido & spisso, succinis. Quid copias gummatum, resinarum & lachrymarum adnumerarem? Quod plantarum species, herbas, frutices aut arbores adjungerem? quorum omnium vix vnum intentatum hominum reliquit auaritia aut curiositas; neque vero ipse microcosme etsi venerandum & suspiciendum naturæ ædificium, nascituros hos indagatores effugere potuit, carnem enim, ossa, sanguinem, sperma, pinguedinem & salvâ reuerentiâ, excrementa quæuis ad nauseam vsque & vomitum perscrutati sunt, nullum tamen, omnium horum tale quicquam, in auro effectum dare potuit. Si quis iam vspiam terrarum viuit, tam admirandi & inæstimabilis thesauri possessor, ampla ei occasio oblata est, etsi non euulgandi & publici juris faciendi, tamen in pauperes, miseros, ægrotos & egenos erogandi, quorum maxima vbique locorum est copia, quibus si modò se Samaritanum ostenderit, dignum equidem se ipso & Christiano fecerit. Secus non est quod illud Christi, de Euangelij doctrina prononciatum; ne projicite margarita porcis, inepte nimis, imò pessimè ad excusandum in proximos charitatis frigiditatem, quod multi faciunt, coram adducat. Ex secundo autem quem posuimus loco disceptari potuit, quod & si hæc vera & authentica auri præparatio existat, quæ menti & sensui Philosophorum respondere videatur, tamen Medicina potius Metallorum imperfectorum (quorum scabritiem & immundam aufert naturam, maturitatem & fixam puritatem inducendo) quàm substantiæ microcosmi esset. Horum enim maxima est differentia, hoc quippe hominis corruptum & volatile, illud verò auri ipsius fixum & incorruptum manet, adeo

ut si quid vel medendo, vel restaurando, corpori humano adfert adiumenti, id quoniam non digeritur, neque mutationem in centro stomachi à calore interno patitur, non exquisitè huic preparationi & multum laboriosæ, sed sympathiæ & operationi specificæ tribuendum est. Aurum enim quemadmodum Sol cælestis in hæc inferiora vires & virtutes suas absque formæ & qualitatum mutatione aut corruptione liberè infundit. Et hic obiter, corollarij loco, observamus, crassiorē illam vtendi rationem, & antiquis & nostro seculo medicis nonnullis familiarem, haud improbandum esse. Nos autem (vt medium inter vtrumque teneamus) quoniam salem auri irreducibilem non habemus, neque adeò idoneum vsum auri non præparati putamus, idcirco mediocri quadam præparatione erimus contenti, vt virtutes suas in microcosmum felicius imprimat.

*Aurum demonstratur in Medicinâ
utiliter adhiberi posse.*

Ex supradictis ratione & observatione rectè (vt nobis videtur) conclusum est, aurum nullo modo quemadmodum animantia & vegetabilia potabile fieri posse. Et mera equidem & pura puta est vanitas, vt hoc superaddam, illud iam nunc fixatione & maturitate cæteris multis parafangis antecellens, iterum ad infimum gradum reuocare, vt hoc pacto similitudinem & convenientiam cum substantiis vegetabilium & animalium haberet. Hoc modo enim paratum, non aurum, sed aliud nescio quid, non permanens & durabile esset, & has tamen qualitates caduco & fragili humano corpori acquirere satagunt. Nunc restat vt ex auro salutare medicinam educi posse paucis demonstremus. Quod etsi neque ratione ex naturæ fundamentis ducta, neque sensus observatione refractariis

quibusdam, qui ei Dicam scribunt, declarari potuit, necesse tamen est vt experientiis & observationibus philosophorum, tam veterum quam neotericorum, fidem adhibeant. Si quis autem eò amentia & impudentiæ prouectus est, vt eorum authoritates parvi pendat, & tãquam fabellas inanes habeat, ex multi jugâ metallorum imperfectorum operatione & vfu in Medicinâ erroris & leuitatis reuinci poterit. Exempli gratia: Mercurius vomitorium, Catharticum & Diaphoreticum ex suo reddit prædio, non pessima quidem, imo verò optima, & supra omnia in lue venereâ & morbis Mercurialibus alexipharmaca. Mars etiam siue ferrum, maximum existit in ictæritiâ & affectibus ex obstructione prouenientibus deopilatiuum: neque minimum est in dysenteria, inordinato menstruorum effluuiio, & omni specie hæmorrhagiæ arcanum in eo continetur. Venus quoque siue cuprum partes suas in medicina exercet, siue regnum quod in stomacho, siue potestatem quam in morbis renum possidet, animo perpendas. Et ne senem grauissimum Saturnum insalutatum negligenter præteream, ipse scirrhi lenis, & canceris, quouis tempore remedium specificum dictatum in se continet. Hæc omnia metalla, tametsi adeo prouectum fixationis gradum, atque aurum, haud nacta sunt, eorum tamen natura ita est compacta, vt natiuus hominis calor ea digerere non possit, quamvis illa è corpore protudat. Neque est quod quispiam has operationes non ab eorum naturâ, sed ex medijs quibus præparantur, prouenire cogitet; videmus enim quosdam iis absque vllâ præparatione, variis affectibus profligandis, non infelicitè vt, quibus sine dubio meliùs ab impuritatibus segregatis vti potuissent. His igitur quæ in medium attulimus, tanquam veris & rationi consentaneis, concessis, cur locum auro, metallorum omnium perfectissimo in

Medicina denegaremus? In cæteris enim arsenicalis & corrosiua essentia suspicio est, de qua re in auro tam paruum metus est, vt illius criminis non insimulari, ne dum condemnari possit. Et ideo in vulneribus & fistulis profundis, vbi venenum suspicamur, instrumentis aureis aut inauratis, quippe quæ nihil mali carni inurant, aut in ea relinquunt, optime vtuntur Chirurgi. Et nos etiam ad gloriam Dei altissimi & salutem & sanitatem proximi, eo itidem vtetur, parato vt sequitur modo.

De Magisterio quod ad aurum applicatur.

Quoniam autem à Natura comparatum est, vt ad tantam subtilitatis exaltationem metalla adduci non possint, vt sicut animalia & vegetabilia in essentias aut arcana adducerentur, artificio vtili in formam magisteriorum præparantur. Magisterium autem si queras quid sit, est cum opus absque elementorum præparatione, aut substantiarum separatione, conjunctione medijs alicuius menstrui, quod ei qualitate appropriatum est, in talem adducitur formam, vt internatura externè se gustu & qualitate manifestet, & ea pars menstrui, quæ cum metallo præparato relinquitur, qualitates suas occultet, & totam suam operationem sub ditione virtutum & proprietatum corporis metalli placide & amicè deponat. Exempli loco hoc cape, dissolve plumbum in aceto destillato, & in crystallos redige, quos nactus, saccharo dulciores gustu inuenies. Vbi manifestò apparet acetum suam occultasse aciditatem, & naturam interni Saturni jam reuelatam imperium tenere: Pari modo magisterium auri, grata quadam astringentia, non corrosiue opertum, terram lemniam longè superat. Quantum enim spiritus aquæ regis, magisterio adhæret, à

naturâ auti superatur. Et hinc est, quod aurum forma magisterij neque segnius, neque peius, opus suum peragat. Et eodem modo quodvis magisterium secundum specificam suam qualitatem operatur. Vide Paracelsi lib. 5. Archidox. cap. 1.

Quid igitur obsecro bonas horas male collocamus in inuestigatione rei quæ non inuenta est? Et idem author in eodem capite asserit; Magisterium auri, est verum aurum potabile, & sic de reliquis metallis, marchasitis & lapidibus cogitandum est. Et quamuis hac præparatione integrum manet, tamen ita subtile efficitur, & ita ipso operationis actu mutatur vt non sit, quod quis ab ipsius vsu abhorreat. Et porro vt vsum Magisteriorum in lapidibus pretiosis, corallis & perlis, quæ in medicinam hoc genere præparationis (etsi alio genere menstrui) ornata traducuntur, melius ostenderet, hæc addit verba; crede experto, mirifica operatio ipsorum est: Non tamen fit per artem hæc virtutum actio, sed in ipsorum naturâ est, quæ in grossâ substantiâ occultatur, vt non possit operari, sic mortuû corpus, sed resolutione facta viuificabitur corpus eius, de quo satis. His commoti hac præparationis formâ erimus contenti.

De corrosiuo in magisterio auri vtendo.

Quod alias dixeram, verbis Paracelsi ex lib. 3. cap. 3. libri de vitâ longa, de elixire auri, breuiter dicam: Resolve aurum, vnâ cum omni substantiâ, auri corrosiuo, neque interim abhorreat animus ab ipsa tractandi ratione. Aurum enim quamuis aurum est, corrosiuum mortuum est; quare quintam essentiam auri citra corrosiuum inutilem esse asserimus. Sequitur ergo resolutione denudè per putrefactionem esse remouendum, & si corrosiuum tenacius etiam adhæreat. Nam si tanta

vis

vis auri est, ut corpus seruet, & ab omni agitudine reddat liberum, neque id corrumpi sinat, quanto magis se ipsum, idque citra omnem imperfectionem, corrigit enim & emendat, quicquid non est syncerum. Corrosiuum igitur, in auro nullo pacto, corrosiuum appellari debet, vis enim arcani superat omne venenum. Nam omne Realgar moritur in elixite auri. Quid planius dici potuit: absque corrosiuo in formam magisterij ad usum medicinarum aurum ad lucem non posse: inuenies tamen speculatores multos, qui (etsi cum ad opus peruentum est, sale armoniaco spiritu salis & similibus vtuntur corrosiuis) Paracelsum materiam dulcem, non corrosiuam intellexisse audacter affirmabunt. Sed hæc sunt cogitationis phantasmata, non praxeos regula, potius vt sibi placeant populo imponendo, quam vt utiles fiant, rei publicæ veritatem perspicue detegendo. Illud Paracelsi, ex lib. de tartaro, quædam dulcia aurum dissolunt, si textum inspiciant, aliud sibi velle deprehendunt. Nos igitur media, que experientiâ comperta habemus, in rebus cognitis, & analogia hisce respondentibus, realiter declarabimus, iisque vtetur, donec meliora inuenta fuerint.

Temperatum solare, vel aqua regia.

R. Aq. fortis (ex duabus partibus vitrioli vngarici albificati, & salis nitri fusi & depurati parte vna) sesquibram, salis armoniaci purificati, salis nitri crystallini, vtriusque vncias tres, Retortæ imponantur & per arenam lento igne distillantur, donec & aqua & spiritus extrahatur, huic operi magno recipiente opus est) hoc peracto refrigerentur menstrua, vltimū aquam, quæ erit limpidissima, ejice, & ad usum seruat.

Ang. Sale.

Sal armoniacum sic depuratur.

R. Salis armoniaci, salis gemmæ partes æquales, puluerizentur mortario lapideo subtilissime, cum yrnali sublimia, quo facto flores armoniaci extrahantur, miscanturque de nouo cum Sale gemmeo & sublimentur, hoc ter sedulo efficies, & tuum ad usum repones. Iam nunc sallem armoniacum clarum & albissimum habes, ab omni fæore sulphureo, & penetrabili corrosiuo liberatum & exutum, quod re natâ non inutiliter in gargarismatis, aduersus anginam & prunellam vti possis. Absterget enim materiam viscosam corruptam, grumos sanguinis potenter dissolendo, qui aliter in apostemata coirent. In oppilatione hepatis ex causâ tartari, in retentione vrinæ & menstruorum, à tribus granis ad quinq; in liquoribus appropriatis non incommode exhibetur.

Solutio auri & digestio.

R. Auri puri in laminas reducti & minutè fracti sesquiunciam, illudque in tota superioris aquæ mensura resolve, dein retortæ, coni figuram habenti, cui sit canna siue rostrum à vertice propendulum, cum perpendiculari & basi triangulum rectangulum faciens, vt decet impone & adaptato excipulo dies 10. aut 15. in balneo rotis maneat. Si quid extillat, rursum affunde, idque dum infrigidatur menstruum, aliter vitrum disrumpes. Tempore digestionis finito, totam extrahere aquam, & retortam in qua aurum habes, in cellulam frigidiores remoue, eamque ita supra vas vitreum colloca, vt materia in formam olei resoluta (nam ad resolutionem illic detinenda est) facillime in inferius vas descendat. Quod retortæ lateribus adheret, cum aquâ calente eluc, & cum reliquo conjunge.

De separatione auri à menstruo.

Vt autem aurum in liquore dissolutum in pulverem redigas, sume tartari viui, tam internè quam externè ad albedinem calcinati, & aquæ communis stillicitiæ quantum opus est, dissolve, dissolutum per chartam emporeticam trahice, vt hoc pacto spissum à subtili segreges. Liquorem hunc ita depuratum infunde, guttatim supra aurum menstruo conjunctum, donec non solum ebullitionem & spiritus corrosiui reluctationem cessare videas, sed etiam dum aurum fundum petat, & aqua euadat limpidissima, quod signum est infallibile genuinæ & perfectæ separationis, postea aquam calentem adde vt resideat, & clara fiat, finito, ultimo à puluere per inclinationem liquorem segrega, & reliquias vices aut tricies lauat.

De reliquiarum exsiccatione.

Quod restat peragendum, est reliquiarum siue pulveris aurei exsiccatio. Rem autem sic perficies, impositum scutellæ vitreæ, vel terreæ, vernice illitæ, insola, vel in hypocausto per se sponte siccescat, nullo ignis calore adhibito, igni enim si admoueatur cum magno strepitu summâ vi resilit, neque id sine euidenti administri periculo. vide Basil. Chym. Osvald Crol. sectione de Cordiali.

De Pulvere Auri.

Puluis hic multis Chymicis aurum strepens nominatur, ob altum, quem edat, strepitum, aliis calx auri, sed inptè. Calx enim propriè loquendo, sunt reliquæ corporis, resinæ naturalis, siue Mercurij depurati, ita vt præterea fundi non possit; quod neque auri neq; argenti reliquiisprehenditur: Propriè igitur

præcipitatum vocatur. Aliis aurum diaphoreticum, quia tria aut quatuor grana pro vice adhibita, sudorem abundè, neq; inutiliter prouocant. Hanc autem, nequis erret, præparationem, tanquam arcanum aut nouum, & aliis absconditum, non attulimus in scenam: alij enim parant aquis aliter confectis, neque nobis incognitis, sed eo fine adduximus, vt illo tanquam in exemplo disceptationibus adjuncto, prioribus medicis & syncera veritatis amatoribus, Magisterij auri effigiem ob oculis contemplandam & perpendendam ponamus, in quo solo magisterio medicinalis auri præparatio consistit, quoq; tunc intra corpus vt possumus loco simplicis auri, præsertim quoniam certi sumus corrosiuum in hoc esse mortuum. Sed tanta est hominum curiositas, vt dum impossibilia quærunt, huius virtutes obseruare negligant. Quidam volatilem hunc pulverem spiritu salis vel rebus satis naturæ analogicis, & postmodum spiritu vini in formam liquoris redigere curantur. Verum hoc medium non est adeo idoneum, aut ad edulcorandum, aut ad corrigendum spiritus salini naturam corrosiuam, sed illam magis excitat. Neque quicquam amplius spiritu vini dissoluitur, quàm cum salis armoniaci aut rei analogicæ spiritu adiungitur, neque vero forma liquoris tali spiritu depurata vsque exstat auri præparatio. Pulvere igitur cum vehiculis appropriatis tutius quam liquidis præparationibus vt possumus. Cæterum hoc etiam obseruatum est, liquidas illas extractiones temporis diuturnitate infundo subsidere, & hypostasim auri ad instar splendentium scintillarum apparuisse. Sed ne quid intentatum relinquunt ingeniosi hi scrutatores, aliam viam excogitarunt, hanc nempe, pulveris superioris grana 4. aut 5. sumunt, quæ in capsulam auream injiciunt, & cochlear spiritus vini superinfundunt, mox ignem admouent, & cum

Spiritum vini ferè consumptum vident, continuo operculum vitreum, vel inauratum adoptant, sic pulvis exilit, & in formâ fuliginis rubæ subtilis operculo adhæret, & hoc pacto minutatim totum sublimant; judicantes se veram auri tinturam nactos: verum Magister Vulcanus fidus explorator rem aliter demonstrat, quippe fuligo ista & aurum ea actione à spiritu salis segregatur, non aliud. Nam in crucibulum injecta & igne sepulta, mox in aurum redit. Et hæc collarij loco obseruare licet, quanta eis oritur vitilas, qui se Medico-Chymicos profitentur, non solum rerum mortificationem scire, sed vt re viuificationem & restaurationem rerum addiscant etiam, & adjungant. Hoc pacto enim effugient, ne iis sophistæ & caochymici impudenter imponant, aut ipsi se ipsos decipiant, & quanta etiam in ægrotis operatio ex istis præparationibus expectâda sit, sciât.

De Projectione Magisterij.

℞. Pulverum auri præcipitati probè exiccatum, quem supra marmor leuiter dispersum spiritu vini Hispanici vel Creticici, cum Melissâ exiccata ter rectificati, & à phlegmate separati, irrorâ, misce, & dein in sole, vel loco calido exiccari finito, irrorationem & exiccationem sexies aut oâtes repete. Ad vnciam pulveris ita parati, croci scrupulum, ambra grisea & moschi orientalis, cuiusque grana sex addito, postea hæc vnâ mole & vitreo vase ad vsum serua.

De Virtute Magisterij.

Doctissimus Fernelius lib. 5. methodi, cap. 21. aurum inquit temperatissimum foliolis, & veluti bracteolis ad naturæ robur, & affectus melancholicos, ad exolutum stomachum, ad cardiacos, & præter naturam mæstos efficax. Hoc est te-

stimonium Medici inter nœotericos facile principis, de auro simplici, nec præparato, quid autem de magisterio sentiendum? Palpitationi cordis, deliquis animi, cæterisque cardiacis passionibus aduersatur. Aduersus syncopen etiam, & vapores Saturninos ex splene ad cor exhalantes, tristitiam & melancholiam ibi procreantes multum præualet; suffocationi vel caduco matricis, epilepsia, vertigini, hemicrania, lethargo, paralyssi opitulatur, in dysenteria & profluuiio muliebri non nihil adiuuat; verbo, vniuersi corporis humani viscera corroborat, & à putredine & veneno conseruat & liberat. Paracelsus in medicinâ versatiss. & perspicacissimus, inter omnes omnium medicamentorum species, & ad conseruandum valetudinem & ad morbos grauissimos propellendum & extirpandum, auro præcipuas tribuit, lib. de morbis amentium, tractatu particulari de podagra, lib. de contracturis, de pestilente, & in lib. de vita longa. Cum necessitas postulat à granis 3. ad 8. ex vino malvatico, vel alio liquore conueniente ad vincendû varia symptomata, quæ ægrotum male habent, feliciter usurpatur, si patiens probè coopertus lecto sumat, sudor placidus absque debilitate expectandus est.

De Bezoardico aurato.

℞. Extracti viperarum drachmas duas, magisterij auri scrupulos duos, lachrymæ cerui præparata sesqui scrupulum & grana duo, succi de radicibus Carlinæ recentibus condensari & succi cardui benedicti exiccati cuiusque drachmam & grana 12. olei de radicibus angelicæ, olei rutæ ana guttulas 16. fiat horum mixtio & seruetur in vase aureo vel inaurato.

Extractum viperarum. ℞. Carnis viperinæ more Crollij parata vnc. tres, paratur in capsulâ, & cum drachma myrrha electæ per vires suffumigetur. Sic

pulverem habes & probè exiccatum & embalsamatum, quem in urinale impone cum lb j. aquæ veronica opt. & vas prius bene obturatum, in balneo ebulliente diestres naturales colloca, Finito tempore, exprime & ad consistentiam extracti igne lentissimo adducito, fæces combure, & salem extrahe, & extracto conge.

Depuratio lachrymæ cervi. ℞. Lachrymæ cervi gr. 5. dissolve in spiritu vini, dein exprime & ad consistentiam mellis reduce.

Virtus.

Et si hæc compositio quinquaginta ingredientia aut 60. non complectitur, ad miraculum tamen operatur. Adhibetur adversus omnia genera venenorum & symptomata venenata, in peste & febre vngarica cum fructu administratur. Ad præseruationem datur scrupulus per quatuor anni vicissitudines, in calidis complexionibus cum conserua rosarum syrupo de succo citri, aquis stillatitiis vel brodio, in frigidis autem cum vino generoso, aut miscetur cum liquoribus, aut formâ boli sumitur. In curatione à drachma semis ad scrupulos duos pro vice, plus minus vt necessitas postulat.

DE ARGENTO.

Argentum cur luna terrestris nominatur.

Argentum à Philosophis luna terrestris nominatur, propter summam, & peculiarem quam cum corpore lunari habet, constellationem. Nam sicut reliqui planetæ & signa cælestia, specialem affluentiam & communicationem cum lunâ tenent, ita asserente Paracelso in

cælo Philosophorum, seu libro vexationum canone 6. Argentum est metallorum septimum caput & spiritualiter sex reliquos Planetas includit, quorum quicque ei duas addit virtutes, quæ sunt 12. signa cælestia. Id. auctor lib. archidoxorum de coloribus spagiricis verba faciens (quibus coloribus planetæ superiores representantur, vnusquisque per colorem proprium) ait, sex sunt colores fundamentales ad planetas proprios relati; verbi gratiâ, ater Saturnum, albus Iouem, flauus Solem, rubeus Matrem, Mercurium, liuidus, viridis Venerem representat (& ex his reliqui colores oriuntur) septimus verò qui est color lunaris non est fundamentalis, cæsius enim est. Iam vero quilibet ater cum albo, vel albus cum liuido cæsius constituit. Et reuera spiritualementem hanc planetarum cum lunâ conjunctionem videmus, Lunæ corpore in spagirica rotâ posito; illic enim prædicti colores apparent, & varia insuper signa, naturæ miracula, in quibus magnalia Dei omnipotentes legi possunt, quantum rationem & causas dum quidam nimis acriter reddere satergerunt, sensus & iudiciorum pondere speculatione submersi fuere. Sed paulo altius hanc analogiam persequemur. Luna cælestis cum mundo gloriose se ostendat, se veste cyaneâ induit, & non eodem, obscuro, colore adornatum est argentum jam purificatum, & ab omni fæce purgatum. Cælum etiam lunare sereno tempore, effigiem melioris naturæ internæ cæreuleo obumbrat colore, iidem & argentum, in cælo suo seu aquâ solvente, dissolutum, quouis sapphiro pellucidius, colore cælesti apparet. Postremò lunare corpus in interlunio externa est facie nigrum & obscurum, & intra exiguum tamen temporis spatium se renouat. Quam similitudinem in Argento obseruare licet: Si extrahas enim ei aquam solventem per distillationem, ad instar lapidis nigri sese ob

oculos ponit, hoc est interlunium. Sed adducito ad ignem, vt examen subeat more aurifabrorum, multo durius & splendidius quàm antea se videndum prabet. Has obseruationes analogicas quilibet aurifaber facile percipit, quas esse duximus ad hanc rem probandam, nempe prædictos planetarum colores in rota seu circulatione astrorum terrestriū percipi potuisse. Similes colores corpori lunari inesse per representationem crystalli videmus. Sed iam satis analogiam demonstrauius, vnde sedulus lector rationem comparationis & similitudinis inter reliqua metalla & planetas suas obseruare potest. Argenti autem virtutes cerebro lunæ microcosmo, ob prædictas & alias, quas recensere superfedeo, obseruationes Philosophi retulerunt. Specificam enim hinc inesse naturam credunt, omnes ferè cerebri affectus medendi, & eâ causâ præparationem, quam cum substantiis microcosmi communionem haberet, magno labore quæsiuere.

De separatione substantiæ aquosæ & oleosæ ex argento & quali successu.

Quemadmodum in auro, ita etiam in argento haud paruum opus ad educendas substantias aquosas & oleosas, vegetabilium & animalium similes, curiosi nonnulli homines collocarunt, sed oleum & operam perdididerunt. Sed quid de Mercurio ex argento currenti iudicemus? Hoc certum est, tales operarij, quo sensu de mercurio lunari locuti sunt Philosophi, non intellexerunt, non magis quam Archem naturæ sciunt, dum oleum & aquam ex eodem quærunt. Nos equidem circulatorios lusos quorundam circumforanorum alchymistarum vidimus, qui limaturæ argenti, Mercurij sublimati, & salis armoniaci fumantes & quales partes, eas primo probè mistas in vtrinali paruo supra candellæ flammam collocarunt, do-

nec in vitri ollum sal armoniacum sublimetur, & mercurius fluctuans in fundo vasis appareat, & hunc mercurium lunæ miræ virtutis appellarunt. Sed qui prudenter & consideratè huius anatomiam aggreditur, reperiet Mercurium viuum à spiritu salis & vitrioli solutum esse, & nihil aliud. Argentum enim integro pondere fluidum, ductile & tractabile, vt prius deprehendetur. Cauete igitur, sultis, ab istis nebulonibus, & malè feriatis agyris: vt verbo dicam, talem Mercurium mihi nusquam videre contigit, neque cordi est quærere, quoniam inane est opus speculationis, quod in praxi medicinæ nihil loci habet.

Tinctura Luna.

Proxima, quæ se offert consideranda disceptatio, est tinctura Lunæ, quam Diaculi quidam (vt sibi videntur) subtiles & theoretici Doctores profundi, exhibere conantur, eamque in omni infirmitate cephalicâ, puta, maniâ, insanîâ, stultitiâ, dementiâ panaceam & jactitant & spondunt; Et hi tamen eâ industriâ nullam sibi opem aduersus nimis stolidam persuasionem procurarunt. Verum equidem est, per amalgamationem cum Mercurio, deinde per florizationem cum sale armoniaco, aceto & aliis mediis in pulverem subtilem & cæruleum adduci, quem admodum viriditas æris aliis liquoribus efficitur: Sed ad iudicem & examen producas, in verum & corporale argentum redit. Hujus autem virtutes nec laudo nec vitupero, nunquam enim sum expertus; hoc certe scio, optimum ex eo colorem parare sibi in vsum pictores, qui etiam ex statuo eupro & lapide lazuli, parua tamen quantitate (quod obiter dictum velim) in eundem vsum paratur. Si quis igitur huius rei periculum facere velit haud inita ratione & obseruatione pöderis aut signorū, facile sibi ex fallaciâ

periculum procreabit. Quod sibi dictum putent, qui sibi à circumforancis fallacibus imponi sinunt, qui aurum & argentum furripientes aliud in locum supposuere; quo pacto ij decepti sunt, qui aurum & argentum è forma genuina educere satagunt. Quam rem callidè quidem pseudoli hi dominis suis peregerunt. Subducto enim metallo aliud nescio quid in locum substituerunt, quod in aurum siue argentum reduci non potuit.

De reductione argenti.

Alij sunt, qui sibi argenti in materiam primam reductionem proposuere, adeò vt in forma resinæ existeret, album, pellucidum, ponderosum, fragile, fusile, incombustibile tamen, immutabile in omni ignis gradu; quæ vera quidem esset astri lunæ præparatio. Vide Paracelsi lib. 9. de signaturis rerum. Ergo si quid tale est, ingenuè fateor me non vidisse, puluerem equidem argenti reuerberati, qui cuius gradui fortiter reluctaretur, non semel vidi, quique neque per amalgationem cum mercurio, neque cum sale tartari, neque quouis sale aut aqua, in argentum iterum reduci potuisset (hic tamen non erat fusilis) tandem adducto in cineritiû, in consortio auari Saturni, qui profunditatem terræ scrutatur, ipse lunam morte sopitam è sepulchro lapideo reuocauit, quæ tum demum ad pristinam pulchritudinem eodem pondere rediit.

v. l. 642. De magisterio argenti, Crystallo Dianæ, Cathartico lunari.

Iam aggressuris magisterium argenti, primo omnium corrosiui descriptio, cuius ope & virtus cathartica, & diuretica exeritur, quarum beneficio humidi radicalis fonteq; hoc est, cerebrum, totamq; corporis massam, à superflua humiditate, & humorum illic peregrinantium

corruptione vindicat, consideranda venit. Sicuti enim in magisterio auri, auxilio corrosiui opus erat, quod diaphoreticam auri proprietatè produceret, vt eo pacto calorem natium microcosmi non solum in fonte, quod est cor, sed in riuiulis etiam, qui est sanguinis, ab omni putrefactione repurgaret; eodem plane modo in hoc, quod proposuimus magisterio corrosiuo opus est, quod quidem sine fusco ita paratur.

℞. Vitrioli Vngarici, calore lentissimo albificati, & in puluerem subtilem reducti ℥ ij salis nitri à suo sale & omni crassitie mundificati, exiccati & subtiliter pulverisati lb j. misceantur optimè, & distillantur more chymico. Habebis aquam fortem limpidissimam suis spiritibus impregnata. Seruetur ad vsum.

De solutione Lunæ.

℞. Dianæ metallorum per saturnum à pollutione venereâ, & ab omni alio consortio perpurgatæ, adeo vt simplex & splendida appareat, vncias tres. Has vřnali impone, sex vnciis menstrui prædicti superadditis, deinde in vas aquâ tepidâ repletum collocato, quoad in cælum lunare è conspectu tuo auolarit, & mercurius sapphirio ornamento oculis sese obijciat tuis, tunc peracta est solutio.

De coagulatione spirituum menstrui cum luna.

Finitâ solutione vncias 9. menstrui superioris dissolutioni superaddito, vt totum liquoris pondus, vncias 15. adæquet. Hunc ita comparatum liquorem in balneo roris collocato, idque per 40. dies igne continuato. Quam interim exstillatam materiam fœcibus propè exiccatis de nouo refundito, hoc sine intermissione peragito.

De separatione magisterij ab aquâ.

Nunc separatio magisterij ab aqua facienda, neque id negligenter, nisi amissionis temporis & sumptus sustinere multam velis. Porro igitur quod potis est aqua per eundem caloris gradum extracta, extractam aquam vitro vase servato Hoc primum est, pergamus. Residuum in alembicum fortem circa fundum luto obductum, imponito, vasi capitellum adhibe, & in arenam colloca, vt quod restat aque, igne tandem violento admoueas, & hoc loco præcipua cura adhibenda est, vt ita administretur ignis, ne cum humiditate tota spirituum copia aufugiat. Sic enim laborem perderes, & loco magisterij, purum putum argentum haberes, quod experiètiâ edoctus loquor. Eodem enim tempore, quod huic negotio cum quibusdam aliis insudo, amice vocatus, & humaniter impulsus sum in conuiuium (mallem autem in laboratorio mansisse) interim nimia pueri, cuius seruitio vsus sum, diligentia, tantus & tam violentus extructus est ignis, vt totum spirituum exercitum in fugam dederit. Proximo mane argenti partem in vitro, partem in arenâ habui. Operatio igitur ita ordinata esse debet, vt magisterium in fundo vrinalis per 4. aut 6. horas fusile ad instar salis nitri maneant: vbi hoc factum est, omnis res est in vado. Quod in hac artificij parte vltimum est, instrumenta refrigerentur, & abducto luto vitrum rumpatur, vel paulum à fundo ferreo ignito scindito, illic reperies materiam lapideam, infra & à lateribus nigerrimam, supra autem candidam, claram sicut crystallum, & astro insignitam, hanc exime & seruato.

Observationes.

1. Magisterium hoc duplum erit at-

gento ferè secundum menstrui & digestionis bonitatem; hæc enim argentatio est spiritus menstrui coagulatio.

2. Quamvis hoc magisterium dissolutum manus nigro colore inficiat, tamen erodentem naturam, quæ in aqua forti reperitur, penitus amisit. Hujus magisterij parum, haud sciens per annum chartæ inclusum apud me servabam, tandem inueni papyrum vbique fusco colore obductum sed à corrosione tutum satis.

3. Si magisterium hoc linguâ probaueris, gustum reddit ad vitriolum crudum, aut vitriolum Veneris accedentem, quod euenit propter analogiam argenti cum cupro, & consequenter cum calchanto. Sapor enim hic in magisterio auri non deprehenditur, quoniam vt ait Paracelsus, in auro nulla est aciditas, neque substantia vitreolacea, sicuti in argento. Eadem sympathia hoc pacto liquet. Dissolue magisterium hoc pollubro æneo, aqua tepida, vel in magisterium lamellos cupri iniicito, mox argentum à magisterio segregatum, & cupro formâ spongiolâ adharere videbis, quod liquefcit & in argentum solidum redit.

4. Si lapidem lunarem pulveratum ad solè exponas instar atramenti nigerrimus euadit. Eandem coloris mutationem percipies, si eum cum auro soluto misceas.

5. Sicut sal nitratû in crucibulo liquefcit, & in quamvis formam redigi potest.

6. Si iniicias particulam in ignem apertum ad similitudinem salis petreæ ambuitur. Hoc expertus loquor, vnciam enim Crystallorum Dianæ ad ignem exiccaturus supra papyrum explicui, & sic reliqui, mox vt ad summum ariditatis peruenerat, ictu oculi flammam concepit, atque more pulveris pyrij impetu exiliit, charta enim locum carbonis suppleuit. Et hic observare licet, quod transmutationi sæpe accidit. Vna quæque res in primum corpus sibi destinatum naturâ redire cupit, quod hoc loco in nitro se manifeste

exhibet. Nitrum enim in formâ menstrui omni modo ignem respuit, lunæ autem corpori adjunctum in pristinam naturam reuertitur, ignemque concipit & varia genera morborum propellit, vt postea dicitur.

7. Ad instar salis aquâ dissolvitur absque subsidentiâ. Multa restant quæ obseruari potuissent, sed quia ad hanc rem non pertinet, supersedeo. Hoc tamen corollarij loco superaddo; Cauete vobis à Chrysopæis, qui stannum in argentum transmutare spondent; Crystalli enim huius magisterij cum nitro repurgato ita callide conjungi possunt, vt nisi ex pondere fallacia non deprehendatur.

De reductione lapidis lunaris in Crystallum ad vsu[m] medicine.

Vltimum quod in magisterio argenti restat peragendum, est cristallorum materia lapidis confectio, quam rem sic efficies. Aquam per balneum rosis extractam tibi fumbo, in quam frustula lapis lunaris inicito, & in aquâ tepidâ per 6. aut 8. horas dissolvendas & faeces deponendas relinquito. Aquam claram & defæctam per inclinationem à spissâ & turbidâ materiâ quæ in fundo vasis hypostasii constituit nigram, aut fuscâ, separa, & in aliud vas affunde, quod loco frigido, puta cellâ, relinquendum est, vt crystallos generet. Crystallum adeo splendidos tibi dabit, atque nitrum perpurgatum. Hos exime & supra scutellam vitream in arenâ exiccato, exiccatus in vasculum vitreum probe ab omni humiditate liberatum repone, & loco frigido, vitro optimè obturato, serua, totum menstruum in crystallos rediges, si extrahas paulum aquæ igne lentissimo & tum demum in cellam vas refrigerandû seponas. Cætera cum superioribus conueniunt.

De Proprietatibus & viribus Magisterij.

Inter Planetas celestes imperium in cerebrum microcosmi, lunæ, non sine ratione à Philosophis tribuitur, cuius res gestæ atque virtutes iisdem, quibus maris cursus, regionibus & terminis contingunt, neque vero ad aquas maioris mundi, quarum æstus & malitia illius motus imitatur, sed ad pelagus, fluuios, riuulos, imo guttulas microcosmi, illius sceptrum extenditur: quod in omni infirmitate humidâ & aquosâ intemperie facile obseruatur. Similiter hoc magisterium lunare in omnes aquas microcosmi & superfluitates aquosas, præcipuè meas, quæ cerebrum possident, summum Imperium tenet. In diluuium enim microcosmi hydrogon specificum aquæ intercutis existit, tumores ex frigido coagulato resoluit & abigit, omnes catharris species sistit, in epilepsia etiam aquosa, hoc est, ybi vda materiâ abundat cerebrum & tanquam hydrocephalo laborat, haud parum adiumenti affert, paralyti & membrorum stupescationi, quæ ex defluxione frigida oriuntur, acerrimè resistit; dolores iuncturarum & podagram frigidam potenter abarceat, hemicraniam, vertiginem, suffusionem, aurium tinnitus, visus debilitatem, surditatem denique & omnem sensus & intellectus è frigido coagulato, vel resoluti, suffusionem hostilem propellit, cerebrum partim per os, partim per nates purgat, pectus & pulmonis organa per expuitionem mundificat, vt verbo totum comprehendam, breuitati enim studio, vniuersum corpus ab omni superflua humiditate per secessum & vrinant absque stomachi dolore & intestinorum torminibus breui liberat & ad sanitatem reducit. Dosis est à granis 5. ad 8. pro vice, vt exigit necessitas. Exhibendum est cum vino malvatico vel albo generoso in aurorâ.

aūrora. Interim vtatur patiens cibo & potu optimis, pro conditione, nihilominus enim catharticum hoc partes suas peraget, dum materiam conuenientem inueniet, neque vim facit in naturam, vt alia multa faciunt.

Controuersia.

Apud superciliosos quosdam, qui in veris physicae principiis parum sciunt, minus autem in arte spagirica, & genuinā naturā mineralium, triplex controuersia oriri poterit. Prima quidem de magisterio ipso, quoniam calore natiuo digeri non potest. Secunda de acri gustu ad instar cupri, quod huic medicamento inseparabiliter adhæret. Vltima vero de spiritu aquæ fortis, quod intra copus tutò non admitti acriter contendunt. His vt ordine responsum demus, primam sic aggredior. Etsi argentum ob compactam, quam possidet, naturam, calore natiuo digeri non potest, & ita assimilari (quod quidem in medicamento cathartico non requiritur) tamen in Magisterio cum menstruo conjuncto, virtutes suas internas externè ostendat, & eo pacto aduersus sanitatis inimicos acriter pugnat. Sed si ita res esset, vt nulla ratio reddi possit, tamen impulsu vsu & praxi erimus observationem amplecti. Videmus enim lapidem Lazulum, cuprum, Mercurium, antimonium, etsi nullam eorum in stomacho mutationem vllò modò possimus deprehendere, purgare tamen summopere; quod de multis aliis mineralibus verè dici potest. Hoc autem neque à similitudine substantiarum, neque à contrarietate complexionis, sed à vi magneticā & occultā qualitate prouenit. Ad secundam verò quod attinet disceptationem, acrimonia illa suspi-cienda, haud suspectanda est, hac enim facultate in detergendo crasso phlegmate, seu frigido coagulato precipue vitur.

Ang. Sala.

Et hoc insuper apud omnes medicos obseruatum est, cathartica quæ acidam vel acrem possident qualitatem, à purgatione vim astringentem reliquere, quæ stomachum & interiora viscera roborat & confortat. Qualem operationem in vitriolo Veneris, calchanto, sale vitrioli liquiddò videmus. Et hæc tamen medicamina non solum Spagirici, sed ij etiam, qui Galenicastra sequuntur, magna dosi etiam in pueris, non infelicer adhibent & administrant: acrimonia igitur Magisterij criminis non est insimulanda. Tertia & vltima quæ restat controuersia plus ponderis in se habet, tamen si rem penitus introspicias, spiritum aquæ fortis jam in magisterio cum argento conjunctum, non malè mereri iudicabis. Spiritus enim nitrales hac conjunctione reflexi (vt obseruatum est) nitrum fiunt, neque vim corrodendi aut subtiliter penetrandi (quæ in aquâ forti fuerat) jam dum retinent, sed pristinam naturam salis petrae iterum naçti sunt. Si vsum igitur salis petrae internum non veremur, sed bono animo ad drachmam vsque pro vice in obstructione vrinae, colicâ, ardore febrili, prunellâ, peste, magno ægroti adju-mento quotidie damus, ita vt modo inter remedia quæ vulgo nota sunt communiter censeatur, quod paucis ab hinc annis inter corrosiua lethifera annumerabatur, cur vsum eius cum optimo argenti corpore conjuncti respiciamus, præcipuè cum videamus, naturam veterem nitri, quamvis subtiliorem, ei restitutam? Et certè verendum non erat, si modo qualitas erodens in magisterio remanserit, quippe quod vires in materiam peccantem sibi contrariam exercet, in quo virus suum, si quod est, longè lateque dissipat & dissipat, sicuti in vino, in quo dissoluta fuerat, prius fecerat. Cæterum ipsimet spiritus aquæ fortis externè corpori humano nullam iniuriam inferunt,

Z

sicuti varia corrosiuorum genera faciunt. Et ij etiam qui rebus talibus operantur, hoc obseruauit, quod etsi horum spirituum penetratio aliquantisper caput perturbet, tamen mox humido genuino nostro, quod sal est, sunt misti, & tum continuo eorum vires & natura corrosiua retunditur, vti videmus in olei vitrioli & sulphuris, quorum acrimonia ita retardatur sale tartari & aliis vegetabilium salibus, quæ hominis humiditati miscentur (quemadmodum in aqua sanguinis humani & urinâ percipitur) vt primariam corrosiuitatem nunquam post id acquirant.

Porrò vt palam fiat, quàm potentes & mirabiles effectus hoc argenti magisterium habeat, historias quasdam memoratu dignas in medium proferam.

Cura prima.

Anno 1604. dum Vultureæ habitarem, valle quadam, quæ ad Illustriss. Rheticæ dominos pertinet, in vrbe Sondrio, domina Lucretia Moranâ mulier generosa hydropica vivebat, quæ ob ferociam morbi, tanquam incurabilis à Medicis derelicta, me ad auxilium vocabat. Vt rem verbo dicam. Primò in aurora magisterij prædicti grana quinque vino rubro soluta exhibui, quæ ita gnauius officio functa sunt suo, vt intra 24. horas ad minimum sedes medicas viginti habuerit ex sola aqua intercute. Et quod notatu dignum, absque dolore, vomitione, tormine, perturbatione, & quod maximum est, sine corporis debilitate. Interim optime nutriendam curauit, saepe per vices, sed parum cibi exhibens, potus erat vinum rubrum. Interea temporis exsiccantibus, diaphoreticis, diureticis & confortationibus naturæ, vt res postulabat, usus sum. Septima jam appropinquante septimana ad pristinam sanitatem rediit. Tunc temporis 44. ætatis annum

agebat, ante annos duos vixit, & quòd scio, nunc etiam pancreaticè valet.

Cura secunda.

Nobilissima Matrona, Domina Maria Guizardi in ciuitate Pont, quæ iisdem Rheticæ vallibus sita est, circiter trium horarum itineris spatio à domo mea, specie phrenitidis aut dementiae laborabat, & suspicio erat, illud ei è lamiarum maleficio accidisse; Mulier erat mediæ ætatis & corpore paulo habitiori. Ego illuc à doctiss. & experto Medico, Domino D. Merlo, qui agrotæ sanitatem piusquam superbiam aut ambitionem suam æstimauit, accersitus, Magisterium Argenti continuo dedi. Ipsa & per secessum & per vomitum (quod inter 100. millia hominum huic vni contigit) maximam humorum mirabilium eiecit copiam, & eo pacto à grauissimis illis symptomatibus liberata est.

Cura tertia.

Anno 1607. decumbebat in ciuitate Frauenfeld in comitatu Turgau, nobilis & strenuus Antonius, tunc temporis præfectus prouincialis prædicti Comitatus, hydropicus erat, & à capite ad plantas pedum intume factus, scrotum ei erat capite maius, & tandem adeo in angustias res redacta erat, vt propter tussim, halitus difficultatem, & deliquium animi, quo vnaquaque horâ laborabat, in cathedra quotidie sederet, & à medicis relictus separationem animæ à corpore expectaret. Hac miseria tanquam mortuum se curandum mihi commisit, post sex septimanas illum hoc magisterio lunæ restitui sanitati, appetitum reddidi, somno fruebatur salubri, & quod maximum est, munia consueta publica obire potuit. Adhibui etiam corroboratiua, quæ tamen non ita accipi velim, quasi ab omnibus malis

symptomatis tam breui spatio liberatus fuerit. Tibiæ enim adhuc exulceratæ manebant, propter abundantiam aquæ, quam natura in centrum educere non potuit, vt eo pacto per altum eijceret. Sed hoc modo rem perfecti, vulnerrum autem curam chirurgus commisi. Non est igitur, quod Lauaterus ignorantiam hydropis mihi objiciat, ac si causam & curam illius morbi ignorem, re ipsa me contrarium demonstrasse confido. Annum à cura patiens vixit, postea obiit; nam contra vim mortis non crescit medicamen in hortis. Ego & quidam ex parentibus meis hoc magisterium sumptissimum, qui tamen superstitēs sumus, & sanitate fruimur, quandiu Deo opt. max. plaue-rit, cui honor gloria & rerum dispositio in secula seculorum, Amen.

De Marte & ratione nominis.

Astronomi, qui stellarum naturam observant, Martem complexionis siccæ, & caloris realgaris esse referunt. Et ex hac arsenicali qualitate, qua reliquos planetas aspiciendo inficit, maxima oritur discordia. Hanc autem quam narrant discordiam, Hermetis discipuli in ferro ad cætera metalla, quibus cum ob duritiem & incomptam naturam in concordiam adduci non potest, quotidiana praxi observarunt, & ideo ferrum Martem nominarunt. Cæterum vt rationem nominis persequamur, ferrum, vt Mars planetas, reliqua metalla sub potestate sua subigit & contundit. Quam naturæ sapientiam admirari & suspicere liceat, quæ inter corpora adeo insensibilia tantam distinctionis, honoris & dignitatis curam adhibuit, neque id sine ratione. Quum enim inter homines honoris & dignitatis discrepantium videmus quidam Reges & Principes, alij agricolæ & rustici nati sunt, gloriam tamen & splendorem Regum & Magnatum ij, qui è terra victum

quaritant, præcipuè sustinent & sustentant; eodem pariter modo inter metalla sese res habet. Natura enim reges & Principes constituit aurum & argentum, Magnates stannum & cuprum, ferrum autem rusticum & incultum ordinauit. Huius tamen ope & operâ eorum gloria & splendor in lumen profertur. Vltimum quod Martis vtriusque analogiam & contractam similitudinem ad viuum explicat, hoc est: videmus enim in bello (quod ad honorem Dei altissimi, & laudes nominis eius, & incipitur & perficitur, vnde Deus exercituum appellatur) omnia instrumenta vel ad puniendum malos, vel ad Dei milites defendendum, puta gladios, thoraces, cassides, bombardas, sclopos ex ferro artificiosè parari. Et quo instrumento obsecro, si Astrologiam calles, familiariùs vitur Deus omnipotens hoc ipso Marte cælesti, cum emittit copias suas & exercitus vel ad hostes & inimicos puniendos, vel subditos rebelles & immorigeros coercendos? Pestes enim, febres, dysenteria, pustulæ & anthraces, vt reliquos epidemicos morbos omittam, nonne proueniunt ab arsenicali veneno, quod Mars cælestis expuit? Vide Paracelsum lib. de Pestilente tract. 3. de veneno planet. lib. 2. de igne venenoso, & in tractatu de caduco matricis & in Parag. de Philos. & Astronomia medica, & variis libris, vbi analogiam corporis cælestis & terrestris & collationem anatomie majoris & minoris mundi vbertim explicat. In quo genere studiorum, tanquam necessario præcipue versari debet medicus: Hoc enim vnicum est speculum, quo quid sit physica, quid medicina, & qualis medicus, perspicuè representatur.

De collatione Martis & microcosmi cum ferro.

Ferrum ad Martem microcosmi refertur, cui etsi formâ haud conuenit, pro-

prietate & qualitate tamen non multum discrepat : hoc autem est fel. Et ideo sicut superiores & in rerum naturâ maiorum virium substantiâ, similibus suis inferioribus cum debilitate & aegritudine languescunt, opitulantur, & sicut planetæ superiores in inferiora metalla vires & proprietates suas imprimunt, & eo pacto adjuvant ac fouent ; pari modo quoduis metallorum specificum suum adjuumentum parti microcosmi, qua cum conuenit, ægrota & male affecta communicat, & speciatim Mars robur suum felli ad morbos vi & armis ejiciendos mutuo dat. Et hic obiter notandum est illud celebre medicorum; Contraria contrariis curantur, nullo modo à sensu Paracelsi, similia similibus gaudent, norunt & curantur, esse dissonum. Quod prudentissimus medicus Fernelius lib. 1. method. medendi cap. 2. de remedij inuentione optime obseruauit.

De Marte rubificato.

Varios parandi ferri modos tentarunt Spagirici, extractionem tincturæ, separationem Mercurij viui, eductionem olei, irreducibilia in corpus, sed frustra : Vñ sunt eo autem vtiliter non solum in infusione vel in vino, vel aliis liquoribus, sed in forma magisterij siue croci. Preparandi varietas multa est, scopus vero in quæ collimat omnes vnus. Formulas igitur preparationum, quas certas & bonas esse nouimus, primo in magisterio, dein in infusione, breuiter describemus, aliis suas feliciter vtendas relinquentes, nostras nobis vsu approbatas proponentes.

℞. Martis laminati quater aut quinque purificati, h. e. igne ad rubedinem accensi malleati & in frustula rupti vncias quatuor. Pone has in alembicum, eumque colloca in arenâ ad destillationem paratâ, tum superinfunde aquæ fortis, quam capite præcedenti descripsi-

mus, vncias duas vel tres, & imposito capitulo absque igne aut quouis calore dissoluantur. Vbi spiritum à labore & agitatione cessare videbis, iterum nouam infunde aquam, non eadem tamen mensurâ, aliter enim vitrum disrumperet, tanta est operationis violentia. Hoc iterabis opus, donec vncias sexdecim aquæ fortis infuderis. Hac dissoluiione peracta, primò aquam ab agitatione spirituum & calorem astralem huius corporis constellati exstillatam fume, & residentiæ conjungè. Secundò autem quicquid est aquæ cum binâ cohibitione, calore leni distillare facito. In fine destillationis ignem tanto gradu multiplicato, vt tota spirituum copia vi ignis ejiciatur. Caue autem ne alembico argillâ haud munito vtaris ; eo enim pacto cum vrinale ex arenâ erigere conaberis, & Martem, & fundum vasis, illic relinques. Instrumentis refrigeratis extrahe Martem subrubrum, & ponatur 40. horas in reuerberatorio vel in fornace, vbi oleum vitrioli tum temporis paras, habebis pulverem instar coralli rubicundum, hunc serua.

Virtus.

In dysenteria, profluuiio menstruorum, fluxu sanguinis & diarrhœa vtiliter adhibetur, sistit etiam sanguinem in vulneribus, venas ruptas tam internè quàm externè curat & conglutinat, in hydropse exsiccando optime prodest à granis 3. ad 10. in saccharo rosarum rubrarum cum diacydoniaco simplici in forma boli, vel cum liquoribus appropriatis aut extractis specificis, vt cum magisterio & radicibus Tormentillæ optimo cum successu exhibetur.

Vinum Martiale.

℞. Vini Maluatici, siue cuiusvis generosi albi lb 8. medicinales, Limaturâ

ferri purificati vel chalybis lb j. ponatur vinum in lagena terrea ventre sphaerico & collo oblongo, tum in crucibulo incandescat limatura, quam mox vt accensam videbis, projice in fictile, vbi vinum continetur, & orificium obtura, ne spiritus aufugiat. Notandum autem vas ad tertiam tantum esse implendum partem. Hoc opus iterabis, postea quod vltimum est, subsideat per horas 24 & ad vsus seruetur.

Observationes.

1. Et si corpus ferri adeo fixum est, vt absque corroliuo, puta aceto vel re tali, quibus hic non vtimur, dissolui non possit, tamen huic vino proprietates aliquas largitur, & periculo facto, in hoc vino nihil inuenies, quod substantia martis merito dici possit.

2. Vinum hoc Martiale varios humores alvum subducendo corruptos educit, specialiter flauam & atram bilem, humores terrestres, ponderosos & tenaces aliis medicamentis haud facile ejectos aut extirpatos.

Cura prima.

In Vulturea, de qua capite priori locuti sumus, in oppido Pont, vxor charissima nobilissimi Camilli Quadrini, quæ à matrimonio per nouennium, ob superfluum matricis humiditatem (aliud enim symptoma non apparuit) sterilis permanserat, cum hoc vino per multos dies (quod ei præscripserat Doctiss. Dn. Placeus Medicus ordinarius) vsa fuisset, talem matricis temperiem adepta est, vt post id mundum facundo vtero ter beauerit, tot enim formosos natos in lucem edidit, qui per aliquot annos superstites fuere, nunc autem cum matre vitæ functi sunt. Hanc rem accepi non solum à medico ipso, sed ab ipso nobili.

Cura secunda.

Aliam curam obseruatu dignam, ab eodem Medico effectum mediante, eodem vino ipse etiam vidi. In oppido Sondrio, vbi per aliquod tempus habitabam, inerat quidam incola ex oppido Bornis, qui grauiter & periculose cacochymia, corruptione stomachi & defluxione capitis, quæ nouilunio semper pectus opplebat, diu laborabat, qui morbus adeo misere hominem afflixit, vt pene illum suffocauit, donec natura insurgens materiam corruptam vomitu eiecisset, tum enim per aliquot dies meliusculè se habuit. Multum pecuniæ aliis medicamentis vtando, aquas minerales ebibendo, thermas sulphureas frequentando, consumpserat, nihil tamen ei profuere. Tandem pristinae sanitati vsu vini huius martialis restitutus est, vnde Medicus maximam gloriam adeptus est. Modum autem vtendi si quaris, hic est, vnciæ duæ vel 3. in aurora administrantur, antegresso conuenienti aliquo cathartico.

Vinum Martiale compositum nostrum.

℞. Vini albi opt. lb. septem, succi cydoniorum lb j. limaturæ chalybis lbj. infundantur modo supradicto.

Nota. Quamuis succus cydoniorum propter eam, quam possidet, acrimoniam, vino contrarius esse videatur, in hoc tamen negotio res aliter se habet: Acrimoniam enim in ferrum agens, quemadmodum acetum facit, quo multi vtuntur, penitus amittit. Hoc interim venit ex eo boni quod, partem corporis metalli dissoluit, & eo pacto vinum maiorem copiam virtutis nanciscitur.

Vt autem vinum Martiale perficias, sume lb vini infusionis, quo tincturam horum quæ sequuntur, extrahas.

℞. Rad. Gentianæ semiunciam, rad. Carlinæ drachm. 3. rad. Zedoar. dr. ij. Caryophyll. ligni aloes ana drachmam, croci drachmam. sem. Tincturam in balneo extractam exprime, & adijunge reliquo vino. Serua vinum sic paratum sine segregatione chalybis. Vſus vini huius chalybeati, vt paucis perstringam, hic eſt. In obſtuctione hepatis, ſplenis & matricis ſingulare eſt remedium. Morbum regium & rubrum & flauum, cardialgiā, cordis tremorem, colicā & iliācā paſſionem adiuuat. Contraſturā, vomitū, tertianā & quartanā, ſi proueniant ex intemperie Martis microcoſmi, h. e. fellis, opiſcitur. Vltimò medicamen eſt eryſipelatis, macularum & inflammationum ē vaporibus bilioſis ſanguinis. In hydrope etiam exiccatiuum, & in catharro exiſtit. Modus autem adminiſtrandi ſic eſt: Centro corporis ſpecifico mundato purgatiuo, vncias duas vel tres exhibemus, obſeruato & curā & adminiſtrationis tempore. Diata quoque, quæ nunquam prætereunda, hic maxime obſeruanda eſt.

Emplaſtrum ſtiſticum Martiale.

℞. Magiſterij Martis rubificati drachm. quinque extracti lachrymæ draconis, vernicis benzoini, ſucci verbenæ condenſati, ſucci ē radicibus tormentillæ exiccati, ſanguinis humani exiccati, gummi lacæ, ana drachm. ſeptem, cum ſcrupulis duobus terebinthinæ laricis, ceræ, colophonix, ana vnc. 4. gummi Ammoniaci & galbani, ſingulorum vnc. duas & ſemis, fiat emplaſtrum ſecundum artem.

Compoſitio.

Primò extractum lachrymæ ſit, ea in ſpiritu vini diſſolutū & ad conſiſtentiam picis liquidæ redacta, & eodem modo

ſit vernix benzoini, ſic dicta, quoniam ad inſtar vernicis eſt. 2. Lacca & ſanguis humanus in ſubtilem pulverem reducendū ſunt, 3. Gummata ſoluenda ſunt in aceto virtute ex floribus perſicarix maculata imprægnato, & iterum ad conſiſtentiam reducenda. Vltimo quod reſtat, cuiusque eſt cognoscere, fiat ſecundum artem.

Virtus.

Mundificat & abſtergit abſque croſſione, carnem bonam producit, ad cicatricem prouehit, ſiſtit ſanguinem. Verbum ſapienti ſatis eſt.

DE MERCVRIO.

HYdragryrus, vulgo argentū viuū, à philoſophis modò Mercurius terreſtris, modò metallorum, duobus præcipue nominibus, appellatur. Terreſtris nominatur ob analogiam & ſimilitudinem, quam cum Mercurio Planetā cæleſti habet, non ſolum in ſubtilitate & mobilitatis viuacitate, quibus eum ad viuū exprimit, ſed etiam in proprietatibus actionum, & virtutum ſimilitudine, in quibus non ineptè à Philoſophis confeſuntur. Rationem autem ſi quæras poſterioris, hanc habet. Hoc ipſo nomine innuunt Spagirici, Mercurium hunc metallorum alium eſſe à forma, qualitate & virtute, à Mercurio, ſiue aquoſa ſubſtantia reliquorum terreſtrium, neque ad ea pertinere, ſed ad metalla ſolum, quæ cum perfectione operis cæteris antecellunt, principia quoque habent perfectiora, quā in hoc ipſo ſpermate videmus, in quo adeo incorruptibilis & immortalis extat natura, vt nullus id calor materialis exſtinguat, frigus nullum coagulet, quid? quoniam, vt loquitur Paracelſus, calor & frigus Mercurij, calor eſt cæleſtis, &

aqua cælestis vno corpori inclusa, non communi, sed spirituali, & ideo quemadmodum ignis, Mercurialis aquam cælestem non absument, neque aqua terrestris ignem extinguit cælestem, pari modo neque adimunt qualitates Mercurij. Cæterum quoniam Deo creatori creaturis cælestibus maiorem perfectionis gradum concedere placuit, & Merc. Planeta vires & virtutes suas specialiter infundit huic corpori, cur cæteris liquoribus Mercurialibus non antecelleret, & ea propter cælestis appellaretur? Hoc metallum, seu aqua metallorum, si officium spectes, ad pulmones refertur, quæ idcirco nomine Mercurij microcosmi, & spiraculi vitæ insigniuntur: Et hinc colligitur; Mercurium esse specificum medicamen morborum, qui aut corrumpunt, aut suffocant vitæ spiraculum quavis corporis parte, & omnium insuper symptomatum Mercurialium.

Observationes.

1. Argentum viuum, & si crudum & simplex intro sumatur, nihil detrimenti naturæ adfert humanæ, quidam enim Medici viuum administrant contra vermes, idque sine documento, & in quibusdam locis Germaniæ in aulis Principum affectæ & calones, hilaritatis ergo inebriatis rusticis id vino vel cereuiliæ permixtum, pondere drachmarum duarum vel trium, haud inuita dosi ratione joco propinant, vnde tamen nihil detrimenti existit.

2. Argentum viuum per sublimationem vel alium modum spiritibus salium corrosiuis conjunctum, corpori humano fit venenum: Hoc autem è mixtione, non è Mercurio soli provenit, vt imperiti quidam judicant. Si de ea re hæsitās, sume sublimatum puluerisatum, & projice in aquam calidam, huic infunde paulum salis tartari resolui, hic sal spiritum salis

à Mercurio resolutum separatim enecat, ita vt Mercurium, in formâ pulveris flauis, in fundo vasis reperias, quo tutò pro vomitorio & cathartico vti possis. Et hinc obiter concludi potest, sal tartari non minimum esse arcanum aduersus sublimatum intro sumptum.

3. Argentum viuum in vnguents aduersus luem veneream vsurpatum, vt varij imperiti chirurgi faciunt, in corpus per poros penetrat, ibique sæpe resuscitatur, vnde dolores pessimi, & varia symptomata, vt tremor, consumptio & corruptio neruorum emergunt. Et fumigationibus quidam vtuntur, quæ ex Mercurio, sulphure & sale sublimatis conficiuntur, cerebrum & pulmones inficit. Vnde vbertim paralysis, lethargus, phthisis, & alij affectus exoriuntur. In Rhe-tia quendam mercium conductorem vidi (qui Mercurio eo modo curatus) cui mandibulæ ita cecidere, vt necesse esset, dentes ei eliminare, vt eo pacto cibum & potum acciperet. Jam aliquot annos adeò misere vixit, vt os aperire non possit, nec distinctè loqui vt intelligatur.

4. Obseruatum est etiam talem Mercurio proprietatem à naturâ esse inditam, qualem in viperâ repertam scribunt, & ob id therion minerale nominatur. Quemadmodum enim caro viperina optinè præparata non solum præseruatiuum sui ipsius veneni præstat; Similiter hydrargyrus artificiose, & vt decet, & opus est, paratus, maximum est alexipharmacum, ad curandam morbos mercuriales, quorum maximus existit numerus, partim ex malo & indocto ipsius vsu, partim ex contractione corporis eius, vel in mineris, vel in fusione metallorum. Fumus enim qui ab eo surgit, alte penetrat, & sicut fuligo Mercurij ferrum, chalybem, & reliquorum metallorum neruos frangit, ita vires microcosmi frangit & sensus suffocat, dejicitque, super omnes

omnium mineralium species, vno excepto arsenico. Quo autem gradu corpus lædit morbos inducendo, eodem hominem restituit, non solum affectus ex se procreatos, sed alios etiam, vegetabilibus incurabiles, debellando expellendoque.

Propter maximos autem Mercurij vsus variis laboribus & modis variis subtiliorem ipsius præparationem indagaverunt, adhuc tamen quicquid inuentum fuit vno sensu non incongruè magisterium Mercurij dici potuit, quoniam totum Mercurij corpus sub præparato continetur. Imò quod magis est, etsi salubre medicamentum fuit, & tanto gradu fixum atque coagulatum, vt artifex peritissimus efficere potuit, in Mercurium tamen currentem & viuum reduci potest, vt talis reuiuificatio cuius experto Chymico nota est. Communiter verò præparatur ad vsum internæ medicinæ duobus modis, primò in formâ præcipitati, vel simplicis & per se, quæ aquila rubea à nonnullis appellatur, vel cum aqua forti, oleo sulphuris & aliis corrosiuis, additis correctoriis, sed hæc omnes formæ ad vnum redeunt præcipitatum, etsi variis nominibus insignitæ. Secundò autem ita præparatione fixatum, vt licet igne violento reuerberetur, integrum tamen examen spagiricum patinon possit, sed hoc præcè vtuntur Medici, quoniam nihil quicquam purgat. In Bohemia & Saxonia 3. vel 4. Spagiros Mercurium sic parasse vidi: Argenti vivi & Mercurij sublimati æquales partes sumunt, vtriusque alto & angusto orificio aperto sexies sublimant, & hoc peracto Mercurius euadit insipidus. Pars enim corrosiui sublimato inclusi argento viuo diminuitur, pars quædam tenues euanesce in auras. Huius cathartici, sic enim est, triginta grana vnâ dosi exhibent, quod benigne & placidè satis corpus per aluum emundat, citius tamen ad vitam reducitur quam

præcipitatum. Alij præcipitatum cum oleo satis parant, alij extracto præcipitati, quod aqua quædam minerali elicitur, legitime & probe vtuntur. Oblatis enim octo vel decem granis ad instar resinæ scammonij artificiosè correcti, vtiliter per sedem purgat. Sed quò vado? Si omnes enim Mercurij præparationes recenserem, iustum librum adimplerem. Rem igitur aggredior. Quoniam hæc aqua metallorum, præcipuas suas virtutes, quibus varios affectus è microcosmo propellit, actu vomitionis perficit, nos formâ vomitiui & cathartici h. e. tali præparatione vsi sumus, quæ sine detrimento corporis & per os, & per aluum humores peccantes ejiceret. Et in iis quibus vomitum non prouocat, extracto aliquo ex rebus vegetabilibus jucundo vtimur, quæ efficacius humores cuiuscunque generis purgant & abstergent, quam Mercurius catharticus, vt sæpe obseruatum fuit.

Hoc autem loco, priusquam disceptationem præparationis eiusmodi tradamus, aliquid de vomitoris dicendum est. Multi enim superciliosi, ratione & argumentis destituti, hoc medendi genus criminis insimulant, cogitantes secundum eorum phantasiam, naturam adigere, vt per sentinam communem humores peccantes & inordinatos ejicias, quos ipsa prudenter œconomia microcosmi consulens, per os euacuare & tutius potest & magis multo cupit. Hos autem, vt tandem sapiant, rogatos velim, vt illud optimi & experti Medici Fernelij, legant & meditentur. Hæc sunt ipsissima verba: Quæ vero (vomitionem intelligit) si facilis & moderata obtigerit, saluberrima est, & purgationum omnium præstantissima. Noxios quippe humores ex ipsis fontibus synceros elicit, & vacuat, omnem quæ in ventriculi capacitate eiusve tuiniciis hæret illuuiem inprimis expurgat, è præcordium membranis, è cauis jejorac ac lienis, & ex pancreate omnis generis

neris humores noxios sinceros elicit, quos plerumque nec hiera, nec aliud vehementissimum vllum, etiam frequens pharmacum in alvum exturbare potest. In ventriculo enim ex his locis viæ brevès & expeditæ, magis quam in alvum directæ sunt, per quas facilis est vomitio. Quamquam autem primum ab interioribus euellit, consequutione tamen caput reliquumque corpus leuat. Quocirca omnibus opitulatur affectibus qui à præcordiorum impuritate ortum acceperunt. Languenti appetentiæ, nausæ, cibi fastidio, crebro vomitioni, ventriculo, præcordiisque distentis, ictero, cachexiæ, suffusioni, omnibusque capitis affectibus, qui præcordiorum sympathia contracti sunt, & quos è præcordiis in reliquum corpus effusa impuritas protulit. In quocunque igitur affectu languescit appetentia, & nausea, vomendique desiderium fatigat, si pharmaco non satisfat, vomitione curandum. Nam quæ purgatio non eluit, extirpat vomitio, & quæ illinc non facile labuntur in alvum, promptè in ventriculo remanent, tanti igitur vomitionis vis æstimanda. Hoc Fernelij iudicium eis os obturabit qui rationales non apellantur, nisi ratione insaniant, ne immerito rationales appellari videantur. Qui enim opprobrium in vomitoria conciliunt, ea bestiarum pharmaca, non hominum nominantes, hoc triplici ratione faciunt. Primo quia rationem vtendi vomitiui non norunt, dein quoniam delicatulis ægrotis inserviunt, cathartici leuioribus curam procrastinantes, quæ radices morbi nunquam euellent. Tertio autem quia vomitum tale, quod vomitionem facilem & moderatam, sicut naturæ necessitas exigat, tutò prouocet, eos latet. Dum enim aqua & aceto, aut aqua & oleo vtuntur, quæ humores in summo orificio stomachi mouent, non expellunt, nisi patiens humorem in arenam digito, aut alio modo prouocet; difficilis & periculosa fit

Agg. Sala.

vomitio. Aut si adeò audaces se præbent, vt vsum ellebori albi aut esulæ & talium causticorum vegetabilium venenatorum admittunt, more antiquorum, quorum præparationes ignorant, vitam ægrotorum sæpe in periculum vocant, semper de corio ludunt humano, & ita curant aliquem, vt cum morbo ægrum è vita tollant. His igitur missis, omnium, quæ vsquam extant, præstantissimorum vomitoriorum, vnum breuiter exhibemus, quod vniuersim omnes humores putridos, venenosos, terrestres, viscosos & contumaces funditus extirpat, eos partim per os, qui secundum materiæ situationem, corporis constitutionem, & naturæ necessitatem per istud emunctorium euacuandi sunt, partim per alvum, sine corporis perturbatione, eiiciens & pellens, & tale ex mercurio viuo præparatur.

De Mercurio aurato nostro, vomitino, cathartico.

Qui Mercurium ita præparare vult, vt absque symptomate malo operetur, is nec laboribus, nec sumptibus parcat oportet, eius præparandi ratio hæc esto:

℞. Argenti viui non adulterati, terræ sigillatæ Silesiæ vel medicatæ, an lbj. Terra redigatur in pulverem in mortario lapideo, & reducatur in formam electuarij liquidam cum sufficiente quantitate oxymellitis scillitici, deinde cum ea amalgametur Mercurius diligenter, quem sic mixtum per retortam cum collo alto destilla, hanc destillationem, terram & oxymel renouando, ter repetito, postea Mercurium separa, eumque bis tervè per corium traiece. Hoc pacto Mercurium satis purgatum & ab omni spurcitie & fæce liberatum habes. Color ei erit caelestinus. Hæc fuit purificatio, iam sequitur præcipitatio.

℞. Argenti viui purificati vnc. 3.

Aa

aquæ fortis capite de luna descriptæ lib. medicinalem, destillatur vnâ per arenam ad siccitatem semper, vsque in tertiam cohobationem. Vltimo verò continetur ignis vehemens horas 6. Circa fundum luto obducatur vrinale, infrigeratis instrumentis extrahe præcipitatum, vt supra laminam ferri igni admotam, si quid spiritus aquæ fortis à destillatione remanserit, eo modo exhalet. Quando fumum ascendentem non videris flauum, remoue ab igne, satis est, quo sufficit.

Iam habes præcipitatum, quid in super faciendum quæris? Lava inquam, hoc modo. Primo misce cum vncia salis tartari, clari & rectificati, irrorando species cum aquâ tepida mellissæ, donec consistentiam mellis noctæ sint, tum enim imponenda sunt vitro, & sic horas 40. in calore natiuo relinquenda. Secundo autem sic cluë salem aqua communi destillata, vt nulla falsedo appareat. Nihil iam restat, nisi vt exsicceetur, & ad vsum repoponatur Magisterium vomitiuò Catharticum Mercurij.

Quoniam verò necessarium, vt purgantia non solum vim euacuandi, sed vires & partes internas à purgatione corroborandi refocillandique habeant, correctionem siue additionem Mercurij hic opponam, quæ è minera petenda est. Quoniam enim paria genera corroborantium, & malignitates corrigentium in hortulis pascuis reperiantur, nullam tamen analogiam aut conformationem cum Mercurio vel gradu virium, vel signaturâ proprietatis habent. Hac igitur sequente vtar, quæ certo & indubitabiliter malignitati Mercurij, si qua est, strenuè aduerfatur.

Æ. Mercurij præparati partes quatuor, auri diaphoretici, martis rubificati, cuiusque selsqui partem, misce in vitro mortario, dein vase ex vitro probè obturato, ad vsum seruetur.

Hic est Mercurius noster auratus qui

cum summâ diligentia paratûs, ob maximas virtutes & vires præstantissimas, pluris quam aurum æstimandus est.

Eius Virtus.

Mercurius iste est attractiuum specificum, quippe quod humores corruptos ex vnaquaque corporis parte, absque periculo aut magna virium alteratione, in centrum stomachi vberim attrahit, attractis verò quidquid est phlegmatis, aut fluxûs bilis in superiore ventriculi parte fluctuans, per gulam eiicit, reliquum autem, scilicet atram bilem & sanguinis corruptiones per alvum euacuat.

Observationes.

1. Mercurius sic paratus non semper adeo distinctè operatur, modò enim per vomitium, modò per sedem plus minus agit, prout humores paratos, materia, situationem & corporis constitutionem inuenit.

2. Mercurius vomitiuus correctus ad sanguinem nunquam purgat, neque symptomata periculosa inducit, vt quædam ex officina vegetabilium faciunt. Cura tamen adhibenda est, vt cum discrimine personarum & ægritudinum præbeatur, quod iudicio medici rationalis relinquendum est. In catharris & capitis defluxionibus præstantissimum est remedium, quod in epilepsia ærea cum convulsione membrorum dici potest. In corruptione stomachi, lue venerea, podagra, chiragra & omni morbo articulari est appropriatum. Febris intermittentibus ex superabundantia bilis fluxûs aut atræ, putridis etiâ, & pestilentiali ex venenosa influenza Martis, Veneris & Lunæ medetur. Sicut enim Mercurij fuligo frangit ferrum, pari modo Mercurius præparatus venenum astri martis retundit & repellit. In obstructione menstruum &

secundinae educatione, ne ultra queras. Vermium est medela optima. Aduersus symptomata veneni, & in dysenteria utiliter pro vomitu exhibetur. Dosis à granis 5. ad 10. in vino generoso, vel ovo forbili, vel in formâ boli, aut saccharo rosato, conserva florum borraginis, &c. vel in pilulis aut aloë lota administratur.

miraculum operatur. Dulciscat enim & lenit eorum defluções, abstergitque corrosiuitatem, mitigat etiam ardores & inflammationes. Sed ablata corrosionis & inflammationis malitiâ, vlcera consolidanda sunt aliis vnguentis.

DE STANNO.

De vnguento Mercuriali.

℞. Pulveris Mercurij dulcificati drach. 4. vnguenti Rosati vnc 3. cum semisse, succi Mercurialis condensati seminiunciam, fiat mixtio in mortario vitro & seruetur.

Mercurius dulcificatus sic paratur: ℞. Mercurij viui vnc. j. quam dissolve in quatuor vnciis aquæ fortis communis, dissolutum per arenam destilla, ad extractionem media partis, tu adde ei drachmam salis armoniaci aqua communi dissoluti, eo enim pacto Mercurius in formâ pulveris albi fundum vasis petit, quæ separabis & eo usque lauabis, aquâ fontanâ, dum ei dispereat falsedo. Postea fume pulverem sic paratum & exiccatum, & in bociam impone cum vnciis octo aceti fortissimi destillati, quod cum duabus vnciis lithargyri auri horas 40. in infusione steterit, & per chartam tractum fuerit. Colloca bociam in arenâ, & destilla acetum cum quarta aut quinta cohobatione ad siccitatem. Ultimo exime puluerem dulcem propter spiritum Saturninum, quem acetum ex lithargyro abstraxerat. Hic est pulvis Mercurij in vnguento superiori vtendus, qui malignam corrosiuitatem in vulneribus & inflammatione reprimat & in vlceribus Veneris super omnia mineralia utilis est.

Virtus vnguenti.

In vlceribus venericis, pustulis & scabie, caterisque corrosiuis vlceribus ad

Rationem nominis Spagirici explicaturo, analogia stanni cum loue (sic enim Chymicè appellatur) breuiter enarranda est. Ab Astrologis obseruatur planetam Iouis benignum esse, facile se cuique applicantem, cum bonis bonum, cum malis malum. Eodem modo de stanno rectè iudicandum est. Inter imperfecta enim & bonitate & benignitate naturæ facile principatum tenet, fusile, maleabile, clarum, purum. Hic Iupiter ex se bonus est, & cum bonis bonus est. Quàm facilè autem se aliis applicet, hinc constat. Vasa non solum ex re domesticâ in cisternas, caldaria, lebetes, despumatoria, sed etiam arma è re bellicâ, vt manubria, siue capulos gladiatorum & sicarum, parmas & thoraces, siue ex ferro, aut chalybe, siue ex ære aut cupro conficta, stanno obducimus, ne æruginem aut ferruginem contrahant. Vasa autem ex hoc instaurata, quibus in medicamentis seruandis vtitur, circumspèctè vsurpanda sunt. Mercurius enim & sulphur embrij huius metalli, non sunt adeo perfectè concocta, fixa & colligata, atque duorum perfectorum principia, vnde aliquis metus & periculi & veneni, si acetosa, salina aut corrosiua pharmaca tali vasorum genere contineantur. Si dubites an sit venenum in stanno, quare ab iis qui embrionem fundunt ac purgant, aut ab iis qui calcinant stannum; magno cum suo malo dicent:

Frigidus, o pueri, fugite hinc, laet anguis in herbâ.

rosuam sistit & curat, delet itém maculas externas.

C V P R V M.

Hoc metallum ad Iecur humanum refertur, quod Hermetici vocant Iouem microcosmi, partem equidem cæteris officio obsequentem, iis enim non solum nutrimentum, quod exigit è stomacho, amanter & liberaliter distribuit, sed concordiam & sanitatem impertit. Sed si semel à malignitate humoris aut intemperie materiæ euicta fuerit, reliquis sit periculosa, morbis & affectibus procurandis, aliter naturâ benigna est ad Venerem aut Martem collata.

Alchymiste varias rationes tentarunt, ut ad perfectionem & dignitatem Lunæ stannum adducerent, sed in casum. Nunquam enim Dianam aliter atque pedissequâ hoc usum vidi, & si fauorem ab aliis mutuauerat, hoc est, cum aliis mineralibus alchymisticè coniunctum fuerat, quo pacto splendorem & apparentiam speciosam habuit.

Medici utuntur stanno in formâ magisterij, sicut cæteris metallis, non aliter. Quam præparationem sincerus & expertus Medicus Osval. Crollius tradidit ex Ioue calcinato, per se & à facie per acetum destillatum liberato. Specificum suffocationis vterinæ non opus est ut describam. Ophthalmicum hic tantum à me probatum hoc loco adjungam intra corpus enim stanno nunquam usus sum.

Ophthalmicum Iouiale.

℞. Iouis Anglici per se calcinati vnc. tres, aquæ mellis virginæ vnc. 12. circuletur in fimo caballino mensem integrum, dein separetur subtile à spisso, & seruetur ad usum. Visum senibus præseruat, si bis vel ter in septimana cum æquali parte vini albi sumatur, inflammationes & epiphoram, hoc est, defluxionem cor-

ÆS ab insulâ Cypro in qua laudabile & copiosum emitur, cuprum vulgo dictum, vel aurei coloris est, ob id & multis aurichalcum dictum, vel ob rubedinem audit, & absolutè æs dicitur, verûque autem apud Spagiricos Venus à venustate nominatur, quam enim obseruamus in planeta Veneris pulchritudinem, eadem cupro non ineptè tribui potest. Quæ sit externa facies & quam gloriosa, vides quisquis es. Spagiricus autem, qui internam potius naturam rimatur, intus esse viridem tibi dixerit colorem equidem omnium cuius animanti gratissimum, non solum propter pulchritudinem quæ maxima est, sed etiam propter voluptatem, & vtilitatem, quibus animalia capiuntur, & propter voluptatem inquam, quoniam delectantur aspectu herbarum, fruticum & majorum arborum, quæ vere pullulant, & gemmulas suas, & folia protrudunt viriditate tincta, quæ diu nimis sepulchro Saturni, hoc est, hyemis mortua latuerant. Ex viriditate autem vtilitatem concipiunt, hinc enim colligunt fructum secuturum, ex quo nutriuntur & viuunt. Malignitas verò huic inest metallo, atque cæteris imputris, cui fidem facit eorum testimonium, qui eo purificando, & ære viridi consociando operam consumunt suam.

Qui anatomiam majoris & minoris mundi respiciunt, æs renibus conferunt, qui sunt Venus microcosmi, quod enim est officium Veneris in majore mundo, id renum est in minore. Qui oriuntur ex hoc membro affectus, ferè, imò maximâ ex parte sunt periculosi & lethales.

Chymici subtilitatis artifices, non solum exaltationem præparationis cupri

maximo sumptu tētauerunt, sed & summo cum dispendio & bonorum & vitæ, æs in argentum purum transmutandi periculum fecere. Quamvis enim curioso pingendi artificio, optato simplicitatis candore faciem ei obducas, intra paruum tamen temporis spacium meretriciam & adulterinam complexionem manifestabit, vnde in eius amatores patibulum sæpe, propudium semper redundauit. In vsu vero medico non paruam suis gloriam conciliauit, præcipue morbis ventriculi & affectis renibus, externè & in vlceribus putridis. Ex quo variis authores modum reducendi Venerem in vitriolum scriptis tradidere. Nos autem quoniam vitriolum Veneris, & calchantum vulgare in medendo vnum & idem reperiuntur ferè, vitriolo præparato, sicut libro de anatomia vitrioli scripsimus, quotidiana praxi vtimur. Nihil igitur illinc accersito, vnicum hic ophthalmicum admirandarum virium trademus.

℞. Cupri flauī bracteati vncias tres, viri malvatici sesquiblibā medicinale. Circulenter ad solem vitro bene clauso, donec liquor viridis & transparens instar smaragdi fiat. Hæc recepta brevis est, & compositio simplex, virtus autem nec brevis, nec simplex est. In omni enim vlcere maligno oculorum & maculâ delendâ medium est certissimum. Imo si læsione aliqua ex capsula exciderit, in locum restituit. Verbo, qui vsum nouit, efficiet miracula. Varias curas hoc ipso medio feliciter exactas vidimus, quæ relatione tædium offerrent, vnam tamen palam faciam. 1610. Noribergæ iuuenis quidam lithotomus ex vrbe Basilea lusu gladiatorio seriò oculum dextrum effossum habuit, ita vt ex capsulâ ad longitudinem Nucis propenderet. Concionatoris vxor in locum reposuit oculum propendulum, & talis adjuumento liquoris fixum reddidit & sanum intra 14. dies, visum tamen amisit, nam ex ictu exciderat pupilla,

Hanc vidi & ad vtilitatem publicam in medium profero.

DE PLUMBO.

Quam analogiam in cæteris ad rationem nominis declarandam obseruauimus, hic etiam enarranda est, vt appareat filiis artis, veteres non sine ratione plumbum Saturnum appellasse. Hoc autem breuiter vt omnia faciemus. Saturnus frigidus & ignobilis est Planeta, hæc prima est similitudo, quam plumbum metallorum infirmum & frigidissimum Saturnum æmulatur. Et quidem conjunctio Saturni cum cæteris planetis varios morbos & pericula symptomata procreat & excitat, eodem modo spiritus aquæ Saturninæ cum reliquis metallis, iis non leues affectus procurat, qui ad expurgationem auri & argenti laborant, eos enim icteritia nigrâ consumptione & melancholia malâ laborare videmus.

Hoc metallum refertur Saturno microcosmi, hoc est, spleni, quæ viscerum pars extat frigidissima, & reliquarum seruus, ad eorum facies, præcipue solis, lunæ & sanguinis euacuandas, si qua tamen laborat dyscrasia, aut ad summum malignitatis exaltatus fuerit. Vt plumbum in cœmentis, auri & argenti splendorem abumbrat, ita lien spiritus vitæ & rationis in fonte ipso, id est, corde & cerebro obtenebrat, imo totum microcosmi cælum cæcâ caligine obducit, quod cum sit agens in terram microcosmi, id est corpus elementare, non mirum si sterilitas corporis, & virium sequatur debilitas vsque ad consumptionem ossium; Nam vt loquitur Salomon, melancholia, id est, tristitia consumit medullas ossis. Quemadmodum enim inferior pars mundi superiori agenti non resistit, ita pars elementaria

microcosmi cælesti qualitati & facultati planetarum in homine haud reluctatur; Homo enim ex duplici constat naturâ, cælesti & terrestri, aliter microcosmus, quinta essentia mundi, rex creaturarum omnium realiter dici non potest. Affectus igitur splenis non appellabuntur melancholia, hæc enim est accidens tantum morbi, sed ex causa primâ nomen sortitur, hoc est, proprietate Saturni: Ergo sunt mali Saturnini, quod in reliquis sex planetis microcosmi intelligitur. Talis theoria morborum etsi à philosophiâ naturali, & consideratione physica procedit, apud multos, qui opus microcosmi simplici elementari corpori & compositis animalium irrationalium conferunt, tanquam fabula & insomnium æstimatur: Proprietates enim spirituum, quæ suos procreant morbos, non admittunt, sed qualitates naturæ morborum causas statuunt. Reuera autem quanta distinctio naturæ qualitatis & proprietatis inter corpora constellata metallorum, & simplicia elementarium creaturarum statuitur & obseruatur, tanta differentia naturæ, qualitatis, proprietatis & officij viscerum principalium & simplicium elementarium humorum ponenda est, & si vni mundo implantata sunt, hoc est, microcosmo.

De situ Saturni in cælo septimo, & quatuor coloribus quæ pertinent ad fabricam lapidis Philosophorum in eo apparentibus, subtiliores & acutæ sunt alchymistarum speculationes. Primus enim color qui reperitur est niger, quem caput corui, conjunctionem corporum, embryonem, fermentationem spermatum, & aliis nominibus appellarunt: Secundus autem albus, filius regis, Iupiter, Mercurius regeneratus, vita Solis, splendor Lunæ, draco nominatur. Tertius & flavus splendor solis & initium maturationis dictus; ultimus vero est subrubeus, & hunc, maturationem perfectam, Impera-

torem rerum, Lapidem Philosophorum, breuiter Pellicanum nominarunt, quoniam sanguine suo, hoc est, superabundanti tincturâ metalla imperfecta, quasi pullos suos nutrit, & ad perfectionem suam educit. Hi omnes in hoc plumbi corpore apparent, ideoque non paruum laborem collocarunt in conficiendo lapide ex hoc minerali, vel saltem vt Mercurius currens fieret è frigido sepulchro Saturni, vt à morte resuscitatus vitam & colorem internum argenti recuperaret. Sed itâ naturâ mortuus est, vt ad viuus eum reducere longè futurum sit difficilimum, nisi argenti viui quid excidat in sepulchro eius. Et hic creduli indagatores inuenirent quid pro quo, & si inuenient genuinum Mercurium Saturni, ecquid erit pretij? Dubia erit quæstio an quidquam possit ultra vires vulgaris Mercurij. In medicina Magisterium Saturni vltima est preparatio, quæ efficitur aceto destillato fortissimo supra cerusam, minium, vel limaturam plumbi infusum, tum relinquitur in digestionem per aliquod tempus, postea filtratur, coagulatur, & in forma salis crystallini reducit. Hoc est saccharum Saturni à multis descriptum. Alij subtiliores Magisterium sic paratum in retortam iniiciunt & spiritum aceti eliciunt, amissâ aciditate fit spiritus ardens instar spiritus vini, quod est magnum Naturæ arcanum, & hunc appellarunt spiritum Saturni, sed ineptè. Quantitas enim eadem Saturni, quæ mediante aceto in forma salis existebat, in fundo vasis post destillationem instar pulveris subtilis remanet. Virtutes verò huius magisterij ritè preparati multæ sunt; in scirrhus enim & splenis obstructione specificum est medicamen; concordat & coercescet omnem omnium humorum acrimoniam in stomacho, colicam & iliacam passionem ex corrosione salis resoluti integrè sanat. Purationes hepatis, & renum dolores ex mordacitate &

resolutionē tartari acuti mitigat. In cancro, lupo, & igne Persico est anodynum appropriatum, dolores tollendo, diminuendoque malignitates; omnem enim aliorum dulcedinem vi leniendi superat. Et medicus qui eo vii cum ratione norit, cognitā causā symptomatis, constitutione corporis, ætate & tempore administrandi, miracula faciet.

Dosis internè à granis 2. ad quinque pro vice, cum liquoribus vel aliis vehiculis appropriatis, in specie verò splenicis in vino albo vel magisterio Melissæ exhibetur, mundato prius stomacho. Hic est vsus internus.

Extra.

Vei potēris externè in formā linimenti cum vnguento vel oleo rosato contra scabiem serosam & serpiginem. In maculis etiam ex variolis mistum cum oleo vitellorum ouorum absque adustione expresso. Aduersus defluxionem calidam oculorum, dolores dentium ex nimio calore, vel asperitate defluxionum, in erysipelate, & omni inflammatione vlcenum; non solum enim restinguit ardores,

& eos mitigat, sed, quod plus est, resoluit, vt videmus in laminis plumbi simplicibus, quæ applicata quamuis, carnosam excrescentiam sine erosione resolunt & consumunt. Vt verbo rem concludam, Saturnus est columna Chirurgiæ. Presbyterum quendam magnum in Germaniâ noui, qui liberauit se à dolore maximo & corruptione coporis, quæ alias ei contigerat ex vlcere maligno, sub mamillâ sinistrâ incurabili, vtebatur quauis septimanâ mane hoc magisterio, quo tanquam elixire specifico munitus, etsi non à morbo liberatus, à symptomatibus tamen tutus vixit, & tandem senex obiit ex aliis accidentibus.

Hæc brauiter de naturis, proprietatibus & præparationibus septem metallorum ad vsum Medicinæ declarauimus. Si minus sumus assecuti, quàm pro nostro ciuili iuuandi studio sumus conati, in eam accipies partem, quæ tuum decet candorem. Hæc ni fallor, tibi vsui fuerint. Interim dum idoneus aliquis author curiosius ea penicillo subtili pinxerit; Nos enim & Rhetorices & Logices artificio destituti sumus, quod fecimus, Deo adiuuante, naturâ duce perfecimus.

FINIS.



CHRYSOLOGIA.

SEV

EXAMEN AVRI CHYMICVM.

In quo demonstratur, aur o nec inesse substantiam aliquam potabilem : nec illud arte spagirica transmutari posse in substantiam aquosam, oleosam vel salinam; & quid propriè intelligatur per aurum potabile.

CHRYSOLOGIÆ

SECTIO PRIMÆ.

C A P. I.

De natura Artis Spagirica, deque eius Potentiâ & Terminis, quibus omnes in vniuersum eiusdem operationes circumscribuntur.



QUum propositum nobis sit hoc libro agere de materiâ, quæ ab euidenti examine & demonstratione Artis spagiricæ tota propemodum pendet: non equidem nullum operæ precium sumus facturi, si huius ipsius naturam initio paulò altius à sua origine arcessamus. Est enim hoc totius operis quoddam quasi fundamentum futurum, quo primùm jacto, in progressu deinceps de quæstionibus controuersis iudicium facilius fieri potest; prorsus vt in aliis Disciplinis omnibus vsu venire videmus: in quibus, si quæ nascitur controuersia, eam ex cuius-

que disciplinæ principiis decidi oportere, in confessio est apud omnes.

Constat autem ex Paracelsi Chymictrorum facilè principe, quod Ars Spagirica sit illa Chymicæ pars, quæ pro subiecto habet corpora naturalia Vegetabilium videlicet, Animalium, ac Mineralium: in quibus quicquid operatur, id ad vtilem in Medicina finem tendit: quo sensu quibusdam etiam Chymiatria siue Chymia Medicinalis dicitur.

Multiplices illa habet operandi modos, variasque encheireses exercet, quæ tamen in vniuersum omnes ad tres præcipuè scopos collineant: nimirum I. ad SEPARATIONEM. II. SVBTILIATIONEM, ac III. SVBLIMATIONEM siue EXALTATIONEM.

Ac primo quidem Separare, est diuidere, dispartiri & resolvere corpora in diuersas substantias ex quibus naturaliter sunt composita. E. G. ex omnibus Vegetabilibus & Animalibus, Bitumine item, Asphalto, Succino, Gummatibus, Resinis,

finis, &c. separat artifex spagirus, Aquâ, Oleum, Tincturas, Extracta, sales cum volatiles, tum fixos: Ex Coralliis, Perlis, Matreperlarum, & aliis consimilibus separat similiter partem quandam aquosam, simul & oleosam relicta calce albâ & leui: Et salibus preparat, Spiritus acidus & solventes, relicta parte aliquâ illorum terrestri: Ex Alumine ac Vitrioli similiter spiritus acidus protrahit, relicta terrâ vtriusque minerali: Ita quoque ex Sulphure spiritum fuliginosum salinum separat, qui per haustam à circumfuso aëre humiditatem abit in liquorem acidum, ardere nescium, minus propriè Oleum sulphuris vocatum: Ex Auripigmento, Antimonio, Markasitis, Plumbo, Stanno, Cupro, Ferro, aliisque præterea corporibus Metallicis, quæ quidem in igne consumi possunt, separat substantias Mercuriales & Sulphureas in forma fuliginis siue pulveris subtilissimi, aridi, & ficci, relictis illorum cineribus & salibus fixis, qui neque sapore præditi sunt, neque in aqua solubiles.

II. Subtiliare siue adtenuare dicitur ars spagyrica, quando dissolvit, dilatat, & discontinuat soliditatem, compactiorem, & fixitatem corporum Metallicorum & Lapideorum, interuentu humoris cuiusdam acidi & solventis, atque ita illa redigit in formam magis subtilem & penetrabilem, pristinaque multum dissimilem: eamque vel liquidam, vel salinam, quæ facilimè dissolvatur ac dissuat in quocunque liquore aquoso, non minus quam vel Saccharum, vel Sal: vel pulveream etiam. Possit quidem hæc eadem operatio etiam Coniunctio dici, siquidem per eam volatile cum fixo, liquidum cum solido, & corporale cum spiritali coniungitur: Verum propriissimè non nisi Subtiliatio vocanda est.

III. Denique Sublimare artem dicimus, quando vel separatas dictorum corporum, Substantias, vel corpora solida at-

Ang. Sala.

tenuata rectificat, & ad nobiliorem puritatis, subtilitatis, & perfectionis gradum eleuat.

Ex quibus satis, opinor, adparet, quod omnia Medicamenta Chymica sint, aut Substantiæ separatæ seu extractæ ex supradictis corporibus: aut Magisteria, id est corpora solida per forinsecus accedens additamentum adtenuata. Addimus & hoc, Artis vi effici non posse, vt vna substantia transmutetur in aliam, id est, vt substantiæ Mercuriales aquosæ, Sulphureæ oleosæ, & Salinæ reuera falsæ & solubiles Vegetabilium & Animalium similes fiant Substantiis Mercurialibus & Sulphureis fuliginosis & terrestribus, salibusque inspidiis & insolubilibus Corporum Metallicorum: ac e converso horum substantiæ similes Vegetabilibus & Animalibus, vtque in vnum omnia conferam, non potest ars reapse transsubstantiare lapidem in aquam: Ista enim metamorphosis miraculi loco sit futura, non ab artis potestate profectæ putanda. Et, si quis aliter assermet, nisi ab ignorantia suâ patrocinium petat, nihil profecto eum ab extrema absurditate defendere queat. Atque sic quidem quamam Artis spagyricæ fundamenta sint, quæ bases, termini, pomæria, breuiter declarauimus: ex quibus de questionibus in chymia controuersis judicari debet, siue ex anatomia alicuius corporis, siue eiusdem subtiliationem concernant.

C A P. II.

De essentia, consistentia, & forma substantiarum Metallicarum.

Quamquam suprà obiter de forma & consistentia substantiarum Metallicarum ejuscemodi mentionem inieci-
mus, vt iis, qui artis & naturæ metallorum non penitus sint ignari, potuerimus satisfecisse, neque opus proin videat-

Bb

tur, plura in hancrēm verba facere: Nihil tamen minus, quum res sit maximè in Chymia momenti, cuius exactissimam rationem habere oporteat Chymiatrum, qui cum ratione in artis operibus versari velit, non possumus non prolixiorē de ea tractationem instituere.

Quod si ergo penitus in consistentiam ac formam substantiarum Metallicarum intueamur, deprehendemus profectò non minus has à substantiis vegetabilium ac Animalium differre, quam terram ab aqua. Huius prononciati veritas patebit, sic eas inter se cōtulerimus: factò abs Mercurio siue parte rerum aquosa initio. Sumat quis e. g. Argenti viuum, quod ex sententia Hermeticorum est Aqua Metallica, & ipsius essentiam, formam, & consistentiam cum Aqua cuiusvis Vegetabilis aut Animalis comparet; Deum immortalem quanta dissimilitudo, quanta inæqualitas as disparitas primo statim intuitu vtrinq̃ue sese obferet! Aqua enim Vegetabilium ac Animalium deprehendetur levis, rara & transparens: Argentum viuum è contrario solidissimū, densissimū, grauissimū, & inita mensuræ ratione, decuplo ferè aliis aquis pōderosius. Quod qualitates porrò alias adinet, Argentum viuum non madefacit digitos, nullam frigoris vim aut congelationem experitur, neque temporis injuriā & lōgitudine corrumpitur aut murescit, quæ aliis aquis obtingunt omnia.

Sicut Sulphur Minerale Resina illa siue Axungia terrestis, cum Sulphuribus Vegetabilium ac animalium hoc ferè solum commune habet, quod instar rei oleosa & pinguis, in igne reapse comburatur: Cætera, immane quantum differat à Resinis, Axungiis, Oleis aut Substantiis Sulphureis Vegetabilium ac Animalium! Has enim, quis non videt esse leues, aquæ innatantes, vntuosas, si tangantur, corruptioni denique & situi obnoxias, quum Sulphur Minerale con-

trario sese modo habeat? Lapidis enim instar ponderosum est, & in aquam projectum de repentè fundum petit, aridum & siccum, nec digitos imbuat, tantumque abest, vt corruptioni subiaceat, vt non sese solummodo ipsum semper, sed & alia res, vt ligna, quam diutissima à corruptione fartas tectas conseruet. Differentia quin etiam horum ex eo efflorescit quod ex sulphure minerali nequeat Oleum siue liquor verè oleosus & pinguedinosus prolektari, contra quam fit ex aliis rebus Sulphureis. Hæ ipsæ etiam, si comburantur, fuliginem quandam nigram in altum emittunt, quæ recollecta, instar subtilissimi pulveris de carbonibus, denuò conflagrare apta nata est: Sulphur vero minerale exustum fuliginem quandam candidam, eamque acerrimam, & nares impense vellicantem ex sese effundit; quæ ipsa modo supra explicato in liquorem fatiscit, igni extremè contrarium.

Denique inter cineres corporum Metallicorum & Aliorum, non minor diuersitas occurrit, eos inter sese accuratius conforenti. Si quis enim pro Exemplo accipiat cineres Antimonij, Markasitarum, Plumbi, Stanni, &c. qui post cuiusque horum in igne vehementissimo anatomiam, & ablationem partium Mercurialium & Sulphurearum residui facti sunt: videbit liquidissimò, in quo hisce conueniat, cum Cineribus Vegetabilium & Animalium, vel nihil esse, vel nimis quam parum. Etenim Vegetabilium animaliumque cineres sunt leues, & ex illis lixiuium confit, per quod Substantia salsa & in aqua solubilis extrahitur. Cineres vero metallici multò visuntur ponderosiores; Ac Sales quidem hi suorum corporum sunt, non tantum per definitionem Salis Paracelsicam, quæ illis ad amulsum competit; sed & per id, quod facili negotio fundi, & in vitrum, experientia teste, duci queant, quod ipsum Salis

proprium esse in quarto, uti loquuntur, modo, quivis per se facile intelligit: Interim tamen etiam si illi ipsi cineres Metallici vel per integrum annum in aqua macerarentur, ne atomus quidem Salis verè salis inde extraheretur. Non sum nescius, reperiri, qui beneficio aceti destillati aut alius alterius liquoris, acidi, istiusmodi salem elicere gloriantur: Sed & hoc scio, oppidò tum falli ipsos, tum alios æquè fallere. Nec enim quod ipsi pro Sale obtrudunt, id reuerà horum corporum sal est; Sed Spiritus Solventium, qui cum paste cinerum Metallicorū coaluerunt in istiusmodi massam salinam; Vulcano teste, qui Spiritus coagulatos segregare rursus potest à cineribus Metallicis, sic ut hi ad solidam suam & in aqua indissolubilem formam & consistentiam, spiritibus destituti, redeant. Vnde breuiter colligere est, ut Metalla in prima suà origine dubio procul ex Substantiis elementaribus spirituosiss, & mollibus, dicantur procreata: minime tamen propterea statuendum esse, istas substantias tales, quale initio fuerint, deinceps persistisse, sed accedenti longà diutinaque digestionem, mixtione, & coctione à calore naturali subterraneo celebrata, aliam & priori longè dissimilem, consistentiam, dispositionem, qualitatem, uti hæcenus demonstrauimus adquisisse.

C A P. III.

De substantiali compositione Auri, deque causâ compactionis eiusdem, ponderositatis, ac durabilitatis in igne.

DEmonstraturi quousque ad Aurum medico vsui accommodandum Artis Spagiricæ potentia sese extendat, nolumus curiosè inquirere, qualis nam res, Aurū in primo suo ente extiterit, & num materia mollis & spirituosissima autè fuerit,

quam ad veram consistentiam metallicam deuenierit. Istiusmodi enim profundam, obscuram ac intricam quæstionem, iis, qui ob lapidem Philosophorum folles noctes diesque morant, & metallorum transmutationi inhiant, relinquentes, id solum executiemus, in quonam tum compositio, tum excellentia auri consistat, posteaquam jam à naturâ coctum sit & elaboratum, inque verum visibile & tangibile metallum formatum.

Statuendum ergo est, id quod nemo etiam negare vel debet vel potest, Aurum, quia metallum sit, necessariò etiam tribus istis substantiis metallicis communibus ad cæterorum metallorum compositionem concurrentibus, constare. Substantias verò istas, eo se modo habere, quem capite præcedenti expliquimus. Nunc ut res clarior & euidentior euadat, visum fuit, adducere aliquot sententias Paracelsi, qui veluti in metallorum natura scrutanda si quisquam alius, fuit doctissimus, ita totum hoc, quod de compositione metallorum scitu necessarium est, in suis scriptis plenè planeque est persequutus.

Primò, quantum mercurij siue argenti viui in metallorum omnium compositione concursum attinet, de eo scribens verba eius clarissima ex lib. 2. de generatione rerum: Nec minus verum est (inquit) quod mercurius viuis mater est omnium septem metallorum, & rectè mater metallorum, vocari debet. Nam veluti is in se habet omnes colores, quos in igne de se videndos præbet: Ita etiam abscondita in se habet omnia metalla quæ & ipsa extra ignem de se non præbet.

In cælo suo Philosophorum Regulâ primâ de mercurij naturâ & proprietate: Omnia sunt in omnibus abscondita: Vnus ex illis omnibus est eorum absconditor & corporale vas externum visibile & mobile. Fluxus omnes manifesti sunt in vase hoc. Nam vas hoc corporeus est

spiritus. Quare omnes coagulationes & fixationes in ipso captivæ sunt & conclusæ, cum fluxu adeptæ, circumdata & comprehensæ, &c.

In Thessalo 2. hoc est de gradibus & compositionibus capite 10. Mercurius inter metalla supremus est, & corpus quoddam rerum substantialium in quatuor istis elementis. Ille ipse etiam singularem sibi que propriam in se naturam habet, frigidam & calidam, & illa adimi ipsi nequit. Et paulò post: Si jam ex illo generatur metallum; videlicet ex mercurio corporali, per transmutationem Archæi in ferrum siue plumbum, aurum, aut argentum, tum simul cum hisce naturis adsumit aliam novamque complexionem sine perditione aut destructione complexionis prioris: Et ita duæ naturæ erunt in vna substantiâ, ex solis viribus mercurij cum unione sulphuris & salis: Quare ulterius plumbum loco mercurij esse potest aut argentum aut aurum, &c.

In Scholiis in lib. de gradib. & Composit. Medicam: Vnumquodque Metallum est Mercurius coagulatus.

Lib. 3. de Morbis Miralib. cap. 2. Vnumquodque coagulatum Metallum in se habet naturam Mercurij: Sed quia coagulatum est, ideo ista vis numquam ibi est. Nam in mediâ generatione, & usque ad mediam generationem omnia metalla sunt Mercurius. Et paulò inferior: Ideo notanda hic est differentia, si de Mercurio dici debet, natura hæc, quod non perfecto generetur: Sed servat in se naturam & proprietatem viam & essentialem quam reliqua metalla mortuam in se habent.

Tractatu primo de mineralib. Ita etiam est huius metalli natura, quæ neque maleo tractari potest, neque fundi, & est mineralis aqua metallorum: Vtuti alias aqua subest rebus aliis, ita hæc metallis. Et in eodem capite: Nam mirabilis eius na-

tura multiplex est, nec parvò laborè inuestigabilis.

Hæc hætenus de generali concursu argenti viui ad productionem metallorum Paracelsus: De eiusdem porrò speciali in Auri compositionem ingressu, notari possunt, quæ sequuntur.

De cælo Philosophorum cap. 3. Septimum Metallum ex sex istis fluxum, corporaliter est Aurum, & in se ipso nihil aliud est, quam purus ignis. Quod vero ab extrâ pulchrum, flauum, visibile, tangibile, ponderosum, frigidum, & solidum corpus visitur & sentitur, causa est, quod coagulationem reliquorum sex metallorum in se habeat, quæ cum compactum & comprehensum est in corpus externum. Quod verò ab elementari igne funditur, ratio hæc est, quia fluxum habet à mercurio, à pisce, & aquario spiritualiter in ipso absconditis. Quod etiam externe hic deprehenditur, quia mercurius promptissimè auro adhæret, ipsique permiscetur corporaliter.

Lib. 3. de Morbis Mineralib. cap. 2. Aurum tantum est mercurius.

Quia verò, quando in textu præallegato aurum in se ipso dicitur nihil esse aliud, quam merus ignis, dubium suboriri cuiuspiam possit, ad qualitatem mercurij respicienti, qui frigidus vulgò iudicatur: Idèò non abs re fuerit videre, quomodo ipse auctor hîc sese explicet, libro de cælo Philosoph. Vbi de qualitatibus mercurij agens. Victi sunt, inquit, qui de mercurio statuunt, quod humidæ aut frigidæ naturæ sit, aut esse debeat; quod non est. Verum immensi caloris & humiditatis plenus est, qui calor & humiditas naturâ ipsi inest, causa perpetui fluxus, in quo est: Nam si frigidæ & humidæ naturæ esset, aquæ congelatæ similis esset, operteret, & semper fixus & durus maneret, & primò per calorem, ignis, ut alia metalla, in fluxum adduceretur. Hoc autem non opus habet, quia fluxum suum jam

antè à calore habet, qui eum in fluxu detinet, à quo semper debet viuere, & non mori, neque immobilis fieri, neque congelari, &c.

Quod verò argentum viuum vehementi calore interno polleat, non vno argumento colligitur. Primò enim si ad debitum tempus in peculiari vitro, satisque intenso arenæ calore detineatur, liquidò constiterit, hanc suam formam nobilem & liquidam mutari in puluerem coloris sanguinei, physicum complexionis igneæ indicium. Deinde iste puluis internè datus, aut externè in vsu Chirurgico adhibitus, effectus rei, non frigida, sed calida habet. Neque tamen propterea negat Paracels. quin frigida etiam natura sit Mercurius, habito nimirum respectu ad qualitatem eius externam; quin potius hoc ipsum elegantissimè confirmat Tractat. 2. de Morbis Mineralib. cap. 1. Ita etiam hoc est in hyeme terræ, quæ sola est Mercurius viuus, hoc est, Argentum viuum: ille, quoad omnes proprietates, Luna est & quoad omnem naturam, hyems. In ipso jacent omnes stellæ hybernæ naturæ hyemalis, & quod ad hanc rem facit. Et paulò vterius: Nam Mercurius secundum suam naturam rectius vocaretur Luna, rectè hyems, rectè nox, frigus, glacies. Verumtamen quia non est compactus, sed metallum apertum nomen eius manet.

Hæc sententiam hoc in negotio ascribere libuit: ex quibus omnibus satis superque videre est, Paracels. velle, Aurum ex metallicis substantiis, ipsi cum reliquis metallis communibus, compositum esse. Quarum licet princeps sit & præcipua mercurius, per hoc tamen non stat, quin reliquæ etiam duæ, sulphur nempe, & sal, mineralia, admitti vnà debeant, quum is sine horum interuentu soliditatis & compactionis metallicæ nequeat fieri particeps, id quod non vno in loco Paracels. in suis scriptis declarat.

Quod porro in auro mercurium prædominari dicimus, nemini mirum videri debet, sententiam saltim consideranti Philosophorum Peripateticorum, qui perfectionem auri esse statunt à conjunctione quatuor elementarium qualitatum, perfectissimè inuicem combinatarum. Materiem quidem ipsam in specie non exprimunt: Sed nos nullam mercurio in vniuersâ rerum naturâ aptiorem melioremque dari credimus, quippe in quo, vt ostensum hætenus, quatuor istæ qualitates, aquæ scilicet & aeris quoad extrâ, internè verò tertæ & ignis, omnium quasi oculis clarissimè subiciantur, quæ ipsæ amplius ita vnitæ, ita inuicem concatenatæ sunt, vt, licet mercurius corpus mobile, metallumque inchoatum & immaturum sit, nequaquam tamen propterea ignis vi diuidi & dissolui queat, quin semper artifex eum in naturalem suam consistentiam retrahat.

Cæterum, quod aurum sit tam compactum metallum, magis quam alia omnia; quod instar solis splendeat; spurcitiei odorisque omnis expertus & ab omni parte temperatum; quod item quemcunque ignem triumphet, ac rubiginem nesciat: id duabus potissimum causis acceptum est referendum. Prima auctore Paracels. (Tractat. 1. de Mineralib. cap. 2. de Procreat. Metallor.) est quod substantiæ auri, mercurius scilicet, sulphur & sal, sunt à naturâ exquisitissimè defæcata, depurata, & ab omni materia corruptionis capace sequestrata. Altera causa est, earumdem substantiarum conjunctio, vnio, & combinatio arctissima, per longam ac diutinam eamque accuratissimam concoctionem facta, sine interuentu aliquius rei, quæ qualitibus ipsarum aduersetur: Vnde nulla inter eas diuersitas animaduertitur, sed vna substantia, non tres esse videntur. Et hæc sunt causa qualitatis, temperamenti, & excellentiæ ipsius Auri.

CAP. IV.

In quo disquiritur, an ex Auro possit elici substantia bibi apta.

Initio præmittimus, quod omnes in rerum naturâ substantiæ potabiles, in duplici differentiâ constituantur: Aut enim sunt actu, inque se ipsis liquidæ: Vt liquores tam oleosi, quam aquosi: aut sunt potentiâ liquidæ, siue ex accidenti, videlicet per additamentum; vt est substantia rerum salina, quæ etsi non sit actu liquida, neque proin per se bibi possit; quia tamen in liquoribus aquosis liquatur, penitusque diffluit, vt tum non aliam quam liquoris formam præ se ferat, non refragantur Chymiatri, quin suo quoque modo potabilis hæc appelletur.

Iam si quis scire velit, num ex auro huiuscemodi substantiarum aliqua educi queat, is duo consideret: Ipsam videlicet naturam auri, & deinde artis spagiricæ potentiam. Quoad primum, si quæ de substantiarum metallicarum forma & consistentia hæcenus exposuimus, repetantur, simulque ad perfectam maturationem & compactionem, quam eadem substantiæ in compositione auri nascæ sunt, respiciatur; nullo profectò negotio colligi potest, eius quidem substantiæ, quæ secundum dictorum modorum alterutrum potabilis nuncupari debeat, nihil in auro reperiri.

Ars verò ipsa substantias corporum diuisibilem separare quidem potest, easque in actum, idque in tali consistentiâ, qualem naturâ suâ obtinet, educere: Verum, vt suprà quoque diximus, haudquam valet transmutare substantias fuliginosas, aridas, & siccas in substantias liquidas, aquosas, & oleosâs; nec vice versa has in illas; Vnde facile intellectu est, etiamsi maximè chymia posset corpus auri diuidere, & ex eo substantias, quibus

constat, separare, veluti facit in Plumbo Cupro, Stanno, Ferro, Antimonio, Martakitis, &c. Quod tamen propterea illæ ipsæ substantiæ à suâ naturali aridâ & siccâ consistentiâ, in aliam humidam & potabilem minimè gentium essent abitura; non certè magis, quam aliorum corporum mineralium supra nominatorum substantiæ, quæ, experientiâ teste, aridæ semper sunt & siccæ, neque in aquâ simplice vlllo modo liquefunt. Quin potius verisimile est, substantias auri separatas, tanto solidiores & fixiores futuras, quantò id præ reliquis hisce corporibus solidius, compactius, fixius, & ponderosius corpus nactum est. Tantùm etiam abest, vt ars ex auro substantiam quamdam liquidam & potabilem, tam longè à naturâ auri distitam, eliquare valeat, vt ne quidem in istas, quibus naturâ conflatum est, substantias illud ipsum rescindere potis sit. Vanissima ergo est hæc de substantia potabili ex auro secernenda persuasio, quæ multorum quidem animos occupauit, sed à veritate est alienissima; id quod in genere hæcenus demonstratum sectione sequenti specialius, producto in medium exemplo sumus confirmaturi.

CHRYSOLOGIÆ

SECTIO II.

In qua distinctè & accuratè examinatur processus Chymicus Franciscæ Antonij Londinensis, Doctoris Medici quo Essentiam & Realem tineturam ex auro se extrahere gloriatur, vendens indies & dispensans sub isto nomine duo medicamenta.

Satis hodiè duobus medicamentis, quæ pro veris ex auro substantiis vendit ac

dispensat, per vniuersam fermè Europam, innotuit Franciscus Antonius Londinensis Doctor Medicus, cuius famæ & existimationi neque nos invidemus, vt pote quibus cū personā ipsa nequaquam litem esse sanctè protestemur. Rem ipsam spectamus: in qua vt cum eo sentiamus, non possumus, veritatis vi adacti, à nobis impetrare. Quin potius, vt eorum, quæ precedenti sectione, adtulimus, magis magisque inlarefcat veritas, & dubitandi omnis occasio præcidatur, nihil vel præter rem vel iniquè fecerimus, si errorem eius, quem publicè non disseminare tantum, sed & editā Apologiā strenuè defendere conatus est, publicè quoque detegamus & detrahāmus ipsi laruam hanc, quā speciosè tectus, toti imponit mundo. Sequemur autem pressopede eundem ordinem, quo libri sui Medicinæ Chymicæ, & de vero potabili auro, dicti, capite quanto, processum suum ipse auctor describit; Quumque is tribus distinctis operationibus 1. videlicet Auri calcinatione, 2. eiusdem calcinati solutione, 3. denique tincturæ ex eodem dissoluti extractione contineatur; Nos quoque tribus hisce partibus secundam hanc sectionem absolueamus.

P A R S P R I M A.

De Calcinatione Auri.

EAm quidem hunc in modum describit noster: Corpus auri solidum indiget præparatione longâ, atque operatione continua: Vt primò calcinetur postea solvatur. Calcinarum enim corpus quod solidum prius erat, jam discontinuatum euadit & veluti impalpabile quoad tactum, magis quam prius solutionis susceptuum. Non calcinarum solutioni nimis erit contumax. Neque tamen cum rebus corrodentibus, aut humanæ naturæ infestis calcinationem mo-

liri debemus: Vt vulgò fieri solet per aquas (nimirum) fortes ex Vitriolo, Alumine, Nitro, & similibus. Ablutiones enim licet vigesies repetantur, venenatas impressiones aquarum fortium auferre nequeunt. In verâ ac philosophicâ calcinatione, nullæ recidiuæ sunt cruditates, aut venenatæ impuritates, vomitionum, resolutionum, palpitationum cordis procreatrices. Cauendum semper ne ex huiusmodi malitiâ aliquid in medicando damni patiamur.

Hæc hæctenus de calcinatione Antonius noster: Circa quam tria mouemus 1. quid per calcinationem philosophicam intelligat: 2. An in istâ calcinatione Auri forma penitus destruat? 3. Denique an non in eadem calcinatione accedat ad aurum res quædam peregrina, per quam simplices istius qualitates alterentur?

Quod primò calcinationem ipsam attinet, eius duplex est apud chymicos significatio: Propria videlicet, & impropria. Propriè calcinatur corpus minerale, quando mediante igne solo, humidis suis & glutinosis substantiis priuatur, inque cinerem seu calcem leuem & aridam redigitur, ita, vt reintegrari ac in primam suam formam reduci nequeat. Exemplum vulgò obuium est in calce lapidum, quâ vtuntur camentarij: quæ istis suis substantiis ignis vi destituta, in formam lapidis pristinam omnino est irrevocabilis. Impropiè vero calcinari dicuntur eadem corpora mineralia, quando interueniente aliqua materiâ acri & falsâ, per viam vel solutionis, vel reuerberationis, discontinuantur, & in subtilissimum, tenuissimum & impalpabilem pulverem attenuata, veræ calcis formam mentiuntur, licet verè ac realiter calcinata minimè fiat, sed formæ suæ pristinæ adhuc capacia:

Iam quum præter hosce duos calcinationis modos nullum alium dare vel comminisci queat noster, quero vtrum

is per calcinationem suam philosophicam velit intellectum? Certè non nisi secundum, puto: id quod duæ euentissimæ rationes euincunt: 1. est, quod unanimi omnium consensu aurum nullâ ignis vi deaustari possit: 2. quod si vel vere calcinari statueretur, consequens necessario esset, quoniam in illa calcinatione, substantiæ humidæ & glutinosæ, siue mercuriales & sulphuræ auri deperderentur, substantiaq; tantum salina cum terrâ aridissimâ, & siccissimâ, ac qualitativè ignis abundè imbuta, reliqua fieret: quod aurum ita mercurio suo & sulphure spoliatum, etiam virtutum, quæ ab optimâ compositione & temperamento substantiarum inuicem, conjunctarum, pendent, vnâ fieret vacuum: id quod intentioni auctoris nostri cumprimis aduersaretur, utpote qui in suo auro potabili, veras auri qualitates, easque integras, sine vlla earum vel imminutione vel iacturâ, conferuere fateatur. Calcinatio ergo illa Philosophica nulla alia est, quam secundum, ut diximus, modi.

Neque obstat, quod quis posset obiectere eam ipsam per res salvas & acres institui, quam ob id non videatur intendere noster, quippe qui aquas fortes ex vitriolo, alumine, nitro & similibus præparatas, tanquam res corroderentes; humanæque naturæ infestas rejiciat. Facilis enim est responsio, quod, quantum vis has propter igneam penetrantiam à compositione & destillatione ortam, proferat: non possit tamen ea propter, vel res, ex quibus istæ aquæ factæ sunt, proferbere, quàm quàm egregia inde medicamenta præparentur, elegantiorum quidem medicorum nemo hodie ignoret: vel etiam omnes materias salvas & acres gradibus & qualitativè. aquarum fortium commensurare. Per magna est enim corrosiuorum diuersitas & latitudo, neque de omnibus, quod humanæ naturæ insensa fiat, promiscuè dici debet. Nam

quis vel è mediâ plebe, salem, quò quòtidie cibos condimus, acetum, aliasque res acidas, quibus non minus utimur, venenatas aut corporibus nostris inimicas, ac non potius salutes, imò ad sustentandam sanitatem necessarias, fateatur? Quid dicemus de salibus spagiricis cum Animalium, tum Vegetabilium? ij, tantum abest, ut humanæ naturæ venenatâ quadam qualitate insidiantur, ut opposito vim alexitericam possideant, humorumque internorum corruptioni, bonis sapè agrorum rebus, resistent. Et tamen si qualitates soluentes, incisorias, deterforias, acrimoniamque tam horum salium, quam salis ipsius vulgaris, aceti item, succi de citro aliorumque consimilium consideremus, ratio nulla erit, quare ex numero corrosiuorum hæc debeant excludi, præsertim quum multa corpora mineralia illorum vi corrodi & dissolvi, ipsa nos edoceat experientia.

Vt ergo, quod res est, edisseramus, calcinationem suam hoc modo noster instituat, oportet: Accipit, quantum placet auri, cui addit salem quandam vsualem (qui corrosius quidem est, sed non tale corrodens, quale ab opere suo excludit, id est, humanæ naturæ noxium) duo hæc in reuerberium collocat, adhibito tali ignis gradu, ne aurum fundatur, sed ut spiritus salis istius acres & soluti vi duntaxat excitentur, qui ita sensim circa metalli corpus tam intra quam extra coeunt & concentrantur, eiusque fixitatem metallicam, vi acrimoniarum suarum dirumpunt, & per minima dirimunt, neque non instar spongiæ rarefaciunt & emolliunt, ut euadat pulvis subtilissimus, leuissimus, & tantum non inpalpabilis, terræ sigillatæ colore, vel, (pro natura scilicet salis, & modo reuerberationis) etiam alio aliquo conspicuus. Calcem hanc, quam vocant, à reliquiis salis, si quæ adhæserunt, ablutam exsiccat, inque suos vsus reponit. Et hoc est aurum ipsius philosophicè

esse calcinatum: per salem nempe quemdam, qui, communi omnium philosophorum sententiâ, verum elixir, & balsamum est naturæ vniuersalis, vtrâque materia, per quam ad vsum medicum corpora omnia metallica dissolui debent & adtenuari, Aurum imprimis, cum quo intimior ipsi cognatio, quàm cum aliis metallis, intercedit. Possemus de hoc ipso vel sexcenta auctorum testimonia adducere, nisi magis adtenderemus ad id, quod agant isti artifices, quàm quid loquantur.

Secundum, quod circa calcinationem artificis nostri discutiendum, est, in aurum calcinatum (intellige per salem, aut aliud additamentum) ita possit destrui, vt euadat irrediuuium? Cujus quidem quæstionis facilis est decisio, ab experientia & probâ artis. Certò enim certius est, quod aurum quidem, per reuerberationem cum materiis salinis aut sulphure factam, quoad externam figuram ita immutari queat, vt aurum non ampliùs appareat, immo in vehementissimo quoque igne fusionem respuat: At hoc minimè impedit, quin si in manus experti artificis incidat, per additamentum conueniens, à spiritibus salium & sulphuris liberari possit, & deinde pristinæ suæ formæ, sine vlla qualitatum suarum læsione, vestitui. Quin omninò tam dictu quàm creditu foret absurdissimum, spiritus cuiuscunque etiam vel salis vel materiæ acris hoc in negotio ipsi præpollere igni: Quem videmus Cuprum, Ferrum, Stannum, Plumbum aliaque multa mineralia reuera incinerare, calcinare, & vitrificare, sicut prorsus ad pristinam essentiam reduci nequeant: Id quod neque vllum aliud, neque aqua vlla fortis aut regalis, aut quicunque alius spiritus, etiam vehementissimè corrosius, præstare valeat. Etiam si enim corpora metallica per hæc corrosiua dissoluantur, & quam subtilissimè puluerentur, facilia nihilominus reductu

esse & permanere, vnicuique experto spagirico est perspicissimum. Ex hoc fundamento inferimus vterius: Si corrosiua vehementissima nequeunt reapse destruerre corpora metallorum imperfectorum, multò minus corrosiuum mediocre, sal, videlicet aliquod vsuale, poterit destruerre corpus auri, metalli, vsque adeò fixi & perfecti; Vnde consequens fuerit aurum calcinatum nostri Philosophi redutibile esse, id quod credo, neque ipse diffiteatur, quippe qui nihil aliud se hac calcinatione agere perhibeat, quàm in aurum magis solutionis susceptiuum reddat.

Vltima quæstio est de eo; an videlicet aurum ita calcinatum simplex sit, subsistens in seipso solo, sine additione? Ad quam vt negativè respondeamus, tribus iudiciis apodicticis adigimur: quorum primum est ipse COLOR. Quia enim splendoris sui vsque adeò factum orbum est, vt terram quamdam potius, quàm seipsum referat, id perfectò vel ab igne sit, vel ab additamento. Non ab illo: In quo, vt sæpiùs dictum est, inuictus iste terrestris sol, splendore etiam luculentiorre, jubilat; Ergo ab hoc, quod erat demonstrandum. 2. Leuitas quæ non aliunde procedit, quam ab additis spiritibus peregrinis, qui corpus auri perminima diuellentes, ipsi sese vnâ affricant, atque ita efficiunt, vt pondus eius multò leuius appareat, quantitatis nimirum respectu: quæ ipsa auctior tum multò conspicitur. 3. Sapor: Gustatum quippe sapore quodam adstringente, cum acrimoniâ quadam conjuncto, linguam adficiet: qui quidem sapor neque est auri proprius, neque ab ipso simpliciter proficiscitur. Accedit hæc omnibus ocularis euidencia, ab ipso Vulcano petita: Sume enim Calcem istam: inque crucibulo positam committe Igni Fusionis; fundet se instar salis, & fumos spiritusque ex Calce manifestè effumens, tum naribus hauries, tum oculis vsurpabis,

vsque quō istis consumptis Aurum ad se-
fe redeat.

Hiscē itaque argumentis irrefragabi-
liter demonstratur, Aurum calcinatum
non esse simplex, sincerum, & imper-
mixtum Aurum, sed particulam quam-
piam additamenti istius, quo cum calci-
natum est, penitissimē in sese cohibere,
Quod ipsum postea causā est, ut ista calx,
in liquore quopiam acidulo medicinali,
nequē multum Corrosiuo, facillimē dis-
solvatur, quod ceteroqui factū esset im-
possibile. Neque etiam alia est auctoris
nostri intentio, utcunque eam in ipso
textu vel dissimulet, vel subiceat: Qui
si simplicem tantum Auri attenuationem
spectaret, nullamquē additionis, quam
in Reuerberatione id acquirit, haberet
rationem, utique subtilissimis istis Au-
ri atomis, quibus utuntur, Pictores, & in
quas aurum minimo tempore, sine ullo
igne redigitur, abundē sibi satisfacere
posset atque adeo labore Reuerberatio-
nis omnino superfedere.

SECTIONIS SECVNDÆ

PARS SECVNDA.

De Auri Calcinati solutione.

Habitā Calcinatione Auri, progredi-
tur porro noster ad eiusdem solu-
tionem hoc modo: Calcinatum, inquit,
hoc corpus Spagirico ritu in vase vitreo
collocamus: Cui affundimus Aquam
cœlicam Raymundinam dictam: quam
protinus ebullire conspicias, & in altum
ascendere, absque alio calore. Cessante
ebullitione & juncturis peroptimē
clausis, ne quid respiret, in temperato
calore per aliquot dies statuimus. Ita sen-
sim aqua hæc nostra flavo calore tingi-

tur, ac si croco perfunderetur. Quod
clarum est vacuumus in aliam ampullam
per inclinationem cautē ne turbentur
fæces. Aliam affundimus aquam priori
similem, iteratis semper vicibus, vsque
dum amplius non coloretur aqua. Om-
nes coloratas hæc aquas simul colle-
ctas, per lentissimum Balnei calorem
distillamus. Exit aqua clara (ut prius)
Materia Auri soluta subsidet invitri fun-
do Mellis instar, solubilis in quocunque
liquore. Subnequit postea, quibus rem
plausibilius exaggeret: Dura illa compa-
ges jam soluta est, & Metallica auri for-
ma omnino destructa: adeo ut in nullum
ulterius Metallum reduci possit. In-
terim tamen nulla ignis violentiā deua-
stari potest hæc substantia, aut in fauili-
lam aduri, quod perfectionis Auri certis-
simum est signum. Ista enim solutio est
sub conservatione suæ speciei, & est so-
lennis ac verē philosophica, non corrosiva
illa sophistica, &c. Plura qui velit, adeat
auctorem ipsum.

Nos omiſſis variis curiosis inutilibusque
altercationibus, quibus, quæ jam allega-
uimus, exagitari possent, id tantum, in quo
rei cardo vertitur, arripimus, ipsam viden-
licet Auream materiam, mellæ cōsisten-
tiæ, in corpus metallicum irreductilem:
de quâ, num ita sese, ut auctor tradit, ha-
beat, in præsentiarum cognoscemus.

Ac de nomine quidem initio: quum
materia isthæc Auri, soluta duplicem
sensum gignat in mente concipientis.
Per eam enim intelligere potest auctor
noster, vel absolutam, realem, & perfe-
ctam solutionem integri corporis aurei:
Vel subtilem quandam substantiam ex
Auro separatam, tractam in menstruum
illud siue Aquam Raymundinam in
forma extracti, qualis ex corporibus Ve-
getabilium, beneficio tum Aquæ vitæ,
tum aliorum solventium appropriato-
rum elici cōsuevit. At fallor ego, aut ma-
teria isthæc primo sensu venit acceptan-

Id, id quod titulus ipse allegato textui præpositus innuit : *Mysterium Auri solvendi, & per alembicum eleuandi* : tum præterea sententiæ istæ significant, *Ista enim solutio est sub conseruatione suæ speciei &c.* : Præterea suum humidum primigenium conseruatur, &c. Ex quibus conjectura iniri potest, quod secundum ipsum isthæc materia nihil sit aliud, quam *Aurum destructum, & realiter formâ suâ metallicâ, sine substatiarum suarum diuisione, priuatum, perfectè apertum & præparatum, vt ex illo Tincturam aut Essentiam extrahere, vt liceat, de quo postea.* Idem etiam hæc sententia confirmat, quando dicit : *Dura illa compages jam soluta est, &c.* Immò verò omnino hæc est eius opinio, quandoquidem tam bene, ac vngues suos nouit, illud calcinati Auri, peractâ solutione, residuum, in optimum, quale antea erat, aurum reduci posse : proinde nimis temerarium foret, asseuerare, istam materiam melleam quandam essentiam, aut substantiam ex auro separatam esse. Id enim in omni omnino solutione obtingit, vt corpus, ex quo sit alicuius substantiæ extractio, substantia-liter omni ex parte alteretur, id quod hic non euenit, cum, vt diximus, quædam Auri pars in forma adhuc metallicâ se exhibeat videndam. Quare vltèrius, in quaestionem venit, an dicta isthæc materia solubilis, sit simplex aurum realiter solutum, & in formam irreductilem tractum subsistens ita simpliciter, circa vltimum aliud additamentum?

Solutio huius peti potest, vel ex jam dictis. Quia enim liquidissimò demonstrauimus, neque actualem ignem, neque potentialem, id est, vehementissima corrosiua, ita posse destruere Aurum, quin in suam formam metallicam sit de auctore reuocabile : facile fuerit coniecere, quod id ipsum multò minus efficere valeat liquor insipidus, non corrodens, sed vndiqueque temperatus, qualem bo-

nus ille vir vult esse *Aquam suam Raymundinam.* Nequè enim in *Physicis tantum principiis fundatum est, sed & in ipsâ arte* vsu longo obseruatum, quod solutio, aut realis destructio cuiuscunque corporis nequeat fieri, nisi per vim & vehementiam qualitatum contrariarum : quum qualitates contemperate & proportionate corpora conseruent, potius quam destruant : Ipseque adeo *Spagiricus noster, Menstruum suum, præterea, quod eo aurum conseruetur, tantopere commendat, proscriptis & in exilium actis, aquis fortibus omnibus, aliisque similibus corrosiuis, quæ, contra omnem tum rationem tum experientiam, aurum realiter corrumpere opinatur.* Non dicemus de eo, quam sibi constet Auctor dicens, *Aquam suam Raymundinam tum destruere Aurum vt metallum esse desinat ; tum etiam simul eiusdem temperamentum perfectè incorruptum conseruare.* Id huius loci proprium est, demonstrare, quod materia isthæc non sit reuera simplex Aurum destructum & dissolutum, sine additione subsistens : quod sequentibus demonstrationibus palam faciemus.

1. à CONSISTENTIA : Quia enim liquida est mellis instar humida, non potest esse verum Aurum, quod ostendimus minimè gentium actualem quandam humiditatem in se completi, & vt maximè disseccaretur, non tamen nisi in consistentia aridâ, fixâ, & siccâ, eius substantias apparituras.

2. à PONDERE : Ponamus namque casum, quod ea aurum sit realiter dissolutum, eundem ad modum, quo auctor tradit, immutatum : Consequens tum fuerit, vt certum pondus, quod certo modo priori ponderi proportionatum sit, retineat. Ita E. g. videre est in Auro subtiliter læuigato, quod licet quoad apparetiâ seipso non læuigato leuius videatur, nihilominus metallis omnibus simi-

liter laugatis preponderat. Isthæc autem materia aurea ponderi Auri, secundum proportionem, nullo pacto respondere potest, eam quidem ob causam, quod humiditate aliena & peregrinâ abundat, non differente auctore ipso Parte tertia Apologiæ contra Guuinium: quando inquit: Primo quando solutio Auri est facta suo proprio menstruo, tum menstruo detracto usque ad consistentiam gummi liquidi, coloratissimi, &c.

3. à DISPOSITIONE SOLVIBIL: Dissolvitur isthæc materia promptissime in aquâ, ut mel: quod non tantum non cadit in aurum, sed ne quidem in multo molliores & volatiliores Corporum Metallicorum substantias: quas etsi vel integro anno in aquâ digereres, nihil tamen earum, nisi accedente fortè re aliquâ falsa & acida, dissolveretur.

4. à COLORE: Etsi enim dicta materia est coloratissima, veluti Author loco supra citato asserit, nequaquam propterea iste color simpliciter est ab auro; Sed à mixtura rerum adjunctarum: per hoc quidem argumentum, quod igne vehementissimo exsiccata illa, coloris istius jacturam faciat: quemadmodum illud quoque medicamentum, quod pro Essentia Auri vendit alibi Auctor, longè alius, vide Apologiæ partem 3. pagina 187. quam aurei coloris esse, vel sexcenti homines, qui id viderunt, mecum testari poterunt: prorsus contra naturam auri, quod in nullo ignis examine colorem suum mutat.

5. ab ODORE: Aurum quidem prorsus inodorum est: at Materia isthæc rei alicuius acris & acutæ odorem præ se fert: quæ, credo, causa potissimum fuit, quod eam cum Spiritu Vini rectificandam censuerit, vtpote qui proprietatem habet, Apolog. pag. 186. odores istos spirituum acrium contemperandi & emendandi, odoremque conciliandi gratiorem.

6. à SAPORE: qui in Auro nullus, in Materia isthæc non minus acris, quam in Magisteriis, cum Aceto distillato præparatis persentiscitur: quod ne author quidem ipse ibit inficias.

7. ab aliis QUALITATIBVS: Materia isthæc habet qualitatem manifestam, calefaciendi, exsiccandi, detergendi, incidendi, aperiendi, per sudores, Vrinam, aliasque interdum vias euacuandi, ut ipse ex variis curationibus annotavit: quæ qualitates tam procul sunt à natura Auri,

— quam distant candida nigris.

Id enim Metalli omnibus suis partibus temperatissimum est, in quo manifestarum qualitatum nulla prædominari animadvertatur, &, quod cor confortet, id non ab aliqua eidente qualitate provenit, sed, omnium Hermeticorum consensu, est hæc eius proprietas ætrophis specificæ, magnetica, occulta, à forma, vel tota potius substantia originem referens.

Hæc indicia suffecerint, opinor, ad probandum, quod toties nominata materia haudquaquam sit Aurum purum, realiter dissolutum, ut author persuadere conatur: simul etiam ex iis colligitur, quod solvens illud siue Aqua Raymundina neque absolutam habeat potestatem solvendi Auri: (Nam quorsum aliàs attineret, calcinare primum per istam, quæ diximus additionem?) neque ampliùs, æquale & simile Auro temperamentum, velut idem ad ravim usque vociferatur. Etenim si hoc esset, certè aurum non ita alteraret eadem, sed potius Medicamentum benignissimum & temperatissimum, temperamento Aurum omnibus modis respondens produceret: Neque etiam tum foret, ut vel dicta materia per Spiritum Vini rectificaretur, vel, ut hic pro vehiculo ipsi adjungeretur, quod facere Auctorem videmus in sua Apologiâ. Quod si enim Aqua Raymundina tam est temperata, quare non ipsa vehiculi loco

Est, potius quàm Spiritus Vini, qui propter violentam caliditatem & penetrabilitatem, tam longe à temperie Auri diffidet, multisque modis corpori nocere sæpè potest?

Quamobrem, vt quid de solutionis huiusmodi Apotelesmate, statuirandem debeat, in vnum conferamus, omnino tenendum est, Materiam istam, cuius vel centies jam meminimus, nequaquam esse rem simplicem, sed compositam ex Sale, cuius tinctura partim à calcinatione primâ adhæsit, partim à Spiritibus soluentis est, qui sese coagularunt cum particulâ aliquotâ Auri, quod propterea ita attenuatum est & dispersum, vt amplius Aurum non appareat, licet manu dextri Artificis possit resuscitari, & formæ suæ Metallicæ reddi. Neq; verò aliud nomen isthæc materia meretur, quam Magisterij, quale ipsi quoque defert Auctor Assertionis suæ cap. 7. Nostrium, aiens, Magisterium ex auro, de quo jam habetur, quæstio, &c. Qui quotiens eandem, Essentiam Auri vocat, totiens vel in vocabulo ludit, vel vim facit veritati.

SECTIONIS SECVNDÆ

PARS III.

De Eleuatione Auri per Alembicum.

SVperest vltima & suprematum Processus Antoniani, tum sectionis huius pars de Eleuatione Auri per Alembicum: De qua splendide Auctor declamat. Verba ejus sunt: Coloratas illas superius aquas, non in Balneo destillamus (vt supra) vsque dum deveniat Aurum in formam mellis, sed per cineres elauamus, quæ fortiorem sustinent ignitionē. Ita anima Auri, quæ in spiritu dicti mentis hospitatur (vehiculo inquâ suo pro-

prio) veluti in ventre venti portatur. Ascendit in caput Alembici, & guttatim decidit Recipiens vas sub colore rubicundissimo. Terram autem Auri in vitri fundo conspicias nigram & siccam, veluti rem mortuam, spongiosam item & leuem. Non tamen prolicias has terras, quæ sunt nigræ & siccæ, vt suadet Philosophus.

Destillatum hoc Menstruum, & vnâ cum Essentiâ Auri mixtum, in curcubitâ vitreâ munda, cum suo Alembico ac Recipiente, juncturis optimè sigillatis collocaamus in Balneo tepido: Blando hoc calore distillabitur tibi aqua clarissima. In vitri fundo remanebit Tinctura, quam optas. Tincturam hanc per spiritum Vini soluimus: spiritum separamus alternis vicibus: & in hunc modum colorem illius clarificamus (vt Philosophi verbis vtar) hoc est ad gradum puritatis summæ exaltamus, &c.

(Nimirum neruus totius sententiæ is est, quod Auctor veram ac realem ex Auro Tincturam, quem Animam auri nuncupat, sese gregare prolixè profiteatur: de qua videbimus vtique.

Quid tanta dignum ferat hic promissor biatu?

Equidem initio videtur nobis pro vno eodemque habere, Eleuationem Auri per Alembicum, quam in Titulo capitis promittit, cum Tincturæ eiusdem Extractione. Quasi vero difficile sit expertis Chymiatris, mediate additione conuenienti Aurum subtiliare, dissoluere, & per Alembicum euehere; Quæ tamen operatio non statim Tincturæ extractio est, etiam si id, quod eleuatur, colore aureo altissime tinctum visatur: Color enim iste tum est à corpore integro aureo per alembicum ascendente, non à Tincturâ quadam segregatâ: idque manifestò demonstrabit Reductio: & nos supra abundè

euicimus, neque per ignem neque per Additionem formam Auri posse realiter destrui. Noster tamen, quò plus sibi hac in parte scientiæ, quam aliis Chymicis relictum testetur, contrariam tenet opinionem, Liquorem scilicet suum dictum, non esse nisi verà Tinctura animæque Auri coloratum: quod 1. Liquor ipse ruber sit. & 2. quia residuum destillationis materia sit spongiosa, leuis & nigra, instarq; terræ aut capitis mortui. Sed toto cælo errat. Quia enim, quod Materia ipsius toties nominata non sit simpliciter Aurum, sed mixtura quædam; quodque pauculum illud Auri, ex quo constat, facile in Aurum reduci possit, ex abundanti suprâ demonstrauerimus: nulla non dicam ratio, sed ne verisimilitudo quidem est, quæ persuadeamur, quod mutato duntaxat, à Balneo ad cineres, Ignis gradu particula illa Auri moriatur, & Tincturam suam animamque deponat, quæ deinceps per Alembicum subuolet, vt Chrysostomus noster adferit. Est ergo vt diximus, non à vera Tinctura Auri hîc color cum menstruo elatus, sed à sola permixtione: quæ quomodo sese habeat, quomodo item ex accidenti variorum colorum procreatrix exstat, maioris euidentiæ ergo, aliquot conuenientibus exemplis declarabimus.

Accipe Cerusam, cui superfunde Acetum destillatum pone ad digerendum in Balneo per aliquot dies: Videbis Acetum flauescere, instar Auri. Liquorem per inclinationem separa, destilla per Balneum, ad partem quartam præter propter, restabit in fundo materia coloratissima, mellis ad instar, & dulcissima. Materiam istam destilla per cineres, in fine destillationis exhibit Liquor sanguinis in morem ruber, residua materia nigra, spongiosa, leui, ad modum Capitis Mortui: Quam tamen interim quin Cerusa laetis instar candescat, Acetumque destillatum instar aquæ clarum sit, nemo ignoret. Quod si jam quis affirmare vellet, Liquorem

istum rubrum esse Tincturam suæ animæ ipsius Plumbi, ex quo Cerusa facta est: ne is in fædissimum errorem præceps rueret. Quoniam primò plumbum non habet in se talem Tincturam, neque aliam aliquam substantiam aquosam: Deinde, quia cerusa, quæ post solutionem reliqua sit, cum pauculo Saporis & pinguedinis ouinæ mixta, inque ignem fusionis posita, funditur rursus in Plumbum. Funditur eodem etiam modo materia illa cineritia, post destillationem residua, contrâ quam fieri oporteret, siquidem Tinctura ex Plumbo esset educta. Nec enim fieri posset, quin tum substantialiter Corpus Plumbi immutaretur. Quoniam, vt multoties jam dictum est, nulla potest fieri cuiusdam substantiæ à corpore separatio, sine corporis eiusdem euidenti ac substantiali immutatione.

Idem effectus, non in Cerusâ tantum; sed & Ferro, Stanno, Antimonio calcinato, Markasitis calcinatis, Crystallo & Lapidibus preciosis calcinatis, Coralliis, Perlis, Oculis Cancris aliisque similibus corporibus apparent, quæ si eodem, quo Cerusa jam, modo tractentur, exhibit semper in abstractione Aceti destillati Liquor non minus rubeus, quam qui ex solutione Auræ nostri Spagiri prodit. Eadem colorum ex permixtione varietas & multiplicitas per quam multis aliis exemplis esset demonstrabilis: Vt, quod Aurum in Aqua regiâ solutum rubro colore tingatur; Argentum, in Aquâ forti, nigro; Cuprum in liquoribus acidis, viridi; Et nihilominus vnumquodque horum à Soluentibus suis separatum ad pristinum colorem redeat: Sed hæc satis fuerint, ad declarandum, quomodo author halucinetur, Liquorem suum rubrum veram ac essentialem Auri Tincturam esse opinatus.

Quem eundem errorem alio quoque in loco misere errat. Apologiæ vid. parte

3. pag. 186. & 187. Vbi alterius Tinctura auri medicinalis mentionē facit, hisce verbis: Primo quando solutio Auri est facta suo proprio menstruo, tum, menstruo detractō vsque ad consistentiam Gummi liquidi coloratissimi (vt Lullij verbis vtat) & vnetuosissimi, affunditur spiritus Vini, qui hinc tingitur colore ruberrimo, & separatis facibus albis manentibus in fundo conseruatur per se in vitro, vocaturque Tinctura Auri Medicinalis. Hactenus ille. Ex quibus colligi potest, velle illum, quod in ista operatione spiritus Vini veram ex Auro Tincturam eliciat, relictis aliis huius eiusdem substantiis in fundo, quod significantissimē insinuat per id, quod dicit: & separatis facibus albis manentibus in fundo. Sed non minus, quam antea, opinione sua fallitur. Etenim si spiritus ille Vini reapse esset reali, & per se subsistente, ac naturali Auri Tincturā imprægnatus, tum eo per Balneum abstracto, necessario relinqueretur in fundo substantia rubra, obscura, altiorisque tincture, quam quum erat adhuc in Liquore dispersa. Quæmodum vsu venire videmus in Tincturis Vegetabilibus: Alkermes, e. g. ligni Brasilensis, Coccognidiorū, Lachrima Dragonis, Rosarum rubrarum &c. Inprimis Croci, cuius Tinctura, dum in suo Soluente diffusa est, flauescit inque consistentiam spissam coarctata, obscurissimē rubrā apparet. Nostra vero hæc Tinctura longē aliter se se habet. Nam quod ipse etiam Antonius intus & in cute nouit, si spiritum istum Vini ruberrimē tinctum, & Residuum solventis, per destillationem, modo, quem ipse præscribit, abstraxeris, non relinquetur Tinctura, sed Substantia quædam formam salinam obtinens, in aqua solubilis, colore ex pallido flauescente, ad modum Magisterij ex Antimonio per Acetum destillatum præparati: Qui quidem color Tincturæ Auri rubræ, si quæ talis esset, ad consistentiam

solidam redactæ tam bellē conuenit, quam

Candida cum nigris & cum candentibus atra.

Et hæc fortasse causa est, quod tum Aureæ essentia nominē vti homo callidus malit, quàm Tinctura: Dignum mediufidius patellâ operculum adaptans.

Constat ergo hactenus, tum quod color iste ruber, quo spiritum vini insci dicit autor, non sit vera Tinctura Auri: tum quod in genere omnia Medicamenta aurea Antoniana non sint veræ & sinceræ substantiæ ex auro extractæ, sed res compositæ; Quorum Consistentia, Color & Qualitates ex permixtione rerum extranearum cum Auro, nequaquam ab hoc simpliciter, profiscantur.

CHRYSOLOGIÆ

SECTION III.

Continens questionum aliquot & dubiorum, quæ ex dictis oriri possent, resolutionem.

C A P. I.

Vtrum Aurum in Medicina vile esse queat, an secus?

QVi Aurum ab vsu medico proscribunt, nihil ferè aliud habet, quo se tueantur quam ipsius fixitatem, ac substantiarum eiusdem perfectam combinationem, quæ causa sit, vt nullo pacto Stomachus noster id ipsum concoquere, immutare, aut tantillum succi inde eliquare queat. Sed nimis ruinoso tibiae videntur hi opinionem suam statuminare. Nam eodem nos medio idem de multis aliis corporibus penitus indigestibilibus concluderimus, quæ tamen experientia ipsa humano corpori perquam

salutaria & cumprimis efficacia esse testatur. Chalybs durissim illud, aridumque & siccum Metallum in obstructionibus viscerum, Cachexia, Ictericâ, aliisque quam plurimis affectibus prorsus *ὀλέθρῳ* esse videtur. Lapis Lazuli in Melancholiâ, Maniâ & Epilepsiâ Catharticum est omnibus aliis præualens. Vitrum Antimonium *ἀντιμόνιον* omnis generis colluuiem ex corpore propellit. In Crytallo, Nephriticis; In magnete Hystricis, posita sunt præsidia præsentissima: Suntque alia præterea corpora Mineralia quam plurima penitus indigestibilia, quæ evidentissimos in nobis effectus medicinales præstent. Quamobrem non dubitauimus, quin Aurum suis quoque virtutibus medicinalibus dotatum sit, & quin Archæus Naturæ noster per certam potentiam occultam eas in actum magneticè deducere, & beneficio corporis nostri applicare valeat, etiam si illud Metallum per calorem nostrum neque digestibile sit, neque mutabile.

Quod porro in Auro non tamen euidentes, quam in multis aliis similis naturæ corporibus Metallicis, operationes conspiciantur, id perfectissimo illius temperamento tribuendum est, per quod Aurum cor solummodo confortat, non per euidentem quandam & prædominantem, vel frigidam; vel calidam, vel quamcunque aliam qualitatem: Quum è contrariò aliorum corporum imparatorum, in euacuando, expellendo, aut aliter corpus alterando, manifesta deprehendatur energia. Neque verò vel temerè vel casu factū putemus, quod Medici dogmatici tam vetusti, quam recentiores, Aurum inter res cordiales retulerint, neque nullo non in præcio habuerint, & adhuc habeant: idque non scriptis tantum suis testentur, sed quotidianâ insuper medicamentorum Cordialium, quæ Aurum semper ingreditur dispensatione comprobent, Tacemus, quantum simplex

eius vsus commodi habeat, quàm periculosissimis affectibus, per solam viam extinctionis in Vino & Aquis destillatis factam, illud medeatur: Vt ratio nullâ sit, quare non suus ipsi in Medicina locus sit relinquendus.

CAP. II.

An Aurum, propter Symbolismum vel Analogiam, quam cum Sole habet: sit subiectum vel Materia Medicina Vniuersalis aduersus omnes humani corporis morbos?

Quisquis ex Symbolismo Auri cū Sole argumentum ducere velit, ad demonstrandū, quod Aurum sit Medicinæ Vniuersalis subiectum: is ita argumentetur, oportet: Quod videlicet veluti Sol est fons omnium Elementorum à cuius regimine & influentiâ totius Vniuersi conseruatio tota pendeat: Eodem modo Aurum cum ipso symbolizans esse conseruando Microcosmo, omni intemperiei eiusdem elementari corrigundæ, omni que infirmitatis materiæ tollundæ. In quâ quidem ratiocinatione, quod pro Hypothesi de Sole pronunciatur, falsum est. Is enim, quantumvis sit nobilissima in firmamento Creatura, vt eam ob causam Animam maioris mundi à Philosophis vocetur, non tamen propterea non est ea nobilitatis certis limitibus & terminis restricta: neque latius se extendit, quam vt calorem & siccitatem in globum hunc inferiorem infundat, atque ita generationem & conseruationem rerum promoueat. Harum autem omnium essentia & vita non pendent solum à calore & siccitate; sed etiam à frigore & humiditate; neque alio sine omnipotens conditor Lunam in firmamento collocauit, quam vt veluti Sol caloris & siccitatis auctor est, ita hæc frigoris & humiditatis causa existeret,

C A P. III.

De Auro potabili Hermeticorum antiquorum, qualem illi habuerint?

steret. Quia ergo Sol per istas quatuor qualitates pariter in res influere nequit, non poterit etiam omni intemperiei & dissolutioni, quæ ex earum dissidio provenit, occurrere. Frustra enim quis à Sole per se beneficium vel pluviae vel roris nocturni, si alterutrum defiat, expectet, qui potius per calorem suum magis magisque exsiccaret, & quasi consumeret omnes fructus terræ. Vnde amplius ratiocinamur: Si Sol res tam spirituosæ & ætuosæ, quæ 24. horis circuitum mundi absolvit, non potest omnes defectus & intemperantias majoris mundi emendare: multo minus futurum est, vt Aurum omnes intemperantias Elementares minoris mundi, illas omnium infirmitatum procreatrices, corrigat; Ipsumque illud, licet splendore quidem solari effulgeat, interim tamen corpus solidum est, ponderosum, mortuum, nullius per se efficacie, nisi, vt dictum est, ab Archæo Microcosmico magneticè excitetur. Ipsæ deinde infirmitates, quia à diversissimis causis oriuntur, diversissima quoque remedia, experientia teste, efflagitant. Neque valet, quod quis objiciat, per id, quod Aurum fontem caloris nativi roborat, naturam excitari, vt causis morbificis fortiter tum obistere, tum easdem excutere valeat. Etenim, vt non negemus, naturæ robur vel primum esse, ad quod in curatione Medico respiciendum sit: hinc tamen nequam adstruendum, quod ipsa duntaxat confortata morbos debellet. Quin potius in plerisque morbis cogimur eam Diætâ, Purgationibus, Phlebotomiâ, aliisque sanitatis recuperandæ auxiliis non leuiter sæpe debilitare, priusquam æger salutis suæ, nos finis nostri compotes reddamus. Quod, quum omnibus omnino dogmaticis medicis perspectissimum sit, nolumus hic loci prolixius exaggerare.

Ang. Sale.

Philosophi Hermetici antiquiores, quia Aurum potabile habuerint, legente illoz scripta dubium esse nequit. Id tantummodo in quaestione venit, qualem illud Aurum fuerit, vel, quid per illud intellexerint: Vtrum, quod à suâ forma metallica in aliam liquidam, terrestris & metallicæ corporalitatis penitus expertem realiter transierit? vel, quod sit substantia quæpiam ab Auro separata, simpliciter per se sine additione subsistens, veluti Aqua quædam, aut Oleum aut Sal ex vegetabilibus elicium? Certè neutrum intellexisse existimandi sunt; quum verisimile minimè sit, qui Artem ipsam nobis tradiderint, eò esse absurditatis prolapsos, vt, quod impossibile esse Ars demonstrat, id ipsi præstare se profiterentur. Itaque aliter longe, quàm imperiti Spagirici facitant, quæ de Auro potabili isti prodidère, sunt interpretanda: nimirum vel de nobilissimâ quæpiam materiâ medicinali, naturæ spirituosæ, & conditionis potabilis, cui ob prærogatiuam, quâ præ omnibus aliis medicamentis, veluti inter metalla Aurum, elucet, id nominis imponere voluerint: Aut, si Aurum Potabile metallicum intellexerint, id non aliud esse censuerint, quàm quoad consistentiam suam metallicam subtilissimè discontinuatam, & citra huius ipsius substantialem destructionem, resolutū & merito solventis appropriati in formam potabilem redactum: In qua cum consistit, quid vetet, quod minus potabile appellandum veniat? Facit huc ipsa auctoritas Philosophi, quem allegat auctor noster aliens: Apolog. pag. 96. Nullum est dubium, quin illa Medicina, quæ fit ex Auro Natura (vt Arnol-

D d

210
 dus de Villa noua extollit) soluto absque
 villis corrosiuis in substantiam melleam &
 medicinale, potabilem & solubilem in
 omni liquore, sit præstantissima, Au-
 rumque potabile verum & genuinum
 dicendum & habendum: Per hoc, in-
 quam, sententia nostra admodum confir-
 matur: Aurum enim nunquam potest
 eo adduci, vt in formâ melleam, per se sine
 additione subsistat; Per quam quidem
 etsi apprimè attenuetur, & occultetur
 ipsa forma metallica, vt instar Tartari in
 transparente vino hospitatis sese habeat:
 non tamen ob id planè tollitur, Aurum-
 que subinde semper est, manetque Au-
 rum. Caterum quando iidem Philoso-
 phi dicunt, Aurum ita debere resolui,
 vt irreduciuum fiat, ea irreducibilitas non
 est, artis respectu accipienda, sed respec-
 tu caloris Stomachi nostri, quod vide-
 licet ita. Aurum cum debito sibi mēstruo
 coniungi debeat, vt ne calor internus pos-
 sit ea rursus segregare: Neque aliter ea
 dere iudicare poterit, quisquis tum scri-
 pta eorum legerit, tum simul potentiam
 Artis considerauerit.

C A P. IV.

*Num Philosophi potuerint Aurum po-
 tabile conficere sine Corrosiuo?*

Quando quidem est certissima & ir-
 refragabilis, inque arte perpetuo
 obseruata maxima, quod penitus impossi-
 bile sit, Corpora Metallica & lapidea in
 formam liquidam resolueri, absque men-
 struo manifesto acri & corrosente: Cer-
 tum est, neque Philosophos sine hoc sol-
 uere aurum potuisse: id quod ne ipsi qui-
 dem inficias ibunt. Vnus Paracelsus sic
 instar omnium, qui id apertè testatur, in
 frequentibus.

In lib. de Vita longa, vbi de præpara-
 tione Elixiris Auri, siue Auro Potabili,
 hæc de solutione habet: Resolue Aurum

vnâ cum omni substantia Auri Corrosi-
 ua, & idipsum tantisper, dum fiat idem
 cum corrosiuo. Neque interim abhor-
 reat animus ab ista tractandi ratione: Au-
 rum enim quatenus Aurum est, Corrosi-
 uum præstat, & citra corrosiuum mor-
 tuum est. Quare quintam Essentiam Au-
 ri citra Corrosiuum inutilem esse adseri-
 mus, &c.

In Fragm. ad lib. de Grad. & Com-
 position. Fragm. 2. de præparatione &
 administratione remediorum: Quod au-
 tem ex Metallis est, id hæc via tractari de-
 bet, vt Metalla resoluantur in liquorem
 per Salina (puta Spiritus Salinos, qui cer-
 tē in rebus Corrodentibus numerantur)
 & vt in corporibus suis maneant, quia
 Corpus illorum Mercurius est, & est eo-
 rum vis. Quare non debet quæri modus
 quintæ Essentiæ extra corpus, sed corpus
 est idipsum.

Ex quibus textibus liquet, Paracelsum
 non tantum in solutione Metallorum
 menstruum Corrosiuum requirere, sed
 docere insuper, vt integra eorum cor-
 pora dissoluantur, neque separationi cu-
 iusquam ex iis essentiæ incumbatur: Vt
 dubium proin nullum sit, quin Philoso-
 phi in solutione quoque Auri men-
 struum tale putarint vsurpandum. Qui
 sic vbi forte videantur à suis præpara-
 tionibus Corrosiua amendare, tum se-
 cundum differentiam graduum Corrosi-
 uorum sunt intelligendi, & de Corrosiuis
 noxiis & vehementissimis: non de Cor-
 rosuiis medicinalibus & innoxiiis. Vt e.
 g. non de Sale, quem edimus quotidie,
 sed de Sale Cauteriali; non de spiritu
 Vitrioli simplici, sed de Aquâ forti; non
 de Aceto destillato, sed de Spiritu Ni-
 tri acutissimo: Quæ distinctio in hoc ne-
 gocio vt omnino necessaria est: ita dili-
 genter animaduertenda.

C A P. V.

Num aliquam utilitatem in præparatione Auri Chymia præstet?

POSTEAQUAM ostensum hæcenus est, Aurum in formam potabilem sine additione redigi non posse, quippe quod quoad substantiam suam immutabile sit, & in quouis examine Aurum maneat: si jam porrò quæras, num nihilominus Ars Spagirica id possit præparare, Medicinæ bono, Parata statim est responsio: videlicet, quando per Menstruum appropriatum soluitur, & in formam potabilem concinnatur Aurum, quod tum corpus aureum aperiatur, atque adeò de potentiâ in actum tractæ eius virtutes manifestentur multò herclè efficacius & potentius, quàm quum in simplice suâ formâ consistebat, ipsâ id experientiâ manifestissimo comprobante. Neque est, quod quis istos effectus ad solum soluens referat: quum nullum soluens in dissolutione Auri adhibitum, istos effectus seorsim & præcisè producere queat, quin potiùs statuendum est, ex vnione & permixtione Auri cum Spiritibus Soluentis, id medicamenti oriri, quod neque vt simplex Aurum, neque vt Soluens per se, sed veluti tertium quid, ex vtrisque inter se artificio mixtis, operetur. Declarabimus hoc exemplo Plumbi: quod ipsum in formam Magisterij beneficio Aceti distillati, reductum, non agit vt Plumbum solum, vel vt Acetum destillatum simplex: Sed vt res quædam ex duobus hisce commixta & combinata: in qua qualitates Plumbi minime obliteratæ & quasi consopitæ delitescant, sed manifestatæ & exaltatæ magis magisque vigeant. Plura quidem exempla non aggerimus, quum eam rem in Lib. suo de Magisteriis, qui sextus est Archidoxorù, satis superque explicatam dederit Para-

cellus: quo etiam Lectorem remittimus; Satis ex hisce, quæ attulimus, constare rati, quod Ars etiam si Aurum dispartiri nequeat, frustra tamen nequam sit in eius præparatione.

C A P. VI.

An Philosophi Hermetici, omnibus morbis solo Auro Potabili, exclusis aliis medicamentis, potuerint mederi?

SUNT hac tempestate Spagirici benè multi, qui affirmare non vereantur, Philosophos Hermeticos, solo Auro potabili omnes omnino morbos curare potuisse: Quibus tamen insignem illi injuriam faciunt. Legantur saltem scripta quatuor illorum per Europam celeberrimorum Philosophorum Hermeticorum, Arnoldi de Villanouvâ, Raymundi Lullij, Isaaci Hollandi & Theophrasti Paracelsi: patebit, quod Vomitoriis, Catharticis, Diaphoreticis, Diureticis, Anodynis, Somniferis, Stypticis, Alexitericis, aliisque quam plurimis Medicamentis, sed artificiosè præparatis, non minus tribuerint, quàm ipsi Auro potabili. Quod ipsum, aduersus eos, qui Aurum potabile pro vniuersali Medicina ab antiquis habitum putant, Achillei instar sit argumenti. Quod si namque id omnibus Indicationibus curatiuis satisfacere sciuisset, crudeles herclè fuissent tam in posteros, quibus legitimam ac veram descriptionem non reliquissent, quàm in discipulos suos iniqui, quos per tam facilem, securam, certam, & compendiosam curandi viam noluisset longè illius difficilis, intricatæ & periculossæ Methodi vulgaris onere subleuare. Veluti autem vtrumque de iis asserere inhumanum sit, indubitatò verum, illos neque per Aurum potabile omnium medicamentorum vices potuisse

supplerè, nèque proin eodem pro Panacea fuisse vfos.

PORISMATA.

*Quibus, quæ integro libro prolixè hæc
Etenus pertractauimus, summam
recolliguntur.*

I. In Anatomia Corporum, siue, quam formam eorum substantiæ consistant; siue, an ea ipsa Analysin sustineant; quæstio incidat: ad ipsam artem recurrendum est protinus, non vanis alicuius imaginationibus, nugis & phantasmatis superstitiosè inhærendum.

II. Quoniam Aurum ex substantiis, solidis, aridis, siccis, & compactis est compositum, frustra quis fuerit, in eruenda ex eo substantia potabili.

III. Quia substantiæ Auri à naturâ tam perfectè unitæ sunt, & combinatæ inuicem, vt nulla potentissimorum Corrosiuorum violentia dirimi ab inuicem possint: Admodum ridiculum sit, & vanitas proximum, velle, cum menstruo insipido, non corrosiuo, sed qualitibus Auri proportionato, vel Essentiam, vel Tincturam ex Auro extrahere.

IV. Quicumque vult in formam potabilem Aurum redigere; is per menstruum acre, Corrodens, id dissolvat, oportet absque quo sit, ac si Æthiopem dealbauerit.

V. Aurum in formam potabilem per menstruum conueniens reductum, non abiit realiter à suâ consistentiâ Metallica, sed hanc solummodo abscondidit, diffusum quippe ac per minima in subtilissimas atomos dispersum: quæ tamen ipsi coniungi & vniui utique possunt, Auro ad suam consistentiam metallicam reuertente. Ac siquidem in tali forma consistit aurum, rectius Magisterium

Aureum, quam vel Aurum Potabile, vel Essentia, vel Tinctura Auri, nuncupetur.

VI. Magisterium Auri ita accuratè præparatum, poterit esse loco egregij Bezardici, respectu Auri: tum primæ notæ Diaphoreticum respectu spirituum soluentis associatorum: At propterea pro Medicinâ Vniuersali haberi minimè debet, quum in morborum curatione aliis præterea quam plurimis Medicamentis peropus sit, nimirum pro causarum morborum varietate & exigentiâ, & Methodi Hippocraticæ Indicationibus curatiuis multiplicibus.

VII. Non est Auri Magisterium, quod non interdum tam nocere, quam iuuare possit, si eius manifestæ qualitates, dosis, rectusque vsus negligantur.

VIII. Quisquis Medicamentum in formam potabili aut salinâ præparatum, pro verâ, reali & simplici auri substantiâ vendit ac dispensat, is & Proximum fallit, & in artem spagiricam, vel per ignorantiam, vel per malitiam, insigniter est injurius, lucellique, quam propriæ conscientie amantior.

Atque hæc sunt, Beneuole Lector, quæ de Auro hoc libro scribere placuit, non sine aliquâ, credo utilitate tua. Quia enim, quid de Auro potabili statuendum sit, liquidò demonstrauerimus: poterunt jam Artis studiosi & cauere sibi ab imposturis aliorum, & tam sumptibus quam tempori deinceps, in re nihil, parcere. Quod si quis sit, qui materiam hanc melius, quam nos intelligere, & contrariui hisce, quæ attulimus, ostendere præsumat: edat, quæsumus, suæ transmarinæ sapientiæ specimen, ac non streperarum nugarum, non futilium phantasmatum larvâ personatus, sed euidetibus Artis exemplis & probis munitus in scenam prodeat contra nos; paratissimos τολμωδῶν, siquidem erroris sue

rimus conuicti. Tu vero, Beneuole Lector, in bonâ nostra voluntate acquiescas, rogamus: qui si in præsentiarum varias Auri præparationes non describamus: quippe quarum alij libri sint plenissimi: non omitemus tamen, primâ qua-

que occasione datâ, alia majoris momenti Secreta nostra in lucem emittere: publico, uti speramus, bono, cui nos nostraque omnia & addiximus hætenus, & deinceps semper sumus, cum Deo, addicuri.

F I N I S.



APHORISMORVM

CHYMIATRICORVM SYNOPSEOS.

SECTIO PRIMA.

Aphorismus I.



Ona omnia sui auctorem
conseruatoremque habent
Deum : quippe qui ens est
entium, fons solus & vni-
cus omnis boni, cui proin-
soli gloria gratesque aeternae debentur.

Aphorismus II.

Cuicumque in intima naturae secreta
sive arcana penetrare animus est, eum
oportet prae omnibus mentem rectam ad
Deum conuertere, & ab eo sapientiam
suppliciter petere. Is namque & creauit
naturam, & creatam consilio regit immu-
tabili : vnde liberrimam potestatem ha-
bet reuelandi effectus operum suorum,
cuicumque velit. id quod ex admiranda
eius prouidentia quotidie licet animad-
uertere.

Aphorismus III.

Quemadmodum luci aduersantur te-
nebrae, ita & veritati bellum indixit er-
ror. At verum ut tenebris opposita lux cla-
rius emicat : ita errorum obtentu veritas
illustrior fit, atque conspectior.

Aphorismus IV.

Sicuti interfruges bonas plantasque

vtiles, vberimus saepe est zizaniarum,
viticarum ac spinarum proventus : ita &
artes erroribus, imposturis, praepostero
denique hominum vsui sunt expositae.
Veruntamen quemadmodum propter
zizaniam a laboribus suis non deterre-
tur agricola : Ita neque vir sapiens ab er-
roribus, fraudibus, & abusu male feria-
torum transuersum se patitur rapi, ut il-
lorum causam artes bonas vel neglectui ha-
beat, vel contemptui.

Aphorismus V.

Quicumque medici verè rationalis no-
men mereri discipit, sepositis omnibus
affectibus, artis Chymicae cognitionem
sibi acquirat, tribus hisce rationibus
potissimum intentus. quarum prima est,
ut in rebus, quas cognoscit, bonum dis-
cernere sciat à malo. Altera, ut in occul-
tas illas inquirat, modo, terminisq; quos
Deus ipse praefiniuit. Tertia, ut malis re-
jectis, res bonas suspiciat, & quo quam-
que loco habere debeat, discat, neque
pluris eas minorisue aestimet, quam me-
reantur ipsae.

Aphorismus VI.

Chymia, non tantum ars est ^{practica}
sive effectrix, sed & insuper theoretica.
Etenim & modum tradit resoluendi in
sua principia vnumquodque mixtum, &
occultas naturae vires detegit, humanum-
que intellectum iucundissima mysterio-

ſum naturalium cognitionē exple, vnde fit, vt & acutiùs videat phyſicus & ſapienter ſuas firmare meliùs & munire ſciat.

Aphoriſmus VII.

Chymia, impura medicamenta deſecando, iſſque imbecilioribus vires aciendo, ſapore atque aſpectu inamabili præditiſ gratiam conciliando, non tantum decus atque vtilitati magnam parti medicinæ pharmaceuticæ confert; verùm etiam multis vtiliſſimis arcanis, quæque veteres dogmatici penitus ignotauerunt, medicinam locupletat.

Aphoriſmus VIII.

Chymia ſuas operationes omnēs duobus instrumentis aggreditur & perficit: quorum alterum ignis eſt, alterum ſolvens, quod menſtrum Chymici nominant. Horum beneficio illa verum à falſo, ac poſſibile diſcernit ab impoſſibili.

Aphoriſmus IX.

Vniuerſus Chymiaæ ambitus tribus principibus terminis, ad quos omnes eius actiones vnicè collineant, circumscribitur, quorum primus eſt, in ſuas partes eſſentiales vnumquodque corpus, quod diuidi hoc modo aptum natum eſt, diſtribuire, illas à ſe inuicem ſeparare, & ab omni ſuperfluitate vindicare. Secundus, eaſdem has ſubſtantias puriores, ſubtiliores ac efficaciores reddere. Tertius denique, corpora fixa, & ad diſſecandum inidonea, ope conuenientium menſtruum in formam magiſteriij vertere.

Aphoriſmus X.

Corpora omnia, in quæ ſuas operationes exercet Chymia, in tres quaſi claſſes commodè diſpeſcuntur, ſuntque aut vegetabilia, aut animalia, aut mineralia.

Aphoriſmus XI.

Eadem hæc corpora naturaliter ſunt compoſita ex tribus ſubſtantiis elementaribus, ſulphure videlicet, mercurio, & ſale.

Aphoriſmus XII.

Diſtæ ſubſtantia, forma, ponderē, conſiſtentia, proprietate, actione & virtute ſunt inter ſe diſpares, idque pro diſſerentia corporum, quanquam hæc omnia in potentia nihil ſunt aliud, quam ſulphura, mercurij, & ſalia.

Aphoriſmus XIII.

Calor omnis, quo quid caleſcieri, digeri, aut coqui poteſt, communi ignis nomine continetur, cui ſoli hos effectus præſtare competit, idque vel modo viaque naturali, vel interuentu alicujus materie, vt lignorum, olei, & quæ ſunt eius generis.

Aphoriſmus XIV.

Et ſi autem ignis, ratione diuerſorum graduum, effectuum etiam diuerſorum auctor exiſtit: nihilo tamen minùs ejus qualitates iſtis ſunt limitibus coërcitæ, vt frigidum quid aut humidum producere nequeat. Imò nec compoſitum quoddam, qui ſemper maneat calidus & ſiccus: quæ perpetua eius natura eſt, omnis mutationis experta. Ea propter neque ſupeditare alicui corpori humorem poteſt, quem nullum habet, neque rei ſuæ naturæ ſiccæ & aridæ formam dare liquidam & aquoſam, quantumvis multi ita falſo ſint perſuaſi.

Aphoriſmus XV.

Rēs, quæ in igne tractantur, omnēs

alterationem subeant, & de naturalis sui temperamenti statu quodammodo deiciantur, necesse est. Ac magis quidem si vel vehementissimum eum vel diutius sustinere cogantur: minus, si remissior fuerit, moraque in eo breuior.

Aphorismus XVI.

Quicumque liquores vim habent corpora fixa & densa attenuandi & dissoluendi, eos non injuriâ solventia quis vocauerit.

Aphorismus XVII.

Hos in tria genera rectè dispartimur, vt quidam eorum sint aquosi & insipidi: alij acuti & corrosiui: reliqui oleosi & sulphurei.

Aphorismus. XVIII.

Qui primo genere comprehenduntur, & reuera sūt insipidi, illi vegetabilia, substantiasque animalium, vel per decoctionem, vel infusionem, saccharum item & salia, quæ ipso actu sint salia, dissolvendi facultatem obtinent, vltra quos fines vires suas non exporrigunt. Nolim tamen hoc ita accipi, quasi omnia hæc solventia substantias sulphureas rerum, in quibus sulphur præualeat, elicere possint. Aquæ enim cum oleo, quod ipsum ignæ naturæ est, sympathia nulla vel affinitas intercedit.

Aphorismus XIX.

Solventia acuta recludunt & dissolunt corpora metallica & lapidea, vi corrosiua spirituum acrium, qui propter similem quandam ac homogeneam naturam, sal potentiale, quod in se reliquæ metallorum, lapidumque substantiæ vnité continent, dissolunt. Achuc dissoluto cum

corpore suo aquoso non secus atque oleum ceræ adhærescentes, transformant ea accidentaliter, vel in liquores, vel pulueres subtilissimos, vel sali similes substantias, plane ad arbitrium Chymici. Nec verò sine corrosiuo dissolvi metalla lapidesvè vilo pacto possunt.

Aphorismus XX.

Omnia metalla, markasitæ, lapides, conchylia, simul ac vel liquidam vel salinam formam sunt adepta, simplicia esse desinunt, vereque dici res compositæ mereantur, quandoquidem absque adjectione solventium in his formis neque consistere, neque persistere, diu possunt, vsque adeo, vt, si illis priuentur, has quoque pariratione deponant, & tanquam postliminio redeant ad consistentiam solidam priorem.

Aphorismus XXI.

Solventium alia in formam liquidam resolvunt mineralia: alia in pulverem subtilissimum ea præcipitant. Et, quæ solvunt vnum corpus, intactum sæpe relinquunt alterum. Quæ se sali associant, ab iis bona pax est Mercurio. Neque, quod huic amicum est, cum sulphure quoque conspirat. Qua de causa arbitramur, non dari in rebus naturalibus siue menstruum siue soluens, quod naturaliter & cōuenienter omnia corpora dissolvere, multò minus proprietates eorum naturales & facultates integras, in vna essentiâ conjunctas, extrahere queat.

Aphorismus XXII.

Quicumque fusus supra corpus minerale fixum vel lapideum liquor, id in formam liquidam solvendo, aut in pulverem subtilissimum præcipitando agitur atque efferuescit: is corrosiuus, quæ verè
ac rea-

ac realiter talia sint, merito accensetur. Atque hæc quidem non sunt eadem atque vniufmodi, sed tam solvendi potentia, quàm qualitatibus specificis mirum in modum inter se dissident. Alia enim corrosiva sunt de genere vegetabilium, alia ex substantiis animalium, alia ex mineralibus. Quædam naturalia, quædam naturalia atque artificialia simul: simplicia item & composita: horum est usus intra corpus humanum, illorum secus. Neque defunt, quæ, instar ignis, vsui sint, & quæ damno, habita nimirum ratione doseos & modi vtendi. Reperiuntur denique, quæ specificè sint venenosa.

Aphorismus XXIII.

Quicunque in liquore realiter insipido, nulliusque omnino acredinis participet, metallicum vel lapideum corpus solvere se posse jactitat, omniaque per aque corrosiva, posthabita distinctione & respectu eorum, quæ supra diximus, damnat; is aut crassam suam in arte ignorantiam, aut studium arcana occultandi, aut denique strenuum se impostorem eo ipso euidenter progit, qui in gratiam eorum, qui corrosiva sine ratione detestantur ac extremè execrantur, tale quid committitur.

Aphorismus XXIV.

Omnes spiritus acidi possunt in formam scissilem condensari, coagulari ac in pulverem verti, eorum quinetiam quidam ita fixari, vt examen vehementissimi etiam ignis sustinere valeant, vt vel hinc, cuius illi sint naturæ, & ex quam substantia compositi, satis superque colligere liceat sapientibus.

Aphorismus XXV.

Solventibus sulphureis siue oleosis &
Ang. Sale.

combustilibus nulla est cum metallis & lapidibus conuenientia; etiam siquidam chymicorum in spiritu terebinthinæ, aut aliis oleis stillatitiis, modo non minus ridiculo, quàm à principiis veræ artis alieno, hæc & solvere, & tincturis suis exuere posse, splendide glorientur.

Aphorismus XXVI.

Aqua vitæ rectificata, & ab omni aquositate liberata, quam spiritum vini vulgò vocant, est liquor sulphureus, multum subtilis, diaphanus, naturæque cælestis inter omnia alia sulphura. Is vtut possit substantias lignosas atque resinosas dissolvere: sal tamen & saccharum sunt eius potestati exempta: atque idcirco multo etiam magis metalla, nisi imbuta prius atque imprægnata sint humore quopiam corrosiuo. Experiatur quisvis, quos velit, modos, siue ij in oculos incurrant, siue minùs, & vera hæc esse cognoscet.

Aphorismus XXVII.

Acetum destillatum, quando supra corpus quoddam lapideum non fixum coralla, perlas, oculos cancri, ferrum item, stannum & plumbum fufum est, spiritus ejus acidus separatur, atque se his corporibus affricat, &, si iterum ab iis abstrahitur, mutatur pars ejus in spiritum, instar spiritus vini, ardentem, quem spiritum stanni, plumbi &c. ardentem appellare Chymicis solenne est, quum tamen ipsissimus sit spiritus aceti, hunc in modum alteratus.

Aphorismus XXVIII.

Sunt liquorum quidam, qui insuffi supra corpora quædam mineralia rubri euadant, aut aliter colorentur, id quod accidentaliter iis obtingit, non quod tin-

Eturam quādam ex corporibus his ad-
grahant.

Aphorismus XXIX.

Aquas tam vegetabilium, quam ani-
malium, si rectē se habere debent, neces-
se est prauia conueniente digestione, &
sine aquæ additione destillari, adque tem-
pus circulari. Alioquin minoris erunt ef-
ficaciæ temporisque injuriis magis obno-
xiæ. Ac notatu dignum est, partem ea-
rum, quæ primū prodit, bonitate reli-
quis præcellere.

Aphorismus XXX.

Quædam sulphura sunt aded subtilia
& volatilia, vt, additâ aquâ saluo natiuo
odore & sapore à corporibus suis separari
possint: è contrario quædam ita crassæ;
terrestria, & ponderosa, vt sine empyreu-
matis notâ non destillentur: vnde pessim-
um sape retinent odorem, qui nequa-
quam est perfectē emendabilis.

Aphorismus XXXI.

Substantiæ sulphureæ, resinosa, atque
oleosa, siue vegetabiles, siue animales in
tria diuersa olea per destillationem diui-
duntur: quorum primum leue, & subti-
lissimum quam proximē à natura aëris
abest: alterum crassius est & tinctum: vl-
timum viscosum, rubrum, ponderosum,
vim exsiccandi habens, quàm cætera,
majorem.

Aphorismus XXXII.

Benzoinum gummi est odoratum, &
sulphureum in modum resinæ combusti-
le; ex eo flores aridi, iterumque instar re-
sinæ fusiles per sublimationem conficiun-
tur. Magna est nullibi non chartarum
Chymicarum copia, quæ modos illud de-

stillandi, toto, vt dicitur, hortēo nobis ad-
metiantur. Quorum tamen omnium vi
compulsū discerptumque Benzoinum,
ne guttulā quidem veri gratique odoris
olei per se reddet, & quicquid hoc nomi-
ne venditatum hætenus est, tametsi odo-
rem Benzoini mentitur, nihil tamen
aliud, quàm latibulum quoddam est, sub
quo Benzoinum alienis liquoribus adul-
teratum occultitur.

Aphorismus XXXIII.

Salia vegetabilium possunt à propriis
suis succis sine calcinatione separari. In-
terim tamen, quæ ex cineribus in propria
sua aqua instar granulorum coagulatis,
& à residua siue parte causticā quam
combustioni vel calcinationi debent, se-
paratis, extrahuntur, Illa Salibus succo-
rum, splendore, siccitate, saporis bonita-
te & virtutibus ne latum quidem, vt
aiunt, vnguem cedunt. At, quæ obscura
sunt, vrinam odore, sapore calcem refe-
runt, linguam corrodunt, instarque tar-
tari calcinati in aëre colliquantur; ea &
minus valent, & plus nocent reliquis.

Aphorismus XXXIV.

Sanguis, caro atque ossa animalium;
præter sal fixum, quod sali vegetabilium
simile est, insuper & volatile quidpiam,
quemadmodum & succinum, possident.

Aphorismus XXXV.

Calidi & humidi debita quæ digestio-
nis beneficio, salia quædam fixa, volatilia
reddi possunt, ac apta vt sublimentur.

Aphorismus XXXVI.

Tartarum hypostasis, siue sedimen-
tum vini est, & si ratio habeatur eius,
quod in ipso prædominatur, sal quod-

dam v̄getabile, mixtum terræ cuidam subtilissimæ, seu parti lutosæ, quam fructificationis tempore vitis ad se allicuit, largius nimirum vel parcius, pro diuersitate soli, in quo eadem educatur. Manifestum namque vsu venit, quod sint vina, quæ plus minusve Tartari, quam alia, contineant, & consimiliter vnum Tartarum magis lucidum, granulofum, salinumque sit altero. Ipsum hoc, quem tradimus, modo compositum esse, reapse deprehendet, quisquis ad depurationem eius oculos conuertit. Nam per hanc secretâ illa parte feculentâ, lucidum euadit tartarum, instatque salis crystallinum. Neque tamen idem purum est merumque sal, quemadmodum sunt salia per medium calcinationis à vegetabilibus separata, sed alias adhuc in se substantias complectitur, quod duabus potissimum rationibus palam fit. Nam neque in aqua frigida, vt alia salia, liquatur vel dissolvitur: & si igni submitatur, aqua vnâ cum oleo exibat, ac ex calce in fundo residuâ sal parabis, album, & facultatis admodum corrodentis. Hoc humiditatem aëris in loco humido ad se pertrahendo, in liquorem detergentem vnctuosumque resoluitur, quæ eius natura quibusdam imposuit, vt oleum id tartari appellarent, quum tamen nihil aliud sit, quam sal tartari resolutum. Dixi suprâ, pro diuersitate terræ, diuersas quoque in tartaro crudo qualitates reperiri: addo, non raro etiam peruersas. Quapropter censendum est non propter abundantiam tantum tartari, sed & alias hujus perniciosas qualitates, vini vsum corporibus sæpe damnosum esse: ex quo varios morbos, variis in locis, in homines inuadere, etiam experientia perhibet. Tartarum est quoddam quasi vini fermentum & Sal ipsius prædictum qualitate terrestri & spongiosâ, cuius beneficio spiritus acres ab omnibus omnino liquoribus auocat ac imbibit, cumque iis penitissimè se vnit. Atque hac de causa appro-

priatum est instrumentum, metalla aliaque corpora fixa, à liquore, in quo soluta sunt, modo jam commemorato, liberandi, vt in formâ pulveris subtilissimi in fundo subsidant. Mercurio hostiliter est inimicum: qui chymicè fixatus, inque formam pulveris aut aliam quampiam redactus, vt vt fortissimum etiam ignem ferat, si tamen cum sale hoc misceatur, Vulcanoque denuò subiiciatur, in formam derepente pristinam rediuiuus proficiet.

Aphorismus XXXVII.

Quemadmodum sal princeps corporum, basis est & balsamus: ita & Chymia in nobilissimorum & preciosorum medicamentorum præparatione, si quid aliud, vtilissimè intersit. Aduertendum est; suam cuique sali esse proprietatem, quæ ad illius differentiam quoque euariet. Sali, non ignis vehementia, non multæ magnæque sufflationes, neque etiam instrumentorum varietates suum balsamum extorquent: sed artificis dexteritas temporisque non interrupta continuatio cœlestem illum spiritum de potentia in actum deducunt, vt, per inuisibilem transitum, in gremium adamatæ sibi nymphæ se insinuet.

Aphorismus XXXVIII.

Sal Armoniacum, quo vti Chymia consuevit, duabus partibus est compactum, sale videlicet volatili, quod in fuligine lignorum, sanguine item, atque vrinis animalium reperitur; & sale communi. Id quod euidenter apparebit, si partem salis volatilis cum debita spiritus salis communis quantitate ad artis præscriptum misceas: sal inde Armoniacum, ejusdè cum sale Armoniaco vulgari qualitatis consciens. Quoniam ergo sal Armoniacum ex duabus tam acutis, subtili-

bus & pēnētrabilibus substantiis conflatur, mirum non est, spiritum nitri, aliasq; aquas fortes ita ab eo exacui, vt aurum in liquorem transparentem, veluti experientiā constat, resoluant. Idem sal cum metallis ac markasitis commixtum partem eorum in forma subtilissimā fuliginis secum in alembicum euehit: Liquor ex illo destillari nullus potest, sed semper in sua consistentia sicca in altum exsilit, nisi forte extraneus quidam liquor ipsi accedat.

Aphorismus XXXIX.

Non est sal, in quo plus mysteriorum, quā in nitro natura recondiderit. Ipso ortu est mirabile. Nam, praterquam quod ex proprio suo ente, vt alia salia, crescat, insuper etiam ex vrina animalium, quā in bonam quandam atque vmbrosam terram continuō cadit, procreatur: atque hoc bonitate & viribus differt, vt ipsa animalia. Evulso semel ex terra nitro, restibile manet semen, siue materia quādam generans, ex quā communibus elementis innutritā, id renascitur atque augetur, vt ad tempus debitum vicissim possit inde erui. Ab externis recrementis & sordibus depuratum, Alabastri instar splendescit. In omnis generis figuras transformatur, easque non minùs nitidas & puras, quā si ex albißima cera forent. In laminas ductum tenuissimas, vt metallum, tinnit: dissolutumque postea in conueniente aquā quantitate redit in lapillos. Foris signaturam aquæ, & qualitatem quandā glaciei instar frigidam præ se fert, quantumvis linguam acriter feriat & mordicet: intus verò ad igneam naturam penitus concedit, atque idcirco, quando destillatur, spiritus eius exesuat, atq; in modum flammæ penetrat in subiectum vas, facitque inibi reflexionem, qualem Sol, quando vesperi ad occasum properans rubicundissimo colore cælum

inscit. Ardet hic in potentia, vt ignis; dissoluitque metalla, vel in pulueres subtilissimos vel liquores transparentes, id quod ipsi etiam igni negatum est, ac quod magis, vim nullam formæ illorum essentiali infert. Mercurij fluxilitatem ad certum vsque gradum cohibet, atque vt huius consortio, nobile quoddam, efficax, ac tutissimum diaphoreticum producit, ita aliis corporibus iuncto, illi alij sunt effectus accepti referendi. Idem ille spiritus addito metallo fixo, formam Nitri vicissim indeit, atque in igne reuera ardet, & viceversa ita fixatur, vt ad vehementissimi etiam ignis insultus integer obduret. Tam multis, tamque præclaris, iisque beneficio Chymia manifestatis arcanis dotatum est nitrum, vt vnicuique in rerum natura, Sali, Mercurio, sulphuri, hoc nomine palmam, si non præripiat, ambiguum profecto faciat.

Aphorismus XL.

Corallia, Perlae, oculi cancri, mater Perlarum, omniaque conchylija, & alia similia corpora, quæ medix sunt inter ossa & lapides naturæ, marina, aut in aliis aquis nascentia, aquam in se, oleumque combustibile, licet non tam copiosum, quā ligna, continent. Horum cinis conformis est calci lapidum, ex quo, quod vegetabilium salibus simile sit, sal extrahi nullum potest. Tantum substantia est terrestrior, gustui, vt calx, apparens: non facile soluitur: neque, vt alia salia solent, in granula compingitur. Corallo hos perlasque cum spiritu aceti in forma salina præparatas, chymicorum bona pars, sal corallorum perlarumve vocat, quum tamen realiter sint corpora integra soluta, beneficio spiritus aceti adhaerescents in tali formā subsistentia. Et, quum dicunt permultas cum aqua destillata euaporationes dictos spiritus exhalare, sic vt à corporibus his acrimonia omnis exulet,

crassissimum errorem committunt, quem, si gustum tantummodo suum, libram, ignemve consulant, facili negotio ipsi met sint agnituri.

Aphorismus XLI.

Dē corallis & perlis nullam substantiam separat aut educit vel spiritus acceti, vel alia soluentia: sed corpora eorum interius permeando dissoluunt. Aliud autem est dissolvere, aliud separare.

Aphorismus XLII.

Dē Corallis non potest extrahi tinctura, quæ realis ac sincera sit subsistens in seipsa, quemadmodum verbi gratiâ sunt tinctura rosarum, croci, &c. quæ reuerâ à corporibus suis separantur, ut neque tincturæ, neque qualitatium principum, quas possidebant, in his quicquam remaneat. Occlamitet huic aphorismo, quicumque voluerit: integra semper illi sua constabit veritas, neque vlllo contrario exemplo poterit conuelli.

Aphorismus XLIII.

De lapidibus preciosis non potest separari tinctura, liquor, aut sal. Qui eos in vehementissimo igne cum sulphure, nitro, aut aliis salibus stratificatos calcinant, & postmodum eorum substantias separare, vel in liquorem reducere satagunt, duobus modis turpiter hallucinantur. Primò enim calcinatione hac omnem iis tincturam adimunt, & temperamentum naturale alterando proprietates illorum specificas deprædantur. Id quod magnete videre est, qui calcinatus virtutem attractiuam omnino deperdit. Secundò ex illis hoc modo calcinatis extrahunt aut dissoluunt partem salis extranei, quod corpora, cum quibus calcinati sunt, illis appegerunt, quodque tam acu-

tum est, tamque corrodens, ac calcinatum Tartarum. Atque illud demum est, quod olei, salis, essentia lapidum preciosorum nomine magnificè insigniunt. Quod tamen non magis ipsi competit, quam verisimile est, rem suâ naturâ atque intrinsicè insipidam sal habere corrosiuum. Par eorum error est, qui ex crystallis oleum extrahere annuntiantur.

Aphorismus XLIV.

Talcum album est minerale, formam habens lapidis, squamosum, lucidum resplendens, ut perla: gustui insipidum occurrit, tactui molle atque vinctuosum, odoris expers est, ponderosum: in igne permanet incombustibile, destillatum, non plus liquoris, quam aurum emittit; non dissolvitur in spiritu aceti, succo citri, spiritu vitrioli, sulphuris, nitri, aqua fortis, regia, multò etiam minus in insipida. Non desunt tamen, qui se ex illo liquorem temperatissimum extrahere posse arroganter perhibeant, qui cum bellam foeminarum faciem illibatam conseruet, tum etiam rugis obstam, aliisque vitiis, dedecoratam emendet. Verum in felicem eorum errorem successus optati frustratio satis coarguit. Ridiculum certè est, talcum eos in fornace vitrificatoria, aliisque vehementissimis ignibus, quam maximè possunt, calcinare, & nihilominus ab eo liquorem sollicitare, quem, etiam cum crudum erat, negabat. Nonne rationi est consentaneum, quem ante calcinationem obtinere ab eo non possunt, liquorem, eundem, illa peracta nunquam datum iri?

Aphorismus XLV.

Vitriolum compositum quiddam est, quod inimis terræ visceribus accidentaliter ex fortuito cohasu trium substantiarum spiritus nimirum sulphuris mine-

ralis, aquæ communis, & ferri siue cupri, cum superfluitate ex illorum minerâ, generatur, quod ad oculum eius monstrabit diffectio, quam nos peculiari tractatu, anatomia vitrioli dicto, perspicue tradidimus. In illo non est vel sulphur, vel alumen actuale, quod oculariter demonstrari possit, ipsum etiam alumen ex concursu aquæ, spiritus sulphuris, corporisque lapidei coaluit, quorum hoc efficit, vt forma, colore, & gustu à vitriolo differat. Sed neque sal est, neque rectè in salibus numeratur vitriolum. Substantia, quæ ex eo ad colorem, purpureum reuerberato extrahitur, non est propriè sal, sed spiritus sulphuris coagulatus, qui beneficis Vulcani, à residentia mineræ vitrioli maximam partem secretus, in forma salis cum aqua separatur, eaque, si destilletur, præter pauculum tantum residentie mineralis, tota abicit in spiritus. A vitriolo nequit separari substantia, quæ de natura sua sine additione aut artificio extrinsecus accedente somnum prouocare, sopire dolores, omnesque ardores internos extinguere, vel aliorum nobilium anodynorum vegetabilium loco esse possit. Puluis iste sub viridis vel flauus, quem chymici quidem, mediantè præcipitatione, vel attractione per laminas ferri facta separant, non est sulphur, sed pars mineralis & fixa vitrioli, cui nomen sulphuris vitrioli anodyninequaquam debetur. Spiritus vitrioli acidus, siue primus ille subtilis, siue ultimus, oleum vitrioli dictus, sine additione non potest edo adigi, vt acrimoniam suam & facultatem corrodentem, soluentemque cum dulci & saccharino sapore commutet, & si id fieri posset, proprietates tamen alias vnâ accerferet. Quum dubio procul res dulcis per proprietatem acidam, & vice versa operari nequeat. Qui in hoc laborant, ij animo suo vanis speculationib. dedito, magis velificantur, quam vt arcanorum vir-

tutes, certis suis finibus à Deo destinatas, in gradum suæ perfectionis eminentiorem euehere contendant. A vitriolo viridis quidam liquor abstrahitur, quæ tamen viriditas non est ipsi spiritualiter atq; in diuisu, vt aqua alteri aquæ, permixta; potius accidentalis quædam res & subtilissima fuligo cuprea, ab eo vicissim separabilis, sic vt liquor is clarus limpidusve euadere possit. Idque per hanc irrefragabilem maximam, quod nihil sit in vitriolo, aquam ipsius aut liquorem tingens, quàm cuprum.

Aphorismus XLVI.

Quanquam sulphur minerale ad ignem quemadmodum resina dissoluitur, & ob suam vnctuositatem etiam comburitur: interim tamen non est artifex, qui ex illo per destillationem oleum separare possit, aut, si id tentet, nihil aliud in alembico suo vel recipiente inueniet, quàm puram putumq; sulphur. Nec verò etiam acida illa substantia, quæ per combustionem ab eo separatur, oleum est, sed sal ejus fuliginosus, qui fumi ad instar in aërem ascendit, meritoque attractæ ab illo humiditatis dissoluitur in liquorem, Cui, cum neque combustilis sit, neque igni materiali minùs, quàm aquæ contrarius, non rectè olei nomen vulgus imposuit.

Aphorismus XLVII.

Antimonium, minerale est, compositum in natura ex sulphure combustili, Mercurio metallico fusili & fuliginoso, & sale quodam vitrificante: non est in eo tinctura substantialis, ab his substantiis distincta; sed varios, quos induere potest, colores igni potissimum debet: non aliter, quam quum eo Mercurio, sale & sulphure minerali inuicem mixtis, ac concorporatis, puluerem rubicundissimum, cinnabrium dictum, conficimus.

Quod ipsum tamen non obstat, quin iterum se jungi possunt, ac Mercurius in pristinam suam formam prorumpere. Non itaque separari à corpore potest, quod in eo nullum est, neque eadem sunt separare colorem, & artificialiter colorare. Cætera neque liquorem in se habet antimonium, nisi accidentaliter, comburendo nimirum sulphur illud combustile, in certis instrumentis destillatoriiis aërem attrahere aptis. Tum namque falsa illa fuligo in liquorem dissolvitur, nō alio modo, quàm de sulphure simplici supra dictum est. Sunt hodieque subtilia quædam ingenia, quæ dejectorium illud reddere conantur, ita ut more quorundam benignorum catharticorum vegetabilium hunc in finem à Deo præcipue productorum, benigne, securè, & sine omni malæ alterationis periculo, semper atque in omnibus corporibus, humores purgandos per inferiora tantum deducat. Verum omnes isti processus, quos hanc in rem hætenus scripserunt, si cum proprietatib. simplicissimorum etiam purgantium rosæ ac senæ comparentur, in nullo vel loco vel precio poterunt consistere.

Aphorismus XLVIII.

Mercurius mineralis siue argentum vivum, substantiæ est inter res naturales maxime admirabilis. Extra, aeri atque aquæ assimilatur, intra, ignem terramque refert. Equidem compositum quiddam est, nihilominus tamen in destillatione tam se heterogeneum, quàm aqua, exhibet, neque ars eum vel dissecare, vel diuersas ab eo substantias separare valet. Potest quidem sub variis formis delitescere, & diuersarum facultatum medicamenta ex illo confieri: at hoc nō impedit, quin primam suā formam repetere semper possit. Chymici certe, qui eum fixum reddere adlaborarunt, quum se in hoc

frustra esse animaduertent, nomen serui fugitiui appositè ipsi indidere.

Aphorismus XLIX.

Plumbum non habet in se sal, quòd actualiter, quoad colorem, gustum & qualitatem sal sit, sed sal quoddam vitrificans, multo verò minùs saccharum in eo reperire est. Vnde forma hæc plumbi præparati, quam sal aut saccharum Saturni vocant, nihil aliud est, quàm plumbū, mediante aceto destillato dissolutum, ac in talem formam adductum, ex qua mixtione sapor hic nascitur, saluo interim plumbo, quod intra spaciū quadrantis horæ reduci integrum potest. Par est de similibus, stanni, ferri, chalybis & cupri præparationibus iudicium.

Aphorismus L.

Ex argento non potest extrahi tincturæ cærulea, sed alicujus additionis interuentu in puluerem cæruleum vertitur, à quo argentum semper repeti potest. Omne etiam vitriolum, sal, aut crystalli argenti, res sunt compositæ, quæ ab hoc simpliciter non procedunt.

Aphorismus LI.

Ab Auro non potest segregari substantia quædam potabilis, sed quomodo-cunque præparetur, redire denuò in aurum. Huius assertionis inconcussam veritatem, uti & auri utilitates, modumque, quo chymicè id præparatur, plene planeque demonstrabit tractatus noster, qui sub chrysiologia nomine lucem prope diem videbit.

APHORISMORVM CHYMIATRICORVM

synopses.

SECTIO SECVNDA.

VNniuersum genus humanum, propter transgressionem primi nostri parentis Adami, variis atque innumeris miseris ac afflictionibus, morti denique ipsi est expositum. Miseriarum principes sunt, nuditas, fames, sitis, frigus, calor, morbi, &c. Quorum his potissimum præ aliis Deus opt. max. tanquam virgis vititur, quibus in homines tam vniuersum quam particulatim seuerè animaduertit, quibusque maximam eorum partem enecat & perimit. Atque id quidem non sacra tantum scriptura testatur, sed & longa temporum observatione ita comprobatur est, vt, qui id inficias ire ausit, eorum, qui Christiani sint, & sapiant, futurum putem neminem.

Aphorismus II.

Quando quidem ergo morborum omnium, mortisque ipsius origo prima à peccato est, constitutumque perimmutabile & ineluctabile Dei decretum (præter cuius voluntatem ne folium quidem ex arbore decidit) vt hæc in homines grassentur, eosque non meritò solum primigeniæ & nativæ corruptelæ, sed & quotidianorum peccatorum causâ, ad finem vsque mundi, variis modis afficiant: necessum est, vanæ suæ atque stultæ opinionis oppidò fallantur, quicumque ordinem hunc Dei per rem quandam naturalem interpellari, ac citra illius voluntatem sanitatem humanam fartam testam conferuari, protrahi denique vitam ipsam posse, existimant.

Aphorismus III.

Pendant itaque, tam sanitas & vita, quàm mors morbi que non à natura sed à sola atque vnica voluntate & arbitrio Dei: Iobò etiam teste, quando inquit: Ipse Deus vulnerat & medetur; percutit & manus eius sanabunt. Et Amos dicit: Non est malum incivitate, quod Dominus nõ fecerit. Atque hac inevitabili necessitate comparatum est, vt & patiatur homo, & moriatur postmodum. Vnde consequens est, quod medicamenta, quæ nihil aliud sunt, quàm mediâ naturalia, morbis, non secus ac fami cibus, potusque siti opposita, non possint magis vel sanitatem conservare, vel sanare ægitudines, quàm beneplacitum benedictioque diuina illis permittunt. Non alia profectò ratione, quàm de cibo dicit scriptura: quòd homo non viuat de pane solo, sed de verbo, quod exit ex ore Dei.

Aphorismus IV.

Hac de causa morborum alij sunt curabiles, & breues, alij curabiles & longiorum, qui curationem respuunt, quidam diuturni, qui non nisi cum vita ipsa ab homine recedunt: quidam acuti, qui non ita multis diebus, maximam partem eorum, quos adorti fuerint, conficiunt: quidam acutissimi, qui homines vel de subito, vel paucis horis, longoque ante tempore, quam iis possit medicamentis succurri, è medio tollunt.

Aphorismus V.

Ex quo illud conficitur, officium medicum his quasi finibus terminari, vt vide licet aut morbos, qui curationem admittunt, quàm potest, citò, tum & jucundè, ad præscriptum regularum canonumque medicinalium curet: aut incurabiles diutur-

diuturnosquē palliet, ac ex parte leuet : semper denique pio suo & bono consilio præsto sit, ad supremam benedictionem, quicquid agit, referendo.

Aphorismus VI.

Atque hæc licet ita sese habeant, nihil tamen obstat, quin res naturales certis sint ordinibus gradibusque distinctæ, ac medicamenta bonitate & præstantia, tam ab insita virtute, quam modo præparandi profectâ inuicem se excedant. Certum namque est, quemadmodum mustum turbidum impurumque longè est infra vinum: ac, vt panis ex pura farina confectus beneque coctus granum crudum exsuperat: ita consimiliter medicamentum subtile, purum, beneque præparatum, ei, quod minùs tale est, meritò venire anteponendum. Etenim in pura & spiritali rerum substantiâ, propriisquæ earundem elementis, non in terrestri illo corporis crassamento, impuritatibus multis & superfluitatibus referto, vis medicatrix relidet. Per quam rationem colligitur, medicamenta chymica in vniuersum, omnia, puritate, subtilitate, penetrantia, ac proin quoque efficacità, longè esse supra vulgarium, quæ crassè præparantur conditionem. In his enim purum cum impuro permiscetur, ac per longam decoctionem pars subtilis in auras subuolat, denique, quod reliquum est, prauam quandam, à vasis cupreis, in quibus coquitur, qualitatem sortitur.

Aphorismus VII.

Medicamenta illa generalia, siuè quomodocunque ea quis appellare velit, quibus tanquam basibus, pars medicinæ pharmaceutica vniuersa innititur, qualia sunt Vomitoria, Catartica, Sudorifera, Diuretica, Cordialia, Alexiteria & Anodyna, si diligentissimè secundum ordi-

Ang. Sala.

nem artis chymicæ præparentur, tum in curandis morbis sanabilibus, quam insanabilibus palliandis, operationes suas multò promptius feliciterque, quam medicamenta ordinaria, perficiunt. Quia etiam in morbis desperatis, aque vbi de ægri salute ferè conclamatum est, præcipuè verò in acutis, malignam horum subtilissimamque materiam peccantem edomando, naturæque ad hos expellendum suppetias ferendo, præsentiori sunt, quam hæc, auxilio. Eodem sanè modo, quo, de scripturæ etiam testimonio, vinum subtile & fragrans calorem nativum conservat & cor reficit, multò, quam aqua communis, efficacius. Nolo hinc quicquam derogare Medicis illis, qui chymicæ cognitione destituti, aliis medicamentis vt coguntur: potius eos, vt chymicæ operam dent, seriò velim, commonitos. Sed neque animus est ab usu medico excludere particularia medicamenta, in quacunque forma existant, quam vel necessitas, vel longo usu experientia commonstrata eorum virtus requisierit.

Aphorismus VIII.

Sicut morbi à variis diuersisque causis oriuntur: ita in eorundem curatione, quemadmodum suprâ quoque dictum est, diuersa adhibeantur medicamenta, oportet. Naturam quippe ipsam videmus, non per vnum emunctorium, degenerem in corpore humano materiam, corruptosque humores exturbare. Qui se medicinam vniuersalem, omnium omnino morborum, tam curabilium, quam incurabilium domitricem possidere prostentur, neque re ipsa & effectis hanc comprobant, ij & ingrati sunt in Deum, & in proximum insigniter crudeles. Hoc agere debebant isti nugiendi, si tam diuinum ipsis donum esset concessum, vt clarissima eorum in ægros exstarent merita.

Ff

nomenque opèrùm & curationum magnitudine inclaresceret, quod editis, de re, quam nullam habent, libris conspicium reddere frustra affectant. Nam quemadmodum militem bonum iudicamus, qui arma bene tractare nouerit: ita & Medici præstantia omnis ex curationibus elucet.

Aphorismus I X.

Omnia medicamenta, siue simplicia, siue composita, generalia vel particularia, quomocunque præparata, cum ratione, modoque principiis Hippocraticis consentaneo, vsurpanda sunt. Neque enim in quatuor istis matricibus siue elementis reperitur, neque artis beneficio fieri potest substantia tam temperata, quæ non offendere naturam possit, si temere & sine accurato iudicio eam quis utatur.

Aphorismus X.

Quandocunque Chymicus corpus diuidit, atque ex eo substantias separat, unam etiam proprietates à naturali compositione proficiscentes diuidit & separat. Vnde, quisquis has integras seruare velit, illas etiam ab se inuicem non diuelat necesse est.

Aphorismus XI.

Aquæ simplices vegetabilium destillatæ, non habent in se qualitatem prædominantem virtutesque corporum, à quibus eliciuntur. Albæ enim quum existant & insipidæ, faciliè dispicitur, quodd sulphure sint & sale destitutæ, quæ tum proprium sunt virtutum principum domicilium, tum colorem mixtis, saporemque contribuant. Tametsi autem sint aquæ, quæ odorem corporum suorum referant, ut sunt aquæ rosarum, majoranæ, rorismarini, lauendulæ, origani &

aliæ: multum tamen illis deest eorum, quibus integra perfecta que corporum essentia completur. Tantum sulphur subtilissimum, oleum uero volatile, quo vegetabilia hæc prædita sunt, secum auerunt, tincturam aliisque substantiis post se relictis. Atque idcirco non quasi integrorum, à quibus eductæ sunt corporum virtutes exæquent, sed effectuum, qui per certam experientiam innotuerunt, habita ratione, vsurpari debent. Inferuiunt medicinæ potissimum pro vehiculis, ut, ad præparandum alia medicamenta, ut, decocta, infusiones, extracta.

Aphorismus XII.

Olea omnium vegetabilium siue herbarum sint, siue seminum, radicum, aut aromatum, &c. per vesicam aut alio modo destillata, quæ proprium suorum corporum odorem saporemque habent, sunt multo, quam à olea per expressionem aut infusionem, calidiora, subtiliora & penetrantiora. Administraturus ea internè, omnium primò & maxime de dosi sollicitus esse debet, quum ab una gutta olei cinnamomi, perperam sumpta, vehementius, quam à drachma integra pulveris eiusdem, inflammetur corpus & incalescat. Deinde de vehiculo conueniente sibi prospiciat, non solum, ut calorem eorum immodicum attemperet, sed & vim penetrandi nimiam infringat omniaque ad differentiam oleorum ipsorum moderetur, quorum non una omnium est penetrantia, calor, asperdo, & subtilitas, quæ singula odoratu & gustu facile est dignoscere. Eandem etiam cautelam animaduertendum est in usu externo, ut scilicet appropriato vehiculo unguentoso permisceantur, ne nimio opere vel exalfaciant, vel incident, vel inflamment, vel cutem etiam excoriant: id quod quibusdam usu venit.

Aphorismus XIII.

Olea omnia vegetabilium terrestria, ponderosa, tenacia & resinosa, quæ per ebullitionem à corporibus suis non separantur, neque instar oleorū suprà commemoratorum in altum eleuantur, quum sine corporum suorum combustione destillari nequeant, empyreuma semper redolent, quocunque etiam modo rectificentur: id quod manifestum est, in ligno juniperino, buxo, guajaco, ebena & aliis. Vfus horum oleorum tantummodo externus sit, quum internè sumpta stomachum offendant, aggrauentque cerebrum, Quod si quis internum quoque harum resinarum vsum affectet, is per spiritum vini in formam extracti eas redigat. Retinebunt hoc modo odorem saporemque, ac in forma pilularum, vel simplicium, vel aliorum medicamentorum admixtu compositorum, tutissimè poterunt internè adhiberi.

Aphorismus XIV.

Oleum succini, quod per retortam lento igne in arena, summa cum accuracione destillatur, vsurpari intus potest. Qui destillationem eius reiterant, vt id clarificent, quum hoc modo calidius plus justo & acutius fiat, neque vsui interno conueniat, in re inutili & superuacanea, nimis videtur curiosi. Quod maiore ignis vehementia propellitur oleum, eius est in accidentibus externis vsus, idem de aliis etiam affinium corporum omniumque adeo gummatum ac resinarum oleis intelligendum est.

Aphorismus XV.

Tria sunt præcè olea, multum calèfacientia, penetrantia, ac detergentia, quæ per artem Chymicam bono chirur-

gico coniunt: oleum de lateribus phosphorum dictum, petroleum rectificatum, oleum Saponis Veneti vel Hispanici. Sunt hæc ad resolvendum & tollendum contusiones corporis, partesque laborantes à corruptela defendendum insignis efficacia, & si dextrè vsurpentur, effectuum præstantia, omnibus tantum non oleis antestant, quam longissimè.

Aphorismus XXI.

Olea ex axungii & pinguedinibus animalium, ipsis axungii sunt calidiora & penetrabiliora, aliisque insuper, quam hæc, qualitatibus pollent. Ideo ipsarum potius substantiarum, quam oleorum vsus sit, omnique cura prouideatur, beneque colatæ & depuratæ, in vasis plumbeis, ne rancescant, adseruentur.

Aphorismus XVII.

Oleum cranij humani est multum calidum, facultatis detergentis, empyreuma grauiter redolens. Qui id in epilepsia exhibent, vana potius opinione, quam certa immotaque ratione impelluntur. Cranium quidem ipsum qualitatis est siccatæ ac frigida, habetque in se vim conglutinandi, ratione cujus subtiles istos acres spiritus, qui sua mordacitate cerebrum vellicando & compungendo paroxysmos epilepticos causantur, condensat ac repellit: id verò de oleo nequaquam affirmari potest. Vnde rectius sibi consulerent, vt eo in forma pulveris subtilissimi, non tamen calcinati, cranio, vterentur, aut id cum spiritus vitrioli modica quantitate, sic, vt acrimoniam nullam nancisceretur, attenuarent. Par est de aliis quoque ossibus iudicium.

Aphorismus XVII I.

Impossibile est olea à sanguinè &
Ff ij

carnibus quorumcunque etiam animalium sine adustione destillare. Neque virtutibus corporum suorum olea hæc respondent. Propter deterrimum putidissimumque odorem vfusciorum interternus sit interdictus. Externè quidem, propter facultatem, quam habent, salinam deter suam ac penetrantem vsurpari poterunt: ac verò, quoniam natura abundè remedium, quæ iisdem, quibus olea hæc viribus instructa sint, produxerit, iis uti consultius erit, scetentibus istis oleis, qui spiritus gravissimè perturbant, ægrosque sæpe non parum lædunt, penitus atque penitus exulare iussis. Possunt nihilominus sanguis caroque, vel per extractionem, vel per reductionem in mumiam, atque inde in pulverem, nostris vsibus commodè adaptari.

Aphorismus XIX.

Spiritus aquosus & salinus, qui per distillationem ex sanguine prodit, substantiarum omnium, quæ per artem chymicam ex partibus animalium separantur, est utilissimus, quem sal in se contineat volatile, multò, quàm reliqua salia omnia, subtilius ac spiritalius, instarque spiritus vini in Balneo Mariæ eleuetur, faciliè à calore nostro concitari poterit, ut venas ac arterias omnes, aliòsque corporis meatus, qui aliis medicamentis ita pervij sunt, facultate sua detergente & aperiente, velocissimo quasi impetu, pervadat. Undè multorum acutorum & periculosissimorum affectuum, vel solitario, vel aliorum medicamentorum consorcio, præsentaneum est remedium, ultra quàm credant ij, qui nullam inde experientiam sunt consecuti. Quanquam autem destillari nequit, quin empyreuma quidpiam sapiat, interim tamen ita potest rectificari, ut vel nihil vel minimū odor iste offendat, &, si quam forte offensivum delicatioribus adferat, ea tamen

cum utilitatibus, quæ ab eo redundant plurimæ maximæque, ne quaquam veniat comparanda. Hoc modo ut præparetur spiritus iste, cum singulari quadam in chymicis experientia, requiritur etiam ut quis naturas rerum diuersas non vulgariter, sed exactissimè cognoscat.

Aphorismus XX.

Omnia salia volatilia aut fixa vegetabilium aut animalium instructa sunt qualitate non minùs calida & sicca quàm detergente & aperiente, unde in expulsionem humorum superfluatorum naturæ non parum auxilij conferunt. Quanquam autem negari nequit, reservari in sale aliquid proprietatum eius rei à qua separatum est, integras tamen illas, quemadmodum de aqua oleisque supra etiam diximus, nequaquam obtineant. Salia instar granulorum conformata, gustuique non inconuenientia rectè intra corpus sumuntur. Verùm, quæ calci sunt similia, atque in aère dissoluntur, caustica, ac magno pere corrodentia, ea vsui tantummodo chirurgico destinantur.

Aphorismus XXI.

Aquæ vitæ nomen à triplici potissimum ratione deducitur: Quarum prima est, quod in eam corruptio nihil juris habeat, quæ tamen alias aquas liquoresque depopulatur. Etiam si autem in auras exhalet, ac evanescat, non tamen corrumpitur. Secundò omnium omnino vegetabilium quoddam est quasi balsamum, tertio denique vitam ipsam conseruat ac tuetur, non tantum quod cor exhilarare, caloremque natium roborare valet, sed quod & cuiuslibet grani, ex quo ad vitæ sustentationem panis conficitur, princeps est & primaria substantia. Faciliè comburitur, ignæque est naturæ, cuius si magnam etiam quantitatem sub cā-

pana incēdas, nulla tamēn ex ea prodibit fuligo: vnde & subtilitas eius puritasque conspicitur, neque injuria sulphuris celestis nomen ipsi à chymicis fuisse inditum. Qualitas ejus immutabilis est. Nam, quanquam vinum meritò contrariarum substantiarum, ex quibus (quemadmodum in anatomia mea antimonij ostendi) compositum est, calefacit & refrigerat, idem tamen aquæ vitæ attribui nequit cujus, si pura sit ac à phlegmate omnino secreta, calida perpetuò & penetrās facultas deprehenditur. Quicumque aqua vitæ pro vehiculo omnium omnino medicamentorum abutuntur, eamque in omnibus morbis, sine causarum eorundem distinctione, in omni corpore, tempore & loco propinant, sibi que stultè imaginantur, quod qualitatem calidam occulter, eoque rebus, quibus jungitur, in diuersas causas morbificas, tam calidas, & siccās, quàm frigidās & humidas conspirat: illi vehementissimè errāt, suāque culpa sapiusculè committūt, vt aqua potius mortis, quam vitæ dici mereatur. Ex illa variis herbis aromaticisque associata variarum etiam virtutum vsuumque aquæ compositæ emergunt. Quarum tamen nimius abusus fraudi sæpe est vitæ multorum, præsertim eorum, qui debilissimæ sunt constitutionis, calidi siccique temperamenti, cerebri infirmi, qui extenuati febribus, internis diuurnisque obstructionibus, corruptioni & inflammationi partium nobilium obnoxij, epileptici item, & temulēti, & qui cordis palpitatione infestantur, &c. Ancillatur chymiz in extractiōe substantiarum vegetabilium, inque variorum medicamentorum præparatione. Res quasdam meliores reddit, corrigitque; vt: Extracta scammonij, colocynthidis, aliorumque purgantium acrium. Nam quando euaporat, au fert secum vnā substantias volatiles malignas, acutaque eorum & corrosiua salia post se relinquit: è contrario

autem aliorum, vt Senæ, Aloës, Rosarum, Rhabarbari & similium purgantium benignorum facultatem deterit, eam quidem ob causam, quòd sulphur eorundem volatile perdat, & bonum tantum sal reliquum faciat, in quibus junctis vis purgatrix benigna sita erat. Quamobrem cautum esse rationeque duci oportet, eum, qui aqua vitæ vti velit: cultelli acuti exemplo munitus, qui per abusum plus officit, quàm proficit, si dextrè vsurpetur.

Aphorismus XXII.

Acetum distillatum, vtut qualitatē sit frigidæ & siccæ, primaque sponte abstringat & repellat, quemadmodum de eo aliisque liquoribus acidis communis fert medicorum opinio: nihilominus tamen, pro certo habent experti chymiatři, quod à parte aquosiore separati illius spiritus, inque consistentiam salinam cum corpore quopiam lapideo aut minerali, nihil minus frigidus & siccus, coagulatus, aperire possint, sudoresque concitare fortius, quàm res aliqua amara, atque euidenter calidæ qualitatis. Notandum, quòd ab aceti distillati simplicis solitarii vsu interno pēnitus sit abstinendum.

Aphorismus XXIII.

Tartarum crudum per viam ebullitionis aut infusionis depuratum, reductumque in cremorem, crystallos, aut subtilissimum, albissimumque puluerem, acidum tartari nobis vocatum, acrimoniam habet gustui nominabilem. Deterisium est, aperitiuum, facultatisque laxantis. Feliciter vsurpatur vel solitariè vel in linctibus, confectiōibus & apozematis ad aperiendum, detergendum, atque ex parte confortandum. Quin etiam medicamenta purgantia leuiora, vt rhabarba,

rum, acuit, corrigit, saporémque iis conciliat gratiorem, quúmque incidat, non communiter tantum, vt res acidæ, sed & insuper vt salinæ dissolent: in quibus illud morbis, quibusque corporum constitutionibus, conueniat, necne, accuratè videndum. Ejus calcinati vsus intra corpus per se nullus, sed mixti cum spiritu vitrioli. Tum enim duo hæc corrosiua se inuicem mitigant, & quasi exarmanant, compositumque inde nascitur, quod salis tartari vitriolati nomine venit, inseruitque medicina pro sudorifero & diuretico, quemadmodum ab aliis quoque chymicis scriptum est. Spiritus, qui ex tartaro abt aquosus, licet empyreumatis nota ipsi inusta sit, nequaquam tamen hac de causa vsus eius internus suspectus esse debet: securissimum quippe est, & efficacissimum medicamentum diaphoreticum, subtile & penetrabile, multis morbis accomodatam, modo, quem nullibi non inculcat chymici.

Aphorismus XXIV.

Spiritus salis communis acidus, purus, atque apprimè rectificatus exquisitissimum est diureticum, ac præterea aperitiuum, deterisiumque vniuersale, vt non viscerum tantum regionem obstrictam aperire possit & detergere, sed & sanguinem grumofum venis, locisque à centro etiam remotissimis infarctum attenuare & dissoluere. Putredini mirabiliter resistit, naturamque collabescentem in diuersissimis morbis recreat ac erigit. Neque tamen interea non requirit Medicum prudentem & circumspexitum, qui eum cautè & conuenienter administrare nouerit.

Aphorismus XXV.

Sal armoniacum salium omnium subtilissimum est, quodque magis, quam

vllū aliud penetrēt ac corrodat, vt aquæ forti admixtum aurum etiam, vt priore sectione dictum est, dissoluat. Quidam id dant intra corpus: neque ego reluctor, quin, si aliquoties cum sale communī sublimatum sit, in certis casibus intrò possit sumi: nihilominus tamen, tam aliis de causis, quam quod spiritibus admodū corrosiuis, atque odore & qualitate spiritibus vitalibus inimica præditum est, vsus ejus internum reprobō, aliis medicamentis, naturæ humanæ familiarioribus, ejus in locum surrogatis.

Aphorismus XXVI.

Nitrum commune depuratum, chymicèque præparatum, ac in formam, quæ sal prunellæ vocāt, adductum, etsi qualitatis est, vt reliqua salia, detergentis atque exsiccantis, nihil tamen hoc impedit, quin euidentissimum sit refrigeriū ac suis leuamentum, neque non ardores immensos in febribus ardentibus, Ungaricis & malignis extinguat, cōsopiatque dolores à magna inflammatione calorèque interno ortos, plus quam aliud aliquod medicamentum. Mirum est, quod Medicis quibusdam scrupulosioribus in mentem venerit, vt, impulsu leuium quarundam rationum, quas ex qualitate nitri siccante & detergente exsculpère, vsus salis prunellæ in diētis morbis formidarent, aliisque superciliose interdicerent, iacturam suæ auctoritatis potiorē æstimantes ægrorum salute.

Aphorismus XXVII.

Magisterium perlarum crudarum, cum spiritu aceti in talem formam reductum, vt in aqua dissoluatur, melius est iis, quæ, vel cum soluentibus mineralibus, vel ex perlis calcinatis, quarum per calcinationem virtus excellentior omnis intercidit, elaborata sunt. Merito quidē id

reponendum est in cōsum preciosorum bezoarticorum cordialium, quod non solum sit cordi confortando, verum etiam in convenientē dosi datum putrefactioni à venenis calidis resistat, & quod errabundos in corpore malignos vapores, qui in febribus putridis continuis, malignis & pestilentialibus spiritus vitales inficere ac labefactare minantur, coerceat, eosque per sudores ac insensibilem transpirationem manifestò consumat; At quod Phthificis & Hecticis, respectu febris & ariditatis, auxilij quicquam conferat, irrorando scilicet cerebrum, humidū radicale restaurando, calorem præternaturalem extinguendo, idque inlitar rerum frigidarū, quales & perlas esse vanè quidā sibi imaginantur, quum tamen Medicorum vno omnium ore frigida & sicca pronuncietur: id verò nullum est. Quin potius ægris his damno sunt, non ratione perlarum, quarum est qualitas temperata, sed ex accidente ratione nimirum spirituum acriū ipsius aceti, qui perlis adhæserunt, tātūmque abest, ut humectent, aut restaurent, ut contrarios effectus præstent, incendant, sudoresque causentur: per quos consumptus humor alimentarius deperit, quem factum potius testūmque servare oportebat: Et si maxime vis quædam humectans in perlis deprehenderetur, quisquis tamē eas in magisterium liquorēque penitus inspidum, omnisque alienæ acrimoniæ expertem reducere nesciret: is quantum dictos quidem morbos attinet, perlis super porphyrium, modo vulgari subtilissime tritis, cumque aqua rosarum combibitis, multò vteretur laudabilius, quàm vel magisterio cum spiritibus acribus præparato, vel pulvere earundem, cum sale tartari, posteaquam in spiritu aceti solutæ prius fuerant, præcipitatarum. Qui quidem pulvis etsi gustui euidenter acrem se non exhibeat, summæque cum industria lauetur, semper tamen partem quampiam spirituum aceti salisque tarta-

ri furtim occultat, sibi quē referuat. Quicunque negant; pulverem perlarum modo communi præparatum, esse cuiusdam efficaciæ, in graui hærent errore, cuius eos non experientia tantum ipsa, sed & ratio euidentissima conuicerit. Nam ex eo, quod perlæ, si super paruum ignem in copia comburantur, alterantur fumumque reddunt ac aquam, euidenter sit, esse in iis partem, quam calor fermentatiuis stomachi, qui cum salsedine quapiam & acrimonia conjunctus semper est, digere possit. Commentum itaque alchymisticum hoc est, opinioque erronea, cuius me quoque assecram olim professus sum. Nunc verò rationes has experientia consequutus: alius sum mentis, agnitæque veritati, cui sanctè nemo non medicorum obstrictus esse debet, manus dudum dedi.

Aphorismus XXVIII.

Varia corallorum præparandorum rationes passim tradunt chymici, quarum omnium optima est, quæ corallōs crudos, per acetum destillatum in magisterium reducit. Hoc namque modo longè efficacius & manifestius principales suas facultates, quæ ipsis tribuuntur, exserunt coralli: qui cum calcinantur, inque liquoribus mineralibus corrosiuis cum spiritu vini mixtis dissoluuntur, vires alias à natura sua longissime distitas nanciscuntur.

Aphorismus XXIX.

Etsi oleum, vel aqua, vel sal, vel tinctura de lapidibus preciosis neque entrahi: nihil tamen obstat, quin ope quorundam soluentium congenerum, possint inde nobilissima magisteria cordialia confici: quorum granum vnum potioris est in multis morbis efficaciæ, quàm grana triginta & vltra, eorundem vulga-

riter preparatorum. Verum res hæc vix ab usu communi est remota, ita neque cuiusvis chymico obuia.

Aphorismus XXX.

Talcum, quomodolibet etiam præparatum, effectus istos, quos in facie perpollienda, de ipso quidam perhibent, nequaquam præstat: multò verò minus ad maculas omnes tollendum, emendandumque faciem generale est præsidium. Nam quum diuersis de causis tam generalibus quam particularibus, neque temperamentis, neque ætatibus, neque circumstantiis iisdem facies vitietur, remedia quoque non eadem atque vniusmodi perpetuò requirit.

Aphorismus XXXI.

Vitriolo duo principalia remedia accepta ferimus, quorum primum, quod ex eo de sua terra minerali defæcato, & in formam salis granulati candidi sine incarnati reducto conficitur, præstantissimum est & securissimum expectorans, & vomitorium deterisivum, multis morbis accommodatum, quemadmodum fufius in Emetologia mea explicui. Secundum spiritus eius est, per destillationem ex eo elicitus, qui stomachum ac epar præcipuè corroborat, putredini venenisque resistit, extinguit sitim febrilem, febriumque ipsarum materiam potiore absumit, multis denique aliis vtilitatibus abundat, veluti id & apud omnes chymicos in confesso est, & ego in anatomia mea vitrioli plenius ostendi. Vsurpari debent duo hæc cum iudicio non parum accurate, ac ad regulas medicinales composito. Non sunt namque Panacæ, vti quidem sibi persuasere, quin propter qualitates acres & incisorias non possunt non grauiter offendere, si dentur in corporibus, morbisque quibus non compètunt.

Aphorismus XXXII.

Sulphur depuratum per sublimationem, ac attenuatum, balsami ad instar corruptioni resistit, omnibusque infirmitatibus à causa frigida & humida profectis accommodatum est: venenis aduersatur, & magis quam alia aliqua res aërem infectum purgat. Balsamum ex floribus ipsis cum spiritu terebinthinæ præparatum, non tantum affectibus supra dictis, sed & vlceribus, putridis, aquosis & antiquis, rupturis intestinalibus, fracturis ossium, ani exitui, veteri procidentia, atque aliis denique casibus multis appropriatum est remedium. Spiritum acidum per campanam vitream destillatum non puto qualitatibus manifestis à spiritu vitrioli differre, nisi quod simpliciore gratioreque, quam hic, qualitate præditus videatur. In hoc enim si non accuratè rectificatus sit, acrimonia instar rei metallicæ insuavis se offert, profecta, vt arbitror, à fuligine quadam metallica, quæ in fine à vehementissimo igne compulsa, cum spiritibus prosilit in recipiens. Cui tamen malo diligenti rectificatione facile occurrì poterit.

Aphorismus XXXIII.

Antimonium, tametsi id multi Medici, qui proprietates eius iuxta cum ignarissimis sciunt, maledico ore cauillentur, dat nobis vomitorium, omnium, quæ à primis vsque temporibus ad hanc nostram ætatem in usu fuerunt, efficacissimum & tutissimum, quod nulla symptomata venenosa producit, neque villo modo corpus lædit, nisi forte præparatum sit cum rebus, quæ nocere possunt, aut administratū ab eo, qui medicinæ sit ignarus. Beneficio aceti optimum nobis sudoriferum depromit, quod 4. vel 5. granorum pondere sudores fortiter prolicit, & in multis

multis morbis multum conducit, usus præterea antimonij est in chirurgia. Quoniam autem hac de re fufe disserui in Anatomia mea antimonij, ne actum hic agere videat; hoc in loco operosius hæc repetere supersedebø.

Aphorismus XXXIV.

Argentum xivum, etiam si eius usu interno Medici antiqui abstinerint, qua de causa hodieque à multis, tanquam venenum proscribitur, ac chymia id ita mortificare nesciat, quin semper pristinae suae formæ possit restitui: mater tamen illa artium experientia nos edocuit, quod verum sit luis venereæ antidoton, potentissimum in chirurgia medicamentum, quodque chimia vsui nostro egregiè norit accommodare. Vt vomitium fiat, modus optimus præparandi est, cum antimonio id destillare, inque pulverem album & insipidum, quem Mercurium vitæ vulgo vocant, redigere. Quod attinet præcipitata Mercurij, eaque siue rubra, siue flava, turpetha mineralia appellata, quum per aquas fortes, spiritus sulphuris & vitrioli, qui acrimoniam suam ipsis communicant, præparatio eorundem instituitur; ideo multo vehementius, quam Mercurius vitæ corpus commouent, saluationemque insuper causantur. Vsurus Mercurio præcipitato intra corpus, præfero illum, qui sine additione, solo ignis interuentu, conficitur: Proximum illi locum tribuo, quem cum ferro & chalibe corrigit, & lapidis philosophici nomine insignit Leonhardus Fiorauanti: saltem bene præparetur, atque à spiritibus aquæ fortis corrosiuis diligenter sequestretur. Mercurius sublimatus dulcis, tutissimum est medicamentum, & specificum purgans, pueris vnicè destinatum. Nam in adulterioribus parum operatur, nisi in magna dosi exhibitum, ac tum saluationem faciliè concitat.

Ang. Sala.

Præcipitatum album, quod catharticum mercuriale vocant, in lue Venerea, aliisque morbis, quorum à tartaro aliisque facibus in regione viscerum corruptis origo est, tutissimo exhibetur. Vomere tamen non rarerer cogit, materiamque commouendo, corpus perturbat, vnde cum iudicio administrandum est. Mercurius diaphoreticus, tutissimum quidem est medicamentum; at pro Panacæa perperam vendicatur.

Aphorismus XXXV.

Magisterium plumbi, quod sacchari Saturni nomen improprie sustinet, medicamentum est insignium in refrigerando, repellendo, desiccando, virium. Vfus eius felicissimus in multis affectibus externis, qui qualitates istas residerant. Non tamen idcirco cancerum, polyppum, fistulam, lupumque curat, vti verò quidam falso putant. Acrimonia certè, quæ ipsi à spiritibus aceti adfixa est, efficit, vt in magnis ardoribus excoriati, & ab humore virulento, afflicti membri, non sine causa suspectum sit. Aquæ, acetumve per campanam plumbeam destillata, quæ aquam Æsculapij Zapata appellat, magno cum successu contra epilepsiam datur pituitosa constitutionis corporibus, quippe quod facile & sine inflammatione interna, secus, quàm vel euphorbium vel aliud calidum medicamentum, humores cerebri & stomachi phlegmaticos per expulsionem eliminat. Cautè tamen hic se gerere oportet vnumquemque, non minus quam in reliquis medicamentis vacuantibus omnibus.

Aphorismus. XXXVI.

Magisterium stanni non desunt, qui interne sumptum suffocationi matricis mederi asserant. Mihi quidem experientia certi de eo nihil constat, Hoc affirma-

Gg

re possum, quod bonum opthalmicum, tollendis oculi suffusionibus externis idoneum, de se præbeat, prædictum iisdem propemodum cum plumbo viribus.

manifestatur in eius administratione ratio habeatur, utque detur in morbis & corporibus non disconuenientibus.

Aphorismus XXXVII.

Cuprum, quocunque etiam modo præparatum, intro fumere sit religio. Et tamen isti sint empyrici quidam chymici, qui id hoc modo usurpent, curationesque recenseant, quas huius ope perfecerint; malorum tamen vel meminisse, vel ea non ignorare debeant, quæ agris attulerunt plurima. Magisterium cupri cum aceto destillato confectum inter medicamenta chirurgica locum non vltimum obtinet: vlcera putrida absterget & mundificat: saniem ex profundo fistularum attrahit, excrecentias aut carnositates consumit, corruptelam prohibet, desiccatur, bonamque carnem producit. Verum tamen quoniam operationes has suas cum acrimonia quadam calida & mordace exferit; iudicium requiritur, ut cui casui, quibus adfectibus conueniens sit dispiciatur. Alioquin partibus, quibus sine ratione applicatur, inflammationem ac dolorem posset accerfere.

Aphorismus XXXVIII.

Chalybs metallum est, ab omni qualitate maligna alienum, multis proprietatibus atque vtilitatibus refertum, cuius rei Medici hæc tempestate omnes testimonium ferre possunt. Chalybe abstrictorio usuro; crocus eius per reuerberationem confectus, præ aliis præparandi modis omnibus, sit commendatus. At contra obstructionem crudus præparetur, subtilieturque tantummodò, aut cum vino, aceto, succis herbarum, aut salibus appropriatis, prout cuius Medico visum fuerit, in formam magisterij adducatur. Oportet tamen, methodi, qualitatumque

Aphorismus XXXIX.

Ex argento præparatur magisterium hydragogum, quemadmodum in libello meo, Septem planetarum terrestrium sparica recensio, dicto, commemoravi, & in Ternario Bezoarticorum repetij. Eius ope quanquam multas curationes, cuius rei mihi testis Deus est, felicissime perfeci: quia tamen & tempus longum requiritur, ut corrosiui specifici spiritus bene illi vniantur, idque vsui interno reddatur idoneum; & non semper a quæ scilicet hoc obtingat, quin acrimoniam inamabilem sæpe retineat; & si non bene præparatio cesserit, nocendi sit, quam iuandi potestate instructius; vsus eius internum omisso, aliisque nunc hydragogis, gustui gravioribus, tutioribus, nostræque naturæ familiarioribus utor; quod ut alij quoque faciant, candidè monco. Quidam ex argento profitentur se educere posse somniferum & anodynum: planè contra rationem. Nam neque substantia ab eo separari vlla potest, ut priore sectione diximus, neque in mineralibus reperitur, quod facultate somnifera atque anodyna specifica præditum sit, ut in opiologia mea ostendi. Alij magisterium siue vitriolum lunæ ostentant, quod omnibus epilepsiæ speciebus medeatur: quorum tamen verbis magnificis effectum fuisse minorem semper deprehendi. Interim non eo inficias, esse in eo proprietatem quandam cephalicam specificam; at verò ea, ut aliæ facultates medicamentorum, suis est terminis comprehensa.

Aphorismus XL.

Auri magisterium cum suo proprio solvente præparatum, rectè dicitur Au-

rūm potabile. Et, quanquam aurum in eo semper aurum manet nihilominus quando hoc modo subtiliatur, & quasi recluditur, vires eius de potentia in actum prorumpunt, ignis ad instar, qui è lapide elicitus, & de potentia in actum deductus, interuentu cuiusdam olei, vel sulphuris, similis sibi naturæ, quamdiu cum his vnitus subsistit, ardet. Atque vti consumpto isto subiecto, ille quoque vnà consumitur, ita separatum à sua magisterio aurum, atque à spiritibus soluentis se iunctum, est quasi mortuum. Ipsum quidem magisterium est præstantissimum cordiale Bezoarticum, & quemadmodum in Chrysologia mea fusissimè ostendo, inter omnia, quæ hoc nomine commendantur, Bezoartica, facile obtinet principatum.

Aphorismus XLI.

Auctarij vel superpondij loco addo,

studiosum medicinæ boni iudiciij, atque impigrum, intra menses sex præterpropter, tantum in chymia posse addiscere, quantum ad vsum medicum satis fit: saltem veris artis, quæ his aphorismis comprehenduntur, fundamentis innixus, rectam viam ineat, caueatque sibi ab his, qui, proprij lucelli amore, artem faciunt longam, inutilibusque speculationibus ac spinosis disputationibus miserrimè intricant rem, quæ manualis tota est, ac in euidentijs artis exemplis consistit.

Habes hic, candide lector, fundamenta Chymiatriæ, quibus eius in medicina vsus vtilitasque ostenditur: & ad quæ, quia generalia sunt, omnes operationes Spagiriæ particulariores exigi possunt. Ego hîc finio, Deumque veneror, vt laboribus meis benedicere, eosque in sui honorem, proximi, meumque ipsius emolumentum cedere omnes velit.

FINIS.





PROCESSVS

DE

AURO POTABILI, NOVO, PAVCISQVE ADHVC COGNITO.

Cui quidam alij ex Basilij Valentini, Iosephi Quercetani, Porta, & aliorum scriptis excerpti, cum commentariolis propter affinitatem vt adjungerentur, non inconsultum visum fuit.

AD LECTOREM BENEVOLVM.



Arj, amice lector & amator secretorum chymicorum, de auro potabili conficiendo, atque preparando, modi ac processus sunt publicati ac circumferuntur etiam secretiores scripti. Inter quos hic presens, Angeli Sala, vt fertur processus, non postremas partes obtinet, vt qui non tantum spagiricus sit, sed etiam philosophiam magnam redoleat. Hunc igitur in gratiam spagirorum publici Iuris reddere & una cum aliis quibusdam Processibus secretis, iisque eximiis propter affinitatem adiungere placuit. Quin & elanem tibi, in qua tota rei cardo vertitur & versatur, reuelare non dubitavi, alias nullius vsus futurus. Vale lector amande, & in tuum commodum utere.

GEBER ARABS.

In Sole & Sale naturæ sunt omnia.



VRVM quonam & modo & methodo, formam medicamentosam, in quouis liquore solubilem induat, atque adeo bibi aptum, quod potabile vulgò vocant, reddatur, ex intimis spagiricis principiis, viuæque *αυροχρεια* demonstraturus, initio præsuppono hoc: Quod videlicet id, nisi beneficio menstrui, fieri nequaquam possit.

De hoc autem liquore cõuenit inter omnes, primò, quod ille vniri auro ritè nequeat, nisi interuentu tum solutionis, tum coagulationis. Ex quo duos actus, quibus aurum *πρῶτον* principaliter reddatur, & conficiatur, emergere nemo non videt,

Secundò, quòd idem ille liquor solutionis, coagulationisque opifex, quàm maximè fieri possit temperatus, ac blandus esse debeat.

Talis verò liquor, quia in aurum, quatenus ☉ agere nequit, idè adhuc alius actus, iisque minus principalis, prærequiritur, per quem ☉ ita præparetur, vti solutione promptissimè suscipiat.

Calcinationem Chymici improprie quidem, attamen significanter nuncupant. Itaque totus processus ☉ potabilis elaborandi, absolutur tribus hisce distinctis, subordinatisque actibus;

*Calcinatione,
Solutione Magistrali,
Coagulatione,*

Et deniquè

De quibus omnibus nos ordine videbimus.

Calcinatio.

Calcinationem ☉ quod attinet, ea nihil aliud est, quàm actus, per quem corpus ☉ attenuatur, subtiliatur, emollitur, in indivisibiles atomos disrumpitur, inque pulverem impalpabilem redigitur, hoc quidem fine, vti ad suscipiendam, in sese soluentis, magistralis actionem, habile fiat ac idoneum.

Hæc calcinatio, duobus in vniuersum modis, fieri consuevit, vel per humidum, vel per siccum.

Calcinatio in humido vulgariter fit, in aqua Chrysulca, quam regiam aliàs seu solarem nominant.

Constat hæc ex aqua forti & sale Armoniaco.

Capio aquæ fortis ex duabus partibus vitrioli & vna parte nitri distillatæ, exempli g. limbram 1. in qua dissoluo Salis Armoniaci summè depurati vncias duas.

Hæc est aqua Regia vulgaris, in qua pro instituta calcinatione dissoluo aurum

laminatum, & frustillatim concisum, id quod leni calore, non sine tamen ebullitione dissolvitur.

Solutionem claram & flavescentem, in Bociam satis capacem, lixiuio tartari limpidissimo, ad dimidium repletam, pedentim, & ferè guttatim instillo, quibus inuicem confusus, præuio crepero ebullitionis strepitu, & mirabili exastuatione, Sol instar limi procumbit in fundum, hoc facto & percussio omni ex parte sole, aqua calida, eluo falsedines, donec nihil amplius acrimoniæ appareat.

Tum limum illum auri eximo & siccessere facio calore, vel leuissimo, vel potius nullo, atque ita habeo præcipitatum Ceraunochryson, vti vocant Solis, sclopetans, fulminans, ita dictum, quod eius grana duo vel tria, igni exposita, vbi flammam conceperint, concipiunt autem promptissimè, similem bombardæ explosæ sonum faciant, operatione tamen pulueri pyrio contraria, quum non vti hic sursum sed deorsum versum, impetum suum omnem conuertant.

Vidi ego (SALA) satis magnum marmor, vi huius calcis casu accensæ, in frustilla disiectum, non sine astantium periculo.

Cæterum ad calcis modò dictæ partes duas, conjungo Florum sulphuris purissimorum 1. partem. Hisce permixtis in crucibulo comburo sulphur, atque ita calx illa, acquirit colorem boli Atmenæ, & vim sclopetandi omnem amittet.

Huius calcinationis ergo, aqua chrysulca, alia ratione pro alio itidem fine à me paratur.

Accipe exempli gratia aquæ fortis vncias octo, Salis armoniaci, & nitri depuratorum vnâ vncias tres, misce & per cornutam, servatis ex arte ignis gradibus distilla: Elicies aquam, quam ob igneam penetrabilitatem, & corrosiuitatem stygiam ego appello, de qua quia vulgaris

illa, instituto nostro apprimè satisfacit, pluribus hic agere superuacaneum puto: nisi forte hoc quis notare velit. Quod in illa ipsa solutum, præcipitatumque aurum, nullam vim scopetandi habere deprehendatur.

Sed redeamus ad priorem calcinationem, factam in aqua Regia vulgari, & circa eius historiam quæramus.

Primò, Num illa calcinatio accurato Chymiatro sit admittenda, & non potius damnanda, & execranda, vt pote quæ per aquam tam corrosiuam, & humanæ naturæ infestam, instituitur?

Secundò, an possit solui sine sale Armoniaco?

Tertiò, quanam subsit causa, quare calx auri vim inflammabilem & scopetantem acquirat?

Quartò, num eadem illa calx intra corpus exhibita, vim habeat diaphoreticam?

Quintò, quomodo eadem cum sulphure igni exposita, non conflagret, & cum strepitu dispareat.

Ad singula quæstia breuiter respondebo, & quidem ad primum: Chymiatros (cum iis enim mihi res est) non magis vel posse vel debere damnare istiusmodi calcinationem, quam damnent mercurium Diaphoreticum ipsum, quem autor Basilicæ chymicæ Osuualdus Crollius antimonium Diaphoreticum, ineptè nuncupat, vt qui minimè gentium ex antimonio, sed mercurio constante manifesta reductione demonstretur: Illum inquam mercurium Diaphoreticum, quum partim ex spuma illa venenosa (quam buturum antimonij vulgò, ego rectius mercurij, vocant (partim ex spiritu nitri, exercitatissimi quique chymiatri conficiant. Et nihilominus tanquam arcanum summum, medicamentum maximè polychreston, alexiterium item minerale, summis laudibus deprædicare minimè dubitent.

Equidem quærè nostræ huic calcinationi magis, quàm suæ Dicam scribant, nihil profectò causæ video. Certè eadem vtroque Calcinationis ratio est: Vtrinque res agitur corrosiuis, imò ab illorum parte magis, quàm à nostra. Itaque si suam probant, vt certè merito probant, nostram quoque non improbant. Quod enim pro se respondebunt, in sua illa Calcinatione, ignis vehémentis interuentu, euanesceere corrosiua, idem nos, de nostra quoque calcinatione, verè affirmabimus, in qua aquam regis separet & eneruet lixiuium, eluant iteratò affusæ aquæ. Ignis denique ipse superveniens exurat penitus atque auferat.

Qua de re quisquis gustum solummodo suum, consuluerit, atque exactam vnà, ponderis rationem inierit, dubitare nemo poterit.

In secunda quæstionè dudum fatèor hæsi, donec experientia, mihi aliud tum quærenti, omnem dubitationem exemit. Aurum cum æquali parte Lunæ fudi, commixta hæc duo metalla, & in lamellas diducta, inundaui spiritu nitri acerrimo, in quo solumtum prius erat nitri resinati tantum, quantum potuerat ille combibere, vidi solutum aurum, argento prorsus intacto.

Tertia quæstio nihil difficultatis præbitura est, ad occultas proprietates hoc in negotio, quemadmodum in plerisque aliis naturæ effectis mirabilibus confugiendi.

Nam quod Crollius, Salem Armoniacum percussione ipsius causam existimat esse, nihilo sit doctior, & ad idem, hoc ignorantia nostræ, asylum, proripere sese cogitur, siquidem quis porro quærat vndenam eam proprietatem. Sal Armoniacus habeat? Sed & ipsa ratio Crollij, vtut speciosa appareat, penitiùs tamen inspecta, videbitur prorsus imaginaria. Nam quare magis contrarietas tartari cum Sale Armoniaco, quàm eiusdem

cūm spiritū, vel vitrioli, vel nitri, quo vtroque Aquafortis componitur, repugnantia causetur percussione? Æque enim vel nitri vel vitr. spiritus, æquē Aquæ fortis, atque salis Armoniaci aduerſatur tartaro.

Quin imò omnibus ſoluentibus acidis, & corroſiuis, hoſtiliter inimicum eſſe, experietur, quiſquis in metallorum, gemmarum, Coralliorum, concharum, congenerumque corporum, ſolutionibus & præcipitationibus, aliquantulum fuerit verſatus. Quid? Quod ipſa ſoluentia corroſiua, quotquot ſunt, per ſe cum ſale tartari liquefacta, conſuſa, maniſeſtiſſimè conſpiciantur, hoſtili conſeſſim pugna, ab vtraque parte inter ſe congreſſi?

Itaque non valet primò, quod ſupponit Crollius, ex mutua pugna tartari cum ſale Armoniaci cadere Aurum. Nam quid quaſo idem aurum præcipitet in ſolo nitri ſpiritu, modo ſupra indicato ſolutum? Nullum ibi eſt Sal armoniacum, & tamen præcipitatio ipſius ſenſibus obuia. Quid præcipitat Lunam ſolutam in aquaforti, in qua ne vel hilum quidem eſt Salis Armoniaci, vel eſſe per naturam poteſt. Siquidem argentum ſoluere debeat? Sed demus verum eſſe, quod vult Crollius, nihil eo aliud conſecerit, quam hoc quod videlicet, mutua illa pugna, cauſa ſit præcipitationis Solis. Atqui nemo, tum non videbit, vim auri ſclopetantem & percutientem, adhuc manere prorfus indemonſtratam, quum diuerſiſſima ſint, præcipitatio ſolis, & vis eius fulminans. Neque vel hilum eo iuuatur, quod argutari pergit, Oleum tartari percutere ſpiritum nitri, ſummè purificatum, qui ſe in illo conſeſſu coniungit cum ſulphure ſolis, hocque à natura ſummè depuratum, & vulgari noſtro ſulphure longe ſubtilius, ideò valentius, & minore quantitate, operationes ſuas potenter efficiere, videlicet quia ſal armoniacus,

pro conſtituenda percutionis cauſa adæquata, minimè ſufficere videbatur, ideò de cauſa adiuuante cogitandum erat Crollio, quam video eſſe ſal nitrum percūſſum, ab oleo tartari, & conjunctum cum ſulphure ſolis.

At verò non tantum nitrum, ſed vniuerſum ſal corroſiuum, quod in aqua regia continetur, percutitur, idque ex quo, nec magis vnum quàm alterum. Atque hoc ipſum vniuerſum iunctimque percūſſum, non magis ſe ſociat ſulphuri auri, quàm eiſdem huius mercurio. In calce enim ſolis, teſte reductione, ſubſiſtit aurum corporaliter totum ſecundum ſe totum, nulla eiſ pars ſubſiſtit ibi ſeorſim, nulla iſtic facta eſt ſulphuris ſeparatio. Itaque quicquid indidem, cum auro vnitur, cum toto auro vniri dicendum eſt, non cum ſulphure ſeorſim.

Quod ſi vim φανταſτικῆς, calcis auri, cuius ne verbo quidem meminit, à ſpiritu nitri, deduxiſſet, cauſatus quemadmodum omnis res naturā ortus ſui quaſi memor, perpetuò redire deſiderat, ad id ex quo ſuit orta. Ita quoque in calce auri, ſpiritum nitri ad naturam nitri inſammabilem redire, non aliter atque vſu venit. Quando idem ſpiritus cum argento eſt, in magiſteriū chryſtalloides exaltatus, tametiſi vel ſic quoque res ad occultas proprietates rediſſet, aliasque quàm plurimas difficultates ſuggeſſiſſet, tum etiam viſ ſclopetandi ſiue percutiens, ipſi de integro probanda reſtituiſſet, aliquid tamen probabilis, adſperſum fuiſſet, illi ratiuncula, quæ fanè vt prorfus nulla eſſe cognoscatur, lubet eam irrefragabili experimento penitus euertere. Cape lamellas chalybis, ſolue in aqua regia, ſolutionem habebis ſuaſcentem, & colore prorfus aureo, præcipita ſolutionē cum lixiuo tartari, & procede eodem omnino modo, atque in calce ſolis paranda feciſti: perfectò, opere dicat mihi Crollius, quare ſal Armoniacus tartarum, & ſpiritus nitri

ipsum martem, qui tamen secundum philosophiam chymicorum, ipsaque attestante experientia, plusquam aliud metallum vllum sulphuris habet, Quare inquam illa omnia, martem non potuerint eo adigere, vt quemadmodum calx solis, ita calx quoque chalybis percussione illam, aliqua saltem ex parte ederit, vel imitaretur?

Sed pergamus ad quartam questionem, cuius affirmatiuam miror, quare Crollius, eumque secuti alii sint professi. Ego certè ternis experimentis, etiam in me ipso didici, calci auri, non nisi vim catharticam, eamque sine vlla vel nausea, vel vomitu inesse, quia ipsa mineras præsertim flatulentas, educat per aluum.

Neque res hæc analogismo caret rationabili. Quemadmodum enim in aërem microcosmi, agit ab externo calore, in actum deducta calx, consimili ratione, à calore interno actuatam, par erat agere, in aërem ipsius microcosmi.

Quintam denique questionem facilè expediemus, si, quod studiosè forte occultauit Crollius, & plerique alij, nos manifestemus, Calcem solis cum floribus sulphuris permixtam, priusquam igni exponas, humecta, & quasi impasta, cum spiritibus, vel salis, vel vitrioli, vel sulphuris, vel quibuscunque aliis acidis liquoribus, & omne periculum effugies, & tantum de calcinatione in humido.

Cæterum in sicco calcinatur aurum. Quando vel cum sulphure, vel cum sale quopiam, mixtim coaugmentatur, seu vti barbarè quidem, attamen significanter loquuntur stratificatur, & in reuerberij adhibito tali caloris moderamine, ne aurum fluat, subtilissimè pulueratur.

De hac calcinatione oritur exigui momenti dubitatio: num ea fiat sine corrosio. Dubitationis causam præbuit Crollius, qui quum huius ipsius calcinationis per sulphur minerale instituta beneficio, ex marte & venere vitriolum doce-

ret conficere, disertè professus est, sese hoc sine corrosio facere. Nec videtur Crollius ratione destitui. Sulphur enim non est corrosiuum. Ergo neque per sulphur quæ perficitur calcinatio, fiet per corrosiuum. Ego tamen vt ostendam, quod sese facere negat Crollius, id omnium maximè facere. Distinguo corrosiua in ea, quæ actu ipso & absolute talia sunt, & quæ potentiâ. Sulphur actu quidem ipso, & quatenus sulphur est, nullam certè vel admodum obscuram vim corrodingi habet, sed accedente igne, in actum erodendi prorumpit, Spiritus eius fuliginosus & salinus, quem quisquis corrosiuum esse neget, nã is dignus sit, cui oculus ille & palatum indefinenter mordicet. Per hunc spiritum sulphuris quum illa quoque calcinatio Crolliana perficitur, vtique negandum minimè est, eam per corrosiuum peragi atque absolui. Simile est de similibus calcinationibus Iudicium.

Superest adhuc alius calcinationis auri modus, à duabus illis, humida & sicca, distinctus, nisi quis eum malit, ad humidum referre, videlicet corrosio aurij per mercurium. Qui tamen modus quum Chrysopœiæ magis, quàm medicinali inserviat, eum tanquam à proposito nostro alienum in præsentiarum dimittimus. Itaque hætenus tradidimus modos auri duplici via calcinandi, humida & sicca. Quarum alterutra, si nostro proposito accommodetur, saltem quasi rude quoddam initium calcinationis vtraque est futura. Etenim vtriusque generis calces, si menstrui nostri magistralis actionem commodam suscipere debeant, necessum est, vterius adhuc, idque operosius, subigi ac elaborari. Quod quàm conueniente ratione ego faciam, est operæ pretium breuiter indicare.

Calcinatio

Calcinatio Vltior.

Est in rerum natura liquor, neque ex vegetabilium, neque animalium, neque mineralium, familia præcisè oriundus, de quo tamen nullum, siue vegetabile, siue animale, siue minerale non participet. Is arte spagirica ad summum exaltatus, euadit plane spirituosus, aerens, diaphanus, subtilis, penetrabilis, eius in solvendo & coagulando, vires expertus sum planè mirabiles, quas non tantum in rebus extra microcosmum, verùm etiã in ipso microcosmo potenter exerit. Magnaque cum admiratione & ipsius microcosmi commodo singulari. Receptus enim intra corpus humanum, statim vim suam spiritualem, ex centro, ad ipsam vsque *partem peripheriam* explicat, quascunque tartari microcosmici in visceribus præsertim, coagulationes efficaciter resoluit, separat resolutas, & mumiam vitæ, quibuscunque tincturis venenatis, malignis, pestilentialibus, putredinosis infectam insigniter rectificat.

Hunc liquorem (cui nomen ego dedi, mercurij philosophici) commodissimum iudicavi, qui inchoatæ calcinationis negotium perficeret atque absolueret. Itaque calcem auri supra paratam, in hoc liquore solui, solutam coagulaui, idque quoties repetij, donec tandem sol ille terrestris, duodecim signis Zodiaci (i. e. bidui spatio) sui binies evolutis, devenisset, in calcem subtilissimam, rarissimam, spongiosam & impalpabilem aptam jam solutioni, quam & ipsam breviter exhibebo.

SOLVTIO MAGISTRALIS.

Posteaquam ex laboriosissimo calcinationis opere sumus eluctati, faciliora deinceps, in solutione magistrali omnia sunt futura. Est autem hæc nihil aliud,

quàm actus ille, quando liquor soluens magistralis, in calcem auri ritè prædispositam agit, eamque sibi penitissimè & secundum minima naturalia, concorporatam combibit, Hoc quidem sine, vt exintima illa vtriusque conjunctione accedente postmodum coagulatione debita, corpus auri formam acquirat medicamentosam, in quouis liquore solubilem, & potabilem.

Modus solutionis hic est, cape liquorem nostrum magistralem limpidissimum, eumque funde super calcem. Videbis exactionem menstrui in calcem niti minimè leuem ebullitionem, atque exaltationem, pone in Balneo, & digere per triduum, solutio flavescet, quam per declinationem effunde, affunde iterum de solvente, & solue donec superfusus calci liquor, desinat ebullire, solutiones omnes collige & serua.

Hæc videlicet est solutio magistralis, ad eius exactiorem cognitionem, tria pulcherrima problemata discutimus.

Primum est, an illa solutio possit fieri sine corrosivo?

Secundum, vtrum in illa solutione forma auti metallica realiter destruat vel possit ita destrui per artem. Quæremus vltimò an propterea negandum, sit, in cuiusmodi solutione aurum exaltari.

Ad primum problema respondeo ita, solutio calcis aureæ, non potest fieri sine menstruo.

Illud verò menstruum, aut erit merè aqueum, & insipidum, cuiusmodi est aqua vulgaris, & aquæ distillatæ vegetabilium. Aut erit sulphureum, cuiusmodi est Spiritus vini, terebintinæ, olea aromatum stillatitia &c. aut erit salinum, cuiusmodi est, e. g. Spiritus vitrioli, sulphuris, salis, Aceti destillati, mellis, succi limpidi citriorum, Limonum &c. Quartum dari nequit, sed hisce tribus generibus, tota souentium familia continetur.

Hh

Menstruum aquëum , nihil de calce auri soluet , nisi fortè adhærescentis salis extranei quicquam eluat. Menstrua quoque sulphurea , intactam relinquent calcem auri , idque aded verum est , vti ipse Crolius istius modi solutiones , deliramenta vocare non dubitet.

Reliquum est ergo , vti menstruum solutuum sit è genere salium atque aded corrosiuum. Nullum enim menstruum salinum , agit in calcem metallicam , nisi corrodendo. Ratio hæc tam certa est , ac euident , vti ipse Paracelsus disertè affirmat , aurum nisi corrosiuo nequaquam solui. At obstat quidam magni nominis Spagirus in Anglia , qui aurum suum potabile , quod conficit , cum soluente corrosiuo conficere masculè inficietur.

Verùm is conuincitur 1. à sapore sui auri potabilis. Id enim tam acre est , quàm sunt ipsa magisteria Coralliorum , perlarum , concharum , gemmarum cum spiritu aceti præparata. Secundò à modo actionis menstrui in calcem ☉. Nam quod ipse disertis verbis fatetur , solutio calcis auri sit , non nisi cum insigni ebullitione. At quid hoc est aliud , quàm corrodere & corrodi ?

Tertiò denique ab eo , quod aurum suum potabile , aëri frigidiusculo vel humidiusculo expositum faciliè colliquefcat , quæ sanè res character est corrosiu minimè dubius , si quidem Paracello credendum. Neque verò tamen est , vt audito corrosiu nomine , statim quis cohorrescat. Quemadmodum enim in arte medica , purgantia tripliciter distinguuntur , in fortissima , valida & benigna. Perinde in chymia quoque conuenit , soluentia corrosiua in tria eiusmodi genera dispesci. Ad primam classem referimus : aquas fortes , regias , Spiritum nitri , aliosque liquores præditos , vi erodente ignea , & humanæ naturæ infesta.

Secundi generis sunt spiritus vitrioli , Salis , sulphuris , aceti radicati , atque

alij , qui quidem facultatem corrodendi minimè debilem possident , interim tamen naturæ nostræ non ita aduersantur.

In tertio verò & benignorum ordine , collocamus , spiritum aceti simplicem , mellis , aquam Quercus , succum limpidissimum citriorum arantiorum , limonium , &c. Nos primi generis corrosiua , quin etiam secundi , à solutione nostra penitus amandamus. Et solo benigno liquore corrosiuo rem conficimus , qui acrimonia sua , ipsum acetum distillatum minimè excedat. Acetum autem ipsum certa quoque sua corrosiuitate minimè destitui experientia docet. Quandoquidem illud ipsum corrodendo , non tantum corallia , perlas , conchas , verum etiam corpora metallica , chalybem , plumbum , stannum , cuprum in liquores resolueri valeat.

Quod si iam quis distinctione nostra , susque deque habita , omnia in vniuersum corrosiua , promiscuè proscribere præsumat , is etiam atque etiam videat , ne ipsum vnà acetum , aliosque succos , naturæ nostræ familiarissimos exulare pariter iubeat.

Secundum problema bimbrem est ; primò enim queritur , num in solutione calcis solis , forma metallica destruat ?

Ad quod respondeo , eam minimè gentium destrui realiter. Quod si namque verè destructa esset , non posset reduci.

Nam quod semel corruptum est , idem numero redire nequit. Atqui ex solutione illa , idem numero aurum , difficulter quidem , reducitur tamen : Ergo in illa solutione , aurum non est destructum realiter. Anglus tamen ille , cuius supra memini , gloriatur. Aurum verè ac realiter in sua solutione destrui : At hoc ipsum contra veritatem , conscientiam , & experientiam. Ipsum namque eius aurum potabile , quomodo interuentu salis tartari , per ignem primò reuerberationis , deinde fusionis reducitur , possum ad oculum

*Reductio Oⁱ potab
in metallicum
corpus*

ego demonstrare, & quàm miserè se inuoluat idem, quando ait, in solutione sua auri destrui formam metallicam, & nihilominus in eademmet solutione Aurum sub sua specie conservari. Ita certè per illum, vnum idemque aurum, simul erit & non erit aurum, erit & non erit metallum. Veruntamen negandum non est, in auro soluto metallicam formam certo modo destrui, videlicet non quoad esse intrinsecum metalli, sed duntaxat, quo ad ipsius esse extrinsecum. Rectius non destrui quidem ipsam formam metallicam, sed superuentu soluentis, in cuius quasi gremio, penitissimè reconditum aurum delitescat, vt non nisi difficulter, inde protrahi possit, solummodò obliterari.

Alterum secundi problematis membrum est, num possibile sit, soluere ita aurum, vt forma metallica prorsus destruat.

Quæ quidem in re, etiamsi omnes chymicos ferè sum contradicentes habiturus, ipse tamen propendeo in sententiam negatiuam, donec viua atque oculari apodeixi, contrarium quis infallibiliter mihi demonstrauerit. Ita namque existimo, quum ignis non possit destruere corpus auri metallicum, multò minus idem destrui poterit abs liquore solvente, & ratio est, quia id quod magis valet destruere corpora metallica, non potest aurum destruere, multo minus poterit, quod corpora metallica destruere non potest, quod sic probo, e. g. fume plumbum, in igne reuerberij per se calcina, calcinationem continua, vsque quo in scorias vitrificantes plumbum abeat, tum videbis plumbum verè ac realiter, secundum suam substantiam metallicam esse destructum, vi videlicet ipsius ignis. Ab altera parte fume aliud plumbum, redige in cerussam, solve cum spiritu aceti, mellis, salis, sulphuris, vitrioli, aquæ Regis, Aquæ fortis aliisque quibuscunque liquoribus, etiam vehementissimè erodentibus; Hac

quidem via nunquam eò adduces plumbum, quin id perita artificis manu, queat ex solutionibus illis reduci. Ex quo opinor liquet maiorem esse vim ignis, ad destruendam ipsam metallorum substantiam, quàm sit soluentium quorumcunque etiam corrosiuorum. Quamobrem argumentum meum repeto. Si ignis non potest destruere corpus auri metallicum, multò minus poterit idem destruere, menstruum siue soluens, vt non sine causa pronunciarit, antiquus ille spagirus Rogerius Bacchon: Facilius est aurum facere quam destruere. Atque hæc quæ diximus adeò vera sunt, vt ipse Crollius, vim, aurum physice siue radicaliter, id est, cum destructione formæ metallicæ, soluendi, mensuris in vniuersum omnibus detraxerit, excepto solo menstruo vniuersali. Qui si in viuis adhuc esset, facile cum eo pascisceremur, vt sententiæ nostræ, interea omni ex parte, subscriberet, quoad vsque probatum daret, fontem illum menstrui vniuersalis, non esse rem imaginariam, sed reuera alicubi in rerum natura scaturire.

Ostendi hæctenus in solutione magistrali neque destrui corpus auri metallicum neque destrui posse? Quomodo ergo inquires per eam aurum exaltabitur? Crollius postquam dixisset, Calcem auri in oleo salis, instar butyri liquefcere, subiungit, hanc tamen non esse veram, & radicalem solutionem, quia iterum in corpus reduci possit. Quod autem in corpus redigitur (vti & ipse philosophatur alicubi) hoc ipsum crudum & indecoctum est. Natura enim bonum in melius, per alterationis modum transfert.

Atque aurum quod ita tractatur, neque alterationem passum est, neque solutionem physicam. In melius ergo non educitur. Ego verò mallet hæc ab alio quam Crollio pronunciata. Causa quare solutio calcis aureæ, in oleo salis facta, non sit vera solutio, est, quod per illam solutionem;

aurum minimè gentium acquirit formam in quouis liquore solubilem. Abstrahere enim spiritum salis, non nisi in forma calcis remanebit aurum. Non verò uti vult Crollius, veræ solutionis auri proprietas est, non posse reduci in corpus. Talis enim solutio, quia in rerum natura nec datur, nec dari potest, certe neque vera esse potest, ens enim & verum conuertuntur, & aquè latè patent, vnde si talis solutio est non ens, est quoque eadem minimè vera.

Pergit tamen nos vrgerè ratione Crollius, quam melioris intelligentiæ ergo, placet formaliter resolvere. Ita ergo ille ratiocinatur. Quod in corpus redigi potest, id non deducitur in melius. Aurum autem non radicaliter solutum redigi in corpus potest.

Ergo aurum non radicaliter solutum non deducitur in melius.

Propositio Major probatur. Quod Crudum est & indecoctum, nullam alterationem, vel solutionem physicam passum, id non deducitur in melius. Ratiocinatio mehercule satis speciosa & plausibilis, in cuius tamen syllogismo priore, Majorem propositionem, ex ipso euertemus Crollio, (subsumo n. Antimonium diaphoreticum (rectius Mercurium Diaphoret.) Crollij, omnesque alias mercurij præparationes, eiusdem salia, Coralliorum, perlarum, vitriolum artificiale, Veneris, Saccharum Saturni. Hæc inquam omnia, in corpus rediguntur suum. Mercurius nempe Diaphoreticus, aliæque mercurij præparationes omnes, cum sale tartari commixta, ignique aperto in retortâ submissa, reddent in recipiens vas subiectum, viuum & corporalem mercurium: Salia coralliorum, perlarum, in arena destillata liquorem quidem soluentem, cum quo erant, in salis formâ condensata, in receptaculum transmittent, ipsa verò corpora in forma lapidum pulveratorum remanebunt, in vase destillatorio. Vitriolum & solue in aqua commu-

ni, præcepta cum lixiuo tartari, præcipitatum ex viridi flavescentem funde in igne, & habebis corporalem Venerem. Saccharum Saturni intra quadratam, cum tartaro calcinato, ope ignis fusoris, redit in suum corpus. Quid itaque jam concludemus? Ergo hæc præparationes mercurij, coralliorum, perlarum, Saturni, Veneris nullæ sunt, neque deducunt subiecta præparationi corpora in melius. Atque ita non tantum Crollio, eiusmodi præparationes summis laudibus extollenti, verum etiam ipsi experientiæ contradicemus. Atqui per Crollium non licet aliter, nisi hanc ipsius majorem, ingenua litura prorsus deleamus. Quam ipse fortè, tam inconsiderate non proposuisset, siquidem magisterij propriè ita dicti in genere namque id nominis, quodcunque apotelesma (spagiricum complectitur) naturam exactius habuisset cognitam, videlicet finis chymia, est exaltare corpora medicinalia; Hæc exaltantur, vel separatione partium purarum ab impuris, vtillum ab inutilibus, cuius separationis exempla nulli non sunt obuia, vel citra sui separationem exaltantur, quod fit reductione in magisterium. Estque hoc, uti ex Paracello alibi elucidavi, opus spagirices, in quo corpus integrum citrà sui separationem substantialem, per conjunctionem menstrui appropriati, & conuenientis exaltatur. Talia magisteria sunt illa mercurij, coralliorum, perlarum, Veneris, Saturni, ex Crollio supra allata præparationes. Tale aurum potabile Angli illius, tale quoque nostrum: Imò verò ipsa vera, & genuina, omnium tum metallorum, tum choncharum, hisque affinium corporum, præparatio spagirica, non nisi in magisterio si ita est, ut rectè magisterium solis quintam essentiam solis, esse Paracellus affirmet.

Legat initium lib. 6. Archidoxorum Paracelsi, quisquis velit, tam magisterij in genere, quam in specie, magisterij au-

rei naturam, tum quomodo Paracelsus Crollio contradicat, & nobiscum omni ex parte faciat, rectè cognoscere.

Hæc tamen licet non aliter sese quam quomodo dixi habeant, obijci nihilominus potest, neque in magisteriis, exaltari isthæc corpora, sed qualitates omnes, omnemque agendi efficaciam, solis menstruis additis venire adscribendam.

Quòd si hoc inquam verum est, qui sit, quòd vnum idemque menstruum cum diversis corporibus conjunctum, non habeat tamen easdem qualitates, & proprietates, exèplis ad eam rem vtar manifestissimis.

Quæro quare spiritus aceti, cum Ψ conjunctus, Saccharinam dulcedinem præ se ferat, cum corallii saporem amarum & minimè dulce?

Quare Spiritus nitri cum Luna conjunctus ardeat, mercurio verò concorporatus sustineat ignis etiam vehementissimum examen?

Quare cum eadem Luna spiritus nitri hydragogum, cum mercurio Diaphoreticum vtrumque certè, efficacissimum præbeat? Quare vna eademque aqua regia, cum tartaro solem fulminare faciat, martem minimè? Nisi fallor, hæ proprietates suo quæque magisterio, quatenus tali, non soli præcisè menstruo acceptæ referendæ?

Porrò in secundo syllogismo Crollij, quisquis majorem propositionem nolit simpliciter admittere, cum eo non multum ego litigauero, certè præterquam quod in omnibus magisteriis, vti ex supradictis loquitur, corpora integra, & per consequens cruda & indecocta subsistant, etiam in ipsis pharmacopoliis notum est, quod crudus chalybs per limaturam duntaxat, in pulverem reductus, agat efficacissimè in affectibus microcosmi, quod nequaquam idem faciat integer, Taceo quod frustraneæ sint futuræ plumbi in cerusam & minium reductiones, nisi per has plumbum deducatur in melius. Ego

in propositione inficias eo, 1. quòd aurum non radicaliter solutum, nullam si passum alterationem. Recognoscat quis mecum solummodò calcinationem quam ea operosa fuerit, quæ si vnà cum sequuta solutione magistrali, alteratio non fuit, eaque multiplex, ego quidem quid alteratio sit, juxta cum ignarissimis nescio. 2. per solutionem physicam Crollius intelligit, vel talem solutionem, quæ fiat debita conuenientique applicatione menstrui appropriati, vt agentis, cum calce solis ritè elaborata, vt patiente, pro hoc fine, vt inde emergat magisterium solubile & potabile, & tunc negamus solutionem nostram auri non esse physicam, vbi namque physica actiua & passiva, naturaliter sibi inuicem applicantur, quin ibi physica quoque actio emergat, insani fuerit iniciari: aut intelligit solutionem, quam radicalem idem vocat, qua auri forma metallica, verè ac realiter destruat: & tum principium petit Crollius, estque ipsi supra ex abundanti satisfectum. 3. Denique ex his consuetarium deducimus.

Aurum nostrum potabile nactum esse certam perfectionem, vt non possit propriè crudum dici quum tot tantasque alterationes subierit, vti in formam medicamentosam secederet. Nec etiam tamen perfectè cectum dici posse. Quande quidem in forma illa medicamento subsistat corporaliter: sed hanc eius preparationem, esse medio loco inter cruditatem & coctionem, medio dico, non per participationem, sed negationem vtriusque extremi. Atque hæc de solutione quoque sufficient.

Coagulatio.

Restat coagulatio actus omnium facilimus & vltimus, per quem solutio auri magistralis reduciitur, ad consistentiam solidam,

Solutio abstrahitur lento igne, quemadmodum fit in magisteriis perlarum, Coralliorum & consimilibus. Ita in fundo relinquitur magisterium auri potabile, solubile in quouis liquore, ex pallido subobscurè flavesceus, pretiosissimum naturæ arcanum. Quod quàm mirabiles effectus in microcosmo per sudores, vrinam, insensibilem transpirationem, in febribus præsertim pestilentialibus, malignis, petechialibus, variolis, peste ipsa, aliisque morbi, tam *ἐπιδημικῶς* quàm *σποραδικῶς* grassantibus, tam ad præservandum, quam ad curandum, idque exigua dosi, à grano videlicet vno, ad grana septem sumptum, habeat, id & in Anglia satis observatum est, & à proposito meo alienum, vltèrius commemorare. Ego id ipsum affuso spiritu vini ter rectificato circulo, & ad vsus in vitro bene obturato, asseruo.

Circa hanc coagulationem, operæ prætium fuerit, vnicum duntaxat dubium mouere, in gratiam præcipuè Angli illius, cuius iam plus vice simplice memini. Is quum videret solutionem suam auream instar auri seu croci colorari, cepit inde ad extractam ex auro tincturam, argumentari, deceptus nimirum in eo, quod tincturam menstrui soluentis, putauit esse tincturam rei solutæ. Quæ de re vere scripsit Crollius (164) Multa sunt menstrua quæ si stant aliquandiu in digestionem, per se sponte rubescunt (vt in spiritu terebinthinae multoties licet rectificato, videre est) & ita incircumspectos decipiunt, arbitantes se tincturam rei soluendæ habere, cum tamen ipsius sit menstrui soluentis.

Hæc Crollius: quæ si quis velit spiritu acetici, euidentius & magis appositè cōprobare, is hunc ipsum spiritum affundat corallais, perlis, conchis, nec non gummis, Antimonio, Ioui, Saturno, calcinatis, & debito tempore digerat, videbit acetum distillatum & vbiq; & ex æquo rubescere, argumentum nō fallor inuictum, men-

strui sua sponte, minimè verò per extractam ex hisce corporibus tincturam colorati. Identidem sequoque res habet, in solutione aurea rubescente Angli illius (vti & in nostra.) Idque tum coagulatione ipsius, tum infallibili reductione, vltèrius poterit si opus sit ostendi.

SVMMA BREVIS SVPRAScriptorum, cum clauæ, seu commentariolo eorundem.

- Primo aurum purgandum per § 1 a.
2. In laminas tenues idem redigendū.
3. Soluendum illud in aqua regis Valentiniana, aut ea quam Crollius describit.

Aqua Basilij Valentini.

℞. Cerberi chymici lib. 1. huic admisce lib. 2. aluminis probè calcinati, inde retortæ & lento igne euoca spiritum prorsus infernalem.

In hac aqua solue aquilæ Hermeticæ probè purificatæ lib. 1. & habebis aquam Basilij. Hac ratione vbi distillaueris, ab omni periculo tutus eris.

Alia.

℞. Spiritus nitri vnā partem, & spiritus salis communis vnā partem, confunde, hac in aqua solue aurum, & idem præstabit quod aqua prior.

Sala Aqua Regis seu aqua Chrysulca.

℞. Aquæ fortis ex duabus partibus vtrioli & 1. parte nitri distillatæ. Exempli gratia lib. 1. in qua dissolue vncias ij. salis armoniaci puri. In hac aqua dissolue Leonem rubeum.

Vbi dissolueris, cum lixiuio tartari præcipita. Tum cum aqua calida multoties ad dulcedinem elue.

Limum auri exicca in loco, nec soli,

nec igni patulo, sed tantum vento peruo.
Præterea, quando ad siccitatem perduxeris, cum floribus sulphuris misce. ☉ sint partes 2. florum pars 1. & combure vel reuerbera. Hoc fit ad scolopetandi vim auro soluto adimendam.

Insuper auro sic preparato affunde spiritum, è sale sanguinis ceruini, aut spiritum è sale sanguinis microcosmi paratum, extilla, affunde denuò, & quidem toties, donec secundum mentem Salæ ☉ sit præparatum, & solutioni aptum.

Demum affunde spiritus vini optimi, (aut aquæ roris majalis nouis distillata) tantum, vt totum aurum in se combibat, sin minus combiberit, priorem decanta & affunde alium, decanta & in M. B. digere, fluascet.

His peractis spiritum vini leni calore Balnei extilla, ad mellis consistentiam, dosin & vsum reperiēs apud Franciscum Ant. Salæ à grano vno ad septem exhibet, in liquore conueniente.

Aurum potabile aliud.

Primo aurum depurandum est per Lupum πολυφύρον lege artis, Secundò in aqua Valentiniana soluendum & præparandum per omnia vt in tractatu Angeli Salæ indicatum. Ad essentiam verò inde extrahendam sequens menstruum apparatus erit.

℞. Salis gemmæ, vel etiam, marini aut communis præparati. q. v. i. partem, & terræ figulinæ, aut boli armeni partes quatuor, (rectius opus perficies, si ad lib. salis, i. sumferis dimidiam libram aluminis optimè calcinati) Sal pulueris & cum terrâ, vel alumine misce optimè, materiam vtramque sic mixtam conjice in retortam, cui applica vas recipiens, & optimè l. a. obfirma, vbi factum distillare incipe, primum igne leni, ad expellendum phlegma: Tum ignem auge, non tamen nimium: nam parum spiritus aut

olei proliceres, si vehementiore propellere velles, & sal ad fusionem aniam præberes, tandem igne in tantum aucto, vt retorta mediocriter candeat, & accipies oleum flauum.

Oleum quod exstillasti flauum, inde cucurbitæ humiliori, vel retortæ conuenienti, colli scilicet amplioris, & phlegma in B. M. vel si retorta vteris, in capella vacua exstillata: Materiam quæ in fundo vasis tui remanserit, igne fortiore sublimata, & sal quidam Armoniacus in alembicum eleuabitur, fecibus fundo residentibus, quæ, vt nullius pretij aut momenti reiiciendæ. (Nota si distillatio cum alumine perficitur, & quidem in retorta, tunc sal armoniacus in collum retortæ sublimabitur, distillatione semel peracta caput mortuum per tempus aliquod aëri humido exponitur, inde denuò retortæ inijcitur & plus olei, atque salis armoniaci accipietur, poterit ter, quaterue fieri.) Salem hunc armoniacum exime, & in spiritu vini optimè rectificato solue, & per ostiduum in leni calore digere. Tum spiritum vini exstillata, & spiritus vini salem armoniacum secum in altum sublimabit, aut eleuabit. Si prima vice non omnis Sal ascenderit, spiritus vini residentie iterum affundendus & labor sublimationis iterandus, donec vnà cum spiritu vini, omnis Sal eleuetur & transcendat.

Spiritus hic vini salis spiritu impregnat, aurum non in totum soluit, vt docet Basilius Valentinus, sed tantummodo animam seu sulphur auri attrahit, remanente solis corpore in fundo. Si menstruum prima vice sulphur auri non extraxerit, aliud menstruum affunde, tandem omnes extractiones conjunge, & in balneo vnà exstillata, & prodibit tinctura sanguinis instar rubicunda.

Menstruum prædictum etiam inseruit reliquis metallis, & mineris animam extrahendi.

Alia ratio preparandi aurum potabile.

Re. Salem communem cibarium, hunc funde in tigillo vel olla forti: post effusionem contunde & tere minutissime: vel si volueris fumito Salem Armoniaci, vel salem petrae, eumque cum calce viua calcina, vt moris est, fustum & calcinatum in aqua dissolue, vt terra calcis resideat permitte, liquorem clarum & limpidum decanta & per chartam emporeticam traice, poteris eodem modo cum sale tartari & calce viua procedere, sed in hoc tantum mixtione & dissolutione opus est, vt sal tartari, & calcis viuae vniantur. Filtratio hic locum non habet, propter enim nimiam corrosiuitatem, omnem chartam perrumperet: tantum vt calcis terra resideat expectandum est, & liquor clarus decantandus.

Vbi traieceris, vt euaporet humiditas, & affusa aqua omnis da operam: Tum salem siccatum iterum puluerisa, & in locum humidum repone, vt in liquorem omnimodè resoluatur. Liquor hic Salinus in cucurbitam conliciendus, cucurbita verò in Balneum cum alembico cœco reponenda, & vt putrefactio fiat per mensem, curandum. Mense elapso, alembicus cum rostro cucurbitae imponendus, & ex balneo mariae phlegma extillandum: Quod in fundo restat, denuò per mensem vt prius in putrefactionem collocandum, & inutile phlegma omne extillandum, & in fundo remanebit oleum, quod erit quinta essentia salis.

Hanc quintam essentiam Salis funde super calcem auri optimè preparatam, & in digestionem colloca, ad extrahendam quintam auri essentiam. Extrahet autem secundum Portam tantum tincturam & corpus auri in fundo relinquet.

Quando essentia salis, animâ solis fuerit imprægnata, tum decanta illam, & aliam affunde, ad reliquam, si qua in cor-

pore solis erit essentia, extrahendam: vbi extracta fuerit iterum decanta, & cum priore coniunge.

Iam habes in promptu essentiam vini optimè preparatam, & super extractam animam solis funde, & animam auri ad se trahet, relicta in fundo essentia salis. Essentiam vini quod atinet, ab auri tinctura per Mariæ balneum separa, & cœu Thesaurum pretiosissimum serua.

Aliud aurum potabile Quercetani ex tetrad. fol. 440.

Aurum calcinetur more modoque philosophis vsitato, sed prius adducatur ad summum puritatis gradum, per lupum caninum, seu multiuorum, vbi purificatum, & calcinatum fuerit, tum immerge in aquam Regis, in qua aliquid de oleo antimoniij glaciali solutum sit: Hoc vbi fiet, aurum eclipsin patietur & splendorem suum deponet, inque nigrum, liuidum, & mortuum colorem mutabitur: Hæc autem mortificatio vitæ ipsius initium erit. Calci solis sic preparata, affunde aquam pluuialem destillatam, & abluc toties, donec rursus inclarescat, & fusco colore deposito splendidior reddatur. Nec quicquam periculi verendum, ex crebra illius ablutione, vt neque ex illius mortificatione.

Quo enim magis extinguitur, eouitam splendidior, maioremque gloriam sibi comparabit, ex sulphureo & ardente liquore fructuum maturorum Iuniperi, qui ex sole, vitalem suum balsamum, & sanguinem exquisitissimum extrahit: Corpusque eius album, pallidum, ac tanquam exanime, aut omni spoliatum vitam relinquit. Hunc balsamum & sanguinem solis vitalem, si crebris cohobationibus ex spiritu flagrant Saturni per alembicum exercueris, exuperantem acquirere aëstuitatem, ac operandi vim, virtutesque eximias, quibus Balsamum nostrum natura-

naturalem corroboret, ac potentio-
reddat, sese omnibus hostibus suis expe-
diendi, &c.

pem curandum, & lucem veneream expel-
lendam, per solum sudorem.

Præterea.

*Tinctura Auri secundum eundem
Quercetanum, ex lib. de Med spag-
ir. præparatione.*

Primò aurum præparetur per ò vt mo-
ris est. Deinde cum floribus sulphuris re-
uerberetur, amalgamatum priùs cum
mercurio & hoc sapius fiat reuerberando
illud, & præparando vt dictum, tandiu,
donec leue, spongiosum, & irreducibile
fiat, & purpureum acquirat colorem.

Ex hoc auro cū spiritu vini alcoholisa-
to, idest, cum spiritu salis armoniaci cō-
mixto, vt 4. digitos supernatet, extraha-
tur tinctura, in matratio hermetice clau-
so, & postquam per mensem in balneo di-
gestum fuerit, color cum spiritu vini com-
mixtus separetur scilicet per Balneum.

Liquor hic tandiu circuletur, donec li-
xus reddatur. Huius tincturæ 3j mixta
cum vncia j. aquæ theriacalis optimæ, ad
scrupuli vnius quantitatem mane jejuno
stomacho sumatur, continueturque de-
cem dierum spatio. Medicamentum hoc
Diaphoreticum est, expurgans vniuersi
corporis humores prauos & vitiosos.

Mercurius auri.

Auri album corpus (quod est vera Lu-
na fixa extracta sc. tinctura) cum salibus
resuscitatiuis, vt tibi constat, & cum ace-
to mellis, vt artis est, præparata digestio-
ne & sublimatione ab experto spagiro re-
ducetur in Mercurium vivum & curren-
tem paucorum dierum spatio. Mercurius
hic in matratium coniectus per se præci-
pitatus in furno Athanoris, calore non
magno sed mediocri, & fiet inde pulvis
rubeus, de quo exhibentur grana octo
cum vino aut aqua theriacali, ad hydro-

Ang. Sala.

Si hunc mercurium præcipitatum cum
sua tinctura rursus conjunges, & debito
tempore decoques in pulverem vel potius
lapidem, habebis medicinam omnium
præstantissimam aduersus lepram & san-
guinem corruptum mundandum, iuuen-
tutemque restituendam.

*Aurum vitæ Quercetani in Solopeta-
rio fol. 208.*

Calcinatur aurum more spagirico, vt
leuissimum & spongiosum reddatur, &
quod reduci nequeat, a quo cum aceto di-
still. elicitor semen siue tinctura in Bal-
neo, quod fit digestionem, cuius tincturæ
vires circulatione cum spiritu vini ita au-
gentur, vt ad innumerabiles morbos sa-
nandos propemodum incredibiles vi-
deantur.

*Aurum vitæ aliud præstantius eodem
folio.*

Aurum in tenuissimas bracteolas redi-
gatur, & cum sale præparato toties calci-
netur & reuerberetur, donec impalpabi-
le reddatur. Salem ex Alcoole Solis sepa-
rato solutionibus: tum ipsum rursus cal-
cinato admixto sale candidissimo & Sac-
charino i. e. Saturni: Huic mixturæ af-
funde spiritus vini alcoholisati cum pro-
prio sale, qui sc. in vino, non fecibus vini,
latitat, vt ex artis præceptis traditur, tan-
tum vt quatuor digitos supernatet. Fac
deinde vt accendatur & exardescat vini
alcohol, hocque sapius reiterabis. Deinde
nouum affunde vini alcohol, ac ritè & de-
center omnia circulentur, quatuor die-
rum spatio, tum demum separetur distil-
latione competenti menstrum, nouum.

que rursus affundatur, totiesque circule-
tur, & distilletur vt factum est prius, do-
nec auri tota substantia per alembicum
effertur. Separato menstruo vt decet,
remanebit in fundo Aurum vitę omnium
summum, & pręstantissimum.

*Aliud Aurum potabile ex cap. 29. te-
trad. Quercetani.*

Soluatur Sal marinus, Colonienſis seu
qui ex aqua marina coagulatur ex arte.
Soluatur autem cum proprio menstruo,
id est, cum aqua pluuiali, seu fontis distil-
lata, idque fiat toties, donec ad summam
purificationem ac claritatem perueniat.
Huius sic mundati & clarificati salis lib.
6. adijce dissoluentis vitriolati & melli-
flui ex vegetabili & animali parati, id
est aceti ex melle facti quod sufficit, ad
majorem fermentationem, ac corroborati-
onem, vt facta digestionem conueniente,
quam præiſſe oportet, (idem additur
acetum, vt ex eo expeditius & libentius
spiritus salis per alembicum transeat)
vsum vehiculi præbeat, Sal enim si in
distillatione vehiculo seu expulſore ca-
ret, difficulter spiritum prodire ſinit.
Quare si quis ſalem in retortam conijcit
& distillat, prodit aqua acida seu vitrio-
lata. Quamprimum verò aqua seu phleg-
ma in Sale latitans prodit, Sal armonia-
cus quidam sublimatur: Quod si verò à
distillatione cesses & caput mortuum ali-
quà aqua irriges, vel in locum humidum
ſtatuas, ad attrahendam aquam & rursus
Salem illum in retortam conijcias &
distilles, tum vt primum spiritum aci-
dum conſequeris, hoc toties repetere po-
tes, donec totum tuum ſalem, in spiritum
conuertas, qui poſtea in Balneo rectifi-
candus ad commodius, spiritus aqueos,
ſulphureos ac vitriolatos, dulces, acidos-
que, qui firmissimè ſali illi reconditi in-
herent, extrahendos. Quod in prixide
Waldenburgica, hoc est, quavis retor-

ta terræ firmissima, vel etiam vitreâ lū-
to probè munita & loricata, præstan-
dum est.

In hoc versatur rei cardo, vt gradatim
ignis admoueatur: in quam rem sedulo
artifici, & in huiusmodi opere exerci-
tato incumbendum est. Nec non & for-
nax reuerberatoria Athanoris requiri-
tur, in qua opus ex norma & mensura
dirigatur. Oportet enim, vas incandef-
cat, purpureo non claro calore, ne vi-
delicet ſal ſuat, cuius fluxus spiritus im-
pediat, & retineat, ne copioſius, & op-
portunè, vt decet, extillent. In eo au-
tem adæquato igne cornutam aut retor-
tam immorari neceſſe est ad octo dies,
quo tempore ſemper recipienti inuigi-
landum erit, quod vſque aded & spiſ-
ſum & capax firmissimoque luto obuo-
lutum vel obductum eſſe oportet, ne quid
vſque expiret: quod & turbidum & spi-
ritibus vaporosis ac albis oppletum ani-
maduertetur in quibus virtus & primum
ens metallorum reſolutum eſt in aquam
acidissimam. Poſt spiritus exhaustos tan-
dem ad collum & ſummitatem recipientis
sub ſinem distillationis ſublimatebitur
aut attolletur terra, quæ foliata dicitur,
inſtar niuis albiſſima, vel etiam ſua quæ
ei collo adhærebit, & mercurius aut ſul-
phur philoſophorum nuncupatur, quam
vtramque appellationem meritò & jure
ſuo obtinet.

His itaque peractis & refrigeratis om-
nibus vasculis, vt probè omnia conſueſ-
cant, loricis vaſa erunt exuenda, con-
iunctaque per agitationem, vtraque eſſentia
ſalina ac ſpiritualis ſeu liquida in alem-
bicum effundetur vitreū, ex qua tria prin-
cipia ſummè ſpiritualia ſimpliciſſima ac
efficaciſſima ſeu maximè penetratiua, quæ
in ea continentur ſeparata erunt, vt ſeor-
ſim ſingula ſeponantur, vt mox dicetur,
quæque deinceps in vnum corpus vnian-
tur. Quod verè homogeneous eſt, ac nihil
heterogenei retinens ſimpliciſſimum ac

pēnētrantissimum efficacissimumque futurum est. Alembicus autem & recipiens firmissimè loricata in Balneo vaporoso collocentur, suo quoque loco ac lentissimo calore inspidum phlegma, aquæ tantum inuutilis saporem referens separetur. Quo separato, ad iustam sats quantitatem, idque lentissimo igne, vt dictum, alembicus frigori exponatur, vbi pellucidissimi Lapilli CrySTALLINI, gustuique dulces formabuntur. Quibus semotis ac seorsim depositis, redditoque denuò balneo dulci alembico, vt rursus ad lentum calorem inspidum phlegma seiungatur, si rursus alembicus frigori exponatur, concrecent iterum glaciales globuli, iidemque perduces. Quæ quidem operatio toties repetenda est, dum nulli amplius lapilli emergant, & quicquid residui extillabit, non amplius phlegma inspidum, sed aciditatis vitriolatæ, quæ mordicationem summam linguæ inferat, instar acerrimi spiritus vitrioli gustum inducat. Tunc verò ab operatione desistendum, & fundo alembici quærendum verum salis oleum vitriolatum, acidumque, à quo omne inspidum phlegma, & inutile extractum fuerit. CrySTALLINI verò lapilli etsi sapore dulces depræhendantur, admirandæ tamen sunt virtutis, vt qui Soli vel auro seorsim, vel cum oleo suo, ad idoneam quantitatem permixti sint verum terrestris Solis menstruum, ac dissolvens. Eius proprietates, ac virtutes vitales, vegetantesque locupletans ac exacuens. Liqueor igitur iste balsamicus, ex sale eductus, hoc ipsum potest, si ad debitam quantitatem, aquæ, aut passui liquoris, qui vbique copiosus occurrit, commisceatur. Ista enim sic diluuntur, ac contemperantur inter se idoneè mixture rosæ, violæ, aliue flores, vele maricidi ac sicci, quique omni odore vitalique virtute, vel longo ante tempore exuti fuerint, perfusi ac imbuti, pristinum vigorem ac vitales alias virtutes reci-

piant, ac in colorem gēnuinum, ac magis etiam floridum, quo vel dissolvens ipsum etiam tingetur, redintegrentur, vt nec magis sit natura ex verno sole, tot tamque elegantium colorum ferax, quàm hyems ex artificiali nostro sole, ad radices herbarum effuso, sæcunda eniteat.

Hoc igitur modo, qui supra dictus est, si dulcedo illa crySTALLINA salis, cum oleo, aut aciditate vitriolica propria, debita proportionē coniungatur, Solque in eo philosophicè solutus, & in quintam ibi essentiam reductus omni sanguine rubicundior (quem colorem ex coctione aut digestionē, proprioque calore sibi comparat) adjiciatur. Hinc vniuersalis medicina nascetur admirandæ virtutis, quæ vel lepram ipsam tum vniuersalem, tum particularem totius corporis, Epilepsias, & id genus indomitos affectus, vnus aut alterius tantum grani dosi, expugnare valeat.

Accepimus à docto quodam medico &c. quod Ioannes Montanus Strigius, antiquus & magni nominis Medicus, ac singularis raræque in vtraque medicina eruditionis, statim ex lapillis istis crySTALLINIS oleum rubicundum resolveret, quod in proprio vase solem in liquorem reduceret, vnde præstantissima medicina oriatur, coctione omnium colorum discrimina experta. Cuius ad granum j. aut alterum, pro dosi, admiranda auxilia, aduersus superiores morbos præberentur.

Laudanum Mercuriale Doct. Hartmanni Beyeri, ex quo aurum potabile.

Nonnulli secundum mentem Paracelsi, ex eo quod ex Chirurgiæ magnæ tot locis colligunt, non contenti sublimatione, vltius progrediuntur. Ex eodem enim mercurio plenè dextreque rubificato, conficiunt oleum dulcissimum fra-

grantissimi & excellentissimi in Medicina vsus. Sic.

Imbibe Sublimatum cum spiritu vini ad modum pastæ, vt is tantum in vitro tres digitos emineat, post vitrum probè clausum in digestionem fimi equini vel B. ad putrefactionem per mensem Philosophicum, i. e. per sex septimanas colloca, vel vt vertatur in mucilaginem oleaginosam, quo factò tolle spiritum vini ab eodem subtilissimè decantando, & per filtrum traiciendo, & distillando, lentissimo calore B. phlegma omne, vt restet in fundo oleum albissimum dulcissimumq;. Hoc postea igne arenæ vehementiore per retortam expulsum, abit in luteum quandam liquorem, & pars ipsius mercurij aliquota simul euocatur, quem repetita vice, cum oleo prædicto distilla denuò, reuertuntur omnia in oleum graue, dulcissimi saporis & odoris fragrantissimi.

Huius olei recipe vncias v. Solis per sulphur & mercurium optimè calcinati vnc. ß. putrefac in phiala Hermetis signata, ad calorem cinerum, integrum octiduum, extrahitur tinctura solis instar sanguinis rubens, quam relicto in fundo albicante solis corpore in phiala Hermetice occlusa, coagula lento igne in Athanore, in lapidem rubrum, quem super lapide porphyrio humido solve, in oleumque denuò rejectis facibus coagula. Tertiò eandem operam repete.

Ea summum elixir vitæ & laudanum mercuriale, probè in vitro seruandum. Eius dosis est granum j. in haustu vini solutum, vel cum extracto Theriacæ, & puluere liquiritiæ, quantum satis ad incorporamentum, in formam pillularem, superhibito haustu vini, in quolibet morbo, repetitis dosibus, si necessitas exegerit, datur à grano sem. ad granum j.

Aurum potabile compositum, idemque verè spagiricum.

Primum fiat vitriolum ex calcinato cū pro per sulphur, vt notum est, cum phlegmate vitrioli. Ex hoc autem vitriolo Veneris, fiat l. a. spiritus, & oleum. Deinde solvatur in hoc spiritu & oleo limatura martis optimi. Exinde rursus fiat l. a. vitriolum.

Vitriolum martis vbi puraueris, faciendum est menstrum singulare ex spiritu salis, aceto destillato, & spiritu vini optimè rectificato, aceti & spiritus vini sumantur partes æquales, spiritus salis autem quarta tantum pars. Hoc menstruum ter per alembicum est propellendum, ad tres spiritus istos viniendos.

In hoc menstruo, vt præceptum, parato, dissolve vitrioli martis q. pl. Menstruum autem in balneo rursus leniter abstrahæ, postea per retortam luto obductam & munitam, igne violentiori pelle, & transibit tinctura veneris & martis alembici colore similis, seruato tamen debito regimine ignis interdum instar fumi rubicundè nebulosi, qui fumus apud Basilium Valentinum materia prima tincturarum & perfectionis corporum minerialium nuncupatur.

Phlegma de hoc spiritu in Mariæ Balneo abstrahæ, affunde spiritum vini rectificatum, & circula, & rursus separa, sic medicinam habebis prorsus excellentem atque admirandam: si verò placeat, spiritum hunc tingetem, cum auro vnire secundum Basilium Valentinum, tum aurum finem solvendum erit in oleo salis, solutio in Mariæ Balneo abstrahenda, in illa abstracta aqua solve duas partes tincturarum martis & veneris, rursus abstrahæ, & cohoba, dum in distillatione omninò sentiatur acrimonia. Tunc recentes spiritus vel oleum recens salis superfunde auro, & quidem tantum, quan-

tum pro solutione acceperas, in cineribus per aliquot dies leniter digere, deinde abstrahere ab iisdem aquam leniter. Aquam hanc abstractam in MB. tepidam prius redditam, rursus superfunde & destilla ut prius, in fine ignem aliquantulum augendo. Sic aliquid corporis solaris, qualibet destillatione eleuatur. Sol hic cum Marte & Venere animatus & conjunctus, perpetuo irreducibilis existit. Abstrahere aquam in MB. ad siccitatem, imbibere cum oleo tartari summe depurato & in cella secunda vice resoluta, & probe filtrata, rursusque exicca, imbibitionem bis repetere, tandem exiccatum, in cineribus phiala immissum, fortiter fouere, ut quasi coalescant, postmodum rursus puluerisa & resoluere in cella, in oleum sanguineum, quod extrahe cum spiritu vini & serua ad usum.

Compendiosius sequenti modo hac peraguntur.

Vbi omnia alembicum transcenderint, abstrahere ad oleitatem, & superfunde spiritum vini rectificatum, cum sale urinae acuatam ut scis, & est vestigio omnes tincturas extrahet, paucis de corporis solis subalbido & omni tinctura exuto remanente. Spiritum hunc abstrahere per alembicum & recentem non acuatam superfunde, ad oleitatem abstrahere, quam per retortam pelle, sic habebis tincturam admirabilem ad omnes totius corporis affectus.

*Spiritus Solis Domini Iob. Oslandri
presulis Murbacensis.*

Non minus artificiosa, quam spagirica & philosophica est preparatio, spiritus auri, quæ fit & paratur ut sequitur.

Primum aurum in tenuissimas bracteolas redactum, cum mercurio viuo amal-

gamandum est, & per corium rursus transligendum.

Secundo massa quæ in corio post transfectionem mercurij viui relinquitur, in testa aliqua vitro obducta, sub pileo vitreo, ad excipiendum auolantem mercurium prunis ardentibus imponitur, ut non segniter in fugam se conciat.

Tertio semper, priusquam mercurius ex dimidia parte, vel in totum expiret, remouenda auri ab igne massa, & rursus terenda est, ne massa coeat, aut coalescat. Quæ in parte sapius, etiam ab optimo artifice peccatur, & à scopo aberratur.

Quarto mercurio omni ex parte fugato, & expulso, cum calce reliqua nouus mercurius coniungendus, & semper idem per ignis vim rursus abigendus, donec eadem calx jam ægre mercurium sibi iungi concedat. In labore hoc non opus est, ut mercurius in amalgamando soli iunctus prorsus fugetur, non refert etiam si aliquid cum auro maneat.

Quinto, quando jam calx solaris incipit, ægre atque difficulter pati mercurium sibi commisceri ad faciendum amalgama, tamdiu procedendum est, donec calx Solis mercurium viuum & currentem in consortium prorsus nolit amplius amplecti (id quod ego inquit auctor processus multiplici experientia didici.) Neque refert hic, quantum mercurij auro admisceas, nihil hic periculi est, sed tantummodo caueatur, & prospiciatur, ne massa solaris in viuum coalescat.

Sexto, quando calx solis mercurium prorsus non vult admittere, vel ægerime solummodo, tum mercurius omnis expellitur per calorem ignis, sed interim prouidendum, ne calx fundatur, calx talis quodammodo rubet. Septimo calci huic affundendum acetum destillatum, nullatenus autem radicatum (hoc enim huic operi nihil conducit) & acetum illico calcem solarem hoc modo paratam aggreditur, prius quam in digestionem collo-

cetur, & extrahit quādam essentiam. Tum acetum decantatur, & aliud affunditur, rursus per 24. horas in digestionem collocatur, & tantum ex calce solari extrahet acetum, quantum ad solutionem mercurius aptum reddidit: sed qui quantitatem molarem sibi imaginatur, profecto is sibi somnia fingit.

Octauo calci solari residuæ rursus adjungitur mercurius viuis, vel prior qui in vsum venerat, vel alius nouus, non refert; Et cum calx in continente cum mercurio se copulare permittit, & quidem promptissimè, & tum primi labores ordine repetuntur, donec tota calx solaris in essentiam solvatur, quod tamen non nisi multis, & sæpius repetitis laboribus fiet.

Nonò omne acetum, quod in solutionem fuit adhibitum, & decantatum coniungitur, & in cineribus leato igne euocatur, & in fundo residet sal albicans, qui cum aqua pluuiali distillata est dulcorandus, statim verò in aqua solvitur.

Decimò, quod si sal talis diligentèr in moderato calore fuerit exiccatus, tum retortæ luto optimè munitæ inditur, & magnum vas recipiens applicatur, & probè ad fugam spiritibus intercludendam luto cauetur, per gradus ignis administratur & primum prodibit phlegma, hinc sequitur fumus, qui instar fili lancei ad fundum recipientis contēdit. Tandem verò, vt in tinctura corallorum tam potens & copiosus sequitur fumus, qui nullo artificio tam arctè potest occludi, in recipiente retortæ applicato, quin eius odor nares feriat, & quidem instar croci.

Vndecimò his peractis recipiens vas vt refrigeret cum retorta permittitur, & spiritus diligenter colligitur.

Duodecimò hic spiritus potest rectificari, & quidem in tantum, vt subtilior fiat, quàm spiritus aliquis vini.

Expertus sum inquit author processus,

quod eiusmodi spiritus, calci Lunari subtilissimè tritæ affusus, quādam flauedinem extfaxerit. Hæc oculis meis vidi, & manibus aliquoties tractaui, & scio processum esse verissimum, sed diligentem requirit spagirim, interim fateor esse laborem haud breuem non exiguam partem calcis solaris requiri. Quandoquidem vna vice per partum extrahitur.

Princeps quidam cum hoc spiritu, hominem deploratæ valetudinis restituit, & multum cum eo præstitit, sed qua ratione intra & extra corpus debeat vsurpari, & an quoque ad metallorum transformationem aliquid faciat, id mihi non constat, doctis & expertis id philosophis ad experiendum relinquam. Hoc tantummodo notatu dignum est, quod solidissimum & perfectissimum corpus solis nullique igni cedens, in tenuissimum, & subtilissimum spiritum possit reduci, id quod ego non semel, sed multis vicibus expertus sum.

Aliud

Aurum potabile quod est desumptum ex Testamento Fratris Basil. Valentinii.

Summum atquè primū aurū potabile, quod DEVS OPT. MAX. in totam naturam collocauit, est probè excocta, præparata & fixa substantia, lapidis nostri vniuersalis, priusquam illa fermentetur: nulla maior, præstantior, & excellentior medicina vniuersalis, & aurum potabile, potest in tota natura per orbem vniuersum terræ reperiri, aut in lucem proferri, cæleste siquidem est Balsamum, quoniam ipsius principia & prima exordia, ex cælo originem sumunt, & in terra formantur, postea verò, post suam summam puritatem, ad summam perfectionem deducuntur. De quo pri-

mo exordio, primaque origine, huius celestis substantiæ ego quidem fusè satis & quantum necessitas postulat, scripsi, vt hic repetitione non opus esse existimem.

Quemadmodum verò excocta eiusmodi & perfecta substantia, summa, principalis & maxima vniuersalis medicina microcosmi est, sic viceversa illa ipsa materia, post suam fermentationem etiam tinctura est, & summa, maxima, & potentissima medicina, omnium metallorum, quæ per hanc ad summam depurationem & valetudinem perfectam, nempe in purissimum aurum possunt transformari, & transmutari. Et sic hoc aurum potabile summum & maximum, atque vniuersalis est medicina, totius mundi, de quo solo, multa librorum volumina possent produci. Quoniam ipsius præparatio ante hac in tertia parte secundum omnes circumstantias est descripta, & docta, non operæ pretium arbitror, vltiorem institutionem proponendam, sed in dictis acquiesco. Sed vltius dicam & declarabo, vñ cum absoluto processu, quemadmodum verum aurum potabile, ex communi summè depurato, & perfecto auro possit fieri & comparari.

Recipe extractam ex auro animam siue essentiam, quæ cum spiritu salis communis dulci facta est, quemadmodum te in particulari auri docui, & cum corpus solis totum albicans comparuit, spiritum salis extilla, & animam solis, decem vel duodecim vicibus dulcifica, tandè probè exsicca, eamque pondera, & quatuor partes spiritus vitrioli Vngarici, dulcis scilicet affunde, bene obsigna, inq; Balneum vaporosum colloca, putrefac lentissimo calore atque igne, & quidem tamdiu, donec totaliter soluiatur, inque aquam, seu primam materiam reducatur, & ex ambobus illis, liquor sanguinis ad instar rubens, pellucidusq; fiet, sic vt eius cum ru-

bedine nullus rubinus possit conferri.

Hoc interim obserua, quod si anima solis ceperit dissolui, & in primam materiam suæ substantiæ transuerit, quodd in vitro primum ad spondilia circumcirca, vbi materia tenetur, circulus eleganter viridis conspiciatur, deniq; verò omnes colores arcus celestis coeunt, & comparent, qui tamen breui tempore durant.

Quod si verò anima solis jam planè fuerit soluta, & nihil vltra in vitri fundo conspicietur, duplum pondus spiritus vini optimè rectificati affunde. Vitrum sigilla quantum poteris optimè, digere, vel putrefac rursus vñ per duodecim, aut quindecim dies, tum vñ educ per alembicum, & materia transcendet, in forma sanguinis absolutissimi & optimi, aurea tota, perspicua: Toties hanc educationem & extillationem itera, donec nihil amplius de corpore solis in fundo remanserit: & tum habebis verum, & perfectum aurum potabile, quod in æternum nunquam poteris in corpus aliquod reducere. Interim notandum, quod corpus solare, antequam destruat & anima eius extrahatur, oporteat ad summam puritatem & perfectionem reduci.

*Aurum potabile Fr. Basf. Val.
alterum.*

Aliud etiam aurum potabile fit, & arte singulari paratur, quod licet non pro perfecto omnibusque numeris absoluto auro potabili possit diuendi: tamen plus etiam est quam semiaurum potabile habendum, quoniam quoad virtutes & efficaciam suam, potentissimas vires in multis morbis edit, quos alias natura vincere nequit, id quod experientia docuit & comprobauit.

Aurum verò potabile tale, duabus viis atque rationibus præparatur, vbi posterior, priore præstantior & efficacior

est, sed plus ad id faciendum temporis & laboris atque operæ, quam ad primum requiritur, primi verò preparatio talis est.

Recipe extractam animam solis, quæ cum spiritu salis dulci parata est, quam optimè & diligentissimè dulcifica, denique eam siccariſſimas, atque in phiolam capacioſiorem immitte, vel etiam in cucurbitam, huic affunde oleum vitrioli rubrum, quod ab omni phlegmate sit liberatum, & prius per retortam sit rectificatum, ut perspicuum, & clarum fiat, id est album, ut observare possis, cum animam solis aggrediatur, & soluit, ex qua in rubrum & amœnum colorem transit. Hujus verò olei tantam affunde quantitatem, ut sulphur vel anima solis, in eo solui possit, tum in Mariæ balneum pone, ad putrificandum, seu digerendum; & ignem paulò vehementiorem adhibe donec videris animam auri dissolutam & colliquatam, in oleo vitrioli. Si quas fortè fæces in fundo reliquerit, ea separa ab extracta anima, tum affunde ulterius & quidem in duplo pondere, essentia vini, vel spiritus vini optimè rectificati, ut te in meo Testamento docui & institui, vitrum sigillo Hermetico ob signa, ne spiritus vini exitum sibi querere possit, & de novo in Balneum Mariæ colloca in putrefactionem, moderatissimumque adhibe ignem, mensis unius spatio, & acrimonia olei vitrioli per spiritum vini imminuitur, & suam acridinem amittit, ut vnà præstantissima fiat medicina. Hanc medicinam toties per alembicum distilla, vel etià per retortam, donec nihil in fundo cucurbitæ, vel retortæ relinquatur. Et sic acquies plusquam semiaurum potabile, in forma & colore summè flavescentis liquoris. Interim nota, quod cum aliquibus metallis, etiam hac ratione processus potest institui, ut scilicet ex metallo primum fiat vitriolum ex quo spiritus destilletur, & hac ratione cum

anima conjungatur, solvatur, & cum spiritu vini digeratur, donec omnia simul in adequatam medicinam tranſeant, ut docui, quæ suas quoque easque non paruas obtineat vires & virtutes.

Aliud eiusdem Fr. Basilij. Valent.

Altera via ejusmodi semiaurum potabile præparandi, quod quidem plus non est autum quàm semiaurum potabile, virtute tamen & efficacia proximè descriptum multis parasangis superat, & longo post se intervallo relinquit, tale est, ut sequitur.

Rec. animam auri extractam, de qua supra dictum, eam in phialam immitte, & superfunde extractam sulphur philosophorum, quod cum spiritu mercurij, id est, vitrioli ex terra philosophorum extractum est, & mercurius, siue spiritus mercurij vsque ad oleitatem, quæ sulphur est, rursus abstractus sit leniter, per modum distillationis. Huius Sulphuris philosophorum, affunde tum ut dictum antea, tantum, ut in eo anima solis solvi possit, & in leni Balnei calore ut requiescat permittit, donec talis solutio facta sit, tunc plus affunde, optimè & summè rectificati spiritus vini, digere porro leniter & vnà exstilla, donec nihil in fundo amplius restet, & habebis medicinam, quæ vero auro potabili haud multum præeminentia concedit. Et hæ sunt præcipuæ viæ, quibus corporale aurum potabile redditur. Hactenus Basilius.

Præparatio auri ad aurum potabile.

Recipe metalli omnium præstantissimi, quod propter indefinites hominum insidias, quæ ei struuntur palleat, quantum libet, vel quantum tua fert conditio, id funde ter per lupum caninum seu multuorum, ut ipsum philosophorum spagiricorum celeberrimus Fr. Bas. Val. nominat. Tum

mat. Tum reducatur in tenues bracteolas; seu folia tenuissima, & solvatur in menstruo sequenti: Recipe spiritus aromatis nobilissimi (non quod ex India aduehitur, sed quo nemo non hominum quotidie utitur) vnam partem, & spiritus cerberi Hermetici optimi quatuor partes, in hoc iniice flauum tuum metallum in cucurbitula, vel matratio positum, & pone in calorem debitum, donec omne solvatur. Si menstruum non omne metallum soluerit, affunde, decantato primo aliud, & solue, tum solutiones tuas confunde. Jam habeas in promptu mercuriū viuum erudum, purgatum tamen, & tantum in solutionem conijce, quantum metalli solueras, & sic spiritus cerberi Hermetici & aromatis nobilissimi, metallum deseret, & mercurium aggredietur, metallum autem ad fundum in forma subtilissimi pulveris subsidebit; quod cum aceto distillato imbibendum, & ter in Balneo abstrahendum, & sic accipies calcem auri subtilissimam, quam per mensem igne mediocri reuerberare poteris, ut tanto ad essentiam inde extrahendam subtilior euadat.

Aurum potabile πολυδρελλητον, seu famelissimum Angli illius Francisci Antonij.

Primo omnium dissoluatur aurum finum in aqua regis secundum artem vel. Fiat aquæ fortis libra j. huic addantur vnciæ quatuor, salis armoniaci, in aqua distillata soluti, filtrati, & rursus coagulati, & distilletur primum in cucurbita in Balneo, spiritus verò grauiorēs demum in retorta in Balneo sicco, hoc est in cupella vacua, sed bene operculata. In hac aqua solue tuum aurum, vel in oleo salis, & spiritu nitri rectificatis, ut paulò ante electus es; solutionem in vitri lati fundi effunde, & quod sit colli ampliioris, Prio-

ri solutioni cum aqua regis facta, guttatim infunde oleum tartari per deliquitum facti, donec aqua regia clara & alba euadat. In hanc autem solutionem per spiritum salis & nitri factam funde ad vnciam dimidiam, vnciam vnam I. nensis Chymici, colloca in lentum calorem, in matratio, obturato leuiter vitro cum cera, & aurum fundum petet, spiritus verò secum mercurio conjungent, & ipsum soluent, qui mercurius vnà cum menstruo dum adhuc calet, ab auro est separandus, & in locum frigidiorē collocandus, separabitur phlegma menstrui & mercurius in vitriolum album abibit. Aquam regis quod attinet, vbi post præcipitationem auri clara euasit & perspicua instar Crystallicæ, dabit tibi signum, aurum tuum omne ad fundum descendisse, sine ut quiescat per noctem, & mane liquore effuso, calcem in fundo quater, aut quinquies communi pura aqua ablue, eamque debito modo exicca.

Nota priusquam calx omnino exiccata fuerit, scilicet, quæ cum oleo tartari præcipitata est, (nam altera hac tractatione non indiget) Imbibe illam cum oleo salis communis, quod oleum tartari mortificat, & fulminationem omnem auertit. Si autem siccare volueris, sine præparatione cum salis spiritu, caue ne calor sit excedens. Quamprimum enim calorem calx sentit, flammam statim concipit, & in aurum euolat, sonitum horribilem instar bombardæ explosæ edens, ut qui præsto sit de vita periclitetur. Quare tutius est in aëre vel hypocaufto tantum siccare, & spatula lignea diligenter agitare.

Calci si vis adde dimidiam partem sulphuris puluerisati, simul misce, & in crucibulo igne rotæ sulphur conflagrare per-mitte, adhibendo in principio ignem lentum, & in fine per horam vnam ignem fortissimum, ut calx quodammodo reuerberetur, & tenuissima euadat, quam in phiala optimè clausa, ad vsum serua,

Sale. Ang.

Kk

Iam fiat spiritus vrinæ hominis sani, modicè bibentis vinum, in cucurbita bene clausa, in simo equino, vel alio loco calido per mensem philosophicum, hoc est per 40. dies digere, finito putrefactionis tempore, distillatur vrina per alembicum, adhibito recipiente satis amplo, donec omnis humiditas distillata fuerit, distilletur tertio à capite mortuo per cohobia, rectificetur, vt exinde spiritus postea justè eleuetur. Ex phiala ergo prolixioris colli, cum suo alembico & recipiente iuncturis optimè clausis, bene in cineribus distillatio instituetur, & eleuabitur spiritus instar in alembicum, nulla concomitante humiditate aquea. Hæc distillatio, ad completam eleuationem, totius spiritus continuanda est, quod sublimatione prodiit, cum aqua pluuiali distillata soluitur, & ex phiala, vt prius distillatur, idque sexies repetitur, semper nouam aquam accipiendo. Hinc in phialam Hermetice clausam per 15. dies & noctes reconduntur crystalli, & digeruntur lento Balnei calore, donec in colorem limpidissimum abeant. Huic liquori additur æquale pondus spiritus vini, è vino bono facti, & quamoptime rectificatur, & simul in Balneo per 12. dies digeruntur & vniuntur. Recipe nunc

calcem solis antea præparatam, & ei affunde menstrui è spiritu vini, vrinaque facti vt tribus digitis emineat, in lento calore digere donec sanguinis instar rubicundum euadat, tinctura decantata & sæpius collecta in B. per aliquod dies digeritur.

Hinc lenissimo calore spiritus soluens abstrahitur, denuò semel cohobandus. Hinc remanet in fundo cucurbitæ liquor in forma olei rubicundissimi, suauem odorem de se spargentis, in quolibet liquore resolubilis, propterea oleum hoc auri potabilis succedaneum verum esse potest, eandem solutionem si non in Balneo, sed arena destillas, è cucurbita humili vel retorta, post partem menstrui primam, cum reliqua eius parte, solis tinctura per alembicum transit rubicunda instar sanguinis: Relicta in fundo vasis terra nigra, arida, spongiosa & leui, ipsum autem menstruum, quod in tinctura solis prodiit, per balneum tepidum separandum est, vt oleum solis in fundo cucurbitæ restans, solum asseruari possit. Hoc est illud aurum potabile, quod in Anglia habetur, apud Franciscum Antonium, vnde sæpius in Germaniam & alia loca allatum.

F I N I S.



ANATOMIA ANTIMONII:

ID EST,

DISSECTIO, TAM DOGMATICA,
QVAM HERMETICA, ANTIMONII,

Vsum, proprietatem, & Vires eius declarans:

LECTORI BENEVOLO.



Certe summum est, Amice Lector, inter precipuas Artis Medicae partes, quae addiscenda sunt illis qui verè nomen Rationalis Medici gerere & tueri volunt (post Pathologiam, quae morbos, & eorum causas ac symptomata indagat) unam ex principibus maximeque necessariis existere illam, quae exactam cognitionem medicamentorum, eorumque preparationem docet, per qua dictos morbos curare possit. Hac profecto Medicina pars tantum facienda est, tantumque momentum habet, ut sine ipsa reliquae omnes subsistere non queant: Nam haud secus ac peritus belli dux frustra tentaturus foret inimicum suum ex urbe aliqua expellere, si solummodo notitiam haberet de rebus bellicis differendi ac incernia verba faciendi de situ loci, forma structioneque mœnium, turrium, arcium aut propugnaculorum, itemque de numero propugnatorum qui dictam urbem tuerentur, de industria & scientia bellica illius, qui eius praesidii curam habet, quibus munitionibus fidat, & in quibus opibus spem fiduciamque suam collocet dictus aduersarius: nisi ipse insinual perspectum habeat absolutissime, quomodo, quibusque conatibus hostem suum obsidere, oppugnare, tandemque vincere ac expugnare possit: Eodem prorsus pacto parum aut nihil prodesset Medico qui agrum quempiam ab agritudine sua leuare sanareque desiderat: nosse quam subtilissime ratiocinari de temperie seu complexionem corporis, modo viuendi, etate, causa antecedente morbi, materia peccante seu morbifica, parte affecta, quae nam in toto corpore maxime affligatur, rebus quae morbum fouere, alere augereque possint, effectis & symptomatibus quae inde originem ducunt, statu praesenti, & in quo morbus esse queat: breuiter

de omnibus iis quæ ad cognitionem mali attinent; periculumque quod quantumque imminet; si nihilominus ignoret medicamenta quibus morbum oppugnare, & agrum in pristinum statum sanitatis restituere debeat; aut saltem (si insana- bilis sit affectio) quomodo palliare, hoc est, ad tempus aliquod mitigare, aut differre symptomata possit, impedireque quominus progrediatur agritudo; quousque videlicet Deus Optimus Maximus, juxta Providentiæ suæ beneplacitum, natura- lium medicamentorum vires in agrorum corporibus progredi permittit. Medi- cus certe quantumvis aliarum quarumcunque Medicina partium callentissimus, si in hac parte vacillet, eamque non exactè cognoscat, similis est lampadi oleo ple- næ, cuius ellychnio flamma deest: Nam ut lampas sine igne nullum de se lumen expandere potest; sic etiam Medicus si cognitione Medicamentorum destituatur, nullum specimen effectumque dabit, quo pro Medico habeatur agnoscaturque, aut ullo honore dignus aestimetur. Iure merito igitur antiqui Medici (qui apud coetaneos posterosque suos immortale nomen sibi parare semper conabantur) usque adeo studiosi diligentesque fuerunt in dicta Medicina parte excolenda: quod ex ipso- rum scriptis patere aperte potest. Quorum ne magnum numerum recensere co- gar, ad id quod dico stabiliendum sufficere nobis debet solum hoc Galeni, Me- dicorum Rationalium Principis, testimonium; quippe cuius nomen apud omnes doctos tanti fit. Tantus igitur ille vir, tam assiduus diligensque indagator fuit omnis Materiæ Medicæ, ut non contentus iis Simplicibus quæ in patria eius nascebantur, sine ullo metu periculorum, longissimas peregrinationes ad loca quam remotissima suscepit, ut loca ipsa unde medicamenta peregrina adferri audie- bat, propius contemplaretur; eaque penitus cognosceret, atque eorum sufficien- tem copiam in usus suos colligeret asseruaretque. Id quod testatur Libro ix. de Simpl. Med. facultatibus, dum inquit: Itaque in Lemnum, Cyprum, Palesti- nam, & Syriam eo studio nauigavi, ut medicamentorum istorum cuiusque vim magnam, quæ in omnem vitam meam satis forent, reponerem, &c. Adhuc ut medicamenta plurima quæ adulterari seu, ut loquuntur, falsificari ab impostori- bus etiam ipsius auro solebant, à veris certius infallibilisque dignosceret ac dis- cerneret, summam non contemnendam nummorum expendit, ut imposturam ipsam addisceret, non ut ipse medicamenta adulteraret, prauaricareturque in fraudem damnumque emptorum; aut ut lucri cupiditate, mercaturam impostori- am exerceret: sed ut signa differentiasque quibus adulterata à genuinis differ- rant, internoscanturque, explorata haberet; sicuti ipse narrat supra citato libro & capite paulo altius, ubi de Diphryge verba facit: Adijciam vero, inquit, huic qui de illo habetur sermoni, rem non modo de Diphryge scitu utilem, sed & de Lemnia sþbragide, & Ponapholyge, & Opobalsamo, & Lycio Indico, Nam etiamnum adolescens didici hæc ita præparare, ut à veris nativisque nihil differ-

ne viderentur : Nam qui me docebat ingenti mercede, homo curiosissimus erat, non in his tantum, sed & aliis similibus. Et non solum laborabat ut haberet cognitionem externarum rerum, sed studebat etiam cognoscere ipsas vires, tam propria industria, rationali indagine & experientia, quam etiam aliena: nunquam recusans addiscere, cujuscunque tandem conditionis homines forent per quos aliquid proficere posset: veluti manifeste patet xx. de simpl. med. facult. ubi agit de preparatione Cancrorum aduersus morsum canis rabidi: Et raro equidem (inquit) aliter illis vstis nos sumus vsti, caterum cum modum plerumque quo Aesculapion Empiricus ille medicamentorum peritissimus senex, concius ac praeceptor meus. Et paulo post narrat modum quo dictus Empiricus, tantopere ab ipso honoratus, Cancros preparare solebat. Ita ut Galenus nunquam desisterit quam diligentissime addiscere rationem, qua omnia quaecumque ad dictam partem Medicinae tam necessariam Medico requiruntur, certa explorataque habere posset: sicut etiam 3. de comp. med. posteros ad sui imitationem exhortatur. Existimo, inquit, omnes iuvenes ingenui animi hac ratione (hoc est, suo exemplo) incitatum iri ad inuestigandam veram exactamque Simplicium cognitionem: quae non solum semel consideranda sunt, sed saepius. Nam cognitio rerum sensibilibus perficitur continuatione videndi, id est, perpetua oculari inspectione. In Praefatione autem Libri 6. de Simpl. med. facult. reprehendit eos, qui contenti sunt comparasse sibi solummodo cognitionem medicamentorum ex librorum lectione, sine ulla ulteriore indagatione. Profecto non sine ratione conqueri debemus de iis qui primitus icones herbarum depictas enulgarunt: cum multo praestantius certiusque sit herbas ipsas contemplari & contractare: alioqui similes fieremus illis, qui se pro gubernatoribus nauium gerunt, cum numquam nauigauerint, artemque nauigatoriam solummodo ex chartis tabulisque depictis didicerint. Quoniam si eo modo instructi progredieremur, sane expeditiones certioresque essemus in cognitione tam non plantarum, quam aliorum quorumcunque medicamentorum. Et libro de Aliment. facult. ita scribit: Librorum is solummodo usus est, ut memoriam refricemus illarum rerum quas antea didicimus: & non ut exactam cognitionem alicujus doctrina suppedient illis qui nihil antea sciuerunt istarum rerum. Usque adeo ut Galenus velit medicos cognoscere exacte res medicinales, non solum ex relatu alicrum sed & ex proprio intuitu & experientia. Quocirca, quicumque pro rationali utraque dogmatico inter Medicos censeretur desiderat, verusque Galeni discipulus haberi, debet partem aliquam temporis studiique sui collocare, ad acquirendam perfectam cognitionem medicamentorum, eorumque exactam preparationem, & quenam inde sequantur effecta. Non tamen inde sequi velim, debere nos animum ingeniumque nostrum ingurgitare immergereque in vastum profundumque omnium remedium pelagus: cuius nunquam fundus repertus ab ullo medico.

rum tam nostri quam antiqui aui, nec etiam ab ullo futuro saculi inuenietur; Nec item suadeam, ut quisquam immanem cumulum coaccruet medicamentorum, iungens miscensque Indiam, Arabiam uniuersamque Europam simul, ut inquit Fuchsius in Thesauro Medicina, dum reprehendis eos qui talia faciunt: Sed hoc solummodo requiro, studeoque, ut Medicus se patronum dominumque faciat alicuius Medicamentorum numeri, illorumque nempe quae maxime excelsunt, efficacissimaeque sunt, & generalissima extant in operationibus suis aduersus praecipuos quosque morbos, qui passim communiterque se oggerunt. Quod ipsum & proculdubio à Galeno praestitum fuit, posteaquam plurima medicamenta examinasset, ut ex Methodo ipseus apparet; atque etiam hoc modo fecerunt faciuntque etiamnum prudentissimi totius orbis Medici: praesertim quum immensus numerus remediorum, ingenium iudiciumque Medici perturbet & confundat. Hanc ipsam credimus fuisse causam, ob quam Hippocrates (medicorum maximus) tam paucis medicamentis uti consueuerit, ut in omnibus ipseus operibus apparet: non autem quod non cognouerit magnum numerum medicamentorum; quoniam penes ipsum erat copia & observatio omnium remediorum, quorum experientia per uniuersam Graciam facta fuerat. Si igitur temporis tanta longitudo, quae est à condito Mundo, ad hanc usque diem, nobis commoditatem dedit addiscendi & examinandi tot medicamenta, certissimum est hoc nostro saculo eam sese offerre quam maximè: quo non solum omnes antiquorum doctrina ad materiam medicam attinentes exactè percensa sunt & examinata, imò ad culmen summum perducta: sed quo ipso etiam tanta ad ipsas accessio facti est, per nobile istud excellensque instrumentum Artis Chymicae: per quam discere nobis datum fuit, oculisque nostris agnoscere dignoscereque substantias corporum ab antiquis prorsus ignoratas, ex quib. omnes res naturaliter compositae sunt: quo ipso etiam didicimus separare diuersa remedia ab uno corpore: ac uniuersim, preparare medicamenta efficaciora, subtiliora, & penetrantiora, leniora, (& ut ita dicam amabiliora) & perfectiora, quàm antiqui Medici nos facere docuerunt. Quae ipsa inquam Ars nobis patefecit mirabiles naturas & effectus corporum mineralium, multo clarius quam priscaui hominibus unquam concessum fuit. Verùm hoc in ista re est infortunij, quòd quantumuis tantum nobis bonum ab ista Arte obuenerit, tantum medicis decus, tantusque fauor apud omnes nobis inde accesserit; nihilominus reperiatur etiamnum hodie maximus Medicorum numerus, qui (existimantes esse rem mechanicam, vilem, & planè indecoram Medicæ dignitati) non solum recusant ullo modo manum ad mouere eiusmodi operi: sed, quod peius est, malitiosè peruerseque contemnunt exsibilantque eos omnes qui Artem istam exercent. O si Galenus, qui nulli labori sumptuique pepercit in uisendo tot regiones, ut Naturæ secreta

indagaret, ut addisceret adulterare & imitari plurimas materias Medicas, & præparare Cancros, ex Empirico magistro, ut suprâ diximus: quique non deditur contundere caseum putridum, & cataplasmatibus forma imponere ut illum in arthritico experiretur: ut patet lib. x. Simpl. med. qui non abhorrebat observare vires viperæ, serpentis tam venenosi, aduersus elephantiasin, ut est lib. 11. Simpl. Med. & lib. de Antid. qui ipse inuenit usum Sulphuris aduersus venenum Pastinacæ, Phalangij, & Draconis marini, illudque pauperculis piscatoribus remedium communicauit, quo se aduersus eiuscemodi venena præmunire possent, ut habetur lib. 9. Simpl. medicament. qui ipse quinetiam, præter infinita alia experimenta, non existimabat esse rem in honestam & planè vilem exquirere & observare proprietates fimi humani, excrementi tam execrabilis & putentis, supra omnia alia; idque ut synanchem curaret: usque adèd auidus erat addiscendi omnium rerum vires, ut lib. X. Simpl. medicam. facult. legere licet: Si, inquam, Galenus Chymicum aliquem reperiisset qui ipsi arculam parua ostendisset refertam excellentissimis Oleis distillatis, Spiritibus aquosis, Salibus, Extractis, Tincturis, Balsamis, & Arcanis Vegetabilium, Animalium, & Mineralium; iisque omnibus diuersarum virium ac operationum; Vomitiuis inquam, Catharticis, Sudorificis, Diureticis, Anodynis, Cordialibus, Alexiteriis, Vulnerariis, Specificis aduersus plurimos morbos: breuiter, plenam remediis in substantiâ, omnibus quippe quibus vniuersim Medicus opus habere potest, iisque in minimâ copiâ & quantitate aptis ad sanandum mille agros: si adhuc dictus Chymicus obtulisset Galeno, docere ipsum modum præparandi & comparandi sibi omnia ista remedia: Quo quæso animo quamque obuiis vlnis credemus Galenum excepturum fuisse, quibusque amplexibus exosculaturum, eiusmodi Chymicum; & quem laborem subiturum ipsum fuisse, ut ad plenariam istarum rerum cognitionem peruenire potuisset: Homines sanè maturi iudicij, quibus heroicum & generosum Galeni animum ex scriptis eius rimari agnoscereque datum est, nullo modo dubitarent quin dictam artem ita excepturus fuisset æstimaturusque, ac si nouum aliquod Oraculum foret; & quin grandia de ea volumina conscripturus fuisset: quippe qui nunquam calauo suo pepercit ut omnia quæ sciebat supra omnes alios medicos, posteris communicaret. Verum enim verò tantam felicitatem non habuit, summus ille maximisque virtutibus scientiisque instructus vir, ut minimam huiusce artis particulam cognouerit. Posteaquâ igitur Deus Optimus Maximus nos hoc dono ditare dignatus est, magis quàm antiquos, omnis Medicus ingenui altique animi (qui infinitam Prouidentiam Creatoris sui admirari contemplarique gaudens, simul etiam proximo suo gratificari conatur) cognitionem dictæ Artis Chymicæ acquirere sibi debet: quæ Ars, ut dictum à nobis est, non solum est instrumentum utile ad præparanda excellentissima remedia: sed præcipuè idonea est ad exacuendum ingenium

Philosophi, quo penetrare possit in arcana Natura, cognoscereque penitus ac profundè virtutes operationesque eius, idque simplici coniecturâ ac ductu rationis, multo melius quam sine hac tam necessaria Medicis Arte facere potuisset. Cum igitur propositum meum esset præcipuum, exhortari Medicos quibus otium est, & particulariter adolescentes, ac novos Medicinæ discipulos & candidatos monere, ut meum consilium sequi in prædictis velint: volui ad illos magis excitandos libellum istum meum ad illorum gratiam in lucem emittere, de *ANATOMIA ANTIMONII*: quæ materia particulatim esse poterit vice sigilli, & authentica (ut ita dicam) confirmationis prædicti mei argumenti: Quo ipso libello traditum à nobis exactè est, in quo differat opinio Medicorum Chymicorum, quantum ad naturam & proprietatem Antimonij: Adhæc tractatur in eo quæ controuersia sit inter Medicos quidæ eius usus: quinam boni aut mali ipsius sint effectus: itemque vana imaginationes plurimorum Chymicorum, qui nullam prorsus ipsius experientiam habent: nec non separatio substantiarum ipsius: modus ac via ipsum præparandi, quando eo pro vomitorio vii volumus: itemque quomodo ipsum sudorificum facere possimus, & aptum ad operandum per insensibilem transpirationem: ut præparandum sit in usum Chirurgorum: Breuiter, quicquid meretur in vniuersum sciri ac cognosci de hoc minerali, quod Antimonium vulgò vocamus: Idque omne præstitum a me hic est prorsus facili & intelligibili loquendi modo, & qui ab omnibus Medicis capi comprehendique possit. Qui meus labor, & conatus Republica Medica gratificandi, ut spero, Benigno Lectori, ac præcipuè veris Galeni discipulis, qui heroicum eius altumque spiritum ingeniumque imitari desiderant, gratus obuenturus est & acceptus: (& minimè ab illis reiicietur, ut etiam haud ita pridem accidere consuevit quotiescunque tale quippiam in lucem recens prodibat: quando nimirum Ars hæc Hermetica stylo obscuro, terminisque minis intelligibilibus iradebatur.) Quod ubi mihi contigerit, intellexeroque non ingratum meam esse laborem, accrescet mihi animus ulterius quid in simili materia conandi, & in publicum emittendi aliquot meos Tractatus, quos concinmani plurimorum annorum spatio, prout longissimo studio & assiduo labore non quippiam animaduersioneque digni observare & annotare potui: quodcumque nempe mihi, secundum caput, exiguitatemque ingenij mei, dignum videbatur dicta nostra Arte, ac etiam Medicis vniuersis utile & fructuosum. Vale.

PARS PRIMA ANATOMIÆ ANTIMONII.

De forma, min ra, & fodina, qualitate, viribus ac prerogativis ipsius : & oppositionibus eorum qui usum Antimony inhibere voluerunt : itemque de variis censatibus experimentisque plurimorum Chymicorum in separatione substantiarum eius.

C A P. I.

De Antimonio, eius viribus, ac usu, secundum Medicorum Antiquorum examen.



DIOSCORIDES, celeberrimus autor, & Medicarum studioforum seu Simplificitarum, ut vocant, omnium tam Græcorum quam Arabum, princeps, libro V. capite LX. loquens de Stimmi, quod Latinis Stibium, vulgo verò Medicorum hodie Antimonium appellatur, ita inquit : Stimmi optimum, quod splendidissimum est, modoque nitedarum (vermium noctu lucentium) emicat, contractu crustosum, nihil terræ aut fordidi habens, friabile, quod Stibi appellârunt, alij Platyophthalmion, alij Larbason. Vis eius, adstringere, meatus obstruere, refrigerare, excrescentias in carne cohibere, vlcera ad cicatricem perducere, sordes, & vlcera oculorum expurgare. Sistit & sanguinem è cerebri membranâ profluentem : Et ut in vniuersum dicatur, vis xsto plumbo similis est. Priuatim, ambusta igni, in pustulas erum-

Ang. Sala.

pere non patitur, cum adipe recenti illitum : crustosas ulcerationes ad cicatricem perducit, cum cerâ & exigua cerusâ. Torretur pinsitâ farinâ circumlitum, & carbonibus obrutum, donec carbunculetur crusta : exemptumque restinguitur mulieris lacte, quæ marem peperit, aut veteri vino. Vritur etiam carbonibus succensis impositum, & efflatum, quoad igni deflagret : si enim pauld magis concrematur, plumbescit, Lauatur ut Cadmia & Æs. Sunt qui ut Plumbi recrementum eluant.

Plinius lib. 33. cap. 6. ita de eo scribit : In iisdem argenti metallis inuenitur, ut propriè dicamus spumæ lapis candidæ nitentisque, non tamen tralucens : Stimmi appellant, alij Stibiû, alij Alabastron, alij Larbason. Duo eius genera, mas, & femina : magis probant feminam. Horridior est mas, scabriorque, & minùs ponderosus, minusque radians, & arenosior. Fœmina contrâ nitet, friabilis, fissurisque non globis dehiscens.

Galenus autem de eodem metallo loquens lib. 9. Simplificium medicamentorum, ita inquit : Stimmi ad facultatem desiccantem, adiunctam habet adstrictiorem : quàm obrem & ocularibus Medicinis commiscetur ; & illis scilicet quæ conformantur in collyria quæ vocant ; &

L I

siccis, quæ utiquè sicca collyria cognominant.

Hæc sunt vniuersim quæ Antiqui de hoc Antimonio seu scripserunt, seu senserunt. Ex quibus omnibus manifestum est, illos facultates eius non vsque adeò examinasse per ignem atque in vsus medicos conuertisse, ac nostrorum temporum homines fecerunt. Quocirca nostrum est nihilominus Antiquis gratiam habere pro iis quæ de eo ab ipsis comperta & tradita sunt: illosque excusatos habere, quòd plurima quæ hodie de hoc metallo scimus, ignorauerint: quoniam Artis Chymicæ cognitione prorsus carebant; per quam his vltimis seculis Deo placuit hominibus permittere, vt manifestè cognitam reuelatamque haberent magnitudinem Prouidentiae suæ in creaturis terrenis, idque multo largiùs aperitiùsque quàm Antiquis datum fuit.

C A P. II.

De Antimonio, & virium eius præstantiâ, vsuque, secundum Medicos Neotericos.

ANtimonium, iuxta sententiam plurimorum Physicorum seu Naturalistarum, est compositio quædam rerum necessariarum ad creationem metallorum, seu mineralium; & accedit admodum ad complexionem, proportionem & materiam argenti viui. Minera seu fodina ipsius inuenitur in montibus, æquè ac aliorum metallorum; & inde extrahitur diuersis modis seu operationibus. In agro Senesi & aliis quam plurimis locis fodinæ eius satis copiosæ sunt: optimumque est illud quod in Comitatu Sanctæ Floræ prope Syluenam, vel Seluenam oppidum effoditur; vt testantur plerique autores. Credo etiam in Hungariâ &

Germaniæ motibus reperiri; partim quia ex aliorum relatu id didici, & quia Matthiolus id ex Germania Venetiæ adferri refert: partim etiam quia in illis locis tam vili venditur, vt vecturæ pretium ex Italia in Germaniam multo grandius fore putem. Nos illud emere solemus à magnariis mercatoribus rhopopolis aut pharmacopolis, liquefactum & in panum formam fusum, instar Saccharinarum massarum, sed paulò minorum. Exteriùs crustosum apparet, & coloris plumbei; manibusque tractatum, digitos inficit, haud secus ac plumbum solet. Interiùs refertum est venis micantib. resplendentibusve vt ferrum expolitum. Fragile est & ruptu facile. Puluerisatum vbi fuerit, splendorem amittit, & assumit colorem plumbi vsti. Crucibulo seu fusorio vasi inditum, ignique impositum citissimè funditur, & in liquorem resoluitur, odorem sulphureum emittens, & fuliginem albam per aërem spargens, instar Phompholygis, aut Tutie albæ; quæ ipsa lateribus fornacis aliisque vicinis lapidibus parietibusque adharet. Diu autem igni commissum ferroque instrumento concussum ac crebriusculè agitatum, formam vitri acquirit, planeque simile fit plumbo per copellam acto, quo vtuntur ad argentum depurandum. Theophrastus Paracelsus Antimonium in censu ac numero Marcasitarum reponit, & Marcasitam Plumbi appellat, vt videre est lib. 6. Archid. capite de Magisteriis Marcasitarum; & in cælo Philosophorum 5. Reg. vbi loquitur de naturâ Plumbi. Vno verbo, Vulcanus demum nobis ostendit, Antimonium esse corpus, quod consistit & compositum est naturaliter ex Sulphure minerali combustibili, instar alterius Sulphuris; ex Mercurio fuliginoso, coagulato tamen, magisque cocto quàm est. Hydragirum, & ex substantiâ quadam terrestri, quæ ipsa, iuxta defi-

nitionem Paracelsi, Sal ipsius nuncupari potest: vt infrâ latius declarabitur in secunda huius Tractatus parte. Caterum Antimonium satis notum est per vniuersum orbem; posteaquam non solum stanni fusores, speculorum chalybeorum confectores, campanarum, globorumque bellicorum, nec non typorum impressoriorum fusores, & alij ignium artificialium gnari, quam sapissimè hoc metallico corpore in operibus suis vti cõsueuerint; sed & multi prudentes Medici huius temporis illud ipsum quàm felicissimè in vsus conuertere soleant, aduersus quamplurimos graues humani corporis morbos.

Quod ad vires Antimonij attinet, Theophrastus Paracelsus, Medicinæ Doctor, (qui & ipse Professor fuit anno 1527. in Academiâ Basileensi, vt ex ipsius scriptis intelligere est) de hac re variis operum suorum locis verba facit, vt mox patebit. Ac primùm, libro 3. De vita longa cap. 6. ita inquit: Sicut Antimonium finit Aurum, sic eadem ratione ac formâ finit corpus: in illo enim est essentia quæ nihil impuri cum puro confundi finit. Quod ipsum etiam confirmat 2. lib. Magnæ Chirurgiæ, Parte 2. de Curâ vlcera, cap. 5. de Præparatione Tincturæ Antimonij; & in Præfatione. In quodam suo Tractatu de Leprà, dicit Antimonium vim habere conseruandi corpus à corruptione; recensetque illud inter maximè efficacia remedia Elephantiasis. Libro insuper 6. Archidox. capite de Magisteriis Marcastarum, eadem dicit; Antimonium nempe sanare Morphem, Alopeciam, Lepiam Leoninam, Tyriam, & omnia genera scabierum & cicatricum. Quod & repetit lib. 5. dictæ Chirurgiæ capite de cura Piscium, & lib. 1. Partis Secundæ eiusdem Chirurgiæ, capite 3. quando agit de Scabiæbus malignis ac pruriginosis, procedentibus à Lue Venerea: Libro de Morbis Amentium ponit Antimonium pro ex-

cellentissimo remedio phrenitidis, epilepsię, & aliarum grauium cerebri affectionum. Et Libro de gradibus & compositionibus Receptarum asserit Antimonium esse efficacissimum cordiale medicamentum omnium illorum corporum quæ elementum aquæ producit. Libro 5. de morbis ficis, ait Antimonium corpori siccam illam intemperiem Saturninam (quam metaphorice Stellam Saturni appellat,) adimere, illamque transmutare in statum vegetum, sanum & viuendum, quem ex aduerso Stellam Veneris nuncupat. Dicto Chirurgiæ suæ lib. 1. cap. 9. ait Antimonium habere propriam miramque efficaciam aduersus cancores, & alios corrodentes affectiones, quos lupos & nolli me tangere vocant. Libro 2. ejusdem Chirurgiæ, cap. 10. vbi tractat de modo administrandi tincturam Antimonij pro certo nobis affirmat, si illud ex præcepto suo vsurpemus, aptum fore ad omnia vlcera maligna percuranda, sine admixtione vllius alterius medicamenti. Et sub finem prædicti capitis ita inquit: Optarem, quod ad me attinet, loco omnium receptarum vulgo Formularum, communiumque ac ordinariorum medicamentorum, vt hoc solum apud omnes vsum haberet. Nam hoc pacto Arti Medicæ adimeretur opprobrium illud ac vituperium, in quo passim hætenus versatur: nec tantus foret numerus agrorum mutilatorum & prauâ curâ decurtatorum, quantus hodie passim reperitur. Hoc enim est medicamentum vulnerarium, cuius simile non extat. Libro 4. Secundæ Partis memoratæ Chirurgiæ cap. 7. confirmat eandem sententiam: vt & 12. cap. eiusdem libri. Ad hæc libris de Pestilentia, de Ictericis, de Transmutatione Rerum Naturalium, De Vitâ longâ, & aliis Operis sui locis de eodem medicamento similia pronunciat. Vsq; adeo vt appareat Paracelsum non potuisse satiari

defatigarique decantantur maximas excellentissimæque Antimonij vires : quas ipse se primum detexisse reuelasseque gloriatur. Etenim prænominato cap. de præparatione tincturæ Antimonij , hoc ipse de se testatur, verbis quæ sequuntur: Philosophi, inquit, & Artista quam plurima in Antimonio quæsiuerunt: sed non suprauixerunt vsque ad illum diem quo fundus istius rei apertè & clarè exploratus fuerit: obierunt enim ante me. Quibus verbis innuere voluit & denotare, vsque aduentum suum, & antequam ipse investigandæ huic rei se dedisset, & perscrutandæ, vires Antimonij adhuc incognitas fuisse & incompertas. Enim verò Paracelsus plurimas excellentes curationes suo tempore fecit: vt, præter alios quam plurimos testes, magistratus ciuitatis Salsburgensis in Germania (vbi sepultus est) publico elogio constare voluit, dum tumulum eius hoc præclarissimo Epitaphio exornauit: Conditur hic PHILIPPVS THEOPHRASTVS, insignis Medicinæ Doctor; qui dira illa vlcera, Leporam, Podagram, Hydropisum, aliaque insani-bilia corporis contagia mirifica arte sustulit: ac bona sua in pauperes distribuen-da, collocandæque honorauit. An. M. D. XLI. die XXIV. Septemb. vitam cum morte mutauit. Concludendum itaque nobis est, Paracelsum cognitionem habuisse aliquorum remediorum extraordinariorum, aliis antè incompertorum: qui prædictos morbos tanquam incurabiles descriperunt & deplorârunt: ac proinde Antimonium vnum ex maximis ipsius Arcanis esse potuisse. Nam vt quod res est, de eo pronunciemus, experientia nobis demonstrat, mineralia peculiariter & eximias quasdam in sese vires continere, ac præsertim in curis vlcera-malignorum, morborumque inueteratorum, qui non possunt perferari iuxta-canonem regulasque quas proposuerunt; nec medicamentis quæ præscripserunt in vsuque habuerunt prisca. Post Paracelsum primus propugnator Antimonij, quique vsu eius publicè tueri commendareque ausus est, contra eos qui maximo iam numero aduersus Paracelsi doctrinam insurrexerunt, insimulantes cum imposturæ, quoddam tantas virtutes ascripisset Antimonio, vltra eas quas ipsi attribuissent antiqui; primus inquam fuit doctissimus ille, experientissimus, ac minimè partialis aut vlli parti obnoxius, & benignissimi mitissimique ingenij inter omnes totius mundi scriptores, Dominus PETRVS ANDREAS MATTHIOLVS, Medicus & Simplicista maximæ famæ; qui in Commentariis suis in Dioscoridem lib. 5. capit. 59. agens de Antimonio, ita in sit: Ceterum Stibium vim deiectionariam sortitur præstantissimam: quamquam antiquorum ac recentiorum nullus, præter vnum Theophrastum Paracelsum, hoc literis memoriæque mandauit, &c. Quare non equidem grauabor in studiosorum gratiam ea hæc commemorare de huius medicamenti viribus, quæ vidi, atque etiam a medicis quibusdam fide dignis accepi. Et hinc vterius progrediendi in eodem proposito, narrat tres excellentissimas curationes factas per hoc minerale; vt eiusmodi exemplis animos aliorum medicorum ad eius vsu excitaret. Demùm infert: Antimonium vniuersim conducit aduersus omnes morbos provenientes ex humoribus melancholicis: ac præsertim vtile est iis qui hypochondria inflata habent & ventosa: iisque qui diuturnis febribus lancinati sunt: dyspnœicis, & præcipuè asthmaticis. Vtilissimum est ad sanandos conuulsos, epilepticos, lethargicos, cataphoricos, paralyticos, & colico dolore infestatos. Breuiter, docet nos ibidem modum quo id præparare ipse consueuerit: quem infra peculiari capite declaraturi sumus, quando de diuersis Antimonij præparationibus agemus.

Post Matthiolum multi alij doctissimi viri non cessarunt eadem de hoc minerali & sentire & prædicare: nomina quorum hoc loco recitare opus non est: & si quis ea ignoret, aut nosse velit, sufficiet ipsi legere hos præcipue tres auctores; quorum hæc sunt nomina: Basilica Chymica, autore Osualdo Crollio, Medico Imperatoris Rodolphi II. Tetras D. Quercetani, Henrici IV. Francorum Regis Medici Ordinarij: itemque scripta Chymica D. Hartmanni Professoris in celebri Academiâ Illustrissimi Landgrauij Hassiæ, quæ est Marpurgi. Atque hæc sunt vniuersim quæ de præstantiâ virium Antimonij præmittenda iudicabam.

C A P. III.

Quibus modis Antimonium humano corpori nocere possit: & qua ratione id præcauere oporteat.

ENarratis iam satis Antimonij laudibus, iuxta Authorum diuersorum relationem, & iuxta ipsius meritum, reliquum est scire quibus modis nocere corporibus nostris possit: vt hac ratione præmoniti de bono & malo quod inferre potest, manuductionem quandam habeamus, quam secuti prudenter & securè eo vti queamus, in talibus corporibus præferim, in quibus vrgens & prægnans eo vtendi necessitas obuenerit posset. Sciendum itaque nobis est, Antimonium esse vnum ex illis rebus, quales sunt maxima pars medicamentorum, ac speciatim illa quæ Natura produxit ad humani corporis purgationem: illa enim quantumvis vsque adedò vtilia & necessaria sint, vt absque iis Medicina subsistere nequeat; nihilominus indiscriminatim temereque vsurpata pessimos effectus & periculosissimos dabunt, loco bonorum fructuum; planè contra scopum intentionemque cu-

ius gratia propinata fuerunt. Nocere enim potest corporibus nostris quatuor hisce diuersis modis: Primò incommodare potest vapore aut fuligine sua, quando nimium funditur vel liquatur, & quando nimis diu eius præparationi immoramur: id quod ipse Theophrastus Paracelsus (cap. 3. Tractatus 3. libri 1. de morbis quibus obnoxij sunt ij qui in fodinis minerisue operantur, loquens de nocumento diuersarum Marcasitarum) nobis manifestè declarat verbis quæsequuntur: Spiritus, inquit, aut vapor Antimonij potest inferre illis qui id liquefaciunt, sequentia symptomata, nempe: Tussim siccam, punctiões laterum, dolorem capitis, constipationem ventris, apostemata lienis, aduersionem sanguinis, pruriginem & scabies, consumptionem corporis, icteritiam, & similia praua accidentia. Quod experientia ipsa verum esse nobis declarat, in pluribus operatoribus (aut sufflatoribus vel cinifloribus, vt vocantur) qui continuò in Antimonij fusione operantur: qui, contra Dei decreta, putantes elicere ex ipso medicamentum perfectissimum, ad transmutandum metalla impura in Aurum, aut Argentum; & ad conseruandum se ipsos in perpetua fanitate corporis, vsque ad vltimam vitæ suæ horam; sæpe in grauissimos ac incurabiles morbos labuntur: vnde, loco felicitatis quam sufflando sibi ipsis proponebant, vitam suam in longissimo tadio ac languore finiunt; seipsos miserandum imò ridendum spectaculum vniuerso mundo præbentes. Quæ cum ita sint, vt ipsi fateamur, posset aliquis inferre: Si igitur Antimonium est medicamentum tam celebre & exquisitum, vt dictum est: Vnde provenit fumum seu vaporem eius tam nocium esse & damnosum? Nonne hoc sufficiens est argumentum, quo probeatur, illud esse corpus venenosum & malignum; nec immeritò ob id à quam plurimis Medicis condemnatum? Huic ra-

tioni ita respondeo, hoc argumentum non solidum satis, efficaxque esse ad affirmandum simpliciter, Antimonium esse venenum: quoniam res est tam clara quam quæ manifestissima, nocumenta rerum medicamentosarum non procedere semper ab aliquibus malignis substantiis, malisve proprietatibus quæ in iis existant: sed sæpenumero prodire ex abusu & differenti exhibitione ipsarum. Vt exempli gratia videre est in Sulphure, cuius flores (id est Sulphur sublimatum) in tam frequenti usu sunt aduersus innumeros morbos, non solum in robustis corporibus, sed etiam in phthisicis, & hominibus extremè debilibus, & non solummodo vna, sed & infinitis vicibus visitati, per continuos aliquot menses, imò annos, maximo cum emolumento, & sine vlllo prejudicio sanitatis. Interea tamen ubi quæso reperiretur homo vsque adeò robustus, qui posset longo tempore morari eo loco ubi illud funditur; fumumque eius tolerare, sine vlllo damno aut noxa? Sal ipsum vulgare, est verum Balsamum Naturæ, nec homini solum, sed & omnibus totius Vniuersi creaturis quam familiarissimum, vtpote tertia pars substantiæ ex qua subsistunt & compositæ sunt: videmus tamen illud, si quando in magno quodam igne fusum aut combustum fuerit, vaporem de se spargere vsque adeò violentum & penetrantem, vt nisi nobis ipsis caueamus, haud pauciora minoraue nocumenta & praua accidentia dare possit, quam ipsum Antimonium. Quod testatur & ipse Paracelsus supracitato Tractatu de morbis mineralibus, dum ita infit: Spiritus aut vapores Salis communis, imò & omnium aliorum Salium, anhelitum breuem faciunt, seu asthma, fætorem oris inducunt, sreatum mouent continuum extraordinariè, magnum ardorem in ore ventriculi accendunt, hepar findunt & lienem, dissol-

uunt renes, vrinam acrem reddunt, quæ inde rodit & putrescere facit ductus per quos meat: nocturnas pollutiones inducunt, & sanguinem per vrinas expellunt, &c. Nihilominus tamen ob hos tam prauos effectus, non possumus merito iustisque rationibus Sali aliquam venenosam ascribere facultatem. Ipse enim spiritus eius, seu prædictus exhalans vapor, si quando vasis accommodis exceptus & collectus fuerit in nostros vsus, tantum abest vt venenosus sit, aut malignus, vt è conuerso etiam excellentissimum remedium diuersorum morborum ac symptomatum esse reperiatur: quorum omnium numerum hoc loco inire non est necesse, cum id ita sese habere, manifestè omnibus Medicis constet, qui cognitionem aliquam medicamentorum Spagiricorum habent. Quid dicam amplius? Nulla adeo res est tam dulcis, grata & temperata ex omnibus iis quæ in nutritionem nostram cedunt, quin vltà vehementi igne, temporis spatio cerebrum nostrum vapore suo offendat, aut alia symptomata molesta inducat. Non est igitur mirandum, vaporem Antimonij nimis magna copia cerebro exceptum, nos variis accidentibus afflare posse: post quam propemodum omnes aliæ res eodem modo sumptæ, aut ad cerebrum appulsæ, corpori nostro noxam aliquam inferre queant. Et reuera, quantumuis fateri debeamus, magnam esse differentiam inter substantias Antimonij, & aliarum rerum; itemque inter purgantes, & nutritiuas confortantesque, in quibus longè aliæ elucunt facultates, non possumus tamen asseuerare vaporem ipsius Antimonij proprie esse venenosum aut arsenicalem, vt aliqui de eo somnare voluerunt. Et quamuis Paracelsus ipse 1. Tractatu 2. libri de morbis mineralibus, capite 4. affirmet, eos qui Antimonium liquefaciunt, inde haurire vapores sulphureos & Mercuriales, quod

p̄erindē est ac si dicērēt Antimonium refertum esse Sulphure & Mercurio: non tamen inde arguit, Antimonium Arsenico esse plenum. Quod ipsum adhuc manifestius apparebit ex eiusdem lib. 3. De vita longa, cap. 6. dum agit de præparatione Antimonij, his verbis: Principio vide ne corrumpatur Antimonium; sed totum hoc, quantum est, integrum maneat citra vllam amissionem formæ. Quibus verbis subiungit: Sub hoc enim delitescit arcanum. Quòd si cognouisset in Antimonio latere Arsenicum, non ita locutus fuisset: sed eadem opera iussisset separari ab eo Arsenicum, priusquam operi committeretur. Arsenici enim plane hostis est Paracelsus: vt affirmat libro 1. De Natura Rerum, cap. 9. dum ait Arsenicum (quocunque tandem modo præparatum) non debere intro assumi, aut propinari; quamuis plurimi temerarij, & Pseudo-Alchymistæ, audeant affirmare, in corpus nostrum assumi posse sine nocumento; præparatum quippe eo quo ipsi illud parari volunt, modo. Sed vt ad nostrum institutum reuertar, hoc vltius addam, vaporem Antimonij non esse venenum, nec directē malignum quid: quod duobus præcipue argumentis declarabo. Primum est, quod vapor eius non nocet omnibus iis qui cum recipiunt, vt solent vniuersim, plus tamen aut minus, omnia venena; idque non nisi quando longā morā eum recipere pergunt. Alterum argumentum est, quod dictus vapor collectus receptaculo apto, conuertitur in fuliginem tenuem subtilemque ac albam, quam Chymici Florem Antimonij vocant: quæ ipsa tantum abest vt directē venenum sit, quin potius ex aduerso præstans remedium existat, aptissimum perdmandis quam plurimis morbis; sicut in Secunda Parte huius nostri Tractatus infra docebitur. Atque hæc sufficiat de nocumentis Anti-

monij dixisse. Quæ vt præueniantur, caueanturque, certissimum remedium est, quando id liquefacere, calcinare aut sublimare proponimus, id tam prouidē facere, vt dictum vaporem prorsus non recipiamus, aut saltem tam parcē quam fieri potest.

Secundus modus quo nocere potest Antimonium humano corpori, est, si ei admisceantur addanturque res aliquæ corrodentes aut venosæ: veluti facere consueuerunt plurimi imprudentes & incauti Alchymistæ: quorum alij, vt vitrum Antimonij rubrum euadat Rubini instar, in præparatione eius Arsenicum illi adjungunt persuadentes hoc ipsis solum conducere, quo possint ad scopum suum peruenire; & de cætero ignem depellere rursus, in fumosque ablegare id ipsum Arsenicum, omnemque eius malignitatem absumere. Alij mixtionem quandam faciunt ex æqualibus portionibus Antimonij, Arsenici & Sulphuris, quas omnes nil aliud quam simul dissolunt, & postea puluerant, asserentes hunc puluerem esse Panaceam quandam, omnibus morborum generibus strenue resistentem. Alij, additione alicuius corrosiui, destillant vehementem quandam liquorem ex Antimonio, quem ipsum etiam audent propinare intus assumendum. Vsq̄ue adeo vt per has ita perniciosas res, non solum non præparent Antimonium, vt decet, sed etiam cum primis venenosum & corrosiuum efficiant. Quod cum ita se habeat, fieri non potest, quin damnosum fiat & nocium; producatque perniciosos effectus in iis qui ipso vtuntur. Hoc ipsum facile patet per Mercurium: qui adhuc dum planē viuus, aut bene præparatus, non est venenosus, aut vllō modo periculosus; sed imprægnatus (vt loquimur) ab aliquibus spiritibus salis seu vitriolatis, qualis est quem sublimatum vocant, tunc inquam vsque adeo corrosiuus

adhærensque euadit, vt in corpore assumptus, hominem occidere possit, aut saltem infinita ipsi symptomata inferre. Quicumque igitur eiusmodi euitare desiderat pericula, cauere debet ne Antimonium vnquam intro assumat, nisi bene præparatum, idque manibus eorum qui modum ipsum præparandi callent, & omnia quæ ad eius legitimam præparationem requiruntur, quam exploratissima habent.

Tertio modo nocere humano corpori potest Antimonium, si quando præparatum fuerit pro vomitorio, in Vitri, Florum, Croci Metallorum, aut alia quacunque forma, in debito modo, aut erroneè, aut nimis magna dosi. Nam eo pacto nimis vehementer euacuando (quasi superpurgando) maximam copiam humorum bonorum vnà cum prauis, causa magnæ debilitatis virium, imò & ipsius mortis existere potest, in corporibus præsertim non robustis. Quo circa, quicumque sanitatem suam amat, prouidere debet quam maxime, ne se hoc modo decipi patiat.

Ad vltimum, Antimonium vomituum (talem distinctionem facio; quia id interdum præparamus alio quodam modo, ita vt non operetur aliter quam per insensibilem transpirationem) potest vehementissimè nocere, quotiescunque temerè & indiscriminatim administratum fuerit, & sine respectu hominum qui natura sua inepti sunt ad vomendum: aut etiam qui alia quacunque accidentali indispositione non possunt vomitorium pati: vt & quotiescunque exhibitum fuerit in morbis, quorum materia aut causa alia quadam operatione tolli aut euacuari debet, quam per vomituum. Nam tali euentu, quantumuis Antimonium accuratissimè præparatum sit, & dosi ipsius exactissimè perpenſa fuerit: nihilominus necessarium nobis est, iudicium adhibere, exquisitissimeque ratiocinari, vt calleamus

distinguere, quibus corporibus illud conueniat, quibus minimè; qui sint morbi curabiles aut mitigabiles vsu vomitoriorum; aut qui aliis modis curari debeant: alioqui certissimum est, posse nos tam citò nocere quam prodesse ægris, quibus illud absque dictis considerationibus exhiberemus. Atque hæc est vna ex præcipuis causis ob quas Antimonium odiosum est apud Medicos qui eius vires ignorant: præsertim cum plurimi rudes imò ridiculi Empirici Chymicam artem profitentes, illud indiscriminatim omnibus ægris exhibeant, omnibus anni temporibus, & aduersus quoscunque morbos, sine vlla distinctione: vnde quidem aliquando fortuito aliquo casu euenit persanari aliquos: verum alios excarnificatos tortosque mutillant. Sed hoc euenit abusu, & prauo iudicio: quem errorem ipsum tamen committere possent, intempestiua exhibitione quorumcunque aliorum, imò præcipuorum medicamentorum purgantium, quæ vulgo apud Medicos vsitata sunt; atque atque Antimonij exhibitione. Quare ne vitam nostram nimis temerè periculo exponamus, nunquam Antimonio vti debemus, nisi autore exhibitoreque aliquo ex Medicis doctis, & expertis: qui præter scientiam recte examinandi & considerandi omnes circumstantias, quæ requiruntur ad eius legitimum vsum; norit etiam quid requiratur ad eius bonam præparationem: quique Experientia duce Magisterium eius adeptus sit, haud secus ac bonus miles armorum suorum gnarus est. Hæc sunt quæ breuiter de nouementis Antimonij præmonenda mihi videbantur; vt hac cautione instructus quilibet, se aduersus illa præmunire possit.

CAP. IV.

*Num Antimonio Aurum, Argentum,
aut Æs insit, quod Chymicorum
aliqui existimant.*

Supra ostensum à nobis est quibus modis Antimonium humano corpori nocere possit, & quomodo nos ab eius nocementis præservare debeamus: Nunc verò antequam veniamus ad demonstrandum quomodo substantiæ eius separandæ sint, indicandum duxi, quàm inutilem laborem sumant quamplurimi Chymici, quàm vanas conjecturas faciant de hoc subiecto: vt hac ratione ij qui desiderabunt metallum hoc anatomizare vt decet, præmoniti addiscant nunquam suscipere rem impossibilem, & bona sua inutiliter expendere, & incassum operari, & ad vltimum propinare se deridendos providis ac scientibus huius artis hominibus. Inter stultas itaque opiniones, quas aliquot operatores Chymici pertinaciter defendunt, quantum ad compositionem Antimonij, vna ex maxime ridiculis est eorum qui putant metallum hoc Aurum, Argentum & Æs substantiis suis intermixtum habere. Ad hoc propositum, memini ante aliquot annos Agyrta quemdam, dexterrimum cinnifonem (præter diuerfos alios Chymicos, quos eandem sententiam, ne dicam phantasiâ, tueri audiui) mihi nescio quæ ludibria persuadere voluisse, asserentem scilicet nos ex Antimonio aliquantulam portionem dictorum metallorum elicere posse. Sed cum penes me rem ipsam penitus rimatus, idem solus experiri vellem, planè contrà se habere rem animaduerti. Negare tamen neuntiquam volo (vt & Paracelsus testatur libro de Signaturis rerum) reperiri aliquos lapides, aut genera Marcasitarum,

Ang. Sala.

in quibus aliqua Auri, Argenti, aut alterius cuiusdam Metalli portiuncula recondita latet; præsertim cum videamus maximam partem Metallorum crescere inter lapides & saxa, quasi iis mixta forent. Sed Antimonium eiusdem esse nature particeps, res est quæ experientiâ verificari comprobarique nequit. Quod vt liqueat, fume Antimonium: prius illud suo Sulphure combustibili, & aliis substantiis volatilibus: hinc cum residuum exploraueris per aquam fortem, aquam regalem, amalgama Mercurij, cementum, liquefactiones, breuiter per omnia alia tentamenta aut probationes, quibus vt nouit experientissimus quilibet purificator, aut fodinarum Magister, ad separandam dicta metalla à lapidoso corporebus alienisque substantiis quibus permixta latent: Numquam vel minimum quid Auri, alteriusue metalli reperies: nisi explorandi aliquis artifex (qui oculis cuiuspiam præstigium facere volet) portiunculam aliquam eius rectè ac sub manum inter operandum immisceat. Non oportet igitur conari velle elicere rem aliquam ex substantia aut loco quopiam, in quo ea minimè existit. Sed si nihilominus quispiam nihil hiscerationibus permotus, desideret prolicere Aurum, Argentumue ex Antimonio, conetur adipisci scientiam bene illud præparandi ad vsus Medicos: & hac ratione sibi non deerit; sed extrahet ex vnica huius metalli vnica, plus Auri & argenti, quàm ex omni Antimonio quod in vniuersa Europa reperitur, prædictis explorationibus elici posset.

CAP. V.

*An ab Antimonio Argentum viuum
separari possit.*

Sunt aliqui, qui ratiocinantes Antimonium esse corpus plenius Mercurio

M m

rio violatili, quàm vlla alia substantia; vt & reuera est; existimant consequenter rem esse non solum facilem separatu, sed & quæ viuificari fluxilibusque fieri queat, prout iudicant illam fuisse priusquam aliis eiusdem Antimonij substantiis permisceretur. Cum autem illos rogamus in quem finem tantopere desiderent separare hoc Argentum viuum ab Antimonio; respondent se hoc idè optare, quia existimant illud eo modo extractum tanto magis idoneum fore ad faciendum Lapidem suum quem somniando venantur, Philosophicalem, quam est ipse communis Mercurius: imo quod illud sit vnica materia, quam omnes Philosophi intelligi ac capi volunt pro vero subiecto dicti Lapidis. O amentiam amentiarum! Estne hæc egregia contemplatio? Habent abundantiam Viui argenti, quod Natura ipsis in promptu reliquit, currens & viuens: interim tamen, non contenti hoc quod habent, volunt aliud Argentum viuum quarere, idque tantis laboribus & molestiis. Sed quid de hisce hominibus dicemus? qui ab vna parte laborant vt fiant, seu proprie fixent, solidumque reddant id quod Natura currens & liquidum produxit, veluti in vulgari Argento viuo conantur; ab altera satagunt strenuè, vt contrarium fiat, & vt mineralia aut metalla quæ Natura coagulauit & bene concoxit, quale est Antimonium (si cum viuo Argento conferatur) fluida liquidaque reddant? Ad postremum tamen, post tot in vanum sumptos labores, tam apti sunt aut intelligentes ad fixandum vnum, quam ad reuiuificandum aut liquidum reddendum alterum. Profectò hæc est speculatio prorsus similis illi Chymicorum conatui; qui videntes quod aqua vulgaris non potest satisfacere ipsorum phantasiæ, tam liquida humidaque existens, illam longis distillationibus figere & in corpus aridum redigere conantur, ad formam Crystallinam instar Salis pe-

træ: quod ipsum postea, iuxta illorum somnia, existere debet ille benedictus Fons & Aqua Philosophalis temperata absque vllò odore, aut gustu, nedum acrimonia: quæ ipsa inquam, miraculosè vnus momenti spatio dissoluit Aurum, Argentum, & omnia alia Metalla, & Lapidēs pretiosos, ea in suam primam materiam conuertens, ac redigens in medicamenta supercælestia, ad sanandos omnes morbos, in quibus tollendis Hippocrates & Galenus cæcutierunt: quod ipsum etiam, quando experientia comprobatum fuerit, non deerunt qui testimonio suo comprobaturi sunt. Relictis igitur hisce tenebrionibus in suo Labyrintho, ex quo extrahi non optant, ad nostrum propositum reuertamur. Accipe Antimonium purum, distilla illud (si potes,) sublima, bulli aut macera in liquore illo qui tibi commodus videbitur, (excepto tamen illo qui praparatus sit ex Mercurio sublimato; nam hoc sumpto falli possemus:) breuiter, vtere omnibus mediis quibus Ars te docet Argentū viuū à minera sua separare, aut iterum reuiuificare, quando fixum reddiderimus; (vsque adeo vt pene copellam quam vocant, seu ignis summum calorem, sustinere ac pati possit;) aut separare quando alij cuiuspiam metallo additum aut affixum fuerit: Si inquam omnibus istis modis Viui Argenti vel tantillam guttulam ex Antimonio elicueris, quod illi ipse non permiscueris, Ostende mihi re ipsa opus tuum, experientiaque confirma effectum conatus tui; & tunc demum ostendam tibi fidem ac credulitatem meam. Sin secus, non possum accommodare aures meas talibus contemplationibus; (quas Ars ipsa demonstrat esse vanas; & ridiculas) tanquam Edictum aliquod esset cui assentiri aut acquiescere debeamus.

CAP. VI.

An ex Antimonio distillari possit aliquis liquor aquosus, aut oleosus, qui directè & sincere, ac neutiquam accidentaliter, ab eius substantia processisse, dici queat.

SI vellemus colligere compilarèque Somnes formulas conscriptas de modo distillandi oleum ex Antimonio, proculdubio magnum inde volumen concinnaremus: Sed cum postea veniremus ad eas vere examinandas trutinandasque vt decet: omnes eiusdem valoris æquipollentesque reperirentur. Hoc tamen hic notari velim, non propositum mihi esse negare, quod per additionem aut mixtionem alicuius alterius rei, liquor quispiam ex Antimonio distillari queat: qui liquor vno vel altero modo aliquid de natura facultatibusque Antimonij participet aut reseruet, quod ipsum alibi demonstrabimus: Sed hoc solum comprobare aut pro vero habere non possum, tales liquores debere sumi aut agnosci loco propriarum substantiarum Antimonij; eodem modo quo dici & recognosci possunt aqua & olea quæ ex herbis distillantur, pro veris ipsarum substantiis, ex quibus componuntur naturaliter & subsistunt. Ad confirmandam autem & tuendam hanc meam sententiam, eam istis demonstrationibus defendere conabor: Antimonium nempe esse corpus compositum ex tribus substantiis, sicut sunt omnes aliæ res, Sulphure nimirum, Mercurio, & Alkali; aut ut clarius eloquar, Oleo, Aqua, & Sale: sed ea tamen adiuncta distinctione, quod quantumvis substantiæ Antimonij, tam quoad nomen quam quoad effectus ipsorum, reducantur vniuersim ad certam naturam & analogiam aliorum: sicut

v. g. Sulphur vegetabilium comburitur, Mercurius per vaporem euolat ac dissoluitur, & sal manet fixus: quod inquam eodem prorsus modo substantiis Antimonij idem actu eueniat; tametsi quod ad formam & gustum attinet, ea à vegetabilium substantiis ita differant, vt terra ab aqua. Hoc verum esse, vt est, hinc patet: Sulphur vegetabilium est liquidum & oleosum; Mercurius est liquidus & humectans, & Sal ipsorum est coagulatum, sed solubile in quolibet liquores aquosos: Ex aduersò verò Sulphur Antimonij est siccum & aridum, Mercurius pariter; vnde nullo modo digitos pinguefaciunt aut humectant: & substantia quam Salem Antimonij appellamus, est vsque adedò fixa, vt in aqua neutiquam dissoluatur; non magis quam Lapis ex terrena substantia concretus: Atque has omnes substantias manifestè ostendam & apparere faciam, quando ad Anatomiam ipsius deuenturus sum. Itaque, si velimus, nosse num oleum aliquod ex Antimonio distillari possit, ansecus, examinandæ sunt tres dictæ substantiæ; idque considerando singulas seorsum, sine admixtione vllius alterius rei extraneæ: & si tunc inde oleum aliquod distillari queat, tunc (inquam) manum dabimus, credemusque iis qui tantopere se artem istam callere jactitant. Sed tantum abest vt Sulphur & Mercurius huius mineralis, distillationis vi in liquorem dissolui possint, vt contrà ambo illa sublimentur, inque puluerem fuliginosum dissoluantur, eumque prorsus siccum & fixum vt est terra: quod ipsum adhuc magis euidenter euenit Sali eius; qui prorsus in igne non mutatur, sed fixus manet; nedum liquorem aliquem de se emittit. Atque hæc est causa, ob quam, cum Antimonium neutiquam compositum sit ex substantiis vinctuosis & madefacientibus, vt sunt res vegetabiles; consequenter pro merâ stultitia haberi debeat, quæ;

rere aut astruere modum aliquem separandi quippiam ab eo, quod illi non inest. Haud me latet, si Antimonium crudum distillationi committatur, principid inde exsudare aliquot guttulas aquæ subacidulæ: sed sciendum est, hoc ex accidenti posse euenire; idque ob duas causas. Vna est, quod Antimonium, cum in puluerem redactum sit, aut alioqui naturâ suâ corpus aliquo modo porosum existat, aliquam humiditatem ab aëre acquisuisse potuit: Altera est, quod aliqua humiditas reperitur in vasis distillatoriiis. Quod autem ad aciditatem dictam attinet, illa procedit ex vaporibus Sulphureæ substantiæ quæ est in Antimonio; quod euenire etiam videmus quando sublimatur Sulphur commune: nam quum id aliquomodo irrigatum fuerit aquâ, priusquam sublimationi committatur, illa aqua rursus ab eo egreditur per distillationem, sed acidiuscula facta, ob causam dictam: reliquum verò Sulphur in puluerem sublimatur vniuersum. Certè si quispiam vellet asserere aut pertinaciter contendere, pauculum istum liquorem qui egreditur ex Antimonio; synceram aquam, & propriam ipsius humiditatem esse: eadem itidem ratione arguere, imò & peruincere valet, humorem quemdam elici posse ex Auro: quod tamen corpus est tantopere solidum & compactum: cuius rei si quis periculum facere velit, hoc pro certo assumere ausim, nuspiam tam sicca & omni aërositate carentia vasa distillatoria reperiri posse, quin vi aut vehementia ignis aliquot inde guttæ ex collectione aëris in recipiens vas descensuræ sint: cum interea tamen aurum illud idem pondus habiturum sit, ne vno quidem granulo deficiente, quod ante quàm igni imponeretur, habebat. Quocirca verè concludere possumus; quod ad Oleum Antimonij attinet, id quod supra à nobis dictum est; & si inde liquor aliquis eliciatur, qualis denique id fiat

modo, necessarium esse vt hoc ex accidenti fiat, ab aliquâ nempe extraneâ humiditate; prorsus eadem ratione ac per exemplum Sulphuris patet: hoc enim si sub campanâ vitreâ vratur, vapor ipsius siccus se colligit, & attrahit aquositatem quæ est in aëre circum assistente: atque ita dissoluitur & distillat in liquorem talem, qualis est is, quem nos Oleum Sulphuris appellamus; non propter formam eius liquidam, sed propter magnam acrimoniam Sulphuream quam habet: ob quam ipsam tamen magis propriè & ex re Aqua sulphurea, quàm Oleum sulphuris nominari deberet. Quod ipsum hoc loco dicendum mihi fuit, vt commune facerem nouitios huius Artis studiosos. Hoc enim ipsis vice fundamenti & perpetui documenti esse poterit: quo freti, iudicare posthac possint de his & similibus erroribus qui in diuersis libris Artem Chymicam tradentibus passim reperiuntur.

C A P. VII.

Nam in Antimonio propriè quadam substantia, differens ab aliis, quam Tincturam appellant, reperitur.

Magnus præterea ubique numerus est Operatorum Chymicorum, qui (aut quia Paracelsi verba non intelligunt, aut quia destituuntur experientiâ & vfu anatomizandi res naturales) sibi ipsis persuadent vt credant in Antimonio reperiri particularem aliquam substantiam, differentem ab aliis eius partibus, quam Tincturam nuncupant. Verum quantopere in ista re decipiantur, duobus hisce præcipuè argumentis deprehendi potest: Primò, quod volunt Antimonio attribueretur quartam quandam substantiam, à Naturâ ipsi non datam: Secundò, per examen rei ipsius quam Tincturæ nomine venditant. Sumunt enim Antimonij

calcinatum aut sublimatum, infunduntque illud aceto distillato potentissimo: digerunt id per aliquod tempus: ac interea acetum dissolvit aliquam portionem Antimonij: & mutando accidentaliter ipsius colorem, illam pallidulam, ruffulam aut potius rubicundulam reddit: quo facto, ipsi, videntes hanc alterationem seu leuem mutatiunculam, & ignorantes causam vnde ea procedat, pro certo credunt, hoc esse substantiam quandam rubram; quæ ex Antimonio ipso egressa, acetum ita tingat, haud secus ac lignum Brasilianum, Crocus aut similia aquam colorare consueverunt. Sed facile animaduersu est, mirum in modum illos opinionis suæ falli: nam si solummodò dictum liquorem rubrum in vas distillatorium immittamus, vi ignis prodibit acetum prorsus eodem gustu quem habebat antea: & in fundo manebit pulvis eiusdem coloris (aut saltem paululum immutatus) quem habebat Antimonium calcinatum priusquam dictum Acetum ipsi super infunderetur: quia reuera nihil aliud est quam vna eademque res. Quod ipsum quinetiam probari potest hoc pacto; si nempe restituamus distillatum illud acetum reliquo Antimonij, ex quo nimirum putatiuam suam Tincturam extraxisse se credunt, idem prorsus eveniet quod in priori infusione accidit. Adeo ut hoc ipsum per vices aliquot reiterari queat; toties, inquam, donec vniuersa prorsus substantia Antimonij temporis spatio dissoluatur, & prorsus eadem formâ & colore subsistat, ut antea dictum est. Ex quo clarè apparebit, præcipuam basim Tincturæ tantopere ab ipsis prædicatæ, nihil aliud esse quam Acetum distillatum; & reliquum Antimonij calcinati, quod in eo dissolutum jacet, ut prædiximus: nullo autem modo particularis aliqua substantia est aut haberi debet, quæ rubra sit, ab aliisque separata, ut ipsi somniant. Nam si ita esset, proculdubio de-

monstrare etiam nobis possent, substantiam illam extractam solam, (& ab aceto suo segregatam) subsistere posse, aliâ prorsus forma & colore quàm Antimonium calcinatum habebat. Quod ipsum tamen nullo modo possunt. Et quantumvis vellent opinionem suam tueri, dicentes istam fictitiâ Tincturam (aut propriè loquendo, istud Acetum Antimoniale) in humanis corporibus alias operationes edere, quàm Antimonium calcinatum; quod ipsum eis planè concedere volumus; Nihilominus tamen nec hoc quidem est solidum satis argumentum, quo præcipuam suam intentionem sustinere queant. Nam hæc differentia operandi non procedit à substantia aliqua differente naturaliter ab aliis substantiis Antimonij: sed id evenit ex accidenti, ob permixtionem & diuturnam macerationem duarum istarum substantiarum, Aceti nimirum & Antimonij. Nouum enim non est aut captui bonorum Philosophorum & Artificum graue, scire aut comprehendere ignem & mixtionem posse naturam alicuius alterare; facereque ut operetur modo prorsus contrario, quam propriè solebat, quamdiu scilicet in simplici sua formâ quam Natura ipsi dederat; adhuc subsistebat. Atque hæc sunt propter quæ omnia illa quæ allegare possunt, non sufficiat ad persuadendum hominibus sani intellectus, in Antimonio esse particularem quandam substantiam, ut supra dictum est. Eundem errorem committunt etiam aliquot alij in Coralio rubro: quod ipsum, ut eius tincturam eliciant, (prorsus tamen contra omnem rationem & fundamenta seu principia Philosophiæ) primum calcinant; quo pacto illud nobilissimis & præcipuis substantiis ac tingentibus spiritibus priuant: ac deinde illud quod calcinatum est macerant in sufficienti copiâ aceti distillati: & procedunt modo quem antè diximus: quod acetum, assumpto dicto

colore, & imbutum ac quasi imprægnatum magnâ portione calcinati huiusce corallij, tandem Tinctura Corallij appellatur: cum tamen aliud prorsus nihil sit quàm Acetum distillatum, & liquor quidam extremè asper & acidus astringensque: quem ipsum non solum carissimo diuendunt, sub specioso titulo Tincturæ Corallij; sed & quod plus est, sapenumè exhibent ægris, qui inde plus nocu-menti, quam iu uaminis percipiunt. Quod ipsum hoc loco dicere volui, vt præmon- neam vos breuiter, earum rerum, quæ latius olim demonstraturus sum, in Tractatu nempe quem præmanibus habeo, de Anatomia Coralliorum, Margaritarum seu Perlarum, & Lapidum pretiosorum. Sed rustus tales Operatores obijcere nobis possent; Si verum est in Antimonio nullam latere Tincturam; quid sibi vult quod Paracelsus (qui extra controuersiam Spagiricorum Princeps audit) eius Tincturæ toties meminit, diuersis Operum suorum locis: His ego ita respondeo, Omnia à nobis supradicta nihil obstat verbis Paracelsi; qui quantumuis de Tinctura Antimonij loquatur, non tamen ita de illa sentit ac modò memorati Operatores de ea loquuntur. Id quod manifestè colligi potest ex instructione ac directione quam dat, ad eam Tincturam præparandam, capite nempe 5. libri 2. Magnæ suæ Chirurgiæ: quæ est talis: Capias Antimonium reductum in puluerem subtilissimum; & reuerbera illud in reuerberatorio clauso, per spatium mensis vnus; & mutabitur in subtilissimam fuliginem volatilem, primò albam, hinc luteam, ac demum obscurè rubram. Ita rubrum & reuerberatum, tam diu quàm opus fuerit, resumes; & fac extractionem essentia Lilij ipsius, infundendo ipsum in eâ copiâ spiritus vini, quæ ipsi supernatet altitudine viginti digitorum: & quando essentia Antimonij inerit dicto spiritui vini, tunc separa illam per inclinationem; & serua

Spiritum Vini ita imprægnatum. Atquæ hoc est nobilissimum & laudabilissimum mundificatiuum huius Lilij, quod adimit omnes impuritates humani corporis, &c. Per quam descriptionem nos docemur, Paracelsum velle, Antimonium sine diminutione aut separatione substantiarum, suarum, conuertisse primum suum genuinumque colorem rubrum obscurum, quem Tincturam appellat. Vsq̃ue adeò vt multum intersit, an quis dicat, Antimonium artificiosè in Tincturam reduci debere; an verò dicat, Antimonio Tincturam inesse. Porò si præter hæc, adhuc aliud insuper effugium quoddam nouum querere velint, & insistere firmiter præcipitatis verbis Paracelsi, quod nimirum oporteat extrahere Essentiam Antimonij per Spiritum Vini; & velint illud ipsum intelligendum esse de extractione alicuius Tincturæ; nec hoc quidem ipsorum sententiæ vllò modo patrocinari potest, Primum, quia hæc vox essentia, non significat propriè Tincturam (quamuis sæpe vsu veniat tales Tincturas extractas, Essentias nuncupari;) sed potius subtilissimam & perfectissimam partem, in qua consistunt virtutes propriæ quaruncunque rerum. Adhuc non dicit Autor oportere extrahi Tincturam Antimonij; sed essentiam extrahendam ex tincturâ, quam lilium nuncupat. Si cui autem hoc quod modò diximus, absurdum videatur, ratiocinando, vires virtutesque rerum semper in aliquo subiecto aut substantiâ visibili & palpabili consistere, & quod aliquid corporeitatis habeat; nihil aliud illi opus est quàm vt ad experientiam ipsam ablegetur: duarum enim aut trium horarum spatio periculum eius rei facere poterit in Vitro Antimonij: comperiet enim, illud, si infundatur in Spiritu Vini, aut vino albo & claro, vim aliquam vomitiuam dicto vino aut spiritui impertiturum; non immutato tamen vllatenus colore, clarore aut limpiditate eorum; & quod

plus est, Vitrum ipsum nec in colore suo immutatur, nec in pondere suo imminuitur. Quod si igitur fieri potest, ut spiritus vini acquirat facultatem vomitiuam à dicto Vitro Antimonij, cum tamen nullam inde substantiam extrahat, aut quid eius imminuat, quod saltem oculis cerni queat, quare quæso non credit, fieri posse, ut dictus Spiritus vini assumat quandam facultatem diaphoreticam, mundificatiuam, & operantem per insensibilem transpirationem, ex Antimonio reuerberato? quod tamen longa coctione amittit vomitiuam suam vim, prout idem Autor declarat in Præfatione dicti capitis, ubi ita inquit: Illud Antimonium est purgans medicamentum, quod (sine ventris tamen laxatione, aut assellatione ut vocant) purgat & mundificat corpus hominis supra omnia Arcana: quia radicitus ac funditus remouet ex eo quicquid tolli debet educique: efficitque illud prorsus purum, ac ad altissimum sanitatis gradum reducit, eiiciens ex eo omnes prorsus materias quæ diuersas infirmitates tam externas quàm internas generare possent. Quæ cum ita se habeant, restat ut isti Operatores legant & relegant dictum locum (seu processum, ut vocant) Paracelsi, de Tincturâ Antimonij, quamdiu ipsis placeat: non inuenient tamen in eo vnquam quicquam quod ad confirmandam ipsorum opinionem conducere possit. Ecce igitur quo pacto intelligendus sit Paracelsus in hac materia; & quo modo discere debeamus discernere Tincturas inter se: quarum (prout experientia ipsa declarat, nec non distinctiones illarum, quas dictus Paracelsus recenset in Archidoxis suis, libro de transmutatione Rerum, satis dilucidè demonstrant) quamplurimæ reperiuntur species: verbi gratiâ, Tincturæ vegetalium, Tincturæ animalium, & Tincturæ mineralium: item Tincturæ siccæ, Tincturæ liquidæ, Tincturæ solubiles in aliquem liquorem, & Tincturæ indissolu-

biles: præterea Tincturæ actuales, & Tincturæ potentiales, quæ occultis suis viribus immutant prauos sordosue colores corporum ægrotorum in alios meliores, remouendo omnes sordes, & debilitates ipsorum; sicut narrat idem Paracelsus in suis Archidoxis libro 5. de Arcanis, cap. 1. Ad hæc differentiæ aliquot sunt, Tincturarum naturaliter productarum; artificio quodam factarum, permixtione nimirum duarum aut trium rerum in vna; (iuxta testimonium dicti Authoris, Præfatione in librum suum de Tinctura Physicorū;) aut denique accidentaliter, quippe vi ignis, qui, ut quotidie videmus, immutat res plerasque secundum differentias subiecti ipsarum, in diuersos colores: id quod inter cætera, utpote dignissimum notatu, manifestè cernitur in Argento viuo, quod ex liquido & albo, (quale naturaliter est) per medium ac vires solius ignis, sine vlla vltius rei additione, efficitur non solum pulvis siccus & aridus, sed etiam rubidus instar pulcherrimi ac præstantissimi Coralli. Atque hæc sufficienter finiendæ Primæ isti Parti huiusce nostri Tractatus de Anatomia Antimonij.

SECUNDA PARS.

ANATOMIÆ ANTIMONII.

In quâ docetur, quo artificio separari debeant substantiæ eius præpararique diuersimodè, ut aptæ fiant, quibus aduersus plurimas ægritudines tam internas quàm externas utamur.

HActenus vniuersim egimus de omnibus circumstantiis consideratione dignis, quantum ad essentiam, naturam, proprietates, viresque Antimo-

nij : Nunc verò , partim ad confirmandum pleraque argumenta suprà nobis in medium producta , partim ad consummationem huius Anatomiae Antimonij , ad manualementum eius tractationem demonstrandam nos conuertemus : quomodo inquam ope Vulcani integra accompleta huius metallici corporis Anatomia seu dissectio administrari queat. Et quoniam omnes labores & operationes quæ circa Antimonium suscipi peragique possunt , precipue ad quatuor capita reducuntur , seu intentiones : quarum prima est , illud planè demembrare & artubus suis diffecando priuare , & separare segregareque partes seu substantias ex quibus compositum est : secunda , præparare illud ut aptum sit quo pro vomitui utamur purgante : tertia , illud eò deducere ut per sudorem operetur , & per insensibilem transpirationem , ita ut nec vomitum , nec secessum cieat : quarta denique præparare illud particulatim ut idoneum sit ad vsus Chirurgicos : Ob id , inquam , diuidemus hanc materiam in quatuor Sectiones , ordine qui sequitur.

SECTIO PRIMA.

De separatione substantiarum Antimonij.

C A P. I.

Quomodo separetur ab Antimonio substantia magis metallica & fixa , quàm est reliquum ipsius corpus , quæ Regulus Antimonij appellatur.

Regulus Antimonij , ut saltem ego conijcere possum , appellationem istam sumpsit à certo quodam termino seu loquendi modo quo vtuntur purificatores metallorum in Germaniâ : illi enim , volentes experiri aliquam mineram seu

fodinam metallicam , sciscitari quæ ut noscant quanta copia boni metalli in ea lateat ; tandem illud vltimum depuratissimum quod , postremo tentamento superstes manet , aut restibile , seu (ut verbo artificibus communi utar) copellæ probam patitur , idiomaticè Germanico König , id est , Regem appellare solent : ex quo Latinum nomen diminutivum Regulus formatum est : ex hoc inquam colligi potest , nomen ipsi impositum esse : sed qualis denique etymologia aut originitio sit istius nominis , hoc parum facit ad nostram præsentem tractationem. Regulus itaque Antimonij est substantia metallica ; fixior , solidior , resplendentior , candidior , ponderosior & resonantior quàm est Antimonium ipsum integrum , & intactum : qui Regulus separatur ab Antimonio , rarefaciendo poros ipsius , aut subtiliando viscositatem mineralem , additione salium quorundam tempore fusionis : nam tunc Regulus , utpote existens grauior quam sint aliæ substantiæ ipsius , subsidit ad fundum crucibuli , modo quem paulò post declarabimus. Quocirca non alienum à proposito fore putarem , appellare ipsum Nucleum Antimonij potius , quàm Regulum ; præsertim cum sit pars quædam Antimonij discrepans in perfectione suâ ab aliâ parte quæ ipsam circumdat ; haud aliter quàm Nucleus differt à suo cortice. Itaque ut hunc nucleum ex Antimonio crudo separemus ab aliis substantiis inter quas absconditus latet , hoc fieri poterit diuersis modis : inter quos maximè communis , ordinarius & passim probatus est iste : Cape Antimonij libram vnâ , Tartari , aut Lapidis vini sesquilibram , Salis petreæ semilibram . Pulueriza hæc omnia simul quàm subtilissimè : hinc in luculento igne carbonum habeas magnum crucibulum terreum , iam candefactum : iniice dictum puluerem minutatim , donec vniuersum insit : Hinc tege illud lapide quodam : & assiduè carbonibus

bonibus circum circa accensis igne foue: vsque dum, leuato operculo, videas materiam esse fusam & perfectè liquidam ab imo ad summum. Tunc crucibulum igne exime, & projice omnem istam materiam in vas ferreum acuminatum, instar cornu, aut pilei Capuccinorum quem Germanicè Giefs. Buckel appellant (aut manica, quam vocant, Hippocratis) quod antea probè igne seruefactum sit, & hinc seuo modicè inunctum : Sine hæc infrigidari : Frigefactum resupira, & effunde materiam contentam : inueniesque in fundo eius massulam materiæ albæ & lucidæ instar Argenti : quam materiam separabis à reliqua massâ ; & hic est ille Regulus. Notandum verò est, quòd si tali instrumento ferreo careas, rem eandem adhuc alio modo administrari posse : nempe, pòstquam crucibulum seu fusorium vas ab igne remoueris, sine materiam quæ in illo est refrigerare : & ex hincrumpe illud vas, & in fundo ipsius inuenies Regulum tuum æquè lucidum & bonum, ac si alio modo separationem molitus fueris : nec vlla in hisce duobus modis differentia est alia, quàm quòd crucibuli rupturâ ferrei istius coni defectum refarcire cogeris : quod damnum vsque adeo parui momenti est, vt prope modum vilius æstimari vix mereatur. Aliqui, loco prædictarum rerum, primò liquefaciunt Antimonium ; ac postea injiciunt illi ita fuso, in singulas libras Antimonij tres aut quatuor uncias (id est trientem aut quadrantem libræ) clauorum veterum ferreorum, quales ex soleis æquis extrahi solent cum referrantur, & nouas soleas ipsis aptare volumus. Hæc mista aliquamdiu eidem igni committant, vsque dum ferrum liquefieri incipiens, substantiam Reguli imbibat, eaque totum se imbuat ingurgitetque : Et tunc duo hæc, Ferrum inquam & Regulus Antimonij simul vnita subsidunt, fundumque perunt : id, quod postea colle-

Ang. Sala.

ctum reservatur, eodem modo acid quod præcedentibus duabus aliis rationibus præparatum fuit. Sed hoc postremum illis propriè Regulus Martis Stellatus nuncupatur, ob admissionem nempe Ferri, quod Martem appellant ; & ob stelliformem signaturam, seu exteriorem habitum quem interdum assumit, per puncta nempe & radios diuisus, prorsus eo modo quo Stellæ pingi consueuerunt. Chymicorum aliqui persuadent sibi hoc Regulo se maxima opera effecturos ; vsque adeò vt existiment illum esse verum subiectum Lapidis Philosophici. Et eo plus ad hoc credendum incitantur, quia in Regulo isto, operâ ignis valdè temperatæ & neutiquam vehementis, oculis se offerunt omnes isti colores quos Philosophi asserunt esse signa veram materiam Lapidis Philosophici indicantia : quod tamen præcipuè euenit ex eo quòd Ferrum adjunctum habet. Verùm hæc nihil aliud sunt quàm fallaces quædam metamorphoses : per quas plurimi decepti & miserè seducti, diutissimè laborarunt & tulerunt ingenium suum in hoc Regulo ; sed frustra, & prorsus eodem euentu quem fortiri solent labores quos in plerisque aliis rebus infumere solemus eadem intentione, inuestigandi nempe Lapidis istius vsque adeò exoptati. Nam conclusio tantarum molitionum semper est solummodò Vanitas Vanitatum, & omnia Vanitas, vt inquit Sapiens, de aliis mundanis Vanitatibus loquens : qui ipse si cognitam habuisset hanc, de quâ nobis nunc est sermo, eam proculdubio ante omnes nominasset, vt pote quæ vera est omnium Vanitatum Regina. Sed talem laborem nondum expertus erat : nam Deus ipsi dederat aliam Petram Philosophalem, hoc est, plenitudinem quandam benedictionum : cuius rei testimonium nobis luculentissimum dat Sacra Scriptura. Quantum autem ad Regulum Antimonij simplicem & impermixtum attinet, substan-

N n

tia eius valdè propè abest à naturæ Argenti viui: quod facilè deprehendi potest ex eo quòd Aurum, Argentum, & alia Metalla, si illi permisceantur, vi ignis minimo negotio se ipsi associant, & amalgamant, ferè eodem modo quo se Argentum viuo annectere imbuereque consueverunt. Præparationes autem eius & vsus alio quodam huius Tractatus loco infra declarabuntur.

Operæ pretium verò non leue puto, vel obiter saltem meminisse subsidientiæ Antimonij quæ post separationem Reguli, ab ipso seiuncta manet: ac primò illius præ primam separationem per Salem petræ & Tartarum administratam sequitur. Hæc itaque materia magnæ alicui copię calentis aquæ immissa dissoluitur planè, ob reliquias Salispetræ & Tartari adhuc dum restantis, & colorem de se amittit luteum, vsque adeò tingentem & infectiuum, vt si manus ei immergantur, adeò pertinaciter eis adhæsurus sit, vt maculæ ægerrimè postea detergeri queant. Atque hinc fit, quod aliqui hanc materiam pro Croco Metallorum sumant, de quo infra acturi sumus. Si verò ipsi plusculum aceti affundamus, quassando hæc omnia simul bene, & hinc aliquantisper quiescere sinendo, animaduertemus in fundo subsidere magnam copiam pulueris subtilissimi, coloris subpurpurei, quem tanetum vocant: quem puluerem colligere & in vsus nostros reseruare possumus, effusa priùs paulatim aqua, per vasis inclinationem. Hunc Puluerem aliqui Sulphur Antimonij vocant, alij Sulphur auratum, alij denique Antimonium diaphoreticum. Verum, quod ad nomen Sulphuris attinet, hoc ipsi neutiquam competere potest; quia in liquefactione Antimonij, quæ fit cum Salepetræ, omne Sulphur, aut saltem maxima eius pars, igni absumitur: cui accedit, quod, si dictum puluerem vehemènti alicui igni immittamus, rursus liquef-

cat, resumatque iterum formam quòdammodo similem pristinæ, cùm adhuc crudum esset Antimonium, hoc solo tamen excepto, quòd Regulo careat. Quapropter nullo modo potest nec debet appellari Sulphur iste pulvis, & multo adhuc minus Antimonium diaphoreticum: nam tantum abest vt sudorem cieat, aut diaphoreticus sit; vt potius vomitum prouocet, & ventrem per secessum purget. Altera superfluitas quæ remanet post separationem Reguli Antimonialis, per clauos ferreos factam, si quis colorem & splendorem eius duntaxat consideret, non facile à vero & crudo Antimonio discerni potest; præter quam quod venas adeò longas non habeat: & si velimus, eam præparando in formam Vitri redigere poterimus, modo quem paulò post indicabimus.

CAP. II.

Modus & ratio aperiendi corpus Antimonij, & separandi substantias eius vnâ ab altera.

QVoniam antea (nempe cap. 2. Primæ partis huiusce Tractatus) diximus Antimonium esse corpus natura sua compositum ex tribus substantiis diuersis; nunc non alienum à proposito nostro fore iudico, id ipsum euidenter ob oculos ponere, & quasi intentis digitis demonstrare. Idque in duplicem maximè finem: Primò vt sit fundamentum præsentis huiusce Anatomie; nam scientes ex quibus substantiis Antimonium constet, tanto proclius meliusque iudicare poterimus de eius proprietatibus, & diuersis medicamentis quæ ex ipso elici præpararique possunt: Secundò ad comprimendam ex parte impudentiam temeritatemque eorum, qui ne minima quidè cognitione rudimentorum Artis Chy-

micæ instructi, & (quod sequi inde debet) ignari prorsus dissectionis rerum naturalium, nihilominus tamen non cessant velle iudicium ferre de qualitatibus Antimonij, loqui de effectis ipsius, & ratiocinari de vsu eius, iuxta captum ingenij sui: quocirca reuera merentur assimilari compararique alicui qui sermonem institueret velit de actionibus & operationibus corporis humani, & tamen ignoret ex quibus partibus & humoribus id ipsum compositum sit. Sed ad rem. Separandi igitur substantias Antimonij, verifimus, facillimus, & maxime genuinus, ac vt ita dicam authenticus modus, omnium eorum quos ego hæctenus addiscere aut comperire potui, est hic. Primo præparare nobis debemus aquam quandam Regalem, ad istum modum:

℞ Aquæ fortis communis lib. i.

Salis Ammoniaci,

Salis Nitri ana. vnc. iij.

Tres hæc materias simul immittimus Retortæ Vitreæ, quam in fornace ventosa, vt vocant, arena seu sabulo ab omni parte firmiter circum munitam statuimus: cui magnum Recipiens supponimus, & (iunctura antea probe vt decet luto commissa & paulatim siccata) ignem supponimus, primo modicum, hinc paulatim per gradus intensiorem vehementioremque, vsque dum aqua plane consumpta sit distillando, & spiritus omnes per Retortam exhalauerint. Hinc deposita ab igne vasa, infrigidari permittimus: & exemptam inde aquam Regalem vitreo vasi aquam accuratissime clauso inditam seruamus in vsum qui sequitur. Accipe Antimonij crudi in minuta frustula magnitudine granorum hordei redacti, aut paulo minutius contracti, sine vlla admixtione pulueris, pondus circiter vnciarum trium: Vtrinali vitreo, cuius fundus planus sit, vbi indideris, super infunde illi tantum aquæ prædictæ, vsque dum aqua digiti vnus latitudine extet: obtura le-

uiter Vrinale minuto tûraculo chartaceo: & repositû in scamno quodam aut alibi, vbi videbitur, loco tepido aut caloris experte, breuissimo temporis spatio videbis aquam prædictam operari in Antimonio, extrahendo paulatim omne sulphur ex ipso, cuius particula aliqua supernabit aqua, vt resinosa omnia solent; & alia pars adhærebit circû circa dictis granulis Antimonij: quod ipsum facillè animaduertes, quando videbis ea omnè splendorem suum amisisse; & onerata coopertaque esse crusta quadâ colore sulphuris impuri, quale est illud quod Sulphur viuum nuncupamus. Hoc facto, remoue aquam regalem, per inclinationem, & effunde illam in aliud vitrum. Atque hinc laua & relaua Antimonium ita crustosum, toties vsque dum aqua non respiciat aliquam vltra acrimoniam; & sicca seu terge illud paulatim in carta. Et si tûc aueas nosse an dicta crusta sit reapse Sulphur, nec ne, immitte aliquantulum ipsius carboni accenso, seu viuo, vt vocant: & confestim videbis vsulatum more vulgaris Sulphuris flammam ceruleam emittere. Quod sulphur vt separetur à reliquo Antimonio, sic præcedendum erit: Sume Antimonium ita fustulentum aut crustosum, vt dictum est; impositumque vitreo vasi, superfusa Lixiuij Tartari tanta copia quæ ipsi per vnû duosue digitos supernatet, sine aliquantisper bullire, reposito prius vitro in sabulo calido; videbisque statim dissoluto Sulphure, & seiungente se à reliquo Antimonio, dictum lixiuium luteo & instar aurei Hungarici colore tingi: quod lixiuium inclinatum transfundes in aliud vitrum; & residuo infundes iterum noui lixiuij paululum: procedendo eodem istocce modo quo prius, ne separet illud pauxillum Sulphuris quod à præcedente ebullitione non separatum remansisse potuit. Adhæc, quod plus est, Cape hoc Lixiuium ita tinctum, & affunde ei quartam partem Aceti distillati: & imposito

vase cum isto liquore, feruenti aquæ, totum ibi diem quiescere sine; quo temporis spatio Sulphur Antimonij fundum vitri petens, ibidem residet forma pulueris subtilissimi, coloris subgrisei: quod ipsum, posteaquam effuderis aquam, inclinando vas, recollectum siccat facies; & sic habebis Sulphur Antimonij. Si autem id plane mundum habere desideres, admiscebis eis Salis communis probe siccati paucillum, inditumque paruulo vrnali vitreo, quod tectum sit coopertorio suo aut capella vt vocant, sublimari fines: quo facto Sulphur extricans se segregansque à pauculo isto Sale Tartari, quod ante à lixiuio imbiberat, eleuando se ipsum in sublime, adhærebit capitello vitri, floris seu fuliginis minutissima instar, prorsus ita vt Sulphuri communi euenit, quando sublimatur. Atque hoc sepositum serua bis.

Restant aliæ duæ Antimonij substantiæ. Has ita separabis. Sume Antimonij reliquum, nempe quodcumque eius subsedit & in fundo vasis remansit post extractionem Sulphuris sui: laua id probe aqua communi, vt nihil lixiuij Tartarei ipsis magis adhæreat; absterfum siccatumque vbi fuerit, affunde ipsi aquam Regalem, quam desumptam à priori operatione reseruaras, addito quinetiam paucillulo recentis & nunquam prius in hunc finem vsitatae. Pone hæc omnia simul in Balneo Mariæ distillanda: & relinque ea inibi tamdiu, vsque dum Antimonium præcipitetur in minutum puluerem: Pauloque post, posito hoc sic præcipitato Antimonio, vnâ cum aqua quæ ipsi adhuc superest, in paruulo vrnali vitreo, distillare hæc simul facies per sabulum, primum paruo, hinc paulatim vehementiori igne, continuando vsque dum nullum amplius liquorem egredi animaduertas, imò ne fumum quidem. Refrigerari permitte vasa. Hinc sublato Recipiente, inuenies in ipso puluerem

subtilissimum & candidissimum, subdidentem in imoliquoris: quem puluerem separatam seruare oportet, lauareque & relauare aqua communi calida tam sæpe & diu, vt nullam amplius acrimoniam ab aqua Regali retineat: & hic puluis est Mercurius Antimonij.

Ad vltimum respice fundum vrnalis: & reperiens paucillum pulueris subgrisei: quem Sal Antimonij nuncupare possemus. Atque hoc modo habebis tres substantias Antimonij separatas vnâ ab altera. Sin verò tantarum obseruationum aut subtilitatum incuriosus fueris, contemplandi nimirum minutatim operationem prædictæ aquæ, videndique quomodo Sulphur ab Antimonio exeat, vt supra ostendimus; & laborem tuum abbreviare studeas; hac ratione operari poteris: Capias Antimonij crudi, grosso modo (vt loquuntur) puluerizati, quantum lubebit: indas vrnali vitreo, tantumque ei præfatæ aquæ Regalis infundas, vt prorsus natet: patiaris eam operari primum per se quantum potest, sine vlla ignis opera, concutiendo sæpe materiam: & vbi aqua vim suam amiserit, tantundem alterius recentis aquæ affundas, & sinas agere vt prima. Hoc facto, imponas vrnale tuum in fornacem sabulo refertam ignemque paruulum subdas, vsque dum aqua calefacta incipiat operari iterum: prosequere hoc opus calore satis lento vsque dum aqua dicta agere cesset, & Antimonium colore suo penitus exutum, præcipitatum fuerit in puluerem album. Hinc resideat id quod crassum est, & inclinatione remoue aquæ Regalis residuum (quam aquam seruare poteris ad redistillandum quando opus fuerit, cum nouis ingredientibus, vt dictum est supra; aut in alium quempiam usum repones.) Deinde laua & relaua dictum Antimonium sic præcipitatum, pluribus vicibus: & abstergendo siccatum, fac vt leniter bulliat in lixiuio Tartari, vt supra docuimus; repetendo

hoc opus toties, vsque dum lixiuium nulum amplius colorem assumat : hoc enim denotabit Sulphur omne iam Antimonio ademptum esse. Postea fume hoc lixiuium ita imbutum seu imprægnatum Sulphure : euapora omnem aquam paulatim ac sensim, vsque dum in fundo maneat substantia quædam sicca, quæ est Sal Tartari & Sulphur Antimonij inter sese permixta. (Notandum verò, hanc exhalationem fieri debere in quadam scutella murrhina seu porcellanica, vt vocant, aut in alio quodam patenti vasculo probè plumbato, & apto vt vim ignis sufferre queat : nam vitrum plerumque finditur aut liquefcit.) Posthæc accipe hanc materiam, & tantundem arenæ aut sabulonis sicci : misce insimul, & sublima vt supra dictum, nam in capelleto seu coperculo distillatorij tui Sulphur tuum ascendisse reperiēs, quod altum petit : & in fundo remanebit Sal Tartari sabulo mixtum ; quod Sal extrahere poteris per aquam ; & hæc aqua fiet lixiuium alia vice vtile futurum, si velis. Postmodum cape reliquum Antimonij, cui Sulphur subtraxisti : laua id pluries, ne retineat vllum amplius falsedinem à lixiuium supra memorato : & siccatum vbi fuerit abstersumue, impone illud vrinali vitreo probè lutato : hinc cura vt sublimetur ; & capellam ascendet Mercurius Antimonij, & in fundo residet Sal ipsius. Atque hæc sunt quæ ad separationem substantiarum Antimonij attinent. Sed quoniam duæ vltimæ substantiæ non respondent nomini suo, communibus saltem indicijis & notis, aliquot Chymici satis incauti, & principiorum ignari, quippiam in iis desiderare possent : exempli gratia, vellent Mercurio Antimoniali substantiam liquidam & fluentem dari ; & Salem verè falsum gustatui esse : & sic hos nostros processus deridere aut ludibrio habere possent. Verum enim verò his ego ita responsum volo ; debere ipsos in hocce negotio legere

definitionem quam dat Paracelsus (Paracelsi lib. i. de Orig. morb. ex trib. primis substantiis :) Paracelsus, inquam, qui primus nobis representauit hoc fundamentum : reperiēt enim, quod loquens de tribus substantijs ex quibus naturaliter omnes res componuntur, hoc modo concludit : Quicquid vritur ardetue, est Sulphur : nec aliud quidpiam ardet, quam Sulphur. Quicquid euolat aut in fumum abit, est Mercurius : nec quippiam euolat, quam Mercurius. Demum quicquid in cineres conuertitur, & fixum ac stabile manet, est Sal, &c. Iuxta hanc definitionem cogimur agnoscere substantias præmemoratas pro talibus quales à nobis supra nominatæ sunt. Quod si verò differant in aliquibus notis & signis à substantijs Vegetalium & Animalium : (nam verbi gratia, illarum substantia Mercurialis, est aqua ; illarum Sulphur est oleum aut pinguedo ; ac denique illarum Sal est res vere falsa & Sali vulgari analoga :) in hoc, inquam, considerare debemus differentiam naturum quæ est inter Mineralia & alia corpora : Vt enim Mineralia corpora sunt solida, grauiā & terrestria, multo magis quàm Animalia & Vegetalia ; sic etiam substantias suas habent siccas, aridas, & planè differentes ab aliis corporibus : ideoque maxima vesania foret, & cassus labor, velle quærere in Antimonio, Marcassitis, Lapidibus & Metallis similes substantias iis quæ in Vegetabilibus reperiuntur. Quod plus est, dicam hic insuper quippiam aliud, vt commonefaciam instruumque eos qui monitione indigent, quod eo modo quo Salem appellare possumus cinerem alicuius Mineralis, etsi nullo prorsus sapore gustum feriat ; & fuliginem eius, Mercurium, quamuis ea non sit aquosa, aut nullo modo liquida ; quod, inquam, eodem prorsus modo possumus imò & debemus agnoscere quamplurimas substantias pro sulphurebus, quæ tamen neutiquam actu combu-

stibiles sunt : vt exempli gratia , extat apud Chymicos Oleum Salis, Oleum Vitrioli, & Spiritus Nitri : hæc tamen licet igni admota, reapse non ardent ; potenciali quippe duntaxat quadam facultate vri apta. Quocirca hæc sufficient hoc tempore ad vniuersim declarandum, quomodo intelligenda sit definitio & differentia trium harum substantiarum, iuxta differentiam corporum, cui accedit & hoc, sciendum nobis esse has substantias adeò confuse inter sese mixtas esse ; & alteram ab altera ita semper aliquid participantes, vt etiam post separationem factam, id est, abstractionem è corporibus quibus infuerant, non appellari possint absolute aut exquisitè puræ aut non mixtæ ; quia semper vna retinet quidpiam ex alterius substantia, substantiæ suæ permixtum.

Itaque, vt ad propositum reuertamur, Quod ad proprietates substantiarum abstractarum separatæ Antimonij attinet, hæctenus adhuc non dum satis asseueranter nunciare possemus quippiam de effectibus eius ; cum nondum omnes experti satis simus ; solo Mercurio eius excepto. Hunc enim comperimus vomitoriæ & purgatoriæ vim habere, qualem plerunque in ipso Antimonio deprehendimus ; quapropter & eo in talem finem vti possemus. Quod ad Sulphur eius attinet, persuasissimum hoc nobis est, sudorificum fore, discutiens quinetiam, aperitiuum & balsamicum, quale est Sulphur minerale : excepto, quod fortassis posset habere præterea aliquam peculiarem vim respondentem corpori ex quo abstractum fuit : Ad cuius rei comprobationem accensere possemus Olea Caryophyllorum, Cinammomi, Nucum Myristicarum, &c. quæ omnia quantumvis sint Olea combustibilia & generaliter calida tam vnum quam alterum ; nihilominus in particularibus singulorum viribus maximum inter ipsa discrimen intercedit.

Tertiam verò substantiam quoniam nondum vilo pacto examinatam aut comperitam habemus ; idcirco etiam subfedebeamus ab vltiori eius prædicatione ; vsque dum penitiorum eius naturam & prærogatiuam experimento docti penitus cognitam & exploratam habeamus.

SECTIO SECVNDA.

De Vomitoriis Purgatiuis ex Antimonio desumptis.

C A P. I.

De Vitro Anatomij.

Vitrum Antimonij ita appellatur, quia forma, resonantia, splendore & fragilitate aliquo modo Vitrum refert, cerè multo melius quam quippiam aliud. Preparatur autem diuersis modis : sed omnium : optimus & approbatissimus est iste Matthioli, quem in Commentariis ad Dioscoridem describit, capite de Stimmi seu Antimonio : quem & hoc loco verbatim exscribere volui : Vt Stibium Hyacinthinum, seu Vitrum Antimonij pares, eligito Antimonium optimum, quod (vt Dioscorides tradit) splendidissimum est, modoque nitedularum seu vermium noctu lucentium emicat, confractu crustosum, friabile, nihil terræ aut sordidi habens. Id primum in puluerem redigito : deinde in fictile vas, quod amplum sit, conijcito : tum demum carbonibus succensis ad calcinandum (vt Chymistarum verbo vtat) sub dio exponito : atque interim cochleari ferreo, spatula ita Myropolis appellata, continuè moueto. Hoc vero dum fit, fumus exhalat tenuis, sulphur & auripigmentum redolens ; qui si ore attrahatur, crebras interdum excitat vomitiones : quapropter qui versant, ventis terga opponant. Versare autem assidue expedit : nam si paulisper cesses, vel comburitur Stibium, vel liquefit, & concrefcit in glebas minutas : (nam

fieri nētiq̃am potest, quā diligentissimē licet versetur, quin aliqua saltem portio liquecat: Versato itaque diligenter, quousque in glebas concreseat: quas cum videris, sublato ab igne fictili, quod concreuit, rursus in puluerem redigito; atque eidem fictili impositum, carbonibus reddito; assiduoque versato. Id quod repetendum est sapius, vsque dum nullæ amplius glebulæ coalescant. Ita quoque tandem versare conuenit, quoad corpuscula illa, quæ emicant, splendorem suum amiserint; vapor omnis cessauerit, fœtor obsoluerit, & Antimonium in calcem cōuersum subalbicantis cineris colorem contraxerit: perfecti autem operis (id est, an satis calcinatum sit,) signum erit, si prunis ardentibus inspergatur, nihilque prorsus funi emittat. Posthæc sumito huiusce calcis, exempli gratia, libram mediam; Antimonij crudi vnciam, Boracis (quam alij Chrysocollam fictitiam appellant) semunciam. Deinde Chrysocollam & Stibium erudum terito in tenuem puluerem: mox omnia simul misceto; atque in fictili fusorio, seu crucibulo, quo vtuntur aurifices, ignis vehementi admovento: vas super laterem, aut testaceum aliquod filis ollæ fundum, prius collocatum, & fictili operculo contextū, carbonibus accensis circumdato. Verumtamen operæ pretium est, in hoc magnam adhibere diligentiam, ne res illæ comburantur. Ideoque necesse est, vt in promptu habeas rudem seu veruculum ferreum, quod crucibulo indas, quando illud rubrum factum seu canduisse animaduertes; vt scire queas an Antimonium liquefactum sit, nec ne. Et confestim abradendum est quodcunque veruculo adhæsit; quod album colore sit oportet. Hinc iterum veruculum crucibulo immittendum, & faciendum vt prius: idq; toties & tandem, vsq; dum id quod de veruculo abradum erit, appareat rufum, viuudum & splendidum. Quo viso, forcipula ferrea

sublato cooperculo, nonnunquam inspiciendum est, an collique scat. Nam vbi colliquatum fuerit, illico vas ab igne eximito; & super marmorea tabula, aut inuersa pelui ex aurichalco fabricata, quatonsores vtuntur, guttatim projicito. Quamprimum enim ibi concreset in laminas, quæ colore, & nitore chrysopatio, quos hyacinthos appellant, atque etiam nonnunquam granatos referēt. Vbi autem lapillos paruos & rotundos parare sit animus, guttatim ē fusorio vasa super eadem pelui fusum Antimonij effundito. Cæterū chrysocollæ vicem feliciori successu mihi præstat sal fossile crystalli modo pellucidum: sufficitq; in tribus Antimonij vncijs semidrachmam addere. Verum omnes admonitos velim, difficillime à quoquam parari posse Hyacinthinum Antimonium, etiam peritissimo Chymice artis Magistro, nisi prius ab altero parari ijs etiam succedat pellucidū, qui sæpe ac sapius illud parauerunt. Ideoque vbi eius laminæ semel projectę puluerulenta quadam cuticula obducuntur, quę earū nitorem pelluciditatemque obumbrant, oportet iterum easdem laminas cōterere, atq; etiam addere parū salis fossilis, & iterum igni admoovere, & fundi permittere, atq; inde projicere. Cum autem hoc medicamento vtī voluerit, in puluerem redigito, datoque trium vel quatuor granorū pondere: id tamen pondus in robustioribus non nihil augeri potest. Stibium ita præparatum commodissimē admiscetur rhodosaccharo, cui etiam mastiches modicum adjicitur. Atque hæc est ratio faciendi Vitrum Antimonij, juxta Matthiolum: cui tres sequentes obseruationes addi possunt. Prima est, quod vice fictilis seu ollæ rotundæ ac profundæ, melius sit & commodius ad calcinandum Antimonium, sumere patinam fictilem, quadratam, fundo plano & paruo limbo à late-re munitam: quæ sit dura, & bene cocta;

in qua extendi queat Antimonium, expandique latius, itemque versari calcinatrique expeditius faciliusque. Secunda est, quod pro eo quod præcipit calcinari Antimonium loco aprico, aut subdio, ubi aer funum seu vaporem qui ex Antimonio exhalat, mouet & agit modo huc, modo illuc: melius commodiusque sit collocare vas aut patinam in furno ventilatorio, sub camino satis lato & parenti: & furni superiorem partem effingere in modum fornicis, cum spiraculo, aut ventilatorio in medio furni, quod per oblongum tubulum deducat dictos vapores in altum, ita ut dispergi & in latera flectere se non possint; atque eo modo ei qui operi huic præest, vltimo modo nocere. Tertia est, quod in defectu tabulæ marmoreæ, quæ nonnullis locis difficiles sunt inuentu, projici possit liquefactum Antimonium super alium lapidem aut laterem expolitum & leuigatum, aut in sartagine fictilem seu terream planam, quæ limbum paruum, ut oras inflexas circumcirca habeat, quæ & bene incrustata seu plumbata sit, & quod plus est; antea modicè calefacta fuerit; ne forte si illi adhuc frigida feruens illa materia fusa injiciatur, crepet ob subitaneum & vehementem calorem Antimonij liquefacti: quæ ipsa quin etiam sartago aut patina fictilis injungi poterit olei Amygdalarum dulcium modico, ea causa, ne vitrum nostrum vllibi adhæreat fissuris, quæ plerumque in plumbaturis vasorum fictilium esse consueuerunt. His addo demum & illud, nempe quod, si è Vitro hoc velimus laminas latas & planas efformare, qualia vitra fenestrarum esse solent, non oportet liquefactum Antimonium guttatim stillatimve; sed continuo impetu effundere. Et quod admonitionem attinet, quam dat Matthiolus, ut caueamus scilicet ne Antimonium comburatur; hoc est sanè periculum quod neutiquam vereri debemus: nam cum calcina-

tum fuerit eousque vt combustioni propinquum sit, nulla amplius superest substantia quæ combustioni obnoxia sit, aut corrumpi queat ob tantillam accessiorem ignis aut vehementioris caloris. Id quod obiter monendum fuit.

Eodem autem modo confici potest Vitrum ex Regulo Antimonij, idque sane quam elegantissimum: sed hujus major exhibenda est dos; quia non vsque adeò vehementer purgat, vt præcedens.

Porro Vitrum Antimonij est medicamentum hætenus sane immeritò reprobatum, vilipensum & vituperatum à medicis, magis quam vllum venenum quod terra producit: vsque adeò vt etiamnum hodie reperiantur aliqui, apud quos nomen ipsius tam odiosum est, vt eo nominato, horreant, videanturque sibi audire mentionem fieri Beelzebubi Diabolorum Principis. Eousque inquam, vt si medicus quispiam Dogmaticus in loco quopiam constitutus vbi consultatio Medica de aliquo morbo curando haberetur, auderet proponere vsum eius, in summo periculo versaretur ne ab aliis pro crudelissimo ignorantissimoque medico haberetur omnium eorum quos terra alit. Rationes autem quæ osores Antimonij ad exterminandum aut non admittendum eius vsum mouerunt, sunt hæc quinque præcipuæ.

1. Hippocratem, Galenum, nec quempiam antiquorum Medicorum, in arte Medica Principum, nunquam eos vfos fuisse interius sumpto, duntaxat autem exterius admoto.

2. Antimonium, accedens ad naturam Plumbi, vt scripserunt Prisci, etiam numero venenorum jure merito accensendum esse.

3. Quod, cum Vitrum Antimonij per calcinationem omnibus suis substantiis humidis sit destitutum, & reductum ad extremam siccitatem, accedens proxime ad ariditatem Vitri communis; etiam tale venenum fiat, quale est Vitrum vulgare.

4. Quod

4. Quod Vitrum Antimonij, cum fit præparatum cum Borace, quod est venenum, hinc etiam maligna eius qualitas veneficaque vis majus incrementum capiat.

5. Aliquot ægros post vsum huius medicamenti, ex eo vehementissimè commotos & alteratos, incurrisse in maximum vitæ periculum; aut etiam paulò post interisse.

Ad quas objectiones ita respondetur:

1. Quamvis Antiqui Medici non habuerint in vfu Antimonium per os exhibere, aut in corporis interiora admittere, non tamen vsum eius vllibi interdixerunt. Quod denotat eos non habuisse notitiam proprietatum eius: quia si eam habuissent, proculdubio vsurpassent, aut eius saltem mentionem fecissent, vt fecerunt aliarum rerum, quarum experientiam habebant. Inde igitur non sequitur, debere nos ab eius vfu abstinere, ea propter solummodo, quod Antiqui propriam eius naturam ignorarunt: Nam si hoc argumentum valeret, ex consequenti etiam cauere deberemus vsum tot ac tantorum aliorum præstantium medicamentorum, quæ nobis India mittit, aliæque regiones Veteribus incognitæ, aut saltem non nominatæ. Si autem asserere velimus, Galenum & alios antiqui sæculi viros habuisse vsque adeò altam & profundam Physicarum rerum cognitionem, sagacitatemque tantam seu dexteritatem adeptos, vt vel solo aspectu formæ exterioris, vel coloris, odoris, saporis, ponderis & aliarum circumstantiarum, potuerint deprehendere naturam & facultatem insitam cuiuscunque rei naturalis; de eaque sententiam absolutam proferre, antequam vsum eius vllum habuerint: vsque adeò, vt ij aspectu solummodo Antimonio, & simul pro explorato habito, Antimonium esse malum & venenosum, nunquam eius periculum facere voluerint, aut ægris suis exhibere: Huic assertioni respondetur,

Ang. Sala.

nihil hæc aliud quàm somnia esse, & vanas prerogativas quas aliquot nimis simplices aut plus iusto creduli Medici Præceptoribus suis Antiquis attribuerunt. Præsertim quum, si eorum libros legamus & relegamus, reperiamus (quantumvis fuerint viri maximè iudiciosi) nunquam ipsos sibi ipsis tantam scientiam atque vsq; adeò perfectè absolutam notitiam omnium rerum arrogasse; vt numquam decipi in suis conceptionibus aut animi præsumptionibus potuerint: quin potiùs falsi sint experientiam posse aliquid potestæ reuelare, quod omnes limites rationis supergreditur: Præsertim cùm ipse Galenus, Medicorum Dogmaticorum Princeps, asserat ad dispositionem rerum duo instrumenta exstare, rationem nimirum & experientiam. Vnde concludere possumus, Antiquos non omisse describere Antimonij vsum in corpore humano, ea propter quòd physicis rationibus inducti, prædicatorique viderint id noxium esse: sed è contrario, quòd eius vim nondum experti fuerint.

2. Quamvis Antimonium crudum, aut solummodo modicè vstulatum, aliquo modo accedat ad naturam Plumbi, (exempli gratià, in siccitate & frigiditate suà, vt Antiqui iudicabant, vsum eius experti in morbis externis, vice Plumbi:) Antimonium tamen præparatum differt proprietatibus suis à Plumbo, non minùs quàm Ignis ab Aqua: quia purgat per vomitum, & secessum, itemque aperit omnes poros corporis, & prouocat sudorem: cùm è conuerso Plumbum contrarios edat effectus. Itaque ob hæc rationes non possumus illud proportionaliter aut directè comparare Plumbo, quin errorem committamus. Dato tamen, hoc fieri posse: noua quæstio exorietur. Num videlicet, idèò necessariò venenum esse debeat: quia profectò oraculum non est, Plumbum naturà suà esse venenosum. Galen. lib. 9. de Simpl. Medicam. vniuer.

sim de eo loquitur, tamquam de refrigerante aliquo medicamine, composito ex substantiâ humidâ & congelatâ vi interni sui frigoris: præscribitque illud in diversis accidentibus externis corporis, sine minimâ tamen mentione noxæ aut venenositatis quam habeat in se: & experientia (ex quâ omnium scientiarum certitudo procedit, iuxta propria ipsius Galeni verba, dicto capite: Cæterum scientificè & certò per experientiam cognoscuntur,) nobis variis modis demonstrat, Plumbum non esse venenosum. Vt primo loco videre est in illis qui sclopeti ictu læsi, globum plumbeum alicui corporis sui loco impactum habent, interdum adedò penitus intro adactum, ut cum nullo inde modo extrahi possit, cogantur eum postea reliquo vitæ suæ tempore in corpore gestare: in illis enim nulla inde veneni signa aut symptomata consequuntur. Deinde hoc facile deprehendi potest ex plurimis qui limaturam Plumbi intrò assumere soliti contra Ictericâ nigrâ, & alios morbos, nullam inde noxam percipiunt: quin potiùs optimo successu eius vsum continuant. Velut & alij illi qui in usu habent aquam quandam plumbo affusam, eoque imprægnatam, ut loquuntur (quam Zapata Aquam Æsculapij nuncupat, eamque distillare docet Practices suæ libro) aduersus quoslibet tumores internos, & contra epilepsiam, ut ipse testari possim de duobus ægris epilepticis, quos usu dictæ aquæ, ab Empirico quodam exhibitæ prorsus sanatos vidi. Huic nostræ sententiæ nihil obstant quæcumque Autores scribunt de prauis symptomatibus quæ Cerusæ vsum sequi solent, quæ nempe ex Plumbo facta est: quia si Cerusa noceat corpori intrò assumpta, hoc potiùs attribui potest spiritibus illis Aceti qui adduntur Plumbo in præparatione Cerusæ, quam propriæ & simplici naturæ Plumbi. Quapropter maximum delirium est, velle Antimonium venenositatis condemnare,

quia symbolizat aut analogiam quâmpiam habet cum Plumbo; quod nec ipsum quidem tantopere perniciosum est, quàm à multis describitur.

3. Etsi Vitrum Antimonij simile sit ex parte Vitro vulgari, tamen non est usque adedò solidum aut aridum, seu fixum, ac Vitrum: quia si Vitrum Antimonij imponatur igni, multo faciliùs liquefit quàm Vitrum commune; adhuc si diutius in igne moretur, fuliginem quandam emittit, id quod denotat illud adhuc aliquam substantiam humidam (si ita nuncupari debeat) in sese habere; quæ in Vitro communi non deprehenditur: quod ipsum fixum & indissolutum in igne permanet, si cum Vitro Antimonij confectatur. Quod plus est, Vitrum Antimonij liquori alicui inditum, facultatem illi impertit vomitoriam: sed Vitrum commune non communicat rebus quibus infunditur, aut quæ ipsi infunduntur, ullam prorsus qualitatem. Item Vitrum Antimonij dissolui potest & præcipitari aqua forti, oleo Sulphuris, imò & aceto distillato: quem defectum vulgare vitrum non habet, nam videmus quotidie vasa vitrea vsurpari passim ob solidam & indissolubilem ipsorum substantiam, tam ad distillandum, quàm ad conseruandum liquores quam maximè corrosivos, quos ne aureis quidem vasis conseruare valeremus. Ob has igitur causas non potest natura Antimonij assimilari naturæ Vitri communis. Præterea, asserere velle, corpora arida & sicca, similia Vitro, venenosa ob id ipsum esse, quia sicca sunt, hoc etiam vanum est. Nam si ita res haberet, non solum Antimonium pro veneno habendum esset, sed & Crystallum, quod tantopere in Medicinâ vsurpare solemus, contra calculos: imò & Hyacinthi, Granati, Rubini, Topazij, & alij lapides pretiosi Orientales, quos medicamentis cordialibus admiscere solemus, qui adedò duri sunt & aridi, ut ignis eos lique-

facere nequeat, & aliqui ipforum vix summâ vi in puluerem redigi calcinarique possint, addito Sulphure, Sale petraeo, idque in vehementi igne; tantum abest ut liquari, fundique aut proijci possint, ut Vitrum commune. Et non est res incognita his Reprobatoribus Antimonij, uti nos posse Vitro pulverizato intus exhibito sine ullo periculo. Manifestum insuper etiam ex, & mille ac mille hominibus cognitissimum, agyras esse, qui coram vniuerso populo Vitrea vasa deuorant, haud secus ac si tragemata aut confecturas aliquot deglutirent: & tamen nullum in eo venenum percipiunt. Quod ipsum tamen probare aut laudare non velim. Sed concessio ipsis, Antimonium esse naturæ Vitreae, & drachmam vnâ aut alteram Vitri pulverizati posse intoxicare aut venerare eos qui illud assumpsere: rogatos eos velim an inde sequeretur, quod quinque aut sex granula Vitri Antimonialis idem præstare possint. Quis denique est ille vltique adeo absurdus ratiocinator, qui asserere velit talem comparisonem? præsertim cum si quando Vitrum Antimonij in substantia exhibetur, æger illud plerunque primo haustu per vomitum rejiciat. Sed nos ut plurimum solummodò infusionem eius dare solemus: cui certè non nisi stultè siccitas Vitri adscribi potest.

4. Non possumus bonis rationum fundamentis insistentes, pronunciare Vitrum Antimonij esse nocuum aut malignum, argumento sumpto à Borace, qui ei in liquefaciendo admiscetur: præsertim cum primo loco plurimi Medicorum consueverint eius solius & impermixti à viginti ad viginti quinque granula exhibere vnâ dosi, in retentis menstruis: itemque ad expellendas secundinas nimis diu remorantes: idque sine ullo prauo symptomate inde consequente. Præterea cum tam parua sit

copia Boracis quæ vitrum Antimonij ingreditur, videlicet mediæ vnciæ in libram mediam Antimonij, quod esset proportionè æstimatâ in singula duodecim grana Vitri dicti, vnicum granum Boracis: dato illis & concessio, Boracem esse aliquo modo venenosum, nullum tamen inde damnum aut periculum oriri posset: quia ad summum non dari solent plura quàm sex aut octo grana dicti Vitri; in quâ dosi non posset esse plus quàm dimidium granum, aut duæ tertiæ vnius grani è dicto Borace: Sed, quod insuper in hac re notandum est, Borax qui Antimonio calcinato immittitur, ad fusionem eius seu liquefactionem maturandam, quo Vitrum fiat, consumitur maxima ex parte & exhalat, abique penetrando in crucibulum ipsum seu fusorium vas. Quocirca asserere ausim pro certo, quodd posteaquam Vitrum Antimonij proiectum ac in laminas aut aliam formam effusum fuerit, non supererit in semilibram Vitri, scriptulus vnus residui Boracis, si quippiam eius adhuc non exhalatum manserit. Ecce quâ ratione nec hoc quidem aliud sit, quam vana quædam imaginatio quorundam, credere pauxillum istud Boracis, quod Antimonij Vitrum subintrat, id ipsum illi venenositatis quippiam dare posse, aut vllò modo malignum efficere: posteaquam, ut dictum à nobis est, Borace crudo soloque vtamur sine vllò damno, idque tantâ copiam vnâ solaque vice, quantam triginta aut quadraginta doses Antimonij iuxta prædictum calculum, vix in sese continere possent. Ergo nec aliud est quàm leuis quædam phantasia, vsum Antimonij interdicere velle hoc argumento: & reuera nihil hoc aliud esse opinor, quàm si muscam elephantis instar æstimemus. His tamen & eiusmodi tam friuolis rationibus vsi aliquot fermocinatores, ignaros huiusce rei homines, & principiis hu-

ius Artis nondum imbutos, detertere voluerunt.

5. Quod ad vltimam obiectionem: Concesserim illis non grauatè, aliquos ægros summoperè alteratos & commotos fuisse à sumpto Vitro Antimonij, adeò vt etiam (quamuis id nunquam viderim) aliquot ex iis vitam finierint ob eius vsum. Interim tamen hoc neutiquam talem consequentiam inducere potest. Numquam eo nobis esse vtendum. Nam si expendamus causam, ob quam hoc euenisse potuit, inueniemus id accidisse ob ignorantiam alicuius Empirici idiotæ, aut arrogantis ciniflonis, medicinam facientis sine vlla eruditione, scientia aut fundamento: qui, morbum vnum ab altero discernere non valens, siue vllò respectu virium ægri, temporis opportuni ad expellendum materiam morbosicam, aut dosis quam ægro dare conueniebat, forsan in talem errorem incidere potuit. Quod si autem ob abusus alicuius, prorsus abstinere velimus ab exhibitione Antimonij, eadem etiam prorsus ratione abstinere deberemus ab infinitis aliis medicamentis, quæ quantumuis in vniuersum habeantur pro bonis ac innoxiiis, interim tamen sæpenumero, intempestiuo abusu administrata, pessima & lethalia symptomata inducere videmus. Quocirca, si vellemus pronunciare de Vitro Antimonij liberè & vtres est, sine vllò præiudicio, passionis aut partialitate, vt vocant, non solum oporteret oculos mentemque conuertere ad mala quæ ex eius abusu subrepere possunt: sed etiam, imò potiùs, ad mirandos effectus quos præstare potest, debitè & cum iudicio exhibitum, nec non ad illud, quod hoc medicamento sæpe releuantur ægri, de quorum sanitatis aliis quibuscunque remediis adhibitis recuperandà, hæctenus desperatum fuerat prorsus. Vt concludamus igitur, dicere aut iudicare nequimus Vitrum Antimo-

nij aliud mali inferre posse, quàm quòd nimis vehementer purgat, si quando dosi maiori quàm oportet exhibeatur. Alioquin, non magis venenosum est, imò minùs perniciosum, quàm multa alia vomitoria, cuius denique generis ea fuerint, quæ priscis in vsu esse solebant. Atque hæc sufficere debent ad refellendas prædictas obiectiones.

Ceterùm Vitrum istud Antimonij, vt Matthiolus idem refert eodem capite quo nos illud præparare docuit, est præstantissimum medicamen, pretiosissimum, & minùs periculosum aut damnosum, quàm vllum aliud vehemens medicamentum purgatiuum Antiquorum. Omnes humores crassos viscidosque eijcit, in ventriculo aliisque ac circum vicinis locis superfluos, idque per vomitum ac per aluum: Habet quinetiam in se facultatem quandam resistentem venenis: quare admodum fœliciter administrari potest aduersus omnes morbos à Matthiolo nominatos, sicuti suprâ à nobis annotatum est in prima huius libri parte, capite de præstantiâ seu prerogatiua Antimonij: & vniuersim aduersus quoscunque alios morbos, prouenientes ab impuritate ventriculi, & pectoris: contra pestem, intoxicationem; breuiter ad omnes affectus qui possunt & debent seu præuacari, seu tolli vomitiuis medicamentis exhibitis, idque siue directè vel primariò, siue per consensum. Equidem non memini me illo sapiùs quàm vigesies vsum fuisse toto illo tempore quo medicinam feci; sed semper cum fœlici successu: quod autem non frequentius illud exhibuerim, factum est ex eo quòd aliis vomitoriis idem præstantibus vtì solem, quibus paulatim longoque tempore familiariusculè assueui. Interim tamen, quum satis multas peregrinationes per diuersos orbis tractus fecerim, & in varia ingenia hominum inciderim, affirmare possum, vidisse me plurimos pruden-

tēs medicos, chirurgos & alios homines boni iudicii, qui eo multoties optime cum summo suo decore vti sunt. Inter ceteros nobilissimam quandam Dominam, Comitissam Schlick in Bohemia, quæ admirandas curationes in subditis suis hoc vomitorio fecit, tempore Pestis, Febrium malignarum & Vngaricarum, quas vocant. Administrari verò id ipsis curabat in puluerem minutissimum redactum, cochleario vno optimi Aceti: quod ipsis non solum vacationem talem ciebat per vomitionem, quæ morbo depellendo necessaria erat; sed etiam hoc facto, illos multo melius ad sudorem adigebat, quàm si Theriacam sumpsissent: ac paulò post sanitatem sensum recuperabant, absque vsu vltiore vllorum medicamentorum: in illa enim regione (nisi fortè in vrbibus præcipuis) paucissimi reperiuntur medici aut pharmacopœi. Noui item in oppido Cur, ditionis Rhætorum seu Grisonum, Concionatorem quendam, qui pestilentia tempore sine metu vllò versabatur cum infectis lue, & plurimos eorum sanabat Vitro hoc Antimonij: quod ipse in principio assumere solebat, vt se à malo præseruaret. Acta item mihi fuit familiaritas cum quodam Chirurgo, homine prudente & iudicioso, in oppido Glaris, Pagi seu ditionis Helueticorum: qui, cum nullus ibi medicus esset, medicinam facitans, supra professionem suam etiam plurimos affectus internos sanare satagebat. Is igitur Chirurgus assidue penes se habebat pixidem parua Vitro Antimonij in puluerem redacta plenam, in facciperio, quod zonæ suæ incinxerat; & vocatus ad curandum quempiam ægrum, siue is febre ardente laboraret; siue continua, intermittente, intemperie ventriculi, cachexia, siue alio quocunque morbo implicitus iaceret, semper in principio ipsi vnam aut alteram dosim huius pulueris exhibebat, mixtam Rob. aut Syrupò de Cerasis, quibus per

Heluetiam pleræque omnes familiæ satis instructæ sunt. Adhæc iubebat vt vterentur decoctione quadam præstantium aliquot herbarum quæ in Heluetiorum Alpibus passim crescunt; iuxta iudicium suum & experientiam, quam istarum rerum habebat: Hoc modo progressus, tot actam periculosos morbos sanauit; vt instar Æsculapij alicuius habitus apud suos fuerit: nec vulgus solummodò illius opera utebantur, sed etiam alij quicunque quantumuis opulentiores ac primarij viri. Memini item dum in Palatinatu Superiori degerem, me bis terue accersitum fuisse ad quendam Quæstorem in Arce quadam parua habitantem Bernsweyn appellata (ni fallor,) circiter duo miliaria distante ab Amberg, prope viam regiam, quæ ducit versus Niemarct, non procul à quodam magnifico & opulentissimo Monasterio, & iuxta riuulum amœnissimum: apud quem cum versarer, noticia mihi intercessit cum quodam viro honesto, qui debebat in villa dictæ Arci subdita: cum quo cum sermones aliquot vltro citroque reciprocarem de variis rebus, quippe cum & ipse varias regiones peragrasset, tandem ratiocinando de aliquot remediis apud medicos vsualibus, vt vocant, ostendit mihi elegantissimum frustum Vitri Antimonij, quod ex bulga sua deprompserat, pondere semuncia, vt tunc iudicare poteram, rogans an nossem quidnam hoc esset. Cui cum annuissem: Age igitur, subdidit ille: Hoc tibi asseuero, me isto Vitro solo, non modò liberasse meipsum, & uxorem meam, quam hîc coram vides, à graui morbo, quo ambo detinebamur: sed etiam magnum numerum rusticorum in hac villa, & circumcirca degentium: qui etiam, si aliqui inter ipsos ægotent, siue febrî, siue intemperie ventriculi (cum valdè procul habitent à medicis & pharmacopœis, quorum consilio iuuari possent) veniunt ipsi, aut aliquem mittunt, vt vsum huiusce

vitri à me impetrent : infundunt enim illud aut imponunt ita integrum , vt vides , in cereuisiam aut vinum , & prout mihi necessarium videtur , ita illud pauciores aut plures horas inibi relinquunt , aut prout purgari vehementius aut lenius desiderant : Cum satis diu in infusione steterit , liquorem istum bibunt : qui ipsos purgat & sanat. Ac dein mihi Vitrum meum remittunt , adjunctis sæpe numero duodecim ouis recentibus , aut pullo galinaceo , quo gratos se , beneficiique à me accepti non immemores esse demonstrant : Atque istoc modo , subungebat , sui medicus & Pharmacopæus plurimorum hominum , jam tribus aut quatuor annis ; ex quo nimirum tempore domicilium meum hoc loco fixi : Et quod plus est , vix possum deprehendere , post tam diuturnum vsum & toties repetitam macerationem , Vitrum meum vlllo modo esse imminutum , aut ponderi ipsius quippiam decessisse. Quo sermone percepto , non poteram non stupere & summo pere admirari partim quòd tam felix successus consecutus fuerit post ita frequentem huius vitri exhibitionem , planè absurdam & irrationalem , ac sine vlllo respectu ad dosin habito ; partim etiam quòd res tam solida & fixa , vt vocamus , quale est hoc Vitrum Antimonij , facultatem aliquam purgatiuum de se spargere & liquori cui imponitur communicare potuerit , tam sæpe totiesque repetitis vicibus maceratum , sine vlla tamen suæ substantiæ imminutione , quæ saltem deprehendi potuerit. Verùm postea hoc ipsum mihi certius constitit fieri posse & solere , ex relatu plurimorum Medicorum qui medicamento isto sæpius vti solent. Imò aliqui insignem quandam speciosam guttam huius Vitri annulo aureo includunt , quem digitis suis impositum jugiter gestant : & quando cuipiam medicamentum per vomitionem purgans exhibitum volunt , hunc annulum solummodo im-

nunt vino per aliquot horas ; & exēpto inde annulo , liquorem ægro propinant : idque toties faciunt , quoties vsum exigit , sine vlla imminutione gemmæ suæ seu dictæ vitreæ guttæ , quam annuli palæ incluserant. Inter ceteros autem Thomas Bouius , Patricius Veronensis , medicus experientissimus , in libro suo Italico cui titulum fecit , Flagellum Medicorum communium , qui rationales dicuntur , affirmat vti nos posse hoc medicamento sine vlllo scrupulo aut metu : nam. pag. 39. memorati libri , vbi præparandi eius modum docet , ita inquit : Antimonij ego integras libras deuorandas dedi , aut saltem vtendas exhibui , nec vnquam toto vitæ meæ spatio eius vsum læsum quempiam fuisse deprehendi & pag. 40. ita scribit : Antimonium innoxie dari potest cuilibet sexui , ætati & complexioni. Exhibui illud Monachis , Monialibus , hominibus nobilibus , delicatis & in vmbra degentibus ; & nunquam me destituit , aut pudore affecit. Non diu est , quod hic Hagæ-Comitis diem suum obierunt honestus & bonæ fame ciuis Ioannes van Buren , vnà cum conjugē suā , ambo prouectæ ætatis ; qui postquam aliquot annis ante mortem suā (præter reliqua accidentia quæ producere vt plurimum aut secum trahere solet senectus) sæpius affligebantur oppressione stomachi , seu cardiogamo , ob debilitatem ventriculi & caloris naturalis defectum , non valentis , vt decet , cibos ingestos concoquere : vnde magna coaceruatio humorum crudorum in ipsorum corpore plurima ac diuersa symptomata inducebat. Illi igitur quotiescunque oppressos se aggrauatosque ista cruditas congerie sentiebant , sumebant infusionem quatuor aut quinque granorum Vitri Antimonij , cuius puluerem assidue penes se habebant : quæ sumpta bis terue vomebant : atque ita ventriculo inanito , aliquandiu exinde

bēnē se habebant: Eoquē modo affectum Ventriculi tamdiu sustinuerunt, reliqua sani, donec Deo placuit illos ex hoc mundo vocare, relictis tribus filiis hæredibus, viris robustis & sanis: qui ipsi consuetudine assumpta semel aut bis in anno sese purgandi, prædictum medicamentum more parentum suorum vsurpant: sentiuntque se ex vsu eius planē leuatos, & neutiquam læsos: & veluti homines valdē addicti & prompti ad iuuandos pauperes, sæpenumerò (præter alias suas elemosinas) aliquot egenos homines eodem modo quo se ipsos solent, à morbis, hoc medicamento propinato, liberant. Vt summatim dicam, recensere possem magnam copiam exemplorum certissimorum, quæ longo vsu Antimonij addidicisse mihi datum est: quæ tamen breuitatis studio referre hoc capite superfedebō. Vsq̃ue aded̃ vt verē pronunciare possimus de Vitro Antimonij, id quod in parāmia vulgari de Lupo dici solet, quod nempe non vsque aded̃ deformis aut turpis sit quàm passim creditur. Hoc bene considerato & perpenso, penē ausim dicere, reperiri aliquos Medicos, qui illud palam vituperant, magis moti inuidiæ stimulis, & metu ne fortē lucro suo defraudentur quod ex aliorum medicamentorum exhibitione faciunt; quò reuerà ipsi illud contemnunt: præsertim cū videant medicamentum hoc tam vilis pretij & tam facilē parabile vsque aded̃ mirabiles edere effectus. Quocirca illos rogaros velim, vt talem ex animo suo deleant passionem: præ oculis fumentes, Deum Opt. Max. creasse Medicinam ad commoditatem omnium hominum; & non astrinxisse illam solummodo cognitioni & voluntati magnorum & multifsciorum Doctorum: verū etiam interdum benedictionem suam medendique gratiam communicauisse extraordinariē hominibus cætera ignorantibus & indoctis: qui hoc dono instru-

cti non vtuntur eo vt insani mercenarij, aut camponantur sicut agyræ complures consueuerunt, sed pio proposito, & integritate animi nudòque ac sincero misericordia zelo moti, proximos suos iuuare & morbis liberare volunt vbicunque possunt.

Dosis portò Vitri Antimonij est à tribus granis ad nouem ad summum, puluerizati nempe & mixti aliqua conserua: vel datur eius infusio, id est liquor in quo aliquamdiu steterit, vt paulò post declarabo, quando particulatim de ratione & modo eius ritē præparandi, sum acturus.

CAP. II.

Modus præparandi Crocum metallorum.

CROCUS Metallorum nihil aliud est, quàm Antimonium præparatum in eundem finem ob quem Vitrum Antimonij parari solet: Est autem laboris longi compendium, quia minimo temporis puncto, aut horæ ferè momento præparari potest major huius Croci copia; quàm Vitri, spatio decem dierum. Quare autem vocetur Crocus Metallorum, aliam causam dare non possem, quàm quod dum dissoluitur in prima aqua, ad lauandum (modo qui paulò post docebitur) colorem luteum emittit, qui manus tingit instar Croci. Modus eum præparandi hic est: Cape Antimonium quod nitidum electumque sit: Sal nitrum purificatum; libram vnā singulorum: redige simul in puluerem: hunc inde in fartiginem aut lebetem ferreum, aut in defectu horum in ollam terream aut figulinam: injicique illis carbonem exiguum viuum seu torrem incensum: ac confestim ignis comprehendens sulphur quod in Antimonio est, illudque peruehens vsque ad Sal nitrum, incipiet ardere haud secus

quàm pulvis tormentarius seu sclopeta-
rius madidus, & materia liquefcet aut in
humorem abibit; quem liquorem spa-
tula seu ridicula ferrea mouebis, vſque
dum frigeſacta formam grumorum aut
glebarum terræ aſſumat, ſerè eius coloris
qualis eſt Ochra Anglica. Hoc factò,
ſcire oportet Sal incombuiſibile Salis pe-
træ permixtum manere Antimonio, idq;
eo ſeparandum eſſe, projecta nimirum
dicta materia in aquam calidam in qua
diſſoluitur quicquid in ea eſt ſaluſuginis,
& Antimonium ſubſidit in fundo. Aqua
hac abjecta; iterum aliam aquam ſer-
uentem aſſundimus: hoc negotium toties
reiterando, vſque dum aqua planè ſit in-
ſipida cùm effunditur, & Antimonium
exactè ablutum ſit. Hoc autem poſtea
reſiccabimus lento igne, ac tandem ma-
ioris commoditatis gratia teremus in
marmore, aſſuſa aqua roſata, ac in minu-
tiſſimum puluerem redigemus, eo modo
quo Pharmacopœi ſolent preparare Cor-
rallium, Margaritas, Spodium, Cornu
cerui, & ſimilia. Quo factò, ſiccabis il-
lud ruruſum, & ſeruabis in uſum. Atque
hæc de Croco Metallorum dicta ſunt:
cuius vires ſunt, vomitum ciere, & ead-
em prorſus operationes edere quas Vi-
tro Antimonij ſupra aſſcripſimus, idque
ſine vllo prorſus periculo aut noxa. Par-
ticulatim autem eo utimur ſœlici ſucceſ-
ſu, aduerſus febres intermittentes: cuius
rei haud diu eſt quòd experientiam vidi-
mus in Domino de Cralingerpolder, filio
Illuſtris Domini de Barneveld: qui poſt-
quam diuturna febre quartanâ detentus
plurimis ac diuerſis medicamentis uſus
fuiffet communibus, ac quartanæ curan-
dæ propriè dicatis, tandem conualuit &
planè ſanatus eſt vnica ſolùm doſi huiusce
Croci Metallorum, quæ ipſi oblata fuit
per manus cuiuſdam ſœminæ Nobilis,
iſtius regionis, quæ Crocum hunc Metal-
lorum perpetuò ſeruare & penes ſe habe-
re conſuevit, vnâ cum diuerſis aliis medi-

camentis Chymicis. Verùm tamèn, ob-
ijcere mihi aliquis poſſet; Valde afflictuſ
& conturbatuſ fuit dictuſ Nobiliſ Vir à
ſumpto hoc medicamento, & enormem
ſecellum ac euacuationem per vomitum
inde habuit: Sed quicquid fuerit, tan-
dem tamen hoc remedio conualuit. Adde
etiã quòd memoratam alterationem &
vehementem vniuerſi corporis conturba-
tionem non attribuere poſſumus propriæ
naturæ dicti Croci Metallorum: ſed hoc
potuit proueniſſe propter uſum tot ac
tantorum apozematum & aliorum medi-
camentorum quæ ante illud tempuſ ipſi
exhibita fuerant; quæ humores valde
præparauerant, vaſa laxauerant, reten-
tricem facultatem debilitauerant; breui-
ter maiorem in corpore corruptionem,
generauerant, id quod ſæpe euenire ſo-
let. Hoc itaque medicamentum inuentâ
in iſtius ægri corpore magnâ copia mate-
riæ præparatæ, cauſa fuit tantæ euacua-
tionis & alterationis, quantam illi eue-
niſſe memorant. Fieri quinetiam poſeſt,
hoc accidiſſe quonam fortalliſ abuſu in
doſi: nam (vt quod res eſt fatear, ſine of-
fenſa honoris aliorum) non eſt negotium
quod in captum aut intellectum ſœmina-
tum nobilium cadat, noſſe diſpenſare
exhiberèque vt decet huiuſcemodi me-
dicamenta, id eſt, dijudicare diſtinctè,
quæ doſis cuiq; ægro propriè conueniat:
Interim tamen bona ipſarum voluntas
animique promptitudo æqui conſulenda
eſt: & conſiderandum, quòd ſi Medici
aliqui bene vt decet munere ſuo funge-
rentur, remonendo aptis vomitorijs me-
dicamentis materias peccantes in mor-
bis, quamdiu adhuc exigua ipſarum copia
in corpore reſidet, & natura adhuc robu-
ſta eſt & valida, juxta inſtituta antiquo-
rum Medicinæ Antiſtitum, priuſquam
corpuſ paullatim incipiat computreſcere
ab uſu apozematum, laxantium medica-
mentorum, priſanarum: (quorum tamen
uſum neſtiguam improbo, quando de-
bito

bito modo & cū iudicio administratur:) tunc sanè non perueniretur ad huiusmodi incommoda : & euitarent calumniam & dedecus, quod illis inde prouenire solet , quando quippe necesse est mulierculam aliquam superuenire quæ ægros à morbo quopiam liberet, quem ipsi perfanare nequiuert. Nec decet vt quispiam mihi hic respondeat, hoc interdum euenire casu fortuito , videlicet quando morbus statum & vehementiam suam prætergressus erat, & iam ad declinationem vergit: itēque quoddā leniter procedendum sit in morbis , præparandūque prius exactè humores, priusquam eos euacuemus: ad hæc, quod nec ipse quidem Crocus Metallorum semper febres sanat; & alias similes excusationes in medium proferat : nihil enim aliud sunt quàm veræ ineptiæ: & optima culpæ excusatio est, agnoscere & fateri peccatum suum , & conari corrigere erratum, & emendare illa quæ antea malefacta sunt; præsertim cū tot se exempla quotidie oculis oggerant. Equidem eius planè sum sententiæ , nec falli me credo, æquè multos ægros malè curando perditos, & ad mortem adactos, pusillanimitate & tergiuersatione aut animi incertitudine medicorum quorundam doctorum, quàm fortassis imprudentia & temeritate aliquot arrogantium empiricorum pessundatos videmus. Quapropter, quicumque medicus desiderat inferuire commodis & salutis proximi sui bona fide, iure merito debet Deum rogare , vt velit intellectum suum dirigere, & opera sua sceleritare, deducereque per viam medicritatis, vique aded vt in neutrum extremorum impingens, muneri suo satisfacere salua conscientia, & ad ægrorum salutem queat. Verissimum quidem est, reperiri ægrotos quamplurimos, qui malint præscribere medicis quæ agere debeant, ipsisque leges dare, quàm eorum consilij parère; & qui in principio morbi

Ang. Sale.

neutiquam induci queant , vt remedia accommodata sanitatiquè ipsorum conuenientia assumant : qui ipsi tamen postea cū videant se derelictos & quali conclamatos, tadio diuturni mali, non recusant sumere quodcunque ipsis propinatur; quod tamen fieri non potest sine magno periculo. Quare in isto casu non deesse sibi debet medicus, quin moneat in principio, protesteturque qualis successus neglectum remedij excipere possit; idque vt conscientiam suam exoneret, & defendat seipsum à calumniis & dedecore; quod nisi præmoneat de euentu, effugere vix potest.

Dosis porrò Croci Metallorum est à quatuor vsque ad duodecim grana. Datur in substantia, mixtus aliqua conferua; aut propinatur eius infusio, id est, bibitur ex modico vini albi in quo maceratus fuerit.

C A P. III.

Præparatio Floris Antimonij, variorum colorum.

FLOS Antimonij est tenuissima fuligo, quæ dum Antimonium sublimatur, firmiter adhæret circumcirca ad latera vasis quo continetur. Nihil autem aliud est, quàm substantiæ Sulphureæ & Mercuriales ipsius Antimonij, quæ vi ignis expulsa & vt ita dicam fugata, separantur per euaporationem à reliquo corpore Antimonij. Quod ad nomen attinet, credo Floris nomen illi tribus hisce de causis impositum fuisse: prima est, quoddā hæc sit substantia maximè subtilis & volatilis quæ Antimonio insit, ideoque ita vocetur ad imitationem & analogiam florum arboreorum, qui habentur pro substantiā magis aërea & subtiliore quàm reliquæ earum partes: secunda est, quoddā sicut ex arbore fusca & deformi,

Pp

naturalis calor suo tempore egredi facit flores variorum colorum; similiter etiam ex Antimonio, quod reapse est corpus nigrum & deforme, veluti Plumbum, per calorem ignis materialis eliciatur substantia levis, alba, lutea, aut rubra instar arborum; tertia est, quod hæc fuligo intermedium se lateribus valorem ita affigat; iisque adhæreat forma paruulorum florum aut gemmularum germinantium. Quicquid sit, vocetur prout cuique libebit, substantia hæc semper est & manet Antimonium arte subtiliatum, habens in se præcipue duas prædictas substantias, & quod igni impositum colorem istum amittit, & eandem propemodum formam Antimoniam realsumit, qualem antea habuerat.

Modi autem præparandi hosce Flores Antimonij sunt varij: Inter quos præcipuus, maximè communis, receptus & laudatus ab omnibus, est hic: Habere oportet Vrinale fictile seu terreum crucibulum, vt vocant, sesquipedalis altitudinis præstans & densum, quod vim ignis sustinere possit, ita fictum ex professo, vt ab vno latere, circiter quatuor digitorum latitudine infra orificium, exiguum tubulum habeat, per quod injici possit Antimonium quando necesse fuerit. Imponatur hoc vas aut Vrinale erectum parua rotunda fornaci ventosa, vt vocant; ita vt emineat ultra oras fornacis paulò minùs media sui parte, quippe vt paulò plus quàm media ipsius pars igne circumdari queat: reple & infarci latera dicti vrinalis circumcirca luto, ita arctè vt inter ipsum & fornacem nihil vacui sit: relictis duntaxat ab utroque latere, circa fornacis oras duobus aut tribus spiraculis, per quæ ignis aërem capiat, aut ventiletur, & fumus egrediatur: quæ ipsa tamen spiracula pariter obturentur ex parte, exiguis caminulis aut tubulis fictilibus, vt impediatur ne flamma quæ inde exibat, altum petens, vrinale supe-

riora feriat; sed in latera dispèrgatùr. Habeas insuper tres ollas terreas seu fictiles, rotundas instar pilæ aut sphæra, bene vitratas intùs: quarum duæ habeant singula orificium ab vno latere, & ab altero collum; tertia autem orificium duntaxat habeat ab vno latere, ab altero tubulum aut collum nullum: ita vt inferendo vnâ, alter per orificium vnus & collum alterius, tertia (vt pote superior) olla nullam aperturam habeat. Primam autem ollam inferere ori aut collo supra dicti Vrinale, atque illi deinceps secundam, ac demum secundâ tertiam; lutatôque omnes earum iuncturas quibus inter sese contiguae sunt, ita vt nullus per eas exire possit vapor: finitoque eas hoc modo, vsquedum lutum exactè siccatum fuerit. Hoc peracto, accende igniculum paruulum ex carbonib. in fornace: ita vt Vrinale paulatim calefiat: tandèmq. ignem auge, vsque dum candescat, planèque rutilum fiat, aut saltem adeò calidum, vt existimes Antimonium in eo liquefieri posse. Cape igitur confestim Antimonium in grandiusculas partes fractum, seu in puluerem non valdè tenuem redactum: injiceque plenum cochlear aut alterum istius puluerati Antimonij per super memoratum tubulum in dictum Vrinale: claude tubulum modico luti: ignemque ita conserua in eodem statu: & semihoræ aut horulæ vnus spatium post, quo tempore videlicet Antimonium quod inieceras sublimatum esse potuit, (quod percipies, aperto modicè tubulo: nam si fuligo alba inde egrediat, nondum planè sublimatum erit vniuersum; sin contrà nulla fuligo exeat, prorsus sublimati indicium erit:) aperi tubum rursus, aliudque iterum Antimonium immitte: & hoc negotium toties repete, vsque dum duas aut tres libras puluerati huius Antimonij per tubulum istum inieceris. Tandem omnia vasa refrigerari sine; exemptaque de fornacula,

statue adhuc ita inter sese nexa super mēsam aliquam: deinde sensim & leniter lutum à iuncturis separa cultro aliquo aut gladiolo; cauendo tamen, ne inter abradendum, sordes vllæ in ollas cadāt: Hinc detrahe ollas vnam ab altera, inueniēsq̃ue in superiori olla puluisculum quemdam album & leuem, in media alium puluerem minùs candidum; in tertia verò in fimaque, quæ igni propinquior steterat, puluerem partim luteum, partim rubrum: Hi pulueres sunt Flores Antimonij; quos separare & seorsim vnum ab altero seruare possumus, aut etiam mixtos inter se (sicut faciunt plurimi) in vsum recondere.

Flos hic Antimonij in magno pretio & opinione est apud plerosque Medicos. Inter quos Zapata, experientissimus Medicus, plurimi cum facit, partim (inquiēs) ob id quòd videatur habere plus virium virtutumque quàm Vitrum Antimonij ipsum; partim quòd dosin eius exactiùs metiri & administrare certiùs peniculatoriùsque possimus, quàm Vitrum; quod ipsum quotiescunque præparatur, semper in facultate sua purgatiuà aliquantulum differentix habere deprehenditur: id quod in Floribus non accidit. Ego tamen indubiè crediderim, idem Floribus euenire posse: certum enim est, si ignis in vna præparatione vehementior sit quàm in altera, Flores qui tunc efflorescent, non habituros tam validam purgatoriam vim, ac alij; sed potiùs diaphoretica vi sudores prouocatuos. Interim tamen, vt vt se res habeat, nō negaui Flores Antimonij esse præstans efficacique medicamentum, si quando debitè & cum iudicio vsurpantur. Memini me nouisse iuniorem quendam medicum Pedemontanum, nomine Magnes, Geneuæ, qui cum Floribus Antimonij præparatis modo prædicto, & exhibitis forma rotularum aut tabellarum, ordine modòque quem præscribit Zapata, plurimas egregias curationes

ad bonum finem perduxit, in morbis prouenientibus ex catarrhis & defluxibus, itémque in febribus intermittentibus, intemperie ventriculi, melancholia, mania, & diuersis aliis infirmitatibus, non solum in vrbe ipsa Geneuensi, sed etiam in finitimis regionibus, & pagis, quòd sæpe ab ægris vocabatur. Quod tamen non narro ex simplici relatu aliorum; sed & ex sermone ægrorum ipsorum, quos curauerat, intellexi.

Dosis Florum Antimonij est à tribus vsque ad octo grana: sumuntur autem in substantia, (vt loquuntur) aut bibitur liquor, seu infusio, in quo aliquamdiu macerati fuerint. Præparatur in super & Flos Antimonij rubri purpurascens coloris, qualis est corticis mali Arancij seu aurei, idque hoc modo: Cape Antimonij crudi libram vnam, Salis armoniaci semilibram; reduc hæc ytraque in puluerem tenuissimum: Impone eum Vrnali fictili seu terreo, in parua fornacula: statuèque illum reclinatum ad vnum latus, ita vt collum eius sit paulò altius quam pars postica, & à latere vno extet & promineat: tege seu occlude fornacem superiùs, relicto suspiraculo in medio eius, quo flamma exire possit: Orificio vrnalis impone vas vitreum, quod Recipientis vicem sustineat: Luta iuncturam, & patere siccare lutum: Hinc ignem subde Vrnali, paulatim augendo, vsque dum sublimari incipiat, & fuligo alba, cui lutei quid inmixtum sit, in Recipiente conspicuam se det: continua ignem vsque dum nullus ampliùs egrediatur vapor: Refrigerari sine vasa: & reperies in Recipiente Sal Armoniacum sublimatum, cum magna parte ipsius Antimonij: quod Sal Armoniacum separabis ab Antimonio per elotionem quæ fit aqua calida, vt dictum est de Croco Metallorum; & in fundo habebis puluerem tenuissimum, ferè eius coloris qui est corticum Aranciorum malorum: quem puluerem

ficcabis, & seruabis in vsus necessarios. Flos hic operatur vt præcedens: Dosis eius pariter est eadem cum superiori.

CAP. IV.

Modus componendi variandique prædicta vomitoria medicamenta formis rationibusque commodioribus & magis idoneis ad vsum.

Superioribus tribus Capitibus vniuersim egimus de tribus diuersis præcipuis formis, ad quas redigi & præparando perducere consuevit Antimonium, si quando id pro vomitorio vsurpare volumus: Nunc autem animus nobis est modos aliquot ostendere quibus componi & quasi vehiculo quodam adiuuari possint prædictæ tres formæ, & aliis quibusdam rationib. expeditis & promptis præparatæ seruari in vsus nostros, quotiescunque necessitas aut occasio id exigere videbitur. Primo loco erit.

Vinum Hippocraticum Antimoniale.

℞ Vitri Antimonij subtiliss. puluer. grana LXXX. Vini albi optimi drach. LX.

Infundantur in vase vitreo benè clauso, & ponantur in Balneo lento per horas XXIV. Deinde post colaturam adde.

Sacchari albissimi subtil. pulu. drach. XX. Aromatizetur cum opt. aqua Cinamomi, & seruetur ad vsum.

Istud vinum ita præparatum, saporem habet valdè gratum & delectabilem, instar vini Cinamomini, quod Hippocraticum appellant: quo fit vt Antimonij vitrum multo facilius, familiarius & gratius sumpturis eueniat; & adhuc etiam satis leniter suauiterque operationem suam exerceat. Dosis eius est à tribus ad decem drachmas, ad summum; ita vt computo facto, in singulas drachmas

granum vnum Vitri Antimonialis ingreditur.

Aliud.

℞ Vitri Antimonij subtil. pulu. gr.

LX. Vini Hispanici albi. drach. L.

Infundantur vt suprâ. Deinde addè.

Syr. violarum carulei vnc. j. β.

Ol. Sulphuris gutt. VI. vel VIII.

Misc. & coletur per chartam.

Liquor iste erit coloris purpurascens, odoratus, & valdè gratus palato. Dosis qualis superioris.

Si velis copiam potionis adhuc esse minorem, duplicabis pondus Antimonij; & sic drachma vna liquoris purgabit tantum quantum duæ purgassent priori modo mixtæ.

Oxyfaccharum Vomitorium præstans.

℞ Vitri Antimonij pulu. vnc. β.

Aceti vini albiss. odorif. ʒ. VIII.

Infund. in Balneo lento per hor. XV.

Colat. add. Sacchari albissimi vnc. IIII.

Et in patina porcellana vel vitrea reduc ad consistentiam Oxyfacch. liquidi instar iulapij.

Hoc Oxyfaccharum est gustui gratum: & vti eo possumus speciatim pro vomitorio aduersus febres calidas, continuas, pestilentes, & intermittentes, paulo ante paroxysmum; item contra venena, exanthemata puerilia, aut variolas, antequam prodierint; & aduersus alios morbos quibus iungitur intensus calor, putrefactio, obstructio, & humorum viscidorum copia: idque ob admixtum acetum, quod temperat immanes sanguinis efferuescentias & humorum calidorum; resistit corruptioni, & vi suâ incisorîâ subtiliat & abradit viscosos humores & phlegmaticos: præterea est pro vehiculo confortatio & correctiuo Antimonij. Quapro-

pter quilibet medicus prudens & circum-
spectus poterit eo vti feliciter in quam-
plurimis morbis. Dosis eius est à duabus
vsque ad sex drachmas pro vice. Notan-
dum porò est, quòd ad præparandos di-
ctos liquores, loco Vitri Antimonij su-
mere impunè possumus Crocum metallo-
rum, siue etiam Flores Antimonij, si ve-
limus: respectu tamen habito ad propor-
tionem & debitam analogiam dosium
quibus sumi possunt.

Pilule Antimoniales.

℞. Succij Glycyrrhizæ cum aquâ Scabio-
sæ depurati, & rursus ad consisten-
tiam solidam redacti.

Florum Antimonij ana. ʒ. j.

Croci orientalis subtiliter puluerizati.

℥. ij.

Olei Caryophyllorum gutt. x.

Fiat massa: addendo, si opus erit, pro
humectatione aliquantulum Syr.

Violar. & seruetur in vase vitreo
bene obturato.

Dosis huius massæ est à sex granis vsque
ad octodecim ad summum. Formantur
inde pilulæ vna aut duæ, inauratæ si ve-
limus: & exhibentur ægris tempore con-
venienti. Præscribo autem hîc succum
Glycyrrhizæ primo loco, depuratum
quippe; quoniam quomodo passim ven-
ditur, plenus est sordibus: quare vt depu-
retur, primò dissolui debet in aqua; & cla-
rificari cum albumine oui, filtrari ad sum-
mam claritudinem munditiæque; &
postea condensari iterum: & plerunque
eum hoc modo præparando, perdimus
dimidium ponderis eius, quod nihil aliud
est, quàm farina & alia imposturæ quas
illi commiscent ad corpus eius nec non
pondus augendum. Quinetiam, vt secu-
riores simus, possumus facere infusionem
seu macerationem optimæ Glycyrrhizæ,
eamque reducere ad consistentiam soli-
dam, in eundem usum.

Diamargaritum vomitorium.

℞. Margaritarum præp. ʒ. vij.

Flor. Antimonij alb. ʒ. iij.

Sacchari albiss. pulu. ʒ. xx.

Fiat pasta s. a. cum aliquantulo gummi
Tragac. in aq. ros. infusi. Et aromati-
zetur cum gutt. vj. Ol. Cinamomi.

Ex qua pasta formantur paruulæ rotulæ,
quibus sigillum aliquod imprimere possumus
si velimus, easque deaurare, sinendo
eas desiccari paullatim in aliquo loco sic-
co, aut inter duas chartas, in sartagine,
aut patina fictili: & hinc seruare eas in
pyxide bene clausa & obturata.

Dosis huius confectionis aut tabula-
rum est ab vno scrupulo vsque ad qua-
tuor: quæ ita administratæ & exhibitæ
purgant vt reliquæ compositiones supra-
dictæ.

Qui volet, poterit & administrare
Florem Antimonij cum Confectione Al-
kermes, aut cum aliquo alio electuario
cordiali; item cum Theriaca, Mithrida-
tio, nec non Conditis, Conseruis, Syru-
pis, Iulapiis prorsus prout medico pru-
denti consultum videbitur.

Non necesse est autem latius differere
de virtutibus ac viribus particularibus
horum vomitoriorum medicamentorum,
præsertim cum iam mentionem aliquam
earum suprâ fecerimus: quia cuiuslibet me-
dico prudenti & boni consilij sanique iu-
dicij promptum ac facile erit, cognito
quinam morbi possint prorsus curari, aut
palliari solum per vomitum, consequen-
ter etiam hisce vomitoriis vti quando res
aut necessitas id postulabit.

Hæc sunt quæ de Vomitoriis ab An-
timonio desumptis dicere habui. Cate-
rùm aliqui volunt asserere, Antimo-
nium præparari posse, ita vt non purget
aliter quàm solummodo per secessum,
seu ventrem inferiorem, idque valdè le-
niter & sine violentia: Verùm hæc ar-

nobis adhuc dum est incognita: & vt illis hoc concedamus, posse tale quippiam fieri, quamuis id nunquam compererim, dubitatio noua oriretur, an videlicet tale Antimonium deiectorium easdem illas superfluas materias euacuare posset, quas eijcit dum est vomitium; & per consequens an posset sanare eosdem morbos: præsertim cùm vomitus euacuet & expellat sincerè & merè extra corpus materias peccantes; quod interdum nulum aliud medicamentum deiectorium aut catharticum præstare valeret. Quod ipsum manifestè demonstrat testimonio suo magnus ille medicus Ioannes Fernellius in Methodo sua medendi, dum loquitur de vomitione bene & debitè provocata, hisce verbis: Noxios quippe humores ex ipsis fontibus sinceros elicit, & vacuat: omnem quæ in ventriculi capacitatem, in ejusque tunicis hæret illuuiem imprimis expurgat, è præcordiorum membranis, è cauis jecoris ac lienis, & ex pancreatè omnis generis superuacuos humores sinceros elicit, quos plerunque nec hiera nec aliud vehementissimum vllum etiam frequens pharmacum in aluum exturbare potest. Quæ verba vtique condigna sunt maximè, quæ notentur, memoriæque commendentur. Vsq̃ue adeò vt concludere hinc possimus, quòd si nossèmus præparare Antimonium modo quem diximus, non daturum tamen eosdem effectus quos Antimonij vomitorij vsum sequi videmus. Vidi diuersos modos processusque (vt vocamus) hujusce tentamenti, ad præparandum tale aliquod medicamentum: sed planè vanus inutilisque labor fuit. Præterea, si fortè inuenta est vlla ratio corrigendi aliquantulum facultatem vomitoriam Antimonij, ita vt purget magis per inferiorem aluum quàm per superiorem: itemque si in quibusdam corporib. non purgauerit taliter quàm per secessum: hoc inquam omne tamen non potest reapse & sincerè

deiectorium appellari: quamdiu illa ipsa vis & facultas adhærebit qua modò vomitum huic moueat, modò verò isti fluxum alui procuret; & quamdiu etiam illud tam mite & mansuetum factum non reperiemus, vt hominibus debilibus & extenuatis, & quibus vomitus non conducit, id exhibere audeamus. Quocirca tutissimum erit, si quando corpus aliquod leniter & suauiter absque vlla commotione enormi purgare per ventrem inferiorem volumus, vice talis deiectorij ab Antimonio petiti, vsque adeò incerti & ambigui, usurpare Senam, Rhabarbarum, Mechoacan, Rosas, Aloën, imò & ipsum Scammonium depuratum juxta artem Chymicam; quod medicamentum operatur exhibitum quam minimâ dosi, & occultari potest quamplurimis suauissimis ac gratissimis vehiculis, vt gelatinâ seu miua Cydoniorum, conferua Rosarum, Manu Christi, item primo tegumento Coriandrorum & Cinamomi saccharatorum; taliter vt æger nihil animaduersurus sit, nec vllum ex eo odorem aut saporem ingratum percepturus: atque interim medicamentum illud vires suas exercabit, operabiturque purgando persecessum materias quas expulsas vellemus, cum maxima facilitate, & absque vlla alteratione, meliùs & certius quam ab Antimonio deiectorio sperare possemus: cuius Antimonij inquam deiectorij inuestigationem ob hæc dictas causas relinquemus aliis qui magis satagunt nouas & incertas res vndique corradere, & nimis curiosè indagare; quàm seipsos in vsum & operationib. illarum, quas jam cognitæ & exploratas habent, exercendo confirmare, & securiores præstare.

SECTION TERTIA.

De ratione præparandi Antimonium, ita ut purget per sudationem & insensibilem transpirationem.

Quamuis fortasse alicui videri posset res incredibilis, Antimonio inesse substantiam quandam, quæ ipsam sudorificum reddat, efficiatque ut per insensibilem transpirationem opereatur; præsertim cum in ipso prædominetur & excellat tanta vis vomitum prouocandi, quæ illi adhæret vsque ad explorationem ignis vsque adeo vehementis, qualem experitur in præparatione Vitri Antimonialis: Nihilominus tamen iis qui aliquam arcanorum Naturæ cognitionem adepti sunt, illud quod dico neutiquam difficile erit comprehensu. Quocirca ut ostendamus hoc tandem fieri posse, solummodò nobis ante oculos ponenda sunt duo præcipua capita; nempe substantialis compositio rerum quarumcunque, & potentia Artis Chymicæ. Quod ad primum caput attinet; res est luce meridiana clarior, omnes creaturas constare diuersis substantiis, differentibus inter sese forma, qualitate, proprietate, & viribus tametsi quam diu in vno corpore unitæ permanent, potentissima ipsarum imperium in reliquis habeat, easque ex parte obtundat, aut saltem obscurer; aut operentur simul junctæ modo quodam prorsus contrario illi quo operarentur si à se se mutuo disjunctæ & separatæ forent. Et qui hoc ignorat, nihil aliud opus habet, quàm vt ipsi ostendatur dissectio Chymica Vini, qui est liquor vsque adeo cognitus & vsitatus inter homines: Nam in hac primò deprehendet essentiam subtilissimam ac tenuissimam, incorruptibilem, claram & dilucidam vt Crystallum;

non vinctuosam, & interim tamen combustibilem supra omne oleum; quæ vulgo Aqua Vitæ appellatur, seu Aqua ardens, Spiritus Vini, & Sulphur cæleste. Post hanc se offert magna copia aquæ insipidæ, frigidæ & obnoxia corruptioni, qualis est aqua communis. Hanc aquam sequitur spiritus quidam fumidus, qui Tartari Spiritus vocatur, quæ est substantia valde sudorifica: huic mox spiritui subjungitur oleum quoddam verè pingue & vinctuosum, lentum & combustibile instar seui: Hinc sequitur Sal quidam corrosiuus & valde abstersiuus: præter adhuc partem non exiguam terræ limosæ instar cæni, quæ subsidit restâtque post separationem hanc factam, & inutilis abjicitur. Quæ omnes memoratæ substantiæ sunt veluti propria membra & bases vini adhuc inseparati, integri, & indispersi: atque hæ sunt veræ causæ ex quibus procedit vinum tam diuersos effectus operari: quòd vinum hætenus tota cohors & turba Medicorum Rationalium, quotquot reperiuntur, vno ore pronuntiât calefacere naturali suo calore, & refrigerare ex accidenti: quamuis ij, qui probè instructi sunt principiis Artis Spagiricæ, jure merito dicere possint, vinum non refrigerare accidètaliter, sed ob substantiam suam frigidam: nimirum quòd in principio vinum calefacit per subtilem suum spiritum calorificum, vt supra dictum est; (qui vbi agitatus fuerit à calore nativo corporis nostri, primus in operando est, ac idèd primò sensum ferit) & postea refrigerat; per aquam insipidam & frigentem, quæ ipsa, vt pote ponderosior, & lenta, exercere incipit tum demum vim suam frigefacientem posteaquam spiritus ille vini omnes vires suas exeruit & in auras abcessit. Quod ipsum optimè deprehendimus in magnis vini potoribus: qui primò quidem tempore quando aqualiculum suum vino impleverunt, calidos se vegetosque factos declarant &

hilaris, tantisper videlicet quàm vini spiritus vagatur & gyatur in circulum per venas & arterias ipsorum : qui ubi tandem dilapsus & euaporatus per insensibilem transpirationem fuerit ; succedit ipsi substantia alia, quæ frigore suo eisdem homines lassos, inhabiles, flaccidos & melancholicos aut mæstos reddit pro lætis & hilaribus quales antea fuerant, dum spiritus vini in ipsis caleret : quapropter iidem illi sæpenumerò coguntur aquam vitæ superbibere, vt ventriculo suo aliquem iterum calorem restituant. Non negarim tamen ob hoc, quasdam res reperiri quæ ex accidenti operentur, ac contra innatam & genuinam suam qualitatem ; vt videlicet Petroleum rectificatum, qui est liquor extra controuersiam, ac vt ita loquar indiuisibiliter calidus, interim tamen aperiendo poros cutis vi subtilitatis suæ, & dando transpirandi locum cuidam materiæ tenui, quæ est inter cutem & carnem, potest dissoluere varios tumores calidos, & magnas inflammationes sanare ; veluti nos dilucida exempla vidimus in quibusdam podagricis, & admirandas experientias fecimus in combustionibus recentibus factis. Cui & haud absimile est illud quod quotidie videmus, purgatiua aliquot medicamenta, quæ contra naturam suam, & per accidens, remouentem causam peccantem, sanant diarrhæas, & dysenterias. Sed dum agimus de diuersis vini operationibus, causam illius varietatis adscribere debemus differentiis eius substantiis, vt supra diximus. Si itaque Vinum refrigerare & calefacere potest ob differentes substantias ex quib. componitur, fieri etiam potest, Antimonium potentiam habere qua vomitum cicit, itemque aliam qua sudorem prouocet ; præsertim cum compositum sit & ipsum ex tam diuersis substantiis, vt supra demonstrauimus. Galenus Princeps medicorum Rationalium (diuersis librorum suorum locis quos scripsit de

Simpl. medicament. facultatibus) testatur non solum creaturas terrestres compositas esse è variantibus substantiis (quantumuis Artem eas à sese mutuo separandi ignorauerit) sed insuper etiam addit, quòd ob hanc causam vna eademque res operari possit modis plañe inter sese discriminatis : quod præter alias quam plurimas assertiones (quas hoc loco recensere particulatim nolumus, prolixitatis euitandæ gratia) videre nobis datum est lib. 9. dictorum librorum de med. simpl. facultat. ubi loquitur de Vitriolo hisce verbis : Cæterum mirari subit de hoc medicamento, quo pacto vehementissimæ adstrictioni admixta caliditas non instrenua. Constat ergo quòd omnium maxime condire seruareque carnes humidas potest, nimirum caliditate humiditatem absumens, atque adstrictione substantiam contrahens atque constipans : hoc enim opere non nihil etiam humiditatis exprimit. Constringit verò, desiccatur atque contrahit in se totius substantiam carnis, &c. Atque hoc sufficiet ad concludendum primum dubium.

Veniendo igitur ad secundum dubium, videlicet ad considerandum quænam efficacia potentiaque insit arti Chymica ; experientia nobis apertè declarat, Artem hanc nobis reuelare quamplurimas res quæ occultæ latuerant priùs, & sæpenumerò reddere factu facilia ea quæ antea incomprehensibilia fuerant, & nostri intellectus captum superabant. Id quod duobus hisce præcipuis exemplis comprobauimus. Primum est, quòd Galenus loco suprà allegato, animaduertens Vitriolum, quantumuis maxima astringentia vi polleat) quæ facultas vulgo à frigida qualitate dependere creditur) habere in se qualitatem aliquam calidam non exiguam, cui insuper adjunctam videbat aliquam humiditatem : interim tamen non poterat rimari aut deprehendere quo pacto hoc ita sit. In hoc autem

Ars Chymica adhuc multò penitiùs explicans, & latius indagando procedens, quàm Physica, quæ indicationibus suis externis solummodò innititur; docet nos diffecare membratim corpus vitrioli: & nobis ante oculos statuit, quo modo componatur ex magna copia aquæ communis; ex spiritu sulphureo vehementer acido & caustico propemodum instar ignis; & demum ex terra minerali, habente in sese Æs, Ferrum, aut aliud minerale, juxta differentiam specierum Vitrioli: Per quas diuersas substantias nobis perspicuè dijudicare datur non solum vnde oriantur facultates tam diuersæ Vitrioli; sed etiam, quod plus est, vnde proveniat, quòd Vitriolum crudum, & hoc quod improprie Sal Vitrioli appellamus, purget corpus, euacuetque illud per vomitum & secesum: quantumvis proprium substantiæ ipsius sit corroborare & effectus dare planè contrarios vomitioni. Alterum exemplum sumitur ab Argento viuo, quod ipsum (supra caput tamen & intellectum Medicorum antiquorum, qui illud pro lethali veneno habuerunt) Ars Chymica ex liquido & viuo vt naturaliter est, perducit ad formam solidam, & mortificat illud variis modis; ita vt nunc pro vomitorio, nunc pro cathartico & (quandocunque libebit) pro sudorifico vsurpari queat; idque vsque adeò benigno, temperato & miti, quàm Lapis Bezoar aut Terra Sigillata Orientalis esse possint. Et quod est magis mirandum, postquam in tam varias formas conuersum fuit, tamque diuersis modis operari aptum redditum, eadem illa Ars Chymica poterit illud ipsum breui temporis spatio iterum viuum & liquidum repræsentare, vt priùs fuerat: id quod ratio intellectusque humanus numquam comprehendere potuisset, aut pro possibili habuisset, nisi diuturna experientia nobis huius videndi copiam fecisset. Quocirca quicumque duo hæc memorata capita

Ang. Sala.

bene rimari & considerare volet, proculdubio etiam eò perducetur vt credat, & pro certo habeat, Antimonium quoque posse redigi in medicamentum sudorificum, æquè atque vomitium factum fuit. Cuius rei, ad confirmandam nostram assertionem, aliquot exempla in medium producam.

Antimonium Sudorificum.

Cape Antimonij crudi, Salis petræ mundati seu resinati, vt vocant, singulorum libram vnâ. Puluerentur vtraque hæc simul: & procede prorsus eo modo quo dictum est capite de Croco Metallorum: Calcinatum vbi sic fuerit Antimonium, & à Salepetræ quod subsederit abluto, & siccato, iterum duplum pondus Salispetræ mundi adjungas, & in tenuem pulverem simul comminuas. Pulverem istum imponas magno crucibulo, in medio luculenti ignis è carbonibus: & Antimonium liquecet, ac Salpetræ iterum comburetur, etsi non tanta vehementia ac antea. Sine hanc materiam ita liquefactam manere per duarum aut trium horarum spatium injiciendo illi, si opus est, interdum exiguum carbonem candentem, vt Salpetræ bene vratur, mouendo illud aliquoties veruculo aut rudicula ferrea. In promptu habeas magnam ollam fistilem, aqua plenam: illi dictam materiam adhuc dum calidam & liquefactam, idque sensim, aut vno impetu, injicito, cauendo tamen ne quippiam tibi in faciem inter effundendum saliat. Resideat hæc aqua & clarescat subsidendo. Hinc inclinando vas remoue aquam: & illud quod subsederit laua & relaua, affusa aqua calida, toties donec nullus amplius salsedinis sapor illi supersit. Postea siccata materiam comminues in marmore, & in tenuissimum pulverem redactam, aromatizabis modicè (si videatur) aliquot guttulis Oleorum Cynamo-

mi, Caryophyllorum, Nucum myristicarum, seruabisque in vitro bene obturato, ac in vsus tuos necessitatēque recondes. Atque hoc est Antimonium, quod querebamus, sudorificum. Aliqui autem iterant calcinationem cum Salpetræ vsque ad tres vices: alij item postquam ita calcinauerint, reuerberant id xv. aut xx. horarum spacio: sed si supra dictum modum bene & vt decet refecuti fuerimus, sufficienter fecerimus.

Dosis huius Antimonij Diaphoretici est à sex granis vsque ad viginti, in singulas vices. Vires eius postea declarabuntur.

Aliud Antimonium Diaphoreticum.

Cape Antimonij præparati & redacti in Crocum Metallorum, vncias duas; Spiritus Salis Nitri vncias duodecim. Impone Antimonium distillatorio vitro, longicollis & injice illi paulatim dictum Spiritum Nitri (tenendo vas memoratum in aqua calenti) & operari permittit: quando incipiet cessare ab opere, infunde iterum aliam portionem dicti Spiritus Nitri, vsque dum totum immissum fuerit. Moue sæpius Antimonium in gyrum agitando quassandōque vitrum, ne adhæreat fundo: & conseruat id tamdiu calidum, donec Spiritus nitri non ampliùs laboret, & Antimonium redactum sit in puluerem album. Postea obtura dictum vas, bene & arctè clausum; tenetōque id in Balneo Mariæ per quinque; aut quatuor septimanarum spaciū: ac tandem separa ab eo Spiritum per lentam destillationem in arena. Sume materiam quæ in fundo subsederit, ac postea quàm eam siccaueris, impone eam planæ quadræ fictili, crassæ ac duræ, minimèque fragili, adhæc bene vitratæ, supràque lentum ignem carbonibus accensis agita continuò spatula lignea alba & munda vsque

dum nullus ampliùs vapor ex Spiritu Nitri exhalet. Hinc ablue & relue hunc puluerem aliquoties cordialibus aquis quales sunt Melissæ, Boraginis & Calendulæ; & abstersus resiccatusque vbi fuerit, habebis rem factam.

Dosis hujusce pulueris est à quatuor ad duodecim granula: sed misceatur cum aliquibus conseruis, aut vino albo optimo.

NOTA. Quod Antimonium hisce modis ita sudoriferum reddatur, hoc euenit beneficio Nitri, habentis in se quippe non solum facultatem acidam attrahentem & elicientem foras substantiam sulphuream Antimonij; (quæ alioqui in Vitro Antimonij & Croco metallorum remanet inseparata:) sed præterea etiam proprietatem quandam fixatiuam, quæ stabilit & coquit Mercurium Antimonij, adjungensque se ex parte dicto Antimonio, repellensq; ac temperans facultatem eius vomitoriam, efficit vt operetur per sudoris prouocationem.

Magisterium Antimonij Diaphoreticum.

Sume Vitri Antimonij præparati vt dictum est, vnciam vnā: comminue id in Marmore aut silice bene duro, & reduce in puluerem: cui affunde Acetum distillatum præstans & peracidum (aliter incassum laboraueris) & contere illud tamdiu vsque dum fiat tenuissimum & impalpabile instar collyrij aut vnguenti. Hinc imponas distillatorio vasi vitro: affunde aliud acetum distillatum, quod illi latitudine duorum aut trium digitorum supernatet. Repone hoc distillatorium in fornaculâ ventosâ, vt vocant, circumjectâ arenâ, supposito modico igne, vsque aded vt arena non maiorem calorem acquirat quàm qui digitis nostris absque adustione tolerari possit: Continua hunc calorem per xx. aut xxx. dies, mouendo

matèriam dictam quōtidie semel aut bis:
& videbis Acetum induere sibi colorem
rubrum aut instar vini helvi, vel ruffi, aut
paulò rubicundiorē (& est idem de quo
locuti sumus cap. 7. Primæ Partis huius-
ce nostri Tractatus, in quo aliquot Chy-
mici falluntur, fumantes hoc pro Tin-
ctura Antimonij:) atque hinc separa-
istum liquorem planè limpidum & cla-
rum per inclinationem aut filtrationem
per chartam: & postquam eum destilla-
ueris lento igne per sabulum, vsque dum
maxima pars Aceti distillati tui exhaui-
sta sit, repones id quod subsederit in pa-
tinam myrrhinam seu Porcellaneum, vt
vocant, vel etiam vitream, exhaletque re-
liquum humiditatis exiguo igne supposito;
vsque dum in fundo remaneat sub-
stantia coagulata subfusca; acris & lin-
guam mordens: quæ ipsa aëri exposita
dissoluitur in liquorem multò adhuc fa-
ciliùs citiusque quam Sal Tartari solet.
Hoc autem prouenit ex Spiritibus Aceti:
ita vt, si verum fateri velimus, nihil aliud
sit aut appellari debeat reapse, quàm con-
iunctio quædam Spirituum Aceti cum
Vitri paxillulo. Quapropter etiam ratio
postulat vt istud proprio nomine Magi-
sterium vocetur; quæ vox nihil aliud si-
gnificat quàm Mixtionem quandā com-
positam artificiosè ex duabus rebus simul
iunctis: quæ ipsa idcirco non operatur
iuxta proprietates vnius aut alterius am-
barum: sed vt res tertia ac neutra. In
hoc enim medicamento manifestè videri
potest, effectus eius non esse quales sunt
Vitri Antimonialis, nec etiam quales
Aceti distillati: sed instar noui alicuius
corporis nouas etiam facultates sibi infi-
tas declarare. Quapropter etiam appella-
ri possit Arcanum. Porro Magisterium
hoc debet seruari in vitreo vase probè
obturato; sin secus, leuissimo momento
facillimè dissolveretur & euaporaret, vt
dictum est.

Dosis eius est à tribus ad nouem

grana: sumiturquē ex cochleari Mal-
uatici, aut mixtum alicui confectioni
cordiali.

Si verò sumamus Antimonium quod
in fundo vasis subsederit, postquam id
exactè siccare curauerimus, poterimus
quin etiam (addito nouo Aceto, & proce-
dendo iterum prorsus ita vt diximus.) fa-
cere nouum Magisterium: & si velimus,
hoc opus toties iterare, donec omne illud
quod de Antimonio subsederit, in dictum
Magisterium ita reduxerimus.

Acetum quod distillando à prædicto
liquore rubido separatum fuerit, potest
iterum in vsum conuerti ad easdem &
similes operationes repetendas.

Modus distillandi Acetum pro dicto Magisterio.

Sumito boni Aceti vini quantum vo-
lueris: distillari cura per sabulum, lento
igne, vsque dum duæ tertiæ aut etiam
tres quartæ partes dicti aceti vi ignis pro-
dierint: & id quod in vase remanserit
crassum sit, & ferè consistentiam Syru-
pi adeptum fuerit. Hoc quod distilla-
tum est, reconde seorsim; vt in alia quæ-
dam operatione vsum habeat: Hinc sup-
pone aliud Recipiens, & continua ignem,
donec reliquum vi ignis in Recipiens ex-
tillauerit. Hoc in vsum tuos serua: nam
hoc efficacissimum, aptissimumque ad
opus tuum. Hac tamen cautione habi-
ta, vt semper in fundo vasis aliquid humi-
ditatis remaneat, ne fortè consumpto hu-
more, aduri incipiat substantia Tartarosa
Aceti, atque ita omne quod distillabi-
tur corrumpat, & propositum tuum planè
frustret.

Bezoarticum Antimomialè.

Cum prædictum Sudoriferum admo-
dum difficulter siccare seruari queat, &
præterea nonnihil ingrati saporis habeat,

poterimus id admittione alicuius alterius rei corrigere ex parte. Cuius specimen hoc subungere in hunc finem volui.

℞. Magisterij Antimonij vt supra præparati drachm. VI.

Corallorum rubr.

Matris perlarum,

Cornu cerui, omnium ad albedinem calcinatorum, an drachm. ij.

Dissoluitur in liquorem, prædictum Magisterium Antimonij cum modico aquæ Cardui Benedicti. Hinc pulverizatis reliquis ingredientibus, incorporamus hæc omnia simul in mortariolo vitreo, & in massam redigimus. Cui massæ adjungimus Ol. Caryophyllorum, Cinamomiana, gutt. iij. Croci orientalis subtil. pulv. scrup. j. Et dum adhuc humida est massa, formamus inde rotulas parvas instar Terræ sigillatæ. Quas resiccatas servamus in vase vitreo bene clauso; & in usum necessarium recondimus.

Dosis huius Bezoardici est à quatuor vsque ad duodecim grana, cum aliquo vehiculo conuenienti, juxta iudicium Medici.

VIDES hic vniuersim quæcunque ad præparationem Antimonij Sudorifici & Bezoardici pertinebant. Verum quidem est, fieri posse multis præterea aliis modis: exempli gratiâ, irrigando Flores Antimonij Oleo Sulphuris, & hinc calcinando eum in crucibulo clauso in igne è carbonibus accensis. Itemque, calcinando Antimonium pluribus vicibus vnâ cum Floribus Sulphuris & Nitro: addendo insuper Floribus Antimonij modicum Auri dissoluti in liquorem; & hæc longissimo tempore simul digerendo; præcipitando id omne Spiritibus Nitri: hinc calcinando: atque hanc præcipationem & calcinationem repetendo toties, donec euadat in puluerem luteum, solidum & fixum, qui vehementem ignem tolerare queat. Multis præterea modis præparari potest: quos hoc loco

referre non est necessarium; præsertim cum supra memorati modi præcipui sint & præstantissimi.

Fit etiam PVLVIS quidam ALBUS SUDORIFICVS ex Oleo quodam aut Liquore minerali (qui distillatur ex Mercurio sublimato & Antimonio mixtis inter se) & Spiritu Nitri aut Aqua Regis, iuxta modum quem Crollius in Basilicâ Chymicâ, Quercetanus in sua Pharmacopœa, Beguinius in Tyrocinio Chymico, & alij autores declarant: Verum enim verò pulvis iste non debet vocari propriè Antimonium Sudorificum: quandoquidem bene perpenso & examinato hoc negotio, manifestè comperimus nihil hoc aliud esse quàm Mercurium præcipitatum tali formâ: nam distillando dictum liquorem mineralem, omne Antimonium remanet, & non procedit distillatè aliud quàm portiuncula aliqua Mercurij sublimati: tamen non velim negare, posse hic remanere exiguam aliquam proprietatem Antimonij, quia, per medium eius transiuit. Atque hinc fit, quòd hic pulvis non amplius appelletur Antimonium Diaphoreticum (quod nomen obtinebat apud aliquos Chymicos, antequam rem bene examinatam, aut exploratam habebant:) sed MERCVRIVS BEZOARTICVS aut BEZOARTICVM METALLICVM seu MINERALE.

Vires Antimonij sudorifici.

ANTIMONIUM præparatum omnibus hisce modis quos supra declarauimus, conducit generatim aduersus omnes obstructions inueteratas tam Hepatis, Pulmonum, Lienis, quàm aliarum partium internarum: item aduersus retentionem menstruorum, colorem virginum pallidum, & luteum, ac icteritiam, Hydropem, Phthisin, Cachexiam, Melancholiam hypochondriacam, itemque vlcera tam interna quàm externa,

scabies quascunquē & pruriginēs, & leprarum ac elephantiasis genera. Præsertim verò confert sanandis febribus pestilentialibus malignis, calidis, continuis, & putridis; exanthematibus & variolis, herpetibusque. Breuiter, sanat quoslibet alios morbos qui requirunt remedia resistentia corruptioni, aperientia & deopillantia obstructions, sudores leniter prouocantia, & specificam facultatem habentia depurandi massam sanguinis. Aduersus quas omnes infirmitates Antimonium sudoriferum comperimus esse efficacissimum; dummodo administretur manibus Medici prudentis, posteaquam usus fuerit aut etiam antequam uti proposuerit aliis medicamentis: seruata conuenienti diata, continuando remedia iuxta necessitatem: vno verbo, obseruando omnes alios canones requisitos ad curam morborum quos depellendos suscepit. Id quod neutiquam fieri potest usu vnus ac solius medicamenti, sine alio circumspectu; quod tamen aliqui Empiricorum putant.

Tinctura Antimonij, aut Flos Antimonij purpurei coloris.

Quia Flos Antimonij purpureus, est medicamentum quod operatur magis per sudorem & insensibilem transpirationem in corpore, quàm alio quouis modo; idè nulla ratione hoc loco omittendam mihi eius præparationem esse iudicauit. Est autem hæc talis: Sumito Antimonij crudi puluerati libram vnā, Sabuli fluuiatilis ficii sesquilibram: Mixtis hisce duobus bene inter sese, impones vtrumque Vrinale fictili seu crucibulo, qui egregiè resistere queat igni vehementi sine fissionis metu. Hoc vrinale repones in latius, reclinatum in fornace ventali, ita vt ex fornace extet ad digitos vt minimum quatuor. Hinc ei adaptabis collum pariter fictile, aut vitreum, probè lutatum, vt

sublimatio feratur saltē per distantiam pedis vnus, vltra parietem fornacis. Postea capies Recipiens vitreum ouiforme, mediocris magnitudinis, & applicabis inferesque dicto collo, obturando iuncturam eius arctissimè optimo luto: quod exactè siccari fines; ne forte vllus vapor per fissuras penetrare & exhalare queat. Hoc facto, teges Fornacem superiori sui parte, relicto in medietate coopertorij vnico duntaxat spiraculo mediocriter magno, per quod flamma ignis exire queat. Supposito hinc per quatuor aut quinque horas exiguo lenique igne in fornace, vt Vrinale paullatim caleseat; tunc demum incipies paullatim augere ignem, vsque adè vt Vrinale candefactum rubrum colorem assumat: & hoc statu continuabis ignem spatio xxiv. horarum, nihil tamen vehementiæ ignis addendo, solummodò non remittendo, sed seruandò eundem tenorem caloris, ita vt Vrinale dictum candens maneat hoc eodem gradu quem diximus. Porro in principio huius operationis videbis Antimonium sublimari in Recipiente instar pulueris albi, qui paullatim fiet luteus, & tandem coloris rubri obscuri, vt vix colorem eius discernere queas antequam ex recipiente exemptus fuerit. Finita hac sublimatione, permitte refrigerare vasa: & sejunge Recipiens à collo Vrinale, & reperies in eo Antimonium tuum sublimatum, & mutatum ab illo suo primo colore, in rubrum purpureum, vt dictum est: id quod exemptum seruabis ad vsus necessarios. In fundo autem Vrinale non supererit ampliùs quippiam Antimonij; præterquam solum sabulum seu arena, quam ei adiunxeras. Cæterùm si Paracelsi verba vllò modo ad literam (vt loquuntur) intelligenda sunt, videlicet quando agit de præparatione Tincturæ Antimonij, (vt annotauimus supra, vltimo nimirum capite Primæ Partis huiusce Tractatus) certissimum est hanc esse eandem cum

præparatione Antimonij reuerberati ad rubrum, in reuerberatorio clauso : vnde ad hunc efficiendum dicit reuerberari debere per integrum mensem : nam quantumuis tempus hic à nobis determinatum, sit multò breuius ; nihilominus tamen videmus isto temporis spatio tres istas mutationes colorum Antimonij integrè consummatas, illas dico quæ ibidem mentionem facit, & quas statuit pro signis & notis quæ apparere debent inter operandum iuxta ipsius intentionem. Sed quoniam Theophrastus multis locis librorum suorum valdè obscurus est & intellectu difficilis, & sæpe vnam rem pro alia representans, sæpe etiam rem quampiam magis aut minus laudibus aut vituperio eleuans & extollens quam ipsum deceat ; idcirco inquam non auderemus hinc inferre aut affirmare, istam esse Tincturam cuius mentionem facit.

Equidem aliquoties exhibui hunc puluerem ægris meæ curæ sese committentibus : & quamuis in quibusdam causa fuerit nausæ aut fastidij, & vomendi desiderij ; tamen aliis solummodo sudorem ciuit : nec etiam nausæam vlli mouit, nisi quando in dosi iusto maiore exhibitus fuit ; aut quando (vt supra notauimus) ventriculum prauis humoribus refertum habebant ægri. Inter cæteros autem, memini me illud præbuisse ante duos circiter annos cuidam paralytico, ob aliquod vulnus : vnde accidit vt prima eius dosi ipsi excitaret calorem quandam naturalem in membris resolutis, quæ ipsi ante hæc ferè semper frigida & soporata aut sensus expertia fuerant : ac simul etiam tantum ipsi sudorem commouit, ac si in balneo constitutus fuisset : qui sudor ipsi ita adhæsit per quinque aut sex dies continuos, sine vlla tamen sequente debilitatione, quin potius cum aliqua virium roboratione, & restitutione nonnulla in melius, quod antea à magno numero medicamentorum aliorum ob-

tinere non potuerat. Postea autem ad Balnea Spadana deuectus fuit, & nescio quonam euaferit : peregrinus enim erat in hac regione. Quicquid sit, animaduerti medicamentum hoc esse valde aperitiuum, & operari egregiè per sudationem, ac insensibilem transpirationem. Non alienum porro putem fore, si quis sumpto hoc puluere, inditoque in vas vitreum probe obturatum, id exaltari curaret per ignem quandam medioerem continuum, depositurum illum fortassis integrè & prorsus vomitoriam suam, aut potius nausæ excitatoriam facultatem, & magis coctum, maturatum aut ad meliorem perfectionem deductum iri ; vnde posset fortassis impunè ac sine vllò noxæ metu vsurpari, tanquam medicamentum maximæ efficacix, prorsus tale quale Paracelsus Tincturam suam esse refert : Sed non explorata adhuc nobis eius vi, non ausim nec velim affirmatè asseuerare cuiquam, quid eius rei sit ; sed in transcurso opinionem meam indicasse sufficere puto.

Dosis huius pulueris est à tribus ad decem grana, sumpti ex cochleari pleno vini, aut mixti Theriaca, Mithridatio, aut aliqua conferua proprie destinata affectui in quo eius vsus inire constituiamus.

Sciendum porro est puluerem hunc nihil aliud esse, quam Antimonium ratione memorata alteratum : quem si immiseris igni magno & vehementi, fiet niger, & liquecet iterum haud secus quam Antimonium antea fecerat cum adhuc crudum esset. Quod nobis documento esset debet, quo discamus oculari inspectione sumpta, quo modo Vulcanus alteret & transmutet sæpenumero res varias, vsque adeò vt videantur prorsus aliæ ab iis quæ ante fuerat ; cum interea tamen ad pristinum suum statum reuerti queant (veluti demonstratum à nobis alibi est in paruulo nostro libello cui titulus, Se-

ptem Planētārum tērestrium Spagīrica recensio :) quæ res in causa fuit , quod plurimi incauti simplicesque homines , operati in arte Chymica , & videntes huiusmodi rerum permutationes , obstupefacti & admirabundi extra se ipsos rapti restiterint , mentem oculosque solummodo flectentes ad colores externos ; ac sine vlla vltiore eius indagatōe , ibi subsistendum sibi putauerint , nec amplius progrediendum : qua in re non solum se ipsos sed & plurimos alios deceperunt scriptis suis , prout in quamplurimis libris Chymicis passim videre licet.

SECTIO QUARTA.

*De medicamentis Antimonialibus ,
vniuersim Chirurgia idonxis.*

DEclarato hætenus sufficienter quicquid de Antimonio propriè dicimeretur , quoad vsus medicos internos , cum vnicuique medico exploratissimum sit , mineralia esse præcipua remedia quorum in Chirurgia vsus ; nunc hac Quarta Tractatus huius nostri sectione declarare volui qua ratione Chirurgi queant , felici cum successu , Antimonium in vsus suos assumere , æque ac aliis mineralibus vt consueuerunt , aduersus varias infirmitates externas : ea potissimum de causa , vt pharmacothecas seu myrothecia sua augere , remediisque tanto magis ditare queant , ad solatium , imo & salutem agrorum , qui ipsorum curæ & industria se totos tradiderunt.

Quomodo ex Regulo Antimonij præparatur pulvis quidam candidissimus , quem Cerusam Antimonialem appellamus.

PULVIS iste nomen suum obtinuit tam ab intensa sua albedine , & à facultate desiccatoria qualis in cerusa deprehenditur ; quam à modo quo præparari solet. Nam vt plumbum , quod nigrum est & deforme , mediante acrimonia Aceti transmutatur in puluerem albißimum , quem Cerusam appellamus : ita & Regulus Antimonij , qui est coloris plumbei & fuscī , in puluerem redactus , per acrimoniam spirituum Nitri eodem prorsus modo mutatur , & in candidum puluerem abit : Ac insuper quo modo Cerusa albedine sua exui , & iterum in plumbum substantiam restitui potest ; eodem prorsus modo & pulvis hic iterum in formam pristinam redigi , Regulusque vt prius erat , fieri rursus poterit. Modus autem præparandi hunc puluerem , est talis. Cape Reguli Antimonij , splendidi , seu clari & electi , vnciam vnā : Salis Nitri purificati , seu refinati , vt loquuntur , in claros lapillos , vncias tres. Hæc duo simul in puluerem redacta , impones exigua ollæ terrea bene vitrata : quam supra carbonēs candentes seu prorsus ignitos collocabis , sine vllo operculo , folle ipsi aliquantisper insufflando , vsquedum Sal petraë liquefieri incipiens , ignem Sulphuri Reguli intrinseco communicet : Vtribusque simul exactè combustis , videbis materiam tuam candidam factam esse instar lactis. Quod ipsum plerumque horæ momento fieri solet , posteaquam videlicet Sulphur incendi ceperit. Hinc in promptu habeas aliam fistilem ollam , aut æream peluim , cui sesquilibra aquæ pluuiæ insit , aut paulò plus : illique dictam materiam ita calen-

tem velocitèr iniicies, mouendo eam quam diligentissime rudicula aliqua: ac demum patere puluerem hunc in fundo residere: posteaque aquam hanc separabis ab ipso puluere, inclinando videlicet vas ad latus: quam aquam seruabis ad vsum quem infra declarabimus. In subsidente autem hoc puluere plerunque grana aliquot aut paruuli grumi Reguli liquefacti remanent: quos à dicto puluere separare debemus crebrò repetitis abluitionibus; affusa nempe sufficienti copia aquæ, & mouendo eam donec planè turbida limosaque appareat: atque hinc confestim effundendo eam per inclinationem in aliam peluim. Quod opus aliquoties reiterando, puluis (vtpote leuior quam dicti grumuli) exibat vnà cum aqua; & Regulus manebit in fundo; quem seruare poteris in aliud tempus, quo idem opus iterare volueris. Separatus isto modo puluis, residat in fundo aquæ; effusaque aqua, reluatur tamdiu, donec nulla falsedo gustanti se amplius offerat, & aqua plane insipida sit quæ effunditur. Hinc siccet puluis in sole, aut potius lento igne in patenti scutella; & videbis eum candidissimum factum lactis instar; nec non leuem, fere vt Amylum. Atque hæc est preparatio Cerusæ Antimonialis: cuius, si velimus, tam cito facileque decem libras, quam vnciam vnā preparare poterimus, eodem hoc, quem diximus, modo.

Facultates virēsque huius Pulueris sunt, desiccare, & moderate stringere; vt è conuerso, aliquo modo abstergere & aperire; idque ratione falsuginis alicuius quam à Nitro retinuit. Et quantumuis Cerusæ nomen ipsi indiderim, propositum tamen meum non est, illi plane omnibusque modis facultates Cerusæ simpliciter attribuere: nam hoc puluere non solum vti possumus extrinsecus, in affectionibus nempe humani corporis externis, quarum curationes ad Chirurgiam pertinent;

in quibus Cerusa plerunque maximum vsum habere consuevit: sed, quod plus est, etiam intrò assumi innoxie, imò cum maxima vtilitate potest; præsertim in curatione inueteratorum vlcerum, scabie-rum, aut pustularum pertinacium, quæ ob maximam in corpore humano humiditatis copiam sanari non potuerunt: in huiusmodi enim accidentibus, propinando tribus, quattuor aut pluribus septimanis continuis quotidie mane vnā dosim huius pulueris è cochleari vno vini albi optimi, aut permixti saccharo in formam Manus-Christi, præscripta insuper accommodata diætâ, mirum quantos edat effectus supra omnes potiones ex decoctis Ligni Guaiacani, Salsæparillæ, Chinæ, aut aliorum vulgarium remediorum quæ in hunc finem vsurpari passim consueuerunt. Quod ipsum dico, non tanquam id per somnium quodpiam mihi in mentem inciderit, aut è simplici coniecturâ aut respectu ad eius facultates habito; sed experientia ipsa doctus narro: quippe cum hoc modo sæpe à me exhibitus fuerit iste puluis, felicissimo euidentissimoque ac notatu dignissimo successu; idque non solummodo in robustis, sed & in tenellis debilibusque hominibus, & iuuenilibus scæminis; quarum nomina hoc loco recitare, meum non est. Porro hoc medicamentum diuersimode operari consuevit: nam in quibusdam solet duobus aut tribus primis diebus nauseam aliquam producere, & fastidium stomachi, cum crebra expuitione; & reliquo postea tempore nullam ipsis propemodum alterationem manifestè adfert: aliis autem aluum laxat, eamque singulis diebus bis terue extra ordinem (id est vltra consuetos secessus) expurgat: aliis sudorem ciet, dum in lecto cubant: aliis autem nullâ alterationem aut purgationem euidentem inducit, ab initio exhibitionis, seu propinationis eius, vsque ad finem; nihilominus tamen non cessat vires suas sensim

sim ac sine sensu exserere, ad utilitatem agri, in prædictis quibuscunque morbis. Quo fit, ut cuilibet prudenti cordatoque chirurgo summopere usus esse possit hic pulvis.

Dosis autem eius est, si intro assumatur, à semis scrupulo usque ad semidrachmam, in singulas vices. Exhiberi vero debet manè, quatuor aut quinque horis ante prandium; idque vehiculis adminiculisque prædictis, sacharo nempe, aut vino albo.

Vt autem progrediamur ad aquam aut primam loturam huiusce pulveris, quam supra seruandam nobis esse præcepimus: sciendum est illam utilissimam esse (præmissis debitis purgationibus) in lotione aduersus scabiem & pruriginem; itemque ad lauanda mundificandaque sordentia vlcera: ad sedandos mitificandosque (nempe si calefacta cum linteis applicentur) dolores arthriticos calidos: ad resolvendo quoscunque tumores provenientes ab aliquibus humoribus calidis & subtilibus: ac postremò ad tollendas vitiliginas maculasque faciei in fœminis, procedentes à calore, biliosisue humoribus; & ad reddendam ipsarum cutim mundam & nitentem; si quotidie leuiter sibi faciem singulo mane hac aqua abluant; & si vehementior videatur, paululum aquæ pluuiæ ipsi admisceant.

Vnguentum Album Antimoniale.

℞. Olei ex sem. Papaueris albi per expressionem extracti, & cum aq. ros. beneloti, vncias vj.

Ceræ albæ vnciam j. β.

Cerussæ Antimonij drachm. xv.

Fiat vnguentum. f. a.

Hoc vnguentum refrigerat, mitigat, & moderatè resiccat. Confert sopiendis doloribus arthriticis calidis; leuandæ inflammationi intensæ feruori erysipelatum; & particulatim sistendis catarrhis

Ang. Sale.

calidis acutisque, in oculos defluentibus: Nam si hoc vngento palpebras & oculos ipsos circumcirca exterius illinamus, leuat omnem inflammationem, mitigat dolorem, & inhibet affluxum dictorum humorum. Vtile est insuper aduersus maculas faciei; itemque ad fissuras rimasque quæ in manibus ac facie tempore hyberno à frigore provenire solent.

Vnguentum Antimoniale cum Mercurio.

℞. Vnguenti albi supradicti,

Populeonis ana vncias ij.

Argentii viui puri drach. vi.

Mercurij sublimati gran. vj.

Misceantur in mortario lapideo vel vitreo: & seruetur ad usum.

Hoc vnguentum (etsi fortassis quibusdam parui momenti videri queat) adeo excellens est & efficax aduersus. Herpete serpiginosum quem vocant, Scabiositates quascunque, necnon Pustulas provenientes à quapiam materia calida falsa, & mordaci: quancunque item aliam cutis affectionem, cum erosione, vehementi calore, ac pruritu coniunctam: usque adeò ut ob effectus quos in eo deprehendi, compar ei aut simile reperiri non existimem. Quocirca in gratiam eorum qui illo opus habere possent, hoc ipsum hic adscribere volui.

Emplastrum Griseum Antimoniale.

℞. Resin. Pini,

Elemi,

Ceræ flavæ,

Gummi ammoniaci, cum acetoprius depurati, ana vnc. iij.

Reguli Antimonij super lapidem marmoreum cum aqua Plantag. præpar. & in impalpabiliss. pulu. redact. vnc. iij.

Resinæ & Cera simul liquecant, co-

R r

quanturquē vsquē dum huiusce compositionis modicum spatulæ seu rudiculæ impositum (refrigeratum vbi fuerit) aliquantulum induruisse deprehendatur : quod fit quotiescunque caloris continuatione, Resinæ incipiunt priuari oleosa sua substantia subtiliori, quæ ipsis mollitudinis causa esse solet. Postea, ab igne depositum vbi fuerit, dissoluatur in eo Gummi Antimoniacum : ac confestim ei adijunge pulverem Reguli Antimonialis. Demum vbi hæc omnia bene incorporata mistaque fuerint, magdaleones cylindrosue inde formabis : quos ad vsus tuos repones.

Hoc emplastrum eximie conducit ad emolliendos resoluendosque tumores quosunque duos & glandulosos, quales sunt topi & glandulæ provenientes a lue Venerea: itemque ad discutiendos tumores scirrhusos duritiesque lienis: ad emolliendos absumendosque margines seu labia dura eleuataque veterum callosorumque ulcerum : ac demum ad sopiendos dolores juncturarum, procedentes ab aliquibus defluxionibus falsis mordacibus pungentibusque. Quapropter Chirurgus circumspexit & prudens, emplastrum hoc in vsus suos convertere poterit, aduersus prædictos, & alios affectus ; idque (quod spondere audeo) felicissimo euentu.

Oleum Antimoniale siue Spiritus Mellis ab Antimonio abstractus.

In prima huius Operis Parte demonstratum à nobis abundè est, Antimonium in se ipso, id est in propria sua substantia, nullum prorsus habere liquorem. Nam quantumvis intermedio beneficione quorundam particularium instrumentorum, per quos aer attrahi consuevit, distillari possit Liquor quidam Antimonialis acidus acrisque instar Olei Sulphuris, sine additione alterius vllius substantiæ ; nihilominus tamen (excepta prædicta acri-

monia aciditati mixta) si liquorem ipsum solummodo contemplari velimus, liquor iste nõ magis est humiditas aut aquolitas propria ipsius Antimonij, quam aqua calida liquor peculiaris propriusque ipsius Ignis esse aut dici potest ; quantumvis calida feruensque sit quamdiu calorem ab igne per omnes sui partes diffusum habet, & vt vulgo dicitur, quamdiu ab ignea qualitate imprægnata manet. Interim tamen (sepositis omnibus disputationibus, ac friuolis de nomine ipso concertationibus) negare neutiquam volumus aut inficias ire, accidentaliter, siue hoc, siue illo modo, liquorem aliquem præparari posse, respicientem retinentemque facultates ac vires Antimonij : quandoquidem nimirum Experientia ipsa nos id ipsum variis modis docuit luculentissime.

Modi autem præparandi Liquorem quendam Antimonialem, aut Oleum Antimonij (quocunque tandem nomine id appellare velimus) qui in Chirurgicis operationibus vsus habere possit, varij sunt atque diuersi. Quidam enim id præstant medio vaporum quorundam terreorum seu fictilium : quibus aërem dare, liberamque exhalationem concedere possumus postquam igni imposita fuerint : quo fit vt Sulphur combustibile Antimonij, ignis vi concrematum, vapore suo fuliginoso acri (qui ab ipso ascendit) aërem ad se attrahendo, collectionem quandam aëreæ humiditatis facies, in liquorem resoluatur. Alij id faciunt admistione Salis vulgaris : quem processum Theophrastus Paracelsus nobis descripsit in Magna sua Chirurgia. Alij aliis id efficiunt admistionibus. Sed omisis hoc loco omnibus hisce processibus, vt vocant, vi pote non necessariis qui à nobis compilentur, iterumque memorentur ; (quamvis omnes & singuli boni sint & viles, prout nimirum diuersæ sunt intentiones ob quas iis yti proposuerunt :) hoc tempore vnicum duntaxat modum declarare volo, præpa-

randi nimirum Liquorem Antimonialem
à me inuentum, qui est talis :

R. Antimonij crudi subtil. pulu. lib. iij.
Mellis crudi opt. lib. iij.

Imponantur hæc simul ollæ terreæ seu
fictili bene vitratæ, supra ignem modera-
tum ; Bulliant simul, mouendo semper
spatula aut rudicula, vsque dum substan-
tia maxime aquosa mellis euaporauerit ;
& remanserit materia quædam nigra in-
star Picis, quæ digitis friari queat. Hinc
materiam hanc alij cuidam Retortæ seu
vasi corniformi è terra cruibulorum fi-
cto indas, cui Recipiens satis magnum
subdas. Ignem subijce non tectum ; quem
gradatim augebis, vsque ad summum ca-
loris excessum, idque spatio xxiiij. hora-
rum : & prodibit liquor quidam ex isto
melle, imprægnatus seu imbutus faculta-
tibus Antimonij, cum aliquot Floribus
Antimonij : quem liquorem separabis,
clarificabisque ipsum, filtrando per char-
tam, aut, si maioris, per inclinationem (post-
quam prædictos flores subsidere permi-
seris :) & seruatum in vsus tuos repones.

Liquor iste est corrosiuus & penetrans,
(vt quilibet facile colligere ac æstimare
potest ;) interim tamen neutiquam vene-
nosa aut maligna qualitate præditus, vt
sunt corrosiua illa quæ ex Arsenico, Au-
ripigmento & Mercurio sublimato pa-
rantur. Quin potius hic noster liquor est
summopere putreficatiuus, absterfiusus,
& resistens putrefactioni. Particulatim
autem confert mundificandis antiquis
vleeribus plenis putredine, ad absumen-
das excrecentias cancrofas, & callosita-
tes fistularum : item ad tollendam mali-
gnitatem vlcerum prauorum, contuma-
cium ac rebellium, & ad ea in meliorem
statum reducenda, cicatricemque indu-
cendam, saniozemque carnem genera-
dam : vt & ad mortificandas scabies pu-
stulasue malignas. Aduersus gangrænas
verò præstantissimum est remedium ; re-

liquisque omnibus communibus antepo-
nendum. Quocirca meretur, ab omnibus
Chirurgis summo haberi loco ; si modo
formam opinionemque suam augere,
triualeque chirurgorum vulgus in cu-
rando superare vllatenus velint. Vti au-
tem eo possumus aut solo, aut mixto cum
melle rosato, vnguentis, pulueribus, aquis
distillatis, aut vino, iuxta diuersitatem
affectionem curandarum, & intentionem
quam præ oculis habet is qui id vsurare
voluerit, respectu videlicet habito ad
prædictas eius facultates. Quod omne
iudicio & electioni prudentis chirurgi
relinquendum est.

CONCLUSIO OPERIS.

ATque hæc sunt, amice Lector, quæ
hoc tempore breuiter dicenda mihi
videbantur de Anatomia Antimonij, quo
instrui manuque iuniores Medicinæ
candidati queant, aut alij quicumque, qui
cognitionem aliquam huiusce materiæ
acquirere sibi desiderant. Sin autem erro-
rem aliquem in eo opere deprehendas,
velim vt illum benigno animo aut iudica-
re, aut interpretari digneris ; nec vt id mi-
hi dedecori aut probro ducas : ante ocu-
los habens, quoscunque homines, cuius-
cunque denique professionis, scientiæ, ar-
tis aut opificij, etiam doctissimos, perspi-
caciissimos, circumspiciatissimosque, obno-
xios esse alicui defectui, haud secus ac re-
liquum omne mortale genus : & conse-
quenter subiectos esse errori, siue is ma-
gnus sit, siue exiguus ; nemo enim ab eo
immunis aut liber est. Hoc fretus, Bene-
uole Lector ; sperando in super, meliorem
aliquando mihi opportunitatem euentu-
ram tibi gratificandi Opere aliquo maio-
ris momenti (rogans Deum Opt. Max. vt
tibi gratiam suam inspirare communica-
reque velit) præsentem hunc Tractatum
finio.

ANATOMIA VITRIOLI.

IN DVOS TRACTATVS DIVISA:

*IN QVIBVS VERA RATIO VITRIOLI
in diuersas substantias resoluendi accuratissimè traditur.*

*Accedit arcanorum complurium ex substantiis istis deductorum, tum ad
conseruandam valetudinem, tum ad grauissimorum morborum
vim & intemperiem, sylua.*

T R A C T. I.

C A P. I.

*Ros vitrioli, id est, Spiritus vitrioli
humidus.*



Ntiquis, vt & plerisque nostræ ætatis Chymicis, prima ista Vitrioli substantia incognita, eoque ab iis inutilis, ad instar phlegmatis, reiecta fuit: Quasi verò Deus & natura (quæ se in omnibus diuinæ providentiæ partibus efficaciter exerit) frustra aliquid facerent. Certè constat, rubetis etiam & serpentibus suum in Medicina locum esse. Quid ni igitur dulci isti & limpidi liquoris sua, eaque rara virtus insit? Tamen si quis imperitor hoc negare forsitan ausit: eum ego nullo cum negotio manifesti erroris primo isto Anatomie tractatu conuicero, in quo, Deo vniuersi opifice & Rectore benigne iuuante, modum resoluendi Vitrioli bona fide osten-

dam, resolutique vires expertas describam.

Et. Igitur vitriolum, quod tibi ex tribus illis supra commemoratis maxime valere visum fuerit. Eo ampullam vitream quæ aliquanto amplior, nec tamen æquo altior, ad medietatem imple. Deinde cum suo capello & recipiente per balneum Mariæ distilla ad quartum balnei gradum, id est in aqua tam diu bulliente, dum omnis humiditas, distillationi apta, profluxerit. Exemptum rorem in vase vitreo optime obturato ad usum serua.

Valet aduersus arduentes capitis dolores sumptus, pro re nata duabus drachmis continuatus aliquot dies stomacho ieiuno adustionem sanguinis mitigat, omnia item viscera corroborat, cerebrum superfluo calore & siccitate debilitatum confirmat, humidum etiam radicale restaurat diuturniore usu, verno tempore, stomacho prius aliquantulum purgato, sumptus.

CAP. II.

Aqua Vitrioli secunda.

Separatâ primâ illa aquâ, quam præcedenti capite Roris vitrioli nomine insigniuimus, accipe vas vitreum cum materia illa residua, quam per arenam tantisper distilla, dum reliqua humiditas omnis exierit, quam in aquam claram & odoriferam abire videbis. Euacuata ex recipiente ad vsum reponitur.

Conducit ad purgandos renes: lenit corrosiones internas, sumptâ manè drachma vna cum iusculo carnis: vrinam prorit, & sudorem modicè prouocat. Inflammationem plagarum corrodentium offa aliquantulum calefacta, sedat, lenit & mitigat dolorem, & ad consolidationem confert, infusa gutta vna aut altera olei tartari, vt mordacior fiat. Scabiem siccam mundificat, & carnem solidiorem efficit.

CAP. III.

Liquor vitrioli acidus primus vulgò Spiritus vitrioli.

Olim solebant calcinare Vitriolum, & rubore inficere; vnde substantia sua humida & maximè spiritali exuebatur. Id verò in eum finem ab illis fiebat, vt liquorem eius acidum secundum, vulgò olei Vitrioli nomine notum dicerent, id quod quomodo conficeretur sequentibus capitibus declarabitur. Nunc id obiter monuero, antiquos operatione ista sua maiorem partem Mercurialem, volatilem & penetrantem perdidisse. Nec verò ea re rationes aliorum hac in parte planè rejecero, quum experientia constet, mirabiles operationes liquore isto factas. Id tamen confidenter dixerim de liquore isto, quod is ponderosior Salis

istius mineralis pars est, spirituque tantum non caret: id quod tum ex distillatione ipsa est videre, tum testimonio Theophrasti liquet, scribentis: Vbi cadit, ibi consistit: quo id, quod modò attulimus, denotatur. Nemo certè negauerit, primum istum spiritum, qui floris instar est, subtilitate volatili oleo memorato longè præstare: idque eo magis, quod primus ex foco prodeat, in morem nebulosi aeris, eoque etiam tutius intra corpus assumi posse: Idque adedò experientia quotidiana nos quoque docuit, postquam primus iste liquor acidus in vsum venit. Modus illum extrahendi non est apud omnes vnus. Quidam enim additamentò vtuntur: alij non item: ac rursus nonnulli retortam hanc ad rem adhibent: quidam vrinale. Nos omisiss aliorum modis, illum, quem hætenus reliquis fortè præstare animaduertimus, paucis trademus. Iste verò sic habet.

℞. Materiam illam, quæ ex duabus illis substantiis remansit, & in tenuissimum puluerem redige. Deinde sume alembicum integrum, id est: Vrinale & capellam, ita ad fornacem vitream simul commissum: vt ad huius extremitatem canon sit apertus, per quem dictus puluis injiciatur. Alembicus iste sit aliquantò altior & amplior: præcipuè capella cum canna sua aliquantò longiore & capaciore, itaque planè, vt fornacem distillatoriam exuperet, & recipiens ab illa aliquantum distet. Vas istud circumcirca diligentissimè ad capellam vsque luto sicco, puta crassitudine digiti, deducito. Id quod si prima vice non effeceris, iteratò absolues. Postmodo puluere supra memorato ad quartam vsque partem impletum, os primò vitro, deinde luto obtura, fornacique appone, foco aperto, qui minimum semicubito fornacem transcendat. Ocluso optimè luto circumcirca, relictisq; spiraculis conuenientibus, recipientem bene grandem adjuuge,

iuncturasque accuratè figilla. Ignem gradatim ad quartum vsque gradum incende, ut opus esse videbis, & ita perge vsque dum nullum amplius fumum circa capellam & recipientem apparere videris. Infrigidatum liquorem ex recipiente hauri, qui liquor ea, quæ sequenti capite ostendetur, ratione rectificetur. Nos quas alij oleo Vitrioli attribuant proprietates & vires longè iustiori titulo huic liquori adscribendas asserimus.

Virtus.

1. Exhibentur ad præcauendam Pestem alternis diebus summo mane guttæ tres in aqua Veronicæ.

2. Pesti infecto, guttæ v. huius liquoris ad prouocandum sudorem cum vicia vna aquæ vitæ optimæ dantur bis aut ter, prout necessitas requirit.

3. Febri hæctica & humorali quatuor guttæ.

Contra febrem quartanam exhibetur cum vicia vna aquæ vitæ, eo die, quo paroxysmus incurrit, sudore interim prouocato. Ad tertianam notham cum aqua tormentillæ, modo iam indicato, magno cum successu bibitur. Ad febrem autem continuam cum aqua Marrubij. Dolores colicos cum aqua vitæ sumptus sedat. Ad renum calculos & excoriationses vesicæ cum vino albo potus, cui sit infusa liquiritia, potens est remedium. Dolores matricis cum vino, cui sit infusa artemisia, compefcit. Dentes item corruptos bis aut ter tactos spiritus iste, ac Gangrænam os intrinsecus infestantem, aliasque id genus excoriationses cum succo plantaginis tactam, & cum aqua sua secunda, ad sufficientiam totam sanat. Fluxus corporis aliquot diebus manè sumptus cum vino rubro & nuce Moschata, sistit. Hydropem quadraginta diebus cum vicia semis aquæ ex fraxino elicitæ, accedentibus tamen, quantum opus, purgantibus,

sanat. Ad eundem morbum prodest liquor iste vino, cui cortex fraxini immixtus fuerit, infusus. Ad venas pectoris ruptas & excretionem sanguinis cum aqua sanguinis humani calneo Mariæ extracta, summum est arcanum, ter aut quater, si postulauerit necessitas, exhibitus; Sumantur guttæ sex istius spiritus, aquæ sanguinis drachma semis in iusculo. Valet etiam ad retentionem ciborum cum vino bene maturo: instaurat splenem: Graueolentiam oris emendat, & digestionem promouet. Omne febrium genus cum rore suo siue aqua sua prima deglutitus, curat. Podagræ dolores mitigat: & sanguinem attenuat aliquot diebus manè cum aqua perforatæ sumptus. Palpitationi cordis cum aqua corticum citri, aut Pimpinellæ potenter medetur. Pforam & scabiem cum aqua roris marini aut tamarisci per sanat. Dolores capitis cum aqua Majoranæ tollit. Debilitati pulmonis cum aqua fœniculi, vel pulmonariæ succurrit. Humorem melancholicum cum aqua melissæ incidit. Stomachum mirum in modum confortat, & ab internis Apostematis totum corpus defendit. Quocirca magno cum successu in pleuritide, prænella morbo, squinantia seu angina, & conuulsatione corporis exhibetur. Nec faciliè potionem vulnerariam præstantiorem dabis, si cum hypericone & betonica vino infusus, administres: Nam sanguinem ad miraculum attenuat: eumque à partibus peccanti materiæ proximis potentissimè reuellit: rupturas item tam osium, quam venarum conglutinat: partesque infirmatas mirè consolidat & confortat. Has & complures alias rarissimas virtutes salu isti minerali verè à me adscribi, deprehendet, qui earum fecerit periculum, & pro nata occasione ritè administrarit.

CAP. IV.

*Spiritus sulphuris Vitrioli & liquoris
acidi primi rectificatio.*

Postquam de modo distillandi spiritum Vitrioli acidi, & ex parte de eius in Medicina usu & virtute abundè diximus, reliquum est, vt doceamus, quomodo liquor ille cuius supra mentionem fecimus, rectificetur, & quomodo ex illo alia quædam substantia, quæ communiter Spiritus vitrioli sulphureus dicitur, separari soleat. Sed cur sulphureus? Tum propter odorem, quo sulphur refert, tum propter proprietatem suam. *℞.* Igitur liquorem commemoratum, & infunde illum in vas vitreum, iuncturisque vasorum bene obturatis, per balneum Mariæ distilla, quantum fieri potis est. Balneo infrigidato, aquam elicitam bene occlusam seorsim serua. Hæc enim spiritus ille vitrioli sulphureus est. Liquor qui in fundo remansit acidus & ponderosus ad hunc rectificatur modum: Impone in vas vitreum formâ illi, de quo capite primo, vbi de rore vitrioli egimus, non absimile: lutoque aliquantulum obducito, & fac, vt per arenam ascendat; liquorem postmodum & spiritus ipsos impositos aliis vasis ad tertiam vsque & quartam destillationem reitera, illo ipso, quo suprà diximus, modo. Hinc elicies liquorem aquæ instar clarum ac pellucidum satis ponderosum, ac primo gustu acidum, mox tamen in miram dulcedinem degenerantem. Atque hic est spiritus Vitrioli acidus rectificatus, qui non tantùm purior & limpidior, sed etiam subtilior, penetrantior & in suis qualitatibus & proprietatibus acutior hac distillatione efficitur.

*Vsus & virtus spiritus Vitrioli
sulphurei.*

Liquor iste natura sua narcoticus intense stupefactionem inducit: ita vt solus propter acutam illam acrimoniam nequitiam adhibendus veniat. Verùm cum alio aliquo temperatus, in variis morbis vtiliter sumitur: puta in mania, phrenitide & aliis id genus morbis, in quibus vapores aërei in caput ascendentes reprimere est necesse, qui delirationem inducunt, somnique priuationem. Dosis eius est à quinque ad decem vsque guttas per vicem, cum aqua melissæ, majoranæ, aut lauendulæ, vespèri post occasum solis: manè, ante eiusdem exitum. Adhibetur etiam liquor iste nonnullis arcanis contra epilepsiam præparatis, vti suo loco amplius docebimus.

CAP. V.

*Liquor Vitrioli acidus secundus, vulgè
Oleum Vitrioli appellatus.*

℞. **F**æces ex Spiritu Vitrioli acidi residuas, quæ terram subtenuem purpurascentem referent, & aqua vitæ optima leuiter macera. Deinde materiam istam in retortam accuratissimè luto obductam, camque satis capacem, collo longum & largum habentem, immitte: Sed vide, ne illam materia ista super tertiam partem adimpleas. Imponne deinde furno, igne aperto, cui amplius subsit recipiens. Postea ignem paulatim ad quarum vsque gradum adauge, idque totis *x.* horis, eoque amplius, donec nullum amplius liquorem videas emanare, nec fumum ascendere. Tum enim illum perfectum habebis. Accipe liquorem, qui omnibus suis partibus in recipiente residet, & in balneo Mariæ aquam vitæ separa. In fundo vasis

vitrei liquorem satis grauem & subrubium vel subcæruleum, pro specie vitrioli, gustatuque admodum acidum, qualitatem ignitam corrosiuam manifestè prodentem residuum videbis. Hunc seruabis : Hic enim est oleum Vitrioli more nostro eductum, quod modò fluo, modò rubeo, modò quouis alio colore tingi potest. Quod vt efficiatur, quum nostri non sit propositi, docere supersedeo.

Virtute liquor iste non dissimilis est primo: sed propter causas suprà allatas, maioris difficultatis & longè lentior: Quapropter eum nunquam intra corpus humanum adhibui, nisi cum aliis suis substantiis commixtum: vt capite de Magisterio Vitrioli fusiùs id persequemur. In Chirurgia excellentissimum est arcenum, ad corrosionem carnis putridæ, & callorum plagarum putrescentium extirpationem. Callis & porris manuum pedumue aliquo instrumento euulsis gutta infusa vnica, radicem perimit & ne suberescat potenter prohibet. Operationes tamen istas non absque magno dolore facit. Quocirca non nisi à peritis administrari debet temerè: qui illum & temperate nòrint, carnemque ab inflammatione, aliisque symptomatis defendere. Immissus foramini dentis putrescentis vermem occidit, & vt absque vllò dolore excidat paulatim efficit. Mixtus paululo Nicotianæ vnguento diuersas scabiei & impetignis capitis species, vlcera item corrodentia ad miraculum persanant. Item vnguento additus rosaceo pruritus & scabiem falsam toto corpore tollit. Sed & plurimis aliis virtutibus pollere dicitur. Quas quum ipsi non sumus experti, ad Sal Vitrioli accedimus: Id vnum identidem inculcantes, verè vulgò dici: Experientiam cum scientia conjunctam rerum Magistram esse.

Ad extrahendum Vitriolum albificatum, quod restat in Colcothare, vulgo Sal vitrioli dictum.

Postquam omnes supradicti liquores extracti fuerint, si forte fortuna omne Oleum egressum non sit (cuius signa sunt si purpurei adhuc sit coloris, & ponderosum, quod indicat oleum adhuc inesse, contra si subnigri sit coloris & leue, abesse) extrahere licet vitriolum quoddam album à nobis priori huius libelli editione nominatum Sal vitrioli, infecutis vestigiis aliorum Chymicorum, quod nunc non cognoscimus pro Sale, sed duntaxat pro vitriolo, nam si igni distillandum exponas, egreditur spiritus quidam acidus, aut oleum vti retulimus, & relinquit insuper materiam quandam metallicam terrestrem. Porro modus eius extrahendi talis est. Infundatur dictum Colcothar in quantitate sufficienti aqua calida per horas xxiv. dein coletur & fletretur per chartam bibulam, exhalet lento igne in vase vitreo, vel myrrhino donec in fundo materiam quandam albam exsiccatam inueneris, quæ eiusdem est saporis, vt vitriolum, illaque est vulgo Sal vitrioli dicta.

Interim sæpissime vsus fui hoc vitriolo dealbato vel Sale vitrioli prout appellare licet, reperique re ipsa mereri alias laudes quas ipsi antehac ascripsi, est enim optimū vomitorium, detergium ad purgandum pectus & stomachum ab humoribus phlegmaticis & viscosis, quo liberè vti licet, aduersus indispositionem stomachi procedentem ex dictis humoribus, & aliis, ita vt multo largius à me in Emetologia facta est mentio. Dosis est à gran. x. ad xxx. datur cum iusculo, vel alio liquore, idque mane vel quouis tempore si necessitas requirat.

Substantia cuprea Vitrioli vulgò Sulphur Vitrioli dicta.

Sale, ex residuis, quorum suprà meminimus, extracto, nihil, præter terram nigram, restat, & illam, & ad focum igne fortissimo exsiccat: postea cum sale armoniaco æqualis ponderis intensissimum puluerem redige: & primum igne lento, dein maiores tamdiu sublimato, donec nullum ampliùs fumum altum petere videas. Postmodo materiam illam sublimatam separa, & in vase vitreo satis amplo aquæ communi infusam balneo Mariæ aqua tepida pleno ad horas 24. impone: Vnde subtilis puluis in fundo confidet. Aquà per inclinationem separata, dictum puluerem laua, iterumque laua, donec omnis expers falsædinis deprehendatur: Sicca & ad vsum serua. Inuenias complures, qui puluerem istum sulphur Vitrioli appellant; aliis illum primam substantiam cupri vocantibus. Neque verò id abs re. Enim verò vt gustatu primò cupri similis est, ita illum nunquam postea amittit, & vbi igni fusili subiicitur, pars vna in flammam metallicam comburitur, altera in crucibulo in bonum, malleoque tractabile cuprum funditur. Operatio ista dictam substantiam extrahendi, etiam in Vitriolo crudo fieri potest, in hunc modum: & Vitriolum erudum, ad placitum, illudque in aqua communi, 9. h. dissolue. Postea libræ vni Vitrioli vnciam vnam Salis tartari admisce, & videbis aquam conturbari. Residentia in fundo subsidit: quæ ab aqua separata, vt suprà dictum lauatur. Hæc & gustu & potentia priori non est absimilis. Sunt qui laminas ferri bulliant in vitriolo aqua temperato, qua re substantia ista pariter agglutinator, postea cultro abraditur. Mihi verò non est dubium, istud non verè sulphur appellari: quum omnino metallum, quàm quidvis

Ang. Sala.

aliud referat, quod & de duabus aliis præparationibus rectè dicitur, addo vt in cassum laborent illi, qui substantiam istam pro sulphure embryonato ex vitriolo sumunt, quod omnino potentia anodyna prædictum sit oportet. Hoc enim & horribiles easque profundissimas vomitiones concitat. Quapropter omnino opus fuerit, sulphur Vitrioli alia via & ratione delere. Quod ad me attinet, certè etiam multà obseruatione, nullum hætenus sulphuris istius anodynini indicium, quod est in spiritu Vitrioli sulphureo, nec in odore, sapore uè, nec etiam in operatione deprehendi: Quum tamen effectus iste se, & in spiritu acido primo, & in oleo, qui se ex parte anodynum demonstrat, apertè prodatur. Sulphur Anodynum Paracelso dictum num sit combustibile, liquidum, substantia uè sicca, hætenus haud deprehendi: Sufficiat virtutem ab illo indicatam, Vitriolo ita inesse, vt hoc apud me sit indubium, puluerem istum Sulphur vitrioli embryonatum nominatum falsò ita vocari: Id circo ego, idque propter rationes suprà adductas Substantiam cupream vitrioli nominabo: Sequentibus capitibus declaraturus, quomodo substantia de vitriolo crudo separari possit, quæ effectū suo, se partem specificam anodynam huius mineralis esse arguat.

Virtus substantiæ huius cupræ propria est, mundare plagas putridas, incarnare, & cicatrices, more aris vsti inducere; in vnguentum tamen reducta: vti suo loco planiùs ostendemus.

C A P. VIII.

Terra Vitrioli.

SEparatis septem illis, quas diximus, Vitrioli substantiis, terra quædam subnigra & leuiuscula remanebit: quam in puluerem tenuissimum redactam

Sf

toties aqua comuni lauabis, donec omnem illi extractam falsedinem deprehendas. Siccatam optimè ad vsum reserua.

Habet illa constringendi vim & siccandi: vnde in emplastra & vnguenta siccantia & cicatrices obducentia accersetur.

C A P. IX.

Vitriolum rectificatum purgans.

Postquam in præcedentibus capitibus docuimus, qua via & ratione Vitriolum in octo differentes substantias resolui queat, antequam secundum Tractatum, quem arcanis compositis destinauimus, aggrediamur, nonnullas mineralis istius præparationes diuersas ab illis, quas suprà recensuimus, bona fide tecum communicabimus: initio à Vitriolo rectificato facto, quoad purgandum corpus magno cum successu vtimur. Modus est iste: ℞. Vitriolum Romanum aut quoduis alix tribus illis suprà commemoratis, quā volueris quantitate, contusum optimè, in charta, loco quidem calido, non tamen Soli feruenti expone. Siccatum paulatim, vsque dum colorem album induat, infunde in aquam Centaurij minoris, donec omne dissoluatur. Deinde per filtrum, chartamue cola, dum liquorem limpidum promanare videris. Eum balneo Mariæ injectum ad tertiam aquæ partem distilla. Postmodum vase vitreo ex balneo exempto, in locum refrigerationi accommodum repone; impositis aliquot ligni sectionibus mundis, ita vt fundum pertingant. Circum has Vitrioli pars congelabitur: quam partem deinde separatam siccabis, ita tamen vt colore crystallino resplendeat. Vapore aliquantulum iterato aquâ emisso, refrigerationi denuò, vti dictum, exponitur, tantisper dum Vitriolum omne conglau-

tum fuerit: Quod deinde in vase vitreo bene occluso ad vsum seruatur.

Vitriolum isthoc optimè purgat febre putrida pestilentiali laborantes: Vermes enecat: & contra epilepsiam specificum omnino est purgans. Stomachi putredinem abarcat potenter: sanguinem rectificat, & renes: oppilationes & obstructiones omnis generis aperit: Pesti, aliisque morbis venenatis acerrimè resistit. Aduersus morbum caducum & suffocationem matricis valentissimum est remedium: vt quod aciditate sua matricem putredine leuet, aliasque partes, non secus atque acidum auri chalcum emundat. Dosis eius est à granis 5. vsque ad 7. aut 9. plus, minus, per vicem: pro firmitate tamen constitutionis corporis. Necessitate postulante potest intra 8. aut 10. dies administratio eius duplicari aut triplicari. In febribus putridis manè jejuno stomacho ante paroxysmum cum aqua chæresolij aut aliis aquis mundificando sanguini appropriatis, vtiliter exhibetur. In febribus pestilentialibus quouis tempore, si id requirat necessitas, datur. In putredine stomachi cum vino generoso propinatur, parumper galangâ aut nuce moschatâ correcto: vt & accidentibus matricibus. Contra vermes datur cum aqua hypericonis. In epilepsia cum aqua pæonia, in quam viscus quercinus sit injectus: idque crescente luna, semel in mense. Aduersus venena cum aqua rorismarini sumitur, in quam sex grana croci per vicem fuerint immissa; id quod & in omni icteritia genere facitabis. Proprium hoc habet vitriolum isthoc, vt semper vomitu & secessu corpus purget, ac corpus (si quod aliud medicamentum) vniuersum tentet ac pervadat: idque exiguâ admodum interposita morâ, & quod boni caput est, sine omni periculo. In summa, Medicus, qui Vitriolo isto ritè vti nouerit, verè gloriari poterit, se pretiosum habere arcanum, præcipue complexionibus

robustioribus adhibitum : in quibus delicatoria illa medicamenta vim morborum expugnare minimè possunt.

CAP. X.

Vitriolum regeneratum.

Vitriolum istud regenerati nomine insignitur, quòd ex puris & separatissubstantiis indidem reductis aliud vitriolum regeneratur, quod prius illud potentia & puritate, colore item & odore, adeoque omni qualitate longo intervallo post se relinquit. Modus preparationis est iste : R. Vitriolum crudum, quo retortam ad tertiam usque partem implebis. Hanc luto accuratissimè obductam, ignique aperto appositam more chymico, gradatim distilla, humoreque omni extracto spiritus ultimos igne maximo tres totos dies, totidemque noctes dispelle, donec circa recipientem nullus amplius fumus appareat. Refrigeratis vasis, omnè illum liquorem separato, in quo quinque substantias inesse deprehendes. Deinde de facibus Salem, primamque Cupri materiam per sublimationem separato, uti septimo capite docuimus. Postea liquorem, salem & primam istam materiam Cupri separata commisce, & bene simul occlusa balneo lento per octo dies putrifacito : quo facto subtile à spisso per inclinationem, claritate summa, separato. Hinc dictum liquorem vasi vitreo immisum, balneo Mariæ ad duas tertias liquoris distillato. Residuum ut refrigeretur, bene opertum reponc. Nec dubium, quin intratres aut quatuor dies in fundo vitriolum transparens, coloratumque reperias : quod separari ac siccare debet. Remanentem liquoris spiritum acidum distillabis, substantiam Vitrioli sine omni decretione detrimentouè recepturus. Equidem huius rei periculum feci in Vitriolo Vngarico, & modo iam com-

memorato ita renouari deprehendi ut transpareret, Sapphirique instar carulesceret.

Vitriolum regeneratum omnibus iis viribus pollet quibus rectificatum, de quo capite præcedenti egimus : Dosi tamen omnino minori exhibendum. Nam ut plurimum quinque grana non excedit.

CAP. XI.

Extractum vitrioli anodynum.

Dum diligentius aliquanto scrutor, num in nonnullis substantiis Vitrioli vis aliqua insit narcotica, stupefaciua, & anodyna, quam aliqui sulphuri suo embryonato attribuunt, non potui virtutem eius exactius deprehendere, quàm in sequenti extracto.

R. Vitriolum crudum, quod tibi ex tribus illis supra commemoratis præ aliis sumere libuerit, & optimè contusum Soli siccandum exponito : aut alibi, ubi siccatum in puluerem abeat. Pulueris semilibram in vas vitreum iniicito, quod duas aquæ mensuras, aut amplius capiat : & os habeat strictissimum. Affunde postea triginta vncias aquæ vitæ, quæ optimè rectificata, omniphlegmate careat. Aduerte, ut vas hoc sit siccissimum : nec vlla alia humiditas, præter Aquæ vitæ accedat : (ceterà enim incassus esset labor.) Hinc optime occluso orificio vasis vitrei, ita ut nullus exspiratiōis sit locus, in fimum equinum ad mensis vnus spatium sepelito : Dein ex illo fimo extracto, aquam vitæ per inclinationem separato, facibus tamen imperturbatis : quæ prægnans quasi erit subtili essentia vitriolata, odorem fragrantissimum maluatici moschati adeo potenter referens, ut si illam diutius olfacias, cerebrum quodammodo occupare, & stupefacere, som-

numquē prouocare sentias. Impositam balneo Mariæ ad residendam vsque liquoris flauī, oleo distillato non absimilis, lente distilla: Hinc ignem amoue: & quod elicitum fuerit, ad vsum serua. Est enim aqua virtutis narcoticæ. Quo facto liquorem quoque bene occlusum in vsum repone: qui liquor pretiosum illud extractum est: ac si vere dicitur, vitriolo sulphur inesse anodynum, affirmare ausim, liquorem istum subtilem eius essentiam esse: idque eo magis, quod virtutem istam effectis manifestè prodit. Et mihi verum Balsamum videtur.

Liquoris istius vsus est in morbis, stupescationem & anodyna requirentibus: Potentiā certe, nec opio, nec oleo mandragoræ cedit: & sine periculo adhibetur. Ad reprimendos & coagulandos subtiles illos ascendentes venenosos vapores, qui centro aliquo ad caput eleuati, paroxysmos epilepticos pariunt, singularem vim idque proprietate specifica & occulta habet. Dosis eius est à guttis 6. ad 8. vsque & 12. per vicem, cum vino & aliis liquoribus appropriatis: in quibuscunque morbis, quos vel extirpare, vel reprimere volumus, præsertim in epilepsia, ratio omnino habenda est motus Lunæ, & symptomatum ac paroxysmorum. Tutò tamen bis aut ter Lunæ decursu exhiberi potest. Rarum enim arcanum est, magnunquē. In iis, qui vel ad letharum, vel paralyin, vel torporem sunt procliuēs, non debet propinari: Nam in quibusdam casibus tam nocendi vires habet, quam iuuandi. Medici igitur fuerit videre, quid & quibus conferat, secusue. Nec enim cuiusvis empirici, vetulæ, carnificis, agyræ, & sophystæ est id hoc discernere: Nam & cognitione omni carent, compositionisque Microcosmicæ sunt in experti, sed & causas morborum igno-

rant; itemque quid possit sympathia, & antipathia, quam membra & fructus maioris istius mundi cum Microcosmo habent. Quapropter velim, neminem illotis manibus rem istam aggredi; ne deceptus ignorantia, culpam aliquando in me conferat.

CAP. XII.

Liquor Vitrioli diaphoreticus.

32. **L**iquoris acidi primi rectificati uti Capite quarto docuimus, vncias sex: Salis Tartari, Cornu Cerui, calcinati ana. vnc. ij. commisce diligentissime in mortario vitreo. Deinde retortæ optimè luto obductæ impone, & gradatim in amplo recipiente fac simul distillantur, & postremo igne maximo, donec nulla amplius insit humiditas, nec fumus videatur ascendere: Refrigeratâ ista materia vitæ, liquorem ex recipiente hauri, cui aquam vitæ ad æquum liquoris pondus addes: & bene obturatum ad vsum serua. Valet ad purificandum sanguinem, & abigendam omnis generis scabiem & pruritum. Habet & vires magnas in obstruccionibus ex causis frigidis enatis, aperiendis. Sudorem prouocat in Peste, venenis hydrope, icteritia, contracturis, &c. Dosis eius est ℥j. per vicem an 3 s. cum vino generoso. Sudandum in lecto aut hypocausto calido: Continuari potest ad libitum sine omni periculo, quouis tempore, plus minus, prout necessitatem postulare videris. Efficacem etiam deprehendi liquorem istum diaphoreticum in mundificandis organis pulmonis. Sed & magno cum successu in principio plithisicos adhibui plus semel.

Atque hæc de Anatomia Vitrioli attulisse sufficiat: Nunc ad arcana Vitrioli composita.



ANATOMIÆ VITRIOLI

TRACTATUS ALTER:

In quo de Compositis Vitriolatis agitur:

A V C T O R

CANDIDO LECTORI SALVTEM.



*Q*uanta sit atrocitas peccati, vel inde videas, quod inslus ille iudex propter transgressionem primorum nostrorum parentum terram maledictioni subiecit: adeoque ipsam Naturam nobis aduersari permisit. Hinc fit, ut miser homo nec à vilissimo insecto intus sit; & quavis herbula mortem possit attrahere: cælo quippe ipso & terra contra peccatum armatis: adeo ut vere possis dicere, (nam id ipsa quoque experientia testatur) Hominem Magnetem illum specificum esse, qui omne miseriorum & calamitatum genus ad se attrahit; & maleficum illum Martem, diuinæ quippe ultionis administrum, qui ipsum hominem ad sepulchrum usque indiuisse comitatur. Interim nec hoc negare possis, quo magis miseras istas nostras detexeris, eo magis infinitam Dei providentiam se exercere, quæ liberali sua misericordia nostram istam gehennam quadantenus mitigat; & vult, ut ex illo ipso centro, ex quo tot tantæque mala & incommoda prodeunt, non pauciora nec minora bona proveniant. Exempli gratia: Natura famis, sitis, nuditatis, morborum mater est fecundissima. Quid elementissimus ille Pater noster cælestis? Natura imperat, ut nobis cibum, potum, vestitum; medicinam ipsa suppeditet, ut vitam nostram, dum in hoc mundo peregrinamur, ad extremum usque halitum commodius transigere possimus: ea tamen lege & conditione, quæ Genescos 3. discrete est totidem verbis expressa: In sudore vultus tui vesceris pane tuo. Igitur si frumentum, vinum, vestitum, Medicinam appetis, terram semine conspergito, vineas cole, iumenta pascere, herbas medicas collige: Labora, ut panem, vinum, vestitum, Medicinam habere possis. Quid multus? Tota vita nostra in continuo labore occupatur: Enim vero, quid, anabo, mortalis homo est, nisi miscellus serum, & Natura cultor, quam-

diu terrestrem illam tabernaculi domum inhabitat. Id quod in specie ad Medicum etiam, eiusque artem non male transtuleris. Quæ enim illius in curando agroto principalis opera? Nulla certe alia, quam ut naturam in offensa corporis parte, coadiuuet: id est, ut explicatius loquar, destructorem expellat, regeneratorem naturalem stabiliat & restauret: eumque contra antagonistam suam tueatur & defendat: At enim operationem istam lenocinio verborum certe non fecerit Medicus: Sed nec liberali eius formæ se submittit morbus: Quin naturalibus causis constringantur oportet, quibus talis potentia à Deo præpotente, utroque Machaone est infusa. Sed & materiam, quod vocant, laborare Medicus ut sciat, necessum: eamque coadiuare: quod sit primo quum immunditiem illarum quasi exspoliât: substantias illarum separat, & ad gradum perfectionis reducit. Deinde norit oportet diuersas substantias vnire & conjungere compositumque facere, ut ita virtutem & efficaciam illorum augeat, quasque coadiuuet, & eodem tempore diuersas humani corporis partibus possit assistere, quasque suppetias ferre: Sed & sciat, necesse est, quomodo vehicula danda: & qualitas pro administratione contra infirmitatē inducenda: Qui labores & difficultates omnes cuius vero & solerti Medico notæ sunt, qui videri vult, se & sui ipsius, & artis suæ rationem habere. Equidem dum insignem illam Altissimi Dei erga me liberalitatem aliquanto diligentius mecum considero: ac memoria subinde repeto, quod ille disertè nobis præcipit, ut liberales simus; eaque dona, quæ ille in nos bono publico benigniter contulit, in medium deponamus: facere non possum, quin particulam vel aliquam donorum illorum calitus acceptorum proximo cum meo liberaliter communicem. In priori Tractatu docui, quomodo vitriolum aperias, & substantias eius separes ac resoluas. Hoc altero modum tradam composita quædam faciendi, in qua nonnullæ partes substantiarum illarum quarum mentionem fecimus, ingrediuntur. Medicamenta certe non solum delectabilia, sed ad propulsationem & curationem multorum & difficilium morborum cumprimis facientia. Spero, opellam istam nostram proximo non parum profuturam: sinceritatem item meam pio Lectori probatam iri; cujus iudicium candidum candidè expecto. Proxime, Deo bene iuuante, aliud quoddam volumen publici juris facturus, in quo Pharmaciam Chymicam aliquanto latius in genere persequar. Bene vale, & laboribus nostris faue.

ANATOMIÆ VITRIOLI

TRACTATUS ALTER:

CAPUT I.

Virtus.

Liquor antepilepticus.

Roris vitrioli,
 Aquæ Præniæ,
 Spirit. vini, ana. lib. ℥.
 Spirit. acidi vitrioli. ℥. ℔.
 Rad. Præniæ.
 Visci quercini, ana. ℥. j. ℔.
 Cranij humani. ℥. j.
 Opij Thebaici super laminam ferri
 exsiccati ℥. iij.
 Camphoræ. ℥. ij.

Cranium sit furis ex alto suspensi,
 quod non sit vetustate consumptum.
 Nam, ut omnes aliæ res, ita & crania
 diuturnitate temporis putrescunt, & vir-
 zutem amittunt.

Compositio.

Radix Præniæ, ut & viscus quercinus,
 minutim incidantur: Cranium verò in
 puluerem subtilissimum redigatur: Ca-
 phura in frustula disrumpatur: Opium
 pulverizetur. Dein liquoribus in vitro
 vase, optimè occluso, contentis, ingre-
 dientia ista affundantur: ac fimo equino,
 aut balneo imponantur, ac in digestionem
 per octo dies relinquantur: postea subti-
 le à spisso separetur.

Si qua species morbi caduci est, quæ
 medicamentis naturalibus edomari po-
 test, certè id isto liquore, specifico quip-
 pe arcano, effeceris; id quod ego magno
 cum successu semper sum expertus. Nec
 tamen negauerim, liquorem istum in pe-
 culiari quodam epilepsiæ genere, quæ
 causam à narcotico & stupefactiuo vapo-
 re interno trahit, locum non habere: is
 enim membris paroxysmo laborantis,
 stupefactis, pedes & brachia ita disten-
 dit, ut solis nervis & ossibus constare vi-
 deatur. Aded tactum omnem caro occu-
 lit. Hinc est, quoddam isti generi aliis me-
 dicamentis sit occurrendum. In aliis sym-
 ptomatibus istius speciebus manè ieiuno
 stomacho sæliciter exhibetur, si initio
 mox à decretione Lunæ facta per 6: aut 7.
 dies id continues: còque magis, si liquor
 iste aliquoties mox à paroxysmo præbea-
 tur. Dosis est à semidrachma ad drach-
 mam vnam pro vice, plus aut minus: pro
 ratione ætatis patientis cum aqua aliqua
 specifica, morbis istiusmodi appropriata.
 Suffocationem matricis, durante pa-
 roxysmo cum vehiculis matricialibus
 propinatus, illicò dispellit.

Quod si ante paroxysmum præbeas,
 diueri certè suffocationem experieris.
 Atque hoc est, quod de liquoris istius oc-
 casione, speciminis vice, obiter semel in-
 dicasse volui. Cætera profiteor me non
 instituisse hic integram medendi metho-

dum traderè. Sufficiat modò, arcana quædam iis, qui aliqua iam artis principia habent, de longè digito quali commostrarè. Generatim tamen dixerò, Medici munus esse, non in istis tantùm morbis, verùm etiam aliis symptomatum generibus curandis, authenticè procedere: aliisq; etiam columnis, requirente necessitate, de quarum stabilitate certus sit, inniti. Tales fuerint phlebotomia, diætæ naturalis præscriptio: corporis per purgationes euacuatio, obseruatio item symptomatum & alterationum successuarum, aliæque consimilia, quibus vim morbi iam his, iam aliis mediis edomet ac profliget. In quo omnis Medici scientia consistit. In numerum specificorum medicamentorum, quibus purgantium loco in commemoratis morbis vti soleo, veniunt, Elleborum præparatum, & effensificatum, Vitriolum repurgatum, Vitriolum regeneratum, Diana purgatiua (cuius nomine argentum intelligo,) Mercurius Martialis, & alia id genus, quæ pro varietate causarum, regimine item & autoritate Planetæ prædominantis adhibeo. Sed & diligenter quo in elemento paroxysmus prærumpt, animaduerto. Id quod à quouis pio & solerti medico, feliciter Medicinam facere volenti, requiritur. Scientia enim curandi morbum talem non potest vno folio tradi. Quod in limine tractatus huius nostri semel idè dixisse volo, vt si quis artis imperitior in arcana ista mea incideret, ac se adiutum illis, miracula paraturum consideret, spe falsus, culpam in me non coniiciat, (nec enim ea me præstaturum, iam nunc edico:) sed in se ipsum totam conferat, vt qui, quum nec à Deo, nec à Natura huc sit vocatus, certè veram medicamentorum præparationem haud teneat, regularum item & fundamentorum scientiæ Medicæ planè sit expers, tamen rem tantam, manibus illotis, quod dicitur, sit aggressus.

Pulvis contra epilepsiam infantilem.

- ℞. Cranij humani,
Corallorum rutillantium,
Vngulæ Alcis calcinatæ,
Margaritarum oriental. ana. ʒ. ʒ.
Aque Fl. Tiliæ, ʒ. viij.
Spir. vitrioli. ʒ. viij.
Sem. Pæoniæ excort. ʒ. ij.
Camphoræ. ʒ. j.
Ol. Maioranz gut. xij.

Compositio.

CRanium, Corallium, Vngulam Alcis, & Margaritas in puluerem subtilissimum redige; postea liquoribus omnia ista affunde: exinde in arena calente per dies 8. digerito: postmodum humiditatem omnem igne lento elcito, donec remanentia sicca in fundo vasis resideat. Digestum exime: quod calcem longè albidissimam referet. ℞. deinde dictam calcem, additisque reliquis ingredientibus omnia optimè in mortario vitreo incorporata, subtilissimè puluerato: Puluerem diligentissimè obturatum ad usum serua.

Virtus.

Pulvis iste contra epilepsiam puërorum & alios paroxysmos vel timore, vel vermibus causatos, præsentaneo remedio exhibitur. Potest autem omni tempore & hora, necessitate postulante, porrigi: Datur cum aqua aliqua destillata, aut cum iusculo: tenellulis cum lacte propinatur. Dosis est à granis tribus & quatuor in maximè debilibus. Auætor tamen cum ætatis accretione exhiberi potest: & reiterari, si requirat necessitas. At infantibus modò natis per 7 aut 8 dies continuos sub

sub vesperam præbitus, tutos eos à memoratis accidentibus præstabit. Dosi præscripta singulis septimanis per totum semestrem à malo caduco potenter præseruat: ita tamen vt dosis pulueris, pro symptomatum incurfu, subinde augeatur. Sedat etiam puluis iste tormina infantium, si ex cochleari pleno oleo amygdalarum dulcium & recentium propinetur. Phlegmata enim illa frigida, adeoque quemuis peccantem humorem purgat, qui stomachum propter alterationem lactis lactentium occupauit: & infantes ab illa corruptione potenter præseruat, quæ vermes abundanter gignit & producit.

Mulieres, quæ vel tremore cordis, vel syncope crebrius laborant, eoque liberos epilepticos vt plurimum pariunt, puluere isto bis aut ter singulis mensibus scrupuli pondere per vicem cum aqua maioranæ sumpto, mirè se iuuari sentient. Quod si 6. aut 8. diebus manè ante partum exhibeatur, naturam confirmat, à præternaturali item pauore defendit: cor lætificat, & partum optatum, Deo bene iuuante, procurat, non sine magno liberorum beneficio, quos ita à plurimis paroxysmis ab epilepsia prouenientibus præseruat. At si mulieri grauidæ, quæ, laxata matrice, abortum timet, & infantem sensum putat descendere, per aliquot dies manè & vesperi pondere semisrupuli per vicem cum iusculo porrigatur, aut confectio ex illo paretur, mirè retentiuam matricis virtutem fortificat, adeoque arborescens, vt ita dicam, cum fructu suo restauratam, ad iustum pariendi tempus confirmat. In summa, & minoris ætatis hominibus & maioris, itémque mulieribus, tutò, magnòque cum successu exhibetur: adeoque optandum esset, vt obstetrices omnes tam in vicis, quàm in vrbibus arcanum isthoc præstò semper haberent. Certè & mulieribus, & infantibus præsentaneo isto remedio, quouis in accidente, opitulari possent faciliùs.

Ang. Sala.

CAP. III.

Liquor Cardiacus.

℞. Fol. Melissa exsiccatorem,
Fl. Borrag. diligenter exsiccat.
Sem. Ocimi caryophyllati,
Rad. Doronici,
Cinamomi electissimi, ana. ʒ. ij.
Ligni Aloes resinosi,
Croci Anglici opt. ana. ʒ. j.
Ambra grisea, ʒ. j.
Spirit. Vini odoriferi. ʒ. v.
Spirit. Vitrioli acidi gut. i. x.

Infundantur omnia in vase vitreo bene clauso, & digerantur sub simo equino per mensem integrum: deinde exprime, colatur per chartam, & adde.

Syr. de suc. Citri,
Granatorum,

Violarum,
Borraginis, ana. ʒ. ij.
Misce, & ad vsum referua.

Virtus.

Liquor iste ad semidrachmam, vel etiam drachmam integram pro vice, cum aqua sanguinis Cerui per Balneum Mariæ distillatæ, præsentaneo remedio aduersus palpitationem cordis propinatur. Iteratus septimana duabus aut tribus vicibus, si quæ alia Medicina, cerè liquor iste causam istius symptomatis tollit: & si accedente paroxysmo exhibeatur, feruorem palpitationis mitigat & diuertit. Possis tamen loco aquæ memoratæ, cum vino, iusculo, aut alio aliquo liquore exhibere: Nisi pro præseruatiuo vii velis. Tunc enim præstat ipsam aquam habere cuius mentionem fecimus: Specifica quippe virtus illi inest, mirè aduersus cordis palpitationem efficacis. In tremore cordis & dolore præcordiorum cum aqua florum saluix aut borraginis admi-

T t

nistratur: Cum vino optimo, maturitate suam assequuto, aliquoties in septimana datus Melancholicis, obstructum splenem aperit: cerebrum corroborat, flatus discutit, & cor mirè exhilarat.

Phreneticis serò quum cubitum itur, ex aqua hypericonis aut betonicae fœlicifimè exhibetur.

CAP. IV.

Liquor restauratiuus.

℞. Mellis virginici recent. & fragrantissimi lib. ij.

Roris vitrioli,

Flor. Borraginis,

Buglossi, ana. Lib. ℞.

Cinamomi viscosi (si haberi potest) vel loco eius Cinamomi officinar. communis. ℥. ℞.

Misceantur in vase vitreo, & digerantur per horas xl. postea distilletur: donec omnis humiditas egressa fuerit, in qua addatur Spiritus Corallorum rutilentium per arenam distil. & per B. M. rectificati. ℥. j.

Circulentur in Sole vel sub fimo equino per mensem: & seruetur ad vsum.

Virtus.

Liquor iste in consumptione corporis tam generali quàm particulari, ex superflua Microcosmici salis adustione causata, presentaneo remedio, quippe arcano, exhibetur. Nam si patiens ille aliquandiu mane & vespere, pondere vnus aut alterius drachmæ pro vice vtatur in iusculo, aut pulli optimè cocti brodio, sanguinem regenerat: calorem nimium extinguit: digestionem iuuat: somnum conciliat: totumque adeò corpus restaurat: adhibita tamen conuenienti diæta, id est, si laborans interea cibis digestibilibus, humectantibus, & restaurantibus

vescatur: vñctiones idem adhibeat: aliisque regulis, quæ in hoc casu omnino requiruntur, insistat, & in imbecillitate cerebri, siccitate causata, nobile certè & excellens est arcanum, si eo aliquandiu manè ieiuno stomacho vtaris.

CAP. V.

Balsamum vitriolatum.

℞. Olei vitrioli drachm. x.

Florum sulphuris vitriolat. vnc. j.
Myrrhæ electæ.

Aloës succotrinæ ana. vnc. ℞.

Olei de baccis iuniperi clari vn. v.

Olei anisi vnc. j.

Ad producendos flores sulphuris vitriolar. ℞. Vitrioli siccati & ad albedinem redacti lb. 2. Sulphuris flauī lb. i. Sublima in arena, in vtrinali, luto optimè obducto: cui galea sit imposita. Vbi sulphur omne ascenderit, Vitriolo alio ingesto tertia vice sublima: & florem habebis sulphuris, quem expetimus subtilissimum.

Compositio.

Contundenda contendantur subtiliter, postea reliqua omnia ingredientia ampullæ immittantur: quæ vltra materias iniectas ad duas tertias vacua remaneat. Optimè deinde obturata in arenam imponitur calore naturali excoquenda, & ad mensem integrum ibi relinquitur. Inde liquor obscure rubeus elicetur, odoris acuti, qui per inclinationem à residentia separatur. Operatio ista æstatis tempore ad solem, in hyeme supra fornacem hypocausti, cui arenæ aliquantulum subfit, institui potest. Residentiæ siccata vsus est in quibusdam emplastris, aut vnguentis consolidantibus.

Virtus.

Balsamum hoc miræ est efficaciæ in asthma, peripneumonia, empyremate, catharro: adeòque omni genere tussis putridæ. Nam defluxiones capitis sistit: cerebrum corroborat: phlegmata viscosa incidit: pectus aperit: thoracem & pulmonis organa mundificat: internas ulcerationes consolidat. Sumuntur quotidie tres aut quatuor guttæ pro vice cum vino generoso, aut cum iusculo. Partes item principales communit: & sanguinem à putredine præseruat.

Administratum eo, quo diximus modo, valet contra febres putridas: matricem mundificat, & confortat: menstrua prouocat.

Ad plagas veteres & putridas optimum item est remedium. Nam eas & emundat & carne obducit: & puncturas recentes brevissimo temporis spatio, sine ulla sanguinis corruptione consolidat. Exhibitum cum vino, tormina ex causa frigida & humida ortum ducentia dissipat. Nam & status discutit, urinamque & sudorem ciet.

CAP. VI.

Liquor contra Pleuritidem.

- R. Syr. Papaueris Rhœadis,
Card. benedicti,
Spiritus sanguinis Cerui per arenam
distillati, & per B. M. rectificati
ana vnc. j.
Spiritus Vitrioli acidi gutt. xxx.
Misce.

Virtus.

Liquor iste vires contra Pleuritidem magnas habet. Considerandum tamen hæc quoque vulgatum illud: Me-

lius est præuenire, quam præueniri. Id quod fiet, si mox, ubi vel leue aliquod indicium morbi istius senseris, affecto duas drachmas vel tres, liquoris istius cum iusculo calido illico propines: Sudorem item, nulla interiecta mora, prouoces, venamque basilicam ex opposito punctiois incidi cures: immò si necessitas postulet, ex utroque brachio sanguinem ea quantitate, quam feret cuiusque complexio, elicias. Sed & ipse liquor duplo aut triplo, urgente necessitate, augeri potest. Obseruanda etiam venit conueniens diæta: & à vino planè abstinendum, donec feruor morbi debullierit. Exinde paulatim concedi vinum potest, idque vel merum, vel dilutum, temperatumue, pro elemento, quod prædominari videris, & affecti aitate. Liquor iste sudorem, lotium, & sputum ciet: & specifica sua virtute morbum illico in suo centro indagat, & sanguinem in fluxu suo retinet.

Sumptus per interualla matutino tempore grassante pleuritide, rarum elixir præstat, quo corpus ab internis Apostematibus & suppurationibus potenter defenditur.

In conuassatione totius corporis sanguine extra suum centrum per iuncturas aliquas excurrente, cum infusione betonicæ, aut florum hypericonis, millefolij, pentaphylli, & similibus, manè & vespere propinatus, sanguinem illum ad locum suum retrahit: coagulatum mundificat & consolidat.

In fracturis ossium cum infusione consolidæ aut serpentariæ porrigitur: quæ infusio cum vino aut iusculo fieri debet.

CAP. VII.

Confectio contra Dysenteriam.

- R. Conseruæ rosarum rub. drachm. x.
Lacrymæ Draconis subtil. pul. drach. j.
gran. x.

Laūdani opiat. opt. gran. xxliij.

Spirit. Vitrioli acidi gut. xxliij.

Misce.

Virtus.

Confectio hæc prodest Dysenterix; fluxui Hæmorrhoidum, sanguinis fluxui ex ore, & naribus; itémque profluuiis menstruorum in mulieribus.

Dosis est à scrupulis duobus aut quatuor: exhibetur in Syr. Cydoniorum vel Granatorum, aut alio liquore appropriato, mane aut serò exigente necessitate, repetendo bis aut ter, si opus fuerit, donec fluxus desierit.

C A P. VIII.

Liquor contra Prunellam.

℞. Rosi vitrioli,

Aquæ cancerorum vna. vnc. v.

Spirit. vitrioli acidi drachm.ß.

Ad aquam Cancerorum parandam ℞.

Cancros viuos & recentes: contusos per Balneum maris distilla.

Compositio.

Très istos liquores in vas vitreum infusus simul commisceto.

Virtus.

In prunella & angina cochleare liquore isto plenum, affecto ter aut quater in die pro vice vtiliter propinatur: Lingua tamen petia in liquore isto priùs madefacta, abluenda. Extrahe etiam quàm primum sanguinem ex venis sub lingua: & mirum videbis proculdubio effectum. Applicatus erysipelis, inflammationes earum tollit.

Liquor contra Arenam.

℞. Spiritus vitrioli acidi drachm. x.

Tartari albi pulu. vnc. j.

Aquæ ardentis ex baccis iuniperi & radice raphani sylvestris abstractæ. vnc. liij.

Aquæ sanguinis hædini vel leporini vnc. vj.

Radic. Glycyrrhizæ recentis vnc. ij.

Aquam Iuniperi à raphano sylvestri abstracturus, ℞. Radic. raphani sylvestris minutim incisi. ℥iij. Aquæ de baccis iuniperi. ℥viiij. Infunde per horas 30. postea per balneum distilla. Aquam verò ex sanguine hædino extracturus, ℞. Sanguinis hædini, & per cineres sine aduisione distilla.

Compositio.

Liquoribus omnibus simul commixtis tartarum affunde subtiliter pulueratum; Liquiritia manutim incisa, & per 8. dies digere: postmodum clarum à spisso separatum ad vsum seruatur.

Virtus.

Liquor iste plurimum efficacix habet ad dissoluendam & expellendam arenam rubeam, & alias tartaritates internas. Mundificat renes: incidit & resoluit materias illas viscosas & tenaces, quæ nonnunquam officium vesicæ, vt & organa vrinæ, obstruunt: vnde stillicidium lotij, stranguria, & alia id genus symptomata oriuntur. Dosis est à drachma vna ad duas pro vice: si requirat necessitas, cum iusculo, in quo radices petroselinæ aut pimpinellæ hortensis sint incoctæ. Vitandi interim cibi tartarosi & conglutinales.

Iis qui de calculo dubitant, optimùm præseruatium est, si guttis aliquot huius

liq̃oris singulis diebus mane, aut aliquoties in septimana vtantur.

CAP. X.

Liquor contra pestem.

Pestis, siue ex intemperie elementari, à malis influentiis cælestibus, siue operatione aliqua malefica, siue quacunque tandem causa originem ducat; siue simplex sit, siue composita; communiter tamen hominem eo sine aggreditur, vt illum derepentè peremptum è medio tollat. Id quod quatuor istis modis confecturam se sperat. Primò cor cum reliquis partibus nobilioribus inficit: Secundò spiritum vitæ suffocare tentat: Tertio sanguinem putrefacit: Postremò partes quoque internas exulcerat. Nempe eò tendit, vt putrefactione sua resoluat, & saltem Microcosmicum acuat: qui, vbi primum cum veneno pestifero commixtus est, non secus, ac aqua fortis, ex vitriolo & nitro composita, proximum quidque solet corrodere. Ex quatuor istis, quorum modò mentionem fecimus, principalibus operationibus, plurima, eaque longè diuersissima & periculosissima accidentia exsurgunt: vt sunt paroxysmi febriles, tam frigidi, quàm calidi: intensissimi capitis, aliarumque partium dolores, deliria, furæ, tremores & palpitantes cordis, syncopæ, deliquia, punctiones, pleuritis, prunella, angina, dysenteria, halitus suffocatio, spasmus, stupiditas, priuatio sensuum: apostemata, carbunculi, vesicæ & maculæ in cute: adeoque infinita alia symptomata pro varietate causarum, complexiorum, & constitutionum corporis infectorum. Id quod experientia, grassante peste, nimis abundè testatur. Quid igitur? Si cogitet Medicus, compositum aliquod præparare, quod contra omnes

Pestis species vniuersim in genere efficax sit, sequentes habeat proprietates, necessum fuerit: nempe sit alexipharmacum, diaphoreticum, elixir, anodynum & cordiale. Alexipharmacum, vt specifica sua natura vim habeat venena Pestifera retundendi, perimendi, dominandi, & expellendi. Diaphoreticum, vt subtili sua penetrantia omnia organa Microcosmi aperta & munda habeat, quò spiritus vitæ liberè hinc inde commeari, & sine vilo obstaculo à capite ad pedes usque continuè circumagi possit. Elixir, vt natura sua & qualitate corpus à putredine tueri, & liberatum in suo statu conseruare possit. Anodynum, vt dolores illos vehementes, in quacunque corporis parte, vniuersim mitigare, internis item inflammationibus resistere: & erosiones internas ab acumine veneni, & mordacitate salis Microcosmici consolidare possit, Cordiale denique, vt cor iuuat: latitiam adaugeat: cerebrum corroboret: memoriam confirmet & iudicium: debilesque illas meticulosas animi impressiones, nonnunquam plus mali, quàm venenum ipsum apportantes, diuertat. Has, inquam proprietates habeat, necessum est Compositum illud, quod Medicus, sæuiente Peste, pro antidoto, & quidem discussio vniuersali, dispensare cogitat. Quod ad eius præparationem, extra controuersiam est, morbum essentialem, penetrantem & repentinum esse: igitur medicamentum etiam necessariò subtilissimum sit oportet, & essentiale, vt in centrum morbi illicò transire possit, illùmque profigare; cæterà oleum & operam perdideris. Id quod physicè intelligi volo, non Theologicè. Neque enim quicquam decreto Altissimi derogari, quem noui vitam nostram certis limitibus circumscripsisse: adeoque cum Anna, Samuelis Prophetæ matre fateor, Iehouam vnum illum esse, qui in mortem tradit, & in vitam

restituit, ad sepulchri limen deducit, & ex eodem pro beneplacito suo reducit. Sequitur descriptio ad gloriam Domini, liquoris nostri contra Pestem, quæ examini subiectus, multæ omnino efficaciae esseprehendetur.

Liquor contra Pestem.

℞. Spirit. ardentis Baccarum Iuniperi vncias viij.
 Spirit. Tartari rectificati,
 Spirit. Sanguinis Cerui ana vnc. iij.
 Spirit. Vitrioli gut. lx.
 Cinamomi electissimi,
 Ligni Aloes resinosi,
 Zedoariae,
 Croci Anglici,
 Myrrhae Troglodit. ana vnc. β.
 Laudani opiat. optimi drachm. ij.
 Infundantur in Balneo Mariæ per horas xl. deinde separetur subtile à spisso per inclinationem, & seructur in vase vitro.

Virtus.

Mirabiliter hic liquor resistit Pesti & aliis speciebus venenorum. Si quando pro antidoto uti velis, dosis erit à x. xv. vsque ad xx. guttas, pro constitutione personarum, ex cochleari cum Syrupo de succo Citri, Buglossi, Borraginis, vel Violarum, singulo mane jejuno stomacho. Sed iis qui iam Peste affecti sunt vel veneno, dabitur drachma vna, quatuor scrupuli, vel drachmæ duæ secundum vires agroti & vehementiam veneni, bene cooperiendo ægrum, ut sudor prouocari possit: idque reiteretur semel, bisue, si necessitas requirat: ut si ita in tempore opportuno administretur, hoc modo venenum domari, & ipsius vehementia compesci poterit, & postea facillime eius curatio absolui, obseruatis obseruandis: quæ methodus Medica requiritur ad pro-

figanda symptomata præsentia, & ad rescocillandas vires ægrorum.

Emplastrum magnetinum in Peste.

℞. Gummi Sagapeni,
 Ammoniaci,
 Galbani ana ꝑ iij
 Cerae
 Terebinthinæ larignæ ana ꝑ iij & β.
 Magnetis arsenicalis ꝑ iij.
 Terræ Vitrioli lotæ ꝑ j.
 Olei succini ꝑ j.

Magnetem arsenicalem ita conficies:

℞. Antimonij crudi, Sulphuris flauī, Arsenici crySTALLINI ana ꝑ j. Puluerentur omnia subtiliter: & in vase vitreo in arenam calentem imponantur, & tādū in illa relinquantur, donec materia ista omnis colliqueſcat. Id quod inde cognoueris, si materies stylo ferreo tacta, illi adhærescat, & terebinthinæ instar, ductitur. Colore est rubea, sub obscura, postea infrigidatur: deinde rupto vrināli, eximitur materia: quæ in vnā massā concurrīt, & dura est, instar picis. Huius materiæ sapiūs in canibus, felibus, & gallinis in magna copia periculum feci. nec deprehendi eam illis vllum nocumentum attulisse. Applicatae plagis, nullam (aliorum venenorum more) inflammationem parit, & tamen corrosiua est. Vnde quæ sit artis nostræ dignitas & amplitudo, qui non videt, nihil videt. Certè ea & venena docet corrigere, & in optima & nobilissima medicamina conuertere: magna Naturæ arcana in aperitum producit: sympathiamque & antipathiam rerum manifestat: fundamenta item extruit, quæ ad compositionem medicamentorum cumprimis faciunt. Certè si veneno collo appenso, quo tempore Pestis solennis est, proprietates aliquæ inest, quæ corpus ab infectione defendat: multò magis veneno isti mortificatæ proprietates inerit, quæ venenum illud inq̃

carni inhærens, tanquam suum simile, potenter attrahat.

Compositio.

Tria illi gummi dissolue vnciis xx, acceti scillitici: Postea solutionem illam per pannum lineum colatam exprime: quam deinde tamdiu bullire cures, donec accutum fuerit consumptum. Excipe pauxillum spatulâ, & infrigida: dum videas ita induruisse, vti quum gummi essent. Serua in loco calido, donec cum residuo incorporaueris. Quo facto, accipe ceram & terebenthinam, fac vt simul ad lentum ignem in sese coeant: Remota à calore, aliquantulum agitato, donec ad spissitudinem vnguenti reducantur. Deinde adde gummi iam ante soluta, & vti diximus, cola: postea adijunge magnetem arsenicalem subtiliter pulueratum; terram vitrioli, & oleum succini. Postremò pastillos forma; & corio, vesicae, oleo Scorpionum inuncta, inuolue.

Virtus.

Emplastrum hoc apostematis, aut carbunculis Pestilentialibus, vti moris est, applicatum, illicò ea maturat: rumpit, & venenum, vti suum simile, ex imo, magnetis instar, potenter attrahit: aded, vt si illo, quantum opus fuerit, vtaris, non sit, quod dubites, apostemata ante iustum tempus occlusa iri, & venenum ad cor recursurum, quod aliàs haud rarò euenit. Nam attractiuum hoc non repercutit venenum, sed simul omne extrahit, & apertum vlcus coire non patitur, donec caro omnis emundata fuerit. Mundificatum malum sufficienter, emplastris consolidantibus cura. Impositum vesicæ, aut aliis emunctoriis venenum cumulatim ex centro ad se in cutem educit. Idem scrophulas, si quod aliud medicamentum,

(expertus loquor) personat. Nam illas purificat, & materiam peccantem à longinquiorebus partibus attrahit, per 5. aut 6. septimanas operans, postea illas nullo etiam illito vnguento, consolidat. Adhibenda tamen veniunt purgantia specifica; & obseruanda aliæ regulæ Medicæ; si honorem ex curatione adipisci sit animus. Applicatum plagis putridis & venenosis, quæ non facile curationem admittunt, intra biduum, aut triduum venenum in cutem educit, & in nigerrimam & putridam escharam condensat; quam, butyro recente emollitam, spatula auferre potes, plagæ fundo rubeo & mundissimo facto. His effectis, nisi planè fallor, quiuis iudicauerit, emplastrum istud nostrum raræ esse virtutis. Cui si antidotum nostram, cuius paulò ante mentionem fecimus, addideris, procul dubiò curationes longè felicissimas, ad Altissimi Dei laudem & gloriam, euidentemque ægrotorum languentium reualescentiam facere poterimus.

Vnguentum Saturninum Vitriolatum.

℞. Lithargyrij argentei pul. vnc. iij.
Salis Vitrioli, siue Vitrioli albiscati,
Salis Tartari ana scrup. ij.
Aceti Sambucini lib. j.
Fiat vnguentum, vt sequitur.

Infunde Lithargyrium in acëtum, & in arena calente per 3. aut quatuor dies relinque, & quotidie semel aut iteratò, agitato, postea per chartam cola. Liquor inde prolicitus clarus est, & dulcedine ad saccharum accedit. Adde duo memorata salia. Postmodum humiditate extracta, quod in fundo album, instar alabastri, residebit, per distillationem separa.

Sed quomodo illo vtendum?

℞. Vnguenti Rosati,

Olei amygdalarum dulcium ana.
vnc. iij.

Extracti modò memorati drach. v.

Optimè in mortario vitreo incorpora-
tum, in vnguentum albissimum redigi-
tur, cui x. grana caphuræ addantur.

Virtus.

Vnguentum istud dolores vlcerum
corrodentium lenit & mitigat, erysipelas
item, tertio aut quarto impositum.

Miræ etiam contra pruritus, & diuer-
sas scabiei species efficacis est : mundifi-
cat, consolidat, & lenit quamvis asperita-
tem carnis, & peculiari quadam proprie-
tate anodyna multos dolores mitigat, qui

ab erosionibus salis & venenosis humori-
bus causam trahunt.

Hæc sunt quæ breuiter indicanda duxi
quantum ad dissectionem, vel Anato-
miam, & vsum Vitrioli, ad elucidatio-
nem & instructionem vniuscuiusque qui
illis indigebit : quod non dubito quin
beneuolus Lector in bonam partem
sit accepturus.


PSALM. II. I.

*Non nobis, Iehoua, non nobis, sed No-
mini tuo da gloriam, propter beni-
gnitatem tuam, propter
veritatem tuam.*



PRÆFATIO AD LECTOREM.

Nouem, plus minùsue anni sunt, ex quo in Heluetia degens, præsentem hunc Tractatum de ANATOMIA Viurioli conscripsi, & bibliopola cuidam quinque aut sex dierum itinere à meà habitationis loco commoranti euntgandum tradidi. Quem cum in lucem dedisset, aliquot eius exemplaria ad me transmisit: in quibus cum insignes aliquot maximique momenti errores commissos esse animaduertirem, præcipue in ponderibus & dosibus medicamentorum à me præscriptorum; præmittere non potui, quin ideò quàm primum per literas significarem: quo factum est, ut dicti errores Indiculo quodam comprehensi, Tractatus istius calcei subijuncti fuerint. Cum tamen tandem nihilominus deprehenderem quam plurima exemplaria jam antè disracta fuisse, quàm dicta Errata excuderentur; ac etiam postea sine eodem Errorum indiculo dinendita; idque maximo meo cordolio, & detrimento operis, (quippe cum indebita medicamentorum copia aut periculosa aut inefficax sit,) Nunc demum offerente se noua opportunitate recudendi dictum opus, quod alij cuidam meo Tractatui (cui titulus ANATOMIA ANTIMONII) sociare ac subungere in animo habebat Typographus; opera pretinm fore putavi non solum monere Beneuolum Lectorem Errorum istorum in priori editione commissorum: sed etiam eosdem planè emendare, totumque adèò Opus quamplurimis in locis resingere, augere, ac illustrare: declarando nimirum latius & explicando, quid sit VITRIOLUM; emendando aliquot Formulas antè paulò aliter à me conceptas, abijciendo quasdam alias, & in eorum locum surrogando sapiusculè aliquot iis meliores, prout tempus mihi post priorem editionem experientiâ duce, quid dignum quod dicti Operi adjungeretur, suggestit. Quod ipsum homines recti iudicii, animique beneuoli, boni consulere dignabuntur, considerantes quòd (ut omnes viri sapientes affirmant) longus rerum usus & experientia confirmare nos, confidentioresque reddere consueuerint, in iis præsertim rebus, quorum notitiâ antea non usque adèò consummatam habebamus. Vale, Beneuole Lector.



B R E V I S DEMONSTRATIO.

*Qui sit VITRIOLUM, aut è quibus substantiis sit compositum: & quantopere
fallantur ij, qui Vitriolum, & aquas Vitriolatas re ipsà Ferrum in
Aes transmutare posse opinantur.*



VITRIOLUM, quod & Atramentum luto-
rium Latinè, & Chal-
canthon Græcè nun-
cupatur, Arabicè Cal-
cand, & Alcalcadis;
Gallicè Vitriol, aut Coupperose; Italicè
Vitriolo; Hispanicè Caparosa; Germa-
nicè Kupfferwasser, & Belgicè Koper-
root; est substantia satis cognita per vni-
uersum terrarum orbem; præsertim cum
reperiatur non solum in Cypro insula,
Hispaniis, Hungaria, Italia, Gallia, Ger-
mania, Britannia, Leodicensi territorio,
& aliis quamplurimis regionibus & pro-
vinciis; sed etiam maximo in usu sit apud
Medicos & Chirurgos, quid illud medi-
camenti suis accensent; apud tinctores,
qui illud ad pannos nigro colore imbuen-
dos vsurpant: apud bibliopolas aut scrip-
tores, quo atramentum suum scripto-
rium conficiant; apud aurifices, vt ex eo
aquam Fortem aut Separationis dictam
conficiant; ac demum apud quampluri-
mos Alchimistas, qui quam maximè sa-
tagunt vt per hoc minerale opera sua
iucundissimæ spei ad optatum finem per-
ducant. Vitriolorum autem varix sunt
species, variique colores, iuxta differen-
tem naturam mineræ quam in sese ha-
bent: quantumvis, quod ad acres eorum

substantias aquosâsque attinet, in omni-
bus eadem prorsus ac vniufmodi repe-
riantur. Præcipua verò genera Vitrioli,
quorum hoc tempore maxima apud om-
nes est existimatio, sunt tria. Primum est
caruleum, Sapphiri instar, compactum
frustulentumque vt saccharum Candi,
quod vocant, nitidum splendidumque,
quodque tangenti siccum apparet, nullò-
que madore manus humectat: Hungari-
cum cognominant. Secundi generis Vi-
triolum est sub viride, herbacei coloris,
magis granulatum grumosumque, instar
salis communis, paulum vinctuosum, ma-
nuisque tangentis adhærens: atque opti-
mum huius generis Vitriolum, ex Brunf-
wicensi territorio ad nos infertur. Ter-
tium genus Vitrioli est album, in for-
mam paruulorum panium effictum, pla-
num, solidum, ponderosum & tactu sic-
cum. Cum itaque Vitrioli vsum inire vo-
lueris ad curationem alicuius morbi aut
affectus suaserim vt vnū ex tribus prædi-
ctis speciebus sumatur: ac præsertim secū-
di generis Vitriolum, quod sub viridis
coloris esse prædixi, si id haberi queat: ca-
uendo quàm maximè ne eius loco suma-
mus minutulum illud Vitriolum, sub-
caruleum, pallidulum & aquosum, ma-
nusque tangentis madefaciens, quod
passim venale prostat: tale enim non est

de quo loquor, aut cuius usum inire velim. Quod ad essentiam compositionemque quorumcumque Vitriolorum generatim attinet, Physicorum & Chymicorum de eis diuersæ sunt opinionēs atque sententiæ. Quidam enim eorum asserunt Vitriolum esse materiam præcipuè compositam ex Alumine & Sulphure: quidam existimant esse peculiare quoddam sal, propriè salium generi accensendum; quin & ipse Paracelsus libro 1. De Rebus Naturalibus cap. 8. huius sententiæ se autorem esse declarat, dum ita inquit: Natura producit salem quandam, qui Vitriolum appellatur, &c. Cuius opinioni ego adhæsisse me profiteor aliquamdiu; tamdiu, inquam, donec rem ipsam contrario prorsus modo sese habere, animaduerti. Quod ad primos attinet, si autumant Vitriolum materialiter ac reapse compositum esse ex Sulphure & Alumine, opinionis suæ valde falluntur; præsertim cum Vitriolum, dum vitrum calcinatur, nullum de se indicium signumque det, quo ad alterutrum dictorum referri possit. hoc enim pro exploratissimo habemus, corpora omnia quibus sulphuris materialis portio aliqua inest, ne leuissimum quidem ignis contactum (ut ita dicam) pati posse, quin quam ocysimè deprehendamus separari dictam substantiam sulphuream à reliquis, ac in fuliginem abire, aut incendi, flammamque de se dare, sicut Sulphur consuevit; quod numquam adeò occultare potest proprietates suas, quin statim detegantur & in lucem protrahantur. Id quod in Antimonio, Auripigmento, Marcasitis, & quamplurimis aliis similibus corporibus manifestissimè apparet: quæ corpora, cum sulphureitatis alicuius participia sint, quantumvis fixiora, id est, compactiora solidioraque sint quam est Vitriolum, confestim tamen & quam primum ac ignis examini committantur, naturam suam prodere compelluntur:

quod in Vitriolo neutiquam fieri solet. Adhuc Alumen & Sulphur partim ob aquositatem vnius, partim ob vntuositatem alterius, usque adeò inimica inter sese sunt corpora, ut non diutius permista ac iuncta permanere queant, quam Aqua & Oleum simul vnita subsistunt. Ob has igitur, aliasque nonnullas rationes, quas in medium proferre possem, manifestum clarumque satis est, Vitriolum nullo modo compositum esse materialiter ac reipsa ex duabus prædictis substantiis, Alumine inquam & Sulphure. Sed si ista eorum mens est, ut innuere velint, Vitriolum compositum esse ex eadem substantia aut spiritu acri, ex quo sulphur, ex eadem aquositate, ex qua Alumen subsistit; hoc intellectu neutiquam à vero aberrare censendi sunt. Verum enim est accuratissimum, omnia corpora acida mineralia aut subterranea, acrimoniam suam obtinere à sulphure, quod est vnica basis (ut ita loquar) & origo absoluta, sine vlla aliunde veniente occasione, omnium aciditatum mineralium: ac proinde omnia corpora quæ consistentiam Vitrioli aut Aluminis habent, aquosa (& in igne solubilia liquabilia) humiditatem splendoremque suum ab vna eademque communi Aqua conquisiuisse, tam vnum quam alterum: sed quod ea aliquo modo discrepare, & à sese inuicem differre facit, seu forma seu gustu, seu alio quocunque modo, id, inquam, aliquid terriū est, ut paulò infra clariùs patebit. Vitriolum præterea non est Sal aliquis, nec generi salium annumerandum venit. Omnia enim corpora quæ salium nomine censentur, non solum modo differunt odore, colore, gustu, & aliis proprietatibus, à Vitriolo: sed & corpora simplicia ac incompressa habenda sunt, si cum Vitriolo comparentur, quæ ipsa producta generatæque sunt singula ex proprio suo peculiarique Ente, quod mirabiliter creatum, destinatum & ordinatum fuit in istum finem à nostro Crea-

tore, à principio mūdi, haud secus ac alia omnia semina & Entia reliquarum quarumcumque Rerum. E conuerso, Vitriolum (quantumuis procedat à prouidentia Summi & Æterni Creatoris, ad humani generis bonum) non est corpus aliquod procedens à particulari aliquo Ente, ad eius productionem destinato: sed est corpus quoddam accidentaliter constructum, ex concursu coincidentiaque diuersarum rerum, simul & eodem tempore ac loco. Vsq̃ue adeò vt sine errore graui Vitriolum numero salium inferi neutiquam possit: quæ salia eius sunt naturæ, vt colorem, odorem, gustum, aliàsque suas proprietates conferuent, pertinaciterque retineant vsque ad tentamentum magni vehementisq̃ue ignis, sine vllâ mutatione: nam id pauculum eorum quod in vasis distillatorijs remansit, post longas violentissimāsque distillationes; ac id ipsum quod in flores sublimatum est, sursumque raptum, eandem semper albedinem, fragrantiam, ac denique gustum salis constantissimè custodit: quod in Vitriolo neutiquam percipitur. Hoc enim facillimè mutatur, varios colores asciscit, separatur, & in diuersas & à sese inuicem valdè differentes substantias abit. Vitriolum igitur non est materialiter compositum ex Sulphure & Alumine, nec etiam ex substantiis similibus sali: sed est corpus compositum in imis terræ visceribus, ex spiritu sulphureo, aqua & minera Æris, Ferri, aut vtriusque in simul permixti. A spiritu sulphuris acrimoniam suam acquisiuit, & facultatem causticam: ab Aqua, claritatem, & fluiditatem: & à Minera (siue Æris, siue Ferri, siue vtriusque) colorem & gustum metallicum. Vtilitatem ne proterre, duobus hisce irrefragabilibus exemplis peruincam: primum est, quando Vitriolum demembratur & anatomizatur (vt ita dicam) vi ignis, separatur in tres hæc præcipuas substantias, Aquam videlicet, Spiritum

sulphuris, & Mineram: secundum est, quod per medium coniunctionemque trium prædictarum rerum artificiali quodam modo Vitriolum facere possimus, quod eandem formam, colorem, claritatem, splendorem vitreum, pondus, odorem, gustum, aliàsque proprietates obtinebit; & in examine ignis eosdem profus colores de se promet, eosdemque profus effectus dabit; quos in naturali Vitriolo recens è minera desumpto, quotidieprehendimus: cuius rei omnes docti expertiq̃ue Chymici testimonium perhibere possunt; & adhæc modus quem inferius docebimus, eius artificialiter conficiendi, clarissimè demonstrabit; vt ij qui huius rei ignari sunt, certiores doctioresque reddi queant. Quocirca nullum, prorsus dubium est, quin Vitriolum eo planè modo compositum sit, quem supràmemorauimus. Si verò (considerando rationem modumque quo Vitriolum artificialiter fieri solet (ratiocinari, indagareque velimus, quo pacto Natura (destituta manibus operaque hominum, & igne materiali) easdem operationes ad effectum perducere possit, hoc modo super hac re argumentando procedemus. Primò, præsupponere, pro certoque assumere debemus, in visceribus terræ ignem quandam latere naturalem, qualitate & facultate prorsus talis qualis est ignis elementaris in alio quouis loco supra terram. Itaque planè eo modo quo ignis qui vrere debet & vires suas ostendere, subiectum aliquod habet, quale est lampas, oleum, & sub camino lignum aut carbo (quorum omnium copiam satis largam nobis vbi vis terrarum fecit Deus Optimus Maximus) ita etiam, eodemque prorsus modo, in vasis & matricibus seu receptaculis terræ (in quibus mineralia generari, coqui, & produci debent ac solent, vnumquodque iuxta speciem suam) idem ille Deus mirabiliter prorsus suppeditauit igni isti concluso subiectū quod-

pian, quod proprium cœu oleum, ad incendendum flammamque elicendam ipsi existat: quod ipsum nos sulphur esse, iudicare pronunciaréque audemus. Hæc duo itaque, cooperando simul in propriis suis vasis, non solummodò vsum habent requirunturque ad coniunctionem mineralium; sed & eodem tempore duobus aliis vñibus inserviunt: primus est, quoddam quamplurimos fontes scaturiginesve aquarum, aut balnea calida producant, qualia diuersis terrarum locis videre licet: secundus, quoddam præparant Menstruum quoddam aut Soluens (vt appellatur) idoneum ad producendum Vitriolum. Scire enim debemus, sulphur, postquam ab igne naturali, in dictis terræ concauitatibus incenditur, emittere è corpore suo spiritum vaporémque quemdam admodum acrem, & corrosiuum, qui cadens in aquam circum circa inuentam (nam in omni profundo terræque concauo loco plerunque Aqua reperiri solet) illam pariter acidam corrosiuamque reddit (haut aliter quàm videre datur, quando volentes imitari Naturam, sulphur accendimus, vaporémque eius vase aliquo aquâ pleno per temporis aliquod spatiû recipimus) quæ postea Menstruum euadit, ad dictam operationem requisitum. Hoc Menstruum aut Soluens (quocunque demum nomine id appellare libeat) vim habet talem, quæ possit dissoluere *Æs* aut *Ferrum* (eo modo quo Aqua Fortis Argentum separat & soluit) vt experientia ipsa quotidie nobis in Spiritu Sulphuris manifestè declarat: Cum itaque Menstruum istud, locum aliquem, cui minera *Æris* aut *Ferri* subest transeundo peruadit, tunc nobis pro certo persuadere debemus, eodem etiam tempore dissoluere aliquam eius (*Æris*, aut *Ferri*) portionem, tantam nempe, quantam secundum proportionem acidî spiritus, qui in ipso est, dissoluere aptum aut potens est. Quo factò, videbis paulo post liquo-

rem inde aliquem prouenisse viridem aut subluteum, odoris metallici & sulphurei; acris seu acidî potius & adstringentis saporis: ex quo liquore separamus congelamusque Vitriolum istud, quod est corpus hoc essentialè, de quo præsentem sermonem instituimus. Sed si quis forte verbis meis fidem adhibere non velit, sine vltiori inquisitione, is legat historiam illam quam Galenus (libro 9. de simpl. medicament.) de Chalcantropo recitat: ac insuper illam quam refert Matthiolus (in Commentar. suis in Dioscoridem libro quinto, cap. 74.) de Vitriolo agens: & duobus hisce exemplis adigetur incitabiturque ad intelligendum credendumque de hoc subiecto quodcumque à nobis hætenus memoratum fuit. Atque hæc sunt quæ dicenda habui de substantiis ex quibus compositum est Vitriolum; & quomodo Natura eas simul coniunxerit adunaueritque.

Interea tamen nequiquam obmittere possum, quin respondeam quatuor dubiis seu interrogationibus quas aliquis hosce meos sermones legens, proponere possit.

1. Primum dubium est: Si spiritus sulphuris est præcipua principalisque ac maxime actiua substantia tam Alumnis, quam Vitrioli; vnde quæso procedit, quod ista duo, in forma & colore vsque admodum inter sese discrepantia sunt & diuersa?

2. Secundum dubium est: Si vapor prodiens è sulphure est causa omnium aquarum acidularum mineralium; vnde procedit, dictas aquas differentes esse inter se qua gustu qua odore?

3. Tertium: Si à combustionè Sulphuris in visceribus terræ (vt diximus) proueniunt Balnea, aut Fontes & scaturigines calentes; quænam est causa, propter quam fit, vt maxima earum aquarum pars nihil participet ex acrimonia Sulphuris, posteaquam vapor sulphuris

quascunque alias aquas apprime acidas reddit?

4. Quartum : Si aqua est corpus seu subiectum in quo perficitur mixtio reliquarum substantiarum , quare tandem euenit, quod omnia Vitriolorum genera non reperiuntur semper in aquis , aut in forma liquida , vt supra dictum est ; sed quod reperiuntur in minera & materia solida, quam dissoluere debent opifices , antequam Vitriolum separari possit?

RESPONSIO. I. Quod ad primum dubium attinet: Quantumuis dictum à nobis est , Alumen & Vitriolum acrimoniam suam obtinere, nec non corpus fluidum, à dicto spiritu sulphuris, & ab vna eademque aqua , tam hoc quam illud ; non tamen inde eadem opera asseruimus, soliditatem ipsorum amborum ab vna eademque materia prouenire: Sciendum itaque nobis est, differentiam istam procedere à tertia quapiam re , quæ nihil aliud est quam minera , quæ illis corpus & soliditatem impartit. Itaque sicut Vitriolum habet peculiarem suam mineram, siue Æris, siue Ferri, quæ ipso soliditatem dat; ita etiam vicissim Alumen habet propriam suam mineram seu fodinam quæ nihil aliud est quam lapis seu petrarupium, vnde & nomen suum Alumen de Rocha , id est, Rupe, acquisiuit. Atque hæc est causa, quare veluti Æs & Ferrum differunt à Lapidibus colore, odore, gustu & proprietatibus; eodem etiam modo discriminata inter sese sint Vitriolum & Alumen , vt quotidie videmus. Quod ipsum tamen non euenit ob aliquod discrimen quod est inter illorum acidum spiritum, aut aquositates, sed originem suam habet à differentia & varietate corporum mineralium, quæ singulis ipsorum soliditatem & colorem impertiunt, vt demonstratum est. Et qui hoc fundamentum perceperit, animoque impresserit (habens insuper & cognitionem corporum metal-

licorum , Marcasitarum , Lapidum , & aliorum similium mineralium corporum) poterit quin etiam iudicare non solum vnde veniat tam varia rerum compositio ; sed etiam quid reuera sit Chalcitis, Misy, & Sory ; de quib. Galenus, tam. 4. quam. 9. libro de Simplic. Medicament. cum maiori admiratione locutus est, quam de aliis mineralibus fecerat. 2. Quod ad differentiam attinet, quapropter nimirum vna aqua acidula aut mineralis, in gustu, odore, & viribus ab altera aliquo modo differre videatur: Illud ipsum non debemus attribueredifferentiati Sulphuris aut Aquæ : nam sulphur semper est & manet sulphur , & Aqua semper Aqua ; quando simpliciorum substantiam contemplamur, sine aliarum rerum permutatione. Atque hinc fit, quare, vt quomodo quotidie experimur, quod proficiendo particulam (minutissimam licet) Æris, Ferri, Orichalci, Plumbi, Antimonij, Marcasitæ, Lapidis Hematitidis, Gagatis, Boli, Ochreæ, Terræ sigillatæ, aut aliarum similium; in sufficientem copiam quantitatemue puri Spiritus sulphuris , hoc ipsum ei odoris aliquid & simplicis acrimonie adimere, aut immutare potest: similiter etiam & eodem prorsus pacto in aqua acida accidat: nam cum ipsa, meando per varios canales & terrarum diuersa genera, in illo transitu varia mineralia aut peruadat, aut aliquo modo tangat, aliasque quam plurimas res , quæ ipsam alterare mutareue possunt : consequenter etiam hinc prouenire potest, quod tantam diuersitatem saporum quotidie in aquis acidulisprehendamus : quantumuis reapse basis ipsarum & præcipuum fundamentum sit Spiritus Sulphuris, vt diximus. Quod tamen intelligendum est de aquis quæ proprie acidæ existunt : nam reperiuntur & aliæ quædam aquæ, quæ salæ sunt, aut nitrosæ ; quæ ipsæ insuper & differentes inter sese sapores habent ; secundum di-

necessitatē rerū quibus permixtæ sunt, de quibus hoc loco minutatim agere, non est huius instituti. 3. Quod Sulphur sit vnicum subiectum sub terra, quod accensum ubi fuerit, calfacit concava minerarum seu fodinarum, & omnes aquas Balneorum calidorum in quocunque tandem angulo terrarum ea reperiantur; nullus equidem Physicus seu Naturalium rerum indagator, aut Spagiricus recti iudicii, inficias ibit, aut aliter credet imaginabitur: præsertim cum pro certo habeamus, nullam reperiri aliam combustibilem materiam, sub terra, quæ magis idonea sit ad conseruandum durabilem ac quodammodo perpetuum quemdam calorem, efficiendumque aquas quasunque calidas & medicinales, quam hæc substantia Sulphuris, de qua nunc agimus: Cuius quinetiam rei euentia exempla videmus (vt plerique autores testantur) in sulphureis istis montibus, qui iam aliquot centenos annos emiserunt & emittunt continuè ac sine intermissione flammæ & vapores: in quorum montium circuitu non reperiuntur solum Balnea & Limositates calidæ, sed & cavitates ac specus, vsque adeo vt propter immensum calorem qui inibi assidue est & manet, nemo in iis locis diu morari valeat: Id quod nobis exemplo esse debet ad hoc propositum nostrum astruendum: Quod nimirum, cum reperiuntur balnea calida quæ acrimonia sulphurea prorsus carent, vsque adeo vt ipsorum aqua sit propemodum dulcis; inde facile colligere & iudicare possimus, hoc prouenire ex eo quod scaturigo eiuscemodi aquarum sita sit prope aut circa ignem sulphureum; eo tamen loco, ubi caloris vim percipere quidem possit, nec tamen à magno incurfu acrium ab eo procedentium vaporum ferriatur; qui vapores in alio fortassis latere montis aut loci prædicti spiracula sua habere, exhalareque possunt: aut quia di-

cta aqua est in tanta copia eo loci coacervata, vt omnem aciditatem diluat; aut etiam quod proportio vaporum sulphureorum, qui sese dilatant & dispergunt per illam aquam, non sufficiat ad reddendam dictam aquam planè acidam: aut tandem quod propter rapidum aquarum cursum, non possint dictæ aquæ tantum acoris acquirere, quantum assumerent, si ipsis diutius in dictis locis quiescere liceret: Non enim statim consequitur simul atque vapor sulphureus aquam attigerit, eam inde confestim acidam reddi; sed hoc fit spatio & longitudine temporis, & intelligitur propriè de aqua non currente, sed quæta, aut quæ lento motu rapitur, & cui non magna mixtio alterius dulcis aquæ accedit aut concurrit. Adhæc etiam euenire potest, aquam quandam calidam (quantumuis in prima scaturigine acidâ fuerit) amittere aciditatis suæ magnam aut aliquam saltem portionem, relinquendo sulphureos suos spiritus affixos lateribus torrentis aut terræ mineralis per quam fluit, antequam ad locum perueniat in quo coacervari, colligi, & in usum conuerti possit. Ita vt hinc concludere nobis liceat, omnes aquas calidas minerales, cuiuscunque tandem saporis ea sint, recipere calorem suum ab igne subterraneo sulphuris, siue is flammam edat, siue calefaciat modo fermentationis (vt exempli gratia calorem istum in fimo equino operari videmus) per coniunctionem alicuius alterius rei, quæ substantiam ipsius igneam mouere apta est, aut alio quocunque modo: nam hoc nostris oculis quidem est incompertum; eodem prorsus pacto quo nobis occultum est, qualiter tandem aut quo modo ignis animalis robur suum exerceat, operationesque suas edat in corpore omnium animalium, tam in digerendo coquendoque cibos, quam in separando putissimas alimento-

rum substantias & in bonum nutrimentum ac sanguinem alioſque diuerſos humores conuertendo. 4. Quartum dubium quod attinet : quantumuis materia Vitrioli non extrahatur ſemper ex corpore aliquo liquido, aut lixiuio preparato ſub terra, vt diximus; ſed etiam reperitur in ipſa terra aut maſſa ſolida, in modum mineræ aut fodinæ: Hoc ipſum tamen nullo modo impedit, quo minus neceſſarium ſit & maneat, Vitriolum tam vnum quam alterum produci per adhærentiam (vt ita loquar) Spirituum ſulphureorum ad quodpiam minerale corpus. Nam ſiue dicti ſpiritus ferantur ducanturue per medium aquæ cuiuſdam in aliquam fodinam ſeu mineram, & ex hoc proveniat lacus ſeu ſcatutigo. quædam Vitriolata; ſiue ex corpore ſuo egredientes dicti ſpiritus penetrent intrentque forma vaporis in quandam mineram, & per nullam quidem aquæ copiam aut decurſum eo deferantur, ſed ſolummodo ab ære humido qui circumcirca iſta loca obſidere ſolet, maſſam quandam Vitriolatam ſolidam producant; ſiue denique alio quocunque modo: Illud ſemper aſſiduoque cogitandum obſervandumque nobis eſt, pro axiomate indubitato; Omnia Vitriolorum genera ex tribus iſtis rebus componi, Spiritu (inquam) ſulphuris, Aeræ, aut Ferro, & Aqua: Cauendo quinetiam ne falſæ huic opinioni aſſentiamur, illorum qui credunt Vitriolum reperiri, cui Argenti aut Auri portio aliqua inſit. Nam primò, Spiritus Sulphuris non eſt ſatis efficax ad diſſoluendum Argentum, ſine interuentu ſpiritus Nitri, quæ duo aquam quandam Fortem conſtituunt, aptam ſeparando diſſoluendoque Argentum: qualem liquorem nunquam legimus in vlla Hiſtoria, quæ vero conſona ſit, ſub terra repertum fuiſſe: nam ſi talis aqua in fodinis reperiretur, proculdubio penetrando dilatandoque Argenti fodinas, eas plane corrumperet; vſque adeò

vt Argentum à maſſa ſua ſeparatum, aut vix reperiretur aut humano generi nulli vſui foret: id quod hac de cauſa Creator omnium rerum Deus neutiquam permittere voluit. Secundò, adhuc multo minus poteſt Spiritus Sulphuris diſſolvere Aurum (vt pote cui planè inimicus exiſtat, ipſum potius indurare, & fractu facile reddere, quam in liquorem conuertere valens) niſi intercedat Spiritus Nitri ſupra nominatus & ſal Armoniacum inter ſeſe permixta; ex quibus Aquam quandam diſtillando conſicimus, quam Regalem cognominant, ea de cauſa quia diſſoluit Aurum in liquorem quandam, qui eſt Rex metallorum omnium: quæ ipſa tamen aqua fieri poteſt (eſtque multo melior) ex duobus poſtremis, Nitro, inquam, & Sale Armoniaco, ſine admixtione vlla Spiritus ſulphurei (qui in Vitriolo reperitur, quo vtimur ad conſiciendam Aquam Fortem:) qui ipſe, inquam, Spiritus Sulphuris neutiquam neceſſarius eſt ad diſſolutionem Auri. Quum itaque euſcemodi ſpiritus actu & reiſa ſub terra non reperiantur, qui Aurum & Argentum diſſolvere queant, eodem modo quo Spiritus Sulphuris Ferrum & Æs diſſolunt: ſtultitia mera & magna foret, credere Vitriolum quoddam ex Auro, aut Argento proveniens reperiri poſſe: quantumuis euſcemodi Vitriolum præparari artificialiter poſſit per propria ipſorum ſoluentia ad talem vſum facta.



PRÆPARATIO

PRÆPARATIO
VITRIOLI
ARTIFICIALIS,

secundum descriptionem

OSWALDI CROLLII,

in Basilicâ Chymicâ.

*Modus faciendi Vitriolum è Venerè
& Marte, sine corrosiuo.*

TOtum artificium est, vt metallum bene per Sulphur calcinetur.

RE. Laminati Ferri, vel Veneris, id est Cupri (vna enim est vtriusque via) quantumvis. Scinde in frusta magnitudinis semidaleri. Fac stratum, super stratum, cum Sulphure puluerizato in tigillo lutato; pone in igne Rotæ: Ignis ab initio tigillum non attingat, sed paulatim ad mouendo augendus est: quem vltimò fortificabis. Ita accenso Sulphure calcinantur prædictæ Laminæ, quod intra horam absoluitur. Vbi omnia refrigerunt, exime nigrocineritiam materiam instar Æris vsi: & tritam cribra, eamque in ollâ non vitreâ apertâ positam per transfusum (vt in præparatione Vitri Antimonij fit) moue diligenter, supra ignem carbonum ne liquefeat, & Vitriolum in Cupro euanescat: sic Sulphur incenditur vel euaporat: moue cum ferro, vel cupreo instrumento, prout Vitriolum facere intendis, de latere ad latus. Vbi ferro vult adherere, tunc satis est; & ab igne auferatur. Puluerizatam hanc Veneris calcem pondera: & ad quamque libram accipe sulphuris tres lotones: misce, & in olla pone ad latus: moue supra lentum ignem

Ang. Sala.

per quadrantem horæ: vt vltimò olla quasi candeat: tunc Cuprum mollescit instar pastæ, & ferro adhæret: Frigescat, ac tritum cribretur. Adde denuò ad libram vnam tres lotones Sulphuris: calcina, vt antea, per quadrantem horæ. Hoc quinques, sexies, vel septies repetitur; tunc calcinatio est absoluta. Nota diligenter, vt Calx semper bene siccetur, & ad libram j. saltem vncia cum dimidiâ Sulphuris præcisè sumatur. Calcem metalli tritam minutissimè accipe, & affunde in patinâ ligneâ aquam calidissimam; soluetur. Calx & aqua è Venerè erit cærulea: cola; colatam euapora supra ignem incoquendo donec mediocriter quasi crustam acquirat: reliquum è frigido concreseat. Sic habebis è Cupro pulcherrimum Vitriolum cæruleum, è Ferro viride. Fæces in aquæ fundo remanentes sicca, & non solutas iterum cum Sulphure calcina, vt priùs fecisti, seruato pondere priorii. Postea Lixiuum fac: quod filtratum euaporabis. Hoc repete, donec tota Calx in lixiuum abeat: Inde terreo vase Gorlicensi aut Wallenburgensi, vel cucurbitâ magnâ vitreâ (caue ne rumpatur) fac euaporet, donec crustam nanciscatur: pone in loco frigido: tunc in fundo Veneris Vitriolum in strias desidet, sapore subdulci. Aufer aquam, & sicca crystallos concretos. Aquam remanentem iterum incoque parum; & in frigidum locum si colloquetur, denuò concresecant lapilli; reïterando, donec totum in Vitriolum abeat. Possunt etiam bacilli imponi, vt Vitriolum eo melius adherere possit. Sulphur illorum fundum petens, seorsim seruetur ad suos vsus. Ex his duobus Vitriolis Ferri & Cupri, Spiritus & Oleum præparari Chymicè possunt vulgari ac cognito modo, longè maioris efficaciar & virtutis quàm è Vitriolo communi. Hoc pacto habetur Fons acidus artificialis. Acetum Esuriuum est in hoc Sulphure Vitriolato sine corrosiuo præparato perfectum Arcanum

Xx

in corroborando languente ventriculo, &c. Hactenus Crollius.

Potest & fieri Vitriolum Artificiale, fumendo sufficientem copiam Aquæ communis (cui olei Sulphuris tantum additum fuerit, vt planè acida reddita sit) & dissoluendo in eà limaturam Ferri aut Aeris: hinc lixiuium clarum inclinando ad latus, exhalando, & procedendo vt dictum est. Præterea poterimus Limaturam dictorum Metallorum indere cuidam vasi vitreo, aut terreo Colonienfi bene vitrato: incendereque sufficientem quantitatem sulphuris, vsque adeò vt eius fumus præcipitetur in dictum vas supra Metallum: donec videamus illud planè viridescere, aut cærulescere, & humidum redditum instar pastæ: atque hinc Vitriolum inde eximere per aquam, modo quem prædiximus. Plurimis præterea aliis modis idem Vitriolum artificiosè parari potest: sed cum modus procedendi quem Crollius dedit, expeditissimus sit & optimus omnium aliorum, ob hanc causam eum hoc loco citare maluimus, quàm minùs commodos aut faciles tantquam meliores prædicare aut commendare. Interea tamen considerare aliquantisper debemus finem & titulum huiusce processus: ex quo apparet dictum Crollium intelligere, velle, Vitriolum istud fieri sine corrosiuo: quod reapse tamen longè alio sensu capiendum est. Nam, quantumvis Æs, Ferrum, & sulphur, singula seorsim, & integra si considerentur, nullum in sese corrosiuum habere videantur: nihilominus tamen, si oculos mentemque ad internum spiritum Sulphuris conuertamus, (qui calcinationis vi actius & efficax redditur) comperiemus quòd is demum ille est qui calcinat metallum, qui eius pondus adauget, qui eius colorem immutat, qui illi fluiditatem impertiens, illud in fluidam aqueamque substantiam seu aquam conuertit; breuiter, qui operis huius caput est, & tanquam anima Vitrio-

li; quod cum ita sit, certo cèrtius est, nos nequitiam pronunciare posse, Vitriolum absque corrosiuo factum esse: præsertim cum manifestum satis sit, Spiritum Sulphuris semper corrosiuum existere, adhæc, oleum quod ex hoc Vitriolo artificioso seu factitio distillatum fuit, adeò corrosiuum & vehemens esse, quàm vllum aliud, vt Autor ipse, vbi de dosi huius olei agit, hisce verbis affirmat: Datur in Aquâ Acetosâ vel specificâ alia potandæ tot gutta, quot dentes stupidos non reddant, manifestam tamen gustui aciditatem concilient: per se nullus sit eius vsus, sed cum vehiculo, & parcus. Dicendum igitur nobis est, Crollium cum satis exploratam haberet corrosiuitatem (vt ita loquar) huius Vitrioli factitij, sciretque absque corrosiuo præparari non posse; intelligere voluisse, non sine corrosiuo, sed sine ope corrosiui vulgaris, qualis est Aqua Fortis vulgo dicta, aqua Mercurialis, & alij liquores corrosiui nocui (cum quibus Alchymistæ Vitriolum præparare consueverunt) Vitriolum hoc fieri posse, ope nempe Spiritus sulphurei, qui (si cum prædictis perniciosis aquis conferatur) corrosiuus dici vix debet, cum tam Sulphur integrum, quàm eius Spiritus in corpus humanum assumi sine noxa (cum iudicio tamen vsurpandum) & possit & consueuerit: Id quod cum aliis corrosiuis aquis tentare non auderemus. Atque ita debet intelligi Crollij sensus, in dicto titulo. Iam verò inferre aliquis posset, si Spiritus & Oleum Vitrioli artificialis seu factitij, tantam aciditatem & corrodendi vim habent, quantam in Oleo & Spiritu è naturali Vitriolo extractis percipere solemus: in quem usum aut finem tantum laborem & molestiam subimus in præparando Vitriolum artificiale; posteaquam naturalis Vitrioli tantam copiam multo viliiori præcio habere quimus? Huic quæstioni ita respondebimus: Notitia huius rei, eiusque præparandæ scientia nobis ad hoc est vti-

lis, ut huius exemplo discamus, & quodammodo oculis nostris conspiciamus ex quibus substantiis compositum sit Vitriolum naturale; quo percepto, tanto facilius indagare poterimus unde proveniat eius forma, color, gustus, facultas & operatio: quæ alioqui sine hoc artificio percipere vix potuissemus. Ad hoc præterea scientia hæc nobis utilis est, quod nimirum quando Vitriolum operationi nostræ submittimus, quod præparatum à nobis est ex sincero puroque Ære aut Ferro, ex purâ Aquâ, puroque Sulphur; tunc nihil erit quod ullo modo suspicemur de impuritate aut permixtione rei alicuius præuæ aut nociuæ, quæ in Vitriolo naturali aliquando reperiri posset, exempto quippe ex fodinâ aut loco aliquo cui Auripigmentum aut concursus spirituum Arsenicalium & malignorum subest, qui ipsi infectionem aut malignam aliquam impertire possent qualitatem, ut interdum euenire compertum est. Nam alioqui Oleum, quod extractum fuerit ex bono & puro Vitriolo naturali; & id quod ex Artificiali confectum est in quantum videlicet dijudicari potest ex ipsorum colore, odore, pondere, sapore, facultatibus & proprietatibus in vniuersum) à sese inuicem discerni non quirent: imò ne ab Oleo quidem Sulphuris distinguere possent. Et reuera nihil hæc quam vna eademque substantia sunt: excepto solummodo hoc, quod nimirum, si vllam particularem vim habeant differentem ab Oleo Sulphuris, oportet ut eam acquisierint & retinuerint à Metallo quopiam cui adhæsit aut vicinum fuit in naturali suo loco istud Vitriolum; id quod experientia ipsa nos docere debet: nam Physicis rationibus id indagari aut percipi à nobis nequiret. Quamtuus enim Spiritus Sulphuris (quâdiu subsistit in compositione Vitrioli) gustum quendam metallicum in sese retineat, & differentem à simplici Spiritu Sulphureo; interea tamen quum distillatio-

nis vi separatus fuerit & abstractus à metallo cui adhæsit, gustum & puram suam acrimoniam de nouo creassumit, talem prorsus qualem simplex Spiritus Vitrioli habere debebat. Atque hæc sufficient quantum ad definitionem Vitrioli. Nunc itaque ad reliqua pergendo, progrediemur ad examinandum num Vitriolum ipsum vim aliquam habeat transmutandi Ferrum in Æs, nec ne.

Magnus est numerus Alchymistarum, ex eo ordine hominum, quos, quia ad conquirendum Aureum Vellus plenis cupiditatis suæ velis rapiuntur, verè Argonautas vocare possemus, (de Lapidis Philosophalis quæstoribus loquor) qui pro irrefragabili exploratissimaque regulâ seu Maxima tenent, Vitriolum vim habere transmutandi Ferrum in Æs. Ad cuius opinionis tutelam (præter autoritatem Paracelsi & aliorum Rabinorum Chymicorum, ut ita eos appellem) hoc præcipuo & principali argumento vtuntur; & isti præsertim exemplo innituntur; historiæ nimirum seu relationi quorundam qui afferunt fontes Vitriolatos in Hungariâ, Suecia, aliisque locis reperiri, in quibus intingendo Ferrum, ibidemque per spatium aliquot mensium relinquendo, colorem suum amittit, & assumit crustam quandam crassiusculam; ex quâ postea fusa satis magnam boni & puri Æris copiam colligunt distorum fontium patroni, ex quo (detrahis sumptibus ad fusionem separationemque necessariis) redditus censusque non contemnendos quotannis reportant. Hoc exemplum, inquam vsque adeo est efficax, & ita apud dictos Alchymistas inualuit, ac pro indubitato receptum est, ut quâdo agitur de astruendâ veritate, approbandisque proprietatibus incogniti etiam ipsis Lapidis Philosophici, per medium naturalis cuiuspiam exempli, statim ad hoc prædictum recurrant, existimantes sese per hoc argumentum, cum summo suo honore, imò quam

evidentissimè conceptam suam opinionem defendere, inuiolatamque tueri posse. Nam (inquiunt) posteaquam res manifestissima est, & toto terrarū orbe decantatissima, Ferrum posse mutari naturaliter in *Æs* purum & bonum; quare non credemus fieri posse, vt naturale quodpiā corpus in mundo extet, quod vini habeat transformandi metalla impura in purum Aurum aut Argentum: Certè si boni isti viri nullum aliud norint fundamentum cui innitantur, nullamque certiore spem habeant, quā freti, bene de euentu suo ominari, & de inuentione Lapidis sui Philosophici augurari queant; nā illud ipsis certò affirmare poterimus, inniti eos scipioni fracto: nam existimantes Ferrum transmutari in *Æs*, in dictis fontibus, opinionis suæ mirum ac miserum in modum decipiuntur: Ferrum enim semper manet Ferrum aut abit in scorias excrementaque petrosa dum funditur, quale naturaliter existit: & in hac operatione nullus alius Ferri est vsus, quā vt attrahat ad se dictum *Æs* quod est in istis scaturiginibus aquosis, & reducat id tanquam in formam Tartari, quando inde exemptum fuerit; vt postea separari à sese inuicem per fusionem commodè possit; ita tamen vt Ferrum ipsum nullo modo transmutetur, aut pondus *Æris* augeat. In hoc enim consistit rei huius cardo, quòd reductionem metalli ad debitam suam consistentiam ac veram puramque formam quam habere debet, pro transmutatione interpretantur: in quibus duobus verbis aut terminationibus (vt loquuntur) tanta est diuersitas, quanta inter diem & noctem. Verum enim verò, vt rem hanc in longum deducamus & explicemus, quo tyrones ac nouitij artis Chymicæ amatores manuuci instruique possint, ij præsertim qui intrinsecam fundamentalēque ac veram cognitionem essentia, naturæ; & operationum plerarumque rerum, quantum eius fieri potest,

comparare sibi student; in hoc negotio ita progrediemur. Primò intelligenda nobis est vera ac legitima significatio duarum istarum vocum, Transmutationis, inquam, & Reductionis. Transmutatio igitur (quando nimirum propositum nobis est, transmutare metalla per viam projectionis, fusionisue seu liquefactionis, aut similem modum) debet esse integra & perfecta mutatio formæ, coloris, proprietatum & virium vnus metalli in alterum. & qui id Trās substantiationem appellaret, magis adhuc propriè loqueretur: quoniam ad perficiendam eiusmodi mutationem exactam, necessariò opus est, vt eadem substantiæ rei alicuius alterentur & mutantur prorsus, asciscentes sibi aliam formam & perfectionem, quam antea non habuerant. Alioqui enim possumus, ignis vi, rem aliquam, quæ liquida erat, fixam, firmam seu stabilem reddere ac coagulare; & rursus rem aliquam, quæ fixa, dura & coagulata erat, liquidam facere: possumus quinceriam eadem ignis efficacia rem quampiam quæ nigra erat, albam, luteam rubram, obscure purpuream reddere; & vice versà: vt & alias quamplurimas similes mutationes & alterationes rerum, quæ tamen perfectæ & propriè dictæ transmutationes non sunt, quotidie per ignem facere consueuimus. Redactio autem est operatio quædam, per quam recolligimus & in vnā massam coadunamus rem quāpiam quæ in minutissimas particulas dispersa & dilatata erat, nec non diffusa & mixta alij cuiuspiam rei, tanquam amissa & perditā fuisset, & interim tamen per Reductionem in pristinum suum statum & essentiam reuocatur, & reducitur. Veluti (exempli gratia) videre est in Auro: Hoc enim dissoluto in Aqua Regali reductoque in liquorem clarum & diaphanum vsque aded vt nihil in eo amplius metallici aut duri appareat, præter colorem quendam flauum instar Croci) si in id

frustum aliquod Argenti inijciatur, confestim Aurum exibat ex isto liquore, & adhærebit affigeturque se dicto Argento, relinquetque aquam albam & clarā: quo facto si quis sumptis hisce duobus ita conjunctis metallis, separet ea à sese mutuo per artem Chymicam, inueniemus Aurum istud in pristinam suam formam reductum, ac prorsus tale quale antea extiterat. Si verò loco Argenti Hydrargyrum dictæ Aquæ Regali immittatur, attrahit eodem modo Aurum ad sese, & abstractum ab isto liquore in fundo vasis Aurum omne destituit in nigri pulveris formam reductum: quod si autem hæc simul paruulæ Retortæ indita, igni committamus, Argentum viuum distillabitur in Recipiens vas, tali formâ qualem antea habuerat; & Aurum subsidebit in fundo pulveris instar: qui pulvis crucibulo inditus & ignis vi fusus aut liquefactus, purum ac putum Aurum fit, quale antea fuerat. Argentum dissolutum in Aquâ Forti, si inijcitur laminula aut aut alia particula Aeris, paucularum horarum spatio videbitur in fundo residere, adhærescens circumcirca dicto Aeri, instar spongiæ: quæ ita juncta si igni iterum committuntur, liquefiantque, inueniemus Argentum & Æs in eadem prorsus formâ quam prius obtinebant. Præterea Æs dissolutum in Aquâ Forti, Spiritu Sulphuris, aut alio quopiam Soluente, vt vocant; si eidem vasi Ferrum immittatur; Æs omne separabitur prorsus ab isto liquore, & adhærebit Ferro; vt de aliis duobus Metallis diximus. Atque hæc est differentia, quæ inter duas hæc voces Transmutandi & Reducendi intercedit. Si igitur scire aueamus vtrâ istarum duarum operationum in dictis Fontibus seu Scaturiginibus Aeratis contingat; aquæ ipsarum considerandæ nobis sunt, quippe quas Vitriolatas esse memorant. Aqua autem qualibet, reipsa imbuta imprægnataque Vitriolo (non autem loquor de

aquis simpliciter subacidulis) necessario aliquid in sese habet metalli, siue id Æs, siue Ferrum fuerit, veluti supra in compositione Vitrioli prædictum à nobis fuit. Cum autem metalli quippiam contineat, certissimum est Metallum illud ab eo extrahi separarique posse, iuxta tria præmemorata exempla, Auri quippe, Argenti, & Aeris, & sicut paulò post latius declarabitur, quando addissectionem Vitrioli venturi sumus. Hinc fit vt indubitanter concludere possimus, Aquas horum Fontium plenas esse Vitriolo Aerato, habentes videlicet Æs in sese: & quòd idcirco Ferrum, quod dictis Aquis immittitur; nullum alium habeat vsum, quàm vt reducat, & colligat abstrahendo ab iis omne Æs quod in iis latet; cum Ferrum hoc proprietatis habeat; vt videre est, quando ij qui Vitriolum Hungaricum (aut alterius cuiuscunque regionis) quod sit Aeratum, in aquâ dissoluunt, illi laminulas aliquot Ferri induunt: tunc enim horularum aliquot intervallo Ferrum istud attrahit ad sese omne Æs è dicto Vitriolo: quod postea à Ferro separari potest, & fusione in formam optimi Aeris reduci. Quod plus est, vt tantis molestiis & laboribus parcamus, fricetur solummodò cultellus aliquis, antea paululum madefactus, pauxillulo dicti Vitrioli: videbimus statim, ferrum seu laminam istius cultelli attrahere ad sese Æs illud quod dicto Vitriolo inest, vsque adeò vt cultellus inde ruber fiat, id est Aeris colorem assumat. Hoc ipsum tamen nequitiam accidit eo quod Ferrum ipsum transmutetur; sed quòd one-retur Aere quod Vitriolo inerat. Aliud porò argumentum nobis suppetit, quo asserere contendimus: quòd nimirum si quis madefactum Ferrum affricet Vitriolo quodam alio cui nullum Æs in sit (dictum enim à nobis est, reperiri Vitriolum quod è Ferro prouenit) Ferrum istud colorem suum non amittet, sed nullo modo alteratum reperietur: aut si quippiam à

Vitriolo isto ad se trahat, id erit pulvis duntaxat quidam flavus, qui nihil aliud est quàm Ferrum; sicut apparere potest quando experimenti gratia ignis tentamento exponitur. Quocirca asserere possumus vanam opinionem esse illorum qui credunt, Vitriolum vim habere transmutandi Ferrum in *Æs*: & hoc perinde est ac si quis consequenter velit valde absurda sustinere, pertinaciterque asserere, *Æs* posse transmutare Ferrum in *Æs*, nam in Vitriolo *Ærato* nulla alia substantia metallica reperitur, quàm *Æs* ipsum: quod ubi separatum ab eo fuerit, Vitriolum hoc amittit nomen suum, & nihil eius ampliùs superest quàm Aqua, & Spiritus acidus Sulphuris, Oleum Vitrioli nuncupatus (eà de causâ quòd separatus sit à Vitriolo:) quod ipsum Oleum non magis obtinet facultatem transmutandi Ferrum in *Æs*, quàm Aqua Fortis conuertendi Plumbum in Aurum: licet Paracelsus (quasi per somnium aut imaginationem tale quid innuens libro suo de Transmutatione rerum naturalium) nobis id ipsum persuadere voluit, quia nimirum Vulcanus omnibus suis experimentis quæ facere valet, nobis planè aliud ostendere poterit: id quod quilibet, qui modò dignabitur manus operi admovere, ut eius rei periculum faciat, effectu ipso duce facilè addiscet. Atque hæc sufficient ad confutandam erroneam opinionem prædictam, Ferrum nimirum verti posse in *Æs*, adminiculo Vitrioli. Quapropter quicunque hanc transmutationem videre cupit, querere eam debet in aliis rebus, donec eam inueniat: nam in Vitriolo nihil tale reperitur, quod ad istud negotium conducere queat: nisi sibi ipsi ob oculos quippiam ficti ponere velit, per ignorantiam veræ sectionis corporis Vitrioli ad vana rerum raptus. Non ignoro tamen, hunc meum sermonem nullo modo placiturum generatim omnibus iis qui gestant

nomen Chymicorum: (idquè quàm pluribus de causis, quas hoc loco enumerare nolo, quas ipsas tamen prudens Lector paulò post dispicere iudicareque poterit,) quod iam nuper animaduertere cepi, ex editione Anatomie meæ Antimonij, quam recens euulgavi. Verùm omnis maledicentia inuidorum aut ignorantum hominum nihil veritati meorum verborum detrahet aut derogabit, penes tribunalæ quorum & boni iudicij Chymicorum ac Naturalistarum. Vsq̃ue adeò ut calumniatoribus istis honestius decentiusque multo foret planè tacere: aut si argumenta mea euertere valent, quæ tamen viuis exemplis confirmata in medium adduco, faciant id similibus armis; & viuis, ac euidētibz exemplis, rationes suas stabiliant, measque euertant: ostēdentes reipsa, sine omni fūco & fallaciis, fieri posse illud quod ego pro impossibili habeo, & in rerum Naturâ contingere posse asseruerō. Prodeant in medium; patefaciantque vniuerso mundo raritatem singularis industriæ suæ, quam tantopere præ se ferunt & jactant; declarent me in ignorantie tenebris versari. Quod si efficiant, submittam me libens ipsorum disciplinæ, ludumque ipsorum frequentare non tergier fabor, ut addiscam alia elementa fundamentaque scientiæ in Arte Chymica, quàm discere hæcenus potui aut obseruare. In artibus enim, industriis aut inuentionibus manualibus, quæ consistant in euidētibz exemplis, & viuis demonstrationibus, qualis est Ars Chymica, non suffici posse argumentari & ratiocinia proferre; & aërem (ut ita dicam) multiloquentiâ in vanum ferire, asserendo album esse atrum, & atrum album: sed necesse est ostendere reipsa, videndum & palpandum dare, comprobareque esse effectualiter rem ipsam quam astruere volumus, talem qualem eam prædicamus. Aliter enim facere, nihil aliud est quam dictam artem corrumpere

& adulterare: quæ ars non consistit in vanis phantasiis & imaginationibus speculationibusque verè Chimæricis; sed in viuis demonstrationibus, vt dictum est. Et non hic est campus aut agon in quo certatur flosculis eloquentiæ: sed hic solummodo locus est exercitatorius, ac vera palestra demonstrandi & ipso opere effectum reddendi quod prætendimus: præsertim cùm corpora & res de quibus Chymica Ars tractare consuevit, re ipsa corpora sint; & non vana leuiaque phantasmata, sed res visibiles ac manibus humanis tractabiles. Quicumque verò præsumit posse aut scire se hoc vel illud præstare in istâ Arte, nec illud re ipsa ostendere, aut opere effectum dare potest; ignorat Artem, declaratque fundamentis eius imbutum non esse: quare decentius ipsi longè, multoque honestius foret, (vt dixi) discere quæ ignorat, quàm proponere opera, quæ non cognoscit.

DIVISIO MEDICINALIS Substantiarum

VITRIOLI.

VT ad rem redeamus: Quamuis suprà demonstrauius, Vitriolum constare tribus præcipuis substantiis. Aquâ nimirum, Spiritu Sulphuris, & Metallo, siue id Ferrum siue Æs fuerit: interim tamen, vt id melius & commodius operi admouere, in vsusque medicos conuètere queamus, in septem partes id diuisum, modo qui sequitur.

1. Prima est, Aqua quam extrahimus per Balneum Mariæ: quæ quia leuissima omnium est, ærea, & minus participans de siccitate Spiritus Sulphurei, quàm

secunda, idcirco Ros Vitrioli appellatur.

2. * Secunda est, Aqua extracta per Arenam, partem aliquam obtinens siccitatis dicti Spiritus Sulphurei, & alterationem ab igne paulò magis referens, quàm prima: vocatur autem hæc Aqua Vitrioli secunda.

3. Tertia substantia est quæ iam acidula facta, pars est subtilissima substantiæ sulphuræ, quæ in ipso Vitriolo reperitur: (quæ comparari queat Oleo albo & subtili quod ex Terebinthina extrahere solemus, & Spiritum Terebinthinæ nuncupare: Huic nomen damus Spiritus Vitrioli.

4. Quarta, reliquum videlicet substantiæ sulphuræ, aut Spiritus grauiusculus Vitrioli, appellatur Oleum Vitrioli: qui ipse spiritus, secundum corporis sui naturalem essentiam, magis terrestris & calidus est, quàm prior eodem prorsus modo, quo vltimum Oleum rubrum, extractum vi ignis è Terebinthinâ, se habet ad primum suum Spiritum: quantumvis ambo ista olea reuerà sint olea combustibilia, ex eodem corpore proceduntia.

5. Quinta, tam ratione formæ, quam modi quo extracta fuit, appellatur Vitriolum purificatum, aut iuxta communem loquendi modum Sal Vitrioli: ctsi realiter non sit Sal, sed propriè congeries quædam Spirituum Sulphuris concretorum.

6. Sexta appellatur Substantia Ærea Vitrioli, hoc est, Æs quod subsistit in subtilissimo puluere in ipso Vitriolo, quale antea demonstratum à nobis est iterum in Æs reduci posse. Aut potest etiam Substantia Vitrioli Ferrea vocari, vtpote extracta ex Vitriolo quod è Ferro processit aut compositum fuit.

7. Septima & postrema pars vocatur Terra Vitrioli, quæ restat vltima, postquam separate remotæque sint reliquæ omnes substantiæ Vitrioli.

Porro sicut omnes hæ septem substantiæ inter sese differunt forma, colore, gustu, pondere, &c. ita & in ipsis reperitur aliquod discrimen proprietatum & virium, quare ipsas iure merito distinguere à reliquis & separare voluerimus & debuerimus in septem istas classes: quamvis, ut dictum est, Vitriolum nihil aliud sit quam Aqua imbuta aut imprægnata (ut loqui consuevimus) Spiritu Sulphuris, & co-

gulata per quoddam metallum: quæ tria cum in permixtione sua alterum alterius qualitates immutare soleant aut alterare, consequenter etiam prædictas diuersitates producere poterunt.

Hæc sunt quæ de Natura partibusque Vitrioli dicenda habui. Vires autem vsumque earum toto hoc opere duobus Tractatibus luculenter satis declarauimus.

FINIS.



DE NATURA,

DE NATURA,
PROPRIETATE, ET VSV,
SPIRITVS VITRIOLI,
FVNDAMENTALIS DISSERTATIO.

CAP. I.

De nomine vitrioli.



Vitro vitriolum, cui aliquo modo ob splendorem respondet, etymologiam ducere videtur, quod veteres Romani attramentum Sutorium, Græci vero Calchantum nuncuparunt, tanquam minerale Cupri particeps, ut etiam Germani suo idiomate, hoc ipsum *Ruffen Bassen*, ad vitrioli proprietatem exprimendam vocant. Dioscorides non ignobilis author quam in simplicium doctrina dogmatici, ac ipsemet dogmaticorum princeps Galenus, secuti sunt, nullam vitrioli differentiam facere videtur, cuius tamen tres distinctæ, æque præcipuæ species sunt.

Primæ speciei vitriolum est, quod per modum transudationis guttatim in fodinis Cypriis congregatur, quod Petechius Pinarium, ac quidam forte significantius *σκληρίτιον* appellant.

Secundæ speciei vitriolum, in diuersis terrarum cauernis nascitur, peculiaribus ad id colligendum fossis extructis, in quibus facile coagulatur, quod Græcè *πικρίδιον*, *Aug. Salæ.*

quasi spissum & veliementer concretum appellant.

Tertiæ speciei illud est, quod in Hispania præcipuè arte excoctum reperitur, minoris pretij, quod primum valde crudum, aqua communi solutum in cisternas, ad hanc rem factas funditur, atque in iis lapillorum forma concrefcit, quod quidem, ad medicinam minus conueniens ad tinctorum vero opera aptissimum est: ex omnibus tamen caruleum, durum & pellucidum, à quibusdam *λεγχασίδι* vocatum cæteris præstat. Vitriolum calefaciendi ac stringendi nec non fungorum malignam qualitatem domandi, aqua solutum & gossypio exceptum atque naribus immissum, cerebrum expurgandi facultatem habet, drachmæ pondere sumptum lumbricos necat, ac siccum per se applicatum escharam excitat, de quo Galenus libro 9. de sump. medic. & Plinius libro 34. consulantur.

CAP. II.

Quid sit vitriolum, & quibus partibus constet.

EX diuersis quas recensui vitrioli speciebus illud quod in maiores, & angulares lapillos coire, ac ferrum perfectius colore cupri tingere solet, optimum

esse iudicatur, vñumquodque autem ex triplici substantia minera sc. Cupri, fuligine sulphurea & aqua, compositum est, quarum duæ priores soliditatem, vltima vero splendorem confert, atque in harum trium partium iusta proportionē perfectum existit, separata vero per calcinationē aqua, maiorem, quam etiam fuligo sulphurea auget, acrimoniam acquirit, quæ sequentibus rationibus demonstrantur. Primum ex vitriolo quantumvis sicco & puluerisato aquam elici posse nullus artis chymicæ Tyro ignorat, atque illud ipsum dum ad destillationem præparatur, & calcinatur aquosa parte consumpta, tertiam respectu crudi ponderis partem amittit, ac nihilominus destillationi adhibitur, phlegmatis insipida aliqualem copiam emittit.

Altera pars, fuligo sc. sulphurea, post phlegma extillatum, igne aucto, forma crassi, sicci & ponderosi fumi, in spiritum acidum, illi ex sulphure sub campana producto similem resoluitur restante in retorta materia fusca, cuprum calcinatum non tantum referente, sed etiam in illud transmutabili, quæ tertia huius mixti mineralis pars est, nec vero vitriolum Cupri colore, ferrum solummodo tingere potest, sed etiam illud ipsum certis liquoribus solutum, & præcipitatum in puluerem viridem mutatur, qui demum in cuprum igne fusorio, redigi potest, ac vice versa ex tribus nuncupatis partibus, vitriolum omnes natiui & vulgaris qualitates continens artificio Chymico, parari potest.

Quomodo vero Archæus naturæ has tres substantias vnire soleat, sententiam meam in anatomia vitrioli, tertiæ editionis exposui, qua illorum, qui vitriolum in numerum salium referunt, ac præcipue subtilissimi cauillatoris Petri Laurenbergij, non tantum contra meos aphorismos chymiatricos, sed etiam Dioscoridis, Galeni, aliorumque Medicorum dogmatico-

rum & Philosophorum authoritatē, absurdissimum dogma reprehenditur, quandoquidem Sal respectu vitrioli, corpus multo simplicius sit, vt ex enumeratis modo eiusdem partibus constitutivis per ignem separabilibus patet, quod viris doctis iudicandum relinquo.

CAP. III.

Quid propriè sit spiritus vitrioli, & num qualitates Cupri contineat.

Spiritus itaque vitrioli vt ex præmissis colligi potest, nihil aliud est, nisi fuligo sulphurea cum quantitate aquæ, vt chymicæ artis potentiâ formam liquoris induere possit, ab Archæo Naturæ cupro inducta: Chymicis enim optime notum est, sulphur, minimam partem aquositate respectu reliquarum partium obtinere, ac illud ipsum humidum, in sublimatione eius productum, potius ab ambiente aëre, contractum esse, quam ab ipsius sulphuris indissolubili quodammodo substantia promanare: Talem in sulphure siccitatem, & adscititiam humiditatem, videre est, in præparatione spiritus sulphuris, cuius fuligo alba, acris & densa non nisi attracto ab aëre humido, in liquorem resoluitur, eiusque quantitas pro ambientis constitutione variat, nec instrumento clauso, sed sub campana vitrea, maior tamen eius copia, in cella, locoue alio humidiorē, velaque ebullientis vapore disposito percipitur, vnde manifestè patet, spiritum vitrioli acrimoniam à sulphure, consistentiam vero liquidam, ab aliena & extranea humiditate obtinere.

Occurrit autem dubium fortasse alicui, an non spiritus vitrioli aliquid de substantia cupri participet, quod facile soluitur, nullum enim liquorem Cuprum, quauis violentia ignis adactum, sed fuliginem siccum, nil nisi ipsissimum cuprum

redolentem emittit: Quare si spiritui vitrioli, vel minimum admixtum esset, id corporeum necessario foret, ac consecutivè colore & sapore sensibile, quandoquidem duo, vel tria grana Cupri integrum spiritus vitrioli libram colore viridi tingunt, ac sapore cupri inficiunt qui stomachi subversionem, & nauseam concitat quam alias sincerus spiritus vitrioli optime curat ac ipse spiritus vitrioli cupro adulteratus, facile destillatione corrigitur, ita ut sincerus prodeat, relicta omni metallica substantia, in fundo yasis destillatorij, nec spiritus vitrioli ulla manifesta qualitate à spiritu sulphuris, differt. Quibus rationibus spiritum vitrioli, nihil aliud esse, quam fuliginem sulphuream, cum alieno humido, liquoris forma subsistentem, substantiæ Cupri nulla penitus affinitate conjunctam manifestum esse arbitror.

CAP. IV.

Est ne spiritus vitrioli Veneris præstantior illo, qui ex communi vitriolo confectus est.

CONSTAT arte chymica duo genera vitrioli parari, vnum ex ferro sulphure & aqua, alterum ex Cupro sulphure & aqua, quorum primum vitriolum Martis, alterum vitriolum Veneris vulgò appellatur, & ex ambobus spiritus quem hæc metalla lenta maceratione aut calcinatione imbiberunt, eodem modo, quo ex vitriolo nativo destillatur: Nec desunt vana opinione decepti qui spiritui vitrioli Veneris, multo plus quam communi attribuant, quæ sententiæ nulla ratione fulcita per se cadit, etenim si à cupro præstantiæ suæ originem duceret nihil ob stare potest, quin quoque à communi vitriolo non minus minera Cupri dotato eandem perfectionem obtineret, præcipue cum vitriolum

Vngaricum, aut Cyprium vtpote nativum, & selectum nullo modo bonitate & puritate substantiæ artificialis cedat, licet quædam quisquiliis aliorum mineralium conspurcata reperiantur: Præterea si metalli substantia, (quod paulo ante refutavi) in spiritu vitrioli contineretur, spiritus ex vitriolo Martis, eo, qui ex vitriolo Veneris destillatus est, (cum ferrum ipsum, magnum in medicina usum habens sine alterius recrementi admixtione nullam malignam, ac stomacho aduersantem qualitatem quemadmodum cuprum complectatur) ad usum internum (si quidem res ita se haberet) multo tutior ac salubrior esset.

CAP. V.

An prædicti spiritus sulphureæ aciditas in dulcedinem mutari possit.

Nullius fere artis cultores, insatiabilis nova inveniendi cupiditas magis quam chymicos tenet, quod non alma natura, liquoris forma & proprio sinu depromit, id in substantiam solidam v. g. Mercurium currentem in lunam fixam aut solem, & vice versa solida, ut modo dicta metalla sunt in Mercurium viuumvertere, nec non in aquas, olea, tincturas & salia: hæcque iterum in mineralia, & ut summam rem complectar, terram in aquam, hanc in terram, volatile in fixum, hocque in volatile, amarum in dulce, insipidum in salsum transmutare conantur, multa certè ostentatione quadam, falsa tamen de spiritu vitrioli dulci iactari, nec in tota vita vel vnicum de ipso processum justum, comperi: Non me latet additione ferri aliarumque rerum, quemadmodum acetum plumbo affusum dulcescit, acrimoniam vitrioli tolli & cum quadam

dulcedine permūtari posse, quæ tamen nullatenus sincera, sed mox metallica quadam asperitate, & ingrato astringente sapore linguam afficit. Posita etiam quacunq; dulcedine, ex tali mixtura peregrinas qualitates contrahit, vt pro composito potius, quam simplici merito habeatur, veluti etiam pulueri corallorum, aut cuiuspiam simili spiritus vitrioli affusus, deposita acrimonia inspidam quodammodo aquam refert, sine vlla reali substantiæ mutatione, spiritum enim acrem cum æquositate prius coniunctum corallia absorbent, cuius rei argumentum euident est, quandoquidem restibilis aquositas pondere leuior, puluis vero corallorum grauior & acidulus hac infusione fiat, & ipse spiritus non difficulter iterum à corallis destillatione separatur, vnde conclusio sequitur, id quod in spiritu vitrioli acre est & spirituosum, ab aqueo liquore sequestrari atque ab alio corpore imbibisse posse, & sub eo occultari, nullam vero substantiæ aut etiam qualitatis acris in dulcedinem posituam mutationem fieri, qua etiam posita nullum commodum sequeretur, quandoquidem ad vsum spiritus vitrioli nihil conferat, & dulcium medicamentorum cætero quin nulla penuria sit, acor autem huius spiritus, suum in medendo scopum perfectius attingat, quandoquidem pro intentione Medici, secundum diuersitatem affectus, temperamenti, materiæ morbosicæ, aliarumque circumstantiarum directæ, nunc acida, nunc dulcia, amara falsaue eliguntur: Axiomatis enim loco habeo, quæ amara, non dulcia, nec amara, quæ dulcia eodem penitus modo perficere posse. Quare eos qui laborem irritum, & vanam imaginationem spernunt, à me in hoc non dissentire posse confido.

An omnia vitriolata spiritum acidulum tantum à sulphure habeant, & cur vitriolum caruleum cæteris præstet.

Questio hic moueri posset, quandoquidem non tantum per spiritum Nitri simplicem, aquam fortem, aquam Regis, spiritum Salis, sed etiam acetum destillatum aliosque spiritus vegetabiles, ex Cupro vitriolum in lapillorum forma concretescens confici possit, an non etiam natura in productione natiui vitrioli diuersis soluentibus vratur, quorum ratione, spiritus vnus vitrioli ab altero differat. Respondeo negatiue, ac naturæ operationem diuersam esse ab horum metalla artificiosè soluentium & in spiritum redigentium, proprietate, sequentibus rationibus. inductus, quod (vt omnib. in rerum mineralium cognitione versatis constat) etiamsi diuersæ exhalationes dentur, nulli tamen vapori, excepto illo sulphureo, soluendi vis insit, qui in terræ visceribus, aut vt Paracelsus ait, in mundo subterraneo tanquam subiectum igneum omnia metalla maturandi & ad perfectionem redigendi, potentiâ dotatus, à summo Conditore implantatus est, & in quacunque fodina cuiuscunque speciei vitriolum occurrit, illud semper vapore aliquo, sulphureo concomitari, qui gustu & olfactu percipi possit, ac ipsa experientia testatur vnicum in omnibus vitriolis spiritum esse, & siue illud caruleum, seu viride, prassini aut cerei coloris vitreius splendoris, humidum aut siccum in parua vel magna frustra concretum, examine ignis, nihil nisi album, densum ac sulphureum vnus generis vaporem spiritum acidum resolui procliuem, reddere, quod minime fieret, si quibuscunque salinis

CAP. VII.

substantiis imprægnata essent, cum spiritus nitri dum per destillationem à corpore suo separatur, perpetuo flammeum colorem exhibet, & contractu suo, res fuluo colore tingit, nec gustu aut sapore, quemadmodum etiam aqua fortis aut aqua Regis cum spiritu vitrioli vlllo modo conuenit. Ipse vero spiritus salis, etsi colore albo alembicum transit, consistentia tamen subtili, & olfactu ab illo differt: Quamuis tum nitrum, tum alia quoque salia, in locis subterraneis reperiuntur, quorum spiritus in eorundem corpore delitescit, donec artificio, & ignis potentia exigatur, à Vulcano naturæ tamen educi nequit, qui quidem, sulphur vtpote pinguem, & inflammabilem substantiam, facile in fuliginem & acrem huiuscemodi vaporem resoluit, salia vera non ita, vtpote incombustibilia & fixa, ex quibus, sine materiali & fortissimo igne spirituum separatio fieri nequit: Denique cum spiritus nitri, & aqua fortis argentum, aqua Regis aurum (quod, spiritus sulphuris efficere non valet) soluendo in atomos sibi vniat, si tales actu in mundo subterraneo existerent æque ex modo nuncupatis metallis, atque ex cupro & ferro vitriolum producerent, cuius ne vnicum quidem exemplum nobis constat, quamobrem ratum firmumque manet, omnes vitrioli species, spiritum acidum à sulphure mutari, etsi vitriolum cæruleum aliis speciebus ad medicinam præferatur, quandoquidem hæc sapius realgari quodam, vel aliis impuris recrementis infectæ sunt: illud vero non solum Dioscoridi, sed etiam omnibus peritioribus Medicis, & Chymicis præ cæteris commendatum est.

An Spiritus è sulphure communi arte chymica educus, diuersos à spiritu vitrioli effectus præstet.

Cum nunc satis ostensum sit, spiritum vitrioli aliud nihil esse nisi vaporem è minera sulphuris resolutum, inque corpus vitrioli immersum, & tandem per artificio mediante Vulcano iterum separatum. Quæstio oritur vtrum dictus Spiritus sulphuris diuersam in medendo à spiritu vitrioli operationem edat? Respondetur in omnium medicamentorum seu simplicium, seu compositorum, seu Galenicè, seu chymicè præparatorum examine, duplicem qualitatem considerari, ex quibus tanquam fontibus, omnes eius virtutes scaturiunt, manifestam nimirum, & occultam; manifestæ sunt, quæ odore, sapore, colore, gravitate, leuitate, raritate, densitate definiuntur; ex quibus primum sensuum iudicio medicamentorum temperamenta, caloris ac frigoris, siccitatis ac humiditatis gradus Physici rationabiliter colligunt: occultæ vero nullo sensuum critirio inuestigandæ sunt, solæque experientia cognoscuntur quales in purgantibus occurrunt: Agaricus, verbi gratia, phlegma purgandi, Rhabarbarum bilem, Senæ folia succum melancholicum, Manna & Gummi de Peru serum, Turbith è iuncturis tenaces & impectos humores educendi, Caro viperæ & scorpius ac eius oleum contra proprios morsus, nullo qualitatuum temperamento nitentes, sed occultas ac específicas vires obtinent, quanquam enim Paracelsus eiusque sequaces, eas per certam signaturam cognosci opinentur, exempli causa, Anacardium cum cordis figuram gerat, eidem, Pulmonariam pulmonibus, Lichen hepatis, Asplenium lieni, Satyrium testiculis, Euphrasiam oculis, Dentariam

dentibus, Acorum juncturis, Nucem Moschatam capiti, Perforatam notatam fucce sanguineo vulneribus recentibus specificè conuenire constet. Horum tamen simplicium virtutes, ab antiquis primum experientia deprehensæ sunt, ac demum à recentioribus accedente signaturæ inuentione, magis comprobatae sunt: immo talia seu vegetabilia, seu animalia, aut mineralia partes corporis humani, sæpe manifesta calefaciendi, refrigerandi, aperiendi & adstringendi viuunt. Quam operationem, etiam res aliæ, nulla tali signatura prædictæ perficiunt, ita vt hoc dogma discurfus speciosi potius quam scientiæ cum firma ratione fundatæ locum teneat: Et vt ad Rhombum redeam, an scilicet spiritus vitrioli spiritus sulphuris, ejusdem sint virtutis, dico in eodem rectificationis gradu constitutum, vt sapore, odore, & colore alteri similis sit, eadem quantitate sumptum, eosdem effectus secundum manifestas qualitates intra & extra corpus adhibitum præstare: occultas vero quod attinet nullas in eo deprehendi, frequentioris vero spiritus vitrioli, & destillationis & vsus causa hæc est, quod ex libra vna vitrioli paruo temporis interuallo maior spiritus quantitas quam ex pluribus sulphuris libris longo tempore euocari possit.

C A P. VIII.

Quibus notis bonitas vitrioli agnoscatur, & in quo preparatio eius consistat.

PRimo, vt supradictum cum vitriolum caruleum bonitate cætera superans spiritum longe puriorem suppeditet, illud ad hoc opus potissimum eligatur. Secundo nisi lapillorum figura concretum, splendens, & ab omnibus recrementis, ac

sordibus purum sit, id in aqua fontana solutum, & per saccum ex lana confectum, filtratum iterum coagulari & in olla ad albedinem calcinari oportet.

Tertio olla fortissimæ, ad cucurbitæ formam effictæ imponatur, quæ lato orificio, & collo longo extra fornacem aliquantum emineat, ac igne aperto latera vasis tangente, opus perficiatur.

Quarto dictæ ollæ, vel cucurbitæ, recipiens capacissimum, cum parte aquæ fontanæ destillatæ jungatur, quo spiritus minus dissipentur & accurata juncturarum perlutatione, ne quid inter destillandum transpirare possit.

Quinto sub initium lenis ignis adhibeatur donec fumosa humiditas vitrioli (quæ violentiore coacta igne vasa dirumpit) euocata sit, vt etiam cum demum fuscus & sulphureus instar nubis albæ, fumus per vas recipiens diffundi incipit, moderato gradu, per 6. vel plures pro quantitate vitrioli (donec fumi colorem acquirant & nigricantes appareant) noctes diesque destillatio continuanda, quæ peracta, vitriolum in cucurbita residuum, adhuc graue & fuscum colore restet: Etenim si spongiosum, & nigricans deprehendatur, indicio est, igneum & grauem illum spiritum prodijisse, quem non minus primo loco egresso spiritui ac vltimum illud, quod ex terebinthina fortissimo igne propelli oleo suo subtiliori misceri nefas est: Quæ propter mox ad egressum striatum luridi vel ferruginei coloris ignis remittendus, vltimo in separatione recipientis, vasis cura adhibenda, ne quid luti liquori miscetur, ac porro secundum artem spiritus ab aquositate adjuncta rectificandus. Signa porro perfecti & laudabilis spiritus vitrioli sunt sequentia, primum vt ad crystalli claritatem accedat, secundo vt lingua exceptus, illam singulari acrimonia, & calore ferria, subsequente mox aciditate ac tandem sapore dulci qui palatum recreet, qui

hiscē notis carēt, ei aut errore destillationis ipsius, aut impuritate minera id accidisse rationi consonum est.

CAP. IX.

An spiritus vitrioli utpote substantia mineralis aque tuto ac cætera medicamenta vegetabilia exhibeatur?

TAndem ad Misochymicorum objectiones, ne dicam calumnias, quæ id ipsum quod non intelligunt carpunt, aut quod semel carperunt, vera ratione indagare renuunt, accedo.

Obijciunt primo spiritum vitrioli, tanquam mineralem substantiam, nullam cum partibus, ex quibus humanum corpus constat analogiam habere, ac consequenter aque tuto ac cætera medicamenta vsurpari non posse. Respondeo, omnia sub sphaera Physica comprehensa in tres classes distributa sunt, in prima quæcunque anima sensitiua prædita sunt, velut animalia terrestria, aquea & aërea eorumque partes; in secunda plantæ in genere, & quidquid ex terra per solam vegetationem expullulare, natum est, v. g. arbores, frutices, furculi, corticēs, folia, flores, fructus, semina, succi, gummata, resina, balsama; in tertia vero quæ diuersa ratione per modum accretionis in terræ visceribus nascuntur à priorum duarum classium substantiis plane diuersa, utpote metalla, Marchasita, Antimonium, Talcum, lapides vulgares & pretiosi, sulphur, vitriolum, Alumen, Sal, Bitumen, Asphaltum, aliaque huius farinae mixta, ad quorum seriem etiam spiritus vitrioli tanquam substantia à minerali corpore separata pertinet. Quibus præmissis sequuntur duæ quæstiones, prima an spiritus vitrioli, eo quod è classe mineralium sit, nullam cum corpore humano conuenientiam habeat.

Secunda an medicamentis ad profligationem morborum præscribendis, cum natura nostra, quædam analogia necessaria sit. In confesso est omnia trium prædictarum classium ambitu comprehensa, suas qualitates ac temperamenta eoque aliquas virtutes & operationes 4. elementis, è quibus constant acceptum referre; & cum physici omnes, hominem non tantum obstruaturam, vel quandam sympathiam, sed etiam compositionem, ex iisdem omnium creaturarum principiis constantem tanquam Microcosmum depingant, ac ipsa natura nostra, corpus illud durum, fixum, & in mineralium genere incombustibile licet nullam cum animali, quoad externam formam, conuenientiam habeat, saltem inquam & salē condita, tantopere ac tam auidè appetat insulsaque respuat, idque non ob contrarietatem, cum similia similibus seruari possulant, cumque ex ipsis corporis partibus, videlicet ossibus, carne, & sanguine, chymica arte sal in substantia & qualitate minerali penitus respondens educi possit, quis tam perfrixtæ frontis reperiri potest, qui mineralia cum corpore humano, nullam analogiam habere neget? Hic sal naturæ implantatus externum illum quemadmodum mercurialis aquosam, & sulphurea pinguem substantiam ad sui conseruationem, & durabilem firmitatem in certa proportionē vnice expetit, Vnanimis consensus omnium non literatorum sed etiam idiotarum est, tot diuersis cibis, iisque molibus & fluidis, carnū nimirum, piscibus, fructibus, sine additione salis, qui ingenitum corroboret, in corpore coquendis, naturam nostram, minime parem esse sed eorum putredine, in quam facile abeunt plurimum offendi posse. Sed & spiritui vitrioli, licet colore differentem, aliis tamen in qualitatibus conuenientem humorem, in corpore humano reperire est.

Ille videlicet qui ex licne in ventriculo regurgitat qui acida austera & terrestrinatura sua, Galeno & Auicenna testibus, famem & appetitum prouocat, & non solum ceteras ventriculi actiones adiuuando, sed etiam ad orificium in cibo sumpto claudendum magni usus esse perhibetur, quibus proprietatibus spiritus vitrioli vnicè respondet, licet enim is impermixtus, ob vehementem acrimoniam, gustum caliditate quâdam afficere videatur, aquæ tamen iusta portioni confusus, refrigerantem & adstringentem vim exserit, ac cum primis in operatione ventriculi tangente, impedito enim ob infarctum aut imbecillitatem Lienis, humoris illius ad ventriculum recursum, aut stomacho ob humorum lubricitatem relaxato, vt in attractione, concoctione & retentione ciborum deficiat, vix vllum medicamentum ad eiusmodi vitia tollenda hoc spiritu, ratione & methodo quâdam adhibito in toto foro medico efficacieus reperitur, quod Misochymici etiam nolentes fateri coguntur. Quod attinet secundam questionem, analogia medicamentorum cum partibus corporis nostri, ad curationem morborum absolute necessaria non est, sufficit morbo ac materie peccanti contraria sint, secundum illud vulgatum axioma: contraria contrariis curantur, de quo Galen. ille Gallicus, Ambianus Fernelius, disertis verbis sic scribit. Morbus omnis contrariis profligandus, contraria enim sunt morborum remedia: Remedium est quod morbum depellit, quicquid autem depellit, id illi vim infert, quod vim infert, contrarium est omni ratione: igitur remedium morbo contrarium esse necesse est, omnemque morbi depulsionem atque curationem contrariis perfici; contraria autem multifariam dicuntur, quæ non in qualitate solum, verum etiam in quantitate, in numero, in situ, in figura, in omni denique genere plurimum distant: vt

calidum & frigidum; humidum & siccum: durum & molle: crassum & tenue.

Neque tamen idcirco illud axioma Paracelsicum, vt quidam opinantur, huic doctrinæ contrarium est, & Galenicam medendi methodum euertit. Verbis enim ambæ sententiæ tantum, sensu minimè distant: licet enim quædam medicamenta morbo similia sint, eius tamen causæ primum ac per se aduersantur, morbo autem ex accidenti: huncque tollunt non per se, sed sublata causa. Sic Rhabbarum, quamuis calidum, febrem soluit, dum ipsius materiam expurgat, & lassitudinem exercitatio lenit, quod humorem per musculos effusum discutiat. Et vomitionem sedat vomitio, quæ pruritantem humorem excutit. Et dysenteriam purgatio leuat, noxia materia eius efficiens causa detracta. Ad eundem modum frigida larga perfusio conuulsionem (vt est apud Hippocratem) soluere putatur. Cæterum non eiusmodi remedia hic scrutamur, sed quæ primum ac per se affectum submoueant. Sunt autem per eiusmodi omnia curando affectui verè contraria. Itaque cum suum cuique morbo contrarium sit remedium, eademque sit contrariorum doctrina, quot morborum, tot & remediorum certè genera sunt constituenda.

Illorum vero ineptiam, qui talem analogiam requirunt satis admirari non possum, præcipuè cum rationalium Medicorum titulo plurimum glorientur, tam irrationalem tamen consequentiam inferant, aut propriam imperitiæ in Authorum scriptis prodant, qui multoties lapidem Lazuli, lapidem Armenum, bolum armenam, terram lemmiam, imo aurum, argentum, ferrum, ac varios lapides, tam communes quam pretiosos (vti etiam Andromachus calchantum ad theriacam) varias in compositiones recipiunt. Ipse etiam Dioscorides non solum sulphur, è quo spiritus vitrioli ortum ducit, sed

sed etiam vitriolum crūdum, contra lumbricos & fungos venenatos in vomitorij formula commendat : multo igitur minus, spiritus ex vitriolo (qui eiusdem pars purior, & subtilissima existit) quam reliqui corporis crassi & faculenti vsus damnandus est.

CAP. X.

An spiritus vitrioli, ob temperamentum calidius, tanquam nocivus vitari debeat.

VRgent quidam Mischymici obijciendo, spiritum vitrioli in quarto gradu calidum, sine periculo, & destructione temperamenti naturalis, intra corpus sumi non posse.

Concedo equidem cum ex ipso ignis subiecto, utpote Sulphure, magnaue ignis violentia elaboretur, ac etiam ligna, ossa, lapides, & metalla soluat, notabilem acrimoniam non sine caliditate huic Spiritui coniunctam esse, maleficam tamen ob id qualiteratē habere non sequitur, quandoquidem etiam ipsius olei vitrioli, quod multo magis causticum, & proximē ad vim ignis actualis, aut cauterij potentialis accedit, vsus methodicus, improbandus non est : Quin ipsum elementum ignis omnia propemodum consumens, ita moderari potest, ut homo, certa distantia inter aërem frigidum & ignem positus, se iuvare potius quam lædi se sentit : ita Spiritus vitrioli æqua proportione aquæ, vini, aliorumque liquorum ita temperari, & vehementia eius infringi potest, ut plurimum proffit, minimē vero officiat. Quemadmodum enim nullus rationis particeps, carbonēs ignitos, ad stomachi frigus pellendum, ita nec Spiritum vitrioli per se, & impermixtum ad eius corroboracionem adhibebit. Ad instantiam, porro inferunt, quod ignis, prædicto modo per re-

Ang. Sala.

flexionem tantum in corpus agat, at Spiritus vitrioli intra corpus sumptus, contactu immediato interiora afficiat. Respondedo multum etiam differre. Flammam viam, seu ignem actu ipso existentem, & calorem potentialem, seu elementarem subiecto alicui inhaerentem, ignis enim actualis in certo aliquo subiecto ne minima portio corpori applicata sine læsione perferri potest, ut etiam oleū vitrioli per se adhibitum nihilo secius corpora contactu suo corrumpit, attamen mixturā facile corrigi, potissimum vero spiritus vitrioli, aliquantum leuior, & subtilior certa liquoris quantitate ita misceri, ac mitigari potest, ut in corporis meatibus humore ut plurimum repletis receptus, ne minimum quidem lædere possit, diluitur enim salua ipsa in palato existente, ut etiam illud ipsum, quod per se cuti impositum, exulceracionem excitat, licet acrius nonnihil in corpore sine molestia perferatur. Quibus positis, Ganniones friuolis suis argumentis, contra rectum vsum spiritus vitrioli, certa mixtura, methodo, & ratione adhibitum apud rerum intelligentes & peritos nihil obtinere possunt. Nec enim ipse Galenus Medicorum facile princeps, ex perceptione sensibilibus qualitatibus, mox sententiam, de operatione medicamenti ferre iubet, sed sensum experientie jungere, cum inquit, non absolute vnumquodque ipsorum calidum est, ut ignis (nam id omnino ferret impossibile) an per exuperantiam ut sanguis considerare propositum est, neque an ut symmetrum sui generis, aut speciei dicatur calidum, ut leo in animalibus & quod florentis ætatis est, in quavis specie ac ætate prouectum, sed an ad hominem sit calidum, frigidum, humidum aut siccum, medicamentorum vnumquodque, id vero inquirendum statutum est. Neque rursus ad hunc tanquam id quod ad aliquid aliud comparatur sed sit facultate, hoc est, si admo-

Zz

tum ipsi, eam partem quam tegerit reddat ad calidiorē aut frigidiorē, sciorē aut humidiorē. Itaque in experientia & iudicandi, & dignoscendi consistit ratio, Galen. de simpl. medic. facult. libro 3. cap. 9. certē hunc ipsum spiritum vitrioli, aduersarij in acutissimis febribus inflammatione hepatis, siti propemodum inextinguibili, si experientiam consulant nolint velint probabunt, quemadmodum etiam in calidis tumoribus, antequam in suppurationem abeant, materiam discutiendo & feruorem suppressimodo plurimum valet siue is effectus per se seu per accidens contingat eundem aestimationis locum meretur, quandoquidem etiam Rhabarbarum calidum sic cum nihilominus hepar ex euentu refrigerat subducendo nimirum bilem, feruoris causam conjunctam & proximam. Quamobrem concessio etiam caloris gradu illo, quem ei Misochymici affingunt, dummodo in curandis affectibus, secundum rationis præscriptum vsurpatus scopum attingat, minime reiiciendus est, nec vilius rei vsus, propter abusum tollendus est.

CAP. XI.

An spiritus Vitrioli propter vim corrosiuam ad internum vsum admittendus sit?

INstant porro Antagonistæ & spiritus vitrioli tanquam aquæ fortis interanea corrodentis vsus vehementer nocere obtrudunt.

Non leue momentum hoc dogma habuit, non solum penes idiotas, sed etiam viros doctos, qui hunc corpori intrinsecus adhibitum quæcumque interna contactu suo arrodere existimauerunt, non secus ac ipsa ligna, ossa, lapides & metalla conficere solet.

Mirum certe, Philosophiam talibus

viris ne tantillum quidem lucis afferre potuisse vt inter sicca exanimata corpora, & corpus humanum viuens, molle, carnosum ac humidum inter dispositionem cutis externæ & internarum partium, inter spiritum vitrioli per se existentem & cum aliis liquoribus mixtum, differentiam aliquam agnouerint. Quis enim tam rudis, qui non dentes omnium primò, licet durissimos ab acidis, & prius cutem vtpote duram siccā, quam partes molles, humoribus, ac potissimum viscosis oppletas affici posse, illumque non per se, sed iusta liquoris quantitate temperatum offendi debere ignoret? vim vero eius corrosiuam quod attinet, illa non nimis calcfacientis, aut refrigerantis contrarij additione temperari potest, vsque adeo vt minorem quam acetum, siccus Limonium, Aurantiorum, Berberorum, Ribium vel Tamarindi corroderent vim acquirat, cum illi etiam margaritas, corallo, ossa, cuprum & ferrum exedant. Quin ipsum sal naturæ nostræ familiarissimum, aquæ forti mixtum aurum soluit, & liquori miscet, quæ cuncta tamen iusto modo vsurpata nullum corpori damnum inferunt. Nec igitur de spiritus vitrioli moderato vsu alia sententia quam de aliis rebus ferri potest, quarum moderatus vsus commodum plurimum, abusus verò detrimentum creat.

Corrosiua præterea facultas Spiritus Vitrioli per se existentis, neminem deterreat, cum tota spiritalis vis, ex magna Vitrioli quantitate in minimum corpus redacta sit, qualem etiam aceti & succi Limonum ab aquositate liberati subtilior pars habere solet, & vnica guttula olei Cinamomi, Piperis aut Caryophyllorum magnæ eorundem aromatum quantitatis vim excudit, quæ nihilominus cum aliis temperata, commodè in vsu venit.

CAP. XII.

*An Spiritus Vitrioli partibus internis
sefe insinuando progressu tempo-
ris morbos excitare possit.*

Objectionibus superioribus refutatis, cum intentionem suam Mischymici assequi non potuerunt, aliud figmentum, vel potius somnium inferunt, Spiritum Vitrioli, non mox à principio, quocunque modo adhibitum, sed procedente tempore, penitus sefe insinuando, partes internas labefactare. At simpliciter hac appositione, propriam potius impudentiam, quam ullam argumentandi subtilitatem produnt; quandoquidem hoc modo in terminis generalibus hærentes, potius rudibus imponere, quàm gnaros aliquid docere conantur, nec quid velint satis explicant; Etenim aut Spiritum Vitrioli sefe insinuando, & adherendo, intelligunt interanea contactu suo corrodere, vel tanquàm faciem vini, in parte aliqua colligi, vel malignam qualitatem, qua tandem corpus humanum labefactetur relinquere, quorum nullum demonstrari potest. Primo enim Corrosio internarum partium, absque doloris, & inflammationis sensu fieri nequit, quin etiam partes internæ seu externæ aliqua acrimonia fluxione rentatæ vel mitissimi liquoris allapsum vix sine molestia sustinent, multo igitur minus, Spiritus vitrioli, (per illum ipsum, ante exulceratæ partes) acrimoniam ab Mischymicis toties culpata, si vis ea corrosiva mitigari non posset, absque dolore perferre possent. Nec vlla sui parte tanquam sentina, seu faculenta materies, corpori adherere aut meatus infarcire potest, quemadmodum etiam non pauci cibi facere solent, sabulosum excrementum accumulando, imo substantia sua subtili, & facultate penetrandi, potius

meatus aperire, viscosam colluuiem abstergere, tartarumque corpore exigere potis est, multo verò minus vlla ratione, malignitas, quæcunque ei attribui potest, licet nimia quantitate, vel per se, sine vehiculo aut mixtura temperato, & abusu sumpto, æque magnam læsionem, atque ipsum venenum inferre potest, quod errori, & ignorantia videntium aut illum exhibentium, non venenatæ qualitati, cuius subiecta, etiam quauis copia in corpus admissa, manifestam non dico mutationem, sed potius corruptionem inducunt. Galenus Medicorum dogmaticorum Antesignanus, de Vitrioli qualitate sequentibus verbis scribit. Caterum mirari subit de hoc medicamento, quo pacto vehementissimæ adstrictioni admixta est caliditas non infrenua. Constat ergo, quod omnium maxime condire, seruareque carnes humiditas potest nimirum caliditate humiditatem absumens, atque adstrictione substantiam contrahens atque constipans.

Ex cuius verbis elucet, Vitriolum ipsum, potius qualitatem balsamicam, & carnem conservandi quam malignam obtinere, ob quam Arsenicum, Auripigmentum, Aconitum, Nappellus periculosa sunt, & vlcerebus, vel excrecentiis spongiosis, canerosis, aut callosis imposita, quandoque non tantum dolorem sicuti cætera, malignitatis expertia corrosiva, sed etiam putredine cadauerosa inducta, non solum fœtorem abominabilem, sed etiam veneno cordi per arterias communicato, eadem ferè accidentia quæ alias serpentium morsus inferre solet, de quo exemplum memorabile in Ternario meo bezoardico videre est, cuius contrarium à Vitriolo seu crudo seu calcinato fieri videmus, exceptoque leui dolore, quem vlcerebus impositum excitat, putrefactionem astringendi & siccandi qualitate prohibendo, ex sententia Galeni.

paulo ante adducta, substantiam carnosam vegetam, & viam conseruat, affluxum humorum ad Synouiam cohibet. Adde multos in arte medica, viros, clarissimos, non tantum robustis hominibus, sed etiam tenellis infantibus, Vitriolum chymico more præparatum, non sine fructu exhibuisse, quod præter vomitum vi qualitatis metallicæ obortum, nullam molestiam, aut offensionem creare solet.

Cum igitur Vitriolum ipsum, omni malignitate carere abundè probatum sit, quis spiritum eiusdem puriorem substantiam, hac infamiae labe, iure notare auit, qui nihil aliud est, quam fumus subtilissimus albicans acetosus, ex sulphure separatus & in liquorem solutus. Sulphur autem omne, inquit Galenus, trahendi vim possidet, estque temperamenti calidi, atque essentiae tenuis, aded vt ad multa animalium venena rescitat. Quod etiamnum à multis, magno ægrorum fructu ad pectoris affectus præscribitur, nec vilius rei fumus ad aërem purgandum, & pestilentem auram corrigendam, atque ad vini conseruationem æque efficax est, cuius vapore vina aliquantum imbuta, cæteris paribus à tot millibus hominum quotidie innoxie bibuntur, quod vel ipsos Mischymicos non ignorare arbitror, qui fere præ cæteris, vina etiam sulphurata audissimè haurire solent, probe scientes, damnum ex illorum haultu proueniens, aut nimiae vini quantitati, aut peculiari ex terra contractæ qualitati potius adscribendum esse, ex quarum rationum solido fundamento patet, Spiritum vitrioli, debita cum aliis liquoribus mixturâ, neque corrodendi vim, neque adhærescendi participum internis proprietatem, aut vllam malignitatem in se continere.

CAP. XIII.

*De Spiritu Vitrioli vsu interno,
eiusque virtutibus.*

Discussis Mischymicorum obiectionibus, eorumque de Spiritu Vitrioli falsa doctrina solidis argumentis euerfa, ad eius specialem vsum accedo, cuius virtutes præcipuæ sunt sequentes.

1. Viscosam, crassam & tartaream materiam incidit & attenuat.

2. Etsi extra controuersiam insigni siccitate polleat, nihil tamen minus, æstum febrilem, & immoderatam sitim ex humorum ebullitione ortam, egregie mitigat.

3. Omnem humorum putrefactionem vi balsamica prohibet.

4. Substantia subtili, & manifesta penetrandi qualitate, poros cutis, & vrinae meatus aperiendo, naturam in expulsiōe superfluatorum humorum adiuuat.

5. Propter moderatam, & blandam astringendi qualitatem partium tonum relaxatum corrigit & membra interna probè corroborat. In genere nobilioribus Medicis notum est, huius guttulas quatuor aut quinque: cum vini duorum cochlearium mensura, aut aqua destillata permixtas, contra morborum insultus, nobilissimum esse prophylacticum. Neminem quoque ignorare arbitror, quantum Dioscorides, & Galenus ingrato illi aceto scillitico ab antiquissimo Philosopho Pythagora inuento attribuerint, quo Romani imperatores vsi sunt, eo quod facultate sua incisoria quæcunque interna membra peccus vero præcipue, & stomachum à putredine, vi siccandi moderata vindicet ac leui astrictione corroboret, quibus virtutibus omnia fere medicamenta spiritus vitrioli antecellit, vt pote, non

antum in conuenienti mixtura, sapore multo gravior, sed etiam propter substantiæ puritatem homogeneam, nullo calore, vel frigore, aut longa ætate labefactari aptam, omnibus fere corruptionibus magnoperè resistit. Hic cum conferua Betonicæ, mane à ieiuno, & sub noctem cubituro sumptus, epilepticos multum iuuat, capitis dolores à causa calida auertit, vertiginem abolet, visum acuit, auditum ac memoriam, nimia humiditate, ac vaporibus labefactam restaurat: Cum succo Hyssopi, vel Scabiosæ ter de die haustus, pectus, ac fauces ab omni phlegmate liberat, cum conferua Rosarum mixtus, vt vix sensibilis aciditas appareat, tertio vel quarto per diem, purulenta, & cum sanguine mixta reijcientium factorem corrigit, vlcera mundificat, & calorem præternaturalem temperat, manè cum portiuncula vini vsurpatus stomachum abstergit, appetitum & ciborum concoctionem promouet, vermes ex alimenti corruptione natos, & internam putrefactionem arcet, halitumque commendat: Remedium verò propemodum incomparabile est, ad hepatis feruorem, alui & intestinorum nimiam lubricitatem, sanguinis hæmorrhoidumque intempestium fluxum emendat, ac præclara corroborandi vi corpus vegetum conseruat, ac laudabilem hæmatosin tuetur: succo Melissæ, aut vino maluatico mixtus, splenis vitio laborantes, & melancholicos, modo corporis squalor & ariditas absit, maximè iuniores, somniorum phantasmate, ac cordis palpitatione, ex adustarum fuliginum impetu oborta vexatos plurimum subleuat, scorbuto quoque non imbecillam resistendi vim obtinet; Mollitiem gingivarum cruentam, palati putredinem & anhelitus foetorem aquâ plantaginis, ad gratam aciditatem temperatus, ac quotidie adhibitus optimè moderatur. In gonorrhœa

quoque putrida, & albo mulierum fluore, sequens compositum præstantissimum est. R. Rosarum rubrarum siccarum ʒj. aquæ Alchimillæ lb. ʒ. mixtura in cucurbita, calore Balnei Mariæ tribus horis maceretur, cui soluta prius in ea Sacchari finissimi lb. ¼. tantum Spiritus Vitrioli additur, vt gratam acorem acquirit instar Syrupi Limonum, cuius cochleare vnum ægotanti, mane ac vespere exhibeatur, nec præsentius auxilium in morbo vngarico, aut febre pestilenti, quàm ab hoc medicamento expectari potest, cum sequenti decocto exhibitur.

R. Radicis Scorzonæræ selectæ ʒj. ʒ. ʒ. Aquæ fontanæ lb. j. ʒ. coquantur ad ignem purum in olla vitreata, ad tertiarum partis consumptionem, cui decocto percolato Syrupi violacei ʒ. ij. & Spiritus Vitrioli quantum ad gratam aciditatem sufficit & porro aquæ Cinamomi aut essentiæ corticum Citri tantillum additur, quo, loco potus ordinarij, ad sitim, & calorem in febrilem mitigandum, putredinem arcendam, hepar recreandum, & fuligines cordi molestas per insensilem transpirationem expellendas, pro libitu quoties sitis vrget, hauriatur. Idem modus in defectu Radicis Scorzonæræ licet vtilissimæ, cum decocto Hordei obseruari potest, quod decoctum contra diarrhæam, dysenteriam, febres putridas, Scorbutum, vitioso vitæ genere vtentibus, potissimum verò ad corrigendas aquas impuras, & putridas, militibus terra marique degentibus, maximum præseruatium est: foetorem anhelitus ex humoribus calidis, in stomacho putrescentibus, & inordinata diæta collectis obortum, præmissis cathartico, per aliquot dies, in aqua fontana ea quantitate, vt acidularum saporem referat, sumptus feliciter emendat, pro aliquibus, etiam sacchari candi & aquæ Cinamomi addi potest: hepaticis autem sequens conuenit.

℞. Aquæ cichorei per MB. destillatæ

Fumarizæ

Rosarum ana q. f.

Sacchari candi

Spiritus Vitrioli, cuiusque q. f. pro rata portione ut saporem dulcem acidus non nihil superet, addita aqua Cinamomi, aut magisterio corticum Citri f. Iulapium, ultimo in aphtis (quæ non solum pueros in Belgio, sed etiam adultos frequenter infestant), ex corruptione humorum in stomacho & cum febre exortis, & connexu quodam viscidæ, & glutinosæ materiæ, lentes aquaticas, vario tamen colore pro natura humoris peccantis, referentibus Iulapium vitriolatum, aut superscriptum decoctum Scortzonæ, magnopere prodest, ac cum hæc etiam appropriatis gargarismis deterisæ, nisi euacuata minera, subinde repullulent, materia peccans commodissime per vitriolum ipsum sequenti modo subtrahitur.

℞. Vitrioli à suo colcotharè extracti, quod vulgo sed improprie Sal vitrioli vocatur, vel loco eius vitrioli albi depurati ℥. f. aquæ card. bened. ℥. ij. Mellis rosati ℥. j. aquæ Cinamomi pro aromatizatione q. f. misce. Quæ dosi robustioribus pro vice, debilioribus verò minor, eaque repetita exhiberi solet, nullum enim medicamentum magis incisivum, aut deterisivum, aut quod viscidam & tartaream colluviem magis euacuare possit, vnumquam comperi, quo multos desperatos, & phlegmate à stomacho ad fauces quodammodo repletos, ac pene suffocatos feliciter restitui, quod ad vitrioli usum, & vtilitatem declarandam, hisce addere visum est.

Sequuntur singularia quædam medicamenta, ad supradictos morbos, cum spiritu vitrioli composita.

Aqua pestilentialis vitriolata:

℞. Rasure ligni Iuniperi odorati lb. ℥. Radicis Cardopati j.

Victorialis ana lb. β.

Exter. cortic. Citri sicc. ℥. iij. Misce.

Omnibus incisus in cucurbita vitrea tantum vini maluitici, quantum ad moderatam humectationem sufficit affundatur, & totum mixtum per 6. dies lento calore maceretur, eique in plures cucurbitas distributo, aquæ fontanæ mensuræ sex addantur, & propè clausis vasis destillatio instituatur, aquæ egressæ spiritu vitrioli ad aciditatem redactæ, salis Iuniperi summa diligentia præparati & granulati ℥. vj. jungantur, quæ in vitreis vasis, cum subere, & cera flava obturatis servanda est, præservatiui loco tempore pestis, mensura cochlearis circiter pro dosi exhibenda, infecto vero, & actu laboranti, alterum tantum, vel plus etiam offeratur, idque ter vel quater per vices ad sudorem eliciendum, donec cor à veneni insultu, totumque corpus à febre immune euadat, sub finem paulatim dosin minuendo; Atque eodem modo, in omnibus febribus malignis, ardentibus, vngaricis, & quibuscunque aliis, in quibus sudor necessarius est, nec purgatio per vomitum, aut sanguinis missio aliud suadet, aut ipsdem præmissis, hæc aqua præscribenda est.

Syrupus dysentericus vitriolatus.

℞. Rad. Tormentillæ ℥. iij.

Cort. myrobal. citrin.

Sem. sanguinariæ.

Rosar. rubr. diligenter exsiccat. ana
 ʒ. ij.

Incisis radicibus Tormentillæ, semine sanguinariæ & cortic. Myrobalanorum parum contusis, sufficiens quantitas aque fontanæ affundatur, atque 4. vel 5. horis coquantur ad remanentiam lb. iij. cuius decocti percolati libræ vni adhuc fermenti, rosæ infusæ, & probe tectæ per noctem macerentur, eique in vase vitreo spatula lignea agitando, guttæ spiritus Vitrioli 80. addantur, ita vt instar sanguinis rubescat: Altera decocti pars cum sacchari ʒ. xij. ad debitam spissitudinem coquendo redigatur, ac porro omnibus commixtis olei cinamomi guttæ 6. instil. lentur, & syrupus hoc modo absolutus, in vitro ad vsum seruetur. Præstantissimus est ad dysenteriam astringendi indicatione obuia, præmissis vno, aut altero infuso Rhabarbari, quod acres & adustos humores, venas & intestina corrodentes leniter subducatur, doloribus vero maioribus oboriri incipientibus, clysmata lenientia & glutinantia, non neglecta diætæ, adhibenda sunt, ad loca exulcerata perferenda, hinc fluxu nihilominus diutius permanente, aliquoties in die ʒ. ij. aut etiam ʒ. iij. huius syrupi ægro exhibeatur cum aqua Bursæ pastoris, vel plantaginis mixti: In hoc enim morbo præcipue, magno cum iudicio astringentibus vti conuenit: Etenim haud pauci, intempestiuo eorundem vfu, in magnum vitæ discrimen, imo ipsam mortem præcipientes acti fuere. Par ratio & vfu huius syrupi est, præmissis præmittendis, in diarrhæa, lienteria, in fluore vteri albo & rubro, cum facultatem retentricem firmare, & relaxatas partes multum corroborare possit. Interim in potu ordinario, spiritus vitrioli simul administratur, non obstante obstrepentium Medicorum turba qui in hoc casu, excoriatione sc. partes infestante, ab eo abstinendum esse docent; nam cum ea quantitate liquoris mi-

scetur, vt vim corrodendi pēnitus amittat: Denique cum vlcera hæc primum mundari, secundo exsiccare, & ab affluxu noui humoris, per astringentia præferuari postulant, nullum autem medicamentum, has omnes intentiones perfectius compleat, non est quod quis sciorum, vanas ratiunculas multum moretur; Præcipue cum etiam ipsimet syrupos de Berberis, de Ribes, de succo Citri, cydoniorum, Granatorum, de pulpa Tamarindorum, & ipsas acidulas in huiusmodi affectibus præscribant: nec solum robustos homines, sed etiam puerulos tenellos quorum facultas retentrix, emulsionibus lubricantibus, vsque ad periculum vitæ labefactata fuit, hoc spiritu in aquis destillatis, in Syrupo Rosarum aut Violarum oblato, à limine mortis reuocaui. Quod si tales Medici hæc secundum rectæ rationis trutinam, expenderent, modo iudicij, & mediocris doctrinæ compotes essent, rem ita se habere deprehenderent, sed non pauci aliquatenus docti, superbia inflati speretis rationibus, ac vera rerum naturalium disquisitione (quæ infinita quodammodo est) neglecta, vnica sua auctoritate, fraude quandoque & dolo acquisita, maxime apud imperitos, qui etiam somnia pro oraculo habent, ad multorum perniciem abutuntur.

Syrupus pectoralis vitriolatus.

R. Foliorum Tussilaginis

Betonicæ

Botryos ana m. j.

Florum Symphyti

Violarum

Maluæ

Rosar. rub.

Papaueris rhæadis ana m. 6.

Injubarum n. xl.

Sebesten n. xx.

Dactylorum n. xij.

Glycyrrhizæ \bar{z} . ij. Misce Incisa, & cum f. q. aquæ fontanæ, ad consumptionem tertiæ partis coquantur, decoctum autem percolatum cum \bar{z} . xvij Sacchari ad Syrupi consistentiam redigatur, cui in vase vitreo, non plus spiritus vitrioli, quam vt vix sensibilis aciditas ex eo deprehendatur, misceri conuenit, ad moderatissimam absterfionem, putrefactionis auersionem, partis exulceratæ modestam exsiccationem, nec non qualemcumque humoris influentis repulsionem, & consolidationem introducendam. In genere, ad omnem pectoris obstructionem, Phlegmatis, aut purulentæ materiæ collectionem, etiam in ipso pleuridis statu ad expectorationem iuuandam, dosicadam, qua cæteri Syrupi pectorales, cochlearis mensura circiter aliquoties in die sumptus, plurimum prodest.

Confectio de Rosis siccis vitriolata.

R. Sacchari albißimi \bar{z} . xvj. coquatur in f. q. aquæ Rosarum odoriferæ ad consistentiam electuarij, cui pulueris rosarum rubrarum \bar{z} . j. cum sufficienti quantitate spiritus vitrioli, miscetur.

Vsum habet egregium, in stomachi pituita repleti deterfione, appetitus ciborum promotione, languoris in hepate, & anhelitus fœtentis correctione, in dysenteria & quocunq; sanguinis fluxu immoderato sistendo, ac vt verbo dicam, in omni affectu, ad quem corroborantia, & exsiccantia requiruntur, manè ac vesperi, quantum cultelli cuspidè capi potest, maximo cum fructu adhibetur.

Vsus externus spiritus Vitrioli.

Spiritus Vitrioli, ob qualitatem sæpius repetitam, non infimum quoque locum in chirurgia obinet. Primo enim cum melle rosato, vlcera putrida probe mun-

dificat, cum aquæ Plantaginis debita quantitate mixtus vt ad acorem acidularum solummodo accedat, pannis lineis exceptus, externarum partium inflammationes sistit; Contusis ac luxatis membris, eodem modo, cum vino vel decocto Tormentillæ aliquoties calidè applicatus, pericula oboriri solita auertit, & quod ferè præcipuum est, in eiusmodi casibus, cum spermate Ceti temperatus, synouiam, seu ichorem in articulis luxuriantem præcauet; Cum aqua Rosarum, in minima tamen quantitate, admixto saccharo candisato, viscosum oculorum excrementum aliquot guttulis instillatis, & pustulam in cornea extergit. Contra gangrænam musculosarum partium. R. Oxy mellitis scillitici \bar{z} . j. farinæ Fabarum, Myrrhæ ana \bar{z} . ij. spiritus Vitrioli q. s. ad moderatam acrimoniam, quod medicamentum aliquoties, loco affecto secundum artem applicatum, carnem è mortuam à viua separat. Aquâ Tormentillæ ad modicam aciditatem temperatus lintheoque exceptus, & præmissis generalibus, per aliquot dies impositus, procidentiam ani inhihet.

Sequitur vsus & doses spiritus vitrioli.

Præseruationis causa cum liquore aliquo huius spiritus guttæ 3. 6. vel 8. sumuntur, cum conseruis vero, & electuariis, tot quot ad gratum acorem sufficiunt; Vitrum in quo seruatur, longo & angusto collo, orificio verò lato conficit, vt commodè guttatim depromi possit, illudque subere & cera, cum aliqua parte Terebinthinæ mixta, ac particula vesicæ superinducta obturari debet: In mixtione huius cum medicamentis obseruandum, ne vnica vice, maior quantitas infundatur. & sæpius de iusta quantitate gustus consulatur, vas in quo seruatur, miscetur, aut etiam exhibetur, nihil metallicum

metallicum vlla in parte contineat. Ab huius vsu, quantum cunque in aliis laudabili, omnibus abstinendum, qui febris hectica, sicciore temperatura capitis ac nervorum laborant, splenis vitio cachectici, aut prolixiore morbo consumpti sunt, & ad paralyfin, spasum, catalepsin aut marasum proni sunt, aut à corrosivis, internam in faucibus ventriculo vel intestinis inductam exulcerationem patiuntur. Nec mulieres mensum suppressione laborantes, aut bilis in ventriculum effusione vexati, antequam illa cathartico euacuata sit eo vtantur, illi vero etiam quibus prodesse solet, non nisi cum ratione, & certo moderamine vsurpent, quemadmodum in omnibus aliis, non solum medicamentis, sed etiam cibus aurea mediocritas seruanda est.

APPENDIX.

De signis diagnosticis, quibus veri artifices Spagirici, à Pseudochymicis discernuntur.

1. **M**erito suspecti habentur, qui primam dari materiam Philosophorum, tum ad quorumcunque morborum curationem, tum ad metallorum transmutationem, multis, iisque ad ostentationem & fraudem comparatis rationibus probare conantur.

2. *Qui* ex auro, quod nec summa ignis violentia, aut vilo corrosiuo cogi potest vt vim suam metallicam penitus exuat, se liquorem potabilem verum sine peregrina mixtura conficere posse iactitant.

3. *Qui* non solum colorem, & innatam tincturam ex omnibus metallis lapideis.

Ang. Sale,

dibus pretiosis, sed etiam spiritus olea, & sales, non minus ac ex vegetabilibus, se separare posse profitentur.

4. *Qui* ex Talco corpore illo metallico & incombustibili, balsamicum & temperatum liquorem, ad perpetuam faciei venustatem promittunt.

5. *Qui* veram corallorum tincturam, eiusdem cum ipsis corallis coloris, saporis, & temperamenti, maioris tamen virtutis ad epilepsie & melancholie curationem vendunt, & ex ipsis Margaritis talem quintam essentiam, quæ humidum radicale absumptum melius, quam vllum aliud simplex, aut compositum restituat.

6. *Qui* catharticum ex Antimonio pollicentur tantum per inferiora purgans, æque benignum, ac ipsum Rhubarbarum aut Manna, radicibus tamen sine discrimine omnem materiam peccantem euacuans.

7. *Qui* de sulphurè anodyno ex vitriolo parato gloriantur, ad omnem feruorem mitigandum, doloresque quoscunque sistendos confortando solummodo, non stupefaciendo, quemadmodum Opium & Hyosciamus operantur.

8. *Qui* essentiam sacchari somniant, cuius quinque guttæ, maiorem dulcedinis vim complectantur, quàm integra sacchari libra.

9. *Qui* talem essentiam vini, quæ aquam in vinum perfectum, naturali penitus simile, tartaro, spiritu, omnibusque perfectionibus dotatum transmutare valeat, artis beneficio se consequi posse aliis persuadent.

Pro conclusione, omnes illi, qui talibus portentosis promissis, quorum ne minimum, re ipsa præstare possunt, multum gloriantur, tanquam Agyrtæ & impostores habendi sunt, licet ab aliis quibus, qui facile vanis persuasionibus, ducuntur tanquam profundis arcanorum

naturæ scrūtatores, suscipiantur, magnique fiant, & contra ab iisdem ingenui, sine ostentatione quantum in artis potestate est, exhibentes negligantur. Quocirca admonitionis & epilogi loco, fateor me talia magnalia non-

dum affecutum, quantum autem ipse manuali operatione & propria experientia comperi, sine inuidia communicare volui, atque hîc meliora docentem semper sequi paratus, vela contraho.

FINIS.



TRACTATUS DE PESTE.

Quid pestis sit?



PESTIS (prout ab omnibus Medicis Dogmaticis & Rationalibus definitur) est febris continuâ, acuta & maximè formidabilis, ab infectione aëris maximè maligna & venenata proueniens, quæ temporis circuitu jam hanc, jam illam regionem afficit, partem hominum, & principaliter illos attingens, qui per defectum naturæ, vel sympathiam occultam ad eandem suscipiendam subiecti atque dispositi sunt; eodem modo, quo verbi gratia, prauas nebulas atque pruinas, decedentes in sylvas, certas tantummodo species arborum, sine nocumento reliquarum offendere videmus. Ratione contagij sui veteribus Pests Epidemia dicta fuit, quasi dicas morbus popularis, quamuis hoc nomen aliis etiam impositum sit, qui ordinariè populum communiter inuadunt, vt sunt variolæ, morbilli, diarrhæa, dysenteria, & alij, qui quanquam etiam à malignitate proueniant, nihilominus cum sint alius generis, nolumus eosdem cum vera, proprièque dicta peste confundere, de qua tantum impræsentiarum nobis tractandum.

De respiratione & necessitate eiusdem.

Respiratio vel aëris attractio tam necessaria est hominibus, vt sine eadem viuere nequeamus. Necessitatis huius duplex causa est; primo, cum homo sit ex quatuor elementis compositus, necessarium est, vt iisdem, tanquam à matrice ac nutrice sua, nutriatur & conseruetur; quia quidlibet per simile conseruatur; altera causa est. Cor, quod cum singulari prouidentia tanquam Sol paruus, in corpore conditum sit, vt per subtiles spiritus, qui in eodem ex sanguine generantur, mediantibus arteriis, calorem, vitam ac vigorem omnibus partibus maioribus ac minoribus communicet, respiratione, & aëris refectione indiget, quo calor eius excedens temperetur, & in operatione sua perfectus & integer conseruetur. Si enim ob accedens aliquod, renouatio & humectatio, quam habet à respiratione, deficiat, protinus præter naturam inflammatur, vnde substantiam solidam, & laudabiles corporis humores, consumit & exsiccet, sicuti videmus in phthisicis & aliis agrotantibus. Respiratio si cui deficit, protinus debilitatur, & calor eius inflammatur, sicuti fit in igne claro, qui in medio furno destillatorio solet accendi.

quò plura vasa & instrumenta majora minoraque calefaciat, cui spiracula obstruantur, quò minus aëris ventilatione gaudere possit. Hanc ob causam summus Architectus corporis nostri, videns respirationis necessitatem, pulmones cordi conjunctos fabricauit, qui sunt substantia suâ totaliter spongiosi & perforati, more calamorum cartilagineorum, & se dilatando magnam aëris copiam per fistulam gulæ trahunt, more foliis, quibus se cor cum spiritibus suis recreat ac renouat: postea sese claudendo & demittendo, vapores fuliginosos & adustos à calore vehementiori prodeuntes rejiciunt, vt hac ratione cor pulmonum respiratione non tantum temperetur ac refocilletur, sicuti diximus, sed consequenter etiam omnes spiritus vitales, qui prodeunt ab eodem tanquam riui, seseque per totum corpus distribuunt, cui mediantibus arteriis immiscentur, vt pote cum illæ quoque per dilatationem aërem frigidiorum attrahant, & vicissim sese contrahendo calidas fulgines expellant, qualis motus est pulsuum, quos hinc & inde diuersis in partibus nostris percipimus.

Quomodo aër pestilentialis nos inficiat.

Quemadmodum v. aër nos ambiens purus & benignus respiratione ordinariè per pulmones, & transpiratione per arterias attractus prædictos bonos effectus producit, nimirum recreationem cordi concilians, & spiritus vitales, per quos vita nostra defenditur ac conseruatur, restaurans: Ita contrà aër in sua natura alteratus, & per malignam subolentiam admixtam vitiatum, contrarios effectus producit. Ponamus enim vitales spiritus tam subtiles, claros atque puros, vt minima res iisdem contraria mox eodem offuscet atque percurbet, quemad-

modum vapores terrestres claritati aëris, & minima etiam immundities puritati & saporis transparentis cuiusdam aquæ distillatæ facere solent: tanto magis eodem causa maligna, violentaque, qualis est infectio pestifera, corrumpet & alterabit, quæ per inspirationem cordi communicata protinus ipsum inficit. Quod si contrà robustiores & vegeti (quemadmodum vni magis quàm alteri accidere potest) dictam materiam malignam repellant à corde, separando eandem ad alios humores & partes corporis, sit pugna, diuersis symptomatibus obortis, vbi spes aliqua curationis & administrationis remediorum oritur: at si spiritus aliter dispositi sunt, & infectio vires eorum superat, suffocantur, & mors prima, secundæ die, cum vrina bona, totaliter sanorum vrinis similissima, sequitur. Malignitas enim solùm cor occupat, non attingens alios humores, qui vrinas continent, & à quibus vrina separantur, vnde sequitur, quod naturalis permaneat, nec vllum signum affectus periculosissimi demonstret.

Causa, qua communiter aërem corrumpunt & inficiunt.

Causæ, quæ faciunt ad aeris infectionem diuersæ sunt, nimirum cælestes, & terrestres, & vtræque mixtæ. Per cælestes malas influentias Planetarum intellige, quæ in res sublunares impressionem faciunt: vt enim gubernatio Reipubl. totaliter legibus subiecta est, sic etiam omnes actiones inferioris mundi corporum cælestium cursui & motibus subijciuntur, quæ per faustos concursus & aspectus fertilitatem & abundantiam bonorum, concordiam, sanitatem & prosperitatem: per infaustas constellationes annonæ caritatem, bellum, morbos & alia mala portendunt. Non ergo mirandum, quando motus & operationes in-

tēnas corporis hūmani (quōd à Philosophicis Græcis Microcosmus, vel parvus mundus dicitur) & particulariter naturam septem membrorum principalium, quæ septem planetas repræsentant, observamus (quāvis hæc Philosophia calculnatoribus quibusdam ridicula videtur) certiores reddimur, quando Lien, quem Paracelsus Saturnum appellat, vapores de vitioso suo humore extra suam regionem & cursum naturalem emittit ad cor, quod ille solem appellat, vel ad cerebrum, quod ipsi luna est, illud ipsum causare timorem, debilitatem, tristitiam, phantasticam impressionem & imaginationem, memoriæ perturbationem & diuersa alia accidentia. Sic etiam Fel, Martis nomine ab eodem insignitum, suas superfuitates & vapores præter naturæ motum ad cerebrum, quod habet rationem Lunæ, transmittens, causa est cephaleæ, mania, furoris, rabiei, & aliorum morborum, quemadmodum, vbi sese supra jecur (quod Iouis nomine venit) offundit, febres, ardores, aliæque accidentia producit, quod etiam in aliis partibus corporis accidit, vbi contra naturæ cursum mouetur. Iam verò si tales alterationes corpora nostra prehendere possunt, ob inordinariam influentiam & operationem prædictarum partium, planetas in paruo mundo repræsentantium, idcirco non difficulter persuadere possumus, quod conjunctio & concursus Martis atque Iouis, Saturnicum Luna, & alij maligni Planetæ cum bonis, spiritus nostros alterare possint, reddendo nos ægros & morientes, cum elementa secunda nostri corporis, spiritus atque sensus ab iis dependeant, quemadmodum caro & sanguis ab alimentis, quibus per nocumentum aliquod corruptis & deprauatis loco nutritionis & refectionis contrarij effectus producuntur. Quod hoc ita sit, sicuti diximus, omnes Philosophi, Astrologi, rerum naturalium

scrutatores & prudentes Medici confirmant, experientia concordante & continuo idipsum demonstrante, vt nulla contradictionis occasio relinquatur. Non tamen eiusmodi regimen planetis est attribuendum, quasi rebus sublunaris absque conditione, absolute imperent, quod Ethnici crediderunt, & eos instar Deorum adorarunt; quia sunt tantum causæ secundæ, quæ dependent à motu primæ, quæ est Deus ille, qui creauit ipsos, utpote qui nullo modo se commouent, absque ductu Creatoris sui, qui per admirabilem suam prouidentiam illos gubernat, & secundum suum beneplacitum in æquitate & iustitia disponit.

Inter causas sublunares aërem inficientes, est vehemens & inusitatus calor, qui summam humiditatem sequitur, qualem per annum hunc in tota hac regione vidimus: sicut etiam ventus meridionalis frequenter regnans, quamuis hæc duæ causæ à quibusdam etiam ad cælestes referantur. Porro aquæ corruptæ stagnantes de fœtidis paludibus ad inferiores causas etiam pertinent, quæ manifestò faciunt ad aëris infectionem: cloacæ quoque publicæ, quibus totius ciuitatis immundities colligitur: fœtida quoque exhalatio cadaverum non sepulcrorum, quod interdum post cruenta bella, crudelesque strages fieri consuevit: maxima hominum congregatio conjunctim facta, quod in bello, nauibusque sæpius accidit: vapor fœtidus lini vel cannabis, quando macerantur & humectantur in aquis stagnantibus: spurcicies macelli publici: congeries fœtida fori piscium: superfuitates coriariorum: cadauera bestiarum & carnes putridæ, in aquis vel campis propè ciuitates relictæ, & aliæ immundities: finaliter verò praua nutrimenta, quibus pauperes ac milites vt sæpius coguntur, qui crudis aut aliis impuris ac fœdidis rebus

vescuntur, & aquas insalubres bibunt, qua ratione sanguis iisdem corrumpitur, & spiritus inficiuntur, unde morbi maligni contagiosi, nec non ipsa pestis oritur, quæ postmodum paulatim sese extendit, & sæpè diuites etiam, & qui pro voluntate sua viuunt, inuadit. Sic interdum etiam prouenit à veneficis, sagis, quæ cum non possunt maliciosam voluntatem nocendi ad actum traducere, protinus pulueres venenatos per prata spargunt, quibus pecudes inficiuntur, unde paulatim postea magnum contagium hominib. etiam communicatur. Idipsum etiam absque culpa talium malitiosorum hominum accidere potest; Scilicet quando pecudes ob causam deprauati vaporis terrestres, aut pruinæ venenatæ, quib. herbæ campi corrumpuntur, venenum hauriunt, cuius rei exemplum in hac regione sub initium Maij mensis vidimus. Tunc enim, quando post excessum caloris circa meridiem copiosi vapores è putido solo assurgunt, qui aërem turbant, & inferius per aquas atque prata fumare solent, instar crassarum nebularum autumnii, protinus infectio pecudum subsequi solet. Sæpè contrarium accidit, vt causæ inferiores & cœlestes conjunctim operentur, vbi pestis magis vniuersalis & perniciosior est. Atque hæc de causis pestis in generali, quæ nihil aliud sunt, quàm causæ secundæ & instrumentariæ. Vera enim causa antecedens & originalis pestis est, Ira DEI inflammata super nos ob grandia & horribilia peccata nostra, & plus quam bestialem ingrati tudinem beneficiorum nobis præstitorum, qui DEVS nos castigando & corrigendo per motum causarum secundarum operatur, instar fulminis cœlestis, quod syluam aliquam tangit atque incendit, quod ipsum absoluta quoque potestate DEVS faceret, si placeret, absque adiumento rei cuiusdam interuenientis.

De signis & præsignis, quæ pestem futuram denunciant.

Inter causas supradictas aërem inficientes inueniuntur, quæ etiam indicia pestis futuræ dici possunt, sicut est excessus caloris, cum subsequente humiditate continuata, & venti meridionales diu stantes. Inter Prognostica pestis est etiam cometa, jaculam & aliæ figuræ ardentes, diutius in suprema aëris regione subsistentes, quæ communiter subjacentib. regionibus status mutationem, aut crudelem interitum minantur. Similiter signum infallibile pestis est copia ranarum, bufonum, locustarum, serpentum, limacum, murium, erucarum & similium insectorum hinc & inde sparforum: Sicut etiam extraordinaria copia piscium, tam in mari, quàm in fluminibus. Eodem modo variolæ, morbilli, dysenterix grassantes, sæpissimè sunt præcursores internuncij pestis, sicut etiam alia signa naturalia, quæ breuitatis causa hîc omittimus.

De præseruatione contra Pestem.

Quia verò (juxta commune pro uerbum) facilius & minori negotio domus aliqua defenditur ab incendio, quàm tunc temporis, vbi interius flamma iam grassatur: adeoque facilius etiam est, vt homo sanus pestem fugiat, quàm vt curetur, qui iam infectus est; idcirco proposito conueniens videtur, vt primo de præseruatione, postea de curatione pestis agamus. Dum a. tanquam Christiani nob. in animum reuocamus, ante causas omnes pestis primariam esse Iram & Indignationem DEI contra nos, sicut diximus; primarium ac præcipuum præseruationum erit iram DEI placare, sine quo remedio reliqua omnia frustra nobis adhibentur. Medium verò, quo placamus & auerruncamus iram diuinam, sine lachrymæ cor-

dis contriti, tūm feruentibus precibus, ad obtinendam peccatorum remissionem. Hinc igitur ante omnia quilibet (quando ita Deo peste populum aliquem visitare placuerit) sollicitus sit de ipso, & quamprimum ad medium illud recurrat, ea propter vt per preces nostras, in merito Saluatoris nostri Iesu Christi fundatas, misericordiam à Deo Patre obtineamus, quòd propter infinitam clementiam suam pœnam hanc à nobis auferat, vel ad minimum; si ita placuerit eidem, nos castigare, ne illud ipsum fiat in condemnationem & destructionem nostram, sed vt corrigamur, ad eundem conuertamur, & quo ad animum perficiamur; vt à malo liberati, gratias eidem in perpetuum agamus eidemque magis obedientes reddamur. Quod si placuerit eidem, nos ex hoc mundo auocare (quemadmodum necessarium semel vel peste, vel alia ratione moriendum est) vt animam nostram in regnum cœleste gloriosum recipiat, quod fidelibus suis præparauit, vbi nec Diabolo, nec morti, nec peccato, nec vlli corruptioni quidquam est potestatis; vbi possidebimus veram quietem, perfectum gaudium, nos in præsentia nostri creatoris vnicè delectando. Quicumque taliter se præparabit & constanter resoluet, illi id ipsum certissimum remedium contra pestem erit; ea propter quòd timidiore & consternati plerumque sub initium contagionis afficiantur: Et posito, quod pestis vnicum tantum hominem occidere, reliquis autem in republ. quadam parcere debeat, nihilominus nullus erit tam ignauus in eo, quod cuius accidere potest, id quod eò magis nos incitare debet, quando locum aliquem occupatum ab infectione videmus, vbi rarissimè quarta pars inquilinorum alicuius domus infectæ remanet, quæ non occidatur & absorbeat, vbi contagio præhenditur. Quod sufficiat hac in parte dictum, vt satisfiat meo officio, quantum attinet admonitio-

nem illam, vbi quod superest ad fideles Ecclesiæ Ministros & Pastores, atque consolatores agrotantium remitto, procedendo vltcrius in discursu nostro ad ea, quæ propriè Artem meam concernunt.

De aëre, & quomodo tempore pestis corrigatur.

Facta reconciliatione cum Deo nostro & spe nostra fundata super misericordia & clementia sua paterna, veniendum erit ad media naturalia, vbi præcipuum ac primum præseruatium contra pestem est, omnem occasionem ac formidinem eius fugere, nec non, si fieri potest absque incommoditate, damnoque proximi, protinus ab infecto aëre longissimè, quantum fieri potest, secedere, & in loco sano commorari tamdiu, donec infectio totaliter desierit. Verùm vbi Respubl. nostram præsentiam requirit, vel etiam aliàs conditio & status minimè permittit, vt abeamus; aut si malum vndique totam regionem occupat, ita vt vix locus aliquis securus inueniatur, tunc animosi simus, & ad voluntatem diuinam nos conformemus, inquirendo media præseruatia optima, inter quæ primo loco cogitandum de correctione & alteratione aëris, quæ inconuenientiis eius resistat. Vt autem hoc exequamur, ante omnia (quibus possibile est) habitationem eligant amplam, amœnam & puram, quæ sit in loco perspirabili, remoto ab omni immunditiè, & à domibus mechanicis, in quibus candelæ, coria, saponès & similia consiciuntur. Porro si pestifera lues grassatur, à parte orientis, vel occasus, necessum est, vt fenestræ ab ea parte claudantur, oppositis apertis versus septentrionem: si contagium hic oritur, contrarium faciendum vbi tamen semper ventus meridionalis suspectus sit, tanquam fouens & promouens aërem pestiferum, ob su-

per suam suam humiditatem cum calore conjunctam, ad correctionem suam contrarias qualitates requirens, nimirum frigiditatem & principaliter siccitatem, utpote cum siccitatis sit humiditatem consumere, quæ vnica corruptionis & putredinis omnium rerum causa est. Hoc optimè perpendens Hippocrates aërem Athenis & in Græcia per accensos ignes purificat, ex lignis odoriferis continuè in medio platearum & domuum conflagrantibus. quam ob causam Athenienses eidem Statuas crexerunt, & diuinos honores attribuerunt. Hinc ad aëris contagiosi purificationem nihil melius flammâ, maximè quando per balsamicam & odorabilem materiam alitur. Quod ipsum Excellentiores Medici, qui de peste scripserunt, obseruare voluerunt, dum iubent frequentes ignes in cubiculis excitandos esse, simul etiam curiosè res ipsas combustibiles seligendo, vnde volunt, ut verno tempore, comburamus saluiam, lentiscum, furculos vitium, myrti, santalum album & alia ligna frigidioris qualitatis: item quod hinc inde per cubicula flores violarum, rosarum, folia vitis, flores Nymphaeæ, aqua rosar. flores arantiorum spargendi sint, aliis etiam simplicioribus & compositis effumigationibus refrigerantibus excitatis. Porro hyberno tempore flamma fiat ex foliis & lignis Lauri, Arantiorum, Cupressi, Cinamomi, Iuniperi, Sabinæ, Rorismarini, Lauendulæ, aliisque aromaticis: fumus itidem excitetur ex Benzoino, Styrace cal. Ladano, Thymiamate, Ambra, Moscho & aliis rebus odoriferis calidis, quas omnes enumerare tediousum esset. Sed nos (qui in nullius iurauimus verba Magistri) potius essentiam & rei necessitatem, quàm externum apparatus respiciendo, medium præscribimus ad aërem infectum purificandum, quod maximè efficax erit, quodque omnibus in locis, vbi sunt pharmaceuticæ officinæ, pro diuitibus & pauperibus.

præparari poterit, cuius vsus absque discrimine cunctis conueniens erit, quod hoc modo conficitur.

Trochisci contra pestem pro fumo.

- ℞. Flor. Sulph. vel eius loco Sulph. flauū
crudi ʒj.
Benzoini el.
Myrrhæ el.
Caryophyll. ʒj.

Fiat subtilissimus puluis ex his omnibus, vbi primò caryophylli, tanquam duriores præ reliquis pulueriscentur: postea cū s. q. mellis Iuniperini, hoc est, substantiæ baccarum juniperi per ebullitionem cum aqua extractæ, post expressæ & ad consistentiam mellis coctæ, fiat massa in mortario, de qua parui trochisci formantur, qui exsiccantur, & ad necessitatem referuntur.

Parua candela pro fumo contra pestem.

- ℞. Carbonum salicis vel coryli ʒij.
Fl. q ʒj.
Benzoini opt.
Myrrhæ el. ana. ʒß.
Caryophyll. ʒß.

Similiter ex hisce fiat puluis subtilissimus, & cum Ichthyocolla fiat massa, pro formandis candelis paruis, more earum, quo ad odores bonos excitandos alio tempore formantur.

Acetum compositum pro fumo excitando tempore pestis.

- ℞. Rosar. rub. exsiccat.
Absinthij Rom.
Cort. exter. citri exsic.
Myrryllorum ana. ʒjj.
Rad. Carlinæ.
Santal. al. odoriferi an. ʒj.
Camphoræ ʒj.
Aceti vini potentiss. Mens. i.
Incidenda

Incidenda incidantur, & contundenda contundantur groſſo modo, & infundantur omnia in vaſe vitreo bene claſo, digerantur per 40. horas, deinde colentur & ad uſum referuentur.

Uſus præcedentium ſuffumigiorum.

Tempore peſtis regnantis nihil melius eſt, quàm ignem luculentum in cubiculis alere, iuxta modum ſupradictum. Hinc ergo curam habeamus ignis accenſi, minoris ac majoris, pro ratione temporis, & amplitudine cubiculorum; ex ligno quercino, ſagino, vel alio, quod nobis ſuggeritur. Poſtea ſingulis diebus matutino tempore, poſtquam è lecto leuati ſumus, & veſperi, priuſquam cubitum eamus, clauiſis fenestris (egrediendi conclauia) in medio ipſorum prunis ardentibus injiciatur prædictorum Trochiſcorum pro fumo pauxillum, vel de candelis præparatis duæ accendantur, quæ carbonis inſtar comburantur, fumo diſſipato ruſus ingredere, & ſic permutatioe facta, totius domus cubacula purificentur. Poſtea per totum diem leuiter effumatio fiat hinc & inde in tota in habitatione per acetum compositum, ubi in promptu ſint ignitabula, parua vitreata, quæ ſint inſtar paruarum fornacum, focum cum crate tenentium, cui carbonem accenſum immittatur, cuique ſubſit ſpatium ad cineres deſluentes recipiendos, item foramen vel perſpiraculum, ad alendum ignem, & ſuperius catinum paruum, cui acetum prædictum vicia vna immittatur vna vice, quorum ignitabulorum tria vel quatuor hinc & inde calefacta ponantur in angulis hoſpitij, ſimul obſeruando, vt ſemper eò uſque ignis immiſſis carbonibus alatur, qui ad euaporationem ſubtilem acetum, ſine manifeſta ebullitione ſit ſufficiens, vt nihil, præter effumationem, percipiatur. Quod pauperes concernit, qui commoditatem plurimum cubiculorum

non habent, & qui ſemper in vno conclauo communi cogantur, cum ſuis, hiſ ſufficiat, ignitabulum vnicum cum prædicto aceto, poſſuntque ſulphuris fumum excitare, quanquam in vna habitatione permancant, collocando ſuffumigium in locum illum, ubi maxima pars excitati fumum per caminum euolat, tranſpirationem cubiculis concedendo, vel apertis januis, vel fenestris, donec craſſior ſulphuris odor ſit diſſipatus, & quis abſque noxa, nauſeæque perferre poſſit. Si ſit autem pauperum indigentia tanta, diuitumque charitas tam minuta, vt etiam tali ſuffumigio deſtituantur, tunc loco trochiſcorum & candelarum prædictarum, ſulphure crudo, nec non loco acetum compositum, ſimplici tantum vtantur, ubi vicem ignitabuli ſimplex etiam terreus catinus prunis ardentibus ſuperpoſitus ſufficiet, vt acetum exhalatio fumoſa fiat. Quod ſi ſupercilioſus quiſpiam & arrogans obijciat, ſulphuris ſubſtantiam eſſe ſatis calidam & foetidam, & quod potius temperatis ſit vitendum, iſque aromaticis, odoribus nobis gratiſſimis, huic reſpondeamus, quod tempore peſtis non principaliter eò reſpiciendum ſit, vt temperata & bene odorata adhibeantur, ea propter quod ſit ciuium infectio maligna ac vehemens quæ non magis per odorem roſæ, violarum, arantiorum, Iridis, Styrcis, Santali, cinamomi, moſchi, Ambræ, Zibethi, & aliarum rerum odoriferarum domatur, quàm fortitudo vel rabies Leonis per agni reſiſtentiam, vel propriè magis loquendo, maximum venenum Arſenici per uſum Sacchari Candi: perpendendo, quod non hic intentio ſit, aërem ob ſimplicem aliquem foctorem corrigere odorabilia, ſed potius reſiſtendo ſubtili vaporum, vel ſpiritui venenato, qui non domatur aut corrigitur, niſi per ſpiritum ſeu vaporem alterius rei ſuæ naturæ contrariæ, cui reſpectu ipſius ſit prædominium. Hinc inter omnes res naturales nulla hic

est supra sulphur, quod (inftar ignis actualiter omnem humiditatem consumentis (potentissimè omnem corruptionem & venenum alterat, & sicuti liquor ipsius omnes aquas viscosas, putridas, ipsumque vinum turbatum atque corruptum purificat, vicissim clarificando, sic etiam vapor atque spiritus eius effumans in accensione præcipitat & abigit omnem aëris corruptionem, & eundem clarificando, purificando, nec non de eodem omnem noxam abigendo, quam ob causam usus eius meritò magnifit, qui propter calorem minimè damnatur, eo vique ut ipsa quoque flamma ignis inter ea, quæ aëris infectionem corrigunt, à nobis primo loco ponatur. Adde simul, quod etiam si sulphur sit calidum in sua integritate, resina modo ardens, non tamen affirmari possit, quod spiritus eius, vel vapor iste acidus, qui ab eodem separatur, & sese in aërem ardendo resoluit, qualitatis sit calidæ: Si enim cum omnibus Philosophis & Medicis classicis confiteri debemus, res acidas frigidæ esse, per se, vel ex accidenti, simul id ipsum etiam de vapore sulphuris pronunciamus erit, qui secundum artem vitreis instrumentis collectus sese in liquorem coagulat, quem communiter oleum sulphuris nominamus, cuius hodie, sicuti notum est omnibus Medicis, frequens usus est in febrilibus calidis & ardentibus, tam ut humorum putredini resistat, quàm ut excessum caloris febrilis extinguat, & sitim sedet: & verè dicimus, quod quemadmodum vinum optimum integritate sua permanens calefacit, idque in acetum alteratum refrigerat, sic etiam id ipsum verum est de sulphure, suatamen graduum distinctione, juxta naturam sibi conuenientem. Cum autem plurimum tribuamus aceto tam ad spiritus admodum incalescentes in lipothymiis alterandos, quam etiam in deuchendis medicamentis confortantibus cordialibus, in corrigendis venenatis, & alijs

visibus: certum recursum etiam habemus tempore infectionis malignæ ad usum spiritus sulphuris, qui est verum acetum Philosophorum, rex omnium liquorum acidorum, & verum Elixir, quod res omnes à corruptione defendit. Quod si alicui sulphuris odor in accensione ingratum & abominabilis est, ille potest id ipsum corrigere, prout diximus, & in accensione parumper secedat, sicut docuimus: & quamvis cubiculum aliquid odoris redoleat, tempore patienter & necessitati sese accommodare oportet, utpote cum impossibile sit, ut nasum quotidie rosas admouendo sanitatem conseruemus. Tantum de fumo sulphuris tempore pestis.

Sed ut redeamus ad propositum nostrum, præter sollicitudinem istam, quam de purificatione ambientis non aëris in habitatione nostra habere debemus, quemadmodum monstrauimus, necessarium erit, ut etiam similiter curam instituamus diligentem, quod corporis nostri aër purificetur, vel ut exactius loquamur, quod in statu suæ integritatis conseruetur per odorem subtilium Medicamentorum Bezoardicorum, qui per instrumenta respirationis, pulmones potissimum, cordi communicetur, & per arteriarum motum dilatationis atque contractionis per omnes spiritus distribuatur, adeoque consequenter omnes humores facultatem balsamicam, & virtutem veneno resistentem nanciscantur. Hoc sine antecessores nostri remedia infinita consignarunt: sed longum discursum abrogando, & in colligendis quamplurimis confusionem euitando, tantum ea proponam, quæ magis efficacia & necessaria cognoui.

Acetum Bezoarticum, sive Acetum compositum, quod aëris infectioni resistit.

℞. Aceti vini potentissimi,

Succi de Citris, qui ex Hispania in
vasculis adfertur ana Menf. ij.

Hi duo liquores in bal. Mariæ destillen-
tur, & collecta ferè media parte phleg-
matis, vel substantiæ magis aquosæ, su-
matur liquor remanens in cucurbita, qui
magis efficax & virtuosus est, cui hæc in-
fundantur.

℞. Rad. Carlinæ

Vincetoxicæ,

Valerianæ

Zedoariæ

Cort. ext. citri in umbra sic.

Herb. Scordij

Diptamni Cret.

Abinth. Rom.

Fl. Ros. rub.

Myrtill.

Cinam. electiss.

Sandali el. odoriferi an. ʒj.

Ol. Sulph. rectif. ʒ iij.

Camphoræ ʒ ij.

Vitro benè clauso (quod ultra dimidium
repletum non sit) vt nihil expirare possit,
omnia in Bal. Mar. aquæ ebullientis ma-
cerentur per 40. horas, & postea liquor
coletur cum expressione, qui ad vsum as-
seruetur. Acetum hoc Bezoarticum duo-
bus modis vsurpatur; primò quotidie
matutino tempore parum naribus, tem-
poribus atque pulsibus illinatur: deinde
secum gestetur hinc inde per ciuitatem
ambulando, sæpiusque naribus admo-
uendo, quod fieri potest phiolâ vitrea
parua, cui sit osculum amplum, in qua par-
ticula spōgiæ sit immissa, quod obducatur
postea membranâ foraminibus paruis
pertusa, per quæ contentum acetum trāf-
fudet, cui vsui pomū aureum, argenteum
(sed deauratum) eburneum, ligneum,
foraminibus pertusum cum spongia com-
modū etiam inservire potest.

*Balsamum Bezoarticum seu Balsamum
cordiale, resistens aëris infectioni.*

℞. Ol. Sem. citri per express. extracti,

Ceræ flauæ ana ʒj.

Cera in ol. citri soluatur subiectis cin-
eribus calidis, postea remotis ab igne &
instar vnguenti refrigeratis, adjungantur
primò sequentia.

Gelatine citri vel succi citr. codensati ʒj.

Ol. citri destill.

Angelicæ

Abinthij ana ʒß.

Ol. Thymi Rosmar. Caryoph. an. ʒj.

Camphoræ subtiliter pulu. vel in di-
ctis oleis dissolutæ gr. XV. Misc.

Balsamus hic eodem modo conueniens
est vt manè surgentes nos in prædictis
partibus inungamus, siue exeamus, siue
domi maneamus.

*Pomum odoriferum pro ditioribus, qui
rebus odoriferis delectantur.*

Quamvis verò nobis non erat, quid-
quam remediorum proponere, quod
non directè & specificè contra pestem
dirigatur, sine respectu hujus aut illius
odoris: nihilominus perpendendo quos-
dam penitus assuetos, certos odores sua-
ves, ita vt alios penitus ferre non posse,
commotus sum, quod & ipsis satisfaciam,
vt sequētem compositionē scriberem.

℞. Rosar. rubr. exsic. ʒij.

Styrac. calam. Asæ dulc. siue Ben-
zoini. ana ʒj

Santali albi odorif. Cinam. electiss.

Ligni Aloës ref. ana ʒß.

Ambra griseæ opt. ʒiij. Moschi

Alex. ʒij. Zibethi Arab. ʒj.

Rosæ sua natura humidæ separatim
siccantur, sicut etiam santalum, lignum
Aloës & Cinamomum, quæ sunt ingre-
dientia duriora; postea Benzoin & Styrax
leuiter terantur, ne mortario adhæreant;
hique pulueres misceantur: Sumantur
deinde Ambra, Moschus & Zibethum,
prædictique pulueris vncia adjungatur
iisdem, & in mortario benè subigantur
per horam & ultra, tandem quod

superest pulueris addatur, donec omnia benè mixta fuerint, tandem cum sufficienti quantitate Balsami Peruuiani odoratissimi fiat massa in mortario cum pistillo, parumper antea calefacto, tandiu benè commouendo, donec massa pellucida pulchraque reddatur, ex qua Poma vel pilæ formentur pro lubitu, quas sîdone vel serico quis obducatur, vel potius pomis ex auro, argento, ebore perforatis includat, tam propter odoris conseruationem, quàm etiam ne manuum calidarum attactu continuato nimis molles reddantur, quantumuis hæc ob causam deteriores non sint, quia Pomum odoriferum eiusmodi mollius & apertum melius est, quàm induratum & omnino clausum, quemadmodum sunt illa, quorum massa cum Gummi Tragach. conficitur, quæ sæpiùs ita indurantur, vt odorabilem rerum qualitas suffocetur & exhalare nequeat.

Pomum odoriferum specificum contra infectionem aeris, cuique conueniens.

℞. Rad. Angelic. resinosa, Valeria, Carlin. Cort. ext. citri in umbra sic. Zedoar. Myrrh. el. & Succini albi ana ℥j.

Omnia pulueriscentur subtilissimè postea cum s. q. Gummi Ammoniaci in aceto rosar. soluti, colati & ad consistentiam viscosam decocti fiat massa in mortario, pro pomis formandis, sicut antea dictum, quæ quamuis non ita sua via sint, non tamen minorem aliis efficaciam possident.

Acetum compositum pro pauperibus.

Pauperes qui his & supradictis remediis destituuntur, vtantur sequenti Aceto.

℞. Granor. Iuniperi recent. Absinthij, Rutæ sicca ana ℥iij.

Thuris, Myrrhæ ana ℥ij.

Incidentur grana Iuniperi cum hær bis tenuiter, grosso modo reliquis puluerisatis, quibus optimi, aceti vini vel cereuisiæ. 2. mensuræ affundantur in vase terreo subere, bene occluso; reponatur in loco calido, vel ad angulum ignis, vt materia semper calefacta sit per biduum vel triduum, postea exprimat & ad vsum seruetur, eodem modo, sicut ante dictum fuit.

Tandem etiam infectionis tempore Magistratus sollicitus sit, vt ciuitates atq; oppida ab omni spurcitie purificentur, & vbi magis infectio grassari conatur, hinc & inde publicis in quadriuiis ignes accendent ex pice nigra cum sulphuris parte dimidia permitta, si non de die, quando per plateas homines ambulant, ad minimum tamen noctu, dum ad lectum quilibet se confert, tunc temporis scilicet vbi propter malignas exhalationes à terra prodeuntes, aer tempore pestis magis noxius est. In specie quilibet habitationem suam ab omni impuritate liberam conseruet, latrinis benè tectis, gutturiis cum subiectis catinis purificatis, linteis bene lotis, sed non cum sapone fætido, qui de oleo vel pinguedine piscium confici solet: odor fætidus piscium, hancum arefactorum, casei putridi, brodij brassicæ, raparum & omnium aliarum rerum, quæ fætores spirant, vitetur. Caueant insuper, ne semper in abluendis pauimentis cubiculorum laborent, quod plerisque fæminis in his regionibus in more est, & hinc ædes per affusionem aquæ plurimum humectatas habent instar nauium in aqua subsistentiũ, & in ædibus sic producant aërem humidum, qui non tantum tempore pestis noxius est, sed aliàs etiam catarrhos nocentes, aliâque symptomata producere solet, quæ postea malè aëri exterius irruenti adscribunt. Fieri enim potest, vt nihilo minus puritas ædibus constet, etiam si

lotiones eiusmodi noxiæ toties non instituantur. Ante omnia caueat sibi quilibet, ne domi suæ canes rusticos impuros alat, qui fœtore domum replent; & particula-riter illos, qui carnibus & interaneis animalium demortuorum nutriuntur, qui halitum fœtidum expirantes sufficiunt etiam ad villæ alicuius pestiferam infectionem: qua ratione formidabilis etiam est fœtor excrementorum atque urinæ felium. Et hoc modo diligenter omnia sunt obseruanda, propterea quod nihil sit in Vniuerso, quod ita pestem ad se trahat, quàm immundities & fœtor, quod ipsum exemplo maximè confirmatur: Quando enim pestis regionem aliquam inuadit, eadem à pauperibus & sordidis, qui more porcorum cumulatim in angustioribus ædibus viuunt, plerumque sumit exordium. Et hæc de aëris commotione dicta sufficiant.

Motus & quies.

Exercitium vehemens ac violentum communiter tempore pestis formidabile & noxium statuitur, quia corpus cholericum reddit, illudque inflamat, pulmones laxat, & respirationem frequentem & coactam producendo cor calefacit & debilitat, ipsosque spiritus vitales dissoluit, vnde postea sequitur, vt ipsum corpus ad infectionem recipiendam habilius reddatur. Quocirca qui sese tempore pestis exercere cupit, ille faciat hoc ipsum matutino tempore post ortum solis, in horto, sylua, vel campo, tempore æstatis, cæloque sereno, minimèque nubiloso, nec admodum ventis agitato, postea domum sese conferat. Somnus post prandium maximè suspectus est hoc tempore, prauasque dispositiones producere potest, præsertim in iis, qui ad eundem minimè adfueti sunt. Hinc igitur omnis occasio vitanda, quæ lassum atque somnolentum hominem reddit, adeoque potius

diuersiones quærendæ per honestos ludos, & animi gratia institutas conuersationes, audiendo Muscam, & iucundas historias legendo, cœque donec calor intensior promeridiano tempore remittat, vbi vicissim deambulatio, sicuti dictum fieri poterit, ita tamen vt in tempore priusquam aduersperascat, domum nos conferamus. Hic modus æstatis tempore notetur. Sed hyemalis tempore paulò aliter procedendum, juxta temporis necessitatem. Medici, quibus ægrotorum curatio commissæ est, similiter etiam (si commoditas id ipsum permittit) suos ægrotantes visitare debent matutino tempore, post solis exortum in vmbra, nec non vesperti, quando sol ferè in occasu est, maximèque solliciti sint, ne pestem in domos proprias adducant, infectionem pro viribus à vicinis suis abigendo: quod sapius iis Medicis accidisse vidi, qui potius lucri quàm charitatis erga proximum causâ sese periculo tali commiserunt, quales non tantum non raro propriam vitam suam periculo committunt, sed simul etiam omnes illos, qui ipsos frequentant, quam ob causam iidem, instar pestis ipsius, fugiendi, quam sapius in vestibus suis de domo in domum portare solent. Hanc ob causam quilibet Magistratus Christianus benè constitutus plurimum in Throno DEI, (qui eundem ad dignitatem eleauit, eidemque autoritatem tribuit, quò diligenter curam habeat huius rei, non tantum propter personam propriam, sed etiam propter populum vniuersum, cuius ipse pater constitutus est) obligatur, ne Medicos ordinarios totius Reipublice domos infectas ingredi patiatur, sed certos quosdam Medicos atque Chirurgos constituat, homines pios, boni iudicij, animosos & expeditos, quibus salarium & sustentatio sufficiens largiatur, quò tempore pestis inferuire possint, qui signum aliquod infectionis temporis ge-

issent, quō cognoscantur, quibus sub pœna interdicatur, ne alios ægrotantes visitent. Dixi, quod tales Medici & Chirurgi bonæ famæ & iudicij esse debeant, quia maximus est casus consentiæ, yitam multorum pauperum peste laborantium negligere, eamq; Empiricis & Idiotis committere, quemadmodum inveniuntur præsumptuosi audaculi, qui pestiferorum curam gerere conantur, & magis in arte Medica non profecerunt, quam simiæ. Perturbati, maximamque temporis partem ebrii, bestiarum instar, ægrotos visitant, & Medicamentis atque præscriptis Medicorum vtuntur cum eiusmodi discretione rationis, sicuti facie ænus in pulsandis fidibus musicis, vel surdus in Instrumenti musici directione. Nam absque consideratione causæ morbi, symptomatum, indicationum, differentię corporis, eiusque complexionis aut temperamenti, repletionis & inanitionis illorum, prædominij humorum, partis principaliter infectæ, sexuum, ætatum, & sine aliis quamplurimis obseruandis, quæ in ægrotantium curatione necessaria sunt, medicamentis abutuntur, sine omni doseos & vehiculorum discretione: sudorem imperant, quando primò purgandum, vel sanguis mittendus; purgant, quando cibus præbendus; venam secant; quando confortandum; laxant & aperiunt, quando corroborandum; corroborant, quando vacuandum; nutriunt, quando jejunandum; & breuiter his & similiter absque intellectu vtuntur: si pateriens conualescit, fortuitus est casus, quamuis honorem & remunerationem expectant, si moritur, excusatio talium Medicorum præstò est, quia nullus est, qui processum curationis eorundem obseruat. Quocirca, cum Magistratus condolentiam erga subditos habere debeat, huic defectui ei succurrendum erit, quia etiam si quis optima, specifica nec non vtilia medicamenta possideat, quæ

veneno, malignitatiquē pestis resistunt, sine exceptione constitutionis ac temperamenti corporis laborantis, non tamen hoc obstante requiritur, vt iuxta discretionem artificiosam applicentur, quia non sufficit, vt mali causam principalem expugnemus, sed pedetentim etiam eò curatio dirigenda venit, vt non negligantur accidentia superuenientia, quæ mortis causa esse possunt, aut ita corpus laborantis debilitant ac lædunt, vt per totam vitam tempus habeant, de quo conquerantur, & ita reparetur ac restitueretur in integrum illud, quod ardore pestilentiali corruptum fuit, id quod Idiotarum cognitionem & intellectum excedit.

Diatæ, vel regimen cibi potusque.

Quod attinet diætam vel regimen particulare, cibum, potumque concernens, hoc est, electionem certorum alimentorum, & rejectionem minùs conuenientium, respectu eorum, qui sani sunt tempore pestis, quò seipsos tanto melius in statu sanitatis defendant, & ab infectione liberiores sint, diuersæ sunt Medicorum opiniones. Quidam fundamenti loco diuersas alimentorum & potulentorum qualitates considerant, & approbant illa, quæ quandam alterationem corpori introducere putant, quæque corpus in integritate sua conseruare queant. Alij potius ad consuetudinem respiciendo, quàm prædictam conjecturam obseruando, statuunt quod homo sanus liberè consuetis alimentis ac potulentis vtique queat, iuxta varietatem anni temporum oblatis, tam irruente infectione, quàm etiam aliàs, quorum opinio priori meritò præfertur. Deus enim singulari providentia res omnes alimentares eo sine creauit, vt ad nutritionem & conseruationem hominis inseruiant, modò temperanter, & cum gratiarum actione

Tumantur, vbi simul ordinavit, vt in sanitatis conseruationem cedant, ea ratione, vt radices herbarum crudarum vel fructus arborum quibusdam conueniant eodem modo, sicut aliis panis è frumento benè coctus: caro bouina similiter quibusdam, sicut aliis caro pullorum & perdicum: his caro porcina, sicut aliis caro vitulina vel veruecina: his pisces maris crassi, haleces, aselli exsiccati, sicut aliis aurata, vel alij pisces delicati saxatiles: his caseus & butyrum, sicut aliis delicata condita & confectiones: & quoad potulentia, vt fontis aqua cruda quibusdam tam sana sit & conueniens, sicut aliis cereuisia, aliis hydromel, aliis succus pomorum & fructuum depuratus: & aliis cereuisia, sicut aliis vinum Hispanicum, Gallicum, Rhenanum: quibusdam aqua vitæ, calida fortissima, sicut aliis potus benè temperatus, sicut & alia vitæ genera, quæ ratio instituti enumerare non permittit. Hinc sanguis illorum, qui pane secalino, fabarum, milij, & aliis crassioribus cibis vescuntur, & qui aquam, lac aut cerenissimam bibunt, æquè ruber, bonus ac pulcher est, quàm eorum, qui panem album, cibosque delicatos ac leues comedunt, & vinum optimum bibunt. Hoc modo non video rationem vllam, cur Medici diætã aliam introducere, vel mutationem alimentorum ad pestis præseruationem instituere debeant, in consideratione, quod talis variatio potius robur corporis alterare, quàm id ipsum confortare vel conseruare possit. Hoc verum est, quod illi periculosum sit, qui quotidie pullis gallinarum, perdicibus, pane Martio & similibus vsus fuit, si postpositis consuetis, subitò carne bouina, porcina, pane bis cocto nautico viuere velit: similiter & ille sanitatem periculo committet, qui cibis crassioribus assuetus, delicatis ac leuibus alimentis sese satiare conabitur. Sed quid dicamus vltèrius? nonne videmus per-

sonas crassioribus alimentis assuetas ordinariè robustiores ipsique infectioni minus obnoxias esse, quàm admodum delicatè viuentes? non quidem quasi hoc ipsum cibus, quibus vescantur, attribuendum sit, sed potiùs propter naturæ robur, quod eiusmodi alimentis conseruari vult. Quod si caro bouina, porcina, item pisces & caseus sunt materia magis accommodata pro recipienda infectione pestifera, & generatione sanguinis impuri vel spirituum alteratione, præ cibus aliis, caueant sibi populi Angliæ, Westphaliæ & Hollandiæ, quia primi eorum carne bouina, secundi pernis porcinis, tertij piscibus, caseis & butyro maximam partem, & non solum vulgares sed illi, qui sunt alicuius autoritatis & existimationis, quotidie ferè vescuntur. Interea, si quis exactè id ipsum perpendat, non magis penes hos populos pestem grassantem, quàm apud aliter viuentes obseruabit. Hoc ipsum tamen dictum volumus respectu corporum sanorum, quæ probè suas functiones peragunt, aliter sentiendo ratione illorum, quibus stomachus debilis est, vel sunt penitus ægri, quandoquidem his conueniēs diætã præscribenda, iuxta præcepta, quæ docet ars medica. Nihilominus tamen non negamus, quin esculenta quædam tempore pestis minimè, vel rarissimè sint concedenda, sicuti sunt cibi satis euidenter alterantes & perniciosi, quales sunt, caro porcina recens, aprugna, taurina, anserum, anatium, aliorumque volatiliū aquaticorum: inter pisces anguilla, tencha, salmo recens, haleces recentes & similes, qui sunt extremè dulces ac pingues, quique facillimè corrumpuntur, & febres generant. Sic etiam cibi in sartagine frixi, nimis pingues, artocreas & ollaria vitentur; quemadmodum finaliter copia fructuum atque confectionum dulcium non immeritò fugienda, quorum loco non tantum melius, sed etiam vtilius est,

rebus acidis vti, quæ specialiter infectioni pestiferæ resistunt. Quo ad alios cibos, quilibet pro libertate & consuetudine sua sese gerat, sicut etiam in potulentis, eò potissimum respiciendo, ne abusus accedat, assumendo solum quantitatem conuenientem, quæ corpus non alterare vel aggrauare possit. Sic etiam necessarium est tempore pestis, vt matutino tempore, priusquam domo exeamus, ientaculum assumamus, quod cerum est præseruatium contra pestem: dùm enim virtus concoctrix stomachi laborat in concoctione, de centro ad partes externas alimentum ac vapores mittuntur; pariter vbi non habet quod agat, contrarium accidit, vt stomachus à cibo vacuus attrahat humores interius, vnde corpus ad infectionem recipiendam habilius redditur. Patet hoc exemplo: dum enim matutino tempore jejuno stomacho propè fœssam aquæ corruptæ & putrescentis ambulamus vel vbi aliæ res fœtentes & immundæ continentur, protinus fœtor iste caput nobis occupat, quod non tam facillimè fit, vbi cibum potumque sumpsimus, vnde non inconueniens, vt quilibet parumper assumat, priusquam manè egrediatur. Cum autem inueniuntur homines, qui tantum ad prandium, atque cœnam assueti sint, ita vt si quid cibi potusque matutino tempore sumant, per diem integrum deterius habeant, idcirco monstrabo, qua ratione massa confectionis sicca sit præparanda, de qua eiusmodi personæ singulo mane parumper sumere poterint, quod loco ientaculi sufficiet, absque vlla alteratione.

Confectio sicca pro cordis & stomachi confortatione.

℞. Panis tritici bis cocti, Sacch. albiss.
ana lib. j.
Amygdal. dulc. excort. Cort. citri
virid. cond. ana lb ss

Gelatina cydon. ℥iij.
Zingib. Chin.
Myrobal. condit.
Nucis mosch. cond. ana ℥ij.
Cinamomi el. ℥j.
Croc. opt. ʒss.
Ambra grisea, Moschi Alexan. ʒj.
Aqua rosar. q. s.

Bis coctum & Saccharum, separatim quodlibet, puluerifetur: amigdalæ in mortario lapideo terantur, sicuti fit in pane Martio: sic etiam cortices citri, cum Zingibere & nuce moschata, quæ per setaceum extrahantur, sicut fit in cassia: cinamomum pariter puluerifetur, & bis coctum in mortario satis amplo optimè misceatur, deinde adde Cinamomum, cui per triturationem moschus & Ambra primum incorporentur. Pulueribus omnibus conjunctis addatur conditum expressum, gelatina cydoniorum, jus corticum citri, & pedetentim rebus siccis cum humidis permixtis cum pistillo ligneo conuenienti benè terantur omnia, eousque, donec omnia benè temperata & vnita esse videantur, pro massa, quæ si paulò durior fuerit, cum aqua rosarum fragrantissima parum irroretur, eousque, quò commodè vel mortuli, vel placentulæ fomis consuetis formari queant, quæ postea lenissimo calore, tantùm ad superfuam humiditatem exsiccandam, siccantur, & ad vsum feruentur. Hæc confectio diligenter præparata, non solum maxime cordialis & corroborans, sed etiam tam delicata & jucunda gustui, vix vt similis habeatur, viris principibus digna. Quibus Moschus & Ambra non conueniunt, in illorum gratiam absque iis confici poterit. Non intermittere volui, quin etiam Magistratum adhortet, vt quantum concernit venditionem carniū, volatiliū & piscium, non solum constituent certas personas, per quas primò visitentur, ne quid morbosum in foro publico sit, sed diligenter etiam interdicant, sub comminatione

minationē pœnæ, consuetudinē anti-
quam, quam lanij & pullarij quidam ob-
seruant, quando carnem vitulinam, ver-
uecinam & volatiliū quorundam infla-
re solent, halitum oris per tubulum im-
mittendo, quo pulchriores atque succu-
lenta magis appareant: præterquam
enim, quod verendum, ne per morbo-
sam constitutionem illius, qui carnes in-
flat, malignus & perniciosus halitus in-
spiretur, etiam optimē sani hominis in-
spiratio nocere potest, quando talis hali-
tus cavitati carnis alicuius inclusus ad
corruptionis generationem sufficiens est.
Porro præter obseruatam victus ratio-
nem, tempore pestis maximē diligens sit
quisque, quod noxias animi passiones vi-
tet, vti sunt ira, odium, anxietas, timor,
melancholia, quibus spiritus admodum
alterantur, & corpus ad infectionem fa-
cilimē recipiendam præparatur, quam ob
causam fugiendi sunt eiusmodi animi af-
fectus, quantum fieri potest.

De usu Balnei.

Quoad vsum Balnei sudatorii & aquæ
calidæ, minimē tempore pestis idipsum
conuenit, præcipuē debilioribus, qui
etiam aliās assuefacti sunt, vt frequenter
eodem vtantur, nisi tantum ad sordes
corporis abstergendas: ea propter quod
corpus ipsum inflammet, spiritus cor-
dis vitales dissoluat, arterias totius cor-
poris pedetentim relaxet, vt aër pesti-
lentialis aditum faciliorem ac liberum
inueniat. Quocirca eiusmodi homines
corpus à sordibus & sudoribus absterge-
re satagant, & spongiâ nouâ cum aqua te-
pida sequenti modo inebriata sese lauent:
Recipe aquæ fontanæ mens. ij. aceti vini
rubri mens. dimidiam, aluminis ʒij. Mis-
ce & leuiter ebulliant, postea iisdem vte-
re dicto modo paulò antequam ad le-
ctum te conferas; præterquam enim,
quod aqua dicta totum corpus à sordibus

Ang. Sala.

& immunditiē purificat, simul omnia
membra corroborat, quod tempore pestis
maximē desideratur. Quibus odorifera
magis exoptatur, illi pauxillum aquæ ro-
sarum & lauendulæ commisceant. Verum
quibus consuetum est, vt singulis septi-
manis balnea aquæ dulcis & sudatoria
frequentent, qui robustiores sunt, pleni
humoribus, quique benè comedunt atque
bibunt, illi consuetudinem suam conti-
neant, ea propter, ne abstinentes in mor-
bosam aliquam dispositionem incidant,
cui occasione præbere poterit, retentio
& superfluitas humorum prauorum, qui
aliās per transpirationem euacuantur.
Hinc igitur, in iis, quibus assueti sumus
longo tempore, prudenter proceden-
dum, & nihil temerè statuendum, nec su-
bitò, nec pedetentim, naturam aliis me-
diis iuuando, quod præseruentur ab iis ac-
cidentibus, quæ tales mutationes intro-
ducere queant.

Euacuatio seminis & actus venereus.

Voluptates venereæ inordinatæ semi-
per sunt noxiæ, maximē tempore pestis,
capropter, quia corpus inflammant, eius-
que vires debilitant. Dico inordinatæ:
quia moderatus veneris vsus, quò cor-
pus à semine superabundante exonera-
tur, quantum natura requirit, sine co-
actione, & secundum leges matrimonij,
non tantum innoxius est, sed etiam sani-
tati plurimum confert, maximē, quando
conjugum vterque sanus est. Contra
penitus intermittere, nec non totaliter
exercitium præter dictam istam necessi-
tatem refrenare, grauium ac formidabi-
lium accidentium causa esse potest, quia
semen genitale retentum admodum in-
crassatur aut corrumpitur in vasis, vnde
secundum Galenum similiter symptoma-
ta generari possunt, sicuti aliās venenum
aliquod introducere solet. Nihilominus

Ccc

tamen non ita studendum sanitati, vt in peccatorum sordes incidamus, dictum exercitium illegitimè, & contrà diuina præcepta instituendo, quia nobis propositum est medium licitum & honestum, quod est conjugium.

Præseruatio tempore pestis per medicamenta.

Postquam diximus de causis infectionis pestiferæ generaliter quomodo homines inficiant, quomodo quis animam suam reformare, & sese ad beneplacitum ac voluntatem diuinam disponere debeat; deinde quomodo corpus suum in vsu rerum non naturalium dictarum regere debeat, porro, iuuante DEO, qui Medicum creauit, & medicinam è terra produxit, quique medicinam gubernat & dirigit ad omne bonum opus, accedam ad enumerationem remediorum eorum, quæ per DEI gratiam iuxta cognitionem & experientiam in rebus naturalibus mihi comparatam præ cæteris excellentiora & fortiora pestifero veneno resistendo statuo, spe bona, quod Pater gratia, & fons omnis benedictionis paruum hunc meum laborem propitiaturus sit, vt cedat in ipsius gloriam, in proximi vtilitatem, & conscientiæ meæ satisfactionem, vt hac ratione contra grauissimum hunc morbum solatium atque quietem inueniendo, amplissimam occasionem habeamus, vt humiliemus nos ante ipsum, ipsique gratias agamus, agnoscendo, quod omne bonum ab ipsius diuina bonitate procedat, & quod ipsi soli gloria & honor debeat.

Iam verò Pestis, quemadmodum experientia, mater scientiarum & artium testatur, facilius atque grauius vnum corpus quàm alterum prehendit, sequendo dispositiones diuersas, quas in iisdem reperit, secundum magis & minus, vt ipsum venenum : & hæc est causa va-

rietatis symptomatum & accidentium, quæ in infectis obseruamus. Maxima pars Medicorum statuit, quod non multum afficiat illos qui sunt robustioris complexionis, quique peccantibus humoribus destituuntur, imprimis vbi pori corporis sunt rati & aperti, qui si peste detineantur, non tam facili succumbunt, sicuti debiliores, qui cutim habent occlusam, duram, rigidam, vnde difficulter perspirant, nec vapores pestilentes, & humores vitiosos, quibus replentur, separant, quod non absque ratione statuitur. Alij quo ad diuersitatem complexionum aliter sentiunt : hi enim statuunt, quod pestiferum malum facilius in corpore puro, sanoque radicetur, quàm in impuro. Sed cuius opinionem suam relinquendo, consilium nostrum est, vt robustiores non confidant suæ fortitudini, nec cacochymici & impuriore suis impuritatibus aliquid tribuant, sed vnusquisque recursum habeat ad remedia probata, quæ clementer à DEO nobis concessa sunt vt iisdem corpus muniamus & spiritus balsamo quasi reficiamus, iis scilicet rebus, quæ subtili corruptioni venenatæ resistere possunt. Vt enim is, qui nimium tribuit naturalibus mediis suum creatorem tentare potest, sic eodem modo peccat, qui post habita ratione, media negligit, quemadmodum faciunt homines leuissimi, quasi DEVS medicinam frustra creauerit, eiusque cognitionem quasi superuacaneum quid largitus fuerit. Quocirca præseruationis ergò, priusquam perueniamus ad vsum cordialium & specificorum alexipharmacorum, ed allaborandum, vt corpus purificetur & præparetur : quemadmodum enim balsamum excellens, quod in vas aliquod impurum ac rancidum immititur, odoris fragrantiam deperdit; sic etiam subtile Bezardicum & cordiale, quod exhauritur à corpore corruptis & vitiosis humoribus repleto, robur atque efficaciam suam

perdit, & eo ipso min⁹ efficax est, vt cordi succurrere, eiusque spiritus confortare possit. Hinc ergo necessarium est, vt repletio malitiosorum, peccantium, putridorumque humorum euacuetur per appropriata medicamenta, secundum differentiam naturarum atque qualitatum. Si Plethoricæ naturæ sunt, sanguis per venæ sectionem minuatur. Quoad euacuationem, potissimum eò respiciendum, in qua corporis parte superabundent humores euacuandi, qui si maximam partem in ventriculo & pectore latent (quod inde colligitur, quando quis à cibis nauseam habet, os amarum est, odor inimicus exhalans quasi piscium putridorum, aut vitelli ouorum nimis cocti, ructus acidi, screatus, somnus post cibum, grauitas & dolor capitis, proxima, breuissima nec non naturalis via est, in iis, qui eandem perferre possunt, vomitio. Quod si peccantes humores sint potissimum in cauitate jecoris, lienis, mesenterij, ventris, & breuiter, in partibus infra ventriculum (quod inde colligitur, quando quis habet punctiōem vel dolorem in hypochondriis, flatus ibidem ac murmurationes in abdomine, inclinatio- nem ad alui excretionem & calorem in imis visceribus) tunc bonum erit corpus pugare per eandem viam, nimirum per aluum inferiorem.

Quoad vomitoria tempore pestis vnum maxime specificum contra malignitatem, quod facillimè sumitur & absque vehementia operatur, est sequens liquor.

Oxyssaccharum vomitiuum contra pestem.

℞. Vitri Hyacinthini more Matthioli pp. & subtiliter pul. ʒj.
Cinam. el Zedoaria, Ligni Aloës resinosi opt.
Sem. Angelicæ an. ʒij.

Croci Anglici opt. ʒss.

Aceti rosaci ʒxviij.

Omnia mittantur in vitrum cum subere bene clausum, ne quid odoris expirare queat: postea in B. M. per 24. h. digeratur. Balneo refrigerato, liquor coletur vel per chartam emporeticam filtretur, si opus est, vt optimè clarificetur. Deinde cum aq. rosar. tantum Sacchari soluiatur, quantum est pondus liquoris prædicti, & coquantur simul ad consistentiā, quæ requiritur in confectiōe Manus Christi, quod saccharum solum calidum, prout ab igne sumitur, cum prædicto liquore pedetentim misceatur, quo facto, seruetur ad vsū; longo enim tempore conseruatur.

Dosis pro debilioribus est ʒij. vel ʒiij. & iis qui prompti sunt ad vomitionem, vsque ad 4. 5. vel 6. pro aliis, imo ʒj. pro robustioribus, & qui difficulter mouentur. Quod si superciliosi quidam, antimonij hostes sine ratione & experientia hoc vti nolunt (de quo D E V M testor, quod etiam infantibus, vbi necessarium est, absque omni timore præberi potest) illi huius loco vtantur Alaro, Gratiola, Nicotiana vel aliis vomitoriis, quæ placuerint.

Quoad purgationem tempore pestis, necessarium est, vt idipsum etiam fiat medicamenti benignis, quæ corpus non admodum commouendo alterant. Hoc sine maxime commendantur pilulæ, quas omnes officinæ preparant, Pilulæ Russi dictæ quibusdam pestilenciales, quæ componuntur ex Aloë, Myrrha, Croco, quæ tria maxime balsamica sunt & corruptionibus resistunt, vnde consequenter utilissima erunt contra pestem. Sic etiam excellentes sunt pilulæ nostræ Angelicæ dictæ, quarum descriptio talis est.

Pilula Angelica.

℞. Fol. senæ orient. mund. ʒiiij.
Ccc 2

Rhabar. electiss.

Agarici albi troch. vt mox docebitur ana. ℥ij.

Succi borrag. depurati lb ijs.

Infundantur per h. xxx. in expressione addantur Aloës lucidæ ℥ij.

Coq. lentiss. igne in vase terreo vitreato ad consistentiam picis; deinde addantur.

Resinæ rad. Angelicæ, Myrrhæ Troglod. Croci Anglici

Salis Card. ben. ana ℥ij.

Sp. Salis comm. g. 30.

F. Massaf. artem.

Per Agaricum trochiscatum intelligo sumendum esse Agaricum albissimum & pulchrum, qui minutim incisus humectetur cum decocto absinthij pro conficienda massa, bene terendo in mortario, donec trochisci minores confici queant, qui siccantur & ad vsum referuntur.

Per resinam Angelicæ hoc volo, nimirum sumantur radices angelicæ recentes, non cariosæ nec à vermibus corruptæ, quæ minutim incisæ in spiritu vini vel aqua vitæ infundantur ad supereminentiam duorum vel trium digitorum: reponantur ad digestionem in loco calido per horas 40. deinde colentur, postea fiat exhalatio per destillationem vel alia ratione, donec in fundo materia remaneat, quæ subsistentiæ ratione sit instar gummi vel resinæ, & consistentiam talem nanciscatur, vt inde pilulæ formari queant, lavetur aquâ rosarum semel atque iterum, & ad vsum prædictum seruetur.

Spiritus Salis intelligitur de liquore qui igne fortiori, ex sale communi extractus, est tam clarus, vt aquam repræsentet, & acidus instar sp. sulphuris qui inuenitur apud eos, qui in chymia laborant, si laborem destillationis subter fugere placuerit. Dosis istarum pilularum est ℥j. vsque ad ℥j. vna vice: purgant benignè crassos & tartareos humores ventriculi, vicinarumque partium, obstructions

aperiunt, flatus inclusos dissipant, stomachum roborant, & corruptioni resistunt. Si quis actionem eorum acuere cupit, quando purgandi sunt robustiores, & qui difficulter mouentur, cuilibet dosi tria vel quatuor grana Diagrydij addantur, quemadmodum etiam in vfu pilularum Russi fieri potest, quando cum iis agendum, qui benignioribus non laxantur. Porro cum non semper occasio purgandi per pilulas sese offerat, sicut exempli gratia penes eos, qui fluxui hæmorrhoidum, hæmorrhagiæ narium ac faucium subjecti sunt, item qui sunt extenuati, melancholici, obstructionibus obnoxii, & calidiores, vel etiam vbi humores viscosi & tenaces, quibus Aloë & alia calidiora, quæ pilulas ordinariè ingrediuntur, contraria sunt, tali purgante quis vti poterit, quod sequitur.

Diasena nost.

℞. Fol. senæ mund. ℥iiij.

Rhabar. electiss. ℥ij.

Aq. è succo cichor. distill. q. s.

Infundantur 24. hor. in colatura addantur

Sacch. albiss. ℥viiij.

Cassie recent. extr. ℥v.

Pulpæ Tamarind. ℥iiij.

Coq. lentiss. igne ad consist. elect. deinde addantur Crem. Tartari subtil. pulu. ℥ij.

Ol. anisi g. xij

Caryophyll. g. iiij. Misce.

Electuarium hoc gustui iucundum est, & blandè calidos atque adustos humores euacuat, & bilis euaporationes, quæ ad cerebrum, cor & alias partes distribuuntur, atque febrium internarum aliorumque symptomatum causæ sunt, dissipat ac minuit. Quare qui ob dictas causas pilulis vti nequeunt, illi securè prædicto Electuario sese purgare possunt. Si quis validè purgari vult, ille

manē jejuno stomacho trēs, quatuor vel quinque aut sex drachmas juxta roboris naturæ differentiam assumat, & post tres horas parum de brodio carnis vitulinæ vel veruecinæ sorbeant, parumper cum buglosso vel borragine alteratum, si temporis occasio idiplum permittit. Verum ubi quis præparationis gratia, seu pro laxatione tantum eodem vti cupit, qui alias ad obstructionem alui plurimum inclinant, his sufficit, vt quotidie, vel alternis diebus dimidia hora ante prandium quantitate ʒj. & ultra sumatur.

Sic etiam potiuncula formari potest, quæ sequitur.

℞. Fol. senæ mund. ʒiij.

Crem. Tartari ʒj.

Cinam. el. ʒj.

ʒ. Aq. fumarie ʒiij. Infundantur per horas ij. vel iij.

In colat. dissolue Mannæ Calabr. ʒj. & clarificetur cum albumine oui.

Hæc potio rectè præparatur pro dosi vnica, clara est, jucunda, facilisque operationis, quæ cunctis hominibus, quocunque tempore, sine timore, præberi potest. Pondus fol. senæ, pro ratione roboris illorum, quos purgare conuenit, minui vel augeri poterit, cui etiam aliquid Rhabarbari vel Agarici adjungitur, juxta differentias abundantium humorum, semper quantitatem eandem obseruando cum reliquis ingredientibus, & sicuti dictum est clarificando. Hæc forma potio- nis hæcenus per multos annos successu felici vtor, in omni genere morborum, ubi benigna medicamenta purgantia in- forma liquida requiruntur, & ubi mini- mē conuenit Scammonæa, Colocynthis, Turbith & alia cathartica, nimis calida & acria, alterantia & omnes humores ex remotioribus partibus attrahentia, qui- bus medicamentis penes omnes (vt qui- dam sentiunt) præsertim tempore pestis, ubi omnes alterationes vehementiores & magnæ commotiones humorum sunt

noxie, minimè vtendum. Hæc de pur- gantibus. Quod missionem sanguinis at- tinet, illa fiat secundum regulas artis me- dicæ, consilio prudentis & discreti medi- ci, plus, minusve sanguinis emittēdo, vna vel altera vena aperta secundum differē- tias repletionis, vel sedis principalis, per quam sanguis magis corruptus deriuari potest, vel secundum differentiam neces- sitatis vrgentis, siue reuulsionis gratia, propter affluxum sanguinis copiosum ad partem quandam, vt aliud deriuetur; siue propter euacuationem ad exhibendam ebullitionem sanguinis; siue propter aliam causam, quæ diligentissimè con- siderentur, priusquam concludamus de corpore quodam, cui missio sangui- nis adhibenda, nec non de vena, quæ incidenda.

Nunc tandem veniam, ad descriptio- nem Antidotorum, quibus vti quis po- test, ubi corpus purgatum & detersum est, juxta necessitatis leges: non enim necessarium est, vt omnes generaliter purgentur, sed illi tantum, de quibus diximus.

Antidotus Cordialis.

℞. Cort. citri virid. cond. contus. & per fetaceum transmiss.

Gelatinæ Cydonior. ana lb̄ß.

Sacch. albiss. lb̄ j.

Succi Borrag. de purati lb̄ ij.

Succi melissæ depurati lb̄ j.

bulliant in lentissimo igne in vase ter- reo vitreato semper agitando ad consistentiam Elect. deinde addan- tur

Bezoardici Corallini ʒjß.

Essentiæ Fl. Solarium, siue tinctu- ræ Hypericifum m. ʒß.

Cinam. elect. Ligni Aloës, resi- nosi, Santali albi odorif.

Sem. citri excort. ana, ʒiij.

Ol. sem. Angelicæ g. ʒo.

M. & in vase vitreo ad usum feruentur.

Hæc Antidotus est excellentissima & specifica pro corroboratione cordis, refectione spirituum & resistentia vaporum malignorum, contra sanguinis & bilis ebullitionem. Hinc igitur est efficax præsidium contra pestem, & in specie pro illis, qui sunt timidi, debiles & melancholici. Dosis matutino tempore ʒj. vel ʒß. quotidie continuando, quamdiu durat infectio.

Bezoardicum Corallinum, quod Antidotum ingreditur, hoc modo præparatur. Recipe sex uncias Corall. rub. præpar. hoc est, tritorum subtilissimè in marmore cum aqua rosar. quod pharmacopæis in usu est; mittantur in cucurbitam vitream, affundantur mensuræ suæ succi citri clarificati, ubi mox ebullire, & spumam eleuare incipiet, idque continuetur per has 24. absque igne: postea dictum vitrum ponatur in balneum digestorium tamdiu, donec spiritus acidi succi citri coralliorum substantiam penetraverint, eadem in puluerem album permutando, liquore clato reddito, siue ebullitione vltiore, qui sapore inspidus, & acrimoniam suam perdiderit. Tunc igitur vitrum eximatur ex balneo, & liquor per inclinationem à Corallis separetur, & abijciatur, remanentia bis teruè aqua simplici lauetur, postea in sole, vel aliter siccetur, & habebis puluerem, album, leuissimum & subtilissimum, in quo nulla acrimonia, sed leuis tantum adstrictio, quamuis non negari potest, quia acidi spiritus citri eidem adhæreant, quod inde apparet, quia primum pulvis iste maiorem efficaciam habet in corde roborando, & corruptioni resistendo, quàm simplex corallium in corpus adsumptum, sicuti in aliis potionibus cordialibus fieri solet; & deinde, quia permixtus cum electuario quodam, fermentationem producit, quod non fieri potest nisi per spiritus succi citri inclusos,

quod optimè notandum, sicut etiam differentia proprietatum, quas acidi liquores possident, cum succus citri, sicut diximus, corallia præcipitet in puluerem, & acetum dissoluat eadem in liquorem transparentem, quod etiam in Margaritis præstat. Hinc possumus dicere, quod succus citri plurimum cum natura spiritus sulphuris & vitrioli conueniat, qui etiam Corallia, Margaritas, oculos cancri & similia in puluerem præcipitant, sicut etiam facit succus citri: contra spiritus nitri res istas in liquorem dissoluit, quemadmodum quoque de acetodiximus. Hoc obiter dicere volui in gratiam illorum, qui arte Chymica delectantur, & operam naturæ diligenter contemplantur.

Per Tincturam Florum Solarium intelligo Extractum vel Essentiam summitatum Hypericonis florentium, quæ planta vere solaris est, propter proprietates incredibiles, quas obtinet in dissipandis vaporibus. Saturninis vel Melancholicis in corpore, nec non quod corpore reliquis vegetabilibus omnibus admodum confortet, sicut frequenter experientia edocui sumus. Extractum istud fit hoc modo: recipe summitates bene florentes herbæ Hypericonis, quæ declinante luna colligantur, summo mane, ante solis ortum, postea minutim incisæ in aquam vitæ rectificatam immittantur, eousque donec optimè imbibantur, quo facto in balneo Mariæ (clauso vase ne spiritus vini expiret) per triduum macerentur: postea infusio exprimat, quæ in balneo destilletur eousque donec aqua vitæ separata sit, & in fundo spissa substantia remaneat instar mellis obscure rubri, quæ est in tinctura Hypericonis, quam ad præcedentem Antidotum addimus.

Diabyacinthum Aureum.

Est pulvis pretiosus pro cordis confortatione contra contagiosam infectionem.

℞. Lap. Hyacinthi orient.

Boli Orizei, siue auri præparati, vt sequitur ana ʒvj.

Gem. Rubini, Saphyricærulei, Chrysolithi, Topazij, Smaragdi.

Margarit. Oriental. splendid. Coralij rub. rutilantis ana ʒiiij.

Spir. Salis rectifs. ʒvj.

Margaritæ, Corallia & lapides pretiosi puluerisuntur in mortario ferreo purissimo; vel si commoditas id ipsum permittit, in mortario vitro satis spisso, cemento quodam in lignea capsula ad id accommodata comprehenso, blandè tundantur, donec in puluerem abeant, postea cum auro præparato super amplam tabulam è marmore, vel alio lapide durissimo ponatur, deinde sumatur succi citri bene depurati cum spiritu salis permixti quantum scilicet videtur, & cum eo pulvis prædictus humectetur, qui propter spiritus acidus protinus ebulliet, in substantiam Coralliorum & Margaritarum agentes, vbi necessarium est vt spatula argentea bene deaurata, vel eburnea moueatur eousque, donec ebullitio cesset. Consequenter teratur ab homine robusto, plus minus, per spatium quatuor horarum, pedetentim humectando, quantum id ipsum ad triturationem requiritur, cum aqua rosarum fragrantissima. Bene trita vero massâ, vt digitis apprehensa sit impalpabilis, & linimenti instar lenis, quod deprehenditur, vbi parum dentibus absque alia durioris substantiæ resistantia masticator, formentur tabellæ parvæ, sicuti confuetum est pharmacopæis in Coralliis, Margaritis & aliis durioribus præparandis, & in loco sicco siccantur super charta pura, custodiendo,

ne quid impuritatis accedat, denique in vitro ad vsum feruentur. Iste pulvis hoc modo compositus maxime cordialis & magnæ efficaciz est, contra infectionem contagiosam, maximeque conuenit Principibus, Maguatibus, & omnibus iis, qui sunt delicatæ naturæ, quibus sanguis maxime subtilis, ventriculus exquisitoris sensus, quique non odorem, multo minus saporem medicamentorum admodum aromaticorum, calidorum, odorabilem, vt sunt alexiterica vegetabilia perferre queunt; item pro prægnantibus atque infantibus. De hoc puluere matutino tempore, ieiuno stomacho in cochleari syrupi de citro, berberorum, vel juniperino, vel quoad personas frigidioris constitutionis, in pauxillo Maluatici vel vini Hispanici. Dosis à tribus granis ad duodecim, plus vel minus, pro data occasione, &c. Cum additione de puluere prædicto fieri potest sequenti modo.

Confectio de Hyacintho aurea.

Rec. Pulvæ cort. citri virid. conditæ per setaceum extractæ.

Pulvæ cort. arant. eodem modo extractæ.

Conf. F. violar. Fl. borrag. ana ʒj.

Sacch. albifs. ʒiiij.

Syr. de suc. citri. Aq. rosar. opt. ana ʒij.

Coq. lentissimo igne in Porcellana, vel alio vase terreo vitrificato ad consist. electuarij liquidi: deinde addantur.

Pulueris Diabyacinthi aurei supradicti ʒj.

Ligni Aloës resinosi, Cinam. electifs.

Santal. citrini fragrantifs.

Sem. Angelicæ, Carlinæ

Doronici

Scordij, Croci Anglici opt. an. ʒj.

Puluerisuntur omnia, & misceantur s. ar.

Dosis istius confectiois vel Electuarij est à scrupulo ad ʒj. Sumitur autem

tempore matutino, sicut alia medicamenta præseruatiua; non habet saporem ingratum, & est insigne alexipharmacum. De prædicto puluere solida quoque confectio parari poterit, in forma tabellarum, quæ sequitur.

Rotula Cordiales.

Rec. Sacch. albifs. pul. ʒijß.

Pul. Diahyacinthi aurei ʒß.

Croci subtiliter pul. ʒß.

Ambra grisea gr. viij.

Ol. Cinâ. de cort citri, Angelicæ an. g. v.

Gum. Tragacanth. in succo citri dissol.

ad consist. gelatinæ q. s.

F. pasta in mortario s. a.

Ex prædicta massa parua rotula ponderis scrupuli dimidij formentur, in forma trochiscorum pro fumo, quæ siccantur in umbra, & in pixide clausæ, seruentur, de quibus omni manè, priusquam domo exeamus, vel etiam ubi domi manemus, vna, duæ, tres, plus, minus, prout necessarium videbitur, sumantur.

Bolus Orizeus, vel aurum præparatum pro puluere Diahyacinthi supradicto conficitur hoc modo. Recipe Aurum præcipitatum (quod Chymici vocant Aurum sclopetarium, cuius descriptio est in Basilica Chymica Crollij, Tyrocinio Beguini & aliis libris) Vnciæ vnius pondere, Florum sulphuris, olei vel spiritus salis, qui sit fortis, ana ʒß. Optimè tria ista misceantur, & postea materia ista extendatur ad altitudinem amygdalæ in crucibulo quodam satis magno quod collocabis in ignem carbonum bene accensum, vt sulphur optimè comburatur & effumare queat, donec sub finem materia residua rubra glutinosa remaneat: postea remoueatur protinus ab igne, & aurum inuenietur grumosum in particulas minimas, quasi limi vel terræ per solem siccæ, colore boli, quod in puro mortario vitro puluerisari debet, vt inseruiat

prædictis vñibus. Quoad lapides pretiosos, qui ingrediuntur prædictam compositionem, non aliam intelligo præparationem ab ea, quæ dicta fuit. Nolo enim hic sequi multorum Chymicorum opinionem, qui, dum putant sese lapides pretiosos optimè præparare velle pro medicina, vehementi igne vel solitariè, vel cum nitro calcinant, vbi loco meliorationis, totaliter ipsorum tincturas corrumpunt, eorumque magneticas proprietates, vereque specificas virtutes destruant, quibus cor confortare debeant.

Antidotus pestilentialis specifica.

Rec. Magist. Corall. vitriolati ʒijß.

Essentiæ opij cum succo citri extr. ʒj.

Croci Anglici Ele&ti.

Rad. Carlinæ, Angelicæ, Hirundinariæ, Doronici, Di&amni,

Petasitidis, Tormentillæ, Zedoariæ,

Sem. citri excort. ana. ʒvj.

Benzoini Amigdaloidis, Styracis

Calamitæ opt. ana ʒß.

Mellis odorif. despum. lb. iij.

Vini Maluat. opt. lb. j.

Radices omnes conjunctim pulueriscentur, crocus separatim, vt etiam Benzoin & Styrax per modum triturationis, quia dum contunduntur sese coagulant, & in mortario agglutinantur: postea semen citri cum radicum puluere contundatur subtiliter, quantum fieri potest. Puluerem cum vino Maluatico infunde, & digere in vitro bene clauso in B.M. per quadriduum: quo factò, materia ista eximatur, & cum melle misceatur in vase terreo bene vitreato, adjecta essentia Opij, lento igne coquatur, semper mouendo, donec consistentiam electuarij acquirat. Postea cum istud remouetur ab igne, & vbi ferè refrigeratum est, incorporetur cum Magisterio Corallorum, Croco,

Croco, Benzoino & Styrace, quæ omnia bene mista in terreo vase bene vitreato, satis capaci pro fermentatione reponantur, vbi quotidie semel permissio fiat, donec fermentatio cesset. Electuarium hoc est excellens Antidotus contra pestem: si quis enim omni mane quantitatis fabæ, vel etiam plus, pro robustioribus, sumpsit, cor confortabit, ipsumque proprietatibus suis alexipharmacis replebit, ita ut nulla infectio vel venenum iisdem nocere possit. Vfus esse poterit mox post octiduum à confectione. Conseruari potest longo tempore, quam ob causam in quantitate sua magna præparari, & ad vsum conseruari poterit.

Magisterium Corallorum vitriolatum ad prædictam intentionem hoc modo preparatur. Recipe Corall. rub. puluerifat. & pp. ℥ij. immittentur in vitrum, & adde Aquæ rosar. ℥ij. cum aqua ℥ij. optimi Spiritus vitrioli sint permixtæ, & statim videbis spiritus acidus in corallia agere, causando ebullitionem & spumæ commotionem, quam ob causam vitrum debet esse sat capax, quod etiam claudendum non est, donec ebullitio penitus cesset, postea ponatur in B.M. ibique relinquatur eo usque, donec spiritus vitrioli non amplius operetur, ipseque liquor sit clarus super residentia vel sedimento, ita ut nihil bullarum ulterius ascendat, quod signum erit spiritum operationem suam absoluisse. Sumpto igitur vitreo, è Balneo, per inclinationem liquor à sedimento separetur, qui erit inspidus, instar aquæ fontanæ, ipsumque sedimentum in fundo relictum colligatur, siccetur & habebis puluerem albissimum, gustu parum astringentem, sed sine acrimonia, Coralliorum scilicet, spiritus vitrioli insignatorum, qui seruetur ad vsum.

Essentia Opij pro dicta Antidoto fit hoc modo. r. Opij exempli gratia, libram dimidiam, incidatur minutim, ponatur in laminam ferream ad lentum ignem, car-

Ang. Sala.

bonum, & instar picis fundatur: move cum spatula diligenter observando, ne comburatur, & ita plurimum crassis suis fumis exhalare sinas, eo usque donec remoto igne siccetur ut puluerisari queat. Postea fumatur id ipsum Opium, puluerisetur, & affundantur succi citri optimè depurati & clari lb iiii. per 24. horas in Balneo, vel alio loco calido digeratur, coletur postea per inclinationem liquor obscurè rubrus, vel per chartam bibulam filtretur, ut purissimus fiat ab omni terrestreitate superflua, postea fundatur in patinam vitream, vel in cavitatem cucurbitæ fractæ, & in arenam calidam ponatur ad fornaculam, vel alio loco, tantum caloris excitando subtus, ut phlegma succi citri leniter exhalet, & ut spiritus eiusdem acidi cum Opij substantia permixti relinquatur, inuenta materia nitra, picis instar, spissitudine mellis, qua refrigerata fere pilulæ formari possunt, quæ est essentia Opij nostro instituto seruiens. Supra residentiam Opij relictam iterum succus citri potest affundi, cuius tamen extractio multo debilior est præcedenti.

Aqua Theriacalis optima.

Rec. Theriacæ Andromachi ℥vj.

Rad. Carlinæ, Vincetox. Tormentillæ, Petasiditis ana ℥j.

Aquæ vitæ vini Gallici per B.M. rectificatæ lb iij.

Suc. Cydonior. depurati, citri ana lb ss.

Ol. sulphuris rectificati 3j.

Infundantur omnia in vase vitreo bene clauso per hor. 40. in calore lento, deinde separetur subtile à spisso per inclinationem. In colatura addantur Sacch. alb. puluerisati ℥viij. & ad vsum referua. Hæc aqua Theriacalis est etiam bona Antidotus contra pestem, maximeque convenit tempore frigido & humido, potissi-

D d d

mum iis, quibus spiritus vini, tum etiam potiones fortiores non nocent. Dosis est cochlear j. matutino tempore tam diu, quam diu necessarium esse videbitur.

Elixir Citrij,

Seu liquor è substantia Citri compositus, qui facilimè præparatur iis in locis, ubi naues his fructibus onustæ adueniunt, quod in Hollandia fieri solet, insignis contra pestem Antidotus.

Recipe corticem citri recent. dempta maxima parte pulpæ albicantis interius, lib. 4. minutim incide, postea in quatuor mensuris aquæ vitæ simplicis per 24. horas infunde; deinde per vesicam cupream cum suo refrigeratorio spiritum omnem istius infusionis (qui dimidia pars forsan erit, vel paulo plus, quatenus fortior vel debilior expetitur, istius liquoris affusi) destilla. Vt autem intelligas, totum spiritum per distillationem exiisse, chartulam quandam destillato liquore profluente madefacias, & flammæ candelæ vel alij igni committas: si protinus incenditur, bonus est liquor, & destillatio continuanda est; at si flammam non concepit, extemplo recipiens remoueatur, cum eo quod exiit, & ipse ignis subiectus extinguitur. Hunc spiritum destillatum odoratissimum cum dimidia drachma croci optimi tinges, admixtis duabus libris syrupi de succo citri, qui fieri poterit ex iisdem fructibus, è quibus cortices ablati fuerunt. Hæc optimè mista conjunctim in vitro clauso custodian- tur. Liquor hic jucundissimus, maxime cordialis & infectioni aëris resistens prædicatur, cuius dosis est cochlear j. matutino tempore, sicut etiam de aliis dictum est.

Theriaca Pauperum.

Excellens Antidotus, quæ pro pauperibus præparari potest.

Postquam hæcenus docuimus, quomodo excellentissimæ & pretiosissimæ Antidoti præparari debeant, inter quas priores ob facultates suas temperatas Regibus ac Principibus inferuire queunt, necessarium est, ut quantum fieri potest, pauperibus etiam succurramus, iisque Antidotos ordinemus, quæ ipsorum naturæ, facultatibusque conueniant, neisque facillimè subueniri queat. Sit ergo primum medicamen Theriaca, quæ sic præparetur.

℞. Herb. Veronicæ, Scord. Card. ben. exicc. ana ʒij.

Fæculæ Aronis

Fl. Sulphuris ana ʒj.

Zedoaria.

Rad. Imperatoriæ, Helenij, Hircundinariæ, Carlinæ.

Valeriana, Myrrhæ el. ana ʒvj.

Ol. Vitrioli ʒj.

Mellis odoriferi despumati lib. iij.

Mellis Iuniperini, siue extr. bacc. Iuniperi lib. s.

Herbæ subtilissimè pulueriscentur, & separatim quoque radices: Radix Aronis præparata separatim, quoque trituretur subtilissimè. Deinde Mel & Extr. de baccis juniperi in ollam benè vitreatam mittantur, subiecto igne lento, quo tantum materia calefiat, non autem bulliat, postea pulvis herbarum, Aronis præparati & radicum admisceatur, fortiter pistillo ligneo mouendo, donec in formam Eleuarij redigantur, ubi ab igne remoue, & ferè refrigeratis adde Flores sulphuris, Myrrham & oleum vitrioli: tandem in vas terreum vitreatum reponere ad fermentationem, sicut de aliis Antidotis dictum fuit.

Theriaca hæc optima est pro pauperibus, præter id enim quod Antidotum contra pestem constituit, simul etiam consumit omnes superfluitates frigidas corporis, purificat pectus, & phlegma tenax & viscosum consumit: similiter conducit stomacho propter impuritates eius, quæ sæpius ibidem ob victus rationem crassam sanitati noxiam colliguntur, flatus dissipat, putrefactioni humorum maxime resistit, & per consequens à multis morbis præservare potest. Dosis est à ʒj. ad ʒj. juxta varietatem corporum, quæ eadem utuntur.

Fæcula Aronis est substantia levis, alba, quæ extrahitur ex recentibus radicibus Aronis, eo modo, quo idipsum docet Quercetanus in sua Pharmacopœa. Cum autem non ubique sufficientem quantitatem illius herbæ reperiamus, ad faciendam prædictam fæculam, monstrabo, quomodo alia ratione fieri possit. Recipe radices (vel bulbos) Aronis siccatas vnius anni, quæ penes Materialistas inveniuntur: si exterius sunt impuriore, optimè aqua calida lauentur, & vicissim exsiccantur, & subtilissimè pulueriscentur. pulvis in vas terreum vitreatum immittatur, affuso vino albo Gallico, vel alio tantæ quantitatis, ut duobus vel tribus digitis superemineat: stet in infusione per diem naturalem, postea vinum abjiciatur, affuso alio, idque tertia vice reiteretur, pulvere qui in fundo est vicissim exiccato, qui erit Aron præparatus, pro Theriaca dicta.

Mel Iuniperinum hoc modo præparatur. Recipe granorum Iuniperi recentium, Q. V. grosso modo in mortario contundantur: coquantur in aqua eousque, donec videas glutinosam substantiam separatam, postea expressa decoctione, quantum fieri potest, coquatur tamdiu, donec in consistentiam mellis reducat, quod erit dulcissimum & fragrantissimum. Rustici circa Noribergam,

Augustam & alias regiones Germaniæ, Mel istud juniperinum in copia præparant, quo non tantum instar Theriacæ utuntur, sed etiam in abundantia illud ipsum diebus nundinarum in ciuitatibus vendunt. Hoc est quod intelligo per Mel vel Extractum juniperinum.

Aqua Epidemica.

Duabus de causis Aquam hanc Epidemicam voco, quia primò proprietate sua Bezoardica & facultate mundificatiua non solum pesti resistere, sed etiam homines ab aliis morbis Epidemicis seu popularibus dictis præservare potest; deinde quia est medicamentum facilis præparationis, idque in magna quantitate, sine magnis sumptibus quod pauperibus seruit, & toti alicui populo conducit, scilicet pro pauperibus & vulgaribus, qui ordinariè reliquos superare solent, quique communiter populi nomine veniunt, quando Medici de Morbis Popularibus loquuntur, qui etiam ordinariè penes illos incipiunt, ob pauperitatem, quæ non permittit, ut sese purificent, victus rationem laudabilem obseruent, ab extremis exercitiis abstineant, pluias, ventos, tempestates frigidas & calidas fugiant, & pro necessitate sese vestire queant. At Aqua ista sic præparatur.

℞. Rad. Angelicæ

Carlinæ ana lib. iij.

Abstinthij Rom. Fol. Card. ben. exicc. Diætamni Cretici

Scordij Rosm. Thymian. lib. j.

Aq. Comm. lb. xx.

Herbis tenuissimè incisis & radicibus conuassatis, omnia infundantur in aqua ad vesicam cupream vel vas destillatorium, quo aqua vitæ solet distillari. Macerentur 24. horis, fiatque distillatio per serpentinum refrigeratorium, ut semper profluat vsque dū dimidia pars destillata

fit, quod acidit tempore breui. Postea admisceantur Aquę vitę juniperinæ lb.ij. olei vitrioli rectificati ad acetum, hoc est, eo vsque vt repręsentet ferē succum citri, quibus optimē permixtis, fiat conseruatio in lagenā vitreā vel terrea, vel alio vasculo benē clauso. Aqua hæc non est magni pretij, quia mensura non constabit vltra duos solidos, & eam ob causam proposito dicto plurimum inferuiet. Hanc ob causam tempore pestis preparari poterit, vt inter pauperes distribuatur, sicut etiam in militia terrestri atque nauali, quō milites incolumes seruentur, præcipuē quando pestis & alij morbi Epidemici grassantur inter eos, quo in casu faciliē persuaderi possunt, vt vtantur medicamentis præseruatiuis: vt quamdiu sunt sani, non admodum medicamenta curant, quod militibus in consuetudine. Dicta aqua non solum præseruationi, sed etiam curationi seruit: pro præseruatione quotidie matutino tempore cochlear j. sumitur; at si quis infectus fuerit, dosis auctior esse debet, quemadmodum postea, quando de cura pestis agendum erit, pluribus dicemus. Diu durat, nec faciliē corrumpitur, quā de causa per mare & itinera longa inferuire poterit. Notandum vero quod non in vase quodam metallico sit conseruanda, sed in vitro vel vase terreo vitreato, vel ad minimum vase ligneo, quia alias corrumpitur & qualitatem suam deperdit, vt noxia potius quā utilis sit. Aqua vitę juniperina fit hoc modo: Recipe granorum juniper. recent. quatuor libras, conqussentur & in 8. mens. aquę vitę simplicis quę siue ex vino, siue frumento (quod parum importat) destillata sit, infundantur, postea per refrigeratorium destilletur, vt tantum spiritus ardens separetur, qui seruetur, vt cum aqua prædicta misceatur. Oleum vel liquor acidus vitrioli, sicut etiam Sulphuris pariter etiam excellens est contra pestem, febres ardentes, pleuritidem, fluxum ven-

tris, dysenteriam, & morbum illum, qui in mari, maritimisque locis regnat, quem scorbutum vocant, vt & alios affectus, qui ab infectione aeris, aut humorum corruptione proueniunt: etenim si quis manē tres vel quatuor guttas in cochleari vini, cereuisiæ, vel aquę sumat, taliter stomachum roborat, purificat, & à corruptione defendit, vt impossibile sit, naturaliter loquendo, vt vtens eodem prædictis morbis affici queat. Et hæc sunt etiam medicamenta, quę faciliē comparari queunt, præsertim cum libram olei vitrioli rectificati sex florenis communis monetæ quis comparare sibi possit, cum tamen vncia per annum integrum eidem sufficere queat. Atqui vsurpat, sibi caueat, ne vestibus & pennis affundat, quia res ejusmodi corrumpit: sic etiam quando quis bibere vult, in vitro & non alio vase misceatur optimē cum illo liquore, in quo sumitur, quia guttæ fundum petunt propter grauitatem suam: post vsum, cerā rursus diligenter occludatur, quod vitru sat forte sit, cum angusto collo, & versus orificium coangustatum instar tintinabuli, quō guttatim aliquid effundi queat, absque perditione, quod fieri solet, vbi collum amplum atque breue est: nec etiam in iis vitris retinendum, in quibus orificium stanno clauditur, quia protinus corrodit id ipsum, pedetentim saporem ingratum & noxium à metallo acquirens, id quod etiam oleum sulphuris facit. Hoc in gratiam illorum additur, qui liquorum istorum naturam non intelligunt.

Bezoardicum vitriolatum.

Cum oleum vitrioli tantæ sit efficacię contra pestem, maximeque conueniēss pro iis, quibus res angusta domi, qui que non multum pro medicamentis expendere possunt, qui tamen nihilominus curiosi diligentesque sunt in conseruanda sanitatē, quantum fieri potest: considerando,

quæd sit liquor talis, cuius translatio, propter causas dictas, formidabilis esse possit, præsertim inter milites, tabellarios & peregrinantes, quibus eiusmodi commoditas non est, quod eiusmodi oleum in corpus aridum, siccum, sine alteratione vel perditione virtutis suæ parari possit, quod quis secum portare queat absque vitro in pura pixide, vel charta instar terræ sigillatæ, vel boli armeni, quod sit hoc modo.

Recipe Cornu C. vsti calcinati albi, quantum placet, puluerifetur, & in carino vitreo, vel porcellana misceatur cum oleo vitrioli rectificato pedetentim humectando, & cum pistilio vitreo parvo, vel spatula argentea deaurata benè miscendo, donec fiat pasta, ex qua protinus rotulæ formentur, vel tabulæ sicut in terra sigillata: postea siccantur à seipsis, (quod fit in breui tempore, ob ariditatem cornu cerui calcinati, quod statim liquorem vitrioli attrahit) vt siccantur, quod puluerifari queant. Quo facto tabulæ istæ in pixide quadam seruantur, & ita compositionem siccam habebitis, non solum commodissimam, vt eandem secum quis portet, sed etiam maximè Bezoardicam & corruptioni resistentem. Si quis usurpare conetur pro Antidoto, pauxillum radatur cum cultello, pisi instar ad 5. vel 6. grana pro dosi, plus minus, iuxta robur personarum, & quatenus eadem magis minusve sensibiles sunt (semper enim dosis minor esse debet respectu eorum, qui debiliores & exquisitioris sensus sunt, quàm in aliis) idque sumatur manè, stomacho jejuno in cochleari vini cereuicia, vel aquæ clara tempore æstatis, aut in casu necessitatis, in defectu aliorum, continueturque remedium hoc, sicut de aliis dictum fuit, toto isto tempore, quo pestis & alij morbi Epidemici grassantur, contra quos medicamentum hoc singulare & vtile est, quamuis non sit tam ma-

gnæ existimationis, vt aliæ cõpositiones. Hæc sunt præseruatua, quæ contra pestem tam pro diuitibus, quàm pro pauperibus, adeoque diuersarum qualitatum hominibus, proponere volumus. Quod si quis commoditate præparationis destituitur, vel etiam eadem præsidia non considerat, nec iisdem delectatur (quia semper homines suis opinionibus gaudent) ille vtatur compositionibus aliis cordialibus & alexiteriis, quæ ordinariè in officinis dispensantur, vt est Confectio Alkermes, de Hyacintho communis, Elect. de Gemmis, Diambra, Diamargar. frig. & cal. Lætificans Galeni, Diarrhodon Abb. &c. Sunt inter Alexiteria Theriaca, And. Mithridatium, Aurea Alex. Elect. de ouo, Aqua vitæ compos. Matth. & aliæ Antidoti, quæ laudabiles etiam & excellentes sunt. Porro qui neque his etiam vult, vel potest vt compositionibus, ille simplicibus sit contentus: non enim Creator noster voluit, vt sanitas hominis necessariò dependeat à consiliis, receptis & compositionibus Medicorum, ita vt vndique hominem, siue propè, siue longè absit à Medicis & Pharmacopæis, gratiâ sua circumdet, dum infinitum numerum excellentium simplicium tam in propriis nostris hortis, quàm in campis, pratis, rupibus ac montibus exhibet contra omnis generis morbos, inter quæ maxima copia est eorum, quæ tempore pestis seruiunt, vt sunt exempli gratia Ruta, Absinthium, Carduus benedictus, Abrotanum, Majorana, Thymus, Saluia, Hyssopus, Melissa, allium, Theriaca rusticorum dicta. Item Herba Hypericonis, Veronica, Scabiosa, Chamedrys, Origanum, Marrubium, Millefolium, quod in omnibus pratis & viis nascitur, cuius singularis est efficacia contra pestem. Item, Radices Angelicæ, Imperatoriæ, excellentes & regalis Carlina, Valerianæ, Hirundinariæ, Morsus Diaboli, Aristolochiæ. Item fructus citri, aurantium, granatorum,

bacc. juniperi, Berberorum, in mediis sedibus & hinc inde crescentium, & alia quamplurima simplicia, ne quid dicam de delictis Aromatum, Balsamorum, substantiæ animalium, Resinarum, liquorum, salium, Terrarum, lapidum pretiosorum, quæ misericors Pater omnium nobis donat, de quibus quodlibet sumptum quantum conuenit omni manè, simulque bonum regimen in diætâ seruando tempore pestis Alexiterium constituere potest.

Præter vsum interiorum medicamentum, sunt ex Medicis qui plurimum tribuunt adpensis ad cordis regionem, vel sub axillis, iisque ex rebus venenatis, utpote Arsenico, sublimato, bufonibus siccatiss, scorpionibus & similibus confectis, quæ vocant Amuleta, quasi dicas hostes pestis: sed præterquam quod eiusmodi assertio ratione firma careat, quæ ad experientiam incerta & cui parum fidendum, nihil quicquam vltius hac de re addam. Potius istius loco probarem olea & vnguenta bezoartica, & alios liquores bezoarticos, administratos ea ratione, sicut superius de aëris correctione dictum fuit. Cum enim negari non possit, quod spiritalis atque subtilis æssentia dictorum per respirationem & occultam transpirationem ad cerebrum, cor & sanguinem deducatur, idcirco sequitur, quod imprægnando quasi spiritus multò melius corpus nostrum à malignitate defendant, quàm venena prædicta circa collum gestata. Sed de vtroque remedio quiuis eligat, quod placuerit, quod pro præseruatione sufficiat.

Signa & indicia Pestis in genere.

Pestis crudeles atque malignos suos effectus in hominibus dupliciter exequitur, nimirum vel internè tantum, vel tam internè quàm externè. Si igitur pro intentione nostra distinctionem ali-

quam requirimus, cum Paracelso pestem aliam internam, aliam externam vocare possumus, quamuis vtraque suam essentiã atque causam in ipso corpore habeat. Signa pestis internæ sunt duplicia, suspecta, & obscura vel totaliter occulta. Suspecta signa; subitaneus & leuis horror intra cutim atque carnem, comatus vomendi, somnus profundus, lassitudo totius, subitaneum delirium & furor, totius inflammatio, oculi scintillantes, facies rubicunda, vel subliuida, cephalæa, pulsatio arteriarum, palpitatio cordis, punctiones laterum cum insigni calore, pulsus in carpo celerrimus, vel extremè debilis, vrina transparent, mali odoris. Hæc signa suspecta dico, quia non tantum sunt indicia demonstratiua & infallibilia Pestis, sed possunt etiam prædicere, vel indicare morbos alios, nempe febres continuas, Synochum putridam, causum seu febrem ardentem, febrem pestilentialem malignam, quæ præcedit, vel coniungitur, cum variolis & morbillis, multum a peste (de quo hic agimus) differentibus. Item pleuritidem, febrem tertianam, quartanam, aut alias febres atque morbos chronicos sine contagio, quorum peccans materia in prima commotione, iuxta differentiam complexionum atque naturarum corporum eorum, quæ præhendant, eiusmodi symptomata producere potest, quemadmodum omnes exercitati & periti Medici testari possunt. Signa obscura sunt, quando quis subito subtili spiritu alteratione præhenditur, ita ut in se ipso corporis harmoniam interruptam sentiat, interim tamen dicere nequeat, de quo conqueratur, nec etiam Medicus obseruare possit id ipsum, signo quodam, excepto, quod parum intuitus aberrare, sermoque inconstans ac dubius videatur, reliquum ac si totaliter sanus ac benè dispositus sit, quem tamen nihilominus pestis subito jugulat, non aliter ac leo fame laborans in tenerum

atque debilem agnū incidens, vel fodina seu mina pulueris tormentarij sub pedibus alicuius inscientis, quæ subito accensa protinus illum attollit, & in instanti remouet ab illo loco quicquid adest, antequam quis obseruare possit periculum vnde veniat, quare dicere possumus cum Propheta David Psal. 91. quod pestis ambulet in tenebris, quia nō obseruatur, & interitus qui perdit in meridie; est enim eiusmodi latro, qui non curat claritatem vel populi commotionem, homines tam in meridie quā alio tempore occidens. Signa pestis externa sunt ex parte suspecta, ex parte euidētia: suspecta sunt & talia, qualia diximus, à principio, antequam natura venenum à centro ad circumferentiam propellat: postea sunt euidētia, quando præter alia signa dicta, laborans tumorem quendam post aures, sub axillis, circa pubem, carbunculū, vel furunculū inflāmatum, pustulas vel exanthemata lentum instar rubra, livida vel nigra sub cute monstrat, quibus apparentibus pronuciari potest, ejusmodi hominem peste præhensum esse. Tantū quoad differentias atque signa crudelis infectionis pestiferæ: non autem credendum, more aliorum, quod pestis homines omnes eodem modo adoriatur, & quod natura robustior malignitatem extra corpus propellat, quæ in debilioribus interius maneat; est autem hæc falsa imaginatio, quia sapius obseruatum fuit, pestem regnasse, quam nos internam diximus, quæ abstulit omnes quotquot aggressa fuit, aliquos subito per plateas ambulantes, quosdam in tribus quatuorue horis, quosdam in diei spacio, vel ad summum tertia die, sine omni signo exterius expulso, neque in debilibus, neque in robustioribus, nisi post mortem stigmata livida sese ostendent in quibusdam, qua ratione non negabimus, quia pestis, quam nos externam diximus, certas ob causas in corpore retineatur, vt exire nequeat.

Quod si causam istius differentie inquirimus, credo quod melior ratio reddi nequeat, quam quod prima pestis hoc sibi proprium habeat, quod statim icu primo cor petat, & interius spiritus vitales ac substantiam aëream ac Mercurialem corporis inficiat. Vbi cum iam homo sit debilis, & infectio magna, statim vel in paucis horis jugulat: at vbi robustus est, vel vbi probata remedia in promptu sunt, per insensibilem transpirationem consumitur, secundum naturam subtilitatis suæ, sine propulsione materialis impuritatis ad externas partes. Contra pestis altera (externa dicta) propriè & directo sanguinem & alios humores inficit, qui sunt materia tumorum, apostematum, pustularum, macularum, ac scabiei communis, vbi robustum hominem adoriatur, natura superat similiter, & malignitatem ad externas partes propellit, easque potissimū, quæ sunt molliores, rariore & apertas, quibus in partibus iam tumorem, iam carbonem, iam pustulas vel maculas format, secundum diuersitatem humorum prædominantium & magis ebullientium, quos inuenit, quæ similiter sicuti peccans materia maligna est, sunt periculosa & mortalia.

Remedia & Methodus curandi generalis respectu eorum, qui peste præhensi sunt.

Quamuis Pestis duplici modo, sicut dictum est, homines inuadat, non tamen hoc obstat (exceptis accidentibus externis, quæ ad Chirurgiam pertinent) quin curatio physica vel interna tam respectu vnius, quam alterius, principaliter tribus remediis perficiatur, nimirum per sudorifera Bezoardica, per vomitoria, & per phlebotomiam. Boni effectus, quos Bezoardica sudorifera produciunt, triplices sunt, 1. Statim in primo insultu venenum pestilentielle domare: 2. Sanguinem

ab omni corruptione & putredine purificare, quam per sudorem, per urinas, & per occultam transpirationem expellunt, vel auocando & secernendo longè à corde, ad locum aliquem externum corporis, ubi per remedium aliquod locale vel externum euacuari potest: 3. & cor atque calorem natuum confortare. Vomitorij effectus tres quoque sunt, 1. ventriculus & præcordia inanire ab humore bilioso & alia materia calida excrementitia, quæ res corrumpuntur, antequam purgari possint, malignitati pestiferæ junguntur, eamque vehementiorem ac periculosam magis reddunt: 2. abigere vapores corruptos, qui cursu suo aliàs venas petebant: & 3. quod præcordia purificent à dicta colluie, corpus consequenter aptum & habile reddendo, quò eo melius auxilium & succursum Bezoardicorum recipiat, quæ in stomachum purum recepta facilius, & magno cum successu prædictos suos effectus perficiunt, quod non fieri potest, ubi ventriculus & vicinæ partes immunditie plenæ sunt. Boni effectus venæ sectionis sunt etiam triplices: 1. corrigit & temperat magnam effruescentiam & ebullitionem sanguinis admodum abundantis & calidi: 2. euacuando venas repletas plurimum, ipsisque aërem communicando, superstes sanguis plus spatij habet, vt agitetur & purificetur per Bezoardica: & 3. quò parti cuidam externè laboranti solatio sit, quæ plurimum sanguinis recipiens ad extremam inflammationem peruenire potest, vt timendum sit de gangræna, quæ sufficiens mortis causa esse poterit, cui vt succurratur, necessario phlebotomia tentanda.

Quod Medicamenta Bezoardica, prædictasque Antidotos attinet, omniaque remedia, quibus ad præseruationem utimur, si dantur in maiori dosi simul etiam ad curationem inferuire possunt, semper tamen perpendendo, magnam esse

differentiam, corpus aliquod à peste præseruare, & quod jam infectum est, curare. Nam Antidoti, quibus ad præseruandum utimur, pedetentim per quotidianam continuationem corpus integerri- mè balsamica quasi virtute roborare spiritusque eius essentia sua alexiteria, quò infectioni resistent, præmunire debent. At ex altera parte curare quendam jam infectum, requirit non solum Medicamenta, quæ sua natura sunt Bezoardica, sed etiam essentialia, subtilia, penetrantia & in suis operationibus efficacissima, quò realiter, sine longâ morâ in stomacho, mox in venas, arterias & habitum corporis se extendant, sese spiritibus immisceant, purificando ipsos ab omni vapore maligno, non aliter, quàm sicuti flamma ignis aërem ab omni sorditie purgat eo usque, quò sese vis eiusdem extendere potest. Quocirca, si quis pestiferos curare conabitur, necessarium erit, vt sibi probe dear de eiusmodi liquore Bezoardico, sicut est sequens.

Diaphoreticum pestilentielle nostrum.

℞. Granor. juniperi recent. ℥ ij

Her. Dictamni Cretici

Scordij Montani Cretici.

Rad. Angelicæ

Cort. citri exicc. ana ℥ j.

-Aq. vitæ simpl. ℥ iijj.

Aq. comm. ℥ ij.

Omnia mittantur in Instrumentum distillatorium ex cupro, quod vesicam vocant, tantæ magnitudinis, vt tantum ad dimidiam partem repleatur, postea apposito pileo, junctura sigillentur, vt nullus vapor expiret, & posito sub tubulum vel canalem magno recipiente vitreo pro recipiendo liquore distillando, subiciatur ignis parvus, vt materia calefiat pro digestionem & emollitionem ingredientium, quò spiritus eorum eodem melius separetur, quem calorem per triduum continuabis.

nuabis. Postea eodem modo destilletur, sicut etiam aqua vitæ destillari solet, donec omnis spiritusosa & inflammabilis substantia separata sit, quæ circiter lb.ij. erit, vel aliquid ulterius, ubi observetur, quod supra dictum est de Aqua Theriacali, quò quis certus sit, spirituosam substantiam extractam esse. Postea ad istum spiritum adijunge.

Rad. Carlinæ ꝑij.

Vincetox. Zedoariæ ana ꝑjs.

Succi Veronicæ condensati

Croci Anglici el. ana ꝑß.

Camphoræ ꝑj.

Digerantur in Baln. Mariæ in vitro bene clauso, ne quid spiritum exhalet, per quatrimum, sed nota quod vitrum capax esse debeat, quo vapores ascendentes circulentur, & vicissim super materiam descendant. Elapso hoc tempore & Balneo refrigerato per inclinationem liquor infusus separetur, & superstes materia exprimat, quantum fieri potest, & finaliter ad ꝑxxiij. adjunger. syr. papau. Rhæad. ꝑviij. Spir. falis rectif. g. xl.

Quæ commissa diligenter in phiola vitrea custodiantur instar liquoris pretiosi, quia est ex numero præstantissimorum Diaphoreticorum vel sudoriferorum & aperientium, quæ quis præparare potest contra pestem, de quo perinde securè quis uti potest pro omnibus, qui mediocres vires adhuc obtinent, ubi necessitas id ipsum requirit. Interim obiter hoc moneo, non timendum esse prædicti medicamenti usum, propter calefacientem atque penetrantem facultatem, quod arrogantes quidam Medici facere poterunt, qui respiciendo potius ad circumstantias quasdam, quam veram essentiam morbi, lubentius videntur medicamenti frigidis vel temperatis, in respectu excedentis caloris, qui ordinariè cum dicto morbo complicatur, & interim non pugnant contra causam morbi, adeoque principalem hostem, contra quem sese

Ang. Sale.

armare necessum est. Est enim alia ratio domare venenum cuiusmodi periculosum & vehemens, quod homines jugulat neque per caliditatem, neque per frigiditatem, sed per occultam subtilissimam malignitatem, quod fieri debet per remedium aliquod specificum & efficax, sicuti supra dictum fuit; alia etiam est ratio cuidam intemperiei calidæ vel frigidæ resistere. Adde insuper, quod medicamentum hoc, fortiter contra venenum pugnando, seipsum consumat atque transpiret durante sudore, sine ulteriori inflammatione vel alteratione partium; imò veneno expugnato, corpus ipsum alterari potest, prout sese occasio offerret, remediis convenientibus. Dosis istius liquoris est à ꝑij. ad ꝑvj. aut plures. Quod si quis admodum debilis & natura extenuatus sit, vel admodum delicatè vivat, ita ut vix paucillum Theriacæ deglutire queat, ipseque spiritus vini odoriferè totum corpus commoveat, sicuti reperiuntur, in primis inter tenellas atque blandas puellas nobiles, ut etiam illi, qui hypochondriaco malo obnoxij sunt; prægnantes itidem, senes & infantes: his loco prædicti liquoris pulvis Diachyacinthi, descriptus in capite de Antidotis, vel Bezoarticum metallicum, quod à Crollio, Quercetano & Beguino describitur, exhiberi potest, quod est pulvis candidissimus, sine omni odore & sapore, qualitatibus suis temperatus, sufficiens bezoarticum pro talibus personis, exhibendo de hoc vel illo cum aqua veronicæ vel cardui benedicti.

Quoad Vomitoria, consilium meum est, præ cæteris eligendum Antimonium, cuius antea facta fuit mentio, quod (præterquam quod absque difficultate stomachum ab humoribus & impuritatibus prædictis eluat) singularem proprietatem habet, qua pesti resistit, super alia Empirica, quam ob causam omnibus dari potest, qui ad vomendum habiles

Eee

sunt, toties, quoties, necessitas idipsum requirit. Quod si quispiam Medicorum abhorret ab usu medicamenti prædicti, propter defectum cognitionis Antimoni, cuius naturam, proprietatem & operationem ignorat: is si legere dignetur Anatomiam meam Antimoni, & autoritari multorum doctorum Christianorum, sicuti paganorum subscribat, certe secundum rationem & experientiam confiteri cogetur, omne dubium, quo ad prædictum medicamentum sibi sublatum.

Quoad venæsectionem, quilibet scit, quid de ea dici debeat. Pro tempore, quò quisque sciat, quomodo cum ordine convenienti iuxta tria remedia, nimirum in usu Bezoarticorum, vomitorium & phlebotomiæ sese gerere debeat in curatione pestis, sequentes regulæ sunt observandæ.

I. Si quis tempore pestis ad ægrotantem subito morbo correptum vocatur, primum diligenter eo allaborandum, ut cognoscat, an peste præhensus sit vel non, tam examinando signa apparentia, nec non penes ægrotum inquirendo constitutionem corporis naturalem; quam etiam observando, quæ exterius apparent. Et posito quod nihil signorum manifestorum sese offerat, quod infectus sit, ita ut dubitare cogamur, symptomatibus videlicet æqui vocis apparentibus, quod tam alterius cuiusdam morbi, quam pestis indicia esse queant, sicuti supra dictum. In hoc casu, si quis methodicè procedere vellet, aliquamdiu expectandum esset, antequam medicamenta præscribantur, donec, qualis morbus sit, appareat, ad quem postea curatio dirigatur. Sed ubi consideramus occulta stratagemata, quibus pestis frequenter inuadit, quibus in paucis horis aliquem jugulat, priusquam idipsum observetur; item quod tempore contagij regnantis, alij morbi suam originem à corruptis humoribus

habentes propter malam astrorum constellationem, & subsequenter aëris alterationem, faciliè in febres malignas & pestilenciales mutari queant; tutius erit, statim Bezoartici cuiusdā dosim administrare nempe pulveris nostri, vel confecti Diahyacinthi aurei, vel aliud supra dictorum: per hoc enim medium cor confortatur & facultas expultrix excitatur, unde fit ut mox peccans materia occulta propellatur, & per alia signa manifestetur, quæ si pestifera est, corrigitur, ut effectus malignos non edat; si alius est morbus, eo allaboratur, ne malignus & pestilentialis fiat, ita ut in hoc negotio Bezoartica sint instar experimenti, quo morbus in principio occultus, manifestatur. Neque hoc solum, sed memorabile etiam est, quod interdum accidat, ut sumpto Bezoardico sub initium alicuius morbi, natura confortata miraculosè sese liberet à materia sibi contraria, per evacuationem quandam non cogitam, ita ut morbus abeat, sine ulteriori remedio. Hunc igitur, oblata hac occasione, multo tutissimum ad Bezoardica refugium est.

II. Si laborans, qui Medicum expetit, nullum dolorem vel signum pestis habet in externis corporis partibus: Item si pulsus est ordinatus, urina laudabilis: si non adest dolor capitis, neque extraneus calor: si venæ non sunt tensæ, si nulla adest purgatio vel alui subductio extraordinaria, sibi que, penitus sanus videtur, excepta levi lassitudine interna, & parva cordis debilitate, quam sentit: si oculi sunt scintillantes, & non rubicundi, plus iusto lætiori, vel tristiori sese gerente agro præter consuetudinem, vel aliàs contra naturam sese ostentante: protinus & incontinenti bona dosis optime conveniens, pro ratione virium, de Diaphoretico pestilentiali, vel si est ex numero delicatulorum, dosis bezoarticorum dictorum cum aq. Veron. vel card. benedicti

exhibeatur. Postea in conclavi calido sese ambulando exerceat, si potest, per dimidium horæ, cum tunica nocturna circumdatus, quo facto lecto sese contineat calido, & frictionibus extremorum cum lintheo calefacto sudorem promoueat, plus minus, prout ferre poterit. Post sudorem, frigus fugiat, & obseruet, quid medicamentum operari velit. Quod si patiens se sentit liberatum a priori dispositione (excepta leui alteratione, quæ ordinariè sudorem sequitur, præsertim in personis debilibus) nihil aliud tentandum, quam ut domi sese per biduum vel triduum contineat, bonam diætam obseruet, & si ventris constipatio vrget, clysterem emollientem adhibeat. Si interim nihil mali superuenerit, exire & aciem liberiores, pro more suo haurire poterit. At si vix dimidia parte post primum sudorem symptomata remissum videtur, post octo horas alia paulo minor dosis Bezoartici reiteretur, quo facto, si bene sese habet, dicto modo gubernetur. Contra si nihil iuuamenti sentit ab usu Bezoarticorum, si debilior, & tristior appareat, & vrina, pulsus, facies nullam alterationem exhibent, nec etiam natura quædam indicia morbi monstrat, sæpius cordi per cordialia succurrendum erit, attendendo, quod malignitatis per modum criseos naturæ exierit, sine tentata venæsectione vel purgatione, utpote quod absque periculo fieri non potest, nisi necessitas euidens illud vrgeat.

III. Si patiens peste laborans sese offerat, qui dolorem capitis, soporem, punctionem præcordiorum & appetitum ad vomitum habeat, cui ventriculus bile repletus & aliis viscidis humoribus infectus: huic statim in principio vomitorium aliquod supradictum præbeatur: postea stomacho purgato (quod fit in 2. 3. vel 5. horis, vel pluribus) Bezoarticum ad sudoremumat, sicut antea dictum fuit. Sit autem, ut aliquod signum exte-

num pestis appareat (posito quod ventriculus repletus sit, ut dictum) nihilominus curatio per vomitorium incipienda est, subsequente Bezoartico: ventriculo enim à vitiosis humoribus liberato, nec non veneno plurimum à corde propulso & fugato, multo felicius aliquis in cura procedet cum particularibus remediis, iuxta varietatem accidentium, quæ post usum medicamentorum generalium apparere possint, sicut postea docebitur.

IV. Si quis incidat in ægrum pestiferum, qui per totum corpus ardeat, capite doleat, oculos rubentes ac flammeos, linguæ, fauciumque inflammationem, sitim intollerabilem, difficilem respirationem, pulsus extremè frequentem & venas atque arterias tensas habet: protinus absque mora venæsectio instituitur, emittendo bonam quantitatem sanguinis, pro respectu plenitudinis, sine parsimonia, quamvis in lipothymiam incidat: in tali enim casu, nisi quis corpus à superbundantia sanguinis ebullientis & inflammati liberet, frustra laborabit. Verum tamen est, si conueniens minime videtur eiusmodi magna euacuatio simul & semel tentata, propter impedimentum vel difficultatem aliquam, ut eadem, duabus vicibus perficiatur, modo fiat spacio quatuor vel quinque horarum, ubi interim, antequam secunda missio sanguinis fiat, aliquid cordialium medicamentorum pro confortatione præbeatur. Facta venæsectione, Bezoardicum exhibeatur, quo venenum pestiferum expellatur.

V. Si patiens sese offerat, qui habeat febrem acutam, calorem excedentem & capitis insignem dolorem, cui simul etiam exanthemata rubra, liuida, vel alterius coloris, protinus ad Diaphoreticum pestilentielle recurrendum, & pro viribus sudor prouocandus, quod paulo post secunda vice propinetur, si necessarium.

videbitur, eousquē, donec cordis vires recolligi, febrim minui, & exanthemata euanescere appareat. Diligenter igitur hūc perpendendum an in eiusmodi cura per vomitorium, aut perveniat sectiōnem sit incipiendum, utpote quæ nunquam admittenda, nisi post malignitatem separatam & expulsam, continuatio feruoris ab ebullitione vel copia sanguinis depræhendatur.

V I. Si quis peste præhendatur cum febre lenta, sopore & dormiendi inclinatione, cum dolore post aures, circa collum, sub axillis, &c. sine glandularum apparentia, nec etiam indicio aliquo tumoris istius loci; statim dosis Diaphoretici pestilentialis exhibeatur, sudore prouocato, sicuti dictum fuit, reiterando idipsum semel atque iterum, donec febris consumatur, & dolor euanescat, vel si dictis in partibus tumor aliquis oriri incipiat, qui ad perfectionem perueniens topicis curetur, postea dicam.

V II. Tandem oblato patiente, cui prima vel secunda die carbunculus aut tumor, vel exanthemata superuei erint, in hoc casu medicamenta generalia iuxta regulas sequentes obseruentur. Primo si patiens est Plethoricus, & si in parte quam occupat carbunculus vel tumor, aut pustulæ, inflammatio magna & intollerabilis dolor oritur, protinus venæsectio instituat, sicut ante declaratum fuit: postea detur eidem Bezoardicum cordiale, quod esse poterit nostra confectio de hyacintho, vel similis, non tam ad sudorem prouocandum, quam ad cordis corroboracionem, & eiusdem à veneno defensionem, quod duabus vel tribus vicibus iteretur singulis quinque horis, prout necessarium videbitur. Quod si patiens non admodum sanguineus est, & inflammatio atque dolor mediocritatem obseruant, venæsectio intermittatur, & bezoardicum exhibeatur, eo fine, quod venenum longe à corde propellatur, eousque, donec

carbunculus, tumorē & furunculū pēt externa remedia curati sint. Hoc sufficiat de generalibus remediis pro curatione naturali vel interna, tam ad consumendum atque fugandum totaliter venenum Pestis per sudorem atque insensibilem transpirationem in principio, & quando adhuc essentialis est morbus, quam ut à centro ad circumferentiam & superficiem corporis venenum expellatur, tunc temporis, ubi per conjunctionem alicuius humoris, cum quo jungitur, materialis redditur.

Curatio accidentium & causarum particularium pestis, quæ exterius intra carnem atque cutim superueniunt.

Affectus atque symptomata particularia pestis, quæ ad curationem chirurgicam pertinent, principaliter tria sunt, primò est abscessus vehementer inflammatus, tubeus, liuidus, viridis vel niger, quem vocant carbunculum, ob vehementiam ardoris & doloris, quam producit, ferè eo modo sicut carbo ignitus carni impressus: secundò est tumor carbunculo maior, sed minus acutus, qui non ita dolet ut anthrax vel carbunculus, quamuis sæpè sit etiam admodum venenatus & periculosus: tertio sunt parvæ glandulæ sæpè duriores atque mobiles, quæ in diuersis corporis partibus cutim atque carnem oriuntur, quæ etiam sunt perniciose, quamuis non in eiusmodi summo gradu, nec tanti momenti cum prædictis. Hæc sunt accidentia externa, quæ curam chirurgicam requirunt, quæ ab aliquibus causæ secundæ, & ab aliis causæ particulares potiùs quam accidentia appellantur, idque duas ob causas; primò quia sæpius persistunt eiusmodi symptomata, nec cedunt ad curationem generalem vel internam, quam ob cau-

sam oppugnanda sunt remediis topicis vel particularibus ; deinde quia sapius observatum fuit, quod tempore pestis homines subito prehensi fuerunt carbunculis, tumoribus vel glandulis, more sagittæ subito infictæ, priusquam signum aliud, vel alteratio corporis observata fuerit, quibus si quis particularibus remediis topicis non succurrat, venenum ipsorum cordi communicatur, ferè modo eodem, sicuti venenum morsus viperæ, vel alterius animalis venenati. Sit autem ut quis accidentia vel causas nominet, pro lubitu, curationem iuxta sequentem processum accommodatam inueniemus.

Pro curatione Carbunculi, sit in quacunque corporis parte, triplex intentio principalis requiritur : prima consistit in eo, ut materia virulenta, extremè corrosiva, quæ intus est, euocetur : deinde ut resistamus vehementi ardori & dolori, quem in parte laborante producit ; tertio ut vlcus mundificetur, & ad perfectam consolidationem perducat. Iam verò ut virulenta materia tutò & citò suppuretur, necessarium erit, ut Emplastrum præparatum sequenti modo sit in promptu.

*Emplastrum attractivum ruptorium
Pestilentielle nostrum.*

℞. Gum. Sagapeni, Ammoniæ, Galbani ana ʒ. iij.

Terebinth. coctæ, Cera virg. ana ʒ. iij. s.

Magnetis Arsenic. subtil. pul. ʒ. ij.

Rad. Aronis pul. ʒ. j.

Gummi depurentur cum aceto scillitico, & ad consistentiam Emplastri coquantur, & postea ponderentur : deinde cum rebus aliis fiat Emplastrum lege artis, quod excellentissimum atque specificum est ad extrahendum virus pestiferum ex profunditate ad extrà, præcauendo, ne

vicissim ad interiora regurgitet, & cor ipsum suffocet, ut credam, inter omnia topica simile remedium non inueniri. Hoc Emplastro carbunculus obducatur, quod paucis horis venenum extrahet.

2. Ad vehementissimam inflammationem linimentum sequens præparetur.

℞. Minij ʒ. j.

Aceti Sambucini ʒ. v.

Infundantur in Bal. M. per hor. iij. vel iiij. deinde colentur per inclinationem : colaturæ addantur

Ol. Sambucini

Rosati completi an. ʒ. vj.

Santali rub. pul. ʒ. iij.

Croci opt. ʒ. ʒ.

Misceantur in Mortario plumbeo, vel in patina vitreata terrea, vsque dum acquirant consistentiam vnguenti. Hoc vnguento vicinæ partes circa carbunculum inungantur.

*Præparatio Magnetis Arsenicalis
antea dicti.*

℞. Arsenici ChrySTALLINI

Sulphuris viui

Antimonij crudi an. part. æqual.

Hæc tria in mortario ferreo pulueriscentur, in vase fortissimo vitreo ponantur ad ignem arenæ, donec vitrum optimè incalescat, & prædicta solvantur atque liquentur instar picis, quod observabitur, quando filum quoddam immittetur ad fundum, quod extractum postea instar Terebinthinæ trahetur, ubi satis coctum erit. Postea remoue vitrum ab igne, & ubi refrigeratum est, rumpe, & subtiliter petram istam rubicundam, quam inuenies, puluerisa, quam ad usum serua. Præparationem huius pulueris scripsi quoque in Anatomia Vitrioli & Ternario Bezoardicorum : ut autem illi, quibus fortè desunt libri isti, processum præparationis habeant, idcirco eundem & hic repetere placuit, utpote cum remedium hoc maxi-

me tempore pestis commendatum sit.

3. Anthrace vel Carbunculo aperto, tumor qui restat, resoluatur, vlcus mundificetur, & curatio sequenti modo continuetur.

Rx. Succi plantag. Scabiosæ, Rosar. rub.

Nicotianæ veræ an. ʒ. ij.

Mellis virginæ crudi ʒ. iiij.

Terebinth. latic. ʒ. j. Vitell. ouor.

num. iij. Farinæ Hordei ʒ. β.

Coq. lentiss. igne, semper agitando ad consistentiam Vnguenti.

Hoc ipso interius vlcus curetur, & exterius sequens addatur Emplastrum.

Rx. Picis naualis, Resinæ pini, Gum.

Ammoniæ depurati.

Ceræ virginis an. ʒ. js. Asphalti ʒ. j.

Mellis adusti ad nigredinem subtil. pulv. ʒ. β.

Camphoræ in ol. succini dissol. ʒ. j.

F. Emplastrum, quod linteo extendatur ad usum.

Quod si Carbunculus post apertionem cum magna inflammatione & duritie labiorum continuetur, appositis prædictis remediis, tota pars tegi potest cataplasmate emolliente & refrigerante, quod fiat ex foliis Malvæ, Altheæ, Violaris, Plantaginis, Rad. Altheæ, & similibus, cum paucis croco, & loco oleorum & pinguedinum, melle rosato, Mercuriali, & vitellis ouorum adjectis: oleosa enim poros cutis conficiant, & humoris calidi & maligni transpirationem impediunt, qui totaliter inclusi & retenti continuatæ inflammationis causam constituunt, quod experientia sæpe testatur, magna cum iactura patientium.

Curatio tumorum & abscessuum pestilentialium.

Tumores prædicti duplici modo tractantur, primo per resolutionem, absque apertione, tunc temporis, vbi tantum apparere incipiunt, quando laborans ni-

hil doloris, nec quidquam inflammatio-
nis percipit, quibus indicatur, nihil adhuc malignitatis interius esse: deinde per apertionem & suppurationem, tunc temporis, vbi dolor interius & aliquid inflammationis adest. Primus modus absoluitur per vnguentum vel cataplasma quoddam resoluens & digerens, quorum iuxta suam experientiam hoc vel illo quilibet vitur, semper tamen eò sollicitè respiciendo, quò Bezoartica interna præmittantur, tam vt malignitas cordi non appropinquet, quàm etiam vt sudor prouocetur, ad poros cutis partis etiam affectæ magis aperiendos, quæ ratione materia peccans citius transpirat, ipsæque tumor facilius dissoluitur. Hinc igitur medicamenta re-percussiva frigida fugienda, quam ob causam vtiliter oleum sequens adhibebitur:

Rx. Ol. Resinæ Elemi per vesicam destil.

Bacc. Iuniperi an. ʒ. iiij.

Succini rectif. ʒ. ij. Rorismarini,

Styracis liquidæ an. ʒ. j. m.

Hoc oleo singulis horis quinquies tumor calidè inungatur. Quod si primà secundauè inunctione videtur dissipari, dictum remedium continuetur. Quod si loco resolutionis tumor augeatur, & patiens de maiori dolore conqueratur, concurrente aliqua inflammatione, protinus recurrendum ad alterum curationis modum, & sine dilatione tentanda est apertio, licet perfectè maturus non sit, quamprimum fieri potest. Hoc ipsum aliqui cauterio actuali perficiunt, hoc est, aperturam faciunt ignito ferro, postea sublimati Mercurij quidpiam immittendo: sunt alij, qui caustico quodam potenciali vtuntur, quod ex lixiuio forti præparant, eousque coquendo id ipsum, donec aquea substantia penitus exhalet, in fundo sale maximo corrosiuo superflite, simulque inungunt maturatiuum aliquod oleum, similisque facultatis Emplastrum addit, vt tumor ad perfectam digestionem perueniat, & materiam instar aliorum

abscelluum reddat. Hæc remedia maxima pars Medicorum approbat, vbi nihil difficultatis obstat, præterquam quod escharam & crustam duram atque siccam introducant, quæ sæpè diutius hæret, quantumvis digestiua & humectantia simul adhibeantur, & materia exitum atque transpirationem impedit. Hoc mouet quosdam, vt statim in principio, temporis lucrandi causa, cauteriis vtantur: item alios, vt non super ipsum tumorem, sed in circumferentia eiusdem imprimant, maturatiuis simul appositis. Potest autem Causticum minerale sat efficax ad hunc vsum præparari modo sequenti.

R. Aq. fortis opt. ʒ. iij.

Ol. Vitriol potentiss. ʒ. j.

Sublimati corrosiui ʒ. ij.

Ponantur in Vrnali ad B. M. cum Alem-bico, & destillentur, donec nihil amplius humiditatis exeat, postea refrigerentur vasa, & in fundo vrnalis liquor oleosus inuenietur, maximè corrosiuus, qui in phiola vitrea bene clausa conseruetur. Liquor hic subito operatur sine magno dolore, crustamque mollem producit, quæ facillimè separatur, quemadmodum etiam malignitati veneni resistit, & vlcus relinquit benè paratum, vbi facilis consolidatio subsequitur. Quando quis eodem vitit, necessum est, vt tumor Emplastro satis tenaci, quod paruum foramen in medio habeat, operiatur, postea fiat globulus ex linamento vel raso lin-teo, qui dicto liquore imbibatur, & in foramen istud immittatur, alio Emplastro superaddito, sicut aliàs moris est, & breui tempore suam operationem perficiet, sicuti dictum est.

Alij Medicorum, quibus Cauteria displicent, tumores eiu modi per medicamenta non solum calida & maturantia, sed quæ simul etiam vim attractiuam, cum acrimonia quadam caustica possident, aperire conantur, vnde pars ipsa beneficio talis medicamenti calefacta &

irritata affluxum humorum attrahit, & tumor citius ad maturationem & repletionem peruenit. Huic intentioni commendatur cepa excauata & Theriaca atque croco repleta, postea cinerum calore leni cocta, contusa, subacta, & instar cataplasmatidis calidè apposita, singulis sex horis permutata. Eodem modo maximè conueniens est tale cataplasma.

R. Pulpæ Corian. per setaceum extractæ

Mellis crudi an. ʒ. ij.

Rad. Bryonia ʒ. j.

Aronis ʒ. ʒ. Hell. nigri ʒ. ij.

Theriace Andromachi

Ol. Scorpionum an. ʒ. ʒs.

Decoct. Scabiosa q. l.

F. Cataplasma secundum artem, cuius vsus vt ante dictum.

Quidam etiam aliis vtuntur, vt radicibus Esulæ, cantharidibus, Euphorbio & aliis rebus causticis, iuxta cuiuslibet experientiam: imò solum etiam simplicibus, nempe Scabiosa, chelidonio, cicuta & aliis herbis, recenter contusis & exterius adhibitis. Sunt etiam Empirici, qui, salua reuerentia, excrementa hominum & animalium aliorum apponunt, quibus scilicet vis inest putrefaciendi subitanea, cuius beneficio dicti tumores maturantur & protinus rum-puntur. Iam verò si fidendum medicamentis ruptoriis, auderem dicere, quod nostrum Emplastrum pestilentielle attractiuum superius dictum, omnia simplicia & composita medicamenta, quotquot mihi cognita, longè superet: nam præter id, quod ratione compositionis & ingredientium, iudicio omnium Medicorum dogmaticorum, id ipsum Pestis attractiuum specificum sit, & quod emollire, digerere, maturare & aperire bubones valeat, simul etiam experientia patet idem confirmari. Sic etiam glandulosi scrophulis circa collum, bubonibus venereis incipientibus, & induratis eò vsque vt per tres & quatuor menses

communibus adhibitis remediis instar lapidum nihil quicquam emolliantur, ita conueniens est, vt in 20. horas intumescant, materia repleantur, & cum admiratione Chirurgorum suppuratione rumpantur. Quocirca si tam presentem effectum & operationem in prædictis tumoribus, potissimum scrophulis, aliàs diuturnis & rebellibus præstat, non dubitandum, quin multo facilius id ipsum perficiat in tumoribus malignis & acutis pestiferis. Hoc ipsum admonere volui, spem certam fouendo, Medicos integritate & humanitate præditos, quando tractatum hunc legent, eò allaboraturos, vt prædictum Emplastrum in vsum veniat, quò pauperibus ægris eiusmodi crudeli hoste pestifero detentis succurratur. Ecce, quod attinet apertionem dictorum tumorum: qui autem aperti sunt, supradictis medicamentis postea curantur, quæ dicti sunt in curatione Carbunculi, vel etiam aliis, prout Chirurgus discreto placuerit: non enim hæc curæ penitus in doctis & ignorantibus Empiricis committendæ, qui ratione & naturalium rerum cognitione destituuntur. Tandem quoad cauteria actualia & potentialia Chirurgus diligenter obseruet, vt in partibus carnosis & musculosis imprimantur: at si bubo vel carbo circa nervosas vel cartilaginofas partes occurrat, eò allaboret, vt in vicina cuidam parti apponatur, quæ satis robusta sit absque læsione pro sustinendo remedio, supra tumorem Emplastrum vel cataplasma maturatiuum adhibendo. Quod si spes nulla quoad materiam peccantem à prima sua sede mouendam, sese exonerando in partem aliam, veniendum est ad Emplastrum nostrum supradictum loco Cauterij vsurpandum, quia minus formidabile, nec penetrat admodum calore, nec tam profundam escharam producit vt cauteria, sed tantum in cutem suam operationem perficit.

Pro tertia specie supradictorum acci-

dentium externorum, quales sunt paruarum glandularum mobiles intra cutim atque carnem, illæ resoluendæ sunt inunctione olei supradicti, vel in forma Emplastri adponatur Gummi Ammoniacum, cum acetoscellitico depuratum, vt artis est. His mediis agro (quotidie sumptis bezoardicis sudorem prouocantibus) prædictæ glandulæ disparere solent.

Præter dicta remedia, sunt ex Medicis, qui statuunt, quòd pestis curari possit, mox in principio beneficio hellebori nigri, nimirum cutim hinc & inde in extremitate musculorum brachiorum, & femorum perforando, radicemque hellebori immittendo, quò non tantum veneri cursus ad cor inhiberi, sed illud ipsum etiam pedetentim attrahi & euaporare statuunt, non permittendo generationem carbonis vel tumoris alicuius pestilentialis: imò si circa caput, cor vel alias partes in medio corporis apparere quidpiam inciperet, per idem medium reuulsionem fieri posse statuunt, à dictis membris malignitatem deriuando, quò in locis à centro remotioribus transpiret & exhalet.

Quamuis autem hic curandi modus minus respectu hominum, magis autem apud plebejos respectu bouum & æquorum peste corruptorum in vsu sit, vbi satis mirabiles effectus interdum apparent: nihilominus meo iudicio, talis est hæc curatio, vt frequenter etiam in hominibus sanandis admiranda videatur, quum fieri solet. Possum enim hoc laudis helleboro nigro tribuere, quòd inter omnia simplicia & composita, quæ noui, cuiuscunque generis vel speciei sint, nihil habeatur, quòd eiusmodi magnetica & attractiua qualitate præditum sit, pro facienda reuulsione peccantis alicuius humoris, ad partem aliquam ruentis, & producenda materia in partem distantiorē, quam Helleborus niger, ita vt experientia edoctus, eodem in diuersis morbis vsus sim, potissimum

potissimum in Cachexia fœminarum & virginum, ob retentionem mœnstruorum inveteratam, & aliis dispositionibus, quibus adhibitis miracula præstitit, omnes curas ordinarias aliaque medicamenta superando, de quibus plura non patitur præsentis instituti ratio. Non autem opinetur quispiam Helleborum tale quid operari sua acrimonia, vel facultate mordicante, quam possidet, quemadmodum disputari posset, dicendo, quod omnia facultatem mordicantem habentia vel parumper adurentia, & quæ partis alterationem producant, applicata calorem præter naturam in parte generent, & juxta Medicorum axioma, ubi calor, ibi attractio, consequenter Helleborum calefaciendo & alterando talem attractionem perficere, quemadmodum videmus vesicatoriis fieri, rebusque causticis, quæ partes inflammando fluxionem & concursum serosorum humorum in iis efficiunt: qui enim hoc modo discurrit, seipsum fallit, quia Helleborus non producit eiusmodi inflammationem, neque concursum serositatum prouocat, quibus pars intumescat, sicuti fit vesicatoriis & euidenter adurentibus, sed absque vesicis excitatis sine inflammatione attrahit humores vitiosos & corruptos: imò verum pus & materiam apostematam è profundo corporis educit, quamuis applicetur in locis ab iisdem remotis, eaque minimè tangentibus, instat veri specifici naturæ. Non quidem nego, quin actio eiusdem cum aliquo calore fiat, cui tamen eadem simpliciter attribui non potest. Hinc ego credo, quod causa vehementioris commotionis inter alia purgantia, quando interius Helleborus sumitur, non sit alia, quàm prædicta proprietates attractiua, cuius ope peccantes humores in partibus à centro remotioribus commouentur, & superfuitates ac impuritates in venis latitantes attrahendo, vehemens alteratio subsequitur. Sed

Ang. Sala.

redeundo ad nostros Medicos, auctor sum omnibus, quibus officium incumbit, vt ægris pestilentialibus præstint, quò sibi familiarem reddant vsum huius simplicis, vt occasione data conuenientem vsum sciant, quia coram DEO obligamur, vt quotidie discamus, & laboremus, quo magis magisque perfectam rerum medicarum cognitionem adipiscamur, vtpote cum medicamenta CLEMENS DEVS nobis communicet, vt iisdem proximo inserviamus, inprimis vbi crudeli eiusmodi morbo, qualis pestis est, resistere cogimur.

Symptomata ordinaria, quæ laborantibus, durante curatione prædicta, solent accidere cum suis remediis.

Posito, quod causâ mali sublata, consequenter etiam accidentia sponte cessent: hoc tamen non obstante frequenter fieri solet, vt nisi quis symptomatibus succurrat, frustra laboret in exterminanda causa. Nam exempli gratia, laboret aliquis vlcere quodam maligno cuius ratione dolor vehemens, inquietudo, anxietas, & excedens partis dolentis inflammatio laborantem affligit: hic sanè conceditur, quod prædicti vlceris curatio censuit in correctione deprauatæ dispositionis corporis laborantis, à qua suam ducit originem, non neglectis topicis, quibus carne bona repletur & consolidatur; certum tamen est, nisi quis eò allaboret, vt patiens ad quietem perueniat, dolorem & inflammationem per anodyna leniendo, nunquam Chirurgus curationem suam ex voto perficiet, quod etiam similiter in aliis multis morbis accidit. Hinc igitur in curatione pestis tam principalibus & vehementioribus symptomatibus succurrendum particularibus suis remediis, quàm contra causam malignam prædictis vni-

FFF

uerſalibus pugnandum eſſe videtur. Iam autem ſymptomata, quæ peſte laborantibus his vel illis, pro ratione ſubiecti differentis accidunt, & non obſtante cura generali, continuari poſſunt, ſunt virium naturalium imbecillitas; cordis anxietas: vehemens internus calor cum ſiti; grauitas capitis vel maximus topor; vehemens dolor capitis cum inquietudine & peruiſio; linguæ & faucium inflammatio; cruditas atque vomitio ſtomachi; inſignis dolor & punctio laterum, alui obſtructio, & ſæpius etiam eiſdem contrarium, ſeu fluxus. His accidentibus ſequenti modo ſuccurrendum.

I. Quoad virium naturalium imbecillitatem, neceſſarium eſt, vt iſdem ſequenti modo ſuccurratur. Agrotanti ſæpius juſculum aliquod reſtaurans caponis vel optimæ carnis vitulinæ præbeatur, cui parumper ſi. borrag. bugloſæ, radic. pimpinellæ, incoquatur, addito vitello oui recentis & pauxillo ſucci limonium vel arantiorum. Item hordeum mundum in brodio carnis diu coquatur, & poſtea per ſetaceum coletur, additis emulſionibus amygdal. dulcium, ſem. Melonum, cucurbitæ, &c. cum aq. roſarum præparatis: item panis tritus & in brodio quodam diu coctus, ac poſtea cum amygdalino lacte, paucoque ſaccharo permixtus. Quibus autem mixtura cum amygdalis & ſaccharo diſplicet, his ſingulis vicibus, quando quidpiam de reſtauratiuis brodiis exhibetur, aliquid gelatinæ cydoniorum vel citri poterit admixceri, qua ratione non tantum iucundus ſapor concilietur, ſed ſimul etiam corroboratur, & malignitati reſiſtitur. Inſuper & hoc modo reſtauratiuum inſigne præparatur: Recipe caponem optimè nutritum & carnis vitulinæ lib. j. remotis inteſtinis, pinguedine, collo, alis, pedibus extremis omnia minutim cum carne vitulina inciduntur, & in vitream cucurbitam immitantur cum

Aq. ſucci Meliſſæ, Succ. Borrag. Bugloſæ, Acetoſæ ana ꝑij.

Poſtea clauſa cucurbita coq. in Balneo Mariæ per horas 10. vel 12. coletur liquor in linteo carnem fortiter exprimendo, quò tota humiditas exhauriatur: deinde adde

Gelatinæ cydonior. transparentis,

Gelatinæ citri

Syr. violar. cærul. an. ꝑjss

Aq. citri ꝑj. Miſce.

De hoc reſtauratio laborans ſingulis diebus tribus vel quatuor vicibus ſumat quatuor vel quinque cochlearia, vel etiam plus, juxta neceſſitatem, vbi ſemper aliquid pulueris corall. & perlarum addi poterit. Quod ſi ventriculus agrotantis, aliquid ſolidius deſiderat, nec febris admodum affligit, caro magis albicans de pectore caponis adſpergendo poſtea per ſetaceum exprimatur ſubſtantia pulvis inſtar, in qua de Gelatinæ cydoniorum vel citri quidpiam diſſoluatur, & urgente neceſſitate laboranti præbeatur. Quidam ex rebus nutrientibus & reſtaurantibus aquam deſtillatam componunt: ſed notandum, quod nihil aſcendat, niſi tantum aquoſa pars earundem, ſubſtantia nutriente & reſtaurante inferius relicta. Melius igitur erit, vt juxta dictum modum procedamus, niſi quis fallere velit agrotantes, vt credant, quod aqua nutrire & ſuſtentare poſſit. Quoad potum illud ordinariè ſit piſana vel decoctum hordei cum Tamarindis, parumper cinamomo conditum. Interim aliquid etiam vini albi, vel clareti, ſi febris non magna eſt, cum aqua pimpinellæ, borraginis, acetoſæ, vel cum pauxillo ſucci citri & ſaccharo temperatum concedi poterit, vtpote quibus additis actio ſubitanea vini ſpiritu ſi corrigitur & alteratur. Et hic eſt modus reſtaurationis in agrotante eoſque, donec vehementiam morbi ſuperauerit, vbi poſtea liberalius cibari, & pluribus ſolidioribus cibis reſciſci poterit.

II. Contra cordis anxietatem, seu pro viribus eius conseruandis, quo curatio generalis ed' foelicior procedat, remedium hoc vsurpetur.

℞. Conf. fl. buglossæ, Gelatinæ citri an. ʒ. vj.

Magist. Margarit. ʒβ.

Croci subtil. pul. gr. viij.

Ol. Cinam. gr. ij.

de hac compositione vtetur duabus vel tribus vicibus in die, vel solitariè, vel cum destillatis cordialibus. Sic etiam istius conditi loco Iulapium vsurpari poterit, quod Rec. Aq. still. ex succ.

Borrag. Acetosa, Buglossæ, Meliss. ana ʒ. vj.

Syr. Bugloss. Borrag. Acetosa, de suc. citri an. ʒij.

Ol. Sulph. rectif. g. xxx.

Misceantur & Aromatiz. cum aq. cinam. vel cum Spir. Santali Citrini.

De hoc Iulapio similiter in die tribus vel quatuor vicibus sumatur, vt dictum est antea de conferua. Sic etiam exterius Epithema fieri potest.

℞. Fl. Calendulæ, Rosar. rub. Borrag. exicc.

Fol. Melissæ, Santali Citrini, Ligni Aloes cort. exter. citri an. ʒij.

Camphoræ ʒj.

F. puluis subtilis.

His puluis cum bombace comprehendatur in sacculis ex sindone rubro paratis & interbastatis aequaliter, postea cum aceto rosaceo & succo citri aspergatur, & regioni cordis paululum calefaciendo applicetur per vices, semper exiccato vno sacculo, vicissim altero appposito, idque tamdiu continuando, quamdiu id ipsum necessarium esse videbitur. Imò naribus etiam eadem compositio seruiet, quia odorem spirat restaurationi cordi & spirituum maximè conuenientem, quando quædam anxietas vel à febris, vel ab habito sudore post medicamentum diaphoreticum adhibitum.

3. Contra maximum æstum internum cum intensa siti, bibat æger de pitana dicta, quantum placuerit, quod si calor non temperatur neque sitis extinguitur, sequens remedium conueniens erit.

℞. Aq. Borag. per baln. destil. lb. iij.

Sacch. albiss. ʒ. ij.

Salis Nitri præp. ʒ. js.

M. & aromatizetur aq. Cinamomi.

De hac porione detur patienti duabus vel tribus vicibus in dies, sed aduertendo, ne dum hoc remedio patiens vtitur, alia vitriolata, vel cum oleo sulphuris acido præparata concedantur, quia nitrum & vitriolum minimè conueniunt, nec in vna sede sine pugna morantur. Quod si tantus sit ardor, vt prædicto liquore temperari nequeat (obseruatis regulis generalis curæ superius dictis, & vbi venenum pestiferum jam euictum videtur) sequenti quoque remedio licet vti.

℞. Aq. sperm. ranar. per baln. destil.

ʒj. vel ij. pro ratione caloris & subiecti laborantis

Croci pul. parum, Misce

& exhibe manè, vesperi, vel etiam quacunque hora diei, requirenti necessitate, quo medio, vaporibus calidissimis per sudorem & occultam transpirationem euacuatis, calor qui non potest extendi, quique fixus manet & in corpore vigens, domabitur & expugnabitur. Sed nota refrigerantibus eiusmodi sic vtendum esse, ne quis præiudicium sibi creet, tam quoad materiam expellendam, quam etiam quoad calorem natium. Imò pertinent huc etiam plura, quibus quilibet pro lubitu & indigentia vti poterit.

4. Contra grauitatem capitis & soporem præter naturam, quando patiens tantum dormire cogitur, vbi frustra conamur eundem sermonibus, vel etiam capitis commotionibus excitare, sequens remedium conuenit:

℞. Majoranæ Saluiæ cort. arantiorum Fl. Scorpoidis an. ʒβ.

F. pulvis subtilis, coquatur cum aceto rosac. ad consist. pulvis.

Extendatur in linteo duplici, & fronti calefactum apponatur: ubi refrigerit vicissim aceto vini calefacto humectetur & applicetur, prout erit necessarium, si sufficiens hoc non est, aliud super addatur.

℞. Sem. Amaraci Thymi an. ʒj.

Rad. Angel. vitrioli albific. an. ʒβ.

F. pulvis.

De hoc pulvere parum calamo scriptorio vel tubulo, quo fumum nicotianæ vel tabaci bibunt, naribus ad excitandum sternutamentum inspiretur.

5. Contra dolorem capitis, cum æstu, delirio & perungilio.

℞. Fl. Sambuci exicc. Nymphææ al.

Rosar. rub.

Hordei mundi an. ʒβ.

Succini al. ʒij.

Croci Anglicæ ʒj.

Camphoræ

Opij Thebaici an. ʒβ.

F. pulvis subtilissimus, deinde addantur ol. Nymphææ

Amygd. amar. an ʒvj.

Aceti Sambuc. Aq. ros. opt. an. q. f.

Coq. in formam Cataplasmatidis, quod vsurpetur modo prædicto.

Quod si remedium istud ad effectum separatim non sufficiens fuerit, resolutio fiat in exhibendo Laudano opiato, quod rite præparatum sit, & in cochleari syrupi violarum exhibeatur, de quo remedio præparationem hic non describo, quia plenius de eodem in Opiologia mea tractavi, quod medicamentum extremos dolores lenit, vehementissimos ardores mitigat, & naturalem quietem, absque noxa, producit, maxime quando post euacuationes vniuersales eodem utimur. Pro ratione necessitatis id ipsum secunda vel tertia vice reiterari potest, sed diebus diuersis.

6. Contra linguæ fauciumque inflam-

mationem. Quia n. accidit, vt præter cūram generaliter susceptam linguæ & palatum intumescant & inflammentur, ita vt gangrena videatur inuadere, necessarium est, vt properetur ad remedia, ne in periculum ægrotantis vita perueniat. Huic effectui succurreretur, præter venæsectionem in brachio, per apertionem venarum sub lingua, sanguinem emittendo, donec sua sponte subsistat, ita tamen vt modum etiam non excedat. Iuniores Medici & Chirurghi non perturbentur hoc accidente, quia factum fuit, quamuis raro, vt sectis eiusmodi venis sub lingua tam vehemens fluxus sanguinis sequeretur, qui bombacem oleo vitrioli parum humectatum incisuræ protinus adhibendum requireret, cuius facultas escharotica & astringens extemplo fluxum sistit, quo neglecto periculum vitæ subsequeretur. Facta tali venæsectione patiens mox gargariset, & os sæpius eluat liquore quodam & linguam radat & purificet à superfluitatibus, quæ ibid. colliguntur.

℞. Rosar. rub. Fl. Sambuci Sem. Scabiosæ, Auriculæ Iudæ an. ʒj.

Aq. Caprifol. vel plantag. ʒj.

Bulliant parum: in colatura addantur Diamori. ʒij. Aluminis mundi ʒj. Misce.

Exterius: ℞. Farinæ Hordei ʒβ.

Pul. Ros. rub. Glycyrr. an. ʒij.

Sacchari albi præp. ʒj. Croci subtil. præp. ʒj.

Mellis rosar. ʒj. Ol. amygd. dul. ʒβ.

Decoct. auriculæ Iudæ, vel spongiæ Sambuci q. f. F. Cataplasma.

7. Contra nauseam & vomitionem. Cum sæpius accidat, vt tam vehemens atque continuum sit hoc symptoma, euacuatis etiam vitiosis humoribus, vt nihil ægro præberi queat, siue sit medicamentum, siue sit alimentum, mox omnibus per vomitum reiectis, prouidendum sequenti fomentatione.

℞. Sem. Absinthij Majoranæ, fol.

Mentha crispæ

Thymi Ros. rub. Fr. & Fol. Myrtill.
Rad. Galangæ ana ꝑb.

Omnia crasso modo conjunctim pulueri-
sentur, & in sacco oblongo quadrato
comprehendantur, asperso aceto rosaceo
calido, pro regione ventriculi, reiteran-
do, quoties opus erit. Præterea conueniet
cochlear liquoris stomachalis.

℞. Syr. de mentha, Cydonior. Melissæ
de suc. citri. ana. ꝑj.

Aq. Cin. ꝑj. Ol. Sulph. re. & f. g. xij. M.

8. Contra dolorem & punctiōem
laterum cum calore & aestu.

℞. Mucilag. ex sem. Cydon. cum aq.
rosar. ex. ꝑiiij.

Aceti rosar. ꝑij. Ol. rosar. compl. ꝑis.

Boli Armen. ꝑij. Sandali rub. subtil.
pulu. ꝑj.

Camphoræ ꝑj. Misce.

Hoc ipso duplex linteum humectetur,
quod tepide partibus affectæ mox ap-
plicetur. si verò maximus est dolor, vna
etiam dosis Laudani opiatî præbeatur.

9. Contra ventris obstructiōem.
Nihil hîc tutius & vtilius est Enemate,
quod erit similitum qualitatum cum
sequenti:

℞. Herb. Borag. Violaria: an: Manip. j.

Polypod. q. ꝑb. Brodij vitulini q. s.

Bulliant ad ꝑx. in colatura addantur
Mellis rosati ꝑij.

Vitel. ouor. num. ij. Butyri recentis
ꝑj. M. pro Clystere.

Hoc toties repetatur, quoties necessa-
rium esse videbitur, & si non sufficenter
laxat, Medicus alia purgantia poterit ad-
jungere, semper cauendo, ne calida &
actia misceantur. Quemadmodum etiam,
si necessarium videbitur infusio Rha-
barbari vel Sennæ fieri potest cum man-
na, per os assumenda: vel sumi poterit le-
nitium aliquod ex iis, de quibus in præ-
seruatione dictum est, quæ absque peri-
culo quis vti poterit.

II. Contra ventris fluxum, qui sæpius hunc vel illum agrum præhendit.

Quando patiens symptomate tali præ-
henditur, necessarium est, vt Medicus sit
vigilantissimus, & obseruet, num euacua-
tio sit bona & necessaria vel non, quò vel
iuxta rationem fluxum istum ad certos
vsque limites permittat, vel suo tempore
eundem astringat ac sistat: si enim quis-
piam ægotantem in vitæ discrimen de-
ducit, relinquendo peccantem materiam
in corpore, quæ necessariò separanda ven-
nit, sanè similiter & ille nocebit, qui se-
parari finit illud, quod conseruari debe-
bat. quando itaque necessarium est, vt
fluxus ventris in agro sistatur, sequens
remedium conuenit:

℞. Ol. Cydonior. Mastich. de nucè
mosch. per express. ana ꝑij. Misce.

Hoc vnguento venter bis teruè inunga-
tur, & si necessarium videbitur, dosis Lau-
dani Opiatî exhibeatur, cum pauxillo
syrupi violarum. At si remedia dicta
non sufficerent, propter vehementem
exulcerationem & debilitatem intestino-
rum, sequenti modo procedatur. Recipe
caput ovillum recens crudum, secetur
in partes duas, cui abscindatur lingua,
vnà cum cerebro coquatur in s. q. aquæ
donec ab ossibus caro separetur: postea
coletur brodium, & mox infunde summi-
tatum hypericonis duos vel tres manipu-
los, rad. Tormentillæ crasso modo inci-
satum ꝑj. ponantur ad cineres calidos per
tres vel quatuor horas, postea coletur &
in forma clysteris manè vesperique sine
rebus aliis additis ægro adhibeatur, &
effectum videbis notabilem, quia liquor
iste superat alia omnia, quoad fluxiones
desperatas, & maxime tunc temporis, vbi
vehementiores punctiōes in intestinis
deprehenduntur. Tantùm de accidenti-
bus præcipuis.

*Modus & ordo generaliter obseruandus
in venæsectione tempore pestis.*

Cum superius venæsectio referatur inter generalia remedia pro curatione pestis, iuxta alios omnes Medicos, ubi tamen in specie non determinatum fuit, quomodo debeat vsurpari, videtur necessarium, id ipsum hic annotare, quo lector eadem coniungenda cum prioribus methodum perfectam curandi pestem assequatur. Priusquam verò venæsectionem instituamus cum aliquo peste præhensio, necessarium est, vt diligens examen instituatur, an si necessaria, vel non, ne sine discretione quicquam faciamus. Quod si necessitas venæsectionis vrget, sequenti modo procedamus.

1. Data venæsectionis indicatione, nullo signo externo in ægrotante sese offerente, nec etiam dolore lateris vnus vel alterius vrgente, sed febre totum corpus affligente, mediana dextri brachij secetur, & sanguinis q. s. emittitur.

2. Si signum externum circa collum, post aures, vel propè mentum, vel in alia parte capitis lateris dextri appareat, vena cephalica dextri brachij secetur: si ex altera parte, sinistri brachij cephalica aperiatur.

3. Si signum est supra frontem, vel sub mento, venæsectio fiat sub lingua, simul, vbi patiens est pletoricus, mediana brachij dextri aperiatur.

4. Si signum est sub axillis, vel circa locum istum, mediana laborantis partis aperiatur, vel etiam vena propè digitum minorem.

5. Si signum supra scapulas, cor & pectus, mediana dextri brachij secetur.

6. Si signum est in medio corporis, & dolor magis vnum, quàm alterum lateris affligit, basilica brachij istius lateris aperiatur vbi dolor maior est.

7. Si dolor testiculos affligit, sa-

phena pestis aperiatur lateris dolentis.

8. Si circa regionem genuum aliquid apparet, vena propè digitum minorem in pede secetur.

9. Si accidit, vt nihil quidquam appareat, maxima tamen grauitas in partibus superioribus deprehendatur, cephalica lateris dextri secetur; & si pars inferior magis quàm superior grauiatur, sa-phena lateris eiusdem aperiatur. Hæc breuiter sufficiant quoad venæsectionem, quæ non tentanda, nisi tunc temporis, vbi occasio determinata de qua antea, cum de cura pestis generatim ageretur, sese offerat.

Tandem laudant quidam ventosas præsertim in senibus, debilibus, & fœminis grauidis; sed verisimile videtur, vbi necessitas venæsectionis non est, easdem etiam intermitteri posse. Quod prægnantes attinet, si maxima necessitas vrgeret, venæsectio quoque debito & opportuno tempore posset administrari, tã peste laborantibus, quàm tunc temporis, vbi interdum in pleuritie, febre ardente, continua & aliis morbis id ipsum requiritur. Quanquam verò ventosæ non videantur euacuare, quod est in venis, sed solum, quod inter cutim atque carnem est, nihilominus non nego, quoad particularem ventilationem vel euacuationem, ad liberandam partem admodum inflammata respectu plenitudinis ob carbunculum, vel tumorem pestilentialem, ventosa iusto loco adhibita, cum profundis scarificationib. leuamen quodam gignat.


Tantum de aliis rebus, quibus iuxta temporis & opportunitatis rationem quispiam vti potest, semper tamen oculis intellectus eo respiciendo, quod Bezoardica sint vera basis & in fundamentum verum ipsius curationis, vbi reliqua remedia secundum locum obtinent: Etenim in casu necessitatis solis Bezoardicis aliquis infectus curari potest, quod venæsectione, vel purgatione sine bezoardicis,

non absolvetur, si reuera quispiam infestus est. Interim vtraque conjunctim adhibita cum discretionem tendunt ad eundem finem, & intentionem nostram adjuvant. Ecce Lector Amice, breuiter habes, quæ succinctè tam de præseruatione, quàm curatione pestis dicere volui, sine discursu prognosticorum, crismus & aliarum obseruationum, quæ in hoc morbo curiosæ magis quàm necessaria, scilicet in hoc morbo acuto, fraudulento & stratagematis pleno, qui sapius Medicos sagacissimos fallit in suis prædictionibus, dum potius promptè labo-

rantibus cum bonis & excellentibus remediis præsto esse cupiunt eoque, donec corpus eorum leuamen aliquod percipiat, ad quod ego semper & in hoc meo libro tendo, & hoc modo cor meum Deo æterno (qui radix est omnium bonorum & verus animæ corporisque Medicus, subiciens, gratias ago pro beneficiis per gratiam mihi concessis, & humiliter petens, vt benedicat laboribus meis, in sui gloriam, & proximi emolumentum & animæ meæ consolationem; & vt dirigat actiones meas per reliquum vitæ in timore suo, finem faciam.

F I N I S.





DESCRIPTIO BREVIS ANTIDOTI PRETIOSI:

Quâ exquisitissimæ eius virtutes, vsusque multiplex variis in morbis,
& humani corporis affectibus, recensentur, nunc
primum luci commissa.

PRÆFATIO AD LECTOREM.



BENEVOLE Lector, etiam magni nominis Medicis solenne
olim fuit, medicamentum alicuius particularis virtutes, quas
quisque accurata observatione annotauerat, peculiari quodam
tractatu literis consignare. De virtute & usu Hellebori, ad
Democritum scripsit diuinus ille Hippocrates: De aceto scylli-
tico, antiquissimus Philosophorum Pythagoras: De Betonica,
Antonius Musa, Augusti Imperatoris Medicus celeberrimus:
ipsum quinetiam Medicorum Dogmaticorum Principis Galeni libri duo, vnus
de Theriacâ Andromachi ad Pisonem, de Centaurio ad cinitatem Ticinum alter,
extant. Et hodie non desunt recentiores, tam Dogmatici, quàm Hermetici, qui
simili negotio suam nobis industriam probarunt. Quod si illis hoc vitio non fuit
datum, neque mihi, qui eorum ad exemplum, usum & vires Antidoti nostri
pretiosi describo, eo quod propter insignes eius virtutes, efficacissimas operatio-
nes, & tutissimos effectus, aduersus quàmplurimos grauissimos humani corporis
morbos, ac symptomata, merito instar pretiosissimæ gemmæ, præ omnibus aliis
sui generis & ordinis medicamentis, habendum sit. Et quidem, ut hoc modo effi-
cerem, ut eius utilitas magis ad plurimorum hominum emolumentum & benefi-
cium redundaret, quàm si illud occultum retinendo, in mea tantum particulari
quotidiana usurparem praxi. Quod verò hic modum eius præparandi non do-
ceo, neminem bonæ mentis & recti iudicij credo sinistrè accepturum: quippe
cùm optimè nouerit, hoc factum non esse contra charitatem Christianam, aut
decorum huius artis, si Chymiastr (qui maiorem vitæ suæ partem, in exactè in-
dagandis permultorum remedium virtutibus, ac illis curiosè propriis mani-
bus præparandis consumpsit, uti ego feci) si, inquam, ille arcanum aliquod sibi
retentum

retentum referuet. Cum aliàs satis notum sit, me in his, quæ generaliter meam hac in arte cognitionem, scientiamque concernunt, non esse tenacem & auarum; sed huius amatoribus liberaliter & sincerè ea communicare: cuius rei multi eruditione, & doctrinâ clarissimi Medici (etiâmnun in diuersis Europæ regionibus Medicam exercentes praxin) mihi testimonium exhibebunt, qui ad discenda Chymiatricæ artis fundamenta, & generaliter inde dependentia, me in præceptorem eligere & acceptare non dedignati fuere. Quod eo magis beneuolum commouebit Lectorem, ut æquius de hoc tractatulo ferat iudicium.

DE COMPOSITIONE

HVIVS PRETIOSI ANTIDOTI

IN GENERE.



OGNITVM & perspectum est omnibus sapientibus Physicis, & Medicis rationalibus in mundo, quàm excellentes, temperatæque proprietates

cordiales sint, quas Deo placuit admirabili sua prudentia lapidibus pretiosis infundere ac imprimere: quomodo item (non obstante eorum fixitate per se indigestibili) Archaus corporis nostri prædictas proprietates eorum vi quadam magnetica & occulta sibi applicet in vsum & auxilium nostrum aduersus multas infirmitates, vltra rationis & intellectus nostri acumen & discursum.

Similiter certum est experientibus Chymiatris, quantumuis ex dictis pretiosis corporibus non potest elici aliquis succus, aut substantia potabilis, subsistens in esse simpliciter, quemadmodum in multis aliis rebus, quod nihilominus tamen mediante additione sua dissolui queant, subtiliari & recludi tali modo, ut occultæ

& abditæ eorum qualitates, quæ in fixitate ipsorum latent, sese aperiant, & de potentia ad actum perueniant, eoque consequenter multo cum maiori efficacia & vi in corpora nostra operentur, quàm faciant in prima ac simplici sua forma.

Insistens igitur fundamentis veræ Chymiatricæ, sumo præcipuas orientales gemmas & lapillos pretiosos, aliis in medicina prælatos omnibus, quos reduco in puluerem subtilissimum volatilem, & in indiuisibiles atomos, mediante arte Chymica, ut ad soluendum fiant apti: tum liquorem soluentem accipio non corrosiuum, neque offendentem, sed amicum humanæ naturæ, verè medicinalem, bezoardicum, & concordantem cum proprietatibus eorum, in quo soluo puluerem prædictum, eumque promoueo in magisteria verè potabilia & solubilia in omni liquore. Sumo deinde certas essentias vegetabiles Alexiterij vim obtinentes, & cordiales, cum quibus iam dicta magisteria commisceo, & excellentissimum medicamentum inde compono in forma extracti solidi, quod Antido-

tum pretiosum nomino, tam quia præcipue ex dictis magisteriis pretiosis constat, quam propter exquisitissimos eius effectus, qui & rarum, & supra multa alia medicamenta id reddunt in eodem genere pretiosissimum.

De Qualitatibus manifestis, & specificis proprietatibus, Antidoti pretiosi.

O Pifex ille rerum Opt. Maximus in principio, vi verbi sui FIAT. Vniuersum hoc mirabiliter condidit, ac efficaciam omnipotentiæ suæ variis elementis modo non vno est impertitus. Atque ut ex vna sola causa multas diuersissimasque procreauit ita etiam easdem perpetuo ac immoto se fœdere & ordine conjunxit, ut in vniuerso naturæ ambitu firmissima & constans deprehendatur harmonia, eaque partim amico rerum, ex quibus constat, consensu, partim mutuo earundem dissidio contineri ac sustineri videatur. Placuit namque supremo illi numini, non per vnam aliquam solam rem, sed multas, sed contrarias, suam nobis omnipotentiam ostendere. Quod cum ita sit, ut reuera est, quis non vanitatem eorum agnoscat, qui vel ipsi persuasissimum habent, vel aliis persuadere conantur, esse in rerum natura, vel artis beneficio confici posse medicamentum, quod instar vniuersalis cuiusdam vniuersalissimi, nullis vel limitibus, vel terminis circumscriptum, non tantum qualitates elementares, æquali proportionem commensuratas in se contineat, sed & omnibus insuper proprietatibus specificis, quæ vel ex varia illarum commixtione, vel à certa aliqua naturali prædestinatione oriuntur, abundantissimè dotatum sit? Quod suppressio calore suo iam refrigerare possit, iam humectare, sicut exsiccandi potestate nihil damni faciat: iam adstringat, iam incalset, & contrarias interim facultates planè occultet, Quod idem interdum

per vomitum, interdum per secessum purget: sudores cieat: vrinam prouocet: venenis, tanquam alexiterium, resistat: somnum conciliet: denique ut in vnum omnia conferam, omnes alios effectus, quos causarum morbosicarum, tam particularium, quam vniuersalium diuersitas requirit, omni tempore & loco, in omni sexu, ætate, complexione, & personarum constitutione præstet, omnibus aded infirmitatibus medeatur, ac nulla vnquam ratione corpus offendant? Sunt qui hoc sibi imaginentur, & in inani hac speculatione admodum sibi placeant, non pauci. Verùm illis credat Iudæus Apella,

Non ego. Certissimæ namque & indubitatæ est veritatis, quod virtutes, quorumcunque etiam medicamentorum, tam simplicium, quam compositorum, vel quomodolibet præparatorum, cum in qualitatibus eidentibus ac manifestis, tum iis, quæ à tota sunt, ut loquuntur, substantia, aut forma specifica prodeunt, limitatæ sint ac definitæ, sit eorum quædam hoc, alia alio modo operentur. Fateri quidem oportet, quod vnum aliquod medicamentum, secundum qualitatum suarum permixtionem naturalem, diuersas sæpe facultates habeat, calefaciat prima fronte, & post refrigeret, aperiat itidem, & adstringat, & vice versa. Quemadmodum non Galenus tantum iis in libris, quos de simpl. medicamentorum facultatibus conscripsit, non vno loco attestatur, sed & experientia ipsa abundè comprobatur. Neque etiam hoc negari potest, in classe medicamentorum reperiri, quæ aliis præstantiora sint ac potentiora, artemque posse in longe maiorem earum perfectionem deducere; ac vnum sæpe medicamentum esse generalius, vel pluribus morbis accommodatius altero, idque ratione partium humani corporis, quibus appropriatum quodque sit. Certum namque est, & in Ternario nostro

Bezoartico à nobis demonstratum, quod medicamentum specificum cordiale, respectu symbolismi, qui ipsi cum corde intercedit, rectius, quàm alia medicamenta, quæ partibus aliis destinata sunt, generale dici mereatur. At quicquid vel illud, vel hoc demum sit, non satis inde causâ est, quare res aliqua vniuersalis medicina absolute appellari debeat, & si qui ita vocent, veritati, sicuti supra quoque diximus, insignem eo ipso iniuriam faciunt. Valeant hi cum splendidis hisce titulis, quos sine modo, præterque rationem medicamentis suis deferunt. Nos illorum ab errore alieni, Antidoti nostri pretiosi virtutes, vsumque, vnâ cum debitis exceptionibus & respectu, modo quem in tali re Medicus bonæ conscientiæ, rationalis & expertus vsurpare debet, in præsentiarum declarabimus.

Cum medicamentum hoc compositum sit ex multis ingredientibus inæqualibus, & temperamento ac qualitatibus differentibus, vti etiam ex prima simplici eorum consistentia, immutatis in aliam formam subtilem, ac penetrabilem; irriti sane esset laboris, velle particulatim, distinctè, & per gradus eius inquirere qualitates, ad iudicandum de eius virtutibus, vt in multis simplicibus fieri consuevit. Generaliter igitur loquendo, sulti ratione & experientia, quæ sola præcipuè nobis debet detegere virtutes medicamentorum compositorum, sicuti Galenus id commonstrat, scribens de differentibus virtutibus Theriacæ, possumus obseruare, quantum qualitates huius medicamenti manifestas concernit, illud esse præditum qualitate mediocriter calefaciente & exsiccante, cum facultate primò detergente & aperiente, & postmodò adstringente, adiuncta quadam vi anodyna. Exinde non tantum naturaliter corpus calefacit, crassos & viscosos humores incidit, obstructions internas aperit, flatu-

lentis & nexiis vaporibus corpori inclusis viam, & exitum præbet, & superfluos serosos humores per vrinam, & insensibilem transpirationem expellit: sed etiam partes, & membra relaxata, & debilitata corroborat, ac quamplurimos internos ab humoribus fluidis, acribus, & pungentibus progenitos mitigat, illorum humorum motum & cursum sistendo, illosque ad digestionem reducendo, vt natura postea illos conuenienti modo per propria emunctoria expellere possit. Deinde quantum eius specificas, aut à tota substantia, & eius compositione procedentes qualitates attinet, est illud præcipuè cordiale, bezoardicum, & balsamicum tantquam verum naturæ elixir. Vnde mirum non est, si vitalem cordis functionem roboraret, resistat venenis, aliisque malignis materiæbus, easque exulare jubeat, si non tantum à bonis quibusque humoribus putredinem fortiter arceat, & abigat, sed & eos, quos putredo iam inuasit, emendet ac emundet. Atque hæc quidem sunt, quæ in genere de eius qualitatibus dicenda fuere.

Sequitur particulatim, in quibus morbis, & symptomatis, hoc Antidoto pretioso vtiliter ac salubriter vti possimus.

1. **P**Rincipio ergo illud Antidotum pretiosum valde confert iis, qui vel à natura debilis constitutionis sunt, vel per diuturnos morbos, purgationes, sanguinisque missiones crebriores, aut nimiam Venerem, plus nimis imbecilliores redditi. His enim si id debita dosi, vel vnâ vice quotidie, vel ter aut quater in septimana, tempore matutino, stomacho ieiuno, per aliquot septimanas administretur, bonaque interim & accurata diætâ impetretur, calorem natium debilitatum restaurabit, visceraq; adeo omnia, & partes

labefactatas corroborabit, quantum natura per medicamenta reparare admittet.

2. Si prædicto modo vsurpetur (corpore etiam à crassioribus humoribus per intervalla expurgato, conuenienti quodam pharmaco & phlebotomia, necessitate exigente non neglecta) est efficacissimum contra vertiginem, humicraniam, cephalalgias inueteratas, debilitatem memoriæ, visus obscuritatem, & auditus difficultatem, siue ea proprio cerebri affectu obtingant à caula frigida & humida, siue à vaporibus malignis oriantur, qui per consensum, vel à corruptione, deprauata stomachi concoctione, vel corruptela sanguinis, vel menstrui in mulieribus retentione, & labe nasci, atque inde ad cerebrum effumare consueuere.

3. Confert multum hoc Antidotum aduersus phrenitidem procedentem ab humore melancholico, aut materia maligna. Etenim sua proprietate consumit vapores orientes ex fermentatione iam dictorum humorum, qui infestando cerebrum efficiunt vesaniam, & perturbationem mentis.

4. In apoplexia, datum in principio, & ter quaterue reiteratum per intervalla temporis, prout necessitas requirit, extraordinarios præ omnibus aliis remediis edit effectus, ut & in omnibus lethargi speciebus.

5. Contra paralyfin est efficacissimum. Nam si non fuerit nimis inueterata, nec ægri nimia confecti senectæ, & detur per aliquot dies continuos, illorum spiritus restaurat, partes impotentes & resolutas naturaliter excalefacit, obstructions tollit, dissipando materiam, quæ transsitum spiritibus, & apto neruorum nutrimento intercludit, & consequenter efficit, ut læsa membra motum recipiant.

6. Summo cum successu exhibetur contra omnes epilepsie species, tam ad digerendam in epilepticis fluidam illam pituitam (in istis enim hic humor peccat)

naturalem calorem illorum confortando, & corroborando cerebrum, quàm ad separandos, & consumendos in centro acres, aut malignos vapores, qui ascendentes in cerebrum, hunc causantur morbum in aliis: veluti in primis admirabilis est auxilij puerorum epilepsia quæ vitio stomachi à quadam vel flatulentia, vel cibi corruptione, vel vermibus exagitatis obtingit.

7. Est etiam singulare refugium contra illas spasmi species, quarum vna caput versus anteriora incuruat, appellata Emprostotonos, & altera contra ad posteriora illud inflectit, opisthotonos nominata, & tertia, quæ æqualiter ante & retro neruos, & tendines corporis extendit, tetanos dicta. Nam naturaliter neruos excalefacit, consumendo omnem flatulentam, & acrem materiam, quæ dictas conuulsiones causatur.

8. Magnam iis affert opem, qui affectui, quem incubum appellamus, subiecti sunt. Hi enim noctu dormientes, pulmonibus illorum eleuatis, & septo vel diaphragmate tenso (à copiosis vaporibus flatulentis, ex stomachi cruditate, vel crapula eructantibus) redduntur adeo compressi & angusti pectoris, difficilisque anhelitus, ut reuera sibi imaginentur, aliquid illos infcendisse, ac velle suffocare. Nam expurgato corpore, & venæsectione prout opus fuerit, administrata, si hoc vtantur Antidoto per aliquot dies continuos, vesperi post parcam cœnam cubitum ituri, egregiè illorum corroborat stomachum, corrigi omnes cruditates, expellit ac discutit omnem flatulentiam adeo efficaciter, ut omnino ab hoc liberentur symptomate.

9. Egregiè conducit melancholicis, & tristitia affectis, ob melancholiam, quæ fermentata atros suos vapores, instar fuliginis ad cor effumat. Nam hoc Antidotum suis qualitatibus dissipando, & repellendo hos vapores, ægrum à prædictis istis symptomatibus liberat.

10. Non minoris efficaciac est in hypochondriacis, aut melancholia flatulenta: quæ variis modis affligere solet, idque pro diuersitate partium, quas vapores isti maligni impetuosè exagitant. Si enim ad cor subuolunt, spiritus vitales, eo modo, quo serenam lucem nebula obfuscant, & obruunt, idque timore, tristitia & palpitatione mirum in modum exercent: si ad diaphragma & pulmones perreptant, anxietatem inibi, & asthma causantur. Varias verò & ineptas cogitationes, absurdasque imaginationes, & mala insomnia proferunt, si ad cerebrum vsque delati fuerint: sic aliis aliter molesti sunt. Nam si huius vsui adjungantur purgationes conuenientes, ad emundandas partes affectas à materia peccante, aut venæsectio in plethora, vel ad sanguinis nimis calidi, & fuliginosi euentilationem, in his, inquam, affectibus, si bisterue hebdomadatim hoc Antidotum detur, aperit omnes obstructions, consumit vapores vagabundos & noxios, corroborat viscera, & morbidam illorum ita corrigit dispositionem, vt exinde ægri summiopere releuentur in prædictis symptomatis, & nisi morbus fuerit hæreditarius, aut nimis inueteratus, aut nimis altas egerit radices, per huius continuationem omnino curentur.

11. Assumptum per aliquot dies continuos, aut per interualla, satis longo temporis spacio, vtilissimum est contra tremorem membrorum, exortum tum ex imbecillitate, & relaxatione neruorum, ob senilem ætatem, aut humores frigidos; tum ex crapula nimia, & excessu, potando vel estando commisso, modo eiusmodi homines simul bonam dietam & regimen vitæ instituant.

12. Catarrhosos (qui pituita cruda & fluida, ac serosis abundanti humorib.) valde iuuat, illorum cerebrum calefaciendo & confortando, pituitam digerendo, & dictos serosos humores consumendo per

sudorem, vrinam, & insensibilem transpirationem.

13. In catharro suffocatiuo magno est adiumento. Nam statim assumptum quamprimum catarrhus decidit, pulmonibus succurrit, euacuando humores, qui eius meatus, arteriasque infarctas replent, & spiritibus vitalibus respirationem præbet.

14. Asthmaticis, & quibus respirationis vsus tantum non intercipitur, siue ab obstructione pulmonum, siue alterius partis vitio ita laborent, insigniter conducit. Nam si interdum detur, meatus infarctos reserat, materiam impactam attenuat, naturamque iuuat, vt per vias conuenientes se ab hac exoneret.

15. Consimiliter in tabe, & corporis consumptione, à simplici obstructione, tam mesenterij, quam aliorum organorum principalium, & meatuum ortis, multum proderit. Nam ab huius vsu cedit obstructio, alimentisque per venas transitus, qui perclusus erat, conceditur, ac nutritio redibit inculcata. Requiritur tamen vt scirrhus, & contumaciore obstructione vacet mesenterium, neque abdomen incuruatum sit, quemadmodum in quibusdam obseruauimus. In hoc enim casu ad tollendam morbi causam quicquam attentare, nihil foret aliud quam laterem lauare. Eodem pacto in contracturis, quas materies flatulenta, obstructione juncturarum induxit, non est nullius valoris, sic, vt ne alia tamen medicamenta Topica, aliterue necessaria interim negligantur.

16. In principio pleuritidis exhibitum, non habet sui simile, tam ad dissoluendam ac discutiendam materiam adhuc subtilem existentem, impediendo ne in abscessum abeat, quam ad sedandum dolorem, & tollendum læsæ partis ardorem.

17. Singulari præsidio est in palpitatione cordis, leipothymia, syncope, aliisque symptomatis, in quibus repentina cordis

& cerebri consternatio, spirituumque interceptio existit, propter subitam in præcordiis humorum redundantiam, cruditatem stomachi, acrem quandam materiam orificium stomachi pungentem. Nam statim ad cor penetrans suis proprietatibus cardiacis & bezoardicis, naturam fortificat, & quandam expulsi-
onem aut dissipationem prænominae causa-
tur materię, qua exterminata patiens bre-
ui à præfatis liberatur symptomatis.

18. Prodest etiam stomachi ægritudi-
nibus prognatis ex causa frigida, aut hu-
moribus viscosis, qui illum nimis lubri-
cum & imbecillum efficiunt, appetitum
deperditum restituit, & digestionem pro-
curat bonam. Ita etiam appetitum inor-
dinatum ex acri & mordaci materia pro-
uenientem, sedat.

19. Nauseam, & non naturales vom-
itiones cohibet, stomachum corroborat,
illorumque causam, vapores, qui in febr-
ibus ardentibus & malignis, aliisue mor-
bis à materie in ventriculo coercita, pro-
creantur, consumit.

20. Singulare etiam & eximium est re-
medium in subuersione & perturbatione
stomachi ac ventris, quando nimirum
homini spontaneæ vehementes per supe-
riora & inferiora euacuationes accidunt,
quem affectum cholerae aut fellicam
passionem appellant, ad sistendas eius-
modi immodicas euacuationes, aut post-
quam spontè, aut post purgantis medica-
camenti usum cessarunt, (ut sæpè ratio
postulat, ad sufficientem materię peccan-
tis expulsiōnem) datur ad confortandum
stomachum, corroboranda viscera, illaq;
à cruditatē, & vitiosorum humorum col-
luuie præmunienda.

21. In fluxibus ventris periculosioribus,
lienteria & diarrhœa, quæ à qualitate ma-
ligna, vel hypercatharsi, aliquem adoriū-
tur, stomachum confortat, corruptumque
serum, quod ex venis & aliis corporis du-
ctibus ad centrum confluit, per sudores,

urinam, & insensibilem transpirationem
è corpore eliminat, materię peccantis
corruptionem & malignitatem compri-
mit, nec non visceribus robur afflat: quo
ipso fluxus securius quam medicamentis
prorsus stypticis compefcitur. Per hæc
enim humores corrupti in corpore reti-
nentur, quos euacuare oportebat, ac proin-
ipsa corruptelâ fouetur, ex quo lethalia
non rarerentur accidentia emergunt.

22. In dysenteria epidemica, quæ cum
febre ab humorum corruptela & mali-
gnitate progignitur, præstantissimum est
remedium, si benigno aliquo vomitorio,
vel cathartico prius expurgatum fuerit
corpus. Etenim si detur semel aut bis per
diem, recolligit vires dispersas, opprimit
malignitatem materię peccantis, sedat
febrem, omnemque præternaturalem ca-
lorem, ac fortificat venas, & vasa sangui-
naria, ut ita his mediis prædictus sistatur
fluxus. Quod sicubi fluxus diutius persti-
terit, viresque ægri purgationem haud fe-
rant, omittatur purgatio, atque statim ad
hoc recurratur Antidotum.

23. Colicam passionem, ventrisque cru-
deliora tormina, quæ vel tenax, & vitrea
pituita, vel flatus nimium lancinantes,
vel aliæ demum causæ peperunt, præ-
stantissimè sedat.

24. Maximi valoris est contra omnia
periculosa symptomata, provenientia à
lumbricis, quippe cum illos expellat ac
putredinem in corpore progenitam ab-
sumat.

25. Profigat ac tollit etiam plurimos
hepatis affectus à causa frigida, obstru-
ctione, aut eius imbecillitate proceden-
tes: efficacissimum quoque est in ictero
flauo post purgantium aptorum usum.

26. In hydropicis, si purgationibus vsi
prius fuerint, multos per urinam serosos
humores expellit, flatus discutit, hepar, ac
alias partes debiles roborat, & si plane de
iis actum nondum sit, præstantiores quo-
que effectus producit.

27. Nec minorem adfert vilitatem contra quàm plurima lienis accidentia, ex obstructione & frigidityte ortum ducentia. Et inprimis succurrit iis, qui splenem habent extensum, serosisque humoribus refertum, instar spongiæ aquæ plenæ, quod illis prognerat sinistri lateris extensionem, dolores, torporem, vel corporis grauedinem, halitus, dispnciam, & alia symptomata. Nam si patiens huius medicamēti vsum per aliquot continuauerit dies, bona obseruata diætæ, & moderatis adhibitis exercitiis, expellit dictos humores per vrinam, confortat lienem, & omnes alias partes per consensum huius debilitatas.

28. Scorbuticos, qui multis & diuturnis viscerum obstructionibus sunt obnoxij, sanguinem habent melancholicum & corruptum, suntque valdè debiles, & plus quàm dimidio contracti, plurimum alleuiat, si septimanatim bis teruè id vsurpent.

29. Præmissis & adhibitis per aliquot continuos dies appropriatis crassiorum humorum expurgationibus, medetur cachexiæ, pallidis virginum coloribus & febribus prouenientibus ex fetentione menstruorum, aut spermatis corruptione: non solum aperiendo omnes meatuum obstructiones, naturam impediētes, quod minus superflua expellere possit, resistendo omni internæ corruptioni, & mundificando sanguinis massam per sudorem & vrinam, sed etiam vniuersam confortando naturam, & corroborando partes debilitatas, vt inde pristina restituantur sanitati, dummodò viscera adhuc sint integra, vt quodlibet suo possit fungi officio.

30. Contra vrinæ retentionem, vel ischuriam, ortam ex obstructione renum aut vterum, ob arenam, materiam limosam, sanguinem, phlegma viscosum, aut flatulentiam, item aduersus stillicidium vrinæ, vel stranguriam propter calculum vesicæ, collectionem materiæ mu-

cosæ in eius ceruice, aut nimiam refrigerationem, exhibetur hoc Antidotum semel bisuè per diem felicissimo cum successu. Non minus iuuat in vlcēibus vesicæ per aliquod tempus continuatum.

31. Curat subiectos gonorrhææ, ex imbecillitate retentricis facultatis in vasis spermaticis, aut ex quibusdam tenuibus acribus, & stimulantibus humoribus, exuberantibus in prædictis vasis. Eodem modo singulare etiam est medicamentum contra gonorrhæam virulentam, ex lue venerea procedentem, corpore prius pharmacis huic morbo specificis perpurcato, tam ad expellendam omnem corruptionem in vasis seminariis contentam, quàm ad illa aliasque corporis partes corroborandas.

32. In symptomatibus quibusquè, quæ ex corruptione spermatis in vasis seminariis proueniunt: in obstructionibus item, quibus Venus impeditur, meatus mundificat, neque corruptum tantum sperma per emunctoria appropriata expellit: sed totum quoque corpus mundificat, & à corruptione, quæ totum id inficere posset, vindicat, omnesque in eo partes renouat. Secundò obstructiones adimit, semen attemperat, & quod crassum ante, & frigidum erat, fluxile reddit, actumque ita Venereum promouet, vnde quanti in procreatione liberorum vsus sit, cum conjugum alteruter, vel vterque à dictis causis impeditur, quiniis dispicere potest. Neque enim amouet tantum hæc obstacula, verum vires insuper potentissimas cordi confert, spiritus augeat, animumque ipsum refocillat.

33. Bono cum successu hoc Antidotum exhibetur in fluore, vel fluxu albo muliebri, procedente ex abundantia humorum vitiosorum serosorum, & cachexia totius corporis, qui ad matricem concurrentes expelluntur per eius ceruicem. Nam datum (corpore prius à crassiori materia purgato) instar hydrotici septi-

manatim semel aut bis, nimirum in satis magna dosi, ut exin in lecto sudent, quantum vires ferre possint, & reliquis diebus pro confortatio, hoc est, in parua dosi, qua sudorem nullum excitet, manet in lecto surgendo, Hoc ita continuatim cum bono vitæ regimine, & diata, incredibiles producit effectus, modò ne morbus temporis longinquitate, ratione subiecti, aliarumque circumstantiarum omninò sit redditus incurabilis, ut interdum euenit.

34. Contra suppressionem mensium muliebrium, procedentem ex superabundantia, vel cruditate humorum, opilatione hepatis, crassitie sanguinis, aut obstructione vasorum, sanguinem ad uterum deuehentium, hoc medicamentum dietime per aliquot tempus vsurpatum, corpore prius, pro necessitate, purgato, omnibus aliis hoc in casu palmam facile præripit.

35. In vino albo, vel cereuisia dissolutum & exhibitum in suffocatione vteri, magnum est præsidium, consumendo istos vapores, qui facultatem animalem in sua sede inuadendo, causantur eiusmodi symptomata.

36. In fœminis parturientibus, quæ (propter virium naturalium imbecillitatem) iæctum expellere nequeunt, hoc Antidotum, illas confortando, & vires excitando, excellentes producit effectus, ut facile pariant, & eluctentur, & quidem sine vitæ præiudicio alterutrius. Ejicit etiam secundinam ob prædictam causam retentam.

37. Arthriticis etiam multum ab eo auxilij expectandum est: illis videlicet, quos ex capite, venis, aliisque conductibus, in articulos decumbentes catarrhi, doloribus vehementissimis, chiragra, ischiade, gonagra, & podagra diuexant. Illis enim post vsum purgantium, pulueris nempe arthritici specifici nostri, vel aliorum, tribus vel quatuor matutinis, ter aut

quater in forma sudoriferi datum, humores serofos, & subtiles in partibus extremis consumit, tumores resouit, dolores consequenter mitigat, cerebro, juncturisque robur conciliat, ac has quidem aduersus humorum influxum obfirmat. Quod si quis bis, vel ter in septimana vsurpet, & interim quauis senescente Luna (excepto tempore æstatis feruentiore, frigoreque hyemali intensiore) semel purgationem instituat, neque optimum interea vitæ regimen negligat, experietur profecto totum sibi corpus confortari, sanguinem depurari, vitium aut indispositionem viscerum, siue parcium mandantium superfuitatis istius generatricem ita emendari, uti longinquitate temporis malum euidentem imminuat. Vti verò perfectam curam cuiquam audacter non pollicemur: ita intelligi hic tantum volumus eos, qui bono vigore non destituantur, quorumque humores peccantes sint adhuc fluxiles, serofi, calidi aut frigidi: Non illos, quibus mali diuturnitate viscera corrupta sunt, corporisque æconomia penitus collapsa. Quorum partes externæ debilitate, suum amplius officium ægerimè faciunt. Qui nodosi sunt, & fluxionibus humorum viscidorum, & glutinosorum tentantur. Et si enim his pro confortatio inferuire, & quandam mitigationem adferre potest, effectus tamen suprâ commemoratos nunquam præstabit, quod cum malum per se incurabile redditum sit, tum materia inexpugnabilis facta, cuius per viam, sudores, & insensibilem transpirationem euacuationi contumacius reluctetur.

38. In febribus intermittentibus, & præcipuè in tertianis, & quartanis diuturnis, & inueteratis, maximè cum habitus corporis per illas generaliter est immutatus, sanguinis valdè corruptus, & viscera debilitata, quæ sunt ceu causæ secundæ, vel subiecta, quæ febres fouent, in

in tali, inquam, casu, postquam corpus à crassamentis sœculentioribus est liberatum, exhibemus hoc Antidotum sœlicicum cum successu, quinque aut sex continuis vicibus, tempore matutino, excepta hora, aut tempore paroxysmi febrilis, vt æger inde pro viribus fudet. Nam hoc modo sanguis, non solum flauus, & attrabile, aut melancholico humore, quo infectus & conturbatus erat, emundatur: sed tolluntur etiam omnes internæ obstructions, partes debilitatæ corroborantur, & si qua restat materia peccans, impeditur, quominus possit augeri, corrumpi & fermentari, vt hoc medio ægroti sœpissimè à febre liberentur.

39. Consimiliter est efficaciæ & auxilij in febribus putridis, continuis, & diuturnis, ob enarratos effectus.

40. In febribus ardentibus, malignis, & pestilentialibus, in lue Vhgarica, & thymatis item, & exanthematis aliisque malignis, & venenatis acutis affectibus, si ægri hoc Antidotum bibant, seque in lecto calidè contineant, cor statim reficit, naturamque aduersus materiam peccantem ita munit, vt hinc tandem triumphet, & per debita ex corpore emunctoria sine vel partium damno, vel bonorum humorum iactura exigat. Vnde insperata sœpè sanitas cum astantium admiratione consequitur.

41. Ob prædictas proprietates est etiam singulare Antidotum contra ipsam pestem & venena, tam præseruatiuè, quam curatiuè vsurpatum.

42. Qui tinea, scabie, pruriginè, aliisque cutis vitiiis, quæ ab adusta sanguinis, vel maligna qualitate sunt, lepræque propemodum se assimilant, laborant, ij præmissis purgationibus, & venæ sectione, Antidotum hoc quotidie semel vsurpent, tumque in lecto fudent, continuando hoc per duas aut tres septimanas, bonamque interea diætam obseruando, aërem præsertim humidum euitando, sanguis

Ang. Sala.

nimis conspurcatus, citisque defœdata reflorescent, omnia in corpore membra, quæ mali perniciæ, quali consopita videbantur, reuiuiscunt. Quin integra sanitas restituetur, nisi fortè morbus vel hæreditarius sit, vel radices egerit altiores. Tum verò repetita annuatim curatione hac, periculum faciendum, num natura morbum tandem debellare possit.

43. Est etiam, appropriatis præmissis purgationibus, efficacissimum remedium diaphoreticum contra scabiem, pruriginem, & pustulas morbi Gallici, & sœpissimè magnum adfert auxilium in sedandis hîc juncturarum doloribus, præcipuè quando materia peccans adhuc tenuis, subtilis & vagabunda est, nec dum alicubi inter os & periostium in grumos, tophosvè coagulata ac concreta est, quo in casu alia curandi media, & remedia apprehendenda sunt.

44. Contra cancrum, fistulas, & plagas malignas, summi est auxilij, ad resistendum malignitati illorum internæ materiæ peccantis, purificandum sanguinem, clarificandos spiritus, & mitigandas inflammationes, & alia symptomata, quæ sœpissimè dictis accidunt malis: curabilium medelam reddit faciliorem, incurabilia, ne pejora euadant, prohibet.

45. Non minus sœliciter assumitur ab iis, qui in externa quadam corporis parte gangræna affecti sunt, loco Antidoti, ad prohibendum, ne eius maligna qualitas spiritus inficiat, febrem aut alia periculosa in corporis centro symptomata excitando, donec tandem aptis externis remediis gangræna separata excindatur, modò eius sit constitutionis, vt id fieri possit.

46. Dein contra vulnera, gladio aut telis veneno infectis inflicta, summum præ omnibus aliis est remedium, vt aduersus ictus & morsus animalium vene-

H h h

nosorum, si de eo doses aliquot intra corpus assumantur, & parum de eo in conueniente liquore dissolutum, vulnere applicetur.

47. Item discutit omnes contusiones internas, dissoluendo sanguinem coagulatum, à putredine, & aliis periculosis symptomatis præsruat.

48. Similiter excellens est vulnerarium in recentibus plagis, aut vulneribus, quæ ad interiora corporis penetrant, ita, vt confortet naturam ob nimiam sanguinis effusionem debilitatam, defendatque partes internas à corruptela, & aliis accidentibus, suppurationem suppuratorum maturet, & vulnere consolidacionem promoueat.

49. Vltimò, vt paucis rem expediamus, non in his tantum, quos diximus, morbis Antidotum hoc valet, sed & in omnibus aliis, qui nobilissima, ac earundem cum nostro qualitatibus bezoardica desiderant. Præsertim verò tum præferendum venit, quando omnibus aliis medicamentis abstinere, & ad sola confortantia, & cordialia, tanquam asylum quoddam, confugere medicus cogitur.

Dosis & vsus.

DOSES huius Antidoti pretiosi est à duobus vel tribus granis, incipiendo à paruulis, & per gradus ascendendo, ad sex, octo, decem, quindecim vel viginti grana ad summum in viris & fœminis adultioribus.

Exhibetur hoc Antidotum cum vehiculis appropriatis, siue liquores sint, siue conseruæ.

Vsurpatur pro confortatio, aut in morbis chronicis ac diuturnis, ad aperendas sensim obstructions internas, ad corrigendum, & resistendum malignitati alicuius peccantis humoris, vt ad expulsiõnem deducatur: sicut etiam vsui est, vt præseruatium aduersus pestem & ve-

nena, debet assumi manè jejuno stomacho, oriente Sole, aut paulo serius, excepto si materiam peccantem dictorum morborum symptomata aliqua consequuntur, vt pote defluxiones catarrhosa à capite ad præcordia, tussis, diuersi dolores alij, &c. tunc enim administrari debet vesperti, idque hora antequam supradicta accidentia superueniant, animaduertendo, vt id fiat ad minimum duabus à refectione interpositis horis. Et in his iam dictis casibus atque vsibus rectius in aliqua Conserua, in forma Electuarij exhibetur, aut in forma parui boli ad deglutendum, quàm in forma liquoris.

In morbis acutis porro, vt pote febribus ardentibus malignis, Vngaricis, pestilentibus, pleuritide, dysenteria, epidemia, morbillis, variolis, quemadmodum etiam in curandis peste & toxico infectis, datur in principio morbi, quàm maturè fieri potest, sine exceptione vlla temporis, quotiescunque necessitas postulat, & poterit reiterari bis ternè in die, prout requirit necessitas. Nec solum administratur in iam dictis morbis acutis, sed etiam ad occurrendum quibusuis accidentibus subitaneis, vt pote in subitanea suppressione vrinae, passione colica grauiore, doloribus & puncturis laterum, deliquio animi subitaneo, & lipothymia, conuulsionibus subitaneis, suffocatione & præcipatione matricis ex aliis causis motis: consimiliter in difficultate partus, & retentione secundinae, detur sine respectu temporis, quoties occasio fert. Et in talibus casibus acutis & subitaneis, propinetur in liquore, in qua forma citius penetrat, & operatur.

Aduertendum etiam, cum vsurpatur pro confortatio, conseruatio, aut, vt dictum est in morbis chronicis, in minori quantitate exhiberi debet, quam si administraretur pro curatio in morbis acutis, aut ad expellendam materiam peccantem per sudorem: quia in tali casu maior dosis


exhibetur, & patiens sit valdè benè testus in lecto vt faciliorem operationem medicamento conciliet.

Ecce satis superque explicuimus virtutes & vsum huius Antidoti, quantum per compendioli leges fieri licuit. Verum enimverò sciat quæso, hanc prærogatiuam, quam huic Antidoto attribuimus, non esse fundatam super intentione quadam empirica irrationali, & confusa, ac si mundo persuadere conemur, hoc solum absolute prædictis omnibus istis morbis & symptomatis mederi posse, in omnibus personis, & omni tempore, sine obseruatione, primò, si morbus in totum sit curabilis, aut saltem palliabilis, deinde sine respectu diuersarum constitutionum corporis, ætatis, sexus, quatuor anni temporum: sine respectu qualitatum manifestarum medicamenti, sineque obseruatione diætæ, bonique viuendi regiminis, auxiliorum aliorum remediorum tam interiorum, quàm exteriorum, & summatim, absque ratione vlla, & methodo: sed hoc nostrum fuit propositum, demonstrare saltem excellentiam, & magnitudinem

eius qualitatum & virtutum, respectu aliorum sui ordinis medicamentorum. Nam res absurdissima est, credere vnicuique aliquod medicamentum; qualecunque illud sit, adedò admirabilis esse efficacia, vt possit suis effectis omnem medicinæ ordinem & fundamenta (quæ summo studio & longinqua experientia à multis seculis à maioribus nostris fuerunt exactissimè obseruata & scriptis tradita) penitus euertere, vt multi ex hodiernis Alchymistis, contra propria experientia, atque etiam conscientia, testimonium vanissimè ostentant, jactantque. Id, quod sufficere ad sapientes edocendum, qui quid medicina sit, nòrunt, quæ sit intentio mea circa prærogatiuam iam antè dicti Antidoti. Pro cuius inuentione Deo gratias quàm maximas agimus, illique debitum honorem tribuimus, à quo omnis bona inspiratio prouenit, quem & precamur, vt eius operationibus benedicat in plurimorum ægrotorum salutem. Quem in finem hoc nostrum inuentum insinuamus omnibus.

FINIS.





TERNARIUS EMETICORVM,

S E V

E M E T O L O G I A.

C A P. I.

De usu vomitorum, Medicina, optimorum quorumcunque Philosophorum & Medicorum antiquorum & neotericorum testimonio, omnino laudabilis & necessaria.



Rbitror certè, quamuis nemo Medicus vllam vspiam vomitoriorum fecisset mentionem: quod nihilominus rationis iudicio naturali (quo summus rerum opifex homines præ cæteris creaturis donauit) deprehendere quilibet possit, magnum illorum vsum & inuitabilem necessitatem quibus generi humano in variis morbis plurimum gratificatur. Idque non solum emunctiorum, quibus corpus variè inde locupletatum est, causa; sed & quotidianæ experientiae & admirabilium curationum diuite argumento. Attamen cum non desint phantastica ingenia, Quæ alienæ potius libidinis quàm experientiae & iudicii diuinitus sibi concessi rationem habeant, non potui non facere, quin antequam de particularibus præparationibus, & quæ de usu vomitoriorum hætenus obseruare mihi lieuit, sermonem aggredere, oso-

rum virulentis moribus sequens antidotum opponerem.

Hippocrates enim Medicorum Coryphæus 1. Aphor. 21. Quæ ducere oportet, inquit, quod maximè natura vergit, per loca conferentia, ducere conuenit. Id quod cum sale acceptum idem est, ac si Hippocrat. dicere voluisset, quodd omnes euacuaciones qualitercunque etiam institutæ absque respectu ad naturam habito, incommodæ prorsus sint & illegitimæ; Quinimo Medicus naturam, cuius minister est, ceu Magistrum intueri semper oportet, vt ne vnquam quicquam ipsi contrarium aut impossibile moliat; sed benè obseruet, quæ, per quam viam, ad naturæ motus iuuandos euacuanda sint; Aliquando enim per secesum, aliquando per vomitum, iam per sudorem, iam per vrinam, modo extraordinaria via (id quod sæpe, imprimis tempore pestis veneno à corde per pustulas, furunculos, apostemata, &c. naturaliter excluso, vfu venit) superuacaneâ purgari expedit. Hinc eodem sensu Hippocrates lib. 1. Aph. 2. affirmat; Si qualia purgari oportet, purgentur, confert, & facillè ferunt, si contra, difficulter. Et iterum lib. 4. Aph. 3. In medicamentis alia educere è corpore, qualia sponte prodeunt, vtile; quæ vero contrario modo prodeunt, cohiberi oportet. Cui ipsi vt maiorem fidem conciliaret, exemplum haud inconcinnum posuit lib. 1. ab

ipſo Galeno etiam in commentario probatum: Scilicet in perturbationibus alui & vomitibus ſpontaneis ſi talia purgentur qualia purgari oportet, conferre, & leuiter ferri, ſin minus contra. Adeoque euidenter conſpicitur per has Hippocratis ſententias, humores, mineras morbiſiſcas, non niſi per propria emunctoria & vias, per quas natura ſe vtiliter euacuare ſolet, deducendas eſſe.

Ex quo ergo recto tale incedit argumentum: quod vomitoria æque remedia neceſſaria ſint ipſi naturæ, quàm reliqua; quando nimirum natura & humoris inclinatio per vomitum viam affectat, vt ſæpe contingit. Dummodo hoc in negotio ſatis prudens ſit medicus, ad oportunitates Naturæ veras à falſis, naturales & vtilis à non naturalibus & noxiis, diſcernendas, ne ignorantia occæcatus expulſionem de properet, cui frenum potius inieciſſe naturæ ſatius fuiſſet.

Hactenus quæ Hippocrates in genere pro inſtructione nobis reliquit; iam & audiendus eſt, quæ in ſpecie de vomitoriorum uſu proſitetur.

Libro quarto Aph. cap. 17. & 18. inquit: Eum qui non febricitat, cibi faſtidium, morſus oris ventriculi, vertigo, & oris amaritudo purgatione indigere per ſuperiora ſignificant. Et paulo poſt: dolores qui ſunt ſupra præcordia, quicumque egent purgatione, medicandum per ſuperiora ſignificant, &c.

Videmus inſuper Hippocratem vomitiuorum uſum magnificiſſe non in robuſtis ſolum, prout alicui videri poſſet, ſed in delicatis etiam & imbecillis. Libro enim de ſalubri diætâ poſtquam de tempore vomitionibus oportuno diſſeruit, in hunc tandem Canonem etiam prolabitur: Quicumque homines craſſi & pingues ſunt, & non graciliores,ieiuni vomant, qui vero graciliores ſunt ac debiliores, à cibis vomitum faciunt hoc modo.

Et quod vomitiuorum uſus tutus in

debilibus etiam eſſe poſſit, minusque ſuſpectus, quotidiana obſeruatio, qua prægnantes non uſque adeo validas, in primis menſibus, aſſumptum cibum quotidie per vomitus reiicere liquet, cum nihilo minus maxima pars nil quicquam detrimenti neque corporis, neque fœtus ipſius, imò multum potius emolumenti ad facilem & ſalubriorem poſtea partum ſentiat, ſatis ſuperque teſtatum facit. Sic paruuli etiam & teneri infantes ſæpe ſponte ſua vomunt; Quod ipſum tamen tantum abeſt, vt natura perniciem adferat, vt potius ſtomacho à ſuperfluitatibus exinanito, multas corruptiones ex quibus poſtea varia ſymptomata, præueniat, eaſque penitus eliminet.

Ex quibus omnibus ſole meridiano clarius apparet: vomitoriorum uſum nunquam interdictum fore in ægrotis, qui alias ſponte vomitiones ferre poſſint, dummodo de bene riteque præparatis, & correctis, ne vel venenofa, vel nimis acria, quibus æque benigni, quam maligni humores reiſciantur, proſpiciatur.

Ne tamen in mentem alicui veniat, neminem, quam Hippocratem aſſertionis noſtræ vel autorem vel applauſorem extitiſſe; Auicenna 4. 1. cap. 18. (cuius & ſchola Salernitana de conſeruatione ſanitatis mentionem facit) quindecim ſequentibus encomiis vomitoria, quantum ipſorum uſum attinet & procul dubio propria ſuffultus experientia extollit:

Primum eſt: quod vomitus capitis grauitatem tollat: id quæ maxime, ſi ex humorum vaporum multitudine è ventriculo ac membris inferioribus ſurſum vergente contracta ſit. Si verò à proprio ipſius cerebri fuerit nocumento, ab eo cauendum, vt qui grauitatem magis augere ſoleat.

Secundum: quod viſus aciem ſubtiliorem reddat: præſertim ſi viſus ob vaporum copiam è ventriculo ſurſum

alcescentem obscuratus fuerit : alias enim offendit potius.

Tertium : quod nauosam auferat fatietatem ; Humorem enim in ventriculi spatio innatantem, eumque ad nauscam excitantem euacuat.

Quartum : quod illi etiam ad cuius ventriculum flaua bilis confluens cibum e rrumpit, egregie opituletur : eam enim per superiora exturbat.

Quintum : quod stomachi subuersiōnem atque abominationem ex pingulum ac dulcium alimentorum esu contractam submoueat.

Sextum: quod appetentiæ amissionem, & corruptum ipsius ventriculi desiderium, quo nimirum acrida solum, aut acida, aut pontica appetuntur, curet. Vomitus namque eiusmodi affectionum causas omnes remouet : remotis vero causis, effectus quoque tolli necesse est.

Septimum : quod corporis ex humorum redundantia ortæ lassitudini conueniat : euacuata enim materia, vires corporis omnes leuantur & recreantur.

Octauum : quod renum ac vesicæ vlceribus succurrat : materiam namque eo corruentem ad oppositam abducit partem.

Nonum : quod lepræ auxilietur : & maxime quidem, si cum vehementi vomitui, quale veratrum cum primis existit, eliciatur. Hoc enim lepræ materiam eradicatu difficilem è remotis locis subducit. Quinetiam primæ concoctionis errata corrigit ; quo sit vt reliquæ concoctiones absolutiores fiant. Lepræ enim origo est à concoctricis facultatis corruptione.

Decimum : quod corporis colorem ex vitioso aliquo humore deprauatum emendet : ipsum enim à cute alio deriuat.

Vndecimum : quod epilepsiam ex ventriculi cum cerebro sympathia obor-

tam curet ; Humorem enim, cuius eiraporatione epilepsia accidebat, è ventriculo expellit.

Duodecimum : quod ictero, illi præsertim qui ab obstructionibus initium ducit, medeatur : vehementiore siquidem vomendi conamine obstructionum materiæ à locis, quos obsidebant, auertuntur. Ad hæc materia etiam pituitosa, quæ eiusmodi fere parit obstructiones, vomitu educitur.

Decimum tertium : quod asthmatis subueniat: causam eius antecedentem tollat. Quin thoracem etiam ac pulmonem calefaciendo superfluitates absumat, vnde asthma gigneatur.

Decimum quartum : quod tremorem atque paralyfin curet ; harum enim passionum materiam auferat.

Decimum quintum : quod magna & nigra vlcera in extremis partibus, & impetiginem (materiam diuertendo) curet.

Arnoldus de villa noua eximius Medicus Papæ, Cardinalium, multorumque Italię principum, de symptomatibus inordinatum victus regimen subsequi solitis, sermonem tractando, de vomitibus sequentia in medium profert, cap. 10. Breuiarij : Multos vidi, qui ciborum & potionum multam receperunt quantitatem, qui illico ægrotare cæperunt, & nisi eis prouocassem vomitum, in ægritudinem, vel febrem periculosam, & forte mortem incurrissent, qui statim liberati sunt propter vomitum prouocatum. Et vltcrius : Competit etiam his qui stomachum habent repletum, Phlegmaticis viscosis, & malis humoribus ; & febricitantibus ex plenitudine, & repletionem nimia ; Competit etiam his qui habent nimiam grauitatem corporis, abominationem, venarum extensionem, & rigorem cum calore : hæc enim plenitudinem stomachi significant, & vomitus his competit. Et paulo post de febribus

inquit; Valet etiam contra tertianam veram & notham, & contra quotidianam & quartanam. Proponit etiam inferius vomitiua, quibus ad prædictos affectus vti commode possumus.

Iohannes Fernelius Medicorum dogmaticorum nostri seculi facile princeps, multa rerum experientia clarissimus, quo nomine etiam apud Regem ceterosque Galliae principes multos annos in magno honore habitus fuit, diffusè de vtilitate vomitoriorum disserit lib. 3. meth. med. cap. 3. Quæ vero facilis & moderata obtigerit vomitio, inquit, saluberrima est & purgationum omnium præstantissima. Noxios quippe humores ex ipsis fontibus sinceros elicit, & euacuat, omnem quæ in ventriculi capacitate, in eiusve tunicis hæret illuuiem imprimis expurgat, è præcordiorum membranis, è cauis jecoris & lienis, & ex pancrea omnis generis superuacuos humores sinceros elicit, quos plerumque nec Hiera, nec aliud vehementissimum vllum, etiam frequens pharmacum in aluum exturbare potest. Id quod observatu dignum est, iis qui omnem stomachi illuuiem non nisi per aluum deturbare vano labore student; Illa enim cum per vomitum potius nata sit expurgari, nihil efficiunt, quam quod corpus debilitent, absque tamen causæ morbosicæ demolitione. Et vltius inquit. In ventriculum ex his locis viæ breues ac expeditæ magis quam in aluum directæ sunt, per quas facilis est vomitio. Quanquam autem primum ab inferioribus euellit, consequentione tamen caput reliquumque corpus leuat. Quocirca omnibus opitulatur affectibus, quia à præcordiorum impuritate ortam acceperunt, languenti appetentiæ, nausæ, cibi fastidio, crebræ vomitioni, ventriculo, præcordiisue distentis, ictero, cachexia, febribus intermitentibus, hemiplegia, vertigini, incubo, epilepsia, suffu-

sioni, omnibusque capitis affectibus, quia præcordiorum sympathia contracti sunt, & quos è præcordiis in reliquum corpus affusa impuritas protulit. In quocunque igitur affectu languescit appetentia & nausea vomendique desiderium fatigat, si pharmaco non satis sit, vomitione curandum, nam quæ purgatio non eluit, extirpat vomitio, & quæ illinc non facile labuntur in aluum, promptè in ventriculum remeant. Tanti igitur vomitionis vis astimanda.

In sequentibus vero totam vomitoriorum tecmarum, quomodo nimirum, & in quibus personis administranda sint, luculenter demonstrat.

Iosephus Quercetanus excellentissimorum Philolophorum nostri seculi non postremus, Medicus ordinarius Regis Henrici IV. Gallorum, arcanissimorum naturæ secretorum Mystagogus, & vtriusque methodi medendi, Dogmaticæ puta & Hermeticæ experientissimus, in Pharmacopœa Dogmaticorum restituta cap. 16. de vomitoriis, quantum ipsorum usum atinet, sequentia notauit:

Vacuatio per vomitum in longe maiore frequentioreque olim vsu erat, quam iam apud nos. Nonnulli inter Medicos recentiores cum idcirco abdicare videntur, quod commoueat, & disturbet, nec non molestissima plura inducat symptomata: adductis præterea his ratiunculis, nostras regiones multo frigidiores esse, quam Græcorum, cuius nationis Hippocrates frequentissimè eadem vacatione utebatur, & infiniti post illum alij Græci authores, ipsius exemplum secuti; addunt etiam, homines nostrarum regionum esse multo pituitosiores, & minus ad vomitum prouides. Sed his rationibus & argumentis parum ponderis inesse, nemo non videt: quæ idcirco tanquam friuola exploduntur, cum contra huius vacationis vsus vtilissimus, & summe

necessarius sit ad plurimos affectus grauissimos & desperatos profligandos, quam pronocare licet vel iis, quæ maxima agendi vi & potestate excellunt, quorumque, ne periculum quidem facere audent qui se naturæ amicos dicunt cum potius eiusdem sint inimici, sic enim naturæ adulatorum tantum sunt, qui imbecillis nimis, & inualidis præsidii eam frustra propugnare conantur, nec potentibus satis armis, illius hostem ferocissimum adoriri cogitant: qui interim veluti inuictus cuncta illorum eccoprotica, imo vomitiua blanda & adulantia ridet, & respuit, quibus elisis vix secundò ad eadem auxilia refugere audent.

Quæ singula tot authorum testimonia (meo arbitrario) merito sufficere deberent, ad opinionem omnibus expectorandam, qua ægrotos miserè perire maluerunt, quam ab initio statim, viribus naturæ adhuc integris existentibus, nec tota massa sanguinis intimiore labe correpta, vomitoriorum beneficio auxilium struere; Neque credo Medicorum turpem ignorantiam, ambitionem, metum, avaritiam, vel quicquam aliud ab ægrotorum parte, quod me ipsum, fateor saepe deterruit, tanti ponderis esse, quæ vomitoriis detrahare, vel illum ipsorum alicui, ne minime quidem suspectum redere valeant.

C A P. II.

De remediis ad excitandos vomitus Antiquis familiaribus in genere.

Legimus Hippocratis, Auicennæ, Dioscoridis, Rhasis, & aliorum antiquissimorum Medicorum hanc fuisse sententiam: quod si quis menstro semel spatio Bacchi Genio tantum indulgeat, ut stomacho ad nauseam vsque repleto Vomitus excitetur, sanitas hominis tutius conseruetur, ægritudines præsertim

Chronicæ citius & iucundius profligentur. Id quod adhuc tum quoque pro studio Sanitatis infallibili à plurimis obseruatur. Quamuis ergo probabile alicui videri posset, hanc vomitus ciendi rationem quodammodo naturalem, & satis facilem esse, argumento scilicet magnæ illius repletionis in stomacho, cuius causa vomendi conatus magis promptior est quàm ieiuno stomacho; itemque quod ebrj ad quævis subeunda pericula minus meticulosi sint, quam sobrij; Nihilominus prædicta opinio tantum æstimanda non est, uti ceu Salubrem Medicoque dignam illam accipiamus. Etenim licet hac ipsa vomitionis specie, omnis vini superfluitas ex stomacho exhausta videatur, nihil tamen quam terrestrior tantum tartareaque saburra rejecta est, spiritibus interim sulphureis præcalidis & penetrantibus à tergo relictis.

Id quod communi potatorum suffragio certum est, qui quamuis fortissimos vomitus, non leues etiam tam per aluum quam per vrinam excretiones habuerint, nihilominus extremis capitis doloribus, inflammatione totius corporis, partum nervosarum languore, tremore, conuulsione aliisque malignis symptomatibus corripiuntur. Prædictum ergo vomendi genus tantum absit, ut salubre naturæque consentaneum statuamus, ut nemine nisi Bacchi æmulis, vini potis, Cyclopiceis sponis Penelopes, & fruges consumere natis dignam æstimemus. Siquidem plura alia magis naturalia vtiliaque hoc ipso nomine expectenda remedia Deus nobis largitus est: Quinimo ipsissimi opinionis illius Magistri scriptis suis ebrietatem liberiusque potandi studium cane peius & angue persequuntur.

Alia ergo Antiquis magis probata vomitoria, in tres classes principales distributa legimus; Quorum quædam sunt lenia, seu dulcia; quædam

quædam mediocritia ; quædam violenta.

In primorum censu collocarunt vsum aquæ tepidæ in magna quantitate cum modico oleo oliuarum , aut oleo amygdalarum dulcium ; vel cum Syrupo Acetosæ , Oxymelle simplici , aut similibus , leniente , modicè abstergente , & incisoria facultate præditis.

Mediocrium ordine comprehendunt decoctionem radicis Raphani , Atriplicis , Eruçæ , Nasturtij ; sæpe etiam miscent Oxymel scilliticum , aut Hydromel cum radicibus Asari compositum : Quæ ipsa vomitoria practicis Medicis communi stylo inseruiunt , quibus nimirum vel nihil , vel parum experientiæ est , de nouis Hermeticorum inuentis. Quidam etiam in vsum reuocant summitates sambuci , semen & radices Ebuli , Radices Betonicæ ; vidi quoque coagulum , quo ad casei sequestrationem Colori vtuntur , eodem nomine præscriptum fuisse. Singula enim hæc facultate quodammodo citiore prædita sunt , quam priora.

In tertium ordinem referuntur Helleborus albus , Tithymalus , Peplus , & id genus similia , venenosa & violenta remedia , de quibus mox sermonem habebimus. Obseruatu autem dignum nobis occurrit hoc in loco ; quod secundo ordine inclusa , quamuis minime maligna , aut periculosa , quoniam tamen superfluitatibus corruptis & in ipsis ventriculi tunicis tenacius inhaerentibus imparia sint , aliquando magnas ægris molestias creent , & perturbando , nihil tamen promouendo generandoque flatu , colicam , torsiones ventris , cruditates , & imbecillitates stomachi aliaque id genus symptomata inducant.

Quod vomitoria illa violenta attinet : nemini dubium est , tam perniciofa ea esse , vt dum adhibentur , ne vitæ quidem parcant , Medicoque vitæ custodes vires adimendo dedecus pro gloria concilient. Quod ipsum antiquorum an-

Ang. Sala.

te signatur Celsus vltro testatur (de Helleboro differendo) quando apertè dicit : quod non semper bonis ægrorum rebus fiat , quinimo plerumque , in Sanis etiam , cum sanitatis maxima iactura coniunctum sit , istiusmodi vomitoriis quicquam tentare ; Vnde & Hippocrates amico suo Democrito Helleborum vel similia propinare , non fuerit ausus , affirmando , fortibus istiusmodi pharmacis robori vitali maximam securim injici vitæque humanæ noceri posse.

Et hæc sunt principalia argumenta , quæ Medicis prædicta vomitoria vt plurimum exosa merito reddant. Apud Hermeticos vero , quoniam maiori cum securitate præsentem materiam tractant , vt diffusè in hoc ipso tractatu demonstrabimus , longe frequentior vomitoriorum vsus , & meritò , existit , quàm olim apud veteres.

C A P. III.

De præcipuis vomitoriis ab Hermeticis Medicis è Mineris in ventris , deque illorum preparatione , mirabili efficacia , vero vsu , & approbatione.

Postquam in præcedentibus satis verborum fecimus & demonstrauimus re & ratione , & Medicorum quos vniquam Sol vidit Clarissimorum auctoritate vomitoriorum vsum , omnino ad auxilia Medicinæ pertinere , & è contra magno cum periculo Antiquitatem crassæ Medicinis vomitus procurasse : cuius nomine quilibet Medicus , qui meliora abscondita , in vniuersum merito abstineret , superest modo , in apicem ponere , magnas gratiæ diuitias , quibus Deus Archiater plurimis Medicis ac ætate benedixit , ingenium scilicet artis Chymicæ , magnæ illius naturæ imitatricis , ape-

riendo, cuius beneficio iam, non solum medicamenta veterum corrigere, depurare, viribus exaltare, norunt, sed & (anatomias omnium rerum in profundo terræ abyſſo crescentium, metallorum Marcasitarum, Talcorum, Sulphurum, Vitriolorum, aluminum, Salium, aliorumque corporum mineralium institutio) saluberrimorum secretorum ad sanitatem defendendam talem constituere Monarchiam, quæ omnes veterum medicamentorum thesauros multis antecedit paraſangis. Quamvis enim multi è Græcorum & Arabum familia de mineralibus multa literis mandarint, in superficie tamen hæserunt & cortice rerum, nucleum seu veram ipsarum cognitionem nunquam attigerunt.

Id quod in specie trium vomitoriorum mineralium longe excellentissimum, & à plurimis multo vſu probatissimorum argumento vel maxime liquet. Quantum enim Planetarum & Astrorum cœlestium dignitas & perfectio superior longe est, quam inferiorum corporum; Tantum virtus ipsorum præponendæ virtuti antiquorum vomitoriorum. Et hoc est quod Iosephus Quercetanus vtriusque partis censura scite & rite facta, capite de vomitoriis in sua Pharmac. dicit: Inuenta sunt nostra ætate, sicut facundo temporis progressu noua rerum inuentio indies incrementum sumit, multo præstantiora vomitiua, multoque tutiora, quorum vſus plurimus hodie existit in diuersis & grauibus affectibus curandis. Iis etiam adiectis, quibus plerique vomitum nocuum & infestum existimant: vt verbi gratia in pleuritidibus, quarum pleurisque vomitus valde necessarius est, vt pestilentibus & in iis, qui cum lumbricis siue vermibus complicantur, de quibus supra in cap. de aquis, vbi descriptimus aquam nostram benedictam purgatiuam vomitiuam, mentionem fecimus.

Quæ ipsa Aqua Benedicta nihil aliud est, quam infusio croci metallorum cum aqua Cardui benedicti Cinamomo correctæ, vt videre est dicto libro p. 126. & 127. Eamque benignissimum & efficacissimum vomitorium in prædictis affectibus multis experimentis idem Quercetanus summopere extollit.

Vomitória ergo quæ è mineralium familia neoterici citò, tutò, & iucundè vsupant, præcipue tres materias agnoscunt: Vitriolum, Antimonium, & Mercurium vulgo Argentum viuum dictum. Hæ ipsæ mineræ variis modis ad vomitus excitandos præparantur, quemadmodum hac de re passim plurima.

Cum autem mei instituti non sit singula repetere, multo minus propriis gloriari inuentionibus: quinimo vſum duntaxat vomitoriorum legitimum ostendere, & contra blasphematorum Calumnias confirmare; Descriptiones trium duntaxat, familiaritate vſus, operationis benignitate, & facilitate præparationis, pauperibus æque ac diuitibus commendatissimorum subjungam, vt sunt: Salis Vitrioli, Antimonij præparati seu Croci metallorum, & Mercurij vitæ. Eorum ergo præparatio, verus vſus, & approbatio præsto sequitur.

C A P. IV.

Sal Vitrioli seu vomitorium vitriolatum.

R. Vitrioli Vngarici cærulei, & optimi, quantumvis, fac calcinetur in crucibulo ad ignem rotæ; donec in puluerem bruncum seu obscure purpureum abeat.

Observationes.

Si Vitriolum calcinatum, prædictum

colorem non adipiscitur , sed rubrum duntaxat instar Boli Armeni permanet, dum sal inde extrahere cupis purum & candidum, nihil accipies quam Vitriolum eiusdem coloris, formæ & saporis, vt fuit antea.

Pariter si nimis calcinatum fuerit, ad nigredinem puta, vel spongiositatem, adeo vt spiritus acidis spoliatum prorsus sit, nec multum satis inde conficies, nec quod purget multum.

Extractio Salis.

Vitriolum prædicto modo calcinatum ponatur in vase vitreo, superfundatur aquæ communis bona quantitas, sensum tamen & sensim agitando, ne in fundo conglobetur, donec aqua affusa (quæ tam calida euadit, ac si Calci viuæ superfusa fuisset) refrigeretur; alias vitro ad hæsic fieret, vt rumperetur. Stent ita viginti quatuor horas, postea trajiciantur per Chartam emporicam in patinam latam vitream, & fiat exhalatio super ignem lentum furni minusculi arenosi, donec sal in fundo reperiatur, siccum & coloris quodammodo incarnati, qui tamen puluerifando in albedinem conuertitur.

Hoc ipsum Sal eodem modo extrahitur de capite mortuo ab olei Vitrioli destillatione residuo, Colcothar dicto. Quoniam tamen operæ pretium non est, vt quilibet, qui sale Vitrioli opus habet, olei ipsius destillationem ad manus sumat; prædictum processum exactius tanto proposui. Vitriolum enim tanti pretij non est, vt quem magna cura, ne perdat aliquid afficiat; Et Artifex ad prædictum calcinandi modum melius obseruabit, num satis calcinatum fuerit, nec ne; quod in destillatione olei fieri minime potest.

Alio modo preparatur Vitriolum (vt Medico vomitorio loco inferuiat) in

formam subtilis magisterij substantias puras à terra impura sequestrando, & iterum vniendo simul (quemadmodum in libello meo Anatomia Vitrioli intitulo monstraui) vnde in lapidem colore Saphyreo, multumque transparente coagulatio subsequitur, qui Vitriolum Regeneratum appellatur. Attamen quoniam per triennium hucusque Salis illius confectionem vidi, & ipsemet traieciui, quo multorum morborum curationes feliciter successe, eius conficiendi rationem potius, quam cuiusvis alius huius loci propriam facere volui, vt quæ facilis præparationis satis nihilominus virium ad destinatas operationes obtineat.

Virtus & proprietas Salis Vitrioli.

Testor Deum, & certò cuius promitto Lectori, quòd inter medicamenta vomitoria, tam simplicia, quam composita, & quomodocunque præparata, siue Mineralia siue vegetabilia, quæ vel ab aliis adhiberi vidi, vel ipsemet adhibui, nullum obseruauerim magis vniuersale, magis interim præ cæteris ad purgandum superfluitates in stomacho, corruptosque humores in ipsius tunicis impactos, benignum, quam hoc ipsum Sal Vitrioli.

Adeò siquidem tutò, adeò facile operationem perficit suam, vt meritò jure Manna vomitoriorum veniat appellanda. Quemadmodum enim manna cælestis inter omnia lenientia benignissimæ indolis existit, vt propterea nulli non personæ absque vilius periculi suspitione exhiberi possit: Ita se res habet cum vomitorio nostro vitriolato, quo ad faciendos vomitus assumpto, ordinariè nihil, nisi à Medico proscripta & præparata, à naturâ verò præscripta materia stomachi regione, absque maiori humorum in centro vsque sopitorum perturbatione & naturæ laceratis viribus (quamvis eiusmodi violenta vomitiò aliquando ex vfu sit pro morbi

& materiæ intus hospitantis differentia) reijcitur.

Egregie valet contra Epilepsiam, aliaque cerebri symptomata ex corruptis & acribus è ventriculo sursum actis vaporibus orta : Item contra squinantiam, Pleuresin, Febres pestilenciales, Lipothymiam à repletionè humorum corruptorum & Bilis circa orificium ventriculi effervescentia. Vermes enecat, Epar, Lienem, & Renes, deobstruit, vrinarios meatus purgat, Resistit Catharris in pectora & pulmonum organa prolapsis, vt in sequenti curationum exegesi latius patebit.

Iosephus Quercetanus in Tetrad. p. 153. dum de vtilitate à vomitionibus contra Epilepsiam, Apoplexiam, & similes cerebri affectus procuranda loquitur, sequentibus verbis extollit : Veteres præstantius vomitium Helleboro albo nulum habuerunt. Multa præscribere possemus, minus quidem vehementia : at aliis omnibus citra discrimen, tutiora. Sed inter omnia, hoc quod sequitur, in omnibus id genus affectibus singulare & congruentissimum subsidium est, scilicet colcotharis Vitrioli, extractus, si ex syrupo scyllitico ad scrup. j propinetur. Mira enim tum præstabit. Idem Sal naribus inspiratus sternutationem etiam egregie ciat, citra vim cerebrum serosis suis excrementis expediens. Atque hoc quidem ex spagirica arte petitum est remedium. Et in sua Pharmacopœa cap. de vomitiuis p. 394. ait.

Satis mihi sit hic in nostram Pharmacopœam vnum saltem vomitium inferere, quod paratur ex Sale Vitrioli, de quo accipias grana 7.8. vel 10. pro ægrotantis viribus, idque dissolvas in vino, jusculo, aut congruo aliquo liquore, & exhibeas iis, qui eo opus habent, & mirandos eliciet effectus.

Quibus omnibus Medici meritò moueri debent (si ipsis hætenus parum hoc de sale constiterit) vt pro ge-

nuino illud amplecterentur medicamento ; è contra verò longa illa Apozemata, quibus sæpe ad mortem vsque discruciantur ægroti, & sæpissimè absque profectu, cuius rei plura habemus exempla, post terga relinquerent.

De Dosi.

Dosis salis Vitrioli est à scrupulo s. ad drachm. s. pro vna vice, quando qui purgari debent validiusculi sunt. Assumitur cum vino, ceruisia, jusculo carnis, aut qualicunque alio contra morbum subiectum inferuiente liquore.

Num Vitriolum acrimonia & corrosionis causâ intra corpus tuto præscribi possit ?

Medicorum quorundam scrupulosorum nimis communis accusatio est, etiam si nec naturam Vitrioli nec aliorum mineralium satis perspectam habent, quando alios de vsu huius Salis tam rotundo ore differentes audiunt, quod dicant : Vitriolum corrosionis nimis esse particeps, vnde stomachus, intestina, omnesque partes corporis internæ, quas transit, immane quantum lancinentur, & pugnacissime pro hac sua sententia, cum tamen ne vnicam quidem historiolam ad illam roborandam adducere possint, pugnare non desinunt.

Ad illorum igitur persuasiones, conuellendas, dico; quod si naturam omnium purgantium, à summis ad minima vsque, vt & rerum balsamicarum & Traumaticarum pensulatè examinare velimus, rem aliter, se non habituram quàm quod singula corrosiuam quandam facultatem, cuius beneficio corpori administrata, mundificationem partium, corruptæ materiæ rectificationem, naturæ corroboracionem vnitatemque redintegrent,

intimitus & potentia quodam gradu possideant. Quod ideoque corrosivum hoc nomine dicitur reuera mundificativum existit : naturaque simplici rosione minimè aduersum : Non ignotum quidem est, plura dari quæ intra corpus assumpta partibus inhaerendo, viscerum inflammationes, excoriationes, pustulas & vesicas excitent ; Cuius farinae sunt cantharides Buprestes, Euphorbium, Radices & Succus Tithymali, & similia. Sed horum maligna operatio nullo modo corrosiva & caustica ipsorum facultati, simpliciter ascribenda est, sed maligna ipsius venenositati quâ scatent, & extraordinariae qualitatum distemperiei, cuiusmodi in Vitriolo simul accusari non potest.

Quod si ergò ad retentiones vinarum in Hydropes, & aliis infirmitatibus à Medicis dogmaticis ordinentur aliquando huiusmodi vesicatoria quibus ad superficiem tantum applicatis, vesicae, pustulae, & excoriationes excitantur, quorsum opprobrium dicamus Vitriolo, cui nemo tanta facinora imputare iure potest ? Videtis ergo, quâ distinctione opus sit inter corrosiva & vesicatoria, & venena tenaciter adhaerentia & penetrantia. Insuper Vitriolum interius magis corrosivum non est, quàm Sal, quem in quotidiano victu ceu verum naturae balsamum vsurpamus. Quod enim utriusque internam attinet substantiam, Oleum Salis tam impensè corrosivum & acre reperimus, quàm nemo dixerit esse oleum Vitrioli ; Ab illo enim ritè præparato, ne aurum quidem se defendere potest, ut ne dissolvatur, cum tamen in hoc Vitrioli oleum facile aspernetur, quod ideoque etiam in plurimis ægritudinibus vsu variè frequentatur, dum è contra in oleo Salis adhibendo sat meticulosè, ratione facultatis summè subtilis & penetrantis procedere oporteat : Vitriolum ergò, de caustica, ipsius facultate loquendo, minus periculosum est, quàm Sal commune.

Quod ipsius acrimoniam, quam post se reliquit, attinet, quæque aliunde non est, quam ex mixtione substantiae cupri aut ferri, certè scimus, illud, duplo magis, virtute illam ipsam ob causam cæteris omnibus salibus præminere. Quod ipsum etiam affirmat Paracelsus. c. 8. lib. de Vitriolo dum de vsu Vitrioli crudi ita dicit : Statuendum enim est, quod vñ purgativum cui salsedo & acetositas cum virtute purgatrice conjuncta sit, dupla virtutis omnilitate excellat magis, quàm cætera omnia purgantia. Et libro de specificis, Vitriolum & Tartarum solito fundamento pro specificis purgantibus præ cæteris omnibus confirmare studet, propterea quod Tartarum satis acre sit & acidum, ut Medici dogmatici etiam eo ipso ad segnitiam purgantium corrigendam utantur ; Exasperat enim facultatem purgatoriam, & ita corrigit, ut nullæ torsiones ventris inde subsequantur. Interea tamen Tartarum quoque tam vrens est, ut aurifabri præ cæteris illud ad mundificandum argentum, cuius omnem externam spurcitiem absorbet, assumant. Imò novimus quod Tartarum acrimoniae suae causâ cuprum consumat prorsus, & in æruginem cogat. Sed quid anxij sumus in huiusmodi æquè friuolis, quàm superciliosis argumentis refutandis ? anne videmus quod ne saccharum quidem, mel, manna, Sal, oleum Oliuarum, acetum, vinum, aliaque balsamica de quibus paulò superius dictum, quorum tamen & Medicina & æconomia celebres fecit vsus, insigni corrodingi facultate careant ? In summa omne quod comedimus & bibimus, quàm suave etiam & acceptum nobis habeatur, nostro arbitratu corrosivum quicquam participat, vel hoc solum argumento, quod per urinas, per sudores, & per alia excernendi loca, talia euidenter rejiciantur. Non ideoque qualitas vrens in culpa est, quod corpus offendatur, sed quantitas, & abusus, quibus ipsis limites definire, ad

neminem alium quàm ad Medicum pertinet.

Quantum tamen vsum Vitrioli attinet, legimus apud Dioscoridem antiquum Rei Herbariæ Heroa, crudi quoque Vitrioli drachmam vnam pro vice vsurpandi libertatem ipsum concessisse, quo nimirum cum aqua, vel aceto poto, vel cum melle lincto vomitus proritauit, latos vermes enecauit, & fungorum venenosorum symptomatibus restitit.

Thomas Bouius patricius nobilis Veronenſis in ſuo ſlagello contra pseudo-medicos rationales affirmat: quod plurimis Vitriolum crudum bono cum ſucceſſu contra Pleureſin, laterumque dolores, & febres peſtilentiales exhibuerit; Imo quòd ipſemet in vna aurora ſeptendecim ſuis domeſticis ad peſtis præſeruatiorem propinarit. Hoc ego ſcio quod multi in Italia Muſicam exercentes, Vitrioli modicum per vices, cum ſaccharo mixtū hauriant, ad pectus purificandum, pulmonumque organa, quibus ad cantandum accuratius vtantur, reſtificanda. Sic Vitriolum etiam collyria & aquas Ophthalmicas ad medelas oculorū, omnium partium, delicatiſſimorum, tuò ingreditur. Quod ſi ergo Vitrioli ita crudi non reformidandus vſus eſt, quid ni meliori ratione ipſius ſali locum concedamus? puta quod ignis beneficio non ſolum à magno ſpirituum acrium & penetrantiſſimorum copia, ſed etiam à terrā ſua metallica ponderoſa, viſcoſaque liberatum, operationem omnino benignam & ſalubrem præſtat. Cuius rei experientia omnium rationum argutiis longè maior, ſidem haud dubiam facit.

Et hæc de vſu Vitrioli, in Medicina probato. Qui prædictis rationibus ſibi minus ſatisfactum videtur, nec etiam obſervationibus infra notandis ſibi ſatisfactum iri arbitrabitur, Huic Deus obſtinati ſui animi ergo, gratiam & ſaniorē mentem largiatur, opto.

CAP. V.

Vomitorium ſecundum, ſeu Mercurius Vitæ.

Argentum viuum ſeu Mercurius Metallicus variis modis præparari poſteſt, non ſolū ad vomitiones inferendas, ſed etiam ad aluum duntaxat ſollicitandam ſine moleſtia, non magis quàm Aloe; Eūdem etiam Mercurium Diaphoreticum efficies, qui non niſi per ſudores & per vrinas operetur. Sunt, qui in lue venerea ad humores peccantes per os extrahendos vsurpant; quod tamen abſque periculo non exiſtimo heri; Quoniā, dum vt opus eſt, continuatur, maxima iniuria cerebro & ſtomacho accedit, & pernicioſiſſima ſæpe ſymptomata excitantur. Quemadmodum enim magnus ille Paracellſus in Chirurgia magna demonſtrat, operatio præter naturam prorsus eſt, infectos & per totum corpus corruptos humores medicamento verſus cerebrum, cor aliaque nobilia viſcera deducere velle. Et eſto, quod hæc curandi Methodus in vna perſona benè ſuccedat; è contra cerè infiniti alij ad internecionem vſque miſerè torquentur, id quod plurimis Exemplis ſatis ſuperque conſtat.

Sed ad vomitoria Mercurialia, de quibus ab initio propoſitum noſtrum erat, nos reuertamur, quæ nimirum ſalutaria ſunt medicamenta, & nemini benè præparata & exhibita noxia exiſtunt. Potiſſimum autem hoc in loco Mercurium vitæ comprehendimus. Cuius præparationem ſeu inuentionem potius, vt & plura alia, Paracellſi Archidoxis capite de Mercurio vitæ, debemus. Sic enim inibi: & inquit, Mercurium eſſenſificatum & cum æquali Antimonij portione ſublimā, poſtea ſuper marmor diſſolue & coagula iterum ad quartam vſque vicem. Quamvis enim plurimi Alchymiſtæ hoc in loco Paracel-

fam de longè alio diuiniore & miraculoſiori Mercurio interpretentur : ſaniores tamen prædictum proceſſum ad literam ſequendo, miſcendoq; Mercurium ſublimatum, quem Paraceſus per Eſſenſificatum id eſt ſubtiliſatum & purificatum intelligat, cum Antimonio, & deſtillando, ad cognitionem benediſti huius vomitorij adſpirarunt. Multi deinde pro ſuo inuento venditarunt. Vtut tamen ſit; honorem hunc Paraceſo ſolum adſcribo, & Scapham Scapham dico, lignonem lignonem, donec alius quidam Æſculapius *χημικός* & ſi Diisplaceat, vrgentioribus argumentis probarit, Paraceſi deſcriptionem non, niſi de myſtico quodam Mercurio accipiendam eſſe. Sacra enim Medicina friuolis perſuaſionibus ſe contaminari non patitur, ſed in rerum experientia & viua demonstratione conſiſtit. Mercurius vitæ ergò conſicitur hoc modo:

℞. Antimonij puriſſimi

Mercurij Cryſtalliſati ana lb. ſ.

Redige in puluerem ſubtilem, & in furno clauſo per Retortam deſtilla oleum, quod rectificatum in arena ad tertiam vel quartam uſque vicem euadit, vt ne niuis candori cedat; ſuperfunde poſtea aquam communem in magno vaſe, & puluis ad fundum præcipitabitur ſubtiliſſimus, quem lauari tam diu oportet, donec nullam amplius acrimoniam præ ſe ferat, poſtea exicca, & in vitro apto cuſtodi ad uſum.

Quidam Regulum Antimonij ad hoc ipſum aſſumunt non crudum Antimonium. Quoniam tamen prædictum ſatis probaui, nec diſcedere inde, nec de alio, de cuius virtutibus nulla mihi foret certitudo, quicquam aſſerere volui.

Virtus & proprietas Mercurij vitæ.

Vomitorium hoc Mercuriale longè efficaciſ operationem perficit ſuam, quàm

Sal Vitrioli. Nam in ſtomacho comprehenſum, facultatem expultricem mirum quantum ad humorum corruptorum non ſolum in ſtomacho, ſed & omnibus corporis partibus contentorum attractiōnem, & poſt modum expulſionem per os, per aluum & per vrinam, quemadmodum medicamenta verè catholica facere conſueuerunt, excitat & promouet. Neque tamen vllius calamitatis cauſam præbet, quantum in perſonis plus quàm centum, cuiuſcunque ætatis, infantibus etiam & decrepitis obſeruauit. Maximopere excellit contra peſtem, venena omnis generis, vermiculationes, inprimis ad purgandos lue gallicâ infectos, contra ſciaticam, juncturarum dolores, Hydropticorum aquas, ſupras alia omnia mineralia, Luna purgante ſolum quæ verum ſpecificum Hydropicum meritò celebranda, excepta, ad votum euacuat. In Heluetia Sancto-Galli operatorem quendam Chymicum noui, qui Mercurium hunc ceu Panacæam in omnis generis quàmcontumaciſſimis inſirmitatibus exhibet, & miraculoſa dexteritate ab omnibus Medicis deſperatis ſapè ſanitatem reſtituit. Tale quid Joſephus Quercetanus etiam Pharmacopœa ſua p. 199. de dicto medicamento ſequentē Encomio teſtatur: Eſt enim omnium, inquit, vomitiuorum & purgatiuorum præſtantiſſimum, vltra quam dici aut cogitari poteſt, ſtupendosque planè effectus prodit in diuerſis morbis proſligandis. Præſtantia tam inſignis remedij vi quaſi è manibus noſtris extorſit clariorem eiſdem deſcriptionem, quam clauſula loco, huic capiti appendere volui, ne aliàs mancum mutilumque forti videri poſſet.

Varia inſuper probitatis & virtutis admirandi huius vomitorij argumenta producerem, niſi in bona cauſa & ſapientibus tria verba putalleſſem ſufficere.

Descriptio.

Datur ab vno ad quatuor & quinque grana vnica vice, inchoando ab infantibus duorum triumue annorum vsque ad robustos & validos in cochleare vno vini optimi vel jusculo carnis calido, vel etiam cum pauxillo sacchari rosati.

Num Mercurius venenum sit nec ne?

Objicere fortè quis posset hoc in loco: quòd Mercurius prædicti vomitorij principalis pars, ab Antiquis, argumento tam horribilium symptomatum, quæ commune sublimatum, Mercurium tamen præparatum, consequuntur, pro veneno mortifero habitus fuerit, ideòque nec jam tum pro salubri medicina rudioribus obtrudendum esse. Respondeo autem ad hunc modum: primò quòd hoc mera duntaxat sit opinio veterum, puta, qui hac de re certam experientiam nullam habuerunt, sed ab extremitate frigidis duntaxat externi coniecturarent, ac si Mercurius bellum prorsus *Aspidocheloni* cum corpore humano haberet; vel etiam, ob ponderis sui causam intestina fortassis perforaret &c. Tanti autem momenti hæc non sunt, vt illis ipsis infascinati, non vacuas etiam aures Neotericorum Medicorum quamplurimorum dictis & experièntiis concedamus. Siquidem de Braſauola celeberrimo Medico, aliisque magni nominis legimus, quod & crudo Mercurio contra vermes non solum in adultis, sed & infantibus, & parturientibus absque periculo vsi fuerint; Ad hanc sententiam affirmat Fallopius etiam libro de morbo Gallico cap. 26. Si bibatur argentum viuum, nullum facit nocumentum. Vidi mulieres, quæ libras eius biberint, & sine noxa. Ego exhibeo in vermibus puerorum & nullum parit symptomata, solum necantur vermes, Sic notum

est, apud aulicos Germaniæ principum stabularios, minorisque conditionis homines, consuetudinem increbuisse, quod, si quis inter ipsos vino captus nesciat quid faciat, argentum viuum in vino vel cereuisia ipsi propinent, eleuando eò vsque proculum vt argentum viuum simul & semel intra corpus deuoluatur; Nec aliam fundi calamitatem sequi, quam quod (sic venia dicto) bombis ventris egregiè ebuccinatis, caligas fortè maculando, aliis duntaxat risum moueant:

Ad eò luce meridiana dum fudum est, clariùs apparet, antiquos coniectura illa sua toto cælo aberrasse: dum nimirum quod naturam argenti viui concernit, hisce nostris oculis contrarium asserunt: quod autem viuum sublimatum venenatam labem præse ferat, id non proficiscitur à naturali argenti viui proprietate, sed à permixtione & coadunatione spirituum salinorum, quibus sublimatio facta est, quibus etiam debetur subsistentia illius instar Sacchari. Attamen si sublimatum cum argento viuo anatica proportionem mixtum, denuo idque ad quartam vel sextam vsque vicem sublimetur, donec nimirum insipidum prorsus deprehendarur; ad triginta vel quadraginta grana absque omni periculo, ipsius exhibitio esse poterit, & tam suauiter per inferiora purgabit, vt ne Aloe, nec cuius alij lenienti medicamento hac in parte cedat. Id quod conspicuum quoque est, quando Vitriolum & Sal nitri inuicem miscentur & destillantur, (quamuis neutrum horum per se non saluberrimum præstet remedium) nam ab hac mixtione corrosiuum intensissimum suboriatur, Aqua fortis nimirum gustui omnino intolerabilis, & ad vsum corporis internum perniciosissima. Videte ergo quàm sagacem oportet esse Medicum, in rerum naturalium sympathiæ & antipathiæ perscrutatione: siquidem & vegetabilia cum mineralibus habeant commune, vt ex duorum

duorum plurimumque valde vtilium per-
mixtione perniciosissimum quoddam re-
sultare possit. Sed ut ulterius constet ad-
gentum viuum cum debitis mensuris
etiā si corrosiuū preparatum, postea ite-
rum dulcificatum, & benè correctum,
Medicinam esse intra corpus minime re-
formidabilem; eandem sententiam am-
plectitur Petrus Andreas Matthiolus, eo-
rum qui de simplicibus scripserunt per
totam Europam facillè princeps, Archi-
ducum Austriae tempore Maximiliani
secundi Imperatoris Medicus Ordina-
rius, in comment. lib. Dioscoridis cap.
de Argento viuo : ut etiam libro de lue
venera, ubi affirmat, quod morbo Gal-
lico infectis præcipitati (qui pulvis est
ex argento viuo cum aqua forti factus)
cum Perlis, aliisque cordialibus correcti
ad dimidium vsque scrupulum ut & con-
tra Melancholiam, non minus, quàm
Lapis Armenij vtilis esse possit. Fallo-
pius tract. de Bubone pestilentiali cap. 12.
sequeſtia de vſu præcipitati docet : Sed
notare vnum, cuius in superioribus men-
tionem feci, quod aliqui faelici cum suc-
cessu exhibere solent pro pharmaco solu-
tuo præcipitatum per os. Nos non latet
Iohannem de Vigo Medicum & Chirur-
gum experientissimum in variis, iisque
grauissimis lue venereæ symptomatibus
hoc medicamento tam intrinsecus quàm
extrinsecus fuisse vsum.

Leonhardus Fiorauanta Medicus Ita-
lus in frequenti vſu habebat puluerem
quendam ex Mercurio, Ferro, Chalybe,
Auro & aqua forti, Lapidem Philosopho-
rum dictum, in forma confectionis ceu
tabularum, in omnibus ferè humani cor-
poris affectibus ; Quomodo videre
est libro Coronæ Medicinalis intitulo.
Et noui annosum quendam Medicum in
inferioribus hisce regionibus iuxta Bra-
bantia fines, qui beneficio huius Medici-
nae, curationes ad miraculum præstitit;
Cuius nomen publicè hic appellare non

Ang. Sale.

licuit, ne ita cuilibet ad tam nobile secre-
tum aditus aperiretur. Thomas Bo-
uius in Flagello pseudomedicorum Ra-
tionalium scribit : puluerem quendam
ex argento viuo, Auro & Aqua forti,
cum sale communi exasperatum, post-
modum dulcoratum, & fragmentis lapi-
di prætiosorum correctum, quem
Herculem propter admirabilem, qua in
domandis pluribus affectibus pollet, po-
tentiam, appellat, omnibus aliis cathar-
ticorum speciebus multis parafangis,
ut multa etiam exempla recenset, ante-
cellere.

Imò non diffiderem centum autores
mihi prædè esse posse, immotis rationi-
bus confirmantes, quod Argentum vi-
uum in sua natura, multò minus benè
preparatum, venenum minime existat,
imò quod maximarum virtutum parti-
ceps meritò in tanta existimatione apud
omnes versetur. Hinc non injuria factum
est in celeberrimis totius Europæ Offici-
nis, puluerem illum flauum, Turbith Mi-
nerale appellatum, quo peritissimi Chi-
rurgi ad lue veneream, & multos alios
affectus curandos vtantur, prostare. Et
hæc sufficiant ad faciendam fidem, Mer-
curio injuriam fieri si veneni astringatur,
dummodo experientia, veritatis animæ,
& Medicis quibuscunque Christianis
non minus quàm Paganis, credamus, nec
aliis omnia quæ non capiunt, carpentibus
fides habeatur.

C A P. VI.

Vomitorium tertium, seu Crocus Metallosum.

A Ntimonium variis modis præpara-
tur, in forma vitri flaua, rubra, ni-
gra, aliisque coloribus. Destillantur inde
liquores cum variis additionibus ; subli-
mantur flores albi grisei, flauī, rubri, &
purpurei, per se solum, præcipitatur etiam
K k k

variis liquoribus Mineralibus. In summa in varias redigitur formas, ad auxilium corpori humano vtile inde conficiendum, non solum in excitandis vomitionibus, sed & Diaphoresi promouenda. Crocum Metallorum verò quod attinet.

R. Antimonij pellucidi & venis albicantibus pleni instar argenti, Salis nitri purificatiana, quantumvis, puluerisa simul, & in olla ferrea satis ampla vel etiam in mortario, vel olla terrea bene vitrificata super injice carbonem exiguum accensum & in continenti ignis apprehendet materiam; Moueatur ergò bacillo ferreo, & instar pulueris tormentarij conflagrabitur. Inde Antimonium instar resinæ fusum, redige in puluerem subtilem, & laua cum aqua communi ad Salis nitri reliquias auferendas. Nota tamen quod vnica ablutio ad prædictum scopum obtinendum non omninò sufficiat. Postea resicca, inque cistula vel vitro benè obturato serua ad vsum.

Virtus & Proprietas Antimonij hunc in modum Vomitorij facti.

Si Antimonium substantiæ est venenosa, extra controuersiam versatur, quòd illa venenositas auferenda sit, antequam securè pro salubri corporis Medicina venditari possit. Hoc si vilo modo tentatur rectè, certè eo, quo prædiximus, vel maximè perficitur. Rationes hæ sunt: quoniam videmus quod in illa adustione substantiæ magis volatiles, propter venositatem maximè suspectæ, consumantur, & in aërem exhalent.

Cuius rei obtinendæ causa olim calcinatio instituebatur, qua Antimonium primo in puluerem albicantem redigebant, postea perfusionem in vitrum, quemadmodum adhuc tùm plures facere consueuerunt. Ea tamen præparatio nimis longa, molestaque, nec

interim tam secura, quàm prædicta Croci nostri.

Insuper considerandum est, Sal nitri inimicum sua natura existere Arsenico, Realgari, aliisque mineralibus venenatis, adeò vt cum illis commixtum & Vulcano traditum non possit, cum proprio spiritu non venena quoque illorum vel in aërem abripere, vel penitus mortificare, qua de causa postea quod relinquitur, tutò intra corpus pro Medicina assumatur.

Quinimò eodem artificio Arsenicum corrigitur, vt in vlceribus malignis internus ipsius vsus nil quicquam retormidandus. Quidni ergò prædictum vomitorium ab omni malignitatis suspitione liberum censeamus.

Ergò sælicem præstat purgationem corporis *αὐτο καὶ καθαῖον*, vix minori promptitudine, ac Mercurio vitæ suprà adscriptissimus. In genere vtilis eius vsus in omnibus affectibus repertus est, in quibus & aliorum præstantium vomitiuorum. Inprimis tamen bellum indixit Ictericæ, obstructionibus lienis, Epatis, Febribus intermittentibus, tempore & horis naturæ conuenientibus; Nam

Temporibus Medicina valet, data tempore præsumt,

Et data non apto tempore nulla iuuant.

Martinus Rulandus Imperatoris Rudolphi Medicus ordinarius pro valentissima & verè *γνώστη* habuit Medicinam, & sub diuersis nominibus modò hac, modò alia specie, exhibitum occultare studuit. Iosephus Quercetanus itidem Aquam suam benedictam inde conficiebat vt iam tùm diximus antea. Modus ipsius perficiendi in Pharmacopœa pag. 126. ita reperitur.

R. Croci Metallorum vnc. j. aquæ Cardui bened. lib. 2. vel tres: Cinamomi vnc. semif. Macera omnia biduum aut triduum; dein transcola, & vsui reserua hanc aquam, quæ optimo jure meretur nuncupari *AQUA BENEDICTA*:

Insignes enim & mirandos edit Effectus. De hac sume vnciam j. & semis, aut amplius horis matutinis: Non est ingrati saporis; blandè prouocat vomitum, & quatuor aut quinque sedes, euacuando per superiora simul, quod vix præstabit aliud remedium.

Sic plures alij, & præclari Medicinæ Doctores, eodem hoc remedio laudabiliter fruuntur. Attamen quo effectu (etiā si nihilominus fiat, quod maleuoli calumniatores, in me meique similes hoc nomine opprobria dicere non desinant, cum tamen longè maiori jure, quam illi in mystica Artis secreta penitus *obscure* ingressi, naturam rerum accuratius inspicimus) præparationibus hæc vtamur, sincere iudicantibus relinquo.

Desis.

Dosin Croci nostri quod attinet, ordinariè propinatur in infusione à granis sex, ad octo, vel decem vino, cereuisia, alioue liquore congruo, magis aut minus, secundum agri opportunitatem, ætatem, aut virium robur.

Huius loci erat Censura Petri Andreæ Matthioli, quam in Comment. super lib. 5. Dioscorid. cap. de Antimonio de quatuor memorabilibus curationibus beneficio Antimonij vitrificati peractis subnexerat.

Quoniam verò integra Orationis series ipsius mihi deficit, haud nimirum præsto habito ipsomet Authore, satius duxi, lectorem cum desiderio aliquo, quippe quod ipse facile explere posset, relinquere. Videat ergo qui velit Matthiolum citato loco. Et Zuingerum in Examine principiorum Chymicorum, cap. 3. item.

Gesnerum, Pedemontanum, Alexandrum Bouium, Basilium Valentinum, Alexandrum Suchtenium, Platerum, Penotum, Crollium, & alios, qui non iniuria

saluberrimas Medicinas & τὰν ἀσθενέστατων ex Antimonio parare summo studio contenderunt, & sæliciter quoque consequuti sunt.

Modò appendicis loco, Curationibus quibusdam prædictis medicamentis in locis memorabilibus peractis, recensendis vacabimus.

OBSERVATIONES CVRATIONVM.

Pro confirmanda maiori fide, de vomitoriorum nostrorum
vfu & efficacia,

CVRATIO I.

ANno 1609. Geneuæ, Filius annorum 13. Illustrissimi Domini, Domini Iohannis Georgij Principis Anhaltini Comitissæ Afcaniæ, *Berenburg* & *Xerbst* re. magno aliquo morbo afficiebatur, à Catarrho cum tussi & febricula, qui tandem in Epilepsiam quotidianam cum manicis agitationibus, oris, brachiorum & crurum conuulsionibus coniunctam terminabatur. Curam ipsius gerebant præclari Medicinæ Doctores Dn. Marcus Offredus, Castor Nouus, Bonetus, & Paulus Offredus, magnaue industria, vt omnino decet, Dietam, purgationes, Clysmata, Phlebotomiam, Scarificationem, vnctiones, suffitus, & plura alia suggerebant medicamenta; Verum tantum aberat, vt iuuaretur, vt malum potius quotidie magis magisque incrementum caperet; Tandem itur ad me, qui cum aliis collocutus vomitionem suam beneficio salis Vitrioli faciendam. Quo etiam exhibito, ad tres vices, quatriddui spacio pristinam sanitatem omninò recuperavit, & adhuc viuut Dei gratia sanus & superstes.

Curatio II.

Mense Septembri præterito filiulus Henrici Majeri opificis cuiusdam, quinque circiter annorum, acerbæ vehementique tussi afficiebatur, cum febris continua, anhælitus difficultate, quibus superveniens paroxysmus Epilepticus convulsionem dextri Cruris, postea dextri brachij, colli, oris, oculorumque horribili cum aspectu faciebat. Dumq; plus quàm trigiesies paroxysmo correptus erat, in tantam ecstasin incidit aliquoties, ut cuius mortuus videretur.

Accersitus ego vesperi hora nona dum magnam respirationis difficultatem in ipso sentiebam, & mali ipsius principium à catharrho & graui tussi extiterat, aliter judicare non poteram quàm quòd materia phlegmatica & viscosa à cerebro in thoracem stomachumque delapsa omnis Calamitatis causa fuerit. Mox ergo dedi salis Vitrioli scrupulum vnum in ceruicia calida, quo factum est, ut statim vomitus materiæ nigre instar sanguinis coagulati & corrupti ciceretur adeoque paroxysmus diminueretur. Tertio post die prædictum medicamentum reitèraui, & alium duntaxat sollicitavi; Factum tamen est, ut spatio 24. horarum à sæuioribus symptomatibus liberatus fuerit. Cæterum Iulepis quibusdam pectoralibus & specificis febrilibus in dies ter quaterue vsurpatis à reliquis etiam penitus euasit.

Curatio III.

Præterita ætate filiulus Erasmi Periciualij Musici Angli sex annorum febre ardenti & continua, magnoque capitis dolore & inquietudine, tumore ventris, palpitante cordis, aliisque periculosis symptomatibus ægrotabat. Propino ego vomitorium salis Vitrioli ad purgandum

stomachum. Sequenti vesperi, postquam finita erat purgatio, dedi dosin cuiusdam Bezoardici in formam Electuarij ad sudores proliciendos compositi; Ordinaui insuper julepum vitriolatum ad mitigandum febris ardorem, humores corruptos demulcendos, adeoque confortandum stomachum & intestina.

Et quarto die ab omnibus afflictionibus ita liberatus fuit, ut nil quicquam ipsi ad hæc vsque tempora ad sanitatem desit.

Curatio IV.

Similis alicuius morbi curam præstiti in juniore filiolo prædicti opificis Henrici Majeri, qui tres annos duntaxat natus beneficio vomitorij Mercurialis, Rosa mineralis appellati, simul cum julepo vitriolato sanitatem recuperavit, ut & hodie superstes viuat.

Curatio V.

Filius Dn. de Beaumont Comitissæ Heinrici Nassouiæ Officiarij, Febre ardenti exanimatus ferè, assumpto Sale Vitrioli cum prædicto Iulepo tridui spatio lectum dereliquit absque recidiua.

Curatio VI.

Mense Iulio Anno 1611. sub mediam noctem defluxio suffocatiua filiolam meam adoriebatur adeò, ut intortis oculis impeditaque respiratione morti valde vicina esset.

Ore vi distracto aquam vitæ rectificatam absorbendam dedi, & frictionem super nares stomachumque ea ipsa, fieri curavi, & post dimidiam horam ad se redire & loqui iterum cœpit. Tertio post die difficultate respirationis laborare

cœpit, & Rosam Mineralem ad granum vnum exhibui, vnde materia quadam viscosa per os proiecta, melius habuit.

Nihilominus octavo die in febrim ardentem subitò incidit, magna cum inquietudine, respirationis difficultate implicitam, adedò vt de vita ipsius iam penitus actum arbitrarer; Minutam pilulam ex prædicto pulvere cum Sacchari rosati modico adhibui, tenendo ipsam capite, donec medicamentum operaretur. Et materia biliosa, magna illuue per os & per aluum rejecta, sanitatem recuperare ab illo ipso puncto cœpit iam tunc *Os* superstes.

Curatio VII.

Æstatè præterita, filiola Edowardi Spillinck Sartoris Angli, tres circiter annos nata, febre lenta & continua diù afflicta, adedò vt corpore tabe consumpto statibusque admiraculum distinto, nihil spei ferè esset reliquum; potationibus continuò indulgebat, nil quicquam comedendo. Vnica solùm vice pulueris Mercurialis mei granum vnum exhibui, vnde *Os* velut purgata, & partibus internis per habitum corporis æquè quàm per vrinas deo oppillatis, paucos intra dies integrè conualuit.

Curatio VIII.

Anno 1606. Mense Augusto Notibergæ in Hospitio ad anserem dicto, Carolus Berlingerus Consiliarius Cæsareus Sexagenarius valdè corpulentus media nocte impetuosissimum Catarrhum è cerebro in Thoracem sentiebat, cum difficillima respiratione, interceptione loquelæ, & paroxysmo simul febrili; Per occasionem huic negotio interueniens ego debito symptomatum examine præmisso, dum usum vomitorij cuiusdam

valdè opportunum arbitrarer, quatuor grana prædicti pulueris, cum vini Maluatici cochleari propinabam.

Cuius operatione facilliter absoluta statim reconualescere cœpit, & postmodum medicamentis quibusdam pectoralibus confortantibus assumptis quarto post die iter Pragam saluus & incolumis suscepit. Valdè autem admirabatur pulueris huius efficaciam, & inde plures ipsius doses pro viatico sibi comparauit.

Curatio IX.

Anno 1610. cùm Illustrissimi Comitibus Iohan. de Nassau Catzenellenbogen, Vianden & Dietz, Domini in Beilstein, &c. Medici ordinarij officium sustinebam, in superiori Palatinatu (vbi generalis militiæ Protestantium præfectus castra locauerat, Bohemum quendam Iohan Adam Dominum de Zediwitz Asch & Krugesreut, &c. Walthurni sex milliaria ab exercitu nostro, graui Catarrho à cerebro ad centrum corporis, omnesque ipsius partes delapso laborantem inueni, cum magna respirationis afflictione, puncturis laterum, acerbissimo dolore dorsi, vrinæ difficultate, febrili paroxysmo, aliisque symptomatibus. Re diligenter pensiculata, & cum alio, qui præstò ibi erat, Medicinæ Doctore communicata, salis Vitrioli dosin vnam exhibui. Vnde plurima pituitosa materia per os, aluum & vrinam, refusa, statim quietus factus est (per triduum enim ex suffocationis metu nullum somnum viderat) & ab inde nutritione resectus, secundo post die à prædictis symptomatibus magna animi alacritate meique nominis honore euasit. Retrò tamen nisi ad-corroborandum cerebrum, pectus, stomachumque mundificandum & pulmones à putrefactione præseruandos, Balsamum meum Cephalicum, cum liquore quodam ex myrrha, Aloe, & Croco, singula mane

guttatim assumendum, & horum beneficio pristinam recuperavit sanitatem.

Curatio X.

Iustus Soënen Vir annosus & imbecillis constitutionis, cuius Haganus, ætate præterita Catarrho suffocativo cum febre continua, magna tussi, grauique respiratione, correptus, meoque vsus consilio, Sal Vitrioli intra quadraginta horas bis assumpsit, nec non alia quædam confortantia, & quinque vel sex dierum spatium integrè restitutus ad hæc vsque tempora bene habet.

Curatio XI.

Catharina Petri Sutoris Hagani prope carcerem habitantis vxor, multorum annorum, ætate ex Catarrho in pectus prolapsa, nec à natura plus iusto imbecilli digesto, in periculosa plurimaque incidit symptomata: Primò Salis Vitrioli dosim administraui, postea potionem purgantem, ad orificium stomachi emplastro de meliloto nostræ inuentionis admoto; Et quinque vel sex dierum spatium denuò incolumis euasit.

Curatio XII.

Superiùs enarratum fuit, quomodo Dominus Zedtwitz sælicitis mea opera restitutus fuerit, tum temporis nimirum, quando stipendio generosissimi Comitis Nassouiaci Medicinam faciebam illud ipsum causa postea erat, quod paulò post ad Dominum Georgium Christophorum Dn. de Walthurn & Waldouw, &c. vocarer. Is ex defluxione quadam podagrica calida (communiter biliosa, Paracelso verò à calido resoluta Sale pontico vel tartaro acuto dicta) in omnes ferè juncturas extremarum partium præcipitata, tanta inflammatione & intumescen-

tia laborabat, ac si Anthrax seu Carbunculus pestilentialis fuisset, cum grauiissimo dolore.

Prima statim vice ipsum vomere feci beneficio Salis Vitrioli; vesperi sequenti propinaui medicamentum Diaphoreticum & confortatiuum, adhibito quodam cataplasmate aperiente specifico ad locum affectum. Intra tridui spatium tam se in melius recepit, vt equum ascendere, ad libitum expatiari, & venationibus interesse commodè posset. Eodem modo idem aliquando confixus iterum simili medicina ab omnibus doloribus vindicatur. Sic vidi in aliis itidem podagricis Sal vitrioli aliaque vomitoria, in primis vbi stomachus humorum corruptorum labe coinquinatus fuerit, summam vtilitatem præstitisse. Interim Medicum & in hoc virum oportet esse prudentem. Cuilibet enim pro naturæ viriumque conditione adaptanda sunt remedia.

Curatio XIII.

Affectus Vngaricus seu Febris Vngarica symptoma est, quod homines cum hemicrania, vertigine, cephalalgia extremoque dolore capitis cum inquietudine aliàs furore vel stupiditate omnium sensuum, cordis item passionibus difficultate anhelitus, pleuritide, squinantia, prunella, dysenteria, lienteria, paroxysmis febribus, immane quantum adoriri solet; Contagiosum insuper est ideo, vt ad pestis naturam verè accedat, quamvis hoc intersit discriminis: quod hoc maiori cum vehementia cerebro, & Spiritibus animalibus insultet, pestis minus: Id quod plurimum hoc ipso malo afflictorum historiis confirmare possumus. Factum enim est, quòd ægri capitibus muros impetierint, & sic cerebrum penitus conuulsando vitam miserè finierint; Alij hoc eodem morbo defuncti, multos annos postea de iudicijs & memoriæ imbecillitate, &

ferè ad singulas Lunæ mutationes, con-
questi sunt. Idem morbus tùm temporis,
cum in castris Medicum agerem, breui,
antequam exercitus dimitteretur, in no-
stri ordinis milites maximoperè sœuire,
& insultus suos de vno ad alium valdè
accelerare cœpit, aded̃ vt infectorum à
sanis sequestrationem instituire, inque
Nosocomio non multum dissito cûram
ipsorum gerere necessum fuerit. Variis
remediorum generibus auxilia tenta-
bam, nihil tamen fœlicius succedere ob-
seruabam, nec maiori dexteritate morbo
detrahere, quam vomitionem beneficio
Salis Vitrioli promotam. Quando enim
in prima statim accessione administra-
bam, paucis diebus omne periculum
eluctabantur. An verò dicta symptoma-
ta ab effluescencia quadam corruptorum
in stomacho humorum ortum duxerint,
quorum nimirum eradicatione beneficio
Salis Vitrioli facta, remissio successerit;
aut huiusmodi Vomitoria occulta qua-
dam proprietate huic malo bellum indi-
xerint, litem nemini mouebo; Certum
interim est, hoc eodem medio me innum-
eros in integrum restituisse, quod huius
loci facere omninò operæ pretium vide-
batur.

Curatio XI V.

Anno 1602. dum Dresdæ primò
praxi Medicæ me manciparem, Cæmen-
tarij cuiusdam curam habebam, is à casu
ab alto ædificio (vnde abstinendo à po-
tione vulneraria abstergente & mundifi-
cante, sanguis interius coagulabatur) diu-
turnitate temporis tandem Asthma, &
tabem cum febre incurrebat, quam affe-
ctionem quilibet pulmoniacam arbitra-
batur. Consideratis diligentius causis hu-
ius mali, administrabam quatuor vel
quinque dies potionem digestiuam, post-
modum dosim vnam pulueris Mercurialis
supradicti; & tria quatuorue frustula ma-

terix, carnem elixam (præterquam quod
durior erat) referentis per os rejiciebat,
succedebant postea sanguinis guttæ;
Quamobrem potionem consolidatiuam
pectoralem propinabam, & intra paucos
dies pristinæ sanitati restitutus, relictum
laborem, magna omnium admiratione,
denud subiit.

Curatio XV.

Anno 1606. simile ferè curationi ab
operario quodam Chymico in quæstione
Dn. Baronis de Pandorff. circa fines
Heluetiæ susceptæ interfui; Is ipse itidem
diu ægrotarat, ac si fuisset pulmoniacus
atque adeo phthisicus, tam prouectæ æta-
tis, vt ab omnibus ferè Basileensibus &
Schafhusianis Medicis, prognostico reli-
ctus vix meliora speraret. Nihilominus
per vomitoria integrè sanitatem recepit,
& bis terne interea per eandem regionem
iter faciendo ipsum incolumem vidi.
Cautius ergò mercari discant in posterum
Medici classici, nec sententiam deprepen-
rent, antequam rem planius & plenius
perceperint, Iudicium enim secundum
Hippocratem difficile.

Curatio XVI.

Non absimile mihi vsuuenit, cûm
Secretario illustrissimi principis Christia-
ni Anhaltini, &c. Dn. Augustino de Ko-
len. Ille phlegmatis è cerebro in pulmo-
nes decidentis causâ, singulo mense an-
helitus suppressionem patiebatur cum
periculo suffocationis; Salis Vitrioli vni-
cam solummodò dosim accipiendo, &
mox multa per vomitum reiiciendo per-
fectissimum inde solatium percepit, aded̃
que eodem die negotia pertractare sua
commodè potuit. Et hoc auxilio ipsum
sapius postea sine vlla virium diminiutio-
ne, vel sanitatis iactura, quod quis fortè
reperito ipsius vsu suspicaretur, sanatum

vidi. Hinc etiam pro certo statuo, hoc ipsum medicamentum longè salubrius menstrui vsurpatione ad sanitatem conservandam esse, (in iis nimirum qui ex liberaliori Genio stomachum Cacochymicum habent) quàm ebrietatem ab Antiquis vsque adeò commendatam.

Curatio XVII.

Absoluta feliciter curatione in Cæmentario illo Dresdensi, quam suprà narraui, fama mihi satis inclarescere cepit. Hinc ad quendam accersor lue Gallica immane quantum infectum, ita ut ad minimum magis duodecim tumorib. & vlcere ab inguine ad pedes vsque innumeris refertus esset. Multorum Medicorum consiliis vsus, qui suffumigationib. variisque periculosis medicamentis, cruciatib. immaniore illam reddiderant, tandem pro desperato derelictus erat.

Ego cum conditione retinendi honoris vtunque etiam res succederet, primò vltera Aqua quadam minerali lauari, Balsamo Sulphuris deinde illiniri, & Emplastro conuenienti tegi curavi; postmodum vomitiones & purgationes intendi beneficio Vomitorij Mercurialis satis validi, ter quinque dierum spacio, intercalando semper vsus infusionis diaphoreticæ & laxatiuæ; Et breui tuberculis & vlcerebus profligatis, perfectam sanitatem recepit.

Curatio XVIII.

Anno 1610. Ambergæ Dominus à Schlammersdorff Illustrissimi Principis Anhaltini Christiani Officiarius, aliquando sub auroram contumaci Urinæ retentione, cum Colicis cruciatib. ventris inflatione, & anxietate pectoris detentus meum petit consilium. Quandoquidem verò plurimis remediis frustra laceffitum ipsum agnouerim, pulueris Mercurialis

mei quatuor grana præscripsi. Quo ipso felici subsecuta operatione & confestim vrina profluente, ab omnibus prædictis symptomatibus liberatus, tertio post die gratus discessit. Sic vsus vomitoriorum in pluribus aliis, iisdem vel similib. morbis ægrotantib. valdè salubrem obseruauit.

Nec obstat quando principalis huius retentionis causa status in vrinariis meatibus aliisue corporis concauitatibus præclusus aliquando extiterit. Eodem enim modo quo Vinum vel Cereuisia è dolio euacuari minimè potest, nisi aëri supernè liberior com meatus aperiat, quando verò apertus est euacuatio subitus faciliè sequitur. Ita quoque dum per vomitus, eructationes & flatuum discussiones per os succedunt, de repente urinæ, quoquo modo contumax obstructio soluitur. Et hæc ratio est, quare vomitoria, Clysmata, aliaue carminatiua hæstentibus iis, qui vel difficultate Urinæ, vel purgationis laborant, à Practicis plerumque commendata fuere. Attamen, quoniam Urinæ retentio æquè à Calculo in vesica firmissimè compacto, carnositate item & exulceratione scæculentæ nimirum materiæ causa, procedere potest, Medicus hoc in loco circumspectè agat omnino necesse est. Neque etiam ægrotus cuius Empirico aureos montes pollicenti, ratione interim ad artem necessaria destituito, manum, si se seruari velit, injiciat.

Curatio XIX.

Circa mensem April. Du. Iohannem Georgium à Romrod Illustr. & potentissimi Electoris Palatini consiliarius & Præfectus in Neumarkt Palatinatus oppido, Ambergam alterius sui cruris quodammodo intumescens, attamen interea facultate motiua & sensitiua destituti causa me accersebat: Exhibui dosim vnâ pulueris

ueris mei Mercurialis Rose mineralis appellati, qui non solum per superiora debitum exequabatur officium, euacuando nimirum magnam pituitæ, modicam etiam bilis quantitatem; Sed & attrahendo humorem in dicto crure principaliter peccantem per aluum, absque omni periculo tam prosperè deducebat, ut bidui spatio super illud ipsum crus incedere absque auxilio posset.

Paulo post thermas sulphureas quassdam in Bohemia frequentatum discessit, ut eo ipso partes affectæ magis corroborarentur; Quomodo tamen cum ipso factum sit, nondum comperij.

Curatio XX.

Ne longius, quàm par est, omnium curationum beneficio vomitoriorum scilicet gestarum curatione discedam, vnica hæc instar omnium sit obseruatio; Quod nimirum superiori hyeme anni 1612. Nelecem Iansen in platea vinaria hinc Hagæ habitantis vxor iam triduum *dusonia* laborarit, fætu mortuo existente, & capite alteroque brachio è matrice exertis, ita ut ex pessima hac pariendo figura nil quicquam spei reliquum videretur esse.

Illam enim, multorum Doctorum remediis frustrà tentatis, meum tandem expexit consilium.

Valdè autem imbecillis erat, & calor totius corporis à capite ad calcem vsque extinctus ferè, præterquam quòd naturalis facultatis expultricis aliquantulum robustæ speciem præ se ferebat. Confestim ego fomentationem (ex vino & herbis quibusdam appropriatis ad vapores inde excipiendos) fieri curauim, quæ ipsa in Cathedra ad Sudores proliciendos affabrè à nobis composita, calore exteriori vniversaliter excitato, quatuor grana pulueris prædicti cum vini Maluatici cochleare vno exhibui; Quo facto, dum in lectum

Ang. Sala.

iterum deferretur, post horam vnam mirabili prorsus auxilio à mortuo illo fætu liberata, & postmodum sensim & sensim naturali vigore recuperato, restituta fuit.

Curatio XXI.

Alter iam agitur annus quod Ambergæ vxor ætarij præfecti Illustrissimi Principis Anhaltini eodem remedio à pariendi difficultate liberaretur. Cum enim fætus iam octimestris multos dies mortuus gerebatur, ab exhibitione pulueris nostri ad ejiciendum fætum supra commendati, capite aliisque partibus immane quantum diminutus & corruptus ejiciebatur.

Curatio XXII.

Pluribus itidem notum est, quomodo in difficultate partus valdè anxie mulieri Hagæ iuxta sphaeristerium habitanti, præter omnem spem opitulatus fuero, quamuis viribus vsque admodum exhausta erat, ut nisi mirabiliter conseruaretur, nemini non moritura videretur.

Nec mortuo solum fætu vomitorium Mercuriale nostrum accommodatum *in Canov* est, sed & viuo adhuc infanti, dum natura in absoluendo enixus officio deses extiterit, facilem transitum præbet, absque vlla vel matris vel infantis offensione. In hac ipsa ergo difficultate, uti etiam secundinarum retentione, ut existimo, remedium hoc omnia alia facile superat.

Hactenus testimonia quæ in laudem virtutum prædictorum vomitoriorum mineralium producere ab initio constitueram. Quibus ipsis omnem scrupulum lectoribus remotum esse arbitror, quapropter in legendis Medicorum scriptis de vomitoriis sinistrè judicare potuissent.

De vomitionum in genere administrationum necessario observandis circumstantiis.

Nemini ignotum arbitror medicamentorum vomitiuorum præparationem minimè Methodi medendi omnem latitudinem absoluerè; Sed in primis & hoc ad vnguem tenendum esse: quomodo scilicet præparatorum vsu, respiciendo aquè ad materiam superfluum, viresque naturales, ne nimia medicamenti quantitate frangantur, quàm ad medicamenti ipsius naturam, citò, tutò, jucundè perfrui liceat; Consideranda etiam sunt temporis oportunitas, quando scilicet ad naturæ auxilium administrari debeant, non nimis cunctanter, nec præcipitanter nimis, sed *πέντα κατὰ λόγον*. Sæpè enim tota medicandi felicitas inde dependet. Ideoque in Chronicis affectibus humores, ad Paracelsi omniumque Classicum Medicorum præceptum, non nisi paulatina motione proliciendi sunt. In quibus humores rebelles sunt & vix vomendi conatu conuincibiles, diligens adhibenda est præparatio quemadmodum Fernelius hortatur: *Quum enim*, inquit, vel ex corporis conformatione, vel ex humoris situ & crassitie, vomendi conatus augeri solet, ac faciei oculorumque rubor, capitis tensio, sudor multus, & interceptus spiritus obtingere, idque citra vacationem ullam, non nisi adhibita præparatione vomitio tentanda. Econtra in plurimis affectibus vtpote subitaneis fluxionibus & Catarrhis suffocatiuis, in peste, & morbis venenatis, in febribus, tam acutis quàm intermittentibus in principio statim, materia adhuc in ventriculo, vicinisque partibus cauis hærente & fluctuante, vomitus imperandus est. Quando enim hæc res cum mora ageretur, humorum fermentatio

& corruptio totam sanguinis massam, spiritusque vitales adedò inuaderet, vt vel mortis vel morborum Chronicorum incurabilium inuictissima causa facile suboriretur.

Consideratione præterea opus est, qui *δυσήμεις* sint, qui *ευήμεις*. Idque propter periculosa inde superuenire solita symptomata, si viscera crebra validaque nimis concussionem debilitentur. Ideoque qui corpore nimis procero ventreque grosso; stricto pectore cum ceruice gracili & oblonga præditi sunt; Pulmoniaci item ad febrem Hæticam proclives, stomacho imbecilli, gulæ inflammationibus, doloribus aurium & oculorum ab obstructione & flatibus oriundis obnoxij; Quibus vena rupta & sanguis per os & nares profluit, quibus costa fracta, vel gibbus adest dorso ac pectoris; quos notabilis intestinorum ruptura, aliaue similia exercent, his omnibus vomitio difficilis, violenta, periculosaque existit. In illis omnibus enim vomitionis motu sanguis nimium alteraretur, roburque vitale euidenter caderet. Sic sunt, qui vel sponte, vel vomitorij viribus lacerati, indefinenter vomitionis pressura in grauiasæpe incidunt symptomata. Ideoque medicum horum omnium gnarum oportet esse, vt telorum præuisorum aciem conuenienti remediorum lima vel auertere vel obtundere facilius possit. Id quod Fernelio consentaneum, quando dicit: Si violentior vomitio nimio opere fatigat, superueniatque vertigo, æstus, angustia, suffocatio, cordis aut ventriculi compunctio; aut si immoderatus exuperat atque vel fucos viles, vel Sanguinem elicit, vel ramenta vel nigrum quiddam fœtidum atræ bili persimile, lenienda certè & compescenda, &c.

Pariter scire oportet, quæ signa apparere debeant à vomitu ritè expedito, cuius utilitas in corpus retundet. Horum quædam Fernelius rectè annotauit in-

quiens: Quumquē sedata vomitione pulsus plenus & validus existit, placidus somnus sponte obrepit, facilis & libera est respiratio, appetentia bona reliquumque corpus leuius, vtilis ea censerī debet & consentanea. Contra vero inutilis, & noxia; si contraria appareant.

Et hæc sunt vomitionum maximè generales circumstantiæ in quas Medicum Christianum officij sui memorem in prædictorum Medicamentorum vsurpatione animum oculosque sedulò intentos habeat oportet. Singulas enim accuratè persequi voluisse, non compendium, sed integrum volumen sufficienter compleuisset; Quo ipso tamen nec ignorantia quorundam, nec aliorum Theoninis dentibus, malevolisque animis in minimis satisfecissem.

Colophonidem ergò huic libello impositurus, quemlibet adhortor, vt data vomendi occasione, ad prædictas leges & circumstantias, tria illa commemorata Vomitoria tali officio dedignari minimè velit.

Αὐτὸς ἑαυτοῦ, hoc si fiat, non solum semel adscriptum dignitatem ipsorum non detractatam iri; Sed vel maiorem illam, & maiori cum applausu, sequutu-

ram; vel eandem contra omnium osorum ventosas velicationes constanter permansuram.

Abusum enim illorum quod attinet, tam parum, verum vsus exosum ille reddere debet, quàm parum comedendū bibendique desiderium, aliaue vitia propter excessus prohibemus.

Moneo præterea, commendationes, hæc meas nemini obtrudi, ac si vomitoria in omnibus morborum generibus vnica, æqualia & εἰς ἅπαντα forent remedia, sed, vt me alia quam plurima ipsis coniunxisse videre est; ita nemo solis Vomitoriis vbique confidat, sed quilibet morborum idæ suam Medicinam conuenienter adhibeat velim.

Denique quia DEVS omnia operatur in omnibus, adeoque in Medicina quoque ab ipsius benedictione singula dependent, vt plurima sacrarum literarum exempla docent, non solum Medicus pro se preces ad Deum fundat, vt fœlicem curandi manum habeat, sed & ægrum sedulò hortetur, vt peccata commissā agnoscere, pœnitentiam agere, & non minus quoque Deum pro recuperandā sanitate sollicitare velit. Illi ipsi Deo sit honor & gloria. Amen.



TERNARIUS BEZOARDICORVM,

IN LVO

Tria potentissima Bezoardica

CONTRA PLÆRAQVE VENENA, INTOXICATIONES
& corruptiones, tam exterius, quàm interiùs, sanguini aliisque
humoribus impressas, innatasue continentur.

Ad Clarissimum Virum.

Dn. ANGELVM SALAM, MEDICVM, ^{ΧΑΡΙΕΣΤΟΥ}
Haghanum; amicum & Fautorem obseruanter suum.



ERNARIUS tuus BEZOARDICORVM, MI SALA;
vt Latinitate donatus in lucem prodiret, feci, non tam
meimet commodi; (Non enim quod mihi, sed quod mul-
tis profuturum ad sanitatem ex officio quæro;) quàm
nominis tui, & Medicinæ Studiosorum gratiâ.

Quidam enim, quod scio, ignorantia caligine occæcati, nimis au-
gustè; alij angustè nimis de singulis statuebant. Neutrum equidem
boni Nominis tui bono; Nec tamen aliter poterant, in re vsque adeò
obscura; cum, vt P. Syri versus habet, ad tristem partem strenua sem-
per sit suspicio.

Animum autem ad id eò impetuosius euerberaui, quo tu memet sæ-
pius, cum Hagæ Comitum Chymicorum sacrorum causa versarer, æquè
ad huius ipsius tractatus, quam ad ANATOMIÆ Antimonij, quam adhuc
breui proditura spero, explicationem stylum conuertere adhor-
tabaris.

Spontè quidem feci, vt aperto synceritatis clangore, secus quàm tu
fecisti, singula ebuccinarentur, & scapha scapha diceretur. Verum dum
hoc, vt mihi videor, impensè magis conciliet & famam & Honorem,
quibus doctrinæ Filiis commendatior hic tuus libellus existat, ne di-
cam, in vnoquoque clucessere debere dona Spiritus ad communem

utilitatem; non committes spero, vt ne tu ingenij tui, ego meæ industriæ & synceritatis, quæ iure possumus, merita reportemus.

Cum autem Typographi, cui propter vltimum in Belgiam excursum, totum negotium commiseram, incuriâ, Ternarius hic cum Emetologia jam pridem impressus, infinitis mendis scateret, nec non denuò, etiamsi omnia exemplaria diuendita non fuissent, accuratiori limâ opus haberet, non solum sine mora (errores enim facilè hærent) altera editione illam adhibere volui, sed & de associandis aliis, quibus cum Gratiis sacrificarer, meritò cogitauì.

Ideoque quamuis de Tuis, quod nosti, plurima in manibus mihi versentur, Opiologia tamen tua ad hoc præ cæteris mihi placuit.

Primò, quod, quantum scio, de Opio & veris Laudanis parum hætenus proditum sit. Secundò, quod Catharticis & Bezoardicis in periculosis affectibus Laudana aliàs subordinata, mirum quantum efficiant. Ideoque vt & alia, illam in Latinum transposui, & cum Ternario Bezoardicorum & vomitoriorum tria illa Laudana conjuncta, sub Titulo Ternarij Ternariorum in publicum prodire feci. Idem ergò te quoque, quod alij boni Viri, de singulis iudicaturum spero; donec interea super Exegesi Chymiaticam meam, ex proprio penu aliquid præclarius (de Catharticorum quorundam Chymicorum tecmaris assidue laboro) depromam. Vale, & me pro more tuo amore prosequere qui εἰς αἰῶνα.

ὁσος

ὁ σὸς

ANDR. TENTZEL. D.



AD LECTOREM.



Mice LECTOR, sicum ratione, ceu veri naturæ ministri in omnis generis & ordinis Medicamenta, tum simplicia, quam composita, ad cognoscendum quænam illorum virtutibus nobiliora, quæ euidenter auxilium adferendo, & vniuersaliter plurimis resistendo morbis, specifica veluti sanitatis subsidia existant, disquisitionem instituiamus: Extra omnem dubitationis aleam versatur, eiusmodi se nobis offerre medicamenta venenis resistentia, Bezoardica alias à Medicis, item Theriacalia, Alexiteria, & Antidota dicta, ut merito Gemmarum, aut si quid in pharmacæta preciosius, dignitatem adæquent. Quamuis enim multi hanc laudem, propter latè patentem vsum Catharticis adscribendam existiment; longè tamen alio modo res sese habet.

Id quod quatuor potissimum argumentis confirmamus. Primò, quod Bezoardica eius conditionis sint, quæ vel propria natura, vel beneficio præparationis omni venenositate, vitæque hominis insidiatrice facultate careant, dum è contra purgantia omnium Clasicorum Medicorum consensu, sua natura (quamuis alia magis, alia minus) noxiam venenosamque qualitatem, qua ipsa nimirum operantur, participant. Et hæc causa est, quare ad vsum à doctis Medicis nunquam adoptentur, nisi Bezoardicorum beneficio correctæ prius fuerint.

Alterum est, quod Bezoardica (sive per se, sive ex accidente) ad id imprimis operationis intendant, ut à venenis Cor, sedes anima, Rex viscerum naturalium, & sol agens, illustrans, calefaciens, confortans, & singula Microcosmi, id est, corporis humani sic à Philosophis dicti, membra viuificans, cui illa maximam partem bellum indixere, defendatur, & præseruetur: purgantia verò principaliter suos edunt effectus in stomacho & intestinis, quæ quidem partes corporis humani pernecessariæ sunt, quibus etiam affectis cor male habet, longè tamen ipso inferiores, cui nimirum omnem vitam, vigoremque suum acceptum referunt.

Tertiò, Bezoardica expellunt venena, quæ ordinariè morbis acutissimis & symptomatibus mortalibus (nisi citò præueniantur) causam præbent, cathartica vero humorum crassorum, excrementorumque cibariæ illuuiem tantum ex-turbant, causam quidem multorum affectuum indubitam, eorum tamen

curabiliū, boni moris, & chronicorum, quibus etiam afflictiſſus citius quàm contagioſis & venenoſis affectibus ſanitatē recuperare poteſt.

Denique ita ſe habet cum Bezoardicis, ut medeantur morbis (aduerſus quos ſpecifica, amica quaſi acceptaque viſa hominis virtute pollent) confortando calorem nativum, & vi ſua cordiali, baſamique humidum radicale à corruptione conſervando; cathartica vero, inimica puta naturæ, partes corporis exuunt ſpoliantque vili ſuo ſucco, debilitant calorem naturalem, & indifferenter, (de forſibus & ſuſoſioribus mihi ſermo eſt) utiles bonosque humores cum depravatis eji-ciunt, adèd ut miſelli agroti, niſi caute adhibeantur, illis ipſis in ſumma ſapè deſolationis & mortis præcipitia deſiciantur.

Id quod ratio eſt, quare apud agrotos & debiles uſus illorum rarior longè ſit & reſtriſſior, quàm medicamentorum Bezoardicorum.

Vnde ſatis inferendum: cathartica ipſis Bezoardicis neutiquam virtute & efficacia æquiparari poſſe; Quamvis & illa ipſa neceſſaria habeamus remedia, quibus ſapè, ubi opus ſit, uti oporteat, præſertim ſi unum duntaxat humorem, unicamque materiam peccantem morbiſicam electivè (veluti ſequeſtratio ſit ſeri à caſeo) nihil eliciendo de bonis humoribus expurgare nobis conſeſſum foret: Quandoquidem tamen DEVS hanc ſcientiam nobis adhuc incognitam reſervavit, hanc difficili viā vincerendum nobis erit, dum iam melior tutiorque, quæ tamen à doctis anhelis votis exoptatur, præſto minus habeatur.

Antiqui tanti aſſimarunt Bezoardica ſeu Alexiteria, ut potentiſſimi Reges magnique Principes non ſolum vires ſimplicium alexiteriorum, ita ut Natura ea producit, ſed etiam quomodo egregia inde conſiciantur compoſitiones, ſummo ſtudio, perſcrutati fuerint. Id quod de Mithridate Rege Ponti & Bithynia literis proditum eſt, qui perfectam ſcientiam de ſimplicibus medicamentis contra venena aſſecutus) illorum enim in facinoroſis ad mortis ſupplicium damnatis δουρατοῖς faciebat) nobiliſſimum compoſuit Antidotum, ab ipſius nomine Mithridatum appellatum, hoc etiam tempore maximi in Medicina uſus & exiſtimationis; Qua ipſa Antidoto prænomiatus Rex (ſingulis diebus de eo præſervationis cauſa aliquid aſſumere conſuevit) corpus ſuum ita velut baſamo condidit, ſuumque ſanguinem eſſentiis alexiteriis adèd replevit, ut nulla venenorum offenſione unquam laderetur: Siquidem in periculo poſtea conſtitutus, ut ne captivus ad Pompejum abduceretur, Romæque fabula Triumphi fieret, ſæpenumero varia ad ſubitam ſibi conſciſcendam internecionem hauſit venena, fruſtra tamen omnia, quod multum prædicto ſuo Antidoto antea fuiſſet uſus, adeo ut mortem ſibi conſciſcere neſcius, ſocij malè amico officio tandem interfectus fuerit.

Alexander M. Rex Macedonia (quibuſdam affirmantibus Hæſtorio-

graphis (autor extitit Antidoti, jam tum quoque usu recepti, Aurea Alexandrina dictæ. Galenus suum contemporaneum Attalum Regem Pergami eodem se delectasse studio refert. Quibus historiis fides facile habenda, cum orientales plage bestiarum, crescentiumque venenatorum prouentu valde prodigæ existant; dum insuper Magni Monarchæ nullo non seculo veneficiorum insidiosis periculis expositi, subjunctæque fuerint. Idcirco etiam in id annitebantur, ut sibi metipsis eorum remedium, quibus à venenis vindicarentur, Magistri, necessitas tempore mediatrices manus, adhibere possent.

Ad hæc Prisci Medici (quorum nimirum hoc proprium erat officium) in hac parte nihilominus fuerunt occupari, quemadmodum ex ipsorum libris posteritati consecratus videre est. Inter ipsos enim Nicander discipulus Hippocratis excellens Medicus & Poëta Græcus, tantum subiti laborem & diligentiam ad omnium bestiarum plantarumque venenatarum nocumenta simulque vniuersalia & specialia ipsorum remedia pernoscentia, ut duos tractatus ea de re scripserit, doctrina & experientia adeo diuites, ut multis postea harum rerum scriptoribus ingenij quasi Lumina extiterint.

Andromachus (qui primus Neronis VI. Imperatoris Romani Medicus fuisse fertur) composuit Theriacam, quæ hodie etiam celeberrima omnium, quæ ex veterum manibus ad nos peruenire, Antidotus, & Theriaca Andromachi nomen in auum usque in perennem autoris memoriam retinet. Esära Medicus inuenit magnam compositionem appellatam Antidotus Esära. Oribasius Theriacam de Bryonia; Mesues Diatesaron; Damocrates compositionem illam autoris nomine Theriaca Damocratis dictam. Philon excellens Medicus & Philosophus græcus, Philonum Romanum. Actuarius Antidotum Asyncritum; Nicolaus Myrepsus Tripheram magnam, & Requiem Nicolai: Et ita plurimi alij in simili labore sudarunt.

Ad nostri seculi examen accedentes, Medicina gnaris, ordinum medica tantum lastratione expertis manifestissimum arbitramur esse, quod illustrissimi Principes Europa à multis retro spectantibus temporibus ad hoc usque momentum, in tam nobili artis Chymica purum ab impuro separandi, & usque ad sublimiores virtutum gradus exaltandi scientiâ se delectantes, ad multorum virtuosissimorum Bezoardicorum inuentionem simul adspirariat, quæ ipsa multis, quod dicitur, parasangis omnes veterum, artem illam ignorantium, compositiones anteuertunt. Et nemo est Princeps, qui ex hac speculatione aut exercitio non capiat delectamentum, quem non ad minimum cura afficiat, optima quocunque etiam pretio redimenda Bezoardica ad propriam thecam tutoris usus ergo transferendi. Quin imò non desunt inter Neotericos sedula Bezoardicorum indagine exercitati Viri, qui plura arcana Bezoardica

tacita

facilia tamen aut quælibet possident, quæ non solum cum quibusvis aliis in seplais familiaribus comparare, sed & inaudita difficultatum morum verborum curatione illis omnibus iure merito præferre possint. Quod autem inde theatrales minus insituant apparatus, illud propterea fit, quod eorum (quibus veterum medicorum spiritum tantum sapit, quique omnes novellorum inventiones quoquomodo etiam experientiâ stabilitas, imposturis rebusque nihili adjudicant) iniuriam contentumque ferre minimè velint.

Medicamenta Bezoardica insuper tam necessaria sunt, ut illis destituta Medicina, ne Medicina quidem esset. Nam non solum (diuina cooperante gratia) Principes à veneficiis illis se tuerint possunt, qui Satanae malitia plurimum hoc nomine periclitantur; nec etiam æstuantium climatum incola solum à moribus venenosorum animalium illorum virtute sibi cauent, sed vel maximus & crudelissimus morborum, quotquot illorum, vel ab aëris contagiosis miasmatibus, vel internis corporis corruptionibus sub acutorum vexillo contra vitam & Cor eius arcem militant, exercitus horum aduentum & pertimescere & fugere cogitur. Cuius assertionis testes irreprobabiles habeo, omnes, quotquot reperiuntur, Medici. Nullus enim vllum unquam acutum affectum alicuius momenti, supra- ret absque Bezoardicorum cum simplicium tum compositorum succenturiatu. Et illi ipsi, quorum curam habent, mali longitudine tortureque ipsius contumacia interdum defessi, & velut nauticula impetuosissimis Oceani fluctibus violenta suborta tempestate hinc & inde anxie reiecti, adhuc ipsa medicamenta velut ad sacram quandam medicinam anchoram sponte refugiunt; Vnde sæpe usu venit, quod magna assistentium admiratione lenicula aliqua re vel minuscula portione de lapide Bezoardico, Unicornu, Theriaca, Mithridatio aut similibus, vitam (naturaliter loquendo) redimant. Quod ipsum in causa est postea, quod multi Idiotæ & plebei (oculis videntes suis quæ curationes, & quibus perficiantur) quando cidenti aliquo affectu corripiuntur, ab illis ipsis etiam expectent & expectant solutionem: & sæpe spe minime falluntur sua; adeo ut absque ullius Medici consilio penitus reconualescant.

Cerum est in Alpibus Grisonum Heluetiorum, Wallachia, Tyrolensium aliisque montanis regionibus Europa, quibus Medicorum collegia longe absunt, incolas sibi metipsos in variis morbis solo Plantarum aliquot Bezoardicarum usu optulari. Singulari enim DEI (cui bonum non videbatur, ut homines Medicis destituti maioris lætitudinis ἀνασφωλία, quam ipsa bestia, ut quidam somniant, laborarent) factum est providentia, ut nobis Illa Imperatoria fragrans Angelica, Carlina, Gentiana, Valeriana, Hirundinaria, Cruciata, Peucedanum, Rha- ponticum, siler montanum, calamamentum, Meum, Daucum, & plura alia egregia simplicia alexiteria inibi producerentur, utque & indoles & modus utendi, si

qua necessitas postulet, incolis constaret. In diuersis Germania locis, ubi Pagani longe rejecti sunt à Medicis, obseruaui similiter, singulis annis quosdam succum, vel Rob ex Granis Iuniperi coquere sole, quem Bacholder Latverg, vulgo appellant. Similiter ipsi faciunt cum succo vel Rob sambuci, Granorum Ebuli, quae singula Diaphoretica pollent, facultate, venenisque resistunt; Qua de causa etiam per totam hyemem sarta tectaue conseruantur, & in foro ad vendicationem publica licitationi afferuntur. Id quod saepius Norinbergæ, Augusta Vindelicorum & alibi videre licuit, ubi nihil minus grauem quamcunque passionem sentientes, è vestigio dosin prædictorum (quæ Theriacæ & Mithridatij loco habent) assumpsere, & ad sudandum in lecto vel hypocausto, quo usque satis visum, se composuerunt: Et certe restituti sunt felicissimè. Imo repetitis harum Medicinarum vicibus ægros ab oppilatione inueterata hepatis, lienis, aliarumque partium, ab arthritide, stomachi imbecillitate, plagis & vulneribus & pluribus aliis liberauerunt. Quæ etiam si verissima si ad vinum refecarem, vereor, vt ne imperitis mendacium, sapientibus, sidiis placet, sales proficere videar. In Vngariæ regno militibus tempore belli, admodum familiaris erat scientia illa præparandi puluerem serpentum, Bezoardicum animale, seu puluerem regium dictum, cuius usu sibimetipsis febres acutas, aliosque periculosos affectus inuicem auertere poterant. Huius pulueris præparatio & usus, postquam in Germaniâ posita esset translatus, multas extraordinarias curationes morborum venenis complicatorum illo ipso perfici posse obseruatum est. Quemadmodum si res postularct, ad oculum demonstrare possem ex Illustrissimorum principum, Comitum, aliorumque Dominorum, quorum in præsentia Nouæuxiæ haud dubia facta est, testimoniis. Noni etiam multas nobiles faminas, quæ Medicina se delectantes non solum magnas optimarum aquarum Bezoardicarum simplicium & compositarum diuitias possident, sed & multa alia solidioris substantiæ puta de cornu cerui calcinato, & cum aquis cordialibus præparato, Terram Sigillatam Silesticam, Lachrymam Cerui (quæ veluti glutem, ad oculum Cerui certo anni tempore reperitur) os de corde Cerui, Sanguinem cerui exiccato, puluerem serpentis supræcitatum, multaque alia Bezoardica in promptu semper habent, quorum beneficio pauperibus magna sepe præstant solatia.

Ex dictis ergo, & pluribus aliis rationibus Bezoardica digna censenda sunt, quæ diligenter obseruentur, quæque ab omnibus, qui cum laude & bona conscientia aliquando Medicinam faciunt, maximi existimentur.

Quandoquidem ergo multiplicem prædictorum medicamentorum utilitatem in Medicina sum expertus, & ob id in votis habui, ad eorundem efficacissimorum scientiam penitus adspirare; opus ipsum propriis, quod dicitur, manibus tractare cæpi. Ideoque preciosissimarum rerum, quæ Bezoardicorum compositio

res ingredi solent, cognitionem, adeoque TRIA virtuosissima, & nobilissima assequutus sum remedia, quæ dummodo non superent ad modum tamen quorūcunque veterum & recentium Bezoardicis compositionibus adequari optimo iure possunt. Compositiones tamen hic intelligo, non quæ venenis solum, quibus fieri potest, ut & simplicia quædam potentius resistant, contraria sint, cum tamen in aliis angustiis vel pusillum prosint, vel omnino noceant, sed illas ipsas quæ in genere pluribus diversissimarum causarum affectibus aduersantur.

Has compositiones publici iuris facere volui, ob tres potissimum causas: quarum prima est, ut qui illis ad necessarium usum opus haberet, sciret, apud quem nomen suum hoc in casu profiteri debeat. Altera est; quo Filiis Doctrinæ, gravis mysteriorum naturalium indagatoribus ipsorum præparatio innotesceret. Denique ut studij mei rationes, diligentiam & labores, quos ad principalissimarum Medicamentorum, ad praxin Medicam assidue mihi inferuentium præparationem sustinco, aliquo modo probarem. Nam ille demum (quod D. Lobelius, Rei herbaria heros in præfatione in Dispensatorium Belgicum Lendsman, appellatum, & cum illo optimi quique profitentur Medici) Ille, inquam, qui & cognitionem medicamentorum, & præparationem illorum authenticam habuerit, de operatione certus esse potest, quin imo felicior & confidentior erit in sua praxi, quam qui rem vniuerso pede metiens fecerit contrarium. Quemlibet, ut ad idem Caritatis officium obstrictum existimo, ita de hoc ipso proposito meo candide iudicaturum, omnino spero.



DESCRIPTIO PRIMI BEZOARDICI, DIASOLIS.



Vic Medicamento DIASOLIS nomen imposui; suæ naturæ & proprietatis causa: Est enim calidum essentiale respectu aliarum vsitatarum & vegetabilibus compositionum; confortat cor, reficit calorem nativum, restaurat spiritus, expedit obstructions, resistit corruptionibus, malignitatem demum & violentiam venenorum fortiter expellit & retundit. Vnde cuius apparet, quod & naturæ & proprietatis analogia Soli respondeat. Discernenda tamen sunt superiora cœlestia, magna, actiua, ab inferioribus, terrestribus minutis & passivis. Eo & illi respiciunt, qui hominem magno mundo, Aurum Soli, Argentum vivum Mercurio, sulphur igni, & similia alia inter se comparare solent. Quatuor basis consistit principalibus, prout & nomina & preparationes illarum ordine sequuntur:

Prima appellatur. Alexiterium vegetabile specificum, & hoc modo præparatur:

℞. Rad : Vincetoxici,
Serpentariæ,
Scorzonæræ,
Bistortæ,
Valerianæ magnæ,
Imperatorix,
Angelicæ odoratæ,
Carlinæ
Tormentillæ,
Gentianæ,
Aristoloch. longæ

Pimpinellæ hircinæ ana part. æqual.
Omnes istæ radices eiusmodi debent esse: primo collectæ sint tempore suo balsamico, siccæ curiose, non spoliatæ colore, odore, saporeque naturali, nullo modo corruptæ & obsoletæ; Alias extractum inde conficiendum, aut nihili, aut vix modicum valeret.

Hoc modo electæ radices, minutimque concisæ, optimo aceto ex vino Hispanico irrorentur, lenteque, ad imprægnandum melius cum spiritu aceti reficentur, postea in aquæ vitæ, vel similis alterius destillatæ sufficiente quantitate per integrum mensem simul, primo gradu ignis digerantur, separetur denique illarum essentia in forma resinosa & seruetur ad vsum, cuius inferius fiet mentio.

Secunda Basis appellatur Diaromaticum essentiale, cuius preparatio talis:

℞. Cinamomi officin. opt.

Santali albi fragan.

Ligni Aloës resinosi.

Macis.

Zedoariæ.

Galangæ, ana part. ij.

Caryophyllor.

Cardamomi maj.

Piperis longi

Zingiberis albi

Cort. extern. Citri in umbra exica.

Spicæ Nardi elect. ana part. j.

Infundantur omnia in Quinta Essentia vel sulphure cœlesti ex iisdem aromaticis destillato: eliciaturque extractum cuius singulis vinciis admisceantur.

Ambra grisea opt.

Moschi oriental.

Balsami Peruuiani rub. & odorif.
ana ʒʒ.

Camphora scrup. i.

seruanda in vase vitreo bene clauso.

Tertia, Laudanum Benedictum denominata, ita conficitur:

℞. Essentia opij Thebaici extracta ad modum nostra opilogia part. ij.

Tinctura Croci Anglici per aquam rosar. diligent. extract. p. i.

Extract. Mumia elect. seu sana, & non ex cadaueribus morbis. & corrupt. ante mortem.

Essentia castorei per Q Essentiam aromat. more spagirorum extract. ana part. ʒ.

Incorporentur simul, & quousque ad bonum Laudanum conficiendum opus est, digerantur.

Quarta, Elixir Bezoardicum appellanda venit, cuius *ἑγῶσις* talis:

℞. Salis Essentialis compositi ex omnium supradict. ingredient. per aquam Veronicæ extract.

Sulphuris potentialis ex Balsamo aquatico, diaphano, fixo, per quartum gradum ignis Spagyrorum sublimati, inque formam liquidam redacti an. p. j.

Sulphuris coelestis siue Balsami volatilis à liquore Catholico, Specifico, Cardiaco per B. M. distill. & ab omni superfluitate depurati part. iij.

Tria hæc probe inuicem mixta, inque vase circulatorio ad id apto bene clauso, in calorem naturalem ad digerendum per sex septimanas collocentur; Tum liquidum à siccio per distillationem sequestrando, in fundo residet Elixir album & fragrans. Et hæc quatuor illæ Bezoardici Diasolis bases sunt, quoniam vniendarum sequens obseruanda proportio est.

Compositio Diasolis.

℞. Extract. Alexiterij vegetabilis specif. vt supra præparat.

Diaromatici essentialis,

Laudani Benedicti ana vnc. j.

Elixir Bezoard. drach. iij.

Hæc in scutella Myrrhina in modico cinerum calore simul mixta, ad lentam nimirum extractorum dissolutionem, melioremque Incorporationem, in vase vitreo postea vel porcellanico, vel aureo, vel argento inaurato, nequaquam plumbeo, stanneo, cupreo vel ligneo, probe custodiantur.

Estque nostrum Diasolis, vel Theriaca aurea, quæ quamuis nihil accipiat de viperarum carne, nihil de lapide Bezoar, vnicornu, terra lemnia, Bolo orientali, fragmentis pretiosorum lapidum, auro, argento, perlis, corallis; nihil de gummatis, resinis, liquoribus, fructibus, floribus, seminibus, aut infinitis aliis; potentissimum tamen multorum affectuum remedium est, de quo suo loco.

DESCRIPTIO II. BEZOARDICI CHRY-

SOBEZOAR APPELLATI.

Alterum nostrum Bezoardicum nomine CHRY SOBEZOAR insignitum propterea est, vel etiam BEZOAR. aurei, quod principaliter ex auro constet; Quin imo etiam, quod virtute & potentia, non minus quam aurum cuncta metalla, omnes res Bezoardicas ex lapidibus & mineralibus facile superet; Id quod experientia ad vsum præ lapide Bezoardico, vnicornu, aliisque preciosis Bezoardicis illuc conferentibus satis demonstrabit. sequenti modo præparatur.

℞. Auri purissimi,
 Mercurij Martialis ana part. æqu.
 Roris solis philosophici cum Spiritu Salis Mercurialis per medium Vulcani in auram eleuati & rursum in aquam solarem conuersi q. f.

In hac vltima aqua prædictas materias seorsim in paruo matratio solue, postea liquorem Mercurij Martialis depuratissimum in liquorem auri decanta, in Balneo Mariæ phlegma destilla, donec in fundo ipsius liquor instar mellis spissus transparens, citrinusque relinquatur.

Postea in B. roris clausa cucurbita per mensem digere vt Spiritus Balsamici Aquæ soluentis melius cum dictis vniantur metallis. In fine digestionis aperi vas, & cum sufficiente Aqua Tartarificata ponderosum separa à leui, & terram ab aqua; & puluerem habebis subtilissimum, lauandum toties cum aqua pluuiali destillata, donec omnem amittat acrimoniam, siccandumque demum in vase vitro. Irriga tandem oleo Balsami vniuersalis, vt fiat quasi pasta; ad vmbra iterum exiccanda. Postea misce cum quadruplo pondere Florum Resinæ metallicæ, & in crucibulo oblique super prunas collocando calcina, donec materia incanduerit. Tere cum aqua sequenti aromatificata, vt pharmacopœi in Corallorum præparatione super lapidem Porphyrium solent, vt fiant Trochisci, si placeat, ad vsum diligenter recondendi. Exiccati puluerem facient brunci coloris, verum Chrysobezoar.

Aqua vitæ aromatificata,

℞. Spiritus Vini odorati sine phlegmate vnc. iiij. Santali citrini, Cinamomi ligni aloës resinosi ana scrup. j. Ambra grisea scrup. j. Infundantur tres quatuorue dies. Postea ad vsum recondantur.

TERTIVM BEZOARDICVM, VNGVENTVM BEZOARDICVM.

Vnguentum hoc, quod Bezoardici nomine appellandum veniat, facultati ipsius, qua principaliter omnibus venenis aduersatur, proprie ascribendum est. Ratio præparationis sequitur:

℞. Succi Nicotianæ lib. iiij.
 Rutæ
 Absinth.
 Abrotani

Cardui bened. ana lib. ij.
 Axungia Cerui iuuenis lib. ij.
 Olei Scorp. opt.

de sem. citri express. ana lib. f.

Ebulliant simul lento igne, in olla vitæ treata ad phlegmatis consumptionem, mox cola & refrigerari sine, postea vnguentum superius à succorum sedimento quod viridiusculum, sulphureisque dictarum herbarum substantiis valde repletum, separa & adde:

℞. Extracti Alexiterij specifici vt supra præparati vnc: iiij.

Extracti opij Thebaici per Spiritum acetii

Essentia Mumia

Castorei ana vnc. j.

Ol. Balsami Peruiani odoriferi per Retortam destillati.

Ol. de liquidambar.

Ol. Styracis liquidæ.

Ol. succini albi non rectific. ana drachm. iiij.

Caryophyllor.

Ligni sassafras.

Thymi.

Rorismarin.

Camphora ana drachm. ij.

Extracta primo cum vnguento mi-

ſceantur in mortario vitreo : Poſtea aſfundenda olea deſtillata, in quibuſtamen camphora fuerit diſſoluta, & erit paratum.

Hoc in plumbeo aut vitreo retinaculo bene clauſo, inque frigido ſeruata vſum, quem mox declarabimus.

BREVIS DIRECTIO SEV METHODVS PARTI-

cularis, declarans ſupradictorum Bezoardicorum vſum ad ſe præſeruandum & curandum, tam à venenis & intoxicationibus, quam pluribus aliis affectibus.

Quamuis medicamenta Bezoardica, varia, vereque polychreſta ſua proprietate, benignaque operatione multis aliis internis præferantur medicaminibus, iſque qui ne extremis digitis quidem fundamenta artis attigerunt, ſæpè illorum fruantur ſucceſſu quod iampridem in præſatione huius libri ſatis demonſtratum eſt: nihilominus ad genuinum, directumque ipſorum in venenis, aliſue Chronicis compoſitiſque affectibus aſſequendum vſum, methodicè, rectaque ratione ea adminiſtrentur neceſſe eſt: idque non ſolum conſiderando in genere ipſorum naturam, facultatem & doſin; ſed quibus aliis medicamenti vſus ipſorum propriè proſperandus ſit, & dirigendus, ſecundum diuerſas Artis indicationes & Regulas. Exemplo res fiet maniſeſtior.

Si quis agrotet ex ſtomacho caco-chymico, craſſis & deprauatis humoribus repleto, purgandi vtiq; neceſſitas vrget, antequam Bezoardica injungas, modo tempus vt alia non contra indicent; Alias cum ratione inſanires, aq; ac ſi

quis conclauet, inſenſo à ſætere alicuius excrementi, alteriuſue rei malè ſætentis, correcturus Thymiamata velut Diis ſacrificaturus circumcirca faceret, intacta interim relicta ſætente illa ſorde, vnde bono odore nihil ſuperante malum, aër nihil minus infectus remaneret, vt antea.

Exiſtente plethora ad phlebotomiam procedas neceſſe eſt, ad diminuendum ſanguinem; alias Bezoardicis com meatuſ minus eſſet tranſeundi, nec operationem perficiendi ſuam. Si curam geras hominis alicuius gulofus, potationibus, aliſue cupedis dediti, regimen victus ordinatum inſtituendi ipſi ſcientiam habeas. Similiter ſi qua, domitiſ grauib; affectibus beneficio Bezoardicorum, ſymptomata quædam interna; externaue ſuccenturientur, occurendum ipſis mature eſt debitis appropriatiſque remediis. Et ita omnes aliæ reſpiciendæ ſunt circumſtantiæ, ad integre reſtituendos conſolandofque miſeros agrotos. Et ſi enim ea laude, quam ſupra perſtrinximus, Bezoardica dignemur, mens tamen noſtra minime eſt, abſolutam ipſis proprietatem ac ſi omnibus affectibus, neglectis aliorum remediiorum, & regularum auxiliariis copiis, ſecurim iniicerent, attribuire velle. Nec enim eundem cum Alchymiſtis funem trahimus, idem de incognito & inuiſibili ſuo Philoſophorum lapide ſomniantibus. Ad quem poſſidendum vana, proſanaque ſpe lactati atque illaqueati, iniqui naturæ coſtores, noctes atque dies turpiter terendo, quicquid poſſident, dilapidant, expectantes interim ipſius aduentum & ſuccurſum, veluti Iudæi ſuum Meſſiam. Quandoquidem igitur proximo meo pro ingenij modiolò gratificandi deſiderio tenerer, præſentem hanc methodum in quibuſdam pertextere volui, qua in prætereundo longas cauſarum morbiſicarum enarrationes.

Prognosticationes, regulas Diæticas, res non naturales, aliaque similis argumenti, quæ ad perfectam Methodi omnium affectuum corporis humani traditionem pertinent, breuiter tantum declarabo, quæ Bezoardicorum nostrorum usum concernere principaliter visa sunt. Idque pro Filiis doctrinæ ingenij aliqua perspicacitate præditis: Quantum enim ad alios, quamuis omnia ad viuum usque rescandî & explicandî studio & cura integrum annum me macerasset, anceps tamen essem adhuc, ad eiusmodi res ipsorum tenebrosos oculos, quorum radiis forte occæcari possent, obijcerem.

CAP. I.

Quomodo per bezoardica à venenis fiat præseruatio.

DVæ sunt principaliter rationes à venenis se præseruandi, tuendique secundum doctorum sententiam: Una prophylactica variis regulis & observationibus consistens, quibus nimirum illa & cognoscuntur & declinantur, de qua scriptum à multis abundè est. Altera therapeutica, quæ nititur certis quibusdam antidotis, cuiusmodi illud Regis Mithridatis erat, ad venenum iam conceptum expellendum vincendumque idoneis; Quæ ipsa ratio multo tutior & certior priori. Quandoquidem enim Diabolus omnis improbitatis pater ad eò subtilem intoxicandî artem discipulis suggerit suis, ut illis (spreta omnium medicorum cautione) veneficio occultè quoslibet inficiendi nihil sit facilius; ratio utique patet, quare internis specificis Alexiteriis securius confidendum sit, quàm incertis & fallibilibus prophylactica præceptis; Nihilominus tamen & illa suo modo obseruanda erunt; quatenus nimirum cibos, potiones, odoramenta aliaque veneno infecta homini per

imprudentiam internecionem afferentia interdicunt.

Quantum ergo præseruationem attinet: si quis assiduo venenorum metuat pericula & ab illorum successu securitatem exoptet, sequenti se subiiciat ordini necesse est.

Primò persuasum sibi habeat omnes afflictiones & miseras propter transgressionem homini impendere, omnes è contra prosperitates animi & corporis à Deo esse omnium rerum creatore & directore. Et propterea quemque inprimis in id incumbere decet, ut de remissione peccatorum sollicitus, firmiter sibi propositum habeat ad Deum se conuertendi, inque meliorem se recipiendi frugem, ad benedictionem scilicet demerendam largiorem super id, cui tanquam medio manum adiuuere cogitat. Illa enim est, quâ sine proculdubio nihil auspiciò, nihil utiliter cedere potest.

Postea medicinam quod attinet, si dictis Antidotis vsurus quispiam crudis abundet humoribus, purgationem inprimis aliquo, vel vomitorio, vel etiam cathartico molietur, ita ut natura humorum, locus, *idiosyncrasia* corporis requirunt. Id quod decrescere potissimum Luna, ad vltimam Lunæ quadram, felicius succedet.

Factâ purgatione, vena dextri brachij media secanda dummodo tamen nihil mali in eo, quod impedimento sit; Quo in casu altera eiusdem nominis in sinistro brachio aperienda, ad mediocrem sanguinis euacuationem, plus tamen aut minus, pro habitus corporis diuersitate, aut secundum quod quis phlebotomia antea assueuerit.

Duabus hisce euacuationibus præmissis patienti dosis exhibeatur Diasolis nostri, pondus nimirum 8. 12. vel 15. gran. plus aut minus. secundum vires ipsius, manè antequam è lecto surgat, sudetque per horam aut ulterius, quantum ipsi

ipsi ferendo satis est, ne dissoluatur nimum: Eoque ipso die, vt & sequenti, aërem frigidum studiosè fugiat. Sudore ita provocato, altero post die, sub auroram 5. vel 6. grana eiusdem Bezoardici, nihil tamen ad sudandum se componens hauriat, & hoc singulo die postea vel ad minus tertio quoque die hebdomatim per annum integrum vel biennium, vel etiam per totum vitæ decursum, quamdiu intoxicationis pericula timet, continuet.

Confectio ista Diasolis commodè assumi poterit, instar Theriacæ vel Mithridatij vel etiam deglutiri, vt pilulæ, ad quæ formam effigiandam, vt & consumendam fluxibilitatem, modicum pulueris rosarum exiccatarum admisceatur. Contemperare etiam poteris cum conferua Majoranæ pro phlegmaticis; obseruando tamè quantum cuiuslibet assumpseris, vt ne de conueniente Diasolis dosi, quæ quotidie vsurpando 3. 4. 5. aut 6. grana pro differentia corporis nunquam excedit, dubius postea hæreas.

Quod superest qui huic se credidit medicamento, bono victus regimini studeat oportet, cauendo sibi à crapula, ebrietate, luxuria, melancholia, cholera, violentis exercitiis vt Venere, &c. Hæc enim singula viscerum & partium nostri corporis œconomiam destruunt, functiones vitales animales & naturales dissoluunt, corrumpendoque viles humores, breui totum corpus distemperant, adeoque certè, optimis licet contra positis Antidotis, ad facilius intromittenda venena disponunt.

Quemadmodum enim bonum semen in sterilem terram projectum salubrium fructuum messem minus apportabit; eodem certè modo Antidota Bezoardica optatos minus expedient effectus, in corpore valetudinario & distemperato.

Qui sanguine & cholera abundant, temperatam semper obseruent Diætam, vinum nimis vaporosum & forte, tam su-

percalefactionis ipsius corporis, irritantique humoris, quàm ipsius medicamenti sua natura satis calidi ratione, diligenter euitent. Quin imò, per totum frigidam potius quàm calidam ad corpus eiusmodi in sua temperie retinendum amplectenda victus ratio est.

Pro phlegmaticis & Melancholicis contraria potius eligenda sunt; hæc tamen adhibita *euangelica*, vt melancholicos, emaciatos nimum, attenuatosque ad paciores, vini præsertim generosi, ciborumque calidorum vsum, quàm Phlegmaticos & Plethoricos adstringas. Non enim tam necessarium est, ad Melancholicorum frigidam respexisse crasin, vt illa ad calidam reducatur, quam vti siccus, squalidusque illorum habitus, obstructions & debilitates mediocriter calidà, humidà & restaurante diætà humectentur, deoppilentur, reficianturque.

Quilibet ita certè persuasum sibi habeat, si Diasoli nostro ad se tuendum contra venena ad præscriptam normam vsus fuerit, maiores quàm a quolibet alio Antidoto expectari possunt successus, se oppidò experturum. Nam assidua ipsius assumptione omnes corporis humores, imò & spiritus essentis illis alexitericis, cordialibus, anodynis, balsamicis, ex quibus constat, ad eò imprægnantur, vt si quanculum postea venena se insinuent, illorum vires statim reprimantur, cor ab ipsorum malignitate, omnesque similiter partes totius corporis liberatæ triumphare possint. Pariter efficacem præseruationem nihilominus etiam vnguentum nostrum Bezoardicum, quotidie, vel tribus, in septimana diebus, illinendo pulsu, brachiis, naribus, regioni cordis, spinæ dorsi, volæ, manuum, plantis pedum, pollicetur.

Integrum cuilibet sit, quod velit, eligere, modo in viuendi ratione, quam præscripsimus, præuarcationem fugiat.

C A P. II.

De Intoxicationum Curatione.

Quoniam difficillimum est, quando quis intoxicatus est, quâ veneni specie hoc factum sit, cognoscere, & propterea impossibile, particularem aliquam secundum naturam, qualitatemque veneni instituere curationem. Ideoque confestim Medicos eiusmodi remediis curam aggredi oportet, quæ quasi generale omnibus venenis indixere bellum, ad evitandum majus periculum, quod dilatando, inquirendoque in alia specialiora interim irruere posset. Id quod sæpe sapius vsu venit, dum nimirum Medici rixantur inter se de veneni natura, miselli ægroti expirant, aut in Chronicos desperatissimos, & incurabiles planè incidunt affectus.

Ad curandum ergo beneficio nostro-
rum Bezoardicorum eiusmodi ægrotos, præterquam quod citò citius ad remedia festinandum est, tria insuper velut prima capita obseruare oportet.

Primò: Venenum è corpore iterum eliminandum est, ne ad cor vsque subrependo malos ibi parturiat fructus; spiritumque vitæ suffocet. Postea particularibus medendum erit affectibus superstiti-
bus nimirum post expulsam venenum in illis partibus, quas transiit.

Denique pro colophonide adijcienda, corroborandum corpus, rescindendumque vt sequitur:

I. Quando in homine bene constituto post cibum vel potum, vel odorem cuiuscunque rei admissum, ex subito insulantibus symptomatibus, veneni suspicio oriatur, ad rejiciendum è corpore venenū, intercludendūque ipsi aditum ad cor duæ potissimum intendendæ operationes sunt: Ad concitandum vomitum scilicet; & proliciendum sudorem.

Primæ intentioni satisfiet alterutro subsequen-
tium vomitori-
orum.

℞. Flor. Antimonij iij. iiij. v. vel vj. gr.
prout vires patientis sese habue-
rint.

Conseruæ Flor. violar. ʒ ij.

Misce, fiat Bolus, ægroti simul & se-
mel offerendus.

Vel dissoluendus in aqua Borriginis
vt hauriatur potus. In defectu tamen
Florum Antimonij hoc aliud similes ferè
efficaciæ erit.

℞. Salis Vitrioli ʒβ. magis aut minus
pro viribus patientis, & sto-
machi repletionem.

Aquæ succi cardui bened.

Syrupi violarum, ana ʒj.

Misceantur & aromatisentur cum
Aqua cinamomi.

Secunda intentio (postquam æger iam
vomuerit) duobus modis absoluitur. Pri-
mò, corpus patientis vnguento nostro Be-
zoardico benè obliniatur, in locis nimi-
rum suprâ manifestatis, idemque ægrum,
vel in lectum vel calidum hypocaustum
collocando, singulis quatuor horis, donec
evidentibus signis de mortificatione ve-
neni eductos fueris, reiteretur. Secundò,
si vnctio ad optatum minus cedat, exhi-
benda sunt duæ vel tres Doses Diafolis
per interualla suprâ posita, eo vsque
identidem procedendo, donec omninò
decanteretur expellaturque venenum.

Hæc tamen dum fiunt, his duobus
ctiam instructum oportet esse Medicum.

I. Difficuler vomenti ægro (vnde-
cunque siue à naturâ proprietate, siue hu-
morum indispositione illud oriatur,) sæ-
pe exhibeatur de prisana cum hordei
itemque paslularum iusta quantitate præ-
parata, cui quotiescunque administrandæ
tantillum butyri recentis vel olei amy-
gdalarum dulcium misceatur. In defectu
eius, ad opem ferendam si brevis hora est,
eius loco assumatur iusculum carnis, vel
etiam serum lactis cum modico butyri.

recēntis. Alterum est, quod ægroto per sudores continuos imbecilli reddito succurrendum sit, spongiis Aceto rosato imbutis, naribusque admotis, itemque etiam administrando cochlear j. vel alterum iuseculi restaurantis, in quo dissoluta sit portio Gelu Cydoniorum, vel syrupi succi Cydoniorum. Et hæc quantum ad veneni expulsionem.

I I. Quamuis cura veneno insectorum primario in veneni proscriptioe sita sit, vt supra declarauimus; nihilominus, cum expulsio ista tam prosperè nunquam abeat, vt ne vel vna, vel altera pars, magis aut minus mali quippiam alterationisue inde contraxerit; saepe accidentia quædam particularia, quibus remedia adferre omninè ex usu est, & necessarium, relinquuntur. Multa quidem ea esse possunt, magis tamen familiaria quinque; Cordis deiectio, imbecillitas Hepatis, compressio stomachi, inflammatio Renum, & calor intestinorum præternaturalis.

Quibus extirpandis duplici vtendum est ratione: Vna ex parte, remediis specificis appropriatis; Ex altera certà diætâ eo vsque nimirum protensa, donec integrè patiens fuerit restitutus, velut sequitur inferius.

Contra cordis deliquia.

- ℞. Conseruæ fol. Melissæ vnc. iij.
Magister. corall. rub. scrup. ij.
Chrysobezoar scrup. j. Misce.

De qua compositione æger singulo manè ieiunus, vesperi etiam cubitum iutus drachm. j. vel ij. assumat.

Ad imbecillitatem hepatis.

- ℞. Conseruæ Rosar. rubear. vnc. iijj.
Olei Vitrioli vngarici rectificati
gut. xxijj.
Misce. Dosis drachmæ ij. manè &

vesperi vt supra. Circa regionem hepatis sequens applicetur Emplastrum hepaticum.

- ℞. Tincturæ flor. Hypericonis in consistentiam picis liquidæ redactæ.

Sapæ Cydoniorum.

Succi rosarum rubear. condensati ana vnc. j.

Cera alba

Terebinthinæ Laricis in aceto rosaceo lotæ.

Ol. Cydoniorum ana vnc. j. & drachm. ij.

Santali rubei Subal. pulu.

Coralli rub. more ordinario præparat. ana drach. vj.

Granorum Tinctorum.

Lacrymæ Draconis ana drach. iij.

Cera, Terebinthina & Oleum mi-

isceantur simul ad ignem in sartagine absq; ebullitione; Tum ab igne remouendo tam diu agitentur, quousque incipiant refrigerari. Postea succi affundantur condensati, & cætera subtilissimè puluerisata, perque cribrum missa misceantur inque olla vitreata terrea ad vsum referuntur. Est enim medicamentum externum; si quod aliud, ad confortandum iecur præstantissimum. De quo propterea quilibet Medicus sibi pro necessitate semper præsto aliquid habeat. Emplastro tamen hoc præ manibus non existente, vel sumptibus & tempore ad illud præparandum non suppetentibus, alia communiora ad hunc vsum adaptanda sunt remedia, cuiusque pro libitu.

Ad compressionem stomachi.

- ℞. Pulpa Cydoniorum condit. vel Gelatinæ Cydoniorum
Conseruæ Florum Betonicæ ana vnc. ij.
Diapelsis gr. xxx.
Tincturæ croci gr. x. Misce.

Æger manè & vespèri drachmam vnam assumat, Cavitatem pectoris inungat modico vnguenti Bezoardici vesperi, duabus ante Cœnam horis.

Contra ardorem Renum.

R. Succ. Plantag.

Portulacæ ana vnc. iiij.

Seminis Papau. albi contusi vnc. s.

Lactis vaccini recent. lib.iiij.

Ad ebulliendum collocentur supra ignem in olla terrea vitreata, statim vero quando inceperint bullire, auferantur misceanturque Aluminis Rochæ scrupuli quatuor, dissoluti in tantillo aquæ rosarum. Frigida colentur, addanturque sacchari optimi cum albumine ouorum, si opus, clarificati, vnciæ tres vel quatuor, aromatisentur vltimò aquæ cinamomi 6. vel 8. guttis. De hac potione bis terue in die patienti bonus propinandus est haustus tepidiusculè. Ardor tamen nimius circa regionem Renum tali mulceatur linimento.

R. Seminis papau. albi

Psyllij ana ʒss.

Cydoniorum ʒij.

Aquæ rosarum ʒvj.

Fiat emulsiò f. a. deinde adde

Ol. Nenuphar.

Lilior. albor.

Rosar. ana ʒss. Misce.

Aliud.

R. Lithargyrii auri pulu. ʒj.

Aceti rosacei ʒiiij.

Acetum calefactum superfunditur Lithargyrio, misceturque agitando paululum cum spatula.

Postea infusa per tres vel quatuor horas per inclinationem colantur quàm potest, clarissimè, miscendoque lithargyrio in mortariolo plumbeo olei rosati vnciasij. Linimentum inde conficitur album & subtilissimum, quod felici cum

successu ad prædictum malum vsurpabitur.

Contra Intestinorum calorem.

Calor intestinorum, qui venenis succedere solet, regularitèr ab excoriatione illorum prouenit, producta à venenis intestina sua pruritione permeantibus. In curatione ipsius non solum ad refrigerandum, verum etiam ad consolidandum dirigendus scopus est. Quod vt fiat :

R. Fol. Violar.

Maluæ ana Manip. j.

Alchimillæ

Summirat. Hipericonis ana manip. s.

Bulliant in fero lactis quantum ad vnc'as decem decoctionis sufficient.

Colaturæ adde.

Mellis Mercurialis ʒij.

Pulpæ Tamarindorum ʒj.

Butyri recentis ʒj.

f. Clysmā, toties Patienti iniiciendum quoties necessitas postulauerit. Et si calor fuerit exasperatus valdè, singulà vice adungere poteris ʒj. Aquæ Aluminis Rochæ in arena lento igne, ne spiritus acres, subleuentur, destillatæ. Loco etiam Aquæ Aluminis Rochæ, aqua spermatis Ranarum commodè substituitur. Varia enema ta ad propositum conferentia præparari possunt, ex quibus eligendi cuique integrum esto iudicium

Hæc sunt illa medicamina, quæ contra supradicta symptomata breuì suggerere volui, quibus vtendum, secundum quod circumstantiam concesserint. Vnicum namque si se prodiderit symptoma, vnicum etiam medicamentum opponendum ipsi erit. Si vero multa: verbi gratia, affectus cordis & stomachi, remediū tentandum pro corde sub auroram oriente sole; sub occasum duabus ante Cœnam horis, aliud pro stomacho. Hepate & stomacho simul affectis, stomacho manè

prospiciendum erit, jecori interim rectificando supradictum accommodandum Emplastrum. Insuper si malo renum, intestinorum affectus esset implicatus, medicamenta interna & externa Renibus administranda forent, sub serum nihilominus alioque tempore Clysmate injecto; Et sic pro reliquorum symptomatum differentia etiam gubernanda utique erit curatio.

Quod si verò necessarium visum fuerit corpus euacuare, intrinsecus præ cæteris omnibus hoc in vsum veniat catharticum.

℞. Rhubarb. elect. ʒj

Aquæ succ. Cichor. ʒiiij.

Infundantur per 3. aut 4. horas, & in colatura dissoluatur.

Mannæ calabrini ʒj. f. potio.

Propinetur patienti manè jejuno stomacho, itemque etiam post horam iusculum carnis vitulinæ sorbeat, vel serum lactis tepidum modico sacchari adpersum, accelerandæ operationis causa.

Sed & hoc alterum huic indicationi inservit.

℞. Syrup. rosat. sol. ʒj.

Cass. recenter extract. ʒʒ

Cremoris tartari ʒj.

Aquæ succi sumi terræ ʒiiij.

Aqua prius paulisper calefactâ, miscantur inuicem, stentque ita tres quatuorue horas, & interea cassia fermentando mucidum euomet excrementum; Benè cola, & corrigere tantillo aquæ cinamomi.

Pro illis ipsiis qui potionum respuunt formulas, eligendum Extractum Rhubarbari est, præparatum scilicet cum succo pomorum dulcium, idque in Bolo vel pilularum forma. Et vt multa paucis comprehendam: Rhubarb. Manna, cassia & Syrupus Rosat. hoc in casu omnibus aliis longè anteferenda sunt.

Quod spectat phlebotomiam, vena incidenda minimè est, antequam corpus ritè purificatum, & à veneni suspitione

liberatum fuerit. Hoc verò si præcesserit, & nihilominus perseuerarint symptomata, in corpore plethorico, si vel febris, vel inflammatio cuiusdam partis ex sanguinis abundantia metuenda sit, illam administrandam non nego, modo id fiat prudenter & κατὰ λόγον.

Iam ad Diætam, quæ Medicamentorum prædictorū indiuidua quasi pedissequa debet esse. Habita ideoque ratione imbecillitatis functionum vitalium & naturalium, itemque ardoris plerumque in corpore, exterminato quamvis veneni residuo, æger istiusmodi tractetur cibariis, quæ εὐχρημα sint & εὐπεπτα, humectantia & lenitiua, vt sunt caro vitulina, agnina, hædina, gallinacea, perdicum aliarumque campestrium auium, ova recentia & præcipuè iura dictarum carniū cum Butyro recenti elixarum. Similiter ptisana seu cremor hordei, iusculum cum pane minuto, butyro recenti vel oleo amygdalarum dulcium nuper expresso accommodatum. Ex piscium genere eligantur Trutta, perca, alii que similes, itemque gammari fluuiorum: Quamuis enim illi ipsi aliquantum difficilioris digestionis sint, mitigatoria tamen facultate & nonnihil etiam restaurante proprietate, venenisq; resistente pollent, cuius gratia, nemini appetenti deneganda puto. Ex fructibus hisce ægrotis nulli plus utilitatis præstant, quàm poma dulcia assata super prunis; Ex conditis verò amygdalata, pistaciata, pignolata recentia, itemque pasta saccharata ex pomis dulcibus & cydoniis &c. Potus esto ordinarius cereuisia mediocris, sapore nec amara nec acris, nec ingrata, cui, si deficiat, bona ptisana de hordeo & pafulis, tantillo aquæ Cinamomi aromatisata substituitur; Vinum vitetur prorsus, quousque nimirum ardoris, erosionum punctiōumque internarum aliquis sensus. Si qua tamen, quocunque id fiat modo, vsum istius concedere cogamur, vi-

num illud sit album, ἀλζορόγον, bene maturum, dulcedinis potius quam alterius qualitatis particeps, dilutumque aquâ distillatâ succi Borrag. Buglossæ aut pimpinellæ domesticæ. Et tantum pro Diæta.

Denique pro tertio, postquam iam à venenis omnibusque symptomatibus liberatus fuerit æger, ad confirmandam penitus curam, corpusque corroborandum, exhibeantur xv. aut xx. dies continuos singulo mane Chrysobezoardici nostri duo aut tria grana, in cochleari syrupi Cydoniorum. Quibus simul cura adjungenda est, ut ne ventis, pluuiis, aëri in salubri vespertino exponatur, abstinendo ab ira, Melancholia, & quæ perniciosissima sunt, Ebrietate & Venere. Ita sensim & sensim ad pristinam viuendi rationem prosperpat. Subito namque hic procedendo discedendoque à præscriptis regulis, metus erit, ne propter alterationem præcipientem in alia grauiora mala incidat, Catharrum nimirum suffocatiuum, colicam, hydropem, febrem chronicam, phthisin & id genus alia.

C A P. II. I.

De usu Bezoardicorum ad præseruationem pestis.

Quantumuis pestis omnium, qui genus humanum adoriri solent, affectuum vehementissimus, contagiosissimus, & difficillimæ curationis sit, tam propterea, quod flagellum diuinæ super peccata indignationis, ordinariis naturæ Artisque remediis minus cedat, quam quod venenum adeo essentialè & ἀσπόμεγον cor Arcem vitæ præoccupet, antequam medicamentis quis præuenire possit: Nihilominus tamen sæpius obseruatum est, fauente hoc contagio, Deum ad demonstrandam infinitam Misericordiam, mitigando scilicet iram suam in mediâ clade ita benedixisse remediis naturalibus,

ut beneficio illorum infiniti, salui & incolumes magna Medicorum admiratione euaserint. Propterea omnibus Christianis tempore huius infectionis inprimis recurrendum est ad fontem Medicinæ, vnde nimirum vera aqua vitæ scaturit, secundum quod scriptum est: Venite ad me omnes qui sititis, &c. & hoc nomine adhibitis medicamentis expectent eorum effectus ad DEI benignam voluntatem, iam timore, humilitate, precibusque perseuerantes; Ita minimè dubitandum erit, ipsum tanquam patrem Misericordiæ erga pœnitentes, auxiliūque ab ipso petētes in mediis angustiis furorem iræ suæ remissurum, & gratiam abundanter largiturum. Nam quemadmodum Auicenna i. Metaphys. quamuis à Christianismo alienus, testatur: Ira DEI reconciliari potest sanctis deuotisque precibus.

Remedia ideoque contra pestem vsurpantur dupliciter: Primò ad se præseruandum à tali infectione; Secundò ad restituendum iam tum infectos. Ad præseruandum autem illos qui nec debent, nec volunt, nec possunt de loco infecto abire, ij nostris Bezoardicis fruantur duobus modis.

Primò, singulo mane accipiant Dosis. Diasolis de quo cap. i. absque venæ sectione, purgatione aut diaphoresi, nisi necessitas ad id vrgeat, idque continuare oportet, quamdiu grassetur pestis.

Alter modus, ut pulsus carpi, nares, tempora in omni aurora illinsantur vnguento Bezoardico, antequam foras se recipiant: Ex his duobus quilibet eligat quod velit; verumque enim satis est ad defendendum corpus à corruptione pestilentiali, quantum naturæ possibile est.

Insuper multum refert etiam, scire quomodo aër domesticus vel cuiuscunque loci in quo subsistimus, beneficio suffumigij purificetur; Ad quod commendando sequentes Trochiscos.

℞. Flor. sulphuris

Myrrhæ electæ ana vnc. j.

Balsami Peruuiani odorati q. s.

Ad formandos Trochiscos. De quibus super carbones positus excitetur fumus quotidie, vel ad minimum alternis diebus, intereaque donec fumus cesset, in aliud conclave te conferas.

In defectu Balsami Peruuiani cætera duo ingredientia nihilominus adhibeantur mixta & incorporata cum sapa granorum Iuniperi; vel etiam flores sulphuris solum possunt vsurpari.

Vix enim in rerum natura simile his remedium, (propterea quod sulphur in se ipso contineat Resinam mineralem, verumque Balsamum terrestrem, qui nunquam corrumpitur, aut vires suas perdit, quod aliàs Resinis, Gummatibus, liquoribus & Balsamis vegetabilibus commune est) ad depurandam aëris corruptionem, reperietur. Id ipsum præterea ignis est potentialis, facultate sua ignea consumens omnia venena, vti Medicorum anatomiarum rerum naturalium peritorum schola vnanimiter testari poterit. Sulphur debito modo mixtum cum pice, subductum lignis, non permittit, ea aut à ventis, pluuiis, aliisque externis iniuriis putrescere, aut vermibus esca fieri, quamdiu ita feruentur. Vapor seu fumus ipsius debito instrumento in Aquam corruptam penitus turbidam, præcipitatus, intra paucos horas ipsam fermentat, omnesque impurities ad fundum deiciendo clarificat, & purgat ab omni terrena illuue. Fumo Sulphuris dolia vinaria veluti coniunguntur, quo longius in ipsis sine corruptione perdurent vina; Quin imo quæ à naturali perfectione ex parte declinauerunt, turbidaeque existunt, hoc modo pristino splendori bonitæque restituantur. Id quod ænopolæ testimonio suo facile comprobabunt. Eodem quoque fumo Tinctorum serico crudo splendorem puritatemque argenti fere amulatricem conciliant; Famellæ Venetianæ maculas ex

vino rubro (quod inprimis Itali valde amant) mappis mantilibusque impressas eo ipso dextre eluunt; Quædam etiam solo dicti vaporis beneficio capillos albos splendidosque præstant, quibus, & iis quæ, si breuitas pateretur, adduci ulterius possent, nemini non persuasum erit, Sulphur mediante acido suo fumo, aërem quoque mundificare, omniaque ipsius *mixta* separare & consumere posse.

Sic diuinus senex tum temporis quando Athenienses horribili peste ex Græcia affligebantur, integram sylvam combussisse fertur, vti calore istius flammæ, vel fumo etiam arborum lignorumque odoratorum prædicta infectio consumeretur, idque sælici cum successu. Quod dum ita fiat, quæ dubitatio restet, quin fumo sulphuris, ignis adeo virtuosus, & balsamicus, aër quoque alicuius domicilij alterati, eoque inhabitantibus sanitas vel restitui vel conseruari possit? Equidem omnes Medici Nosocomiis præstituti ex prædictis causis in id sedulo tent operam, vt continuo sulphuris suffumigium instituantur. Cætera siquidem quæ communiter ad hoc vsurpantur, facultatibus suis minus paria sunt tam subtili acutoque veneno.

Nec possum hoc in loco propter pauperes silentio inuoluere, quod sulphur sublimatum in omnibus fere Europæ officinis vili pretio redimendum, ad pondus scrupuli vnus vel drachmæ semis secundum quod vires permiserint, cum modico aceti vini vel oxymellis assumptum, liberalem excitet sudorem, totumque corpus subtili vapore suffundat, vnde & aër internus & sanguis, simili, quo supra dictum est, modo egregie mundificatur, ventileturque.

Multis hæc infixa opinio est: quod tempore pestis purgatio instituenda sit venæque sectio, in iis, quibus corpus natura cacochymicum, corruptisque humoribus coinquinatum, eam nimirum ob causam, vti corpus ab immunditie vindic-

cetur, & consequenter focus auferatur, in quo ignis pestilentialis flammam facile alias conciperet.

Certum tamen est, nullum catharticum corporis natura impura prauisque humoribus repleti illuuiem adeo radicitus tollere, vt ne simul aliis succrescendi subinde relinquat occasionem. Præterea eo dirigenda ratio est, quod cathartica turbando corpus non deprauatos solum humores exonerent, sed & viles simul sucros, vnde partium exinanitione facta meatus hient, Spiritusque viribus fractis ægrotent, & sic corpus tanto procliuus ad attrahendum venenum reddatur. Talis enim conditio omnium partium est, vt proportionem humorum naturali dirempta, vapores, æremque contagiosum magis admittant, quam si plenæ ipsorum extiterint. Id quod à pluribus obseruatum est, qui huic innixi fundamento (nullo ad cacochymiam respectu habito) nunquam foras se receperunt, tempore contagij, nisi vel pastu & vini vel cereuisiæ haustu resecti antea, sentientes eo ipso se præseruari ab omnibus infortuniis, quibus alias jejuni fuissent expositi.

Illis ergo, qui imbecilles, nec purgationibus affucti sint, licet cacochymicis, purgationes minime arbitror conuenire; **Quin** potius Bezoardicorum beneficio corpora, humoresque ipsorum tanquam balsamo muniantur, & putrefactiones corrigantur. Attamen si corpus Cacochymicum obuam fiat, adhuc robustum venenoque minus vastatum, & quod accidere potest, definitis purgationibus affuetum, illam ipsam curationem mereri non nego, ne scilicet à consueta actione subito deducendo agrum, exitium magis, quam auxilium accersamus.

Quo in casu sequens pilularum descriptio inferuiat:

℞. Infus. Violarum
Succi rosar. pallid.

Sacci Cichorei

Borrag. ana li. j. vnc. iiii.

Aloës lucidæ lib. i.

Infundatur Aloës in B. M. sex vel octo horas, postea per distillationem separando humiditatem, in consistentiam picis quasi, vt pilularum formationi congrua sit, redigatur, cuius singulis vncijs adde; Tincturæ Rhubarb. per aquam è succo cichorei extractæ & ad consistentiam solidam redactæ. Scrup. iiii.

Tincturæ Croci per Aq. Rosarum extractæ. scrup. ij.

Balsami Peruuiani odorif. scrup. j.

Flor. Sal. Communis more Spagiorum sublimat. scrup. f.

Omnia simul in massam conformata, oleoque amygdalarum dulcium oblita cum pelle ouina fictili vitreato vasi committantur vsque ad vsum. Pilulæ hæc materiam sæculentam è centro vsque expurgant, sine humorum attractione vel perturbatione, alimentorum putrefactioni resistunt, & cordi robur conciliant.

Dosis earundem est à scrup. j. ad drachmam semis, ante cenam singulo quinto die aut menstruo spatio semel. **Qui** tamen sapius vti illis velint, ad alui segnitiam solummodo tollendam, singulis septimanis semel bisue accipiant.

Phlebotomiam quod attinet, vtilem illam in corporibus languidis & desolatis nullo modo arbitror esse, modo non euidens necessitatis lex contrarium suaserit. Bezoardica siquidem ad rectificandum sanguinem omnibus phlebotomiis palmam præripiunt; Illa enim sapius administrata sanguinem deteriore magis reddit, quam quod quicquam commodi alterius præstet. Quod reipsa videre est, in iis, quibus sæpe sanguinem mittendo, sanguis tanto serosior postea, pallidior & imperfectior affluit. Cuius rei causa neminem Medicum tam plumbei iudicij existimo esse, cui non cogitanti statim obuia veniat.

Quod

Quod sit tamen persona athletica, robustaque magnopere interim plethorica ad manus venerit, ad occurrendam affectionibus repletiones alias facile subsequen-
tibus, venæ sectionibus locum minime abrogo.

Dieta talis sit : Comedendum bibendumque liberius est, quantum nimirum opus fuerit ad satiandam naturam, non ad vires opprimendum ; Absint carnes porcine, lac, pisces, herbe, fructus, & legumina, quæ facillime corruptionem, crudelitatis malique sanguinis ortum promouerent. Qui vero necessitate coacti suo modo viuere minus possunt, firmiter sibi persuasum habeant, diuinam benedictionem, optimum ciborum condimentum, simplicem & frugalem cibum pauperibus æque salubrem quam dubiam diuitum cœnam præstiteram.

Cæterum Venus & Bacchus, Melancholia & cholera moderata omnino sint, illis præsertim qui valde à peste abhorrent.

C A P. IV.

De vsu Bezoardicorum ad curandum pestem infectos.

NOtandum ab initio est, duas pestis species esse ; vna grassatur duntaxat intra corpus : Altera foras protrudit sub eum pustulas, furunculos, Apostemata, Carboresque pestilenciales. Prima appellatur pestis interna ; Secunda externa quamuis & hæc principaliter interiora viscera inuadat, suamque originem inde deducat non minus quam alia. Secundum hanc igitur differentiam, Medendi quoque methodum diuersificari oportet.

DE PESTE INTERNA.

Curatio internæ pestis in duobus consistit potissimum. Primo veneno
Ang. Sala.

iniciatur frenum, illudque è corpore proscribatur. Secundo symptomatibus, postquam iam veneni nulla amplius suspicio, securis injiciatur. Illa enim, malignorum suorum effectuum ratione, igni optime comparari possunt, qui arborem apprehendens subito tantam refert stragem, vt licet in continenti fere extinguatur, nihilominus tamen vix mica naturalis potentie ad pristinum vigorem in arbore relinquatur.

Venenum expellimus, ægrotorum ab initio statim sequenti potione tractato.

℞. Diasolis x. xv. xx. vel xxv. grana ad conferentiam scilicet ægroti, considerando utique, maioribus ad expellendum è corpore venenum viribus, quam ad prohibendum, ne se insinuet, opus esse.

Spiritus Vini rectificati drachmas ij.

Syrupi succi Cydoniorum vel Citri vnc. j.

Mixta patienti propina & sudabit satis fortiter. Post quinque horas dictam repetere potionem, si opus fuerit, atque iterum sudorem prouoca, donec nihil intus veneni adsit amplius. Vicem huius potionis commodè supplere posset Vnguentum Bezoardicum supra citato modo adhibitum. Quod si quis ægrotat, nimis tenellus & medicamentorum abstemijs, vt neque saporem neque odorem ferat ; superiorum loco, Chrysobezoar iij. iiij. v. vel vj. grana pro dosi in cochleari Aquæ è succo Veronica vel cardui benedicti exhibeas, idque quamdiu necessarium ad Methodi legem iudicaueris.

DE SYMPTOMATIBVS.

Symptomata magis communia & *Solued givov* Pestis, quibus manu opus est medicatrice, sunt, Deliquia, Ardor, Angina, punctiones laterum, difficultas

anhelitus, deliria, Vomitus & fluxus ventris. Contra deliquia

R. Conferuæ Flor. Bugloss.

Gela. Citri ana ʒ vj.

Magister. Margarit. ʒß.

Croci subtiliter puluerisati grana iiij.

Olei Cinamomi gutt. ij. Misc.

De qua compositione patienti bis tertie indies porrigere per se, vel cum aqua quadam destillata.

Pariter etiam inseruiet Iulepus Cordialis sequens.

R. Aquar. Borraginis

Buglossæ

Acetosæ

Melissæ ana vnc. vj.

Syrup. Bugloss.

Borrag.

Acetosæ

De succo Citri ana vnc. ij.

Ol. Vitrioli rectificati ad aco-

rem.

Misceantur & aromatisentur cum Aqua Cinamomi, vel cum Spiritu Santali Citrini. De dicto Iulepo sapius patienti bibendum concedito.

Sed & aliud minoris pretij pro iis, qui dictis conseruis, aquisve destillatis destituti sunt, præparari potest.

R. Aquæ fontanæ libr. xij.

Flor. Ros. Rub. exiccat. Man. j.

Cinamomi opt. ʒ. ij.

Supra ignem in olla vitreata ad ebullitionem vsque cum aqua coctis, & colatis statim, (aliàs amarus adstringensque sapor nauseam excitaret,) postquam tamen refrigerint, adde Olei Sulphuris vel Vitrioli ad acoem; Sacchari item pro singula libra compositi vnciam vnam, vel semis ad minimum. Hæc duo clareta, aut quomodocunque appellare velis excellentissima sunt in peste. Nam ratione olei Sulphuris vel Vitrioli, quod ingreditur, (quod omnino corruptionem repuit, pariterque acidum suauemque præ-

se fert saporem) contrariatur corruptioni, sitim extinguit, cor confortat, omnesque alias corporis partes robore magis demulcet, quàm quivis alius liquor fructusque acidi, aliàs Medicis familiares.

Contra intemperiem calidam internam.

Deproperandum hic est, quantum potest, auxilium, præsertim ægro viribus destituto.

Quemadmodum enim stipula arida citius in cinerem ignis violentiâ reducitur, quam viride aliquod lignum; Non aliter eiusmodi corpora citius calore febrili ad internecionem marcescunt, quàm sanguinea adhuc & succi plena. Idcirco ad id respiciendum sedulo est, ut ne sitim longius ferant; Quinimo liberaliter bibant de pitana, aut suprâ dicto clareto.

Postea semel in die hanc pategoricam & refrigerantem bibant potionem.

R. Aquæ Spermat. Ranarum per Baln. destillat. ʒ. j. vel ij. secundum patientum conditionem, malique vehementiam.

Tincturæ croci grana ij. Misc.

Porrigatur ægro manè vel vespèri aliæve diei hora, quandocunque oportunitatis postulat.

Ad eundem finem R. Aquæ fontanæ poculum, dissolue in ipso Salis Nitri præparati vnciam semis, & propina ægro semel vel bis in die, vel sæpius etiam, si necessitas postularit; Curatione tamen adhibita, ne oleum Vitrioli aut Sulphuris sali petræ coniungatur; Nunquam siquidem illorum est auspicatum in corpore matrimonium. Hic potus quamvis alicui vel simplex, vel ingratus ad diuitum præsertim palatum videatur, magnarum tamen certè virium est. Refocillat Epar, totamque sanguinis massam mundificat, vrinam promouet, cōductus aperit, deop-

pilat; & deniquē vapores aſtuantes per διαπνοὴν λόγῳ θεωρητὸν abſorbet. Vſus eo ipſo ſum liberaliter; nunquam non auſpicatiſſimē. Cum in Germania alicuius, qui me multis diſcuſſationibus, equitationibusque huc illuc oneraret, officio adſtriſtus verſarer, tempore aliquando aſtino immane quantum iecur & renes propter ſuccuſſatorem equum ad calorem diſtemperatos habui, diſtam potionem aliquoties reiteraui, & aſtutum reſtinſcto calore, vrinaque de rubro in naturalem & inculpabilem colorem reduſta, melius habui. Id quod tenendum illis eſt, meum conſilium qui ſequi velint; Quorum in gratiam ſi inter illos aliqui præparatorem Nitri quidem minus intelligant, nihil obſtante, quod & alibi deſcripta reperitur, illam de nouo huc adducere volui. Salis petræ puriſſ. l. j.

Funde in crucibulo & accenſis ſuper ipſo floribus ſulphuris, donec drachma vna ipſorum ab igne deglutatur, in ollam vitreatam ad coagulandum iterum effunde. Diſſolue in Aquæ Roſarum tribus libris, per chartam emporeticam, calidum adhuc cola, & vltimò Aquam iterum lento igne euaporare ſinito, continuò interim mouendo materiam cum ſpatula lignea, donec Salpetræ iterum ſicceſcat, inque puluerem ſubtilem & album redigatur, quem ſerua ad uſum.

Contra Anginam.

Huiusmodi affectibus tria potiſſimum obuiare remedia ſolent. Primò Gargarismi frequentes ex ſale petræ, vt ſupra dictum; Item Scalpra abſterſoria, quibus lingua mundificetur; & Linctus quibus abducitur lingua, ex quorum claſſe hic inprimis eligendus.

℞. Syrupi Diamori ſimpl.

Dianucum ana ꝯ. ſ.

Sal. Nitri præpar. ꝯ. j.

Miſce ad auferendum ſubtus natam cruſtam tartaream.

Alterum eſt potus Aquæ ſuprà dictæ ſæpè reiteratus.

Tertio ſi venæ ſanguinis copia nimis turgeant vel etiam φλόγῳς ipſius in parte affecta vehemens timeatur, Baſilica ſecanda eſt in dextro brachio, & ſub lingua etiam ſi neceſſitas poſtulet, aliter minus. Continuando enim eiſmodi remedia, ſymptomata protinus ceſſabunt.

Pro quibus tamen Salpetræ præcæteris veluti ſpecificum, ob id à Medicis Salis prunellæ nomine indigitatum, non leui brachio commendamus, quamuis illud factum quis dicat, ad rem indoctis ſuſpectam quodammodo abſcondendam, probumque ipſorum declinandum. Sub morbi declinatione ſcabrities, aſperitaſque linguæ fortè ſuperſtes, adhuc Syrupis emollientibus & lenientibus de Tuſſilagine, Dianucum, vel etiam ſero laëtis, in quo flores Maluæ, violarum, Caprifolij aliorumque ſimilium bullierint, arceatur.

Ad ſomnum, Narcoticum.

℞. Majoranæ.

Saluæ.

Flor. Roſarum rubrar. ana ꝯ. ſ.

Cortic. Aurantiorum ꝯ. ij.

In puluerem groſſum redaſta acetoſorum ſambuci vel roſaceo irrorentur, itaque calefacta, duobuſque linteolis interpoſita, fronti patientis applicentur, redintegranda, ſi calorem depoſuerint.

Præterea ad ſternutandum inſuffletur naribus tantillum pulueris ſternutatorii ſequentis.

℞. Summitat. Maioranæ

Thymi ana ꝯ. j.

Rad. Angelicæ

Salis Vitrioli an. ꝯ. ſ. ſ. puluis.

Ad inquietudines & deliria.

Ægro inquietudine, perturbationibus mentis, vigiliis, capitique doloribus multum discruciato, ita subueniendum puto: Primò respicias, num fuerit plethoricus; num ventriculus nimis plus bile habeat onustum; Num aluus conumax sit egestionibus; Si enim Plethoricus, venam tunde sub pollice dextri pedis, si fuerit possibile, ad reuellendum magis sanguinem, præter naturam ad caput vsque ebullientem; Secus alia quædam vena incidenda in talos magis incurrens, iuxta prudens Medici consilium. Ventriculo plus æquo humoribus inquinato medeberis tali vomitorio.

℞. Syrupi violar.

Aq. Borræg. ana ʒ. f.

Salis Vitrioli ʒ. j. vel ʒ. j. pro re nata.

Misceantur & aromatisentur cum aqua Cinamomi pro dosi. Pro tollenda ventris constipatione cogitandum est de clystere quodam emolliente, vel supposito aluminoso, supremis ad hunc scopum auxiliis, in hunc modum.

℞. Aluminis Rochæ puluerisati q. v.

Cum Tragacantho in Aqua Rosarum soluto fiat massa, & inde suppositoria maiora minoraue, prout videbitur & exiccati finito. Ad vsum verò commodiora ut fiant, oleo Amygdalarum dulcium lubrica facta applicentur. Evidenter inde experiemini effectus non solum ad intestina à recrementis repurganda suis; Sed ad vaporum etiam amarorum calidorumque ad cerebrum vsque euoluantium reuulsionem.

E capitis dolore quod superest molestiæ, facili postea deletur negotio, administrando scilicet supra frontem tale linimentum:

℞. Emulsionis è sem. papau. albi &

Hyoscyami cum Aquâ Rosar. extractæ ʒ. ij.

Aceti Rosacei

Olei Nymphææ ana ʒ. j. Misce.

Pari modo petiæ cum Alumine Rochæ puluerisato, albumini ouorum & Aquæ Rosarum misto, retrò caput adhiberi rectè possunt. Illud enim sæpe numero magnas tulit suppetias.

Quantum ad inquietudinem debellandam, somnumque conciliandum: audacter exhibeas dosim vnam Laudani in forma pilularum, vel etiam in Aqua destillata appropriata dissoluti idque vesperi occidente sole, vel mane illo exoriente.

Ad dolorem laterum.

Quando æger de dolore ardoreque laterum, ut sæpe accidit, conqueritur.

℞. Mucilaginis, seminis Cydon. cum

Aqua Rosar. extractæ ʒ. iiij.

Aceti Rosar. ʒ. ij.

Olei Rosati completi ʒ. j.

Boli armeni ʒ. ij.

Santali rubei subtilit. pulueris. ʒ. j.

Camphor. ʒ. j. Misce

Linteolum duplicatum, intusque madefactum, & tepidum quodammodo admove: Et dolore existente prænimio, tria insuper vel 4. gr. Laudani boni ad supradictum modum præscribas.

Ad dissolutionem stomachi.

Quandoquidem symptoma hoc in ventriculus sæpe tanta irruat sæuitiâ, & ab initio morbi statim, ut nec medicamenta, nec cibus absque reiectione ingeri queant, roborationem moliri sequenti fotu necesse est.

℞. Summit. Absinth.

Majoranæ

Fol. Menthæ Crispæ

Thymi

Flor. Rosar. rub.

Fruēt. Myrtil.

Rad. Galangæ ana ʒ. i.

Puluerisata simul grosso modo, ac-
tōque rosato adpersa & calefacta loculo
siue scuto infusa superimpone extūs re-
gioni ventriculi. Frigida facta, calore,
iterum recuperato, denuō adhibeantur,
donec opus amplius non videatur. Inter-
rim oleum Vitrioli vel sulphuris ordina-
riæ ipsius potioni admisce; Vel etiam se-
quentis liquoris ad confortandum stoma-
chum præ virtuosī cochlear vnum per in-
ter valla propina.

℞. Syrup. Menthæ

Cydoniorum

Melissæ

De succo Citri ana ʒ. j.

Aquæ cinamomi opt. ʒ. j.

Olei sulphuris rectif. gutt. xij. vel
xv. Misce.

Ad fluxum Ventris.

Egrotō ventris fluxione detento, Me-
dicus etiam atque etiam cogitet oportet,
num necessaria & vtilis cuiusmodi eua-
cuatio, nec ne; neque Naturæ in suo
motu laudabili remora iniiciatur, neque
vltia limites frenum ipsi laxetur. Nam si
ex materia, quæ naturaliter excerni de-
beat, in corpore retenta, vitæ discrimen
imminere potest, pariter etiam ex nimia
fluxione illius, quo commorari intus de-
bebat pertimescendum erit. In casu ergo
profluuij præternaturalis ad sequentia
confestim properandum erit.

℞. Ol. Cydoniorum

Mastichini

De Nuce Moschata ana ʒ. ij.

Misce

Hoc linimento bis ter in dies Ven-
ter inungatur, & circa hepar Empla-
strum nostrum Dysentericum supra cap.
ii. descriptum applicetur. Quin imo,
si ex vsu videatur, dosis Laudani cum Sy-

rupō Cydoniorum semel atque iterum
exhibeatur.

Quod si tamen dicta remedia malo
huic extirpando, superuenientis fortasse
excoriationis intestinorum ratione, mi-
nus sufficientia fuerint, ad subsequētia
confugito:

℞. Caput ouinum crudum per me-
dium dissectum, linguaque exutum cum
cerebro, ad bulliendum in aquæ suffi-
ciente quantitate constitue, donec caro
ab ossibus penitus secedat. Iuri colato
statim immitte duos vel tres manipulos
summittatum Hypericonis & radicum
Tormentillæ grosso modo puluerisata-
rum vnciam j. vel ij. Infunde per tres vel
quatuor horas in cinere calido. Colatum
duabus ternis vicibus in die in forma
Clysmati inijcito, & mirabiles sese
proderent effectus; Liquor enim iste
præstantissimus est in desperatis ventris
fluxionibus, inprimis etiam vbi contin-
uis vomitionibus ægri excarnifican-
tur. His Clysmatibus etiam ægros per-
sanauī, quibus omnia corporis emun-
ctoria hiabant, adē vt nimie inaniti-
onis & dissipationis spirituum causā pe-
riculosā conuulsiones, torsiones oris, sen-
suūque deperditio plane sequerentur,
quibus insuper ne tantillum quidem ne-
que medicinarum, neque alimentorum
suggestorum intus retinebatur. Id quod
annotari hic diligentius volui, illorum
causā, qui dum hoc cum morbo consi-
stantur, coruū remedium praualeante
auxilio, forte opus sunt habituri.

C A P. V.

De peste externa.

IN peste externa, quæ nimirum foris
parturit symptomata, duæ quasi cura-
tionis species occurrunt: Vna Physica,
interna concernens viscera & quomodo
cor à veneno defendatur, illudque a cen-

tro ad circumferentiam, vel quorsum natura voluerit, expellatur. Altera Chirurgica, quæ in eo occupata est vt venenum topicis remediis attrahatur, à regressu intercipiatur, pars affecta ab humorum concursu præseruetur, maturandâ materia ad maturitatem reducatur, aperiendum aperiatur, suppurationem materiæ peccantis promouendo & denique digerendo, mundicando, consolidando & omnia ad perfectam sanationem maruaria opera perducendo.

Quantum ad curationem Physicam; Illa eodem modo quo supra diximus ad pestem internam absoluitur, in principio nimirum statim nostri Diasolis vnguentiue Bezoardici vna, duobus vel tribus dosibus, vicibus successiuis, obuiando, vti supra declaratum est.

Curatio Chirurgica varianda est pro differentiis externorum affectuum, quorum tres potissimum sunt. I. Glandulæ mobiles intra cutem & carnem. II. Tumores majusculi duri renitentes absque suppuratione. III. Apostemata fordida, excrementitiâ quadam, maligna virulentaque materia tumida, quæ Anthraces, Carbones, Bubonesque pestilentiales appellantur. In quibus hanc subsidiarum præstabis operam.

Ad glandulas.

℞. Gummi Ammoniacy depurati, q. f. impone, quasi Emplastrum & consumentur, modo curatio physica antecedar, vel simul cum hac ipsa coniungatur.

Ad Tumores renitentes.

Ad tumores renitentes & difficulter suppurabiles, Cataplasma composito sequens;

℞. Amygdal. amaran. contus. vnc. ij.

Gummi Ammoniacy clari

Farinæ Fabarum ana vnc. j.

Salis Gemmæ vnc. ʒ.

Oxymel. squillit. vnc. iij.

Decoct. carduibenedict. vnc. viij.

Bulliant ad consistentiam Cataplasmatis & addatur Theriacæ Diatesaron vnc. j. De quo satis inspissato applicetur tumori q. f. Aperit poros, transpirationem materiæ peccantis prosperitat, resistit putrefactioni, & duritiem sine periculo resoluit.

Anthrax seu Carbo.

Ad medendum Anthraci seu Carboni tribus rem aggredi oportet operationibus. Primò excessiuis partis affectæ calor & dolor mitigandus. Pôstea intra corpus, & suppuratio promouenda. Tertiò vlcus detergendum ad perfectam vsque sanationem.

Ægro ideoque existente plethorico, & viribus aliisque circumstantiis phlebotomum permittentibus, ante omnia sanguis ad partem offensam præter naturam affluens & olei instar. ignem exuscitans reuellendus est, tundendo venam secundum celebrum authorum institutionem magis conuenientem, mittendoque necessariam quantitatem. Quod si verò in omnibus minus probetur, eius loco Ventosæ cum profunda satis scarificatione non ita procul ab Anthrace, vti maior sanguinis copia profluat applicandæ sunt: Circa Bubonem tamen ad duos tresue digitos hoc defensum ad primè confert.

℞. Minij vnc. j.

Aceti Sambucini vnc. v. Infundantur in B. M. per hor. iij. Deinde colentur per chartam & addantur

Olei Sambucini

Rosati completi ana drachm. vj.

Santal. rub. subtil. pulu. scrup. iiij.

Croci opt. scrup. ʒ.

Misceantur in mortario plumbeo vel in patina terrea vitrificata, vsque dum acquirant consistentiam vnguenti, Quo

ad prædictum modum vtendum, rescicatum subinde renouando. Et his duobus auxiliis maximis ille ardor mulcebitur, parique ab aliis perniciosis, quæ ipsi accidere aliàs possent, accidentibus tuta retinebitur. Postquam ita Defensiuum administraueris, mox Anthracem sequenti quoque Emplastro super delicatam pellem satis largiter extenso cooperi.

℞. Gummi Sagapeni

Ammoniaci

Galbani ana vnc. iij.

Terebinthinæ coctæ

Ceræ virginis ana vnc. iij.ß.

Magnetis Arsenicalis subtil. pulu. drachm. xvij.

Rad. Aaron pulu. drach. viij.

Gummata defæcata prius oportet esse aceto scillitico, coctaque in formam Emplastri & pondere æstimata. Tum demum Emplastrum inde cum aliis speciebus s. a. continuetur. Ad foras alliciendum venenum virusque in pus conuertendum excedenti specificaque virtute pollet.

Preparatio Magnetis Arsenicalis supradicti.

℞. Arsenici Crystallini.

Sulphuris viui

Antimonij crudi ana part. æquales.

Pilo simul subigantur in mortario ferreo, mittanturque in matracium vitreum satis forte. In furnum venti postea in arenam posita ignem tamdiu subitus habeant, donec vitro benè calefacto dictæ species simul instar picis colliquentur. Id quod cognosces, si dum filo fundum contigeris materia adhæreat, trahaturque instar Terebinthinæ. Postea frange vitrum, refrigeratamque materiam, subfuscum quæ representat lapidem, subtiliter tere & ad vsum custodi.

Anthrace ita aperto tumorem su-

perstitem dissolue, vlcus absterge, & colophonidem demum toti negotio iniice sequentem ad modum.

℞. Succij plantag.

Scabiosæ

Rosar. Rubrar.

Nicotianæ veræ ana vnc. ij.

Mellis Virgin. crudi vnc. iij.

Vitellos ouor. num. iij.

Terebinth. vnc. j.

Farinæ Hordei vnc. ß.

Coquantur igne lentissimo, semper agitando materiam, ad consistentiam vnguenti, quo ipso vlceri intus prospiciendum, sequenti super imposito Emplastro.

℞. Picis naualis

Resinæ Pini

Gummi Ammoniaci depurati

Ceræ Virginis ana vnc. j. ß.

Asphalti vnc. j.

Mellis adusti ad nigredinem, & subtil. puluer. vnc. ß.

Camphoræ in oleo succini dissolutæ drachm. j.

Fiat Emplastr. s. a. quod seruetur ad vsum.

Quod si Carbone aperto magna instaret inflammatio, orisque ipsius durities seu callus; præmissis duobus supradictis remediis, cataplasmata ex foliis Maluæ, bismaluæ Violar. plantaginis, Radicum Altheæ, vel similibus, emollientia, & refrigerantia adhibere & loco oleorum vel pinguedinum, Mellis rosati, Mellis Mercurialis, & lutei ouorum aliquid admiscere oporteret: Res enim vinctuosæ poros constipant, transpirationem humorum malignorum impediunt; quibus conclusis & repercussis continua partium inflammatio dolorque vt magno Medicorum probro quotidie testatur Experientia, consequeretur.

Quod spectat ad Dietam ipsorum, ab initio vsque ad æκμῶν, quamdiu nimirum & febris & ardor internus excedunt, ab omni assumendorum superfluitate,

quamuis etiam appetierint, valde caueto.

Natura enim seu restaurator (vt Paracelsus loquitur) in conflictu contra destructorem occupatus , superueniente stomachi repletionem , vt cadat victoria , non minus perturbari potest , quàm si quendam , ducto contra hostem exercitu , iam iam aciem aggressurum , amicus totius negotij componendi nomine à qualibet pugnandi superandique potentia & occasione interim detinuisset.

Propterea vires naturales tantum conseruare studeas, facili digestionis victu , ardorem febrilem temperante, corrigenteque materiam peccantem. Ad quod conueniret Hordeum mundum in aqua pura coctum, butyroque recenti & aceto rosato, vel Sambucino vel iure Citri, Aurantiorum, Granatorumue ad libitum preparatum. Omnes enim istiusmodi liquores gustus suauis, prædictoque vsui conferentes existimo. Quod si grata aliorum vicissitudo sit, panem minutum, lentè diuque in aqua coctum præparatumque vt de hordeo diximus, imperabis. Existente ægro valde delicato, sequentibus consummatis & iusculis restaurantibus confidendum.

✥. Caponem benè nutritum & visceribus, pinguedine, pedibus, collo, extremisque alis spoliatum.

Carnis Vitulinæ lib. j. in minutas partes scinde, & matratio impone cum:

Aquat. Succi Melissæ.

Succi Buglossi.

Succi Scabiosæ ana vnc. iij.

Clauso matratio ne quid expiret, in B. M. bulliente aqua spacio 8. vel 10. dierum retine, postea cola & per linteolum exprime, addendo

Gelatin. Cydonior. transparentis.

Gelatinæ Citri.

Syrupi Violarum Cœrulei ana
vnc. j. ß.

Aquæ Cinamomi drachm. j.

De quo patienti debito tempore vnum,

duo, tria cochlearia pro dosi exhibeantur, singulis vicibus admiscendo 4. vel 5. magisterij Perlarum grana , vel etiam duas tresue guttas auri potabilis, quod alio nomine Magisterium auri appellatur in forma liquida. Ad potum, Vinum minus conuenit, donec periodus morbi omninè absoluaatur, cuius loco interea ptisanâ iucunda & delicata accipiat. Declinante tamen morbo paulatim ad iam pridem interdictorum eduliorum vsum procedere nihil interest. Et tantum de modo & ordine ad legitimum Bezoardicorum nostrorum vsum in peste obseruandis. Quamuis etiam dicta occasione & Methodo deficiente adhibere illa non esset religio , de quo sub fine huius tractatus.

C A P. VI.

De vsu Bezoardicorum pro extirpanda febre ardente.

Quamuis nūquos seu febris ardens malignitate contagioneque aded effrenata non sit , vt pestis ; nihilominus tamen tanta symptomatum seuitia , tamque præcipiti decursu quemquam adoriri solet , vt vel sex octoue dierum spatio robustissimos etiam jugulare queat. Ideoque mora hic æquè perniciofa , ac suprâ de peste diximus. Posito enim , causam huius febris aliam non esse, quàm igneum calorem in putrida quadam materia, absque veneno; minori tamen diligentia, consilioque regenda curatio non est , ad illum extinguendum , quàm ad expellendum venenum in luc pestifera : eò quod vtrinque subitanea , acuta , lethaliaque symptomata. Verum equidem est in febre ardente sæpenumero vsu venire , quod absque vllo remedio, natura motu Critico corpus à morbificâ materia tyrannidè dimat , eoque ipso perfanet. Qua de causa multi Medici ad Criticum naturæ conatum

conatū attendentes, agris dietam rerumque non naturalium legitimam administrationem solum absque Pharmaceuticorum medicamentorum vsu commendant.

Verum tamen cum DEVS ter Opt. Max. tanta medicamentorum, quibus tum temporis opportunitate vti liceat, copia nos locupletauit; Ego sapientissimorum Practicorum opinioni adhæreo, qui ipsi naturam sæpè desidem nimis ad necessaria sua officia, gnauius medicamentis adiuuare, corpus debite purgare, caloremque attemperare in tempore student. Et hac Methodo decem restitues dum vix quatuor possis, si alia incedas via, id quod experientia abundè demonstrabit.

Triplici ergo via incedendum tibi, vt febre ardente correptos restituas. Primò minuendo humorem biliosum, focum nimirum febrilis inflammationis, qui totam venarum molem subrepens, sanguinem inflammatur, & corrumpit, spiritusque alterat, vniuersum corporis habitum deficiat, & quibuscunque eiusmodi febricitantibus hæc symptomata producit.

Secundò vti cor à vaporibus malignis, adustisque defendatur. Tertio vti in vniuersum, corpus, ne in tanta combustione succumbat, humectetur, refocilleturque.

Quod attinet ad primum, in principio statim ei qui tali se morbo confixum sentit, modo facile ferat vomitus, sequens exhibe vomitorium.

℞. Fol. Gratiolæ drachm. j. ℞.

Fl. Centaurij min. scrup. j.

Tartari albi crudi drachm. j.

Aquæ Scorpionidis siue calendulæ vnc. iij.

Infundantur per horas iij. Colaturæ addantur Syrup. rosar. solut. cum Rhabarbaro vnc. j.

Aquæ Cinamomi gutt. x. vel xij.

Fiat haustus.

Quem dum offers patienti, in promissa Sale.

ptu habere pitisanam, vel serum lactis clarificatum, vti in siti bonos ipsius haustus præbeas. Illud enim in partibus sitim restinguit & operationem medicamenti faciliat *ἡνὶ καὶ κατὰ*. Hic potus quidem amarus valde, virtute tamen tam præstat, quàm vix aliud purgatiuum. Si æger tamen liberaliter genitus & mollis fuerit, facilis item ad vomitiones & purgationes, non nisi mediam, vel etiam tertiam ipsius partem concedas. In hoc enim prudenti consilio opus est. Quod si acerbitalis causa talia non ferrent, ipsorum loco flores Antimonij quemadmodum cap. de intoxicationibus dictum est, assumes. Si nec his proficias, quod fortassis à vomitoriis prorsus ab hac vel illa causa abhorreat, ex infusione Rhabarbari cum Manna, vti cap. de peste infectis ostensum fuit, purgationem instituas. In summa, quoquo potes medio, humorem biliosum egregiè, quantum res postulat, viresque patientis ferendo satis sunt, ab initio statim diminui, & ita propriissimum febris subiectum è corpore remoueabis.

Secundò peracta purgatione vti nusquam impingas, num corpus Plethora laboret, numque missionis sanguinis opportunitas adsit, considera. Si namque Phlebotomia necessaria visa fuerit, ipsam sine hæsitacione moliri, si minus suspendere oportet; postea dare tale Bezoardicum:

℞. Aquæ Succi Veronicæ vnc. j.

Diafolis grana viij.

Chrysobezoar gr. iijj.

Misce.

Quo assumpto, sudori viam, secundum quod patienti tollerabile naturæque consonum, paululum concedito. Si namque pori nimis hient, ægerque sudore ultra modum spontè satis superque diffuset, sudorem remorari satius esset.

Tertiò ad restinguendum nimium calorem & inexhaustam sitim, nihil dubites, quin subinde potum, quandoque velit, excepto sudationis tempore,

porrigas; Dum tamēn modicē calefacias antea. Nunquam enim non humectandum corpus est, præferim in gracilibus ad prohibendum, ne, vt ita dicam, tanto calore nimium præassetur. Potus magis convenientes hoc in casu sunt pitana simplex vel vitriolata; aqua fontana tantillo syrupi violarum oleoque sulphuris & Aquæ Cinamomis guttis quibusdam correctæ: Aliàs hæc potio singularis ad hunc scopum efficacior est:

R. Seri lactis caprini vel vaccini lib. x.

Succi Buglossi

Borrag.

Endiuæ ana vnc. iij.

Sacchari vnc. v. vel vj.

Mixta simul clarificentur albumine ouorum ad pelluciditatem vsque Aquæ fontanæ: Aromatificentur Aqua Cinamomi, & frigida pro potu liberaliter dentur. Restinguit enim sitim, lenit partes internas nimio calore exasperatas, humoremque biliosum per vrinam euidenter educit.

Quod si adhuc aliorum refrigerantium opem implorare necesse est, eo nomine Sal nitri præparatum cum Aqua Spertiolæ eligito. Et sic aliis superuenientibus symptomatibus, ceu vomitionibus, ventris fluxionibus, doloribus capitis, &c. cuique suum opponere remedium oportet.

Ager pridem valetudinarius, tenellus & languidus, nec purgationibus nec phlebotomo turbandus est. Quinimod ab initio statim grana ʒ. vel ʒ. Chrysobezoarum cum cochl. j. Syrupi Cydoniorum assumat, idque tercio quoque die interponendo vsum Magisterij Corallorum & perlarum in tabulas cum Saccharo redacti ad roborandum. Lenitioni promouendæ Eccoprotica vel clysmata non nimis *degestina*, sed lenia adhibenda. Purgantia enim si dentur minus quàm debent *ingestina*, operatione frustaberis, propter maximum, qui intus est, squalorem, dum ni-

hilominus satis perturbent stomachum; Si iusto fortiora, his viribus impares penitus fortē succumbent.

Quod superest, postquam ita Methodo & pietate agrum tractauimus, quilibet benedictionem diuinam spe seria expectet. In omnibus enim actionibus ad Medicinam pertinentibus vt & aliàs, Colonos imitari debemus fideles & cautos. Ii enim cum terram excoluerunt, semenque suo tempore & modo iniicere suum, tūm toto onere leuari spontē acquiescunt, & prosperitatem expectant, ab illo qui, dum vult, vitam & incrementum singulis largitur creaturis; postquam autem ad sententiam messis aduenit, cum reuerentia & gratiarum actione fructus colligunt & amplectuntur, cognoscendo in vniuersum Sapientiæ, iustitiæ, & Misericordiæ DEI, quæcunque acceperunt, accepta referenda esse; Quin imò totum vniuersum supra caput nostrum ab eodem conseruari & gubernari, vt nec imutare quicquam, nec corrigere vnquam possimus.

C A P. VII.

De Pleuritide.

Quamuis diuersæ pleuritidis species, diuersæ producentes symptomata, ab antiquis recensentur Medicis, considerando tamen generale ipsius subiectum, & in quibus partibus soleat hospitari, re ipsa cognoscimus, omnia Medicamenta sanguinem attenuantia, corruptioni resistentia, meatus partesque obstructas deoppliantia, euaporationem humorum calidorum in alia atquē alia corporis regione conclusorum promouentia, singulis pleuritidis speciebus mederi posse.

Vt ergo in tempore hoc morbo confixis Bezoardicis nostris statuatur auxilium; primò dispiendum est: num phlogosis sanguinis, venarumque distentio adsit,

Secundò: nùm bilis aliue crassi, vel acres & vellicantes humores in stomacho superabundent. Sanguine enim existente præcalido, incunetanter vena Basilica lateris affecti tundatur, eò vsque mittendo sanguinem, quousque Temperamentum, ætas, morbi magnitudo, anni tempus, aliæque phlebotomiæ circumstantiæ permiserint, de quo vt & aliis in morbis, Capuacius & accuratius & vberius.

Hora post altera hanc præscribere positionem:

℞. Aquæ succi papau. Rhæadis diligenter destillati vnc. j.

Diafolis gr. viij. vel x Misc.

Quo assumpto in lecto coopertus stragulis benè sudet quousque vires absque incommodo ferant.

E contra stomacho humorum illuue nimis refarcto, auspicanda cura est à sequenti vomitorio.

℞. Salis Vitrioli ʒß. vel ʒij.

Mellis Rosati ʒj

Aquæ cardui bened. ʒiiij. Misc

Vel propinetur Aqua Vomitoria præstantissima in hunc modum præparata.

℞. Vitri Antimonij Hyacinthini more Matthioli præparati & in subtilem puluerem redacti.

Salis Cardui benedicti ana gr. xl.

Aquæ succi Veronic. vnc. v.

Aqu. Cinamomi gutt. xxx.

Infundantur in B. tepido per horas 24. postea colentur per chartam, & feruentur ad vsum.

De quo patietur 3. 4. 5. 6. vel 7. drachmas secundum quod repletus, robustus, facilis, vel difficilis ad purgandum fuerit, propinabis; Singula enim drachma huius aquæ singulum Vitri ipsius granum viribus adæquat. Excitato sedatoque iterum vomitu, potio Bezoardica, ad præscriptum assumatur.

Non equidem dubito, quin Vomitoriorum mineralium à multis pro venenis potius, quam, pro Medicinis habitorum

vsu, stomachum plurimorum valde concitaturus sim. Verum sua cuique esto Helena, Mihi mea. Quamuis enim quis dicat: Vomitiones medicinas esse exagitorias, Spiritus impensè nimis exaggerare, alterare sanguinem inque partibus affectis magis inflammare, &c. singula tamen ad veritatis trutinam ponderantibus tantè momenti hæc non reperiuntur, vt (si vanarum ocioforum ingeniorum coniecturarum, & experientiæ contrariarum machinationem turpitudinem effugere velint) quenquam à vera sententia abducere possint. Vomitoria siquidem supradictorum humorum massam, subiectum scilicet, ex quo multi vapores, iique mordaces & acres ad partem affectam subinde ascendant, expurgant; adeoque febrem ipsam diminuant, inflammationem præcauent & vel punctiones laterum tollunt vel mitigant. Quæ ipsa profecto non contemnenda pericula minantur, si corrupti humores in corpore impune relinquantur. Concedo quidem tum, quum vomitus cietur, spiritus partisque quodammodo ad indignationem perturbari, at tamen illam eousque non persequi, vt ne æquo animo ad integram postea sanationem consequendâ sufferri possit. Et quid tibi aut mihi, aut vlli viro bono argumeta, vbi sensus iudex est, & multorum etiâ celebrium Medicorum autoritate arbiter.

Sed ad propositum μελέτης reuertor. Si ergò accideret, vt ambæ huiusmodi repletiones sanguinis scilicet & vitiosorum humorum, in corpore concurrerent, & euacuatio vtrinque æqualiter indicaretur, quod sæpe fit, tunc vomitoriis prima, venæ sectioni altera, Bezoardicis tertia Curationis cura debeat.

Alias, quando neutrum eorum præstò est, nec vel purgatio, vel Venæsectio indicatur, interim etiam natura patientis viribus prostratis succumbit à Bezoardicis, mediocriter sudorem prouocando auspicari oportet.

Attamen & vênis mēatibusque apertis si sudore fluxu, sanguis phlebotomiā adhuc ventilaretur, maxima alleuiatio sequeretur; Inprimis Melancholicis, frigidis, imbecillis & meticulosis. Venis enim apertis & spiritibus calore excitatis, (vfu nimirum Bezoardicorum) sanguis tenuior & fluxior, æger etiam ad ferendam sanguinis missionem idoneus magis redderetur. Quæ ipsa etiam militat ratio quodd in febribus intermittentibus aliquando, ægrotis nimirum Melancholicis existentibus, venæsectio necessaria visa, durante paroxysmo magis quam ~~et tunc~~ tempore committatur; idque vel pari, vel maiori successu, quàm dum aliàs in febricitationis tempore vana sanguineis & robustis fecetur. Hactenus de remediis generalibus, & specificis.

Iam quando dolores in parte affecta valde sæuiunt, sequenti vnguento bis in die vsurpando, illos demulcias.

℞. Succu Nasturtij aquatici vnc. viij.

Quinque neruiæ vnc. vj.

Butyri recentis vnc. vj.

Bulliant lento igne ad consumptionem humiditatis. Deinde addatur olei succini albi non rectificati ꝑb. Misceantur pro Linimento.

Ægro tussiente, & sanguinem aliamue materiam per os respuente, ad digerendam & abstergendam eam, conuenientia pectoralia subministrabis.

Ad restrictam aluum emolliendam, & ventos vaporesque conclusos dissipandos Clysmata rectè injicias. Cæterum pro diata, cane pejus, & angue habeatur vinum, potius esto ptisana hordeacea vuis passis communibus vel Corinthiacis, Hydromelite, Cereuisiâ secundariâ, Syrupo aliquo vel Tussilaginis vel violarum dulcorata, fugiantur acetosa; Nutriantur pane, Cremore hordei, cum butyro recenti, vel oleo Amygdalarum dulcium præparato; Lacte amygdalino, pomis dulcibus, assatis cum saccharo, &c. debito tempore

dum febris exulat. Post febris finitionem iuscula restaurantia, oua recentia, pullo- rum, auiumque campestrium caro, modicum vini etiam cum ptisana, assuetis præsertim, maximopere prodest.

Cum tamen febris abest, & horripilatio, & imbecillitas insuper molestias creant, vinum petentibus non denego, dummodo in decenti illud exhibeatur quantitate.

C A P. VIII.

Curatio Variolarum.

Variolarum Morbus vniuersalis adeo est & communis, vt raro videas, qui quadraginta vel circiter annis superatis, ab illis intacti prorsus immunitatem jactare possint.

Communiter pro salubri & exiguo malo habetur, puta quodd naturalis euacuationis modo corpus mundificare & à menstruosa malignaque ab aluo matris vsque contracta labe liberare creditum est.

Verum enim verò illud sæpè adeo contagiosum & crudele existit, vt non solum quàm plurimos, adultos etiam quos corripit, jugulet, sed etiam pestilentialem prorsus aërem post se relinquat.

Quin imò sæpè obseruatum est illius malitia multos in externis partibus adeo deuastatos fuisse, vt, ne penitus interuicini ipsos tradere oporteret, Medici ad crudelissima, verèque cruenta remedia, ferrum scilicet & ignem vsque, peruenire coacti fuerint.

Fieri non potest, vt quenquam à tali morbo præseruemus; imò cum periculo non leui conjunctum est, periculum ipsius facere.

Officium ergò Medicinæ; quantum hic præstare potest, in hoc consistit: vt naturæ iam afflictæ, & delassatæ, auxilias mittat copias; vtque viscera à corru-

ptione defendat, & in doloribus aliisque symptomatibus remedia suppeditet.

Ad humores (quibus natura tanto pere delaſſatur) foràs eijciendos, conſiderare inprimis oportet : num ſtomachus, communèſque vitæ, ſuperfluitate aliqua redundant nec ne. In tali ſiquidem caſu à purgatione tanquam à linea auſpicaberis, duplicem ob cauſam. Primò quod eo ipſo Corruptionis ſubiectum, ab humoribus, dum præter naturam retenti fuerunt, fermentatis, corruptis, & à calore interno, qui totius fundi calamitas eſt, accenſis, obortum reſcindatur & expurgetur.

Secundò quod ſtomacho ita perpurcato Bezoardicis poſtea locus magis deuter, quàm dum ille variis fordibus adhuc ſcateret.

Quandoquidem ergo Venterculum ab illuue ſua vindicare omnino neceſſe eſt, ſtatim in prima morbi inuaſione, antequam puſtula foris conſpiciantur, ita agito.

℞. Salis Vitrioli gr.v.vj.vij.x. aut minus pro circumſtantiarum conditione.

(Adulto debetur ʒ.ſ. ad ʒ.ij.)
Syrupi Violar.

Aquæ Scabioſæ an. q.ſ. ad magnam vel parvam potionem. Fiat potiuncula,

Propria ad vomitum excitandum. Vice Salis Vitrioli, ſi ſapor ipſius formidabilis ſit, Vomitorium Antimoniale præcedenti cap. deſcriptum aſſumere licet. Pariter quando parentes ex inſcitia neutrum admiferint, purgationem ex Mannæ & Cremoris Tartari ſimul vniſtorum ſufficiente quantitate inſtitue. Illa ipſa enim ex purgantium familia benigniſſima verè ſunt & Benedicte. Parem tamen cum prioribus efficaciam & operationem ab his nemini polliceor. Non enim ſatis eſt cauere, ne corpus purgatione aliquantulum ſollicitantibus Medica-

mentis atteratur ; Quin imò ad id ſedulo conuertenda cura eſt, ne illa nimis tardè perficiant operationem, relinquendo ea quæ relinquere minus oportebat.

Quidam periculoſum. valdè arbitrantur vſum purgantium medicamentorum in hoc affectu, quomodocunque etiam ſiue per ſceſſum, ſiue per vomitum operantium, his ſuffulti rationibus, quod nimirum materia peccans à circumferentia verſus centrum ea ratione magis alliceretur, impedireturque materiæ per poros diſſipatio : Attamen poſſum affirmare contrarium ab ipſis effectibus, quos ſæpè hiſce meis oculis vidi. Nam quoniam purgatio porrigitur antequam puſtula prorumpunt, eaque minus violenta vel hydragoga, qua humor ſeroſus de longè attrahatur, tantum abeſt, vt naturam ab expulſione per loca conferentia impediatur, vt potius illam hoc modo exoneratam, ad reliquias per poros detrudendas alacrius confortet, & impellat. Id quod obſeruauimus, in propria filiola annorum quatuor cum dimidio, inprimis morbi prædicti ſymptomatibus valdè afflicta & ſtomachum, pectusque impurum habente, adeò, vt natura hoc modo impedita ab officio, cedere prorsus malo cogereſſetur ; Statim enim dum per vomitoria purgationem vna aut altera vice tentauimus, ipſaque biliola ſimul cum phlegmatica illuue reiecit, pori recludi, totumque corpus puſtulis abundare ceperunt, ita vt feliciter abſque vilo ſymptomatum, pectoris, gutturis, conſueti ſuccenturiatu, reſtituta iam tum quoque ſana viuat.

Similiter ſuperiori æſtate mihi accidit Hagæ cum Ancilla Domini Baumont, Illuſtris Principis Henrici Naſſouiæ Equiſoniſ, triginta quatuor annorum, hoc eodem morbo ægrotante.

Postquam enim ſtomachum valdè coinquinatum, magnam oris amaritudi-

nem, vrinam valdè biliofam cum magno vomendi desiderio vnà sentiret. Vomitorium propinabam mole ad constitutionem ipsius mihi visa conueniente. Quo factum est, vt humoribus ad exitum benè dispositis (minima enim medicamento illius erat dosis) purgatio adeò succederet , vt postquam quater vel quinquies vomuerat leniter, continuò postea ad vesperam vsque nonnullis arduis symptomatibus superuenientibus, deijceret. Exhibui ipsi dosim vnam Laudani & postridè benè quietam iterum inueni , ventris enim fluxus desistebat, mensque benè habebat iterum. Sequenti verò die tota pusillus obfessa à capite ad calcem vsque fuit, & breui postea ad se tutò rediit. Quod si purgationes materiæ morbificæ secretionem impedirent, in hoc casu, vbi æquè subtiles quàm crassi humores eliminabantur, minimè curatio successisset.

Insuper quid dicendum de Laudano ex opio ad omnium ferè Medicorum sententiam frigido in 4. gradu, & narcotico? Anne secundum hanc theoriam inferendum fuisset , quod in corpore vsque adeò exinanito sensus esset stupefacturum, in crassaturum materiam peccantem , & reliquum caloris natiui suffocaturum? Nihilominus tamen contrarium vsu venit , dum Laudanum suas Laudes in hoc fluxu sistendo , somnum inducendo , vires restituendo & sic materiam morbificam naturæ viribus auctis secernendo, egregiè probauit. Et plures observationes adducere facilè possem, si opus esset, & breuitas scripti pateretur.

Ad rem autem reuertendo dico , statim post purgationem infanti exhibenda esse vnum, duo vel tria grana Chrysobezoar in aqua destillata succi Veronicæ in forma potionis ad sudandum modicè. (Nimia enim sudoris prolicitatio vtilis non est,) tenendo ipsam calidè donec pustulæ foras prodierint. Quod si cum difficultate fiat, vt sæpè accidit, re-

petèda prædicta Chrysobezoardici dosis est, etiam ad tertiam vicem, si opus videtur. Hoc enim modo facultas expultrix robore aucta, apertisque poris, facile noxia à se protrudit.

In puris corporibus loco purgantis medicamento statim Bezoardicum administretur. Et tantum in genere de prædicta cura.

Insuper valdè necessarium est in accidentia quoque huius morbi animaduertere, sequenti modo.

Primò oculis suppetiæ ferendæ sunt, ne corrumpantur, hocque nomine in vsu celebria sunt Crocus & Lac, mixta inuicem & mox ab initio circumcirca inuncta. Crocus enim facultate sua incrassante, & anodyna penetrationi malignorum subtiliumque humorum resistit, ardorem mitigat, & concursum materiæ peccantis eo modo impedit, vnde communiter benè habere solent, si ab initio antequam materia fluxerit, adhibeatur.

Sæpè inflammatio & putrefactio in gula & ore , præsertim prætermissa ab initio purgatione negotium facessunt, tam ratione officij partis affectæ, quæ sine homo sustentari non potest, quam respectu situs. Optimum igitur erit per interualla cochlear liquoris lenientis modicè abstergentis, resistentisque putrefactioni propinare. Ad quod inseruiet sequens lulepus.

℞. Aquarum succi Fragariæ.

Plantaginis.

Sambuci.

Succi Glycyrrhyzæ.

Tussilaginis.

Dianucum simpl. an. ʒ. ss. Miscè.

Dosis ipsius ter quaterue indies exhibetur, & in casu constipatæ alui applicetur suppositorium ex melle rosato.

Corruptioni & putrefactioni partis cuiusdam externæ, quæ interdum, quamuis rarè, accidit, vereque periculosum symptoma est, occurrendum est

remediis infra de Gangræna descriptis.

Contra sitim potus audacter, ad satietatem concedatur de lulopo aliquo suauis, vel de pifana edulcorata & tepesfacta, præsertim in principio, ne calor natiuus subitaneo horrore repercussus à laudabili proposito desistat. Cauendus etiam magnopere vini vsus est, præsertim ubi febris adfuerit, quippe quod & febri focum accenderet, & paroxysmis Epileptici, Spasmo, conuulsionibus, ipsique morti etiam ansam præberet.

Si caput dolore prænimio afficiatur, noctesque infomnes habeantur, commendatum tibi habeas granum dimidium vel integrum Laudani in pauxillo aq. Carduibened. dissolutum, dummodo pectus minus viscidis humoribus repletum & respiratio libera fuerit, Et hoc medicamentum somnum conciliabit, dolorem, ardoremque mitigabit egregiè.

Quando variolarum vestigia turpitudine faciem afficiunt, dupliciter resistendum est; Primò impediendo, dilatando, dissipandoque materiam, ne tam in facie hospitetur, quàm in aliis corporis partibus. Postea præcauendo, quando jam foras gliscunt pustulæ, ne nimium carnem derodant; Quandocunque ergò in principio infantem tali morbo decumbere animaduertis, singulo die, ter quaterue vnguento aliquo adstringente & mediocriter refrigerante faciem illinias, verbi gr. liquore Myrrhæ vnguento rosato permixto; idque sine interuallo, donec pustulæ cutem totius corporis bene occupauerint. Sic enim pori ad eò constringuntur, vt materiæ peccanti omnis aditus egregiè præcludatur.

Interim tamen bene prospiciendum est ipsi Naturæ, vt diximus, ad eum finem nempe, vt in exterminanda materia noxia, eaque longius à corde propellenda, sese alacriorem præstet.

Alterum illud ne nimium erodant carnem, obtrinebis, humectando pustulas

jam formari cæptas, tepida maluæ decoctione cum pauxillo sacchari concinnata, vel instar Cataplasmatidis superposita; puluere iridem pomorum dulcium in lacte coctorum, perque cribrum actorum, & cum saccharo & croco petmixtorum. Eius enim remedij beneficio celeriter marcescunt: Quo factò abscindendæ sunt subtili forcipe, & postea foliorum plantaginis decocto lauandæ, per modicòque mellis rosati ad purificationem iuuandam demulcendæ. Denique quando iam arefcere incipiunt, seque bene habet infans, faciei omni fero fomentum superinducatur ex decoctione fursuris frumentacii cum sacculo in lactis sero cocti, ad poros cutis aperiendos sudoremque proliciendum. Sublato eo inunge oleum, quod antea in promptu habebatur, tali modo præparatum.

℞. Olei de vitellis ouorum per expressionem.

Olei de Ben.

Vini albi opt. ana ʒ. iij.

Myrrhæ electæ subtil. puluer. ʒ. j. β.

Gummi Sandarachæ.

Afæ dulcis siue Gummi Benzoin. ana ʒ. β.

Infundantur in vitro, & ponantur in B.M. vel fimo equino per 40. dies, deinde colentur & seruentur ad vsum. Quæ ipsa inunctio semel quotidie, vel ad minimum alternis diebus, per duas vel tres hebdomadas continuanda est sine intermissione. Nisi enim quibusdam in casibus, veluti si infans nimis paruus, & delicatulus extiterit, contra indicetur, proculdubio egregiam experieris operationem. Nec ignoro ad hoc idem ex variis classibus Medicamenta desumi posse, quibus, qui volet, proprio ingenio fretus, ad prædictum scopum dextrè vtatur. Meum interim bono publico inseruendi studium boni consulatur. In adultioribus, tam purgantium quàm Bezoardicorum dosis ad proportionem ætatis

virilis, & ipsiusmet morbi semper dimittenda est.

C A P. IX.

Contra morbillos:

Hic affectus, nisi febris ardenti implicatus, vsque adeo periculosus non est, nec etiam tam contumax vt variolæ, propterea etiam vt plurimum ad Medicorum manus non peruenit: Nihilominus quia materia peccans naturam lacescendo expultricem eius facultatem impedire potest, ad sequentia attendere oportet:

℞. Chrysoboezoar.gr.j.ij.liij.ad proportionem ætatis & virium.

Aquæ stillatitiæ de succo Pimpinellæ cochl. j. misce & propina.

Postquam propinaueris in lecto se gerat calidè mediocriter, & dubio procul, dummodo natura non omnino victa fuerit, morbilli foras apparebunt. Quo facto, tam regiminis victus, quam aliorum particularium accidentium ratio rectè habeatur. Ad quod superius caput remedia quoque subministrabit.

C A P. X.

De Dysenteria.

Dysenteria seu profluuium sanguinis per intestina & aluum, ad Classẽ morborum acuratorum & populariter grassantium pertinet. Propterea, quod in populum grassando, breui tantam excitet stragem, ac si fuisset pestis ipsa. Idque potissimum circa Autumnum, quando fructuum abundantia, ex stulta Cupedia, vel etiam penuria homines nimium repleti ad aquæ potum sese conferunt. Eo ipso enim vires ipsorum deiiciuntur, stomachus prauis humoribus repletur, Temperamentum Epatis alteratur, sanguis de-

prauatur, humores dissoluuntur, facultas retentrix partium labefactatur, expultrix irritatur, adeo vt in febres ardentes fluxui sanguinis complicatas facile incidant, & paucissimis diebus vitam finiant suam.

Tractabimus hoc in loco tantum de dysenteria illa maxime vniuersali, & maligna, non item de cæteris sanguinis profluuiis.

Duobus itaque remediis cura ipsius absolueda est. Vno Prophylactico; Therapeutico altero.

Prius consistit in eo, vt caueamus nobis à nimio fructuum usu, à potu tenui & frigido, præsertim vt fructus comedimus, fumantur item singulo mane gutta iij. vel iiij. olei sulphuris vel vitrioli in cochleari vini, vel cereuisiæ, vel aquæ communis. Et hoc tam vili emitur pretio, vt nemo, credo sit, cui ad illud ipsum per totam æstatem redimendum non suppetant sumptus. Ditiores à fructibus prorsus abstineant, in eorum locum salubri victui operam dantes. Quod si etiam cum ægrotis familiaritatem habere oporteat, sæpe vtantur Diastoli nostro cum conseru. rosar. rubr. vel etiam Syrupo Cydoniorum permixto. Mane nares muniant vnguento Bezoardico, contra malignitatem aëris, graueolentiam item ab hoc morbo subortam. Stomachum prauis humoribus onustum si sentiant, pilulis nostris Balsamicis supra 3. Cap. descriptis sero ante cenam purgationem instituant, potissimum quando Lactuca, fructibusue horariis passi, mali aliquid suspicantur. Et sic à dicta labe *obv. Diæ*, conseruari quemlibet posse existimo.

Curam auspicari oportet subito, quando nempe vires adhuc valuerint. Primò, expurgando humores viscosos & peccantes. Secundò, robur partibus conciliando: Profluuiio simul resistendo vel eundem omnino præcauendo.

Ad primum scopum collimamus sequenti emetico.

℞. Lapid.

℞. Lapid. Philosophici Fiorauanti gr. v. vij. vij. ad jx. ad x. pro virium differentia.

Conferu. ros. rubr. 3 ij.

Ol. Cinamomi gut. j. Fiat Bolus.

Quo deurato, os liquore aliquo coluatur, vt melius ad stomachum succedat, possunt etiam pilula inde formari, cum syrupo quodam & Boli loco deglutiri cum custodia. Hoc loco dignatus sum Vomitorium istud commendare, quod egregium se mihi pluries præstitit, tam facultatis, qua pollet, emeticæ, quam adstringentis, & roborantis causâ.

Et hoc inde proficisci arbitror, quod in eius compositionem Chalybs & ferum magna satis copia ingrediatur, prout videbunt, qui præparationi ipsius horas operasque impendent. Consulatur Fiorauant. in Corona Medicinali, Attamen ab aquæ fortis spiritibus cum beneficio Ignis tam ablutionibus rite vindicaretur necesse esset. Nec enim sufficit, rudi tantum Minerva medicamentum præparare posse, sed & opus est, scire particulariter, in qua substantia, in qua operatione, benignæ malignæ ve ipsius sitæ sint qualitates & multa alia. Et necessariam hanc fuisse admonitionem arbitror, quod plures noverim hisce arduis studiis sese intermiscientes, eo ipso veri sanitatis turbatores, qui ne tantillum quidem instructi, de curio humano immane quantum ludunt.

Alterum vomitorium, cui in Emetologia nostra, & hoc etiam in loco, meritò suas quoque debemus laudes, tale est:

℞. Salis Vitriol. ʒ j. 3ß. vel ʒ. ij. ad differentiam corporum. Syrup. Cydoniorum.

Aquæ Betonicæ ana vnc. ʒ. vel j.

Aquæ Cinamomi gut. x. Misce & propina.

Quod si quid vomitoriorum vsum prohibeat, vt sæpe vñ venit, materiam peccantem infusione Rhabarbari cum Māna ad sufficientiam purgari operam dabis.

Aug. Sala.

Purgationi succedat venæsectio, quando ea indicabitur, postmodum Chrysobezoar, in cochleari Syrupi Cydoniorum. Pro pauperibus Crocum Martis (pro cuius integra libra iusto pretio numeratur dimidius coronatus) ad grana x. vel xij. cum conferua rosar. rubrarum commendo. Et quodquod horum vsui destinaueris, viginti quatuor horarum spatium bis exhibeas.

Si magnus dolor vrgeat, pilula vna Laudani deglutienda decur. Eā enim dolor fugatur, quies conciliatur, totique curæ egregium auxilium præstat.

Ita quoque venter inungatur bis in die oleo Cydoniorum, Myrrhæ, Mastiches, inuicem contemperatis. Et dubio procul bonus inde sequetur effectus.

Quod Diarria attinet, iussulis potissimum, cibisque aliis restaurantibus facilisque digestionis, ratione tamen diligenti ad omnes circumstantias, an item febris adsit, necne, habita, nutrantur. Potus esto ordinarius bona p̄sana, bene cocta, dulcorata, & Cinamomo aromatizata, aliquando etiam modicum vini Claretī, aqua Menthæ vel Melissæ mixtū.

Reliquas dysentericæ species quod attinet, particulariter nempe ab Epatis imbecillitate, & vlcerebus intestinorum procedentes, earundem remedia ex superioribus singulatim hauriri possunt. Pro Epatis imbecillitate operas præstabit suas, Emplastrum Dysentericum; pro intestinis, Infusio Hypericonis cum iussulo capitis Veruecis facta, vti diximus cap. de febribus ardentibus, & sic pro aliis alia,

CAP. XI.

De Hemicrania.

Quoniam Bezoardica præcipue vñenis acutisque affectibus opposita sunt, magis pro re nata fore duxi, toto veluti libello in duas partes diuiso, prius

de acutis morbis tractasse, antequam sequentium, Chronicorum nempe curam auspicarer. Quamvis tamen animus nunquam fuit generalem Methodum, vel medicinales institutiones, quin potius directionem, & vsum trium nostrorum Bezoardicorum tractasse; Nihilominus benevolus Lector meam manuuctionem hanc, dum jam ad Chronicos etiam affectus vtilitatem Bezoardicorum demonstro æquo animo, spero, accipiet. Pro iis ergo quibus caput Hemisphæria laborat.

℞. Conf. Flor. Betonice.
Melissæ ana ʒβ.
Diasolis grana iij. Misce.

De hac mixtura singulo mane per 3. quatuorue septimanarum spatium ægro exhibeatur, corpore tamen sequentibus pilulis Cephalicis rite purgato.

℞. Suc. fæniculi.
Ros. rubr.
Betonice
Melissæ ana ℥j.
Majoranæ ℥β.
Aloës lucidæ ʒ viiij.

Aloë in succis depuratis in olla vitrea dissoluitur & humiditas decoquitur, donec simul picis consistentiam adeptæ fuerint, pilulæque formari apte possint. Postea aloë ita composita accipitur, & ad singulam ipsius vnciam incorporantur sequentia.

℞. Essentiæ fol. senæ per aquam Tartarizatam diligenter extractæ. ʒiij.
Essentiæ Hellebori nigri strigoniensis (vel ex alio loco) ver. & opt. per lixiu m ipsius Hellebori extract. ʒj.
Ligni Aloës resinosi
Cariophyll. an. ʒiij.
Spicæ Nardi Ind. ʒ ij.
Ol. Majoranæ.
Angelicæ
Nucis Moschatæ, succini albi
non rectif. an. gutt. x.

Mixta & incorporata in membrana oleo amygdalarum dulcium irrorata bene custodiantur ad vsum Dosisearum esto à ʒj. ad ʒβ.

Dentur mane jejuno stomacho; Vel etiam vesperti ante cenam, & tum in minore pondere vsurpantur. Post purgationem hanc & venæ sectio institui potest, in corpore sanguineo calidoque; alias minus.

Sic & tempora inungantur interdum vnguento Bezoardico.

Ex his remediis rectam victus rationem observando, ventis, nimio calori aut frigori se subtrahendo, breui morbo huic nuncium remissuri sunt, nisi forsitan radices egerit, vel senium naturæque imbecillitas difficultatem pariat.

CAP. XII.

Contra obliuionem vel hebetudinem memoriæ.

AD memoriæ, à frigidis humoribus in cerebro predominantibus deperditam, restituendam, sequentia præscribimus capita.

1. Semel atque iterum purgatio pilulis Cephalicis ex præcedente capite instituat.
2. Singulo mane per tres septimanas tria vel 4. grana Diasolis cum conferua florum Rosæmarini sumantur; Caputque peccatur, & hebdomatim lotionem purgetur, capillis inspergendo puluerem Ireos, Majoranæ, fricandoque panis asperis calidis; vel caput lauetur lixiuio super Rosmarinum, Majoranam, Thymum, Melissam, radices Acori, Iridis, aliarumque rerum capitalium aliquandiu infuso.
3. Mane aliquando Nucha inungatur vnguento Bezoardico. Adhæc si recta victus moderatio accedat, per tempus diligenter à frigore cauendo, nullum

erit dubium, quin breui, memoria in pristinam viuacitatem restitatur. Exceptis iis casibus, vbi hebetudo ista à generali corporis debilitate enata fuerit, vitæque melior pars sic transierit.

CAP. XIII.

Contra Vertiginem.

Vertiginosis consulendum est, vt omni mane pauxillum Diasolis cum conferua Florum Betonice intro deglutiant, interdum etiam stomachum per Sal Vitrioli expurgent, sanguinemque pro necessitate ex vena Cephalica dextri brachij (attamen discretione) mittant.

Denique & ipsis inunctio circa tempora & nares ex vnguento Bezoardico, præsertim vbi mali Originem ex cerebro magis quam stomacho suspiceris, valde conuenit, cum alias si ex stomacho malum proveniat duobus pñoribus remediis totum negotium conficere liceat.

CAP. XIV.

Contra Lethargum vel stuporem cerebri.

Quamuis Lethargi nomine nullus alius morbus proprie appellandus veniat, quam magna illa cerebri stupiditas, cum priuatione memoriæ, continuo somno, & linguæ titubatione, qua ipsa plurimi etiam affliguntur? Nihilominus tamen Carus, congelatio, & coma quæ quamproxime ad Lethargiæ proprie sic dicti naturam accedunt, generaliter sub Lethargi cura tractari possunt.

Et sunt tales affectus, præsertim congelatio, periculosissimi, & verè deformium & horribilium symptomatum causa.

Quodipsum multi mecum superiori

ætate experti sunt in quodam Iuvene hoc modo agrotante, cuius nomini hoc in loco parco, annorum circiter viginti sex, boni corporis habitus, temperamenti inter sanguineum & phlegmaticum medij, bonæ indolis, & ingenij ad modestiam & amorem nati. In accessione enim mali (quod quidem interdum nullos obseruabat typos, attamen noctu infallibiliter reuertebatur) tanta sensuum oratione corripiebatur, vt nec motus, nec vite ipsius vllum reliquum erat indicium, præter lentam respirationem, caloremque corporis; Oculos semper fixos & apertos instar glaciei micantes tenebat, per horas aliàs plures, aliàs pauciores, secundum vel minorem vel maiorem copiam materiæ in cerebrum influxæ. Expergestus omnino inscius omnium rerum erat, nec insomniorum, quæ proculdubio viderat, recordabatur amplius, imò pro certo statuo, quod, si auris, manus, aut pes ipsi decisa vel abrepta fuissent, (quamuis aliquando, licet rarò in titillatione plantæ pedis, absque tamen vlla experrectione, mouebatur) ipsum dolorem non nisi obscure percepisset. Aliquando enim, cum ita stupidus jacebat, sub sinistrum genu, ruptorium ad cauterium excitandum applicare feci, & paulo post ligaturas remouendo & super escharam digestium apponendo nihil quicquam doloris percipit, sed alto sopore obrutus semper manet.

Post aliquot horas demum experrectus doloreque & ligaturam sentiens, mirari subiit, quomodo sibi inscio hæc omnia aduenissent. Aliquando idem eodem paroxysmo triginta aut quadraginta horas sine experrectionis intervallo detinebatur; Quinimò ad hæc vsque tempora, quamuis mitius, eodem modo interdum affligitur. Sed vt ad rem redeamus, quamprimum Lethargi halitum olfecerimus ante omnia purgatio per sufficientem Salis Vitrioli dosin, vel per Mez-

curium vitæ instituatür; eaque postridie, etiam si necessitas postulet, pilulis cephalicis nostris, aut quibuscunque aliis continuetur, donec corpus ab omni humoris pituitosi superabundantia optimè rectificetur.

His præmissis quatuor aut quinque auroris in lecto sudor proluciatür vnguento Bezoardico toti corpori obducto ad modum, quem capite de intoxicationibus significauimus, frigus postea summo studio cauendo. Humore seroso ita per sudorem exhausto, & sanguine fluxili reddito, in plethorico & iuuenili corpore, vena etiam Cephalica dextri brachij cum fructu aperiri posset. Sic enim & spiritus quodammodo alterarentur, & venæ capitis exonerarentur.

Tribus his peractis, ægro singulo manè sequens compositio commendetur.

℞. Conseru. Majoranæ

Mellissæ an. ʒj.

Diafolis. ʒiij. Misce.

Insuper tempora, nares, nucham modico vnguenti Bezoardici aliquando oblinias, & sternutationes, capite de peste infectis, eiusque particularibus symptomatibus descripto, cieas. Hanc methodum quinque vel sex hebdomadas vsque continuando, & Diætæ conuenientis regulas obseruando (abstinendum enim est, à cibis phlegmaticis, ventosis, acribus, alterantibus, variis, nimio potu, somno, violentis exercitiis, Cholera, Melancholia; Venere, humorum ebullitionem causantibus) humorem illum narcoticum materiamue peccantem cerebro impactam breui consumptam, sensus reintegratos, toti que morbo per omnem vitam maximam securim injectam iri nullum erit dubium.

Quod si malum fuerit inueteratum, vel ex naturali propensione abortum, semel singulis annis vel ad minimum biennio, tempore veris prædicta repetenda sunt remedia. Inprimis multum considat in

pilulis nostris Cephalicis, Luna Sextiliter solem adspiciente, postmodum etiam in vnguento Bezoardico, vt dictum est, præsertim in aurora, cælo existente nebuloso humidoque, quod, quàm fieri potest, declinandum.

C A P. XV.

De Epilepsia.

Epilepsia morbus est vt plurimum infantibus magis quàm adultis familiaris, idque duplici ex causa. Vel enim ab vteri Matris sanguinisque ipsius inquinamenti mali hoc secum apportant; Vel ab humorum acrium & vellicantium copiam, flatibus item ventris, dolorem & extensionem intestinorum causantibus facilius in illud incidunt.

Et hæc distinctio adprimè ex vsu est, ad infantium curationem. Illis ergo quibus Epilepsia connata est, ad duplicem scopum collineando auxilium præstabimus: primò nutriendo ipsos rebus Epilepsia specificè oppositis. Secundò administrando Medicinas conuenientes secundum ætatem.

Vtrumque humorum corrigendorum spirituum illustrandorum morbi que ipsius essentia diminuendæ causa.

Quod primum attinet considerandum est: anne Mater infantis Valetudinaria, natura Melancholica, timida, cuius gratia spiritus faciliè turbantur, & impressionibus phantasticis, ærumnosis, obnoxij existunt. Miselli enim infantes ab eiusmodi matribus tantam labem lacte quotidie insugunt, vt per totam vitam postea morbidas ærumnas eluctari nequeant.

Inprimis ergò nutricem habeant iuuenem, sanam, & temperantem in cibo, potu, Cholera & reliquis rebus non naturalibus. Viscus, itemque potus ipsius esto, non ventosus, neque nimium cala-

ciens sanguinē, singulo manē (si se pro salute infantis dare velit) assumat conferuam Betonicæ quantitate nucis castaneæ cum grano j. vel duobus diasolis permixtam; Sæpius bibat Aquam Betonicæ, Hypericonis, florum tiliz, vel infusionem illorum solam vel ordinario potui attemperatam: Idque decem vel duodecim continuos menses vel etiam per totum lactationis spatium.

In matrimonio si viuit, sedulò attendendum est, quando imprægnetur, vt infans vel ablaçtetur, vel ab alia nutriatur; vel etiam pultibus aut pane trito cū aqua & pauxillo butyri recentis oleiue amygdalarum dulcium satiatur.

Quoad pharmaciam : singula Lunæ mutacione detur granum j. vel j. ss. Chrysobezoar in cochleari Aquæ succi hypericonis, vel eiusdem Syrupi ex floribus composito, quod summum mali huius remedium laudo, si ad prædictum vsque tempus continuetur. Et hoc modo morbus felicissimè profigiatur, dummodo ab initio paroxysmi non vsque adedè impetuosi & vehementes, functiones vitales & animales penitus aboluerint. Aliàs enim intra paucos dies, quotidiana docente experientia, vitam cum morte commutare solent. Infantes labe hac accidentaliter ab acti quadam materiâ, sanguine in stomacho grumescente, flatibus &c. decumbentes, præterquam quòd ad supradictam normam tractandi sint, singulo quoque die dimidium granum, gr. j. ij. ad ætatis differentiam, Diasolis, cum cochleari olei amygdalarum dulcium recenter absque igne expressi sorbeant, & vnguenti Bezoardici tantillo umbilicum & pectoris concavitatem inungi patiantur. Si sunt constipati applicetur suppositorium ex melle rosato ad deiciendas intestinorum fæces. Quibus remediis magnum ipsis solatium adferes.

Adultiores Epileptici vtriusque sexus ad sequentem ordinem tractentur.

R. Conferuæ Hypericonis ꝑijj.

Diasolis ꝑ iij. Misce.

Detur singulo mane ad ꝑj. per 6. 8. vel 10. menses. Singulo bimestri spatio ad vomitum prouocentur sufficiente Sallis Vitrioli, vel Vitrioli nostri Regenerati dosi (illud reperitur in nostra Anatomia Vitrioli) pridie Nouilunij vel etiam biduo ante.

Sic & tempora & Nucha vnguento Bezoardico inungantur. Et notandum patienti temperamento calido prædito, cui aduentante vel finiente paroxysmo, nares & os sanguine disfluunt, loco Diasolis singulo manē duo vel tria grana Chrysobezoar cum conferua rosarum rubrarum magis conuenire; Hebdomatim etiam exhibeatur dosis Laudani nostri vesperi duabus horis ante cubitum. Sic & vena dextri brachij hepatica semestri spatio semel aperiatur, diligenter in paroxysmorum tempora aduertendo, in quibus nempe planetarum concursibus, vel quadrato aspectu Martis insultum faciant. Obseruaui enim sæpius venæ sectionem paulò ante paroxysmum factam, egregiè successisse. His regulis obseruatis, vti etiam bono victus regimine, secundum cuiuslibet temperamentum, morbi que diuersas causas, æger subleuabitur multum; Medici verò honorem & existimationem inde reportabunt, dummodo morbus simul cum generationis principiis, & sic naturaliter non fuerit implantatus, vt sæpe factum experimur.

CAP. XVI.

De Catarrhis.

AD auxiliandum iis qui phlegmatici sunt, quique propter nimiam cerebri humiditatem, Catarrhis frigidisque defluxionibus laborant, sic erit procedendum,

Primo R. 4. 5. vel 6. grana Mercurij Emetici secundum personarum constitutionem, cuius in nostra Emetologia mentionem fecimus, ac porridge ægroti in cochleari vini albi ad declinationem Lunæ, tempore matutino ante solis ortum dum adhuc in lecto decumbit. Dignum autem obseruatu est, quod per vires jusculum aliquod calidum ad promouendam medicamenti operationem vomentibus præbendum statuamus.

Die sequenti, nisi quid contra indicet, vt perfecta fiat euacuatio per aluum, subsequens detur Bolus.

R. Resinæ scammonij seu scammon. more spagyrorum depurat. gran. x. vel xij.

Conseruæ rosarum rubra. ʒij.

Ol. Caryophyllorum gutt. j. fiat Bolus.

Corpore euacuato, tribus aut quatuor auroris, sudor proliciatur vnguento Bezoardico, modo in capitulo de lethargia prædicto.

Demum 15. vel 20. dies continuos exhibeatur horis matutinis 4. vel 5. gra. Diasol. in conserua florum Rorismarini, inunganturque tempora vnguento Bezoardico. Atque hac ratione breui mitigationem sentiet æger, adde, quod viuendi rationem ad curationem, pro virili, quoque dirigere necesse sit.

Quam ipsam curam reiterare quotannis semel, verno, aut autumnali tempore operæ pretium erit.

Alias in Catarrhis non tam à frigido- rum humorum superabundantia, quam sanguinis præternaturali ebullitione, vaporibusque calidis vellicantibus, & pituitam cerebri colliquantibus, exortis, quod sæpe plethoricis, intemperatis, & bibonibus, item mulieribus suppressionem Menstruorum patientibus accidit, sequentem normam obseruare debent.

I. Viris vena sapius secetur, singulo triduo, postea dosis j. Chrysobezoar

cum conserua rosarum exhibeatur, decoctiones item herbarum refrigerantium & hepaticarum cum sero lactis vel Iulapiis ad refrigerandum sanguinem accommodatis. Interim etiam purgatio instituitur infusione Rhubarbari quantum vires portauerint.

2. Quod faminas attinet, dabis operam, vt menses prouocentur, modo id atas non dissuadeat, medicamentis, quæ peculiari capite sumus proposituri:

Sic enim sanguine diminuto caloreque ad temperiem reducto, cessabunt vapores & Catarrhi simul, dummodo facultas cerebri retentrix non omnino labefactata, vasa ipsius resoluta, aut longo tempore natura ad malum habituata fuerit; Eo enim in casu, quicquid ad integram curam molieris, operam & oleum perdes; Ideoque suaserim, palliatia potius & mitigatoria administrare remedia, veluti Laudanum, quod singulares ad vapores prædictos inhibendos, humores subtiles intractandos, partesque imbecilles corroborandas, præstabit effectus; Abstinendū tamen est inprimis à fortiter purgantibus remediis. Illa ipsa enim valde perniciosa esse ratio manifestè probat,

C A P. XVII.

Contra Tussim.

Tussis morbus diuersas habet causas, quas recitare hoc in loco mei propositi non est. Quilibet enim qui volet in infinitis aliis libris omnia reperiet. Eius tantum curam attingam, quæ ab humore frigido à cerebro per intervalla in asperam arteriam delapso, aut frigida simplici pectori nocente qualitate, vt decrepitis vsu plerumque venit, exoritur.

Tussis ergo à catarrhosa & frigida desillatione vt auerruncetur, ad generalem Catarrhorum curam superiori capite descriptam, confugiendum est.

Demptis enim hoc modo causis, accidentia quoque inde suborta, domari facilius poterunt, sin verò alia difficultas in causa sit, verbi gratia, quòd tussis sit inueterata, corpus debile, quod prædictam curam sustinere minus possit, vel quòd morbus adhuc sit in fieri, nec tum confirmatus, leuioribus medicamentis superandus; sequentem curationis viam calcabis.

R. Axungia caponis ʒ iij.

Vnguenti Bezoardici drachm. ʒ.
Misce.

Quo ipso pectus ægroti obliuendum serò ante lecti ingressum, mappulâ bene calidâ superpositâ.

Dum hæc fiunt porrigas simul tria quatuorue grana Diasolis cum pauxillo Syrupi Tussilaginis; idque duabus vel tribus vesperis vsurpatum, magnum adferet solatium.

Stomachus, cacochymicus si adfuerit, ad euacuandum ipsum, Sale Vitrioli pro virum morbiq; magnitudine vtaris: Inter vomitoria siquidem non vitimum illud obtinet locum ad hunc præferim scopum. Attamen si quid obstat, eius loco pilulæ Balsamicæ substituantur, quarum descriptionem tertio cap. de peste tradidimus.

Infantibus tussi à nimia refrigeratione absque phlegmatum concursu vexatis satis erit, pectoris cauitatem duntaxat supradictò linimento inungere. Humoribus autem crassis & viscosis in pulmonum bronchiis infarctis, & respiratione quodammodo impedita, protinus 4.5.6. vel 7. grana Salis Vitrioli cum pauxillo Syrupi consolidæ regalis ad euacuandum pectus, maioraque euitanda symptomata, administrantur. In hoc enim, leuissima etiam mora vel mortis ipsius, vel maximarum sollicitudinum causa esse potest, quemadmodum sæpè videre est ab ipsis, qui parentum plus iusto meticulorum causâ, arma hæc salutis è manibus extorqueri sibi patiuntur, & omni spe con-

clamata, in vigore demum morbi velint quod incipientibus morbis tempestiuè secundum Hipp. 2. Aphor. 29. exequi debuissent. Illi verò parentes non magis affectus in filios demonstrant bonos, quam simiæ, quæ sobolem amplexu interficiunt.

C A P. XVIII.

Contra paralyfin.

Paralysis inueterata ad sanitatē raro reducitur, imo dixerim nunquam, nisi longa Balneorum specificorum, medicinarum egregiè confortantium, & diætæ denique restauratiuæ continuatione, inque iuuenilibus & robustis corporibus.

Bezoardicorum verò vsus vti metho-dice contra paralyfin dirigatur, considerandum protinus in principio est, num curationis spes habenda sit nec ne: Ea ergò existente curabili, examinandum est: num corpus fuerit plethoricum nec ne; vtriusque enim sortis homines, æque debiles & exinanitos, quàm plethoricos inuadere sæpè solet. Plethoricis ad Catarrhos & defluxiones dispositis inprimis vomitus prouocetur conueniente quantitate Mercurij vitæ. Aliàs si sanguis solummodo abundet, è Cephalica oppositi brachij mittatur, quantum sufficit.

Premissa euacuatione & partibus affectibus hoc modò ab humorum illuuiè quodammodo liberatis, postmodum etiam vnguento Bezoardico perunctis; linteolo calido totum corpus inuoluatur, & mantili ligneo peculiari industria ad sudores proliciendos concinnato includatur, vt linteolis vndique subductis pauxillòque Asæ dulcis aut ligni Aloës, in ignitatio subtus pedes, accenso, sudor, quantum opus est, prouocetur. Quod vti felicius succedat, puluinis & lodicibus

circa collum præsertim, ita cooperiatur, vt nec fumus foras prorumpere, nec capiti molestias creare possit.

Hoc factò, instrumentum iterum remoueatur ægerque calidè ad sequentem auroam vsque quiescat, Camerâ conclusa & ligno Aloës acetoque florum Lauendulæ perfumatâ. Superueniente deliquio spongiâ aceto prædicto imbuta nares demulceantur, & aqua florum Lauendulæ seu Cinamomi cum Aqua Rosarum in B. Mariæ destillata & ad dulcedinem insaccharata ad cochleare exiguum exhibeatur. Ventrem constipatum emollias Clysteribus.

Postridie dabis operam, vt eodem, quo suprâ factum est, artificio, sudores proliciantur. Si tamen vires non suppetere, die adhuc vno vel altero interposito, idem si fiat nihil interest.

Postquam hoc modo per sudores, quantum necesse erat, superabundantiam serosorum humorum, & fluxiones, sanguinis incandescentiam, & pororum constipationes amolitus fueris, singulo mane 3. vel 4. gr. Diasolis in cochleari Syrupi Melissæ propinentur. Vesperi partes affectas sequenti tractabis vnguento.

℞. Axungię vulpis ℥ij.

Liquoris lumbricorum sine additione olei ℥j.

Vnguenti Bezoardici ℥ij. Miscè.

Et hoc vnguento, quamdiu opus erit, perseuerabis. Quod si stupor partis tantus sit, vt vnguentum calidum magis magisque aperientis naturæ oporteat esse, pondus vnguenti Bezoardici augeatur, & singula vnguenti vncia mediam drachmam salis plumosi subtiliter puluerisati, mediam item Aquæ vitæ rectificatæ vnciam accipiat. Quo ipso vnguento ita acuto reddito diutius non vteris, quàm donec coloris mutatio partisque quasi intumescencia persentiat. Pari enim industria, vt frigida in hoc morbo vitanda sunt linimenta, ita quoque cali-

dorum abusus omninò perniciem infert. dum nimirum nervos vltra modum exiccet, nutritionem auertit, aliaque symptomata generat, quo in respectu satius esset totum negotium naturæ ab initio reliquisse. Idem accidere potest vnguentis quamuis temperatissimis, si terminus adhibitionis eorundem plus iusto prolongetur: Tantùm enim abest, vt influxa materia eorum virtute exhauriatur, vt econtra illa ratione prohibita transpirationis magis pertinax, spissa, & immobilis reddatur. Medicum igitur & in hoc virum oportet esse prudentem, qui loco vnguentorum, morbo vsque ad eò perseuerante, fomentationes ex specificis herbis cum lixiuio aliisque liquoribus factas præscribere commode possit. Notandum tamen accidentalem illam humiditatem à fomentationibus relictam beneficio sudorum exhauriendam iterum esse. Quæ tamen molestiæ evitari possunt iisdem herbis in Emplastri formam sequenti modo accommodatis.

℞. Sapæ Baccarum Ebuli.

Mellis Iuniperini

Resinæ pini.

Olei sambuci an. ℥iiij.

Gummi ammoniaci in succo sumit.

Ebuli vel sambuci depurati. ℥ij.

Chamæpityos.

Fol. Melissæ.

Flor. Lauendulæ

Camomillæ ana ℥j. ℥ij.

Gummi Arabicj ℥j.

Salis Gemmæ torrefacti.

Tartari ad nigredinem calcin. an. ℥ij.

Sapæ primum coquantur in consistentiam satis viscosam, postmodum Resina pini, & gummi ammoniacum (quæ pura sint, & spiritibus adhuc repleta) dissoluantur in oleo Sambucino. In fine dum ab igne remota modiceque agitata fuerint, vsque dum sponte vnguenti spissitudinem acquirant, admisceantur sapæ, gummi Arabi-

Arabicum, cæteraque subtiliter puluerifata. Vnde massa inſtat Emplaſtri de Meliloto communis, non nimium vinctuoſa, nec nimium humida euadet.

Hoc emplaſtrum partibus paralyticis applicatum mediocriter calefacit, materiam peccantem ſubtiliat & abſtergit, ſudoremque promouet abſque omni ſymptomate ab vnguētis alijs metuendo.

Diatam quod attinet, ordinanda illa eſt non ad morbi ſolummodo naturam, verum etiam ad ægroti temperamentum & conſuetudinem.

Quemadmodum enim terra non niſi arida pluuiam ſiuit, humida verò ſolis radijs gaudet; Ita ſe res habet, cum corporibus noſtris. Emaciata corpora, humida, pingua contraria poſtulant; Alijs eodem modo, quo ſemina vel ſuffocantur vel corumpuntur, ita quicquid naturale eſt, in corpore diſtemperato, victuque neceſſario deſtituto funditus perire neceſſe eſt; Potus paralyticorum non ſit vinum, præſertim ab initio morbi, nec propter calorem vini, ſed quod ſubtilis ſubſtantiæ cauſa ſpiritus impellat, cerebrum perturbet, pituitam colliquet, & conſequenter neruoſum genus debilitet; Verum potius Hydromel ſimplex, Cereuiſia ſecundaria, vel piſana radicibus Caryophyllatæ aromatiſata uſque ad morbi declinationem. Et tantum de Paralyſi à maniſeſta deſuxione cum pituitoſi humoris redundantia ſuborta. Ad alias enim paralyſeos ſpecies, vt & reliquas curationis circumſtantias ſermonem extendere animus non fuit.

C A P. XIX.

De Febris intermiſſentibus in genere.

Quamuis Febres intermiſſentes diuerſiſſimæ ſunt, tam ratione periodicationum, quàm ipſiusmet materiæ peccantis; nihilominus tamen prudens Medi-

Ang. Sala.

cus ægrotum in omnibus ſequatæ & robuſtum, inſtituit ſecundum Hippocratis ſententiam, generalibus medicamentis, reſtituere poſſe minimè inſicior. Meam nihilominus ſententiam, vtut plurimi in contrariam inclinent, noſtraque uſu comprobata medicamenta hoc in loco recitabimus.

Et notandum ab initio eſt, quod Hippocrates lib. de veteri Medicina immotis rationibus confirmat; febres nimirum non à calore, nec frigore ortum ſimpliciter ducere, verum inprimis à materia amara, acri, ſalfa, pontica, inſpida, &c. calori aut frigori conjuncta, intra corpus corrupta & fermentata; qua etiam expulſa febres oppidò ceſſent. Quod item Paracellſus amplectitur, dum docet, quando eò uſque peruentum ſit, vt hominem febris inuaſerit, iam tum materiam peccantem neceſſario præparatam eſſe, & propterea abſque morâ purgationem imperari debere; & præparationi humorum diu incumbere nihil aliud eſſe, quàm corruptioni & alterationi per reliquam ſanguinis maſſam occaſionem impertiri.

Quod dum ita ſe habet, quid de calore & frigore vanis ſpeculationibus noſmetipſos diſcruciamus, dum nimirum non ſunt niſi fermentationis illius materiæ peccantis accidentia? quid longis illis. Apozematibus & Syrupis digeſtiuis tempus fruſtrà perdimus? Liberari ſe & breui tempore in integrum reſtitui qui cupit, ſequentibus medicamentis aut ſimilibus, quorum natura ditiffima eſt, curam aggregiatur.

Primo quando quis in febrē incidit, intermittentem, chronicam, vt ex ſignis facile deprehenditur, examinandus æger eſt, de natura ſua, de temperamento, ætate, viribus, eo ſine, vt iis omnibus poſtea curationem accommodare, materiam expellere, vel fortibus, vel leuioribus & minoratiuis medicamentis, poſſis.

Statim ergo in principio, ſi vires

R r r

sustinuerint, vomitorium è Gratiola herba supra cap. de febr. ardent. preparatum, vel etiam Syrupum ipsius è succo, vel denique Infusionem Antimonij cap. de Pleuritide descriptam propinabis. Sequenti autem biduo, triduo, vel quatruiduo, Apozemate hoc purgante instabis.

℞. Fol. senæ ʒxij.

Tartari albi crudi ʒ iiij.

Summitat. Carduibened.

Absinthij.

Centaurij minoris.

Fol. pilosellæ ana ʒj.

Aquæ succ. Card. bened. ʒxiiij.

Infundantur in vase terreo vitrif. per horas vj.

In colatura dissoluantur

Mannæ Calabrinæ. ʒ iiij.

Clarif. cum albumine oui s.a. & aromatizentur cum Aqua Cinamomi.

Dosis sit quarta ipsius pars, plus, aut minus, secundum quod corpus robustum vel alias dispositum fuerit.

Quod si vero æger à prædicta potione abhorreat, vel propter amaritum, vel ob formam potulentam quod sæpe usu venit, substituendæ erunt pilulæ nostræ Cephalicæ duobus tribusve Diagridij granis aciores factæ.

Corpore ita purgato, penitus (hoc enim omnino, quamvis imbecilles fuerunt ægri, necesse est) febris sponte evanescit, vel de vigore suo multum remittit. Vtteriori tamen cura si opus esset, hac via incedito: Mane scilicet Mediana vel Basilica dextri brachij secetur ad mittendum sanguinem pro copia ipsius & virium conferentia.

Vespero proximo quatuor vel quinque grana Chrysobezoar in cochleari aquæ stillatiæ è succo papaveris Rhæadis ad sudorem in lecto promouendum exhibitto, postridie & tertio post die idem repetiturus, adeoque Medici officium penitus absolutio.

Diatam oportet esse è cibus boni succi

& facilis digestionis, nec cibandus unquam æger est, nisi finito paroxysmo. Vinum pro potu sub mensam nemini interdicitur, dummodo consuetudo etiam coindicet, illudque febriè assumatur. Nimis tamen generosum si foret. Aquæ fontana vel Borruginis, pimpinellæ, cichorij, cerefolij, & empyreuma non redolentibus diluatur necesse est.

In ipso paroxysmi ardore ad sitim sedandam, ad libitum ptisanam, vel Aquam fontanam oleo sulphuris modo cap. de febr. ardent. proposito correctam concedimus.

Post paroxysmum, lapsas vires dissipatosque spiritus, pane tosto vino & saccharo imbuto, seu panatella, haustulo item eiusdem vini rescimus. Et hac ratione ægri sanitatem, Medici existimationem assequuntur.

Quod si æger vsque adeo debilis foret, vt supradictam curam tuto minus perferret, mitigationi tamen symptomatum humorumque rectificationi incumbere oportet.

Ad quod opus est, vt stomachus pilulis nostris Balsamicis ad purgationem sollicitetur, & per intervalla ante paroxysmum Chrysobezoar vel exigua pilula Diasolis exhibeatur. Sitis, dolor capitis, alui constipatio, vigilia, aliaque febrium symptomata remediis supra de peste descriptis subleuabuntur, convenientem victus rationem secundum quantitatem, qualitatem & tempora diligenter observando. Et sæpe accidit, quod istiusmodi ægroti imbecillis scilicet constitutionis, vili aliquo remedio æque feliciter restituantur, quam qui fortibus vtuntur medicamentis; idque has ob causas, quod in corpore debili, lenis Medicina tantum operetur respectu naturæ ipsius, quantum efficacissima alia, respectu corporis compacti & robusti; Quod item tantam humorum illuuiem in imbecillibus febris non reperiatur, vt sine commutatione cum

salute vel morte diu hospitari queat; Cum econtra robusti, iuuenes & plethorici, ratione superabundantis materiae, sat habeant, vnde febris longissimum tempus, nisi fugetur medicamentis, nutriatur.

Qui gloriantur de secretis febris-fugis specificis, quod absque corporum purgatione modò illam febrem profligarint, & proinde vniuersaliter inferre non erubescunt, ac si omnes cuiuscunque generis febres simili modo profligari possint, illi certe veritatem non dicunt; Certo enim certius est, eiusmodi remedia, quamuis in suo genere *εὐεργιστά τε*, nullum unquam habiturum effectum, nisi vel naturae vel artis beneficio purgatio praecesserit. Accessiones febrium intermittentium impediri posse non ego, nunquam tamen hoc fiet, vt ne recidua vel alia grauiora symptomata reduplicentur. Vident talem & talem, inquit, qui tantillo puluisculi albiissimi cultelli cuspide comprehenso, febricitanti ab initio exhibito intra 24. horas sanitatem foeliciter restituit.

Alium item qui post habitis purgationibus, phlebotomiis, & à Medicis prouincialibus pro desperatis habitos, exiguo aliquo secreto pristinae sanitati restituit. Respondeo: primum casum de non alia, quam febre Ephemera accipendum esse, quae ipsa sua sponte etiam intra 24. horas terminatur. In alio casu quodcunque factum est, illud potius praemissis medicamentis attribuendum dico; purgatio siquidem si praecessit, huic merito acceptum referatur, non secreto illius Aegyptiae, si quid praestitum fuit; Quod vero usurpatis catharticis nihilominus aliquando febris aequalis, vel etiam acrior perseueret, id fit propter subtilium humorum intra venas, quas Diaphoretico prius dissipari oportet reliquias; Vel etià, quod corpus ita apertum, aut dilatatum, à frigido quocunque aëre iterum offendantur, vt febris postliminio locum cedat.

Item autem vsu venit istiusmodi Empiricis, qui purgationibus radicalibus ab aliis praemissis, corroborante aliquo sanitatem demum conciliant, ac illis qui propugnaculo seu porta bene munita hostibus foras propulsis, sine armis arcem occupare & defendere dicuntur. Nulli tamen Medicinæ, qualicunque etiam, diæteris huiusce probum dixerim, quum nulla tam tenuis videatur, quin proprietatura virtutumque quarundam certa de se praebear testimonia; Quinimo magis ad docendum illos, quibus cura & cordi est, morbos tutò & iucundè curare, ea omnia prolixius persequor.

CAP. XX.

De Febre quartana inueterata.

OMnium febrium intermittentium Quartana, secundum quod Hippocrates, & quotidiana testatur experientia, mitissima est, tutissimaque; Attamen dura vitam nostram querelis, vel maxime exosam reddit, ob id variis modis agrotantibus infestissima est.

Postquam enim corpus occupauit semel, raro ante 6. 7. 8. 12. 15. 18. 24. mensem, prout inuenit, quo nutriatur, resoluitur. Absumpta etiam materia corpus vsque adeo labefactatum, macidum, & nigricans derelinquit, ac si in Arabia vel Aegyptia aliquandiu vixisset. Quidam asseuerant sanitatem inde constantiorem implantari; attamen horum.

Semper ego optarim pauperrimus esse bonorum.

Verum ideoque est, quemquam absque ipsius auxilio sanum persistere posse; Quinimo quisque non exoptet aliter, cum antequam ad id perueniat, homines tam discruciet, tantisque ærumnis, scirrhis renum & hepatis, hydrope, ictero, melancholia Hypochondriaca & id genus aliis languoribus afficiat, vt nihil supra.

Inter Medicos valde controuertitur de loco primario, vbi materia huius febris propriè diuersorium habeat, adeo vt nullo modo indagari medicamentis nedum fugari queat: Qua de causa etiam opprobrium Medicorum dicitur. Verum relicta hac disputatione, ad duo principalia puncta consideranda nos accingamus. Primum num quid obseruatum sit à febre quartana confirmata, medicinæ operâ quenquam vnquam conualuisse? Secundò, si qua conualuerint, quibus remediis illud factum sit? Quibus vtrunque debite pensiculis, facilius postea de loco, vbi materia consistat, (à perceptione namque effectuum saepe in causarum notionem facellicissime prouehitur) iudicabimus.

Quod primum attinet, nullo modo abnegandum est, febrem quartanam confirmatam à quibusdam tam externis quam internis medicamentis profligatam esse, nec erit, Medicus practicus, qui Æsculapium tam difficilem habuerit, vt ne semel vel aliquoties hoc ipsemet perfecerit.

Si iam inquiramus in Medicamenta eorumque qualitates, quibus hoc factum fuit, reperimus ea calida, acria, penetrantia, quæque omnia meatus aperire, sanguinem agitare, spiritus alterare, & imprimis in venis operationem edere poterunt.

Ex numero siquidem externorum, alter Apium vel Rutam minutam concisam carpò, duabus tribusue ante paroxysmum horis super imponit. Alter capam medio Theriacâ repletam, tostam & in Cataplasma reductam; Alius telam aranearum Terebinthina oleoque spicæ commixtam adhibet; Alius iterum vnguentis calidis & subtiliter penetrantibus vtitur. Quin imo egomet ipse (absit iactantia) quosdam curauit, brachio solummodo applicando mixturam è cornu Cerui nuper combusto ad nigredinem, Mamiâ item & alio additis. Quæ singula calidam, subtilemque facultatem impense partici-

pant, pustulas etiam, ruborèm & inflammationem in subdita parte, dolorem item capitis, Spirituum alterationem, sudorem modò lecti iuuamen adsit, susciteant. Similiter non nemo ad se rediit, infusione Aquæ vitæ cum pyrethro, Zingibere, pipere longo, ante horripilationem largâ dosi assumpta. Quo ipsi etiam Empiricus quidam in his regionibus plurimos è Rusticorum tribu curæ se concredentes ipsius, sudorem nimirum in lecto prouocando vel forte aliquod exercitium injungendo, liberauit.

Alij pristinam sanitatem integrè assequuti sunt, solo Sinapi in aceto vini calido assumpto; Alij beneficio succi Chelidonix & Rutæ; Multi etiam liberali dosi Theriacæ vel Mithridatij, floribus item Sulphuris cum acetoso vino: Aquâ etiam vitæ multi, cum Vitrioli Aqua; Sic Cuprum, Stannum & Mercurius preparata rite, & Diaphoretica facta, aliaque plurima, quæ singula ad prædictorum naturam accedunt, plurimum profuerunt.

Proinde ex illis curationibus medicinarumque enumeratarum effectibus colligere indubitata ratione possumus: Causam febris quartanæ confirmatæ proximam, aliud nihil esse, quam subtilem materiam in sanguine hospitantem ad cuius incrementum, fluxum & refluxum, statis temporibus, interueniente Caloris vel frigoris commutatione, paroxysmos parturiat, instar æstatis & hyemis, cuius tamen causas ad vnguem reddere nullus & nemo potest.

Eiusdem argumenti est, quosdam Quartanarios nuper restitutos, transeundo Aquam, vel loca concaua, humida, in idem malum facillime incidisse, quod satis superque etiam confirmat nostram sententiam, in hoc casu nimirum esse subtilem quandam, & naturæ contrariam essentiam in sanguinis massa & spiritibus, quæ in instanti quasi alterata febrim iterum ceu crabones excitet.

Quod opinionem attinet illorum, qui putant materiam febris quartanæ esse humorem viscosum, Melancholicum in liene, hepate, Mesenterio aliisque stomacho vicinis partibus delitescentem, eam tribus potissimum argumentis proscribo; Primo quod non video, quomodo Epithemata aliaque pulsui superposita ad profunditatem usque corporis transire, & prædictum humorem expellere per loca conferentia possint; Quem ipsum humorem tamen, puta febris ipsissimam causam, necessario antequam febris solueretur, è corpore remoueri oporteret. Attamen illa sine omni dejectione, per quam grossi humores alias exturbantur, feliciter operantur. Quin imo nec Diaphoretica interna vsui forent, vtpote, quorum vsu, dum serosos & subtiles tantum humores spectent idque per sudorem & urinas, crassior humorum viscosiorque & consequenter febris difficilior status esset subsequuturus.

Secundo quod, secundum hanc theoriam, Medicamenta purgantia, vere *εὐεστομα* harum febrium quamuis confirmatarum penitus, forent remedia, vbi è contrario purgare corpus in quartanis fere nihil sit aliud, quam perturbare, dirisque cruciatibus absque vlla mitigatione corpus augere. Id quod aliunde non proficiscitur, quam quod prædictæ partes subtiles è venarum mole, purgantium opellâ ad centrum corporis & ad cor usque reuellantur, absque tamen absoluta earum per sedes amolitione, vti demonstrauimus.

Tertia ratio est; quod illas partes, si causam febris istius fouerent, necessario obstructas & aggravatas oporteret esse, quod in omnes non cadit, sed in quosdam duntaxat; Quamuis contendere quis vltra posset, à diuturnitate potius febris, illa accidentia in vno quidem magis, in alio minus pro partium dispositione multiplicari; Si namque ex vitio hepatis & lienis,

sanguinis alterationem & corruptionem contrahit, quidni etiam eadem facilitate sanguinis peruersitas ad illa ipsa serpet? Verum enim vero, quod diximus, tantâ fundamentorum euentia nititur, & cuilibet in oculis manifestè incurrit, vt sermonem ea de re longius producere, omnino superuacaneum existimemus.

Neque ergo inconueniens dictis, neque impossibile arbitror esse: quod materia febris Quartanæ ab initio quidem in stomacho concepta, postea vero humoribus crassis intimitus mixta, sanguinis massam coinquinet, vti dictum est, ibique mansionem eius statuas. Et super hoc fundamentum totam curationis normam superædificandam censeo. Quicumque ergo affectum hunc tam immanem prauertere cupit, statim in principio, vbi stomachus male habere, & superabundantiâ humorum alterari incipit, ad methodum generalem supradictam se conuertat, purgando scilicet corpus repetitis vicibus, donec ab omni impuritate penitus exhauriatur, postmodum constipatos meatus aperiendo, sanguinem sudorum prouocatione clarificando, ventilandoque venæ sectione. Quorum omnium beneficio æger à multis morbi miseriis, & afflictionibus præseruabitur.

Quod curationem attinet, agro quartana aliquandiu satis exterminato, posthabita quorundam rudi sententia, in cursu nimirum suo quartanam non esse impediendam; neque tamen purgato, purgationem inprimis instituas mitiorem quàm vt stomachi vicinarumque partium regionem superet, ne scilicet in curationis progressu humorum efferuescentia eorumque ad periculosiora inferenda Symptomata peruersitas metuenenda sit. Ad id muneris perficiendum vomitoria præsto sint supradicta, non tamen scirrhus lienem vel hepar infestante: Eo enim in casu non tam vomitoria, quam Cathartica vsui sunt: Agro vero emat-

ciato, humoribusque viscosis redditis, bi-
duum vel triduum (indies tres vel qua-
tuor haustus assumendo) sequens digestio
prodest.

R. Serī lactis vaccini recens. vnc. viiij.

Syr. scolopendrij D. Fernelij

Fumariæ simpl. ana vnc. j.

Violar. solut.

Mannæ calabrinī ana vnc. ij.

Salis Tartari Vitriolati gran.
xxiv.

Misceantur in vase terreo vitrif. clarif.
cum albumine oui, & colata aromatizen-
tur cum A. Cinamomi, pro 4. dosibus.
Stomacho hoc modo euacuato, pro exi-
gentia ipsius (aliàs Cathartica missa fa-
ciamus) tribus quatuorue horis ante
accessionem, totum corpus, potissi-
mum tamen spina dorsi vnguento Be-
zoardico bene inungatur, & sudor
in lecto, vel beneficio Instrumenti li-
gni supra nominati, liberaliter prouo-
cetur. Attamen si patiens eneruatus ni-
mum, prædictam tractionem sufferre
nequeat, in peculiariter ad id composito
instrumento sedeat, capite foras proten-
so, subtrusque decoctione Maluæ, bis
maluæ, florum Meliloti & Camomillæ
collocata, ad calorem natium excitan-
dum, poros aperiendos, sudoremque de-
nique facilius proliciendum. Decocti
enim illius vapor cutim humectat, poros
penetrat, materiam præparat & simul
educit, multo maiori cum conferentia,
quam alias in sicco aëre fieri solet. Ideo-
que accedente victus humida ratione, po-
tissimum hausto iusculorum carnis, tepi-
do, serī lactis, vel hydromellis simplicis
assumpto, mirum in modum & sudorem
& morbi profligationem promouebis.

Tertio post die operationem hanc rei-
terare necesse, vbi prima vice febris non
fecerit diuortium. Corpore autem bene
calefacto, ventosas, vnam vel alteram
cum scarificatione super lumbos applica-
bis, easque sanguine bene saturatas secun-

da vel tertia etiam vice, secundum quod
ægroti vires sufficient, reiterabis.

Proximo vero die paroxysmi ab omni
vacandum remedio, ad attendendum so-
lum, num cessarit necne. Hoc enim si fa-
ctum est, salua res est, sin minus, singula
ad tertiam vel quartam vsque vicem re-
petere opera pretium erit.

Cæterum durante eadem cura, debito
tempore, & victu multum restaurante nu-
triendus æger est, ventris constipatio tol-
latur Mannâ cum pauxillo infusionis sen-
næ, vel per Clysteres.

Peracta feliciter curatione, in victus
regimine, quantum potest, recte se gerat,
aërem frigidum, ventos, pluuiasque fu-
giendo, donec penitus pristino vigori re-
stitutus fuerit. Quocunque enim errore in
reciduum delapsus, septies tanto pericu-
losius decumbet.

Quod restat oppilationes Epatis, lie-
nis, labefactatum ventriculum, à febre
relicta, suo quodlibet remedio profligare
oportet.

I. *Contra duritiem & Obstructionem lienis.*

R. Vnguenti rosati ℥j.

Vnguenti Bezoard. ℥ss.

Oleum Gummi Elemi. drach. ij.

Misce f. vnguentum.

Hoc ipso regionem lienis singulo sero,
duarum vel trium septimanarum spatio
superinunges.

Contra Oppilationem hepatis.

Hic maximopere valebit vnguentum
Nasturtij aquatici vt supra de pleuritide
præparatum; Quotidiana itidem Diasolis
cum conserua cichorij, flor. buglossi, vel
borraginis exhibitio. Super omnia tamen,
in icteri etiam & Hydropis initio, his
duabus partibus obstructionem commo-
dissime jugulabis, decoctione vulnera-

riarum herbarum, aperitiuarum, detergentium, expellentium, virga nimirum aurea, vinca peruinca, veronica, centaurij saxifragia, Aquileia, Millefolij, pentaphylli, Carefolij, scolopendrij & aliarum similia.

Sola imbecillitas si adfuerit, nulla in dispositione partium relicta, decem vel duodecim dierum spatio, singulo mane Chrysobezoar ad ij. vel iij. grana cum pauxillo Gelu Cydoniorum deglutiat, & multum sine dubio confortabitur.

CAP. XXI.

De Hydropo.

HYdrops ad morbos pertinet Chronicos, & insanabiles, praesertim si fuerit inueteratus: diuersas agnoscit causas, prout Doctores earum mentionem faciunt: Tres vero duntaxat ex usu sunt ex tribus his sequentibus indicationibus, ad huius therapeiam necessariis, inuestiganda.

Primo Aqua in hypochondriis collecta exhaustiatur, postmodum singulae partes corroborentur, & feruor hepatis contemperetur. Sic enim & generationi materiae in ipsa parte, & collectioni in partem debite resistimus.

Quod primum attinet, cogitandum est, num materia ad expulsionem disposita satis nec ne. Id quod particulariter colliges ex vrina alba, quodammodo subjugali instar feri lactis, & quando calori admota confestim dissoluitur, ex parte tamen instar coaguli inspissatur. In hoc ergo casu tali Hydragogo opem parabis.

℞. Magisterij Argenti dejectorij grana iij. v. vel vj. pro viribus.

Vini Maluatici vel albi opt. ℥ij.

Dissoluendo inuicem s. potio frigida.

Exhibeatur bis ter, tertio semper die,

si opus est, eo vsque donec omnes aquositates penitus absumantur.

Aliud.

℞. Sem. Ebuli recent. ℥ss. vel drachm. vj.

Secundum virium differentias.

Fiat emulsio cum jusculo carnis vitulinae veluti Amygdalarum, modico saccharo dulcoranda & Aqua Cinamomi aromatizanda. Bibatur satis calide, reiterando, quotiescunque opus est.

Aliud.

In defectu superiorum sequens substituat.

℞. Scammonij more Spagyrorum depurati gr. x. xij.

Ol. Salis Gemmae gutt. iijj.

Ol. Caryophyll. gutt. j.

Conseru. ros. drachm. j. Fiat Bolus.

Non minori promptitudine quam priora aquas per aluum & vrinas deturbabit.

Huic vsui etiam Extracta Esulae, Elaterij, Hellebori aliorumque hydragogorum inferuire, commode possunt. Quisque pro suo arbitratu vel potius pro suo experientia eligat, quod velit.

Ad corroborandas partes labefactatas quinque vel sex auroris continuis detur Chrysobezoar cum Syrupo succi Cydoniorum, sed nec sudor prohibeatur, si natura eo sit procliuvis.

Calorem hepatis restinguit Sal prunella per 3. hebdomadas singulo mane, ad viij. gr. cum Aqua succi Cardui benedicti exhibitum. Interim victus instituitur e pullis, auibus, carne vitulina, agnina tosta, ouis recentibus. Potus sit Claratum si fieri possit.

Tumor ventris rebellis existens adeo vt nec superioribus rite administratis cedat, sequenti vnguento, modo de pra-

gressa purgatione nullum sit dubium, tractandus est.

℞. Summit. Ebuli vel Sambuci viridis
℥b iij.

Butyri recentis ℥b ij.

Bulliant ad consumptionem humiditatis. Colaturæ addatur.

Ol. Sem. carui recenter destillati ℥j.
Misce.

Corpus eo ipso vngatur circa tumorem bis in die, & consumetur.

Interdum vesiculæ, pustulæ, vel inflammatio in scroto, coxendice, cruribus aliisque partibus, acris materiæ intra cutem resistentis causâ, alias in principio, alias in declinatione suboriuntur, & tum inter plurima remedia hoc fere primum obtinet.

℞. Auricular. Iudæ num. xx.

Aqu. Sambuci vnc. xx.

Infundantur per horas xij. Deinde bulliant ad casum medietatis, Colaturæ addatur.

Semin. Mali Cydonij drachm. ij. & fiat Mucilago in qua permisce.

Olei Sambuci

Rosar. completi an. ℥i℥.

Quo ipso subito omnis ardor & dolor mitigari, profligarique poterunt.

C A P. XXII.

Contra mensum retentionem.

PRouocatio menstruum præter naturam retentorum, operatio est tam incerta, variabilis, tamque infinitis subiecta circumstantiis, quam forte vlla alia in tota Medicina. Quemadmodum enim Matrix ratione formæ, facultatum, officiorum, proprietatum & operationum vere secundus Microcosmus, & vas mirabile existit, adeo, vt intellectum nostrum natura ipsius longe excedere videatur; ita & affectus ipsius eius conditionis sunt, vt vix æne vix quidem eo-

rum omnium causas ad vnguē indagarē & cognoscere liceat. Liquet illud vel maxime, quod suppressio mensum, non solum à manifestis qualitativis, intemperie calida, humida, frigida, sicca, repletionem, inanitionem, humorum corruptionem, venenis, contusionibus, in sensum incurrentibus, sed & ab amore, gaudio, subita consternatione, cholera, Melancholia, aliisque plurimis Methodo minime substantibus exoritur. Ad quorum cognitionem Medicus nunquam perveniret, nisi *ἐπ' αὐτῷ* ab ipso patiente instrueretur.

Nostrorum Bezoardicorum usum ed solum dirigemus, quomodo illorum beneficio Retentioni duplici ex causa ortæ mederi liceat: Primò, quando menses retinentur, propter cacochymiam phlegmaticam totius corporis; Secundò, quando à propria Matricis vicinorumque meatuum obstructione.

Ad primam intentionem dabis Mercurij vitæ dosin, quo frigidi humores per os & per alium mirabiliter purgabuntur.

Postridie exhibe Scammonij depuratissimi gr. v. vj. vij. viij. vel x. cum conserva Betonice vel Gelu Cydoniorum ad maiorem gratiam dissoluti; Idque tamdiu, donec nihil impuritatis in corpore reliquum fuerit; ægrum interea bona victus ratione sedulo tractando.

Peracta evacuatione sudori studendum est, tribus, quatuor, vel quinque auroris, vnguento Bezoardico; Quo ipso nimirum frigida partium externarum superfluitates consumuntur, sanguis attenuabitur membraque calore resecta à frigidorum humorum detentione liberabuntur.

Post sudorem, duarum triumve septimanarum spatio singula aurora, quatuor vel quinque granis Diasolis cum Syrupu Melissa vtantur. Abstineant à frigidis, humidis. Et sic bonis & laudabilibus succis regeneratis, temperamentoque in naturalem statum reducto, non poterit

poterit non sælix effectus succedere.

Quod retentio ab alia causa nempe particulari constipatione Matricis profecta fuerit, deprehendere est ex eo, quod tempore, quo alias fluere consueuerunt menses, omnino desistant, dolorque capitis, inflammatio oculorum, defluxiones calidæ & aliquando hæmorrhagia per os & nares subsequantur.

In hac obstructionis specie nisi forsitan insignis plethora, & sanguinis abundantia intersint, non vsque adeo necessaria est venæ sectio: Quamuis enim à venæ sectione è Saphena facta sanguine ad inferiora detracto adimenti aliquid fiat, quantum præsertim Capitis symptomata attinet, primum tamen scopum, qui est, vt obstructio tollatur, non attingit; Et vix vna è millibus venæ sectionem admissa in Saphena, sanitate recuperat.

Curationi ergo huic sequenti modo Colophonem imponimus; Statim ab initio dum stata purgationis tempora relinquuntur, & menses retineri incipiunt, exhibeatur. Extractum Hellebori nigri ad gr. xv. vel scrup. j. mane ante exortum solis, eoque die sæpè iuscula calida propinentur, vitenturque frigida. Et quando corpus strenua Medicamenti actione forte alteratur nihil interest. Nec enim præter rationem illud accidit, & cochlear Aquæ vitæ Matthioli vel Aquæ Theriacalis in continenti iterum auxiliabitur.

Bis terue si dejecerit, bene est, corpore præsertim humoribus non multum referto; Attamen si nihil omnino operetur, altero die idem repetatur.

Factâ purgatione, quinque vel 6. grana Diasolis cum Syrupso Artemisiæ manè jejuna ad decem vsque vel duodecim dies commendantur.

Et ab hinc quiescendum vsque ad proximum mensem, quò alias fluere naturaliter consueuerunt, ad cognoscendum, cum sponte cursum iterare forte velint.

Ang. Salæ.

Sin minus eadem viâ incedere oportet quàm prius; Sed si ad quartam vsque vicem repetita singula nihil proficiant, per 2. vel 3. dies continuos propè matricis orificium pessarium hoc gestitet.

R. Pulu. Fol. persicariæ maculatæ solè existente in Leone collectæ in vmbra exiccata drachm. ß.

Radic. Ellebori nigri pul. ʒß.

Et cum Gummi Tragacanth. in vino albo infuso formetur pessarium. f. a.

Hoc ipso sanguis menstrualis cum multis vteri quiescentibus prolucietur.

Quod si vero remediis prædictis, quamuis specificis attractiuis, in cassum laborauerimus, & ægrotæ fortunam attemperare ulterius experiri voluerit, vltimum præsidium esto Balneorum vsus, secundum Medici alicuius *sympliciorum* institutus, & interea per intervalla pessarium interponatur. Si verò nec tum ex sententia succedit, incurabilis prorsus habeatur obstructio, nullisque remediis impofterum tentanda. Diæta correspondeat Medicamentis necesse est, idque secundum constitutionem, temperamentum, consuetudines, ætatem, morbi durationem & alias circumstantias.

Ad eundem modum puellis quoque mensum primitias promouemus, attamen cautè, nec hoc fiat præmaturè, ne plantarum flores carpantur antequam crescant. Fieri enim potest, vt majori hinc afficiantur damno, quàm ad sanitatem auxilio.

C A P. XXIII.

Ad difficilem partum.

Difficultas parturienti, à diuersis causis procedere solet. Ad harum itaque diuersitatem diuersa quoque excogitentur remedia necesse est. Nos verò ea tantum perstringemus, quibus labor

res illiusmodi, quamvis sætu naturaliter jacente, & tempore completo, ob facultatis expultricis ignauiam tantum, exasperari, subleuari & promoueri possunt. Quo in casu ad duo præsertim, veluti sanitatis anchoras confugiendum.

Primo detur Diasolis quantum conuenit cum cochleari vini Maluatici, vel alterius vini albi generosi.

Secundò vmbilico illinatur vnguentum Bezoardicum, &c. Si tamen minorem, quàm par est, efficaciam præstiterint, Mercurius vitæ debita dosi exhibeatur in cochle. vini vel iusculi carnis. Et in continenti, quando nauseare & vix vomere cæperit, facultas expultrix ad expellendum sætum simul calcar accipiet. Nec abhorreatis à tali medicamēto, eo ipso enim plurimis in acie nouacula quasi constitutis, hoc in casu præstò fui, æquè delicatis quibus nulla spes superstes erat, quàm robustis & paganis, vt vndique hæriolari quis posset: Quin imò sætum semiputridum sæpè, & secundinam biduum vel triduum post partû relictam beneficio istius, salua matris vita, discedere fecimus. Mercurium vitæ ergò quilibet Medicus hac in parte optima de nota commendatum sibi habeat. Inter omnia enim quæ huic vsui natura suppeditauit, (quamvis in maxima copia) illum ipsum experientia veluti Regem nobis probauit. Neque existimadum puerperas nimium tormentis eò ipso discrutiatas iri, dum aliàs *αἰὼν καὶ κατὰ* satis perturbat: Operari enim incipiendo, vt sic loquar, operam finit suam; vnde meritò cuiquam videri posset, confortando potius, quàm quouis alio modo prædictos effectus omnes perfici & exerceri.

C A P. XXIV.

Contra Calculum.

Curationis eorû qui calculi tormentis afficiuntur, summa hæc est:

Vti nimirum adsumant dosin Diasolis in cochleari vini albi, & lumbis vnguentum Bezoardicum obducere sinant.

Dum enim in lecto prædictis remediis sudare cæperint, meatibus vrinariis diductis tophi facile deiciantur. Attamen ad hoc etiam attendendum est, quòd ventre plurimum confipato & hypochondriis flatibus distentis, Clystere Carminatiuo flatus dissipare oporteat. In casu, quod prima vice frustranea fuerit opera, nec aliud Clystere deiciatur, ventositatibus interim respirationi frænum injicientibus, ita vt sæpè repetitis clysteribus vtendum sit, Mercurius vitæ vel Sal Vitrioli vomitum ciendo integram curam præstabunt.

Præseruationi studemus commodissimè, exhibendo bis quotannis (vere scilicet & autumnò) salis Vitrioli quantum sufficit. Interea dosin Diasolis cum vino albo mane ante nouilunium ad sudandum porrigimus.

Et hoc modo diætæ conuenientis regulas simul obseruando, temporis successu causa huius mali sæuæque symptomata ipsius penitus extirpabuntur; Nolo tamen intelligi de iis, qui vitio hæreditario aut naturæ defectu decubuerint.

C A P. XXV.

Contra scabiem pruriginosam & malignam.

Qui scabie à sanguinis corruptione humorisque melancholici confusione exorta, diuexantur, nec delumbes interrim, inprimis ad curandam valetudinem dosi mercurij vitæ ad ciendum vomitum opus habent. Altera post tertioque die purgationem Extracto Ellebori nigri instituunt, Viribus autem destituti hanc adsumant potionem.

℞. Epithymi recent.

Fol. senæ ana ʒ j. ʒ.

Agatici albillimi non troch. ʒj.

Tartari albi ʒj.

Seminis Fœniculi ʒß.

Aquæ succi fumaræ ʒiij.

Infundantur per horas sex, colatūræ addatur Mannæ Calab. ʒj. fiat haustus.

Postridiè etiam vel tertio post die pro re nata reassumendus ; Qui verò hanc potionem auersantur , pilulas nostras cephalicas (præmissa tamen humorum , appropriato aliquo , vt lætis sero , capite de febre ardente supra descripto , præparatione) in locum ipsius pro purgatione adfiscant : Respicendum autem sedulo est ad siccitatem corporis ; Pilulas enim in siccis constitutionibus , sine humido vehiculo ante & post ipsarum vsum exhibitas , plerumque steriles sequuntur operationes.

Post purgationem sanguis mittatur , postmodum quinque vel sex dies continuos mane sudori studeant , beneficio instrumenti ad eum vsum capite de paraly si peculiariter destinati , exhibendo scilicet intrinsecus Diasolis aliquot grana & superbibendo ad promouendum sudorem hydromelitis simplicis bonum haustum ; si tamen adhuc sanguinis euacuatio vsui foret , illam repetere tantò magis prodesset.

Dietandi ratio sit , vt quævis salita , dulciaria , ferina , alia , cæpe , synapi , vina aliaque sanguinem calefacientia , spiritusque irritantia , studiosè euitentur . Pro potu inferuiat hydromel , pitisana , aliquando etiam serum lactis , Betonica , Buglossa , Borragine , carefolio , fumarïa , scolopendrio , cichorio , ceterach , vel id genus aliis contemperatum , & albumine oui vno vel pluribus , secundum indigentiam clarificatum , denique saccharo dulcoratum , & aqua cinamomi modicè aromatifatam . Et hoc modo triginta vel quadraginta dies procedendo , per vices etiam leue cathar-

ticum propinando , & singulo mane exiguum Diasolis pilulam absque tamen sudoris profectione , nisi postulet natura , deglutiendo , fieri non potest , quin sanguis mundificetur , & proxima scabiei causæ penitus pessum prematur.

Durante hoc curationis negotio , quando opus videtur linimento aliquo extrinsecus vsurpando , subsequens præparatio præligatur.

℞. Suc. Nasturcij aquatici depurati Plantaginis ana lb ij.

Rad. Peucedani recent. in minutissimâ frust. incif. lb ß.

Vnguenti rosati lb j. ß.

Bulliant in vase terreo vitrif. ad consumpt. succorum.

Expressioni addantur

Spirit. Terebinthinæ sulphureat. vulgò Balsami sulphuris ʒß.

Sublimati Veneti subtil. puluerif. ʒj.

Camphoræ ʒß.

Hoc vnguento corpus subtiliter bis terue singulo biduo , decrescente luna , delibatum , illicò ardoris mitigationem , materiæ digestionem , eiusque per poros cutis depulsionem , desiccationemque quæ omnia in scabie per habitum corporis curanda necessaria sunt , experietur . Quibus singulis læctoris mentem informare volui , ne desint miseris agrotis veræ medicinæ solatia . De gallica illa scabie tractare hoc in loco animus non fuit . Quamuis enim prædicta remedia non nihil eo in morbo prodesse possint , nihilominus tamen methodus medendi alia meritò instituenta.

C A P. XXVI.

Ad sugillata & contusiones.

Svgillatorum seu contusionum medela Sordinaria hæc est : Contusio vehemens magnæque actiuitatis venæsecium illicò indicat in brachio oppositi lateris ;

S ss ij

Toto autem corpore conquassato, in vena dextri brachij media; Vnctio item bis terrie repetenda ex vnguento Bezoardico: dummodo os fractum, vel dislocatum non fuerit, & interim contusio exterius apparuerit. Atque hoc adeo proficitur, vt nullo alio opus sit vnguento.

Interna contusio præter venæ sectiōnem, sequentis traumaticæ potionis vsum quotidie mane & vesperti ingeminari potulat, ab vncia dimidia ad vnciam integram per vices.

R. Oculor. Cancrī pulu. ℥iij.

Aceti vini albi odoriferi ℥vj.

In magno vitro fiat infusio in Balneo Mariæ tantisper, donec acetum non ebulliat amplius, postea colaturæ per inclinationem adde sacch. pulu. ℥ij. Diastolis gr. xxx. Ager se teneat calidè abstinendo à frigida potione, studendoque calidæ victus rationi. Ventrem constipatum Clystere emolliat. Hæc Methodo paucos intra dies sanitas redintegrabitur, dummodo non pars quædam principalis noxam acceperit, ad quam resarciendam nulla forent remedia.

C A P. XXVII.

Contra Gangrænam.

CVi Gangrænam curare animus est, Certe omnia malignitatem ipsius bene perspectam habeat necesse est. Non multum enim differt à moribus venenosorum serpentum. Quamuis enim tam acutis, subitaneis & perniciosis symptomatibus in vitæ fontem non læuiat, vt in moribus viperarum, aspidum & similia fieri solet; nihilominus tamen sensim & sensim tantam corruptionem inducit, vt & spiritus quosunque tangit, lethaliter inficiat. Quæ ipsa infectio, dum per Arterias ad cor vsque subrepat, intolerabilem symptomatum, imò ipsiusmet mortis, quamuis tale quid ab initio suspe-

ctum non fuerit, ansa existit.

Ad detruncandam ergo Hydræ hanc, idque Herculeo successu, non solum collimandum est ad remedia Topica eaque Balsamica essentialia, quibus nimirum membra à corruptione defendantur, & natura in exuperatione carnis mortificatæ adiuuetur; sed etiam ad Bezoardica, quibus cor athleticè muniatur, & supradicta infectio eminus arceatur.

Quod externa remedia contra Gangrænam attinet, quæ *ἔξω παρὰ τοῦ σώματος* & cito administrandæ, eorum magna est diuersitas; Et quod vis fortè approbari potest in suo genere oportuno tempore adhibitum. Inter maximè generalia tamen & securissima hoc se nobis offert.

R. Ol. Salis communis diligenter destillati.

Ol. Vitrioli potentissimi ana ℥. j. ℞. Salis ammoniaci purificati ℥. j.

M. in vitro.

Vsus eius est, vt superior carnis mortificatæ pars scarificata, Emplastro quodam pro defensione circumposito, eo ipso subtiliter fricetur. Si enim pars sana tangitur, non tam metus est, eam corruptam, quàm dolorem fortassis immanem excitatum iri. Illico etiam cataplasma tantæ magnitudinis vt, circumjacentes partes bene cooperiat, imponatur.

R. Farinæ Fabar.

Hordei ana ℥. j.

Decoct. summit. Carduibened. & Anethi q. s. coquantur in formam Cataplasm. & addantur Oxymell. simpl. ℥. ij.

Theriaca Diatesaron. ℥. j.

Myrrhæ Trogloditic. subtil. pulu. ℥. ij.

Misce.

Ad hæc si visitando agrum Gangræna in Escharam quidem redacta reperiat, ea tamen optatò non progre-

fiatur; repetendus supradicti corrosiui vsus minime est; Quinimò Cataplasma solum eò vsque continuandum, donec caro mortua à viua perfectè separata conspiciatur.

Hoc enim dextrè peracto, Chirurgi ad alia medicamenta, pro vt se indicationes offerunt, tutò progredi poterunt. Circumcirca etiam pauxillum Diasolis si placeret inunctum, malignitati Gangræne summoperè resisteret.

Prædictum causticum escharam inurit separatu facilissimam, humorum concursum sistit, carnem à corruptione præseruat & vndique laudabile fundamentum producit. Neque saltem æqualia iis metuenda erunt symptomata, quæ aliàs Arsenicum singulari licet artificio (si Diis placeret) ad eum vsum præparatum, & fixum vel dulce redditum inferre solet. Docebo prius *ἱγυαστέριον* ipsius, postea historiam de sinistro prorsus, & funesto ipsius vsu, (quippe venenum est specificum, naturæ quæ humanæ inimicum) recitabo. Optima ergo præparatio huius, quæque ab omnibus etiam Paracelsolib. 1. de reb. naturalibus cap. 9. pro suspecta minime habetur, talis est:

℞. Arsenici Crystallini,

Salis Nitri purificati anapart. æq.

Puluerisata in Crucibulo, cooperculo in medio perforato tecto mittantur ad Ignem rotæ, tantisper, donec albus eleuetur fumus (à quo sibi cavendum benè est) nec amplius vapor aut fumus appareat. Refrigerata materia, quæ alba est instar Salis Nitri fusi iterumque coagulati, eximatur.

Maxima enim eius pars Nitrum est, quippe dimidium ponderis absorbi, prædictumque fumum non aliunde quam ab Arsenico proficisci, in propatulo est.

Dicere quis posset, quum Arsenicum totum in auras euolauit, consequenter etiam malignitatem Arsenici abolitam fore. Verum enim vero Arse-

nicum quidem totum fugatum est, non item Arsenicale; tantumque abest vt Salnitri Arsenicum correxerit, vt potius venenositatem Arsenici potitum, seque ipso redditum venenosius, quando vulneribus applicatur longe scæuora symptomata inducat, quam alias simplex nitrum, quippe quod intrinsecus etiam assumitur, facere consuevit. Assertionem hanc luculentius Historiâ confirmabo: Æstate præterita contigit, vt ciuis quispian magno vlcere sinistri Cruris laboraret. Huic carnis spongiosæ & fœtidæ demendæ causâ, Chirurgus Arsenicum, vt supra, præparatum adhibuit: Æger certè paucas post horas tantis conuulsionibus, stupiditate manuum pedum quæ, sudore frigido, palpitatione, deliquio cordis, & vomitionibus correptus fuit, vt nisi in continenti Bezoardicis aciem intus forisque contra instruxissent, procul dubio disperisset. Ab hoc & similibus aliis quæ simili successu in Cancro, aliisque malignis vlceribus obseruauimus, quispian summo studio sibi caueat. Ego certè quousque vixero tale remedium meum nuncupare, nec etiam vsum ipsius approbare nunquam audebo. Et quorsum hoc? Cum rerum omnium Archetypus plurimis aliis, de quorum *ἀσφαλείῃ* dudum nobis constitit, nos liberalissimè locupletarit.

Adsumpsi quidem Arsenicum ad Emplastrum Bubonibus pestilentialibus adhibendum, verum multum interesse cogitabis, an super vel subter cutem, adhibeatur, an item cera & Terebinthina delibutum vel non; præterea concursus humorum attrahentium admixtorum facultate elicitus, retro magis repellit, quàm quod intrò serpens venenum admittat.

Denique Arsenicum eo modo quæm de peste externa descripsimus, cum Sulphure & Antimonio præparatum, eorum virtute facultatem escharoticam &

causticam planè exiit, dum è contra Sal petra illud acutum magis reddit. Inter Salia enim nullum magis penetrat, nec inflammatoria reddit vlcera, quam Sal petra in furno calcinatum. Hanc ob causam etiam Emplastrum meum diutius non vsurpo, quam donec Bubones maturari & suppurari incipiunt, materiaque purulenta foras protrudi.

Iam ad μελέτην propositum reuertendo, statuimus, statim dum hæc fiunt, vel etiam paulò ante, agro dosin Diasolis cum Syrupo Cardui benedicti porrigendam esse, idque continuandum postea singulis auroris, donec victi mali istius signa euidenter acceperimus.

Victus præterea moderandus sedulò est, ne spiritus alterantibus, sanguinem nimium calefacientibus, febremque excitantibus cibo potuue vtantur. Hoc enim ordine Gangræna domari faciliè, & extirpari poterit, dummodo vel delumbis ætas, vel partis alicuius principalis offensio re-

moram non iniecerint.

Vsum ergo nostrorum tot numero morbis resistentium Bezoardicorum iam satis superque (quantum ad χημικὰς solummodo opus videbatur) declarauimus. Colophonidem ergo Tractatulo huic addendo : DEVM ter Opt. Max. supplex precor, vt his omnibus Medicamentis ad vsum afflictorum exoptatum benedicere, meque ab Inuidiorum virulentis morsibus, ad quos ipse solus antidota nouit, munire & custodire dignetur. Caterum candidum lectorem peto, vt hunc qualemcunque laborem æqui bonique consulere, & si qua error ignorant subrepsit, illum sincere, æquè, ac sibi met vellet, meo si sederet loco, interpretari velit. Quis enim homo est, errare à se qui alienum prorsus affirmauerit? Deus est, vt Propheta dicit, qui solus iustus est; Omnes scontra homines mendaces.

Πάντοτε δὲ ὁ Θεός.

FINIS.



TERNARIUS LAV- DANORVM.

S E V

OPIOLOGIA

De Natura, proprietatibus, vera præparatione & vsu OPII,

SVB TRIBVS PRÆCIPVIS LAVDANIS,

Psalm. 145. v. 10.

Confiteantur tibi DOMINE omnia opera tua, & sancti tui benedicant tibi.

IN OPIOLOGIAM Dn. ANGELI SALAE, &c.

Illa Opij abstrusim detenta scientia, Praxis,
Vis, varij effectus, delituere diu.
Hic timet admixtum, fortè alter abuitur, ille.
Vel leuiter sacrum præparat anodynum.
Hinc patitur genus humanum, pulchra Ars latet omnis,
Grassatur passim corpore dira lues.
Dira lues frænanda Opio, sananda Opiatis,
At SALA pulchrum Opio, credite, pandit iter.

Andreas Homerus.

AD LECTOREM.

Benigne LECTOR. Nullus dubito, quin, quando hunc meum
libellum in publicum emitto plures futuri sint, qui dicant: Num
Sala hoc ipso annititur scribere, quid sit Opium, & quomodo
exinde nobile illud medicamentum, Laudanum appellatum,
concinnetur contra omnes corporis humani internos dolores,
febriles ardores, fluxus ventris, vigilias & inquietudines, &c. Anne utroque

respectu agit, tùm quia idem & antè, nec absque industria & judicio, multi præclari Veteres sub manibus & literis habuerunt; tùm quia, quod ipsius Opj præsertim medicam attinet, moderni quoque Medici in scribendo industriam & experientiam, in communicando cum aliis sinceritatem satis probant? Illis merito hic sentum obuerto, & quantum sermonem suum de Natura Opj accipi volunt, quaro; Quisnam unquam antiquorum Medicorum hoc de medicamento tam abundanter, tamque solide scripserit, ut nihileorara, quæ scripsit, vel contrariis labefactari, vel imminui, vel melioribus aut similibus augeri possit? Profecto vix ac ne vix quidem eris, qui ad producendum talera quemquam satis instructus prodeat. Quid enim opus esset hac in parte tot disputationibus in Academiis, & priuatis Medicorum consultationibus, tam laboriose institutis lucubrationibus, de Natura Opj, ejusque usu, uti hæcenus consuetum est. Vanæ certè curiositatis argumentum magis, quàm solida prudentiæ foret, de re & doctrina disputare, & dubitare velle, quæ jam dudum ratione & experientia confirmata, & certis regulis comprehensa antiquitus proponeretur. Vfus ergo Opj ambiguus adhuc, & incertus plurimis existimandus est.

Si verò ita sese res habet, nec interea interdictum, vel Veterum inuentis addere, vel de ipsis opinari; vanitas, meo judicio, obtrudi mihi non potest, quod & meam ea de re sententiam ad Rationem, & Sapientum tam veterum, quàm recentium auctoritatem, ipsamque Experientiam conformatam bonis multorum rebus in medium producam. Inprimis cum institutum mihi non sit, neque in hac, neque in alia scribendi materia, quod plurimis commune est, mihi seorsim docendo vendicare.

Porro quod diuersi Medici nostri temporis, Opj & preparationum Chymicarum ipsius in Laudano Opiato, & aliis mentionem faciant, non inficias eo. Quin imò partim auctoritate & testimonijs ipsorum vtor: Verùm quòd propterea Laudanum, & usus ipsius res vulgò trita, & communis sit, nemo est, qui vel credat, vel contrarium mecum non probeat. Certum enim est, vix è centum Medicinæ Doëtoribus, prout in Europa medicinam faciunt, quinquaginta reperiri, qui Theophrasti vel aliorum libros de LAVDANO scripturientium legere dignentur; tantum abest, quod illud usque adeo ipsis familiare, vel notum existat; Ex his quinquaginta difficulter viginti erunt, qui eo utuntur; E viginti hisce mirum iterum, si decem reperias, qui illud præparare poterint. Ex his iterum & magis mirum, si tres solummodo sint, qui inde cognitæ sibi virtutes, vel nunc homines sunt, consulto aliis manifestare, vel agrotis audacter usurpandum proponere, proque merito commendare velint.

Possam certo adfirmare, plures Europæ ciuitates Medicos alere, quibus ne quò quidem de ipso Laudano, vel in sermone, vel in usu; puta, qui vel insolitum illud, vel

vel à re medica alienum prorsus habitum sibi, aliter iraculare non possint. Certus etiam sum, ut popularius rem examinemus, hoc ipso in loco (non obstante quod supra dixi) è millibus tam viris quàm sceminis, alias magnarum quarundam Compositionum velut Theriacæ Mithridatij, &c. ad titulum & usum gnaris, vix quinquagesimum quemque de Laudano quicquam unquam alienius momenti auribus percepisse; Ad quos singulos tamen ob multiplicem usum aque Laudani ac supra dictorum rerum cognitio spectaret.

Quod si ergo hic Tractatus meus vel ad hoc duntaxat conferat, quod simpliciter nomen Laudani ad multos deferendo, occasio sit: quo tempore necessitatis illud à Medicis quarant & expectant; siquidem sanissima quæque morborum symptomata nulli alij remedio tam citò, tutò & facile, quam huic ipsi cedant; sane vel hoc solum nomine labor meus sat utilis commendandus foret. Ad quod tamen aliud aditus multis aperiatur, prudens lector statim animaduertet.

Ceterum vero qui ad vulgare proverbum, Qui a la gorge pleine de fiel, ne peut cracher doux: propriis passionibus correpti, sibi soli sapere videntur, nec alterius quomodocunque etiam utilem institutum laborem probare consueverunt; Horum autoritas certè minor est, quam ut iis obstaculo sint, qui operas suas ad Dei gloriam, emolumentum proximi, & propriam utilitatem convertere conantur.

NUM MEDICAMENTA CHYMICA IN VNIVERSVM VEHEMENTIORA SINT & PERICULOSIORA, QUÀM VULGARIA & NUM PROPTEREA NULLIUS VSVS, NISI IN EXTREMIS AFFECTIBUS, QUOD QUIDAM OBSTREPUNT.

Sunt nonnulli Medici, iidemque multi, (vel artis Chymicæ parum gnari, vel Фокискофот duntaxat) qui ab egrotis suis interrogati, quidnam Chymicis medicamentis in genere tribuendum sit, aliud responsum haud reddunt; quam quod laudabilia quidè remedia sint, verùm quod nihilominus violentas & periculosas perficiant operationes, secus quàm vulgaria medicamenta faciant; & propterea non nisi extremis affectibus, in acie nouacula, quod dicitur, accommodari & debeant & possint.

Ideoq; antequam sermonem hic de Opio eiusque præparatione ulterius protraham, ignominiam illam à Chymia & cultoribus ipsius auertere, & questionem debite resolvere opera precium duxi.

Quod ergo responsum aduersariorum attinet, duobus potissimum argumentis censuram ipsis complebimus, quibus tamen оплашфотис apparebit, insipidum prorsus illud esse & futile:

Primum in eo consistit, quod sibi de rebus iudicium arrogant, quarum nec cognitionem, nec experientiam habeant, sed ex vana tantum conjectura, vel lubrico aliorum reclamo.

Secundum: Quod nulla adhibita distinctione vitio duntaxat unius vel alterius commoti, omnibus eo nomine insultare, eaque conspurcare audeant.

Verum ut ne plus opera infumam ad redarguendum id, quod nemine non animadvertente, bea ut timor umen non est, ad alterum progrediendo, dico: vehementiam ruditatemque falsò medicamentis Chymicis imputari; siquidem eo ipso nomine in genere, non solùm magna illa Vomitoria & cathartica, ex Antimonio & Mercurio; verum etiam singulas Vomitoriorum species, mediocres & benignas; omnia è vegetabilibus sumpta purgantia dejectoria, à maximo usque ad minimum, veluti à Scammonio usque ad Rosam & Aloen; ut & totam classem Diaphoreticorum, Diureticorum, cordialium, Anodynorum, hypnoticorum, Roborantium ad varias partes affectusque appropriatorum, & denique totam medicamentorum seriem Galenicorum aequè ac Spagiricorum impugnent, maleque audire faciant; quamvis ea quidem in methodo componendi preparandique à se inuicem discedant.

Quando ergo maculam hanc Medicamentis chymicis inurere constanter velent, è generali pronuntiatione particularis formanda esset, dicendumque; Esse quædam inter spagirica illa, quæ deusibus & violentas perficiant operationes; Non tamen absolute, Medicamenta Chymica esse violenta: Hoc autem dum faciunt; quamvis ita veritatem ipsis non cedere non possimus, ad confitendum tamen hortamur eos, quod non solum nos ejusmodi quædam habeamus, sed quod & ipsi non dissimilia multa ad varios usus ambabus manibus amplectantur.

Huc usque concordia inter nos facta, si nec ulterius accusare cessant, probandum utique incumbit ipsis, quod Medicamenta Chymica vehementia & deusibus, crudiora tamen sint & periculosa ipsis vehementibus vulgaribus aut ordinariis, & quod benigniora illa vulgaria Chymica præparatione periculosa evadant, quod in ipsorum potestate esse minimè existimo. Certum enim est inter sanos Medicos, (præterquam quod Experientia quoque plenis tibiis acclamat) hujusmodi remedia chymica cum Veterum fortibus illis vomitoriis, Ellebero, Tithymalo, cataputia, & aliis collata, adèò mansueta, benignaque censenda esse, ut quis meritiò dicat; non Sennam, non Rhabarbarum, ad Scammoneam, Colocynthida aliaque fortia ejusmodi esse. Dicant, si placet quod Elleborum album in usu ipsis non sit, nec Tithymalus, idque propter exitiales eorum, quas metuunt, operationes, eni sibi met ipsis manifestè aduersantur, quod egregiè ad nostram sententiam confirmandam facit. Nunquam siquidem obtinuerunt; Antimonium & Mercurium ritè præparata parem in corpus tyrannidem exercere, ac supradiçta. Porro si se laudabile quid perfecisse putent, dum Veterum instituta imminuendo, periculosa ipsorum Medicamenta proscripserint, èque salubrii classe exterminarint; quid non nobis quoq; ad malignorum extirpationem & salubrium quorumcunque introductionem eadem licentia restet? Nec est quod ipsis parum ad rem hac

dixisse videar, propterea quòd ipsorum iudicio vomitoriis uti nimis periculosum sit, vomitusque nullo modo proritare liceat: Sufficenter namque frigida huic objectioni respondi, & contrarium ad oculum demonstravi in tractatu illo, quem Emetologiam inscripsi. Ideoque actum agere hoc in loco nolui. Instant: Antimonium tamen & Mercurium quodammodo corpori humano esse infestas, imò visceribus tenaciter inherendo, illa occultam infectionem toti sanguinis massæ imprimere, quæ non statim quidem, attamen decursu temporis instar Ichneumonis foras proserpat & calamitatem abundanter nimis adferat. Argumentum ad persuadendum magis aptum, priuatim rudi plebeculæ, quàm quicquam certi demonstrandum: Evidenter enim constat, dummodo non ipsi sponte cecutire vellent, maximam partem eorum, quibus Antimonium vel Mercurius ritè preparata exhibita sunt, foras singula rejicere, idque vel per vomitum, dum vix operari illa caperint; vel per aluum, prout in euentu postmodum excrementa satis euincunt.

Insuper Metallica illa quia sunt & fixa, digestionì stomachi minime obediunt, nec in Chylum conuertuntur, & consequenter sanguinis massam, aliasque partium substantias neutiquam subeunt, id quod aliàs medicamentis è Vegetabilium & animalium classe desumptis, propter commune symbolum, quod intra se inuicem alunt, familiare est. Et hæc proculdubio causa est, quod Venena plantarum malignarum, Serpentum, aliorumue animalium venenosorum, seniora sint, magisque subitanea, quàm vel ipsum Arsenicum vel Realgar minerale.

Verum etiamsi huiusmodi rationes ad demonstrandum, Medicamenta chymica vehementia, in primis duo jam pridem citata, in quæ plurimum inuehantur, benigniora esse, quàm Antiquorum illa sana vomitoria, imò tuta magis, quàm quæuis ex Helleboro, & aliis supradiçtis desumptæ species, copiosa pertexere serie facile possim, singulas tamen ppter breuitatē cōtrahere meritò hæc in loco placuit.

Accedo jam ad questionem: Num Medicamenta vulgaria simplicia naturâ benigna & innoxia, Chymicè preparata, plus justo vehementiora & periculosiora euadant, & quod boni habet, cum malignitate commutent? Quemadmodum verò à purgantibus cœu vltarioribus in plerisque corporis affectibus exordiri placuit; ita illorum exempla satis erunt, quod identidem etiam Diaphoretica, Diuretica, Alexiteria, &c. eâ suspitione liberentur. Ratio ergò luculenter dictitat, quodlibet medicamentum facultentiâ & terrestreitate sua spoliatum, purgatumque beneficio Vulcani, minus noxium, malignum, vel periculosum esse; imò ad citò tuto, iucunde curatoriis indicationibus satisfaciendum longè magis dispositum esse, quàm quoduis aliud crudum, vel male præparatum, puta impuritatibus adhuc suis, vel nihil ad rem facientibus, vel multum nocentibus, coinquinatum, vinctum, & ligatum. Nec causa eius obscura est, quia quod ignis exa-

mine ab impuro nondum fecit diuortium, dum in ventriculum acri deglutitur naturam jam tum in certamine contra morbum satis labefactatam, ad coctionem illam intempestiuè rapiendo laceffendoque eousque veluti cecat, & examinat, antequam quicquam conferat, ut saepe saepius vel eo duntaxat nomine egros ingulatos manifestò conspicias.

Econtra quod Artificis industriâ purificatum, coctumque intra assumitur αἴεν πικρὸν καὶ τὸ λεπτομερεῖαν, quâ pollet, dissolui, dilatari, vel leuissimo etiam calore actiuatum, incipit, absque graui negotio, quod Naturæ faceffat, absq; alteratione, ad instar coniuratisimi amici, cum prædicta illa saepe magnas molestias Naturam fatigando crecent, ut meritò Tyrannorum more in egros sanisse, non seruasse quempiam confitearis.

Præterea nec illud susque deque habendum, quod τὰ χυμικά Chymica à fecibus repurgata, quando in corpus ingrediuntur minus habeant, quod conspurcando quisquillas accumulent, partesque ad internecionem præcipitent, quemadmodum vulgaria ἀποζέματα solent.

Quod siquidem rationibus hisce contradicunt, denudò obiiciendo quod tantum absit, ut vera proficitar, ut Chymica illa ob subtilitatem, tenuitatemque, quam habent, nimiam, naturam magis irritare, & ad præternaturales actiones cogere possint, quàm quæuis alia, Responsio tamen in promptu est satis valida: quod quidem inter species chymicas, plurima sint valde subtilia, velut olea destillata, Essentia Vini aliorumque vegetabilium, & varii liquores efficaci potestate penetrantissimi, & hoc vltiò concedimus; illa tamen non sunt extra usum, Sunt enim morbi, in quibus nihil vtile indicatur, præterquam quod vsque adeò subtile penetrans, tantæque actiuitatis est, non autem crassa seculentaque illa. Proinde absit, ut vndiquaque quod subtile est & tenuium partium, vel insalubre censeamus, dum modo citra ἐπιόρεα ad indicationum materias assumatur, quæ tamen cautio non magis Chymicis, quàm Galenicis remediis necessaria est. Ad hunc porrò censum nec omnia alia ex Chymico agro prolata pertinent, nec quod aliquibus duntaxat familiare est iisque paucis, omnibus impropèrari debet. Quis enim iure in extracta purgantia hoc nomine inuehatur, quæ nec subtilia sunt, nec τὰ χυμικά nec λεπτόμερα puta quæ in Sapæ succine condensati formam decocta, Spiritibus subtilibus & irritantibus exuta planè sunt: quæque à quibusdam fortè subtilia celebrata fuerè non tam causâ virtutis penetrantis sortita sunt, quàm citè in quouis liquore resolutionis ergò, quâ res cunctas è quibus extracta crant, facile superant.

Postea experientia non mentitur: Extracta Mechoaca, Rhubarbari, Senæ (quæ Benedictis annumerantur) multò benigniores effectus dare, quàm res ipsissimas adhuc integras, vel crassâ solum Minervâ præparatas: Sed quid vltèrius? Nonne chymica arte Colocynthidem, Scammoniū, cathartica aliàs impense aërea & venenosa,

adeò domari videmus, ut liberè, velut cum Rhabarbaro facimus, ad humores sibi proprios usurpemus? Priuatim hoc notatu dignum; Scammoniū spagyricè præparatum ad viginti vsque granavobustos vnica voce in Conserua Rosarum, &c. exhiberi posse, ad debitam, solummodo corporis euacuationem, absq; vllis ventris torminibus, perturbatione, vel viscerum inflàmatione, qua tamen vix rarè ab aliis diuiduà sunt purgationibus. Imo veluti Maxima est in hac arte, non Scāmonium solum, sed & alia Cathartica venenata, & plus justo vehementiora, ut sunt, Elleborus, Tithymalus, &c. Artis nostra industrie facultate, malignitate & acrimonia priuari, èque Draconibus igniuomis mites columbas, in variis scilicet corporis affectibus vera salutis nuncias, reddi conciliarique posse. Cui ipsitanquam verissimo Epiphonemati, cum sexcentis aliis sat profunde edoëtis, hoc in negotio merito acquiescimus. Et immotam hanc qualemcunque defensionem contra licet acerrimas quorundam *ἐπιπληκτικὸς ἑντορεῖς* facile retinebimus. Medicamenta tamen ordinaria in officinis hoc in loco culpares animus non est: Etenim & illa bona sunt, & salutaria inuenta, dummodo vero sine definiantur, non abusu aut artificum pertinaci ignorantia; Nihilominus opera danda est sedulo, ut Medicinam ritè excolamus, illustremus, exaugeamus, si non ipsiusmet artis qua per se dicente Hippocrate de leg. *πάντων τεχνῶν ἐπιφανεστάτη*, attamen Charitatis ergo in proximum; Nec quicquam vtut recens introductum simpliciter auersemur, priusquam recta rationis examine experti fuerimus

— — — quid turpe, quid vtile, quid non,
 — — — — — quid distent ara lupinis.





OPIOLOGIA

S E V

TERNARIVS LAVDANORVM.

C A P. I.

De natura & qualitate Opij ad veterum Medicorum sententiam.



PIVM quemadmodum Veteres testantur, nec moderni inficiuntur Medici, est lachryma seu liquor viscosus, è capitibus papaveris albi, vel nigri, certo anni tempore incisione in primum corticem seu ultimam superficiem ipsorum facta, extractus, prout Dioscorides tradit lib. 4. Simpl. cap. 62. Hic liquor seu lacryma, postea condensatus, ut monstrabitur, vsui accommodatur pro necessitate: Id quod ex Historia Petri Bellonij de succo ipsius, dum recitauero, dilucidius patebit.

Præstantissimum habetur, secundum Dioscoridem, aliosque veteres quod fuerit ponderosum, densum, gustu amarum, odore soporiferum, & quod faciliè aquâ soluitur, læue, candidum, neque asperum, neque grumosum, non ceræ instar adhærescens, dum colatur, nec ad solem liquabile, quod lucernæ admotum non attrahet flamma, & extinctum integrum retinet odorem.

Impostoriè vitatur Glaucij, vel lactucæ sylvestris succo & gummate, cuiusque tamen notâ faciliè perceptibili relicta. Flauedo enim deprehenditur ex Glaucio, quando in partes dirimitur, diluiturque.

Adulterium ex succo lactucæ sylvestris indicatur ab asperitate, & quod odore nimis obscuro præditum sit. Quando lucidum est, minorisque efficacæ, gummi admistum habere non dubium præbet indicium.

Crudum crui ferè quantitate sumptum, omnes dolores leuat, digestionem adiuuat, tussibus & stomachi defluxionibus subuenit. Facit etiam ad capitis dolores cum rosaceo inspersum; In aurium doloribus cum amygdalino oleo, Croco, Myrrhaque vtiliter instillatur: in oculorum autem inflammationibus cum tosto oui vitello & Croco. Prodest item vulneribus sacrisque ignibus cum aceto; podagris verò cum humano lacte & Croco. Quin etiam sedi pro balano subditus somnum facit. Diagoras, Ætius, Mnesidemus vsus Opij reprobant in prædictis malis propter virtutem quam habet stupefactiuâ, Dioscorides verò defensorem ipsius agit non ignauum, falsamque ipsorum redarguit opinionem. Experientia enim remediij huius vim ex euacuatu contrariam testatur. Nihilominus in alio loco magnam ipsius noxam futuram agnoscit, vbi in quantitate quis modum excesserit; & lethargium & in fine, vitæ iacturam sequitur. Id quod vterius etiam confirmat libro 6. de venenis eorumque remediis, vbi symptomata in magna nimis quantitate Opium potum subsequi solita recenset. Ita nec Nicander, nec Ætius nocumenta Opij silent. Itidem Galenus lib. 2. & 3.

de comp. Medic. Opium medicamentum periculosum & lubricum proclamat, quod sensus hebetet, & mortalium symptomatum causa existat. Vnde accidit, quod tam rard in vsum veniat, nisi in extremis vitæ periculis dolorum sæuitiâ subortis. Cui quoque Plinius multique alij calculum adiungunt, quamvis ab altera parte non desint, qui contrariam opinionem propugnent, iique tam Neoterici, quàm Antiqui Medici.

Causa tristium operationum, quas Crudum Opium producit in liberaliori copia potum, nimio ipsius algori attribuitur, siquidem maxima Medicorum pars in quartum vsque frigidorum ordinem illud collocauere.

HISTORIA DE OPIO

EX LIB. III. CAP. XV. PE-

tri Bellonij de singular. rerum memorabilium Græciæ, Asiæ, aliarumque Regionum.

Rerum omnium, quæ quemquam in sui admirationem trahant, nulla prope obseruatione magis digna videtur, quam Opium, quod jam in Turcia, præcipuè Achaiæ, Carachara, Spartada, Emetelinda, inque vicinis aliis locis Paphlagoniæ, Cappadociæ & Ciliciæ copiosè nascitur. Agrum ibi conferunt papauere albo, vti nos solemus tritico; tamque dediti huic seminationi sunt, vt quilibet Agricolarum tantam messem affectet, quantam seruorum suorum opera & metere & colligere possit. Et quando iam papauer capitibus emergit suis, incisione duntaxat in exteriorem corticem facta, lachrymam guttati promanantem ad instar lactis excipiunt, quam ad spissimentum vsque coagulare faciunt. Sunt Agricolarum quidam, qui decem vsque libras huius colligunt; alij sex, alij etiam plus & minus, secundum quod vnusquisque maiori ser-

uientium opera & auxilio stipatus. Nam non tam interest, quod quisque magnam agri partem infeminarit; quàm quod satis seruorum habuerit, qui metant, & colligant. Ideoque quamvis Turcis in magno vsu sit, non tamen vulgo ad instar aliarum domesticarum mercium, hinc & inde venditur. Nec Turcarum quispiam est, qui non assidue sibi comparet; Si vix asprum possidet, medium eius ad Opium emendum insumit, quod & armatus & togatus secum vndique gestit. Mercator quidam Iudæus, ex Natolio pro certo indubitanter nobis assererat, nullo non anno quinquaginta Camelorum onera à paganis Paphlagoniæ, Cappadociæ, Galatiæ, Ciliciæ eo ipso compleri, quæ in Persiam, Indiam nostramque Europam, & alias longè distitas terras, vt non minus etiam, quæ Turcico imperio adhuc subsunt transmittantur: Cui fidei parum habuissemus, nisi ille ipse, ratione accuratè instituta, probe monstrasset, quid quantumue vnusquisque vicus ex consinio Caracharæ, aliarumque ciuitatum Paphlagoniæ, Cappadociæ, Armeniæ minoris & Gallogræciæ finitimis nationibus suggereret. Dicebat etiam quod Persis epulum hoc longè familiarius esset, quàm Turcis. Aliquando autem experiri animus erat, quantum satis esset, quod pro vna vice quispiam assumeret, sine periculo. Et lanischirum antea nobis notum, cuique quotidie eo vti alias insolens non erat, offendebarus, is pondus semidrachmæ haud agrè deglutiebat, nobis præsentibus. Postridie insuper in Taberna quadam drachmam integram nobis ponderari curabamus, quæ denud data ipsi nihil omnino nocementi, præterquam quod ebrij instar paullulum turbaretur, attulit. Vsque ad hoc Opio vesci in Turcia res insolens aut noua non est. Ratio verò quare illud tam ardentè & appetant, & deuo-

rent, alia non est : quam quòd persuasum sibi habeant, eo ipso se alacriores & quorumcumque periculorum bellicorum contemptores euadere. Hinc etiam bellicis obortis motibus, quando milites conscribuntur, tanta eius, crescente nimirum usu, penuria oritur, vt omnis serè regio his suis diuitiis careat. Ideoque etiam in triuio ipsis dicitur vt probri obijciendi causa; Elitauit Opium; aquè nempe probrosum, ac si nostrates aliquem ebriositatis insimulent. Armenius quidam Christianus, cui diuersorio nos diu eramus conjuncti, sæpè nobis presentibus partem aliquotam Opij assumbat, & factò periculo nihil quicquam mali inde experiebamur, nisi quod pectora aliquantisper exæstuari, cerebrumque leuiter turbari, ac in somniis turbulentis quodammodo affici faceret.

Si cuidam animus esset, papauer huiusmodi in Europa, Gallia, Germania, Italia, &c. plantare, rem simili successu, ac in Asia, non carituram existimaremus; dummodo tempus colligendi debito studio obseruaretur; Clima siquidem Natoliæ non magis calet, quam illud Gallia: Et factum est eiusdem sortis & bonitatis cum eo, quod ab authoribus descriptum legitur. Quod si verò eo vsque progredimur, de mixtura eius, ac si parum candidè quid interuenisset, dubitare minimè possemus: Mercatores enim antequam in nundinas secum ferant, quo possunt modo multiplicare illud, adeoque adulterio contaminare non intermittunt. Ideoque vt quisque sibi ab huiusmodi fraudulencia cauere ritè queat, notas, è quibus optimum eligitur & agnoscitur, describere haud cessabimus. Probatissimum ergò est, gustu amarum, acre, imò linguam nonnihil mordicans & serè inflammans, colore ruffo, intus grumofum, odore fa-

stidiosum & fortè, vt tèmperamento frigidum statuatur. In Natolia in frustra conicitur, quatuor circiter vnciarum, aut ad summum semilibrae. Mercatores vero lucrì causa medietatem aliunde sufficiunt, adeoque massè in Seplassium Venetorum officinis integram serè libram addant.

Hucusque Bellonius de Opio. Quamuis autem ante hac in Europa Opium omnibus his notis absolutum perfectumque vix reperiebatur, hoc tempore tamen Terra nostra copià eius abundanter affluit, quod quidem omnes probitatis notas euidenter exhibet; nullis verò seminariis aut granulis intus refertum (quod fortè ab alio collectionis modo prouenit) nihilominus & vile & preciosum satis deprehenditur. A plerisque Opium appellatur Thebaicum, κατ' ἐξοχῆς, quod probatissimum illud æstimetur, quod Thebaides consciunt.

C A P I T U L U M II.

Quod Opium siue crudum, siue mixtum, in Medicinam tuto veniat, absque vllò vitæ damno.

SVnt inter Neotericos plurimi, quibus plus iusto veterum opinionibus addicti, iuratique Opij hostes, non ipsi solum credunt, sed & aliis persuadere conantur, omnia horum authorum in ignominiam medicamenti huius dicta & prolata, irrefragabiliter oraculi instar accipienda, tenendaque esse. Hos responsi loco scire volo, non licere liberalem Medicum se mancipium dare alienæ libidini, ad credendum quidquid etiam per somnum dixerint alij; Verum quotidianas rerum obseruationes, & matrem scientiarum Experientiam esse, quæ in quolibet negotio iudicium nostrum ad Veritatem aptè

aptè conformèt, & confirmèt; & quicquid minus inde depromptum, vel eidem contrarium, detestandum mendacium agnoscendum esse. Non minus enim quàm nos hoc nostro tempore, veteres etiam tam Græci, quam Arabes, vt apud plurimos in magna existimatione habiti, infirmitatibus & vitiis veluti arrogantiae, inuidiae, contradicendique studio dediti fuere; vt vel inde causæ satis sit, nemini manum injiciendam esse, nisi orationem Veritati & experientiae conformem attulerit. Galenus, Plinius, & alij errores suos de vsu Opij per totum mundum spargunt, cumque nemini non suspectum reddunt; E contra Oribasius, Dioscorides & alij illud valdè vtile, & ad multos corporis affectus debellandos non minus necessarium deprædicant.

Neutra pars fidem constanter derogat alteri; Vtra verò recto talo incedat, quis melius arbiter extiterit, quàm ipsa Experientia? Ea ergo frustraneum illud metum monstrat de Opio, quin imo, illud intra corpus etiam ad sanitatem consequendam tuò vsurpari posse. Ideoque Oribasius & Dioscorides de Opio verè scripserunt; illi alij verò osiores valdè lapsi sunt, vnde cumque etiam sit, quòd mendacio magis quàm veritati blandiri voluerint; Hoc enim multo studio inquirere ad propositum nihil facit; siquidem qualiscunque etiam illa causa sit, tanti ponderis esse nequeat, quæ Experientiae sacra dictæria euertat.

Quod autem OPIVM dignum sit, vt intra materias indicationum à singulis recipiatur, duo mihi sunt potissimum argumenta.

Primum ab eo sumitur, quod Petrus Bellonius, imò sexaginta alij magnificè authoritatis, de Opio testantur, quod Turcis larga etiam copia in vsum veniat, vt vix dies ab assumptione istius vacuus transeat, idque tamen absque vilo sanitatis incommodo.

Aug. Sale.

Vnde satis superquè constat, Opium multis parasangis abesse, à venenositatè & malicia illa, qua plures illud mendaciter insectari, & vituperare consueverunt.

Dicat quispiam me hoc sermone meo partim receptui canere: Clima siquidem calidum, sub quo Turcæ degunt, frigiditatem Opij, vt scilicet digeri queat, longè superare; Id ipsum verò Christianis Europæis minus sperandum esse, quorum nimirum loca habitationum longè frigidiora. Huic objectioni respondeo: Etiam si concesserim omnia illa præsupposita, nihilominus digestionem maiorem, minoremue improprie Climatis temperaturæ ascribi, sed, si quid rei subsit, vnicè in causa esse Robur virtutis naturalis hominibus. Sic enim Hippocr. s. 1. Aphor. 15. καὶ τὰ προάσματα πλείω βοτάνης καὶ γὰρ τὸ ἐμφυλὸν θερμοὺς πλείον ἐχρῆσι. Et Gal. in Comm. Non aliud quidquam præter calidum hoc innatum, animal ab initio finxit formauitque, non aliud postea ad iustam magnitudinem perduxit, non aliud denique ad finem vsque vitæ aluit ac sustentauit, siquidem omnium naturalium actionum causa existit. Imò si quicquam valeat regionum habitus ad appetentiam, concoctionem & digestionem, tantum abest, vt loci caliditas ea promoueat, vt e contra magis impediatur, & labefactetur: Quia aëris nos ambientis calore resoluta natura, Gal. in comment. eiusdem Aph. calor natiuus, qui concoquere & perficere debet, paucus habetur, in Comm. Aphor. 17. E contra calor circumstante extrinsecus frigore intus coërcitus maior & vegetior. Iam videamus, vtrum ille Turcarum à nostrorum hominum naturis tantum absit, vt specie differat, nec potius secundum magis & minus? Vel, vtrum tantæ actiuitatis sit, vt, quod aliis populis venenum, hisce solis corporis & animi commoda pariat. Ad vtrumque respiciendo statim promouetur.

Vuu

cio ; virtutem naturalem in ipsis Turcis non specie aliam esse, sed accidentibus duntaxat differre & quod dicitur, secundum magis & minus. Si enim intendetur secundum speciei diuersitatem, eo quoque modo intenderetur, etiam essentia ipsorum, atque adeo ipsi Turcæ vel magis homines essent, quam nos, vel nos magis quam illi, quod valde ridiculum. Est omne accidens proprium non solum æquale essentia, ita vt conuersione mutua vtriusque de utroque sit prædicatio, sed etiam vt voluit subtilissimus Iohannes Duns, idem cum ea. Ideo cum eadem species virtus naturalis sit in Turcis & in nostratibus, non alius toto genere effectus erit in illis, ac in nobis ipsis experimur ; & consequenter pro alimentis non habebunt, quæ nobis totâ substantiâ subitanea sunt venena. Est quidem observatio, quod planta eadem vni sit homini salutaris, alteri exitialis & mortem inferens, velut Cassiæ fistulæ haustu certam interiisse familiam ; Item Cicutam quosdam interficientem, in Liguribus Taurinis pro deliciis haberi in acetatibus, addo etiam elogio salubritatis. Vrinæ quoque ciere validè admodum. Ea autem singula non ipsis herbis, earumque diuersitati debentur : Venena enim non sunt indiuidualia ; sed vel persuasio in causa est, quæ sæpè tantâ impressione animos afficit, vt ea deleri nunquam possit ; Vel aliud aliquid externum, potestatis vndiquaque impetuosæ, velut in illo qui ab Antimonio semel lusus, ne videre quidem Antimonium poterat, quin alium deiceret. Alicubi etiam venenata crescunt, quæ ratione loci venenositatem exiunt : Quemadmodum enim species sua cuique est natura proprietatis, in qua item inuenias indiuidua ab aliis diuersa, si in mores inspicias, indiuiduis ; ita & loca certa certis speciebus. Neque solum illa longè lateque patentia, aërem quibus, aquam piscibus, terram aliis ; sed

etiam designatis præscriptisque regionibus aliqua, quæ in aliis vel non sunt, vel non eiusdem naturæ sunt reperies. Quas inter species & loca illa, priuatim non nihil naturæ peculiaris est, non omnibus aliis semper communicatum, aut vulgo cuius notum.

Illà omnia aduersario parum conducunt ad propositum. Quis enim persuasione aut phantasiæ locus in venena, si Opium in gratiam ipsius pro veneno habendum sit ? Et hinc præsertim, vbi per tot annos Turcæ prælia inrituri, vel conuentus annuos celebraturi epulum illud essent, inique eo irreuerſim perseuerent, neque Turcæ solum, sed totius Orientis incolæ. Ita enim Scaliger philosophorum huius seculi phoenix ait, ex affinis atque amicis nostris illud pro vero non dubitanter affirmare possum, Opium in multis Asiæ agris ex albo papauere satiuo expressum, esse toti Orienti in quotidiano vsu ad animi, vt ajunt, comoda comparanda. Quis alicui externo hæc tribuet dum omnes de Natura Opij referūt, quod omnibus indiscriminatim (quamuis, vt arbitror, pro temperamentorum diuersitate aliis magis, aliis minus) compartiat ? Neque Opium quod in vsu apud Turcas est, pro Turcis peculiare seruetur, sed & ipsum transferri in hæc loca vsque conceditur ; nuspiam tamen de eo proditum est, quod ipsis solis proſit, cæteris verò noceat, & mortem inferat,

Ais, consuetudinem multum posse, ob id à Galeno naturam acquisitam dictam : Velut apud Indos consuetudo peti seu Tabaci, herbæ non solum narcoticæ, sed vehementer quoque vomitoria, quæ inde sensim & sensim in Europæ provincias introducta, neminem assuefactum vsu suo periculosè afficit. Multum equidem potest, eaque procul dubio in causa est, quod tam frequens vsus Opij Turcis minus exitialis sit. Nec quicquam dubito, quin plurimi quoque inter Europæos,

dum prius assuefiant, æque Opij ac Tabaci, quamvis haud eadem quantitate, nec toties assumpti (Opium quippe velut pura essentia est ex herba; essentialia vero *ἑσπεριώτερες* sunt integris & impuris) futuri sint decoctores. Et certum est, si è Tabaco resinosa sulphureaque substantia separata, inque Opij consistentiam redacta, iis, qui alias Tabaci fumos trahunt, exhiberetur, vix sextam partem eius, quod in foliorum substantia alias hauriretur, tanta facilitate quenquam pati, vel concoquere posse, quod sapius probatum, fidem iure optimo meretur.

Neque ignoro Empiricis vel maxime familiarem, attamen non vsque ad eò crudelem crudi etiam Opij exhibitionem esse, ad varios affectus, vel eadem, vel largiori paulò dosi quam Dioscorides præscripsit, & nihil corrigentis loco miscere, præter modicum seminis Carui in pulverem redacti. Ex his ergò concludo, Opium non solum non venenum esse, sed & salutare, ac viliter, æquè ac Turcis, nobis quoque vsui esse posse. Quamvis enim illi ab infantia, agrestiori & crassiore victus genere enutriti, & educati, robustiores sint, & ad largius edendum Opium ob id magis dispositi, quàm Christiani; Correctio tamen Opij, quam infra addemus, quodquod Natura parcius nobis concessit, optimè & cum fœnore compensabit. Propterea asserere haud verear, vbi casus indicationis huius necessarius accideret, me absque ulla animi suspensione, crudum etiam Opium, pondere duorum triumve granorum exhibiturum. Quamvis enim Opium nunquam penitus deglutierim non præparatum, sæpe sapius tamen gustu saporem, olfactu vaporibus in magna copia in cerebrum & pectus attractis, odorem & efficaciam, absque ulla offensa satis exploravi. Interea verò author nemini extiterim, ut, dum commodius liceat, crudum in usum assumat.

Alterum, quod Opio vtendi libertatem nobis confirmat, est, quòd saniores quosunque Medicos eiusdem sententiæ alleclas habeamus; quodque ipsorum suavis in nobilissimas quosunque compositiones, Alexiteria, Diaphoretica, Anodyna, Confortantia, & alia desperatissimorum morborum remedia velut basis optima ingrediatur; Vnde & *ἑσπεριον* est, quòd Opiata appellantur, cuiusmodi sunt Theriaca Andromachi, Mithridatium Democratis, Tryphera magna, Aurea Alexandrina, philonium Romanum, Tarsense, Persicum, Requies Nicolai, & alia quorum vsus à multis seculis ad hæc vsque tempora perseveranter mansit, & adhuc in posterum haud dubiam vigoris spem in laudatissimis quibusque seplasis promittit.

Rationum quibus Antiquitas commota Opium prædictis confectioibus admiscuit, momenta certè non levia fuerunt.

Proprietas enim Opij est, sedare omnis generis dolores internos & externos, roborare meatus nimium hiantes & apertos; præcipitare & consumere vapores malignos hinc inde productos; incrassare subtiles & rodentes humores, corrigendo illorum malignitatem & acrimoniam; sistere fluxum dysentericum & menstrua-lem, extinguere calorem ardoremue febrilem; provocare inquietis somnum; & denique instar Balsami partes à corruptione defendere.

Quæ ipsæ virtutes omninò necessarie sunt omnibus compositionibus, pluribus simul morbis dicatis; ad quorum depulsionem, ordinariè, vel vna, vel alia harum proprietatum desse non potest. Cuius sententiæ testem Quercetanium habemus in pharm. vbi de facultate Opij tractat his verbis.

Pauci enim sunt morbi, qui non simul complicentur vel ardoribus, vel inflammationibus, vel inquietudinibus;

bus commotionibus, languoribus, oppressionibus, vigiliis, defluxionibus, vel varij generis doloribus, capitis, pectoris, ventriculi, ventris, vel cuiuscunque alterius partis: ad quorum omnium symptomatum ferociam compescendam Opium specificam & peculiarem quandam habet proprietatem, quâ vel vnum ex his symptomatis seorsim, vel plura cum malo conjuncta, simul cum admirabili adstantium, & ipsorum ægrorum admiratione euincit ac subigit, vnde sæpenumero in eiusmodi casibus tam mirandos sanationum effectus prodere videmus theriacam, Mithridatium, antidotos Efdra & similes, quæ Opium excipiunt, &c.

Et hæc sunt, quæ singula vsum Opii, securum nobis ad plurimos corporis humani affectus promittere, & præstare bene possunt; Quin imò, quibus sanitatem conseruabimus, morbosque profligabimus, dummodo pietate & methodo (cautione æquè in aliis medicamentorum speciebus necessaria) singula administrauerimus.

C A P. III.

De causis benignorum malignorumue effectuum, ab Opio corpori humano contingentium.

QUOD OPIVM eo, quo supra dictum est modo, appositè scilicet exhibitum, ægris varias præstet utilitates; contra verò accedente abusu infinitis & immedicabilibus malis fomitem accendat, extra omnem dubitationis aleam versari arbitror. Quod verò causæ subsit, seu τὸ δι' οὗ, non omnibus ea de re eadem sententia. Maxima Medicorum pars, extremam quam ad quartum vsque gradum habere dicunt, frigiditatem accusant. Argumenta ab effectibus desumpta hæc proponunt; Opium vigilantibus somnum conciliat, subtiles

& tenues humores intrassat: Vigiliæ verò causam habent vt plurimum calidam & siccam, vel cum, vel sine materia; tenues item & dissoluti humores à caliditate oriuntur. Ergò cum his contrariatur OPIVM, prædicta qualitate præditum oportet esse: Insuper autoritates jactant Galeni, Plinij & multorum aliorum, nec non obseruationes & exempla, quod OPIO abutentibus inexpugnabiles somni, Lethargus, sensuum priuatio, membrorum stupefactio, suffocatio caloris natiui, & denique mors ipsa acciderint.

Agedum non inficior me eo vsque Logicum non esse, vt in verbosæ disputationis *epidiquæ* magis quàm rerum ipsissimarum fundamenta, adeoque Veritatem intentum habeam animum; nihilominus & tantò magis quidem, quia rerum naturalium scriptoribus licitum est de rebus experientiâ ipsis notis pro libitu discere, meum quoque iudicium, saluatamen eruditiorum autoritate, eadem de re aperiam. OPIVM ergò non sub frigidorum medicamentorum classe contineri, vt vulgaris opinio est, Ratione & Experientia certissimè comperio: Ratio calorem præfert, quia sentit non solum amaritatem, sed & adustionem & exoriationem, quæ calidè temperamenti signa esse abundè docemur è communi sapientum de rebus amaris iudicio, & quòd ex lumine Naturæ constet inter elementa ignem duntaxat corrodere, inflammare, & calefacere; sentit insuper, quando Opium siccamus, inque puluerem redigimus, obscuram flauedinem illi quam Aloë & Myrrha præse ferunt, non absimilem; Vulgò autem creditur, Omnia flauedine tineta præsertim amara, simul calore exuperare. Quod Experientiam attinet illa duplex nobis magistra est, quòd opium calidum potius, quàm frigidum statuamus: Primò enim Turcis comedentibus hilaritatem alacri-

tatem & magnanimitatem præstat ad concertationes.

Postea ad vnum duoue grana agris exhibitum, in lecto decumbentibus tantos sudores rorare facit, quantos vix aliud sudorificum remedium eliceret, quod me hercle nullatenus à frigiditate procedit.

Obijciunt fortassis: Turcas impense calidum habere temperamentum, & ob hoc ad actiones rectè obeundas ignavos esse & minus hilares, æquè ac in nimis frigidis corporibus accidit; Opium verò hunc temperando calorem, atque adeò ex accidenti animum augere, roburque corporis viribus addere. Pariter haustum frigida ad bibendum concessum æquè sudorem prouocare, nullà, quòd manifestum, caliditatis culpà.

Respondedo verò: si Turcæ vires animumque sibi compararent, à temperatione caloris per frigidum, frustra illos sumptus impendere in Cerealis huius factionem Opique collectionem; siquidem eundem appetitum quælibet aqua profluens seu fontana majori cum successu expleret, quæ nimirum omnes corporis partes actuali frigiditate non sine voluptate etiam mulcerent, citoque reficerent; tantum verò abest, ut hîc idem aquæ effectus cum Opio, ut contrarium potius; virium scilicet animiq; dejectionem, & ignaviâ sequi videamus. Quod autem aqua quamvis frigida actu & potentia, nihilominus sudorem promoueat, intellige, à causis per accidens non duci firmâ argumenta.

Non enim in omnibus temperamentis vel affectibus huiusmodi aquæ effectus est, sed in aliquibus duntaxat: veluti quando febricitanti vel corpori calido exhibetur; Tum enim imbibitione frigida (velut infusione in flammam vel lapidem ignitum) copiosi excitantur vapores, qui à natura condensati, iterum vel per po-

ros, vel per vrêterês expellantur necesse est. Ideoque hoc tale non à facultate quadam diaphoretica proficiscitur, sed contingit ita ex euentu, & accidentaliter, ut dictum est, & non semper.

Ad prima ergo argumenta illorum qui Opium frigidum probare conantur, ex eo quod somnum prouocat & subtiles incrassat humores, dico: illa infirma esse, & nullius authoritatis, hoc in loco. Primo enim non solum somnus à causa calida impeditus ab Opio restituitur, sed & cæteræ somnum intercipientes causæ ab huius actione immunes non sunt, quamuis illa variæ ab Auicenna & aliis designantur.

Deinde nec calidi duntaxat humores ab Opio incrassescunt, sed & alij impense frigidi pituita nimirum CrySTALLINA, seu vitrea, è cerebro in subjacentes partes destillari idonea. Quam necessarium ergo lemma ab operationibus Opij, quemadmodum à *ταρταρισται* arbitrantur, desumendum sit, quis sanæ mentis non videt? Si enim ad hunc sensum argumentorum conclusio necessaria foret, certo sequeretur, quæque frigida esse soporifera, quacunque etiam de causa vigilie fuissent productæ; item sedare dolores; incrassare humores subtiles quosunque, siue calidi illi essent, siue frigidi; & denique omnes Opij actiones æquæ à quibuscunque aliis frigidis expectandas esse, calidis è contra contraria efficientibus: quibus tamen Experientia expressè contrahitur.

Neque enim Argentum viuum potum, neque Magisterium plumbi, quod tamen Saturno propter summam frigiditatem comparatur, neque Salpetre, neque Alumen; singula frigidis salibus annumerata, neque Aqua spermatis Ranarum seu sperniola, quæ vel sanguinem etiam frigiditate sua coagulare dicitur, cû Opio similes hos effectus edunt. Quin imò dicam quod ne quidem glacies vel

nix, quamvis iis in magna copia uti liceret, dormire, omnesque dolores cessare faciant; sed vel singula in statu eodem permanere, vel exasperari; Quamvis fieri posse non nego, quod quardam frigida somnum inducant, is tamen effectus neque semper, ubi opus est, neque tanta cum fiducia, velut ab Opio, sperari potest.

Deinde tantum abest, quod calida inquietudines, humorumque crassorum subiliationes causentur, quin potius illorum plura reperiantur, quæ somnum conciliare, humoresque subtiles & virulentos in crassare tam possint, quam nec infinita quidem frigida; Id quod videre est in Myrrha, Aloë, Styrace, Olibano, Abinthio, Betonica, Croco & id genus aliis; Quin imò ipsum Sulphur, quod tamen ignis instar Naturæ potentialis est, somnum inducit, adeoque calidos acresque humores coagulando retinet; ut & physicis ad fluxiones retardandas dextre præscribatur.

Præterea res veris Spagyris notissima est, Aquam, Vinum, Spiritum vini beneficio Sulphuris tam coagulatam consistentiam adipisci, quam vel in mortario pulveris instar subigere, atque iterum pristinae formæ reddere liceat.

Non ignoro dicturos quosdam: quasi betres tam frigidas, quam calidas operationes in corpora perficere diuersimode, secundum diuersitatem subjectorum, quæ offendant: pari modo, quo ignis res quardam coagulat, quasdam resoluit, & eliquat; Eodem modo de frigore rem accipiendam: Quod item Opium quia extreme frigidum alicubi agat, ubi alia minus frigida nil quicquam possint.

Hæ duæ rationes tamen scopum disputationis nostræ parum attingunt; Opium siquidem de quo sermo nobis hætenus, in corpus humanum per electionem non agit, neque discernit diuersitatem temperamentorum; sed indifferenti

odio cunctis vigiliis, cunctis item doloribus à quacunque deum causa ortis, vigorem præscindit, quemadmodum supra quoque dictum est.

Secundo: etiam Opium ponatur frigidissimum: nihilominus in tantilla portione, qua propinamus, fieri non posset, quin magnitudine frigidorum aliorum, quæ in usus medicos veniunt facile superaretur.

Et quæ non absurditas dictu audituque foret, vnicum duntaxat binaue Opii grana maiori frigore prædita affirmare, quam integram Aluminis siue crudi, siue præparati drachmam? pluris illius frigiditatem æstimare, quam vel scrupuli Magisterij plumbi, vel vnciæ Spertiolæ, vel binarum vnciarum Aquæ Nymphaeæ; vel vnius alteriusve vnciæ Argenti viui, pluribus in casu vermiculationis & alibi remedij consueti, quodque instar frigidissimæ glaciæ corporis singula membra percurrit?

Pariter singula prædicta os omniaque membra, per quæ trajiciuntur, manifesto algore afficiunt, quod Opium tamen non solum non facit, sed & contrarium, calefaciendo vrendoque & os & pectora, facit.

Hæ ergo similesque rationes veritatem rei non spectant, neque certo de frigiditate probant, quod authores proposuerant: sed velut declamationes otiosæ in verbis potius artem, quam in re ipsa præ se ferunt.

Quantum iam symptomata ex nimia ipsius quantitate attinet. Experientia monstrat: Vinum adustum, essentiam calidam & subtilem, in extrema quantitate exhaustum eosdem prorsus effectus prodere. Si quidem multoties vili sunt plus iusto ebrii, tanta stupiditate, sensuum priuatione, tremore, lethargo affecti, quantum vix ab Opio etiam nimio credas; & quando vitam finierunt suam, tantus in corporibus reperiendus liuor fuit, ac si

summo frigore inglaciati periiissent. Similes effectus simplex quoque Vinum ab utentibus præstare, funesta exempla illorum probant, qui, quod in papatu pluribus in locis valde inoleuit, ad supplicia rapiendi vino prius nimium incubrantur: Pars enim plus quam humana audacia cantantes morti obuiam quasi currunt; pars velut stupidi instar bestiarum supplicia ferunt, nullo martyrij metu, dolorumque nullis moribus perceptis, imo, quod pessimum est, absque facinoris patrati recordatione, pious ad Deum misericordem se conuertendi affectu. Vinum secundum omnes Authores imo ipsam experientiam, abusu, phrenesim, Maniam, rabiem, furorem, stupiditatem, Lethargiam, paralyfin, aliosque detestandos affectus temporis successione parit, non minus quam Opium; interim quis, illud frigidum statuendo contra totius mundi confessionem, Experientie scuticam non pateretur.

Ideoque libere nobis concludendum restat: OPIVM qua Turcis audaciam, & hilaritatem præstat, qua aegris vigilias doloresque internos compescit, minime, neque frigidum neque calidum esse (quãuis in eo quod calidum exuperet, manifestum liquet) sed vnice à specifica occultaque totius substantie proprietate illa omnia proficisci; Simili prorsus modo, quo Cathartica non calida, non frigida, viliusue purè elementalís qualitatis virtute, sed specifica item proprietate sua, omnis mirabilitatis subiecto, corpus mundificant. Purgantia legitime vsurpata excrementa corporis deijciendo non dici potest quantum commodi producant, sed abusu contaminata & distorta tanto magis offendunt, vitæque nocent. Ita OPIVM salutari suo vsu bene sacrum est, abusu vero, intempestiuum, stupendum, & lethale.

Quod ergo in omni Medicina opus est, id vel maxime ad hoc dextre vsurpan-

dum: Medici duces esse debere, Rationem, Experientiam, bonamque Conscientiam. Iis qui innititur, honorem Dei, & salutem proximi ad Artis ingenium recte promouebit.

CAP. IV.

Quid Theophrastus Paracelsus de anodynīs statuerit, & priuatim de OPIO.

IAm Veterum sententiã de OPIO in genere, eius natura, virtute & vsu explicatã, & quid intercedat controuersie inter neotericos aduersus se inuicem de ipsius qualitate: operæ pretium etiam visum fuit, Theophrasti vnici pene illius Naturæ miraculi, & Chymicorum principis iudicium quoque ponderare.

Hic ipse ergo vsum medicamentorum anodynorum in genere tanti habet, vt non aliter quam pro principali totius pharmacœuticæ artis columna discipulis suis eadem offerat & commendet; quodque ad auerruncandos grauissimos morbos nobilissima omnium sint remedia.

Lib. 7. Archidox. cap. de specifico anodyno sequentia habet: Ad scribendum etiam de specifico hic anodyno multæ causæ nos induxerunt: Multi enim morbi nobis occurrerunt, in quibus quæuis arcana nos deseruerunt, excepto solum anodyno specifico: Non enim aliter Anodynum specificum extinguit morbos; quam aquam ignem extinguere videmus; Quod enim quiescit vel dormit, non peccat, non intelligitur naturaliter, sed paroxysmus dormit, quo fit vt imediatur eius operatio, frangaturque, &c.

Et lib. 1. de reb. natural. cap. de Sulphure Embryonato, vbi in genere hypnoticorum & anodynorum laudes celebrat, his vtitur verbis: Quodnam Medicus magis arcanum habere desideraret, quam

hoc, quod & omnes dolores & ardores omnes aufert & compescit? Hoc qui potitur, nec Apolline ipso, neque Machaone, neque podalirio scientia minor. Sententia vique digna, quæ candide ad animum reuocetur.

In comment. ad 2. Aphorism. Hippocrata, sect. 2. Vbi somnus delirium &c. vbi de vtilitate somni in fine explicationis loquitur, hæc adfert: Somnus in Medicina reuera maximum arcanum est, super omnes gemmas & lapides preciosos, (quod tamen in opprobrium ipsis non dico) & vellem videre, qui ad quoscunque corporis affectus diuinius mihi monstraret remedium.

Somnifera ergo vndecunque etiam desumpta, minime despicienda sunt; Quin imò Medicus qui arcana somnifera à vera essentia sumpta naturæ egenti commodè applicare potest, merito apud omnes magni faciendus veniat.

Quod autem Theophrastus & Opium intra somniferorum & anodynorum censum referat, expresse videre est, è prædicto cap. de specifico anodyno, in quo nulum aliud somniferum in confectionem illam assumit, quàm solum Opium, eique tantas adscribit virtutes, vt non hominem eo ipso dormire sed totum morbum duntaxat dicat.

Lib. de morbis amentium, dum de vësanis Lunaticis, Maniacis, phreneticis, & Epilepticis tractat, Opium in quintam essentiam redactum eodem titulo, & ordine dignatur, cum Auro potabili, argento potabili, magisterio gemmarum, aliorumque pretiosorum prædictis morbis aduersantium medicamentorum.

Hoc in loco forte inuidus quispiam litem nobis intempestiue moueret, obtrudendo, si tam preciosa nobis præsto sint arcana, qui fiat, quod non omnium morborum quorum curam suscepimus, radices & cruciatus tollamus? Hinc κατ' ἀντιποσιν respondes: Quare nec ipsorum medica-

menta, institutiones & Regulæ ad eorundem curandos sufficiant? Non enim illa Chymica eousque sese extendunt, quamuis magis cito, tuto, & iucunde operentur, melioris præparationis ergo, quæ cuncta quidem Galenica post se longe relinquunt, in omnibus affectibus, siue hæreditarij illi sint, & ingeni, siue per alia incurabiles.

Libr. de morbis resolutis: lib. 1. de morb. mineral. & in pluribus Operum suorum locis magis honorificam Opij mentionem facit, quàm quispiam alius medicus, quamuis magni fecerit illud.

Ad hæc loquendo de Opio pro vt remedium in corpus exhibendum est, non intelligit crudum illud & simplex, vel etiam crassaminerua duntaxat cum aliis permixtum & compositum, sed rite præparatum & correctum. Lib. 1. namque de reb. natur. cap. de Sulphure Embryonato affirmat malignitatis quiddam habere OPIVM, Mandragoram, & Hyoscyamum, & propterea non vsurpanda illa esse, nisi sub forma duntaxat quintæ Essentia. Ideoque occasione inde sumpta Medici Spagirici opus operi adhibendò, modum tandem inuenerunt, tam pretiosum & nobile medicamentum rite præparandi, cui certe, quoad subitanæ miraculosamque operationem, neque in Spagirica, neque in Dogmatica pharmacopæa vllum æquale, ne dicam eo ipso præstantius vnquam repertum fuit remedium, pro quo quilibet Christianus omnium bonorum Datori DEO merito gratias immortales agere debet.

C A P. V.

De vera Opij præparatione, & in quibus illa consistat.

POSTquam ergo de mirat vtili necessitate Opij in Medicina varia produximus; progrediamur jam ad declarationem

nem Methodi, quæ Spagirici ad liberio-
rem tutioremque Opij exhibitionem,
secus quam Veteres, qui crudum admi-
scebant medicamentis, in præparatione
ipsius vñ fuisse. Ita enim Quercetanus de
compositione Theriacæ in sua pharmac.
dogmat. restit. pag. 414. de Opij corre-
ctione queritur.

Deplorandus enim error est, nobili hu-
jus medicamenti alexipharmaci compo-
sitioni, in tam magna, trium scilicet vn-
ciarum dosi, admiscere tantum vene-
num, quale Opium crudum & minus
præparatum esse constat. Quo ipso Quer-
cetanus non authores Theriacæ, multo
minus ipsam Theriacam, cuius succes-
sum quotidianus vsus satis probat, vitu-
perat; sed duntaxat insinuat, quàm ma-
jori cum fiducia vñ Opio licuisset hæc-
tenus à multis seculis, si Artis Spagiricæ ve-
ræ cognitionem qualis Dei gratia nobis
concessa est, habuissent. Aequo tamen
gratoque animo accipienda merito sunt,
quæcunque illi secundum Experientiam
quam acquisuerunt, literis nobis posteris
prodiderunt.

Interea inuentionem veræ præparatio-
nis Opij jure merito in honorem Theo-
phraستي Paracelsi, cœu omnium classico-
rum philosophorum, & Chymicorum
facile primi, referimus; Is ipse enim vni-
uersam fere Medicamentorum materiam
Chymicis præparationibus nobilitauit,
& ad morbos profigendos tuè iuven-
deque vsurpandos præstitit, cum alij è
contra in ancipitis propositi de Lapide
philosophorum biuio hesitando, non so-
lum non viles labores maxima cum to-
tius Reipublicæ, tum eorum qui sese
æmulos præstarunt infelicitate, sed &
perniciosissimas fraudes, nugose tantum
tractarint.

Consistit autem præparatio illa Opij
in tribus potissimum: Primò substantia
quædam oleaginosa in ipso superflua,
malignæ ipsius & narcoticæ facultatis
Ang. Sale.

propria quasi sedes, auferenda est.

Secundò corrigenda leniendaque præ-
nimia ipsius acrimonia, & febrilis ardor,
quæ Tithymalo aliisque lactescentibus
acribusque plantis fere similia obtinet.

Tertiò beneficio aliorum quorumcunque
præstantissimorum prosperanda, adju-
uandaque ipsius actio est; quemadmo-
dum ex sequentibus descriptionibus in
Specie manifestabitur.

CAP. VI.

*De triplici modo Opium à sulphure suo
narcotico malignoque vindicandi,
quod primum omnium esse debet,
antequam essentia extrahatur.*

AD Opij superfluitatem auferendam
Atria media principaliter exhibetur:

Primum est: quando ad mentem Para-
celsi Tract. 2. de morb. Amentium, rebus
aromaticis admixtum, cumque Sapa, vel
Rob Cydoniorum, in massam reductum,
in malo Cydonio excavato, & pasta fari-
nacea inuolutum, in furno panificatorio co-
quitur, posteaque exemptum in puluerem
teritur, macerandum in idoneo liquore
ad extractionem vsque ipsius Essentia;
quamvis eo loci Paracelso sermo tantum
sit de Spiritu Vitrioli ad Epilepsiam com-
posito.

Alterum medium est: vt Opium in mi-
nutas partes dissectum, in patinam im-
mittatur ferream, seu laminam etiam fer-
ream, affeturque tamdiu, lentè tamen,
donec Sulphur ipsius in specie fetidi den-
sique fumi, à quo sibi pro virili cauend-
um, euaporarit; Quidam aceto Rosa-
ce irroratum spatula miscent vt instar
Aloës fundatur, postea super Laminam
extendendo tamdiu euaporare faciunt,
donec omnis fumigatio cesset, & quod
restat, tam siccum euadat, vt in puluerem
abeat, non tamen, quod sedulo obseruan-

dum, vſionem contrahat. Qui ipſe modus à Quercetano, & multis aliis neotericis valde approbatur; Neque egomet habeo quod in hoc vituperari poſſim. Ideoque quandocunque Laudanum concinnaueam ipſam rationem ſemper magnifici, & adhuc magnificio.

Tertia præparationis *ſecunda* eſt: vt Opium antequam miſceatur reliquis, in liquore aliquo digeratur prius, bulliatque lentè, donec ſua Sulphura, & Venena noxia, ſpumam nempe ſeu cremorem vniuoſum, in ſuperficiem reſiciat; ſucus autem qui reſtat vſui tantum commodus ſeruandus eſt.

Hæc eadem ratio Collio in Baſil. Chym. cap. de Laudano valde accepta ſecretaque exiſtimatur.

Ex his tribus præparandi methoſis, antequam extractionem meliatur, quilibet pro libitu, quam velit, eligat.

C A P. VII.

Quomodo extrahatur Tinctura, Quinta eſſentia, ſeu quomodocunque etiam ſubſtantia Opij appellanda veniat, in qua bona ipſius virtus ineſt; Quomodo item exitialem ipſius acrimoniam auferre liceat.

AD Tincturam Opij à malignitate Sulphuris ſui jam defæcati, extrahendam, communiter uſurpantur Aqua vitæ reſtificata, vel acetum, juſ Citri, Aurantiorum, Cydoniorum, aliique liquores aciduli; omnibus aliis tamen præſero ſemper acetum. Nam in vniuerſum omnes liquores acidos proprietatem quandam venenoſitatis rerum aduerſam habere, vt &, qua illarum acrimoniam, vimque cauſticam retundant, Chymicis notiffimum eſt. De Aqua vitæ autem nemo tale quid vere affirmat.

Hanc eandem ob cauſam Veterum

quoque inſtituta poſtulant, vt Scammoneum cum ſucco Cydoniorum, liquore ſcilicet acido, vel etiam Spiritu Vitrioli philoſophicè corrigatur. Sic Euphorbium, Elleborus, Eſula, aliaque venenoſitatis, & corroſionis nomine ſuſpecta, beneficio aceti, vel irroratione inde, vel infuſione facta, miſceſcunt.

Antimonium eodem modo, ad vomitus prius & ſecceſſus paratum, extractione cum aceto deſtillato inſtituta, ſecundum modernorum experientiam, loco quod nauſeam & magnam corporis alterationem excitaret, Medicinam præſtat Bezoardicam, ad ſudores naturaliter prouocandos conuenientiſſimam.

Ita quoque Arſenicum pernicioſiſſimum venenum, & Mercurius ſublimateſ corroſiuum inſigner noxium, cum aceto per digeſtionem adeo correſta caſtigataque apparent, vt in Chirurgia tutiſſimus ipſorum vſus eſſe poſſit.

Præterea acetum, aliaque acida, in tanta omnium exiſtimatione verſantur, vt nullatenus fere excellentiſſimarum Medicinarum, veluti Lapidis Bezoar, Vnicornu, Terræ Lemniæ, Theriacæ aliorumque alexipharmacorum vſus permittatur niſi vel oxymellis ſimplicis, vel ſyrupi Cydoniorum, vel Citriorum, vel Granatorum, de Berberibus, Acetoſæ, aliorumue acidulorum ſocietate directorum. Nec mireretur ſine cauſa, vt arbitror: Singula enim acida in vniuerſum, ſtomachum confortant, venenis reſiſtunt, ardores internos mitigant, & corruptiones arcent, & vel maxime acetum; Quod, ſi non aliunde patet, ex eo ſatis colligere eſt, quod & ſe, & immixta alia integra inuolataque conſeruet, ſecus quam ſucus Citri vel Aurantiorum, vel Granatorum, non oleo quodam ſuperficie tenus ſuper inſuſo, vt ne craſſus aër ſubire poſſit, facere conſueuerunt. Inſuper experientia frequenter affirmare omnino poſſum, Opij eſſentiam cum Aceto factam, longe

efficaciorē esse, quā cui extrahendæ spiritus Vini seruerit; cum tamen is ipse spiritus, subtilitatis, veræque essentia causâ qua plures aliæ prosperantur medicinæ, aliâs super omnia merito extollatur, quamuis in hoc, vt acetum, æque commendari certas ob causas nequeat: Administratio ergo Essentialis Opij. extractionis hæc est:

R. Opium ad supradictum modum præparatum & puluerisatum, immitte in cucurbitam recti colli, & singulis eius vnciis affunde ad minimum octo vncias vel Aquæ vitæ vel aceti, quodcunque magis placuerit: Orificio bene clauso stent in Balneo Mariæ vel ad solem, vel qualemcunque fornacem, in qua panis conficitur, triginta vel quadraginta dies, ad digestionem consummandam. Hoc enim modo Opij acrimonia, & cruditas omnino mutantur; Non aliter, quā fructus aliâs immaturos, & austeros, & acres, ad solis feruentes radios, dulcedo, maturasque sequitur. Id quod Ficus exemplo patet, quæ in principio lac valde corrosiuum prabet, & quod carni superinductum pustulas & scabiem excitat. quando vero ad solis gratissimum iubar murescere incipit. succum dulcissimum delicatissimumque prioris loco offert.

Consummata ergo Opij digestionē, subtile à spisso separatur decapulando, inque B. Roris, ad extracti debitam consistentiam redigitur. Et vsui destinatur, qui infra sequitur.

CAP. VIII.

De tribus diuersis confectiōibus Opiatis, Laudanis à Spagiricis appellatis.

Spagirici Paracelsum, qui in pluribus locis medicamenta anodyna & confortantia LAVDANORVM nomine insigniuit, sequuti, Opio compoto illud no-

minis, quemadmodum videmus, imponere: Nihil autem hoc nomen significat aliud, quā medicinam propter raras nobilesque virtutes multis laudibus dignam prædicandamque. Quæ de causa etiam Crollius ad propositum valde adposite loquitur: LAVDABILE, inquit, medicamentum, quod plane suo nomini respondet, si Laudanum dicas.

Varia, inò vix numerabiles Laudanorum præparationes passim venduntur, & arrepta semel ipsorum vitilitas, adeo partim curiosis, partim sciolis imposuit, vt quisque fere Medicus de proprio, quod commentus est, certare possit. Ne vero absque magnetē hoc in mari rudiores nauigare permittamus, tria velut præstantissima famosissimaque Laudana, ad quæ cætera quoque omnia apte referri & applicari possint, candidè recitabimus. Et ὑπομνημάτων χάριν, vtq; applicationis istius vel vnicum tantum exemplum eb oculos exhibeatur, nostram quoque Laudani Opiati vsu & experientia fortissimè, quam alia probè præcitatique, confessionem, sincere adiciemus.

LAVDANVM PRIMVM.

Sen Anodynum specificum Theophrasti Paracelsi, secundum descriptionem lib. 7. Archidox. tract. de Specificis.

R. Opij Thebaici vnc. j.

Succi pomorum Aurantiorum Cydoniorum ana vnc. vj.

Cynamomi

Caryophyll. ana vnc. ß.

Contusa perquam optime siamul omnia, mixtaque ponantur in vitrum cum suo coopertorio exco; digerantur in sole, vel fimo per mensem, postmodum exprimantur, & imponantur iterum cum sequentibus:

℞. Moschi scrup. ℞.
 Ambra scrup. v.
 Croci vnc. ℞.
 Magisterij Corallorum.
 Et perlarum ana scrup. j. ℞.

Commisce, postque digestionem ipsorum vno mense factam, adde Quintæ essentia Auri scrup. j. ℞. qua permixta cæteris, Anodynum specificum erit, ad auferendum quoscumque dolores internos & externos, vt nullum torqueatur, vel arripiatur membrum latius.

Et hoc Specificum Anodynum est Paracelsi, in quo pro basi anodyna solum ordinat Opium, quod notatu hoc in loco dignum. Quoniam enim in virtutum relatione, illud medicamentum prædicat omnibus doloribus à forma specifica fugandis conueniens, non leue certe pondus, quæ suprà de qualitate à nobis dicta sunt, ad demerendam fidem accipiunt.

LAVDANVM SECVNDVM.

Iuxta descriptionem Quercetani pharmacop. dog. pag. 452.

℞. Essentia Opii, à suo dissolvente per Balneum vaporosum, vt suprà separata, (id est, beneficio aceti fortis vel juris Limonum extracta ex Opio siccato supra laminam ferream, vt semetipsum interpretatur pag. 451.) vnc. ij.

Essentia Croci, cum aqua Limonum extracta ʒ j.

Hæ duæ essentia confundantur inuicem in paruo quodam vasculo argenteo: his adde

Magister. Hyacinthor. & Corallor. ana ʒ j. ℞.

Terra sigillata vera ʒ j.

Puluer. Bezoard. veri.

Vnicornu

Ambra grisea ana ʒij.

Hi pulueres sufficient ad bonam consistentiam Laudano inducendam: miscendo & agitando omnia continuo ad ignem lentum, donec ex materia frigefacta pilula formari possint: sufficit exhibere de hoc Laudano magnitudine pipæris grani: Et insignes, ac suspiciendos percipies huius Anodynæ effectus, quod de spe tua nunquam te frustrabit: Nam confert citra molestiam, & cerebri vllam perturbationem, aduersus omnis generis dolores à quacunque causa subortos: contra omnes hæmorrhagias: siue fluxus sanguinis, in quacunque corporis parte fuerint: contra omnes defluxiones, & fluores ventris, dysentericos, hepaticos, lientericos, & similes: & ad adducendam gratam tranquillitatem, in febribus ardentissimis, in quibus ipsis rationis sensus læditur, & in phrenitidem æger plerumque delabitur.

Huic & aliud subiungitur, quod Hyosciamum, & triginta circiter alia Bezoardica & cordialia recipit. Si placet curiosi lectori, idem expendere poterit. Huius loci illud facere haud placuit, propter operosum molestumque nimis processum, quem ad sui præparationem requirit; & quod eius vicem quod modo descripsit, vbique & commodè supplere possit. Hyosciamum etiam multis est suspectus, de quo tamen alibi.

LAVDANVM TERTIVM.

Osvaldi Crollij descript. in ipsius Basil. Chym. pag. 173.

A B initio Crollius de vsu omnium Anodynorum laudabili hæc præmittit: Multi sunt morbi, qui absque Anodynis sanari non possunt. Ergo in omnium morborum curationibus, ubi dolorum comites vigilia, viriumque resolutiones adfuerint, Anodyna intrinsece appropriata possunt administrari, vt abla-

tis symptomatum ipsis radicibus perniciosis scilicet cruciatibus, amica quies Naturæ reddatur.

Postea Compositionem sui Laudani, quod Paracelsi Laudanum indigitat, ita recenset :

℞. Opii Thebaici ℥iij.

Succi Hyoscyami debito tempore collecti, & in sole prius inspissati ℥j. β.

Specier. Diambæ & Diamoschi fideliter dispensat. ana ℥ij. β.

Mumiæ transmarinæ select. ℥β.

Salis perlar. Corall. ana. ℥iij.

Liquoris Succini albi per Alcohol Vini extracti.

Ossis de Corde Cerui ana ℥j.

Lapid. Bezoar.

Vnicornu animalis vel mineralis ana ℥j.

Moschi, Ambræ ana ℥j

In defectu genuini Auri potabilis nullis corrosivis coinquinati, addantur Oleorum Anisi.

Carui,

Aurantior.

Nucisæ,

Caryophyll.

Cinamomi

Succini ana gutt. xij.

Fiat ex his secundum artem Chymicam massa seu Extractum, è quo ad necessarios usus possint pilulæ efformari.

His observationes quasdam notabiles de Opii & Hyoscyami præmittendis præparationibus aliisque circumstantiis, vt & eadem seorsim componendi ratione subiungit.

Dosis huius à granis 2. ad 4. ad Authoris præscriptum. Virtutes quod attinet, illas inferius sub instructione de Vsu Laudanorum in genere posita comprehendas communicabo.

NEPENTHES AVRVM nostrum

hypermeri loco adjectum.

℞. Essentiæ Opii, per Spiritus Aceti Cardiaci extractæ ℥iij.

Tinctura Croci more Quercetani extractæ ℥j.

Lapis Bezoardici Regij, seu Auri purissimi more Spagyrorum purpurisati & in veram Medicinam Cardiacam redacti ℥ij.

Resinæ Ligni Aloës.

Ambræ griseæ opt. ana ℥j.

Misceantur & incorporentur simul in vase vitro, eoque bene clauso seruentur ad usum.

Animadversiones.

1. Intelligo Opium à Sulphurè suo maligno, beneficio prædictæ exiccationis probe vindicatum; postea per integrum mensem cum aceto super debitam quantitatem Santali albi odorati, Melissæ, Rosarum rubrarum, & Cinamomi distillato, digestum: denique in picis liquida, vel paulò solidiorem consistentiam redactum.

2. Pro lapide Bezoardico Règio accipio Aurum purissimum in formam lapidis, beneficio menstrui Balsamici philosophorum elaboratum, inque Medicinam verè Bezoardicam & Cardiacam redactum, adeò vt vnum duntaxat istius granum nihil cedat sex octoque granis Bezoar Orientalis optimi. Id quod requirente necessitate *ἰσχυροφάρμακον* demonstrari potest.

3. Crocus debet purus bonæque notæ esse: infunditurque in Aqua Limonum ad Quercetani mentem, donec eliciatur tinctura; Ea sensim decantando separanda est, & lento calore, ne nobi-

lior Spiritus auoſet, inſpiſſanda.

4. Non immiſceo Magiſteria lapidum precioſorum, Corallorum & perlarum aliorumue Cordialium. Puto enim Aurum prædictum inſtar omnium horum eſſe, poſtea ſingulares alias habeo rationes, quas allegare hoc in loco minus conuenit.

5. Quod Ambram grifeam, quæ ingreditur, attinet, teſtari poſſum me vniquam vidiffe, mulieres hyſtericas ab eius uſu quicquam mali, vt fortè inſpicio quorundam eſt, percepiffe; Qui tamen ea in re anceps erit, pilulam prædictis mulieribus exhibendam modica olei ſuccini portiuncula tangat, & audacter poſtea deglutendam offerat.

Et hæc Laudana illa ſunt, ſeu confeſtiones Opiatæ, de quibus hoc in tractatu tractare mihi propoſueram. Bona illa omnia ſunt, & præ cæteris omnibus quæ Opium recipiunt, laudatiſſima, & quamuis alterum diſſerat ab altero, in methodo compositionis, & ratione ingredientium, præcipua tamen baſis Opium ſcilicet in omnibus æquè retinetur. Quodd verò non ſingula apertè, & quod dicitur, cibum præmanſum in os, omnibus ingeſſerim, vt primo intuitu ſemiluſcis etiam appareant; reſpondeo quomodo dicimus *παροιμιόμοιος*: Οὐκ πάντα, ἑδὲ πάντοτε, ἑδὲ περὶ πάντων. Quamuis enim omnibus idem libri huius commodum & vtilitatem non inuideo; conſcientia tamen non patitur, vt lucripetis æquè, & qui ad hanc meſſem aliena vtuntur ſalutè, ad tam grauiſa *τεχνουργήματα* fenestram aperiã. Propterea etiam author omnibus ſum, qui ſanitatẽ magis æſtimant, quàm pecuniolam, vt ne Laudano vtantur, quod non experientiſſimi & fideliffimi quique Medici compoſuerint.

Quod reſtat, non ignoro eſſe inter Chymicaſtros quosdam, immedicos ſui æſtimatores qui intemperantiſſimè gloriantur, ſe Laudana poſſidere, Anody-

na præcellentiſſima, quibus tamèn nè micam Opij admiſceant: Talia quidam è rebus duntaxat cordialibus concinnare pollicentur; Quidam è Sulphure quodam Embryonato Vitrioli, quod medicamentum ſomnis & doloribus vtiliſſimum & precioſiſſimum jaſtitant: Meræ tamen ampullæ ſunt, cum nimirum ſine Opio, aut ſimili facultate præditis, nemo generale verum tutumque Anodynum præparare poſſit.

Negare quidem non poſſum, ex rerum quarundam ſapore, odore & natura inter ſe differentium certa permixtione, ſpeciem Laudani elici poſſe. Ipſemet enim tale quid præparare noui, è Nuce Moſchata, Mace, Myrrha, Croco, Ambra, Moſcho, Aqua vitæ, Quinta eſſentia Sulphuris, &c. abſque villo Opio, cuius ſolo odore ſomnum, & pro adminiſtrationis modo dolorum etiam variorum ſedationem promittam.

Multum tamen abeſt, vt illud Laudano Opiato comparandum veniat. Eſt etiam æquale ipſi cenſeatur, eadem tamen accuſatione illud inſectari liceat, quâ id, quod ex Opio conſtat. Si namque Opium corpori malè conuenit propter facultatem ſomniferam, quam naturalem habet; quid ni Aromata vtut cordialia etiam, quæ eandem ſomniferam facultatem mutuò tantum & a ſcitiuè ab arte acquirunt, ex eadem culpa malè itidem audiant?

Quod poirò Sulphur Anodynum Vitrioli attinet, Paracelſus quidem mirabiliter de eo philoſophatur lib. 1. de Reb. nat. cap. 7. vbi & plura de multis aliis ſulphuribus metallicis prodit; Animus tamen inclinat, conſiteri magis cum Crollio, apud neminem mihi tale hætenus videre licuiſſe: Quidam enim Vitriolo operam & ſumptus tribui, nunquam quicquam reperire potui, quod cum opio ad ſomnum doloresque parès virtutes habeat; quemadmodum pin-

gulari Minerâ demonstrauit in Anatomia Vitrioli nostra, ante paucos annos in lucem emissa. Fallunt igitur & falluntur, qui beneficio præcipitationis cum Oleo Tartari bulliundo in Catino ferreo, vel per sublimationem, puluerem Vitrioli vitridiusculum separatum, Sulphur Embryonatum Vitrioli nominant, quod nimirum cultro Vulcani dissectum, merum cuprum oculis obijcitur, & inde exhibitum, stomachum potius alterare, vomitusque proicit, quàm vel confortare, vel somnum naturaliter inducere potest. Paracelsum ergo eo in loco homines phaleratis dictis pro more duxisse, fictamque personam sustinuisse necesse est, ubi aliud legere, aliud intelligere expediat. Interea cum certum propter incertum deferendum non sit, meritò prædicta Laudana, vel similia amplectantur & magnificiamus, & candidis eorundem authoribus gratias agamus potius, quàm vanis jactoribus aures patefaciamus.

CAP. IX.

De virtute & usu Laudani Opiati tam in genere, quam speciatim.

HUc vsque, vt lincis constanter insistamus, de præparatione Opij satis. Nunc proficiscamur ad declarandum virtutes ipsius, & vsus, quo ipso iis, qui eo opus habent, non nihil fortè gratificabimur.

Proprietates ergo Laudani ad prædicta fundamenta preparati cuiuscunque, sex principales sunt.

1. Sedat omnes dolores internos à quacunque causa, quocunque tempore, in quibuscunque personis, nullâ temperamenti habitâ ratione, neque ætatis, neque constitutionis corporis, solâ dosi, aliarumque necessariarum circumstantiarum cautione obseruatâ.

2. Somnum vel à morbo, vel errore

externo deficientem prouocat, absque vlla sensuum stupefactione, membrorum debilitatione, ventris adstrictione, aliorumue timendorum accidentium inductione, quod aliàs plurimum somnifera alia, propter nimiam frigiditatem, vel malè institutam præparationem sequi solet.

3. Egregiè facit ad sistendas omnes defluxiones subtiles, mordicantes, catarrhosque tenues à cerebro in subjacentes partes prolapsos, sensum & sensum increasando illos, roborando cerebrum, & vapores syluestres defluxionum plerumque causas antecedentes reprimendo.

4. Hamorrhagias, fluxus alui, & menstruorum, siue ratione exuperantis caloris, siue humorum peccantium & mordentium exorta compescit.

5. Pellit omnes ardores febriles, caloremque præter naturam ex vlceribus, vel per fermentationem humorum biliosorum, vel materiam rodentem venenosamque exortum.

6. Roborat viscera, meatusque nimium relaxatos labefactatosque, vt & virtutem retentricem imbecillem, vel ex Chronico morbo, vel à superpurgatione.

In specie contra sequentes affectus sælitter vsurpatur.

1. Contra Capitis dolores; Hemisphericam inueteratam, cephalagiam, aliasque dolorum species. Stomachum tamen ab humoribus crassis & viscidis inquinatus non sit.

Datur ad pilulam vnâ, vespere ante somnum, duabus post pastum horis, in cochleari Aquæ Majoranæ, Betonice, vel eius syrupo, alioue liquore capitali. Potest etiam exhiberi cum cereuisia, vel iusculo, vel etiam deglutiri in substantia sicca, quamdiu opus fuerit.

2. Contra subtiles defluxiones Catarrhofas, è capite in oculos, dentes,

aures, pulmonēs, stomachum irruentes, &c. Vſus eiufmodi, vt ſuprà: Caput ægri tamen cuſtodendum à nimio calore, vel frigore; Vinum interdicens, cereuiſia item vetuſta aliaque generoſa potulenta. Neque etiam conuenit Sinapi, allium, cæpe, & quæcunque aromatum & fortiter alterantium nomine appellanda veniunt.

Quando purgatione opus fuerit, & alui lenitione, non niſi Aloë cum aqua Roſarum lota, eiufque ſucco condenſata, Rhabbarum, Manna, Syrupus Roſatus, vel quod melius eſt Clyſma quoddam uſurpandum. Omnia enim alia purgantia, alterantia, & attrahentia, in hoc caſu periculi plena.

3. Contra Aurium dolores cum ſonitu vel tinnitu flatulento, ſiue ab incluſis flatibus in cerebro, ſiue à vaporibus è ſtomacho aſcendentibus. Sumitur in aqua Feniculi, Saluiæ vel vino albo, ſedò uti dictum eſt ſuprà.

4. Contra Epilepſiam vaporeſam (loquor cum doctis) cum magna ſanguinis ebullitione, hæmorrhagia, & capitis ſubſequenti dolore. In aqua pæoniæ, ſorum papaueris ſylueſtris, ſeu erratici aliove appropriato liquore, ante vel poſt paroxyſmum. Datur etiam ſingula Lünæ quadræ ſemel, mane ante Solis exortum, conuenienti Diætæ, & venæſectione pro neceſſitate indicationum inſtituta.

5. Contra dolorem dentium à calida & ſubtili defluſione proficiſcentem Laudanum in aceto diſſoluitur, eiufque guttæ quedam in ore retinentur, paulò poſt, priori reſectò, denuò ſumitur ad doloris finitionem uſque.

6. Qui noctes inſomnes habent, quæcunque de cauſa illud veniat, cum cochleari aquæ Hypericonis, vel Meliſſæ, quantum opus fuerit hauriant, bis terue in ſeptimana.

7. Quinarium hæmorrhagiam patiuntur, vel ſanguinem per os reſciunt; dijudicatà prius cauſà, propter quam vel ve-

naſectio, vel ſcarificatio ad reuèllendum imperanda veniat, incontinenti Laudanum cum Aqua plantaginis, Buſſæ paſtoris, Tormentillæ, vel quod melius eſt, cum aqua ſpermatis Ranarum per deſcenſum deſtillata bibant, ſtillanteque ſanguine, iſdem liquoribus Laudano madectum goſſypium naribus intrudant. Ex eodem etiam Epithemata fronti imponant, & ſtatim fluxus ceſſabit.

8. In vomitionibus, ubi nec materia ſtomachi peccans in cauſa; ibi enim materia per loca conuenientia euacuanda; nec ſtatus in hypochondriis (vt ſapius accidit) propter renum aliarumque partium obſtructionem concluſi; quo in caſu diuretica, diaphoretica, aliaque ex uſu ſunt; ſed peculiaris ſtomachi debilitas, vel vlcus, aliaue, præter prædictas, cauſa adest, exhibeatur cum Syrupò Cydoniorum vel Betoniciæ, quoties opus viſum fuerit.

9. Contra febres ardentes, malignas, & peſtilentiales; vomitoriis, Bezoardicis aliſque ad diminutionem humorum & ſanguinis, ubi expediat, remediis præmiſſis, cum aqua Carduibenedicti, Veronicæ, Chelidoniæ & ſimilium. His enim in caſibus mirum quantum vapores furſum in caput vergentes & deliria, furorem, phreſin aliaque ſymptomata producentes deprimit & conſumit. Extinguit in ſuper calorem febrilem, confortat Corpus, Spirituſque recreat.

10. In febribus intermittentibus, minera craſſiori per Vomitoria, vel deſectoria debita expulſa, ſeroſiori illa diaphoreticis item propriis diſſipata, vt & Aſtro ignis Microſcòmicæ phlebotomiâ probè ventilato, cum aqua Centaurij, Carduibenedicti, pilofellæ, aliorumque febrifugorum, vna vel duabus horis ante inuaſionem, idque bis terue repetendo. Vidi enim hoc ipſo remedio ad prædictum modum adminiſtrato, febres, nullo alio iuvante remedio, penitus curatas fuiſſe, vecor

reor tamen affirmare, hoc omnibus febribus æquale fore remedium. Sunt enim quædam ad tam difficilem coagulationem destinatæ, vt nec Esculapij manibus, si curator ipsis adestet, etiam si ὑποκαρδιῶν rem aggrediatur, ante fatalem terminum cedant.

11. Contra colicam & ventris tormina, aluo, vel medicamentis laxatiuis, vel clysmatibus prius liberatâ, vbi opus fuerit; Datur cum cochleari vini albi: Quando tamen tantæ actiuitatis sit dolor, vt ferri minus possit, nullo ad alia remedia respectu habito, eligatur ab initio statim; Doloꝛe tamen fugato, postea ordinariæ curæ ad remouendam causam morbificam datâ occasione indulgere, minus prohibeo.

12. In extremis illis intestinorum tenuium cruciatibus, quos Iliacam passionem, seu Miserere mei appellant, feliciter administratur cum oleo Amygdalarum dulcium, seu Mucilage seminis Cydoniorum.

13. Contra dolorem matricis, cum aqua Camomillæ vel Artemisissæ exhibitum prodest: Quando tamen in menstruum retentione peccatum fuerit, prouocationi illorum imprimis studere oportet. Nihilominus ad hoc parum solliciti, quando dolor nimis vrget, tutò ad mulcendum dolorem vaporesque malignos reprimendos Laudanum propinamus. Doloꝛe enim mitiori factò, cætera cum maior facilitate absoluiamus.

14. Mulieribus, doloribus post partum denuò exortis, vocant *die Nachwehe* concomitantibus vigiliis, delirio, febre ardente, & omnimoda corporis imbecillitate, egregiè opitulatur: Sic & nimium sanguinis fluxum, excleso jam partu compescit, parua ipsius pilula deglutitâ, vti dictum est.

15. In menstruum profluuiis præter naturam, datur bina ternæ vice, si exusu fuerit: Remoram illis feliciter inji-

Ang. Salæ.

cit, quiete solummodò, & diatâ conuenienter institutis. Multas hoc remedio liberaui, omni ferè sanguine exhaustas; simul tamen necesse fuit naturam viribus lapsam cibus eucharystis restaurare, & medicamentis confortantibus, cœu Magisterio Corallorum & perlarum, Elixire item cordiali, alias Auro potabili philosophorum dicto, viscera firmare.

16. In dysenteria, vt & aliis alui profluuiis materiâ peccante, beneficio Rhabbari aliorumue pro differentia mineræ partisque affectæ conuenientium prius exclusa, cum Syrupo Cydoniorum semel bis terue, quantum ad dosin requiritur, vtiliter vsurpatur. Non posthabitis interim venæsectione, si necessaria fuerit, aliisue externis remediis, vel vti vnctio-nibus, vel Emplastris ad rem conuenientibus.

17. Post purgationem hypercatharsis affectis; quorum plurimos in extremum vitæ periculum præcipitatos nouimus, Laudanum bis terue cum vino rubro datur, donec omnia fuerint quæta.

18. In magnis Renum doloribus seu Nephritide; vt & vrina guttatim profluente, cum acrimonia instar lixiuij mordicante, cum modica sacchari Rosati quantitate, vel Syrupo violato mixtum bonis ægrorum rebus exhibetur.

19. Calculosis etiam, doloribus fortiter vrgentibus, cum Hydromelite vel syrupo Glycyrrhizæ porrigimus, præmisso tamen clystere emolliente, & carminatio, aluo scilicet constipata, vt solet.

20. Non minori cum successu damus etiam doloribus ex hernia intestinali cruciatis cum cochl. vini boni; inungendo interea ab extra oleum Nucis Moschatæ, & calidè tenendo ægrum.

21. Inseruit laudabiliter contra podagricos, ischiadicos, & singulos artuum dolores cum inflammatione materiæ hinc & inde in varias partes decumbentis. Hæc

XXY

enim in casu dolorē sedat, materiam digerit, & incrassat, vt cathartici postea lubentius obtemperet; vel per insensibilem transpirationem dissipetur. Medicamentum certē manu sapientis Medici præscriptum excellens & nobile. Turgente enim materia & vagabundā existente, purgantia magis magisque irritando, cauendoque inanitionem partium, dolores dilatant, exasperant, & omnem agri statum deteriorem faciunt. Arthriticis porro, materia quieta existente & fixa, interea verò non doloribus saltem, sed febre ardente etiam, & imbecillitate cum somni priuatione molestantibus, valdè conuenit, ad symptomata illa remouenda, & purgantibus postea quibus aliàs natura nondum quiete se habente parum proficimus; liberiores locum conciliandum.

22. Vulneratis, superueniente febre ardente, inquietudine, hæmorrhagia, aliisque symptomatibus; quibus vulnus irritatum ad Gangrænam facile inclinat, valdè conuenit. Et Cheirurgus meritò magnificandus, qui Laudani vsum ritè nouerit.

23. Nimios dolores à chronicis vlceribus, Crurum, brachiorum, &c. quòd sæpè accidit, certò lenit, exhibendo quantum pro dosi sufficit, vespere duabus post pastum horis.

In Heluetia aliquando rustici nonaginta circiter annos nati curam habebam, ratione duorum vlcerum in crure subortorum, quæ quinquennium magnā cum molestia, quam ob causam tandem vocatus aderam, portauerat. Neque enim noctū, neque interdiu præninio dolore somnum viderat. Administram consuetam Laudani dosin, mox dolore cessante, quietē se habebat, & paulò post foras exspatiabatur, multa que alia, diu intermissa peragebat: Imò beneficio Laudani sine dolore ad sesquialterum vsque annum se sustine-

bat, donec tandem propter senectam è vita discederet; vlceribus interim nil quicquam mali, etiam si semper apertis, sentientibus, cum tamen nullum remedium adhibebatur, præterquam Aqua Persicariæ, quam meo Consilio linteolo tepidam admovebat.

24. Denique quando quis diu qualicunque etiam morbo afflictus, omnī medicamentorum ordinariorum genere in auxilium vocato, non solum solatiū nihil percipit, sed & dolores, siue continuos, siue intermittentes acriores patitur, vnde humidi radicalis consumptio, calorisque natui extinctio præmaturè metuenda, tūm Laudanum iure merito Languentium suffragium celebrarim. Sistit enim dolores, corroborat viscera, calorem natuium tuetur, & quæ οὐσίαν ἀνδροπικίῳ ὑπερβαίνει, multa alia felicissimè operatur. Huius assertionis exempla plurima memoratu digna in memoria habeo. Factum enim scio, vbi Laudanum extreme languidis in agone pro doloribus constitutis exhibui, quod citò melius habere, & sensibus restitutis bona dispensare, & denique cum ratione & vera precatione, piæque multorum adstantium institutione se Deo commendando expirare potuerint. Econtrà accidit sæpè vbi prædicta medicina destituimur; Quippe nullam aliam, quæ æquè pro salute hominis propugnet, huic substitui posse ipsa Experientia demonstrat. Quare quicunque sit Medicus qui huius cognitione caret, omnem rudentem moueat, vt illud in tempore assequatur, & pœnam neglecti Deo & proximo debiti officij cautè declinet.

Certum enim est rationum strophas, ἐπιπληκτικὰς ἐνδογίας, Charitati erga proximum in cuius legitimo tenore totius mundi conseruatio subsistit, quæque omnium bonarum scientiarum & Artium firmissimum creditur fundamentum, quicquam detrahere nec posse, nec

debere; & si turpi desidia in rerum nobis ad sanitatem ægrotum commissarum ferutatione, siue Galenus, siue Paracelsus, illa primum prædicarit, peccauerimus, nos minus coram Deo aliquando excusabiles fore. Experientia enim magnus ille & vere fundamentalis liber est, qui quotidie lumine Naturæ ob oculos nobis versatur. Quilibet ergo non solum legat, sed & intimius euoluat, peniculateque intelligat. Vere enim hoc sensu Paracelsus dixit: omnia remedia, quæ morbos naturaliter tollunt, veras Medicinæ regulas & Canones esse; cæterum vixumbram Medicinæ affectare, ea qui negligant.

Id quod, salua vndiquaque venia, hoc in loco, quamuis extra oleas fortassis, non admonere non potui. Interea Rationis & Authoritatum memores, suam cuique laudem, & veritatis præmium, suo tempore & relinquimus libenter, & concedimus cumulate, & deferimus liberaliter.

Cautiones de Laudani vsu obseruanda.

Sciendum hoc in loco omnibus est, in toto vniuerso, nilquicquam tam aptum natum ad Medicinam homini præstandam, esse, quin singulari iudicii perspicacitate, & prudentia opus habeat, ut ad apposite curandum, recte adhibeatur. Res enim tam sancta nulla est, quæ abusu profanari nequeat: Imò quo diuino illa, eo deteriores patitur abusus. Ideoque de vsu Laudani pauca edisserere operæ præcium duxi.

1. Statutum equidem supra est, quomodo & quibus cum vehiculis in quolibet affectu Laudanum vsurpari debeat; Sunt tamen aliquando, quibus Aqua illa destillata, & Syrupi, &c. nullo modo commode præscribi possunt; Idque non solum propter qualitates, quas manifesto

præ se ferunt, ut & odorem, saporem, &c. sed etiam propriæ antipathias ergo.

Plura huius exempla scimus: quosdam Rosarum odores ferre absque deliquio animi non potuisse; quosdam ne quidem saporem Cydoniorum; Quibusdam maximam voluptatem à dulcibus accessisse; quibusdam e contra summum tædium; In quibusdam aquas destillatas bonos edidisse effectus; in quibusdam nihil nisi nauseam aliaque symptomata excitasse, qualiscunque etiam occulta natura subjerit, nobis certe ignota; sed & sapienti haudquaquam vestiganda.

Quandocunque igitur in eiusmodi naturas inciderimus, satius erit LAUDANVM cum vino, ceruisia, iusculis Galinarum, aliisque Naturæ cuiuslibet familiaribus rebus exhibere.

2. Vno die binâ vice Laudanum non detur, nisi in extremis dolorum casibus; sufficit enim vnica exhibitio. Præterea non audeas tria quatorve grana pro dosi excedere, nisi in valde robustis, ubi vehementia affectus vrget; In ijs aliquando ad sex vsque grana ascendimus: Tempus exhibitionis est, duabus horis post pastum elapsis, attamen Necessitas sæpe terminum præscindit, ut quauis hora conueniat.

3. Obseruatione etiam dignum, est; autè vsum Laudani ventrem ab excrementis cibarijs vacuandum esse, vel leniente aliqua Medicina, vel emolliente Clystere vel suppositorio: In personis tamen aridis, imbecillibus, & extenuatis, ardore interim & sanguine plenis, illud vsque adeo respiciendum non est; Cura enim hîc ad mitigandum potius ardorem, & corpus humectandum, quàm ad alias quæ purgando incrementum caperent, dirigenda.

4. In Asthmaticis, ubi pectus & pulmones materia viscosa, & tenui obstruuntur, cautè procedendum: Indicatio enim educendi & abstergendi est; Laudanum verò roborat, & mediocriter incrassat.

5. Non conueniunt Hydropicis, ob aquarum copiam difficulter respirantibus, somnumque suffocationis metu merito fugientibus. Aquis tamen exhaustis, & jecoris aliarumque partium obstructio- nibus decentibus remediis expeditis, ut de supradictis nihil amplius timendum sit, nihil prohibet, quo minus ad robo- randum viscera, corpus à subtilibus fluxionibus defendendum, & ultimam cura- tioni Colophonidem imponendam ad- hiberi possit.

6. Denique *πυτελαῖς ἀπροσολόγιστος*, ægro- tis stomachum impurum habentibus, & vel vomitoriis, vel catharticis euacuari cupientibus, Laudanum exhibere.

Pariter prorsus abstinendum in pustulis & variolis, quorum nimirum causas conuenientioribus remediis impetimus.

Breuitur, nullius prorsus usus esse debet, ubicunque vel Vomitoria, vel Cathar- tica, vel sudorifera, vel diuretica, vel Alexipharmaca, vulneraria, phlebotomia, dicta, aliaque genere differentia remedia locum apte merentur. Quot enim morbi natura diuersi, tot remediorum oportet esse Ideas. Quodlibet enim reme- dium, quemlibet sub se morbum continet, cuius ratione natura partisque affec- tæ, consentaneis, ratione vero affectus contrariis spiritibus, diuersorium nouit & impetit. Quamuis haud inficias eam, plura sæpe in vnius medicamenti copulam venire, pro diuersa & multiplici morborum complicatione.

C A P. X.

De Confutatione trium erronearum objectionum, quas proponere quis posset, contra vsum Laudani.

Octauus fere iam annus agitur, quan- do Medicorum quorundam consul- tationi interesset de Ægroto iam qua- tuor septimanas à fluxu ventris febri con-

tinuæ complicato cum somni priuatione, & grauissimis in ventre cruciatibus decumbente. Variis quidem remediis tenta- tus, nihil tamen propius habebat, quam ut propter nimiam virium amissionem, periret, nihil longius, quam ut sperare meliora auderet. Ordine differendi ad me deuoluto, Laudanum vtiliter vsurpan- dum recta ratione proposui; Ut autem Veritatis regnum nunquam infestis non habet obstrictatores; ita tribus sequenti- bus objectionibus propositionem meam debellari conabantur, quæ singulæ tamen tanti ponderis non erant, ut meis quic- quam detrahere, vel res verbis æquare, ut Naturæ diuinitatisque negotiis impedi- to animo studendum est, potuissent. Ne tamen in ægroti interitum, Medicinæ studiosis impoant, eadem hoc in loco & repetere, & non Tullianis, sed certis ra- tionibus confutare volui.

Objectiones.

1. Quod Laudanum principaliter ex OPIO compositum, proprietatem ipsius somniferam retineat, & consequenter ca- lorem natium suffocare, omnesque sen- sus stupefacere possit.

2. Quod, quia humores subtiles & tenues inest, dolores quidem sopiat, postea vero causas morborum malignas, permanentes & incurabiles efficiat.

3. Quod vsu obseruatum sit, ægros nonnullos sumpto Laudano paulo post pejus habendo mortem oppetiisse; qua de causa vsus ipsius omnibus merito inuisus esse debeat.

Responsiones.

Quæ dicta sunt contra Laudanum par- tim falsa, partim confusa, partim inconse- quentia sunt, & hinc *παιδικὰ* illa iudico, *νυπτιὸν φεβήτω*.

Quod tamen primam objectionem

Teorsim attinet, omnino arbitror, si aduersarij experientissimorum autoritate, & veræ Experientiæ, quæ vtræque ne crudum quidem Opium in minima quantitate calorem natium suffocare, sensusque stupefacere concedunt, sese ascriptores statuerent, in bonam Laudani famam non tam crudeles illos fore.

Esto tamen, Opium crudum non posse non prædictos effectus dare: non propterea omne Opium, à superfluitate sulphuris sui narcotici liberatum, ab acrimonia correctum, & postea Bezoardicis & cordialibus, vt supra patet commixtum, eadem pertica tractandum venit. Opium ergo prout Laudani basin constituit, quia & formâ & substantia mutatum, non antiquis illis & crudo propriis virtutibus præditum potest esse; quique hoc non videt, parum videt, nec illi puto sanum esse synciput. Et quamuis Laudanum somnum prouocet, experientia tamen monstrat quotidie *ἡ δὲ διὰ πρὸς αὐτὴν* abesse, quod eandem ob causam calorem natium suffocare consueuerit, Quin imò, quando ille consumitur, & ad manifestam perniciem, propter nimias dolorum insultationes & exagitationes tendit, ab Opio prompte, conseruatur & defenditur. Eadem enim hæc conditio est, quam vbi Lampas nimia ventilatione plusiusto valentior facta, longe citius & flammam & oleum perdit, quam vbi in quiete retinetur.

Ad alterum respondeo: Laudanum causas quasdam morificas præparare, & ad expulsiões magis idoneas reddere, vt supra quoque de vsu ipsius in Podagra mentionem fecimus, ne dum vt deteriores illas efficere possit: Accedat autem hæc appendix ad munimentum iam facti iudicij; Nam prudentiores Medici vnanimiter consentiunt, præparationes humorum expurgandorum (corporis illæ huc non pertinent) ad duas potissimum operationes referri, Cras-

fos nimirum & viscidos humores attenuandi & liquefaciendi & nimium subtiles, virulentos, vaporosos, & turgentés mediocriter incrassandi, & compescendi: Cum autem maxima dolorum acutissimorum ardorūque intollerabiliū pars, à causis Symbolo sibi merito conjunctis, falsis, acutis, mordicantibus, inquietis, causticis, vaporosis, &c. proficiscatur; Quo sensu Galenus quoque bilem acutos semper morbos facere affirmavit in comment. 7. Aph. 33. Quibus in vrinis biliosa sedimenta, sed supra tenuia, acutū morbum significant, &c. Quid præclarius, quid vtilius in his exoptaremus, quàm Laudanum, quod & incrassare, & digerere prædictos humores, vapores reprimere, omnemque malignitatis modum abscindere natum est? Adsit superfluitas expurganda, nulla à loco in quo inhæret, contradictione insurgente, securius certe post Laudanum vsurpatum illam attentabimus, quam si intactam antea reliquerimus. Et num sententiam hanc varia vlcera externa abundè satis confirmant, quæ certe, quia phlegmonosa, subtilibus, & rodentibus humoribus scatentia, & magnos sæpe dolores, lancinationes, & febres symptomáticas pariunt, præstantius remedium non postulant, quam, quod dolores mitiget, ardorem temperet, & simul humorem morbificum mactet, & incrasset, quibus omnia Symptomata mitescunt? Hæc ergo tam præclara effecta, quia Laudanum perficit, non dicam, quod & mundificet, putrefactionem arceat, instar Balsami consolidet, partesque imbecilles resciendo, varia tollat symptomata; multum abest, quod omnia deteriora & incurabilia reddat; Longius illud, quamuis mediocriter incrasset, quod sanguinem aliasque humorosas in corpore substantias in lapidem coagulet; vel partes instar Gypsi constringat & conglutinet, quas fortassis ineptias ad male obtestandum LAUDANO bardus

animus, ridiculè sequatur.

3. Quod accidere possit, vt quis sumpto Laudano nihilominus paulo post mortem oppetat, tam clarum est, quam Sol in medio cœlo, dum sudum est. Experimentiæ scutica dignum quoque me præstarem, si inficias irem. Quod autem Laudanum mortis huius causa non extiterit, sed potius committi Elenchum non causa vt causa; pure & nervose in ambulacris nostris suppetitas rationes, non luctulentes ac languide vt sit in nouis Aca-
demiis, quæ nihil nisi rabularum ventosas velitationes olent, dabimus & explicabimus.

Primo ergo è præcedentibus liquido manifestum repetimus; Laudanum nequaquam veneni tam reum esse, vt videntes interficiat; Ideoque importuna illa morientium exempla, omnibus Rationum & Experimentiæ, quæ singula Laudani vsus summopere commendant, monumentis antepone, tam absolum est & absurdum, quam procul dubio foret, si dicerem, Vidi ægrotos minima Lapidis Bezoar, Vnicornu, perlarum aliarumque rerum cordialium portiunculâ sumpta perijisse; Ergo prædicta omnia interitus fuere causa, ideoque digna, quæ pro reiectamento habeamus.

Vel æque pueriliter, Vidi Clysma fuisse injectum dum moriretur; Ergo Clysmata vel periculosa vel lethalia, quemadmodum Supina ingenia Clysteribus insultando ridiculè colligunt, in quibus perspicendis, si & nos Supiniore essemus, iam id committeremus, vt illorum simplex error, culpa esset nostra.

Eodem modo absurdum prorsus est & inauditæ consequentiæ argumentum. Bonam Laudani famam eo ipso allatrare, quod dum vsurparetur, mors paulò post alicui superuenerit: Quamuis enim contra dolores potentissimum remedium sit, nec ad somnum conciliandum, se quicquam præstantius ferat, neminem tamen

à Morte, ejus præsertim fatali limite obuerfante, posse præseruare, contra omnium reliquorum Medicamentorum naturam peculiariter statutum est. Dormire quidem, & doloribus exemptum esse, necessaria sunt, cum sanis tum ægrotis, hoc quidem absolutè, illud suo modo: attamen vtrumque propterea, vel vitam hominis conseruare, vel redintegrare, non tam illorum, quam Naturæ sibi ipsi debito officio parentis culpâ fieri arbitrandum est. Id quod notioribus exemplis patet: Edimus & bibimus, & alijs rebus non naturalibus vtimur, immutatâ ipsarum natura, aliquando tamen profunt, aliquando minus, aliquando etiam valdè obsunt, singula pro aliâ atque aliâ Naturæ partitione. Tam variæ siquidem Naturæ vices sunt in ijs, quæ condidit, vt idem non solum diuersis sit diuersum speciebus, sed etiam eodem in corpore alias atque alias compareret effectiones. Cujus rei opportunum exemplum præbetur in homine indefessis laboribus adèdè fatigato, vt neque manus, neque pes officium faciant, sed omnia in somnum & quietem inclinent; Dormitetiam in vtramuis aurem, Experrectus verò iam vegetus corpore & animo existit, vt antea, antequam laborem subiret. Is ipse homo ad labores redit suos, eosquè duplo tantos sustinet, vt sanitatis & virium limites excedendo, jam virtutes vitales, animales & naturales dehiscant, & humoribus sursum deorsum agitatîs nihil quicquam reliquum sit, quàm vt mortali morbo miserè decumbat: Hac occasione denuò in somnum, pristinam illam corporis & animi sulturam, se conjicit, ad eandem morbo medicinam faciendam; Tantum abest, vt meliuscule inde habeat, vt & vitam finire ipsam ineuitaliter oporteat.

Similiter iudicandum est, de ægro, qui vel vigiliarum, vel dolorum acutissimorum, vel esuritionis diuturnæ excessu, iam morti vicinus factus, vel ex sponta-

neā lassitudinē; vel quia Laudani pilulam, vel potionem restaurantem assumpsit, somno obruitur, nec tamen reficitur, sed vel pejus habet, vel prorsus moritur.

Ideoquē quod sinistrē hoc in loco cecidit, non quia aliquid vel somno, vel nutritioni, vtrumque enim ad vitam necessarium est, imputari debet, sed quoddā appropinquante Morte, assumpta illa bonos suos effectus edere non poterant. Loquar meo more barbarē, & ab Oxonio, non ē rostris aut comitiis: Verum non est, Ager medicamenti salubri motu mouetur: ergo salubriter mouetur. Quia receptiuum non recipit per modum inprimētis, sed per modum receptiuitatis. Præterea naturalia ἀσυνάτως agunt, ἐὰν μὴ ἐμποδίσον, nisi aliquid intersit, quod impediāt, vti hoc in loco. Et hæc ad tertiam quoque objectionem confutandam breuiter sufficiant. Laudani enim ritē ac scitē præparati, & prudenter adhibiti causam agimus; non OPII Turcarum, Hyoscyami, Mandragoræ, aliorumue Narcoticorum cruderum, vel sinistrē adhibitorum, quorum nocumenta non est meum vel excusare, vel commendare.


Id quod ἐν τῷ παρόντι de OPIO & LAUDANO sufficiat.

Protestor ideoque coram omnibus, hæc qui legerint, absque omni vel odij

vel calumniæ affectū, in quēmcūque, etiam si alicui videatur, totum hunc libellum me conscripsisse inque lucem edidisse; neque aliud ad scribendum hac de re calamum armasse, quā quod cognitionem & famam medicamenti huius apud non paucos, valde angustam, pinguiorem, splendidioremque facere voluerim, & meum simul studium, quod in rerum Medicinalium inquisitionem quotidie colloco, omnibus probare, in præcipua Christiani Medici laude posuerim. Spero etiam, quibus in causæ huius iudicio, aliquando odium & insectatio magis cordi fuere, quam Regni literarum anima, virtus & veritas, illos ambitiones & factiones contradictionibus hætenus in me exercitas relicturos, & cautius in posterum, contra honorem proximi ad propriam solummodo auctoritatem superciliosè præferendam, præliaturos.

Nemini hoc sermone litem seorsim moneo, nisi qui forsan propria oratione semet accusando litigiosum prodat, quem sua culpa reum rideo magis, quā excuso. Omnem autem causam meam DOMINO tribuam, qui & corda & renes hominum scrutatur, & iustitiam, æquitatem, misericordiam & gratiam exercet super omnes creaturas; Illi vni soli & semper sit laus, honor, & gloria.

FINIS.



EXEGESIS CHYMIA- TRICA,

ANDREÆ TENTZELII, GREVSS. Med. D.

Q V A I N

QVÆCUNQVE IN PRIORIBVS ANGELI SALÆ LIBRIS
iacta quidem, attamen planè detecta non sunt, multaque alia
deestis: interpolata.

DESCRIPTIONIBVS VERE & SINCERE
ENVCLEATIS

CVILIBET, VEL MEDIOCRITER DVNTAXAT IN ARTE CHYMICÆ
exercitato ob oculos exhibentur.

I. ad Corinth. 14.

Siue lingua quis loquitur, per bīnos fiat, aut ad summū per ternos, idque vicissim,
& vnus interpretetur.

CANDIDO LECTORI SALVTEM.



N mundo si quid est, Amice Lector, quod odiosum est, illud vel
maximè odio plus quàm Vatiniano dignum existimo: quòd qui ab
artis perfectione rerum occultarum manifestatores & detectores
audiunt, optima quaque arcana Harpocrati magis, quam Hippo-
crati; magis fama, quàm conscientia sacrificando, tanto studio silere, & si vel
spontaneo Natura ductu (illa enim benigna Mater nunquam deficit in necessariis)
emergere velint, adeo inuidiosè suppressere soleant.

Mala mens, malus animus

Equidem nulla ars diuinior, nulla perfectior Medicina foret, nisi artificum
inhumanam illam, & nec diuinis, nec ciuilibus, nec gentium legibus concessam
inuidiam tantopere experiretur.

Alia ideoque mens mihi est, & sanior multò. Boni enim si sumus, si quid
boni

Boni a DEO accepimus, cur non vicissim collocemus bene, ut ne calamitosissima vita nostra adjutores desini? Gaudeo, si que scire mihi persuadeo, cognita esse omnibus intelligam, Quin has noctes, (inquit subtilitatum Professor) infestissimo Canro gelidissimas hujusce rei causa vigilo, ut ingeniorum felicitates communi-centur. Is sapientum finis est, qui libros condunt.

Ideoque affectum illum jam primitus exequi studeo, cum TERNARIUM TERNARIORVM &c. Dr. Angeli Sala publici juris facturus, quacunque obscuriora perplexioraq; plurimis stuporem injiciebant, hac ipsa Exegeti mea enucleare, & explicare mihi adsumam. Quamvis enim à tali proposito plurima me detinere visa sunt; Chymia tamen studium, & vel maxime utilitatem ipsius non minus è D. Angeli Sala libris, quàm aliunde gustatam, tanti habui, ut illa omnia, ne non animum ad id alacrius hortarer, susque deque haberem. Eò enim, postquam Chymia Medicina pedissequa facta est, rediit, ut Medicinam duabus tribusve guttis Olei Thimi Salvia, ad Apoplexiam; tribus guttis vel granis Olei Corallorum, aut Cinabaris Antimonij ad Epilepsiam; Essentia perlarum vel Auri totidem ad Syncopen; Rosa Mineralis ad difficultatem partus, & ejusdem cum totidem granis Specifici Antifebricitici contra febres: Olei Ammoniaci ad Melancholiam Hypochondriacam & Splenis obstructiones; Olei Ferri vel Laudani liquidi ad Dysenteriam, & menstrua mulierum; tribus denique guttis Olei Crystallo-rum, vel Ludi Humani ad calculum &c. potentiorum adfirmarim, quàm si eadem pluribus eorundem non Chimicè preparatorum libris instructa, olim aduersus eosdem morbos arenam conscendisset.

Ideoque cum duplici argumento, (quod boni Viri, supradicta intentione fecisse arbitror) argumento, dico synceritatis affectus erga Filios doctrina, & publico pro virili studendi commodo; ea lege mea legas peto, ut me diligas etiam, & ad lectissimos usus penitus intelligas. Pauca quidem ea sunt: Attamen meo, meque & hac, pede sum metitus; Et primo vere fructus nimis numerosa efflorescentes serie, plerumque marcescunt, non maturescunt; Attamen tam bona (non audiat Nemesius) quorum causa & illustrissimam personam, nec non multos Medicina studiosos sollicitasse noui; Et si meliora, id meam vix probe culpam: Tam plana, & perspicua, quæ si ne ipse noctem in oculis adferas parùm aduertenti tibi facile obuia & pænos ipsi Euangelis, & Euangelis & pænos. Et si planiora, omnem tibi attentionem excutiam, imò Arti & mihi panè authoritatem. Alias tamen plura, Deo dante, & meliora quando scilicet plura & meliora scribendi animi potestatem, sementisque huius fructum, salubritatis nimirum & Gratiitudinis erga me vestra ad suauem authoritatem aliquando adspirasse sensero. Vale, dabam Gruscia, pridie Cal. Aug. Anno 1617.

EXEGESIOS CHYMIATRICA,

PARS PRIMÆ.

DE LIQVORIBVS,

ΠΡΟΟΙΜΙΟΝ.



QUICQVID sit, quod hisce pagellis in me tractandum suscepi equidem *ἡμετέρας καὶ ἀπέναντος* illud exequi, cum impensè illud placeat, *Ordine fac*

doceas, & dexter habebere Doct̃or.

Ordine fac discas, & benè doctus eris, animum planè adducere non potui.

Quamvis verò ordo ille maxime idoneus mihi visus fuerit, qui ex Operum Chymicorum partitione maxime congrua, & singulis Chymiae speciebus, (è quarum singulis classibus puta & hic aliquid in medium proferendum) adæquata fuerit erutus; adeoque diuisio Operum seu specierum nostrarum sub disparatorum & Comparatorum serie tituloque (hac etiam Magisteria, illa Separata vocari possunt) omnino instituenda videatur. Omnibus enim subductis rationibus, nulla pragmatum Chymicorum Partitio amplectenda magis, quam qua prædicta pragmata vel in DISPARATA, vel in COMPARATA, seu Magisteria primarid dispeſcuntur. Quasunque enim tota Chymia sub se continet Species, siue Simples siue Compositas, siue Magisteriorum siue Extractorum, siue Elixiriorum, siue Clyſſorum censu recensendas; & vel elaborationis, vel exaltationis, quibus omne opus Chymicum primum

perficitur, beneficio productas; omnes illas duo illa summa capita rectissime comprehendunt, inque se coarctant, *διεξομῖα* non inconcinna. Verum enim verò quoniam in hoc libello accuratam Methodum obseruare propterea non possum, quod, vt iustam molem commentariolus hic assequatur, non solum ea consignare quæ in præmissis SALÆ libris tacta, inque certas classes Disparatorum & Comparatorum eorundemq; simplicium & Compositorum, ordinanda facile fuissent, sed sæpe *διεξῖδω*, ferè Ambubajarum modo, ad alia genere & materia quidem conuenientia, specie & forma tamen plurimum diuersa dilabi, & sic fasceatim quasi construere, non quæ secundum operationem essentiali conuenientia coherent; sed tantum ex consinitate materię, vel interdum facietenus duntaxat similitudinem præ se ferunt, oporteat; Accedit quòd, cum in priore plus nimis deproperata editione, Superficiaria illa partitione in liquida, mollia, dura, contenti fuerimus, jam demum totam titulorum seriem permutare, adeoque singula transcribere, ordinariorum laborum cumulus prohibuerit; ideoque vt diuisio illa sua natura sese habeat, præsertim in acutorum Logicorum oculis, vt ne tamen planè *ἀπέναντος* progrediamur, vel laborem humeris nostris imparem subeamus, vel

denique subtilitatem quandam affectando, in manifestam confusionem incidamus, ob hanc causam inquam, ordinem, quo Species quasdam sub duris tractemus, quamvis quodammodo rudem, retinimus. DEVS ter. opt. max. qui solus omnia in omnibus, animos nostros celestii modestia faciat temperatos, nosque alias inutiles & malos, immenso atque ineffabili suo Spiritus compleat, suaque mortalibus ignota & admirabili Sapientia ditet & regat, vt quantum loci, temporis & argumenti capus fert, ipsi grata dicere liceat, proximoque non inutilia.

principiorum illorum nomine dignentur.

Hinc Sal, Sulphur & Mercurium, cum ita intellecta vltima sint, in quæ permanentibus rerum ad Medicinam destinatarum astris & scientiis, singula naturalia resoluantur, tam vera Chymie principia habeo, (illa duo physica sunt Materia & forma, de priuatione nemiti litem moueo) quam vera item Medicinæ quatuor illa, ignem, aërem, aquam, terram, vel calidum, frigidum, humidum, siccum, ex quorum puta legitima inter se *ένωσει* & temperatura partes similes & dissimiles gignuntur; imò ratione quorum sub humoribus mixtorum; pars quævis vel bene vel malè habeat ad agendum; vt affirmat Galenus 1. de Element. capite primo, lib. de Artis constit. capite quarto, de morb. diff. capite quinto, &c. Naturalis enim Philosophus objectum suum contemplatur solummodo, quatenus naturale motus & quietis subiectum, id est naturam corporis naturalis, in quantum naturale est, secundum materiam & formam constituentia principia; Medice illud considerat, quatenus ad sanitatem seruandam & recipiendam aptum natum est, secundum principia ad quorum conditionem sanitas vel constituitur & conseruatur, vel destruitur. Chymicus porro alium considerandi modum adhibet, quatenus scilicet resolutionis & coagulationis subiectum est, plurimis ad medicinam necessariis facultatibus, ad manifestationem sui artificiosa elaboratione & exaltatione opus habentibus præditum. Et hoc respectu nisi tria principia Chymica præsupponantur, atque ad eò illa nominis sui triumphum mereantur, non magis artifex perficeret, quam Polyphæmus occæcatus stellas numerare; quam Icarus sine pennis volare. Omnis enim Medicina Chymicè elaborata ab

SECTIO I.

DE SPIRITIBVS.

Sulphur cæleste seu Spiritus Vini.

VEra illa sententia Théophrasti *εν οὐρανῷ* in Philosophia & Medicina *ἀπὸ τοῦ*, omnino est, lib. 1. de Origine morb. ex tribus primis substantiis, (cui & Fernellius Neoteriæ Philof. & Medicorum facillè princeps libr. 4. capite tertio physiol. haud obscurè annuit.) In rerum omnium analysi sic se habere, quidquid reperiatur quod vtatur aut ardeat, sulphur esse; quicquid, quod euolet, aut in fumum abeat, Mercurium; demum quodcunque fixum ac stabile maneat, sal appellandum. Ea enim omnium Neoteriæ tria illa principia asseruantium mens est vnanimis, aut, nisi *ἀντιθετα* loqui velint, esse potius debet, vt non tria illa corpora hoc nomine vulgariter venire solita. (Illa enim ex omnibus entis nemo potest) sed quicquid in resolutione Chymica iis analogia quadam respondeat (licet in aliis atque aliis discrepantem subsistendi modum seruet)

Artificē aliter conspici non satagit, quā sub trium principiorum illorum hypostasi tanquam proprio suo vexillo. Dico quod elaborata haud aliter conspiciatur, non enim dixerim cum Paracelso, Seuerino, Petreo & aliis, Principia illa actu semper inesse rebus, cum ad elaborationem Chymicam adsumuntur, sed, quia sub propria non subsistunt forma, à qua propria & peculiaris dimanet *εἰρημνία*, destinata solum sunt in misto naturali gigni, quando artem experiuntur.

His ideoque praemissis cum in vini viribus indagandis adeoque *διαλύσει* Chymica manifestandis, ulterius absque totali cum corporis, tum astri ipsius euerfione peruenire non licet, quā ad Spiritum & essentiam quandam ardentem, deinde ad aqueam, & terream denique materiam; sicut hæc vltima artis consuetudine, Mercurius & Sal analogicè appellantur, ita Spiritum ardentem illum meritò Sulphur indigitamus; cum adjectione verò Sulphur cœleste, modificatè: quòd vel aliis liquoribus puritate & subtilitate, (vel inde duntaxat assimanda, quod ex eius incendio nihil quicquam fuliginis prodeat) dissimilimum, in operationibus Chymicis nunquā non Alembicum, analogia haud obscura cœlum referentem petat; vel quod ritè elaboratum omnia metalla etiam ac lapides, ab impuro puncti quaternarij coagulationis vinculo naturaliter liberet, adeoque cœli instar omnium Astrorum seu Specierum impressiones, velut cera recipiat, in Sphæra ignea, igneam vim edat, in Sphæra aëris, aëream & sic in reliquis. Quia ratione aliās Raymundus Lullius Aquam cœlicam vocat, qua centum quadraginta trium specierum selectissimarum, essentias euocauit; Et Quercetanus menstruum cœleste, Sulphur Bezoardicum vegetabile, quo ex pluribus (vno enim is haud contentus est dissolvente.) vires & essentias extrahit. Hoc idem Sulphur vini cœ-

leste eodem sensu alijs, teste Euonymo, cœlum vel clauem philosophorum, alijs cœlum medicum, corpus æthereum, ex igne & aqua constans appellarunt.

Angelus Sala, cuius superiora opuscula explicanda potissimum hoc in loco sumpsimus, prout in rebus & nominibus inueniendis ingenij est sagacissimī, idem hoc, non aliud quid, in descriptione DIASOLIS sui, Sulphuris cœlestis, vel Balsami volatilī à liquore catholico, specifico Cardiaco, &c. nomine nobilitauit.

Sulphur hoc, si simplex quaesieris, tale est:

℞. Vini generosi q.v.

Digere per 14. dies in Fimo, vel eius vicario, postea per phiolam destilla, idemque destillatum aliquoties per eandem phiolam rectifica, donec ad summam subtilitatem peruenierit.

Huius Spiritus libras duas misce cum recentis vini eiusdem libris sex, & per phiolam denuò eandem librarum duarum quantitatem destillando prolice. Hunc eundem iterum cum recenti vino homogeneo in prædicta quantitate, & destilla, idque toties, septies scilicet, vel pluries, donec Alcoholis vini fortissimi libras duas fortiaris. Reliquum ad residuos vinosiores spiritus inde destillandos reseruato.

Hic ipse Spiritus, si rectè fuerit operatus, tam fugax & tenuis erit, vt ne bibi quidem, ne inter labra & calicem disserpat, nec guttatim è manu destillando, ne amittatur, terram attingere possit. Ideoque in vase probè clauso asservetur.

Cum adjectione sequenti optimum etiam, & cum hoc modo inter aquam & Spiritum facilius diuortium fiat, in maiori copia destillatur; imo etiam pellucidum magis.

℞. Vini ardentis ex fecibus vini optimi libras xij.

Tartari crūdi albiſſ. mundificati
& pulueriſati vncias ſex.

Inde in cucurbitam maiorem vel quod melius in phiolam maioris capacitatis; Superimpoſito Alembico magno bene locato, tunc Recipiente identidem ſpacioſo Deſtilla per labrum abeneum, vt ahenum ferraturā lignorum ad dimidiam Spithamam adimpletum, & ferratura maſeſacta mediocriter compreſſaque ſit. Super hanc collocando cucurbitam, & circumcirca adhuc ferraturam, vt vinum vix vnum aut alterum digitum latum ſuperemineat, adſpergendo; affundendoq; aquam, vt nec vas natando titubet, nec in ferratura prorfus diſcontinuat nimis molliter cubet, deſtilla lentiffimo igne (vt gutta quartum non præproperent pulſum) donec non amplius ſtriæ in Alembico, ſed gutta potius hinc inde adhærere incipiant. Tum enim Spiritus omnis prodiit & phlegma ſtillare incipit. Quod plerumque fieri notabis, poſtquam quatuor circiter menſuras prolicitaueris. Singula ſeorſim excipiendò, Spiritum vini habebis ad multos vſus ſatis perfectum.

Quando tamen ſubtiliorem exoptas, ſupra deſtillatum eodem modo per eadem vaſa bene tamen mundificata, iteratò deſtilla, addendo ad ſingulas libras duas Spiritus vini, ſingulas vncias Tartari albi crudi pulueriſati. Et, Poſtquam menſuræ tertia vice ſine adjectione Tartari duæ vel circiter deſtillauerint, remoto priori excipulo ſapius periculum facito, num adhuc purus putus Spiritus fluat, nece, idque comburendo Spiritum in cochleari quodam; vel inſtillando oleum, prout noſti.

Quando enim phlegma ſimul cadit, ſeorſim excipe, & per B. rectificando Spiritum vtrinque ad vſus diligenti cum cuſtodia reſerua.

Vel eund. Vini Spiritum hucuſq; ſ. a. præparatum adhuc duplicata charta emporetica cum panno ſpiſſiori in ſummo

cucurbitæ, vel etiam ſpongia oleo ſuaui irrigata, interpoſitis, eodem modo deſtilla, non tamen ad abſolutam ſiccitatem ne heterogenea miſceantur; & Spiritus vini permeat puriſſimus, propiuſque ad quintam eſſentiam accedit.

Reliquam portionem per ſe adhuc imponere, & per chartam iterum rectificare poteris, quamdiu Spiritus ſuo ſigno, prodire agnoſcis. Quo enim ſpiſſioribus ſtriis Alembicus reſertus, dè vberior ſemper Spirituum euaporatio, dum prorfus deſinunt, nec Spiritus amplius aſcendunt. Tartarum in fundo reliquum ad Spiritum, vel Sal Tartari conſiciendum non inutile reſeruabis. Oleum quod lenta hac deſtillatione peracta, guttis quibuſdam innatare videris; quamvis vina in hoc valde inter ſe inuicem diſcrepent, vera vini eſſentia, ſingulari genio humanum genium exporrigens æſtimetur.

Prædictus Spiritus ſi quorundam ſententia in ſecunda, tertiaue deſtillatione cum Cohobio, ſuper idem Tartarum ad viriditatem prius fuſum, & aliquandiu retrò fornacem digeſtum, donec inſtar ſanguinis rubens euadat, rectificatur, & in ſine vrgentiori ignis flamma, Spiritus Vini Tartariſatus, aliquib. quòd dicente Quercetano omnib. veris philoſophis ad vnguem cognitus, Aqua Philoſophica appellatus, dextrè habebitur. Et idem ille in Spagyrica cochlea Hermetice concluſus, & circulo actus, fiet baſſamicus, è fragante fragrantior, & è criſtallino carbunculanſ, haud ſecus ac cor ſanguinem Epatis continente pulſum circulo in auram vitæ Baſſamicam, viuendamque Spirituum vitalium ſedem elaborat.

Hoc itaque ſanguinis in vino myſterium! Ad quod penitiùs conſiderandum, paradoxum ἀδόξον non eſt, ſed omnino ἰσάδοξον ſcilicet neminem vnquam à condito mundo vſque extitiſſe, qui abhorrerit ab hac Eſſentia meracia, cum aliàs abſtemiorum Caſei, Braſſicæ, Carnis, Ro-

larum, Cydoniorum, pomorum, (vicinia quendam alit, qui vinum vel cereuiam, à quibus tamen per se minimè abhorret, ob naturale odium in vitrum, è vitreis poculis nunquam, aut non impunè bibis) magnus numerus.

Huius essentia guttae tres vel quatuor tantum reficiant, calidumque natium quasi in eclampsin euocabunt, quantum vix vulgaris integrum cochleare.

Spiritus ipsius (est n. medicamentum quasi generale, vt cuiusq; propriae naturae studeat, & cum morbo praesente pugnet) inprimis ad Tincturas & Extracta omnium purgantium in genere, Radicum nempe, herbarum, seminum & Florum elicienda, ad conseruandas Metallorum, vegetabilium & animalium facultates καὶ τὰ ἀπορρέοντα vsus longè praestantissimus est. Sic purgantia, quorum plurima seipsis meliora reddit, immaceres, purgantes Spiritus facies, inter quos & ille Rulandi aureus est, si stomachica stomachicos, si cardiaca, cardiacos, si carminantia carminantes, &c.

Conquesti haecenus multi sunt & merito de Saccharo succis conseruandis aliisq; in tanta copia inutiliter destinato. Affunde illi spiritum Vini Maluatici, dempto sero, cum Syrupali illo post destillationem resitante sedimento, & melius certè rerum perennitati, tum salubritati studebis. Quod ipsum etiam obtinere est, si vinum Maluaticum materiis auxiliorum superfusum destilles, Spiritumque rebus filtro trajectis inque Syrupi consistentiam reductis misceas.

In Theriaca arcanum est ad plurimos affectus, inprimis ex seminibus impuritati ad fixam (salis fixi) coagulationem vel propria scientia, vel errore externo productis; aut vbi Sal fixum ex deficiente illa Coctionis (cuius authores Spiritus Mechanici similitudinis appetentes omnia quasi Spirituascere faciunt) πρὸς μάλιστα nimis abundarit, vel deniq; vbi Spiritus ventriculi, & reliquorum viscerum

mechanici frigidis qualitatibus seu tincturis infirmari, vel quo minus solenniter purum abimpuro secernant, vt loquuntur transplantari incipiunt; velut in obstructionibus viscerum contumacissimis, quibus saepe Spiritus vitae aded ab actionibus suis impeditur, vt & phthisis (licet vulgariter practicas filum Curationis huius alio prorsus trahant) aliaque immedicabilia mala succrescant, in Tartaro hypochondriorum, Scorbuto, Asthmate, Cachexia, syncope & aliis.

Qui huiusmodi Vini spiritum cum croci essentia dilutum exhibet morbosa vigilia affectis, somnum conciliabit verè medicum; puta ex quo expergefactus membrorum gratissimam sentiat restaurationem. Et hoc est quod pulchrè quidam, nec indocte: *Agrotantium somni excitari debent ex balsamico-Vino dulci rores & excipi restoratione vini.*

Imò ausim affirmare, nullam medicinam, quam ab initiis vsque è simplicibus inuentam iam tum quoq; in vsu habemus, tantæ nobilitatis, vsus & efficaciae esse quàm Spiritum vini ritè stillatum (sine quo, Medici Apollini & gratiis minus sacrificaturi) dummodo ad vsum rectius conferatur. Tutela sanorum & fulcrum languentium! κακῶν καὶ γήραος ἀλκμα! Hunc qui vel ignorat aut prauaricatione quadam vilipendit, præclarissimorum arcanorum, ipsiusque met Auri potabilis, prout à plurimis pro summè confortante Medicina haud fucatè venditur, nunquam participem futurum, nihil est quod me detinet affirmare. Hic ipse est, qui summè exaltatus sub nomine, Roris Iouis Amphibij vegetabilis ad admirandum illud Biolichnium parandum confert. Est etiam, (quantum de re nunquam aliàs audita conijcere est) cuius beneficio Organum illud Musicum in Anglia, caelo sereno ad solis iubar conuersum suauissimam harmoniam, nullo digitulo tactu, edens, regitur & perficitur. Est deniq; cuius meri-

to, quod audio, Perpetuum mobile (cuius motus machina exemplaris, licet minoris vulgo admirationis velut res trita & omnibus conspicua passim à me visa) ex Anglia Cæsaris missum sempiternos syderum motus, temporumque leges & vicissitudines, &c. ad momenta & accurate representat.

Eius etiam analogica natura radicali maturantur, vegescunt, & præcipuos fructus edunt, fructus salubres omnes & herbarum omnes, odoremque eius quadamtenus demonstrant. Proinde in harum injectarum intimas partes is se insinuat facillime, & meliores vires ilico, velut ignis ignem prolecat, & in se traducit, nec inuita rerum Minerva, nisi crassiori aliquo repagulo, vel limo, vel ligno, vel alio externo aliquo detineantur.

Taceo plura alia Artis & Naturæ non minus vtilia, quam rara & admiranda opera, quibus annumeranda merito etiam Cræscocriterium in Italia conspiciendum; & Lampas absque ullo aëris impetu aërem ventumque mirè projiciens. Quæ singula ope Spiritus vini ex absconditorum Operum scena à sagaci studioso produci cerè possunt. Cæterum quæ curiosè potius, quàm vtiliter Spiritum Vini præparandi artificia, absque igne, modè aquæ frigidissimæ, modò etiam argenti viui; ea non tam faciendâ quàm contemplandâ cuius hoc in loco relinquo.


Vnicum tamen adhuc mouendum duxi: quod ad Spiritum hunc faciendum nihil compendiosius, quàm vasorum fabrica. Tale ergò, vt in promptu semper habeas, quod duplici orificio, inferiori & anteriori, ritè factis pro Recipiente adhibeatur; vel quod depressioris phiolæ vel Cucurbitæ forma cum Alembico duplici rostrato destillationi inseruiat (a) vel denique quod tricollatum inter vtrumque, rostrum scilicet phiolæ & Recipientis interponatur, vbi ventri tubulus phlegmatis deorsum, caudâ verò Spi-

ritus sursum, ducēs existants, (b) nulli labori parcendum suadeo.



(a) Vas duplicis Alembici.

(b) Ampulla trium fistularum pro compendiosa Spiritus Vini destillatione.



De admirandis Spiritus Vini facultatibus, Consule Leuinum Lemnium, Eouynum Gesneri, Coronam Medicinal. Fiorauanti, Andream Libauium, Iohan. Liebaud de Philosoph. Chymica, & Medullam destillatoriam Conradi Khunr. &c.

Spiritus & Quinta Essentia Sambuci & Ebuli.

Magnus mehercle-Sambuco & Ebuli honor in re medica debetur, & longè major quàm secundum antiquitatum auctores quosdam in templis ipsis erat olim & religione. In hoc Superstitio impiè credentibus mirè imponebat;

Nobis autem vsus dicat & Experientia virtutes ipsis inesse vberrimas, & plurimis aliis vitæ remediis longè præstantiores verèque admirandas. Quas si stylo ad vnguem persequi vellem, quanta nimirum in semine, quantæ & quales in Radicibus, foliis, floribus, corticibus, medulla, fructibus, fungis caulibus, & locustis, adeoque singulis ipsorum partibus, debito tempore collectis & præparatis, intra & extra corpus hæcenus deprehensæ, integrum sanè libellum facile implem. Nullum enim Medicamentorum insigne genus est, veluti purgantium, vomitiuorum, digestiuorum, Diureticorum, Diaphoreticorum, Confortantium, lithontribotum, Specificorum & Consolidantium, (quod mirum vni rei tam varia inesse auxilia) ad quod non operam suam, magno, si id prudenter fiat, ægrotantium bono, vtiliter conferat.

Et huius admirabilis præstantiæ argumentum haud obscurum est, quòd Quintæ illius Essentiæ æthereæ, in qua omnium mistorum vires præcipuæ, totaq; natura essentialis posita, complexu suo vix minorem, ignobilioremve radium post Vinum & Triticum obtineat, quàm quiduis aliud in tota crescentium familia. Vnde etiam laudum illarum prædicatione non indigum arbitror esse, quæ aliàs Quintæ Essentiæ meracæ materiæ Vini scilicet, magnificè accommodantur. Quòd nempe in se conclusam habeat naturam proportionem elementis stellarum respondentem; cuius virtute Spiritus ipsius æquè, quàm Spiritus vini à suo corpore tractus & separatus, potestatem habeat extrahendi quosuis alios sibi familiares ab omnibus corporibus, tam vegetabilium, quam mineralium & animalium per solam infusionem. Quamvis autem in vino Quintæ Essentiæ κατ' ἐξωθεν inque Tritico & baccis Sambuci quas ob id Dioscorides οἰνωδὺς scribit esse,

abunde lateat, & à nulla re alia tam facile & absque vehiculis separari possit, Quam ob facilitatem Philosophi etiam Vinum hæcenus prætulērunt, non quod ipsius Quintæ essentia melior & præstantior sit, quam de quouis alio corpore; Omnibus tamen vniuersalis est illa celestis virtus, nec nisi propter diuersitatem subiecti diuersa, neque diutius, quàm in eo fuerit; libera verò omninò suam ad vnitatem redit. Id quod vnum ex arcanis occultioribus Naturæ est, per quod ad altiora peruenērunt Philosophi. Hanc ob causam doctrinam de Quintæ Essentiæ supra attactam, exemplo Q. E. Sambuci & Ebuli ampliare maxime volui. Hic ergò Spiritus ipsorum, & inde Quintæ Essentiæ operi ipsi conformis apparatus est.

Β. Baccarum Sambuci vel Ebuli succulentarum q. f.

Stent in loco frigido in vase ligneo clauso, ob scilicet Spirituum, Spiritibus jam in actu existentibus in suam materiam reflexis, educationem & augmentationem; donec incipiant fermentari, & quod intra octiduum ferè perficitur, recluso corpore odor Quintessentialis ætiosior organum olfactus quodammodo moueat. Tum per Vesicam s. a. destilla, & striare quando cessat, iterum atque iterum restifica. Ex hoc spiritu Essentia illa paratur hoc modo: Recondatur ille in duplici vase ad tertiam partem pleno, in Baln. Maris, debito igne moderatum, inque continuis rotationis motibus ibi permittatur, donec Rotæ circulo finito, vapores ascendere & descendere quiescant & Spiritus nullis vaporibus amplius galeam impleant, sed in fundò maneant mirum in modum clari & odori.

Vfus vtriusque similis est cum illis è vino paratis. Phædro tamen peculiariter Spiritum ad mala vterina magnificat. Nec desunt etiam qui contra Nephritidem, imprimis aliorum lithontriborum virtutibus

virtutibus stipatum valde comprobant.

Ad Clyffum fudoriferum parandum, meo iudicio, faceret, si Aqua è floribus in spiritum redacta, omisso phlegmate, cum Spiritu baccarum misceretur, atque simul super succum, sale Foliorum prius conditum, debita digestionem coadunarentur. Vfus tamen eiusdem hic vnice deminetur.

Spiritus & Quinta Essentia Cerasorum.

Demonstrandi fauoris causa in Quintam illam Essentiam addere etiam libuit Spiritum & Quintam essentiam è Cerasis quæ destillantur. Non quod non in omnibus Quintam E. reperire liceat. Impense enim placet, quod Paracelsus de Q. E. dicitur: Intelligendum est, inquit, in omnibus Quintæ E. paruum inesse quantitatem, vt in ligno, herbis, lapidibus, aliisque similibus. Et: Quintam Ess. esse tantum Naturam, vires, virtutes & Medicinam quæ rebus insunt, vt in suis domiciliis præter extraneam incorporationem: esse etiam colores, vitam, proprietatesque rerum; quæque curat sanat ac tingit corpus totum, vt Salcibum aliquem optimè condit. Et Dorneus in Artificio Supernaturali cap. 2. Vniuersalis est omnibus, atque æqualis illa cœlestis virtus, &c. Sed quod in huiusmodi crescentibus Quinta essentia ad magnæ illius Essentia meracæ scilicet, naturæ & gradum quàm proximè accedat, adeoque secundum gradus operationum, quos ex inrita subjecti proprietate habet, excellentior sit multis aliis. Notandum enim est, Quintas Essentias prout in Medicinam veniant scilicet non nudas, sed in elemento adhuc aliquo pro cuiuslibet mixti natura prædominantes, similes vbiq; vires non habere, sed virtutum prædestinationis & dispositionis nonnullas esse differentias. Ideoque aliquando contra febres inferuit

Ang. Sala.

vt Opiatorum; aliquando contra Hypofarcam, vt Essentia Tartari Quinta; aliquando contra Epilepsiam vt Vitrioli; aliquando contra Apoplexiam vt Cerasorum, Rorismarini, de quibus vt & spiritibus ipsorum hoc in loco:

℞. Cerasa dulcia nigra q. p. Succulentia eorundem materia, rejectis lapillis, inferatur in tinam, addendo si placet, propter fermentationis accelerationem, partem aliquotam facum Vini vel cereuisiæ. Relinque ita ad aliquot septimanas, donec nempe reclusis per fermentationem vinculis spiritus olfactu deprehendatur.

Tunc per vesicam leniter destilla & rectificata. Postea circulo tractari debet, donec exaltatio voto respondeat. Vfus eius inprimis commendabilis est contra Apoplexiam dosi cochl. f. m. & v. Cum Castorei Essentia Epilepsiæ medetur & multis capitis affectibus.

Spiritus Rorismarini.

℞. Rorismarini cum floribus absque madore collecti q. v. Contunde accuratè, inque vase terreo vitreato vel queruo benè comprime concludendo in cellario (adperso paxillo salis, quod tamen omitti etiam potest) per mensem vnum aut alterum donec fermentando vinum acidulum odore referat, reponere. Acor enim fermentationis sufficientis nota. Postea vbi interea frigidi menses ingruerint.

℞. lb. vj. vel circiter, & destilla in B. per Alembicum ad siccitatem ferè. Aquam destillatam denuo parti Rorismarini reliquæ superfunde & (aliquandiu inuicem fermentata) vt prius, destilla. Idque toties repetendum, donec omnem Roremmarinum fermentatum hoc modo per Alembicum transegeris, fecibus tamen singula vice rejectis.

Tandem omnem aquam è Rorisma-

rini extractam ē cucūrbita longi colli len-
to igne in B. rectifica, partem saltem duo-
decimam destillando, eamque denuo, sin-
minus spiritualis, rectifica.

Vfus eius prænobilis est in frigidis
capitis affectibus, in syncope & cordis
imbecillitatibus. Ad vterum rectifican-
dum fecunditatemque inducendam.

Eodem modo saluæ, Betonica & Ro-
farum flores spiritum vtilissimum da-
bunt.

Spiritus purgans.

Quoniam Spiritus purgantis & Spi-
ritus vitæ aurei Rulandi mentionem iam
pridem fecimus, de vtroque & iis quæ
affinia, locus tractandi hic non incon-
gruus. Spiritus autem non intelligo de-
stillatos; Hos enim ad purgandum præ-
parandi ratio multò rarior est, & diffi-
cilior. Atqui tamen injuriam fecerit arti,
illam impossibilem prorsus qui dixerit.
Plurima enim eius generis esse, cum sua
natura, tum aliorum admixtione & præ-
paratione, quamvis postea cum in destil-
latis pares vires non habeant, quis est qui
penitus inficiatur; An non enim Flores
perfici & pruni sylvestris aquas, quando
destillantur, leniter purgantes præstant?
Quid? quod Clarissimus Beguinus, spi-
ritum Vini cum Rhabarbaro & senna di-
gestum post per Alembicum destillatum,
robustissimum quemque ad purgandum
solicitare? Credo equidem Libauio, ex
Esula succulenta, Elleboro recenti, corti-
cibus Sambuci & Ebulo, quando aquas
valde purgantes ritè destillando futuras
affirmat. Euonymo & Quercetano;
dum hic Aquæ purgantis simplicis &
compositæ ex pluribus aliis quoque re-
ceptis purgantibus, ille Aquæ Rosacæ
purgantis meminit. Vnus tamen Fer-
nelius instar omnium mihi est lib. 2. de abd.
cap. 18.

Quæ ex herbis, inquit, aut aliis pur-

gantibus aqua vaporario elicitur, pur-
gandi vim etiamnum retinet. Confusæ
ergo illæ obiectiones sunt, & nihili, Li-
quorem destillatum tenuitate potius vri-
nalem fieri; & quia similitudo mutua
medicamenti est ad humorem, vi ignis
nempe violatis partibus purgatricem vim
cessare. Neque enim quæ purgant, quod
purgant, qualitatibus debent; nec vri-
nalia semper tenuiora cathartici, nec
quælibet destillata tenuiora quibuscum-
bet Cathartici. Et multorum vires, in-
quit Fernelius d. 1. eousque penetra-
runt, vt non solum in Spiritu, & in
tenui substantia firmitus inhærescunt,
permaneantque abeunte totius forma,
illiusque temperamento dissoluto. Idè-
que ad Aquas seu Spiritus purgantes
destillandos non tam Naturæ potentia,
quàm artis, eleuationumque adminicu-
lorum scientia plures deficit. Vt enim
Natura mirè partita est suas vices & ope-
ras, in iis, quæ condidit; Ita & variis
enchærematibus, instructam artificem
postulat, quo ad elargiendas illas satis
concilietur.

Sed hoc in loco saltem Spiritus pur-
gantes volumus, qui per infusionem pur-
gantium vires hauserunt.

Spiritus purgans.

℞. Spec. Diacarth. rec. dispensat. ʒ. iij.

Spiritus Vini q. s.

Digere aliquandiu, postea per char-
tam filtra, & si opus est, ad puriorem sub-
stantiam, noua circulationis opera fiat
Spiritus Catharticus.

Spiritus purgans alter.

Accipito Scammonij p. iij.

Succi Cydoniorum p. ij.

Mixta probe ponito in loco calido;
& moueto quotidie, donec mediocriter
induretur massa: Deinde formato pastil-

Tes, eosque, quantum satis est, exsiccat. Hinc superfunde Spiritum Vini Maluatici q. f. stentque aliquandiu ad digerendum. Et consummata Digestionis opera, Spiritus fiet solutius, lucidus, & egregie virtutis. Scammonium enim hoc modo diu nutritum & correctum Meracia illa visiofi seu spiritus vini, neque stomachi vires infirmit, nec cum fastidio irritat; verum analogia Meracie stomachum nutrit, & quæ subest, falsilagine cicurata vellicat ad excretionem. Ad annum etiam aut circiter seruauit Scammonium, cum superne cumulabantur rubræ Olei guttæ instar picis liquidæ, aut Olei succini crassioris, & vulgaris illa veneni contumacia facessit, vt vel minimum cochleare Catharsi auxiliaretur absque torminibus. Dosis tamen vbique esto, pro Scammonij ingredientis mole, quod ita præparatum absque formidine exhiberem in robustis ad grana xx. vsque, vel ad scrupulum integrum. Vis enim Cathartica nimis ferociens aliàs, æquè in Scammonio, quam aliis purgantibus Spiritui Vini, valde infringitur; vtque is Hypercatharticos, & medicamentorum enormiter purgantium veluti antidotum est, & frænum tutissimum; Ita vix aliud vehiculum commodius excogitari potest pro Scammonio, Colocynthide, & id genus aliis, in corpus humanum tutè iucundèque perducendis; præsertim cum hoc in Spiritu ex abundanti Scammonij præparatio obtineatur, omnibus aliis longè anteferrenda.

Exhibeatur enim illud cum oleo Anisi & Vitrioli tritum & mixtum, vt & Neoterics quibusdam impensè placet. Soluatur etiam prius cum Aqua Rosarum & coaguletur, idque iterum atque iterum, antequam Spiritui Vini subjiciatur, prout aureum Darioi Gazophylacium commendat; Vel denique vscitate correctum quoquo modo exhibeatur; Dixerim tamen ex parte viscositate Scammonij velu-

ti picea remanente; necnon accedente Olei Anisi suffumigatoria qualitate, tormina, aliaque vulgare Diagridium consequi sueta nihilminus feriatu; Ex parte Aqua Rosarum non sufficienter solutionis munus obeunte iacturam rerum & temporis sequuturam; Ex parte denique multum de substantia & viribus Scammonij periturum.

Spiritus purgans tertius.

℞. Electuar. de succo Rosar. ʒ ij.

De psyllio ʒ j ss.

Diaphanici ʒ j.

Ellescphi ʒ vj.

Fol. fenæ elect.

Rad. polypodij mundat. ana ʒ j.

Mechoac. veræ ʒ vij.

Diagridij opt. ʒ iij.

Elaterij opt. ʒ j.

Sem. Maluæ ʒ ij.

Spec. diatriasant. ʒ iij.

Aromat. rosati ʒ j.

Diarrhod. Abbat. ʒ ij.

Rosata nouellæ ʒ j.

Stent infusa in alcohole infusionis Anisi ss j ss & ʒ ij. per triduum, bis quotidie agitando: Colatura ritè facta seruetur vsui.

Dosis ʒ ss. ad ʒ vj. vij. cum ʒ j. Syrupi viol. nisi per se satis placeat.

Spiritus vita Rulandi.

Non vnicum Rulando Spiritum Vitæ purgantem fuisse, quamuis omnes, quos legi Authores, in vno, diuersimodè licet descripto, acquiescant, argumento est: Quia Cent. 2. c. 96. expresse distinguit, Spiritum aureum vitæ, & spiritum rubeum vitæ; Quoniam inquit, hic & alibi mentionem sæpe numero incidet, de spiritu aureo & rubeo vitæ, suasit res ipsa vt hic alterius vires commemorarem.

Effectus etiam prorsus dissimiles &

contrarij ad vñum referri non patiuntur. Eadem enim Cent. & Curat. Spiritum vitæ aureum per solam alium, in vtroque sexu, & in quavis ætate purgare adserit. Cent. vero decima Spiritus vitæ meminit per alium & vomitum vacuantes.

Idem præterea *Querquetanus* pharmacopææ p. 392. & 393. conceptis verbis testatur. Vtitur, inquit, alio vomitui, quod ab eo nominatur Spiritus aureus. Et: Spiritus item eiusdem aureus vomituius, purgatiuus, &c.

Ita Iohan. *Werneri Belgicus* Tractatus, quem *der Kranken Vvingsart* inscriptum Lugduni Batauorum vidi; in quo de plerisque Rulandi Medicinis, quantum, & quibus in morbis conferant, aliquoties exprimit: Spiritum vitæ ipsius medicinam esse *ἀνω καὶ κάτω* purgantem: materiam (inquit) peccantem ad os deducet, & sine molestiâ contentos acresque humores *ἀνω καὶ κάτω* purgabit. Imo, cum sermonem cum hoc ipso Enklisæ communicarem, ipsiusmet Rulandi clarissimo testimonio abundanter probauit Spiritum vitæ & vomituum esse, & eiusdem cum Aqua Terræ sanctæ originis: pro certo ideoque statuo, RVLANDVM, quemadmodum & Aquam Benedictam variam modo ex Croco metallorum, modo ex calce, aut terra sancta habuit; non vñum duntaxat spiritum vitæ; sed duos eiusdem nominis vsurpasse, ad quorum differentiam tamen alterum rubeum, alterum aureum nuncuparit.

Spiritus vitæ aureus.

℞. Trochisc. Alhandali ʒ β.

Spiritus vini Maluatici ʒx. vel xij.

Digere aliquandiu postea decapulam vel filtratam essentiam ad vñum probe serua.

Præterquam quod ad omnes effectus, quos ipsi Rulandus Cent. 2. ca. 96. ascribit, satis efficax est, in hydrope etiam,

præsertim Anasarca & vermicatione præstantissimum auxilium præstat.

Estque vere Spiritus vitæ aureus Rulandi, qui per solam alium, in vtroque sexu, & in quavis ætate abique omni periculo omnes humores viscosos, bilem veramque, pituitam, ichores atque fluitus purgat, si tertio quoque die mane ex hoc frigide propinas a ʒ β. vsque ad ʒ j. vel ad summum fescunciam, donec soluat, & auertatur morbus.

Nec quancquam offendant, quod non gratum habeat saporem, quem quis inde sibi polliceretur; Multa enim Rulandi medicamenta, & pleraque ferè purgantia palato valde aduersa, sed quid interest, dum eo ipso etiam vitia? *Αἱ ὅτις ραίματος χάρις*, inquit Hippocr. 6. Epid. s. 4. α' *μη μέγαλα βλάπτει*, sed adagium habet.

Quod ori amarum est,

Id ipsum cordi saluare.

Spiritus vitæ Rubeus.

Spiritum vitæ rubeum Rulandi ab Aureo alium esse, & officio, & nomine discrepare, supra ipsiusmet Rulandi aperto testimonio abundè declaratum est. Qui ergo non diuersa huius à prædicto præparatio? Hæc verò quia nullibi, quod scio, neque in Rulando, quippe qui optimis & maxime *ἐξιομενοῖς* omisiss, nomina adeoque vix umbras rerum pluries venditat, reperire est, diuinationi magis, quam definitioni locus datur, quid & sit, & quomodo eius instituenda præparatio. Præterquam enim quod scripta Rulandi, plerumque vbi res in Cardine est, *δοσκατομαθῆτως* ἔχῃ, cum tamen ἀφρονες debeant esse *μιστὸν δόρα*, hoc non parum difficultatem eorundem & auget, & perplexiorem reddit, quod vel sollicitantes ipsum non responso dignatus fuerit, vel hinc inde, rem licet eandem explicando, Prothei instar mire varium se præstiterit: Res ipsa, me tacente, loqui-

tur in Croco Metallorum ad Aquam Benedictam concinnandam, non loquitur, sed vociferatur verius in Aqua Antipodagrica eius, in Aqua Ophthalmica, Terræ sanctæ, in oleo Heraclino, Linalco, saccharo Bezoardico, spiritu pantanofagogo & pluribus aliis; adeo ut & nunc nec ij, qui ita apud ipsos Rulandos olim, ac si ex ipsis, ne dum alij certum habeant, quæ singula illa, & quomodo sub singulis arte singula.

Auguror ergo, ex eo quod supra luculento testimonio, Spiritus vitæ vomitiuus, quem pro rubeo omnino habeo, quippe qui aureus est solum aluinum remedium prædicatur aliunde oriundus non sit, quam è Terra sancta; illa ipsa vero Terra clarissimi Libauij assertione, à Rulando patre & filio infallibiliter collecta, nihil aliud, quam Antimonium sic & sic vsum, crematumue; & quod Operatio Spiritus ipsius Vomitiui nulli alio Rulandino hæcenus cognito remedio, excepto vino sublimato pantanofagogo (quâuis in hoc spiritu Vini assumpto pro ipso Vino, aliaue aqua non sublimata dosis minor conveniat, Spiritum prædictum rubeum, vel Aquam Benedictam esse, cum spiritu Vini, ubi ruber ratione ingredientis, vel cum Vino Maluatico spirituoso, ubi per se ruber (quippe varius Rulandus in liquoribus suis ad Aquam Benedictam adhibendis) concinnatam, vel Aquam Terræ sanctæ ipsi proxime affinem. Quâuis enim luculentior AQVÆ TERRÆ SANCTÆ dosis sit, quam Aquæ Benedictæ, hoc tamen non à debiliore Basi, sed à copiosiori proficitur liquore, quo præstat. De Aqua ergo Benedicta adlignificabo pauca.

Aqua benedicta optima.

Ex libris colligere, quæ prodiderint authores, longe est periculosissimum. Verum ipsarum cognitio vera è rebus

ipsis est, adeoque non dulcis modo, ut Hippocrates ait, sed & verissima ex opere quæ finit oratio. In rem præsentem hoc deduco exemplo AQVÆ BENEDICTÆ à Chymicis hæcenus tantopere elata & commendata, ut præ hac Sacrificulorum illa *ἁγιοδαχνη* fordeat prorsus. Quæ enim non varietas eiusdem quæso? Tanta mehercle, ut in iudicanda canisite Oedipum præstes, oppido deceptum te videas. Plurium descriptionum haud meminero hoc in loco, quam quæ pluribus simul notæ.

Talis primo illa est Quercetani, à quo Beguinus, Sala & alij mutuarunt, quæ ex Antimonio & Nitro anatrice mixtis, calcinatis, & elotis conficitur. Verum eundem rudior illa est, & crudior, quæ ut de meliori & magis cocta adinuenienda non major ponenda opera. Neque enim ex vero Croco Metallorum paratur, sed ex Hepate duntaxat Antimonij.

Ægregia illa Hartmanni Dicta super Crollum & Beguinum aliam (quamuis non dixerim, eam ipsi Hartmanno vsum esse geminam nam & alia atque alia hinc inde ipsi ascribitur) exhibent, & quæ prima facie nonnullam à superiori differentiam præ se ferat: Nitro lento igne fluxo, & quoad sine inflammatione ac detonatione Antimonium patiatur refrigo, pulvis Antimonij primo paulatim, continuè agitando, postea confertim miscetur, & tum vel carbone viuo, vel ferro candente ad detonandum accenditur; sed quæ secundum parandi, vtendique modum eiusdem cum illa farinæ, nec vllam vel *ἀνοήτου* vel *ἀνόουτου* inducit. Fluxi siquidem Nitri admixtio siue detonationem anticipet, siue minus, dummodo postea detonando rite Nitrum fluat, adeoque penitus Antimonium subeat, quid discriminis adferet?

Sunt etiam qui in modum extracti magis, quam Magisterij, Epar nempe Quercetani in Aqua feruente ebullien-

to, donec Aquâ colorè, velut à Croco imbuatur, per chartam postea filtrando, & relinquendo donec rubedo probè subsideat, eluendo denique & siccando Antimonium in Crocum pulcherrimum redigunt: & pro Aqua sua Benedicta eligunt. Verum vtut Crocus eo modo purior & excellentior euadit, non modo imbecillior redditur ille, & minori cum fœnore; plurimum enim Antimonij. vix modicum Croci prabet; sed & Crocus ille Rulandi minime est, aquam illam Benedictam tot experimentis decantatam ingredi assuetus.

Ideoque talem hic Crocum & Aquam inde Benedictam, omnibus hætenus enarratis præferimus, qualem ipsemet Rulandus rei medicæ causâ toties, propria manu teste, fabricauit, totq; præclaris encomiis nobilitauit: Qui ita se habet:

℞. Antimonij electi.

Salis Communis

Salis Nitri ana p. æqu.

Minutissimè trita & mixta in catinulo probe munito, foramine tamen paruulo in medio superficièi, spiritum arsenicalium exhalandorum gratia, relicto, in furnum anemium collocentur, igne folium adhibito, donec omnia sufficienter fluant, tamdiu hoc continuando, quamdiu fumus per foramen illud prorumpere non desinit: Quando vero desinit, ignem probe ad quadrantem horæ adauge, deinde exime, vbi vase infrigidato, Antimonium in fundo à salibus supereminentibus instar Reguli à scoriis sequestratum sese malleo aliquo detruncandum, atque in puluerem terendum facile dabit. Erit autem quâdo teritur, (etiamsi ab initio præsertim, cum ignis moderamen exceßerit, obscure duntaxat rubeat) instar Cinabrij rubicundissimus & florentissimus. Modus eo vtendi in Medicina varius est; Is vero qui sequitur vsu receptissimus.

℞. Croci Metallorum prædicti à gr. iij. ad gr. xij. xv. Vini Maluatici, vel etiam

liquoris cuiuscunque conuenientis, præsertim vbi Vomitiuo-catharticum velis ab. vnc. semis ad vnc. ij. & amplius.

Macerentur, vel etiam necessitate urgente, ebulliant, & vsui referuentur.

1. In doloribus capitis sæpe ab impuritatibus ventriculi illud lancinantibus, cum Aqua Betonicæ, Buglossi. Borraginis.

2. In Epilepsia cum Aqua Pœoniæ, florum Tiliæ, Cerasorum, Lauendulæ, &c.

3. In pleuritidè tam notha, quam exquisita aliæque sanguinis coagulatione cum Aqua Carduibenedicti, Mariæ, Pap. Rhæados, &c.

4. In tussi inueterata, asthmate, pèripneumonia, angina, in Aqua Tussilag. hyssopi, violarum.

5. In plerisque ventriculi affectibus cum Aqua Menthæ, Betonicæ, Absinthij.

6. In Melancholia Hypochondriaca.

7. In peste ab initio cum Aqua Carduibened.

8. In præseruatione ab arthritide eiusque speciebus omnibus cum Aqua serpilli, &c.

9. Eius Croci cum Aqua quadam vel vino cocti vel macerati drachma s. vel j. juri vel decocto mollientium admixta pro clysterum vsu valde utilis.

10. Insignis item vsus est Aqua Ophthalmica inde confecta. *Quer.*

11. In vermibus cuiuscunque generis sint, licet veneficio productis, de qua mirabilis historia, in promptu mihi.

Quinta essentia laxatiua.

Propter materiæ affinitatem superioribus annexere placuit Spiritum vitæ purgantem compositum, quem Fiorauanta lib. 2. cap. 58. Coronæ Med. sub titulo Quintæ essentia laxatiua miris laudibus profequitur.

℞. Cinamomi, Ligni paradisi.
 Turbith. ana vnc. j.
 Aloës Epaticæ.
 Colocynth. ana vnc. ij.
 Caryophyll. Croci.
 Moschi orientalis ana drachm. j.
 Iulepi violacei lib. j.

Infundantur in Quintæ essentia vini
 libris duabus duodecim horas. Colatu-
 ra arte facta seruetur ad vsum. Dosis à
 drachm. ij. ad vnc. sin iusculo carnis, vel
 Syrupo conueniente. Suaserim tamen an-
 tequam Colocynthiaca vel Aloëtica hau-
 riantur, siue pyrethro siue Cinamomo
 linguam fatuam reddere.

Spiritus vini rhodo-saccharatus.

A plurimis hætenus desideratum fuit,
 præsertim in parandis aquis ex Spiritu
 Vini, Aquas vitæ vocant, quomodo sac-
 charum parari possit, vt cuiunque li-
 quori mistum facile eo soluetur, & om-
 nibus partibus exacte misceatur, neque
 vnquam subsideat; inuentum scilicet tam
 naturæ, quam oculis & linguæ valde
 gratum. Ideoque varij variè illud ten-
 tare conati sunt; Alij enim viuis passis id
 efficere sperarunt, alij vasi recipienti Iulep
 infuderunt, cui Spiritus Vini destillans
 misceretur; Beguinus ad Andreæ de
 Blauuen mentem à Matthiolo in Epistola
 explicatam, saccharum aceto soluere ni-
 titur, postmodum cum spiritu vini circu-
 lando à facibus tincturam separare, ite-
 rumque inspissare, quo saccharum seipso
 dulcius, & purius reddatur, & quemlibet
 liquorem flauo colore æqualiter sine sub-
 sidentia tingat. Quàm illi scilicet, hi faci-
 li (ob digestionis diuturnitatem, cæte-
 ris quidem paribus) successu, ipsi vide-
 rint.

Verum cum eius experientiam sæpius
 fecerim, cuius scilicet ampullosorum
 quorundam apud nos insolentia, ac si
 illud ἰκτὴρ ἐμώδης foret, causam præ-

buit; idque solius filtrationis & mixtio-
 nis proportionatæ opera, eius modum,
 exemplo Spiritus Vini, sacchari & Aquæ
 Rosarum, quæ alias æqualiter, & vt dia-
 phana maneant, misceri vix possunt, in
 sequentibus expeditum dabo.

℞. Sacchari Candi albissi. pulu. lib. j.

Aquæ Rosarum odoratissi. lib. j.

Mixta stent in loco calido, & con-
 quassentur aliquoties, vt saccharum me-
 lius liquefiat. Quo facto affunde lentè,
 Spiritus Vini non adeo recens rectificati
 lib. ij. Repetita filtrationis opera per
 chartam leucophæam donec nimirum &
 sapor & consistentia placeat, adjectoque
 interea scrupul. j. vel altero Diaromatici
 Essentialis vel Alkermes nostratis, fiat
 Elixir Rhodo-saccharatum, insigne re-
 conualescentium & imbecillium restau-
 ratium, sitisque haud vulgare sedatium
 in quibusdam febribus, quippe quod &
 Aurum potabile Zapathæ, & mixturam
 Quintessentialem Rosarum Fiorauanti,
 vtut magnificis exornata laudibus, longè
 superat.

Idem processus in Rhodo-saccharatis
 eiusmodi compositis locum habet. v. gr.
 pro roborando stomacho è pulegio &
 Melissa recens siccatis tincturam Spiritu
 V. extrahas, digerasque, & postea eadem
 proportionem confusa inuicem coles. Sic
 puto, variæ variis vñbus dicatæ Essentiæ
 concinnandæ faciliè erunt. In simplici illo
 si Colorum varia delectamenta ipsi con-
 ciliare velis, idque rebus vires nihil im-
 minuentibus, veluti, pro viridi, exiccato
 petroselino, pro rubro, tinctura Caryo-
 phyllorum coronariorum, vel Santalo;
 pro citrino santalo cum Croco, &c. oculis
 & palato valdè placebis.

Spiritus citrinatus vel Elixir Citri.

℞. Cortic. Citri recent. ab albicante
 medulla benè mundatarum, minutimq;
 incisarum lb ij.

Macerentur in Spiritu vini non re-
 &ficati lb xij. postea destilla per vesicam
 cum refrigeratorio, donec prole&tis spiri-
 tibus omnibus phlegma prodire incipiat.
 Ex hoc spiritu cum pauxillo Croci tin-
 cto, mixtoque cum Succo Citri purificati
 lb j β, Elixir Citri parabis, elegans Cor-
 diale & Antidotum contra pestem, & æ-
 ris contagia. Dosis cochl. j. singula aurora
 jejuno, nisi Epatis calidior intemperies,
 capitis vt imbecillitas prohibeant; Eo
 enim in casu, satiato ventriculo melius
 confert.

Cæterum si Diamoschum ad Magna-
 tum corda roboranda velis.

℞. Ambra grisea. p. vj.

Moschi odoratissimi Alexandrini
 p. j.

Adde Sacchari albißimi aliquantu-
 lum. Tere subtilissimè in concha, ac
 postea cum Spiritu Citri prædicto, mis-
 cendo olei Vini guttam vnam atque alte-
 ram, diutius perge, donec totum quasi
 pulmentum fiat. In cucurbita sigillo Her-
 metis clausa sub terram vel B. M. per
 mensem philosophicum reconde, donec
 totum sibi vndiquaque simile & rubicun-
 dum euadat: Postea serua ad vsum. Dosis
 ad pisi magnitudinem.

Spiritus antapople&ticus.

℞. Florum Lilij conuallij. Man. iij.

Macerentur cum vini opt. lb. viij. in
 loco frigido o&tidum circiter. Postea
 destillentur. Destillatum referuetur do-
 nec Flores Tilie ad manus perueniant.
 Illarum itidem Man. iij. immatura ali-
 quandiu, & destilla quousque Florum Lau-
 uendulae Man. j. nanciscaris. Tum enim
 non Lauendulae flores adde tantum, sed
 & florum pæoniae 3 β.

Flor. Cheiri

Rorismari ana 3 j β.

Rad. pæoniae

Zedoariae.

Galanga

Zingiberis ana 3 β.

Rosar. rubr.

Cortic. Citri

Visci querni

Nucis Mosch.

Macis

Cinamomi ana 3 iij

Caryophyllorum

Cubebar. ana 3 ij.

Stent mixta aliquandiu ad faciendam
 digestionem; postmodum lentè destilla.

Vfus in paroxysmo est apople&tico co-
 chl. j. Imò etiam extra paroxysmum pro-
 phylaxias causa singulis diebus ante &
 post Lunæ mutationes.

Spiritus cephalicus.

℞. Florum Lilij conuallij, M. ij.

Saluia M. j.

Spiritus luniperini vel etiam Ceraso-
 rum lb iij.

In sole digerantur dies quindenos cir-
 citer; Deinde exprimantur & colentur.
 Colato indatur

Conserua Lauendulae

Rorismar. ana 3 ij.

Sacch. Candi in Aqua Lauend. soluti lb j.

Spec. Diambu.

Diamosch. an. 3 ij.

Mixta macerentur per mensem. Tan-
 dem destillentur Chymicè. Vfus eius in-
 signis est ad confortandam memoriam,
 auertendam Apoplexiam & Epilepsiam.
 Dosi cochlear. j. aliquoties in hebdo-
 made.

Spiritus stomachicus.

℞. Radic. Zingib. albi 3 iij

Nucis Moschatae.

Macis

Galanga

Zedoariae.

Caryophyl. ana 3 j.

Grosso modo contusa macerentur aliquandiu in

Spiritus Vini lb viij.

Postea lentissimè destillentur in Balneo, osculis Alembici benè conclusis. Denique misce concutendo

Syrupi de succo Cydonior. ζ x.

Santali rubri ressulatim incisi ζ ij.

Quiescant aliquandiu, & hinc mediante filtro chartaceo in aliud vas transferantur.

Spiritus Cardiacus.

\mathcal{R} . Cinamomi electi ζ viij.

Ros. rubr.

Cortic. Citri

Arantiorum ana ζ iiij.

Santali albi odoriferi ζ ij.

Ligni Aloës opt.

Storacis Calamitæ

Caryophyll.

Macis ana ζ j.

Macerentur in Aqua vitæ quæ vno aut altero digito superemineat, postea blando calore destillentur. Tange violis cæruleis, aut Syrupo Violaceo cæruleo, Dulcorentur Iulapio ex saccharo simplici. Vltimo adde

Moschi Alexandr.

Ambra griseæ ana ζ ij. & ad vltimum reconde.

Spiritus status discutiens.

\mathcal{R} . Seminum Anisi

Feniculi

Carui

Cumini ana ζ iiij.

Flor. Camomæl. M ij.

In Aqua vitæ aliquandiu macerata destillentur in diplomate. Spiritus petraselinii exsiccat Manipulo j. denique Iulapio quoque dulcescat, & filtro Chartaceo trajectus seruetur.

Ang. Sala.

Spiritus Saturni ardens.

Neque etiam è Vino, aut vegetabilibus tantum, sed etiam ex omnibus metallis & mineralibus arte Chymicâ Spiritus flagrans elici potest. Exemplum esto de Saturno:

\mathcal{R} . Sacchari Saturni cum aceto stillatio è Saturno calcinato siue Minio s. a. extracti q. v.

Hoc purificetur per reiteratas solutiones & coagulationes, & in frigido fiant crystalli. Hos pone in Retortam vitream luto optimè munitam, cui adaptabis recipiens satis capax, & clausis iuncturis destilla. Exibit primò fumus albus, deinde oleum rubrum. Rectifica in B. M. & serua ad vsum. Cuius dosis gutt. ij. vel iiij. in aquis appropriatis, in Peste, Melancholia Hypochondriaca, febribus ardentibus, lue Venerea &c.

De hoc spiritu quidam existimant, quod ex Aceto Vini, minime verò è Saturno proliciatur, atq; adeò turpiter hallucinari pleròq; Chymicos, quibus Spiritum hunc Saturni Spiritum appellare soleme sit. Rationem addunt; quod quantitas Saturni, quæ mediante aceto in forma Salis præexistebat, in fundo vasis post destillationem spiritus, instar pulueris subtilis eadem remaneat. Belle! Quis enim credat, omne id, quod in fundo manet, saturninum esse nec quicquam de aceti fixo sale restitisse?

Et sit, inquam, Saturninum; spiritus tamen volari è corpore posse, non diminuto ipsius pondere, in Chymia plurimis exemplis notissimum est. Parum præterea prædicti sermonis authores sibi constant. Vel enim restitit aliquid aceti in fundo simul; vel nihil restitit. Si aliquid, vtique argumentum magis est, quod destillauit, de Saturno potius esse, quàm de aceto. Si nihil, si quod prodiit Saturninum negas, falsum sit necesse est, quod

Bbbb

fundamēti loco habent, Quòd nimirum eadem Saturni quantitas cum aceto ante destillationem existentis, separatò eò etiā remanet. Et quid argumēta, vbi Spiritus Ardens è plumbò elicitur; nullo aceto adhibito? Ita enim Libauij descriptio habet: Plumbum calcinatum per Virioli Spiritum, soluitur deliquio (alias aqua stillatitia communi) solutio filtratur, coagulatur, & Spiritus inde propulsi consistunt in aquam vitæ ardentem seu inflammabilem. Et cur acetum prædicto modo tractatum, per se spiritum ardentem non præbeat? Per quod enim vnumquodque tale, illud meritò debebat esse magis tale. Vtuntur vocabulo alterationis; Spiritum hunc Aceti esse, hunc in modum à Saturno alteratum.

Ergò in Saturno vel Spiritus eiusmodi ardens inest, vel aliquid aliud, quod ardentem hanc qualitatem in Acetum inducat. Vt quoque modo fragrantia Spiritus aceto non debetur, sed Saturno. Omnis enim alteratio, generatio est qualitatis, quæ aliam sibi contrariam præexistentem ponit; ita videlicet, vt vnius acquisitio ab altera, tanquam à termino à quo proficiscatur.

Concludo ergò *αὐτὸν δὲ πῦρ*: in Plumbò, vt & plurimis aliis, Sulphur radicale delitescere, quod calcinatione attenuatum, & liberatum à corpore impuro, tandem destillatione debiti ignis ex potentia actum acquirit, fiatque liquor proximè inflammabilis.

Arcanum Regis, Aqua Regia etiam, & Aqua pugilum dicta.

℞. Salis Armoniaci,

Nitri depurati ana ℥j.

Tere simul, & misce cum duabus vnciis silicum grosso modo puluerisatorum. Inde Retortam postica parte tubulatam, huius figuræ:



Pone in Ignem Reuerberij, præmissò capaci recipiente, & paulatim ignem subministra, donec Retorta paululum incandescat: Postmodum vbi iuncturæ benè munitæ fuerint, injice per tubulum prædictæ materiæ Cochli. vel vnciam vnā, & statim cum impetu surget nebula in excipulum; Qua in aqua resoluta, denuò nouam materiam injicito, recto regimine ignem gubernando, semperque tubulum argilla madida cooperiendo, donec satīs spirituum elicueris.

Aquaregia alia.

Quoniam destillatio duorum Athletarum Salis Armoniaci scilicet & Nitri propter impetum periculosa quodammodo, nec Spiritus inde in copia haberi possit; Quia imò sal. Armoniacum plerumque in fundo remanet; transeunte Nitro. Idcirco sequens tutior præparatio est:

℞. Nitri per se, & cum tribus partibus silicum contusorum vel boli Armeni, misce & destilla igne libero per retortam & sic habes Spiritum Nitri, quem rubicundum præstiterit Camphora, si ritè interpolatam adhibueris.

Postea habeas cineres, è quibus per aquam calidam extractum sit sal, vt omni acredine careant. Hos misce cum sale Armoniaco. Sit autem salis armoniaci tantum, quantum antea erat Nitri; Tum præposito Recipiente cum Spiritu Nitri, destilla igne libero, per Retortam, vel per Alembicum, & transibit Aqua Salis Armoniaci, & miscebitur cum Aqua Salis

Nitri. Et sic habebis Aquam Regis ex duobus Athleticis.

Si rursus per Alembicationem velis destillare, clarior & lucidior euadet. Hæc arcana Aqua Regis à Basilio summo perè commendatur, & multi vsus est, ad Auri ceu metallorum Regis præparationes, vnde & nomen sortita est, quod Aqua regia dicatur. Estque verè Ros Solis philosophici Angeli Salæ, cum spiritu salis Mercurialis per medium Vulcani in auram eleuatus, & rursus in Aquam solarem conuersus, de quo in præparatione Chrysobezoar; Denominatione inde sumpta, quòd ille instar Roris pyrotechnia generatus, solus Auro ceu soli philosophico & terrestri dissoluendo menstrui munus sufficienter obeat.

Ros Solis.

Vt *ῥοσὶς* magis appareat, quàm analogia D. Angelus Sala menstruum regium supra, Rorem solis philosophicum appellari; En qualis ille Belgis & Anglis valde vsitatus.

℞. Roris Solis (herba est, quæ alias Rorella dicitur) Man. iij.

Rorismarini, Majoranæ,

Melissæ, Lauendulæ,

Saluæ, ana Man. j.

Sem. Anisi, Fœniculi, Coriandri ana \mathfrak{z} ij β.

Nucis Moschatæ \mathfrak{z} ij

Gummi Ladani \mathfrak{z} iij.

Infunde in ℥ xxxv. Aquæ vitæ & destilla per vesicam. Optimo, quod prodierit, infunde Cinamomi electi vncias quatuor. Caryophyl. Macis ana \mathfrak{z} ij. piperis \mathfrak{z} j.

Secundo verò: Liquiritiæ \mathfrak{z} iij.

Ladani \mathfrak{z} β.

Tertio: Rosarum, Flor. Lauendulæ

Rorismarini ana \mathfrak{z} iij.

Roris solis M. j.

Quarto: Tornæ solis \mathfrak{z} ij.

Post aliquot dies omnia misce, & cola. Tunc ℞. aquæ Rosar. cantharum vnum. Sacchari ℥ iij. solue, & adde Vini Allicanthini cantharum j. Misce & iterum cola.

Oleum Balsami vniuersalis, vulgo Spiritus Salis.

Balsamum quid sit, & quas vires habere debeat, jam in plurium intellectu est, quàm vsu.

Vel enim verum est, quod quidam existimant, hac nostra ætate Balsamum interiisse; vel, naturale illud rarius ad nos perferri.

Ad hoc ipsum autem cum inter cætera antibalsama sal facultatibus suis proximè accedat; adeoque inter mineralia nihil sit quod æquè aromaticum obtineat naturam (Cogito enim cum Gesnero, aliquando Balsamum ab excellentia dictum esse, quod pretiosissimum nobilissimumque inter aromata esset; Nam Baal dominum significat Hebræis, Sam verò aromâ) oleum siue Spiritum salis ritè præparatum, oleum Balsami vniuersalis, consuetudine Chymicorum seruata, appellari posse, explicatissimè patet.

Sequitur ipsius præparatio.

℞. Muria, vel salismarini calcinati q. vi.

Terra sigillatæ vel boli armèni duplam portionem, misce & impasta ad orbiculos inde faciendos, quos ad duritiem exsiccatos Retortæ terræ imponas, benè lutatæ, vt vix dimidium ipsius repleatur, adaptatoque magno Recipiente, Igne fortiter per gradus aucto destilles. Primò enim, lento igne phlegma egredietur, postea vrgentiori Spiritus albi, quo ignis regimine instabis, vt Retorta benè incandescat; & receptaculum diaphanon iterum euadat: Eadem ferè destillatio, quæ in Aqua forti adhiberi solet. Refrigerata fornace spiritum exime, & adhuc semel in B. M. per

B b b b j

alembicationem phlegmatis rectifica. Et sic Spiritum salis elegantissimum cum ente Terræ sigillatæ embryonato maritatum tenes. Caput mortuum, quod in prima destillatione restitat, Lapidem habearis, quorundam opinione, externo saltem vsu verè antipodagricum.

Notandum tamen hoc in loco est, quòd non omnis salis spiritus his solis operationibus eleuetur, sed multa ipsius pars Artificem in caput mortuum se subducendo ludere soleat: quod per aquam communem (coquendo simul) ex eodem sal collectum, & priori modo destillatum aquè efficacem Spiritum præbeat.

Vel idem Sal cum priori spiritu conjunctum & aliquandiu debito loco digestum, tandem cū Terra sigillata, vt supra, commixtum, & quoties opus est, destillatum, vniuersas salinorum spirituum reliquias refundet. Si enim ex capite mortuo sal toties prædicto modo extraxeris, & destillaueris, quousque quippiam salis in ipso restiterit, quamuis inde non vsque adeò lucraberis, totum salem tandem in forma spiritus transire facies.

Et hoc reuera est illud Oleum Balsami vniuersalis Dn. Angeli Salæ, quo in Chrysobezoar suo consiciendo vtitur.

Alias quoque ad medicos & metallicos vsus efficaci potestate nobilissimum est, de quo vide Crollium Basil. Chym. pag. 151.

In diuretico & lithontriptico meo specifico, quod qui mihi venditabat, more paracelsico, Sal Nitri philosophicum appellabat, & in hydropè, vrinæ retentione, & Nephritide magnarum virium assererat esse, non minimas huic spiritui salistribuo. Cæterum vsus ipsius in febribus lentis præsertim & quotidianis præmissa vacuatione non vulgaris est, si cum Aqua è succo Veronicæ destillata intermiscendo saccharum, singulis diebus m. & v. debita dosi pro Iulepo exhibueris.

Spiritus salis compositus ad Medicinam præstantissimus.

℞. Salis Nitri puri

Salis communis decrepitati ana.

q. v.

Misce cum dupla vel tripla quantitate argillæ siccæ & per setaceum cribratæ, & è globulis probe post malaxationem exciccatis, per Retortam igne Reuerberij Spiritum propelle.

Huius Spiritus libra vna cum satis fusi vnciis quatuor, aliquandiu digesta, vt sal adjectum soluatur (per diem sc. vnum vel alterum) & per Retortam denudè destillata, idque toties, quoties placuerit, cum nouo salessuso, factum Spiritum fortiolem auctioremque dabit. Ab illo Spiritu phlegma in B. abstrahe, & deinceps Spiritum per Retortam vel cucurbitam in arena rectifica, tandemq; cum Spiritus Vini partibus equalibus conjunge, & tùm in vase circulatorio aut pelicano in cineribus commacerando, atque iterum rectificando spiritus istos, vini nempe & salium inseparabiliter vnitos, hinc Spiritum Salis compositum notandæ virtutis inde conficies, ad conseruandam sanitatem & propulsandos morbos egregium auxilium.

Inprimis prodest ictericis, hydropicis & vermiculosis.

Podagram lenit exterius illitus.

Epilepsiam curat, teste Neandro, in aqua vitæ vel Tilix singulo mane exhibitus.

Ad Therapeiam dosis est gutt. vj. viij. ad scrupulum semis in vino. Aqua vitæ vel alio appropriato. Ad hygienam gutt. iij. septimanis singulis semel atque iterum accipiendo.

Denique quicquid de Oleo, Spirituæ salis apud Paracelsum aliosque modernos authores patet, id ipsum hic potentissimè præstabitur.

Spiritus salis dulcis.

Vtut gloriosa & sesquipedalis de Spiritu Salis edulcorando ostentatio est, apud Chymicos magni nominis etiam, ipsorum tamen demonstrationibus, quibus, nec nisi magno pretio conducti, summam illam dulcedinem & impermixtam prorsus pollicentur, fidem adhibere nunquam potui. Nec enim *l' aqua forte* à magnis ingeniiis etiam alienum prorsus, quamvis hoc ipsum credere, multis superciliosis videatur alienum.

Mordacem tamen acrimoniam à Spiritu Salis quomodoconque auferri, eumque subdulcem reddi posse non inficior. Idque sequenti modo: Vt nimirum vel Spiritus Vini, vel oleum Tartari ab initio cum sale commisceatur, & secundum artem Spiritus inde destilletur: Vel etiam: vt Spiritus salis iam prolectus cum alterutro illorum sæpius cohobando subtilietur; vel etiam: vt facies vini salii adjiciantur, &c. Idem enim & in aliis Spiritibus feliciter obtinetur. Hic suo modo exhibitus egregium præseruatuum supeditat in peste.

Sal Gemmæ seu fossile quod attinet, ex eo itidem extrahitur liquor eodem modo, quo ex sale communis seu muria ipsius, qui & oleum & Spiritus salis Gemmæ fusibilis Mercurialis à chymicis vocatur. Huius beneficio solutorio & fixatorio Regulæ. Martis eò reductum vidi, vt mediante digestionē, destillatione & rectificatione liquorem præbuerit, vel pro libitu puluerem, quorum hic ad grana tria quatuorve; ille ad guttam vnam vel ad summum duas singulis vicibus ex conueniente liquore, vel Tartaro Vi-
triolati exhibitus, ad alterandum; *alio*que curationum scopos complendos, potentior erat centum lagenis herbarum decoctionibus refertis, nec non ipsius de Rha-

barbaro potionibus. Eundem ipsum Spiritum Salis Gemmæ bonâ fide accipias, pro vero illo Angeli Sale Sulphure potentiā ex Balsamo aquatico, diaphano, fixo, per quartum gradum ignis Spagirorum sublimato, & in formam liquidam redacto; de quo sub Elixire ipsius Bezoardico.

Spiritus Salis Corallatus.

℞. Salis communis lib. iij. vel iiij. Corallor. tenuiss. tritorum lib. j. Misce læuigando. Postea, gradibus exceptis, igne destilla vehementissimo in excipulum capacissimum, & Spiritum salis accipies vnâ cum Sp. corallorum, in affectibus insuper cordis, palpitatione, &c. dosi ð b. maximarum virium.

Spiritus salium vegetabilium pretiosus.

Sed & spiritus è salibus vegetabilium magno Medicinæ commodo consciuntur, de cuius apparatu *σιζοδικω*; vt & plura alia, hoc modo:

℞. Silicum contusorum

Sabuli puri ana p. ij.

Sali herbæ cuiuscunq; p. j.

Madefac cum Spiritu siue propria aqua istius herbæ (Spiritus autem hebdomadali digestionē, affusa ad herbam aqua calida cum modico sæcum cereuisiæ, postea destillatione perficitur.)

Destilla per Retortam loricatam, lento primùm, ne sal fluat, postremo quando Spiritus albi prodierint, fortiori igne, flammæ scilicet, vt & sicci Spiritus prorumpant. In Excipulum ipsa herba quoque præposita sit, ad manipulum vnum vel alterum; Phlegma in B. rectificando abstrahe, atque capiti mortuo denudò ad sal extrahendum affunde, quod coagulatum vicissim (capitis mortui extractione semper repetita) destilla, donec omne sal in spiritum abierit. Qui Spiritus salis est cuiuscunq; herbæ, quam ad

illum salern conficiendum assumpseris.

Pro natura diuersorum salium diuersas etiam & præstantissimas virtutes ad Medicinam obtinet. In hoc verò præ ceteris mirabilis perhibetur, quòd propria herba imposita essentiam, & tincturam vsque adeo spoliect, vt illa pallore velut vniuersali lepra penitus obducta videatur; cum interea herba in terram implantata iterum, quamvis perenni illo existente colore, jucundo miraculo reuiuifcat.

Ad rem propiùs accedam exemplo Clyssi Carduibenedicti.

Clyssus Carduibenedicti.

℞. Spiritus Carduibenedicti supra dicto modo destillati, atque bina rectificatione, primo per Cucurbitam, postea per phiolam in B. à phlegmate liberati q. v.

Salis aqua propria è capite mortuo ipsius eliciù lib. vnam.

Misce cum silicum & sabuli puri vel Terræ argillaceæ lib. iij. aut iiij.

Pastilli inde facti destillantur per Retortam in furno anemio, super herbæ Carduibenedicti Man. ij. donec vltimò Retorta incandescens, spiritibusque cessantibus, Recipiens inclarescat.

E capite mortuo denuo sal extrahe, & vt prius, Spiritum inde destilla.

Hunc spiritum in B. siccò gradatim rectifica, & guttis flauisculis prodeuntibus, alio substituto Recipiente, ignem vrgentiorē adde.

Spiritus apricetur in sole, vt elegantior euadat.

Estque Clyssus Carduibenedicti ad præcedentem modum, magno sanitatis bono, elaboratus. Gutta liquidem ipsius v. vj. ad ð ß. exhibita sudorem, in primis in febribus, salubriter promouent.

Et hoc Hermetis nepotes ex triade vnitatem facere dicunt alij circulum ex quadrato & c. cuiusmodi & illud est valde

secretum de resuscitatione plantarum è suis salibus, quod eandem ob causam, stylo quamvis contractiori, sequi volui.

Secretum è cineribus philosophicè paratis plantas resuscitandi suas, de quo Quercet. cap. 23. in responsione ad Anonymum.

℞. Sal cuiuscunquē plantæ fixum ac volatile; Spiritus item æreos & phlegma (modo autem quo decet præparata) solue & coagula. Et superfusa Aqua Roris Marialis vel cuiuslibet herbæ propria, in vase idoneo optime clauso, herba in aqua illa, mediante calore Cinerum vel natio nostro, corpore spirituali explicatissime representabitur, confestimque superante frigore euanescent: mirare, & iudica.

Spiritus vitrioli, seu Acetosa mineralis.

Paracelsi proba in æstimando Vitriolo est: cum lamina ferrea humectatur aqua, & Vitriolum affricatum subito colorem cupreum gignit; Hoc enim magis de Venere, quam de Marte participat.

Alias Tinctores & atramentarij vulgare Vitriolum; quod ferrum non tingit, tanquam vtilius præferunt, vulgo atramentum dictum; sed hoc magis de Marte, vti volunt; quam Venere participat, & in Medicina & Chymia non æque præstat.

Alia probitatis nota est: quod si liqueat in Crucibulo & humor aqueus exhalat, calcinatum flavescat, prius quam albescat, denseturque viscosa quasi tenacitate.

Quod vero Spiritum Vitrioli attinet, licet eius præparationem vix quicquam vnus sit qui nesciat; Quoniam vero Angelus Sala in præmissis libris non vulgarem illum Spiritum per rubrificationem Vitrioli præparatum, & hinc Spiritu Mercuriali, & volatiliori prorsus destitutum,

licet valde corrosiuum vsu dignum existimat; interim tamen Liquor Vitrioli acidus ipsius cuius laborem in Anatomia Vitrioli describit, propter nimis curiosam adeoque molestam præparationem non omnibus aridet; necessum duxi, talem Spiritus huius *ex huius* tradere, quæ & facilis esset, & ad Vitrioli corrosiuam acrimoniam viscositatemque adimendam auferendamque æque appositissima: Eaque talis est.

℞. Vitrioli optimi q. v. in aqua communibeneficio coctionis dissoluitur; vel etiam si sapis, per ignem Naturæ simplicem quorundam. Stent aliquandiu & residet Terra Vitrioli subtiliua. Hinc colaturâ factâ, ad ignem coque, vsque dum pelliculam contraxerit, despumando iterum ab initio coctionis, si qua impuritas ad superficiem ebullierit. Postea in loco frigido collige Crystallos, recondendo potissimum superiores, & quæ caruleo radiant colore. In fundo quod est terræ priori simile, separetur. Hoc enim resiccatur, & per Retortam igne Reuerberij destillatum, oleum dabit rubicundum penetrantissimum, dosi gutt. sex ad decem ad plerosque capitis affectus perutile. Gutta eius xv. & xx. annotantibus quibusdam, vomitus expediunt.

Vitriolum vero nisi prædicto modo satis depuratum fuerit, denuò solue, per filtrum cola, & coagula, idque adhuc semel atque iterum, donec colore appareat purissimo. Tum inde in vitream cucurbitam, satis spacioli orificij, luto munitam, superfunde Spiritum Vini subtilissimum, ut fiat pasta; Circula, apppositoque alembico immite in furnum aperti ignis, cum suo Recipiente satis amplo. Hinc rite clausis omnibus iuncturis destilla, primo lento ad Spiritum Vini seorsim prouocandum, mox fortiori ad phlegma quoque intercipiendum, tandem incipientibus prouenire Spiritibus siccis, sensim & sensim fortissimo igne.

Liquori destillato in cineribus abstrahet phlegma cum Spiritu Vini, donec guttula cadentes accescere incipiant. Tum appposito nouo excipulo, pellatur quoque spiritus per arenam, qui ipse Liquori Vitrioli acido, quo Dn. S A L A sub olei nomine in Ternario Bezoard. cum plerisque officinis (licet improprie) intrinsecus multoties vsus est, in omnibus facile æquiualeat.

Eodem prorsus modo etiam patruus meus IACOB LANGENHAYN parabat, à quo primum inter chartacea illa breui ante obitum mihi legata accepit.

Aliàs etiam ad Spiritum Vitrioli quem dulcem vocant, ita tenditur.

℞. Vitrioli calcinati lb iij.

Superfunde acetum destillatum ut bene supernatet, stent aliquandiu in leni calore; decanta acetum, & affunde nouum. Hoc quinquies vel sexies, semper dies aliquot digerendo, repete. Aceta illa mixta inuicem destilla, donec Spiritum Vitrioli destillantem detegerit odor. Tunc inde in Retortam adjectis sabuli puri manipulis duobus, & liquor Vitrioli promanans dulcem referet saporem.

Nonnihil etiam arbitror esse, quod post phlegmatis separationem Spiritus vulgariter destillatus, super Cornu Cerui ex arena rectificetur. Ita enim sine omni corrosiuo prodire apud plures iam in propatulo est. Nec non, quod Vitriolum cum Urinæ pueri *et* vinumque bibentis debita quantitate satis maceratum, omnique phlegmate rite exutum, (vbi scilicet ad siccitatem ita est redactum) per Retortam destilletur. Sic enim non solum Aquam egregie paregoricam, sed & in fine spiritum ad Epilepsiam tam transplantatam quam aliunde infestam pueris præsertim, quod de vulgari illo frustra hætenus promissum, maximo pere vtilem suppeditabit. Vbi merito mirari subit, Crollium Chymicæ scientiæ exercitatissimum tam hospitem hac in

parte esse, vt ipsum Spiritum Vitrioli dulcem ne vidisse quidem se vltro fateatur; Cum tamen dulce Vitrioli ab acido separare nihil aliud sit, quam modicum illud Sulphur Vitrioli ab flumine vindicare suo; id quod variis modis, & vel Chalybis immisione, tantum non dico non imminutis, vel plane deperditis quibusdam Vitrioli specificis proprietatibus, obtineri potest.

Eius vsus & virtutes infinitæ prope sunt cum in Medicina; tum etiam in Alchymia illa parte, quæ Euceria dicitur ad metalla pro vsu humanorum corporum varie elaboranda, quo forte respectu non immerito à Paracelso quarta pharmacopolij pars Vitriolum æstimabatur. De vtroque videndus est Crollius, Quercetanus, Bouius, Liebautius, Libanius; Sala in Anatomia Vitrioli, & alij.

Illud hoc in loco, *ἐν παραδόξῳ* quasi excutiendum nobis: an spiritus Vitrioli Conseruas Rosarum, Violarum, &c. reuera tingat, vt Beguinus arbitratur; an vero nitorem, quem ipsemet habeant, eliciat saltem, vt eius commentator. Quod reuera tingat, non saltem eliciat, argumentum est, quod a que aliis floribus, qui diuerso colore splendent, vtpote v. g. Buglossi, Borriginis; &c. similem tincturam conciliet.

Hæc ad complendam paginam.

Huc referimus etiam spiritum Vitrioli coagulatum, quem alij describunt, quod digestionem & cohobationem super Terram Sigillatam; alij, quod ex Oleo & sale Vitrioli simul digestis perficiatur.

Ego Spiritum & Oleum destillauim cum f. q. laterum pulueris fortis igne, & quamuis Spiritum vulgarem me accepisse putabam, vbi tamen per 5. milliaria portatum deprompsi aliquando, totum in albidissimos crystallos coagulatum reperio, aciditate eius multum reclusa. Vsum

vero quem habeat, cum cognitis saltem vtendum, nec facile ad ea, quorum facultates & operationes adhuc obscuræ vel dubiæ sunt, confugiendum duxerim, nondum expertus sum. Ideoque plura hic deferere supersedeo, eiusque loco de Volatilitate spiritus Vitrioli, puta in qua summum deopillationis & corroborationis spirituum cerebri & cordis arcanum statuitur, pauca annotare curæ & operæ prætium duxi.

Primus autem laudum eiusdem buccinator, nec immerito, Paracellus extitit, part. 3. de morb. Amentium tract. 2. Nec admirationem inquit, vel indignationem pariat, Vitriolum tantis (auterruncandi nempe Epilepsiam) virtutibus pollere. In occulto enim vim solarem absconditam habet, nec eam corporalem, sed spirituaalem, quæ multis modis Auri facultates antecellit. libr. de Contract. c. v. edit. Dorn. Non reperitur medicamen aliquod penetrantius membra citius, aut materialius isto perquirens à fundamento. In tract. de trib. essentiis. cap. 7. Experientia, affirmat stabilitum, Oleo Vitrioli vel spiritu eiusdem species Epilepsie curari.

Hunc quidem plerique nisi indignatione in Chymiam occæcati, hætenus sequuti fuerunt, & in capitis affectibus præsertim Caduco eradicando ad cælum vsque laudibus extulerunt, multis eorundem minime curantibus, qualenam Vitriolum, & qualis eiusdem præparatio, ad hæc obeunda à Theophrasto requirantur: Hinc secundum Galeni illud 4. κατ. τοια. nempe promissiones omnium medicinarum esse magnas, operationes vero ipsarum interdum valde exiguas, imò quandoque nullas, factum, vt ne vnus quidem eorum, eo ipso, quicquam memorabili præstiterit, quin imò loqui hic & operari, velut ab Hippocr. de lege pronuntiatur, prorsus contrarie sese habuerint. Quo argumento impulsus Crollius apud nullum veram illam Vitrioli præpara-

præparationem videndi facultatem sibi datam, nec vllum affirmare potuisse, quod confirmatam Epilepsiam solo vulgari & simpliciter præparato Vitrioli Spiritu profigarit, conqueritur. Nec adhuc quispiam erit, qui hanc objectionem facile diluere aut præeunte Experientia (monente Paracelsi paragraphor. c.4. qui ad Curam Caduci secundum Experimenta, ingenia cum Speculatione, pluraque elementa composita, Arcana cum Experientia exigit) contrarium obtinere possit: iam ergo non iniuria quis litem hic moueret, de causa, vnde isthæc Vitrioli facultatum præuaricatio proficiscatur. Aliis causam illam tribuentibus diuersitati temporum qua fiat, vt fenescente quasi mundo res singulæ iuuenilem fortitudinem exuant; vel crescente hominum malitiâ, iusta DEI irâ, morbi magis magisque viribus indies augeantur; Aliis, Cæli concordantiis, in cuius scilicet ductu & directione omnes Medicinarum potentia sitæ; Cuius ratione vsu venit, quod sæpe eadem Medicina in eodem morbo eadêmeque hora deleteriam & alexiteriam vim edat; quod porro non Medicina Medicinâ euadat, & contra, Veluti hoc ipsum Theophrastus tract. 2. de Astronomia, exemplo Bursæ pastoris, Hypericonis, silicis, & aliorum, insigniter corroborat; dum ait, *Et si quidem sciatis, quid in herba sit, sic in nihil nouistis, nisi etiam hoc compertum habeatis, quomodo virtus in hac herba persiciatur, quo morbo mereatur, & quomodo deducit velit*: Hoc enim ignoras, tua nauci omnia sunt. Si nihil herba commodat aut utilitatis confert, obstupefcis ilico velut ad conspectum monstrum quoddam, ac inquis; Per Deum hic illuc hoc scriptum est; Herba isthæc, apud hunc vel illum ita operata est; Oportet hanc pœnam à Deo esse. Mea n. ars proba & certa est. Culpa verò tua est, in hoc quod stultus sis, nec concordantias naturæ perfectas habeas.

Item, Si cælo visum est, ac talis ipsius motus existit, iam virtus in lapidibus inest. Si
Ang. Sala.

placet minus, abest virtus, hoc est, si eius concordantia non preest.

Ideoque quo pacto hoc excusare aut velare velitis, Medici vniuersi. Vobiscum rationem sedulo mite, dum scilicet ipsi facimini remedia vestra iam innare, iam nihil innare. Eodem modo lib. de Tad. parag. 4. multa edisserit de Visco querno & sanguine humano, è quibus in Caduco aquoso perfecta quidem medicatio; Sed non nisi in suo Vlech & secundum signa sua Ascendentia. Ibidem porro disertis verbis de Vitriolo scribit, Arcanum eiusdem non in Oleo, sed Volatilitate ad summum exaltata, & ad Astrorum & Exaltationum eorundem tenorem administrata situm esse.

Idem lib. de cœlest. Med. Metallis, licet per se ad illos vsus minime aptis, morbos fere omnes tollendi & præcauendi potestates adscribit, hoc vnico fundamento, quod fabricationes eorundem suis determinatis temporibus, adeoque iuxta corporum cœlestium influentias instituat. Ego non quidem omnino reiectis prædictis rationibus (saltem qua primo loco posita parum physica est) rationem in tribus hisce inuenio.

Primò. Non omne Vitriolum, quia non omne perfectum, teste Paracelsi, sed quod optimum, ad hoc eligendum; Tale scilicet quod solaris naturæ particeps idque magis spiritualiter, quam corporaliter. Quod *chronoxia* ipsius vnde scilicet Vitriolum tantis viribus dotatum sit, superius annotata perspicue docet. Huius generis est Cyprium & Vngaricum. At vero raro sine sophisticatione ad nos perueniunt. Ideoque in primis curandum, vt de probitate ipsius certi simus.

Secundò Non omnimoda Vitrioli eiusdemque spiritus præparatio, sed ea tantum, quæ subtilissimum & penetrantissimum spiritum, adeoque Essentiam quasi volatilem ipsius reddit, ad hoc solum prædicanda. Hinc variam quidem confe-

ctionem ipsius agnoscit Théophr. sed per varietate illa etiam varias virtutes. In quo adhuc euidentiùs sese explicat ; quod nimirum non omne Arcanum ad hæc sufficiat, sed summa efficacia in præparatione & laborum subtilitate consistat. Quin imò etiam si per biduum destillationem summa cum industria continuat, nihilominus tamen reiteratò, cohobando videlicet super Caput mortuum, spiritum destillat, eaque ipsa operatione verum & insignem gradum Essentiæ, debitamque penetrandi virtutem obtineri asserit. Lib. de Contractur. cap. 5. igne violentissimo, nec non in recta Cucurbita usque ad nonum alembicum per Reuerberatorium in Atanore locatum ad quartam diem naturalem vrget. lib. 3. paragraph. ter destillat. vltimo per Phiolam.

3. Ad faciliorem facultatum adscriptarum executionem non nihil expediet, non ubi vis Arcanum hoc Vitrioli per se, sed, quia aliquando, monente Theophr. minus integrum aut viribus exhaustum, aut non debita industria præparatum, aut aliquo alio modo viribus impeditum, cum aliis appropriatis & adiuantibus ceu sunt juxta prædictum Authorem Coagulatiua, constrictiua, specifica, & sedatiua, compositum, ad vsus conuertere.

Si nec dum laudibus istis satisfaceret, quod tamen minime arbitror, vel certe Authorum scripta nihili facerem, vel morbi istius majorem modò ac tum temporis fuit, vehementiam accusarem.

Agedum vero procedamus ad ipsum
την ἑρμηνειαν.

Arcanum siue essentia vitrioli.

℞. Vitriolum Vngaricum verum non corruptum nec sophisticatum. Gradetur per solutionem in Aqua Tereniabia stillatitia; colando postea solum, & digerendo in calore Fimi vel B.M. vel Cinerum per mensem; abjectis que vndi-

quaque fecibus & ablato ad cuticulum usque menstruo, in frigido toties colligendo Cryttallos, quoties id fieri potest. Horum calore Solis vel Hypocausti excicatorum lib. v. vel vj. per Cucurbitam terream probe loricatam in Atanore igne nudo, tam phlegma (nam & huic tantum fere tribuit Paracelsus, quam ipsi oleo, seu spiritui) quam spiritus omnes excipiendo secundum artem sensim nimirum & sensim ad bidui usque decursum, alembicoque amplo, luto sapientiæ munito præfixo destilla; Caput mortuum exemptum tere, & vel per Phiolam, vel per erectam Cucurbitam igne violentissimo, usque ad nonum Alembicum, altero alteri, mediante cuiusque exteriori limbo tanquam Zona, factoque in fastigio amplo foramine ita adaptato, vt spiritus ascendens ab imo ad summum usque absque ullo exitu pertinere queat, sapienti industria Spiritum superfusum denuo destilla; id quod iatra quatrimum vix absoluitur, & ita Essentiam Vitrioli habebis penetrantissimam, arcanum illud contra Epilepsiam dudum quæsitum & optatum. Quod si vero ex instrumentorum inopia ad prædictum modum operari nequeas; scito, non deesse è probatissimis authoribus, qui phrasia istam Theophrasti, ad nonum usque Alembicum, &c. in sensu disuncto accipiendo, priorem destillationem super Caput mortuum octo Cohobiis, ita vt non nisi per nonum Alembicum absoluator, repetunt. Horum vestigia sequendo, nullius etiam neque laboris, neque impendij te pœnitebit. Vfus ipsius patebit in sequentibus.

Arcanum antepilepticum.

℞. Summita. Hypericonis
Anagall. flor. rub.
Rutæ,
Rad. pœoniae,
Visci quern.
Theriac. Andromach. ana ʒ ij.

Infunde in B.M. cum Spiritus Vini lb ij. vel tribus.

Colaturæ adde prædictæ Essentiæ Vitrioli. lb j. Cranij humani subtiliter pulverisati ʒ ij. Opij rite præparati ʒ ʒ. Camphoræ ʒ ʒ.

Hæc omnia simul colloca ad circulandum in calore putrefactionis, ad minimum septimanas sex. Postea subtile à spisso separa, & tanquam thesaurum reserua. Dosis ipsius à ʒ j. ad ʒ ij.

Eandem illam essentiam Vitrioli si cum Oleo Cinamomi & Anisi in circum aliquandiu egeris, in plerisque ventriculi affectibus à guttis decem ad quindecim vsque, in iure Galli, inprimis in ipsius cruditate exhibendum, haud leui brachio commendamus.

Spiritus antepilepticus alius.

Hic penitus ad Paracelsi canones compositus est, & quia eximia contra Caducum virtutis, hætenus sæpe ἀνὲρχας à me elaboratus pro γυναικὶ mihi hoc in capite inseruit.

℞. Rad. pæoniæ debito tempore collect.

Visci quern. itidem certo tempore collect. ana ʒ iiij.

Opij Thebaici vere præparati ʒ ij. Camphoræ ʒ ʒ.

Spiritus Vini Theriacalis ceu Santali tinctura præditi

Spiritus Vitrioli Volatilis prædict. ana lb j.

Stent in fimo per mensem philosophicum, & circulatione ita expedita, subtile à spisso decantatum serua. Aurum vel gemmas ad robur ipsius adiuuandum addere liberalitas est omnibus concessa, mea id hætenus non tulit inopia; Aliàs in fine Auri potabilis Anglici accessu præstantiorem ipsum existimasset.

Dosis ipsius à paucis guttis ad ʒ j.

in appropriatis. *ἡγεμονίας* causa, quandoque Paroxysmus irruit; prophylaxias vero gratia vel quotidie præsertim decrescente Luna, vel tantum in singulis Lunæ nodis; tertio quoque mense breui ante Nouilunium, præmissa cerebri & stomachi purgatione, idque maxime vel Sale Vitrioli de quo in Emetologia, vel Antimonio infra ad secessum parato. Antimonium enim, teste Varignana in Secretis, à singulari proprietate Epilepsiæ confert.

Hætenus de Spiritu Vitrioli volatili, quatenus Epilepsiæ in simplici & mixta forma vt plurimum confert. Iam prout aliis copulatus, aliis affectibus etiam accommodatur.

Liquor Dianæ.

℞. Vitrioli Vngarici albificati p. ij.

Tartari ad nigredinem calcinati p. j.

Puluerisata inuicem misce, & Spiritu Vini paulisper conspersa, destilla per cucurbitam seu phiolam magno imposito Alembico forti igne: Liquorem destillatum super Caput mortuum reafunde, & cohoba. Hinc rectifica ipsum in arena distincte capiendo & Spiritum Vini & liquorem reliquum, qui pro temperato sudorifero in omnibus internis obstructionibus, in sanguine grumoso, contra scabiem ad mundificandam & lauigandam cutim, cuius respectu, vel etiam coloris saporisue limpidi & accepti ergo ita appellatur, egregias vires exhibet ad sudandum per tres auroras continuas, datur à ʒ ij. ad ʒ j. per se vel cum brodio, vel cum pauxillo Vini Hispanici. Et parum aberit, quin hæc descriptio conveniat cum Nectare succoso Paracelsi de quo lib. 2. de Tartaro part. 3. operum, præterquam quod non insimul destilletur, atque adeo à fætere
Cccc ij

Diaphoreticum in peracutis.

Quod hoc titulo propositurus sum, varie quoque multorum authorum scripta passim habent. Paracelsus idem libello de peste, & in 3. parte cap. lib. 2. cap. 2. quamvis stylo paulo pressiore & parabolico : In consiliis medicin. sub eodem nomine eius mentionem facit ; Idque nominis multi quidem retinuerunt ; plures tamen vel mixturam simplicem vocant ; vel mixturam de tribus Vitriolatam, &c.

Nec enim noua prorsus inuentio eius est, sed extat etiam apud Andernacum de vet. & nou. Medic. sub nomine Aquæ pestilentialis Camphoratae ; extat etiam apud Conrad. Khunr. Weckerum, Duncanum & alios.

Quia tamen pleraque illorum scripta *διεστρωματισμένος ἔχει*, non immerito etiam de ipso *παρσίτερον καὶ παχύτερον* ego in sequentibus : Ita passim describitur :

℞. Spiritus Vitrioli vt supra præparati. p. j.

Tartari opt. correcti p. iij. vel iiij.

Aquæ Theriacalis Camphoratae p. v.

Misce, inque vitro angustioris orificij optime clauso, spatio trium quatuorve septimanarum probe digere ; Consummata digestionem, factaque trium illorum spirituum ad triplicem spirituum nostrorum seriem rite accommodatorum vnione medicamentum habebis, nec acrimoniâ vitriolatam nimis, nec fatore nimis tartarifatum, ad plures affectus extirpandos satis efficax. Veluti de eo Dn. Grasbecij Chymiatrica, in qua porro Mixturarum Specificarum variae formæ, nonnullo sane pharmaceuticæ bono concinnantur, aliquando luculentius declarabit.

Pluris autem ego hanc eius *διεστρωματισ* facio, quod nimirum Paracelsus illi ma-

℞. Spiritus Tartari super caput mortuum suum rectificati lb j.

Spiritus Vitrioli Volatilis nostri vniciæ quatuor.

Spiritus Vini lib. duas.

Digerantur cum Colchotare Vitrioli, ac capitis mortui ipsius Tartari ana lb. vna, in Baln. per aliquot dies. Postea per Retortam sensim quidem ab initio, ne subtilitates exhalent, vltimo tamen vehementiori igne, ita vt vix tridui spatii operatio hæc absoluaetur, destillentur.

De destillato liquore *ἀκίνητος ἔχω*, vix quicquam in internis viscerum obstructionibus, Hydropi incipiente, in Cachexia, pleuritide, Colica, Epilepsia, scabie, Venenis & denique in Tumore ventriculi præstantius reperiri posse.

Spiritus vitrioli Philosophicus vulgo Cohob Antimonij.

Hoc ipsum quidem multis cognitum hætenus, attamen nihilominus sese habet secundum paracniam, quod nec omnia, nec vbique, nec ab omnibus. Etiam si enim Quercetanus & Zvingerus eius mentionem faciant ; celeberrimum tamen Hartmannus, ni fallor, sub Spiritus Vitrioli philosophici appellatione in primis introduxit, & fere discipulis duntaxat suis pro stomachico commendauit.

Talis autem eius est perigraphæ ℞. Aquæ Floribus Butyri Antimonij ad salia corrosiua eluenda, affusa, iisdemque salibus bene imprægnata, quantum placeat. Destillando à phlegmate libera couse, donec vel liquor acidus subcitrinus, vel nihil quicquam etiam phlegmatis ascendat amplius : Reliquum exime pro Spiritu Vitrioli philosophico, vel etiam quorundam Aqua Mercuriali philosophorum. Potioris hic Hartmanno virtutis

est, quam vulgaris, cum ad metalla lapidesque dissoluendos, tum etiam ad eximios in Medicina præstandos usus. Dosis gutt. 3. 4. 8. 10. contra febres, præsertim stomachales, Luem Veneream, Vermes, pestem, &c.

Haud concinne tamen facturos arbitror, qui propterea spiritus Vitrioli nomine insignitum hunc existimando, quod vitriolata tantum facultate polleat; nullis non affectibus, quibus spiritus Vitrioli alias per se conuenit, nec pluribus, quibus ille haud conuenit, administrare auderent: Non enim Spiritus Vitrioli dicendus hic est, nisi per tropum & analogice; quippe qui nihil aliud est, quam salinorum æquæ (è sale Nitro, & alumine) ac vitriolatorum in salibus post sublimationem Mercurij resitantium spirituum mistura, abluitione producta; Quamuis autem spiritus isti per se sanitati nihil aduersentur, & κατὰ μέρος αἰσθεῖς τὰ πλεονήματα uniusquisque doctissimis quibuscunque satis probetur; animaduertendum tamen, multa fieri conjunctis, quæ non separatis, & è contra; Et multa Methodum medendi ambabus manibus accipere, quæ componendi illa & pathologia plane arguat. Neque hoc non inuentum in Natura dicimus, aut Mineruam sine Iunone, id est, sine exemplo, proprio cerebro parimus; fecimus enim Tartarum Vitriolatum hoc ipso cum spiritu, Fecimus inquam animo, re ipsa, mixtione decenter facta, quiduis potius factum erat, quam Tartarum Vitriolatum; quippe quod ad Medicinam prorsus inutile nedum Chymica profapia dignum. In his igitur & similibus probè Galeni j. de simplic. facult. c. 33. sententia retinenda est: Quemadmodum, inquit, haud secura est, procul à sensu ducta de explorando medicamento ratiocinatio; ita nec ipsius alteri cuiquam permitti usus. Siquidem ipsum per se solum, quod iudicandum venit expendere oportet, &c. Et quod

lib. 2. c. c. 9. habet: Quippè experiri solum oportet, quæ impermissa sunt, & ab omni extranea qualitate aliena.

Ex quibus omnibus liquidò patet: mixtione sæpe naturam medicamentorum aded perueriti, ut injustè faciamus, dum à natura simplicium exorsi, de compositorum virtutibus iudicium faciemus.

Non enim omnia medicamenta, quas facultates habent, actu habent, sed multas in potentia æquè inutiles, quam utiles, quas tum demum exerunt, quando aliis permixta exhibentur. Sæpe enim in permixtis ἀνευδάριτος ἀλληλεγγύη surgit, quæ compositi vires non diuersæ tantum, à simplicibus, sed & pugnautes ac sæpe subcontrariæ efficiuntur.

Sit itaque Spiritus prædictus, vel Spiritus Vitrioli, vel quiduis aliud; eximij sit etiam usus in Medicina contra quamplurimos morbos; ad eadem tamen ipsum cum Spiritu Vitrioli per se concinnato, vel easdem vel potiores virtutes obtinere, quod quibusdam ex Etymologia, aliorumque suggestionem placere posset, nemo mihi persuadebit.

Spiritus Vitrioli Philosophicus alter, vulgò Antepilepticus Basilij.

℞. Viride æris ad placitum, superfuso aceto calido toties extrahe, quoties viriditatem de se præbet. Liquorè per Alembicum abstrahe; Reliquum in Aqua pluuiali solue, filtra & ad tertias coquendo inque cella colligendo Crystallinos, coagula. Residuam aquam iterum ad tertias decoque, donec nulli amplius constiant Crystalli.

Hos in Retorta fortiter destilla; Prodiabit enim Aqua subuiriidis, subnigra quando incipit, cessa; Aquam illam subuiriidem denudè per Retortam destilla per se, & instar Crystalli clarissima destillabitur. Cuius usus in caduco valde nobilis perhibetur, Dosis, in Aqua præparata ad ʒj.

Et huc vsquē *iz imple* de Angeli
SALAE Liquore Vitrioli acido sulphu-
reo.

SECTIO II.

DE AQVIS DESTIL- LATIS.

Varios aquas per destillationem eliciendi modos esse, neque interim omnes omnibus vbiq; conuenientes, nemini non certum arbitror esse. Cum autem ex duplici fine, qui destillatori propositus esse debet, nempe, vt & multum aquæ accipiat, & multæ efficaciam, aliæ aliis palmā præripiant; is ipse verò modus quo Dn. SALA in plerisque vtitur, præ cæteris hoc nomine plurimum commendādus veniat; ab omnibus aliis superfedebo, huic soli in plantarum aquis eliciendis addictus: Vt nimirum è rebus destillandis balsamico tempore collectis, vel per se, confusis rorico Baln. calore humiditas proliciatur; vel per commacinationem cum liquore, pro singulæ naturæ analogia, vel vino, vel propria aqua, vel aqua simplici affuso, succus exprimatur, & ipse postea per B. M. in aquam debito ignis regimine destilletur, quousque Aqua progrediatur. E fecibus sueliciatur, qui & ipse, loco quoddam alij guttas quasdam aceti admiscant, ad depurandas melius & conseruandas aquas inseruire potest. Efficaciores si velis, res nouas ipsis infunde, & post macerationem prolecto succo aquosiori iterum atque iterum destilla. Vel eas ipsas exsiccatas in Alembicum interuentu Craticulæ impone. Sic enim vaporibus transeuntibus non vegetior solummodò virtus, sed & Tinctura aliquando egregia simul enitescit.

Quod verò vires Aquarum stillatitiarum spectat: falsitatis omninò insimulanda est opinio, quæ destillatis aquis eas-

dem virtutes cum Raymundo & Gesnèrparum cautè tribuit, quas ipsa corpora, è quibus eliciuntur, habuerunt, etiam si Matthioli additamento se munierit; atque esse eadem, sed non pari efficacia præditas. Quemadmodum enim pars non est totum, nec Aqua Plantæ cuiusdam tota plantæ substantia; sed vix pars Mercurialis, Sulphure & Sale (excepta, si arcte sumatur, subtilissima & maximè volatili eorum parte) destituta; Nihil autem, teste Fernelio, de abd. rer. causis lib. 2. c. 17. in vlla Naturæ parte est, quod non peculiari, & occulta proprietate vigeat; Ita nec effectus virtutesque totius compositi, puta quæ non nisi harmoniæ & compositionis beneficio insunt, nec etiam singularum partium constituentium omnes exæquare. Aquæ stillatitiæ poterunt.

Hanc ob causam Aqua Menthæ & ocyani, teste Manardo in Epistol. 15. mali potius quàm boni odoris est. Aqua Nasturtij hortenensis (quod ipsum etiam Montanus in Consiliis de Calamentho refert) quod alias linguam sinapi instar mordet, vix leuem calefactionis sensum excitat; Et Aqua Radicis Africanæ, teste Scaligero, pota intra horæ spatium mortem adfert, cum tamen radix illa per se minus vegeti, aut præsentis sit veneni. Vsque aded eadem omninò vis nequit esse destillatorum cum suis integris.

Ais, è purgantibus destillari Aquas purgantes, &c. de quibus suprâ: Benè, purgantes, sed nec æquè, ac ipsa corpora extitere, nec ex omnibus purgantibus. Etiam si enim proprietates formæ toti subiecto immergantur, inque singula vsque segmenta eius penetrauerint: tamen nec vspiam puræ illæ in vlla parte totius seorsum, aded vt & falsum sit, quod de secreto illo Sulphure quidam iactitant) consistunt, nec etiam in omnibus illis partibus à se inuicem diremptis æqualiter. Quin imò totius substantiæ vis & habili-

tas agendi, ita singulis partibus se ad-
ciando imminuitur, vt quod antea toti
vniocē & absolute inerat, jam eo vsque
diuifum vix fecundum analogiam in qui-
busdam reperitur, id est, quod quidem
in omnibus partibus reperitur, in alia ta-
men principaliter, in alia minus, & in-
firmiffimē in Aqua, puta in qua ē stirpe
viridi proleſta humor exuberet alimen-
tarius, nondum stirpis vim omnem ac
propriatatem adeptus. Accedit, quōd
preparationis meritō ex agentis ignis cō-
muniōe nouæ nonnihil qualitatis acci-
pant. Ideoque fieri non poteſt, quin De-
ſtillata nō ſolū in quibusdam facultati-
bus minoris ſint efficacix; ſed plurimas
earundem vel ē nimis tenui vel craſſiori
materia oriundas, &c. penitus amiſerint;
tum etiam planē nouas, & quæ primordia
non redoleant, acquiſerint.

Propterea, quod vſum Aquarum ſtil-
latitiarum attinet, iſ ex præcognitionis
corporum ſimplicium viribus & vſu æſti-
mandus minimē eſt, ſed ſolā experientia
norma & Regula Leſbia iudicandus, iux-
ta quam pro vtentis Medici ſcopo ad
hunc vel illum affectum adhibeantur.

Rhodoſtagma odoratum.

Ne rem actam agamus, loco Aquæ Ro-
ſarum vulgaris hanc compositam eiuf-
dem Salæ ſubſtituimus.

℞. Fol. Roſar. recent. libram j. vel ij.
Santali albi odori, ſtyracis Calamitæ,
Benzoin, Cinamomi ana z ij. Caryophyl.
Ladani ana z j. Moſchi ḡ x. f. puluis, &
facto ſtrato ſuper ſtratum ſtent in ſimo
per Menſem. Poſtea deſtillantur. Vbi
enim ad jubar Solis ita ſteterit aliquan-
diu, fragrantior erit quauis alia.

Aqua veronica.

Si ē Veronica contuſa inque Vino
macerata ſuccum extorques, & deſtil-

lando herba ſicca iuxta Roſtrum Alem-
bici interpoſita, Aquam eliciſ, multarum
erit virium cum per ſe, de quo Libanius,
tum cum aliis etiam. De quo Angelus
Sala in Ternar. Bezoard. Inprimis mira-
bilis eſt ad vlcera lauamenti ratione, quæ
Chironiis ſerē deteriora, præſertim in
pueris, inde ſanata eſſe, ſæpē his annis
expertus ſum. Cum ſaccharo in variolis
puerorum exhibita, maximē vbi ſeminis
Napi drachma immacerata fuerit, egre-
gie conſert.

Aqua cichorij herbe & radicum.

℞. Herbarum & Radic. Cichorij, am-
barum debito tempore collectarum q. v.
Tuſis & minutim inciſis affundatur pro-
pria aquæ q. ſ. & poſtquam per triduum
vel amplius macerata fuerint, donec nem-
pe tumere incipiant, coquantur parum;
poſtea exprimatur ſuccus ad deſtillatio-
nem vtilis.

Aliàs ex floribus ipſius itentidem præ-
paratur in Ophthalmia & plurimis oculo-
rum affectibus aqua valdē inſignis & ſe-
creta, hoc modo.

℞. Flor. Cichorij Sole in principio
Leonis exiſtente recenter collecto-
rum. q. p.

Inde in Vitrum fortiter concutiendo,
poſtea oriſicium diligentiffimē clau-
& circumcirca farinam ad panem pinſen-
dum ſubactam applica trium quatuorue
digitorum craſſitudine. Stent in Cliba-
no; donec panis eximatur, & inuenies
aliquando Flores tantū in ſe collapſos,
attamen rubicundo liquore, tinctura ſci-
licet producta ipſorum, plenos. Hanc
tincturam fortiter expreſſam, vel per ſe
ad vſum mox iſtanteſ ſerua; Diu enim
conſeruari non poteſt; vel per Alembi-
cum in Cineribus deſtilla, (potes idem
commode perficere cum floribus ſimul)
& Aquam habebis Ophthalmicam ad
oculorum plures affectus, calidos præſer-

tin foia illinitione vtiliffimam. Quæ eodem modo & ad idem, Flores Calendulæ in Aquam (quæ aliàs in vitro vitta muliebri crinali interposita, per insolationem, ad oculos, membri virilis & mammarum dolores præparatur, redigi posse existimo.

COMPOSITÆ inde Aquæ istæ fiunt variis modis: vt, quæ inter omnes alias minimè contempnenda est.

℞. Tutia octies vel decies in vino resincta, & in puluerem redacta.

Camphoræ mediante oleo oliuarum puluerisata ana ℥ j.

Aquæ Flor. Cichorij.

Rosarum ana ℥ ij.

Misce.

Valdè conducit in calidis oculorum fluxionibus, Ophthalmia, nubeculis, suffusionibus &c.

Aqua spermatis Ranarum.

℞. Spermatis Ranarum circiter Martio & triduo ante Nouilunium collecti, (sic enim non tam facillè fatet aqua inde destillanda) q. s.

Destilla per Vesicam, ignem moderate adhibendo, ne superebulliat, & reserua.

Infra corpus à quibusdam vtiliter assumitur in febribus ardentibus; sedat enim dolores & ardores mitigat. Cum phlegmate Vitrioli mista multum confert Ambustis.

Contra hæmorrhagiam etiam, præsertim cum Myrrha, Croco, & Camphora incorporata, ex Crollij præscripto vtilissima est.

In castantillum aluminis soluat, doloribus podagricis, linteis madefactis commodissimè applicatur.

Experientissimus Angelus Sala vititur in prænimio ardore pestis, item in clysmatibus contra intestinorum calorem. Vide Ternar. Bezoard.

De crudi spermatis Ranarum vsu ad hæmorrhagias, quod eodem ferè modo, si nimirum tibialia inde constent, in Erysipellate efficax est. Vide Experimenta Fernelii. Quoniam verò in se Mercurium habeat cum Saturnina quadam proprietate, qua membrum, ipsumque malum quasi mortificatum iri metuendum, cum Decocto Myrrhæ & Olibani laudabilior existit eius vsus.

Aqua spermatis Ranarum Antipodagrica.

℞. Spermatis Ranarum, Mense Martio circa Nouilunium collecti. ℔ iij.

Stercoris bubuli recentis, ℔ vj.

Misce, stent per noctem. Postea destilla & serua, calidiuscule membris affectis applicata in petiis, dolores foeliciter sedat in podagra calida.

Aqua spermatis Ranarum antipodagrica altera.

℞. Aquæ Spermatis Ranarum ℔ ij β.

Vrinæ Adolescent. ℔ iij.

Theriacæ recentis ℥ ij β.

Vitrioli albi

Salis, Alumini ana ℥ iij.

In aquâ inde per arenam destillatis misce Salis Vitrioli ℥ j β.

Camphoræ

Croci ana ℥ j.

Exteriùs in petiis applicata, quoties resiccatur, eousq; donec & dolor & tumor cessent, eximie antipodagrica est.

Aqua Theriacalis simplex.

℞. Theriacæ Venetæ, ℥ iij.

Aquæ vitæ rectific. ℔ j.

Misce, stent per aliquot dies ad digerendum. Tinctam aquam decanta, & recentem affunde, donec non amplius tingatur:

gatur : & ita serua ad vsum, quiegregius est ad sudores eliciendos in peste, ictero imbecillitate Vētriculi, Catarrhis, Hypercatharsi, vermibus &c. De qua passim Angelus Sala inter Bezoard.

Dosis cochlear. j. vel dimidium. Non nemo hac ipsa à Podagra, quam aliàs sæpè est perpeffus, sese fœliciter præseruat.

Aqua Theriacalis frigore destillata.

Aquam Theriacalem appellare lubet, non propter Theriacæ ingressum; sed quod cuncta, quæ Cor contra venenum stabiliunt, ac illud lætius reddunt Theriacalem, vt ita dicam, vim sortita fuere, quibus & hæc annumeratur.

℞. Spiritus Vini opt. ℥j.

Camphoræ selectæ ʒ. sex vel septem.

Croci ʒ. β.

Sacchari essensificati in quocunque liquore liquabilis ʒ. iij.

Misce, solue, & per Chartam bibulam destilla. Ita tenuissimæ partes, quæ à minutissimo etiam foco fugarentur, protestantur; Et maxima cum vtilitate à gutt. ij. ad Coch. j. β. in peste vsurpatur tam prophylacticè, quàm therapeuticè, & hîc per se datur ad sudandum; illic singulo die cum pane, iusculo, vel aliis appropriatis.

Egregiè etiam conducit hysteriis, & febricitantibus febribus lentis, vt Quartana & similibus.

Aqua Theriacalis Composita.

℞. Theriacæ Andromachi Veteris ʒ. v.

Myrrha rubæ ʒ. ij. β.

Croci Orientalis ʒ. β.

Spiritus Vini opt. rectif. ʒ. x.

Mixta in B. M. lentissimè destillantur, vt vix ʒ. vel 4. dierum spatio totum

Ang. Sala.

extilles, camphora in Alembicum ad drachmas duas interposita.

Tandem cessante destillatione hoc eodem ignis gradu calor augeatur ad ebullitionem Aquæ in B.

Finito hoc opere per Cohobia denuò repetere, idque tertia etiam vice, & Voti compos eris.

Oleum Theriacale, quod ad guttas aliquot progreditur simul, per infundibulum secerne, & ceu preciosissimum reserua contra pestem & plurima venena.

Aqua verò à cochlear. semis ad integrum valde salutaris est in venenis, febribus, quartana, ictero Vermibus, &c.

Angelus Sala supra ad extra&ti Ellobori ferociam compescendam adhibet, nec id immeritò.

Etenim illic à Theriacæ restagnare laxiorem alui effusionem, vimque purgatricem remediorum domari, experientia & ratio satis ostendunt. Est enim purgatrix vis vehementior, media quædam potentia inter alimenta & venena Naturæ, Galenò teste, noxia, vasa debilitando, oscula laxando, mordicandoque. Quibus singulis Aqua Theriacalis potenter resistit. Deinde pharmaca à peripheria ad centrum succos & spiritus abducunt. Theriacæ autem vis properat ad cutem, & per eam excrementa corporis exigit. Gal. II. de simpl. facultat.

Cum Spiritu Tartari & Vitrioli debite maritata quid præstet, præsertim in antiquis viscerum obstructionibus, inque Melancholia Hypochondriaca, quia supra prolixiùs tradita à hoc in loco merito prætereo.

Aqua Tartarifatâ.

Aquam Tartarifatam cum nonnulli percipient me notis jam explicaturum, arre&is procul dubio auribus stabunt, expectando, quoniam extrahendis pur-

D d d d

gantium viribus idonea perhibetur, si qua fortè de modo illo Beguini in Tyrocinio Chym. p. 107. obscurè attactò, tincturas nempe, omnemque vim Catharticam spatio quadrantis horæ è medicamentis purgantibus absque vilo calore externo, aliaue re minerali eliciendi compendiosiori interpretaturus sim; Idque secundum Marpurgensium quorundam Studioforum sententiam, per Oleum Tartari Mercuriale, per deliquium paratum &c. Neutiquam verò; Ea quippe Beguini ratio longe alia est, & longè diuersa ab illa indaginis; Menstruum, inquam, subtilissimum, simplicissimum, temperatissimum ex simplici Aqua pluuiali, vel Majali rore in locum spiritus Vini, aliarumque aquarum, quæ nec facilè nec purè, nec sine salis Armoniaci purgantis spoliatione ab extractis purgantibus separantur, surrogandum.

Prout ipsamet Beguini altera Tyrocinij longè melioris editio à me in Gallia apud ipsum Authorem tum temporis mortali morbo confixum visa, breui fortè declarabit.

Quid, inquit, quod ab instillatione olei Tartari mox contingat, extractum Medicamenti colorem foras apparere. Ad id ergò muneris perficiendum in extractione purgantium, quod illo facilius reperietur? Verum à coloris mutatione ad extractam iam facultatem argumentum valdè arenosum est, & imbecille. Siquidem Magisteria colorum causas sæpè abstrusas habent, quæ non imperitis solum imponunt, sed & sagaces valde ludunt.

Veluti, quòd Spiritus Vitrioli tractione per chartam emporeticam rubicundior euadat; Quod Aqua à Spiritu Vini scammoniato vel Guajaci Sulphure vapidò; vt & aceto sale Saturni imprægnato &c. injectis lactescant. Quod vel vnicà tantum guttula olei Caryophyllorum alteriusve aromatis, in corro-

sivam illam Auri solutionem, antea Citrinam, dimidio quadrantis horæ totam ferè mensuram rubicundam reddat. Sic lapis ille Lunaris de quo inferius, si cum Auro soluto injiciatur instar atramenti nigerrimus euadit: Taceo inexplicabilem tincturæ rationem esse, quod Aqua regia Auro satiata faciem rubedine sanguinea inficiat; Aqua fortis verò argenti plena nigredine; Quòd aqua in qua ebullierint gallæ perspicua, mista aliæ calcantinas ilicò nigerrimæ euadant.

At nihilominus inficias ire non possum, Menstrua non satis acuta ad purgantium viscera vsque & breui subeunda, olei Tartari guttis quibusdam, vt & sale sæcularum vini, spiritu mellis, aliisque rebus mineralibus commodè exasperari posse. Et hanc eandem ob causam Angelus Sala quoque in defectu altioris illius menstrui locoque olei Tartari, meritò Aquam suam Tartarisatam ad purgantium succos foras extrahendos adhibuit. Eaquetalis est, opinor, quæ infra, vbi de Tartari preparatione, à Tartaro depurato inque Crystallos redactò purior remanebit superstes. Non inutilis præterea ad obstructions stomachi, lienis & renum est, si ad cochl. aliquot cum iuscule quodam exhibeatur. Imò potest & illa esse, in qua Tartari depurati portio tantum soluta seu liquata fuerit.

Aqua Cinamomi.

In Aqua Cinamomi destillanda multivarias Operariorum Chymicorum industrias videmus, quorum quidam hoc, quidam alio modo destillationem perficiunt, vt semper toties centenas opinionum vanitates, quoties semel veritatis vsuram capiemus.

Multi Cinamomum cum vino generoso superfusum destillant; Attamen inde lactescens & subjugalis aqua, parumque olei. Quoniam oleum virtute Spiritus

Vini propria per totam aquæ molem adhuc dispersum est, ac discontinuatum; Quod inde patet, quia Spiritus Vini per digestionis diuturnitatem ab Aqua Cinamomi exhalante, oleum & copiosius & clarius redditur.

Hoc autem Angelus SALA in sua Aqua Cinamomi non curat; Quin imo benè gnatus, quando vel Spiritus Vini excipiendus venit, vel aqua Cinamomi &c. Vel etiam artificij ipsius peculiari menstruo Oleum ab aqua separandi &c. sequentem proficitur modum.

R. Cinamomi opt. Confracti q. v. superfunde Spir. Vini p. ij. Aquæ pluuiialis p. j. Stent aliquandiu, postea per vesicam destillentur.

Ex hac aqua præter simplices vsus, auxilio Tincturæ Santali croceati & sacchari, adjecta aliqua Alkermes particula Elixir paratur visu jucundissimum, vsu excellentissimum.

Aqua Æsculapij.

Iohannes Baptista Zapata in Med. mirabil. c. 13. Aquam Æsculapij miris modis deprædicat ad pestem, Epilepsiam, aliosque capitis, ventriculi, jecoris, lienis & Renum difficillimos affectus, & quod possit omnia, quæ Lac Virginis potest, cuius vsum in Chirurgia eodem libro luculentius prosequitur.

Descriptio ibi habet: quòd in vesicam intus stanno oblitam immittatur acetum, tertia parte vacua, & per Alembicum plumbeum Aqua dulcis, aurei coloris, vsque ad corrosivam sæculentiam, quæ statim exhaurienda, ne vas lædat, destilletur.

Verùm inter SALÆ experimenta id nominis habet, quod sequitur;

R. Aceti fortissimi q. v.

Destilla per campanam plumbeam, fietque dulcis liquor.

Dosis ab ʒß. ad ʒij. vel iij. Operatur

per sputum & vomitum, multum phlegmatis euacuando & in morbo caduco, vbi duobus vel tribus ante Nouilunium diebus bibitur, spiritus effervescentes sedat, velut arcanum longè maximum, & quod nominatim Filiolo Symphonistæ Basileensis Epileptico sanitatem conciliavit.

Aqua Aluminis.

Aquæ Aluminis Rochæ supr. cap. 2. Ternar. Bezoard. factam mentionem in rem præsentem perducimus sequentibus:

Præcipua autem ex Alumine Chymicè paranda medicamenta, quatuor nobis data sunt:

Aqua, Magisterium, Saccharum & Sal fixum Aluminis.

AQUA talis est: R. Aluminis Rochæ puluerisati q. s. impone Cucurbitæ & lento igne, ne Spiritus acres qui quidem ab aliis vsibus penitus proscribendi non sunt, sequantur, per arenam destilla, & quæ egreditur aqua, phlegma, seu Aqua Aluminis vocatur.

Vsus ipsius *ex nō sèper* dirigitur ad siccandum, mundificandum, adstringendum & refrigerandum. Ideoque variè scopis inseruit Chirurgicis ad vulnorum sanationes, eorumque symptomata.

Magni aliquibus æstimatur in omnis generis febribus, vbi quoque Spiritus ipsius interuentu major videbitur *experire*.

Neque decipiuntur, credo, effectu. Quippe clarissimorum Authorum auctoritate constat, Aluminis crudi drachmam semis cum Aqua Centaurij vel Tabaci in febribus intermittentibus præscribere licere, quum nimirum plus milles id felicissimè successerit, vniuersali aliqua, inprimis ex Antimonio peculiari industria ad id elaborato, purgatione præmissa. Sic Author noster in decocto refrigerante contra ardorem magna

cum fiducia exhibet; Et Fiorauanta Capr. Medic. lib. 2. cap. 10. Aquam, regiam dictam, cuius basis & hæc Aqua Aluminis est, in dentium & Gingivæ putredine & nigritie, inque febribus scrupulari pondere sæpe sapius probatam proponit.

Magisterium aluminis.

Paulo aliter *ἰχθύνος* sese habet; dum ad Magisterium Aluminis adniti-mur.

Sumitur Aluminis purissimi & pellucidi pars quotacunque, in vesicam bubulam, suillam aptè componitur, & sic in aquam feruidam immergitur, donec alumen contentum lique scat, inque liquorem penitus conuertatur. Liquor filtro depuratus destillatur per alembicum, cucurbita breui in cineribus posita, ad siccitatem vsque materiæ seu remanentiam Capicis mortui. Quod ipsum denuò prædicto modo in liquorem soluitur, destillaturque. Idque eousque repetendo, donec tota Aluminis substantia, saltem reiectis inquinamentis alembicum transcendit.

Stypticum hoc *μυρὴ ἀδέντων*, *μυρὴ ἀδένων* est; imò inuentum haud reiectitium quod vix Essentia Ferri, Boli, Acaciarum, Spertiola, aut quocunque hac in classe præclari nominis est, ne Iaspide quidem ipsa inferius; Quibus etiam partim hoc arte vnitum Specificum Stypticum vel non, à Theophrasti illo (de quo libr. de Specificis) aliud, vel parum dissimile redditurum haud leui conjectura nitor.

Aqua Aluminis fixi.

Si non tam ordinem ab initio nobis præstitum, quàm rem ipsam jam sub manibus habitam respiceremus, de Saccharo Aluminis pauca hic præfari, non vsque

adèd *ένος σπύρος* foret. At verò satis superque de his Paracelsus, Libanius & alij. Ideoque progredimur iam ad Medicinas non minus nobiles ex fixi Aluminis sale præparandas. Prima arcanum in primis est contra Ischiadem; Altera contra ariduras, & membrorum diminutiones.

Aqua contra Ischiadem arcanæ.

℞. Aluminis Rochæ, q. v. solue ad ignem vt phlegma & spiritus exhalent, (vtrumque vrgentiori phlegmatis superioris destillatione obtineri potest.) Terram, quæ in fundo residet, aqua communi solue, & filtro tractam euapora. Reliquum Sal Aluminis fixum collige. Hujus

℞. Vncias octo, salis fusi subtiliter triti ℥j. Misce, inque tigillo luto firmiter clauso, pone ad ignem Reuerberij intensissimum duodecim horas, Materiam porrò exemptam separationis causa in Aquæ fontanæ mensuris quatuor infunde. Pars, non soluta quæ relidet, fiat pulvis; quæ verò soluta in Aquam abiit, aquam filtrando constituit contra Ischiadem arcanam. Modus vtendi est, vt ea ipsa locus dolens totus calidè illiniatur & fricetur primò, postea præcedentem puluerem misce cum oleo Laurino, quo idem locus semel in die ad vigesimum vsque diem vngatur. Insuper

℞. Prædictæ Aquæ p. j.

Verbenæ

Centaurij ana part. iij.

Coque in Aquæ communis q. s. adinsessum, eoque vtère decrefcente potissimum Lunâ, quater vel quinques, singula vice horam vnâ vel alteram.

Tempore Balnei verò hanc potionem ordinariam habeas:

℞. Rad. Caryophyll. ℥j.

Calami Aromat. ʒij.

Summitat. Centaurij ʒj β.

Veronica 3j.

Absinthij 5vj.

Cinamomi 3ij.

Infunde in Vini libris circiter octodecim, & seruetur pro potu.

Aqua Arcana contra Ariduram.

℞. Pulveris Aluminis ab infusione Aquæ, ut supra, residui q. v.

In cucurbita superfunde spiritus Vini rectificati ad supereminentiam duorum digitorum, stent aliquandiu, donec ad prædictum morbum, cuiuscunque generis ille sit, opus habeas. Est enim, cum vtilibus vnguentis mixta, siue illa ex oleo Laurino, siue Axungia humana, &c. composita sint, & postmodum membro arido, bis terne affricta, nullo ad nodos Lunæ habito respectu, longè præstantissima. Vnctione enim hoc modo facta, membrum, absque dolore tamen, in tumorem attolli incipiet, & fotu ab exuviis vulpinis, feliis, caninis, &c. continuo sequente, breui penitus, restaurabitur.

Aqua Lumbricorum per sex

Huius Dn. Sala supra in Ternario Bezoard. cap. 18. ad Vnguentum Antiparalyticum mentionem facit. Ideoque & illa huius loci est; Non propter conficiendi, difficultatem, sed quia occasio simul erit, arcanarum, quas habet, virtutum monumenta memorie suspendere. Estque talis:

℞. Lumbricos terrestres rubeos, qui in agrorum versionibus potissimum videntur qu.

Purga bis terue, prout nosti, per muscum arboreum. Quidam Brassicam rubeam aliquandiu deuorandam præbent. Postea ciba cum vitello oui ad duritiem cocti, donec quod breui fieri solet, lusi euadant. Tandem vitro angusti orificij inditos, & massa panis iam coquendi

inuolutos in clibano cum pane simul coq; donec panis eximendus veniat. Inuenies eos in Aquam conuersos elegantem. Fæces subsidentes separa; Aquam verò ad plures affectus haud contemnendam ferua.

Dicata inprimis est neruis & articulis roborandis, eorumque vulneribus mulcendis glutinandisque. Hinc etiam membris paralyticis & aridis inunctione confert, præsertim vbi magis penetrantium, velut Vnguenti Bezoardici nostri, vel Aquæ Magnanimitatis consortio adiuuatur. Nobilissimus tamen vsus ipsius est in Hydrope, adeoque meritò Specificum Hydropicum prædicatur, cuius nimirum exhibitio, ad cochl. f. cum Syrupo Cinamomi, sæpius repetita rarò infructuosa existit.

Similis lumbricorum terræ strium vsus est, quando ab aliquibus in Aquam destillantur, eaque mane & vespere ad cochl. ij. assumitur; vel quando decoctum ex iis concinnatur cum Cereuisia, cui denique calamus aromaticus in debita quantitate incoquitur, singuloque m. & v. plurium septimanarum spatium assumitur. De quo vide *ισπάρ* Clauseri. Si quis tedium capiat ex vulgari vermes hosce fossionibus insectandi modo, is capturam eorum capessat ita: In aqua simplici Vitriolum soluat, quantum absque igne poterit; hac aqua Terram superfundat, in qua ipsos cuniculos suos agere putabitur: sic abundantia eorum longè major cum nonnulla videntium admiratione suppeditabitur.

Liquor Oculorum Cancræ.

Huius supra cap. 26. Ternarij Bezoard. Traumaticæ mentionem fecit Author. Ideoque nos *εὐρηματός*, quod de oculorum Cancræ verè medica præparatione nobis constat, spongiæ incumbere haud volumus.

Lex κατ' οὐτὸν vero de liquore tantum hoc in loco libertatem concedit, quem variè docent Magistri. Quidam antiquarum essentiam extrahunt, lapides Cancrorum calcinant in Reuerberio.

Hi autem quia crustacea non egent calcinatione, superflue laborant, cum sola laeuigatio ad eandem intentionem sufficiat. Quidam menstroo variant, & iam Spiritu Vitrioli vtuntur; iam Spiritu salis, ex quorum mistione tamen nauseabundus prætimendus sapor; iam Tartari oleo per deliquium facto, de quo tamen experientia me fecit dubitare; iam aceto non destillato vt Author noster, iam destillato, iam vino; iam Hydromelite vinofo; iam succis acidis, & aliis. Omnes autem in hoc conueniunt, vt acerbis solutionem tentent. Nec sua cuique sine causa, stat, arbitror, sententia; prout scilicet vel ad hunc magis respexerint morbum, vel ad hanc Naturam, quibus vtrunque Medicum intentum oculum habeat, oportet. Sequitur ergo & ratione & experientia modus comprobatissimus.

Liquor Oculorum Cancri Nephriticus.

R. Oculorum Cancri tenuissimè puluerisat. ζ j. β .

Aceti destillati oleo Tartari alcooli-
fati ζ ij.

Misce, inque B. vel eius vicario, septimanam vnā vel alteram digere, Decapulatū liquorem spatio viginti dierum in matraccio lento igne coagula, indeque tere in puluerem tenuissimum. Denique Spiritu Vini dilactetur ad Essentiæ Tincturæ modum; qui vel liberaliori dosi ad vsum seruetur; vel cōsque in B. abstrahatur, donec liquor maneat austeriusculi caloris. Vel denique vltimò cum optimo Spiritu Vini digeratur, abstrahaturque fortiter in Cineribus, donec fixum fiat volatile, id quod addita Salis Vrinæ volatili aliqua parte, factu sine dubio faci-

lius. Vbi enim Alcool vini fermentatum est, cum virtute lapidum sapius antea solutorum & coagulatorum, vim resoluedi calculum hominis adipiscitur non vulgarem; Quemadmodum Alcool vini fortificatum cum Tartaro, Auro & Corallis, Aqua cum sale Calcis vinæ, ex Antimonio rubedinem, tincturamve certò extrahere possunt.

Et ad eundem modum puluerem Ludi seu calculi humani, & lapidum Cypri-
norum in liquorem redigere licet, quorum guttæ perpaucae in aquis appropriatis exhibitæ calculum Renum & vesicæ efficacissimè solunt & expellunt.

Dosis prædicti liquoris est à gutt. paucis ad cochl. f. in Aquis petroselinii, Ononidis. Genistæ, &c.

In Lithiasi, Nephritide, hydropo, Ischuria, Dysuria, obstructione mensium, &c.

Dn. Sala quamvis rudius paratum cum Diasoli, præsertim vbi ad inflammationem prohibeendam venæsectio præmissa fuerit in Casibus & contusionibus internis vtilissimè exhibet. Alioquin ad eandem valet cum Aqua Cerefolij.

Aqua Ophthalmica.

Aquæ Ophthalmicæ Vitriolatæ ab Authore Emetologia cap. de Sale Vitrioli occasio sunt, quod & nos hoc in loco & de argumento ipsius, & de Aquis ipsis pauca.

Argumenti causa notandum Mischymicorum gratia, Dioscoridem lib. 5. c. 74. Vitriolum tam crudum vt exulceret, & erodat, ex aqua potum venenosus fungis opponere, & latos alui lumbricos eo ipso enecare; Oribasium adfirmare, quod per superiora purget, sudoremque moueat; Alexium Pedemontanum eodem fauces angina pressas colluere; Gesnerum vix Medici persona dignum iudicare eum, qui oleo Vit. ioli carere se posse

existimet: Horatium Augenium scribere Vitrioli oleum ad febrem pestilentialem sanandam esse Medicinam quæ non habeat parem; Capiuaccium cum Gal. c. 2. lib. 4. κατ. το. in vngue oculi ascendendum suadere ad Collyrium ex Attramento sutorio; imò haud absolum esse, confugere ad oleum ex Calcantho cum lacte correctū.

Et denique quod in Medicinarum viribus æstimandis Medici, teste Galeno, propriis finib. excedere minimè debeant id est, velut alibi dilucidus explicat, omnia rationum nimis physicarum præcipitia fugere, & medicamenta non qualia in sua Natura & per se, siue metallica sint, siue alia; Verùm quid in nobis & vbi efficere possint, exquirere; Atque si huius meminimus, certissimam omnium & iunctis saltem paucis quibusdam epilogismis sufficientissimam esse iudicatricem experientiam, quam qui derelinquunt, atque aliunde ratiocinantur, (quandoquidem & secundum Hippocratem καὶ ἐξ ἡφαιστὸν καὶ ἀπὸν διδασκαλῶν) non solum falsa pro veris ducere, sed & omnem tractationis utilitatem destruere, &c. De Aquis autem Ophthalmicis Vitriolatis plurimi plurima; veluti Gal. 1. 2. & 3. de facult. facillè parab. & Quercetan. Riuerius, Plate-rus, Heurnius, &c. passim.

Inprimis Crollius duo Specifica Ophthalmica ad omnes oculorum affectus valdè prædicat, quorum alterum, quia obscurè descriptum, Alterum verò omnium affectuum ocularium indicationes minimè explet, sed partim materia duntaxat est remedijs requisiti, non indicati, propter aquas & alia oculis specifica proprietate dicata, partim ex Auicenna, & cap. 2. lib. 4. κατ. το. Lippitudini, hypopyo, sugillationi & strabismo, quod pacenti viri dixerim, parum conueniens, meritò sequuntur Ophthalmicum Crollij explicatum, & quæ alia Oculis valdè dicata, non sine prece & pretio, ad manus mihi peruenerunt.

Ophthalmicum Crollij explicatum.

Mirum illud stupendumque Crollij Ophthalmicum è Cancris & Chelidonio debito artificio & tempore preparandum, quomodo non tam sordidis promissis ad credulum illaqueandum, quam reipsa agrotum ab infirmitatibus redimendum vsurpari debeat, faciem haud obscure lucentem Clariss. Dn. Petrus Nosol. Harmon. dissertat. 21. ob oculos nobis exhibuit. Affirmat enim fieri illud ex Chelidonio & Cancrorum succis depuratis & conjunctis & ex B. destillatis. Ad hoc ideoque prolixius percipiendum.

℞. Succis Flor. & Fol. Chelidonioj major. verno tempore collecti, in B.M. ad sufficientem depurationem vsque digesti.

Succi Cancrorum fluuiatilium ritè expressi ana.

Misce, inque Balneo destilla ad vsum.

Eodem tempore puluerem confice tenuissimum, è Cancro in Clibano exsiccato, & incinisculo succretum vt tactum effugiat, serua.

Vsus est ad oculos desperatè læsos eorumque vulnera eodem modo, quo puluis & Aqua prior Crollij ad nebulas.

Aqua Ophthalmica Hartmanni.

℞. Vini albi opt.

Aqu. Rosar. odoratiss. ana ʒij.

Sacchari Candi albiss.

Vitrioli albi purificati ana ʒ iij.

Misce; postea ex hac aqua tamdiu supercotentem Zinziberis digitum vnum tere, donec in Aquam absumatur.

Colaturæ per chartam emporeticam institutæ, adde spiritus Vini, in quo Camphoræ drachmam vnam solueris, cochlearia duo. Sic demum promenda

visui, in multis oculorum affectibus velut suffusione, Ophthalmia, Epiphora, Rrhade & vbiunque adstringentium, reprimentium, detergentium & attenuantium indicatio est.

Cæterum quod è Vitriolo Venetis per vaporem vrinae pueri *ἀφ' ὧν* arte extracto, in Anglia Clariss. Dn. Daniel Mollerus Londinensis practicus mutuo mihi communicabat, Vnguentum sine cera & oleo vinctuosum, sine colore, caelestino colore coloratum, in Ophthalmia & suffusione seminis sinapi magnitudine in Oculum indendo efficacissimum, & Galeni etiam Authoritate lib. 1. 2. 3. de faciliè parabilibus comprobatum, etiam si cum prædictis probè affine, quia tamen Classi liquorum parum conuenit, in alium locum haud immeritò rejicimus.

Aqua Magnanimitatis.

Superioribus propter assertiorem in Ternario Laudanorum allatam quod Opium Turcis animum masculum & fortem reddat; non apponere hoc sequens non potui. Præsertim quia ab aliis studio pressum, non gregatim turmatimve, sed viritum duntaxat, & singulis data acceptaque fide proponitur.

Aquam Magnanimitatis nuncupo, non propter Martialem aut heroicum, sed propter Medicum eius duntaxat usum, quo & ægro & Medico desperatis animus sæpe redit. Qui autem animo eo ipso inexpugnabilem armaturam ad quævis pericula conciliari scribunt, simillimos præconibus habeo, qui notas & bonitatem fugitiui mancipij, licet ipsi non viderint vnquam, præconio tamen publicant. Notas enim ab aliis, qui norunt, accipiunt, & ceu cantilenam proferunt, vt si forte is, quem præconio indicant propè adlisteret, agnoscere tamen non possent.

Bibi enim & ipse aliquoties illam aquam, & aliis bibendam propinaui, be-

nè quidem habuimus inde, vt opinionem de eius confortante natura medica præcōceptam non dereliquerimus; animo autem vtrinque neque audaciori, neque ad mala perferèda obfirmatori facto, Achillem seu Martialem ipsius usum planè nullum percepinus.

Nec me mouent historiae de inusitato illo Maximiliani primi Imperatoris Rubricapras infectandi aut aliud quid suscipiendi studio & ardore, cuius memoriam, Crucifixi Seruatoris imaginem prope Cyrillum pagum trium duntaxat horarum itinere ab Oeniponte in sublimi rupis pariete ipsemet ex Italia redux vidi: Peccatur enim vel Elenchi ignoratione, vel Elencho non causæ vt causæ; Non enim historia narrat; Imperatorem aquam illam in usu habuisse; & quamvis habuerit, vt Alexander Magnus fortè caseum, quis non indubitato affirmet; Omnes illius res gestas vel innatam, vel longo usu comparatam animi præstantiam fecisse, non misellam hanc Aquam. Nec enim leue est in iis, quæ sensui apparent, & in propinquo posita sunt, discernere, quod ex se est, & quod ex accidenti peruenit; ne dum in iis, quæ interna, & animum hominis & rerum occultas proprietates conernunt.

De signatura his bestiis diuinitus ad id impressa, parum attexere Assertoribus huius placet; quia omen est, nullam eam subesse: Fors illa placet: quod Formica animal sit ad nocturna, & extra patriam gregatim, & cum periculo sæpe expediunda negotia valdè audax & arduum? Quid autem, quod Gal. 11. de simpl. fac. aduersus metum vtiliter edicerebrum leporis velit? Præstat ideoque à talibus coniecturis recedere, vt potè quæ iudicium ad sensum haud refererunt, neque ex propè positis aut vicinis, sed è longinquo, & longis lemmatis rationem colligunt.

Denique si aqua illa tam præstans animi

animi confortatiuum folet, vt vix vna aut altera hora vti scribunt, antequam periculum adoriantur, vtentes tali Metamorphosi afficeret; neque iuxta medium potius cum aliis confortantium materiis confisteret, non certè tanta de facultate ipsius, num tanta & talis sit, controuersia incidisset; sed vti de Cicutæ, Mandragoræ, ignis & piperis viribus nemo ambigit, ita quodd Aqua Magnanimitatis è timidioribus Heroë, faceret, vno ore omnes faterentur.

Apollinei ergò non Achillei vsus causà hoc in loco prapare, & pingui satis Mineruà docebinus.

℞. Formicarum ollà intus melle imbuta, vel patina ex orichalco cum bacillis, (de quibus in cumulum formicarum impositis tanquam senes de Ponte præcipientes dentur, in Spiritum Vini) collectarum suff. q.

Superfunde adhuc Spiritus Vini genialis illius Roris à Vulcano lustrati, tantum, quantum opus est ad supereminentiam. Digere vase clauso, donec digestionem & putrefactionem consummata in liquorem abierint. Quod vt fiat Magnæ Matris filio, id est, Balneo Mariæ exponito, aut Saturno cuiusdam calido, id est, Fimo deuorandas deponito. Deinde destilla per idem Balneum, & liquori sic à Vulcano iterum perlustrato, tantum, quantum satis esse videbitur immittito Arboris infæcundæ, quàm è Zeilan & Mutir Moluchorum aduehant, condimenti amœnioris ergò, & in vase vitreo diligenter clauso ad vsum custodi.

Per arborem infæcundam intelligo Cinamomum; in Zeilan enim nascitur in Cinamomum, & in Mutir vna ex Moluchis; Nullum gerit fructum. Inde in duas species Cannellam partiuntur; Zeilamitam, & Mutiream, ex Scal. exerc. 144. sect. j.

Vsus est: si species conf. Anacardinae ad faciendam extractionem addantur, & Ang. Salæ.

dosi 4. vel 6. guttarum in Aqua Lauendula, vel quotidie, vel sæpius in hebdomade exhibeatur, Extractum liquidum erit ad memoriam insigniter iuuandum.

Mirabiliter etiam atrophiam pellerè perhibetur, si cum pane tosto ter quater in septimana exhibeatur, & interea toti corpori vel partibus exuiccis inungatur; Promouere item conceptum, & Lepre curam; & liquoris antequam destilletur cochlear j. contra calculum prodesse.

SECTIO III.

DE OLEIS.

Olea Aromatum & Seminum odoratorum, veluti Caryophyllorum, Nucis Moschata: baccarum Lauri, Cardamomi, Cubebarum, piperis, granorum Paradisi, Seminum Anisi, Feniculi & similia.

℞. Aromatum vel seminum exsiccatorum q. s. ad implendam vesicæ medietatem: Contusa macerentur per aliquot dies in Aqua fontana, vel Vino pro cuiusque natura modoque substantiæ, in loco tepido, vt liquor infusus quinque vel sex digitis materiam excedat. Destilla, vt moris est per vesicam cum refrigeratorio, igne non interrupto, horas circiter sex pro materiæ multitudine; & non solum Aquam sed & oleum prolicies.

Seminum grosso modo contusorum singulis libris in vase ligneo, addere expedit Tartari & Salis ʒj. & macerari cum Aqua feruente per aliquod tempus indies agitata materia, & si opus est, aqua denuò superfusa. Destillabitur ita, dum vix duas partes aquæ prius affusæ

Ecce

receperis, Aqua & Oleum, quantum optaueris, & vbi aliquandiu steterint, rectè separabuntur.

Oleum Cinamomi.

R. Cinamomi opt. lb j. (Hartm. ex Cassia lignea præstantius sibi promittit oleum) contunde minutim extemplò intermiscendo, idque per quatuor vices, Olei Amygdalar. pulc. lathones quatuor, & parum vini Rhenani, vt scilicet humectetur aliquantisper. Stent per noctem & diem, donec humiditas penè euanescat. Vltima tamen vice humidior massa fiat, & digeratur vitro clauso ad solem.

Postea per lutatam Cucurbitam in arèna gradatim destilletur, & oleum cum aqua accipies, tam copiosum, quàm vix alia enchiria.

Oleum Cinamomi aliud.

R. Cinamomi in plenilunio. (Eo enim tempore singula Aromata astraliorum sunt virtutum) q. v. Modicè contunde, affundendo Aquæ pluuiæ vel roralis destillatæ, vel alterius cuiusdam stillatitiæ contra morbum calidum frigidæ, contra frigidum calidæ, ad supereminentiam materiæ. In putrefactione Fimi, vel B. vaporosi per mensem detineantur; postea per vesicam destillantur. Peracta destillatione refrigerataque materia, secundum artem vel beneficio instrumenti, vel olei vaporosi, quod & D. Tanckium fecisse constat, oleum separetur.

Aquam adhuc semel relictæ materiæ affusam destilla, idque toties, donec nihil amplius ascendat olei. Quod ipsum vt scèlicius succedat, alembicum habeas aliqua in parte tabulatum, ad eum finem vt aquam ab initio ab oleo transeunte, separatam mox restitanti materiæ reafundere liceat. Antequam item materiam in putrefactionem immittas.

R. Fermenti part. iij. Facum Vini, salis. Tartari ana p. j. f. globuli exsiccandi, & magnitudine Nucis juglandis puluerisati adjiciantur.

Oleo Cinamomi vitur ad Diamoschum hoc dulce conficiendum.

R. Olei Cinamomi 3 j. Ambrægriseæ, Moschi ana ʒ j. Sacchari Candi albi 3 ij. Terendo misce. Valdè confortat, & pro odorifero inseruit.

Oleum Baccarum Lauri.

R. Baccarum Lauri lb ij. Contusis superfunde Aquæ tepidæ lb iij. vel iiij. Postquam aliquandiu steterint, destilla per Alembicum, & Aqua simul cum oleo prodibit, quæ per tritorium à se inuicem, separanda. Guttæ ij. in vino assumptæ, (vt & odor duntaxat, quod perhibetur) aluum relaxant, & ventositates expellunt. Membra syderata illius restituit.

Auribus ad gutt. j. inditum dolores compefcit, & auditum confortat.

Delet impetiginem, lentiginem, & quascunque faciei maculas cum Aqua Rosarum.

Denique ichorosis capitis vlceribus medetur & phtiasin; tineas, &c. pellit. Prout hæc & plura in Adsignationibus Neandri prolixius recensentur, vt & hoc, quod cum Mercurio subactum linteoque exceptum, & cinguli instar ventri nudo circum impositum contra tineas alui & lumbricos valeat.

Oleum Rosarum stillatitium.

R. Rosarum fragrantiss. libr. decem. pulu. ʒ x. Sacchari Candi.

Misce in mortario confusa; postea Cucurbitæ spaciøsæ indantur, fortiter inculcando, & superinfusa Aqua Rosarum, stent benè loricata ad solem tres ad minimum septimanas. Dein arte destil-

Intur per Alembicum, & Aqua & oleum fertur suppeditari odoratissimum, quamvis in magna quantitate largaque manu illud non sit expectandum. E ligno Rhodio quorundam opinione oleum artificiosè extrahitur, quod procul dubio vel huic æquale, vel satis æmulum.

Vfus ipsius præclarus est ad roborandum, præsertim in Balsamis de quibus in part. 2.

Oleum Succini albi.

Crollius & alij multi Succinum crasse tulum & elotum per Cucurbitam affusa Rosarum Aqua per arenam destillant, & oleum inde destillatum per eandem Rosarum aquam rectificant. Cuiusquidem animi & ego olim fueram ebullitionis metuendæ causa. Verum quia Oleum ægrè eo usque in Capitellum assurgit, sed vel nimis æstuando iacturam vaporum faciliè infert, vel empyreuma & adustionem contrahit; Ideoque jam quotiescunque illud parandum in me suscipio, hoc pacto omne negotium adsoluo. Accipio succini albi modice tusi ss j. atque alteram.

Fragmentorum silicum pro libitū.

Mixta per Retortam luto munitam ex arena igne debito in Amplum Recipiens destillo, vbi rubeonigrum subsequitur oleum, prægressum cum Recipiente priore remoueo; (Illud enim vix ad internos vsus referuandum) Quod quia iusto turbulentius, adhuc aceto Vini commixtum super Caput mortuum iidem, vt antea, ex arena rectifico, vbi quod primo loco destillat, aquæ fontanæ instar oleum est limpidissimum; quod subsequitur sublauro colore præditum, paulo minoris conditionis. Quod restat pro rejectio habeo. Sal volatile quod eadem operamancisco, Cineribus Onyscorum & saccharo Candi in iusta proportione olei

Balsami vniuersalis paucis duntaxat guttulis interueniente conjunctum mirabile mihi præsidium in Calculo & Hydropem.

Oleum Ebulinum.

Lac Ebulinum inter Bezoardica supra præscribitur, ad aquas cutem subeuntes exhauriendas. Nec immeritò. Quippe & Fernelij suffragio drachma acinorum tusa ex mulla aut vino albo aquas hydropicorum faciliè deducit; & Dioscorides testatur, τὸ πῖζαν ὑδροπικὸς ἀφελεῖν. Quinimo Quercetanus Extractum granorum Specificum prædicat contra Hydropem & cachexiam. Quoddè ventriculo aliquantum graue est, aquâ Cinamomi, quæ admiscetur, cauere haud disconuenit. Sed & Oleum ex iisdem acinis paratum, vsum in Medicina iure meritò obtinet.

℞. Granorum Ebuli ss j. Macerentur in Cineribus per noctem in Aqua vitæ q. s. vase clauso, quoad sensum absorpta aqua vitæ, grana in tumorem accreuerint. Postea fortiter exprime, & dabitur oleum valdè efficax, non solum contra Hydropem, sed & icterum, morbum Gallicum, febres, epilepsiam, interna Apostemata, venena, imò etiam pestem. Siquidem dosi cochlearis dimidij camarinam ventris expurgat felicissimè. In febribus datur cum iusculo, & vt haustus vini superbibatur. Aliàs etiam cum iusta dosi Aquæ vitæ.

Hic si verum Dioscorideum illud: δυνάμεις δ' ἡ αὐτὴ ἀμφοτέρω (ebulo & sambuco) καὶ ἕστις, idem omnino expectandum est à granis Sambuci.

Eorundem tamen Oleum elicitur facilius, si grana exsiccata prius contendantur, & inter tundendum vino præhumectentur, usque dum vntuositas in apricum veniat: Tum ad ignem calefiant ad euaporationem humiditatis;

Postea prælo subigantur, & Oleum exuat copiosè, in solatione aliquandiu purificandum.

Oleum Ligni Guajaci & Sassafras.

℞. Ligni Guajaci raspati q. v.

Imple Retortam loricatam & colloca in fornacem anemiam, adaptato Recipiente, luto itidem obductis, substerne ignem Carbonum primò lentum, & per gradus auctiorem, vt aquosior pars destillet; Spiritibus succedentibus vrge paulo fortius, ne tamen Spirituum turbulentè prodeuntium copia Recipiens disrumpatur; perge in eodem Ignis gradu, donec spiritus cessent quodanimodo.

Vrge ignem magis ac magis, & ultimo fortissimè ad incandescentiam Retortæ, donec Oleum subfuscum penitus transeat. Id quod penè spatio 24. horarum perficitur. Refrigeratis omnibus totum destillatum per vitream Cucurbitam in Arena gradatim destillando rectifica, & phlegma, spiritus & oleum simul transibunt, magna impuritate retro relicta. Oleum per tritorium separa ab aqua & spiritu, & serua. Poteris iterum atque iterum per arenam rectificare, & instar sanguinis rubescet.

Nota tamen, Lignum illud, quò maiorem nucleum habet, eò oleosiores obtinere naturam; Quò minorem; eò spirituosiores.

Spiritus & phlegma simul mixta adhuc separantur in arena per Cucurbitam lentissimo igne, ad phlegma eliciendum, donec aciditas spiritus surgat, Spiritum in B. M. abstrahe, erit acidus & boni saporis. Dicitur Spiritus Guajaci correctus.

Ex capite mortuo ad albedinem calcinato, sal communì more confice, & singula reserua.

Eodem modo Oleum Sassafras paratur, attamen superfuso vino optimo, & digestis per octiduum, per Retortam seu

Cucurbitam in catino cinerario per arenam destillatur primò vinum, seorsim capiendum, postea Spiritus & oleum, non tamen ad omnem materiæ siccitatem, ne empyreuma contrahatur nimis fastidum.

Vtriusque vsus insignis est, ad omnes morbos Diaphoretici opus habentes, imprimis ad morbum Gallicum, Hydropem, Catarrhos, &c.

Dosis olei vtriusque guttæ iij. vel iiij. in Aqua quadam appropriata vel vino.

Possunt etiam guttæ decem vel plures sacchari lb. s. admisceri vt fiant Rotulæ, de quibus quotidie vnam atque alteram assumere ad morbos paulatim consumendos, multum prodest.

Spiritus Guajaci à 3. lb. ad 3. j. vel per se, vel cum æquali quantitate Spiritus Tartari, in spiritu Vini, Aqua Theriacali, seu Carduibenedicti propinatur.

Oleum Camphora.

℞. Camphoræ 3. ij.

Terræ Argillaceæ purificat. M. j.

Concisa prius Camphora misceantur, tamdiu malaxando, contundendoque inuicem, donec nihil de Camphora in oculos incurrat. Globulos inde formatos ad solem vel fornacem exsicca. Inde in Cucurbitam cum lato Alembico, & adaptato Recipiente destilla in modum Aquæ fortis, & primò albicans quædam materia ascendit niuis instar aliquando; mox Aqua perspicua; Exinde igne fortiori oleum fragrantissimum, s. separatio.

Bina vice rectificatum per spiritum vini instar Auri pulchrum euadit. Drachmam vnam aut alteram tamen facile perdis.

Vsus huius olei vbiuis obuius. Assusum super Talcum, haud vulgariter puluerisatum, ad macerandum per bi-

duum in B. albescit, virginibusque ad nitorem faciei egregie inseruit.

Huic simile oleum etiam absque igne actuali preparari potest, cuius cum aliis quibusdam aromaticis debita arte mixti beneficio, Calcis Auri solutio, magno, vt Crollius arbitrat, ægrotantium iuamine in vsum medicum perficitur, de quo tamen alibi; Attamen sui parum conscius ille (vti sapè alias) paulò inferius in Bas. Chymica, vbi de Auro Cardiaco ex professo agit, deliramentis annumerat, & vanitatis ipsissima Experientia deprehensa edistingit. Iudica.

Oleum Vitrioli rubrum.

℞. Vitrioli ad rubedinem calcinati lb iij.

Tere, pone in Retortam terream, luto bene obductam clausis vndique juncturis, adaptatoque magno Recipiente in fornace ad regendum ignem rectissime constructo, destilla primo die, lento, altero, fortiori igne, & guttatim liquor cadere incipiet, permeantibus simul phlegmate & spiritibus. Denique ad tertium vel quartum vsque diem perge ignem subtus superque Retortam augendo, donec & oleum & Spiritus non amplius permeant. Sine refrigerari sensim, & exime, & oleū Vitrioli, ad hoc antea mutato recipiente, habebis ad Medicinam etiam non contemnendum.

Quemadmodum enim finus & sterco-ra, vegetabilia quidem nidore suo interficiunt, eaque corruptioni tradunt; semina verò omnium crescentium Terræ, & campos reddunt feraces; Et quemadmodum Aqua vitæ vino semi corrupto immixta illud redintegrat: Ita certè Oleum hoc Vitrioli, teste etiam Bouio, intra corpus assumptum non venena, & quascunque impuritates solum felicissime soluit, sed & centuplando & millecuplando virtutes Aquæ, Vini aut cuiuscunque demum

medicamenti, immane quantum crescere facit. De quo vide Bouium, qui idem Oleum hoc à Ɖ ss. ad Ɖj. in Aquæ Restæ Bouis vnciis duabus tribusue pro potu exhibitum contra calculum maximopere deprædicat. Nobis in hæmoptysi vili-ter inseruit.

Ad externos potissimum vsus quia idoneum, in sequenti Vnguento (Vnguentum vitæ dicitur) ad gangranosas partes linteolis applicamus:

℞. Mellis virginici ʒiij. Extracti Flor. Hypericonis cum Aqua vitæ facti; Liquoris Myrrhæ itidem cum Aqua vitæ extracti ana ʒ j. Olei Vitrioli opt. vncia ss. vel drachmam vj. Misce, & facta scarificatione applicetur. Vsurpari etiam aliquando posset, in Vngue oculi & Encanthide pro medicamento Cathartico.

Oleum Vitrioli Smaragdinum valde elegans & vtile.


℞. Vitrioli opt. crudi lb iij. vel quatuor. Inde in cucurbitam terream beneloricatam, & interuentu craticulæ seu laminæ foraminulentæ in medio quodammodo concavæ, in fornacem ad destillandum hoc modo colloca:

Fabricetur furnus cum camera in imo, in quam siue impedimento possit intrare Receptaculum. Huic incumbat pavimentum in medio tantum peruium foramine, vt transmitti possit (Canalibus inuersæ mediante) collum ipsius Cucurbitæ.

Iam demittatur collum cucurbitæ, sique explet tubam, satis est, sin minus, luto impleantur inanitates, ne carbones postea accensi intercitant. Infra pavimentum Recipiens capacissimum lapidi mobili impositum transeunt Cucurbitæ inuersæ committatur, juncturis benè munitis. Inde omnibus ritè peractis ignem accende circularem per gradus

fatis fortem, & vt carbonibus parcatur, tegulis vel lateribus superne ad fouendum ignem, cum pluribus ad summum & ad latera infumibulis constructis, antitypum quasi redditum, vt fiat transfusio, quæ ipsa duabus tribusue diebus perfici solet. Delapsum liquorem filtra, & rectifica per arenam, & habes oleum Vitrioli Smaragdinum haud fucatum; cuius virtutum præstantissimarum, & naturæ Vitrioli &c. ipse prudens eris dispensator. Hoc enim illud Oleum Vitrioli est de quo Paracelsus in Manuali primo ait, Quod Vitriolum per descensum destillatum Oleum reddat viridissimum, Lac Mercurij appellatum, quodque debeat habere magnum ignem & assimilatur Balsamo.

Sequitur Structura Fornacis.



- A. Camera in imo.
- B. Pavimentum in medio peritum.
- C. Pars tube inversæ.
- D. Collum ipsius Cucurbitæ.
- E. Focus.
- F. Recipiens capacissimus.

G. Cucurbita inversa.

H. Ostiola ad immittendos Carbones.

Specificum purgans Paracelsi.

Huius Author noster in Ternario Vomitiorum de Vitrioli efficacia mentionem fecit: De eodem Paracelsus de Specificis affirmat, quod in omnibus cuiuscunque humoris putrefactionibus, & superfluis corporis fecibus, vndecunque proveniant, non aliter purgantis munus obeat, quàm aqua in ablundis pannis lineis, & saponem in iisdem à cuiuscunque sordis nocumento clarificandis. Compositionem etiam tradit, quod ex Magisteriis Tartari & Vitrioli in vnum commiscendis, & postea æqualibus Essentiæ Croci partibus addendis, inque pelicano per mensem digerendis fieri debeat.

Attamen hæc talia, quæ de maximè duntaxat necessariis, & non nisi apud eruditos, vt ipsemet fatetur, intelligentiam relinquant.

Propterea accurata eius præparatio ad sequentem modum se habet:

Primò præsto sit Spiritus Tartari ita elaboratus:

℞. Crystallorum Tartari, vt suprâ præparat. ℔ ij. Affunde Spiritus Vini rectificati ℥ xij. digere aliquandiu in loco calido. Postea destilla in lento cinerum calore, donec incipiant cadere guttæ flavae & oleosæ; tunc cessandum. Egressum liquorem serua, & caput mortuum eò vsque in igne permittit, donec Tartarum mediocriter, ad nigredinem scilicet, fuerit calcinatum. Per cohobiam reafuso spiritu prædicto & putrefactis simul iisdem per aliquot dies in Balneo, destillatio primò fiat in arena; mox per Retortam loricatam in igne Reuerberij. Estque Tartari Spiritus ad propositum requisitus.

Secundò, Oleum Vitrioli in promptu habeas, multoties cohobando super caput

mortuum, destillatum, & sale ipsius proprii menstrui beneficio extracto perque digestionem imprægnatum.

Tertio ꝛ. Olei huius Vitrioli & olei Tartari vt supra, ana partes æquales. Stent per mensem in putrefactione, & separetur phlegma. Postea destilla vt oleum Vitrioli, vltimò igne forti, tunc salia vna cum spiritibus egrediuntur.

Egressa salia cum spiritibus in B. M. cohoba, donec sponte sua percussu in fundo apparere incipiant. Ac tum spiritibus in B. abstractis specificum purgans in fundo instar pulcullæ remanet.

Hoc cum spiritu Vini croceato per aliquot septimanas digestum, in omnibus morbis purgatione opus habentibus pauca dosi præstantissimum est. Inprimis in morbis Tartareis, contracturis, Tartaro Hypochondriorum, Quartana & pluribus aliis, de quo Paracelsus 7. de specif. & Crollius Bas. Chym. pag. 148. Ad maiorem præparationis huius euidenciam, consule Conrad. Khunradi Medull. destil. de Balsamo Tartari.

Oleum cordiale valde odoriferum.

- ꝛ. Cinnamomi ꝝ viij.
Santali albi
Nucis Moschatæ
Caryophyllorum ana ꝝ j.
Cortic. Citri. minutim incisar. ꝝ iiij.
Moschi ꝝ x.
Aquæ Rosarum ꝝ iiij.
Vini Maluatici ꝝ j.

Infundantur per aliquot dies. Deinde destillantur per vesicam.

Oleum ab aqua per tritorium separetur & ad vsum custodiatur. Est enim guttatim exhibitum specificum cordiale præstantissimum; & si sacchari admixtione in puluerem vertas, Diaromaticum essentiale iucundissimum. Huius benefi-

cio multoties apud Anglos & Hollandos quibus nimirum vina saccharata in frequenti vlu sunt, minima portio ncula cyathum Vini integrum, aliquando nemine aduertente in continenti adeo aromaticum, & velut peregrinum feci, quàm vix longo tempore Pharmacopæi cum claretis suis præstarent. De alio quodam simili consule Heurn. Meth.

Idem eodem compendio, arbitror, efficias, per species diaromatici essentialis ipsius Salæ in ternario Bezoard. descripti. Huius siquidem causa hoc in loco de oleo hoc cordiali.

Oleum Sulphuris campanatum.

Ego quidem communi via ad hoc oleum colligendum vtor, & nunquam non voti compos mei.

Sunt tamen qui hanc sequentem meliori nota, (quamvis vt mihi videtur ad flores colligendos commodior sit, quàm ad oleum) commendat.

ꝛ. Retortam in medio ventris latere perforatam, aut postica parte tubulatam. Hanc in furnum firmiter colloca, adaptato magno Receptaculo, aquæ communis destillatæ libra addita.

Injice frustulatim de Sulphure paulatinis vicibus, & vel substrato igne deflagrare facito, vel quod compendiosius, sulphur ferreo candenteq; baculo accende, clauso semper post singulam injectionem foramine. Completo hoc opere, Aquam Oleis & spiritibus sulphureis plenam in B. M. abstrahe, ad aciditatem vsque, & serua.

Addo: cum fumi facilè quidem super materiam ad summitatem bocæ eleuentur, sed interim non libenter transcant, itaque cum folle postica parte immittendo, sufflandum est interdum, donec fumi Sulphuris in vas Recipiens propellantur.

Vtilissima hæc Sulphuris aciditas est.

ad vermēs, dissolutum stomachum, pestem, Asthma, febres & pleuritidem. Dosis est ʒ ss. cum vino aliisue liquoribus. Exteriùs variè prodest & in procidentia Ani aliquando vtilissimam se præstitit hoc modo :

R. Oxymell. f. q. v. Olei Sulphuris huius quantum ad tollerandam aciditatem sufficit. Cum spongia in eo madefacta intestinum tange, intraque corpus etiam per dies aliquot exhibe.

Huius super Limaturam Chalybis infusi opera, quiescendo colliguntur Crytalli, mediante aqua stillatitia soluendi & filtro depurandi, qui in Asthmate cum syrupis pectoralibus, & in Hydrope à ʒ j. ad sex summopere excellunt.

Oleum sulphuris pestilentiale
D. Fincely.

R. Sulphuris sublimati ʒ ij. Furfuris tritici ʒ ij. In Cucurb. per arenam modeste destilla, donec cernas oleum. Postea clausis spiraculis æqualem destillatorem serua, ne vasa perfringantur, & dimidio die drachmas duas, vel tres olei sulphuris destillando comparabis. Majori enim in quantitate, Sulphur hoc in loco imponere periculo non caret.

Arcanum hoc habent contra pestem, si ad decem guttas infectis ad sudandum in tempore exhibeatur.

Præparatio Arsenici.

Nulli non tempore fuerunt, qui Arsenicum aque crudum, quàm præparatum Medicinarum salubrium censu dignati sunt. Ab eius suffitu non abstinuit Auicenna, Alexander Trallianus, Aegineta, Aëtius; Et hunc ipsum quoque Galenus tussientibus præscribit. Dioscorides ait, ex mulso dari tussientibus, vocem expedire melle delinctum, &c. Nihil dicam de junioribus Paracelsi sectatoribus, quo-

rum qui variis modis illud salubre homini remedium parant, tanta fere copia est, quam astate muscarum, dum caletur maxime. Attamen vulgò tritum illud & hic retineatur, *id est pulvis, id est muscarum, id est muscarum pulvis.* Et exempla Authorum sæpe doctrinæ magis sunt, quibus mens exerceatur, haud imitationis, quibus manus; magis consilij, quàm præcepti. Ideoque SALIA noster in Ternario Bezoard. cap. 27. haud injuria conqueritur, de Arsenicali illo caustico cum Nitro calcinando duntaxat:

Priuatim enim hoc verissimum arbitror, Arsenico salium siue Nitri siue communis præsentia ad ferociam magis effereendam tam simulum addi, quàm vix illorum mixtione cum Mercurio sublimate, quem potu interneccionem adferre lipis & tonsoribus notum est.

Cum enim Arsenicum praua in spiritibus potissimum hærente qualitate, & acrimonia salis sui lethiferum sit, velut simulum additione, similia augentur, rebo ranturque; ita salis Nitri, (quem nimirum ignem subtilissimum habere usus ipsius fusorius, solutorius & separatorius in Docimastica & Aurifabrica satis ostendunt) societate, ipsum, quantum malignitatis fixatione amittit, tantum ferocitatis à pungente ipsius acrimonia participare, adeoque seipso crudelius & nocentius reddi, facile patet.

Econtra Arsenicum quoque salubris Medicinæ materiam esse posse, si Artis Chymicæ industriâ tractetur, abunde idem SALIA docet exemplo Magnetis Arsenicalis sui, quem scio ab ingenio suo venenoso tam recessisse, ut non solum sine vlla inflammatione aut corrosione dolorifica pro Cauterio inferuiat potentiali, sed animalibus sine noxa adhibeatur. Ad quod credendum, tantò magis cuilibet author sū & hortator, quàm quia Parisiis non solum fama fuerit certissima. sed & Tyrcinium vltimum & penitus manumissum (nunquam, quod scio, patriam

etiam euolauit) hoc in se habeat, Beguinum scilicet repetitis duntaxat sublimationibus (in vltima tantundem sulphuris miscendo) & Arsenicum ad sex octone grana; & Auripigmentum ad scrupulum semis assumenda, Diaphoretica & pulmonica efficere absque vlla temeritate posse.

Hac vtrinque lata acceptaque sententia, animo armatiores, hanc ipsam sectionem, Oleo Arsenici ad internos etiam vsus idoneo in collect. nostris D. Fabricio adscripto ditabimus.

Oleum Arsenici.

Inprimis πρὸς ἔργον hoc esto:

R. Vitrioli lb j. Ad flauedinem fere cocto adde Boli Armeni lb ss.

Borracis 3j.

Ad calorem bene misce, & intercedente, si placet, lauigatione super Porphyrium calcina ad vsque rubedinem, & fera.

Augmentatio fiet: si libris tribus Vitrioli Vngarici, eodem quo supra modo cocti, ante preparatum lapidem immiscendo, calcinatione itidem ad rubedinem perrexeris, & sic consequenter.

Iam sequitur πρὸς ἔργον.

R. Arsenici Crystallini lb j.

Affricetur ipsi præcedens calcinatum, & facile in aëre soluetur: Adde Vitriolum Vngaricum crudum, anatica proportionem, intermiscendo parum Salis Nitri & fiat S.S. S. in tigillo, vt repleatur. Huic postea adaptentur quatuor vel quinque ollæ, ea parte, qua se mutuo capiunt, perforatæ.

Cæmetentur primò igne moderato, in progressu auctiori, vt per horam integram in liquatione permanendo penitus, sine fumo tamen, incandescant, & Vitriolum cum sale Nitri, omnem Arsenici virulentiam absumpserint in fundo Arsenicum vero instar Lapidis Cry-

Ang. Salæ.

stallini sursum collectum reperiat. Hoc demum per Retortam successiue pellito, & præteritâ humiditate aqueâ, Arsenicoque albo, & leui in collum retortæ protruso, quod fixum ac Medicinale factum est, facie crystallina in fundo hærebit: Frustatim contusum putrescat, per Mensem in Fimo Equino, postea ad modum Aquæ fortis destilla in Oleum sanguineum: Rectifica per Balneum, & aureum colorem adeptum, non formidandos vsus, tam intra, quam extra corpus præstabit. Intra corpus enim assumptum foetidum sudorem proritat, & aluum leniter mouet.

Dosis gutt. iij. in iusculo.

Oleum Balsami Peruuiani seu Balsamaleon.

Balsamum Peruuianum non præparatum, & prout in seplasis prostat DIASOLIN ingreditur; Miraris forte, ad Vnguentum Bezoardicum, non nisi destillatum quod assumatur, & quomodo? Viscositas quasi gummosa ipsi inest Balsamo quæ non solum mixtioni contumax, sed & aliorum viribus, vt ne cito penetrent, aduersa. Ad hanc partim adimendam, partim attenuandam non falso dixerim destillationem suscipi; Idque non nisi per Retortam in Arena, & per se, sine vlla additione.

PARS SECVNDA DE MOLLIBVS.

SECTIO I.

De Balsamis seu oleis compositis.

Balsama conficiendi varij modi sunt. Quæcunque vero cum sæuo, Manna, vel cera parantur, partim præmatore rancefcunt, partim emplasticæ, & suafmet virtutes impediunt sunt naturæ. Vel ideoque singula industria præparanda sunt, vel loco istorum magna olei Macis seu Nucis Myristicæ expressi post extractionem album remanens substituendum. Apparatus talis est : Cape magmatiss olei Myristicæ seu Macis post extractionem infusione aceti, vel, si præsertim oleum antiquum fuerit, coctione cum Aqua rosarum factam, residui, q. s.

Subige tincturam Spiritu Vini extractam & inspissatam ; Mox adde oleum destillatum, quantum capere potest Balsamum ; Denique Sal post incinerationem ministerio Aquæ è suo capite mortuo prolectum ; singula quidem ad calorem, non tamen dissipatorium.

Quidam ceram non infœliciter corrigi posse putant, si oleum de Been ad aliquot guttas ceræ virginæ antea cum aqua Rosarum aliquoties coctæ in singulorum Balsamorum concinnatione addatur. Aliàs in superioris Magmatiss defectu, ceræ aliquid & Balsami Peruiani, vel etiam Vnguenti Pomati Pedemontani adsumendo cum oleo & tinctura, verbi gratia, Cinnamomi vel Nacis Moschatæ, non rejicienda consunt Balsama. Interdum etiam consistentia ex mutua ingredientium mixtura absque alieni admixtionis dependet : veluti, si misceas

tantillum Moschi, Ambre, Zibethi, ana cum oleo quocunque odorifero, velut Rosarum &c. Quercetanus pro medio seu Corpore Manna cœlesti optime depuratum fumebat, quod sunt, qui nimis superciliose explicant, cum tamen, si verum sit super hanc rem testimonium Dn. Matthæi Quercetani, illud ipsum Manna nihil aliud sit, quam Ceræ albæ rasura, sapius in Aqua Rosarum, vt nullam saporis alienam qualitatē referat, cocta, depurataque. Nec quicquam obstat, quod alij elegantiorē modum didicerint, qui beneficio Lorchæ omnis qualitatis alienæ expertis, tincturæque vitalis perficiatur, & facili postea negotio, quod singulare habet, in tenuissimum pollinem ad multos annos durabilem redigatur. Nam & alij, quos scio, norunt Balsamicas compositiones, ex quibuscumque Oleis facere, idque in momento, quod non minus singulare, absque vlla rei corpulentæ admixtione aliena, solius Microcosmici Echeneidis vsu, absq; vlllo calore, virium perditione aut similibus.

Num vero jure dixerim, hoc illud nuper inuentum Quercetani artificium esse olea in Essentias reducendi, quamuis illud aliter venditarit ?

Siquid insuper est, quo ipso Balsamis Gratia concilietur, color certe est pro ingredientium conditione cuius analogus. Corpora ergo variis coloribus prædita in promptu semper habeantur : Viridia ex Majoranæ, Hederæ terrestris, vel petroselinii succo, vel succo Rutæ pro Balsamo Rutæ ; Miniata è corticibus radicis Anchusæ, vel extracto extremitatum forficum Cancrorum, pro Balsamo Rosarum ; Rubra ex Rubia Tinctorum, Brasilio & santalo &c.

Balsamum Cephalicum.

Hoc adungere placuit, quia in Termino Vomitiuorum supra curat. 7.

eius facta mentio.

℞. Cera Virgineæ decenter præparatæ
& radicibus Anchusæ rite coloratæ
℥ j.

Olei Amygdalar. dulc.

Nucis Moschatæ ana ℥ ss.

Misce ad calorem, Adde Olei Succini
non rectificati gutt. xxj. Majoranæ, Thy-
mi, Caryophyllor. Nucis Moschatæ still-
latitij, ana, gutt. xv. Camphoræ, Mos-
chi, Ambræ, griseæ, ʒ ss. Misce lenis-
simo igne.

Valde confert in Hemicrania, Verti-
gine, Cephalalgia à causa frigida, Apo-
plexia & Epilepsia, Vertici, temporibus,
& naribus singulo mane inunctum. Eo-
dem modo semel in mense duabus post
cænam horis vsurpatum egregias vires
præstat ad memoriam confortandam.
Matricis etiam & ventris doloribus se-
dandis confert, si inungantur, venter &
vmbilicus & Naturalia mulierum; Vel ex
eodem pessulus in linteo ipsis indatur,
odore interim ex perdicum pennis suc-
censis naribus adhibito. Seruatur commo-
dissime in pixide argentea inaurata.

Balsamum sulphuris.

Spiritus Terebinthinæ Sulphureatus,
de quo Angelus Sala in Ternario Be-
zoard. cap. 25. nihil aliud infert, quam
Balsamum sulphuris, extractione primo
cum Spiritu Terebinthinæ, postmodum
Vini spiritu concinnatum.

Eius *exemplum*, quibus conficitur,
vndique veluti in triuivis obuia; quamvis
translatio illa Tinctura de spiritu priori
in posteriorem dictu facillior, quam factu:
Præterea vix Chymicæ jucunditatis par-
ticeps erit, nisi vulgaribus illis præpa-
rationibus aliud quid (velut in terra pu-
rus æther) subfit, quod affatim præstet,
quæ vix parca manu descriptiones pol-
licentur.

Ideoque ad Balsamum hoc interiori-

bus visibus applicandum (exterior Salæ
applicatio minus accurata præparatione
contenti, facilis est) factor à Chymica
solertia alienus, faxis vt tollatur, vt &
illud, ne, quod cum liquidis exhibitum
facere debet, non disfluat. Hæc enim in
Balsamo & Rubino sulphuris, in quan-
tum vulgariter proponuntur, parum
Chymica sunt.

Balsamum sulphuris Rulandi verum,
si in hoc vera est schola Hartmanniana,
non cum Oleo Terebinthinæ, sed vel oleo
Nucum vel papaueris expressio præpa-
ratur hoc modo: ℞. Flor. sulphuris ℥ j.
Ol. papau. vel Nucum lb ss. vini ʒ ij. Ma-
cerentur per 8. dies igne leni, aliquo-
ties mouendo. Postea bulliant igne car-
bonum, vsque dum vinum fuerit con-
sumptum. Hinc trajice per laciniam &
serua. Nolim tamen intra corpus præ alio
assumere.

Balsamum benzoininum fragran- tissimum.

℞. Styracis Calamitæ select. ʒ iiij.

Asæ dulcis ʒ ij.

Tritis superfunde Aquæ Vitæ rectif.
ad quatuor vel sex digitorum eminen-
tiam. Macera in Balneo per aliquot dies,
postea cola separando subtile à spisso. De
colatura spiritum per balnearem destilla-
tionem abstrahe, vsque dum residuum
olei forme appareat.

Vfus internus est: quod Asthmaticis
& catarrhosis guttæ quatuor vel tres cum
syropo de Betonica, vel jujubino, exhi-
beantur; Cum syropo de Ceterach prod-
est obstructo lieni, vrinæque promo-
uet. Extra, vulnera sanat, & defluxionibus
resistit.

ribus contumacibus affectibus, de quo vide Ternarium Bezoardicorum.

SECTIO SECVNDA,

De auro potabili.

DE TINCTVRIS.

Tinctura croci.

R. Croci optimi libram semis vel citrater, cum sindone in Alembicum collocetur, per quem destillandus Spiritus vini est in Balneo, eo vsque donec coloratus ille desinat fluere, & substantia Croci alba remaneat. Hunc Spiritum denuo destilla ad Tincturam vsque. Varios hæc vsus agnoscit, ad lætificandum Spiritus & Cor hominis &c. Hæc dum scribo, ipsius vsus mihi est ad Essentiam Camphoræ alexiteriam quæ sequitur.

Essentia camphoræ alexiteria.

R. Camphoræ. q. f. solue in oleo Amygdalar. dulc. & pone in digestionem; Colaturam postea cum spiritu Vini circulatam aliquandiu, moxque ad separandam Essentiam denuo destillatam; cum Tinctura Croci ad aureum vsque colorem misce. Guttatim intus & extus mirabilis est ad præcauendam & curandam pestem, item in suffocatione Matricis, & febribus.

Tinctura florum solarium seu hypericonis.

R. Summitates perforatæ contritas. Macera ostidium in Aqua vitæ rectificata, vt herba vndiquaque madefiat, vase clauso. Expressionem instar sanguinis coloratam residere permitte. Hinc partem puriorem decanta in vrinale vitreum, & in Balneo M. aquam vitæ abstrahæ, & in fundo inuenies Tincturam, Balsamum vere pretiosum.

Dosis ʒ 6. 8. 10. ad ʒ integrum, in plu-

Duplici de causa potissimum de Magisterio solutionis Auri, seu de Auro potabili hoc in loco agemus: Cum quia Author Ternariorum Auri potabilis vel à seipso adhibiti, vel ab aliis suafu suo adhibendi mentionem facit; tum etiam, quia hætenus cum viris profunde doctis, quibus eiusmodi ardua studia curæ & cordi sunt, & quid velit, & possit rerum concordia discors, sermones & res communicandi ea de re mihi non defuit occasio.

Aurum ergo potabile Dn. SALÆ quod attinet, aliud certe illud non est, quam Aurum mediante corrosiuo, Aqua regia scilicet, in formam potabilem eliquatum, & postea spiritu Vini (Aqua regia ex parte remota) ad tutiorem vsum dilatatum. Scio enim ipsum tenaciter defendere, absque corrosiuo in formam Magisterij ad vsum Medicinæ Aurum adduci non posse.

Quamuis aliud mihi videatur esse, Aurum potabile Theophrasti ad certos vsus certo in loco destinatum, (posset enim hoc tale nomen sortiri propter Magisterium consistentiæ apparenter solummodo mutata, quamuis interim liquor solummodo Auri sit) & aliud Aurum potabile verum philosophicum & Magistraliter solum irreductile, & in quouis liquore solubile, absque omni peregrino, sed cum menstruo vniuersali temperato, & permanente præparatum; Quale celeberrimus & Amicus meus honoratissimus Franciscus Londinensis ad Raymundi Lullij mentem in Anglia mihi exhibuit, eiusque ad plures doses copiam mihi fecit. Aliud item esse puto, de corrosiuo loqui, vt Auri soluente & permanente menstruo, quo sine ipse Paracelsus lib. de Tart. Aurum dissolui posse

conceat; Imo alibi, Aurum ita liquidum factum, vt reductile sit in pristinam naturam, in intestinis adhærescere; Et aliud de corrosiuo, vt liquore vero menstruo præuio, aperiente nimirum & attenuante firmam illam Auri compagem, vt facilius postea veri menstrui ingressus. Quod ipsum ex rei natura depromptum esse, vel ex eo patet, quod veram veri Auri potabilis proximam materiam non vulgare illud Aurum agnoscant, vt infirmissima illa partium impurarum etiam compage consistit, aurum fabrilis seu monetarium; sed præparatum & attenuatum. Siue autem per ignem hoc fiat, siue per Aquam Chrysulcam, siue Sulphur, siue Mercurium, quid interest, dum singula iterum terga vertere oporteat, & vt ipsiusmet Theophrasti verbis utar, Mori & resolutione denuo per putrefactionem remoueri necesse sit? Si enim tanta vis Auri est, vt corpus seruet, & ab omni ægritudine liberum reddat, neque id corrumpi sinat; & si seipsum ab Igne Elementorum Tyranno, vt ne destruat, seruare potest, quanto magis seipsum, idque circa omnem infectionem à corrosiuo? In primis cum præter putrefactionem illam Paracelsicam nonnihil inuentum sit hætenus, per aceti radicati siue etiam Crystallosum Mercurialium socialem meteorisationem, quo ipso Aurum & reliqua metalla à salibus Nitri & Armoniaci tam pure vindicari possit, quam caro rite cocta ab igne est, quando iam mensæ pro pastu apponitur.

Concludimus ideoque: Omnino & Naturæ & Artificum testimoniis conuenire, propria cuiusque autoritate, & negatiue quidem ab ea ratiocinando, frustra interposita, Aurum absque corrosiuo in Magisterium reuera & constanter mutata essentia redigi posse.

Interim quamuis Aurum ex hypothese veri Magisterij hoc modo & possit, & debeat solui, absolutæ tamen necessi-

tatis non est, sic, vel alio modo præparatum aurum adhiberi ad medendum.

Admonendus tamen lector mihi est, de SALÆ sententia absolute hoc in loco nihil dictum; sed in quantum, quæ de septem planetis scripsit, ex sua potius, quam Paracelsi opinione, prout prima fronte apparent accipienda sunt, de quo vero si dubium interest, dubio procul Chrysologia ipsius duodecim Medicinis nobilissimis velut iuratis satellitibus stipata breui proditura disertius commentabitur.

Aurum potabile cum corrosiuo.

- ℞. Aquæ Regiæ ex Aquæ fortis communis $\frac{3}{4}$ xvij.
- Et Salis armoniaci salisque Nitri crystallini ana $\frac{3}{4}$ iij. mixtorum simul, destillatæ. q. s.

Auri purissimi in laminas ducti, & minute concisi quantumuis.

In Cucurbita solue super lentum Cinerum calorem, (pars quædam cuprosa indissoluta manet) Digere aliquandiu Balneo Roris; Postea guttatim affunde Aquam Tartarifatam, vel oleum Tartari Mercuriale, donec spiritus corrosiui relictio per ebullitionem cesset, & auro fundum petente, aqua euadat limpidissima, & rubicunda; Quod vt melius fiat, aquam calentem affunde, vt paulum residat.

Liquorem per inclinationem vel destillationem separa, & reliquias multoties abluito, postea lentissimo igne, ne strepitu dissiliat, exsicca, & super marmor spiritu vini Melissati rectificatissimi irrorat, atque iterum lente exsicca, idque sexies vel pluries repetendo. Ad vnciam pulueris huius adde Croci $\frac{3}{4}$ j: Ambrægriseæ & Moschi orientalis ana grana sex, & serua pro Magisterio Auri.

Dosis huius à $\frac{3}{4}$ iij. ad 8. ex vino vel alio liquore conueniente.

Quod si in formam liquoris exoptes; aquam illam à Tartari infusione rubicundam in B. per Cucurbitam destilla ad consistentiam oleaginosam vsque (satius foret ad extremam vsque siccitatem) Quam superfuso spiritu Vini rectificato addiris guttulis aliquot Olei Caryophyllorum infimo equino per mensem digere, & postmodum subtile à spisso liberatum odore quodammodo fragrans, nec flauo colore, vt aliàs non radicales solutiones per corrosiua fiunt, sed sanguinea rubedine tinctum, pro Auro potabili cum corrosiuo preparato reserua.

Cum vino Maluatico vel alio liquore, vel etiam syrupis exhibitum multis affectus domare dicitur, praesertim ex obstructione ortos, vt sunt Melancholia Hypochondriaca, isterus, febris alba Virginum &c. Dosis à gutt. 4. ad 10.

Expertus autem sum (quia sub nomine Diaphoretici aurei meis vlibus etiam aliquando inseruii, iam frugibus inuentis glandibus vesci nolo) liquidam hanc extractionem temporis prouectione in fundo ad instar variorum crescentium, Arborum, & plantarum hypostasim constituere, & omnem liquorem, vt vt custodiatur, tandem penitus amittere. Quod ipsum aliunde fieri non arbitror, quam à siccis calidisque Armoniaci, Vitrioli, & Tartari salibus, quæ in copia adhuc, praesertim calcinatione forti non fugata, inhaerent.

Aurum potabile philosophicum.

Aurum hoc potabile quadruplici complectur artificio: Primo Elementorum ad naturam igneam deductione.

II. Dissolutione in Aqua debita.

III. Eleuatione in aërem.

IV. In terram compressione.

Primum fit calcinando reuerberandoque.

Secundum, vero ac philosophico mentruo soluendo.

Tertium per Alembicum destillando. Quartum Igne leni coagulando. Calcinatio debet fieri in calcem vsque tenuissimam, & tum quia factum est Naturæ igneæ, facile soluitur; solum rite destillatur, iterumque in Terram vel oleaginositatem coagulatur.

Calcinatio solis.

℞. Sal Gemmæ, in igne Carbonum fluat, sapius agitando. Hoc impasta postea cum Aqua pluuiali destillata, & tum folia Auri tere super marmor cum illo sale; semper adhuc parum ac parum irrorando ex Aqua illa pluuiali destillata, vel etiam cum sale, si velis, bene terendo donec calcem videas mundissimam.

Quo facto, pone in vitrum, vt resideat ad fundum. Effunde aqueam substantiam subtiliter, affundendo aliam, donec nihil falsedinis in aqua deprehendas. Tunc calcem solarem bis in furno Reuerberij reuerbera, ad diem integrum, vt bene subtilietur.

Subtilem hunc puluerem amalgama, cum quadruplo Mercurij pondere non tamen in Igne vti solent, ne solutiui Mercurij spiritus discedant; sed per putrefactionem, vel calorem lentissimum, per octiduum, eximendo tamen singulis 24. horis, terendoque bene super porphyrium, iterumque immittendo. Absoluto octiduo, prunis admo-ueatur, vt à solis calce Mercurius expiret, non tamen fundatur. Et tum iterum reuerbera per diem, & satis habile reditum erit ad solutionem cum Aqua vitæ nostra faciendam.

Et hoc debet fieri, quod Aurum tam fortiter naturali coctione compactum sit, vt nunquam non solutiones respuat, nisi prius per Mercurium, perque salia acuta perfodiatur, & per ignem calcinetur.

Aqua solvens philosophica.

Destilla spiritum Vini ex vino rubello optimo, cumque rectifica subtilissime.

Postea etiam destilla omne phlegma cum oleitate quæ destillare potest, donec in fundo remaneat materia nigra instar picis.

Terram hanc ad solem exsicca bene, & calcina in vitro lutato, apposito Alembico ad excipiendum oleum viscosum per 3. vel 4. horas, & terram inuenies acutam & igneam. Hanc dealbabis cum Aqua propria rectificata immacerando eam, destillandoque, donec terra finaliter dealbetur, & partes aliquotæ Aquæ in terram figantur. Quibus peractis pone in sublimatorium furnum, & sublimabitur alba & clara non nimis alte spondylibus vitri adherens, quam collige & illa Sulphur illud vegetabile est, quod in Aqua vitæ rectificata solue, iterumque coagula atque iterum solue. Hac eadem aqua poteris soluere calcem Auri ad Aurum potabile in Oleum rubicundissimum, quod est verissimum Aurum potabile.

Modus operandi.

℞. Calcem solis factam vt supra. Superfusa Aqua nostra philosophica digere ad cineres, quousque in rubeum colorem mutetur. Affunde aliam, idque toties, quoties aquam coloratam ita abstrahere licet. Tunc calx calcinetur denuò & extrahatur color, vt prius. Postmodum à collectis his Tincturis phlegma per Alembicum destilla, idque caute, vt puluis Auri rubeus remaneat. Nouam aquam philosophicam superfunde, & coagula in puluerem, vt supra; idque quinques vel sexies, donec Sol de terra in cœlum sublimetur & fixum fiat volatile. Quod ipsum lento igne destillando ad oleaginitatem coaguletur.

Estque summa Medicina ad plerasque corporis agritudines. Cæterum si præcedenti menstruo ad scopum pertingere diffidis, quod sequitur ex Basilij Valentini Chirotechnicis desumptum nonnullas etiam habet rationes.

Menstruum Basilij ad Aurum potabile.

℞. Lixiuij è Cineribus Sarmentitiis, cum Aqua calida facti q. s. coquendo inspissetur, vt subrubra maneat materia. Hanc reuerbera, tres circiter horas, aperto igne continuè agitando, donec materia incineretur & albescat. Dein solue in Aqua fontana & resideant fæces.

Purum destilla per filtrum, & coagula in Cucurbita vitrea, & quod remanet sol philosophorum appellatur. Exinde spiritus ille genuina Auri clauis conficitur hoc modo:

℞. Spiritus vini rectificati q. s. superfunde Sali Tartari philosophico ad supereminentiam trium digitorum in phiola longissimi colli. Digere per tempus in lento calore, postmodum destilla, & si quid boni mecum nactus, Deum lauda.

Aurum potabile Anglicanum.

Vera omnino est, & hinc omni applausu digna sententia, Si aliqua maior, vltior aut perfectior medicamento Prædestinatio est, propterea inferiores alias minime esse negandas. Idcirco fiducia vnius Auri potabilis incaute faceremus, dum omnibus aliis nuncium remitteremus. Omnis siquidem in eo genere constituta Medicina est, vt magis & minus recipere & (vel ad minimum propter præparationum varias circumstantias) alias optimæ, alias mediæ, alias infimæ conditionis esse possit. Quamuis ergo firma stet sententia, Superioribus in

quantum celebrata sunt, minime dissidendum esse; non tamen sequenti quoque omnem fidem propterea praeferendum. Publicum enim in Anglia & multis Germaniae locis examen per oculos testes, & multiplicem Doctorum & aegrotorum probationes, quod loco Auri cuiusdam (si non summi philosophici quod dari, cum in vnoquoque genere ad summum aliquod ascendere oporteat, omnino non dubito) potabilis optimo iure usurpari possit, constanter substinuit; de quo extat veri Auri potabilis Assertio Francisci Antonij cap. 5. & eiusdem Apologia pro vero Auro potabili.

Descriptionem ab ipsa coram cum Authore concessa mihi collatione haud alienam hypomnemata nostra exhibent talem:

Corpus Auri solidum primo indiget preparatione longa, atque operatione continua, ut calcinatione quod solidum erat, solutionique contumax, iam discontinuum euadat, & velut impalpabile, quod ad tactum.

Deinde solvatur non cum rebus corrodentibus aut naturae humanae infestis; Ablutiones enim licet vigesies repetitae venenatas horum impressiones non tollunt: sed menstruo temperato, Mercurio scilicet philosophorum, de quo scriptum, quod ex Leonis Corde sanguinem fugat; quod quaecunque impressionem recipiat, velut cera; in Sphaera ignis, igneam; in Sphaera aëris, aëream, & sic in reliquis, quod tale est:

℞. Spiritus Orionij ex sale volatili rite facti.

Sulphuris coelestis simplicis ana. p. æ.

Misce, inque frigidissimum locum paucas horas colloca, & albissimum in salem coagulabuntur, qui denuo lento B. vaporosi calore in phiola Hermetice clausa spatio 20. vel 30. dierum liquorosam substantiam recipiet, propter singularem leptomeriam cum custodia asser-

uandam. Denique ad summum puritatis gradum exaltetur, necesse est, tincturam a corpore per Alembicum eleuando, ut vis *spasmodica* & potentissima in Tinctura inde clarior elucescat.

Praxis praedicti auri potabilis.

℞. Boli Orizei, in tactu impalpabilem puluerem optime & s. a. redacti q. v.

Huic Spagyrico ritu in vase vitro affundatur AQVA caelica praedicta q. s. & protinus ebullire conspicias, & in altum ascendere in leuissimo etiam calore. Cessante ebullitione, & iuncturis peroptime clausis, ne quid expiret, in temperato calore per septimanas aliquot statuitur; ita sensim aureo colore perfundetur. Quod clarum est, euacuatur in ampullam aliam per inclinationem, & caute, ne turbentur faeces. Alia affunditur Aqua priori similis, iteratis semper vicibus, usque dum vterius non coloretur aqua. Omnes coloratas has aquas simul collectas per lentissimum B. calorem edistilla. Exit aqua clara, ut prius; Materia auri soluta subsidet in fundo mellis instar, rubicunda tamen & solubilis in quouis liquore.

Hoc ipso Author per integrum annum, & amplius, optimo cum successu in grauissimis morbis usus est; antequam in ventre venti portabilem ipsius facere potuit. Tandem verò exaltationem ipsius assequutus est, dum coloratas illas aquas non in B. destillauit, ut supra, sed per cineres vel arenam, quae fortiores sustinent ignitionem, idque vel per Retortam, vel cucurbitam depresso. Sic enim post aliquotam menstrui partem, & Auri ipsius Essentia Tincturae sub colore rubicundissimo in Caput Alembici, iucundo spectaculo ascendit, & guttatim in Recipiens vas, (terra nigra velut mortua, spongiosa & leui, non reijcienda tamen in fundo relicta) decidit.

Destillatum

Destillatum hoc mēstruum, & vna cum Essentia Auri mixtum in Cucurbita vitrea munda, cum suo Alembico, ac Recipiente colloca in B. & aqua destillabitur clarissima. In fundo Vitri manebit Tinctura, quam optas, alternis spiritus vini subtilissimi abstractionibus Balnearibus clarissima. Quod ipsum vera Auri medica præparatio est, & (taceo infinita Classicorum Medicorum testimonia) propria experientia in febribus intermittētib; hypercatharsi, & cordis Melancholicis affectibus, aliquoties comprobatur remedium.

Dosis ipsius à granulari ponderē ad vncialem vsque. Cum enim singulas curationes roboratione, sedatione, & mitigatione potissimum perficiat, & hinc iuuando neminem grauet, dosim ipsius, vt in aliis, accuratē dimetiri nimis curiosum.

Luna potabilis.

In superioris materiæ evolutione refert Lunam potabilem quoque attigisse, attamen id meritō perfunctorie facit, & prout à filiis doctrinæ duntaxat capi possit, non quod non vera lucem fugiat clarā, sed quia indirecētē & secundariō solummodo huc respiciat.

Ideoque si Lunam potabilem exoptas: 1. Animæ Lūna ē Luna ritē calcinata, & artificiosē cum spiritu Vini extracta & sublimatē partes duas. Salis eiusdem crystallini part. j.

Trita & mixta in marmore destillentur per arenam in Retorta vitrea lutata, ad substantiam caruleam & olei formem eliciendam:

Eius dosis à gutt. ij. ad iij. in conuenienti vehiculo in omnibus capitis affectibus; præsertim in phrenitide, Mania, Melancholia Hypochondriaca. Item in Apoplexia, Vertigine, Epilepsia, memoria deperdita, Paralyfi & catarrhis.

Aug. Sala.

Elixir proprietatis.

Explicandum hic nobis est, quid Angelus Sala per Liqueorem ex Myrrha, Croco, & Aloë ad cerebrum, stomachumque roborandum velit in Ternario Emet. parte vltima. Mea equidem sententia nihil aliud, quàm Elixir Proprietatis lib. 8. paradox. tit. 9. à Paracelso obscurē descriptum. Descriptio ita se habet.

℞. Myrrha

Aloës epatici.

Croci ana quartarium vnum.

Quæ simul in pellicanum ponantur, & in arenâ mensibus duobus ascendant lenissimē. Separa tandem per Alembicum Oleum à fœcibus præter adustionem. Oleum hoc vna cum circulato per mensem digeri permitte, pondere quidem æquali, post serua. In hac præparatione Paracelsus necessarium mēstruum, quo sine fieri non potest, vt absque empyreumate concinnetur, vt aliàs multa, studiose præteriiit. Idque ipsemet fatetur, quando dicit, Processum hic tantum afferimus, origine relicta. De Origine ergo illa seu mēstruo, vt alias vocant, vt in re obscura semper variæ Authorum Opiniones; ita aliis hanc, aliàs aliorum suā distrahitur sententia. Neque etiā in Origine solum definienda, sed & speciebus compositi numerandis & constituendis, & in tota præparationis serie.

Crollius in Basilica Chym. species anaticē mixtas, & Spiritu Vini alcolisato præhumectatas, oleo Sulphuris acido extrahit primum, postea Spiritu Vini, & fæces vltimas lentē destillat. Destillatum superioribus tincturis addit, & completa digestionis opera Elixir componit.

Alij prædictas species aceto stillatio primum per tempus circulant, postea destillant. Oleum ab aqua per tritorium separatum cum spiritu Vini rectificato

Gggg

aliquandiu in digestionem collocant & inde verum proprietatis Elixir sibi promittunt.

Nec sine ratione, cum omnia ferè gummata nisi aceto cocta in spiritum acidum potius, quàm oleum destillando redigantur, ut videre est in Oleis Aſæ dulcis, ſtyracis, Ladani, Myrrhæ, &c. Nec Chirurgi gummata in Emplastra nisi illa in aceto prius macerata, coctaque, assumi vtiliter consent. Alij compositum menstruum in medium adferunt ex oleo Terebinthinæ & Iuniperino, nec non speciebus supra nominatis Sulphur simul insinuant. Sunt etiam qui Theophrasti obseruantissimi spiritum Salis ad id muneris perficiendum vnice laudant, eoque ipso ad præceptoris sui mentem se propius accessisse arbitrantur. Ita quoque Salæ suo sensu abundare placet, qui quamdiu in Belgia cum ipso viuerem, nunquam non sequens hoc præ cæteris vsu dignum existimabat.

R. Aloës succotrinæ
Myrrhæ Trogloditicæ ana ʒ ij
Crocii optimi Anglici ʒ j
Olei Caryophyll. aut Nucis Moschata ʒ j.

Spiritus Terebinth. Venetæ per vesicam s. a. destillati absque empyreumate seu rancore, ʒ viij.

Infundantur omnia in vitro benè clauso, & per mensem philosophicum sub fimo digerantur. Deinde separetur subtile à spisso per inclinationem, & seruetur ad vsu. Superfuso denuò prædicto menstruo tincturam extrahe, ac priori affunde. Reliquum destilla & quod prodit, prioribus admisce, &c.

Hactenus variæ Elixiris proprietatis enarrationes, quotquot scilicet hoc nomine ad manus vniquam peruenerunt. De Crolliano illo, ut & de illis, quarum alterum per Acetum; alterum per spiritum Salis conficitur, tutius arbitror esse,

quod suspendam sententiam, quàm quòd certi aliquid definiam. Quippe de his quæ incerta prorsus sunt, quomodo certas rationes adferes? Nam siue ex Elixiris Natura ea de re disputetur, siue ex Theophrasti suggestione, nullibi profectò, neque confutationis, neque confirmationis immota fundamenta.

Stet ideoque sententia: Parum referre, siue Oleum Sulphuris, siue Acetum, siue spiritum salis, illam à Paracelsò relictam Originem statuas, dummodo virtutum ex ingredientibus non numero auctis, neque contra Authoris mentem specie commutatis, commodè & pro Elixiris huius ascripta proprietate & præstantia eliciendarum & exaltandarum origo esse mereatur.

Nec enim absurdum, aut in Chymia infrequens etiam, ad eandem Medicinam pluribus medijs & modis viam cum successu attentare. Quod hoc in loco tantò magis locum habet; Quoniam Elixir tale parum virium præparationis beneficio acquirit, quamuis Origo ab externis sit, velut, cum Lignum aliquod in ignem projectum vritur; sed quas habet vires, ingenitas habet, & à Natura, in quo ab omnibus alijs Theophrasti Elixiris distinguitur. Tandem, ait ille de Elixiris, ponendum Elixir aliud est, (h.e. Elixir proprietatis) quod ex propriæ suæ Naturæ viribus eiusmodi conseruationibus dotatum est; De alijs autem in genere paulò ante dixerat: sciendum Elixiria hæc suas operationes à Natura non habere, nec à complexione, sed mysteria fore magis, quàm specifica, quæ etiam virtutum suarum originem habent non ex Natura, sed per compositionem & digestionem, velut aqua Vitrioli cum sale ammoniacò destillata moschi refert odorem, quorum tamen similem per se neutrum habet; vel etiam: ut Spiritus Vini cum Sale Tartari & Vitrioli destillatus fragran-

tissimum pomorum odorem spirat, quod tamen nullum illorum per se aliàs præditum est.

Præterea hac in re ita comparatum est: vt, qui mentem eius scire audet, cuius nullus Character foras datus, dicat quid velit, etiamsi post mediam noctem canæ rationem ineat, vt suis palleat probationibus, par periculum reprehensionis cum aliis; imo si paulò inuerecundius palmam quaesierit, ignominiam aliquando, & meritò, incurrat, *φανερόν* ergò paulò crassiusculè mihi videntur ij quorum scripta intestina discordia laborant, quique huic vel illi ob menstrui duntaxat varietatem, quo tamen, testimoniis ab exactis experimentis superuenientibus idem perficitur, gloriose insultant, ac si ipsis solum datur sit nosse, quod ex rerum Natura aliàs nemo potest.

Quod SALÆ modum attinet, meum illum non agnosco, etiamsi in priori editione ceu de meo, ex propria mente non nemini videri scripsisse. Aliud enim est *μικτικὸς* quædam scribere, aut Syncriticus; aliud absolutè & vt res in sua Natura commeruit. Compositio ergò illa SALÆ, quæcunque sit, bona malæ, laudanda vituperandaue (illam enim cataractis actior Aristarchus faciat) equidem nec Paracelsi est, nec ad Paracelsi illam conformata.

Primo namque numerus ingredientium longè alius est, est & alia proportio illorum, & totius præparationis series. Insuper dicendum: menstruum Paracelsi appropriatum & idoneum fuisse pro rebus vtiliter extrahendis; spiritus Terebinthinæ autem è speciebus, non aliter quam supra dispositis, vix centesimam perfectæ necessariaque extractionis partem perficiet, siue per mensem digerantur, siue per annum. Et hoc est, quod Libanius vir omnis cultioris literaturæ protomyta in Alchymia pharmaceutica c.4. ait: Aloen si præparare essentialiter cupias, non assu-

mes Oleum Terebinthinæ. Tantùm abest, vt per Alembicum simul à fœcibus suis separantur. Vis, vt per destillationem, spiritu Terebinthinæ ad siccitatem abstracto, species torreantur prius? Tum enim affusus spiritus Terebinthinæ densam rubedinem extrahit. Verum quid virum remanebit, cum ex Paracelsi descriptione Oleum à fœcibus sine adustione separandum veniat? Quare non sum, vt visum aliquibus, qui penitus à Theophrasto discedendo, Salæ compositionem absolutè omnibus aliis anteponom. Ethoc idem de altero illo per menstruum compositum instituendo (si enim in aliorum fallaciis iudicandis supiniôres simus, iam id committimus, vt illorum simplex error sit culpa nostra) perpetuo statuimus.

Vsum huius Elixiris quod attinet celebratissimum, is recens natus non est, sed si auxiliorum materiam spectes, à multis retro seculis repetendus.

Nam & Ægineta cap. 36. lib. 3. de morb. popular. potionem tradidit ex Aloë, Myrrha & Ammoniaco in vino odorato tritis, &c. Et pilulæ Ruffi, quas & communes appellant, quid aliud sunt, quàm hoc nostrum Elixir impræparatum? Elixir verò hoc pilulæ Ruffi essentialitatè? Loquor de pilulis Ruffi prout Arabes retulerunt, Croco substituto pro Ammoniaco. Quamuis vtraque compositio in peste insigniter præstet: Siue hoc siue illo modo composuerim, Trincavella ait de composit. Med. lib. 1. cap. 12. Mirum est (in pestilentia) medicamentū, & à posterioribus omnibus probatum, & multis clarum laudibus. Nunquam vidi, Rhases ait, aliquem deuorantem hanc Medicinam, qui non liberaretur aut præseruaretur ab Epidemia; & nunquam inuenta est Medicina ipsi compar. Fernellius affirmat crebro vsu iuuare concoctionem, nec cibum sine re corrupti, humores atque corpus à putredine via-

dicare, atque hac ratione aduersus luis pestifere contagia mirifice prodesse. Vnde quiuis facile colliget; cum hæc de crudis encomia tot Authoribus ex omni familia consent, quid & quantum tribuendum illis sit, in subtilem & essentialem formam redactis. Nimirum singula hæc paucis effatur Theophrastus, In eo, inquit, virtutes omnes Balsami naturalis existunt, & virtutis conseruatiua sensuum amplius quam assignare sit licitum; & vim & naturas eius exprimere vix possibile.

Tinctura Rhabarbari.

Attento nonnihil studio difficiliora hac in sectione commemorauimus; remissione nunc animo nec non vulgaria narrabuntur:

℞. Rhabarb. el. q. v. Cinnamomi acuti modicum. Concisa projice in Aquam succi Cichorij vel Rosarum. Posito colore decanta, idque toties repete, quoties color expectandus. Tum ad dimidium circiter lento igne coagula. Addita s. q. sacchari in syrupum etiam coquitur qui ad pestem, & vermes, etiam infantibus confert.

Tinctura Corallorum.

De Tincturis classem constituere, non tacta materia Corallorum, vel eorundem Tinctura, propè esset Regnum ponere absque Rege, vel spretis margaritis, vitru admirari. Quanti enim sit Corallorum Tinctura, imò cruda etiam substantia, (alias preparationum formas Tinctura ipsa non minores lubēs præterito) plerisque magis notum est, quàm quòd mea explanatione opus habeat. Scire ea qui satagit, legat Anshelmu Boëtium de gemmis, Theophrastum, Quercetatum & alios.

Verum enim verò cum hoc in campo sese exercere, parum utilitatis habeat si lumine Naturæ destituti, Generationis

eorundem modum penitus omittamus; Agedum primò.

De generatione Corallorum.

Sit ergò quaestio. An, quod Dioscorides lib. 5. cap. 93. & ex eo Medici & physici cateruatim referunt; Corallia intra maria mollia & planta sint, & tum demum, *ὅταν ἢ ἐ βυθῶ ἢ ἐν ὕδατι*, cum retibus extrahantur, indurentur. Dioscorides refert matrem Corallorum esse Mare, & quidem *ὁ βυθὸς*; ipsius. Hoc ita accipe: Mare scilicet non simplicem continere aquam, sed multifariis rerum tincturis & seminariis à prima vsque creatione instructam, & variis imò contrariis substantiis & qualitatibus permistam. Quemadmodum ergò in terra & super terram, in aëre & igne, Natura nusquam otiosa & nec nimis nec minus quicquam faciens, variis rerum exortibus & generationibus gaudet; ita ipsa quoque, ex Archeo maris in eius profundo, ubi scilicet sedimentum quoddam glutinis ipsius Aquæ, vel potius eorundem principiorum substantialium separatur, ex illo ipso glutine ad proportionem materię, vel idæam propriam (natura enim sua cuique idæa est) ministrante Spiritu Salis, materię & loco appropriato, intercedente debito tempore fructices Corallorum producit & coagmentat; eo modo vt à singulari Sulphuris dispositione, vel rubedinem vel nigredinem vel albedinem; (corallorum enim & album & nigrum, Antipathes dictum, reperitur) à materię & loci qualitate, secundum quam quauis aliæ maris plantæ, cacuminatæ, nitroque turgentes, fructicis vel in aqua putrefacti, vel ad aëris denum tactum putrefieri incipientis figuram assequantur.

Dixi in maris profundo; In eo nihil recedens à Dioscoride. Cuius nempe hæc non minima causa est, quod eius loci propter abyssum, internofque recessus intensissimum sit frigus. Vt autem ex omni-

bus elementis entitas quædam frigida, & ex ea coagulationes; Ita ex illa frigidissima maris entitate, quæ nimirum gluten prædictum quod quidem ex maris digestionem sua natura sedimentum inibi constituit, spiritu salis concentrato, magisq; cogitur ac coagmentatur, non minus etiam Coralli generantur, cuius rei species quodammodo videre est in Aluminibus, Entaliis, vitriolo, tam in natura, quam quum artificis manu tractantur, quamvis in Coralliis natura impensè majores fecerit progressus. Hinc etiam Paracelsus lib. 2. param. Corallia frigidum coagulatum appellat.

Secundò accedit, quod agitationes & motus in Maris profundo vel prorsus desinant, vel multò languidiores sint, quàm in alto vel medio eius corpore, qui etiam status concretioni plurimum salutaris. Notus enim affert rarefactionem, quia partes differt, inde aquam motam in glaciem cogi non videmus sed quietam, sic teste Gesnero lib. 4. de ortu & causis subterraneis: quidam fontes, riuuli, & lacus res in lapides vertendi vim habent; succus tamen is (cuius causa illud perficitur) cum cietur, & motu agitur non facillè compingitur, & coagmentatur, nisi admodum crassus fuerit; sed simul ac in foramina ligni aut alterius rei receptus ac dispersus quieuit, frigore cogitur & conrescit, atque eas res simul mutat in lapides. Gutta quoq; fontis Gothici propter cursus impetum sparsæ fusæque super terram, quia moueri & agitari desinunt, ab ambiente aëre densantur atque lapidescunt.

Non minus Vicinia terræ, quæ in quouis maris recessu eius fundamentum est, huic coagulationi plurimum ministrat. Per totam naturam enim simile ad simile colligitur, ita gluten illud terrestre naturali motu ad terram inclinat, & vt humidum & frigidum beneficio congregatum est, segregatum calore (siue solis illum, siue proprium maris calorem intelligas,

de quo Piccolominiæ lib. Meteor. c. 20. à quo scilicet eiusque calidis halitibus æstus maris) ita sicco terrestri temperatur, & juxta illud paradoxum, frigidum humidum cum sicco frigido (à quo tamen non calidum penitus excluditur) omniū conrescentium est vinculum, ad coagulationem aptius redditur. Insuper caules & ramuli exiliores herbarum maritimarum adhesionem materiæ coralliferæ occasionem præbent, in quorum corpus etiam illa vt plurimum sese induit, illesque tandem penitus simul in Corallo conuerit. Cuius rei indicio est, quod quidam lithodendri huius ramuli sint cauernosi, nonnunquam etiam virgulis aut juncis intertexti. Denique per totam naturalium historiam liquido patet, Maximas subinde elementorum & elementalium contingere mutationes & generationes, circa finitimas eorundem regiones.

Verum in sequentibus, quando Dioscorides, cumque illo plures alij scribunt, Corallum maris plantam, intra aquas esse mollem, durarique dum profundo extrahitur *καὶ τὸ στερεοῦν αὐτὸ ἐν τῷ ἀέρι*, à circumfuso nobis aëre, velut candens ferrum aquamersum temperatur ac solidescit, id à natura & experientia est alienum. Ita enim cum Corallorum generatione comparatum reuera est, vt oculis videre est, non vt auribus aliquando percipitur. Iam non solum visum mihi, sed & antea ab oculatis testibus auditum, Corallum reuera duritie dotatè à mari extrahi, siue in fundo radicibus colligati duritiem habuerint, siue ab ipsis auulsi, interea scilicet, dum in Aqua versus superficiem elati fuerint, eandem contraxerint. At verò rationi nullo modo consentaneū eandem causas, cum iisdem circumstantiis, & quæcumque demum ad effectum concurrere possunt, nulla majoritatis aut impetuositatis ratione vllibi apparente, alicubi minutissimo temporis spacio, imò quasi

ad ictum oculi, effectum reddere id, quod ne longissimo illo, ad aliquot annos sese extendente, aliàs ab iisdem perfici antea potuerit. Si enim mater tum causa est, illud idem interea permanet, dum extrahuntur; si frigus, major ratio quod duritiem nacti fuerint in fundo; si quid aliud, jam ante dictum, nihil facile compingi ac coagmentari, in motu quo cietur & agitur, nisi admodum crassum extiterit, quod de Corallis si affirmatur, ratio danda, quare ob illam crassitiem non in fundo, diutina illa naturæ follertia potuerint indurari: Hoc enim experientia & natura comparatum est, ut omne agens, dum in termino est, dum firmum est, fortius & efficacius agat, quam dum in transitu est, & motu.

Ais multa dum matri adhærent mollia, vel lenta, veluti cornua, ossa, & ex succis lapidescentibus in terra, lapides illos ossæos, quorum mehercule stupendum in vicinia exemplum præbet Cauerna illa non procul ab Elbingeroda, *Beaumanßbohl* incolis dicta; Item oua Gallinarum, quæ Libanius in emittendo molli membrana obducta refert, refrigerata verò ad ærem obrigescere; At à matre segregata duritiem adipisci, Primum dispar omnino ratio est, eius, quod cito & veluti in instanti committitur, ab eo, quod non nisi sensum & sensum, mutata scilicet vel nutritionis, vel æris vel loci excipientis, vel denique alià atque alià rerum interuenientium, diuturna conditione; ob quas causas non minus me sciente contingit, herbas & arbores quoque varias non solum qualitatum & exterioris formæ, sed & speciei mutationes subire. De quo prolixè Lemnius 1. de occult. naturæ mirac.

e. 17.

Reliqua de ossibus, cornubus & ouis partim falsa sunt. (Inuenio enim cum Marfilio occisâ Gallina, intus antequam adhuc calor expiraret, ouum durum, imò à viua gallina illud naturaliter ex-

clusum, dum enim corpus aliud durum vel leuissimè tangendo, frangitur, naturam duritiem satis probat) partim à *αποσθόρυγα* & à scopo aliena. Cornua enim & ossa mollia aliquando, aliquando dura, sed à termino à quo ad terminum ad quem, à priori ad posterius nulla interest mutatio momentanea, neque antequam ærem passa, nec postquam ærem passa, quæ omnia si ad rem dicta fuissent, vera esse oporteret.

Accedit vberior ratio ad munimentum iam facti iudicii; Quod si enim in ære duntaxat Corallorum concretio, ab ære & eius siccitate procul dubio eius concretionis esset causa. Iam quæ à siccis coagulantur, ab humido resoluuntur.

Corallia verò non ab humido, quatenus illud tale sed ab igne & quæ eius naturæ sunt, resoluuntur. Denuò etiam mollirentur ab aqua marina, vel ad minimum quocunque modo emollita in eo statu retinerentur, non secus ac in sale simplici Nitro luto & aliis videre est. Id quod Experientiæ euidenter contradicit; Liquefcunt enim ab igne & in aqua iterum acquirunt duritiem.

Denique non video, quomodo in consueta forma conspicerentur Corallia, si mollia cum impetu ita euellerentur. Dato enim eo, quod instar plantarum extraherentur, danda etiam nihilominus essent necessaria extractionis accidentia, nimirum varia illa variorum flexuum, contorsionum ac conuolutionum forma, cum tamen quod figuram spectat, nunquam non illa æqualiter in altum erecta exhibeantur.

Certum itaque est ut quidem antiquam & vulgarem ita tamen erroneam illam opinionem esse: quod intra mare molles sint coralli; quodque non nisi ære tacto tanquam Medusæ conspecto capite obrigescant. Quin potius ita se res habet; Cum Coralli more plantarum siue per introsusceptionem siue supperaditionem

succi lapidescentis crescant aut grandescant; adeoque in principio vel medio incremento, succi ipsius vberitate nondum ultimam formam adepti re vera teneri sint, ubi verò finem & perfectionem nacti fuerint, atque is ipse succus cum tota Corallorum substantia duritiem acquisierit; modò & ut plurimum Coralli penitus solidi in & extra mare inveniuntur; modò verò sed rarè aliqua ex parte molliusculum quid intus medullæ ossium ferè analogum adheret, (proxima scilicet eorum materia) quod in & extra aquas velper se paulò post in consistentiam abit, vel ubi super lapidem, lignum, ferrum aut simile quid ceciderit. Hæc de generatione Corallorum *ἀπὸ τοῦ πρὸς ὁ* jam propriè ad Tincturam eorundem.

Verè & vtiliter Theophrastus passim: Multum interesse non solum rerum virtutes, sed & virtutum processum intelligere; quippe qui æquè ac illæ à Natura ipsius sanitatis conseruandæ & restituendæ ergò dati & concessi.

Quidni ergò remis velisque in id annitatur, vt corallorum à nemine non pleno ore hætenus deprædicatorum genuinam præparationem assequamur; Eandem cum ipso pleriq; tribuunt Tincturæ, quam, sensu medico, verum ipsamet esse corallia, quod verò extra ipsam detur, pro rejectamento habendum; illam ipsam enim corpus quasi Corallorum Spirituale esse, in quo omnes eorū virtutes plene conspirent. Non aliter ac in Moscho dempto odore nihil est præterquam cadaver; ita Corallorum Tincturam esse totum formale ipsum, quo habito, cætera susque deque habenda.

Qua arte verò & quomodo prædictam Tincturam comparemus hic Delio natatore opus.

Quidam succo Limonum vel Berberum viam parant; sed eo ipso inscij in Magisterium, quamvis non extra præclarum in Medicina usum, non in Tincturam

incidunt.

Quidam cum dimidia parte succini mixta Corallia per Retortam destillant; sed rubedo inde emanans obscura nimis, non Corallorum est, sed succini. Erubescant ergo qui scribunt succinum esse Tincturæ Magnetem.

Alij cum Vitriolo destillant, rubrum oleum sperantes, quod pro Tinctura essent accepturi. Verum vtut Corallia rubedine ita exuantur quæ etiam aliquando visa, ac firealiter in vas destillatorium, albis relictis coralliis, fuisset translata; frustra tamen in eo etiam laborant, dum illa ipsa in excipulum nunquam porrigetur, & tinctura si vlla ascendat, non tamen nisi destructo corpore detur, quod à vera Tinctura alienum docente Paracelso de Caduc. parag. 4.

Quæ beneficio pumicis extrahitur, multorum animos hætenus detinuit, & sciò illam ab amplissima quadam schola approbatam, cui ipsemet quoque fidem propterea habui. Donec tandem rem ipsam *αὐτοχρίως* aggrediendo, expertus fuerim, quod prima vice circulari igne ad aliquot dies calcinata Corallia rubedinem quidem amiserint; pumex vero eius minus particeps factus sit; Altera vice repressiori igne ad aliquot horas tantum adhibito, primum, rubescere cepisse pumicem, coralliis interea fere nigricantibus, postmodum nihilominus tincto pumice, corallia penitus albo colore fuisse suffusa. Qui utrobique labor propterea mere illusorius, quod ex vna parte remissiori rubedo in subiecto nimis quanto, indigna extractione; ex altera parte mota suspicio, pumicem totius Astralis tincturæ vere non esse capacem, nec verum artificium, quo fixus coralliorum color ex potentia in apicum debite producat, ad quod ipsum tamen principaliter eadem actione respicitur.

Aliàs enim quanto Corallia magis rubedine exuerentur, tanto magis, (ad mi-

ninum) ipsa in pūmicem deponeretur, quod Experientiæ contrarium. Ne dicam ignem istum calcinatorium, naturale corallorum temperamentum frangere, proprietatesque Specificas & Tincturam vere Astralem deprædari. Siquidem à prædatoria hac ignis facultate ne Metalla quidem solidiora Corallii tuta, id quod etiam probat Magnes qui calcinatus virtutem attractoriam omnino deperdit, nec succinum vltim vim trahendi paleas nec colorem retinebit, quod tamen cum conchis & cochleis Corallis plurimum affine. Breuiter nisi error fuerit in dispositione materiæ, quod forte contra Libauij sententiam recentia adhibuerim (cui tamen parum tribuo) aut prædictus processus omnino seductorius est, aut gradus quidam calcinationis indeterminabilis fingendus,

Vltra quem citraquæ nequit consistere rectum.

Hoc ergo cum non omnibus daretur, & potius casu quam arte obtineri posset; plurimi etiam absque corrosiuo (quidni etiam absque igne, qui corrosiuorum ipso actu potentissimum?) cum Turqueto Tincturam elicitam velint, laborandum sedulo, vt istiusmodi menstrua inueniantur, quæ sub mediocri acrimonia austeritate quadam prædita sint, qua quidem partem aliquam Corallorum soluendo aggrediantur, tenuissimam nempe in qua Tinctura siue Essentia hæret, cumque ea Tincturam specificam apprehendant, fiant, fixamque seruata dispositione, (cum Angelo Sala enim hic facio, Tincturam Corallorum sinceram in seipsa subsistentem non dari) de subiecto in subiectum traducant adeoque actualement Tincturam concilient, non vero quæ corrodant, aut corallis omnino nihil detrahant. Id quod in Melle, in ligno Quercino, denique in sorbo syluestri abundantius reperi quam forsitan alij in quouis alio. Sapienti satis. Hic enim lampada currens trado.

Tinctura smaragdi.

Corallorum Tinctura manum præbuit illi etiam, quæ ex Smaragdo à quibusdam magno cum præconio extrahitur. Ea ita passim describitur: 3. Vrinam puerorum vinipotarum recentem, destilla per alembicum in B. M. idque cohobando repete, & prodibit spiritus cum suo phlegmate mistus; huius sufficientem quantitatem funde super Smaragdi puluerem, & cerulea Tinctura extrahetur. Iterum extrahe superfusa alia vrina destillata, & demum abstracto per destillationem menstruo, reduc in puluerem griseum, quem de nouo cum spiritu Vini extrahe in summam viriditatem. Spiritu Vini denique ablato ad aliqualem consistentiam, relinquitur Essentia Smaragdi in fundo. Cuius dosis gutt. 6. 7. 8. Dysenteria & fluxibus alui quibuscunque mirifice utilis, nec non cordis affectibus, palpitationi, Melancholia &c. medicina præsentissima &c.

Si inuentis addere facile, addam pauca: Vt merito punctum fert Aphorismus Sala:

De lapidibus pretiosis non posse separari tincturam, liquorem, aut sal sed; eantum esse resolutiones Salium externorum; ita nec Smaragdi Tinctura, pura, simplex, & propria omnino astimanda. Quin imo maxima eius pars sali volatili vrinae accepta referenda. Id quod vel inde satis probatur, quod vrina simpliciter destillata nullum colorem, etiam si integrum annum cum smaragdo relinquatur in digestionem, eliciat; sed tum demum spatio vnus diei id muneris absoluat, quando sale volatili suo exacerbata superinfunditur.

Quod item remota aqua vrinae, restitante tamen prædicto sale cum puluere extracto, spiritus Vini officium suum in extrahendo Tincturam citissime obeat; illo ipso vero sale ablato seu adempto per edulcora-

edulcorationem, otiosus penitus subsistat. Quod insuper de colore viridi in grandiusculis partibus Smaragdo aut nihil aut parum decedat. Denique quod aliis lapidibus aut corporibus per se eodem colore minus præditis, vrina vel Sal ammoniacum rite admixtum, eundem tamen colorem afferat. Exemplum sit aqua rosacea, in qua sit sal Ammoniacum solutum, cuius potissima ac potentissima pars sal vrina volatile est, ea affusa corallii rubris, quæ tamen nullum præterquam rubrum colorem obtinent, cæruleum impense extrahit; Is autem sub se completitur viridem. Sic Spiritus Vrina à phlegmate liberatus, purgatusque rite, ex argento pretiosum illum colorem cæruleum vitæmarinum dictum prolicit, cum tamen nemo non causam videat dubitandi an Tinctura illa Lunæ genuina sit an vero ab vrina.

Vno verbo: Tinctura hæc Smaragdi, vtut pleno ore decantata, vera & simplex, (atque adeo astrum sui cæli specificum & proprium) non est, sed maximam partem è sale vrina aduentitia, quod ipsum sal mirificum colorum varietatem potentia continet, secundum quam ad variam subiectæ materiæ *diatēsi* modo hūc, modo alium, frequentissime tamen viridem aut cæruleum colorem exhibet.

Ideoque magis Elixiris quam Tincturæ vel Essentiæ nomen meretur, quippe quod medicina è pluribus sit composita.

Porro cum duplex in Smaragdo insit Tinctura, velut etiam in Corallis, Volatica seu spiritualis vna, in tenuissimis & vix perceptibilibus particulis hærens, facile quidem trahentibus morem gerens, sed sub incerta & inconstanti forma, Non enim in constanti corpore subsistit; Altera fixa, quæ per totum corpus radicitus diffusa, nec eo vsque exalata; Hæc ipsa trahens menstruum non sequitur nisi particulatim & subiectiue, id est, quate-

Ang. Sala.

nus & quousque compagēs corporis simul soluitur, adeo vt eius nihil quicquam secedat, nisi & aliquid corporis dissolutum fuerit. Id quod non solum diminutio ponderis ipsius Smaragdi peracto opere, sed & sedimentum abstracto vrinae spiritu, corporale commonstrat.

Ne ideoque hic laterem lauare videaris, menstruum Sale vrinae prægnantissimum adhiberi necesse est (quamuis hoc per seipsum determinatis corporibus vntum aut conjunctum talem colorem potis sit oculis offundere.) At sic communi illo more & modo præparatum vrinoso & sulphureo fatore tam fragrabrit, ac vix vrina in matulis putrefacta, quo eodem fatore etiam Tincturam sine dubio inficeret, res Chymico Medico prorsus indigna.

Ideoque non solum vrinam oportebit destillare vt aqua, sed eo modo, vt & sale volatili, eoque ab omni fatore correcto inde potiaris. Alias enim non cassa nuce emerem tanti pretij Tincturam. Quod vt recte fiat.

Æ. Vrinam Oenopotæ pueri. Destilla per alembicum in feruenti B. denuo cohobando super facies proprias destilla, & prodibit vltimo sal volatile vrinae instar niuis seu pruinæ in alembicum, quod collige. Super hoc sal funde Spiritum Vini correctum, & eundem ab eodem leni calore euoca, qui si semper recens adiectus & per destillationem ablatus fuerit, demum omnem eius aufert factorem, eadem vice versa gratum odorem conciliando. Hoc phlegmati vel etiam Aquæ Rosarum commistum pro menstruo adhibeatur.

Quod si etiam sal commune cum ipso Sale Vrinae sublimetur, omnis terrestretas, à qua alias etiam syluestris color, cum ipso fatore tolleretur. Nec dubito Sal ammoniacum depuratum bene, eandem operam præstare posse.

Hhhh

SECTIO TERTIA, DE EXTRACTIS.

ANtequàm calamum hortemur ad Extracta, de menstuis illis inferuentibus pauca, & vel perfunctorie tantum.

Hæc ergo menstuurum vndique conditio est, vnde scilicet, quæ in quoquo casu conueniant, existimemus: Quod vnumquodque debeat esse soluens, nec sine necessitate corrodens; extrahens, non essentiam vitians, corrigens, nihilque coinquinans.

Hoc sensu inter omnia palmam offerrem, dummodo haberetur, Vniuersali illo philosophorum mensturio, velut palmatio, quod omnia metalla ac lapides ab impuri puncti quaternarij coagulationis vinculo philosophice & naturaliter liberet; quod omnium specierum animas, tincturas, essentias & facultates euocet, & suas illis reciproce participet vires, non tamen inimicas; sed cuilibet analogas & appropriatas, vnde & illorum operationes augeat, & impense prosperet; quod disrumpat solidissima Auri & Argentimembra, & teneros Rosarum flores consimili attritu, eodemque plane artificio. Quid enim plura in Artibus, vbi æque commode, imo longe commodius pauca sufficiunt?

Verum hac de re aliter philosophari mihi datum non est, & sentire, quam quod vel ambitionibus & factionibus exercitis conjurationibus aliorum aliis distrahentibus Sapientia & φιλομαθία, quæ in medio sunt nimis lacerata, non omnia κατὰ τὸ λεγόμενον, omnibus, etiam si in Naturæ gremio fouerentur, contingant; sed vel vtilissima καὶ τὰ σωτῆρα turpiter abscondantur. Turpiter inquam

& impie. Sapientum enim finis, teste Scaligero, Sapientie communicatio est; & qui scientiam rei vtilis habet, eamque non confert in commune, secundum Paulum 1. ad Cor. 14. nec DEO placet, nec ab hominibus sapientibus commendatur; Vel quod vniuersale huiusmodi menstrium in rerum natura actu & realiter non magis, quam τὸ ζῶον τὸ καθόλου, ὃ ὁδὸν ἐστὶν, teste Aristotele 1. de anima cap. 1. ἢ ὄντων offendatur. Siue enim ipsius menstui, siue objecti menstrio illo tractandi naturam accuratius mentis oculis intuearis, argumentum nullum est, quo ad credendum hoc impellaris. Neque etiam tam vniuersaliter sinceri tractus, quo omnium rerum vires in libertatem adfertæ fuerint, absque vlla mutationis impressæ nota, testimonium perhiberi ab vilo cum veritate potest.

Imo contradictio potius est in adjecto, & σιδηροζῶον plures ἀντιφρον, Menstrium vniuersale tanto studio predicare. Si enim menstrium est, vtique particulare est, & artificis aliquid instrumentum, quod virtute sibi communicata nempe per directionem & determinationem Chymici ad actionem eleuatur, nec extra vsu menstui rationem habet, sed materię duntaxat ad menstrium huic illiue vsui pro Artificis ingenio parandum accommodandumue aptæ. Quemadmodum ergo Chymicis sapientia nunquam cœlitus demissa est talis, quæ omnium rerum soluendarum missiones, temperamenta & ιδιοσυγκρασίας ad vnguem perspicat, sed ea de re magna & varia ad hunc vsque diem vt maiores nostros latuere, ita nos indigniores adhuc latent, quæ vel omnis posteritas, si quæ futura est, nisi diuinitus adjuncta, nullis temporibus eruet; Ita sane ex lubrica hæc artificis directione non nisi particularem fieri menstui ζῶον nemo, arbitrator, inficiabitur.

Deinde num Quintæ Essentiæ (cuius

merito tamēn omniēn paginam absolui hic arbitrantur) ut formatum differentium numerus innumerabilis, ἀνὴρ enim ἄνθρωπος, ita complures imo innumerabiles ordines sunt, adeo ut quæ illarum vni naturalis est (quamvis omnes origine cœlestes) continuè omnibus æquè naturalis minimè sit, & amica? Et num si vinculum coagulationis liberare debet, eo ipso totius compositi harmonia & ordo, & omnes inde dependentes facultates turbabuntur & pessum abibunt, ad quas, principio scilicet illarum dissoluto, nulla neque menstrui, neque Medici dirigentis obstetricatio, ut recolligantur, quicquam poterit? Quo certè argumento nemo in Succino vel Magnete exemplum dedit, quod Essentiæ illorum extractæ æquè paleas & ferrum traxerint, ac Magnes & succinum integrum.

Si objectum menstruo illo tractandum respicias, non solum Plantarum quod Theophrastus libri de plantis author, agnouit, sed & omnium rerum sub-lunarium Natura verè πάλυξ est; adeoque impossibile, ut illa simpliciter vni hac in parte amica subditaque compareat; quin potius, ad decantatissimum illud Philosophorum axioma: Receptivum non recipere per modum imprimētis, sed per modum receptiuitatis; idem quaecunque diuersis diuersum sit speciebus, eodem modo, quo Scaliger subtilitatum Magister, idem mouens eadem vi vario motu diuersa mouere immota ratione dicitur. Hinc fit, ut quod alibi acerrimum, imò Corrosiuum se penitus sistit, alij vix leuem mordicationē inferat, ne dicam aliquando dulcissimum præbeat alimentum; nec idem calidum æquè calidum sit Salamandræ & Testudini, aut pulueri Tormentario & Aquæ, &c.

Quapropter anomalium corporum Theophrastus de V. Essentia perspi-

cuè docet: etiam si è Metallis Quinta Essentia; & quidem cum corrosiuis in aprium produci possit, longè tamen abesse hoc à corporibus sensitiuis, quæ Essentiam seu spiritum Vitæ absque corruptione aut destructione non dimittant.

Si verò nos ad hunc modum præter corruptionem, vitam cordis extrahere possemus, ut ex insensibilibus possibile nobis est absque dubio sine maioris morborumque perceptione perpetuo vivere possemus.

Ideoque cum Menstruum simpliciter, vniuersale vix, ac ne vix quidem, nisi Logicè, detur; præmissò duntaxat generali aliquo in certo respectu sic dicto, ordine deinceps ad diuersa genera instituto aliis multis exemplo illis qui non nisi verbis magnicrepi sunt, in opere verò nihil aut parum pollent, doctiorum locura minimè denegabimus.

Quod ideoque nos generale menstruum appellamus, Quinta Essentia meracia est, vel simplex vel Alcolifata, (quæ etiam Sulphur cœleste Orionium, de quo suprâ, pertinet) rotationis circulo in tantam simplicitatem redacta, quantum Naturæ & Arti possibile est, adeoque proximè accedens ad naturam ætheream. Hanc enim Essentias, facultatesque rerum omnium in genere, fartas testasque extrahere, vbi inprimis præuia subactio accesserit, nullus dubito.

Siquidem nec Auro, ut vt firmissima compage stabilito, ab ea pax est, dummodo prius Philosophica calcinatione solutionis susceptiuum, & velut impalpabile efficiatur.

Quod ordines rerum ad quas menstrua seorsim pertinent, tangit; Lapidum generi maxime appropriata sunt, Crollij Acetum radicatū, Penoti Acetum Hydromelitis, Spiritus Vitrioli Philosophicus, Acetum destillatum, Spiritus Guajaci rectificatus, &c.

In genere Mineralium & Metallorum merito laudantur, Aquæ Mercuria-

les, Aquæ Philosophicæ è Nitro, Vitriolo, Sale; Aceta, Lixiuia, Spiritu Vini Alcoholifatus, nec non Olea interdum aromatica, interueniente hostili Aquæ fortis accessu exasperata, vt in Auro potabili Thurnheuseri, Huseri & aliorum.

In vegetabilibus denique primatum obtinet: Spiritus Vini, Ros majalis destillatus, Aqua pluuiialis aliquoties destillata, Aqua Tartarifata, Aqua Theriacalis, Aqua pomorum redolentium & multorum simplicium. Prout autem alia aliorum, modo ad hunc, modo ad alium vsum Symbola magis ferunt; ita varia singulorum electio est, varia eorundem rejectio, secundum quod ad Artificis mentem scopi consequendi causa vel optimè congruunt, vel minimè congruunt; Instrumenta enim suo fine propriè definiuntur. Sic ad purgantis facultatis è vegetabilibus extrahendæ rationem, vniuersali velut convenientia quadrat Aqua pluuiialis sexies (singula vice ad certam mensuram) destillata; Aqua item Tartarifata, de quo suprâ. Verum interea haud disconuenit specialiter, Aqua pomorum redolentium, Aqua Fragorum, paucis olei Tartari guttis exasperata ad Catharticum è foliis Senæ præparandum: Sic Aqua Cinamomi Agarico dicata est, Endiuia Rhabbarbaro. Quando è diagridio virtutes querimus, in cæteris picis instar lentore corripitur, solum menstruum Cydoniorum aut Spiritus Vini conuenit. Pariter Saccharum non Spiritus Vini soluit, sed is ipse acetosatus primum, vel Rodostagma. Tinctura cærulea è ligno nephritico Aquis fœlicius obedit, quam Spiritui Vini. Econtra is præstantior est ad Santalum, &c. Oleum Amygdalarum melius ad Tincturam è Radicibus Archusæ, quàm Aquæ simplices vel destillatæ. Denique etiam Spiritus Terebinthinæ parum proliciet ex Croco, Myrrha & Aloë aliisve rebus combinationibus, nisi calcinatis & dige-

stis, vbitamen Spiritus Salis, Vini, Sulphuris, ad votum operantur.

Quæ singula (plura breuitatis causa recensere nolo) *autographus* sapius expertus sum. Specifica tamen specificis vbique associanda, & quæ Cephalica, cephalicis inferuiant; quæ hysterica, hystericis, & sic in reliquis.

In genere etiam hoc notandum venit: quoniam menstrua quædam Sulphurea magis, quædam Mercurialia; quædam Salina: Suo quæque generi analogo maximè esse dicata. Propterea Diaphoreticorum & confortantium extrahendis viribus conuenientissimus est Spiritus Vini vt in Camphora, Croco, Benzoin, Santalo, Opio, Theriaca, Guajaco, Sassafras, &c. quorum vapidas partes potissimum cupimus; Non æquè in purgantibus quibusdam, Sulphuream partem enim (Natura dum sua & appetit & vorat) petit, vim purgantem in Sale volatili sitam vel non extrahit optato, vel, dum iterum destillatur, simul abripiendo infringit. Adèd enim Diagridium, vt cætera taceam, viribus fractum est, postquam spiritu Vini facta inde extractio est, vt per se ad scrupulum integrum, vix gravis sex octoue Diagridij seplaliorum æquiualeat.

Sic Mechoacæ in vino exhibita substantia tantùm abest, vt non vitiata sit, vt vix drachmam semis ipsius in Morsulis ex vno vel altero duntaxat Diagridij granulato simul confectis alium pluries deiecitisse, quàm drachmas duas Mechoacæ cum vino datas, perpexerim.

Dosin Colocynthidos Mesue esse, ait à gravis sex vsque ad decem. Si verò dupla Spiritus Vini infusione eius Extractum concilietur, adeo mitescit illud, vt vix duplo pondere assumptum ad moderatè purgandum sufficiat, & hinc Diagridij aliquot gravis pro stimulo opus habeat.

Sic Sulphur & quæ eius naturæ sunt, oleo soluuntur, quam tamen Aqua fortis illud soluere nequeat. Vt etiam Spiritus

tus Vini substantias Sulphureas, lignosas & resinosas dissoluit: Sal tamen & saccharum eius potestati sunt exempta &c.

Quorum virtus Mercurialis est, iis extrahendis Aquæ & Liquores stillatitij descensorij commodissime inferuiunt.

Hoc respectu Oleum Tartari vel Sal ipsius Mercuriale ad guttas vel grana duntaxat quatuor vel sex menstruis liquoribus indita, egregiè infusionum terminos accelerant. Idem sperandum esse ab Aqua Tartarifata supra dictum est.

Id quod æquè pharmacopæis illud ignorantibus, quam agris ignorantium manibus se committentibus; his molestas expectationes, & hinc sæpè damnum creando; illis labores & sumptus in vanum multiplicando, plurimum incommodi hæcenus peperit. Sic inter Gummata quæ aquæ sunt nature, vt Gummi Arabicum, prunorum, cerasorum, aqua commodissime soluuntur, non oleo aut quæ contrariæ sunt nature.

Salina quorum virtus est, vt oculi Cancri, testæ ouorum, Limacum, perlæ, Coralli, Rubini, Hyacinthi, Smaragdi, Crystalli, &c. menstrua requirunt acida, nempe, acetum Vini, vel Hydromelitis vinosi, alcolisatum, mellitum, Succum, Limoniorum, Berberorum, vrinam, Spiritum balsamicum salis & sulphuris naturæ, spiritum Vitrioli, &c.

A quibus dum statim eorum dissolvens separare velis (quod elegans mysterium est) exemplo Quercetani in septem Magisteriorum præparatione, opera cuiusdam salis vegetabilis (id aliud non est, quam liquor seu sal Tartari dissolutum) ad aliquot guttulas superinjiciendi, statim videbis Magisteria ipsa vasis fundum petere, & postea vsu, absque scilicet Salis Ammoniaci acidi & vitriolati (quod alias per exhalationem si fieret, relinqueretur) conjunctione valde commode inferuire. Sic Ammoniacum, sagapenum, Galbanum & id ge-

nus alia, quævis soluentia facile respuunt, nisi cum Spiritibus salicis, cum acetofo spiritu in ipso aceto contento solutionem instituas.

Denique operæ pretium quoque est scire, quia copia menstruum superfundatur; vt ne deficiendo in sæcibus optima pars relinquantur; excedendo, citra necessitatem sumptus crescant, aliaque & præparationis & nausæ incommoda inde sequantur. Non enim facultas recipitur secundum magnitudinem subjecti; sed secundum modum receptiuitatis in ipso recipiente. Hinc velut Spiritus Salis, Nitri, Vitrioli, &c. Auro, Argento & Antimonio superfusi non omne corpus ipsorum in qualibet quantitate solunt; Quin potius illa reafusione noui menstrui opus habent; primum enim saturatum iam ab actione cessat sua, quæ nimirum in termino, vt loquuntur Philosophi versatur; ita etiam in vegetabilium aliorumque extractionibus quantitas menstruorum recte dimentienda est.

Quo argumento haud absurdè Beguinus asserere videtur, duas Senæ drachmas, quatuor Aquæ vncii infusas, ad purgandum æquè validas esse, quam si quatuor drachmæ totidem vncii duntaxat committerentur. Vnde quoque haud obscure colligere est: errorem minimè leuem esse, licet Crollio, aliisque magnis Authoribus familiaris sit, menstrua tincturis aromatum onerata, speciebus ad extrahendum demum superfundere. Quæ non annotare hoc in loco velut prolegomena, quam ad Extracta scilicet præparanda, omnino necessaria visa sunt, non potui.

Nepenthes sive Landanum Opiatum.

℞. Opij ad Quercetani mentem super laminam ferream exsiccando præparati & correcti. q. v.

Extrahe aceto stillatitio Essentiâ ipsius

Ad singulas huius vncias adde
Tincturæ Croci vt supra præpara-
tæ.

Pulueris Corallorum Vitriolatorum
ana ꝑ. β.

Ambragriscæ grana xv.

Ambram terendo primum cum Cora-
llis, postea cum reliquis ad lentum ignem
miscendo fiat Laudanum Opiatum.

Simplex quidem præparatio est; Sed
& Natura simplicitatis studiosa; & multa
in huius medicamentis compositione à
Crollio aliisque consarcinantur, quæ ta-
men vt exitiosa partim, partim superua-
cana à Theophrasto in Specifico anody-
no, à Quercetano in pharmap. rest. à
Wirtzio & aliis penitus omittuntur. Qua-
re enim innumera ad corrigendum Opiū
hinc inde colligantur, cum occulta vis
illius, partibus noxiis remotis, correctione
nulla egeat.

Laudanum hoc, vt & illud è Vitrioli
Sulphure Narcotico, quod à Reuerendo
& clarissimo Beguino habeo (sunt enim
Laudana remedia generalia, & pluribus
grauissimis affectibus quibuscunque cor-
poris nostri partibus inhaerentibus ac-
commodata) quomodo specificis extra-
ctis mixta, modo hysterica, modo ante-
pileptica, modo hæmoptica, modo ale-
xippyreta, &c. fiant; reticere hoc in loco,
vel medio in sermone cum sapientibus
lubentius volui, quàm ad Platonis sen-
tentiam cuius vulgo artem credendo,
ridiculam facere Philosophiam; Interea
lector, vt spero, satisfactus, quod præ-
dictam descriptionem Angelo Salæ etiam
familiarem, hoc in loco, vt perspicuè, ita
candidè, enarrauerim.

Laudabile hoc est medicamentum,
quod planè suo nomini responderit, si
Laudanum dicas:

ἰσχυρὰ πᾶσι καὶ ἐν παντί ἰσχυρὰ.
Omnium dolorum mitigatiuum, ardo-
rum consumptiuum, quietis conciliati-
uum, fluxionum restrictiuum. Cuius lau-

dibus tamen *καὶ τῶν ἄλλων* vt mē abdicam
quod Theophrastus de Magnete pronun-
ciauit, hoc ipsum ego de Laudano verius
propono:

Nullus in omni medicina videtur thesaurus
extare pretiosior, quàm vt morbus in suo centro
cohibeatur, ita, vt ne illud egrediat: Et postea
vt Medicus peritus sit, illum in suo centro dige-
rendi & maturandi. Hoc facto, morbus na-
turaliter & non præter naturaliter exire po-
test, siue bonus siue malus sit.

Inprimis autem, pro vt mihi præstitit
adprime, imo ac vix aliud quid in omni
auxiliorum materia, confert.

In Catarrho, & tussi sicca, tenui; licet
illa epidemia fuerit, aut maligna, vulgo
vocant, qualis anno 1615. & 19. forte ex
præcedentis anni nimis humida constitu-
tione, totam Thuringiam, ne dicam, aliàs
etiam nationes peruagabatur.

In profluuiis alui, siue ex hypercatharsi
In Tenesmo.

In phthysi.

Vbi notandum illud de Trochiscis ad-
vniuersas opiniones Oribasij. Consta-
bant enim ex Opio, Mandragora, Ius-
quiamo velut basi: Prodest, inquit, ad
phthysicos; in prima potione incidit fri-
gus, in secunda incidit febrem, tertia po-
tione tamdiu sudatur, donec incidat
omnem typum. Ideoq; phthysicos Crol-
lius diu eo ipso foueri posse dicit. Idque
vel facultate fluxionum restrictiua fa-
cit, quibus phthysici plerunque obnoxij;
vel frigiditate cum humida quadam tena-
citate conjuncta, (modo vera quorun-
dam de Opij temperamento sententia)
qua nimirum & Rhafes & Auicennas ad
impinguanda corpora, papauer hyoscia-
mum & alia impensè refrigerantia lau-
dat; & Lucretius eicitus capris impin-
guescendis adjudicat; siue proprietate oc-
cultâ, qua ad pinguescendum à Dios-
coride & Auicenna proponitur Sarco-
colla, à Mercuriali semen Cannabinum,
&c.

In affectibus dolorificis : Iliaca , Colica , Podagra , Caduco Matricis , &c. in quibus singulis fructus ipsius tantò maior , quantò cum specificis aliis felicius eius coadunatio.

Denique in febribus intermittentibus , Quotidiana , Tertiana & Quartana , præsertim cum specificis extractis ritè commixtum. Vbi propria ab Experientia certior factus , febrium intermittentium curam tam perfectam , quàm vix in aliis licet famosis practicoꝝ voluminibus quis reperiatur , auxilio ipsius institui posse assero. Cum enim febres potissimum digestionibus & resolutionibus impuritate mineralium generentur , quæ sine dubio , mira aliquando in corpore excitant symptomata ; illas mirificè & intra paucas horas sedat & tollit. Id quod sequenti cum distinctione accipiendum : Quando non aliunde morbi dilatatio fiat , id est , ubi materia febris tantum unica est , & sine fluxione aliunde facta , sed solummodo in membro determinato , in ventriculo pancreate , &c. genita , & putrescente , quod ab initio febrium communiter accidit , sola purgatio febrilis per Diacelatesson , à quo fortè Rosa mineralis nostra , vel specificum purgans antimonialis non diuersa , omnem paginam absoluit. Quando verò morbus cum fluxione est , vel per venas , vel per totum corpus , & ut Galenus ait cap. 6. l. 2. de Crisibus , inquinamento aliquo putredinali (Gal. 2. de differ. febrium cap. ult. *metoropica* *ommodovides* vocat ,) post singulas accessiones in foco relicto , id quod in omnibus intermittentibus febribus contumaciter perseverantibus obuenit , confestim duabus tribusue horis ante inuasionem hoc Opopyron Laudani sequatur : Hac enim vi , qua omnes ardores mitigat , fluxiones & fermentationes sistit , qua denique quosdam humores alterat , quosdam penitus dissipat , febrem vnà cum dilatatione , id est , morbum & *distans* in

corpore resistentem , penitus intercipiet & profligabit. Imò dum fluxiones in singulas partes coercendo non leue robur ipsis conciliabit , quicquid inquinamenti in fomite adhuc hæret , intercedente facultate partis naturali concoquet & superabit.

Addit Paracels. 2. de vita longa cap. 5. minutionem causalem per venæsectionem. Hac autem vtendum nemo sibi putet , nisi tantum sanguinis , cui simul materia febrilis mista , vitium sit , vt nisi onere aliquo leuata Natura , quod peccat vincere nequeat , Gal. lib. 11. cap. 15.

In continuis febribus à Laudano aliisque somniferis summo studio cauendum. Hoc enim nisi fiat , Crisis , turpi sæpè Medicorum probro perturbatur , &c.

Modum recipiendi quod attinet , istalis mihi hætenus , quando vereor , vt à contemptoribus animaduertatur.

3. Laudani nostri ʒ. ij. iij. 4. 5. quantum pro re nata suffecerit.

Magisterij Perlarum & Corallorum ana ʒ ʒ.

Terendo sedulò super porphyrium fiat puluis , & ex hoc pro lubitu beneficio sacchari & Tragacanthi in Aqua Rosarum soluti formula vna aut altera.

Quod verò Auicenna & Gal. cap. 31. lib. 3. de aliment. circa intercipientia & papauer inprimis notare voluere : eo ipso vti non licere , cum materia iam in peccus destillarit , sed antequam destillet , illud ipsum de Laudano etiam scitu cuius valdè necessarium , ne scilicet promiscuè fluxione in partem impacta , vt multi non observant , adhibeatur : Nam quando agendum , indicatur ab indicante præsentis vt vincit alia indicantia. Vnde materia fluens indicat retrahens ; materia fluxa indicat expectorans , euacuans. Tale non est Laudanum. Nec fluens materia tam potēs est , quàm fluxa. Nam materia verbi gratia , in pulmones fluxa magis nocet , vt propterea vti licet medicamento potius

euacuante; Medicamentum autem retrahens per modum interceptionis, vt Laudanum, materiam fluxam reddit magis rebellem euacuationi.

Quare vtendum est medicina interceptiue, antequam materia fluat; non vbi copiose influxa, qualis in pleuriticis & Asthmaticis euacuante opus habet.

Ex quibus *παραλινής* & hoc sequitur, quod, cum per somnum materia fluat, & vigiliarum tempore materia fluxa expurgetur. Laudano post cenam potius vtendum sit, hora autem vigiliarum euacuantibus.

Plura de Laudano & Opio, velut de temperamento ipsius, &c. quum verissima sint, & satis aperta, quæ de illis posuit Author Ternarij Laudanorum cap. 3. de his commentarij superuacaneum duxi. Saltem parasyllogismi causa, quem ibi à Colore opij extractum *αχρυσυλός* quispiam animaduertat, notetur, à colorum differentis ad temperiem rerum arguendam nulla valere argumenta, necessaria scilicet consequentia, attamen probabiliter & Rhetorismo quodam ad persuadendum illud, quod vel paulò antè, vel post immota argumentorum ab Experientia duكتورum sequela, pro certo creditur. Quæ de re prolixè Galen. lib. 4. de simpl. facult. cap. 23. his verbis: Cestum tutumque non est, de tota medicamentorum facultate ex odore conijcere, multò minus ex coloribus de medicinarum virtutibus colligere quid valeas: quippe cum in singulis coloribus, calida, frigida, humida, siccaque reperias: quemadmodum inprimis huius operis commentariis (lib. 2. cap. 3. vbi ridiculum argumentum vocat & inutile & palam falsum) ostendimus. In quoque tamen singulatim genere, aut seminis, aut Radicis, aut succi, ex colore indicationem temperamenti licet fumere: vt pote Cæpa, scilla, vinum, quantò fuerint albidiora, tantò & minus sunt calida, quæ verò subflaua fuluaque calidiora. Idem vsu

venit tritico, milio, ochris, phaseolis, Ciceri, radici Asphodeli, aliisque compluribus. In quoque enim genere in vniuersum fulua, rubraque omnia albis calidiora.

Itaque etiam hinc quoque de medicamentorum viribus conjectura fieri queat, tamen sermoni adjiciatur: Optimum sane esse (vt & dictum & ostensum sæpe numero) per Experientiam discretam facultates inuenire; In hac enim falli non potes. E quibus omnibus abundè est, si candidus es, quod Angelum Salam in dicto argumento excuses; si niger, quod errandi occasionem videas.

His operæ pretium est associare quæstionem de Hyoscyamo: An is, quomodo-cunque etiam depuratus, in Laudani compositionem laudabiliter ingrediatur: Idque propterea quod Angelus Sala hyoscyamum in multis suspectum dicat, in Ternarij Laudan. cap. de Laud. Quercetanus rationes tamen eius disterij sicco pede transeat.

Hoc ergò plurimi negant, & inter illos simpliciter quos noui eo consensu totius Collegij medici scripsisse. Esse enim, ajunt, Hyoscyamum narcoticum, adeoque deleterium, vt non tantum in hominibus insaniam, capitis vertigines, & veterinum gignat, verum etiam, Aliano teste, pastu ipsius resoluantur Apri, vnde & suilla faba appelletur; imò quod fumus ipsius gallinas præcipitio adfligat; & semen cum caseo antiquo, cochlea, farina hordeacea siue fabacea temperatum pisces ad commodiorem capturam insaturari faciat. Fortè etiam experientiam testem habent, quod eiusmodi Laudana non raro vel minima quantitate ægros damnis potentissimè auxerint, & furiosos, amensques reddiderint, &c.

In eandem etiam sententiam plures simul descendunt, velut quod Theophrastus, Wirtzius, Quercetanus in prima Laudani descriptione, Rondeletius in cap. de Colica in suis pilulis ad colicum dolorem

dolorem sciendum; Zvuingerus, Reufnerus, &c. non solum Hyofcyami additamentum negligunt, sed & quidam illorum de illo ab aliis admissio valde stomachantur, putantque Laudanum ex anodyno fieri narcoticum, & per antiphrasin minimè laudandum.

Videamus autem num prædictis vndiquaque fides habenda, & quis ubique nexus consequentiarum, quibus non tam simplices, quam periti etiam capiuntur.

Hyofcyamus narcoticus est.

Ergo è Laudani confectione expungendus.

Prius haud simpliciter verum; Deinde consequentia etiam vitiosa est. Audiant enim Dioscoridem lib. 4. cap. 67.

Ὁ υἱος ἡεροῦσιν ἡμῶντες ὡς ὁ ῥέλος.
Vtilis è ad medicinam placidissima tertia. Ergo de primâ & secundâ speciei Hyofcyamo (tres enim species agnoscit Dioscorides) verum duntaxat est: quodd narcoticus, *μανῶδης καὶ καρῶδης.*

Ille tertius autem albus; si propter aliorum vitia malè audiat; quare non Helleborum nigrum etiam rejicimus, propter albi veneficia?

Huc ideoque respicit Fernelius lib. 5. M. M. cap. 17. Hyofcyamus albus, inquit, eligendus est, cui flos & semen album est, cui verò flauum aut nigrum, quodd vel infaniam vel soporem inferat, fugiendum. Et quamvis dementationis causa minus tutum prædicet, immodico tamen vsu illud fieri aperte dicit.

Porro his parum cohæret illatio. Quod ob vim narcoticam Hyofcyamus ablegandus sit. Ita enim Marcellus Virgilius interpretès Dioscorideus: Intulerit fortè aliquis tam grauem noxam non minore bono illum rependere, optandamque in orbe nostro plantam, quæ tam efficax remedio contra dolores, quibus tota aliquando perit vita hominis, pugnet.

Nec quia menti noceat, idèd doloris lenimenta, quæ habet abjicienda. Parum

Ang. Sala.

sapienter enim, quia malo conjunctum sit bonum, ex altero vtrumque damnatur, cum liceat distractis in diuersa contrariis malo prudenter carere, bono autem fœliciter vii. Adde, quod hoc nostro sæculo ars perficiendi Magisteria, & essentias puras è mistis separato corpore extrahendi, plurimi sibi notissima.

Esti illud locum mereretur, quidni Opium etiam, quo sine tamen Opiatum nullum, ad Sauromantos ablegant & glaciale Oceanum? quippe non minus (de crudo & impræparato loquor) narcoticum & *μανῶδες*, quàm Hyofcyamus, vt vult Gal. lib. 2. 3. 8. de compos. medic. s. loca, eique assenserunt plurimi.

Quid autem reliqua mereantur maleficia, quib. Hyofcyamum longè superat? Numerantur enim à Nicandro in Opij potu, præter perfriktiones, soporem, languorem, prutiginem, & in toto corpore Opij odorem: notæ sunt alia plures: pallida facies, labrorum igneus color, exigua & frigida respiratio, liuescentes vngues, & concaui oculi; Et Dioscorides expresse Venenum cognominat. Quò sine dubio respexit Capiuaccius, quodd dum Galenus cap. 4. lib. 7. *κατὰ τὸ πᾶν* inter intercipientia catarrhos in Tussi proponit Hyofcyamum album & Opium, Hyofcyamum retinet; Opium autem licet fermentatum improbat: Quod item in Dysenteria ab Opio inprimis cauet, in suppositoriis etiam, nihil mali suspicando ab Hyofcyamo. Sic Fernelius, qui optima & præcipua quæque in quouis genere medicamenta selegit, cæteris vt inutilibus prætermisiss, lib. 7. M. M. ex Antidoto, Reque appellata, Opium exterminat; attamen interea semine Hyofcyamæ albi contentus, etiam si vulgaris eius medicamenti compositio, alias minus Opij habeat, quàm omne Philonij & Opiati genus.

Deleterium esse, alicuius quidem momenti foret, & quod culpam Hyofcy-

mi augetet: Sed exuamus hoc senium: si Hyoscyamus totius substantiæ diffidio naturam nostram depopularetur, &c. ad morem venenorum, nunquam impunè in corpus vsurparetur, sine aduersariis venenorum, & Alexiteriis. Atqui, teste Dioscoride & Aegineta, facillimè curantur qui Hyoscyamum hauserunt, si copiosa pota mulsa illis, & lacte succurratur; imò dicunt quietem imperandam esse, nec aliter quàm ebrij potum somno concoquant vinum, sic etiam quiete sua, qui hauserunt Hyoscyamum. At qui hæc à deleteriorum natura nonne alienissima? quæ quo somno intimius recipiuntur, tantò citius interneccionem pariunt. Quos viros nunquam satis laudatos si parui faciunt, verecundiæ saltem ipsis sit Galeni facult. simpl. Dictatoris autoritas. Is lib. 8. Hyoscyamum flore ac semine candido ad sanationes vel maximè idoneum prædicat, & à deleteriis illis speciebus expressè distinguit. Inuisus ne adeò sit, vim propter summè refrigerantem, qua contingat, calido extincto innato spiritus congelari? Quis autem hic melior arbiter ipso Galeno? qui citato l. ex tertio duntaxat ordine refrigerantium esse distitat, quem non Opium solùm longe excedit, veterum sententiâ; sed & sedum, Lens palustris, Lactuca, & Fungi, quorum tamen noxam ignis efficacia tolli, notius est, etiam in culinis, quàm vt eget narratione. Denique si nesciant, quis deleteriorum numerus, è vegetabilium pro sapia saltem, quorum plurima tamen vsum habent in Medicina saluberrimum, præsertim dum Artis Chymicæ potestatem, vt nunc est dextrè experiuntur, videant Catalogum deleteriorum Matthioli in Opuscul. de simpl. Med. fac. s. loca & genera. Vnde Cajus I C. Quis venenum dicit, adicere debet, verum malum, an bonum. Sed videamus & reliqua, quod videlicet amentiam pariat, veternum, & capitis vertiginem, & quod Faba suilla appelletur, à

suibus illato maleficio. Quid autem illud interest, cum de crudo duntaxat hæc admittantur, de tali Amentia, scilicet quæ teste Dioscoride, ebrietati duntaxat similis *ἡ εὐμενία καὶ μεθύσις ὁμοία*, & qui ea affecti sunt, *ἐν τῇ καὶ ἀλφειῇ ὑπάρχει τὸν διονύσιον*, restituantur? Si Carum faceret, imperanda non erat quies, pro remedio Hyoscyami opposito. Fabam suillam vocatam verum esto; pro suibus autem argumentum valeret hoc, non item pro hominibus, specie diuersis.

An enim quis abstineret ab amygdalis, quod esu ipsarum vulpes malè habeant? Quis Antimonio omnem in nos agendi facultatem denegat; quod illud videat, ne anserulum quidem in magna licet copia & crudum quicquam affecisse.

An omnis pestis; quæ sæpè multa millia hominum intereunt, nulla pestis, quod non æquè boues & sues periclitentur? Non enim, quod Author libri de flat. tex. 20. annotauit: omni animantium generi, eadem aut non conferunt aut commoda sunt, sed sunt alia aliis magis conuenientia.

Huic tamen ex aduerso ponatur: cum ope eius à dolore ad indolentiam, quasi diuino quodam beneficio multi restituerentur, non ampliùs Hyoscyamum, fabam suillam à suibus; sed à Ioue Dioscyamum, id est, Iouis Fabam, herbam Apollinarem & Pythonion dictum esse, prout idem commentator Dioscoridis pulchrè monet.

Pugnent Authoritatibus pro sententia sua; Nos nostram propugnaturi non dejectiores obtrudimus Antiquorum videlicet & Neotericorum *ἑὶς ὁ ἀπὸ τοῦ ἰατρικῆς* Dioscoridem, Oribasium, Galenum, Philonem, Andromachum, Capiuaccium, Oporinum, Fernelium, Quercetanium, Crollium, & plurimos alios, Quorum non solùm Laudana ex Hyoscyamo, *ὑπὸ τῇ* pharmaca Deorumque manus quasi; sed quibus etiam

eiusmodi compositiones acceptissima. Ex Hyofcyamo enim conflantur philonium Romanum Persicum, Tarfense, Athanasia, Aurea Alexand. Triphera, Theriaca, Mithridatum, Trochisci de Alkakengi, Diasulphur, pilula de Cynoglossa & plurima alia. Imò Coryphaeus illorum, qui Hyofeyamum hoc è loco perpetuò proscribunt, nonnullis affectibus velut hæmoptysi, &c. protutissimo æquè quàm præsentissimo remedio semen eius in scholis suis priuatissimis præstituit & optima de nota commendat.

Neque ἀπεργασίον hoc in loco, quod Thurnheuserus lib. 59. de vinarum probationibus de hac eadem herba magnificè proficitur. Iudæis, inquit, à multis seculis planta hæc Birjahbadal dicta est, id est, quæ fertilis sit & variis fructibus prodiga. Omnium enim terræ crescentium pro modo magnitudinis suæ semine abundantissima est, feracissimaque non mehercule absque singulari Naturæ providentia. Quo etiam pertinere arbitror, quod ab ea ipsa Natura prædicta semina velut ollis, operculis suis accuratissime munitis inclusa, abscondita sint, adedò vt Apelles artificiosissimus ita depingere, aut quivis alius sculptor accuratius elaborare nequiverit. Taceo quod arcanum longè excellentissimum, & ad hæc vsque tempora ne sapientibus quidem cognitum, in duplici suo distinctis alueolis comprehenso semine, vbi alterum ἀρσενικόν, alterum verò femineum, & alibi par, alibi impar, & plerumque ad 190 & 191. numerum ascendens (quo factum, quod semina vni radici innascentia sæpè ter centena millia numeraverim) ad iram aliofque cordis humani effrenes affectus iam sedandos, pro differentia prædictorum illorum alueolorum, quod mirum, reconditum habeat. Ideoque à Thurnheusero in Tincturam seu oleum elaboratur,

quod ipse in prædictis intemperantiis valdè nobile deprecatur, remedium.

Cum ergò antagonisæ illi tantorum Heroum, ne dicam suasinet ipsas sententias parum sui similes contemperint; affirmatiuam in hac quæstione ductu illorum meritò retinemus, cum limitationibus tamen his breuiter delibandis.

1. Hyofcyami species saluberrima eligatur, non illa flore, & semine nigro, luteo.

2. Non crudus assumatur, aut tempore minus balsamico collectus, sed ritè & scitè præparatus, sed à partibus noxiis, atque sulphure venenoso, si quod habet, defæcatus & separatus.

3. Apponantur ipsi debita κατὰρδύματα quæ frigidam retundere possint intemperiem, nervos roborare, crassos humores extenuare, & status discutere.

Et hoc modo cum Hyofeyamus, non secundum omnem latitudinem in corpus agat, sed & simul in medicamentum, ita vt hostilis efficacia, si qua esset, haberet, quo cum configaret, Naturæ medicatrici studeri eo ipso omninò statuiamus.

Interim tamen res hæc tam angustis terminis non cohibetur, quin Hyofcyamus nobis volentibus, in Laudanorum compositionibus, præsentè Opio, quod per se sufficiens tutumque satis, omitti inuitis etiam doctis viris aliquando non possit.

De Matlach Turcarum

Sed dum exemplar propositi Laudani, & quæ eius consecutanea sunt persequor, latius mihi circumspectanti ante omnia se offert Matlach Turcarum. Ideoque etiam de eo aliquid, quantum ex relatu fide dignissimorum accepimus, proferatur in medium.

Vt autem decentiùs transitus instituat, nec inutiles relatione implicemur, delibemus prius paucis, quomodo anima-

ti sumus in animum illum Turcarum Medicinis animatum, de quo Sala in Ternario Laudanorum supra. Non enim *aray-Us* quis dubitaret: An verum sit,

Animum hominis remediis quibuscumque animatiorem & latiore ad quavis obeunda conciliari posse? Videtur enim, si quis bona corporis valetudine fruatur, ad quavis objecta ipsum & hilarem & animosum sponte esse, pro modo naturæ suæ cuiuslibet congruo, absque eiusmodi Martialibus assumptis, quale Matslach Turcarum perhibetur esse, pro qua etiam sententia in primis perspicuum illud Hippocratis 6. Epid. part. 5. Aphor. 2. Naturam suam sponte inuenire motiones, quibus ipsum corpus regatur, quantum expedit. Videtur etiam, hoc si fieret: Corporis imperio, animæ seruitio nos uti, secus quam veritas patitur à Salustio in Catilinaria iisdem verbis expressa. Omnes siquidem Medicinæ in corpus directæ sunt, quod & vnicè agrotat & malè habet. Hinc falsò voluisse Hippocratem 2. Aphorism. 6. nisi cum grano salis accipiat, Scaliger docet: Mentem agrotare, cum dolorem, quo cruciamur, non sentimus. Animus autem, animæ vis & facultas propria est, quæ tota ipsa actus est, ac proinde pati minimè nata; multò minus à corpore, cum quo genere minimè conuenit. Vnde nam ergò fiat, re quadam assumpta in exaltationem & animositatem, quæ scilicet ab animi motibus, quemquam concitari, inque ea feruidè præcipitem esse, quæ aliàs scitè magnopere euitarit. Præterea argumenta supra contra usum Aquæ Magnanimitatis Achilleum, idem inferre videntur; ac si nempe parùm eiusmodi remediis tribuendum.

Atqui hæc speciem tantummodò veritatis habent, non ipsam declarant veritatem. Si enim, erit Spirituum vbertas & splendor, iis quæ materiam spirituum vel dissipant, vel impuritate

contaminant, vnde cor languescit, & cuncta in tristem mœrorem abripiuntur, velut sæpè contigit à Medicamentis veneficis, morfu canistrabidi, &c.

Quare è contra remediis robur & tenuitatem spiritibus conciliantibus, non venustiore hominis & latiore animi refectionem tribuamus? Et affectus quid aliud sunt, quam motus cordis pro spiritu & sanguinis constitutione in homine & inchoati & perfecti? Ita in tenebris pauit Melancholici, quia spiritus atrii & tenebricosi; Quando verò in corde Spiritus exactè elaborantur, lumine quodam vitali perfusi gaudij & hilaritatis auctores euadunt.

Atque hoc sese adeò vsquè extendit, ut & sacra tangat intellectionis, puta quibus initiari anima non potest, ne dum perfici, nisi hoc fideles animæ satellites, spiritus legitimè temperatos habeat. Hi verò spiritus pro corporis æconomia Medicinis variè substante, augeri diminueque possunt.

Insuper fieri omninò potest: iudicium & phantasiam hominis re quadam assumpta adeò perueri, ut ad tempus erret, in dijudicatione objectorum, nec inter læta & tristia, vel detestabilia & apprehensibilia discernere possit. Ita canina rabie affecti aquam timent, & hydrophobià laborant, citra rationem duntaxat propter abundantiam succi atrabilarij, quo spiritus animales tenebricositatem patiuntur, & mens alienationem; Et philtora quorundam animos non rarò ita occæant, vel potius in furorem abripiunt, secundum illud, philtora nocent animis, vinque furoris habent, ut pulcherrimis relictis deformosissimas deperditè ament feminas.

Quod idem etiam euidenti conuincit testimonio Vinum, quo in præsens gaudium extra occursum sæpè rei lætæ, oppidè abripit hominem, mentemque ad objectorum rationem aliàs profundè soli;

clitudine affectam, omni exuit molestia. Etenim spiritus gignit moderatos temperie & consistentia medicos, humore moderato perfusos, ac splendidissimo lumine emicantes; immoderate vero assumptum, subtili acrimonia Spiritus impellit, & ad quid vis agendum expeditionis reddit. Quod de se ipso vfu compertum suauissimus Anacreon, vino suauiter tinctus canit:

Vbi suaue poto vinum,
Subito molesta cura, &
Operosa consilij vis
Rapidas eunt in auras.

Et Horatius 1. Epist. 5. in simili confirmat:

Quid non ebrietas designat? operta
recludit;
Spes iubet esse ratas, in praelia trudit
inermem:
Sollicitis animis onus eximit, addocet
arteis, &c.

Simile affirmatur à Fiorauanta de Oleo Cannabino lib. 5. de Secretis cap. 61. scilicet. *Milites illud adeo animare, vt hostem audacter, omnique abjecto timore aggrediantur.*

Taceo in eodem hoc negotio antiquissimos pariter, & recentiores Authores esse *εφοψύχους*, qui nimirum plura notarunt ad vigorem animi redintegrandum rescindendumque; cuiusmodi est Confectio exhibens Rhasis, Electuarium laticans Galeni, Nepenthes & alia. Quibus merito annumeratur etiam Nepenthes Anglorum & Belgarum, Tabacum, quod quantum animo conferat, cum sit *κακὸν ἐπιπαισμον ἀπάντων*, abundè explicat D. William Barclay in libello, quem Nepenthes, siue de virtutibus tabaci inscribit.

Neque illud hominum exempla duntaxat probant, sed & brutorum animalium. Sic Agallochum in puluerem redactum admixtis aliquot Caryophyllis, atque offe de corde cerui, oleo; Nigellæ, Galli gallinacei vertici inunctum, tantam ei alacritatem conferre, vt Gallus cantilla-

re, ac crocire non desinat, author est Lemnius cap. 4. lib. 2. de Complexion.

Et triuiale est exteris præsertim nationibus equis suis aciem ingressuris robur cum corporis, tum animi, quibus sæpè incredibilia cursuum spatia sine pascu, vllaue extra potum rectione, absoluunt, addere, cuius etiam Philippus Cominaus Gallorum Regi à Consiliis & historiis lib. 1. comment. hac ferè sententia meminit: Erat mihi, inquit, tum equus & vetulus admodum, & fractus laboribus, is fortè situlam vini repertam hausit, eaque potione sic fuit recreatus, vt alacriorem antea nunquam fuerim expertus. Eiusdem argumenti sunt quæ Theophrastus de radice Chamæleonis tempore suo balsamico effossa prodit, quod non solum vires adimat, & in quouis labore collaborantem à tergo multis parafangis relinquifaciat, sed quod etiam ingentium animi corporisque robur equo ita accendat, cui illa in os indita, vt in decursionibus parem, quod exemplo probat minimè habeat. Quis dubitet Anglos Gallis suis in medio hominum consensu pro more concertantibus quippiam deuorandum dare, cuius virtute feruefactis animis ad interuersionem vsque saltibus egregiis sibi inuicem insulcent. Neque etiam ab hac animos immutandi facultate Fontium quorundam Natura cessat: de quo Ouidius lib. 15. Metamorph.

Quodque magis mirum est, sunt qui non corpora tantum,

Verum animos etiam valeant mutare liquores.

Cui non audita est obscenæ Salmacis vnda?

Æthiopæque lacus? quos si quis faucibus haurit,

Aut furit, aut patitur mirum grauitate soporem.

Qui ergo primum illud obijciunt, minimè audiendissent, si de functione animi & cordis loqui velint, non vnice saltim

de dispositionē ad hanc ipsam functionem. Sanitas enim ineptē in ipsis functionibus reponitur, cum ab iisdem etiam qui sani sunt, recedant, & quiescant; vbi certē aliquo externo, velut ingenij virtutisque incitabulo, calefacto simul refotoquo animo, si quid in eo, vel frigida tristitiā, vel torpentis metus, aut verecundiā fuerit, latiores, atque ad intentiones masculē capiendas habiliores reddimur.

Aphorismo Hipp. opponitur eiusdem alius, quando dicit: Hominis animam semper refici, vsque ad mortem &c. Quod alterum attinet, certum est animam per se diuinam, sibi seruientem, sibi imperantem, si à corpore absoluitur, imparibilem esse, nec quicquam à Medicina vel ipso corpore accipere; atqui implicata corpori, *ἐν σωματι*, per eius officiales, atque administras partes recipit impressiones. Fit ergo talis, qualis & illa sunt. Hinc quorum peruersa corpora, eorum item peruersa cogitationes sunt, siue, quod, Gal. authore 3. de locis affect. cap. 6. anima à partim temperamento mutetur; siue quod corporis & animarum vnum esse sit, quod est esse compositi. Proinde & Aristotel. in physiognomicis dicit, *ὅτι πικρὰς ὅς ἀμυαί αἱ δυνάμεις*, vt in ebrietatibus & morbis de quibus abunde Scaliger exerc. 265.

Quæ suprà de Aqua Magnanimitatis proposuimus, responsum non ad præsentem quæstionem; verum duntaxat ad illam, quæ de Aqua ex Formicis discutienda mihi erat.

Fabula ergo non est, nec risu dignum; Esse quædam posse, quibus vtentibus mens animusque non consistant solum, vbi aliis velut vi quadam icta labascant, sed & quæuis in pericula, præsertim vbi anima vel ortu vel educatione praua, solito multo animosiora, expeditioraque comparentur.

An verò idem hoc de Opio affirmandum sit, quod nempe vel caloris vel frigo-

ris magno excessu, vires haud parum deiecit, vel etiam addita quadam vi Spiritus & sanguinem (quorum tenuitatem, fulgorem & motum consimiles etiam affectus animi sequuntur) ad motus quoscumque ineptiores & torpidiores reddit, haud parum dubito. Proinde & aliam sententiam in ipsiusmet Turcæ cuiusdam fideli reuelatione fundatam, & ob id viris doctissimis haud paucis acceptissimam breuiter subungere haud verear. Esse scilicet Turcarum Matlach non Opium, vt Scal. Quercetanus, Bellonius & Sala voluerunt; sed prætiosum Glyssum Ceruariæ, à Meizenis sacerdotibus Turcicis ex ea planta singulis duodecim annis semel in Trachonitide regione, ad radices Libani diligenti cum obseruatione temporis, & non nisi solis ipsis cognita præparatione factum, postmodum ad excitandum cupiditates animi & corporis maximè proficuum & nobilem. Ceruaria communiter dicta, est *λαρίς*, siue cauda cerui. Statim enim dum in vere germinare incipit, proferat à terra comam copiosam & spissam repræsentantem figuram suam caudam. Cerui: Turcis & Arabibus dicitur Mats. Tota planta subnascitur è radice exterius subnigricante, sed interiorius sublauescente, estque instar Mastiches odora. Caulem emittit gracilentum & cauum, & instar Ligustri articulatum. Folia ex parili internodiorum situ vtrinque æqualiter prominent, suntque laevigata & crassa, aliquantulum rotunda, & per ambitum leniter serrata, ceu in petroselino conspiciuntur, & ex colore viridi in luteum desinunt, suntque boni odoris. Flos est vmbellulosus & albicans; semen copiosum & angulosum, penè vt semen Angelicæ, odoris suauissimi, saporis verò acerrimi. Gignitur in locis montosis & saluosis, vbi præsertim feræ syluestres gaudent, quæ lubentissime ea vescuntur, vt nullo modo dubium sit, hanc plantam esse eam, qua

Plinio 32. cap. 8. ceruæ ante partum purgantur.

Ex hac eadem planta Matlach conficitur, & præparatio istius apud Turcas vulgaris non est, sed arcana foliis sacerdotibus Meizenis in secretis habita, quam ab omnibus aliis etiam domesticis singulari studio absconditam tenent.

Colligunt singulis annis in fine Augusti vel initio Septembris, Venere præsertim vel Ioue signum Leonis percurrente, semen, quod magna cura asseruatum, & sapius aëri expositum ventilant, ne noxam aliquam aut mucorem contrahat. Redeunte porrò præparatione solemni nempe duodecennali tempore, collectum & hætenus studiosè custoditum semen omne tundunt, & exprimunt, oleumque inde expressum seruant. Deinde sole medietatem Leonis ferè emenso magnam quantitatem istius Plantæ recentis cum tota substantia & floribus conuehant, ex radice contusa exprimunt succum: Folia caulem & flores Aqua Fluminis Iordani coquunt, & ubi refrigerit super natantem mucilaginem caute auferunt.

Ex seminis oleo expresso, ex succo radicis & mucilagine huius plantæ, deinceps famosum illud Matlach concinant. Recipiunt enim mucilaginis istius partes tres, olei & succi ex radice partes singulas; has inuicem mistas in fitula cum operculo foraminibus hinc inde peruiso insolant, eamque per machinulam radiculis transuersum infra duplicatis supra cum asserculis cancellatis à vento instar Crotalæ trusatilem, continuò mouent. donec nempe partes omnes inuicem probe mistæ in succum exudantem transeant. Hujus inspissati Cryssi seu Matlach drachma vna apud ipsos vœnit viginti Asperis: Magnitudine vnus fabæ in Hydromelite solutum, & sumptum Matlach è vestigio animositatem hominis mirabiliter excitat, & furibundis similis

facit, vt fumentes quasi extra se rapti, præsertim in bellis nullum periculum quantumuis maximum reformident. Facit etiam pronos in Venerem.

Verum huius sumptioni à teneris assuescendum ipsa ratio dicitur. Secus enim periculo non vacat. Quo modo Opij natura quoque mutatur, quo copiosius nemo vesci potest, nisi id ipsum ab incunte ætate, consuetudine, quæ sæpe in alteram transit naturam, didicerit.

Neque etiam à vino Plato dixit prorsus temperantes satis tutos esse. Nam cui Libertia Gratiæque omnes conuiuiorum incognitæ sunt, quique illarum omninò expers est, si eum fortè ad participandas eiusmodi voluptates, aut voluntas tulerit, aut casus induxerit, aut necessitas impulerit, deliniri plerunque. & capi; neque mentem animumque eius consistere, sed vi quadam ictum labascere contingit, cuicumque ergo Matlach istius vsurpandi erit copia, congregiendum sibi putet, & tanquam in acie quadam cum ista Matlach licentia cominus decernendum, vt aduersus illud non fuga tutus sit, nec abstinencia, sed vigore animi, & constanti præsentia, moderato & iusto vsu temperantiam continentiamque tueatur.

De Opij correctione.

De Opij Quercetana illa correctione, per tostonem, cuius gratia primum in exigua inciditur frustula, inque patina, orbe, quadraue aliqua adpositæ, ne se inuicem attingant, collocatur, eo vsque moderatum ignem substernendo, donec sulphure narcotico & facido penitus fugato Opium omnem odorem amittat, & planè siccum instar Aloes, reddatur, facileque in puluèrem verti possit; quæstium à multis est, an pro compendiosiori & præstantiori agnoscenda.

Equidem fieri facile poterit, vt isto

ingenio, si medium transiliatur, anima specificaque facultas simul cum venenoso illo sulphure expellatur; nihilque nisi purum putum cadauer relinquitur. Quippe & hoc in reliquis omnibus succis vltu venire cuius satis est obuium.

Correctio autem medicamentorum Theophrasto teste, non quoad formam esse specificati, sed ad ea duntaxat, quæ esse sensificati sunt, pertinet &c.l. de Carduo Angelico.

Verum enim verò cum certo constet: fixitum illud esse & noxium Opij sulphur, quippe, quod vel odore ipsius tetra testante, planè excrementitium est, & ab Opij genuina essentia diuersum, & quando tostionem ritè sustinuit, omnemque malignitatem, euaporando exuit, Opium nihilominus facultates verè efficaces præstare habere, adeoque viua nimis operatione, vel leui *ὑπομελῶν* intercedente, plurimum negotij facessere, veluti eius rei testimonia sexcenta adduci possent, nil dubitandum de Tostione, si ritè administratur, ac si totam Opij substantiam exurere & spoliare posset. Præterquam enim quod Tostio non sit Vltio, Philosophorum etiam sententia, qui Zonam torridam exustam dici non patiuntur, neque vtrunque vnus idemque terminus, omnis videlicet humidi expiratio, idque magis, quatenus illa in succis & resinis ad Medicinam adhiberi Artis consuetudo hætenus obtinuit, videbimus Rhabarbarum, Gummi Arabicum, Coriandrum, Crocum, & plurima alia torrerì, absque eo, quod anima spoliatur, & vires perdant suas. Quid quod Extracta quædam purgantia, veluti Scammonij, Colocynthidis &c. quorum energia tamen in tenuissima substantia consistit, vt propriam illam, quam habent formam induant, haud vel minorem vel breuiorem caloris impetum, sustineant. Ais non omnem illic cessare humiditatem, qualem habeat Natura, quod vires factas testasque seruet? Nec hic tam mo-

rose Quercetanum intelligas; quando dicit, quod ignis eo vsque continuari debeat, donec Opium omnem fere amittat odorem, & omnino siccum reddatur instar Aloës, & facile in puluerem vertatur; ac si de alia loquatur siccitate, quam potentiali; ad quam nimirum Opium satistotum reducatur, puta ad halitus inutilis abigendos, licet adhuc roridum satis, liquidumque super lamina, tum demum, quando ab igne remotum, refrigeratumque de facili in puluerem vertatur; & de alio item odore, quàm quem paulo ante Sulphur fatidum & narcoticum dixerat.

Si enim de illo bono benignoque sermocinaretur, vnde nam tanta Opij correcti fragrantia? Vnde vires humido omni deperdito? Odor enim ex aërea humiditate est, terrenæ naturæ exuberanti, & calore torrefactæ permixta. Sic enim Aristot. in probl. τὸ πικρὸν καὶ τὸν ὀσμήντων ὀσμήν, ὅθεν δὲ γίνεται; Ἄρρημα vero & arida prorsus non sunt odora.

Et hanc eadem sententiam prænotasse Quercetani, haud obscure desumitur ex eo quod liquorem superfusum, clarum, & rubicundum instar granati apparere adfirmat.

Quomodo enim Opium penitus exustum exanimatumque non nigrum, vel ad minimum austerum præstaret? Accedit & hoc pro munitamento jam facti iudicii, quod calorem moderatum, cuius ope sensum exhalatio fiat, requirat; Calor vero moderatus, quid commune habet cum calore Vstionis cinefactionisue? Ideoque adduci non possum vt credam, Quercetanum, tantum nempe Medicinæ pharmacæutica imperatorem, hanc correctionis speciem Opio elegisse, quæ omnibus primo statim intuitu absurda falsaque videretur. Quin imò arbitror eam ipsam eiusmodi esse, quæ non minus vtiliter, quam compendiose, quicquid in Opio displiceret, auferat, adeoque Opium tostione hac prudenter adhibita, non inferioris potentia

potentiæ nobilitatiſuè eſſe, quam quod villo alio modo præparetur.

Si quis tamen in contrarium adhuc rapiatur, vereaturque ſauam Inſulam (vt exemplo vtar) quia illa haud procul ab æquinoctiali, adeoque torrida ſit, quicquam boni producturam; Cum tamen nullus rei copia & excellentia cæteris partibus Orbis cedat, propter fluminum nempe illis in locis reſtagnantium multitudinem; cuiuſmodi medio Opium etiam, vt res alias ſe haberet, omnino à corruptione tutari poſſit, ſequentia ad calorem forte nimis torridum retundendum obſeruet.

℞. Opij conciſi ʒ ij. treſue, ſuper laminam ferream collocato ſuperfunde Acetum Roſaceum vel ſimplex, bis terue, ſingula vice tantum quantum ad Opium ſpatula inſtar paſtæ hinc inde agitandum miſcendumque ſatis eſt. Accendatur ignis Carbonum moderatus, iſque tamdiu duret, donec particula exempta, quamuis adhuc ſatis humida aut liquabilis, quâdo reſfrigerit, Aloën quaſi referat. Tûc enim ceſſa, vbi & odoris & humiditatis & efficiæ, propter humiditatem Aceti diſſoluentem, uſionem reſtinguentem, naturamque iplius fixatoriam, plurimû retinueris.

Quemadmodum enim ſulphur narcoticum in Opio tenuiſſimæ maximeque volatilis ſubſtantie eſt, quæ quin in coctione primo loco efferatur, nullo modo poſteſt; ita illud ipſum ſulphur procul dubio prædicto modo expirabit; E contra vero facultas vere anodyna exoptataque, puta quæ partim terreſtrioribus Opij partibus, fundum maxime occupantibus, innata & eſſentialis, ab aceto, quod & ipſum intima ſui parte difficulter attollitur, inuiolata ſeruabitur.

Ex quo, ceu Corollarij loco, admirari omnino ſubit, quod de Arcano illo Helidæi, quocunque etiam modo hætenus vendito (plures enim & differentes eius circumferuntur deſcriptiones) quidam præclari vſque adeo præclare ſcribant &

Aug. Salæ.

ſentiant; Quam tamèn reuera, ſi res intimius ſpectetur, ea ipſa parte, qua Medicinam quaſitam vel maxime expectemus, aliud nihil ſit, quam ſulphur illud narcoticum ſætidum, pernicioſum, & deteſtandum, quod omnes, quicunque de Opio hætenus quicquam boni ſibi polliciti ſunt, ſummo ſtudio cauere, & à vera Medicina remouere ſoliti ſunt.

Laudanum liquidum.

℞. Opij Thebaici ſuper laminam ferri lentiffimo igne exſiccati ʒ j.

Croci Orientalis,

Macis ana ʒ ʒ.

Ambra grifeæ ʒ j.

Spiritus Vitrioli albi per vrinale deſtillati ʒ iiij.

Aqua Roſarum opt. ʒ vj.

Infundantur omnia in vaſe vitreo, & digerantur per menſem. Deinde facta colatura, abſtractaq; Aqua Roſarum ſeruentur ad vſum, quo nec Arcano Helidæi è recentiori Opio & nudis Allij capitibus deſtillatis minime cedit. Doſis eius à gutt. v. ad 10.

Liquor ſine opio anodynum.

℞. Nucis Moſchatae,

Macis,

Croci Oriental. ana ʒ j.

Ambra grifeæ drachm. j.

Santal. Citrini

Ligni Aloës

Cinamomi opt. ana ʒ j.

Spiritus Vini rectif. ʒ xij.

Spiritus Vitrioli ʒ iiij.

Infundantur ſub ſimo equino, vel eius vicario per menſem. Dein colatura ſeparetur liquidum à ſpiſſo.

Datur ſcrupulus ſemis in Epilepſia, ſuffocatione Matricis, vermibus &c. Et hoc verum Anodyni Aromatici cap. de Nepenthe aureo in Ternar. Laudan. attracti exemplum habeatur.

K k k k

Sulphur Vitrioli anodynum.

De Sulphure Vitrioli anodyno hæc Authoris nostri sententia hoc in loco non reticenda est: Esse in Vitriolo quippiam Sulphuris naturæ, & anodynum & narcoticum; proq; eo is in Anatomia Vitrioli Spiritum Vitrioli acidum primum, vt & oleum ipsius suscipit. Quod vero sit Paracelsicis encœmiis in tract. de Sulphure tomo 6. dignum, quod tantam habeat dulcedinem, vt à Gallinis deuoretur, easque in somnum conicias absque damno &c. ingenue nescit, vt aliàs, quos inter & nos sumus, plurimi, plurima, scientes Valerij Maximi illam de repullis *ῥόπυλον* patientia quæri debere, quod gratia impetrari nequirit.

Vtinam vero cap. 8. Ternarij Laudanorum, hæc ipsius sententiæ vnica limitatio foret: quod pares cum Opio virtutes habeat. Nam & Paracelsus hoc placet: Addit enim, modo illud prodesse, non Opiatico, sine omni noxa, quamuis à Natura ipsa decoctum & correctum tantum.

Interim (quod in haud vulgarem Angeli Salæ laudem cedit) magnum veracitatis contemptusque glorioli spiritus signum est in quolibet, quæ prudenti experientia minus comprobauit, etiamsi plurimis vulgarissima, ab iis orationem abrumperet, suamque inscitiam fateri malle, quam quicquam gloriæ dulcedine capium temere falsoque adserere. Plures ab his virtutibus auersi idem non fecere, sed jam substantiam Vitrioli cupream, pro Sulphure paregorico ipsius; jam totum Vitriolum, licet purificatum; jam Colchotar dulcoratum simplicioribus obtruserunt, inque summos labores plures frustra coniecerunt. Argumenta speciatim singula pertexere, ne quid viribus impar suscipiamus, intermitimus, & quæ maxime ad propositum titulo hoc

ornanda visa sunt; alterum à Beguino acceptum, procul dubio è Quercetani *πρωτηλειω*, dummodo is verum Vitrioli Sulphur potius vidit, quam olfecit, alterum è Charotechnicis Basilij annotabimus.

Sulphur Vitrioli paregoricum & fixum.

℞. Limaturæ Chalybis mundiss. part. j.

Vitrioli communis elegantis, & etiam Vitrioli veneris. part. ij.

Trita misce inpendendo in cucurbitam vitream, & superfuso aceto destillato ad digitum vnum, lente ad siccitatem vsque in arena coquantur, in fine ad incandescentiam vsque vrgeantur. Refrigerant, & è sicco puluere nouo aceto ad trium circiter digitorum eminentiam affuso colorem extrahe, digerendo tres ad summum dies. Decapulando filtra, & aliud affunde, donec tinctura non amplius sequatur.

In hoc aceto Sulphur Vitrioli *υδροειδης* delitescit. Immitte guttatim de oleo Tartari, donec Sulphur narcoticum totum ad fundum repercussum videas, quod postea, separato aceto, aqua aliquoties affusa, studiosè ab acrimonia eluendum & siccandum.

Sulphur Vitrioli dulce anodynum alterum.

℞. Vitrioli opt. q. v. solae in aqua fontana, solutioni depuratæ per residentiam affunde lixiuium cineris clauellatæ, & ex æstuando sulphur Vitrioli petet fundum. Hoc age donec sulphur amplius deprimi nequeat, eiusque aqua clara existente, magna copia habeatur. Siccatum hoc per se sublima, & fœcibus rejectis, additaque dimidia salis Tartari parte per Retoram in Oleum rubicundum destilla; cui postea

modicum Aceti infusum puluerem puniceum præcipitabit, oleo Tartari in aqua resistente, qui ab omni acrimonia bene eluendus.

Hic pulvis affuso Vini Spiritu octiduum circuletur, & optata sulphuris prædicti substantia, ad superficiem instar olei Cinamomi separabitur, tritorio secernenda.

Vfus.

Ad omnes corporis prauas humiditates consumendas, purificandam matricem, semen fecundandum, aquam intercutem exsiccandam, sanguinem coagulatum expellendum, & denique aperienda apostemata. Dosis ʒ 1. 2. 3. in Aqua Mellisæ petrosolini &c. continuatus aliquandiu hic vsus Leporam, malum alias *δυσσενταρμαχρον* foelicissime expugnat, quamvis ratione istius & Viridellus vulgaris suo modo & artificio venenum Elephanticum domare & vincere super omnia communitè nota possit.

Extractum mumiæ.

ʒ. Mumia ex homine sano, integro, suspenso vel rota contrito, id est, carnis musculosæ femoris, brachiorum, aliarumque partium q. s.

Hanc à Luna & sole semel illuminatam, & constellatam frustulatim conscinde, & adspere puluere Myrrhæ, vel tantillo saltem Aloës, postea imbebe, macerando aliquot dies in spiritu Vini Sambucino seu Iuniperino, suspendatur parum ac iterum imbibatur. Tandem in aëre frustra siccescant, tunc assimilatur carnisummo castigatæ sine fatore. Et postea Spiritu Vini seu Sambucino secundum artem, Tinctura rubicundissima extrahatur.

Spiritu distillatione abstracto remanet extractum Mumia supra in Ternario Be-

zoard. ad Laudani, Benedicti compositionem assumptum.

Quomodo Theriaca de hoc Mumia Extracto contra pestem, aliaque venena conficiatur videre est apud Crollium Basil. Chym. pag. 258.

Extractum Rhabarbari.

ʒ. Rhabarb. electiss. lb j.

Cinamomi electi incisi ʒ ʒ.

Santali rubei ʒ ij.

Omnia simul commista digerantur cum Aqua Endiuia, Cichorii, vel etiam Aqua pluuiiali debita arte destillatâ ad extrahendam rubram Essentiam. Hoc toties factum, quoties opus est, per alembicum demum menstruum abstrahatur; & in fundo Extractum Rhabarbari erit instar sapæ rubicundissimum.

Leniter tutoque vias communes expurgat, & proprietate peculiari, quod ajunt, veneno resistit. Cuius euidentia motus Zacharias à Puteo Med. Venetus in clauī sua Medica rationali pag. 224. sequenti historia ad stipulat: Equidem, inquit, fateri possumus (Dei permisso) ex frequenti eiusdem (Rhabarbari) masticatione absque alia antidoto à sauiissima pestilentia, quæ anno M. D. I. C. in Ciuitate Fluminis Sancti Viti in Liburnia grassabatur incolumes, & ab omni infectione immunes toto illius pestilentia tempore (quæ per viginti sex, & plures Menses) vitam protraximus, quamvis multos Lue illa infectos tangere, & cum eis commorari & diuersari coacti fuimus.

Ideoque SALA non inconcinne in casti leniter euacuandi corpus Peste infectum, Rhabarbarum aliis omnibus anteferendum existimat.

Præterea aduersus isteritiam, lumbricos (quibus aliàs hac de causa Diatribæ cum Rhabarbaro in rotulis à ʒ j. ad ʒ j. maximopere aduersatur) & plures alios

K k k k ij

Chronicos affectus haud vulgari præstantia pollet.

An verò ad hydropem dotibus ascriptis præditum sit, non omni dubitatione caret.

Comprobare videntur Fernelius, Ioh. Baptista Montanus, Heurnius, Valleriola, Zacharias à Puteo, Platerus, Adolphus Ocho, & nuperrimè etiam doctiss. vir D. Henricus Petreus. Inprimis Adolphus Ocho in lib. Epist. philosoph. Medicar. ac Chymicarum à summis ætatis nostræ philosophis extractarum epist. 15. historiam ex ore proprio Baptistæ Montani refert; Hydropicum in summo periculo constitutum & à Medicis pro desperato derelictum, primò modicè Rhabarbarum sumendo, postea à drachmis ad vncias & tandem ad integras libras, fuisse restitutum, imò eundem in senio, acuto gladio lethaliter sauciatus, frequenti Rhabarbari vsu conualuisse.

Εξαρτίς ἐστὶ Capiuaccius ἑξέστικαίπρος τῆς πλεονεξίας κατὰ μέθοδον ἑξεραιτίας. De Rhabarbaro, inquit Pract. Med. lib. 3. cap. 18. nihil dicimus, quia in hydropse est instar pestis, cum non bilis sed pituita sit euacuenda, &c. Verum Rhabarbari vsus in hydropse diuersimodè considerandus est: Si enim adhibetur vt præseruatorium, seu medicamentum vitale, proportionem, & calidum innatum jecoris respiciens, vel humidam eius intemperiem alterans, & in minore, quàm vt omnem bilem deducat, dosi, laudabiles in hydropse vsus obtinere omninò potest. Rhabarbarum enim teste Trincauellio lib. Consilior. 1. consil. 12. & de Compos. med. 1. cap. 16. ea ratione quâ calefacit, aperit, qua verò moderatè adstringentè virtute præditum est, colligit viscera, & addit illis robur, quæ à frigidioribus & humidioribus redduntur laxa & mollia: roborat autem ventriculum, caloremque eius custodit, & jecur mirum in modum iuuat, vnde est prouerbium, quod Rhabarbarum est vita jeco-

ris & ventriculi. Prædicat etiam Auerroes de ipso, quod, vt nulla eget correctione, ita alias omnes medicinas corrigit.

Si verò detur vt curatorium seu vacuans materiam, vsus eius omninò improbandus venit.

Et quod hic de Rhabarbaro in genere edidit, idem de Extracto ipsius intelligi haud detrecto. Cum enim purgatrix vis Rhabarbari per se satis benigna sit, fieri non potest, quin coctione ad extrahendas vires necessaria, illa plurimum diminuatur. Imo dixerim si cum Spiritu Vini extractio fiat, omnem purgatricem vim penitus cessare, & vrinalem acquiri. Proinde de hoc eiusdemque similibus Extractis, quatenus ad purgandi scopos assumuntur, vtut alij illa laudibus prosequantur, anguste sentio.

Reformidant sapes in infusionibus vstitatis plerumq; à Gratiis alienos? Non est, quod ob id omnes infusiones penitus abjicias. Sunt enim Infusionum exemplaria hinc inde, quibus molestissimorum purgantium gratissimè conciliantur portiones, & gratiores quam extracta eorundem concinnari possunt.

Cuius rei vnicum hoc non illaudatum, propter Chymix æquæ in vegetabilibus, quàm metallis corrigendis præstantiam multum certè deprædicandam, non effari non volui.

Rhabarbarum & Senna in infusionibus ingrati quæ sunt saporis, Gratiis quomodo conciliantur.

℞. Foliorum Senæ. 3 ij. vel iij.

Aquæ ad infusionem conuenientis, citamomifatae qu. s.

CrySTALLORUM Tartari acidulorum.

℥ j.

Macerentur per viginti quatuor horas.

Expressioni adde

Succi pomorum redolentium recens
extracti ʒ j β
Sacchari Candi ʒ β
Albumen oui.

Exquisite prius agitata admoueantur
igni ad Albuminis indurationem vsque.
Colatura per manicam facta detur. Hæc
potio non palato tantum grata valde, sed
& oculis.

Si verò consistentia adeò perspicua
minus cordi tibi sit :

℞. Fobiorum Sennæ & Rhabarbar. ana
ʒ j β.

Salis Tartari aciduli de quo infra.

Spiritus Cinamomifati ana ʒ β.

Infunde in brodio primæ decoctionis
Gallinæ vel aquâ Fragorum. q. f.

In colatura cum mediocri expressione
facta solue.

Mannæ Calabrini vel

Sacchar. sinisl. vnc. j. detur pro
potu.

Extractum Hellebori.

℞. Rad. Hellebori nigri veri, Luna
infelici cum Ioue vel Venere aspectu
existente collectarum, in umbra siccata-
rum, & à terra, non item à filamentis suis,
vt quidam volunt, mundatarum. q. f.

Coque in vino tres circiter horas
continuas in fine augmentando ignem vt
bulliant.

Expressis radicibus abjectisque, vinum
leni igne, vt ne fortiter ebulliat, exhalet
ad consistentiam Extracti.

Dosis ipsius est à granis 8. ad gr. xv.
& sæpe ad scrupulum integrum ; ad mun-
dificandum sanguinem ab adustis præfer-
tim humoribus, ad obstructiones men-
sium, Vertiginem, Epilepsiam, Melan-
choliam, & plures alios affectus. Non
inconcinne aliquot Olei, Mastiches vel
Menthæ guttulas admiscueris, dum-
modo dosis quadamtenus auctior exhi-
beatur.

Ad eundem vsum conferunt dosi se-
miscrupulari & ultra præsertim cum
Extracto alio per inferiora purgante Ra-
dices Hellebori nigri, phlegmate Vitrio-
li ad calorem arenæ toties madefactæ, &
suffumando exsiccata, donec non amplius
cum fælore venenositatem spirent, sed
omni fælore abacto, nigricantes & boni
odoris relinquuntur.

Est enim ita, quod in phlegmate Vi-
triolato plurimorum simplicium purgan-
tium vera lateat præparatio, quo nimirum
vt & aliis acidulis ab acrimonia & vene-
nositate sua exquisitè corriguntur, cum
aliàs tanquam venena ab vsu salutari pe-
nitus abdicentur.

Extractum Scammonij.

℞. Scammonij opt. q. v. superfunde
Spiritus vini ad supereminentiam vsque
quatuor digitorum, & digerendo in B.
solue. Calida adhuc trajiciantur per char-
tam ad fæces interceptiendas.

Quod transit, infundatur in Aquam
frigidam simplicem, vel rosatam, & tota
Scammonij essentia soluta, ab omnibus
sordibus, & visciditate quodammodo
perpurgata, picis instar coagulabitur.

Exime, inque formam malaxando
redige, quam velis. Super porphyrium
in puluerem verti potest albissimum atqui
adeo quia alias digitis hærens, noxia : hæc
præparatio verè Resina Scammonij est,
siue Scammonium more Spagiroorum de-
puratum, cuius supra D. Sala in Hydrope
& Catharro mentionem fecit.

Multi certè vsus est in Medicina, præ-
sertim cum nulla medicamentorum for-
ma sit, quam non induat.

Quando cum succo Cydoniorum, sac-
charo & Spiritu Vini vase optimè clau-
so maceratur, Spiritu postea decolato,
purgatorium iucundum concinnabis,
cuius dosis ad cochlear vnum vel duo sa-
tis potens.

In Spiritu solutum misce Electuario Citriorum vel Cydoniorum circa finem decoctionis ad lentum calorem decoquendo Spiritum, & Electuarium Citri vel Cydoniorum purgans præsto habebis.

Cum Tartari Vitriolati scrupulo vno mixtum ad ℥ss. vel grana. xv. puluerem reddit egregiè catharticum.

Ita acinise baccis Sambuci vel ebuli saccharo conficiendis media crusta ex hac Resina adpersa conficiatur, si confectio nem nulla cum molestia aut animaduersione purgantem delicatulisque gratissimam volueris.

Huius diagridij ad modum Paracelsi in Manuali, aliquid cum farina & Aqua Rosarum miscere liceret, & hostiam conficere purgantem.

Hic, quo majori ἐπερρασία singula lustrentur, pilulas quas magnifacio, Diagridiatas ob felicem & multiplicem usum, animo deinceps inclusas non geram, sed proferam & præferam clarè, ut sequitur.

Pilule Polybrestæ ex Scammonij Extracto compositæ.

℞. Scammonij puri ꝑij.

Colocynth. non recentis, sed ad annos aliquot reſeruata, sine interioribus arillis ꝑviij.

Extrahe cum Spiritu Vini & aliquandiu macera.

Postea seuocato menstruo ad extracti molliorem consistentiam vsque, misce.

Resinæ Scammonij in puluerem conuersæ quantum sufficit, ad redigendum omnia in massam pilularem. Dosi granorum ab 8. ad xv. vel ad summum xvij. egregiè purgant, apteque inferuiunt ut Mercurium & Antimonium ad secessus parata exicipiant. Commodissimè exhibentur cum Syrupu violarum vncia vna, eandem ob causam, quâ alias post Diagridiata Syrupi violarum vnciam j.ß. cum Aqua Endiuie ad Scammonij ar-

dorem & incedum reſtrinendum propinamus.

Quidam suis hisce purgantium Extractis iterum atque iterum Spiritum Vini affundere, iterataque semper Extractione destillare consueverunt. Quid ad hoc? Num secundo tertiove hoc extrahendi ritu frustra (dummodo, quod quærunt eo ipso, virtutis est, non vitij) quærunt, quod in prima Extractione in manus feliciter acceperunt? Interea verò Spiritus Vini purgantium vires adeò infringit, ut nisi aucta remedij mole, post sapius quidem eiusdem factas infusiones, vix ac ne vix quidem quod voti nostri est, perficiant. Hanc ob causam vix nempe purgantium labefactata, ut ne longa præparationum serie peracta, nihilominus ad eandem dosin cum Dogmaticis recurrere cogantur, quidam addere dimidiâ partem puluerum crudorum solent. Sed ut illud inutile & superuacaneum; Ita hoc parum est Chymicum, arguitque in euentu præparandi cuiusmodi ritus imperfectiores esse, quàm ut crudis Galenicorum rudimentis, à quibus se tamen studio prius auerterant, carere possint.

Chymia enim promittit, imò τὸ ἐπερρασε scit præstare non quod vires Medicamentorum præparationis injuria deiciat, adeo ut vi operandi nobiliori projecta ad spreta prius crassamenta refugere opus habeat, quin potius obstetricatione sua vegetiora singula præstare, inque paruum molem, qua per se aliàs in usum venire non poterat, contrahere.

Hac eadem reprehensione dignum est, quod sæpenumero in extractis purgantium æque (à quo tamen in superiori Compositione singula aromata omittendo, nobis meritò cauemus) ac in aliis purgantium formulis, paucis purgantibus valida multaque calefacientia & siccantia associant, argumento, quod & purgandi scopum complere, & quamlibet noxam

medicamendi reprimendo, Naturæ intentius prospicere velint.

Quo ipso tamen eo usque progrediuntur, ut si non mole, virtute tamen purgantia ab aromatibus vel superentur, vel impediuntur. Hinc ergo necessarium hoc incommodum exoritur; quod & moles medicamenti crescat citra necessitatem; & actio eius nihilominus enervatior euadat; Vtrobique dum parum concitatur alius, à leptomeria remedij metus erit, ne agitati succi & attenuati nobilibus partibus imbibantur, penitus illapsi validius obstruant, & denique magis perturbent corpus, quam euacuent. Quæ singula à plurium Aromatum mixtione, dum pharmaco studemus, nos abstergere merito deberent.

Extractum castorei.

℞. Castorei ℥ss. superfuso vini Spiritu extrahe in loco calido, postea abstracto spiritu ad Extracti consistentiam redige. Hoc ipsum contra suffocationes vteri vtiliter inseruit, vmbilico illitum, vel etiam intra corpus assumptum. Valet cum Spiritu Vini saluiato dilutum contra Spasmodum.

Mel Iuniperinum.

℞. Grana juniperi recentia & maturæ; In mortario lapideo crasso modo contundantur: Postea superfusa aqua ebulliant, donec pulpa foras penitus fuerit extracta: Per cribrum trajice attingendo bene, veleniam exprime fortiter.

Quod transit, tunicis & arillis retrò relictis, coque ad mellis consistentiam. Cuius dosis ʒj.

De usu ipsius consule Quercetanus in phasm. Eguinum de Theriaca: German:

Ternar. Bezoard. cap. xvj. nec non tractat. ipsius de peste.

Accessu Aromatum quorundam velut Zingiberis, Macis, Cubebarum, Calami Aromati & sacchari compositum magis redditum, inque formam Mithridatij redactum, longè præstantius existimatur, de quo Conrad. Khunrath. in Med. Destill. Haud ab simili modo Syrupus ex Ebuli granis (cuius libræ Fioruanta Olei sulphuris scrup. j. Aquæ vitæ vnc. j. & parum Moschi addit) coquitur, inprimis hydropicis & podagricis vtilis.

Huius loci Mel Mercuriale foret, de quo idem Ternarius Bezoard. cap. 2. in clysmate contra intestinorum calorem. Quia verò non, ut quibusdam visum, aliud est à vulgari, quod in Dispensatorio Colonienfium describitur, de eo hic indignum se per plura diffundere.

Extractum Esulæ Minoris.

℞. Radicum Esulæ minoris prout in officinis prostant. q. v.

Coque lento igne cum Aqua simplici, semper despumando, dum spumat. Aquam inde cola & serua; Interea superfundendo aliam, iterum coque. Euapora ad spissitudinem; Postea distempera cum Spiritu Vini, & vase clauso serua ad calorem ut Spiritus Vini leniter euaporet. Dos is à scrupulo j ad ʒj. inprimis in Ascite.

SECTIO IV.

DE EMPLASTRO MELILOTI.

VARIÆ Emplastri huius à multis temporibus usque proditæ sunt descriptiones. Suum Galeno est 8. de Comp. Med. s. loc. cap. 5. Suum Tralliano de

quo Rondeletius in officina pharmacop. pag. 125. Cordus in vulgari illo Anisum omittit in quibus Mesues exemplaribus haud lectum, &c. Sic & SALA proprium habet eodem nomine insignitum & multis aliis præferendum. Prout curat. 7. Ternarij Vomitor. fatetur.

In eo ipso Melilotus basis, omnes tumores & dolores in quocunque corporis loco permulcet; luuant vi emolliente & paregorica: Chamæmelon, Althæa, Fænugracum, Ammoniacum, Terebinth. Ficus, cera: Materiam emollitam, doloribus mitigatis ratione *λεπτομερής*, quâ altè subeunt, fortiter ineidunt & attenuant, Oleum Laurinum, Nucis Moschatæ, Carui, Spicæ, Iris, Zedoaria, Carduus bened. Tartarum. Præparatam denique discutiunt Ammoniacum, Oleum Spicæ, Laurinum. Ideoque valdè confert in omni frigida & crassa materia, in lentis inguinum bubonibus, tumoribus Ventriculi, Epatis, Lienis, &c. calefacit, attenuat, emollit, aperit, discutit, & suauissimi dolores mitigat. Et tale est:

℞. Meliloti, $\frac{3}{4}$ decem.

Camomillæ. $\frac{3}{4}$ viij.

Rad. Althææ.

Fænugraci ana $\frac{3}{4}$ vj.

Tartari albißimi crudi $\frac{3}{4}$ iij.

Caricarum $\frac{3}{4}$ xx.

Aquæ communis lib. x. Infunde per horas xv. Colaturam reduc ad consistentiam extracti. Huius.

℞. Vncias xij. Ceræ, sæui hircini ana $\frac{3}{4}$ iij.

Gummi ammoniaci depurati $\frac{3}{4}$ ij.

Terebinth. Laricæ $\frac{3}{4}$ ij.

Olei Laurini $\frac{3}{4}$ vj.

Olei Nucis Moschatæ expressi $\frac{3}{4}$ iij.

Seminis Carui destill. Spicæ ana $\frac{3}{4}$ ij.

Florum Meliloti subtiliss. pulueris.

Zedoaria

Carduibenedicti

Iridis Florent. ana $\frac{3}{4}$ j.

f. Emplastrum f. a. boni odoris & consistentiæ.

Pilula Angelicæ.

An & aliud igitur restat sub hac sectione referendum? Imò & aliud, & alia, si modò tot onera ferendi tua, Lector, ferat patientia. At feret arbitror, si bonus es, dum id fiat tuo bono. Pilulas enim balsamicas dum recenset Author Ternarij Bezoard. agnationis iure & illas, quas moderno tempore Angelicas appellant, sub calamus vocare non indignum. Accede igitur bono animo, has & firmiter tibi imponam, & veritatis vinculis ligabo. Sed quid Author, dum ipsi arcanæ sunt? Ab Authore non habeo, attamen iure bono, & affatim, quòd, sicut in scenam actores prodeunt, poëta latet, ita nomen ipsius, parum candidè olim dene-gantis illas, consultò omittatur.

Compositio illarum talis est:

℞. Croci Orientalis $\frac{3}{4}$ ij.

Agaric. albißi.

Costi Indici

Myrrhæ finissimæ ana $\frac{3}{4}$ iij.

Gummi Ammoniaci

Rhabarb. electiss. $\frac{3}{4}$ j. 6.

Ligni Aloës $\frac{3}{4}$ j.

Aloës succotrinæ $\frac{3}{4}$ vj.

Solve prius ammoniacum in aceto.

Squillitico, Myrrham in aceto rutaceo, Aloen in succi Rosarum $\frac{3}{4}$ xij. & succi Citri vel Arantiorum $\frac{3}{4}$ viij. His mixtis adde Agaricum & Rhabarbarum, vtrumque Aqua Cinamomi prius adpersum, hoc in succo Cichorii, Pimpinellæ, Fumariæ; illud in succo Apij, feniculi, & Absinthij. (Corrector guttulas aliquot specifiçi pur-gantis adsociat) in formam puliculæ solutum.

Tum Crocus & Lignum Aloës in Aqua Rosarum & succo Citri diluta inferantur.

Demum affundantur in Cucurbita.

Aquarum Borræ.

Betonica

Betonicæ
Carduibened.
Fumariz ana vncias octo.
Agrimoniz
Arantiorum
Cinamomi
Veronica ana \bar{z} xi.

Stent in Cucurbita cum Alembico
cæco in B. per triduum. Postea abstra-
hantur Aqua in Balneo , ad Syrupi , &
postea exliccatione ad pilularem consi-
stentiam.

Cum eandem ferè progeniem ha-
beant cum Aloëdario Marocostino Dn.
Mindereri, operæ pretium hic erit , tra-
ctatum ipsius, quid de compositione hu-
ius, vsu & dosi sentiendum sit, accuratè
inspexisse.

Pilulæ Aloëticæ illæ, Moniales dictæ,
in Italia præsertim Patavij magni vsus,
simpliciores quidem sunt , attamen ad
utilitatem non minus compositz. Hinc
Fabricius Aquapendens Equ. S. Marci
in consultationibus aliquoties, ob multi-
plicem , imo ferè quotidianum vsum in
semet probatum, proverbij modo effaba-
tur , Qui exoptat vivere annos Noæ,
multum utatur his pilulis de Aloë. De
his autem videatur Iohannis Traët. de
pilularum ex Aloë cum succo Rosarum
utilitatibus.

puretur per filtrationem Artis ; postmo-
dum exhalatio fiat , vt in frigido quando
steterit aliquandiu , in crystallos con-
crescat. Sic Salia instar sacchari Candi
sient crystalliformia. Si verò dealba-
tioni eorundem vnice intentus sis, purifi-
cationi per filtrationem & coagulationem
repetitz sedulè studeas. Qui enim
cineres cum æquali Sulphuris parte ad-
huc semen comburunt, indeque extractio-
ne facta sales vegetabilium crystallinos
seu transparentes instar salis petrz , &
absque lixiuiofo sapore promittunt, noui
inuenti specimen vsque aded laudabilis
non edunt. Nam non solum salium hy-
parxis inde immutatur, sed & vires &
simplicium mistione Sulphuris pe-
rit, quæ vtique nisi longa obseruatione
præsupposita denud, aliorum antiquitatis
experientiis rejectis, constare minimè po-
terunt. Sulphur etiam dixerim sua pingue-
dine crystallisationi inimica obscuritatis
potius causam subdere, non tollere. Ne
dicam, si salia diuersis rebus conspurcare
nihil interfit, plurima alia fore, inter quæ
Sal petrz, exemplo Lunæ purgantis, de
quo infra, vel etiam Spiritus Salis operi-
ritè interueniens non infimum haberet lo-
cum, quibus ad eadem longè melius per-
uenire licet.

Sal Vitrioli.

Sal Vitrioli nobis duplex est : Alte-
rum relictum , hoc est , Terra Vitrioli
mortua, siue Colcothar indulcatum seu
insipidum. Illud fapidum seu acidum,
aliquando è capite mortuo; aliquando è
Vitriolo albo confectum, de quo alibi fa-
tis. De SALE Vitrioli relicto (scilicet post
destillationes & extractiones) seu Terra
Vitrioli mortua huius duntaxat loci est
quædam assignare.

R. Colchotar Vitrioli perfectum,
puluerisa , affunde Aquam calentem
quamcunque bacillo exagita, postea per-

llll

PARS TERTIA

DE DVIRIS.

SECTIO I.

DE CRYSTALLIS, MAGI-
STERIIS ET SALIBVS.

Sal Absinthij.

R. SAL Absinthij, seu liquorem ex Sale
ipsius vulgari in cella factum. De-
Ang. Sale,

mitte refidere ; Aquam remoue , (Inde excoquitur. Sal prænominatum excoctum , Vomitorium absterfuum non contemnendum in Vermibus , Epilepsia , &c. Imò pro verè *ymoiu* habendum remedio in putridis & phagadenicis vlceribus , in fistulis ; Insuper enim mundificat , & carni supercrefcendæ laudabile ponit fundamentum.) Hoc toties repetere , quoties in rejecta aqua vel leuiffimam acrimoniam percipis. Denique cum Aqua Veronica , in vlceribus curandis verè mirabili ebulliat ad omnimodam ferè aquæ consumptionem , refiduo ad lento calore deficcandum relicto. Hoc ita planè deficcatum , Terra vitrioli est ad multos vfus referuanda. Hoc iridem enim vlcerà foeliciffimè sanat manantia & rodentia , Eryfipelas etiam vlcerofum cohibet , & noua Epidermidis arrofæ fuper additione partem agram veftit. Cum albumine oui vel Emplaftris debitis fuperpofita fynouiam reprimat : Imò quod maximè prædicandum Ifchæmon in vlcneribus fanguinem ad fyncopen & mortem ftillantibus feu fundentibus præftat nulli alio fecundum. Inprimis Mumia inde ad prædictum jam vfum conficitur plerifque ex hoc genere anteferenda :

R. Sanguinis ægri è vulnere ftillantis , vel fi promptum paratumque femper velis auxilium agnini vel ouilli ; ftare facito , donec Aqua feu ferum à craffamento fanguineo , vt fieri folet , fcedat. Sedimentum , aqua rejecta deficca imò arefacito prorfus. Huic in puluerem redacto adde Tragacanth. fpermatif Ranarum , Terræ benedictæ huius ana puluerif. part. tertiam. f. puluis vulneribus infpergendus , Emplafthroque fantalino aut alio fimili regendus.

Puluis Bezoardicus ferpentinus.

Quia & huius meminit S A L A in Præfatione Ternario Bezoardicorum

præmiſſa , non pœnitēbit illum (qualem in vſu ipſi præ cateris eſſe exiſtimo) hoc in loco annotare. Equidem puluis ſerpentinus à Quercetano , Crollio & Sennerto &c. varie deſcriptus eſt , non tamen in omnibus ille cum hoc noſtro conſentaneus , multo minus idem. Ideoque R. Serpentes aut Viperas in Majo vel Iunij principio , excluſo veneno , exuias depone. Exime , & abijce inteſtina & pinguedinem , & caput detruncato ; Corpus vero reliquum vino albo cum Myrrha eſſenſificato elutum ad ſolem vel locum quemcunque calidum ad areſcendum ſuſpende. -

Hinc ſcinde in minutas particulas , atque ſuper cribrum vel ſetaceum ad perfumandum rite colloca ſuffimento ita parato :

R. Ligni Aloës ele&. ʒ j.

Styracis calamitæ,

Gummi Benzoini ana ʒ ij.

Perfumata iam in puluerem redige , cum coſtis ſimul , & in quamlibet vnciam j. adde :

Olei Cinâmomi.

Caryophyll.

Nuc. Moſchata ana gutt. iiij.

Fiet puluis alexitericus excellens , doſi à ʒ j. ad ʒ j.

Inprimis excellit contra venena maxime quæ ſui generis ſunt , cum Extra&is Bezoardicis vel Theriaca exhibitus.

Hartmannus præterea in Cauſode ad ſudorem ciendum commendat. Idem in pleuritide maligna , in hydrope ; in Tabæ & phthyſi ab acutibus fluxionibus , hic cum ſale fuſili mixtum , & ad quemlibet cibum aſumptum ; illic cum Aqua Carduibenedicti vel ſcabioſæ egregium de prædicat remedium.

Cum aqua Fumaricæ vel ſimilibus non parum conſert in affectibus cutaneis , imo etiam in Pſora , & ipſa Lepra. Proculdubio etiam in morbis articularibus locum obtinet. Sic enim Ætius Tetra. 4.

fer. j. c. 97. Quidam viperas totas extendunt, & exsiccant, politeaque terunt, ac eas in potu contra morbum articulare exhibent, &c.

Imo dixerim in singulis morbis, in quibus salum Theriacalium apud Veteres vsus, cum fructu accommodari posse.

Num vero notam aliquam improbitatis aut malitiæ præ se ferat, quod quibusdam referentibus, præsumptus purgationes effetas inutilesque reddat? De nihilo hoc non arbitror esse: Præterquam enim quod à pluribus observatum sit, à pulueris colubini vsu vel difficilem purgationes successisse, vel ad minimum à tempore purgationis pristinam (ajunt enim semel sumptum aliquot annos Alexiterij officium præstare) à Venenis prophylaxian exspirasse, insuper à rationum quoque momentis munimentum varie accedit; Ea enim Viperarum facultas est, ut cuncta in periphairiam corporis trajiciat, qua de causa etiam Elephantiasin curat & cætera cutis vitia.

Et si summum Alexiterium est, ut apud Quercetanum, Crollium, Hartmannum &c. audit, contra omnis generis venena; quidni contra *spasmodi* illa purgantia vim ac facultatem aliquam obtineat? Est enim purgatrix vis vehementior media quædam potentia inter alimenta & venena, quam ut Theriaca, ita non minus etiam vipera & vincit & eluit. Quod enim Theriaca vim purgantium remediorum sistit ac impetum ruentium humorum compefcit, non inde proficiscitur, quod Opium, ut quidam opinantur, omnium fluxionum alias restrictiuum, in se recipiat: Plurima enim Theriacæ genera; licet de Opio nihil quicquam participantia, eadem virtute pollent; sed imprimis propter Vipera ingressum, quam à Centro ad superficiem corporis humores ciere, adeoque vim pharmaci frænare posse nullum est dubium.

Ideoque non immerito Doctiss. Heur-

nus in Meth. ad praxin pag. 355. hanc cautionem purgantibus submittit: ne unquam dum purgare consilium est, Theriaca utamur, nisi frænare vim pharmaci velimus: Etenim illico restagnare à Theriaca laxiorem alui effusionem, &c.

Deinde cum Hartmanni testimonio, puluis hic, Arsenici, Napelli, aliorumque corrodentium venena domat, nec non acribus & tabificis illis fluxionibus in phthysi & pleuritide auxilium fuerit, omnino arbitror, vim ipsi inesse, vel acria demulcendi vel Naturam quasi surdam aut fatuam reddendi; insuper humores incrassandi, & coarctandi vias; quibus stipatum hunc pulverem prædicti effectus tamdiu causam sufficientem dixerim, quamdiu integras illas facultates & immutatas in corpore retinuerit.

Etiamsi vero hæc ita se habeant, & *τὸ ἐξ*, quæcunque etiam eius rei causa admittatur, extra dubium versetur, detertere tamen ab eius pulueris vsu neminem debet, cum ab eadem accusatione ne quidem Theriaca, Opium, Laudana & Aqua Theriacales, immunitatem habeant. Quin potius secundum regulam practicam, naturam plures eodem tempore & contrarios motus non sustinere, tum temporis ubi purgandi scopus est, ab Alexiterio hoc abstineant, & ubi Alexiterio utendi, cathartica relinquant. Neque etiam subinde eodem pulvere utantur, absque detrimento enim sanitatis illud non fieri posse plane existimo. Sed velut Virtus, Galeno de Melancholia teste, continuo Medicinarum vsu sæpius languet, & torpescit, ita discolorata inde sequitur facies, sterilitas & multa alia; sed per longa temporum intervalla semel in casu necessitatis duntaxat vsurpetur, nec nisi corpore vel puro antea vel præpurcato satis.

Clarissimus D. D. Iohann. Iacobus Guggerus modo *ἐν ἀγίοις* inter γνήσια, & vsu vero comprobata sua remedia dictabat aliquando Basileæ, sequens illud.

Balsamum serpentum.

R. Serpentes exsiccatos abjectis cutē, capite, caudā, intestinis & pinguedine q. v. tere, & per Cucurbitam in B. phlegma abstrahe. Adde Florum Sulphuris per se sublimatorum ꝯj. & affusa Aqua vitæ tam diu digerantur, donec Tinctura extrahatur. Aquam Vitæ in B. destilla, reliquum per Retortam in Arena propelle, & prodibit oleum cum rectificandum, tum cum Sale è semetipso extracto in cineribus ad Balsami consistentiam vsque circulandum.

Inter destillandum dicebat in Alembico apparere niuem in imbrem tandem se soluentem, cum grandine; iridem item cum multis coloribus, vt & tonitrua cum coruscatione. Vsumque Balsami esse in Peste, Lepra, & lue Venerea, guttatim exhibiti.

Crystalli Tartari.

R. Tartari albissimi puluerisati lb ij. vel iij.

Ebulliant cum aqua fontana in catino non metallico, vt dissoluatur. Cola per manicam Hippocr. in fartaginem terræ, vel ligneum aliud receptaculum (in tali enim ob poros, quibus sorbetur aliqua salis portio, cui semper succedunt aliæ, scilicet absolvitur) inque loco frigido collige Crystallōs.

Si prima vice non satis purè prodeunt, recenti aqua affusa, adhuc semel coquantur, ne tamen pluries, siquidem plus iusto coquendo, de albedine aliquid amittitur. Crystallōs coagulatos aliquoties aqua fontana ablutos, in vase porcellanico lentè exsiccā, & super porphyrium multum contere. Erunt ita, propter attenuationem & ingressum aëris, niuis instar candidissimi, & subacidi saporis, vnde & Acidum Tartari ab aliquibus appellatur.

Aqua residua pura, id est, in quā Crystallōs hosce bulliendo liquaueris, Aquam illam Tartarifatam præstat, menstruum pluribus Extractis idoneum, de quo supra.

Crystallorum vero vsus est ad incidendum, & attenuandum crassos quoscunque humores, ad omnes obstructions aperiendas; Magis scilicet, quam Cremoris Tartari. Hic enim propter subtilem nimis aciditatem valde diureticus, in corpore impurgato, dum crassos simul humores præcipitet, tuto exhiberi vix potest: Et quis labor, quis sumptus, tantillo Cremoris totidem Tartari libras consumere, cum Crystallorum prædictorum ad minimum vigesies plus prædicto modo præparaueris? Cautio tamen sit, ne non dissolutum in puluerulenta illa substantia, vel non satis mistum cum iusculo exhibeas. Sicut enim ex quolibet puluere, cum humidis misto nascitur gluten; sic & hic metuendum, ne glutine factō, venæ circa ventriculum & hepar obstruantur, vel etiam ceu noxia paulo post sumptionē per vomitum, vt obseruauit, reiciantur.

Inde potionem leniter purgantem frequentissime conficio, sapore nil quicquam abominabilem, interim propter securam operationem valde benedictam.

Potio benedicta purgatoria extemporanea.

R. Extracti nostri Benedicti (ex Fol. Sennæ & Rhabarb. anap. ij. Agarici p. j.) à ꝯj. ad ꝯj.

Tartari, vt supra, purificati ꝯj.
Mannæ Calabrinæ ꝯj.

In Aqua Fontana seu Fragorum leniter coquantur ad solutionem duntaxat, & colatura additis guttis vel seu Elixiris, seu spiritus Cinamomi, detur pro potu.

Sal Tartari vitriolatum.

• Olei Tartari per deliquium facti vnc. iij.

• Olei seu Spiritus Vitrioli vnc. fere j.

In loco calido & sicco (frigida enim & aquea huic operationi sunt contraria) hoc illi antea ab omni humiditate rectificato guttatim misceatur, & coagulum in fundo dabitur albissimum. Repone paulisper, & cum tempore major fiet resistentia.

Aqua supernatans pro Diuretico inferuiat; vel euaporet, & major Salis copia suppeditebitur.

Ego Sali Tartari per extractionem à calce ipsius facto purissimo, Oleum Vitrioli à equali fere proportionem admisceo, & ad ignem primum exsiccando, postmodum fortiter calcinando, idem felicius obtineo.

Qui nauseabundum eius saporem auersantur, cum Spiritu Vini, digerendo scilicet & destillando, mitius præstant.

Valet pro vniuersali fere digestiuo. Hac enim in parte Crollio ad stipulari non possem, quando in omnibus tam corporum, quam humorum præparandorum indicationibus Vniuersale prædicaret.

In morbis tamen ab obstructione ortis inprimis excellit: velut in Febribus, Melancholia Hypochondriaca, Nephritide, Hydrope (in Hydromelite, Enulato) Virginum cachexia, &c.

Vbi memoria haud indignum quod quispiam Italus de eodem hoc Magisterio: Hæc transmutatio admodum est mirabilis, & ita absoluitur. Vitriolum optimum immitte in phio-lam, huic tantum affunde olei tartari, & quando hæc per dies decem mixta fuerunt, misce hu-ius intus 3 j. cum 3 j. aque vitæ, & laua vlcera concava, quæ breui temporis spatio sanabuntur, vt & scabies sineæ, & alia huius generis. Si quod Mercurius vitæ solubile at-que iterum in Sal reductile habet, oleo

Spirituue Vitrioli superfuso excipia-tur, & in medicamenti huius vnionem adoptetur, *nitro* purgans oppido obti-nueris.

Sal armoniacum regen. ratum.

Sicum sale fuso mixtum ter quateruè sublimatur, purissimum euadit, & in fe-bribus, Quartaña præsertim haud vulga-ris vsus. Sed & resolutum in Aqua calida, & per chartam trajectum, postea euapo-rata aqua secundum artem in crystallos redactum, tanto puritatis nitore splende-bit, vt in puluerem subtiliter tritum, subli-mationibus nihil cedat.

Ex hoc cum quatuor partibus Cine-rum misto destilla per Alembicum Spi-ritum Salis Armoniaci; qui cum æqualibus partibus Spiritus Vini mixtus & plu-maceolo loco à podagra dolenti illitus confestim dolores restringere scribitur.

Crystallum minerale cum Saccharo.

De Nitro præparato hoc ipsemet Au-thor cap. 4. Terrarij Bezoardic. Verum vt ne vrinofus sapor molestiam pariat, cum saccharo conficiatur hoc modo: Ni-tero scilicet ad S A L A mentem liquato, per Sulphur accenso, iterumque in Aqua Rosarum soluto decoctoque, inter coa-gulandum saccharum immisceatur ana-tica fere proportionem, donec miscendo acquirat duritiem. Vel solue saccharum in Aqua Rosarum; postmodum etiam Sal Nitri purificatum; Coque secundum ar-tem, vt in doliolis in cella colligantur Crystalli. Varios hoc habet vsus, de qui-bus alibi.

In hæmorrhagia vulnerum intro sum-ptum cum Aqua Cerefolij, vel fontana Wirtzium pro arcano habet lib. 4. Chirur-giæ c. 4.

forſan ex aliqua alia nobis incognita cauſa ſatis ceſſit, non leues enim vt probè roſti hydropicos curantibus occurrunt difficultates: vidi hydrope laborantem, cui guttas 8. Spiritus ſalis ex Iulepo roſato aquâ cinamomi Aromatizato exhibuerant, magna ſubſequentē per vrinas ſeroſitatum euacuatione, atque maxime notabili, vt videbatur, leuamine, poſtridie tamen vitâ deſunctum. Nihilominus vt paucis expediam, ſi hæc tibi ſcrupulum moueant, conſuetus æges ſi ab eius uſu abſtineas, quod ad me pertinet, cum viderem eiſmodi medicamentum multorum ſarapion obnoxiū eſſe, vt calumniaſ declinarem, aliasque ob rationes illo amplius non vtor, nec à multo tempore uſus ſum, præſertim in tanta copia aliorum medicamentorum optimorum, quæ eius loco ſubſtitui poſſunt; quod & præſtare tibi non erit difficile, &c.

Ideoque ſtante prædicta huius medicamenti nobilitate, affirmare non vereor, Medicum iſtiſ aut Roſæ Mineralis quæ vix minor, & DD. Sanctoriij Profeſſoris Patauini mirabilis paracentheſeos, vt & Confortantis cuiuſdam Epatici, quale Diacubebe Paracelſi, rite gnarum, vel omnes Aquas inter cutem curabiles abarere, vel quouis alios Medicos nullas poſſe.

Neque illud mirum cum Argentum in Cælo philoſophico inſtar Lunæ terreſtris reliquorum planetarum omnium influxibus, maritatum, omnium illorum vires expleat, de quo vide Paracelſ. in lib. vexat. can. 6.

Quidam vt in Gallia expertus ſum; hoc idem Lunæ Vitriolum cum Spiritu Nitri ſolum concinnant: Lunam ſcilicet purgatam, per ſolutionem, digeſtionem, & Spirituum volatiliū deſtillatione iteratò facta, fixis Nitri Spiritibus benè augmentant; Poſtmodum abſtracto phlegmate reſiduo, interueniente digeſtione in liquorem quaſi viſcoſum redigunt, & in loco frigido concreſcere faciunt. Antamen hoc cum noſtro Magiſterio idem valeat, adhuc nefeſcio. Noui tamen huius

ipſius artifices panaceam vix magno illo Sapientum Magiſterio minorem polliceri: Si Vitriolum Solis in debita proportionē ipſi coniuñctum, in Athanore omnium colorum Sphæras præciſe percurrerit, tandemque in rubedine perſiſterit. Aqua illa viridiuſcula à Luna præcipitata quæ reſtitat, & Spiritibus nimis Nitroſis ſpoliata jam eſt, ſcabiem manuum pedumque illita tantum, præmiſſis tamen præmittendis perfectè tollit.

Nec reticere hoc in loco poſſum: hanc ipſam Dianam in Lucum ſuum cū Athletis procis ſuis deductam, & loci lubricitate, vt per Actæonis ſalutationem in deliquio cadam, deceptam, mirabile artificium, Secreti libelli teſtimonio, præſtare. Si eam ipſam in vaſe vitreo à perlis obſcuris deſtillando abſtraxeris, eo modo vt ne perla vna tangat aliam nitor perlis perfectiſſimus conciliabitur. Quidam addunt illam à ſordibus purgatam, oleoſoque Salis Mercurij liquore reſocillatam, & in Balneo demum per ſudores ab efferueſcentiſ bilioſis liberatam, omnibus alui humorumque reſtriçtione ægrotantibus, æque viris quam fœminis, uſu præſentiſſimum fore remedium.

Sunt vicini noſtris regionibus Medici, qui Aurum & Argentum purgantiâ ad varios affectus ſummopere extollunt; vix tamen perſuaderi mihi patior facultatem purgatorii vel vnice Auro & Argento, vel æque illis, ac vel Aquæ forti, vel Mercurio ſimul Meteorifato aut preparato, aſcribi iure poſſe.

Multorum etiam Lunam purgantem, nihil, quam Mercurium dulcem, ſub tali tamen nomine ſumme ab ipſis deriſam, fuiſſe certis notis experior.

Nec deſunt, qui dum Lunam in Aqua forti ſoluant; iterumque præcipitatam cum Saturni duplo pondere admixtam ad ignem confluere faciunt, & refrigerari, ſal Lunæ volatile album & dulce in ſuperficie reperiri affirmant (oculorum

obitum facile effugit) quod ad omnes Cerebri affectus, ad Hydropem, profluvia & retentiones mensium, item Scorbutum, à granis quatuor ad octo pro maximo secreto referuant. Quomodo tamen (etiāsi non vulgarem Medicinam esse, à viris peritis habeo) Sal Lunæ potius quàm vel spirituum Nitroforum ex Aqua forti efflorescentia, vel sal plumbi volatile sit, cum Luna eodem pondere in corpus, suo artificio, redeat, doctioribus iudicandum relinquo.

Laudat venales qui vult extrudere merces.

*Magisterium corallorum & per-
larum.*

Simplicissimus eius apparatus est :

℞. Corallorum q. v. Aceti nostri philosophici, id est, spiritus vitrioli philosophici, ad sufficientem supereminentiam. Stent per noctem in calore, ut fiat solutio. Decanta, & filtra per Chartam. Mox reliquis aliud affunde acetum, absolendum, eo usque illud repetendo, donec penitus, quod reliquum est, non nisi facibus remanentibus solvatur. Colaturæ instilletur Oleum Tartari, ut pulvis deiciatur: Hunc seorsim positum elue aqua fontana aliquoties; Tum postquam exsiccaueris, res in vado erit. Valde quidem confert ad hominis naturam roborandam, multorum testimonio à scrupulo semis ad scrupulum integrum; Dubito tamen præferim de perlis, cum hoc nostro tempore tam carè vaneant, ne pretium earundem Medicinæ iuvandi promptitudinem & præstantiam longius excedat, quam ut alia ad hanc eandem medicamentorum classē manifestius pertinentia, viliori pretio comparanda, his ipsis postponendi negligendique iustam habeamus causam.

Quid porro virtutum Corallia in se habeant, quando in Butyracem & in ore

liquabilem substantiam parantur, de quo non nemo inter Neotericos, parum expertus affirmare non ausim. Quantum vero de ipsorum præparandi modo conijcere est, vix aberit, quin Spiritus Vini solutioni Corallorum per alium Spiritum factæ interveniens, istius coagulationis causam suppeditet. Nam spiritus confusi in se agunt mutuo & dissipant subtilissimas suas partes. Ideoque corpus antea solutum ex parte à spiritu solutionem sustinente deseratur, inque spissiore pristinae illius æmulam formam redeat, necesse est.

Simile namque videmus in hoc ℞. Corallorum ʒvj. Auri ʒß. Rore solis philosophici &c. soluta confundantur, & ubi per noctem steterint, affuso Sp. V. donec Tragacanthi soluti instar crassescant, destilla per Baln. quod destillari aptum est. Materiam infundo nigricanti Aquam affunde sæpius, ut edulcoretur.

Denique arenæ inferatur, igne ad vasorum incandescentiam usque durante; & Corallia sanguinis instar rubicunda, tenuis admodum substantiæ, reperies.

Et huc respicit thesis Disputationis Giesæ habitæ: Humani Cerebri substantiam respondere sali perlarum per infusum vini Spiritum coacti siquidem indito eo Sale Spiritus Vini velut butyrescit. Posset tamen idem fortasse à Spiritu Salis Urinæ vel Nitri proficisci. Vidi enim lapidis Lazuli solutionem hisce factam, in gelu abiisse, formam scilicet à butyracea non usque alienam. Sed manum de tabula.

Hoc vnum saltem notandum; prædictum Magisterium, etiāsi à multis pro sale Corallorum venditur, Sal tamen reuera non esse; quippe quod ex toto citra extractionem, impuritatibus duntaxat ablatis elaboratur; cum Sal è calcibus extrahendus veniat; ita: ℞. Corallos post extractionem Tincturæ residuos (Corpus q. mortuum) cum Sulphure rite, & si opus

opus est, aliquoties, donec scilicet plane in cineres vertantur; calcina. Ex his cineribus superfusa Aqua Vrticæ minoris destillata, mediante hebdomadali digestionem in B. postremo ad ebullitionem excofacto, sal extrahatur, à focibus per filtrum separandum & vsque ad cuticulam evaporandum. Sic enim in frigido eleganter concrevit, & laudatissimos vsus habet in morbis dissolutis, in ventris fluxionibus & hæmorrhagiis qualibuscunque quibus aliàs præcedens Sal non Sal Corallorum opponitur.

Dosis à ʒ vj. ad x. in Aqua plantaginis vel Syrupo Cydoniorum.

Vitrum Antimonij hyacinthinum.

℞. Antimonij opt. q. v. Tere & pone cum olla non vitreata super ignem lentum & incipiet fumigare. Rutabulo in extremo reflexo & prolixi manubrij agita sedulo, ne adhæreat. In nodos forte si concreverit, iterum tere, & ad ignem denuo colloca, procedendo, vt prius, donec ad fumum non amplius euomat, nec in nodos concreverit, sed maneat in forma pulveris. Id quod octo ferè horarum spatio perficitur. Refrigerum in olla fusoria colloca ad furnum anemium, per tres circiter horas, vt penitus fundatur, idque mox funde super peluim aneam, vel modulum pro libitu effigiatum. Vidi enim Lubecæ vasculum hoc ex vitro ad modulum insufflando egregiè fabrefactum, à cuius liquore quocunque per noctem infuso purgationes feliciter succedebant, de quo etiam Quercet. & Libavius. Vsum vitri Antimonij, quamvis plurimis canepes & angue exosum redditum, non dici potest, quam felicem in plurimis vomitione opus habentibus morbis expertus sum. Communiter tali formâ vsui inferuebat meo:

Ang. Sala.

Iulep Emeticus.

℞. Vitri huius ritè preparati ʒ ij.

Vini Hispanici ʒ vj.

Syrupi violarum ʒ j.

Olei Tartari guttas aliquot.

Macera ita per noctem, hinc facta colatura detur: dosi cochl. j. ij. Cum oleo Vitrioli, loco olei Tartari assumpto amethystinum colorem conciliabis.

Caterum Vitro hoc Antimonij cum media parte Auri per antimonium purgati, & in tenuissimam calcem redacti, fusio, & per digestionem virtute aceti radicati optime defecato, Tincturâ inde extractâ, mox post destillationem resistente pulvere abluto, & cum spiritu Vini per octiduum circulato, eoque iterum vel ad pulverem abstracto, vel forti igne per Retortam depressiorem, oleo ultimo propulso, Medicina inde habebitur paucis guttis Diaphoretica, longè excellentissima.

Purgat etiam satis promptè, si Basilio credendum, addita Essentia Rhubarbari, & Tinctura Corallorum, quod qua ratione fiat, consulatur idem Basilius Valent. in Curru Triumphali.

Aurifices sumunt Sulphuris Antimonialis huius partes iijj.

Auri, part. j.

Conjungunt cum Aquæ Mercurialis Auri solutoria part. ij. Et cum sigillo Hermetis coagulant, & figunt, ad Tincturam pro Luna & Mercurio, vt in aurum abeant, comparandam.

Spiritus etiam proliciunt ex prædicto Vitro quando Vitri ib j. cum Farinæ laterum & salis montani ana p. æ. In globulos mixta, per Retortam loricatam, s. a. destillant, &c. qui multis vsibus accommodatissimus perhibetur.

Huius loci est Antimonium beneficio Aceti, quod Author Ternarij Laudanorum cap. 7. memorat ex Emetico Bezoardicum factum, vt sequitur.

M m m m

Alexiterium Antimoniale.

R. Vitri Antimonij Hyacinthini q. v.

In marmore cum aceti Spiritu fortitrium infunde aliquot septimanas in B. vel eius vicario, affuso aceto destillato ad 3. vel 4. digitorum eminentiam, quotidie mouendo, ne fundo adhærescat, atque adeo Acetum colorem induat rubicundum. Euapora, vsque dum in fundo substantia remaneat subfusca, coagulata, acris & mordicans, facile liquabilis, nisi in vase probe obturato seruetur. Reliquo vitro exsiccatu denuò affundendo acetum, procedendoq; vt antea, idque toties reiterando, donec omne vitrum in dictum reduxeris Magisterium, nouam tincturæ extractionem moliri poteris, &c.

Huc vsque Diaphoreticum est per se, dosi à ʒ iij. ad ix. vel x. in appropriatis.

Quandoquidem verò, ne lique scat, difficulter retineri potest, pro Bezoardico parabis hunc in modum.

R. Spiritus Aceti rubri Antimonialis ad tertias circiter, lentè decocti, ad consistentiam instar oleagineam ʒ iij.

Cornu Cerui preparati ʒ j.

In mortariolo vitreo misceantur, postea in patina myrrhina super arenam exhalent, & benè sicca, vt in puluerem abeant, seruentur.

Poteris, si placet, aromatizare guttis sex, octoue olei Cinamomi vel Caryoph. & Lacryma Draconis iucundè coloratum exhibere à ʒ 4. ad ʒ ʒ. vel per se, vel cum succo Veronicæ inspissato, vel etiam cum Theriaca instar boli.

Conducit ad obstructions Hepatis & lienis inueteratas, retentionem mensium, icteritium, Hydropem, febres pestilentiales, putridas, malignas, morbillos & variolas, scabiem, malignam etiam, & lepram, si singulo manè ad horas aliquot sudandum detur.

Inprimis hoc notatū dignū: Vitrum à prima infusione residuum, vel primariò etiam cum aceto montano aliquoties adpersum, exsiccatumque iterum atque iterum, donec scilicet albescat, egregios vsus habere in febribus ad sequentem modum:

Vomitorium Febrifugum.

R. Vitri ad prædictum modum albisicati part. j. Sacchari albis. part. vj.

Amyli part. v.

Pulv. Cochlearum Crollij tenuiss. part. iij.

Croci parum.

Solutu prius saccharo in Aqua Centaurij vel Tabaci misceantur singula, & ad pulvis spissitudinem redacta fiant pasta, & hinc globuli seu rotulæ inaurandæ, sigilloque si placet ornandæ.

Dantur adultis ʒ j. fæminis & delicatioribus ʒ ij. pueris ʒ j. vel, pro re nata ʒ ʒ. ingruente paroxysmo.

Hactenus de Antimonij vitrificati quibusdam præparationibus & vsu; an ad Medicinam satis accuratè, alij ferant iudicium. Inprimis verò de hoc, idque candidè: Num Vomitoriorum Antimonialium vsus laudabilis quoque sit in Variolis? Occasio eius quæstionis est, quod quidam cauillentur aut mordeant, plura citra iudicium Medicum Dn. SALAM in arduis sæpè rebus statuissè, nec minimum eius exemplum esse, quod vsu Antimonij supra Ternar. Bezoard. c. 8. ad ciendum vomitum in variolis tanto perè deprædicarit. Causas dubitationis, cum ea de re pensulatè cogito, hæc eruo:

1. Quod Authores classici serè omnes in hoc conueniant, nequaquam vtendum esse medicamentis vehementioribus in variolis consule practicos.

2. Quod Hippocr. 6. Epid. part. 2. Aphorif. 23. hanc sententiam ponat:

Uana Exanthemata non valde pruriginosa, qualia hyeme Simon habebat, qui sanè cum ad ignem inungeretur, vel calida lauaretur, iuuabatur, Vomitiones non expediabant; Existimo si quis calefaceret, iuuaretur. Vbi & Galenus videtur consentire; atque simul docere huiusmodi operationes contrarias esse naturæ; Quod ipsum Valesius in Comment. prolixius explicat in sequentibus: Vomitus certè talibus exanthematibus vniuersim sunt inutiles. Atque iterum postea illa variis modis ad internam etiam cutem secundum corporis ventres erumpere posse, & hinc periculosa symptomata ostendit: Conandum igitur est, inquit, extrorsum agere humores, non solum jam, ne non exeant, quæ inceperint exanthemata (hoc enim aliis fortasse euacuationibus posse supplere) sed multò magis ne introrsum exeant. Ac proinde motus introrsum vitari debent, multò autem magis vomitus, quàm alui subductio, &c.

3. Videtur, quòd huiusmodi pharmaca, nec possint, nec debeant vsurpari in hoc morbo. Vbi enim vsui forent in principio, nemo Medicus vocatur, sed quando feruor & ebullitio est in sanguine. Ad hæc ab omnibus Medicis præceptum habemus: Mouente natura nihil agendum esse, nisi illa imperfectè moueat, intelligere verò an imperfectè moueat, in initio non possumus. Hippocr. Aphor. II. & 20. sect. 1.

Quod ipsum tanti momenti Nicolaus Florentinus habuit, vt nec apparentibus Variolis Clysteribus vtendum voluerit esse, ne iis ipsis Naturæ motus impeditur.

4. Vehementia pharmaca Antimonialia, alui profluvia excitarent, & metus esset lethalis Dysenterix ex humorum in aluum *strados* & effusione. Econtra sententia S A L Æ adfirmatiua his nititur fundamentis:

1. Necessariò vomitorium indicari, & efficax, vbi materia viscida, copiosa, impacta abundat, habens inclinationem ad superiora, vel imminutam vel abolitam, & hoc imperandum esse, nisi vel virtus vel aliquid aliud, quod magis vrget, prohibeat, & hanc ipsam conditionem in plurimis hoc morbo laborantibus præsto esse.

2. Vbi humorum infestorum secundam ipsorum momentum vacuatio facta, maiorem vtilitatem adfert, quàm est detrimentum, quod inde corpori imminet, vacuationi omninò vacandum esse. Gal. comment. 24. Aphorif. I. Fernel. I. M. M. c. 6. Hoc autem in variolis se ita habere. Nam causa putredinis intercipitur, leuatur Natura, & si quid aliud vitij reliquum est, celerius & tollerabilius in superficie corporis repurgatur. Cum aliqui periculum sit, ne ex magna putredine ardentissima consequatur febris, & natura oppressa multitudine, vel nihil exponat in superficie, vel tantum partem vitij, quæ propter imbecillitatem oppressæ Naturæ, intro faciliè recurrente suffocetur æger. Porro vbi in alto corporis humorum copia est & hæc neglecta prius discutere aggrediaris, obstrues potius, quàm per cutem euacuabis.

Idem Naturæ licet fortiter agentì contingere potest; Quidni si debilis fuerit, facile penitus fatigabitur atque succumbet?

3. In omni ordinata curatione, quodcumque causa rationem habet, illud primò excindendum, &c. Exemplum esto febris Tertianæ putrida, & Arthritis. Hic prædicto respectu venæsectio auxiliatur, teste Celso lib. 4. de re med. cap. 24. Illic redundantia primum tollitur, postea obstructio, vltimò febris. Gal. 10. M. M. cap. 10. Quod autem superfluitates circa stomachum, venas, & in venis simul materia sint variolarum, & eius affluxus causa obstruccionis, ex eo patet, quòd Vari-

læ oriantur, natura corporis profundum expurgante, maximâ expulsiōe, cum febre continua; & quod sæpè liceat, videre, cadauera laborantium variolis secta, viscera, imo cor etiam & os ventriculi omnino variolis & morbis habere maculata.

4. Denique utiis, quæ singulis artibus solerter sunt in euentu, ipsum etiam ab euentu rei testimonium & confirmatio accedit, teste Gal. comment. 2. Aphor. 17. & hinc veritas obtinetur; ita exempla non pauca probant, Vomitoria hoc morbo confixis vtile esse præsidium, cum crebrò ad ipsius vsum leuatio accesserit. De quo vide Salam in Ternario.

Hic vtrunque quis Polypi instar hæreat, Inualida enim surdaue quis dixerit hæc argumenta? Ideoque absque distinctione nulla ex parte certi quid definiendum erit. Distinctio illa triplex est. Secundum morbum, materiam & ipsa pharmaca.

Circa morbum requiritur, ut sit adhuc in principio vbi pustula nondum exuberarint. Et hoc Galen. subministravit 5. M. M. Vbi inquit omnes seruatos ab Exanthematibus pestilentialibus esse, qui purgati ante fuerint. Circa materiam

1. Vtne putrida sit aut corrupta; Ea enim non vacuatur per vomitum, nisi inclinationem habeat Tum autem quia citò pertransit, teste Galen. capit. 9. lib. ij. M. M. leui saltem opus habet medicamento, non Antimoniali. Si autem non putrida est, & adsit inclinatio, eaque maxime abolita, vehementioribus, quale Antimonium est, ritè præparatum uti haud disconuenit. 2. Vt ne pauca sit, serosa, &c. sed viscida, copiosa & impacta, 3. ut non supra venas existat, sed circa stomachum, & proxima viscera, multò minus in superficie corporis.

Denique multum differunt Vomito-

ria à Vomitoriis. Vomitoria enim maligna, lubrica, nimis copiosa ingrata, acrida, & calida, & vel inutiliter, vel molestè, vel exuperanter vomitum pellentia; quæque magis conturbent quàm euacuent, illa hoc in loco meritò exulent. Huius autem vitij Antimonium ritè præparatum (de Vitro sermo mihi non est) accusare constanter nemo poterit.

Aurum Purgatum.

Auri purgati Chrysobezoar Authoris meminit in Ternario Bezoard. Non igitur extra testam de purgationis modo interferere aliquid; Et hoc in loco, quia sub nullo titulo aliàs conuenientius.

Sumuntur sex partes Antimonij puluerisati, & pars vna Auri & simul in crucibulo funduntur. Postea præstò sit vagina ænea vel ferrea in fundo acuminata, in qua quid ceræ sit liquefactum, aut saltem seui parum. Tum infunditur Antimonium vulgare, cum Auro, in fundendoque leniter pulsatur, ut Aurum descendat ad fundum, & faciat Regulum.

Frige facto vase, Regulum separa; postea Antimonium iterum funde in crucibulo (Regulo priori seruato) & cum fluxerint, immitte parum de scobe ferri & postmodum benè fluxa in vaginam iterum effunde, ut prius, & pulsando Regulum in fundo iterum reperies, non quidem tam pulchrum, ut prius. Sic potes tertia vice agere cum Antimonio, donec habeas Regulum Auri per Antimonium transfusum,

Hos Regulos supra testam patentem in furno confinatorio ante follem colloca circumpositis circumcirca, superne etiam, Carbonibus, ne tamen Aurum attingatur. Postea cum folle ventilandum est, donec totum Antimonium effumarit, & Aurum penitus mundatum

fit. Aurum ita secunda vel tertia transfusione radiantissimi euadit coloris. Id quod in Antimonij fœcibus residuum est, per fusionem cum Nitro & Tartaro, vt Regulus amplius descendat, & postmodum cum folle separandum est.

Sed & compendiosior modi huius apparatus est: quo Aurum non solum mundum, quale hic requirebatur, sed & simile vitro mundo (quale Apocalypsis cap. 21. vers. 21. tangit his verbis; Muri ex auro mundo erant, vt vitrum pellucidum splendente) compareat.

R². Auri Vngarici ʒj.

Reguli Antimonij perfectissimi. ʒ. ij.

In crucibulo fundantur ante follem. Fusa, effusaque & refrigerata contundantur. Hinc super laminam ferream, absque fusionem tamen, calcinentur, donec fumus Antimonij cesset. Postea in crucibulo adhuc liquefactum, in patinam æneam effunde, & Aurum dabitur vt vitrum transparentens.

De hoc toto negotio Basilii Valentini periphrasi vitur non insueta, vel inconcinna: *Oportet vt leo deuoretur à lupo cano & ter ab ipso deglutatur. Postea leo rursus deuorabit lupum cum se prius per sanguinem lupi mundificauerit, & inde oculos suos clarificauerit.*

SECTIO II.

DE CROCIS.

Crocus Martis.

CROCUS Martis duplicis fortis est: Alter per fortes calcinationes, igne Reuerberij, &c. perficitur; Ab hoc dum vis sulphuris & Mercurij, ablata, extincta, separata est, vel grandi igne, vel Aqua forti, sistuntur fluxiones, partesque roborantur.

Alter laminis ferri vel Chalybis can-

dentibus in Magdalæonis Sulphuris immisissis, vel aquarum quarundam affusione conficitur; Et hic, quia partem Chalybis abstergentem, aperientem, & repurgantem, excrementitia, solummodo separata, retinuit; aperit, attenuat, purgat, simulque corroborat.

Magna itaque circumspectione opus est, ne, quando Crocus Martis ex usu est, alter pro altero non temerè solum, sed & noxiè exhibeatur.

Crocus Martis adstrictorius.

R². Limaturæ ferri lbj. Ablucè benè iteratis vicibus. Adde Sulphuristriti libras ij. Misce & in calore per sex octoue dies digere, sæpè agitando, & fiet instar sapæ ferè. Abstrahatur humiditas ad siccitatem pulueris, quem calcina ad ignem vt omne Sulphur inde conflagretur, vltimo forti igne, & puluis restabit subfuscus, Ablutione hunc cum aquis convenientibus dulcora, ac denud Reuerberio examina, idque toties, donec asperitate & pondere penitus priuetur: sic præsto tibi erit, Crocus Martis Adstrictorius.

Pro ischamo vsus habet in puluere Dysenterio, in omnibus, maxime cruentis fluxionibus hoc modo.

R². Croci Martis adstrictorij,

Corall. rubr. præparat.

Lacrymæ Draconis opt. ana ʒ. j.

Laudanij Opiati ʒ. ij.

Aquæ vitæ Santali rubri tinctura imprægnatæ ʒ. iiij. vel v.

Primo Coralli & Crocus Martis in Aqua vitæ coquantur ad siccitatem. Adde postea Lacrymam Draconis, & super lapidem in puluerem tere; Huic sensum misceas Laudanum exsiccatum, & concisum, vt longo attritu in puluerem simul abeant.

Dosis exurgit à gr. iiij. ad ʒ. ss. & ultra

Crocus Martis Aperitiuus.

℞. Laminas è ferro vel Chalybe purò ductas, obline eas oleo, vel Spiritu Sulphuris, vel Vitrioli. Colloca in cellam, & post aliquot dies Crocum deradendum inuenies, obscurè rubeum, insigne Hepatis restauratiuum & deoppilatiuum. Vide Epist. D. Doringij. Defensiuum quibusdam mirabile est in Melancholia Hypochondriaca, vbi nimirum morbi penitus deprimendi causa cum vino assumptus Emplastro Magnetico ad lienem rectè applici dicunt. Mera autem phantasia est hoc, & *ἐμπόδιον τῆς ψυχῆς*. Experientia enim docet contrarium.

SECTION III.

DE FLORIBVS.

Flores Sulphuris.

INter Flores Sulphuris, quorum in Medicina vsus agnoscendus, isque vicarius Sulphuris scissilis, vel cuiuscunque quod à Natura purificatum in pluribus locis, velut in Agro Cracouiensi in Polonia, in Foro Vulcani la sol fotaria vulgò appellata propè pozzuolum in Regno Neapolitano & alibi reperitur; vix alij sinceriores sunt & vtiliores, quàm qui per se sublimantur hoc sequenti modo.

℞. Cucurbitam terream mediocris capacitatis, huic duos pluresue Alembicos benè accommoda, ita vt alter post alterum, requirente necessitate adhiberi possit. Pone vacuum in arena, & vbi gradibus ignis paulatim fuerit excalescit, adeo vt vix manus admota in eminentiori parte ferat; Injice sparsim Sulphuris flauissimi in frusta redacti cochlearia tria vel quatuor. Alterutro alembico super-

imposito, paulo post videbis primò liquorem subdulcem, Aquam scilicet, quam Ens seu Lac Balsami vocant; mox intra dimidiæ horæ spatium flores elegantissimos circa limbum Alembici collectos.

Ignis intensior si fuerit, iactura operis oppido sequetur. Quia sulphur liquatum effluit, nec flores amplius assurgunt. Quod si itaque nonnihil Florum eleuatum fuerit, priori Alembico sublato, substituitur alius & alius, donec omnes colligantur Flores.

Hos flores intelligè sub titulo Florum Resinæ Metallicae, quos supra in Ternario Bezoard. SALIA in compositionem Chrysobezoar adsumpsit. De vsu eorundem vbertim Crollius in Basilila Chym.

Extractum Florum sulphuris cum Oleo Terebinthinæ concinnatum Ictericis in super summopere profuturum existimo.

Inprimis Sulphur ita præparatum magni vsus est, aduersus phthisin, & lentos pulmonum affectus. Cuius gratia cum paucos ante annos in Anglia Medicina contra phthisin decantatissima quædam à viro Doctore, alias spectata auctoritatis, in hoc verò Mercurio magis quàm Apollini Musisque dedito, mihi offerretur, & hoc vt plurimum nomine; quodd Sulphur ritè præparatum quæque pulmonia hepaticæ reciperet, & secretissima, non nisi magno pretio redimenda, immane quantum; vt id hominum genus *χρηματιστικόν* solet, deprædicaretur; quatuor Iacobæos, (testis est nobilissimus & arte & marte excellentissimus Henricus à Quaad.) & multa sui generis alia pro illa enumeravi. Medicinam non increpo; melior enim multis est aliis: Animum tamen adhuc rodit, Medici parum *ἡδονοφιλῆς* indignæ simultatis studium. Et propterea gratis singulis communico, prout sequitur:

Claretum pectorale.

- ℞. Flor. Tussilag. no. v.
 Endiuia no. xij.
 Acetosa no. x.
 Scabiosa no. xij.
 Capill. Veneris M. j.
 Rad. Althææ ʒ ij.
 Liquiritiæ ʒ j.
 Passular. enucleat. ʒ ij.
 Santali Citrini ʒ j.

Bulliant vase clauso in libris iij. Vini Muscatellini ad libras ij. Decoctio perficitur duarum horarum spatio. De colatura decur omni mane v. vj. vel vij. cochl. secundum ægrotantium ætatem. Assumpta hac Medicina super dormiat patiens, & eandem dosin repetat euendo cubitum. Postquam autem edormiuit, capiat de sequenti quoque Electuario, ad quantitatem Nucis Castaneæ.

Electuarium Pulmoniacum.

- ℞. Fol. Tussilag. no. v.
 Endiuia.
 Scabiosa ana no. xij.
 Acetosa no. x.
 Capill. Veneris M. j.
 Liquiritiæ ʒ j.
 Sem. Anisi ʒ j. (forte frigida conuenientiora)

f. puluis subtilissimus, & cum Syrupo Capill. Veneris & Tussilaginis ana q. f. Electuarium permiscendo extra ignem.

Vtlierius æger sumat in die quater vel sexies ex rotulis ita paratis.

Rotula Sulphurata.

- ℞. Flor. Sulph. ʒ ss. vel quod melius
 Lactis Sulphuris ʒ ij.
 Rad. Ireos Florent. subtiliss. puluerisat. ʒ j. ss.
 Sacchari Candi pulueris. ʒ iij.

Misce optimè & cum mucilagine Tragacanthi in Aqua Rosarum soluti f. pasta, & inde rotula.

Interea vitatur cibus facilis concoctionis, abstineat à vino, & forti cereuisia, & eorum loco commendatum sibi habeat, Decoctum terræ argillaceæ. Vbi simul notandum: multos alios esse, qui ad pinguefaciendum corpora, laudant vsum Aquæ frigida, & ego noui, inquit, Mercurialis, duos magnos principes hoc vsu impinguefactos, vt ideo mirum non sit, (dummodo ægri assueti sint, nec nimis extenuati, aut calore spoliati) prædictum decoctum non contemnendas vires habere hoc in casu posse.

Flores Sulphuris albicantes.

Lac Sulphuris apud plerosque magni vsus est & meritò; Quippe quod purissimam & subtilissimam Sulphuris partem habet, & veri pulmonum Balsami, multorumque morborum velut consumentis ignis nomen ritè sustineat.

Verum enimvero præparatio illius propter factorem nonnihil sordida, odiosaque est, nec absque meretricia salis Tartari contaminatione. Ideoque illius loco Flores sequentes, viribus nimirum & potestate Lactis Sulphuris haud minores nemini religio sit habere.

- ℞. Nitri purificati q. v.

Liquefac in Crucibulo igne Rotæ, postea per vicesingere Sulphur. puluerisatum, idque tamdiu, donec Nitrum indurescat in ipso igne. Ignem postea auge, operculo super addito, per horas duas ita relinque.

Tandem vbi omnia refrigerint Nitrum habebis fixum.

- ℞. Nitri ipsius part. j.

Sulphuris puriss. ij.

Misce & sublima igne arenæ mediocris, Flores collige albicantes,

Flores Salis.

Quemadmodum è Succino destillato tandem Flos eleuatur, Sal Succini volatilis dictus, omnium calculo vrinarum difficultati dicatissimum remedium; Ita quando SALA Flores Salis in Ternario Bez. in pilulas Balsamicas assumit, alios intelligi non vult, quàm qui in destillatione Spiritus Oleiue Salis ignis vehementia simul euehuntur.

Attamen eorundem non minor tibi copia erit, si Sal commune cum Sale Armoniaco misceas, & sublimes.

Varios equidem vsus ad incidendum crassum phlegma corruptosque humores à putredine vindicandum habere cum per se, tum in pilulis illis Balsamicis non nego, præsertim vbi Spiritu Vini fuerint dulcorati. Verum vt omnium Salium ad liquefactionem facilis natura est, ita Flores hi pilularum massis subacti absque dubio in causa sunt, quòd pilulæ inde conformatæ perpetuæ mutabilitatis & diffuentiæ obnoxie reperiantur.

Rosa Mineralis.

Rosa Mineralis illa in Ternario Vomit. nomine tenus aliquoties attacta quaris, quam radicem habeat, & vnde oriunda? Certè alia mihi sententia non est, quàm quòd nata præparataque sit, ex Antimonij nucleo cum Mercurio essensificato in liquorosam substantiam sublimando aliquoties redacta, posteaque cognito liquore per præcipationem in puluerem coagulato. Ergone, ais; illa cum Mercurio vitæ Theophr. eiusdem farinæ? Est inquam, & quid interest? Nam frustra aliàs SALA curationes ea ipsa peractas pro confirmatione ipsius adduxisset, prout videre est in Emet. Cur. 6. & 19. Taceo, quòd modus vtendi & operandi ipsius per omnia idem sit cum

Mercurio Vitæ in eodem libro descripto.

Color tamen ipsius Rosæ incarnatis similis (Hinc Rosæ nomen ex parte obtinuit) nonnihil admirationis excitat: Quî enim hic, & hoc modo à Mercurio, si cum SALA Mercuriale quid esse putes Mercurium Vitæ? Quî itidem ab Antimonio, si nostra sententia inferius proponenda palmam obtineat? imo hariolari quis posset eam ipsam Rosam Aquilam rubram Turqueti esse, vel hanc illam præcipitati speciem; vel fortè purpureos illos Antimonij, è Minera ipsius, factos flores: vel tale quid aliud, fortè etiam altioris indagini. His enim exemptis rarissimè sub tali colore in Theatrum Medicum aliquid prodit. Atqui si hanc inculatam viam insistas, & per eandem alios quoque ducere satagis, ad scopum Authoris neque deducers, neque deduces. Statua namque Mercurialis supra posita est, hanc obseruare oportet, nec aliorum faciem flectere; Ideoque certò sibi quisq; persuasum habeat, Colorem hunc Rosæ non aliunde dari vel excitari, quam vel caloris instantia in vase conuertibili. Ita enim Libavius in syntagm. Album illum Mercurium vitæ reuoca ad Retortam & destilla bis, terue; Deinde Spiritu vini elabora, vt rubescat penitus: Oleum rubeum præcipita, aut alio modo coagula, habebisque Mercurium vitæ rubeum.

Dummodo non errandi occasio sit hic, quod Libavius materiam huius medicamenti putet esse Mercurium, rubri scilicet & albi habentem principia, secundum quod Philosophorum illud, ego sum albus & ruber; Non item Antimonium, vt tamen reuera est, quod quidem omnium, colorum facultatumque differentias in sinu suo tanquam in circulo gestitat, attamen fortè eadem hac via rubedinem non in apricum projicit: Vel datur etiam liquorosa substantia illius super Tincturam è Scoriis Regulis Antimonij repetita destillatione. Ita enim Mercurij vitæ

vita propria Antimonij tinctura pregnantis descripti habet.

R. Scorias Reguli Antimonij sine Marte; aceto Vini destillato extrahe Tincturam, & in puluerem elabora, super eundem puluerem Butyrum Antimonij bene destilla, rubicundissimi erit coloris. Vel denique, si neutrum priorum rem ipsam tangat, non intelligo, quomodo non color ille à Spiritu Vini fantalato superfufo, iterumque euaporato aduentitius sit. Neque enim inauditum, aut incompertum nobis est; idem Antimonium eodem ingenio cœruleum factum esse & mirum quantum iucundum, per solam cum oleo Balsami Peruvian destillato; Ambra grisea, Moscho & Tinctura Lapidis Lazuli leuigationem. Quamuis Moschus, aliaque vehementer odorata Catharticis ad præfixum scopum parum conferant. Quemadmodum enim Paracelsi sententia 4. Chirurg. Spiritus Vini à Mercurij administratione exulare debet, vt ne Mercurius citius ad cor vsque compellatur, & illud afficiat; & Camphora qualitate sua Nitro valdè analoga, deprehensa est non propria dūtaxat ἀναθυμιάσει, sed & aliorum præsertim calefacientium, Diaphoreticorum sæpè associatorum, quorum vim vapidam secum rapit, caput prænimio replere, atque variis symptomatibus sæpè disturbare; ita Moschi nullum cum Catharticis consortium sit, cum indè Medicamentum in humores directum, Cor, Caput, & Vterum simul impetuosius feriat, spiritus resoluat vel quandam molestiam intollerabilem inferat.

Adhæc vt ad rem adæamus, in opus deduxi prædictum tingendi modum aliàs cum sanguine Draconis, aliàs cum Santalo spiritui Vini communicatis; & vix ouum ouo tam simile: lac lacti, quàm is ipse tinctus Vita Mercurius Rosæ minerali SALÆ fuit.

Sit quodcumque sit, interea Rosa
Ang. Sala.

illa efficacissimum remedium est, & verè πρὸς τὴν ἰσθίαν, in plurimis, iisque ad contumacissimam coagulationem destinatis morbis, de quo lege Auth. Emet. cap. 5. & Ternar. Bezoard. cap. 18.

Adferam solummodò ego, quæ ipsemet ex opere & experientia didici, & quibus in affectibus mihi potissimum Maudum DEI se præstiterit.

Inprimis ergò in febribus tam continuis, & Epidemiis ab initiis. (Non exspectandum vsque ad articulum mortis) quàm intermittentibus, Quotidiana, Tertiana, & Quartana egregiè suppetias tulit: eaq; ipsa, iuro plurimas earundem, auxiliari tamen aliquando Laudani antifebrilis beneficio (accedat & hoc, ne robore instrumentorum coctioni inseruientium frustrato, quod vel fugatum est, vel consumptum semel, noui succi vitiū denuò suggeratur, de quo Gal. II. Meth. Med. capite decimoquinto & accuratius lib. 12. p. 3.) prima statim inuasionè à me sublatas fuisset.

Vomitu quidem formidabilis quibusdam est; atamen sine causa; cum omnium humorum saburram potius majori cum successu ἀποκαταρτίζω è toto corpore expurget, quàm quiduis aliud. Mitior tamen euadit, & vel secessiua tantùm, si, antequam colore induatur, cum sale communi sedulò teratur, & per abluionem, descendente puluere, falsedo iterum eximatur; Præterquam enim quod plurimorum exemplo in minutis minor Spirituum vehementia, in Sale etiam abunde est, quod Antimonium domare possit.

Vel si cum sale decrepitato igne reuerberij fortissimum sublimetur. Imò ex observatione, quod in iisdem etiam morbis differens eius præparatio, modò purgat per vomitum solum, modo per aluum solum, modo vtrinque dixerim, neque sub vomitoriorum neque Catharticorum aluorum censum illud propriè & vnicè

pertinere ; sed cum materiam expurget, *ὅτι αὐτὴ μάλιστα ῥίπνῃ ὅτι οὐκ ἔστι τῶν ἐμμερῶντων ῥοεῶν*, Specifici purgantis locum facile sustinere. Ideoque purget quā velit , & quomodocunque , credas equidem , malā Medicinā notam non esse, in centro morbi, cum dolorem excitat & motum. Et in hoc omnes affectus præter naturam conueniunt , vt quæ difficilis passionis sunt, vel in habitu, indicent medicamentum quod efficacissimè agat.

Gigantei morbi se ejici & expelli non primum à medicamentis pyrmis, sed à potentioribus & validioribus.

In hydropes quoque excellens Hydriagogum est , nec vique adeò periculosum cum reliquis Antimoniatis, vti Capiuaccio visum. Quin imo duplo pondere hydropicis exhibitum , cum euphoria tamen, operationem perficit. Vndecunque enim accidat, siue à loci affecti situ (si quid enim nos malè habet in jecore, per ventrem aptius excernitur, teste Galen. com. 1. Aph. 21.) siue humorum aquosorum propria indole, & inclinatione Hipp. lib. 4. Aph. 6. 7. & 9. Siue à fixatione salium in aliquis illis delitescentium, Hydropicis, Asciticis præsertim, per aluum duntaxat mira facilitate aquas exurbat. Id quod etiam in Paralyti & Apoplexia, fortassis obneruosi generis stupiditatem, aliquoties obseruauimus: Offeratur à gr. j. ad sex, octo & decem pro naturarum morborumque differentia. Communiter tamen definitur à gr. j. ad liij. vel quatuor.

Si verò cum Aqua Cinamomi & Endiuix infusum Elixir Catharticum vt apud nonnullos vsu receptum est, constituere debet, in duplo pondere assumatur necesse est.

Acetum montanum prædicti medicamenti facultatibus per infusionem dotatum, & Tartaro vitriolato faciendo, loco olci Vitrioli, quod alias recipit con-

junctum, ad euacuationes inferius perficiendas illud præstat idoneum.

Specificum purgans alterum.

℞. Mercurij Antimonialis optimè parati quantum vis,

Aquæ Philosophicæ non tamen athleticæ q. f.

Digere, & phlegma lentè destilla. Aquā eadem affusa recenter, denuò euocetur phlegma, idque toties, donec Mercurius iste Aquæ spiritib. saturatus, vltiorem absorbtionem respuat. Postea destilla, & diligenter obserua, primò aqueam humiditatem, quæ separanda; postea liquorem ponderosum, sedulò asseruandum: Hoc enim beneficio olei Tartari ad ebullitionis cessationem affusi, præcipitatum, & ab acrimonia ablutionibus vindicatum, humores quoscunque peccantes ad tria quatuorue grana cum Extracto Scammonij composito, &c. innoxie, idque per secessus tantum eliminat. Quod ipsum si Crollius penitus nouisset, nunquam quicquam laboris de excellentiori adinueniendo cathartico assumpsisset. Quamuis Crollij votum modestè moderateque accipiendo, vti in seniorum scriptis interpretandis decet, non sit quod dissidentium rationum experientie ipsum reclamare statuamus.

Nec enim POSSE ipsius pag. 137. Bas. Chym. de potentia naturali, seu prædestinatione, quam vocant, ipsius Antimonij intelligendum est, secundum quam ex Emetico catharticum, siue subiectiuè siue transmutatiuè, siue obiectiuè fieri vel non fieri possit. Vnde enim scire potuisset, (cum quod non sit, aduerbion quoque sit & ἀμερικis) vix fore in rerum Natura catharticum iucundius & excellentius, adeoque cum aliis comparationem instituere rei nullibi, nec existentis, nec quandenus intellectæ: sed de potentia ἐμπειρική cum sua, tum plurimorum Docto-

rum, qui ex ignorantia culpa, tùm temporis, potentia passiva naturali in Antimonio actius respondere minimè poterant. Eodem modo, quo Galenus 7. de fac. simpl. cap. 19. acetum partim frigidum, partim calidum promptè quidem concedit; se verò machinam, seu artem, qua sicut in lacte contrariarum partium separationem institueret, nondum inuenisse. Quo & Fernelij illud spectat: Nullam vsquam remediorum penuriam esse, sed nostram plerumque eorum turpem ignorationem.

Quod virtutes eius attinet, plura quàm quæ ipsemet compertus sum, testari nolo. Dedi adolescenti Quartanario, Tartaro Vitriolato prius ad purgationem preparato, cum Extracto Hellebori nigri, in die infebrecitationis: Hinc purgato corpore instante paroxysmo Laudanum alexipyretum, & à febre, solum lassitudine redeunte statim melius habuit. Postea verò cum singulis diebus Theriacam præscripsi, & hanc tempore accessionis cum vino calido assumendam, penitus conualuit.

Flores Antimonij.

Latissimus hic dicendi campus, de variis Flores Antimonij iam albos, iam rubros, iam flavos & miniatos; modo ex crudo Antimonio; modo ex Regulo; modo ex Croco Metallorum vulgari; ad vomitiones & dejectiones simul, & ad dejectiones solitarie faciendi modis & artificiis.

Secus enim se res habet, quàm multorum iudicio Crollij & hinc aliorum, velut Dn. Sala etiam opinio tulit quòd Antimonium, vt sola per secessus deturbandi vi polleat, preparari non possit.

Si enim vera physycorum regula: Ab extremis ad extrema non nisi per media fieri progressus, nec naturam saltus committere; Quis dubitet Antimonio à sum-

ma volatilitatè, quæ vomitus ciere creditur, ad summas fixitates, quibus alias fixas perficit operationes, intermedium relinquere gradum, eundemque vel separationis vel alterationis solummodo industria retinendum, quòd purgationes per sedes duntaxat promoveat.

Et his missis quid tibi aut mihi aut vlli viro bono argumenta, vbi sensus & experientia iudex? Ea enim de re quid apertius, quàm quòd Beguinus in Tyrocinio recens edito & aucto scribit? Quod item generosus Iohannes Wood in Tractatu quem Amalgama de capitis aggritudinibus vocat. Inprimis, inquit, de lethargia, dedi Antimonium meum ad secessus præparatum, cum duobus cochlearibus vini, quod intra septem horas operabatur ad minus vigesies, ipsa (ægra) toto tempore sicut mortua (ex morbo) iacente & circa horam quartam vespertinam desiit operari, &c. Et de vertigine paulò antè, idque accuratius: Quibus diebus inquit, accepit aut medicamentum antedictum ex Helleboro, aut parum Antimonij cum oleo Vitrioli ad secessum præparati. Quamvis in hoc cuilibet manum injicere non vsque adeò tutum: Multi enim tituli authoritatem, pauci scientiæ certitudinem præferunt. Nec quicquam Chymicis magis confuetum, quàm pro missis triumphare, quæ omnia tamen, vbi ad opus acceditur, vltro cadunt. Neque etiam docti & probi ab hoc vitio, dum stochasmis nimium confidunt, planè immunes: Neque enim verò conuenit illud Zvingeri; Si vinum Maluaticum superfundatur Mercurio vitæ, qui aliud nihil est, quàm Flores Antimonij albi, sentiant alij quid velint, macerenturque aliquandiu, abstractis spiritibus & phlegmate, liquorem manere secessuum tantum. Falsum, inquam, hoc deprehenditur. Liquor quidem manet syrupalis consistentia, non autem, qui aliàs, quàm Mercurius vitæ vires obtinet. Multò minus succedet, quod quidam Destillator in

Germanico Tract. nup̄er proponit: Mercurium Vitę aceto stillatitio primò, postea etiam Spiritu Vini solutum & per Char- tam trajectum, &c. tale quid posse. Factu enim illud impossibile est, & longè alia ad sui solutionem requirit, nisi sub illis soluentibus aquas alias validas seu Mercuriales catachresticè intelligat.

Attamen cum receptui hoc in loco canendum est, sequentibus solum præparationibus Antimonij, quas nimirum Florum Antimonij nomine. Dn. SALA præ cæteris magnificet, & dubio procul in superioribus compositionibus, vbi eorundem florum meminit, vnice assumpsit, sub hoc titulo contenti erimus.

R. Antimonij crudi lbj.

Salis Armoniaci lb ss.

Subtiliter marmore trita, imponē vrnali fictili ad latus reclinato, in fornacula superius oclusa, absque quod spiraculum tantummodo relinquatur. Super impone vas vitreum pro Recipiente, lutatis juncturis. Hinc ignem paulatim subde, vsque dum sublimatio succedat, & adsoluatur. Sal Armoniacum ab Antimonio aquâ calidâ separa, & puluerem tenuem siccatumque serua. Vfus eorundem ad vomitus præstò est, vt sequitur:

R. Margaritar. præpar. ʒ vij.

Flor. Antimonij ʒ iiij.

Sacch. pulu. ʒ vj. ss.

Cum Tragacantho in Aq. Rosarum infuso f. pasta, & hinc cum guttis vj. Olei Cinamomi Rotulæ, sigillandæ inaurandæque. Dosis ʒ j. ij. iij. ad iiij.

Flores Antimonij alij.

R. Antimonij crudi optimi, q. v.

Affunde Aquam fortem; stent aliquantulu, donec Calx in fundo alba videatur (cauendo à fumo) postea abstrahc Aquam per destillationem, & calcem elue

aqua tepida, donèc spiritus Aquæ fortis non amplius sentiantur. Denique siccatum puluerem colloca in crucibulo clauso in Reuerberium per sex circiter horas, & perfectè calcinabitur Antimonium, fietque rubeum fixum.

Cujus dosis ʒ ij. iij. vel iiij. pro captu, æque deorsum, quàm sursum scilicet purgantia; Idque non tàm sua, quàm humoris biliosi circa ventriculum stagnantis natura.

Panchymagogen Mercuriale.

Si sublimatus Mercurius cum Mercurio vulgari anatica proportionē mixtus deuò, idque ad quartam vel sextam vsque vicem sublimetur, ad 30. vel quadraginta grana ipsum exhibitum suauissimè, imò prout alibi legere est, non magis quàm Aloë, purgare, Author Ternarij Vomitoriorum supra seriò recenset. Hoc idem fecerunt & alij, & inter Cathartica Panacææ loco habuerunt. Ideoque omnibus humoribus expurgandis præscripserunt, vel per se, vel in conferua Rosarum, vel in hostia vel iusculo, &c.

Verum enim verò nec rectè præparatus est Mercurius ad purgandum hoc modo, nec rectè exhibitus. Si enim toties sublimetur, tantum abest, vt purgans sit panacæa, vt omnino non purget; etiamsi in maxima præscribatur dosi.

Neque etiam, quando per se vel cum Conferua Rosarum vel iusculis non purgantibus exhibetur, conuenit: Dulcificatus enim Mercurius, etiamsi potis sit, humores primum resoluerè, & post in ventriculum attrahere, quia tamen vis incitatrix & purgatrix ipsius planè infirma, aliter fieri non potest, quam quod sentina illa relicta, stomachus crudis humoribus repleatur, nerui & cerebrum impetantur, & denique fluxiones in fauces, omnesque corporis partes molestissimæ perniciosissimæque oriantur. Idque maximè in

frigidioribus & humidioribus naturis obtinet, in quibus si contingat fieri fluxiones illæ *ἀφύσας*, plerumque & immodicè ruunt. Propterea compertum est abundè mulieres, quarum nimirum corpora & celerius & magis humida trahunt à Ventre, quàm virorum, teste Hippocr. *ὁ ἐκ γυναικείας*, non solum Mercurium hoc modo præparatum & datum non commodè ferre, sed & sæpè in maximas inde molestias, imò non rarè in summa mortis periculâ, ratione cum Cordis, tum cruciatuum ventriculi & intestinorum incidere. Præterea sæpè & hoc in dolorem & ignominiam dat & ægum & Medicum, quodd, dum jam inde purgatio euenit, nec diminuta nihilominus ægritudo natura potissimum biliosis, varia incommoda obuersentur. Mercurius enim hic eius naturæ est, ut humiditates in extremitatibus ad centrum ad se, & fortiter alliciat, prout apparet in externis affectibus. Ideoque quemadmodum ex missione sanguinis in febribus biliosis bilis acrior & acerbior redditur, & hinc periculum ebullitionis Cholericorum imminet, sanguine nimirum fræno ipsius euacuato; ita humiditatibus phlegmaticis seorsim à Mercurio deductis, bilis præsertim in parte determinata superabundans, tantò magis ferocire & effruescere incipiet, quantò copiosior pituita successerit euacuatio. Vnde, arbitror, non inconsideratè quis dixit:

Ex Mercurio in biliosis, ex Antimonio in pituitosis non succedere medicationes.

Prætereo: quàm non impunè miscetur cum consensu, succis, & jusculis, quæ vel masticatione dentibus Mercurium affricando, vel liquiditate vndiquaque ofundendo, haud parum detrimenti adferre constat. Ideoque non nisi sequenti aut simili stylo in vsum veniat.

℞. Mercurij Meteorisati.
viui puriss. ana q. v.

In Mortario vitro marmoreo ad Mercurij viui absorptionem vsque misce, & in matraccio per arenam ad sex octo-ue horas sublima. Si purum inspidumque obtinueris, etiam si vix prima sublimatio sit celebrata, acquiesce; sin minus, rejectis cauda & stercore Draconis, id est, salibus & fuliginibus, adhuc semel absque additione sublima, non vltius, & postea operatio minus frustranea erit, hoc inprimis modo:

℞. Extracti Scammonij compositi ḡ viij.

Mercurij prædicti ḡ xv. vel circiter. Misce & fiant pilulæ no. vj. vel vij.

Vfus ipsius est pro Helminthagogico in vermiculationibus.
in Febribus putridis.

In morbis Renum, Gonorrhæa, Calculo, &c. Alui constipatione post cœnam inprimis exhibitus, & cum lenientibus potius velut Aloë præparata, &c. quàm purgantibus.

In scabie, Lue venerea & vlceribus malignis, ubi externè quoque valdè prodest, si in Aquæ salitæ ℥j. ebulliendo solvatur ʒj. & post colaturam in prædictis casibus eluendo vsurpetur.

Notari autem & hic, ut in plerorumque Metallicorum vsu, accuratè volo: Hunc Mercurium dulcem ad medicum gradum præparatum, recentem maximè vsurpari debere, minime obsoletum; Neque etiam observationes à recentibus signatas metallicis, ad vltioribus vlla fidem mereri. Idque cum ratione sui, qua inter metallica, quæcunque summè fixa non sunt, vti, quod operetur, nec Mercurium hunc esse decet, ad ingenium pristinum ex relicto seminario facilè redeunt, tum ratione salis Vitriolici, quod non nimis vehementi, neque longo igne præparatum adhuc participat. Illud enim ita comparatum, ut se temporis protractu regeneret, & maleficium resuscitet suum, quod multæ *ἐν προεργασίᾳ* Mercurij dulcis sequuntur

sunt, de quibus, vt viris simul doctis parcam, alibi.

Hic Mercurius tantisper sublimationum cohobis eleuetur, donec in fixum abierit Crystallum, postmodum, in tempore, ritèque sub solis eclipsin, tempestate præsertim nubila in liquorem soluito.

Solutum in triplo pondere cum sole calcinato, in phiolam ritè lauigatum conjungito, vt fermentum eius hoc ipsum fiat; Denique celebrata putrefactione menstrua, toties cohobando, donec in cucurbita instar Cerae maneat, coagula. Ad summum Medicinæ gradum Mercurius ita deductus est, & in Epilepsia & morbis Venereis admirandæ virtutis.

Sunt etiam, qui parte eius vna proiecta super decem Lunæ purgatæ in aurum illam conuertere student perfectissimum.

Spiritum ex Mercurio dulci conficies Exulcerationibus Renum & vesicæ dosi guttar. ij. vel iiij. quotidiana mirabiliter dicatur: Si ab illo puluerisato Spiritum Vini aliquoties cohobando per cineres abstraxeris, donec vltimò omnia in oleū seu Spiritum albicantem prodierint.

Denique & hoc experientiā certā comprobatum est: quod ex Mercurio per Sal & Vitriolum sublimato, si in Aqua communī calida soluator, & oleo Tartari guttatim infuso descendat, post ablutio- nem Mercurius luteus diaphoreticus fiat, in ictero bis terue in septimana exhibitus à ḡ iiij. ad vj. in Mithridatio, ad omnes obstructions expediendas præstantissimus.

Postea additis ad sß j. istius aquæ salis exsiccati ḡ iiij. destillatio reiteretur secundum artem, & Aqua quodammodo flaua prolicietur.

In eius vncijs octo solue Auri per cæmentum purgati ḡ j. In reliqua parte verò Mercurij purgatissimi ḡ iiij. Has solutiones conjunctas per Retortam destilla, &

igne aucto, Aurum & Mercurius præcipitabuntur partim, partim sublimata collo Retortæ adhærebunt.

Totam illam materiam puluerisatam denud in Aqua forti solue, & vt antea destilla, bene clausis juncturis, & vltimò per sex horas forti igne, & in fundo materia Croco similis reperietur. In collo etiam pars sublimate & argenti viui hærebit. Idem soluendo & destillando adhuc repete, ita vt vltima ac tertia vice tota materia in pulcherrimum præcipitatum conuertatur. Postea (nec obstante quod interdum impuri aliquid restet) præcipitatum super ferrum ignium candefacito, ad fugandos Spiritus Aquæ fortis superstites, & ferreo stylo sapius misecto. Denique, postquam cum Aquis cordialibus edulcoraueris per tres quatuorue menses in loco calido serua. Si vis, potes admiscere corallios, lignum Aloës, Crocum, Rubinum, Hyacinthum, Smaragdum, omnia lauigata, item Moschum & Ambram.

Vsus & dosi.

Exhibetur à ḡ iiij. ad vj. vel viij. cum Saccharo Rosato, etiam in ouo, vel brodio, vel in pilulis, inprimis si conjungatur cum Scammonio & humectetur Aqua Vitæ & comburatur desuper.

Tum enim longè melius euadit. Est domitor vermium, luis veneræ, petechiarum, pestis, febris quartanæ & mille aliorum incurabilium morborum. Vnde & nomen accepit, quod Hercules appellatur. Vide plura in Tract. Bouij Veronensis de Medic. rational. putatit.

*Her-
les B
uij.*

SECTIO IV.

DE TURBITHIS.

Turbith Mercuriale Crollij Secretum.

INter modos tractandi Mercurium pro Medicina corporis, (de quorum altero sub præcedenti titulo) Crollius & hunc secretissimum recenset : Quo nimirum beneficio solius instrumenti sine ulla additione in cinnabarim redigatur rubicundissimam. Idem de eodem Quercetanus, quod Mercurius in vase circulato ad id apto per se concinetur in Mercurium præcipitatum, pulverem rubcum, purpureumque, &c.

Et Beguinus modum præparandi proficitur quamvis rudiorum pag. 133. Tyrocinij Chym. cui in fine hæc subiungit encomia : Quod admirandas habeat in Medicina facultates; Quod catharticum præstantissimum præbeat in Lepa, blandè adèd aluum soluens, ut pueris & prægnantibus dari possit, acres humores mitigare ; pituitosos expurgare &c. Taceo quæ miranda Theatrum Chymicum ex Theophrasto de eodem hoc Mercurio proficitur.

Hac laudum dulcedine velut Iynge tractus ego, non potui non in res medias ire & apparatus in itinere acceptum meo, manibus & operi non subicere. Ideoque placuit, quis ille apparatus sit, & quos effectus habuerit, promere & reuelare :

Crollio is secretissimus est (lingua, si non tam vtendi rationem, qua sæpe & à veteribus ad secretissima extendi ut, quàm præparationis formam spectes, suo zuo non incongrua.) Etiam si enim, Gebrum & Chymicorum Thesaurum si consulueris, is Antiquorum omninò inuentu

fit; eiusdem tamen dextèritatis non est, opera scilicet subinde ad carceres & incudem redeunte. Ideoque dum Mercurius totus volaticus sit, qui vel calore immo dico totus scandat; vel totus ab imbecilli maneant in imo; baud contemnenda subtilitas est in tanta Mercurij homogenia, qua Spiritus duntaxat ad rem parum facientes, impuritatesque facili opera & beneficio solius instrumenti eleuentur; essentialibus interim partibus subsistentibus.

Is ipse talis est.

3. Mercurij mediante corpore perfectissimo probe purificati 3 ij. vel iij.

Per se, vel cum auro per amalgamam mixtum, colloca in phiolam superne compressiorem, intusque rostro cum angustissimo orificio in ventrem vsque producto ; Et beneficio arenæ ad mensem integrum Philosophicum per septem sphasas age, donec demum in colore omnium perfectissimo totus consistat. Quod vt melius succedat, trigessimam circiter partem jam ante præparati Homogenei misce, & igneritè administrato, primo enim is lentus, postea ad operis finitionem fortis requiritur, Cinnabarim tandem inuenies rubicundissimam.

Effectus ipsius quod attinet, aliquoties an ascriptas laudes merito sustineat, periculum feci.

Atqui etiam si interdum effectus dedit vtilis, velut in vermiculatione aliquando, vbi vermem per ventrem deturbauit vastæ magnitudinis, illis ipsis tamen citra tumultus vomituum & sudorem, non raro *μικρὴν ποσὶν* vsque sequutorum, frui non licuit. Insuper examen veri præcipitati, quod cum auro fortiter tritum non albedine illud inficiat, minime sustinet.

Et hoc est, quod Crollius refert Bas. Chym. p. 125. Præcipitavi, inquit, aliquando amalgamata Auri & Argenti seorsim, per duos annos, & quamvis pul-

uerem rubicundum nancisceretur, tamen nondum erat debite fixus, nec in vsum Medicum commodè adhiberi poterat, sine vltiori, (puta cum oleo Vitrioli vel Sulphuris) præparatione. Hoccine autem non est apertum cum superioribus dissidium & sibi res non se rebus submittere, quod poëta dixit.

Ideoque penes authores omnia eius sint encomia, vt & illud Theatri Chymici: Quod in Medicina propemodum idem operetur, in corpore humano in morbis incurabilibus, quod lapidi Philosophorum ascribitur. Quid tamen Mercurius corporum possit, hoc eodem instrumento si tractetur, sub hanc censuram nondum expertus non accerso.

Eodem instrumento quoque domari Mercurius Vitæ potest: vt ad alium sollicitandum magis idoneus euadat, si nimirum in arenario foueatur, donec rubere incipiat, & Spiritus Vini sæpe inde abstrahatur.

Lapis Philosophorum.

Dubitaui ab initio, num Lapidem hunc Tractatulo nostro inferendo non limites excederem, dum jam dudum scilicet in Corona Medicinæ Fiorauanta de eo luce clarius tractasset. Verum cum ad animum reuocaui, quam non multis librorum Fiorauantinorum, præsertim in huius libelli turbulenta lectione auxilium; & quod Dn. Sala, dum adhuc in castris viueret, ex eius felicitate, in qua Chirurgus Castrensis vnice propemodum gestiebat, ansam potissimum acceperit Medicinæ se totum mancipandi; huic etiam Ternarij Bezoardicorum parti cap. 10. vt & Ternarij Vomitiu. c. 5. velut ad Medicinam non inutiliter inuentæ, partes suas dandas existimaui.

Is ipse ergo Lapis Philosophorum tres distinctas operationes requirit:

Prima est destillatio Aquæ fortis:

℞. Sal Nitri depurati
Aluminis Rochæ
Vitrioli leuiter calcinati ana ℥ ij.
Puluerisatis admisce Salis Gemmæ ℥
iiij. & destilletur Aqua fortis.

Secunda Purgatio Mercurij est:

℞. Mercurij
Calcis viuæ ana ℥ j.
Saponis nigri ℥ iiij.
Cineris vulgaris ℥ iiij.

In mortario lapideo misce. Postea igne valido per Retortam Mercurium inde destilla.

Tertia est ipsa Lapidis præparatio:

℞. Aquam fortem, infunde in cucurbitam vndique loricatam, ad tertiæ partis repletionem.

Adde Mercurium purgatum primo; postea etiam Ferri laminati ℥ ij.

Chalybis laminati ℥ ij.

Auri laminati pondere duorum, quos vocant, Coronatorum argenti.

Subito capitulo & Recipienti aptetur, admotoque igne, omnis Aqua & Spiritus eliciatur. In fundo fracta cucurbita inuenies Lapidem Philosophorum tenuissime puluerisandum, inque vase clauso probè asseruandum. Aqua fortis inde destillando reseruata ad Lapidem hunc conficiendum (dimidium materiæ sumendo) denudò vsurpari potest.

Fiorauanta inde Aromaticum constat suum, & Electuarium Angelicum, in pleurisque ventriculi & viscerum morbis remedia *et alia*.

Præcipitatum Nobile aliud.

℞. Mercurij p. j. Sublima cum sale communi & Vitrioli p. ij. tertia vice. Tunc per se sublima sexies, vel si placet, sæpius. Sublimatum reduc per Retortam cum scoria ferri pellendo; vel aqua feruente in ferreo vase coquendo. Reductum præcipita Oleo Auri, seu Auro soluto; Præcipitatum

Præcipitatum solue Aqua Philosophica facta ex sale Armoniaco & petraë, solum coagula, coagulando fige. Quod solum remanet in fundo, Medicina erit non contemnenda.

In hoc describendo tanto breuior sum, quanto is ipse superiori adfinior, quem qui legit, facile huius quoque Oedipus.

Erat hoc, cum Argentinae versarer, Domino Doctori Ruxingero eiusdem Academiae Professore, in magno usu, & cum nobilissimum iuuenem Bernhardum à Flothau à scabie maligna curaret, præcipuum, eo curationis integram negotium absoluebat. Ideoque quauis etiam arrepta occasione, quamvis pluris mihi constitit, candido Lectori gratis communicare volui; Et inprimis, quod multis inani supercilio arcanorum intumescentibus familiare esse videam, præcipitata non amplius proprio nomine Præcipitata & Turbith appellare, etiamsi ne inter illa quidam optimæ notæ sint, sed statim Hygiarum aurearum, argentearum, Solis purgantis, Lunæ purgantis, fucatis titulis venditare. Tolleranda enim, quantum iudico, sententia illa non est. Cum nec Aurum per se purgans sit, neque Luna, nec quid idem illorum, sed vel Mercurius, vel Salia aquarum fortium, quibus illa adhærent.

Quæ enim purgaret Aurum, cum æqualem temperaturam habeat, & Naturam hominis similitudine grata corroborat? Neque enim stimulando hac in parte nequam proficiet, dum stimulo caret; Neque similitudine substantiæ, dum ea ipsa Naturæ potius, humoribus præter naturam omnino contrarianti deinctum sit. Vnum autem per Essentiam vnam, vni tantum est, non pluribus contrariis amicis & coniunctum.

Mercurius dejectorius.

℞. Mercurij viui probè purgati ℥j.
Ang. Salæ.

Aquæ fortis q. f.

Fac stare per 8. dies in loco frigido, & coibunt in massam, quam vocant Crystallos. Hi effusa Aqua, sua sponte siccantur, teranturque in vase vitreo, spatula lignea, superfundendo postea Oleum Tartari per deliquium, donec, etiamsi moueatur non amplius spumam sentias. Stent paululum, postmodum facta filtratione exsiccantur. Super materiam in filtro relictam denuò superfunde Aquam pluuialem destillatam, & triduum circiter in loco calido collocentur, interdum mouendo.

Postea decapulando filtra, idque ad tertiam vsque vicem. Siccatis denique acetum affunde in arena per tres quatuorue dies. Eodem depleto, aqua pluuiali edulcora & exsiccæ.

Habebis Mercurium instar foliorum Argenti, & hinc grandiloquis Flores Argenti appellatum. Suauiter purgat per secessum à ḡ ij. ad v. vel vj.

Bezoardicum Minerale auratum.

Hactenus de Mercurialibus sub sectionem hanc pertinentibus, jam ad Antimonialia, & quomodo, dicente SALA in Emetologia cap. 6. Antimonium non solum ad vomitiones & secessus, de quibus supra; sed etiam ad diaphoresin promouendam vsui esse possit. Idque pro huius loci captu in forma Præcipitati.

Auspiciabimur autem à Bezoardico Minerali aurato. Nam falsum est Mercurium vitæ, & hinc facta Bezoardica, Mercurialia magis, quàm Antimonialia esse, licet plerisque, (mirum) vt & SALÆ, Bezoardico minerali propterea parum tribuenti, secus videatur.

Quis enim Mercurium Vitæ dicat & ducat aliud, quàm Regulum Antimonij à Salinis Mercurij sublimati Spiritibus mediante calore in liquamen reda-

Etum, inque aqua iterum diffusis illis, quorum scilicet vi continuas fluxus congregabatur, in pollinem conuersum? Probat illud fixitas huius medicamenti, & quod fusione in Regulum iterum redeat, non in Mercurium aut fumum Mercurialem. Probat etiam effectus Vomitorius, qui Antimonij est, non Mercurij sublimati; Et si Antimonium cum Spiritu Salis, vel flores ipsius albos cum Aqua forti imbiberis, postea destillaueris, itidem oleum ponderosum elicies, eiusdem prorsus qualitatis cum Mercurio vitæ, quod tamen à Mercurio nemo expectabit. Taceo Mercurium viuum in forma adhuc currente post finitam cum Antimonio destillationem, partim in Recipiente, partim in Collo bociæ cum Sulphure Antimonij reperiri. Quod Bezoardica ex Mercurio vitæ attinet, & illa probant, quod probatum cupimus. Eundem enim processum si cum Antimonio absque Mercurio instituis, parem effectum, & formam Medicamenti experieris; non item, si hoc idem facias cum Mercurio.

Cape Croci Metallorum, qui hac in parte Mercurio vitæ respondet, p. j.

Spir. Salis Nitri part. vj. Mixta teneantur aliquandiu in loco calido, tandem in arena destillentur. Nam quod remanet, à Spiritu Nitri super Carbones liberatum, idem valet, quod Bezoardicum Minerale, & ad eandem etiam dosin extenditur cum illo, prout infra definimus.

Pariter ex Regulo Antimonij quoque puluerem concinnabis à Bezoardico minerali haud difforem.

Reguli part. j.

Nitri part. ij. vel iij.

Ad ignem candescant & statim Antimonij Regulus in puluerem abibit candidissimum & fixum.

Quæ singula tantum abest, vt à Mercurio sublimato speres, vt potius ipsum

conjunctione salium huiusmodi nocentiorum tantò feceris. Mercurius ideoque sublimatus hac in parte nihil præstat, præterquam, quod beneficio Spirituum salinorum liquetactionem, & faciliorem Antimonij destillationem promoveat. Iam ad præparationem Bezoardici aurati:

R. Auri, Rore Solis philosophici, &c. soluti, & ab ipso per Balnearem destillationem, vel potius in Cineribus, iterum atque iterum ad oleiformem vsque consistentiam liberati. Superfuso aliquoties, destillatoque aceto forti dulcoretur; Siquidem duo acria conjuncta se mutuo jugulant; & hoc idem sperandum foret, si siccam Auri substantiam haberemus, à Mercurio sublimato. Tandem cum Menstruo Basilij supra descripto per mensem ad extrahendam Tincturam digeratur, quæ ipsa, abstracto per B. spiritum rubicundissima habebitur. De hac auri Tinctura misce partem j. cum Liqoris gummosi Antimonialis 3 vj. vel viij. (hunc liquorem verò oportet esse solum prius in Spiritu Nitri.) Ex arena spiritum Nitri semel atque iterum per cohobia destilla, & quod restat, denique super prunis in catino plano per horam, per bacillum agitando, crema in puluerem subtilissimum.

Dosis huius à ʒj. ad x. in conuenienti liquore vel succo, contra morbos plerisque, quibus per sudores medendi indicatio est.

Bezoardicum Lunare.

R. Lunam, vt supra ad Magisterium Lunæ, per aquam fortem solutam, idque sæpius, semper abstractis volatilibus Nitri Spiritibus. Vltima vice digere aliquandiu, postea omne phlegma leni igne destilla; vtque per mensem in Fimo steterint, atque interim incrassescere cæperint, velut in aquam viscosam,

tum misce cum solutione Butyri Antimonij cum Spiritu Nitri factæ, in subdecupla proportionē, & lege art. destillando fige.

Vfus ipsius laudatur in Cerebri & Mæricis affectibus, dosi supra Bezoardico Solis præfixa.

Bezoar Iouiale.

R. Antimonij crudi lb j. cum puluere ad fluxum parato ex Nitro & Tartaro fiat Regulus s. a. In iterata fusione adde ad singulas Reguli $\frac{3}{4}$ ij. stanni puri $\frac{3}{4}$ ij. & fiat de nouo Regulus. Huius Reguli Iouialis.

R. $\frac{3}{4}$ ij. Mercurij sublimati totidem & fiat Butyrum Antimonij s. a. Hoc rectificatum, spiritu Nitri per cohobiam ab ipso destillato, decenter fige.

Sudores abundanter prouocare creditur dosi $\frac{3}{4}$ 4. vel vj. viij.

Bezoar Martiale.

R. Antimonij electi, Nitri, & Salis vulg. ana q. v. Tenuiter trita misceantur & per vices (secus enim nimis ebullirent) catino super ignem follium inferantur. Catinus operculo tectus relinquitur, donec liquefeat materia. Subsidentia priore hac vice factâ, nouam materiamingere & ita ad finem vsque pergendo.

Denique per horæ spatium confluere sinatur, dum non amplius tam confertim exhalet.

Eximatur catinus, & pulsetur, quod melius fundum petat Regulus. Sic aliquanto post Regulum inuenies rubrum, qui à facibus separatus, tenuiter tritus, & aquæ communi aliquoties ablutus per inferiora saltem purgare creditur.

R. Butyri Antimonij, ex hoc Regulo & Mercurio sublimato facti prout nosti, q. v.

Eo ipso ex Croco Martis solius ignis

beneficio conflato per digestionem elice tincturam; separata impuritate, adsumatur ad Bezoardicum cum spiritu Nitri, consueto more, faciendum. Præstantissimum perhibetur in omnibus alui fluxibus, dosi reliquis cognata.

Pari modo ex limatura cuiuslibet metalli, vitri, lapidis, &c. (cum butyro Antimoniali,) siquidem illud verè omnium est, Bezoardica variis morbis, pro cuiusque natura & proprietate adaptari possunt.

De singulis verò, quæ hic annotauimus, & maxime de Bezoardico minerali simplici, quod omnibus notum jam meritò omisimus, experientia hoc didici: parum de illis expectandum, eaque minus virium habere, quam Grato cum pluribus aliis, de quibus Bauhinus de Lap. Bezoar. cap. 37. Bezoar animali tribuit, dum in febribus pestilentialibus parum sibi profuisse scribit, &c. nisi dosi illorum iusto hætenus moderatior, in liberaliorem transmutetur, vel ab aliis commixtis auxilium præsto habeat; Dum e contra si dosi exhibeatur satis valida, efficacia suâ adeo eniteant, vt & Bezoar. & Vnicornu superare quis merito dixerit.

Et hoc de Vnicornu tantò magis, quanto probabilius: Vnicornu reuera in rerum natura non existere, & nusquam vnquam tale animal reperiri; sed per cornu more Hebræo vim significari, potentiamque monarchicam, qualis tribuitur Domino IESV Christo, ac rebus ipsum aliquâ virtute representantibus.

Ideò & phædro in furno Chymico Vnicornu solum vocat Margaritas præparatas confortantes summè Cor, & facultatem quoque naturalem.

Quidni enim, si tam virtuosum quadrupes inueniretur, integrum apud Regem Hispaniarum vel Turcarum, vel aliquem alium fuisset visum, & experientiâ comprobatum, sed dicente Sanctorio in Methodo vitandor. errorum Medic.

apud neminem istorum virtutes vniconu celebrantur.

Ergo non est credendum, quod alicubi inueniatur. Et Authorum ea de re scripturientium tam discors etiam concordia est, vt ad fidem rei aliàs nullo argumento firmiter stabilitæ demerendam parum ponderis obtineant. Ergo si qua cornuara substantiæ aut magnitudinis passim hoc nomine exhibentur, vel lapides offesos dixerim, quorum fodinæ & in his regionibus nonnullæ, vel cornua quidem aut ossa, quæ tamen arte, cuius exemplum Delphi in Belgia ex dente Elephantico mihi monstratum, in eam formam fuerint redacta.

SECTION V.

DE APPENDICE QVORVNDAM SCITV ADHVC NECESSARIORVM.

Mercurius Martialis.

Dandum denique & hoc in medium est, de Mercurio Martiali in Chrysobezoar SALÆ in Tern. Bezoard. quid sit, nostro arbitrato.

Ambigua enim illa locutio est, aut in verum sensum ad minimum subobscura. An non enim quilibet eò interpreteatur, ac si Mercurius Martis foret, altera illa pars Martis, in quam per coctionem seu coagulationem naturalem ex illa natus denuò resoluatur, vt ex mortuo viuus euadat, & speciem hydrargyri accipiat? Illud enim factu possibile, experimentis rerum omnino stabilitum est. Ideoque (non diffitear) ne suspiceris aliud in hac re esse, quàm Chalybem simplicem purissimum, in acubus Hispanicis, si non aliunde, reperiendum.

Fors, (nisi synecdochen dixeris) ea

cum multis SALÆ sententia est: Totum metallum esse Mercurium, adeoque solam congelationem quodlibet metallum à suo cuiuslibet Mercurio distinguere.

Hoc enim vtrique sensu rectè dixeris: Mercurium cuiuslibet metalli (concretum) pro quolibet metallo, & Mercurium Martialem pro ipso Marte.

Quis autem chalybis tam simplicis, quàm præparati vsus sit, & hinc ad Chrysobezoar magis prosperandos effectus *ἐμπύρεα*, partim satis notum arbitrator esse, partim aliunde junioribus expectandum.

De cauterio actuali in dolorifico.

Quandoquidem SALA in superioribus libris passim Escharoticorum mentionem facit, & vel optimam etiam Arsenici fixationem, quo aliàs multi in casibus ruptionis adhibèdi, contenti fuissent, malignitatibus insinulat; interim tamen non adferendo, quibus mens timida audacior, docta curiosaque saturatione reddatur. (Cauticum enim minerale cui aliàs multum tribuit, sicco pede transit) non potui non & hîc e tenebris & caligine quardam educere. Est ita quidem, quod illud ex Antimonio, de quo Solenander in Consil. Medicis; Illud item Zvingeri *μυράκων* ex albo nihil passo, rubro, & nigro vinctuoso; vel in quo celeberrimus Platerus gestiebat; singula sine dolore eschatam facientia, multis aliis palmam præcipiant. Atqui hæc non tam omnibus data sunt scire, quàm vires habent ad medendum laudabiles. Ideoque detur primò quid sit:

Pyrapyron Zvingeri.

℞. Calcis viuæ p. ij.

Minij p. j.

Pulueriscentur simul, & cum seponenigro miscendo formentur globuli.

Aliud.

℞. Calcis viuz lb j.

Tartari vſti ʒ j.

Colcothar. Vitrioli ʒ ij.

Fiat ex omnibus lixiuium, quod decoquatur in iuſtam conſiſtentiam.

Ego cum ſucceſſu nunquam meliorando ex Cineribus quibuſcunque & calce viua lixiuium parauī, ſæpius ſuper infundendo aquam, quod in vaſe ferreo in mellem uſque conſiſtentiam decoxi, hoc ipſo, quoties opus fuit, fonticulos excitauī abſque omni ſenſibilitate, ne dicam moleſtia vel dolore.

Cauſticum minerale Angeli Sala.

℞. Aquæ fortis efficaciſſ. ʒ iiij.


Olei Vitrioli ʒ j.

Colleca in matraccio in B. M. & deſtilla phlegma, adde Mercurij ſublimate ʒ ij. (alias ſalis Armoniaci totidem drachm. miſcet) ſolue conjunctim in vitro benè clauſo & ad uſum ſerua. Arcanum eſt ad tumores peſtilentiales, Cancrum, callos fiſtularum, ad gan-

grænam, & omnes carnis excreſcentias, plumaceolo inunctum, Emplaſtro deſenſiuo, vbi opus eſt, circumpoſito, cito, ſine magno dolore, & mollem & facile ſeparabilem eſcharam facit.

Eodem, niſi majori encomio dignum puto Magnetem Arſenicalem de quo ſupra in Ternar. Bezoard. cap. 6. Quia & is ſine inflammatione, aut corroſione dolorifica operationem perficit ſuam, & hinc magnorum viro- rum uſibus cum laude inſeruit.

Placentini tamen illud in Italia à me uſum, indeque comportatum omnibus numeris (ſi & hoc addas, quomodo iam facta fontanella humor euocetur, alias enim actualia Cauteria roborant & ſiccant potius) perfectiſſimum. Nec enim in hujus adhibitione propter extremitatum vaginæ frigidiorẽ grauioremque ex depreſſione incubitum nonnihil ſtupente cute, adde miram operationis celeritatem & occultationem, vel quicquam doloris, vel exquisitæ ſubuſtionis percipitur. Quam eandem ob cauſam nec vicinarum partium offendi- culum in minimis metuendum eſt.

Fabrica ipſius umbratilis hæc eſt:

A. Vagina lignea, cornea vel ferrea.

B. Rotula que per ſila aenea complicata inſi-

gende ſunt in propria loca inferioris laminæ
camulatae.

C. *Stylus ferreus ignitus escharam faciens.*

D. *Operculum foraminatum.*

E. *Clavis ferrea supra et infra lata, desinens in stylum ignitum à cuius depressione in applicatione ipse cogitur inferius.*

F. *Locus, quo egrediens stylus cutim tangit.*

Modus applicandi talis est : Quando-
cunque cum festinatione , roboratione ,
citaeque euacuatione cauterio opus est
aetuali , ubique etiam conuenientior
locus ratione partis affectæ , καὶ τῆς ἐνδίας
visus fuerit , stylus ferreus primum can-
desiat , intereaque locus atramento accu-
ratè notetur ; postea candefactus sty-
lus cannulæ in medio vaginæ transeunti
mox injiciatur , suppositoque operculo
manu dextra destinato loco fortiter im-
primendo administretur . Ita non diu-
tius , quam quod caput interea rotasset ,
inhærendo , escharam faciet , sine dolore
vllæ alteratione partis . Ad illam sepa-
randam & putrefaciendam butyrum cum
folio Brassicæ apponas , donec cadat ;
Hinc à decidua crusta puluere primateri-
ali metallico adspargatur vlcus , id arcet
consociationem , & euocat materiam .
Denique vorante humiditate pila cerea
vel grano ciceris albi , vel pila ex ar-
gento perforata parata expleas , & hac
quotidie purgata fontanella rite conti-
nuabitur . Posset hoc in loco fabrica
doceri , quomodo paruuli instrumenti
impositione Venæ sectio facienda , vt
nec leuius , nec profundius , nec ultra ci-
traque venam feriendo quicquam timen-
dum sit , res vt expedita & facilis , ita in-
primis tempore pestis ad vitanda conta-
gia valde idonea . Potest enim eo ipso
pro arbitrio & tuto sibi quisque aperire
venam . Verum hæc & alia à me habebis ,
quando vsu passim notiora facta , sicut
& hæc , quæ hactenus vulgaui , magis pro
vulgari gustu ,

*Mantellum Ligneum sudoriferum seu
Laconicum.*

Nec extra Rhombum de Mantello illo
ligneo , de quo Author Ternarij Bezoard.
cap. de paralyti pauca . Nec enim & il-
lud cuius forte obuium .

Hoc ergo siccum & humidum esse po-
test ;

Siccum : quando ex arida Carbonum ,
vel silicum candentium exhalatione po-
ros corporis laxante sudor promouetur .
Humidum : quando , quod pari facilita-
te fieri potest , sudor vapore ex sudorife-
ris ex Aqua , vino , vel his mixtis in-
ingente lebetæ coctis , intusque in mantel-
lum positis elicitur .

Vtriusque structura hæc est : primo
machina struatur , instar lecti asse-
ribus in fundo & vtroque latere suffi-
cienter munita , tantæ longitudinis & la-
titudinis , vt virum cuiusvis stature , aut
proceritatis capere , & nihilominus pars
aliquota præsertim post pedes vacua re-
stare possit ; Pars antica , capitis nimi-
rum , & ceruicis basis , sublimior fiat ex
oblique posito assere . In imo fundo sit
lecti stragulum ; subtus caput vero cerui-
calia collocentur pro libitu . Postea or-
bes lignei semicirculares octo pluresue ,
penes collum tamen minores , cælum
desuper constituent ad hunc finem : vt
interstitiis (linteolis) obturatis , exha-
lationibus intus retinendis occasio fiat , ca-
pite , interim rite exerto . Possent etiam
asseres glutine conjuncti instar excavati
argumenti superimponi , eo modo vt su-
perne foramine vno vel altero per vsu
caloris intus conclusi moderamini rectius
præsit . In postica parte fixa pedum sedes
sit , postea patina seu olla capullo quodam
exemptilis , in quam vel carbones vel scilicet
candentes ; vel Herbarum Diapho-
reticarum decocta , commode imponan-
tur . Sic enim ægro intus decumbente , va-

per exhalationē totū corpus feriet, & sudorē cito existimulabit.

Eiusdem fere fabricæ lectum pro Gallica lue infectis Parisiis à Clariss. D. Iohan. Genand. reservatum vidi; Attamen ægri funiculis cum tenuibus linteolis incumbunt, subtus camera in qua Carbones vel decocta ponuntur, existente. Vtriusque ergo imagines depictæ, vt & aliorum, in sequenti tabula sequuntur.

De sigillatione Hermetica.

De sigillatione Hermetica in superioribus sæpè attacta, quoniam illa tam necessaria est quàm à plebeis ingeniis capi difficilis, en persunctoriè pauca: Lampadem construo cum fistula inferius ponē finem ventricosa, pedem sesqui alterum longa, in se eminentioribus digitis ita fixa, vt extremitas ante ignis flammam terminetur, illaque stante Lampade absque contrectatione ab ore sufflatum excipiat & ideo ambabus manibus vasis vitriue tractationi præesse rectius possim. Postquam igitur ventum sufflatione excitauero, radius flammæ projicietur intensissimus, cui si collum vasis prominens sinistra obuerto, facile illud & excandescere & emolliri incipiet, adeoque dextrâ forcipem, vel aliud idoneum instrumentum, vel bacillum vitreum adhibeo, vt artificiosè colli ipsius iam liquecentis siue contorsio, siue compressio, siue glutinatio, pro orificij

ipsius conditione fieri possit.

Labor tanto expeditior & faciliior, quanto, qui illud efficit, ea in re est exercitior, collumque vitri vel exilius, vel facilioris fusionis. Artificium dubio procul à vitrariis inuentum primo, & hinc ab aliis cum necessitatis, tum gloriæ causa acquisitum.


Venetum enim vidi, eo ipso qui mirum quantum in variis animalium, fructuum, arborum, fructuum, picturarum, machinarumque figuris è vitreis ad id seorsim elaboratis bacillis ad libitum duxendis & perficiendis, Apellea verè dexteritate perfecit.

Ad eundem finem globus conficitur æneus colli ad latus præcisè reflexi, orificij in extremitate strictissimi, in medio tamen ad infundendum s. v. amplioris, rotularum beneficio exemptilis. Hic quando afluare inceperit magno impetu data per rostrum via, ventus eructabitur ad sigillationem aptissimus.


Locum tamen instrumenti hujus, dum deficit, complere poterit, quod conos vitreos variæ magnitudinis præsto habeas, eorumque vnum orificio vasis arctissime immittas circumcirca rimis inspergendo vitrum cum borace vel felle vitri puluerisatum, posteaque in olla foramine subtus pertusa igne carbonum liquefacias; postquam enim, quod paulatim fiat, refrixerit, vas Hermeticè clausum vndiquaque reperies, præsertim vbi ferrea spatha candefacta oras aptè linere iungereque non intermiseris.

SCIAGRAPHIA QVORVNDAM
supra memoratorum.

Mantellum Ligneum Laconicum *Englisch Kredell.*



LACONICVM PRO GALLIGO MORBO
infectis D. Genandij Parisiensis,



Phiola circulatoria ad Cinnabarim Mer-
curij conficiendam.



Globulus æolius ad figillationem Her-
meticam aptus:



Hæc tibi, Candide Lector, bono animo, quo impleo & facio, si
quid ore aut stylo omisi, vel commisi. Vltcrius si insultas, tu aut alius
faciant, vti volent. Ego sine fraude hoc quicquid est, vulgaui, & in hoc
DEO TRIVNO summo Archiatro euentus permittendo & errores
si quos commisi, deprecando, sermonem finio meum.

ANGELI SALÆ VICENTINI

VENETI CHYMIATRI CANDIDISSIMI,

MYROTHECIVM.

Ex quo omnis generis, præparantium sc. Emeticorum, Catharticorum, Diureticorum, Hydroticorum, Anodynorum, Corroborantium, Alexipharmacorum aliorumque pretiosorum chymicorum, variis humani corporis morbis inferuentium medicaminum dosis & vtendi modus candidè docetur & sincerè demonstratur.

C V M

APPENDICVLA DE ALIORVM COMMUNIVM ac euporistorum, præter superiora in curandis morbis necessariorum præparatione.

MYROTHECII,

SECTIO I.

De medicamentis præparantibus
sive digestiuis.

I. *Acidum Tartari simplex.*



Cidum hoc Tartari nihil aliud est, quam candidissimus acidiusculi saporis ex Tartaro præparatus puluis, attenuandi, incidendi, penetrandi, aperiendi, purificandi, abstergendique qualitate præditus.

Tartaream verò è pectore, ventriculo

& intestinis præcipuè educendo mucilaginem, eadem mundificat, obstructions hepatis, lienis, venarum mesenterij aliarumque humani corporis partium aperit, hypochondriacis etiam vel flatulentæ melancholiæ ac scorbuto obnoxij maxime acido hoc Tartari simplex est conducibile.

Excitamentum appetitus est excellens, orisque ab indigestis cibis aut alia quacunque in ventriculo ex noçiuo & maligno humore collecta putredine, exortum foetorem corrigit. In ardentibus febribus, exsiccatam calore febrili linguam, labraque dehiscencia recreat, sitim extinguit, ebullitioni ac fermentationi biliosi sanguinis non minus quàm purissimi vini acetum vel succus citri resistit. Præterea admixtum simplicibus leniterque purgantibus, vt sunt, Rhubarbarum, folia sennæ, agaricus, syrupus rosarum solutius, cassia

&c. vires eorundem acuit, facultatemque purgandi ita corrigit, vt sufficienter quidem absque tamen vlla molestia ac periculo vires suas exerant noxiosque humores expurgent.

Sciendum insuper puluerem hunc, siue acidum Tartari simplex, phlegmaticos per se & naturâ suâ facile mobiles, absq; vlllo alio additamento exhibitum, posse satis sufficienterque mouere: His denique agrotis, quorum morbus vehementiora requirit purgantia. Horum verò operationes si à viscosa ac tartarea mucilagine prædicta loca obstruere, impedirentur, haud felicius ac contententius præparans hoc ipso acido tartari vix vllum exhiberi poterit.

Dosis & Vfus.

Exhibetur vt plurimum jejuno stomacho in brodio carnis vel alio conueniente liquore ad ʒß. plus minuse pro agroti & morbi conditione, dissolutum. Non inconuenienter etiam miscetur conseruæ rosarum aut fl. arantiorum, vel aliis conseruis appropriatis ac electuariis, vel ex hoc ipso concinnantur morsuli, vel multiplici alio modo (vt in tartarologia nostra videre est) vti fruique illò licitum.

Cautio.

Ab huius autem vsu caue in internarum partium excoriationibus, quæ humectantia, emollientia, lenientia vel humores tenues incrassantia potius, quam attenuantia ac incidentia postulant, itemque in affectibus aliis, acida quibus deleteria ac summè nociua, ab huius vsu abstinendum esse, seuera lex esto.

2. Acidum Tartari chalybeatum.

Medicamenti huius, sub forma subtilissimi ex Tartaro & chalybe arte chymica præparati ac prædicti acidi simplicis viribus æmuli pulueris utilitas est maxima.

Majori tamèn apèriendi, deobstruendi, dissoluendi ac exsiccandi virtute pollet prior; Quocirca non solum majori cum emolumèto in inueteratis supradictarum corporis partium obstruccionibus, verum etiam ad dissoluendos scirrhusos tumores eisdemquæ absumendos, partesque nimia humiditate obrutas ac debilitatas, exsiccandas ac corroborandas, felicissimo successu agrotis exhibetur. Crassum insuper, atrum adustumque humorem melancholicum, quo facilius ac felicius purgantibus obtemperet locoque cedat, attenuare, resoluerè ac præparare insitâ vi ac virtute potis est hic pulvis. Hinc maxima ei adscribitur efficacia pro curanda melancholia, Ictero nigro, Febre quartana, aliisque similibus ab hoc, siue qualitate, siue quantitate, peccante humore progeneritis morbis. Venas præterea matricis obstructas egregie referat, menses exinde suppressos vel cessantes, promouet, salutare etiam est medicamen in Febre alba mulierum siue chlorosi Hippocratis, ventriculi inflatione, cachexia & principio hydropsis. Genitales tam virorum quam mulierum partes superfluâ humiditate indecenter relaxatas ac debilitatas roborat. Inueteratæ denique gonorrhœæ, ac diuturno, putrido ac fetido vterino fluori summa est medela.

Dosis & Vfus.

Dosis modusque vtendi pro lubitu Medici ac agroti cum superiori prorsus vnus idemque est.

Cautio:

Cum verò prædictorum morborum contumacia ac resolutionis difficultas longiorè pulueris huius vsum requirat, ideo ad educationem per hunc ipsum præparati humores, quod in aliis omnibus curationibus, in quibus medicamenta chalybeata

in vsum veniunt, obseruari etiam solet, re-
petitis vicibus lenitiuis erunt expurgandi.

Liquor Martialis.

Subtilissimum est in forma liquida præ-
paratum ex chalybe magisterium, præci-
pui suis qualitatibus ac virtutibus cum
modò dicto acido tartari chalybeato
conueniens. Liquor verò hic maximè
vtilis est iis, qui chalybe in forma potio-
nis, vtpote, vino, aquis destillatis, deco-
ctis, infusionibus vel syrups, quò angu-
stissimas vias facilius penetrare inq; lon-
gè à se inuicem distitis partibus majori
cum fructu vires suas exerere possit, vti
fruique gestiunt, iis etiam apprimè com-
modus, qui pulueres fastidiunt.

Dosis.

Exhibetur à guttis x. xv. xx. pro rei ac
necessitatis exigentia in liquoribus con-
uenienter appropriatis.

Viros & Vfus.

Scitu etiam dignissimum est, liquorem
hunc cum aquis appropriatis mixtum,
amicabilem iisdem conciliare saporem,
vt omnibus iis affectibus, in quibus Aquæ
Spadanæ, Acidulæ ferreæ aut aliæ similes
summopere à Medicis laudantur, ac ab
iisdem ægrotis bibendæ præscribuntur,
summè sint vtilis. Præmissa namque cor-
poris purgatione, & vbi necessaria, venæ
sectione, potæ hæ per aliquot dies, quibus
liquor hic martialis commixtus fuerit in
bona copia aquæ, seruataque debite diæ-
ta, tantum illæ valebunt, quantum præ-
dictæ naturales.

4. Elixir Antifebrile.

Peculiare est elixir, quo in putridis fe-
bribus, vt quotidiana, tertiana, hemitri-

tæa, quartana & aliis, siue simplicibus siue
compositis ex humorum putredine ortis,
commodissimè vimur, non solum enim
præmemoratam putredinem inhihet ac
arceat, obstructionsque viscerum, hepatis
sc. lienis venarumq; (quæ in huiusmodi
febris vt plurimum semouendæ) aperit,
verum etiam materias peccantes inciden-
do ac attenuando ad expulsionem habiles
reddit eandemque faciliat.

Dosis.

Dosis eadem, quæ liquoris martialis.

MYROTHECII.

SECTIO II.

De Pharmacis emeticis.

1. *Vomitorium Benedictum.*

HOc emeticum sub forma rotularum
punicearum præparatum singulari-
ter vomitum mouet, quod in varij generis
morbis, qui omni Iuniorum Medicorum
sententia ac iudicio violentia necessario
requirunt medicamina, admirando cum
successu exhibetur.

Inprimis autem salutaris est medici-
na. 1. In doloribus capitis diuturnis, verti-
gine, auditus grauitate, tinnitu aurium,
oculorù caligine, memoria debilitata, epi-
leptia, apoplexia, soporosis affectibus, ma-
nia, infania, ciborum fastidio, nausea, ven-
triculi inflatione ac laterum distensione,
ictero, febre tertiana, quartana, & aliis si-
millibus diuturnis ac intermittentibus, ex
putridis, crassis maximeq; nociuis in ipso
ventriculo, costarumque spuriarum caui-
tate itemq; hepate, liene ac pancreate col-
lectis humoribus, ortis febribus.

2. Maximè etiam approbatur in acutis
ex accèssa flaua bile vel alia maligna ac epi-
demiali qualitate quæ à principio crudis

sefe inſinuat humoribus, in iſſque (uti in morbis ac febribus epidemicis malignis videre eſt) dominium ſuum exercet, pronatis febribus, itemque in ea, quæ à bile progignitur, pleuritide.

3. Si fortè quiſpiam vel incius ſumperit toxicum vel ebiberit philtrum, aut imprudenter degluſerit venenofas muſcas, araneas, &c. itemque ob adhærentes gulæ & faucibus piſcium ſpinas vitæ periculum incurrat, vel etiam pili, vngues, fruſtula pomi vel ſimilia ſtupenda in corpus humanum veneficio ac artibus diabolicis immiſſa certum minentur interitum, præſentiſſimum in his omnibus ac ſingulis eſt remedium.

Dofis.

Rotularum harum emeticarum facilè vomentibus duæ, mediæ conſtitutionis tres, robuſtis verò exhiberi poſſunt quatuor, quadratis autem, ut bajulis & aliis huius ſatınæ hominibus pro ſumma doſi quinque non plures. Multò enim tutius eſt unicâ vice ſubſiſtere in minori doſi, quàm temerè cum ſummo ægrotantis periculû experiri velle maiorem, conducibilius etiam bis ægroto eaſdem (caſu neceſſitatis ita exigente) porrigere, quàm vnico quaſi intuitu totam deſtruere humani corporis compagem.

Uſus.

In affectibus chronicis ſive diuturnis non contagioſis, nec malignæ alicuius qualitatis participibus, eiufcemodique naturæ ac qualitatis, cuius §. 1. huius capitis facta mentio, ante omnia, priuſquam materia peccans expurgetur, conuenientibus eſt præparanda. Præmiſſa igitur commodâ præparatione, æger aſſumat has rotulas ſummo mane ante è lecto exitû ſuperbibendo abſterſionis ergo aliquid liquoris, vel ſi eaſdem ſaſtidiat, in pollinem

redactæ vinoq; vel hydromelite, bile non prædominante nec febre præſente, iis verò præſentibus, aquis deſtillatis ſyrupiſq; acidiuſculis commixtæ ſub potiunculæ forma exhiberi commodiſſimè poſſunt. In acutis autem morbis ac repentinis caſibus (quorum ſupra §. 2. & 3. mentio facta) nihil cunctandum, ſed ex tempore, ſive die, ſive noctu, quacunq; etiam hora neceſſitas id efflagitauerit, vomitorium hoc intrepidè dicto modo exhibendum: Quod ſi fortè ob defectum neceſſariò requiſitæ in ventriculo humiditatis ægrotus ad emouendum fuerit difficilis, notandum hîc, ipſi quadrantis horulæ ſpatio ante uſum vomitoriij porrigendum eſſe decoctum paſſularum vel prunorum, ſemel etiam vel bis ad facilitandam emetici operationem, quo materia libentius obtemperet ac facilius expurgari poſſit, propinandum conuenientem ac merbo appropriatum liquorem.

Cautela.

1. Qui capitis infirmitatibus, morbis præcipuè peridiopathiam ſunt ſubjecti. 2. Quibus ſtriſtum ac anguſtum nimis eſt peſtus, aut gibboſi ſunt, vel alio aliquo coſtarum vitio laborant. 3. Phthiſici vel alio quouis partium adjacentium ac continentium vitio dediti, unde perpetua moleſtantur tuiſſi, purulentamquè tuſſiſſendo ejiſciunt materiam. 4. Quibus in interioribus ſunt apoſtemata, quique hæmorrhagiam narium, ac ſanguinis patiuntur ſputum. 5. Qui natura difficiles ſunt ad vomitum. 6. Quibus etiam altas in meſentério, hepate ac liene egère radices, diuturnæ obſtructiones, itemq; ſcirrhoſis reſerta viſcera tumoribus. 7. Muliebris ſexus, in menſtruoſum ſed ſola venarum vteri obſtructione ex orta retentione. 8. Febribus acutis, peſtilentiali ac malignâ quarto nunc vel quinto die afflicti, morbiq;

malignitatē viribū omnibū fermē exhaustis, maximē imbecilles, quibū ipsa etiam natura per aluum, sudorem, narium hæmorrhagiam, vel urinam peccantem materiam motu cœpit exturbare critico.

9. Qui in ardentibus ac periculosis aliis febribus perpetuū medicamenta, cibum potumque abhorrent, atque non proprio ventriculi, vel contentæ in eo ipso alicuius materiæ, sed alterius alicuius vicini visceris vitio, nauseabundi facti sunt.

10. Qui, quacunque etiam interna, non à bile, sed sanguinis ebullitione ac fermentatione, exortā inflammatione sunt grauati.

11. Tandem prægnantes aliæque mulieres quæ ob diuturnum mensem fluxum aliasque infirmitates nimiam virium fecere jacturam.

His omnibus ac singulis emeticum, siue vomitorium porrigere velle, piaculum est.

2. *Oxyſaccharum vomitorium.*

Oxyſaccharum hoc emeticum, colore flauum, sapore verò aromatico-acetosum omnibus humani corporis affectibus, quod etiam de vomitorio benedicto supra dictum, apprimè est vtile, præsertim, quia blandum admodum est, delicatulis & mediocrius virium subiectis. In primis autem accommodatissimum est in febribus tertianis ac aliis morbis biliosis, vt etiam in epidemica maligna dysenteria, pestis tempore grassari solita, itemque febre vngarica siue petechiali aliisque malignis, assumptum etiam toxicum potenter expellit.

Dosis.

Exhibetur hoc emeticum valentioribus ad ʒvj. imbecillioribus autem ac ætate junioribus delicatulisque, habita semper ætatis, virium, temperamentique ratione, minus.

Vfus.

Porrigendum est hora matutina, vel quouis necessitatis tempore, assumptoque illo singulariter regendus est æger vt pluribus supra.

3. *Sal Vitrioli.*

Hoc ex vitriolo concinnatum vomitorium, mediante sua acrimonia tantarum est virium, vt viscosa crassaque phlegmata attenuet, incidat, eademque partim vomitu per superiora, partim inferius per aluum ejiciat.

Singulariter autem conducibile, primum epilepticis ac pituitosis siue phlegmaticis, iis etiam, quorum pectus præ nimia phlegmatis crassi copia ita grauiter est oppressum, vt difficillimè spiritum ducant. Secundò inseruit iis, qui ex inordinato vitæ regimine, validis potationibus ingluuiæque ventriculum debilitarunt, ac ita quidem, vt fungi suo amplius nequeat officio, hincque collectis in eò copiosissimè cruditatibus, variis morbis, nominatim autem, lienteria, diarrhœa, periculosis dysenteriis, variis febribus, vermium generationi, scorbuto & aliis inde scaturientibus innumerabilibus malis summo cum detrimento ac maximo vitæ periculo largissimè pandantur fores, hinc etiam & non aliunde. tot ac tanta in diuersis locis, præcipuè autem in vrbibus vulgi, in œampestri verò marinoque bello militum miserandæ sine gladio, sine sclopetis ac tormentis commissa videntur miserandæ strages. Ad aphthas, pro remouenda ac educenda materiali earundem causa, hoc sale nihil vnquam pretiosius sum expertus.

Dosis.

Quantitas eius est ʒß. qui verò faciles

sunt ad vomitum ʒj. robustis verò pro
vna dosi exhiberi potest ʒj.

Vfus.

Communiter offertur matutino vel
alio etiam, pro morbi exigentia, tempore
in iure vel cœruisâ dissolutum. Dissol-
uitur in aqua aliqua destillata, & , quò
acrimonia ingratisue eius sapor demul-
ceatur corrigaturque, syr. viol. ʒj. com-
misceatur, eiusque vsus, quoties eundem
necessitas requisierit, absque vllò peri-
culo repeti potest.

mel aut bis per annum vsurpatum pitui-
tosis falsoque phlegmate abundantibus
laudabilis est medicina.

Dosis.

Communiſſima huius cathartici dosiſ
in robustioribus est ʒj mediæ verò con-
stitutionis ac debilioribus pro ratione vi-
rium, ætatis ac sexus, facilisque vel diffi-
cilis alui, dosin determinare prudens Me-
dicus ipse pro arbitrio sciet.

Vfus.

MYROTHECII

SECTIO III.

De catharticis siue per alium ma-
teriam peccantem educantibus.

I. Catharticum polychrestum.

Generale ac vniuersale hoc sub forma
extracti per alium purgans medica-
men omnem nociuam humorum mate-
riam satis fortiter per inferiora expellit.

Præcipuè verò nobile est in epilepsia,
apoplexia, affectibus capitis soporosis,
debilitata memoria, sine manifesta causa
membrorum lassitudine, qui affectus om-
nes ac singuli ex abundantia humorum
pituitosorum traxere originem, in arthri-
tide ac podagra, doloribus ischiadicis,
iuncturarum, morbo gallico, scorbuto,
cancro, fistulis, vlceribus inueteratis &
manantibus, impetigine, pustulis, tinea,
omnis generis scabie, præcipuè verò fe-
rina non multum lepræ dissimili, item in
cachexia, ex impuritate sanguinis pro-
genita, hydrope, febribus diuturnis & aliis
affectibus, qui purgantibus vniuersalibus
sunt exterminandi. Tandem denique se-

Cauendum autem ante omnia sedulo,
ne venter sit conslipatus, humoresque pec-
cantes exsiccati, viæ ac meatus per quos
sunt expellendi, obstructi, sed vt medica-
mentum absque vlla remora penetrare
facilcius possit, virēsque suas, vt par est,
exerere queat, necessaria præmittatur præ-
paratio. Dein ex extracto, digitis prius
probe mollificato, formentur tres vel
quatuor pilulæ puluere glycyrrhiæ con-
spergendæ, vel auro, ne cohareant, ob-
ducendæ, quæ cum syrupo violarum vel
alio conueniente vehiculo tribus post
cœnam horis deglutiantur; quæ dulcis
seguatur requies placidusque excipiat
somnus. Haec siquidem pilulæ sub aurora
blandè siue vllis torminibus operantur, si
præter bonum regimen, ne corpus rigi-
do exponatur aëri, decubuerit in dormi-
torio calido. Pro cuiusuis etiam placido
summo manè assumi possunt, vnaque aut
altera hora indormiscere licitum.

Si motus lunæ obseruare libet, pilulis
his tempore plenilunij, quo humores ma-
ximè sunt turgidi vel paulò etiam post,
vtendum, ast interim nihil interest, neces-
sitaris casus si materiæ peccantis expulsio-
nem seriò postulet, quo illæ tempore su-
mantur, illa enim càm cunctis sit exempta
legibus, ideoque cœleste hoc lumen non
ita curiose obseruandum.

Cautele.

Cauendum ab hoc cathartico in principalium membrorum inflammatione ac lésione, utpote pulmonum, epatis, lienis, pectoris, membranarum costas succingentium, ventriculi, matricis, intestinorum aerenum, similiter etiam in diuturnis diarræarum partium obstructionibus aut scirrhis earundem tumoribus: ij insuper sibi ab hoc caueant, quibus ventriculi intestinorumque retentrix maximè est debilis, vnde ad alui fluxum valde sunt proclives. Corpora præterea easarca viuidique coloris, quæ lenitiuis faciliè solvuntur. Simili etiam ratione, quibus corpus putredinis notis tam internè quàm externè ita est defœdatum, ut viribus exhaustis spiritum vix ducere possint, hoc catharticum anque & cæcè peius fugiant, quod etiam illis dictum, quibus vel infarctum vel superiorum venarum est infecta hæmorrhagia, itemque prægnantibus ac senio confectis.

His omnibus de hoc cathartico nihil præscribendum, sed consideratis probè eorundem viribus, ætate, corporis constitutione aliisque necessariis, tractandi sunt lenitiuis, temperatisque purgantibus noxijs humores eliminandi.

2. Pilule familiares.

Hæc singulari in pilulas formata massa, lentum viscosumque phlegma, bilem aliosque humores crassos incidit, attenuat eosdemque per alium blandè educit.

Præcipuè est dicata affectibus capitis internis, tum asthmæ, inflationi, debilitati ac ardori ventriculi, obstructionibus hepatis, lienis, mesenterij, retentis menses, cachexiæ virginum, aliisque ex prædictis superfluitatibus originem ducentibus morbis, qui violentioribus exacerbantur, benignis verò possunt edomari ac

educi. Præter facultatem purgandi, pollet etiam virtutibus corroboratiuis vereque balsamicis, quibus frigidi humores excitantur, debilitata viscera corroborantur, putredini resistitur, vermesque radicitus exterminantur. Præseruationis ergo iis etiam esse salutaris hæc massa potest, qui natura sunt catharrofi, ventriculum habent impurum ac debilem & exinde vitam viuunt perpetuis calamitatibus refertissimam.

Dosis.

Massa hæc exhibetur humidissimis facillimeque mobilibus à ʒ j. ad ʒ ij. aliis verò ad ʒ j.

Vsus.

Ex hac massa formantur pilulæ in modum, supra de cathartico polychresto dictum, deglutunturque vel horis matutinis, vel vespertinis ante lecti introitum, vel etiam immediatè ante prandium aut cœnam, exindeque earundem operatio promouetur, celeriusque in actum deducitur. Acuitur autem earundem virtus additione alicuius syr. lenitiui, ut ros. viol. de prunis & aliorum similium; vel si cum oui vitello exempto eiusdem albumine exhibeantur. Quocumque tempore non considerato etiam motu lunari, tutissimè iis. uti fruique licet.

Cautio.

Phthificis, Hecticis, emaciatissimis, pulmonum item, hepatis, lienis, venarum aliarumque partium inflammatione laborantibus, harum ut & aliorum medicamento- rum, quæ Aloë ingreditur, vsus noxijs, nocius est etiam iis, qui ad hæmorrhagiam quamcunque sunt proni, ut & prægnantibus ac senibus.

Modus

Modus conservandi.

Massa hæc, vesicæ oleo amygdalino dulci prius illita inuoluenda, capsulæque inclusa, ne colliquecat ac ad usum inhabilis leui ignis calore ad pristinam consistentiam sit reducenda, in loco siccò non tamen calido est collocanda.

3. *Pilulæ cephalicæ.*

Pilulæ hæc ex appropriatissimis capituli simplicibus insita vi ac balsamo naturali cerebrum inprimis confortantibus formantur: omnesque à superflua humorum frigidorum copia debilitatas ac relaxatas principaliores humani corporis partes, inprimis autem pectus, ventriculum, intestina, hepar, uterum, partes etiam genitales, primariò verò cerebrum potentissimè calefaciunt, corroborant, omnesque sensus confortant & acuunt, internasque putredines inibent ac remouent.

Dosis & usus.

Pilulæ hæc, ea, qua superiores exhibentur dosi. Singulari vi cathartica nulla prorsus, nisi ex accidente quando sc. copiosam jam dudum præparatam in corpore humano humorum colluuiem natura fuerit aggressa, sunt præditæ. Præcipuè autem earundem virtutes sunt calefacere, exsiccare, ac ut dictum, corroborare ac confortare.

Cautio.

Abstineant ab harum usu omnes plethorici, itemque biliosi, ac ij quorum pulmones, ventriculus, hepar, lien, renesque, &c. intemperie laborant calida, quo pertinent etiam emaciati, quibus vix ossa pellibus hærent.

Ang. Sala.

4. *Puluis diartari solutiuus.*

Puluis hic singularis est efficaciæ in educendis è primis viis omnis generis, tam qualitate quàm quantitate naturæ molestis, qui alias lenitiuis faciliè cedunt, humoribus.

Maxima utilitate omnibus hic inseruit affectibus, quibus, ut dictum, Familiaris, aliisque siue cum siue sine febre morbis, ac symptomatibus, cunctis insuper quæ temperatis purgandæ veniunt cathartici, indiscriminatim complexionibus. Singularis præterea est medicina hypochondriacis, flatulentis, circa præcordia ex viscerum obstructione ac humorum cruditate progenitis spiritibus copiosissimè refertis. Maximè denique conducibile iis audit medicamen, quibus passio est infesta colica, infestusq; renum calculus.

Dosis.

Communis huius pulueris pro utroque sexu dosi est ʒ j. quibus facilis est aluius, naturæque sunt debilioris, in minori porrigatur quantitate. Pueris etiam in proportionata dosi securè absq; vllò periculo exhiberi potest.

Usus.

Pulvere hoc quatuor vel quinque horis ante prandium cum brodio carniū vel decocto prunorum aut passulorum, in febribus verò acutis, cum aqua destillata syrupo violato in forma Iulepi dulcificata vtendum. Pro rei exigentiâ secundò vel tertio, in morbis etiam chronicis pluries sine omni periculo repetitur. Viscera autem, quod probè hic notandum, salua sint necesse est ac illæsa, viresque ægroti integræ. Nulliusque cathartici, seposita prædicta cautela, sub cælo tutior magis est, quàm huius pulueris usus.

Qqqq

5. *Confectio arthritica.*

Electuarium hoc peculiari sua qualitate quosvis in juncturas prolapsos tenues catarrhos, varia exinde solitos excitare symptomata, per secessum educit. Is in primis maximè est utile, qui catarrhis, chiragrà, Ischiade, Gonagra, Podagra aliisque funestis juncturarum vitis miserimè excruciantur.

Dosis.

Communis huius electuarij dosis in viris ac mulieribus satis robustis est $\frac{3}{4}$ ss. in paulò fortioribus eadem aliquantulum augetur.

Vsus.

In brodio carniùm, decocto hordei, passularum aut alio (pro cuiusque beneplacito) liquore dissolutum, quatuor vel quinque ante prandium horis jejuno ventriculo propinandum. Quod vna, duabus aut tribus horis post accommodum subsequatur abstergens, quo humorum expurgandorum reliquiæ ad expulsionem promoueantur, intestina eluantur ac mundificentur. Quocunque etiam tempore, necessitate ita urgente, sumptum, suam absque vllis torminibus tutissimè absoluit operationem. Si modò hoc ipso ad præcauendam humorum colluuiem vsurus, tempus obseruet aut vernum, aut autumnale, itemque quos immediatè subsequuntur plenilunium, dies, domumque ne excedat aëre existente turbido vel nubilo ventosque euitet australes. Sciendum verò, si pro humorum educendorum copiâ muneri suo non satisfecerit, secundo aut tertio subsequente die eadem dosi repeti tutò posse.

6. *Electuarium Hydragogum.*

Electuarium hoc omnes serosas vel copia turgidas vel aduentitia humorum nociua permixtione collectas in corpore expurgat humiditates. Ideoque vsus eius est salutaris in omnibus ab his, & similibus causis, productis affectibus, in primis verò hydropè aliisque aquosis humani corporis & externarum partium tumoribus. Egregium etiam ad educendos in cauernis laterum ac alibi latentes, varique ibidem, ut in plurimis ægrotis videre licet, producentes symptomata serositates, à quibus affectas humani corporis partes mire liberat.

Dosis & Vsus.

Huius $\frac{3}{4}$ ss. in brodio carniùm calido, vel alio simili ac conueniente liquore dissolutum manè quatuor aut quinque horis antè prandium jejuno stomacho, necessitatis tempore frequentissimè ebibitur. Maximè autem (si modo morbus inducias ferat) vsus eius est conducibilis in vltima lunæ quadra.

7. *Passule purgantes.*

Passularum harum purgantium vis ac facultas in edulcendis blandè absque vllò periculo per aluum tartareis varij generis humoribus, mira est; Impuritati ventriculi corrigendæ, affectuique splenetico inueterato, melancholiæ hypochondriacæ, diuturnæ fecum retentioni, aliisque morbis à principalium viscerum obstructionibus ac conclusis flatibus ortis, ubi lenientia sunt necessaria, singulares sunt.

Dosis & Vsus.

Harum passularum pro assumentis natura, viribus ac ætate assumitur cochleare

unum plus minusve paulò antè pradium, quæ absque vlla molestia ac fastidio munere suo risè funguntur.

dis vt & infantulis securissima ac tutissima est medicina.

8. *Cholagogum lenitium.*

Cholagogum hoc lenitium singulare est electuarium pro expurganda bile flaua aliisque calidis, feruidis ac ebullientibus humoribus, quos non solum educit, verum insimul etiam alterat, corrigit acrimoniamque eorundem demulcet, viasque, per quas sunt exterminandi, reddit lubricas. Ideoque conducibile in febribus à bile flaua exortis, erysipelate, podagra calida, hepatis inflammatione, vehementissimisque cum alui constipatione ex renum calculo pronatis doloribus, gonorrhæa virulenta, fluore albo mulierum, retentis ab intemperie sicca facibus, aliisque qui emollientibus potius, humectantibus ac leniter purgantibus, quam fortioribus veniunt eliminandi, affectibus.

Dosis.

Fortioribus datur ad ʒj. debilioribus vero ac delicatulis facillimeque mobilibus sufficit ʒß.

Vsus.

Electuarium hoc in brodio carniū, vel si febris, aut alius p. n. calor adfuerit, in decocto hordei dissolutum manè jejuno ventriculo quatuor ante prandium horis, propinandum. Quòd si verò cuiuspiam electuarij vsus ob continuas alui constipationes vaporumque calidorum ascensum veniat multoties reiterandus, huic dimidium supra præscriptæ doseos partem semi horulæ quadrà ante prandium propinasse vel deglutiisse sufficiat. Dicto tempore assumptum, tantum, quantum necessarium, circa vesperam educit. Prægnantibus etiam purgantibus sollicitan-

MYROTHECII

SECTIO IV.

De Diureticis.

1. *Mixtura saxifragiæ.*

Singularis hæc sub forma electuarij concinnata mixtura nobilissimis ac experientia approbatissimis est prædita qualitatibus, internas namque angustissimarum venarum, mesaraicarum scilicet lienis, hepatis aliarumque partium, inprimis verò vreterum obstructions potentissimè reseruat ac aperit, tartareamque in iisdem collectam mucilaginem abstergit, dissoluit gnauiterque educit. Contritum renum ac vesicæ calculum expellit, dysuriæ medetur, profectos etiam ab urinæ retentione dorsæ partiumque vicinarum dolores sedat. Inprimis autem utilis est medicina contra hydropem, tumorem lienis aquosum, flatus siue ventositates, œdema aquosum, aliosque similes morbos, quorum cura diureticis simul peragenda medicaminibus.

Tandem etiam obstructas vteri venas mixtura hæc deobstruit, crassum frigidumque in iisdem contentum sanguinem excalefacit & attenuat, ac ex hisce causis productam mensum retentionem tam in mulieribus quam virginibus promouet.

Dosis.

Exhibetur plerunque ad ʒj ac rationè assumentis augeri potest dosis à ʒß ad ʒj.

Vsus.

In vsu huius vt & aliorum diure-

ticorum, corpūs antē omnia (necessitate sic exigente) à præsentibus impuritatibus, non per vřeteres sed per alium educendis, liberandum. Præmissis hisce, mixtura hæc in vino Rhenano, maluatico vel hydromelite, si ægrotus à febre vel alio calore p.n. fuerit immunis, vel recentissimo lactis sero, decocto hordei vel alio conueniente liquore dissoluta, matutino vel alio etiam, quando moras non patitur necessitas, tempore exhibetur, repetique pro lubitu potest.

Non negligenda interim, præsertim verò in ipso calculi paroxysmo, vehementissimis etiam doloribus, inflationibus ac extensionibus corporis, viles clysteres, inunctiones, fomentationes & alia vsitata remedia quibus incarcerationati discutiantur flatus, vřeteres emolliantur, hñmeſcentur ac lubrici fiant, quo præparatam hanc ad educationem tartaream materiam facilius ac facilius nobile hoc medicamen expellere ac exterminare queat. Quòd si verò præseruationis ergo hæc mixturâ coagulatam nondum materiam cuiuspiam educere placeat, is præter necessaria purgantia, prædicto lenitio vel alio infuso rhabarbati, syrupo violarum vel cassia permixtis, duobus aut tribus diebus continuis sub vltima lunæ quadra horis matutinis, præcipuè autem verno vel autumnali tempore vtatur, sumptoque medicamine paululum requiescat, dulcemque post requiem demandato sibi munere rursus vt ante fungatur.

Cautio.

Huius mixturæ vsus vitandus iis, qui internas patiuntur inflammationes, exco-riationes vel alias quascunque læsiones, quorumue vrina sanguinis instar rubet, itemque illis, qui diabete diuexantur vt & prægnantibus.

2. Oleum nephriticum.

Hoc instar sapphyri splendens destillatum oleum calcfacit, digerit, aperit, digestit, vřinamque potenter promouet.

Singularis autem est medicina in asthma, inflationibus ventriculi, passione colica, Pleuritide notha à flatibus siue inter membranas externas siue internas collectis exorta; contra immanissimos etiam dorsi ac coxendicum dolores à crasso frigidoque in renes prolapso catarrho profectos est egregium. Conducibile etiam pro educendis è renibus ac vesica arenulis, omnique mucilaginosæ ac tenacæ expurganda materia, illis præsertim, qui pituitosæ siue phlegmaticæ sunt constitutionis, in quibus sc. facultas dictarum partium expultrix maximè reperitur debilis. Excellens etiam est contra stranguriam, dysuriam, gonorrhæam, itemque ad renes collumque vesicæ à purulenta ab aliqua exulceratione profecta materia mundificandum, ac quantum in hisce, ratione eorundem substantiæ ac temperamenti possibile per consolidantia rectificandum, vel ad minimum, ne malum latius vel profundius serpat, impediendum est optimum. Non minus etiam lochia in debito suo fluxu subsistentia promouet, acerbissimisque doloribus post partum laudabile est mitigatiuum.

Dosis & Vfus.

Iunioribus huius olei guttæ tres, adultioribus verò pro re nata x. vel xij. cum vino generoso, vel brodio carniū aut decocto hordei additis passulis & glycyrrhizâ, vel conueniente liquore, propinantur. Pro expurganda in fundo hærente purulenta vel viscosa materia, ac vrina exinde liberanda ac educenda, duæ vel tres guttæ cum decocto fl. maluæ vel glycyrrhizæ cū siphunculo iucundè immitantur, idque

toties, quoties præceperit necessitas.

Cautio.

Ij, qui hepatis inflammationi ac nephritidi sunt obnoxij, ab usu huius olei interno abstineant.

3. *Nitrum præparatum.*

Nitrum hoc peculiari præ aliis vsualibus salibus est donatum penetratiua, aperitiua, incisorique acredine. Quamobrem etiam majori energia cutis poros aperit, potentiisque aliis vrinam expellit. Et quod fortè alicui mirum vel etiam absurdum videbitur, quod hoc sal solum ratione caliditatis suæ (vt & alia salia) frigidis, verum etiâ secundû eandem qualitates, calidis etiam, quibus refrigerando succurrit, vtilissimum sit affectibus, non minori siquidem cum fructu exhibetur in febre ardente siue periculosa lingue inflammatione quàm aliis acutissimis morbis, in quibus pro mitigando intollerabili æstu ac compescenda ac restringenda siti præsentaneum est auxilium. Peculiaris etiam eiusdem vsus est in liberandis à prædictis vitiis materiis vesica acrenibus, inprimis iis ægrotis, qui calore interno ferè exuruntur, quia præmemoratarum partium calorem p. n. temperat potius, mitigat ac refrigerat, quàm, vt alia solent diuretica, excalefacit & vrinæ acrimoniam adauget.

Præterea, quando ab equitatione tempore æstiuo facta, aut aliis vehementioribus exercitiis, sanguis alicui vehementissimè ebullire incæperit, hepar ac renes valdè incaluerint ac flammeam rubeamque excreuerit quispiam vrinam, is melius hoc ipso medicamentum non inueniet. Eodem etiam in febribus quotidianis vt & chronicis tertianis, item semitritæa putrida (qua ex illa chronicarum febrium familia censetur) quæ certis ac statutis

anni temporibus grassantur, ægrotosque doloribus capitis, vertigine, corporis viriumque languore, septimanis aliquot miserrimè excruciant, hisque febribus non nullo etiam tempore peculiaris conjuncta est malignitas (quam vulgus ab adjunctis symptomatibus hisce in oris febre appellat Hungaricam) maximo cum succellu vitur. Ægrotis enim convenientibus & accommodis prius purgatis pharmacis si bis aut ter duabus aut tribus ante accessum paroxysmi febrilis horis, hoc nitrum, seruatim eisdem in loco moderatè calido, offeratur, morbi ideam ita immutat, vt breui exoptata subsequatur reconvalescentia. Peculiare denique est alexipharmacum, inseruitque summo cum fructu iis, qui forte fortuna venenatas deglutiuere herbas.

Dosis & vsus.

Nitri huius ℥j. vel ad summum ʒj. cum vino, brodio carniū calido, vel aliis liquoribus oblata vnicâ vice sufficit. Sciendum etiam, nitrum hoc in aqua dissolutum ac in ore retentum, exsuscitatum ab acri ac calida defluxione mirè mitigare ac sedare dentium dolorem.

4. *Spiritus salis.*

Clarus, albus ac acidus hic ex sale communi præparatus salis spiritus, dum naturam salis æmulat, essentialem etiam siue balsamicam eiusdem virtutem retinet; incidit enim, discutit, aperit, mundificat, penetrat, vrinamque potentius villo alio diuretico promouet.

Vtutur hoc spiritu in obstructionibus venarum, aliorumque subtilium corporis humani vasorum, admiscetur etiam absterisionis ac expulsionis gratia salutariter potionibus vulnerariis: contra renum ac vesicæ calculum ac ad tartaream, viscosam, crassamque, vnde calculus progene-

ratur, incidendam materiam eandemque educendam, excellens est. Item etiam contra triplicem hydropis speciem. Vires præterea in acutissimis & aliis chronicis errantibusque febribus diminutas reuocat. Tandem denique in atrophia quæ obstructionem venæ cavæ est subsecuta, mirabilis est efficaciæ spiritus huius vsus.

Dosis & Vfus.

Spiritus huius offeruntur, 5. 6. 7. 8. 10. 12. & 15. guttulæ cum vino, aquis destillatis, iulapiis vel aliis similibus, pro cuiuslibet lubitu, medici iudicio ac morbi natura.

MYROTHECII

SECTIO V.

De hydropicis siue sudoriferis medicaminibus.

I. Diaphoreticum pretiosum.

Diaphoreticum hoc singulare est confortatiuum & ratione suæ qualitatis optimè temperatum bezoardicum in omnibus liquoribus, aquosis salis instar dissolubile magisterium.

Principales eiusdem virtutes consistunt in expellendis per sudorem ac insensibilem transpirationem venenatis & putridis vaporibus pestilentialibusque in corpore dominantibus, facultati vitali maximè nociuis infectionibus, dein id idem etiam cor ac cæteras partes principales egregiè roborat ac confortat.

Singulariter autem eiusdem vsus conducibilis experimento est confirmatus in omnibus periculosis etiam ac acutissimis febribus, iisque pestilentialibus, pe-
techiis, variolis & morbilis, pleuritide legitima ac periculosa aliisque à prædictis

causis oriundis morbis. Similiter etiam in tertiana, duplici tertiana, quotidiana, hemitritæa, aliisque intermittentibus, non solum ex humorum crassorum in corporis humani centro, facta putredine ac fermentatione progenitis, verum etiam conjunctâ aliquâ causa nutricula, sanguineâ sc. massæ impuritate suffultis febribus maximè est vtile: In gutta item rosacea; erysipelate, aliisque affectibus per bezoardica diaphoretica humorum putredini ac venenosæ malignitati resistentia ac sanguineam massam mundificantia præsentissimum est remedium.

Dosis.

Exhibetur hoc diaphoreticum viris ac mulieribus indiscriminatim à granis x. ad xij. robustissimis verò à xv. ad xx. pueris verò pro ætatis ac virium diuersitate à granis ij. iij. iiij. vel vj.

Vfus.

Magisterium hoc horis matutinis vel aliis etiam quodcumque necessitatis casus eiusdem vsui exegerit, præcipuè verò in affectibus periculosis, qui nullam patiuntur moram, exhibetur frigidum in vno aut duobus cochlearibus vini Rhœnani vel conuenientis liquoris dissolutum, quo sumpto, sudorem bene tectus ægrotus absque tamen virium iactura expectet. Delicatis verò ac naturâ debilibus maximè conducibilis est potiuncula aliqua brodij gallinæ, aliquot guttulis Elixiris nostri cordialis vel alterius aque cardiace alterati, quadrantis aut dimidiæ horulæ spatio post assumptum diaphoreticum tepidè superbibita, quæ non solum sudorem promouebit, verum in simul etiam vires egregiè conseruabit. Huiusq; diaphoretici pro rei exigentia in omnibus complexionibus ac constitutionibus corporis tam in prægnantibus quam infantibus tu-

tissimus est vsus, imprimis verò in iis affectibus, qui calidiora alexipharmaca ac antidota non ferunt, sed ab iisdem potius exacerbantur.

Cautio.

Diaphoreticum hoc in affectibus per diaphoresin expellendis iusto & legitimo tempore, quo natura hoc auxilio indiget viresque satis adhuc sunt robustæ, offerendum. Si verò status morbi venæ sectionem vel vomitoria aut cathartica medicamenta primum requirat, diaphoreticum hoc in aliud tempus differendum. Nam quod natura maximè vrgere solet, fatisque est commodum, id exhibendum medicamentum, contrarium verò intermittendum.

2. Bezoardicum chrysocorallinum.

Bezoardicum hoc chrysocorallinum ex auro & corallis rubris artificiosissimè pulveris instar preparatum est puniceum magisterium, quod præter virtutē suam cardiacam egregiè etiam sudorem mouet, omnibusque iis affectibus, quibus diaphoreticum pretiosum est conducibile, utilis eius vsus esse potest, imprimis verò iis, qui delicatioris sunt naturæ, medicamētaque fastidiunt, itemque, quia omnis est ex pers saporis ac odoris, prægnantibus ac infantulis maximè est proficuum. In specie verò maximopere subuenit ventriculo, (vbi scilicet iisdem in febribus malignis ac ardentibus, non quidem essentialiter ab aliqua in eo collecta nociua materia, sed per consensum vicinarum partium tantopere ad vomitum excitatur, ut ægrotus ne momento quidem assumpta corroboratiua, vel resectoria nedum alia medicamenta retinere queat) eundem corroborando. In periculosis alui fluxibus, præcipuè verò dysenteria aliis medicamentis bezoardicis omnibus palmam hoc ipsum præripit.

Dosis & vsus.

Recentè natis g̃ j. exhibetur; in puerulis & aliis ratione ætatis ascenditur ad duo, tria, quatuor vel quinque grana, adultioribus verò habità semper, ut supra monui ætatis ac necessitatis ratione, decem, duodecim vsque ad quindecim in aqua destillata vel alio conueniente liquore pro cuiusvis arbitrio ac iudicio.

3. Cornu Cervi per calcinationem præparatum.

Candidissime hoc vsto ac cum aqua aliqua cordiali in formam tabularum præparato cornu cervi, exoptatissimo successu in plurimis venenosis pestilentialibusque cordi maximè offensis affectibus, quibus imprimis maligna aliqua qualitas ac putredo est conjuncta vtimur; vires ac qualitates cornu cervi non solum Medicis, vero etiam cuilibet patris familiæ sunt notissimæ.

At quia hoc ipsum è centro ad circumferentiam corporis nociuam materiam per sudorem expellit, ideoque illud ipsum diaphoreticis associare placuit.

Vsus & dosis.

Huius per calcinationem præparati cornu cervi dosis est, ʒj. vel etiam ʒß. aut ʒj. habito tamen personarum & necessitatis exigentis respectu, plus minus, ex brodio vel cum aqua aliqua destillata affectui appropriata.

4. Cornu cervi per macerationem præparatum.

Est eiusmodi cervi cornu, quod singularis alicuius decocti bezoardici vapore ita quidem læuigatur, ut digitis facillimè possit conterī, qui præparandi

modus ab aliquibus chymicis calcinatio Philosophica vocatur.

Hoc cornu cerui à priori distinguitur ratione substantiæ, quam in se retinet, sulphuræ. Quod manifestissimum, si incendatur, carbonis enim instar ignem concipit, tingiturque primum atro, deinde candidissimo colore, eiusque vsus aliqui è chymicis maximopere extollunt, & vnicornu longè præferunt. Donatum aliàs est manifesta, ac in sensus incurrente omniue, vt terra sigillata & bolus orientalis, carente acrimonia, qualitate, eorumque locum subire potest in miscendis antidotis, idque maximo ægrotorum comodo, quoniam non minus propter vim suam bezoardicam, quam prædicta sudorem etiam mouet. Summè etiam est proficuum in dysenteria aliisque acribus alui fluxibus.

Dosis & Vsus.

Vtendi exhibendique modus idem est cum superioris cornu cerui calcinati.

5. Diaphoreticum Antimonij.

Diaphoreticum hoc Antimoniale est ex antimonio pulueris instar præparatum candidum minerale magisterium, à plurimisque Chymicorum vocatur magisterium bezoardicum minerale, cui maximas adscribunt virtutes.

Singulare est experimentum in peste & aliis venenosis ac malignis affectibus. Quoniam etiam materiam peccantem insensibiliter per sudorem expellit, ideoque salutaris eiusdem est etiam vsus in illa lue venerea, vbi materia peccans in habitu corporis latitans, scabiei siccæ, herpetis miliaris aliarumque pustularum existit causa.

Dosis.

Exhibetur vnica vice à granis iiij. vj. ad ʒj. vsque.

Vsus.

Porrigendum ægroto cum liquoribus appropriatis vel sub forma boli conferuæ alicui vel electuario commixtum; absque omni etiam periculo toties, quoties necessitas exegerit, eiusdem vsus repeti potest.

6. Spiritus nitri correctus.

Spiritus hic peculiaris est salis nitri ad vsus hominum singulariter præparatus ac correctus spiritus, qui ratione manifestarum suarum qualitatum non multum est dissimilis cæteris spiritibus salinis, excepta sola, quæ fortior in eo est quam in aliis, qualitate ignea: Mouet vrinam, pellit sudorem absumitque omnes hinc inde in corpore oberrantes nocuos vapores. Ad colicam flatulentam, cardialgiam aliosque à flatibus ortos morbos comprobatissimus eiusdem est vsus: Similiter etiam contra anginam ac pleuritidem pestilentialem aliasque febres malignas à sulphureis pestilentialibusue miasmatis exsuscitatas ac in corpore humano accensas maximopere celebratur.

Dosis & Vsus.

Propinatur hic spiritus cum vino, brodio carnis vel aqua destillata, vt superius de spiritu salis dictum à guttis vj. viij. x. xij. ad xv. vsque.

7. Aqua Diana.

Aqua hæc crystalli instar pellucida, sapore

sapore ac odorē gratissima egregium est hydroticum, laudatissimum idcirco eius vsus in externorum membrorum lassitudine, podagra, acerbissimisque articulorum à frigidis ac tenuibus per cutis poros non euanescentibus defluxionibus exortis doloribus. Principaliter autem in pruritu, scabie, maculis aliisque ab impuritate sanguinis pronatis deformationibus ac defœdationibus eius vsus est proficiuus.

Dosis & Vsus.

Propinatur plerumque horis matutinis, brodio carnis, vino vel alicui aquæ destillatæ, vtpote veronicæ, carduibenedicti vel fumarie permixta à ʒ ij. ad ʒ ss. plus minus pro diuersitate subiecti, qua epota sudorem in lecto benè tectus ægrotus expectet. Ii verò, qui in lecto sudare nequeunt, epota hac ipsa moueant sudorem in balneo. Quia etiam nullius nociuæ est particeps qualitatis, ideoque multoties eiusdem vsus turdè reiterari potest. Quod si fortè ægrotus multis scateat impuritatibus, is prius, quo aqua vires suas foelicius exerere queat, tentandus purgantibus, noxiique humores sunt eliminandi.

8. *Aqua Veronica.*

Nobilis & colore subaureo tineta pretiosa veronicæ aqua, eo, quo docui in mea hydrelæologia, modo destillata, maximarum est virium non solum in omnibus viscerum obstructionibus & potionibus vulnerariis, verum etiam admirandæ est qualitatis pro mundificando sanguine, abolenda scæda cutis scabie & vitiligine. In his, qui ad sudorem sunt proni, absq; alterius additamento, eundem mouet. Exceptratissimus etiam eiusdem est vsus in curanda lue venerea, præcipuè in delicatulis quasuis alias potiones abhorren-

Ang. Sale.

tibus, similiter etiam in morbis acutis, vtpote febribus malignis, pestilentialibus, petechiis, variolis & morbilis, &c.

Dosis & Vsus.

Communis eius dosis est ab ʒ j ss. ʒ ij. ʒ iij. ad ʒ vj. vsque, habito semper personarum respectu consideratoque necessitatis casu, propinatur vero tempore matutino vel alio accommodo. Cum vero acrimoniæ cuiusdam sit particeps, ea corrigi convenienter potest additione sacchari, quod eius operationes nullo modo remorabitur. Imo aquæ huius virtutes multo sunt in medicina excellentiores, quam vt hic omnes enarrare possim.

9. *Spiritus Tartari.*

Aqueus est è tartaro destillatus liquor, qui aperit, penetrat, sudoremque mouet, quare eiusdem vsus singularis est in his ipsis affectibus, quorum iam in præcedente alio facta mentio, per sudorem scilicet qui veniunt eliminandi, præter enim empyreuma quod redolet, non multum ab eius qualitatibus recedit.

Dosis & Vsus.

Exhibetur è ʒ j. ad ʒ j. cum vino vel aqua aliqua destillata.

10. *Antidotus Cardui Angelici.*

Antidotus hæc nobilis sudorem mouens ac sanguinem purificans & verè bezoardica, sub forma electuarii egregium est medicamentum, quod ratione suarum qualitatum mediocriter calefacit, aperit, detergit, purificat, internæque humorum putredini resistit.

Rrrr

In morbis acutis, vt febribus malignis, pestilentialibus, petechiis, variolis & morbillis, dysenteriis pestilentialibus, vt & aliis febribus vt superius de diaphoretico pretioso diximus, maximarum est virium, singulariter autem est vtile hominibus, constitutionis qui sunt frigida, catarrhosis item doloribusque podagricis, chiragricis, ischiadicis, aliisque vitis à falsis tenuibusque exortis defluxionibus obnoxiiis: similiter etiam in curanda apoplexia, membrorum contractura, eo praesertim tempore, vbi pro curatione horum vitiorum, ad praecauenda maiora incommoda ac symptomata, praeter alia medicamina, necessariò etiam requiruntur sudorifera. Tandem denique grumos etiam sanguinis dissoluit, contusiles aut ab alto delapsis salutaris est medicina, in fractura item ossium ac luxatione membrorum loco potionis vulnerariae vsurpata admirandus eiusdem est effectus, non minus etiam pro expugnando hausto veneno, vt & sanandis vulneribus siue caësim, siue punctim factis, praestantissima est medicina.

Dosis & vsus.

Exhibetur infantiù ac pueris cum aqua aliqua destillata, decocto vel Iulepo, in absentia vero febris, cum vino vel hydromelite à ij. iij. iiij. v. vsque ad x. vel xij. grana, adultioribus vero à ð j. ad 3 j. pro diuersitate ætatis, viriumque & personarum ratione.

II. Sal diaphoreticus.

Hujus è vegetabilibus arte eliciti candidi salis virtutes sunt, promouere sudorem, pellere vrinam ac absumere exsiccateq; superfluum ac serosum phlegma. Iis itaque pro mouendo sudore datur, qui nimium sunt catarrhosi abundantque praedicto phlegmate; quoniam

etiam vias, in quibus viscosa hujusmodi materia hæret, deobstruit, eandemque discutit & absumit, vaporesque flatulentos suppressit, ideoque conducibilis in hydrope, tympanitide & flatulentia corporis, salutaris etiam est lactantibus, quarum lac nimis est aquosum ac tenue, aliisque, quæ medicamenta exsiccantia requirunt, affectibus ac symptomatibus. Tempore etiam pestis, quando praesertim illa existente anni tempore humido dominatur, maximo cum successu vsurpatur.

Dosis & Vsus.

Dosis eius est ð ss. vel ð j. plus minus pro diuersitate subjectorum, daturque tempore matutino cum vino vel conueniente aqua stillatitia bibendus.

MYROTHECII

SECTIO VI.

De Mitigantibus siue anodynis.

I. Laudanum Anglicum.

Laudatissimæ hujus in forma crassiusculi alicujus extracti preparatæ medicinæ experimentis confirmatæ virtutes sunt præcipuæ hæc sequentes:

1. Defluxiones quasunque, siue frigida ex sint, siue calida ac acres à capite ad pectus vel alias corporis partes delabentes alterat, incrassat vel exsiccant, earundemque acrimoniam demulcet; indeque exorta symptomata mitigat ac corrigit.

2. Intollerabiles ac immanes quoscunque febriles à quacunque causa pronatos calores temperat ac mitigat.

3. Omnis generis acerbissimos etiam non solum à prædictis defluxionibus cau-

fatos, verum etiam à calculo, flatibus, vulneribus externis, contusionibus, ossium fracturis aut alia quavis causa externa à capite ad calcem vsque excitatos nec aliud frænum ferentes dolores mitigat ac sopit.

4. Periculosissimas dysenterias vel cum vel sine sanguine fluentes, hæmorrhoidum item mensumque nimium fluxum sistit egregiè.

5. Denique ablatam à superioribus causis ægrotorum dulcem requiem maximeque necessarium somnum restituit, dissipatasque exinde vires reuocando ac recolligendo, Medico ad obtinendum præfixum scopum inaximopere subuenit.

Dosis.

Nobilis hujus anodyni dantur ḡ ij. iij. iij. v. & robustissimis ad summum vj.

Vsus.

Quando laudano hoc pro incrassandis catarrhis, (vt supra §. j. dictum) cuipiam vt placebit, dissoluatur illud prius in vno vel altero cochleari syrupi violacei, liquiritiæ, jubarum & vel lenientium aliorum appropriatis aquis exhibeatur in forma potiunculæ duabus post solis occasum horis sumpta cœna: Quodd si verò propter ingratum saporem in forma præmemorata cuipiam vsus eiusdem sit fastidiosus, ei ex præscripta dosi formare pilulas esto integrum, quas cum aliquo ex modò recentitis syrupis asperso prius puluere liquiritiæ deglutiat. In vehemētissimo febrium æstu, phrenitide item, mania & insania ab accensa bile flaua vel alia simili materia productis in emulsione aliqua è sem. cucum. & cucurb. cum aqua aliqua refrigerante, recentissimè extracta ac Syrupo violato dulcorata dissolutum prædicto tempore administretur. Et vbi

calori p. n. qualitas aliqua maligna, quod in peste aliisque febribus malignis euenit, fuerit conjuncta, maximo ægroti commodo ḡ j. plus minusue salis nitri præparati additur.

In omnibus chronicis reciduiantibusque siue externis siue internis, itemque vlceribus cancerosis, fistulis, noli me tangere, aliisque similibus ægrotos acerbissimè excruciantibus viresque eorumdem iminuentibus vlceribus, pro diuersitate affectus vel in calido vel frigido aliquo liquore dissolutum in forma potiunculæ vel pilularum duabus ante dolorum recursum horis, idque toties, quoties exegerit necessitas, exhibetur.

In alui aliisque cruentis fluxib. exhibetur cum Syrupo cydoniorum, de rosis siccis, myrtillorumque aliis, adstringentibus. Modumque si excedat fluxus, viresque non omnimodè sint prostratæ, bis de die, manè scilicet & vespere exhibere licet, ast debilitatis ac exhaustis viribus, dimidia tunc dosis est sufficiens.

Si quem præterea neque à doloribus, neque à manifesto ac sensibili calore productæ, nullisque externè vsualibus remediis cedentes vigiliæ miserimè torquerent, huic absque vlllo periculo Laudanum tempore vespertino exhiberi & ratione exigentiæ repeti potest.

Cautio.

Quoniam verò variæ Laudanorum extant compositiones, ideoque hujusmodi medicamento vsuro circumspicèdè agendum, singularisque aliqua, quæ summa sit præparata diligentia, cordialibusque temperatis castigata compositio est primùm eligenda.

Dehinc eidem etiam est probè obseruanda dosis exhibendique tempus, ne forte plus justo nec statim in principio morbi vbi catarrhi, ætus febriles, dolores ac periculosi alui fluxus dominantur,

eo, absoluta tanquam medicina, qua præmemorati affectus omnes curari possint, temerè vtatur. Ideoque sedulò habenda consideratio præparantium, emeticorum, catharticonum, diureticorum, hydrotichorum, alexipharmacorum, corroborantium, aliorumque necessariorum medicamentorum internorum; itemque venæsectionis, cucurbitularum, balneorum, fomentationum, inunctionum, aliorumque externorum pro diuersitate causarum in vsum ducendorum medicaminum, quorum singulum suo quodque tempore, quando scilicet necessitatis casus iusserit, vsurpandum. Ægroti præterea Laudano hoc vsuri, alius semper sit lubrica ac libera necesse est, quæ, si non respondeat, Clysteribus humectantibus similis diata conuenienter est sollicitanda. Sciendum tamen interim, quòd si fortè quispiam vehementissimis ac insolitis vitæ periculum minitantibus doloribus de repente corripiatur, ac non demptis prius doloribus ac re collectis viribus impossibile prorsus sit curæ principium, vsum huius Laudani absque vlla remora non solum esse licitè vsurpandum, verum etiam maximè necessarium, & à sapientioribus Medicis plurimis idcirco encomiis donatum. Ii denique, quorum caput est imbecille ac frigidum, somnolenti sunt ac ad lethargum & apoplexiam valde procliuēs, itemque epileptici à causa frigida facti, natura vel asthmatici aut phthisici, ei etiam, qui duras patiuntur viscerum obstructions ac scyrrhos, virgines præterea & maritatæ mensium suppressionibus laborantes, Laudano hoc, nisi summa vrgeat necessitas non temerè vtantur.

2. *Mixtura Dianepenthes.*

Hæc instar duriusculi alicujus Syrtipi præparata mixtura singulare est anodynum, ac simul etiam confortatiuum

medicamentum, quod in febribus acutis aliisque affectibus fortuitis ac repentinis, qui intollerabili calore, malignitate, item, sæuissimis doloribus, delirio, perperuisque sunt stipati vigiliis, excellenter in momento quasi iuuat.

Dosis.

Datur adultioribus, ad ʒ j. delicatulis verò ac junioribus minus, robustissimis verò, si constitutio corporis eius vsum ferre possit ad ʒ ss & ʒ ij.

Vsus.

Ægroti exhibetur in forma potiusculæ in aqua aliqua destillata vel julepo dissolutum. Hic verò notandum, quod si hæc mixtura in prædictis febribus in vsum vocetur, hanc ipsam interdum sudorem aliquem solere mouere eundemque vtilissimum, nullo modo impediendum.

Cautio.

Hoc medicamentum simili cum Laudano Angelico cautione indiget.

3. *Mixtura odontalgica.*

Hæc mixtura vtilissima est in odontalgia à causa frigida ac catarrhis inopinatò excitata.

Vsus.

Hæc mixtura si instar grani pipæris loco dolenti per modicum temporis applicetur rursusque ejiciatur, catarrhorum partem extrahit, dolorem sopit, gingiuamque à catarrho relaxatam firmat ac roborat: Si verò dolores ab excavato per putredinem dente essent producti, is erit vel extra-

hendus, vel spiritus vitrioli liquor ei inducendus, quod in plurimis obseruauimus personis, quorum dentes hoc remedio sunt ita mortificati, ut licet non fuerint euulsi, nihilominus tamen in posterum ab omni sint facti dolore liberi.

Denique verò si dolor non ex enarratis causis, sed ex superflua tenui ac serosa per vniuersum corpus diffusa humiditate originem duceret, illis per purgantia ac sudorifera caputque corroborantia occurrendum. Irritus enim & vanus foret omnis labor, si hocce & similibus anodynis aliis dolores huiusmodi auertere conaremur.

MYROTHECII.

SECTIO VII.

De confortantibus & specificis Medicinis.

I. Aurum potabile Myslicum,

siue

Magisterium Auri liquidum optimum.

MEam de auri metallinæ essentia chymica anatomia eiusdemque in medicina usu conceptam opinionem, meumque iudicium in variis meis opusculis dogmaticis, præsertim verò in recensione septem planetarum terrestrium spagyrica, itemque in aphorismis meis spagyricis siue chymiatricis ac in chrysologia siue examine auri chymico candidè aperui, syncerè tuli.

Cùm verò reperiantur plurimi, qui hæc mea scripta nondum legerunt, cùm tamen de his omnibus ac singulis iudicium desideranter expectent, ideoque in compendio quasi id ipsum hîc repetere placuit.

Primum syncerè confiteor, aurum nobilissimum, pulcherrimum, purissimum, solidissimum ac in suis qualitatibus maxime temperatum, præ reliquis omnibus mineralibus ac subterraneis, esse corpus, eiusdemque temperamentum ac constantiam necessariò prouenire, primum ex siccarum elementarium substantiarum puritate, perfectione ac constantia, ex quibus à natura fuit compositum, deinde etiam ex perfectissimâ earundem vniitione, permixtioneque absolutissima, ut etiam in omni tentatione ac probatione tam interna quàm externa vnum semper & idem permaneat.

Secundò, plurimis probationibus chymicis verissimè comperi, aurum, licet naturale aliquod sit compositum ex diuersis contrariisque elementaribus qualitatibus ac substantiis, ut alia omnia sub sole creata, constans, exindeque plurimi doctorum argumententur, hoc ipsum à sua forma quâ à natura donatum est, perfectè ut alia creata esse dissolubile, quod tamen valentissimo igne, fortissimisque corrodentibus factu prorsus est impossibile, & nihilominus in perfectione sua, quâ per omnipotentiam Creatoris (cuius magna ac mirabilia terram cælumque adimplent) gaudet, constantissimè perseverare. Ex hisce itaque probationibus, substantiarum auri dissolutionem ac separationem non esse in humanis positam viribus, certò & indubitanter concludere licet. Reperiuntur quidem adhuc aliqui Chymici, qui hanc radicalem, ut vocant, auri solutionem vi ignis vel corrosiuorum possibilem nobiscum negant, interim tamen eandem mediante aqua aliqua peculiari, dulciuscula & prorsus insipida omnisque acrimoniæ experte (aquam vocant philosophicam & menstruum vniuersale) non esse impossibilem asseuerant. Quàm verò ridicula sit hæc speculatio vanumque phantasma, iis facile, qui in rebus chymicis maxime sunt exercitati.

super hisce & similibus vanitatibus sententiam ferre licet.

Ideoque & tertio expressè affirmo, omnia medicamenta, quæ sub forma aquæ, olei, spiritus ardentis, mellis, salis, pulueris vel simili alia, hinc inde pro vera ac sincera auri substantia circumferantur venalia, non esse talia, quæ huiusmodi (propriè loquendo) mereantur nomina, circumferentes verò vel peccare ex ignorantia, quippe qui de suis propriis laboribus minus dextrè iudicent, accidens rei ab ipsa vera ac reali essentia nullo modo discriminantes; vel (si intelligant) ostentationis potius gratia apud rerum Chymicarum ignaros sapientiam suam prodant, priuatoque suo commodo consulare satagant. Sed quàm bene & qua conscientia Deo & hominibus illudant misericordiam pro vero pipere venditantes, tandem aliquando maximo ejulatu experientur, ubi imposturæ præmio remunerabuntur.

Quartò, cùm per Vulcanum chymicum, ne minima quidem particula ab auri substantia detrahi possit, sed, ut supra dictum, idem semper ratione essentiæ permanet, nullumque sub sole reperiatur medicamentum, quod tantos præstet effectus in medicina generalès, ut veteres Philosophi Hermetici de auro potabili docuere, ideoque firmissimè credo, id puram putamque esse vexationem philosophicam, aliudque sub hoc nomine intellexisse. Interim tamen is, qui in dubium hanc nostram sententiam fuerit vocare ausus, contrariæ assertionis in chymia faceret exoptarem experimentum, tunc demum id, quod Thomasinis oculis videt manibusque palpat, credet: Parùm enim iuvat nuda solum speculatione ac contemplatione rerum naturalium velle assequi mysteria, sed præter hanc requiritur etiam ocularis variis exemplis facta demonstratio, quæ factum tandem laudabile coronant, quæ si deficiant,

vana potius aestimatur delectatio, dulceque habetur, iis præcipuè salutare, somnium, qui tempus conterere melioribus nesciunt.

Tandem denique sincere confiteor, aurum, licet nullo modo quidpiam de eius substantia, ut dictum, detrahi, multò minus à calore hominis naturali concoqui & transmutari possit, id nihilominus tamen mediantibus conuenienter singularibus additamentis ita disponi commodè posse, ut notabiles & laude maximè dianas operationes ac virtutes in medicina præstare possit, quod à plurimis sapientibus chymicis hætenus scio obseruatum, quotidiana id etiam attestantur exemplà.

Digrediendo nunc ad aurum meum potabile mysticum, hoc nihil est aliud, quàm peculiaris quidam liquor medicinalis, in quo sufficiens auri orientalis quantitas fuit dissoluta, ac ita quidem attenuata, ut in illo inuisibilibus atomis, quemadmodum sal aliud in aqua solutum, debitescat. Similique modo, ut sal ab aqua separatum in pristinam suam formam reduci, ab hoc etiam liquore aurum conuenientissimè separari potest, quod non solum in hoc, verum etiam in aliis omnibus medicamentis quæ aurum ingreditur, est possibile, in quibus verò medicaminibus nullum reperitur aurum, hæc certè nullum etiam realiter recepisse extra omnem est controuersiam: Inueniuntur alias plurima absque auro præparata medicamenta, quæ propter excellentes, quibus pollent, virtutes, ab auro nunquam accipiunt denominationem, & si modo non fiat animo imponendi proximo sed debita ratione ac iudicio, cuiuslibet Medico licitum est imponere medicamentis huiusmodi ab auro desumpta nomina.

Licet itaque in huiusmodi medicamentis, quæ, ut dictum, aurum recipiunt, id idem semper tale maneat, non

tamen eorundem vires ab hoc immi-
nuuntur aut debilitantur nec inutiliter
etiam iisdem fuit admixtum, omnibus
liquidem expertis ac sapientibus chy-
miatris tam notum est quàm notissi-
mum, menstrua siue additamenta illa,
quibus ad aurum, eo, quo dictum,
modo disponendum utimur, per se
ipsa nullo modo tales effectus edere
posse, quales admixto auro edunt, tunc
etiam medicamentum non simpliciter
operatur ut aurum, sed recipit quip-
piam de qualitatibus additamenti pro-
nascitur exinde aliquod tertium, quod
non immeritò secundum doctrinam
Paracelsi in suis Archidoxis libr. de
magisteriis, magisterium auri, vel etiam,
quoniam aurum sub forma potabili in
eo latitat, aurum potabile vocari po-
test, cui magisterio, excellentissimas at-
tribuit virtutes, uti in allegato loco vi-
dere licet.

Manifestas quod attinet nostri auri
potabilis qualitates, earum ratione inci-
dit, attenuat, aperit, penetrat & exsic-
cat, idque omne sine caliditate, eo fer-
mè modo, quo rectificata ac in aquis dis-
soluta vegetabilium salia; Ratione verò
propriæ suæ essentia, ac præmemorata
compositionis, resistit putredini, excita-
tas ab interno humorum venenosorum
fomite malignitates bezoardica virtute
supprimit, præcipuè autem cor & præ-
cordia potentissimè confortat ac corro-
borat.

Maximarum inprimis est virium in
dissoluendis mesenterij aliorumque in-
ternorum angustissimorum meatum ac
venarum obstructionibus, in melan-
cholia etiam hypochondriaca, inflatio-
ne ventriculi, tribus hydropis speciebus,
cachexia, sanguinis impuritate, tertiana
simplici & duplici, quartana, aliisque
chronicis ex putredine humorum pro-
genitis febribus. Laudabile etiam in
paralyti, amissione loquelæ, epilepsia,

uteri strangulatū, cordis palpitatione,
cardialgia syncope, incubo, itemque in
omnibus febribus acutis & pestilentia-
libus, malignis, variolis & morbillis,
peste, & à maligna materia causata
pleuritide: insuper omnia periculosa
symptomata ac alia accidentia demul-
cet, quæ hominem maxima cum pro-
stratione virium spirituumque vitalium
dissipatione ita quidem inuadunt, ut
Medicus typum eorundem ac morem
difficulus possit dignoscere, nedum
arcere ordinaria curandi methodo nisi
prius dempta fuerint symptomata, re-
cuperataque vires, natura etiam per in-
dubitata ac certa signa, quo tendere
velit nesciat, quæue subsidia requirat
ac auxilia indicauerit; quo in casu
Medicus vnicum suum refugium in hoc
excellentissimo, multijugaque expe-
rientia confirmatissimo, aliisque simili-
bus subtilibus cardiacis medicamentis
ponat necesse est, omnes enim vaga-
bundos cordique maximè infensos va-
pores ac fuligines discutit, facultatem
vitalem roborat, balsamum naturæ con-
seruat ac tuetur, eundemque à putre-
dine, quantum quidem medicamentis
huiusmodi possibile vindicat ac defen-
dit, ideoque præter hoc in aliis etiam af-
fectibus maximè eius usus esse potest
commodus.

Posse autem negamus hoc ipsum (ut
quidam pseudochymici de hoc & simili-
bus preparatis ex auro magisteriis im-
pudentissima lingua blaterant, quibus
suis mendaciis huiusmodi medicami-
na si dextrè fuerint usurpata, maximè
quidem utilia, dehonestant potius ac
diffamant, quàm commendant) cœ-
cis restituere visum, surdis auditum,
infundere sapientiam stolidis, efficere
erectis ut incedant claudicantes pedi-
bus, curare podagram & confirmatum
hydropem, leprosis reddere cutis ni-
torem corporisque restituere puritatem.

sanare crancros ac fistulas, naturâ quæ sunt steriles, jucunda beare prole, hominem denique ad vltimum vsque vitæ terminum in perpetuo nulli senectutis etiam calamitatibus obnoxio conseruare sanitatis vigore, aut alia similia præstare miracula; hæc itaque & eiusmodi alia, quia pura puta sunt mendacia ac grandiloquia, à me veritatis amantissimo procul absint. Nitatur enim quispiam auctoritate qualicumque etiam libet, ratiocinetur formetque pro placito discursus, experientia tamen optima harum rerum magistra aliud monstrat, nullum scilicet inuentum esse medicamentum, quod aliorum maximè necessariorum vices supplere, muldò minus, quod quousvis naturâ etiam ac proprietate quadam incurabiles morbos persanare potuerit. Eorundem etiam opinio è directo aduersatur voluntati, ordinationi & decreto diuino naturæ diuinitus implantatis. Vergit id etiam in contemptum tot milium nobilissimorum à Deo multiuariis virtutibus peculiariter coronatorum simplicium, hæc tandem opinione annihilantur omnes labores, omniaque, quæ impendit homo in acquirenda vera medicina studia, quam vt & alias artes ac scientias omnes tantis laboribus propter nostra peccata Deus noster subicere voluit: cum denique ipsa etiam ratio Physica non patiatur, Si enim tale aliquod medicamentum inueniretur, quod tot morbos curare posset, id ipsum certè necesse est ante omnia corrigat ac alteret malam à parentibus humido radicali implantatam ad hunc vel illum morbum dispositionem, vel possit in propria sua substantia exulcerata, sauciata, putrefacta corporis principalia membra, pulmones scilicet, hepar, lienem, aliasque interiores corpori humani partes curare, reintegrare, inque pristinum suum reducere statum, vel alia, à nullo adhuc vquam ab ipso mundi principio ad hunc

vsque diem medico visa vel obseruata præstare miracula.

Dosis & vsus.

Exhibetur hoc auri magisterium infantulis à gutt. x. ascenditur pro ratione ætatis, virum ac necessitatis ad guttas quindecim vel viginti in adultioribus, in vehiculo conueniente, absente nimirum febrili calore, in vino albo generoso, vel aliqua aqua appropriata, stillatitia, eiusque vsus certis horis alligatus non est, sed quoties necessitatis casus iusserit, quauis diei hora tutò assumi potest.

Cautio.

Cauendum autem hic maximopere, ne exhibituri hoc magisterium in patellis, vel cochlearibus argenteis, stanneis aut leuiter inauratis permisceamus, eligenda è contra vasa vitrea vel subtilissimè vitro obducta; Siquidem si hoc magisterium in iisdem paululum relinquatur, sociam materiam relinquendo, instrumentis huiusmodi è metallo fabrefactis, vt multoties cum eiusmodi magisteriis aureis vel argenteis accedere solet, adhærescit. Hanc enim habent metalla proprietatem, vt alterum in aqua vel alio liquore dissolutum separet, ac ad se tractum socium retineat, quod non solum chymicis est notum, verum etiam cuilibet aurifabro obuium. Ac ex mea parte exoptarem ego vendere aliquod ex auro vel argento concinnatum magisterium, à quo beneficio alterius alicuius non posset separari, separatumque ad oculum demonstrari metallum, de quo in superioribus.

2. *Elixir Aureum*

sive

*Magisterium Lapidis bezoar
compositum.*

Pretiosissimum ac subtile, gratum, Bezoardicum ac verè cardiacum est colore citrino tinctum, ex lapide bezoardico orientali aliisque pretiosis corporibus præparatum magisterium, fortitumque hoc nomen non ab auro, quod eius compositionem non ingreditur, sed à colore citrino sive aureo, præstantissimisque auri non imparibus virtutibus; In omnibus siquidem iis affectibus, quibus superius aurum potabile summè conducibile esse diximus, itemque quibus lapis bezoardicus laudatur salutaris, summa cum utilitate exhibetur, effectus eius experientià sunt confirmati.

Dosis & Usus.

Propinatur, habito tamen semper personarum respectu, absente febre vel cum vino vel cum aquis appropriatis, borraginis, rubi idæi, buglossi vel similibus, à guttis tredecim, quindecim ad viginti usque, eiusque dosis pro necessitatis exigentia reiterari potest.

3. *Magisterium Perlarum solubile.*

Candidum hoc est sapore acidiusculum ex orientalibus perlis in forma pulveris salis instar in aqua dissolubile magisterium, vnde à plurimis chymicis, ast valde improprie, perlarum sal vocatur: Cum huiusmodi virtutes à perlis proprie non proveniant, sed à spiritu solventis sive eo, quo soluuntur menstruo, quo ignis beneficio destillatione separato, insipidus perlarum pulvis, non amplius in aqua dissolubilis, fundum ut

Ang. Sala.

aliæ solent perla in puluerem redactæ, petit.

Hoc magisterium nobilissimum etiam est cordiale ac in omnibus ex putredine interna ac venenosis vaporibus causatis cordis affectibus, quibus egregiè resistit corpore roborat, apprimè salutare quoddam hoc ipsum verò, (vt aliqui chymici existimant) peculiari quadam prædium sit restaurante ac humectante qualitatè, qua præsertim calidam pulmonem possit corrigere intemperiem, & inde excalescentos ac agitados spiritus vitales refrigerare, phthisicis item & hæcticis subuenire, humidumque radicale restaurare, experientià nondum edoceri potui. Satis interim sufficienterque mihi est cognitum, exsiccans esse medicamentum sudoremque mouisse ægrotis, quod subijcere hoc loco minus duxi decorum ac prorsus inciuile.

Dosis & Usus.

Omni tempore exhibetur cum appropriatis aquis vel commixtum iulapiis, habito tamen necessitatis ac virium ægroti respectu à granis tribus ad 8 ß. usque.

4. *Magisterium Corallorum
solubile.*

Est ex corallis rubris, colore, sapore ac consistentia priori ex perlis concinnato non dissimile præparatum magisterium, nullum ratione formæ externæ inter hæc duo discrimen est, iisque prædium est virtutibus, quibus à chymicis & vulgo extollitur, paribusque pollet facultatibus cum sequente Syrupo de quo paulo post videre licet.

Dosis & usus.

Dosis est vt prioris, propinaturque

ssss

in aquis rubi idæi, fragorum, acetosæ vel aliis stillatitiis modico sacchari edulcoratis.

5. *Syrupus Corallorum.*

Pulcherrimus saporeque gratissimus hic è corallis rubris arte factus syrupus præter proprietatem peculiarem, quæ præditus est, cardiacam, moderate etiam refrigerat, exsiccat ac astringit, exindeque ex intemperie aliqua calida ventriculorum, hepar aliasque internas corporis nostri partes debilitatas roborat; excitatum à bile fastidium, nauseam & vomitum compescit, egregia est medela contra quamvis hæmorrhagiam, salutaris præcipuè in hæmorrhagia narium & sanguinis ex ore ejectione, dysenteria, diuturno hepatis fluxu, hæmorrhoidibus, nimisque mensibus, egregius etiam est contra fluxorem album, gonorrhæam, ab intemperie calida & facultatis retentricis imbecillitate profectam. Prægnantibus etiam maximo est auxilio, quæ ob affectam malè matricem abortum timent, ac ad destinatum partus tempus sæctum retinere nequeunt. Celeberrimus inprimis eius vsus est in auctissimis ex accensa bile pro natis febribus & in ipsa etiam peste pro corroborandis ægrotis, absu-mendisque vagabundis interne cordi maximè infectis vaporibus.

Dosis & Vfus.

Communis ac vsitata dosis est, habito tamen subjectorum respectu cochleare vnum plus minusue, quouis necessitatis tempore illum exhibendo, in diuturnis verò ac chronicis hæmorrhagiis itemque in fluxore albo & gonorrhæa vsurpandus est ordinariè horis matutinis & quatuor post prandium, eiusdemque ad meliorationem vsq; continuandus vsus, in hisce enim morbis melius ac certius medica-

mentum hoc ipso syrupo haud faciliè inuenietur. Interim verò, quæ vires suas sælicius exereat queat, acres ac calidi humores conuenientibus lenitiuis sunt educendi ac euacuandi.

6. *Elixir cordiale vegetabile specficum.*

Maximarum hoc subtile elixir virium, salutare est pro corroboratione cordis ac cerebri, vt & ventriculi, matricis omniumque internarum corporis partium, vtique eo corroborantium (quocunque etiam nomine veniant) aquarum loco sælicissimè possumus, vires ideòq; ac virtutes eius prolixè nimis hic enarrare ac extendere non necessarium duximus.

Dosis & Vfus.

Exhibetur absente febrè cum vino, aut alias tepido carniarum brodio, vel aqua aliqua stillatitia à guttis vj. ix. xv. ad xx. vsque, plus minus pro necessitatis exigentia.

Aqua cordialis aurea.

Aqua hæc cordialis aurea dicitur, non exinde, ac si aurum eius ingrediatur compositionem, sed quia præ aliis cardiacis aquis, nobilissimis est prædita virtutibus, probatissimis, quas exercet, longoque vsu confirmatis donata operationibus.

Nobilissima hæc aqua cardiaca utilis ac summe salutaris est in omnibus corporis humani morbis ac symptomatibus, vbi inprimis corroborantibus prospiciendū, viresque necessario sunt resciciendæ ac refarciendæ; Animum exhilarat, debilem in vtero sæctum corroborat, abortum præcauet.

Dosis.

Pueris exhibentur pro diuersitate ætatis aliquot guttæ, adultioribus verò integrum cochleare.

Vsus.

Bibitur vel sola pauco saccharo dulcorata, inprimis autem ad reficiendas vires commiscetur gallinæ brodio. In acutissimis vero malignis ac pestilentialibus febribus, cum aquis temperatis aliis, vtpot. carduibenedicti, borraginis, buglossi vel simili conuenienter permixta, exhiberi potest, possunt, & iulapia vel aliæ potiunculæ à medicis ægroto præscriptæ eadem ipsa aromatizari, quibus gratissimum conciliabit saporem odoremque.

8. *Elixir Cinamomi.*

Hoc elixir conuenit syncopi aliisque cordis affectibus ac symptomatibus à materiis frigidis ac flatulentis excitatis, frigidam ventriculi intemperiem corrigit, eundemque corroborat, ciborum fastidium, ructus, inflationes ac vomitum à pituitosis cruditatibus prouenientia tollit, naturalem ciborum concoctionem promouet, obstructosque mulierum ac virginum, phlegmaticæ maxime quæ sunt constitutionis, menses reseat.

Dosis & Vsus.

Dosis eadem est vt prioris, vtendique modus eiusdem etiam non dissimilis, vicesque aquæ cinamomi fragrantissimæ supplere conuenientissimè potest.

9. *Essentia croci.*

Nobilis croci essentia mediocriter est

calida & sicca, concoquit, digerit ac moderate astringit: singulari etiam proprietate cor roborat ac exhilarat, somnumque conciliat. Accommodatissimus ideoque eius vsus est in ferina tussi, asthma, infarctuque pulmonum aliisque respirationis à tenui catarrho progenitis vitiis, itemque pleuritide, cardialgia, ac melancholia: ventriculum confortat concoctionemq; ciborum promouet, matricem calefacit, mensesq; ex intemperie frigida ac flatibus resistentes promouet.

Dosis.

Essentia hæc datur infantulis grani milij magnitudine, in paulo maioribus paululum ea ipsa augetur, adultioribus grana (in pondere medicinali vsitata) ij. iij. & ad summum iv. habito tamen semper personarum respectu.

Vsus.

Pro infantulis dissoluitur in lacte muliebri, saccharo cando dulcorata necessitateque exigente iisdem exhibetur; adultioribus vero pro diuersitate affectuum aliis in liquoribus dissoluta porrigitur.

10. *Antidotus Caryophyllata.*

Præstantissimum hoc est cordiale, in forma subtilissimi purpurei electuarij ex rubescentium caryophyllorum essentia & aliis pretiosis cardiacis compositum medicamentum, quod mediocriter calefaciente ac moderatè astringente qualitate est præditum, gratissimoque suo odore ac fragrantia mirabiliter ægrotos recreat.

Inprimis autem singularis hæc est antidotus in corroborando corde ac cerebro, lætificandisque spiritibus vitalibus & animalibus, ad defendendos etiam

eosdem ab infectionē venēnosā aëris, internorumq; noxiorum ac venenosorum à maligna putredine humorum pronatorum vaporum injuria, laudabilis.

In syncope, lipothymia, cordis palpitatione, terrore, melancholia, incubo aliisque accidentibus, vbi pretiosissima cordialia celebrantur, vtilissimum etiam hoc est electuarium, non minus item valet præseruationis gratia in peste, iis præcipuè conducibile, qui sunt delicatuli, melancholici ac timidiusculi.

Dosis & vsus.

Assumitur vel per se solum vel in vino, brodio carnum calido, restauratiuo, juplapis, aquis stillatitiis dissolutum vel aliis medicamentis permixtum à ʒ β. ad ʒ j. plus minusue.

11. *Pulvis Diachermes.*

Subtilis hic pallido-purpureus excellens est pulvis cardiacus, cuius vsus in omnibus his affectibus est celebris, in quibus antidotus caryophyllata, de qua supra.

Appropriatissima autem est medicina in conuulsionibus epilepticis, apoplexia, terrore & incubo puerorum, salutaris item prægnantibus, melancholicis symptomatibus obnoxiiis, indeque facile abortientibus, vel ante constitutum tempus parturientibus, vel si legitimo tempore sætum viuum enitantur, nihilominus tamen paulo post partum acerrimis hisce cordis & cerebri affectibus miserrime excruciantur, & prohi dolor! experientia quotidiana teste, plurimæ emoriuntur.

Dosis.

Exhibetur recens natis à granis iij. ad ʒj. aliis vero plura. Iuuenibus vero ac

adultioribus dantur grana xij. xv. xx. & xxiv.

Vsus.

Recentissimè natis contra prædictos affectus præseruationis ergo exhibetur cum aqua stillatiæ, lil. conual. primul. veris, cerafor. nigr. fl. pæon. lil. alb. vel betonic. edulcorata prius saccharo candido, vel lacte tepido offertur ebibendus, eiusque vsus tribus diebus continuis tempore matutino est reiterandus. In hisce etiam aquis quouis necessitatis tempore exhibetur infantibus ac pueris eiusmodi affectibus actu laborantibus. Supra memoratæ vero prægnantes singulis lunæ quadris præscripta huius pulueris dosi vti possunt. Possunt etiam fieri L.A. morfusi, addita scilicet huius pulueris ʒ j. sacchari in aliqua prædictarum aquarum dissoluti ʒ j. quos secum tenere & afflictionis tempore vno aut altero vti commodè possunt. Potest is idem etiam addi conseruis ros. fl. arantiorum, viol. borrag. vel fl. tunicæ, admixtoque aliquo conueniente syrupo ad præscriptos scopos electuarium aliquod confortatiuum præparari.

12. *Pulvis bezoardicus smaragdinus.*

Huius viridiusculi in forma subtilissimi pulueris ex pretiosissimis confortantibus præparati magisterij non solum in præmemoratis affectibus, (vt de puluere diachermes dictum fuit:) verum simul etiam in febribus malignis non minor ac ipsius lapidis bezoardici orientalis vsus & fructus esse potest.

Dosis & Vsus.

Quantitas vtendique modus eadem sunt, vt paulo præcedentis pulueris diachermes.

13. *Mixtura diambrae.*

Excellentissimum hoc subtilissimi extracti instar medicamentum confortatiuum maximarum est virium in calefaciendis ac roborandis à frigidis humoribus debilitatis nobilioribus totius corporis partibus, inprimis vero corde & cerebro, quibus natura sua appropriatissima est medicina. Subtilissimo suo odore maximè penetratiuum corroborat sensus, & exulscitat, calidum innatum fouet eiusdemque operationes excitat ac recreat. In vertigine, syncope, subita lipothymia & virium penuria est egregia. Roborat insuper partes nutritioni dicatas, promouet ciborum concoctionem, refrigeratam matricem, vt & genitales tam virorum quam mulierum partes calefacit, venærem excitat ac conceptionem adiuuat. Et vt plura paucis comprehendam, mixtura hæc vniuersale est confortatiuum calidum in omnibus frigidis affectibus, vtile etiam senibus aliisque qui frigida sunt corporis complexionis.

Dosis & Vfus.

Offertur hæc mixtura vel sola sine alterius alicuius additamento, vel in ouo forbili aut brodio carnis, vel conseruis confortantibus addita, horis matutinis, quantitate pisi, maiori etiam vel minori, habito personarum respectu.

Cautio.

Vsum hujus vitent cholericis & sanguinei, acutosque qui habent ac calidos sensus, & ij quorum vapores calidi colorant faciem itemque maxime qui sunt ad hæmorrhagiam narium proclives. Insuper etiam noxia est illis, quorum cerebrum valde est debile facillimeque inebriatur, cæteri que omnes siue mares, siue sint fœ-

mina, quæ odorifera, præsertim v. ambram vel moschum sua natura ferre non possunt, sibi ab hac mixtura tanquam summè detrimentosa caueant.

14. *Diacinamorum ambratum.*

Fragrantissimi hujus pulueris primariæ virtutes cum præcedentis mixturæ conueniunt. Inprimis autem conuenientissimè additur confortantibus compositis, vt & brodiis corroboratiuis, pulticulis amygdalinis, confecturis aliisque & similibus cibis analepticis, quibus non solum gratissimum conciliat saporem, verum eorundem etiam vires acuit. Eius item tria vel quatuor grana mensuræ vini optimè prius saccharo finissimo edulcorati addita, sapore id & odore reddunt efficacissimum, & ita quidem, vt nullum vinum Hippocraticum vel aliud claretum cum eo conferri possit, omnia insuper, siue vitrea sint, siue metallina hoc semel imbuta, seruabunt odorem vasa diu.

15. *Elaosaccharum citri.*

Sicca instar alicujus pulueris est mixtura odore ac sapore corticum citri fragrantissima, vtilis præcipuè in affectibus cordis à flatibus frigidisque humoribus iisdemque putrefactis ac malignis, exortis: Calefacit etiam ventriculum, eundem corroborat, discutitque & absumit corporis ventositates siue flatulentias.

Dosis & Vfus.

Tantum, quantum cultelli cuspis capere potest, cum vino, brodio carnis calido vel aqua aliqua stillatitia porrigitur. Cibis & confecturis verum ac naturalem corticum citri odorem saporemque imprimit, & pro aromatizandis potiunculis catharticis, earundemque ingrato odore corrigendo apprimè est vtilis: Sin-

gulari autem cum fructu admiscetur julapiis, quæ in febribus malignis ac pestilentialibus ægrotis ebibenda præscribimus, quæque acidiusculâ aliquâ, spiritu scilicet vitrioli, sulphuris vel salis sunt temperata substantia. Parum enim si iisdem hujus pulveris fuerit additum, recentissimè expressi citriorum succi sapore linguam feriunt; non solum ægrotis idcirco maximè grata, verum etiam pro coercenda febrium malignitate sunt convenientissima.

16. *Elixir antepilepticum.*

Peculiariter excellens hoc punicèum elixir maximè est conducibile in epilepsia ac suffocatione siue strangulatu vteri.

Dosis & Vfus.

Hoc elixir plerunque à v. ad xv. & xx. guttas vsque, habito tamen semper personarum ac necessitatis respectu, febre absente, vino, præsentè verò aquæ alicui stillatiæ permixtum propinatur, idque quovis indifferenter tempore, vt de aliis elixiriis superius dictum fuit.

17. *Aqua antepileptica temperata.*

Hæc aqua in qualitatibus suis temperatissima singularis est efficacix in epilepsia, delicatissimis exinde puerulis, ac ipsis etiam prægnantibus quovis tempore utilis ac proficua.

Dosis.

Parvulis datur cochlearè vnũ, natu verò maioribus, paulò plus, adultioribus vero siue maribus siue fœminis, duo vel tria cochlearia.

Vfus.

Vtimur hæc aqua vel vehiculi loco cum prædicto elixire vel aliis similibus contra epilepsiam pugnantibus medicaminibus, aut etiam sine vlllo alio additamento, ac pro lubitu, sacchari modico sine virium iactura edulcorari potest.

18. *Elixir cephalicum.*

Excellens est cephalicum elixir contra omnes cerebri, nervorum, ligamentorumque affectus singularis efficacix ac energix, ita quidem, vt nobilissimarum aquarum cephalicarum ac apoplecticarum supplere locum maximo cum commodo possit.

Dosis & Vfus.

Hoc elixir ratione doseos ac vsus interni correspondet non solum cum priori, verum etiam maximè est laudabile vsurpatum, externè naso sc. & venis temporum illitum.

19. *Aqua antapoplectica specifica.*

Hæc aqua in omnibus capitis & nervorum affectibus (vt de balsamo antapoplectico dicitur) singulariter est utilis ac salutaris.

Dosis & vsus.

Infantibus dantur pro ratione ætatis aliquot guttulæ aliis liquoribus propter nimiam eius caliditatem permixtæ, adultioribus verò ac fortioribus cochleare integrum, edulcorarique, saccharo (vt de aqua antepileptica dictum) commode potest.

Cantio.

Prægnantes ab hujus aquæ usu arcendæ.

20. *Essentia florum hyperici.*

Admiranda hujus essentia virtus est ad curandam melancholiam ac depravatam imaginationem, vbi scilicet homo ex improviso optimè valens, nullis prægressis causis nec internis nec externis, variis torquetur falsisque impressionibus, apparetque à diabolo veluti obsessus ac quo se vertere debeat anxius hærens mortem sibi ipsi minitatur, homini eiusmodi majus præstat auxilium, quam aliud quoduis, nobilissimum ac pretiosissimum licet sit sub sole medicamentum, cujus rei ego ipse in aliquot ægrotis sum expertus, quibus, diuinâ assistente gratiâ, hæc essentia vnice pristinam reddidi sanitatem, sanæque mentis eos rursus feci compotes; Eadem autem, pro consequendo meo proposito ac scopo, hoc subsequente modo vtor. ℞. aq. ex fol. hyperici destillatæ ℥j. vel in huius defectu substituaturs aqua betonica, in hac tepefacta dissoluantur ʒij. huius essentia sacchari ʒj β. edulcorandæ, traijciatur aqua hæc vsque dum clarescat & rubicundo tincta colore pulcherrimè niteat, per colatorium, huius aquæ exhibentur ægroto ante solis exortum & vesperi ante introitum lecti iij. vel iv. cochlearia, vsusque eius ad perfectam mentis redintegrationem sedulo est continuandus: succurrendum huiusmodi malo satis tempestiuè, quando scilicet id item altas nondum egit radices, ratioque omnimodè non sit abolita ac protus corrupta. Aliis etiam affectibus essentia hæc, in quibus sapientiores medici ipsam herbam celebrant, accommodari potest.

21. *Balsamum vite liquidum.*

Splendidissimus hic aureo tinctus colore liquor gratissimum spirat odorem, & consistentia ratione non minus est dissimilis balsamo orientali vel liquidambari.

Qualitates eius generales sunt calefacere, exsiccare, digerere, purificare, sanare, roborare, appropriata item est capitis medicina, vsus verò eiusdem specialis est excellens in affectibus capitis & nervorum (vt de balsamo antapoplectico dicitur) frigidis, prodest item summè contra catarrhos frigidos, medicina etiam est præseruatoria illis, quibus natura caput intemperie laborat frigida, exindeque catarrhi frigidi in subiecta membra decidui intollerabiles progignunt dolores. Salutare insuper est in affectibus thoracis, asthmate sc. dispnœa à vapore vel spiritu excitata, mundificat vlcera pulmonum ac pectoris, succurritque, nisi sit inueteratum cum febre hæctica coniunctum malum, desperata phthysi. Simili etiam modo curat vlcera intestinorum, matricis, renum & colli vesicæ. Inarceratos status discutit, ventriculum calefacit, appetitum excitat, anhelitus factorem ex cruditate ortum corrigit. Vrinam pellit, tumores hepatis & lienis frigidos absomit, & veluti Panacea plurimis ægritudinibus ab humoribus frigidis ac humidis causatis egregiè succurrit. Præseruationis denique E. pestis tempore vti eo commode possumus.

Dosis & Vsus.

Huius balsami ordinariè horis matutinis ægrotis exhibentur iij. v. vel etiam vj. guttæ, & si necessitas exegerit x. in vino, hydromelite vel brodio carnis calido, & pro ratione morborum ac symptomatum, pro quibus expellendis in usum accer-

litur, commiscetur syrûpis, conferuis, electuariis vel linctibus. Ii verò, qui propter capitis catarrhos ex indeque dependentes morbos aut symptomata vel in peste præseruationis gratia eius vsum per aliquod tempus continuare volunt, recipiant sacchari finissimi puluerisati ʒj. aut ʒj β. cui commisceant balsami huius ʒj. fiatque L. A. puluis in pyxide argentea inaurata ad vsum asseruandus, cuius singulis mane, quantum cuspis cultri recipit, assume, eoque vitare vel solo, vel addito conueniente alio, de quo superius prolixius diximus.

22. Balsamum sulphuris.

Balsamum sulphuris potentius calefacit & exsiccatur priori, detergit etiam, mundificat, qualitateque singulari præditum est astringente, quam in præparatione ab excitata sulphuris aciditate acquirit.

Singulare autem est pectoris specificum, quod non solum à lento ac viscoso, organæ respirationis obstruente & asthma producente liberat phlegmate; verum etiam egregie vlcera pulmonum, vicinarumque partium, saniosa, mundificat & ad sanationem promouet. Deinde etiam maxime exoptatus est eius vsus in diarrhæa ac dysenteria tempore præsertim autumnali epidemica. Maxime etiam ab autoribus commendatur ac laudatur contra pestem. Commixtum in forma linimenti cum oxymelite egregium est auxilium in gangræna & sphacelo; super impositum enim hoc linimen, tum loco affecto, carnem viuam à demortua efficacissime separat, vltiorem corruptionem inhibet, & pro faciliore cura optimum ponit fundamentum. Hoc etiam modo hocce balsamum in forma sc. linimenti vsurpatum mundificat ac exsiccatur inueterata, frigida ac manantia artuum vlcera, eorundemque sanationem potentissime

promouet. Hoc etiam linimentum approbatissimum est experimentum ad procidentiam ani & matricis, illitum enim, repositas has partes in situ ac loco conseruat. Tandem denique ex cera flaua & hoc balsamo fieri emplastrum potest, quo non solum ad pneumatocelen, verum etiam ad corroborandas extremè refrigeratas externas corporis partes, firmandosque relaxatos à frigida podagra articulos, maximo cum successu vitmur.

Dosis & vsus.

Internus huius balsami vsus & dosis conuenit cum balsami vitæ vtendi modo, daturque cum vehiculis affectui accommodis.

Cautio.

Vbi calor aliquis febrilis vel alia calida p. n. intemperies siue externa siue interna ea sit, adest, vel confirmata est phthisis, lentaque febricula in carnosis partibus hærens, sensim ac sensim humidum radicale depascit, ab huius balsami vsu abstinendum, huiusque loco diæta potius & cura est instituenda humectans, quam calida & sicca in vsum ducenda medicamina, qua propter miserrimè ij falluntur, qui indiscriminatim ad omnes pulmonum affectus balsamo hoc tanquam panacæa vtuntur. In calida enim huius & aliorum viscerum intemperie oblatum, oleo ignis extinguitur.

23. Flores sulphuris benzoinati.

Est subtilissimi pulueris instar cum odorifero gummi benzoin sublimatum sulphur ad eisdem pectoris vitia ad quæ prædictum balsamum sulphuris apprimere vile. Deinde etiam conuenientissimum est iis, quorum caput frigida laborat intemperie & exinde catarrhis huiusmodi

fun-

sunt obnoxij, calefacit enim illud, exsiccat ac roborat. Contra dolores colicos est singulare, & ad curandam pestem humidam, præsertim verò in ignobilioribus ac rusticis, qui vilioribus saginati cibis, multam in sanguine colligunt humiditatem & idcirco huiusmodi infectioni magis sunt aliis obnoxij, celeberrimum est auxilium.

Dosis.

Datur à ʒj. ad ʒj.

Vfus.

Pro sanandis capitis catarrhis ʒj. huius pulueris miscetur cum ʒj. sacchari candi, additis iij. vel iiij. guttis ol. fœniculi stillatitij singulis mane vel per se, vel cum conueniente vehiculo quantum cuspis cultri capere poterit, assumitur. Vel fiat ex hoc puluere cum gummi tragacantho in aqua betonica dissoluto massa, ex quo formetur rotula quouis necessitatis tempore in usum reuocanda, hoc modo vsurpatus pectori etiam conducit. Potest etiam pro lubitu commisceri conseruæ rosarum additoque aliquo syrupo in forma electuarij vsurpari. Contra tormina ventris datur cum vino albo calefacto vel brodio carnis calido, contra pestem verò cum modico aceti calefacto saccharoque edulcorato, quo sumpto sudorem ægrotus benè tetctus expectet.

24. *Spiritus vitrioli cærulei rectificatus.*

Acidus hic est è vitriolo cæruleo elicitus liquor, cuius præcipuæ virtutes sunt, incidere, discutere, putredini resistere, mundificare, exsiccare, astringere & mediante sua aciditate, sitim restinguere.

Singulariter ideoque eius vsus appro-

Ang. Sala.

batus est ad conseruandam eorū sanitatem, qui complexionis sunt phlegmaticæ, & contra epilepsiam, cephalalgiam, vertiginem, oculorum caliginem, auditus grauitatem, debilitatam memoriam, à superflua humiditate si fuerint omnia producta egregium est medicamen. Oesophagum pectusque ab omni viscoso phlegmate ac muco liberat, ventriculum purificat, eundemque corroborat, concoctionem promouet, ciborum appetitum excitat, putredinem, vnde anhelitus graueolentia, inhibet, pronatos ex indigestis cibis vermes, necat: Hepar confirmat, hepaticiæque gutta rosacea deformatis, vel diarrhææ obnoxij singulariter subuenit, flatulentum lienis tumorem, vnde plurima scaturiunt mala, absumit: Salutaris etiam est scorbuticis, valet item contra gonorrhæam purulentam & album mulierum fluorem, certissimaque in febribus ardentibus, pestilentialibus ac aliis malignis omnibus est medela. Expertissimum etiam est præseruatium pro militibus, naumachiariis & remigibus, aliquot enim guttæ omni mane assumptæ ventriculum mirè corroborant, & ne damnosi cibi aquæque, vt solent, putridæ potæ noceant, præcauet.

Dosis.

Pro ratione constitutionis personæ dantur iij. iiij. v. vj. ad viij. ad x. vsq; guttæ

Vfus.

In affectibus frigidis cum vino genèroso, in calidis verò cum aqua aliqua destillata refrigerante, iulapiis etiam vel decocto hordei, in febribus verò acutissimis cum aqua fontana limpidissima. Contra alui profluium ad corroborandum hepar, itemque gonorrhæam & profluium vterinum, misceatur cum conserua rosarum ad gratam aciditatem, omnique

mane, & vesperi bolus deglutatur, vel recipitur ꝑ̄ ss. rosarum rubrarū concisarum, ebulliant in ꝑ̄ x. aquæ eichorij destillatæ, cui si fuerit satis tincta ac percolata adduntur ꝑ̄ vj. sacchari finissimi ad consistentiam dilutioris syrupi, cui admiscetur tantum spiritus vitrioli quantum pro grata aciditate syr. de berber. æmula sufficit. Huius syrupi vnum aut duo cochlearia ad præmemoratum scopum conueniunt.

Cautio.

Omnēs illi, qui neruorum contracturæ vel spasmo sunt obnoxij, laborantque in temperie capitis sicca, itemque à quacunque etiam causa, vt cutis ossibus hæreat, facti extremum macilenti, alique, qui debilem ac exquisitissimi sensus habent stomachum, vt & mulieres ac virgines mensium obstructione laborantes, hi omnes & singuli dico sibi ab huius spiritus vitrioli vsu sedulo caueant.

Cautela in repositione ac conseruatione spirituum nitri, salis & vitrioli probe obseruanda.

Primum spiritus hi in mundissimo vitro cum oblongiusculo ac angustissimo collo & orificio, infundibulo non dissimili, ne quid inter effundendum præterlabatur, asseruentur.

2. Oculandantur subere, & si in alia sunt loca transportandi, cera flaua terebinthinæ cypriæ permixta, quod artius hæreat, super ligatâ vesicâ, vitra contegantur;

3. Inter effundendum, ne quid in vestimenta decidat, vel digitis spiritibus huiusmodi fortè fortuna irroratis vestes vel pretiosa linteamina attingantur sedulo cauendum, corroduunt enim eadem ac exedunt.

4. Aliquot horum guttas Iulapio vel decocto hordei additurus, quia pro-

pter grauitatem fundum petunt, circumagitet easdem prius, ac, an linguæ grata arrideat acciditas, faciat experimentum, quæ si minus, guttularum numerum ad gratiam adaugere. Simili modo conseruis etiam sunt permiscendi, obseruato scilicet optimè sapore.

5. Mixtura verò in nullo alio fiat vasculo, quàm vitreo patellæ vitrea.

25. Sal absinthij vitriolatum.

Pulcherrimum ac summè rectificatum est absinthij sal, cui tantum spiritus vitrioli fuit superfusum, vt cum eo arte chymica ita coadunitus ac coagulatus, multum eiusdem sapor præcellat, ideoque etiam sub hac forma tractabilior & in itinere magis commodus, quàm ipse vitrioli spiritus. Qualitates eius ac virtutes pleræque conueniunt cum viribus ipsius spiritus vitrioli, præsertim autem in frigidis ac humidis ventriculi affectibus, in febribus item putridis præ aliis plurimis eligendum.

Dosis & Vfus.

Dantur huius salis ꝑ̄ iij. ad vj. habitoque personæ respectu, ascenditur descenditurque, administraturque cum iis ipsis liquoribus ac additamentis, vt de spiritu vitrioli dictum.

26. Elixir balsamicum stomachale.

Huius balsamici elixiris principales qualitates sunt, calefacere, exsiccare, aperire, incidere, purificare ac corpus à putredine defendere.

In specie verò singulariter iuuat peccatus à frigidis affectibus ac symptomatibus morbidum, excellentissimum ac exoptatissimum est auxilium, vbi ventriculus ex diuturna ac chronica febre vel aliis causis refrigeratus demandato sibi mune-

si non amplius est sufficiens, eundem enim corroborat, abolitum appetitum reuocat, concoctionemque debito modo promouet; frigidam hepatis & lienis opilationes referat, cachexiæ, ictero & chlorosi subuenit, menses suppressos ciet, vermes necat, putredinem arceat, & tempore pestis senibus præsertim & natura siue complexione frigidioribus accommodatissimus eiusdem esse vsu potest.

Dosis & Vsus.

Pro ratione subiecti ac necessitatis quouis etiam tempore offerri potest absente febre in vino, vel secus in brodio carnum vel alio simili & affectui appropriato liquore, vt stillatitiis aquis vel iulapio dissolutum à gutt. v. xv. ad xx. vsq;.

27. *Balsamum Diambrae.*

Nobilissimi ac pretiosissimi huius in forma linimenti concinnati balsami virtutes sunt, fragrantissimo suo odore spiritus vitales ac animales roborare, purificare, animum exhilarare, refrigerata à frigidis humoribus interna principaliora membra, cor sc. pulmones, hepar, ventriculum, &c. calefacere ac confortare, conceptionem promouere, aliasque peculiaris perficere operationes, quales superius mixtura diambrae ascripsimus.

Vsus.

De modo vtendi dicemus infra sub finem balsamorum.

28. *Balsamum Cephalicum.*

Colore est nigrum fragrantia sua celeberrimum balsamum cephalicum, præparaturque eâ prorsus ratione, vt in omnibus bene constitutis pharmacopæis balsamum solet apoplecticum, virtutes ve-

ro cum priori habet correspondentes.

29. *Balsamum apoplecticum specificum.*

Præstantissimum est etiam balsamum cephalicum calefaciens, penetrans, incidens, aperiens, discutiens, exsicccans & roborans, principaliter verò appropriatissima est medicina in hisce sequentibus affectibus, in vertigine sc. tenebrosa, tintu aurium, auditusque grauitate, apoplexia, epilepsia, memoria & ratione debilitatis, catalepsi, sopore, spasmo tam vniuersali quàm particulari, capitis tremore, aliisque nervorum affectibus: Itemque in lipothymia & syncope, vteri suffocatione aliisque affectibus, qui à frigidis humoribus, cerebri obstructione, flatibus, putridis ac fœtidis sursum eleuatis vaporibus ortum duxere. Prægnantes verò huius vsum fugiant.

30. *Balsamum Cordiale.*

Balsamum hoc insignè est medicamentum cardiacum vtile præcipuè in lipothymia, syncope, cordis palpitatione, anxietatibus aliisque cordis à frigore tetricis melancholicisque vaporibus vel putredine contagiove pestilentiali natis cruciatibus. Spiritus vitales roborat, cor exhilarat, grassantisque pestis tempore excellentissimum est, si naribus odorandum offeratur, eo præsertim tempore, si crassis tetricis nebulis aer fœtet, austrinaque prædominatur tempestas, vel visitanda sint impura sordidaque loca.

31. *Balsamum Stomachale.*

Præstantissimum est contra nauseam, vomitum, inflationes, dolorem, aliisque stomachi vitia, itemque punctorium lateris sinistri dolorem tumefactumque lienem, quæ omnia ac singula iuuat, quia à frigidis & phlegmaticis humoribus fuere

causata, ideoquē partes affectas siccāt, easdemque roborat, concoctionem ciborum promouet, oculos flatus discutit, refrigerat matricem vt & intestina calefacit, eademq; confortat ac corroborat.

32. *Balsamum rhodinum moschatum.*

Rosarum ac moschi odore fragrantissimum hoc balsamum egregiē omnes lātificat ac exscitat sensus, putredini resistit, vtilissimum iis, qui gaudent odoriferis, leuiter enim illitum, totum conclauē suā fragrantia adimplet.

Vsus.

Vtēdi horū balsamorum ratio in communi est duplex: Prima est externa, nares scilicet, tempora, pulsus & alia loca illis illinendo: Altera verō interna, quæ in subsequentibus tradetur.

℞. De horum balsamorum aliquo ꝑ j. plus minus pro qualitate balsamorum fortiori vel debiliori, hoc cum s. q. sacchari in formam pulueris contritum, exhibetur ægrotō cum vino, cereuisia, brodio gallinæ vel alio simili ac conueniente liquore, eodem prorsus modo quo & aliis confortantibus vtimur. Tandem denique hic etiam notandum, quod si necessitas in iis affectibus, quorum sub enarratione qualitatū balsami antaplectici specifici facta mentio, copiosam colli & capitis, itemq; in apoplexia membri alicuius facti paralytici, requirat inunctionem, in huiusmodi casibus prædicta balsama axungia taxi vel vulpis sunt in formam linimenti permiscenda. In magna enim si vsurpentur quantitate, fortiter nimis agerent. Hoc ipsum etiam de balsamo stomachico intellectum volumus, si quis pro inflatione ventriculi torminibus ventris, vel inflatione lienis vti eo voluerit, simili enim modo cum additamento aliquo, vnguento sc. pomato,

axungia galinæ, vel alio appropriato vi-
loris pretij oleū est miscendum.

33. *Trochisci sublinguales ambrati.*

Hi cum ambra preparati trochisci iis potissimum conueniunt, qui fortē, matutino præcipuē tempore propter oris fæto-rem hominum consortium fugiunt; vnus enim horum trochiscorum si in ore dissoluendus teneatur, gratissimum spirat, ipsum etiam cerebrum penetrantem illudque confortantem odorem. Maximē autem hi trochisci vtilēs iis, qui constitutionis sunt frigidioris, de quibus superius sub mixtura diambra dictum fuit.

34. *Trochisci de xyloaloe compositi pro fumo.*

Odoriferi hi colorē nigri trochisci, licet pro fumo principaliter vsurpentur, nihilominus tamen, quia amicabili acidiusculo dulcedine quādam permixto odore interiora penetrant, cor etiam ac cerebrum spiritusque vitales & animales mirē roborant, confortantibus etiam annumerantur. Maximē itaque vtilēs sunt pro fumigandis conclauibus, vestibus capitisque tegumentis.

Vsus.

His trochiscis si quis vti voluerit, non subitō eosdem carbonibus exponat, sed batillo excalefacto vnum vel plures sensim effumandos vt nigra ac sicca non omnimodē ex vsta materia remaneat, superimponat; vel cum aqua rosarum aut fl. arantiorum thuribulo immissi, lentissimoque ignis calore cum aqua euaporatione fragrantissimum simul spirabunt odorem. Pro corroboratione verō cerebri & exsiccandis catarrhis prior modus præualet.

35. *Mixtura dysenterica.*

Hæc in forma electuarij facta humida mixtura appropriatissima est in dysenteria, aluum enim sistit, excoziataq; intestina curat, majorisque est efficaciæ quàm vllum aliud huic morbo resistens remedium.

Dosis.

Exhibetur à ʒj. ad ʒj.

Vsus.

In principio huius morbi, viribus adhuc ægrotorum satis validis, necesse est, vt corpus vel potiuncula aliqua lenitiua de rhabarbato sc. (vt docebitur in appendice huius libri) ab acri has excoitationes & dysentericum fluxum causante materia per aluum liberetur, vel, si maximam humorum noxiorum copiam in ventriculo latitare certis signis explorauerimus, eadem per vomitum, oxyssacharo sc. vomitui vel sale vitrioli ejicienda, in quorum administratione superius traditæ regulæ optimè erunt obseruandæ, quibus præmissis, ægroto de hac mixtura in brodio aliquo analeptico vel alio appropriato liquore, dissoluta, semel vel bis de die bibenda offeratur, continuandusque eius, quàm diu fuerit necessarius, vsus. Si verò per diuturnum fluxum ægroti fuerint prostrata nimium vires, purgatio est intermittenda, & à mixtura initium faciendum. Insuper etiam notandum, hanc mixturam maximè esse vtilem si infra scriptus clyster consolidans simul applicetur.

36. *Crocus chalybis rubificatus.*

Subtilissimus ex chalybe arte chymica præparatus est pulvis, qui ab omnibus

expertissimis chymicis ac medicis pro singulariter specifico contra dysenteriam ac alios sanguinis fluxus celebratur.

Dosis.

Datur ab viij. x. & xv. ʒ habita tamen ratione ægroti & morbi.

Vsus.

Datur cum rob cydoniorum, berberorum, ribium, vel sambucino, vel in defectu horum alio conueniente vehiculo. Deglutiri etiam potest conseruæ rosarum rubrarum permixtus, omniue tempore eius vsus est commodus, hæc tamen obseruata conditione ac lege, vt semper, si fieri potest, materia peccans, (vt de superiori mixtura etiam dictum fuit) prius exterminetur elimineturque.

MYROTHECII.

SECTIO VIII.

De Alexipharmacis.

1. *Alexiterium Regium.*

HOc in forma electuarij approbatissimum alexiterium illis præsertim præseruationis ergo vtile, qui toxica timeant, curationis vero, qui jam dudum eadem hausere vel inscianter diglutiuerunt.

Dosis.

Communissima huius alexiterij dosis est ʒ ʒ, ʒij. vel etiam ʒj. aut plus pro diuersitate ægroti, virium, imminentis periculi & violentiæ toxicæ.

Vfus.

Præſeruatui loco offertur in forma boli ſaccharo cando inuolutum, vel in forma potiunculæ in vino diſſolutum, idque omni lunæ quadra jeſuno ſtomacho, uſumque huius ſequatur exercitium. Ad hauſtum verò venenum exturbandum, antequam per ventriculum ad extima corporis eiſdem malignitas ſerpit, conuenienti vomitorio aliquid huius antidoti permiscendum. Si verò aſſumptum venenum in ventre inferiore ac in teſtiniſ hæreat, applicandus eſt aliquis clyſter in quo parum huius antidoti fuerit dilutum, quo applicito, pro delendis perfectè veneni viribus, ſubito hoc medicamentum in appropriatis vehiculis, habita tamen veneni manifeſtarum, quibus agit, qualitatum ratione, offerendum. Quod ſi verò epotum ante aliquot horas toxicum vires ſuas malignas per vniuerſum corpus exeruiſſet variæque ſymptomata excitafſet, ex tempore ad hoc alexiterium ſecuriſſimum tanquam aſylum, fugiendum, quod tantum iuuabit, quantum alius quiſvis pulvis viperinus vel quævis alia antidotus.

2. *Aqua vitæ Theriacalis.*

Singulare hæc aqua vitæ eſt alexicacum, iis præſertim, qui temperamenti ac conſtitutionis corporis ſunt frigidæ & humidæ tam præſervationis, quàm curationis ergo contra hauſtum venenum vel graſſantem peſtem maximè vile. Quoniam ea ipſa aqua vitæ theriacaliſ ventriculum calefacit & ſtatu ex humoribus frigidis cauſatos diſcutit, ideoque uſus eiſdem in torminibus & doloribus inſimi ventris exinde progenitiſ eſt commodiſſimus.

Dofis.

Robuſtioribus plerunquè datur cochlear vnum vel etiam plura.

Vfus.

Vel bibitur per ſe ſola ſine aliquò vehiculo, vel aliquo ſyrupo appropriato temperata, aut neceſſitatiſ tempore vino diluta aſſumitur.

3. *Oleum Theriacale.*

Theriacale hoc præſino tinctum colore oleum ſingulareſ contra varia venena habet uſus, eoſque tam internos, quàm externos. Præterea propter calefaciendi, reſoluendi, exſiccandi, attenuandi ac roborandi qualitates, quibus præter virtutem alexiteriam præditum eſt, ſimul etiam conducit cephalæ, mentis hebetudini, ſurditati, epilepſiæ, membrorum tremori, ſpafmo, flatibus, cruditatibus & ventriculi imbecillitati, paſſioni colicæ, torminibus ventris, matriciſ doloribus eiſdemque ſuffocationiſ aliſque corporiſ humani à phlegmate ac ventofa materia exortis morbiſ: Tumores inſuper omnes frigidos attenuat, diſſoluitque, contuſa item, contrita ac contorta membra accommodato ſatis tempore uſurpatum, curat. Maxima etiam efficacia frigus ac rigorem febrilem in quartana paroxyſmi prodromum diſcutit ac abſumit. Egregia denique pro exterminandis puerorum aliorumque medicamenta interna ſaſtidiendum vermibus.

Dofis & uſus.

Exhibetur internè contra venenum vino generoſo, hydromeliti vel brodio carniū calido, aut cereuiſiæ, vel ſi corrodens ſit venenum, oleo amygdalorum dul-

cium vel calefacto lacti permixtum à ʒ j. ad ʒ j. vsque pro diuersitate subiecti, reitaturque duabus vel tribus pro necessitatis exigentia & veneni sufficienter facta expulsiōe, vicibus. Quod si verò per externum huius olei vsum toxicatum quempiam curare quispiam voluerit, perungenda hoc ipso sunt ægroti tempora, narium pinnae, pulsus, cordis regio, os stomachi siue fouea illa vbi cernitur cartilago xiphoides, lumbi, præcipuè verò vertebræ dorsī, à ceruice ad os vsque sacrum, repetendaque hæc inunctio prima hora bis aut ter, deinde remittitur paululum ad quintam vel sextam vsque vicem, quoad scilicet causata à veneno symptomata omnimode remiserint, ægrotusque in pristinum sanitatis statum restitutus fuerit. Hac iam recensita ratione ac vtendi modo maximè etiam est conueniens externè inunctum tempore pestis, vbi sc. maxima adest putredo humidaque dominatur interperies. Contra febris quartanæ rigorem vertebræ dorsī solum hoc oleo illinenda, idque dimidiâ ante paroxysmum horâ, factâque illitione ægrotus optimè contegendus, hæcque illitio bis vel ter, non nisi de quarto in quartum die repeti potest. Hoc enim remedio multoties acerrimus cum frigore rigor non solum fuit eneruatus, verum etiam ipsa febris expulsa ac exterminata.

In vermibus eliminandis vnica per diem cartilaginis nasi, oris stomachi & circa vmbilicum facta de mane inunctio sufficit, repetiq; toties potest, quoad præfixum nobis scopum obtinuerimus. In aliis præmemoratis affectibus loca affecta semel vel bis de die ad meliorationem vsque hoc oleo illinenda. Singulariter verò hic notandum contra surditatē tinnitumq; aurium ex prædictis progenita causis absque omni periculo duas tresue huius olei guttulas in aures immitti posse. Tandem in acerbissimis colicis aliisque corporis ac matricis doloribus vsus huius

olei externus non sufficit, sed clyster ex appropriato concinnatus decocto conuenientibusque præparatus oleis, additis huius olei ʒj. iij. vel iijj. drachmis, maximo futurus emolumento est applicandus.

Subticere denique hic nullo modo possum, hoc oleum vnguentis ac emplastris mercurialibus permixtum in cura morbi Gallici pro mouendo sudore ac prouocanda saluatione excellentissimum esse. In præmemoratis morbis vtilissimum est in forma emplastri vsurpatum, cuius consistentiam cera commodissimè subministrabit.

4. *Mixtura contra vermes.*

Hæc mixtura appropriata contra omnis generis vermes in corpore humano est medicina.

Dosis & vsus.

Datur in conuenientibus dissoluta vchiculis pueris à ʒ viij. xij. & pro diuersitate ætatis ʒ j. Viris verò & mulieribus plerumq; ʒ j. vsusque eiusdem pro necessitatis exigentia multoties repeti potest.

5. *Balsamum pestilentielle.*

Balsami huius croceo colore pulcherri-
mè splendentis ac consistentia balsamo vitæ non dissimilis præcipuæ virtutes sunt, putredini & omni veneno indiscriminatum, præcipuè autem astrali ac infectioni pestilentiali, vbi homo ab hac ipsa fuerit inquinatus, specificum tanquam alexiterium pestilentielle potentissimè resistere, malignitatemque expellere, modus verò vtendi hic subsequitur.

Vsus.

Ægër in loco calido optimè contritus assumat balsami huius dosin absente

febre cum vino gēnēroso, prāsente verō eadem cum aceto saccharo dulcorato, quā assumptā sudorem quierus expectet, cui, si sequatur, omni studio, ne tamen vires collabantur, insistendum, finito verō & deterso probē sudore, indusium cum mundo ac segmentis vel baccis juniperinis optimē perfumigato permutandum, ac prō recollectione virium, brodium ali-quod analepticum cum vino vel liquore alio cardiaco alteratum, offerendum, ad reuocandos etiam ac refocillandos spiritus vitales tam inter sudandum, vbi præsertim ægrotus animo incipiet deficere, quā ad finem eodem perducto, salutaris est cum aceto sambucino, rosaceo vel florum tunicæ aut alio forti satius vini aceto, vel simili corroboratiua aqua stillatitia aut balsamo facta narium irroratio. Quibus omnibus ritē administratis, si ex certis signis liquet, malignitatem pestis esse à natura victrice deuictam, nihil aliud ante recuperatam perfectē sanitatem est tentandum, quā vires convenientibus, corroborantibus vel aliis specificis rescitere. Quando verō apparuerit contrarium post sudorem euenisse, malignitatem scilicet maximē infensam cordi nondum fuisse debellatam, reiteranda subitō huius balsami dosis, procedendumque vt suprā, quæ in summo periculo, constantibus etiam adhuc ægroti viribus tertia vice repetenda. Obseruandus interim probē sudor an largus sit vel minus, ne si fortē copiosius debito fluat, vires omnimodē exhaustiantur. Obtenito verō & sic etiam diuina assistente gratia, scopo, procedendum eā, quā dictum superius, viā.

Sciendum præterea, quod si ægrotus proprio naturæ vitio (cuius rei plurima exempla reperiuntur) ad sudorem nullo modo sit procliuius, vel ob internas causas balsamum nostrum per sudorem vires suas exerere nequeat, multis tegumentis ægrotum sollicitandum non esse, sed alios ex hoc ipso fructus expectan-

dos; Potest enim euenire, vt vomitum excitet vel alium moueat aut vrinam pellat, per insensibilem item transpirationem operetur, vel vt vulnerarium aliquod pestilentielle peccantem materiam per destinata emunctoria à centro ad circumferentiam eliminat, hacque ratione nihilominus prædictam malignitatem tanto cum commodo ac alibi, vbi sudorem mouet, aggrediat, præfixoque scopo omni modo excellentissimē satisfaciat.

Non solum autē (quod probē notandum) balsami huius ad pestem vsus conueniens est internus, verum etiam externus; si enim eiusdem zj. misceatur cum ol. nuc. mosch. express. ʒ ss. additoque aceti fortissimi cochleari dimidio in formam vnguenti redigatur, hocque cartilago nasi, tempora, cordis & ventriculi regio illinantur, tantarum profectū est virium, vt aliud quoduis in peste externē conueniens medicamentum, cuius rei quotidiana experientia infallibilis testis est. Hoc itaque modo in omnibus aliis affectibus ac symptomatibus malignis vti eo fruique licet.

Dosis.

Dantur in junioribus ac naturā debilibus guttæ iv. vj. vel x. in robustioribus xv. & xx. pro necessitatis disparitate.

Cautio.

Circa vsum huius medicamenti sententia singulariter sunt notanda.

Primum, si ægrotus siue pestilentia infectus febre laboret extremē acuta, sanguis vehementissimē ebulliat, extrema adsint cum perpetuis insomniis, inquietudine ac sui deliria, maxima etiam caliditas ac siccitas per vniuersum corpus appareat, ex tempore eidem venam esse secandam, dein convenientibus iulapiis

ac potionibus, quæ sine caliditate putredini ac malignitati resistent, calorem p. n. esse alterandum, cui scopo non inconueniens est dosis mixtura dianepenthes vel aliqua emulsio refrigerans in qua parum laudani fuit dissolutum, interim verò ab huius balsami vsu cessandum; vel si necessitas aliquod sudoriferum necessario requirat, in eius locum commodè diaphoreticum pretiosum substitui commodè potest.

Similiter etiam, si fortè infectus intolerabili non ab ebullitione sanguinis, sed à flaua bile & crassorum humorum putredine circa præcordia progenito calore febrili, quod in plurimis peste inquinatis videre sæpiusculè licet, miserrimè excrucietur, is pro euacuandis huiusmodi impuritatibus oxysaccharo vel vomitorio benedicto primum & principaliter ante omnia est tentandus, de hinc alterantibus muniendus, & si tunc huius balsami vsus fuerit visus necessarius, maximo cum emolumento autò hoc ipso vti licet.

Præterea, vbi natura per aliquot nunc dies à morbo defatigata, penitus fermè videatur jam deuicta ac prostrata, balsami vsus interne intermitendus, huiusque loco rescipientibus ac confortantibus, quantum possibile, ægroto succurrendum; Infantibus etiam ac prægnantibus minimè tuta hoc balsamum est medicina.

Tandem denique si ad ignobiliora corporis loca natura bubones protrudat pestilentialia, chirurgica in hiscerequiritur curatio.

MYROTHECII

SECTIO IX.

De Externis ac chirurgicis medicaminibus.

1. *Aqua arthritica.*

Pellucidi, fragrantissimi, penetratiui, balsamici & spirituiosi huius liquoris præcipuus vsus est in artubus siue membris externis ex catarrho frigido vel dolentibus vel stupore affectis: Valet is idem etiam contra chiragram, gonagram, ischiadem, & podagram ex prædicta causa exortis. Si enim bis vel ter pro necessitatis exigentia locus affectus plumâ aliquâ vel spongiolâ hoc ipso liquore imbuta tangatur siue madescat, ipsam cutem subito penetrat, calefacit ac concoquit peccantem materiam, eandemque exterminare annitur, doloremque sopit. Simili etiam ratione vsurpatum contusis externis corporis partibus subuenit, resistendo scilicet in principio grumescenti sanguini, vel si grumofus fuerit factus, eundem dissoluendo, læsumque membrum roborando & in pristinum statum vt redeat, coadjuuando. Tandem præstantissimum est medicamen contra gangranam ac externorum membrorum sphacelum, si enim E. G. eius ʒß. cum mellis deputati ʒvj. & tot Spiritus Vitrioli in vase vitreato absque igne fuerit commixta, hac vero mixtura filamenti inebriatis, emortua caro, applicitis tamen circumcirca defensiuis, contegatur, carnem emortuam à sana ac viuida separat, neue latius malum serpat, summo opere præcauet, fundamentumque felicitis curationis post se relinquit. Hoc vero omne intellectum volumus de huiusmodi mortificatione

ac gangrana, quæ nondum ad ossa vſque penetravit neruiſque ſenſum ademit, vel calorem naturalem in affecta parte extinxit, in contrario enim caſu nulla ſpes amplius in medicamentis eſt reliqua, ſed membrum, ferro reſcindendum.

De modo hunc liquorem conſeruandi, ſcito, quia nimis eſt ſubtilis, ideoque in loco frigido optime operculo munitum ne euaneſcat, quod in calido facile contingere poteſt, ad uſum eſſe aſſeruandum.

2. *Aqua odontalgica.*

Hæc peculiaris eſt aqua pro mundificandis & dealbandis dentibus, abſumenda gingiuarum putredine, flaccidis dentibus confirmandis ac roborandis, relaxatis gingiuis exſiccandis aſtringendiſque.

Uſus.

Modus vtendi alius nullus eſt, quam vt omni mane jeiuno ſtomacho linteolis in hac aqua madefactis dentes tangerentur, deinde ſaluia, roſæ ſylueſtris vel fontana abluantur.

3. *Emplaſtrum martiale.*

Hoc emplaſtrum ſpadiceum in omnibus contuſionibus, diſlocationibusque membrorum eſt præſtantiſſimum, ſingulare item in maximis oſſium fracturis, enterocæle, pneumatocele aliisſque affectibus, qui aſtringens, corroborans vt & perfectè conſolidans, requirunt mediocris temperaturæ emplaſtrum.

4. *Emplaſtrum ſaturinum.*

Excellentiſſimi huius emplaſtri laudatiſſimæ virtutes hæ ſunt. Recentia pri-

mum vulnera virtutè ſua balsamicâ ſanat, contuſiones carnis ac colluſiones vnde ſanguis grumofus, diſſoluit, aſſluentemque ad affectam partem humorem, inhibet. In curando herpete ſerpiginoso ac exedente non inuenitur ei par medicamentum; præmiſſis namque, vt decet, vniuerſalibus, idonea ſcilicet purgatione ac ſudore, obſeruataque conuenienter dicta, hoc emplaſtrum tunc demum ſuperimpoſitum admirandos edit effectus, quos diuerſi Medici, quibus eiſdem deſcriptionem amicè communicauî, experientia teſte ſummè extulerunt. Pro curandis præterea vlceribus manantibus ac cancroſis, doloribusque exinde progenitis ſingulare eſt. Ad ambuſta, reliqua omnia emplaſtra longè antecellit, ſcirrhoſoque cum intemperie præcipuè calida, hepatis ac lienis conjunctos tumores potentiſſimè diſſoluit, diſcutit ac abſumit.

5. *Mixtura vulneraria.*

Hæc in forma ſubtilis alicuius electuarij præparata mixtura apprimè iis eſt utilis, qui à caſu vel aliunde etiam aliquam internarum partium læſionem ſenſerint, non minus etiam in variis altè ac profundè penetrantibus vulneribus ſiue recentia ea ſint, ſiue ſecus. Omnes ſiquidem tumores hæc mixtura diſcutit, dolores ſedat, grumos ſanguinis diſſoluit, putredinem inhibet, affectum locum mundificat, & loca confracta vel concifa ad ſanationem promouet.

Dosîs & Uſus.

Exhibetur huius mixturæ pro diuerſitate ſubjecti ac vulneris ð j. diſſoluitur vero in brodio carniū calido, vino, vel alio conueniente ac appropriato liquore, uſque eiſdem bis de die ad perfectam uſque ſanationem, vt aliis etiam potionibus vulnerariis vtî ſolemus, repetitur.

6. *Oleum anodynum.*

Huius odoriferi ac temperatissimi olei anodyni utilitates sunt sequentes. Præstantissimum est contra erysipelas, incendium hepatis ac renum nimium, à sanguine vel flava bile progenitam pleuritidem, omnes inflammationes quas mirè demulcet, omnesque exinde vel aliunde à falsis acribusque catharris oriundos dolores mitigat, lenit ac sedat, cunctos etiam tumores calidos, præsertim vero bubones tam in viris quam sæminis, si sint resolubiles, emollit ac resoluit, qui vero resolui nequeunt, sunt autem suppurationi proximi, hoc ipsos maturat. Clysteribus additum exortos à materia calida ac acri ventris dolores mirè placat, acerbos etiam capitis dolores in febribus acutis impedit, somnumque maxime necessarium conciliat. Tandem denique utile etiam est ad omnis generis ambusta, præcipuè verò à pulvere pyrofacta, si modò non sint denudata ossa, quæ olea vel quasvis alias pinguedines non patiuntur.

Ufus.

Ad inunctiones utimur èo vel solo vel commixto cum mucilagine radicis althææ cum aqua rosarum vel florum sambuci extracta, in formam linimenti redacta, præsertim verò singulare est in affectibus pectoris ac notharum costarum aliorumque locorum, ubi emollienda ac relaxanda est cutis, materiaque digerenda vel ad maturationem ac exonerationem promouenda.

Si eodem, ut non solum qualitatibus suis profundius penetret, verum etiam simul corroboret & defensiui loco humorum affluxum impediat, uti nobis placet, addendum semper est acetum. In maximis cancri exulcerati aliorumque ma-

lignorum ulcerum doloribus, extrahatur mucilago è seminibus cydoniorum cum decocto spongiolarum sambuci siue auriculæ Iudæ in aqua plantaginis facta, quæ cum hoc oleo in formam linimenti misceatur, quod singularis esse efficacie in hisce affectibus cunctisque ambustionibus semper fuit repertum. Aliam assumere potest formam, pro necessitatis ac affectus indigentia.

7. *Oleum aureum.*

Pulcherrimum hoc è vitellis ouorum adjunctis aliis ingredientibus præparatum oleum aureum, efficacissime abstergit, mundificat, emollit ac potentissime sanat. Inprimis autem vitillissimum est pro læuiganda cutis asperitate, itemque manuum, labrorum, oris ac faciei à frigore productis fissuris consolidandis, huiusce etiam falguginosis pustulis extirpandis. Singulariter autem prodesse scissuris papillarum in mammis consolidandis, experientia docuit. Vulnera etiam recentia ut aliud balsamum vulnerarium sanat, in puncturis verò nervorum melius hoc ipso nullum ferè habetur: Tumores artuum flatulentos discutit, tumorem condylomatum abigit, ac exinde excitatum dolorem mitigat, aliisque scopis chirurgicis esse utile potest pluribus, quos breuitatis studiosus, omnes ac singulos his enarrare nimis iudico futurum tardiosum.

Ufus.

Tepide èo, ut aliis etiam oleis ac vnguentis, locus affectus inungitur, atque toties, quoties necessitatis casus requisiuerit.

8. *Oleum balsamicum.*

Oleum hoc balsamicum ac vulnerarium nullam habet acrimoniam aut excessiue alterantem calorem, sed ratione

suarum qualitatū ac operationum temperatissimum est ac maximè moderatum. Salutare ideoque in omnibus carnis vulneribus, siue punctim, siue casim factis, quæ balsamicâ suâ virtute breuissimo temporis spatio absque vlla suppuratione perfectissimè sanat. Horum etiam ac punctorum neruorum periculosos dolores dum egregiè sedat, grauissimis exinde quæ causari possent symptomatibus, resistit.

Vsus.

Infunditur vulneribus calidiusculum, ipsumque vulnus eo ipso circumcirca inungitur, si vero vulnera sint lata ac profunda, tunc emplastro nigro necessariò contegenda vulnerum labra dehiscentia arte chirurgica consulenda, quorum in medio seruandum aliquod foraminulum pro infusione olei ad perfectam vsque sanationem.

9. *Pulvis Ophthalmicus.*

Expertissimus hic pulvis ophthalmicus refrigerat, siccatur, moderatissime detergit ac mundificat, & mediocriter præter astringendo roborat, utilis præcipue calidis oculorum affectibus, si exinde vel lachrymas fundant vel sanguinei appareant, lentum item illum album crassumque nonnunquam tunicæ corneæ adherentem, pupillam contegentem visumque obscurantem humorem efficacissime remouet. Hoc enim vnico ac solo vili licet ac exiguo medicamine plurimi hominum ab hoc & similibus vitiis redditi sunt liberi ac immunes, pristinusque visus illis restitutus.

Vsus.

Inditur parum huius pulueris vel solum in oculos affectos mane & vespere, vel fit ex eo & aqua rosarum, album collyrium, vsurpaturque vt alia etiam medicamenta ophthalmica, quoties necessitas eiusdem vsum exegerit. Sciendum autem, quod si patiens fuerit plethoricus, in principio morbi ei venam esse secandam, copiosissimeque sanguinem emittendum, fugienda omnia calida & acria, vinum præcipue vt & aromata; è contra vero iis qui pterygio, cuius supra mentio, laborant, vel qui acerbissimis excruciantur à falso phlegmate pronatis doloribus, conuenientibus purgantibus materia peccans educenda.

10. *Sapo medicamentoſus.*

Sapo hic fragrantissimus omnibus in affectibus artuum celebratur, in quibus præmemorata aqua celebratur balsamica, vtendi autem modus est sequens.

Vsus.

℞. E. G. Huius saponis in subtilissimas partes concisi \bar{z} β . liquefiat lento ignis calore in aquæ lauendulæ \bar{z} ij. semotis ab igne & refrigeratis additur ac commiscetur \bar{z} j. spir. Vitrioli, quibus omnibus in formam linimenti reductis loca affecta inunguntur. Quoniam etiam humiditates cerebri superfluas eximiè exsiccat, caput etiam & neruosum genus mire confortat, ideoque summe etiam vilis in frigida nimium ac humida cerebri constitutione, catarrhorum haud sterili matre.

APPENDIX MYROTHECII,

IN QVA VTILES

VARIORVM MEDICAMENTORVM,

utpote

*STRVPORVM ; MEL LV M , POTIONVM ,
julapiorum , emulsionum , perlarum , brodiorum analepticorum , ene-
maturum , oris collutionum ac gargarismorum , potionum cathartica-
rum , epithematum , cataplasmatum , fomentationum , sacculorum
medicinalibus herbis repletorum , oleorum , unguentorum aliorumque
euporistorum , pro curandis variis morbis , preparationes , vsum vir-
tutesque ac quantitates eorundem , clarissime edocentur , & demon-
strantur ,*

Et ita quidem ,

VT QVILIBET PATER AC MATER FAMILIAS AD
priuatum vsum preparare eadem non solum facilimo negotio
possint , verum etiam in absentia medici cuilibet morbo
in necessitatis casu conuenientia applicare
medicamenta exquisitè sciant.

SYRVPIS AC MELLIBVS

I. *Syrupus de succo berberorum, itemque syrupus ribium.*

Berberibus optimè maturis ac mundificatis expressus succus per quatrimum in vitro donec deposuerit fæces clarusque euaserit, relinquitur. Huius expressi ac optimè depurati succi sumuntur lb iij. induntur cum sacchari finissimi lb ij. in catinum figulinum optimè vitriatum, vel stannum, aut quod longè melius, in vitream vel porcellanam Indorum patinam, hæc patina superimposita olla ad dimidium aqua repleta, vices operculi obeat, quâ cooperitâ, leuissimo carbonum igne calefieri aqua absque tamen ebullitione ita debet, vsque dum calore aquæ succi humiditate sensim ac sensim absumpta, syrupus crassior factus frigori in cochleari expositus, lentus satis appareat, & consistentiam mellis clarificati acquisuerit, qui in vitro optimè munito in loco frigido, vt alij omnes etiam syrupi ad vsum asseruandus.

Hic autem probe obseruandum, durante euaporatione, interdum succum, quò facilius illius humiditas exhalare possit, iustamque acquirat consistentiam, ligneâ spatulâ sæpiusculè esse circumagitandum ac à lateribus patinæ separandum: Præterea, si forte aqua in olla euaporatione euauerit, patina eleuata aliam in sufficiente quantitate esse affundendam.

Hic syrupus refrigerat, attenuat & peculiari præditus est facultate astringente: bilis æstum ac ebullitionem delet, febribus item variis, affectibusque aliis ex bilis putredine, fermentatione, acribusque calidis vaporibus exortis, singulare est remedium, ægrotorum sitim potentissime compefcit, ventriculi etiam nauseam aufert eundemque confortat, salutaris præcipuè biliolis ventris vel aliunde ab æstuantibus humoribus progenitis profluuiis.

Syrupi ribium præparatio cum modo recensita, in omnibusque primariis virtutibus cum eodem ipso conuenit.

2. *Syrupus acetositis citri:*

Malorum citri q. s. exemptâ pulpâ à cortice exteriori, amoueatur illa tunica alba eandem succingens spatulâ vel ligneâ vel aliquo cultello, deinde etiam semina eorundem ad remanentiam solius pulpæ eximantur, quæ ad sufficientem indigentiam in vitrea patella colligatur. Dehinc manibus mundatis prædictæ pulpæ conuassatæ ac compressæ libris duabus superfundatur lb ß. aquæ puræ fontanæ (quæ aquæ superfusio ad extractionem acidæ substantiæ egregiè prodest, viscositatem pulpæ attenuat, succoque claritatem conciliat) quibus simul mixtis per lanceum pannum nullo tetro odore inquinatum, in vitrum sensim succus exprimat, ibidemque tam diu quoad fæces resederint, relinquitur, segregatisque ita fœcibus, per subtile

linteum percoletur, librisque quinque expressi ac percolati succi adduntur libræ duæ & semis optimi sacchari, & fiat prædicto modo exinde syrupus, candidus satis, clarus & acidiusculus. In defectu verò legitimorum malorum citriorum substitui possunt limonia. Syrupus hic refrigerat, incidit, attenuat, aperit, mundificat, urinamque pellit, sitim sedat, febriumque æstum compescit ac contemperat, cor cæterasque intemperie calida debilitatas partes roborat ac ut alia omnia solent acida, putredini potentissimè resistit ac repugnat, singulari sua proprietate veneno aduersatur, pestilentialibus item febribus ac contagioso aëri, ac denique nephriticis vtilissima est medicina.

3. *Syrupus Acetosus.*

℞. Sacchari finissimi puluerisati ℥j. dissoluatur in ℔ ss. aq. ros. fragrantissimæ, coquatur in lebetæ ad consistentiam crassioris syrupi, ut spatulâ eleuatus, tenacissimè adhæreat, nec faciliè decidat, cui ab igne remoto ac in patellam vitream effuso, superfundantur acetii vini optimi & clari ꝑ xij. ac ligneo cochleari optime donec refrixerint, misceantur. Hoc modo præparatus vltiori coctione ac euaporatione non indiget, nec situm contrahit, sed sapore est gratissimus.

Hic syrupus humorum crassitiem incidit ac attenuat, membrorum principalium internorum obstructions aperit viasque mundificat, qualitaturn verò suarum ratione valde ut acetum, penetrat, ideoque subtili sua ac penetratiua substantia omnes alios acidos vegetabilium syropos vincit. Ad aphthas etiam ac repleto à tenaci phlegmate pectori vel infarctæ eodem asperæ arteriæ singulariter est vtilis, hoc namque incidit, tenuat, abstergit & ad expectorationem promo-

uet, efferuescentia insuper bilis flauæ resistit, sitim restinguit, urinam ciet & interdum sudorem promouet, malignitatemque malignarum febrium ac pestilentis contagij frangit.

4. *Syrupus de Rubo idæo.*

℞. Succi baccarum rubi idæi quantum placet, calefiat ac ad ebullitionem fermè efferuescat, & per vnum aut alterum diem in vitro purissimo, quo ad mucilaginosam suam substantiam deposuerit, asseruetur, dehinc percolati ℔ liij. adde sacchari optimi ℔ j. procedaturque vltius, ut supra de berberorum syrupo dictum fuit.

Refrigerat & humectat, sitim restinguit, maximeque auxiliatur febribus acutis ac malignis laborantibus, vires enim paroxysmi infringit, cor roborat & à syncope ac lipothymia præseruat, opitulatur etiam dysenterici aliisque alui calidis acribusque profluuiis, imbecillitati etiam prægnantium illarumque terrori insigniter est vtilis ac proficiuus.

5. *Syrupus de baccis sambuci.*

Ex expresso baccarum sambuci succo simili labore ut præcedentes hic syrupus præparatur.

Vsûs huius singularis est ad aphthas, relaxationem ac casum vulvæ, à calidis catarrhis exorta vitia, calido item hepatis aliorumque viscerum tumori est proficiuus, comprobatissimus insuper repertus est in diarrhœa, dysenteria aliisque alui fluxibus, tandemque denique aquæ ss. sambuci permixtus egregiè sudorem mouendo erysipelati prodest.

Syrupus de papauere albo excellentissimus
Diocodij violati nomine à
me insignitus.

℞. Caput papau. alb. recto ac conueniente collectorum tempore, nec nimis humidorum, nec nimis aridorum sed viribus adhuc integrorum & à caule exemptis seminibus separatorum minutissimeque concisorum ꝑ ij. rad. liquiritiæ à cortice prius exteriori liberatæ ac in minutissimas talleolas dissectæ ꝑ ij. Hæc duo macerentur per noctem in aquæ fontanæ lb iij. siue mensura j. deinde coquantur ad consumptionem siue euaporationem dimidiæ partis, reliqua verò pars siue remanentia fortissime factâ expressione per pannum trajecta cum lb j. violarum purpurearum à stipitibus liberatarum mittatur in cantharo stanneo sigillo hermetico optimè, ne quid exhalet, obferato in diplomate coquantur dein, simul per integram horam, ac ab igne remota ubi refrixerint, expressio violarum succo addantur quinque quadræ sacchari finissimi, fiat lentissimo igne coctio ad consistentiam mellis, hæc ita peracta ut decet coctione, fiat L. A. cum aqua rosarum fragrantissimæ lb j. medicâ ex sem. papaueris albi emulsio, quæ cum modo dicta in consistentiam mellis percocta substantia permixta lentissimo carbonum igni, cauendo tamen ne ebulliat, exponatur, & cochleari ligneo, quoad syrupi acquisiuerit consistentiam optimè circumagitur, quem deinde syrupum in vitro optimè obturato ad usum referua.

Syrupus hic peregrinus est in absu-
 mendis calidis, tenuibus ac acerbis à ca-
 pite ad pectus deciduis, gutturis asperita-
 tem, vocis raucedinem, tussim, inquietu-
 dinesque nocturnas causantibus deslu-
 xionibus; non verò solum in affectibus
 thoracis, sed etiam pro mitigandis ac le-

niendis ab acri ac calida materia intesti-
 norum, colli vesicæ aliarumque corporis
 partium dependentibus læsionibus ac
 excoriationibus, exindeque progenitis
 doloribus, æstu ac siti leniendis in ex-
 hæstæ est bonitatis nostrum hoc Diacodion
 violatum, quod multijugorum medica-
 mentorum huic scopo conuenientium
 locum supplere maximo cum successe
 potest.

7. Syrupus cydoniorum.

℞. Succi cydoniorum optimè depura-
 ti ac ut supra de succo citri dictum clarifi-
 cati lb iij. sacchari optimi lb ij. coque
 in syrupum per vaporem balnei, ut de sy-
 rupo de berberibus diximus.

Calidam ventriculum ut & hepar alias-
 que nutritioni dicatas partes refrigerat
 corroboraque, à bile vel alia quauis cali-
 da materia exortam nauseam stomachiue
 fastidium tollit, appetitum excitat, cibo-
 rumque concoctionem adiuuat, saluta-
 ris item in lenteria, diarrhœa, dysente-
 ria, fluxu hepatico, calidis etiam acerbis
 ac biliosis; item in aliis etiam corporis
 ægritudinibus syrupus hic maximopere
 celebratur.

8. Syrupus rosarum laxatiuus.

℞. Ros. pallidar. recent. lb ij. in can-
 tharo stanneo superfusus aq. ros. lb ij. in
 ahenum aqua calida plenum immisso ac
 optimè coopercolato macerentur per ho-
 ram integram, exemptus cætharus in aqua
 frigida refrigerat, expressus deinde le-
 uissimè succus cum rosarum recentium
 pondere, ut prius in cantharum immitta-
 tur, laborque ut supra ad nouenam usque
 repetatur vicem. Tandem denique succo
 hoc, qui multum præponderabit aquam
 rosarum coloreque fuluo erit ac odore
 fragrantissimo, phiala vitrea strictioris
 colli ad transversum digitum ab orificio
 repleatur

repleatur superimmissio desuper ad eminentiam digiti modico olei amygd. d. vel olivarum, papyro cum tenuissimis foraminulis acu factis contexta calori solis aliquatenus tantum exponatur, ibique donec succus, vel ut Medici dicunt, infusum clarescat, relinquitur. Separato deinde bombace vel spongiola aliqua ab infusione oleo, clarum super pateram effundatur, singulisque succi libris totidem sacchari additis, coquatur in syrupum.

Qualitates huius syrupi sunt temperatae, detergit, purificat omnesque calidas adustaque materias, praesertim vero serum citrinum ex ventriculo, hepatis cavitatem, aliisque ventris inferioris locis leniter satis educit ac exterminat. Ideoque ab omnibus experientissimis Medicis non solum in acris ardentibus malignisque pestilentialibus febribus, verum in aliis etiam calidis affectibus, principaliumque membrorum inflammationibus, ubi necessitatis casus lenientia, humectantia ac laxantia requirit, calidiora vero ac electivè purgantia sunt vitanda, maximopere celebratur. Fragrantissimum etiam propter suum odorem singulari proprietate quasi corroborat ac confortat, usqueque eius infantulis, praegnantibus ac delicatulis tuto satis concedi potest.

Infantulis dantur ꝑ ij. adultioribus vero ab ꝑ ß. ad ꝑ iij. usque.

9. Syrupus acetosella.

ꝑ. Succo acetosellæ ꝑ liij. addito albugine oui in vase sicili vitreato ad separationem spumæ coquantur, deinde per manicam Hippocratis, ut auri instar succus splendeat, trajicitur ac percolatur, qui in syrupi formam, ut superius dictum addita sacchari finissimi ꝑ ij. coquatur.

Virtutes ac qualitates cum syrupi citriorum correspondent.

Ang. Salæ.

10. Syrupus violarum.

ꝑ. viol. purpur. ꝑ j. aq. puræ fontan. ꝑ ij. cantharo stanno infusum indita in lebetem aquæ feruentissimæ imponantur, succo expresso alia violarum recentium libra additur, tertioque hæc additio repetitur, denique, ubi in vase vitreato infusum hoc, absque tamen ebullitione fuerit calefactum, ab igne remotum refrigerat, per columque traiecto addantur sacchari optimi ꝑ iij. coquantur in syrupum. Hoc modo preparatus colore apparebit summè violaceo, per integrum annum durabili.

Hic syrupus refrigerat, humectat, oblinat ac modicè detergit. Appropriatissima est medicina in acris & salsis defluxionibus, thoracis ac aliarum partium affectibus, quibus utilis celebratur syrupus papaveris albi siue diacodium nostrum violatum, humoris melancholici fermentationi resistit ac ad expulsionem commodiorem preparat, symptomata atris vaporibus dependentia mitigat, mirè in super in omnibus febribus, præcipue autem acutis, ægrotos reficit, sitim extinguit, deperditum per nimium calidorum vaporum ascensum, somnum reuocat, & gratissimo suo sapore corroborat ac reficit. Si infusiones reiterantur, non minorem habet in laxando ac expurgando energiam, quam præmemoratus syrupus rosarum laxatiuus.

Quod vero hosce syrupos non per coctionem veterum pharmacopœorum more, sed per euaporationem præparandos esse censeam, factum id ideo, ne empyreuma redoleant, humectantem verò ac refrigerantem suam qualitatem, ut & succorum saporem firmius è contra retineant: Secundò, quòd pro illorum præparatione vitrea vasa vel figulina vitreata, non vero cuprea vsurpem, eo ipso tetrū vaporem, ac nociuas qualitates, quas hu-

jusmodi præcipue verò acidiusculi syrupi ex talibus instrumentis contrahunt, euito. Ac licet hi syrupi absque coctione, facta sola euaporatione ad justam sint perducti consistentiam, æquè tamen sunt durabiles ac alij per coctionem præparati syrupi. Imò, si pharmacopola quispiam manus suas à laboribus non seduceret, sed aliquot fornacibus aut cum balneo mariæ vel balneo vaporoso arenæ suam officinam muniret, facillimo labore ac exiguis sumptibus, ratione sc. ignis, in ea, quâ indiget pro sua officina quantitate syropos hosce præparare posset.

11. *Mel betæ.*

℞. Succî betæ albæ expressi lb viiij. mellis optimi lb iij. coquantur ac clarificentur in consistentiam syrupi.

Maximum hoc mel in clysteribus detergentibus ac purgantibus, vt paulò pòst prolixius edocebimus, vsum habet.

12. *Mel rosatum.*

℞. Ros. pallid. lb iij. mittantur in cantharum stanneum qui superfusus aquæ feruentissimæ tribus libris optimè cooperiatur, stent ita in maceratione, donec refrixerint, expressus deinde succus cum mellis aquâ fontanâ prius clarificati lb iij. in formam syrupi, vt superius edoctum, redigitur. Hoc mel rosatum abstergit, purificat, & aliquo modo laxat, præcipuus autem eius vsum est in gargarismis, mundificandis fordibus vlceribus, pro concinnandis suppositoriis & clysteribus laxantibus.

13. *Mel de baccis juniperi.*

℞. Granorum siue baccarum juniperi q. pl. contuse in aheno stanno artificiosissimè obducto cum aqua fontana purissima tam diu, quoad virtus earun-

dem fuerit extracta, coquantur, succus deinde expressus per aliquot dies donec purum ab impuro fuerit separatum, quietus asseruetur, segregatum deinceps in prædicto aheno vel vase figulino vitreato lenissimo igne ad consistentiam mellis eidem etiam non multum ratione dulcedinis dissimile, coquatur.

Mel hoc juniperinum calefacit, concoquit, abstergit, discutit singularique contra venena qualitate pollet. Præcipue autem salutare est in asthma, tussi, orthopnœa ex phlegmate tenui causatis, huiusmodi enim materiam concoquit & ad expectorationem promouet, catarrhos exsiccat, caput confortat, vertigini resistit, flatus discutit, à frigida tenacique mucilagine renibus ac vesicæ impacta liberat, stranguriæque medetur, tempore pestis denique pauperibus æquè ac theriacæ salutaris eiusdem celebratur vsus.

In prædictis pectoris vitiiis assumitur quantitate cultri cupidis vel solum, vel melli clarificato aut saccharo in forma syrupi crassiusculi permixtum, cuius cochleare integrum pro vna dosi sufficit. Contra flatus ac ad abstergendos renes cum vino exhibetur vel brodio carniū. Tempore verò pestis horis matutinis præseruationis E. quantitas nucis avellanæ sufficit, infectus verò duplo vel triplo dosin promouendo sudore adaugeat, repetique huius euporisti vsus pro necessitatis exigentia pro lubitu potest.

14. *Mel passularum.*

℞. Passularum corinthiacarum lb iij. macerentur in aqua feruentissima superfusa per integram noctem, manè per setaceum, vt cuticula & arilli in eo relinquuntur, trajiciantur, colatura in aquæ fontanæ quartariis tribus dissoluitur, conuasato vno vel altero oui albumine addito, donec in summitate spuma appareat, in aheno stanno obducto coquatur, deinde

per cribrum è fetis subtilissimè factum infusum percoletur, cuius color auri instar splendeat, facta ita colaturâ ac per eribatione, infusum in patera, vt supra de syrupis dictum fac ad consistentiam pulcherrimi mellis euaporet.

Egregium est in affectibus thoracis, asperitate sc. faucium, raucedine & tussi à serosis calidisque progenitis catarrhis, œsophagum humectat ac illinit sitimque restinguit. Tandem denique lenit, laxat & emollit ventrem, aluumque lubricam reddit.

Quod vero duas has substantias quas alibi essentias voco, hoc in loco melibus annumerem, hoc non facio solum propter earundem, quibus prædictæ sunt, melleam dulcedinem ac consistentiam, verum etiam propter ordinem horum medicaminum, cum & hæc ipsa à pluribus mella vocitentur. Alias in & per se ipsa, vnum æquè vt alterum manet essentia sui principalis à quo fuit desumptum.

SECTIO II.

De potionibus corroborantibus, refrigerantibus, sitim extinguentibus, iulapiis, brodiis analepticiis, collutionibus item oris ac gargarismis.

IN omnibus ægreditudinibus corporis humani, quæ calorem p. n. ac intollerabilem causare solent sitim, præter purgantia medicamenta materiam peccantem, vnde tot symptomata, eliminantia, conuenientes etiam potiunculæ, calorem huiusmodi ac æstum instingentes, sitim restinguentes, humidumque radicale ab exsiccatione quantum possibile, præseruantes, partesque principales ab vltiore inflammatione munientes, necessario in usum ducendæ.

In febribus ardentissimis ac acutissimis, non tamen malignis, sed à bile flaua exortis, omnium optime censetur refrigerare ac humectare aquæ purissimæ, dulcis frigida fontana potio, quæ à Medicis pro affectuum, corporis constitutionum, temporis anni aliarumque circumstantiarum diuersitate, bibenda permittitur. Ast cum vbique locorum talis aquarum electio non datur, nec omni tempore vsus earundem sit commodus, verendi vero ex continua harum potatione ventris flatus, debilitatio ventriculi, aliaque sunt timenda mala, alia ideoque ingrediendum fuit via, taliaque medicamenta, quæ cruditatem aquarum ac nimiam earundem frigiditatem corrigere, sitimque extinguere possent, excogitanda fuere ac inuenienda.

1. Aqua fontana cum spiritu vitrioli.

R. ℞ xx. aquæ fontanæ purissimæ, adde spiritus Vitrioli gutt. x. vel xx. &, vt spiritus optime cum aqua permisceatur, sapiusculè transfuassentur, vbi vero non fuerit sufficienter facta acida, plus spiritus Vitrioli addendum, similiterque vt supra procedendum.

Hæc aqua dicto modo correctæ utilis est in prædictis febribus, non tamen, vt aqua simplex, noxia ventriculo & hepatis. spiritus enim vitrioli membra hæc corroborat ac confortat.

2. Hydrerosatum.

R. Caput rosarum exsiccatorum ac subtilissimè concisorum ℞ ij. coquantur in ℥ j. aquæ fontanæ limpida, cui si satis fuerit tincta ac in vitrum percolata, affundantur spiritus vitrioli gutt. xx. facta modicè circumagitatione, de-

X x x x ij

coctum vel aqua hæc colore apparebit saturato rubescente, cui affundi possunt ℞ iij. aquæ purissimæ & ad gratiam augeri spiritus vitrioli quantitas debet.

Hæc aqua colore simillima rosæ pallidis, egregiè sitim sedat, & ut superior, ventriculum ac hepar non facile offendet.

3. *Oxyratum.*

In Italia aliisque regionibus calidis, villioris conditionis homines, quibus spiritus vitrioli res est ignota ac incognita, aquæ fontanæ tantum permiscunt aceti vini, quantum pro grata aciditate sufficit, qua potione non solum tempore æstivo, verum etiam in febribus acutis ac ardentibus, pro restringenda siti summo cum fructu utuntur, quod potionis genus in defectu aliarum aquarum non contemnendum est inuentum. Quicumque verò prædictis fuerit munitus syrupis acidiusculis, ille iisdem loco aceti aquam pro lubitu corrigere ac alterare poterit, ratione enim sacchari quod syruporum compositionem ingreditur, nimiumque succorum acorem mitigat ac temperat, ægotis huiusmodi potinculæ plurimum, præ aliis, arri-
dent.

4. *Hydrofaccharum clarificatum.*

Sacchari candi dissolvitur in aqua limpidissima fontana tantum, quantum pro grata dulcedine sufficit.

Hæc aqua non minus quam aliæ sitim sedat, acresque in corpore humano humores attemperat; acrimoniam enim eorundem mitigat, ac interdum eosdem per secessum exturbat, cuius rei plurima sunt obuia exempla. Item etiam vires ægrorum reficit, utilissimaque iis, qui constitutionis sunt melancholicæ, macilentæ ac delicatuli.

Hic autem probè veniit notandum, quod, ob prædicta incommoda, quæ ex usu aquæ fontanæ ita crudæ provenire solent, decoctum aliquod hordei vel panis subsequente modo præparatum, sit usurpandum, cui syrupi vel spiritus Vitrioli, ut superius fuit dictum admisceri commodè possunt.

5. *Decoctum panis.*

℞. Panis triticeus non recentis in minutissima frustula disfracti ℥j. coquatur lentissimo igne in vase fictili vitreato, cum tanta aquæ quantitate, ut post coctionem mensura vna remaneat, coctioni verò tandiu insistendum, quoad aqua appareat colore similis fero lactis, quam filtratam referua ad usum optimè refrigeratam ac clarificatam. Aqua hæc vel sola bibi potest, vel pro iis potiunculis de quibus in præcedentibus dictum usurpari.

6. *Decoctum hordei simplex.*

Decoctum hordei est multiplex, potissimum tamen vel simplex vel compositum. Facillimus verò præparandi modus est sequens:

℞. Hordei recentissimè excorticati optimè mundati, saporis dulciusculi, in exsiccatione non nimium calefacti ℥j. cum aquæ fontanæ mensura vna semis in olla optimè vitreata, ac omnis saporis ac odoris tetri experte coquatur lento carbonum igne absque fumo ad consumptionem dimidiæ mensuræ & crepaturam hordei, deinde remanentia subtilissimo colo trajiciatur & ad usum asseruetur. In defectu convenientis ac accommodæ ollæ, in lebetæ stanno obducto coctio fiat. Quod si vero laboris quempiam non tæduerit, decoctum hoc in vitro præparari ita potest. Hordei excorticati ℥j. indatur cucurbitæ vitreæ vel phialæ oblongi

colli, superfundatur aqua fontana limpidissima. Mens. j. orificium leuissime obturetur, ponatur super cineribus calidis, circumcirca vero positus carbonibus ignitis vitrum cum aqua sensim ac sensim calefiant, quoad ipsa incipiat ebullire ac hordeum crepare, remotis deinde carbonibus, vitrum ubi refrixerit, absoluta erit decocti hordei gustui gratissimi preparatio. Decoctio hæc multo etiam commodius igne arenæ, si quis eo fuerit instructus, fieri potest.

Hoc autem primum probe notandum, hordeum non excorticatum nullo modo pro preparando hoc decocto, vt multi solent, in usum esse ducendum, cum cortices eiusdem aquæ imprimant qualitatem aliquam astringentem ac exsiccantem, vt exinde ægroto non solum reddatur ingratum valde, verum etiam sitim adaugeat potius, quam eandem extinguat ac corpus humectet.

2. Quod si forte aqua huiusmodi siue decocta non ex voto ob hordei penuriam, albæ satis fierent, ebulliat illud primum in modica aquæ quantitate, vsque dum flauedine quadam aquam tingat, qua effusa, in alia recente, vt superius dictum, decoquendum, hocque modo decoctum reddetur candidissimum ac gustui gratissimum.

3. Liberum relinquo cuilibet, vt si fortiori decocto delectetur, pro lubitu hordei dosin, qualem ego præscripsi, adaugeat.

Vim habet refrigerandi, humectandi, sitim extinguendi, magisque hæc aqua sanitati est commoda, quam cruda: solaque bibi potest vel potiuncula cum syrups vel aliis conuenientibus, de quibus superius, ex eadem fieri, quod si forte ex eius usu, in ventriculo præcipue debili, flatus sint metuendi, satis ubi ebullierit, corrigi ac alterari commodè potest additione seminis anisi contusi vel cinamomi in petia ligati, & sic quando refrige-

rit, gustui erit gratissimus potus.

7. *Aliud hordei decoctum omnibus acutè febricitantibus apprimè vtile.*

℞. Decocti hordei simplicis Mens. j. dissoluantur in eo sacchari optimi ac subtilissime puluerisati $\frac{3}{4}$ j β. vel $\frac{3}{4}$ ij. cui adde secundum proportionem ac dosin aquæ siue decocti hordei, spiritus vitrioli (vt superius de aqua fontana cum spiritu vitrioli monuimus) q. s. pro concilianda grata aciditate, his deinde admisce elæosacchari citri quantum cultelli cuspide capere potes, decoctum hoc ita alteratum gustui, iulapii instar è syr. citri præparati, erit gratissimum, quod si per duas aut tres horas quietum steterit, claritate sua non multum cedit aquæ fontanæ limpidissimæ. In defectu verò elæosacchari citri, aromatizandum cinamomi aqua, & si ad manus sit mel passulorum, de quo superius, eo, loco sacchari vti licet, hæc enim ratione præparatum siticulosis magis est vtile meliusque corpus humectat.

8. *Claretum violaceum.*

℞. Syr. viol. purpur. optime clarificati $\frac{3}{4}$ iij. spiritus vitrioli guttas xxx. vel xxxx. misce hæc duo probe in poculo aliquo vitro optime mundato bacillo agitando, colore apparebit saturato purpureo, his ita optime commixtis superfundatur decocti hordei mens. j. probe circumagitentur & si necessarium videatur, spiritus vitrioli dosis augeatur ad gratiam, hoc claretum aromatizari quoque potest aqua cinamomi, alias per se ipsum gratissimum satis est, & ob spiritus vitrioli energiam vltioris correctionis non indigum, hoc modo claretum habebis amethysti instar splendescens in omnibus calidis affectibus, vt superius decoctum summè vtile.

9. *Serum lactis aluminosum in calidis affectibus usurpandum.*

R. Lactis caprini vel vaccini recentissime emulsi mens. j. coquatur in lebe-
te vel olla figulina vitreata, & cum incipit
ebullire affundatur lb j. aquæ alicuius
refrigerantis vel huius loco fontanæ
limpidissimæ, in qua dissoluta sit alu-
minis $\frac{3}{4}$ lb. circumagita lac cum affusa
aqua cochleari ligneo, subito substantia
caseosa à serosa separabitur, quæ per sub-
tilissimum colatorium transmissa ad
vsum asservetur.

Quod si vero serum hoc non vt aqua
fontana pro voto clarum esset ac pelluci-
dum, addendum albumen oui vnus fe-
cundaque vice, usque dum spuma appa-
reat, coquendum & per manicam Hip-
pocratis transcolandum.

Hoc serum egregie subuenit siticu-
losis in febribus non solum ardentibus
sive acutis, verum etiam in principalium
viscerum inflammationibus, præsertim
verò in nephritide ac podagra calida; si-
tim sedat, aluum aliquo modo reddit lu-
bricam, urinam promouet, maioribusque
præditum est virtutibus, quam vt illi,
quibus aluminis natura ac proprietates
sunt incognitæ, credere possint vel ima-
ginari.

Probè hic notandum, maximam alu-
minis partem in caseosa subsistere sub-
stantia, nec serum tetro ac ingrato sapore
exinde inquinari.

10. *Serum tamarindinatum ad preme-
moratum scopum utile.*

Tamarindi fructus sunt acidiusculi,
colore subnigri, splendescetes, non
multum prunis compactis ac exsiccatis
dissimiles, differunt tamen a iisdem of-
ficulorum, quæ parua & quadrata habent,
ratione, itemque peculiaribus quibus in-

tertexti sunt tenerrimis villis suæ radicu-
lis: Deferuntur ad nos ex India & præ
aliis fructibus singulari præditi sunt, lin-
guam maximè feriente aciditate, multo-
que scatent (vt in mea Tartarologia do-
cui) tartaro, propterque suas virtutes ac
utilitates antiquitus in medicina in maxi-
mo sunt pretio habitæ.

Seri autem tamarindinati præparandi
modus est sequens:

R. Tamarindorum selectorum colorè
sc. subnigro splendescantium, acidiuscu-
lorum, in emporiis apud materialistas
vili pretio venalium $\frac{3}{4}$ lb. conterantur in
aq. fragorum vel alius alterius refrige-
rantis lb j. affunditur insimul mens. j. la-
ctis feruentissimi, circumagitantur opti-
mè ad separationem usque, serum verò,
vt suprà, albumine oui probè depuratum
flauo colore pulcherrimè splendet, in
quo, si $\frac{3}{4}$ lb. Sacchari dissoluta fuerit, gu-
stui gratissima saporis acidiusculi, è syru-
po quasi limonum præparata erit potio.
Serum hoc maximè est vile in omnibus,
præsertim verò acutis à bile excitatis fe-
bribus, cunctisque ad ebullitione sangui-
nis progenitis affectibus. Siim efficacis-
simè sedat, urinam pellit, potentioresque
edit effectus, quàm alia quævis in huius-
modi affectibus potio.

Cùm verò sciam fructus hosce diutis-
simè integros posse conseruari, innoxie-
que absque virium iactura circumferri,
ideoque seri huius tamarindinati descri-
ptionem hîc meis opusculis inferere
mihi placuit.

II. *Decoctum Scorzonæ.*

R. Rad. Scorzonæ exsiccata minu-
tissimasque in particulas concisæ $\frac{3}{4}$ j. co-
quatur in olla optimè vitreata cum aq.
fontanæ lb iij. ad consumptionem tertie
partis, remanentia per manicam Hippo-
cratis trajiciatur, vt auri instar fulgeat.
Hoc decoctum vel per se solum absque

alio additamento, vel Saccharo pro lubitu edulcoratum bibi potest.

Egregiè prodest in variolis, morbillis febrilibusque pestilentialibus ac malignis, vbi concludos circa præcordia vapores malignos, subtilemque & noxiam in habitu corporis stabulantem materiam per sudorem ac per insensibilem transpirationem exterminare volumus, cui scopo consequendo apprimè est vtile ac salutare. Cor roborat & singulari sua proprietate prædictæ malignitati potentissimè resistit. Valet item in podagra, si cum calore febrili affligere incipiat, similiter in erysipelate, aliisque similibus poriones huiusmodi refrigerantes exigentibus affectibus.

12. *Decoctum milij in curandis variolis vtile.*

℞. Milij recentissimè excorticati, ficuum minutissimè concisarum ana \bar{z} j. coquantur in aquæ fontanæ lb iij. ad consumptionem tertiæ partis, f. l. a. colatura.

Decoctum hoc peccantem variolarum ac morbillorum materiam conecquit, naturam ad expulsionem eiusdem irritat eandemque adjuuat, huiusmodi itaque ægrotis vtilissimum etiam potionis genus, quod absque omni periculo ab infantibus aliisque qui hoc ipso indigeat, vsurpari potest, offerendum autem in hisce & similibus affectibus tepidum.

In defectu vero milij ad prædictum scopum vtilis quoque est tenuis cereuisia in qua ficus aliquot minutissimè concisa, pro dulcificanda hac ipsa, mægerata fuerint. Sunt quidem, qui ficus cum cereuisia coquunt, qui modus, quia exinde cereuisia subtilissima sua substantia priuatur, potio etiam valdè redditur turbida ac ingrata, mihi minimè aridet. Quod si insuper, vt sæpissimè euenire solet, æstus febrilis ac intollerabilis vrgeat ac ex-
cru-

ciet ægrotum sitis, loco cereuisiæ non inconueniens fuerit decoctum hordei, ast hac in electione stat sua cuique voluntas.

13. *Decoctum hordei pectorale.*

℞. Hordei decorticati \bar{z} ij. ficuum, passularum majorum ab acinis liberatarum, corinthiacarum ana \bar{z} j. dactylos, exemptis nucleis, num. vj. glycyrrhizæ, derafa cortice, in minutas particulas concisæ \bar{z} ij. aquæ fontan. Mens. ij. vel lb viij. coquantur omnia ad crepaturam hordei adjiciendo sem. anis. bene conusti \bar{z} j. vbi refrigererit, ab igne semotum, percoletur.

Decoctum hoc vtile eis ægrotis, qui præter sitim tussi excruciantur siccâ.

14. *Decoctum hepaticum.*

℞. Hordei excorticati \bar{z} ij. fol. fic. scolopendr. vulg. siue linguæ ceruinæ, rad. gram. scorzon. cichor. omnium exsiccat. ac concisorum ana \bar{z} ss. coquantur insimul in aquæ font. lb viij. ad crepaturam hordei, hisce adde \bar{z} ij. ros. rubr. siccat. abjecta inferiori albedine, subtilissimè concisarum, vbi semotum decoctum refrigererit percoletur & albumine oui clarificatum in vitro repositur addanturque Sacchari \bar{z} ij. spiritus vitrioli rectificari gutt. xxx. hîc paululum relinquatur ac tandem per manicam Hippocratis trahatur.

Decoctum hoc summè est vtile in calidis hepatis affectibus, confortat enim idipsum, obstructions siue oppilationes eiusdem referat, materiamque peccantem in cauitate illius hærentem per vrinam expellit.

15. *Iulepus rosatus vulgaris.*

Iulapia in medicina vtitatissimæ sunt poriones Syrupis dilutiores constantque

ex aquis stillatitiis vel liquoribus clarioribus saccharo dulcoratis, dilutiores autem Syrupis sunt, quoniam hi præ illis in longius tempus sunt conseruandi ideoque crassioris consistentiæ indigi, iulapia verò præscripta extempore conficiuntur ac præparantur.

Communissimus Iulapia conficiendi modus est hic :

℞. Aquæ, qualis ad scopum est necessaria, ℥ iij. Sacchari ℥ ij. coque ad debitam consistentiam. Cum verò coctione subtilissimæ ac æræ liquorum partes non solum exhalent ac euaporent, sed hac ipsa etiam qualitates refrigerantes ac humectantes summopere debilitentur, alius itaque mihi præparandi iulapia modus est in vsu, vt : ℞. E. C. Aq. ros. frag. ℥ xx. Sacchari pulueris. ℥ xvj. inde in phialam vitream optimè subere munitam, pone in aq. cal. circumagita nonnumquam cum vitro materiam, & si saccharum cum aqua sufficienter fuerit unitum, liquorque apparuerit satis clarus, fac refrigerescat, quo colato, habebis paratum Iulapium.

Iulapium hoc cor roborat, spiritus vitales recreat, viresque dissipatas recolligit.

16. *Iulepus rosatus alius.*

℞. Conf. ros. opt. ℥ β. aq. ros. frag. ℥ xx. misceantur optimè in cantharo probe munito ac obserato, ponantur in ahenum aqua plenum, quando verò aqua ebullire inceperit, subito extrahantur & refrigerescant. Infusum deinde per colum trajiciatur additæque Sacchari ℥ β. in vitro asservetur.

Iulepus hic refrigerat, humectat ac peculiari sua facultate asfringente internas corporis partes mirè corroborat, phthificis inprimis, hæticis ac inflammatione hepatis laborantibus singulariter est utilis.

17. *Iulepus rosatus colore saturato rubeſcens.*

Si priori Iulapio aliquot guttulæ spiritus vitrioli adjungatur probeque agitentur, tunc colore tingitur saturato rubefcente, & si rectè procedatur, non sentietur sapor spiritus Vitrioli, hunc enim in finem solius scilicet coloris gratia, pauca eiusdem quantitas sufficit.

Vtilis hic Iulepus inprimis iis, quorum ventriculus ac hepar laborant interperie calida, itemque reficit dysentericos vel fluxui sanguinis obnoxios.

18. *Iulepus violatus.*

Iulepus hic eo modo, quo primus rosatus conficitur, efficacior autem subsequente ratione redditur.

℞. Aq. viol. summâ diligentia destillatæ ℥ xx. dissoluatur in hisce suc. viol. purpur. sacchari ana ℥ β. f. L. A. vt supra iulepus.

Iulepus hic refrigerat, humectat, læuigat, lenitque, ideoque gutturis fauciumque vitis ac summa raucedini salutare remedium, ebullienti humori melancholico astuantique mirè subuenit, aliis in affectibus, quibus Syrupum violarum conuenire diximus, est maximè utilis.

19. *Iulepus de rubo idæo.*

℞. Aq. è bac. rubi idæi destillatæ ℥ xx. Syr. eiusdem & Sacchari finissimi ana ℥ β. f. L. A. Iulepus.

Huius iulapij excellentes virtutes conueniunt cum Syrupi de rubo idæo, cuius supra facta mentio.

20. *Iulepus aureus.*

℞. Aq. rubi idæi & ros. destill. ana ℥ β. tingantur croci orientalis ʒ j. addita sacchari

sacchari optimi ac candidissimi lb j. mitte in phialam addendo aq. cord. aut n. d. $\frac{3}{4}$ iv. obseretur vitrum optimè, fiatque L. A. Iulepus, cui permisceatur spiritus salis melissæ vel in huius defectu spiritus salis communis q. s. pro grata aciditate.

Facultatem vitalem cordis corroborat, dissipatas restaurat vires, spiritus vitales clarificat, eosdem recreat, putredini resistit, omnibus venenatis vaporibus aduersatur, summè etiam est utilis in febribus malignis ac pestilentialibus, ægrotos hoc ipso corroborando ac durante curatione eosdem reficiendo.

21. *Iulepus ex vino refectorius.*

R. Aq. rub. idæi $\frac{3}{4}$ xx. Sacchari finissimi lb j. ciuilem (quamputo etiam in superioribus) f. vt supra Iulepus, qui si refrixerit, adde spiritus subtilissimi vini maluatici vel alterius alicuius generosi optimèque reëtificati $\frac{3}{4}$ iv.

Egregium est cordis medicamen, calorem fouet innatum, coctionem ventriculi adiuuat, ac mirè febricitantes recreat, præsertim vbi paroxysmus præterierit, viresque eorundem summè fuerint debilitatæ, inprimis verò senio confectos & qui assueti sunt potione vini.

22. *Iulepus stomachalis.*

R. Aq. menthæ crispæ $\frac{3}{4}$ viij. Syr. berb. cydon. ana $\frac{3}{4}$ iij. mixtis inuicem adde oleum cinamom. gutt. j. aut ij. omniaque rursus optimè commisceantur.

Stomachum egregie roborat, nau-seam vomitumque febricitantium corrigi.

23. *Iulepus mastichinum.*

R. Mastich. el. splendentis, crassè contusi $\frac{3}{4}$ ij. aq. ros. menth. crisp. ana $\frac{3}{4}$ iij. pone in cantharo optimè, ne quid exha-

Ang. Sala.

let, obserato in aquam seruentem, inibique per dimidiæ horulæ spatium relinquatur. Dein vbi claruerit, percoletur, ac sine vltiore infusionis calefactione dissoluantur in percolato $\frac{3}{4}$ iij. sacchari subtilissimè puluerisati, hac ratione habebis Iulepum mastichinum, vt decet, præparatum.

Iulepus hic est egregius contra nau-seam ac anorexiam, præsertim verò si in febribus pestilentialibus ac malignis occurrant, singulariter salutaris.

Secundum præscriptos modos varij generis Iulapia è talibus aquis ac Syrupis pro lubitu præparari possunt.

Predicta Iulapia exhibentur à ij. tribus vel etiam pluribus cochlearibus, vel diluta ac commixta aquis destillatis vel decocto hordei in gratiam ægroti maximè siticulosi propinantur.

Non necessarium insuper iudico, vt Iulapia pro conseruandis his ipsis, nimia saccheri ingreditur quantitas, sed potius melius fore existimo, si destillatis aquis tunc primùm, quando præscribuntur extempore debita Sacchari vel Syrupi addatur quantitas, misceanturque absque igne, vt talem, qualis arridet, saporem ac temperamentum acquirant. Quod apud modernos etiam Medicos est vstitutissimum.

24. *Emulso sine lac amygdalarum dulcium.*

Lac amygdalinum in medicina notissimum est ac vstitutissimum medicamen, ac, cum quolibet mater familias facillimè hoc præpare sciat, ideoque præparatio eiusdem singulari artificio non indiget, præcipuum autem quod hic venit obseruandum, consistit in electione amygdalarum, quæ requiruntur optimè candidæ, non rancidæ, recentes, secus enim si sumantur, contrarios, quàm vt aliàs solent, in ægrotis edunt affectus.

Yyy

Lac amygdalinum simplex ita præparari curo.

R. Amygdalarum dulcium, recentium non rancidarum & à corticibus repurgatarum ζ ij. contundantur in mortario lapideo minutissimè (irrorentur interdum aq. ros. stillat.) diluantur cum lb j. decocti hordei paulò fortioris quàm ut aliàs ordinariè solet, coloreque non fusco, sed lactescente, pistillo etiam quò oleaginosà amygdalarum substantia lactis instar cum aqua hordei melius ac perfectius uniatur, optimè misceantur, tunc per pannum linteum fortiter expresso addantur pro lubitu Sacchari puluerisati ζ ij.

Hæc emulsio refrigerat, humectat, mitigat ac lenit, vsus ideoque eiusdem est commodus in calidis interiorum viscerum intemperiebus & à materia acri ac salsa exortis asperitatibus ac erosionibus, pectoris inprimis, renum, intestinorum aliarumque partium, præsertim verò si adsint acres humores ac maximi urinæ ardores, sitim etiam sedat, viresque egregiè reficit.

Lac amygdalinum conficitur etiam cum aq. simplici fontana, edulcoraturque pro lubitu sacchari loco Syrupò violaceo vel alio conueniente simili.

25. Emulsio sem. papau. albi.

R. Sem. papau. alb. rec. ζ ij. contusus in mortario lapideo affundantur aq. viol. vel fl. nymph. ζ xx. per mundatum pannum fortiter exprimantur, & ut supra, f. emulsio, cui adde Syr. viol. purp. ζ ij. aq. ros. fragr. q. pl.

Hæc emulsio refrigerat, humectat, mitigat, somnum conciliat, exhibetur ideoque tempore opportuno iis, qui intollerabili excruciantur æstu, maniaci sunt ac phrenitici, insomnesque traducunt noctes. Perutilis item est alterandis ac in-
crassandis calidis, acris ac tenuibus in-

pectus irruentibus continuamquè tussim ac inquietudinem causantibus destillationibus, incrassati enim humores facilius expectorari ac ejici, indeque nata tussis ac inquietudo melius possunt domari ac mitigari. Tutissimus insuper huius emulsionis vsus in omnibus cuiuscunque sint ætatis sexusue conditionis, ægrotis, ipsis etiam prægnantibus ac puerperis, necelsitatis sc. tempore.

Refrigerantes huiusmodi emulsiones fiunt interdum è dimidia parte amygdalarum & dimidia sem. papau. alb. vel sem. 4. frig. maj. cucum. sc. cucurb. citrul. & melonum insimul contusis, aut seorsim vno eorundem, vel pro medici intentione ac scopo, aliter. Hæc bina hoc loco exempla sufficiant.

26. Lac perlarum, qualitatesque earundem, quanam sint necessaria.

Perlæ siue margaritæ præparatæ sapissimè à medicis præscribuntur & emulsionibus sem. frig. maj. vel amygd. aut aliis Iulapiis dilutioribus permiscuntur, quæ poriones plerumque à perlis denominationem sortitæ vocantur lac perlarum. Plurimique existimant ad periculosissima cordis symptomata, imò in agone mortis pro reficiendis ægrotis summum esse hanc emulsionem siue lac perlarum arcanum, vnicumque in hisce & similibus asylum. Per me id faciliè, obseruatistamen certis circumstantiis, licet. Non tamen interim intermittere possum, quin huiusmodi præscripturus sedulò ac verè christianè exhorter, ut, si nonnulli perlas ratione suarum qualitatum, plus aliis cordialibus in huiusmodi potionibus præstare posse, sibi firmiter persuadeant, studiosè sequentia duo puncta obseruent.

1. Ut eligantur perlæ colore candidissimæ, splendescentes (ratione magnitudinis, si minimæ etiam sint, nihil interest)

data, ac satis, quales perlæ orientales esse solent, ponderosæ. Deinde ratione præparationis in mortario vitreo confusa in porphyrite vel ophite orientali affusâ aquâ cordiali vel simili cordiali subtilissimè conterantur ac l. a. præparentur. Si enim contrariis sint inquinatæ perlæ qualitibus, de iis certi quippiam auxilij apud ægrotos nullus polliceri sibi tutò potest, Similiter si in mortariis ex aurichalco contundantur, malignum potius ex his ægrorum ventriculis maximè insensam contrahent qualitatem, quàm cordis corroboratiuam. Insuper, si in marmore, alabastrite vel aliis mollioribus lapidibus conterantur, semper de horum substantia quippiam decedet perlisque permiscebitur, quam pro veris ac legitime præparatis perlis non solum miseri ægroti caro satis pretio emere, verùm etiam notabili cum corporis detrimento usurpare coguntur.

Ast scio plurimis cordatis legitimarum harum ac ritè præparatarum perlarum maximam raritatem optimè esse cognitam. Primum namque, quia veræ & qualitibus suis absolutæ perlæ orientales, carioris sunt pretij, ideoque in earum locum, hodierno præsertim tempore, vbi avaritia omnium corda occupauit, vitiumque factum virtus, peculiare quoddam perlarum genus, quod eolore est flauum, obscurum, leuidense ac molle, digitis friabile, cuiusmodi reperitur in conchis in finitimo hoc mari margaritifera, dolosè substituitur, quod verò perlarum genus nullus approbabit christianus medicus. Deinde etiam constat ex nonaginta nouem vix vnum aut alterum reperiri pharmacopœum, cui hæc perlarum selectio curæ sit, mortariorumue differentias obseruet, conuenientibusque, vt decet, instructus sit pro conterendis in iisdem perlis, lapidibus. Exinde itaque cuilibet colligere facile licet, quæ, qualis & quanta in hu-

ijsmodi perlis sit collocanda spes ac fiducia. Exoptanda quidem huiusmodi & aliorum abusu sedula esset præcautio, vel potius omnimoda abolitio; ast plurimis ægrotis prohi dolor! hæc inoposturæ ac fraudes carissimè sunt interea soluenda. Interim præstantissima perlarum emulsio vel lac subsequente modo præparari potest.

℞. Verar. ac legitime præparatarum perlarum ʒ ij. sacchari candi ʒ ss. conterantur ac misceantur in mortario vitreo, affunde aq. è succo rubi idæi, rosar. melliss. fragrant. destillat. ana ʒij. omnia optimè mixta assuerunt in vitro ad vsu.

Datur ægrotis à cochleari vno ad duo, agitando semper prius optimè Vitrum.

Præter has potiones cardiacas ægroti etiam (præcipuè in morbis acutis vbi natura continuè cum morbo est pugnandū ventriculusque solidioribus cibis non temerè onerandus) accommodatis brœdiis analeptics conueniente tempore, (vbi scilicet violentia febris remiserit, quod probè notandum) exhibitis, sunt reficiendi, collapsæque vires instaurandæ. Exoptatissimè autem hisce brœdiis semper vnum aut alterum cochleare vini generosissimi Rhenani, vel quippiam de succo cydoniorum, misceretur quò magis facta grata, à ventriculo facilius acceptentur, retineantur ac concoquantur; solis autem iulapiis, Syrupis, emulsione perlarum & aliis corroborantibus ægrotorum vires non ita, vt quidam sibi stolidè imaginantur, conseruari possunt, nam, si eò deuentum est, vt brodia huiusmodi analeptica nullum amplius locum inueniât, actû certè est de ægrotò, irrituiq; perlarum, emulsionum ac aliorum cardiacorum vsus.

27. *Cremor hordei.*

℞. Hordei decorticati ʒ iiij. coquantur in olla noua vitreata cum aqua fontana.

Y y y y ij.

na ad mucilaginosam iusculi substantiam, quæ per cribrum ad usum trajiciatur.

Iusculum hoc à medicis vocatur cremor hordei, præcipuusque eius usus est pro cibandis in febribus acutis aliisque validis affectibus, vel peculiari calida pulmonum, hepatis, renum aliarumque partium intemperie ægrotis, mediocriter enim nutrit, facillimèque concoquitur: Refrigerat præterea, humectat ac mitigat, quæ qualitates in affectibus huiusmodi necessariò requiruntur. Si quispiam hoc ipso uti voluerit, addendum parum butyri recentis non saliti vel admiscendum oleum amygdalorum dulcium sine igne recentissimè expressum, vel potest interdum, præsertim in atrocissimis calculi renum paroxysmis, parum de succo citri & saccharo cando addi. Tandem denique si cremore hoc plenius corpus nutrire volumus, loco aquæ fontanæ sc. usurpandum brodium gallinæ vel caponis.

28. Panatella.

Hæc maximè est commoda loco cibi in febribus acutis, veluti de cremore hordei dictum, usurpata, ventriculum enim non grauat, ægrotosq; vi ac atrocitate febris maximopere debilitatos ac enervatos solidioresq; exinde ac concoctu difficiles cibos non ferentes, satis sufficienterque nutrit; eius præparatio est talis: Sumitur medulla siue pulpa panis triticei magnitudinæ pugni, tyrocneste seu raspâ in minutissimas partes redacta superfundatur dimidia mensura aquæ fontanæ, coquaturque lentissimo carbonum igne, cauendo ne fumum redoleat, ad formam tenuioris ac dilucidioris brodioli sapore tetro ac ingrato non inquinati, si enim farinam aut aquam sapiat, certissimum est vitiosi panis vel imperfectè cocti brodioli indicium.

Ægrotò offertur, modo, quo dictum superius, cum butyro sc. non salito vel

oleo amygdalino sine ignè expresso, convenientibus ac accommodis, ut decet horis & tempore. Panatella huiusmodi cum brodio gallinæ vel caponis etiam præparari potest, vel pro necessitatis exigentia ac constitutione ventriculi ægroti vitellum oui eidem addi.

29. Brodium Gallinæ cardiacum.

Inter omnia brodia, quibus ut plurimum febricitantes ad minimum ad declinationem usque morbi, ventriculique rectificationem, viriumque recollectionem cibandi sunt, præcipuum ac principalem locum obtinet, brodium gallinæ, quod ægrotos maximè præ aliis confortat, reficit ac corroborat. Hæc autem non intelligo tale quod est aquosum valdè ac ex pullis & macris gallinis cum additione butyri præparatum brodium, verum tale, cuius præparandi modum hic sum aperturus. R. Gallinam veteranam, præpinguem & bene sanam optimèque frumento faginatam, quæ optimè deplumata exenterata & in minutissimas concisæ partes, per noctem integram in aqua frigida maceretur, deinde in olla vitreata cum aqua fontana limpidissima lento carbonum igne addita q. s. salis coquatur, despumetur, usque dum caro ab ossibus separetur, ac brodij mensura vna remaneat: Remota ab igne olla, effundatur brodium in aliam asserueturque probe contexta in loco frigido. Hoc brodium ægrotò in patella semota pinguedine calefactum præbeatur bibendum, totiesque per diem, quoties necessitas efflagitauerit, repeti potest, idque vel solum vel addita panis mica, vel admixto olei vitello, aromatizari quoque potest folioris marini vel saluæ aut macere, addi insuper eidem potest, habita circumstantiarum ac morbi ratione, administrationis præsertim tempore duo vel tria vini Rhenani optimi cochlearia, succi

item acidiusculi, vt malorum citriorum, cydoniorum, &c.

30. *De succo caponum vel gallinarum Cardiaco.*

Apud plurimos hodierno die vsuenerit, vt probè mundatum, lotum, exenterarum ac minutissimè concisum caponem in cucurbita vitrea vel cantharo optimè munito superfusus prius aliquot aq. borrag. bugloss. acetos. meliss. aliarumque similium cardiacarum vncis, vel additis interdum, corallis, perlis & auro, in aheni aqua calida repleto ad separationem carnis relinquunt, qua separata, succum per inclinationem separatum filtrant, quo tanquam efficacissimo restauratio vtuntur.

Licet verò nutriti carnis caponis substantia in exiguo hoc liquore coarctata hareat, & satis sit in succo fortis ac efficax; nihilominus tamen strenuus eiusdem sapor patientibus, quod plurimis exemplis confirmare possum, maxime est ingratus, vsusque eiusdem fastidiunt.

Corallia vero, perlæ & aurum cum in sua essentia intacta consistent, nihilque de substantia eorundem brodium participet, prudens quilibet medicus facile confitebitur, hæc ipsa in hoc brodio utilitatis nihil habere, sed opinioni potius vtentium iuare ac phantasmati eorundem succurrere. Ego verò supramemoratum brodium huic semper præfero, & si quis breuiori gaudeat, longiori coctione petito suo non frustrabitur. Nullatenus etiam mihi persuadere possum, virtutem carnis, quæ potissimum in tenace hæret substantia, coctione posse evanescere, cum cuilibet sanæ mentis homini optimè constet, longiori carnis coctione maiores ac efficaciores acquirere brodia vires ac energias, saporeue fieri magis grata. Scitu etiam necessarium est, coctio-

ne aperta cruditatè carnis melius posse corrigi, spumamque nociuam absumi, quod in ocluso vase nullatenus possibile.

Ideo que etiam, si fortè quispiam tali caponum brodio delectetur, illius in gratiam caponem celerrimo igne facerem ebullire, quem despumarem ac exinde exemptum rursus lauarem, mundis linteolis detergerem ac exsiccarem, cumque aquis eo, quo superius dixi, modo procederem.

Quod si verò perlæ vel corallia corroborare debeant, estimo ego, conducibilis fore, si subtilissimè præparata brodiis permixta ægrotis offerantur.

31. *Gelatina in dysenteria.*

2. Coxam veruecium recentissimum in minutissimas particulas concisum ac optimè lotum, pedes vitulinos à sordibus bene repurgatos, Num. iiij. coquantur cum aqua fontana in olla vitreata, despumentur, idque tamdiu, donec consumpta fermè fuerit caro ac remanserit brodij vel liquoris Mens. j. hinc effundatur liquor in aliud vas, carnisque pinguedo separetur, adjiciantur in petia ligatæ ac in partes concisæ nufces moschatæ Num. ij. olla optimè cooperta frigido aëri exponatur, tunc coagulabitur brodium & splendentis instar gelatinæ conrescet.

Vsus tempore in patella q. placet calefactum dissoluatur, quod ægroti ebibendum toties, quoties exegerit necessitas, offertur, eidem etiam commodè permiscetur cochleare vnum syr. de berberibus, qui syrupus gratissimum dissolutæ gelatinæ conciliat saporem simulque ardores compefcit.

32. *Gargarismus abstergens.*

Cum in febribus aliisque corporis vitiis in faucibus ac ore putredo quædam

ac mucor ægrotis valdè moleſtus ex aſcendentibus è ventriculo vaporibus progignantur, quibus vitilis ſi in tempore non ſuccurratur, facillimè alia exinde ſymptomata exurgere poſſunt. Ideoque præter neceſſaria vniuerſalia, quibus cauſæ principales exterminentur, remedia, excogitanda ſunt ſpecialia oris collutiones ac gargarifmi à ſordibus idipſum liberantes, quorum è numero ſimpliciſſimus ac tutiſſimus eſt ſequens :

℞. Aq. ſcabioſ. ꝯ viij. aceti vini fortiffimi, ſacchari candi vel mellis roſ. ana ꝯ ij. M. omnia ad præmemoratum ſcopum. Impiger ſit ægrotus ad colluendum ne pios neceſſe eſt.

33. *Alius in periculoſſimis lingua inflammationibus.*

Accidit interdum vt febricitantès gingiuarum eroſione ac putrefactione licet non laborent, nihilominus tamen tantam oris ſiccitatem ac calorem perſentificant, vt ſæpiuſculè mortem expectant, huic itaque ſymptomati vt ſuccurratur mitigetur, præter præmiſſam vniuerſalem purgationem celebratamque neceſſariam venæſectionem, quibus primaria inflammationis cauſa infringitur, viliſſimus erit hic ſubſequens gargarifmus.

℞. Spongiar. ſambuc. ſiue auric. Iudæ minutiſſimè concif. ꝯ ij. aq. plantag. lb ſ. coquantur reſoſita in cantharo obſurato in aquam feruentem, ſinantur ibidem per dimidium horam, vbi reſrixerint ac colata fuerint, addatur ſucci vel Syrupi viol. ꝯ j ſ. ſalis niri præparati ꝯ ſ. hoc gargarifmo ægroti os multoties eluant.

34. *Mucilago ſem. cydoniorum ad prædictum oris vitium.*

℞. Sem. cydon. pſyllij ana ꝯ ij. extra;

hatur mucilago cum aq. fragor. lb ſ. admisceatur Sacchari candi puluerifati ꝯ j.

Mucilago hæc egregiè refrigerat ac humectat, offerturque ægrotis cum ſpatula, quando & quoties neceſſitas exegerit.

35. *Gargarifmus ſcorbutica gingivarum corroſioni vtilis.*

℞. Aq. fontan. ſalu. ana lb ſ. alumin. gumm. lac. puluer. ana ꝯ j. hæc inuicem in vitro mixta ac paululum in aqua feruente retenta rubini inſtar ſplendebunt, quæ mixtura percolata ſeruetur ad vſum.

Gargarifmus hic os refrigerat, mundificat, aſtringit, putredini reſiſtit, gingiuaſque corroborat.

36. *Gargarifmus pro curanda laxata vula & tonſillarum tumore ac inflammatione.*

Sæpiſſimè euenit vt hominis ex tenuibus ac ſubtilibus è capite deciduis catarrhis relaxetur vula elongeturque, quod tædioſum ſane ac maximè ærumoſum eſt vitium. Hocce verò in affectu præter vſuatoria particularia remedia (vt pote, ſi ſale vel zingibere aut aliis pulueribus exſiccatiuis ac adſtrictiuis adhibitis, peccans humiditas abſorbeatur & impediatur, columella verò dependens ſubleuetur) exſiccantes aſtringentesue gargarifmi maximè ſunt vtilis, imprimis verò, ſi ſimul tonſillarum in tempore, ne ad maturacionem perueniat diſcutiendus ac reſoluendus, ſit conjunctus tumor. Inter alios verò huic ſcopo accommodos gargarifmos ſubſequens hic optimus eſt ac maximè ſecurus.

℞. Fl. roſ. rubr. minutim concif. rad. tormentil. contuſ. ana ꝯ j. ollulæ optimè vitreata inditis ſuperfunde aqu. plantag. feruentiſſimæ lb ſ. contegantur vſque

dum refrixerint, percolato deinde liquori adde spiritus Vitrioli gutt. vj. vel viij. vt solum colore tingatur rosarum, non verò fiat acidus, hic est hujus gargarismi præparandi modus.

Refrigerat, exsiccat, astringit, discutit, majorique affluxui resistit ac catarrhos impedit. Creberrimè eo de die vtatur tepido ægrotus. Si verò præter tumorem raucedo vel acrimonia quædam sentia-
tur, gargarismum temperandum suade-
mus modico Syr. ros. vel viol. vel inter
præparandum macerentur cum cæteris
supradictis ingredientibus rad. liquir. 3 ij.

S E C T I O III.

De potionibus purgantibus,
clysteribus & suppo-
sitoriis.

1. *Potio purgans è foliis sennæ in mul-
tis affectibus summè utilis.*

FOL. senn. f. st. 3 iij. sem. anisi 3 β. aq. fumar. vel agrimon. vel in ha-
rum defectu aqu. font. limpidif. 3 iij. co-
quantur leni ebullitione (longiori si-
quidem coctione vires fol. senn. debi-
litantur) vt aq. à fol. senn. flauescat, in
percolato adhuc calido dissoluantur
mann. cl. 3 vj. rursus absque coctione
propter mannæ depurationem percole-
tur, his adde acidi tartari 3 j. hanc potio-
nem horis quatuor ante prandium cali-
dam ægrotus ebibat.

Potiuncula hæc purgans rationè aci-
di tartari aliquantulum acidiuscula abs-
que omni periculo suam perficit opera-
tionem, non solum verò materiam in-
primis tantum viis hærentem educit,
verum etiam continuationis ratione è
longinquis ac longè distitis corporis locis

humorem melancholicum, cui appropria-
tissima sunt fol. sennæ ex omnium Dog-
maticorum medicorum communi senten-
tia, medicina, attrahit eundemque eli-
minat. Non minori etiam virtute aggre-
ditur flauam bilem, viscosum phlegma,
aliosque mixtos humores, mundificat
etiam sanguinem, & ita quidem, vt
majori cum fructu in variis affectibus
siue cum, siue sine febre illi sint, præ cæ-
teris simplicibus purgantibus eo vt li-
ceat. Foliorum sennæ laudes verò, quan-
tum experientia sum edoctus, satis suffi-
cienterque in meo opusculo de essentiis
vegetabilium decantaui illaque meritò
extuli.

Tandem denique si potiuncula hæc
ordinanda fuerit debilitatis valdè vel fa-
cilè mobilibus, eo sine vt quantitatem
ægrotus magnam non fastidiat, fol. sennæ,
acidi tartari ac liquoris dosis minorari
pro discretione ac iudicio prudentis me-
dici commodè potest.

2. *Potio solutina de rhabarbaro.*

Rhabar. el. minut. concis. 3 iij. spic.
nard. 3 β. macerentur per integrā noctem
in aq. fumar. 3 iij. manè factæ colaturæ
adde syr. ros. sol. 3 ij. acidi tartari subtili-
ssimè puluerisati 3 j. offeratur quatuor
ante prandium horis. Hæc potio robu-
stæ satis personæ, vbi nimia quantitate
bilis peccat, convenientissima est. Lenio-
rem si desideres, tunc 3 j. rhabarb. 3 j. syr.
ros. sol. & 3 β. acidi tartari pro vnicā dosi
sufficiunt.

Maximo cum fructu bilem præsertim
flauam expurgat ac euacuat.

3. *Potio solutina de rhabarbaro alia
contra dysenteriam.*

Si ex fundamento dysenteriam quis-
piam curare voluerit, statim in principio
peccantes prauis humores principales

istius causæ ac noxiæ fomitès, sunt eliminandi. Qui si collecti in ventriculo hæreant, accommodatissimè vomitorio aliquo, utpote oxyfacccharo vomituo vel fale Virioli (de quibus in myrothecio dictū) in iis præsertim subjectis, qui sustinere vomitoriorum vsum possunt, educuntur ac exterminantur, sin verò in inferiori ventre, venis scilicet mesaraicis ac ipsis intestinis latitent, nullum excellentius potest sub solè inueniri medicamentum hoc ipso rhabbarbo, idque aded, quia retentam bilem aliosque acres intestina erodentes ac exulcerantes humores huiusmodi morbos causantes placidissimè expurgat, tormina quoniam secundo non excitat, 3. longè disitis in corpore humores ad partem affectam (quod hic maximè notandum) non attrahit, & deque 4. quia absoluta sua operatione purgatiua, aliquo modo astringit ac fluxum impedit. Hanc etiam ob causam diuersimodè à medicis pro obtinendo præfixo scopo pro cuiusvis tamen placito præscribitur. Aliàs sequens hæc formula, non rejecta interim aliorum, maximè mihi arridet.

℞. Rhabarb. ʒ j. aut ʒ iiij. fl. ros. rubr. ʒ ss. minutissimè concisa macerentur per noctem in aq. plantag. cal. ʒ iiij. factæ manè colaturæ addatur mann. el. ʒ ss. Spiritus Virioli gutt. iiij. vel v. potiuncula hæc horis matutinis bibita, blandissimè operabitur. Utendi autem tempus conueniens est morbi principium cum scilicet ægrotorum vires nondum sunt valdè debilitatæ, si verò necessitas urgeat, potiuncula hæc secundo vel tertio die tuto potest reiterari ac repeti. In debiliotibus detrahendum quippiam de rhabbarbari dosi, quando etiam necessitas huius potiunculæ vsum ex tempore postulat, maceratio specierum nocturna tunc non est necessaria, sed levis ebullitio ad tincturam liquoris sufficit, cæteraque additamenta eo, quo supra modo possunt

adjiçi, & non minus hac ratione ac præparandi modo vires suas exercet.

4. *Euporistum quidem, est vtile valdè, refrigerans ac humectans enema.*

Enematum vsum à plurimis licet medicæ artis ignaris summè contemnatur ac maximè abominalibilis iudicetur, imò ab aliquibus pro periculosisimis eadem ac lethiferis proclamantur remediis, nihilominus tamen pro curandis illis ægri tudinibus ac symptomatibus, quæ vel essentialiter in intestinis, vel accidentaliter per communicationem in aliis corporis latitant ac hærent partibus & loeis, vt & aliis pluribus morbis tantæ sunt necessitatis ac energiæ, vt illis ipsis in vfu medico nullo modo carere, excellentesque eorundem vfu breuitatis ducti studio sufficienter ac satis pro merito enarrare possimus.

Præmemorati verò enematis præparandi modus est sequens ℞. decoct. hordei clarific. ʒ xij. syr. viol. purp. ʒ iiij. vel ʒ iiij. M. pro Enemate: applicetur more solito, cauendum tamen ne diutius debito ob flatuum metum secum ægrotus retineat.

Enema hoc humectat, emollit fæces alui exsiccatas, mundificat, deurgit intestina ac excitat facultatem expultricem ad expulsionem: reiterari eiusdem etiam vsum pro lubitu potest.

5. *Commune humectans ac abstergens enema.*

℞. Seri lactis rec. ʒ xij. sacchari non refinati pulueris. ʒ iiij. vel iiij. colatur & applicetur dicto modo.

6. *Clyster emolliens.*

℞. Fol. malu. violar. ana Mj rad. alth. ʒ ss. coq. in aq. font. ʒ xx. c. colaturæ ʒ xij. addan-

℥ xij. addantur mellis paſſul. ſyr. viol. ana
℥ ij. M. pro clyſtere.

NB. Tribus hiſce enematum formulis in febris acutis, ardentibus, interiorumque viſcerum inflammationibus, vbi inteſtina maximopere à calore p. n. ſunt exſiccata, affectus verò hi ſimplicium calidiorum aut oleorum uſum in clyſteribus applicandis ne inflammationes adaugeantur, vaporesque in capite excitentur, cum nullatenus concedant, tutiſſimè uti licet. Teſtatur namque experientia optima rerum magiſtra etiam, ex humectantibus ac refrigerantibus ſimplicibus per inſuſionem præparatorum oleorum uſum noxium magis ſemper fuiſſe quàm proficuum, cum exinde inflammationes in ægrotiſ accreuerint, clyſteresq; intollerabili cum fœtore rejeſti fuerint. Attamen cuilibet liberum eſto procedere ut lubet. Præterea etiam hic ſciendum ſemina frigida majora cucumeris ſc. cucurbitæ, citruli, melonum vel papaueris albi ſuperiorum duorum priorum enematum maximo cum fruſtu ingredi præparationem, inprimis verò ſi præſente maximo aſtu ex ℥ β. vel ℥ j. dictorum ſeminum cum decocto hordei vel ſero lactis fiat emulſio.

7. *Enema emolliens ac aluum ducens.*

℞. Decocti hordei aliquo modo à ſubſtantia hordei facti mucilaginoli ℥ xij. ſyr. roſ. ſol. cuius ſuperius facta mentio ℥ iij. vel iiij. M. pro enemate ad uſum.

Emollit, humectat, abſtergit, & tenaciter adherentes inteſtinis viſcoſos humores attenuat eoſdemque educit; Febris præſertim à flava bile aduſta progenitis, in quibus ægroti de maximis ac intollerabilibus capitis conqueruntur doloribus apprimè eſt utile ac valde ſalutare, inprimis verò ſi legitimo tempore neceſſitatis enematu laxantiu uſum exigat.

Ang. Sala,

8. *Enema lenitium.*

Cum ſæpiſſimè clyſteribus, neceſſitate ita jubente, purgantia reliquis ingredientibus ſint admixcenda, quibus non ſolùm materiæ peccantes ipſis inteſtinis impaſtæ verùm etiam in longè diſſitis locis concluſæ attenuentur ac euacuentur, vel natura ad expellendas eaſdem irritetur, præſertim vbi ægroti nauſeabundi ac delicatuli nimis, omne medicamentum per os aſſumendum abhorrent, vel diuturnitate aut ferocitate morbi nimis factis debilibus purgantium uſus non ſit omnimodè tutus, morbo verò vel febre in declinatione exiſtente, obſtructiones cum cauſa aliqua peccante adſint; maxime proinde ut ſupradictum cum ſint neceſſaria ac utilia, ideo medici pro prædictis ſcopis varios enematum tradidère formas, ego hoc ſequens maximarum exiſtimo virium.

℞. Fol. malu. violar. fl. chamomil. ſol. ſen. ana ℥ β. rhabarb. el. ℥ ij. concifa minutim cum ℥ xvj. decocti hordei ſ. indita cantharo ſtanneo optimè operculato coq. in ahenò aqua repleto; Semoto dein ab igne ahenò, decocti refrigerati ℥ xij. addantur ſyr. roſ. ſol. mellis vel eſſentiæ paſſularum ana ℥ ij. nitri præparati ℥ j. M. pro enemate.

Hoc clyſtere tam in febris quàm aliis etiam morbis, vbi mediocriter purgantia ſunt neceſſaria, uti commodè poſſumus.

9. *Enema laxantium domesticum.*

℞. Fol. malu. fl. chamomil. ana M j. coq. in ſ. q. aq. colaturæ ℥ viij. adde ſuc. Mercurial. ℥ iij. ſacchari Thomæ j. ℥ iij. butyr. rec. ℥ j β. M. pro enemate.

Egregiè inteſtina mundificat, abſtergitq; applicari autem iis turè licet qui alui conſtipationibus ſunt valde obnoxij.

Z z z z

Temporē hybēro si mērcurialis copia non detur, substituere mel eiusdem com-
modē licet, & ita quidem, vt intermisso
saccharo summatur prædicti decocti ꝑ xij.
mel. mercurial. ꝑ iij. butyr. rec. ꝑ j. ad
attenuandam autem ac educendam fœli-
cius viscosam materiam addatur sal
gemm. ꝑ β.

10. *Enema approbatissimum pro cu-
rando venenum catulo.*

℞. Fl. chamomil. verbasco. melilot.
sambuc. rad. alth. liquirit. sem. fœni-
gr. ana ꝑ β. contusa contundenda, con-
cisa conscindenda ac conquassata con-
quassanda stent infusa cum aq. chamo-
mil. ꝑ xx. in cantharo stanneo optimē ob-
serato per dimidiam horam in aqua fer-
uentissima, huius deinde infusi ℞. ꝑ xij.
vitellos ouor. rec. n. iij. ol. ros. fl. lil. alb.
& fl. sambuc. ana ꝑ j. mellis passular. ꝑ ij.
M. pro Enemate.

Emollit, lenit, flatus discutit,
doloresque potentissimē mitigat, ideoque
summē vtile iis, qui à calculo renum
miserrimē exeruciantur, isque si loco
solutus, hospitium est relicturus vel
in vreribus harens varia ac grauissi-
ma excitat symptomata, suppressionem
scilicet vrine, inflationes ac intollerabiles
laterum punctorios dolores, ventris tor-
mina cum alui pigra dejectione, calorem
febrilem, &c. cum idipsi qualitatibus
suis sit temperatum, indifferenter itaque
tam viris quàm mulieribus necessitatis
tempore vtile.

Sciendum insuper loco prædictorum
trium oleorum sumi vtiliter etiam posse
ol. lini rec. expressum vel ol. amygd. d.
hæc enim potentissimē dolores quoque
lenire ac mitigare possunt.

11. *Enema carminatiuum.*

℞. Fol. malu. alth. ana M j. fl. chamo-

mil. Roman. vel eiusdem herbæ à cau-
le separata, organ. ana ꝑ β sem. aneth. fœ-
nic. cumin. bac. laur. ana ꝑ ij. aq. chamo-
mil. ꝑ xx. f. vt supra infuso, huius ℞. ꝑ xij.
ol. chamomil. secundum meam descri-
ptionem præparati ꝑ iij β mel. junip. ꝑ β.
salis comm. ꝑ j f. Enema necessitatis tem-
pore applicandum.

Flatus egregiē discutit præcipuē verò
à frigido in intestinis hærente phlegmate
exortos, & si adsint signa, hoc ipsum nimis
essulentum ac tenax, maceratio potest fieri
in vino albo & prædictis simplicibus
addi agarici albiissimi ꝑ ij. vel huius loco
rad. mechoac. concis. ꝑ β. Maximus eius
vsus est in colica flatulenta & tympani-
tide.

12. *Enema consolidans in dysen-
teria.*

℞. Cap. veruēc. per mēdium diui-
sum n. j. pedes vitul. n. ij. in f. q. aq. font.
ad separationem carnis ab ossibus coq. ad
remanentiam M. j. cui effusæ adjiciunt
rad. symphyt. maj. exsic. ꝑ β. fl. ros. rub. hy-
peric. rad. tormentil. ana ꝑ ij. coq. denud
omnia, colaturæ ꝑ xij. seruantur ad vsum.

Vbi cum dysenterico eo est deuen-
tum, vt intestina maximoperè sint læsa ac
exulcerata, ac exinde intollerabiles alui
exonerantem exerucient inferioris ven-
tris dolores, huiusmodi ægroti primū
(cū hoc vitium medicamenta per os
sumpta non facile consolidare ac curare
possint) enema ex decocto hordei ac sac-
charo, secundum modum superius allega-
tum, præparatum pro abstergenda in-
testinis adhærente peccante materia,
applicandum. His ita præactis, præ-
dictum decoctum in forma enematis
tepidum est applicandum, vt verò hoc
ipsum diutius retinere possit, quietus
decumbat, contingit enim interdum
vt huiusmodi enemata, non sine maxi-
mō ægroti leuamine aliquot horis abs-

que omni tædio in corpore resideant. Quod si alium rursus exonerans dolorum aliquam alleviationem, non autem omnimodam abolitionem sentiat, enema secundò vel terciò necessitate ita iubente in usum reuocandum: quicquid enim aliis fieri ac effici, hoc certè enema potest.

Alias hîc etiam ad varios corporis morbos vtilium enematum formulas proponere quidem possem, ast breuitatis studiosus his supercedbo.

N.B. Notandum hîc, supra memoratum enematum quantitatem sc. lb j. adultioribus tam viris quàm mulieribus convenire. Quando autem iisdem uti quis volet in delicatulis ac junioribus, ingredientium ut & liquoris quantitatem semper esse minorandam & pro diuersitate subiecti à lb j. medica ad 3 ix. vel etiam 3 vj. descendendum. Pro infantibus verò in minima substititur dosi, habito semper ætatis, virium ac necessitatis respectu.

13. De suppositoriis.

Suppositoriorum eadem ac enematum est ratio, ac licet ratione formæ externæ vilia maximè ac projecta existimentur medicamina, nihilominus tamen is, qui iisdem indiguit eademque probauit, statuet contrarium.

In communi inferuiunt expultrici intestini recti facultati excitandæ ac stimulantæ, facibus in eo contentis expellendis, eorundem v. non solum in modò memorato scopo, verùm etiam ubi enemata displicent, vsus esse potest. Sunt autem duplicia, simplicia scil. & composita.

Simplicia notissima sunt omnibus. E. G. In casu necessitatis sumitur extremas candelæ acuminaturque in forma suppositorij, longitudine ac crassitie ægroto accomodi. Alij huius loco accipiunt saponem vulgarem vel venetum,

similique forma figurant, quòd itidem suppos. facultatem expultricem stimulat. Nonnulli mel ad consistentiam resinæ coquunt ex eoque suppositoria pro lubitu formant. Qui præparandi modi lippis tonsoribusque notissimi, sæminino etiam generi reuelati.

Cùm verò interdum accadat ut magis acutis indigeamus prioribus, peculiaria quædam suppositoria possunt præparari hunc in modum.

℞. Melis ros. 3 ij. coquuntur sensim ad justam consistentiam cauendo tamen empyreuma, hinc admisceantur aloës subtiliss. pulueris. 3 ij. falis gemmæ 3 j. f. suppositoria maiora vel minora pro diuersitate vtentium.

Quod si vehementiora sint necessaria, pro 3 ij. aloës sumatur vna saltem, cathartie. verò mei polychresti vel panchymag. Crol. aut extr. catholic. Andernaci similitumue vehementer attrahentium purgantium extractorum 3 j. aut 3 j ss.

Huiusmodi suppositoria materiam peccantem ex alto secus quàm priora, ad inferiora trahunt.

Si etiam ægroto alicui nèphritide vel colica afflicto, vnum pluraue enemata applicita propter maximam incarcerationum flatuum copiam in intestinis aggerata absque vilo effectu resedissent, suppositoria hæc maximè sunt commoda, facultatem enim expultricem stimulando enematum operationem maximo ægrotorum emolumento promouent. Tandem denique scitu maximè est necessarium, in alumine tantam latitare attrahendi virtutem, ut, si ex eodem formetur vsitato more suppositorium illitumue oleo communi oliuarum vel butyro accommodetur, excellentissimè ex alto delitescencia excrementa ac flatus euocando, operationes suas perficiat, in primis verò maximè est vtile in febris acutis, ubi suppositoria vehementiora ac excalefacientia locum non habent

Zzzz ij

noxiusquē est eorūdem vsus. Potest etiam alumen subtilissimē puluerisari & cum gummi tragacantho in aq. ros. dissoluto massa concinnari, ex qua varia ac diuersa suppositoria formari ac ad lapidis duritiem ad vsū exsiccati possunt. Vbi acrioribus vti suppositoriis volumus, certi simus necesse est, ægrotos nullo modo inano aut intestino recto vel laesos esse, aut inflammationem tumoremue pati.

SECTIO IV.

De epithematibus, fomentis, sacculis medicamentosis, ac pultibus siue cataplasmatibus.

Oxyrrhodinum refrigerans in atrocissimis capitis doloribus in febribus acutis.

℞. **S**Em. cydon. ꝑsyllij ana ꝑ ij. aq. spermat. ranar. ꝑ vj. aceti rosar. fortissimi ꝑ iiij. hisce extrahatur ē seminibus mucilago, cui addantur ol. ros. ꝑ ij.

Si necessitas hujus vsū requirat, madesiant in eo linteola fronti applicanda, quæ vbi à calore nimio fuerint exsiccata, denuò madesiant, reiteraturque pro necessitatis exigentia.

Cautio in vsu oxyrrhodinorum refrigerantium probe obseruanda.

Primum in atrocissimis ac maximè intollerabilibus per accidens ex ebullitione ac fermentatione sanguinis, calidiorum putrefactorum humorum aliarumque noxiarum materiarum ortis capitis doloribus, qui sæpissimè in febribus acutis ac periculosis ægrotos excruciant, non ilico hujusmodi oxyrrhodinis, multò minus aliis, quæ opium vel extractum

hyoscyami recipiunt, temèrè (quod ab aliquibus imprudenter satis facilitatum scimus) vtendum. Sed ante omnia eò aliorum laborandum, vt conuenientibus, quarum superius mentio facta, vehemens, humorum ebullitio ac fermentatio inhibeatur, calorque p. n. temperetur, hi ipsi etiam exigente necessitatis casu conueniente vomitorio vel lenitiuè purgantibus vel enematis educantur ac eliminantur, maximaque inflammatio ac ebullitio sanguinis venæ sectione accommodo & legitimo tempore mitigetur, cui scopo non minus etiam inferuiunt, cucurbitulæ cum & sine scarificatione, frictions extremorum, epithemata plantis pedum facta aliaque alia quæ materiam ascendentesque humorum peccantium vapores à loco affecto nobili reuellant ac ad ignobiliores partes quantum possibile trahant. Quæ omnia si fuerint obseruata ac facta, dolores tamen ac calor non cessent, præmemorato tunc vel aliis oxyrrhodinis vti tutius licet. Ast probè notandum, hæc non esse applicanda in principio paroxysmorum febrilium, vbi summa ope vapores è præcordiis, & inferiore ventre ad caput eleuantur exitumque quærunt, sed in statu eorundem ac fermè declinationis principio, repercussi enim hujusmodi in principio vapores cordi maximè sunt infesti variaque ac lethalia etiam excitant symptomata.

Secundò sciendum, ex horum oxyrrhodinorum refrigerantium abusu, ægrotum à febre factum immunem ac ab ea liberatum debile ac frigidum variis exinde calamitatibus obnoxium retinere semper cerebrum. Melius itaque actum existimo, si hujusmodi humorum ac inde progenitorum dolorum ferocia laudano aliquo vel dianepenthe (quorum supra in myrothecio feci mentionem) quam particularium eiusmodi medicamentorum causam dolorum principalem non

aggrèdientium nec alterantium, vsu, (in quo tamen totus rei cardo hæret) infrænctur potius mitigetur. Non dubito insuper asseuerare, legitime præparatum ac ratione suarum qualitatum temperatum laudanum cum discretione legitimo tempore vsurpatum, omnium hoc in casu vsitatorum medicamentorum esse vtilissimum ac approbatissimum.

2. *Excellens ad maniam fomentatio.*

Mania grauissimus est sine febre cerebri affectus à feruore bilis aliarumque humorum, qui suas in cerebro operationes perficiunt, inflammatione ortum ducens, vbi hominis laeditur imaginatio ac ratiocinatio, vt variis perturbationibus miserimè cum ferocia diuexetur excrucieturque, quas omnes ac singulas hic velle enarrare, superfluum esse existimo.

Morbus hic curationem adhuc admittit, si modò ægrotus in hunc ipsum non fuerit naturâ procliuus, aut malum sit inueteratum atasque egerit radices, vt sensum etiam functiones ac organa totaliter sint laesa ac omnimodè corrupta, præter humectantem ac refrigerantem diætâ, potiones item feruorem materiæ peccantis alterantes ac præparantes, itemque venæ sectionem, purgationes, anodyna somnifera aliaque medicamenta interna, externa etiam vsurpantur, è quibus hoc epithema in hunc finem singulariter præparatum miræ efficacis hoc in affectu fuisse sum expertus.

℞. Cap. veruer. mundat. & in 2. part. diuis. N. ij. euulsis linguis coquantur in aqua absque sale tam diu, donec caro ossa reliquerit, mensuraque vna decocti satis efficacia ac candidi remanserit, in colatura rursum calefacta ac optimè contexta macerentur, non verò ebulliant, sequentes sacculi vel potius pileoli vespertino tempore applicandi.

℞. fol. malu. exsiccat. violar. fl. nymph.

alb. fol. papau. ana M. ij. fl. chamomil. ros. rubr. primul. veris, fl. lil. alb. verbasci, ana M. j. concisâ minutim herbæ in duobus diuersis sacculis siue pileolis capiti accōmodatis intersutis discriminentur. Vtendi autem modus talis est. Collocandus est in sella ægrotus aut bonis verbis aut violentia, cauendo, ne cuipiam adstantium damnum ab hoc ipso inferatur, collocati ita in sella crines ad radices vsque detondeantur, subitoque vnus maceratorum pileolorum capiti superponatur calidus, ibidemque tam diu, donec incipiat refrigerescere, relinquatur, quo semoto, substituatut alter etiam calidus, hæcque fomentatio continuetur per dimidia horæ spatium. Deinde capite sine frictione detereso, frons illinatur. ol. papau. alb. & fl. Sambuc. recent. express. optimeque permixtorum ana q. s. capite caputio prius probè munito æger in lecto quietus, quantum possibile molliter recumbat, quæ fomentatio aliquot diebus necessitatis casu ita exigente reiterata, non in cassum abit, sed fructus eius è posteriori ac subsequente operatione colligentur excellentes. Necessaria autem ante hoc particulare vniuersalia remedia. Itemque, vbi ægrotus diuinâ assistente gratia, teconuauerit, vitam viuat quietam, ac sobriam, bonaq; viatur ac conueniente diætâ: conueniunt insuper temperata cephalica, expurgeturque annuatim tempore præcipuè verno, & si sit plethoricus, vena quoque secetur. Hisce remediis præcauebitur atrocissimi huius morbi insultus vel totaliter aut ad minimum vehementia eiusdem debilitabitur.

3. *Sacculus cephalicus corroborans in affectibus capitis frigidis.*

℞. Fol. rosismar. exsic. salu. majoran. ros. rubr. ana ʒ β. ligni aloës electi, caryophyll. rad. irid. nuc. mosch. succin. alb. benzoin. cl. styrac. calamith. ana ʒ ij.

F. omnium pulvis ex quo concinnetur cucupha (quæ hîc sub sacculi nomine venit) inter duas syndones rubras cum pauca bombace interbassata.

Sacculus hic vel cucupha hæc calefacit, siccatur, corroboraturque caput, iisque præsertim, utilis, qui intemperie cerebri laborant frigidâ & humida ac ad vertiginem, apoplexiam & epilepsiam aliosq; similes affectus maximè sunt proclives, anni præsertim tempore frigidus & humidus. Huic verò & similibus externis non absolute fidendum medicamentis, sed requiruntur & alia interna superfluos capitis humores exterminantia medicamina.

4. *Sacculus alius contra acres ac tenues capitis destillationes.*

R. Cap. papau. alb. exemptis seminibus exsiccatur. rad. nymph. tormentil. ana ʒss. fl. ros. rubr. myrtil. succin. alb. mastich. el. myrrh. el. oliban. ana ʒj. M. f. pulvis ad usum asseruandus.

Pulvis hic siccatur, astringit, incrassatur tenues ac acres à capite in pectus irruentes destillationes; temperatissimum etiam infantibus tutè conueniens in forma sacculi vel pileoli medicamen.

5. *Epithema cordiale refrigerans ac humectans.*

Vapores calidi, qui à fermentatione ac putredine bilis aliorumque acriorum humorum oriuntur, usque aded exaeruant ac incendunt calidi innati fontem, cor scilicet vitalescentis spiritus, ut, sicuti humiditas virescentis ligni exsiccat igne ac denique consumitur, ita humidum radicale continuo calore ac incendio debilitetur, meliorque corporis humani humiditas ipsa etiam caro ac sanguis sensim exarescant ac consumantur, quod in iis præsertim, qui complexionis sunt calidioris ac siccioris, valdeque macilentis.

clarissime apparent. Ideoque prudentes etiam Medici præter usum vniuersaliura medicamentorum, quibus peccantes materias exturbant, maximè sunt solliciti, ut non solum medicante diæta humectante, verum etiam externis remediis huiusmodi incendiis, quantum quidem possibile, occurrant, eademque retineantur, cui scopo huiusmodi epithema est utile.

R. Sem. cucurbit. uel cucum. rec. papau. alb. ana ʒjss. ex conquassatis extrahatur cum decocti hord. lbj. emulsio; huic adde ol. amygd. d. rec. f. igne expressi. (ut infra docebitur) ʒj. In hoc liquore linteamina madefacta tempore, ut de epithematibus capitis dictum, conuenienti, extenduntur supra pectus, quotiesque necessitas requisierit, renouantur.

Hoc epithema non solum summè est utile in febre ardente, verum etiam in hæctica & maximis pulmonum inflammationibus siue peripneumonia. Loco prædictæ emulsionis fumere etiam licet decoctum hordei mucilaginosum addito ol. sem. cucurbit. vel papau. alb. recentissimè expresso, quod calorem eiusmodi hæcticum potentissimè attemperat ac mitigat.

6. *Sacculus medicamentosus pectus calefaciens.*

R. fl. chamomil. Roman. exsiccatur. fol. hyssop. organ. marrub. sem. fœnic. dula. bac. junip. rad. helen. ireos nostr. aristoloch. rot. ana ʒss. incisa includantur sacculis xylinis, qui intersuantur. Pulvis hic pectus egregiè calefacit, crudos ac frigidos in pectore contentos humores digerit, status siue inflationes thoracis exinde progenitos discutit, asthmaticisque peculiariter subuenit.

Possunt hi sacculi gestari vel sicci, vel vino maluatico aut hispanico irrorati, lentissimeque in patellis duabus stanneis super ignitabulo excalefacti applicari.

7. *Epithema cordiale in febribus malignis ac pestilentialibus.*

℞. Coral. rubr. præpar. C. C. vſti ac præpar. ſuccin. alb. præpar. ana ʒ ſs. in patella vitrea mixta irrorentur q. ſ. ſuc. citri vel limonum clarificati, vt conſiſtentiam brodioli acquirant, pone in hypocausto caſiſſo vel alio loco ſimili vſq; dum exſiccata fuerint, hicque modus ſecundò cum ſuccis reiteratur, inque priorem pulueris formam rediguntur. His ita peractis, ℞. ſi. roſ. rubr. exſicc. caryophyl. hortenſ. plenor. ſeparatim inferiore albedine, ſi. bugloſſ. ana ʒ vj. cort. citri, ſem. carduiben. ligni aloës el. (notas eiſdem ſuperius in libro de vegetabilium eſſentiis tradidi) ſantal. citrin. ligni rhodij rad. tormentil. biſtort. Zedoar. ana ʒ j. croci oriental. ʒ ſs. pulueriſata omnia ac ſubtiliſſime percribrata præparatis addantur, tandem camphoræ opt. ʒ. xij. in mortariolo cum prædicti pulueris cochleari vno optime conterantur & ſi probè fuerint commixta, reliquis admiſcentur. Hic pulvis ita ad perfectionem perductus in vitro optimè obturato ſeruetur ad vſum.

Pulvis hic ratione ſuarum qualitatum maximè eſt temperatus, exſicc. roborat ac confortat, malignitati reſiſtit, concluſosque vapores cor ferme opprimentes diſcutit.

Vbi quis hoc ipſo, in prædictis febribus pro epithemate, cordi temporibus item ac manuum pulſibus applicando vti voluerit, is pulueris huius cordialis ℞. ʒ ſs. aq. roſ. fragran. ʒ iij. vini maluat. vel alteriſ alicuius generoſi ʒ ij. in agitato optimè mafeſiant linteamina vel peculiareſ ſacculi ad hoc negotium parati, locis prædictis debito modo applicandi. Loco etiam vini ſumi poteſt acetum aliquod ſorum cord. vel aqua cardiaca aut alius ſimilis, intemperiei corporis, conditioni affectæ partis, ſymptomatiſque fe-

brium (quorū ſingulorū peculiarem velle inſtituere enarrationem, huius loci non eſt) conueniens ac neceſſarius liquor. Huiusmodi autem epithemata vſurpari debent legitimo tempore ac cum iudicio, non vero indifferinatim omni die ac hora, vt aliqui obtuſi valde ingenij imprudenter ſolent, qui, ſi fortè ægrotus in aduentu paroxyſmi taciturnus aut aliquantum conſternatus reperiatur, curioſuli hoc, vel ſimile epithema applicaturi ſtant in procinctu, ſubitò horum applicatione liberatum iri ægrotum ſibi certiſſimè perſuadentes, cum tamen ſapientiſſimè contrarium euenire ſoleat, naturæque motus ac vires in pugna contra morbum impediuntur ac quaſi ligentur, ſicque majus exinde exurgat damnum quam feratur commodum naturæ aduerſus hoſtem auxilium. Poteſt etiam in præmemoratis febribus internè vſurpari à ʒ ſs. ad ʒj. habita ætatis ac ſubjectorum ratione, commixtusque aquis deſtillatis vel ſulapiis conuenientibus pro vnica doſi exhiberi. Vel concinnari morſuli, ſumendo ſcilicet ſacchari in aq. roſ. diſſoluti ʒ j. pulueris ʒ j. de iſſque ſapiuſculè parum deglutiri.

8. *Sacculus calefaciens ſtomachalis.*

℞. Menth. criſpæ, ſi. & fol. abſynth. thy mi, rad. caryophyl. ſi. cheyri ana ʒ ſs. cort. arant, ab interiore candicante cuticula liberato rad. galang. calami aromat. mac. ana ʒ ij. M. f. pulvis.

Calefacit, corroborat, vtiliſque contra imbecillitatem, nauſeam, vitiatam concoctionem, inflationem doloremque ventriculi, orta ex frigiditate vitia. Vſus vero eiſ eſt, vt ſacculis incluſus accommodetur regioni ventriculi, vel ſiccus, vel ſi neceſſitas exigat cum ſacculis vino rubro mafeactus.

ratione asseruata ac preparata longè sunt meliora conditæ.

9. *Cataplasma stomachale in acutis.*

℞. Panis triticei bis cocti ꝑ ij. fl. ros. rubr. myrtil. fol. absinth. f. symbrij aquat. ana ꝑ β. rad. tormentil. ligni aloë, sicc. myrobalan. citrin. exemptis nucleis, nuc. mosch. ana ꝑ ij. M. f. puluis subtilissime triturandus ac per cribrum trajiciendus, dein ℞. cydonior. cond. ꝑ iiij. contundendo in mortario adde partem vnā huius pulueris, aceti rosac. ꝑ j. f. pulticula, linteaminibus superducenda, quibus necessitatis tempore ventriculus contegatur.

Cataplasma hoc admirandæ est efficacæ in sistendo continuo vomitu, qui in febribus biliosis, acutis, malignis ac pestilentialibus ægrotos miserrime excruciat, facitque vt tam cibos quā assumpta medicamenta rursus rejiciant, salutare item in singultu ac lienteria.

10. *Cataplasma hepaticum corroboratiuum.*

℞. Fl. ros. rubr. gran. tin. & sem. plantag. santal. rub. ana ꝑ β. f. subtilis puluis, cui adde coral. rubr. præpar. ꝑ β. camphoræ ꝑ j. omnia L. A. optime misceantur.

Puluis hic miscetur cum cydoniis cond. aq. plantagin. à saccharo liberatis, addito pauco aceto rosarum, eo, vt de superiori dictum, procedatur modo pro formando hepatis cataplasmate, eximiarum hoc est virium in corroborando ac confortando à causa calida inflammato ac debilitato hepate.

Cum verò cydonia hisce cataplasmatibus formandis maximè sint vtilia, ideò sciendum, hæc optimè in taleolas vt nostri cum pomis ac pyris solent, posse conficindi, exsiccati ac ad vsum asseruari, quādo verò in vsum venire debent, frustula hæc in aq. aliqua destillata calefacta macerentur prius, deinde contendantur, hæc

11. *Cataplasma spleneticum.*

℞. Farin. fabar. ꝑ iiij. pulu. cum'n. aristol. rot. rad. asari, ireos ana ꝑ j. coq. in lixiuio ciner. ligni fraxini, f. cataplasma addendo ol. rut. ꝑ j. anethini ꝑ β. Cataplasma hoc inflationes lienis potentissime discutit, tumoresque eiusdem frigidos absุมit, imponendum verò est calidum ac pro necessitate reiterandum.

12. *Cataplasma astringens.*

℞. farinæ fabar. tostæ quidem, ast non adustæ ꝑ iiij. rad. tormentil. subtilissime pulueris. gallar. C. C. philosoph. præpar. boli orient. ana ꝑ j. M. Deinde coq. in decocto prunor. sylu. satis astringente ad consistentiam pulvis,

Egregium est hoc cataplasma in sistendis alvi periculosis, siue cum, siue sine sanguine fluant, profluuiis, toti inferiori ventri impositum. Vniuersalia verò præcesserint maximè est necessarium, quæ peccantem materiam conuenienter prius eliminari, vel natura, sua sponte molestatam sibi hydram expulerit, vltioraque ita non requirantur cathartica.

13. *Sacculus flatus discutiens.*

℞. fl. chamomill. melilot. tanacet. agerat. fol. absinth. ana ꝑ ij. sem. aneth. fœnic. cumin. bac. lauri, juniper. ana ꝑ j. confusa contundenda ac confusa confcindenda M.

Hæc mixtura calefacit, discutit, maximi est vsum in torminibus ventris siue colica flatulenta, doloribus matricis, laterum, doloribus nephriticis aliisque similibus à frigidis crudis humoribus ac conclusis flatibus ortis affectibus ac accidentibus.

Applicatur

Applicatur inclusa sacculo interfuto vel sicca, vel vino alioque liquore pro libitu madefacta. Hic autem candidè monere volui, huiusmodi exsiccatas herbas præcipuè illas, quæ odoriferæ sunt valde subtiliumque partium fomentationes ingredienti non necessario esse coquendas, sed sufficit earundem in olla vitreata vel cantharo inclusarum cum vino, hydromelite, cereuisia vel lacte in aqua calida facta maceratio, cauendum interea ne plus liquoris, quam pro nuda maceratione requiritur, affundatur. Hac siquidem ratione subtilissimæ illarum qualitates coctione alias peritura conseruantur. Præterea non astricte est quispiam formulis à me E. G. præscriptis, sed augere vel minuere cuilibet ingredientium vegetabilium aliorumque dosin pro arbitrio ac necessitatis casu, licet.

14. *De epithematibus, quæ interdum ægrotorum pedum plantis applicantur.*

In calidis capitis in febribus præsertim aliisq; corporis ægrotos miserrimè excruciantibus affectibus, solemus nonnunquâ præter alias externè factas medicaciones, sc. venæsectionem, cucurbitulas cum & sine scarificatione, extremorum frictiones, quibus materiam à loco affecto reuelimus, plantis pedum vel aliis corporis locis reuulsionis etiam gratia medicamentis applicare materiam ab alto attrahentia.

Hæc autem sunt varia ac multiplicia, potissimum tamen triplicia, lenia, mediocria & vehementia, in vsum namque interdum veniunt vesicatoria, ac inflammatoria, qualia sunt, cantharides, esula, rannunculus, aliaque similia; cum autem hæc non cuiq; arideant maximaque in eorundem vsum cautione opus sit, hæc silentio inuoluo. Mediocria verò sunt, decorticatus raphanus sale conuersus, vel concisa mi-

Ang. Sale.

nutim rutæ folia, fermento, sale ac aceto in forma pulciculæ mixta, aut sem. sinapi hortensis cum fermento panis & paucosale, hæcque remedia manè & vesperi pedum plantis applicantur & pro necessitate plurimis diebus eorundem vsus cōtinuatur.

In hunc etiam finem præter hæc, alia vtdictum vsurpantur, quæ prolixitatis tædio hîc omittimus. Hoc siquidem in passu quilibet pro arbitrio suo experientia magistra comitante progreditur vel subsistit.

SECTIO V.

DE OLEIS ET VNGVENTIS.

PRæter alia, quibus pater vel mater familias medicamentorum præparationi, necessario indigent, instrumenta, maxime vtile etiam est torcular aliquod siue prælum, quo olea ac succi exprimantur, de quacunque autem materia illud sit fabricatum nihil interest, tempore nec necessitatis sufficit ligneum, bibliotepe prælo non dissimile, modò eius cochleæ sint densiores lignumque crassius. Oleum verò ouorum sequente modo præparare soleo. & oua recentia inculcata elixatione indurata N. L. exemptos vitellos ac cochleati ligneo comminutos ac contritos igne mediocri in sartagine assò, vel frixo modico igne, mouendo semper ne vasi adhæreant vel empyreuma redoleant, donec rubescant & inter digitos pressa liquorem incipiant reddere pinguem, post confestim in sacculum lineum massam feruentem injicio, quâ inter duotabulata quercina prælo exprimo, expressum caloris aurei oleum, quod instar butyri coagulatur, excipio & vsui repono. Residuam materiam post expressionem resistentè secundò contero, calefacio, præloque oleum superiori addendum expri-

A a a a a

mo. Si recensiti huius laboris quempiam non tæduerit, odorem vitellorum, diuturnitate tamen temporis tandem aliquando periturum, non alium verò peregrinum, retinebit, hoc etiam oleum non vt alia corrumpitur, quod certissima obseruatione ipse contestor, qui per octennium illud asseruado, ne minimam quidem odoris aut coloris aliqualem ad albedinem vergentis mutationem sum expertus.

Paratur hoc oleum alia quoque ratione, secundum vsitatum pharmacopolis modum; vitelli nimirum ouorum ad ignem fortem spatulâ in sartagine ferreâ versantur, vsque ad separationem liquaminis pinguiusculi subfusci; quod ipsum tamen ob nidorem, empyreuma & colorem nigricantem, plurimis, delicatis præsertim hominibus admodum aduersatur, & tantum in vnguenta quædam exsiccantia recipi potest, cuius vicem quæuis ferè alia pinguedo facultatis exsiccantis particeps supplere potest, nec enim vitellorum ipsorum temperiem & qualitates obinet.

Cæterum oleum superius rite præparatum, cutanea vitia, scabritiem, cicatricem ab adustione, serpiginem ac variolarum vestigia extergit, capillos producit, rhagades manuum, pedum, oris, mammarum nec non verendarum partium tollit, molestias hæmorrhoidum placat, tumores articularum, sugillata & contusa partium carnosarum, neruorum distortionem & puncturas emendat, horumque dolores tanquam anodynum singulare sopit, & plures in chirurgia effectus præstat.

Oleum amygdalarum dulcium absque igne paratum.

R. Amygdalarum dulcium electarum lbj, harum panno rudi puluerem flauescenscentem fricando remoueto, massam porro sine humido quouis admissio contu-

sam & lineo sacculo firmo excẽptam, torculari per aliquot horas torquere oportet, licet enim ab initio oleum parua satis copia prodeat, concessa tamen mora guttatim plus extillat, harum enim lbj. obseruatis obseruandis facillè 3 v. olei suppeditat, quem modum etiam imperiti aliqui Pharmacopolæ vix agnoscunt: Ex amygdalis pellicula exutis quoque minutim tamen incisus, ac loco calido resiccatis, ni quis voto suo frustrari velit, oleum exprimi potest.

Oleum ad hunc modum paratum vulgari ex tostis amygdalis confectum præstat, moderatè calefacit, emollit, laxat, nutrit, asperitatem faucium atque respirationis viarum, ab humorum acrimonia productam, cum ipsa tussi mitigat, tabidos restaurat cum iusculis sumptum, semen aget tenerioris constitutionis hominibus, colicam & vteri ac renum dolores sedat, meatus vrinarios lubricando, arenulis & lapidi viam aperit, flatus & distensiones lumborum minuit. Gonorrhæam virulentam, & exulcerationes orificij vesicæ ac consequentem ardorem dolorificum demulcet, partum faciliat & difficultatem accidentiaque eiusdem lenit, puerulorum morbis, præcipue epilepsia, torminibus, & tussi molestæ conuenit, materiam morbosicam blandè subducendo, neruorum duriciem, tonsillarum tumorem, scabiem ex salis & adustis humoribus emendat. Dosis eiusdem cum cereuisia, vino, vel iusculo, syrupo aut linctu, aut etiã scopo restaurandi præsentem, cum panatella ad duo vel tria cochlearia ascendit, puerulis vero in tussis grauiamine cochleare vnum, cum pauxillo sacchari candi exhibendum eoque exterius pectus inungendum. In exulceratione vero canalıs vrinarij & glandis in pene, non solum per os illud ipsum assumere, sed per syringam injicere iuuat, recenter tamen paratum, cum temporis spatio facillè rancescat, ideoque etiam ad talem saporis ingrati-

dinem euitandam semper facculi recentes ad hoc opus adhibendi sunt.

Oleum Carminatiuum.

R. Amygdalarum amatarum contusarum lb j. seminis Carui lb β. Mixta & cantharo excepta per quadrantem horæ Balneo Mariæ macerentur, ac mox dum calent, exprimantur, qua ratione & via oleum odoratum & coloris viridis obtineatur.

Hoc oleum singulare est in tinnitu aurium, colica omnibusque doloribus & tensionibus à flatibus conclusis, tympanitide, hepatis & lienis obstructione à causa frigida, simul ab aquositate expurgatione ad reliquias discutiendas & partes corroborandas plurimum valet, & non tantum exterius, sed necessitate quoque requirente interius, tum per os, tum per clysterem ad intestinorum torsiones dolorificas abolendas est congruum.

Oleorum autem simplicium infusione à vetustissimis authoribus ad nos vsque parandi modus in vsu fuit, quorum tam simplicium quam compositorum mixtura ad vnguenta & emplastra maximè Dioscoridis aliorumque veterum auro maximè solemniss fuit. Fiunt autem sequenti modo.

Folia, surculi aut apices herbarum aut earundem succi in oleo ad solem macerantur, ac porro ad consumptionem aquositate in herbis contentæ coquantur, quarum repetita infusione oleum viribus simplicium magis imprægnatur, cui modo suum pretium sit, cum tamen rarò in pharmacopoliis olea sapore & odore simplicium qualitatem referentia reperiantur, iisdemque virtutem quampiam vulgo æstimatam vix inesse credo, atque idcirco modum quandam aliquantum conuenientiore tradam.

R. Foliorum Absinthij, cum gemmis concisorum & aqua irrigatorum, cucur-

bita vitrea exceptorum lb iij. quibus olei electi lb vj. affundantur cum media mensura aquæ communis, atque tota mixtura lento calore aquæ mediocriter calentis viginti quatuor horarum spatio maceretur, compressa subinde herba lignea spatula, exinde omnibus sacculo inclusis maior pars olei sponte percolari permittitur; reliqua vero prælo exigitur, qui labor infusione herbæ recentis sine aspersione aquæ tamen, & pari maceratione ac expressione quatuor vel quinq̃ies repetitur, denumq; hoc oleum cum succo conjuncto in vas separatorium tritorij formæ effusum, infra foramine quod subere, stipa cannabina inuoluto clausum sit, transmittitur, & succus, postquam in fundo ab oleo separatus est, effunditur, oleumque vicissim peculiari vase reconditur.

Secundum hanc viam omnia olea per infusionem parabilia seu simplicia seu composita perficere soleo, multiplicata magis quandoq; vt in oleo anodyno, septennâ infusione repetitâ, florum sambucinarum, lilliorum alborum, camomillæ, verbasci, quo studio comparatorum vniç vni quandoq; maiorem efficaciam quam vulgarium integræ propemodum libræ inesse comperi, qui mos à pharmacopæis vt reciperetur certè optandum esset, quod facile fieret nisi pertinacia irretiti, aut magis insania capti, à vestigiis veterum neglectum vnguem recedendum esse existimarent. Notandum quoque est herbæ ac flores humidiores nullius humoris aspersione opus habere, cuius ope olea in temperamento debito conseruentur.

Vnguentum sambucinum singulare.

R. Lithargyrij aurei in pollinem redacti ℥ ij. Aceti Sambucini lb β. Mixta simul per mediam horam in aqua calida foueantur, quo temporis spatio acetum astringentis facultatis nihilominus particeps dulcescit. Nunc R. huius aceti, &

A a a a a ij

olei sambucini ad prius dictum modum parati ana ζ j. & in patina stannea agitando in vnguenti consistentiam redigantur. Vfus huius vnguenti est ad dolores capit-
tis à causa calida obortos, linteo excepti & applicati, idemq; ad feruorem hepatis & renum erysipelatem, adustionem ab igne, repentinam vteri hæmorrhagiam regioni ossis sacri applicatum, in hæmorrhagia narium vero genitalibus, dextro hypochondrio & fronti impositum (cauendo loca pectoris & pulmones) præclarè facit.

Vnguentum somniferum.

℞. Olei sambuci ζ iij. ceræ flauæ ζ j. fundantur lenissimo, quantum fieri po-

test, igne, refrigerato vnguento in mortario lapideo misce olei Anethi recenter destillati gut. xx. Camphoræ ḡ vj. Croci ḡ iij. f. l. a. vnguentum. Aegrotos pervigiliis vexatos subleuat & præsentè contra indicatione interna somnifera exhibendi, inunctione tantummodo temporum & rariorum partium cranij, cuius vim additione 6. vel 7. granorum Laudani augere licet. Plura equidem selecta medicamenta huic tractatui inferere potuissèm, nisi illa in aliis meis operibus, hydrelæologia nimirum, anatomia essentiarum vegetabilium, & tartarologia accuratè conscripta essent: Quocirca anchoram hoc in loco tanquam portu exoptato figo, submissis cum votis, ad Diuini Numinis gloriam & proximi vtilitatem cuncta cedant.

FINIS.



PVLVIS ROSÆ VITÆ,

Sive

excellentissimarum

PROLIXA; VIRTVTVM PVLVERIS
purgantis, rosa vitæ dicti, enarratio, & de ejusdem
usu clara informatio.

Autore

Excellentissimo Philosopho & Experientissimo Medico

D. ANGELO SALA VICENTINO VENETO.

PRÆFATIO AD LECTOREM.

Beneuole Lector, Æternus animæ & corporis nostri Archiater, unicus humani generis Redemptor, Matth. 19. quæ hominibus videntur impossibilia, dicit, illa ideo Deo non sunt, ipsi enim cuncta sunt possibilia, quæ verba non tam Theologo quàm etiam Medico probè sunt perponderanda, cum homo non tam in spiritualibus, quàm corporalibus rebus cæcutiat, ac absque numine nihil sit in homine, quod æterna Patris sapientia his verbis, Matth. 5. clarissimè innuit: Non est tibi possibile vllum tuorum capillorum reddere album aut nigrum.

Exinde itemque colligere licet, curationem morborum in manibus esse Dei, qui in naturalibus potentiam suam exercet secundum omnibonam suam voluntatem, non verò nostram scientiam, experientiam aut artem, ab ipso enim quicquid tota hac vniuersitas in se continet, omne est creatum, viresque ab ipso & non alio, herbis sunt infusa. Cum itaque medicina sit voluntas Dei, meritò medicus hanc diuinam voluntatem ardentissimis precibus ac indefessis laboribus addiscat, repertas in rebus naturalibus virtutes ac operationes necessario magnificat, & licet rationem earundem non semper, an scilicet à caliditate, frigidityte, humiditate vel siccitate proneniant, reddere possit, virtutibus ta-

men, quod tales sint, contentus, cælum terramque implentem omnipotentis sapientiam quatuor ne conetur includere complexionibus, namque aliarum rerum naturalium vera cognitionis fundamentum licet nobis sit per diuinam gratiam reuelatum, principalissima tamen arcana nobis non sunt detecta, cuius rei clarissimum nobis exhibetur speculum in magnete, is solum ferrum, relictis aliis metallis attrahit, huius etiam auxilio nauta in latissimo mari nil nisi cælum ac aquas videntes, in quamcunque quatuor mundi partium nauigaturi, passis velis querunt vias, nocte dieque, serena etiam sine nubila existente tempestate, ubi locorum harent quoue sub polo nauigent, optime callent. Certum interim est, nullum ex omnibus qui hætenus vixere, viuuntque nunc, fuisse repertum aut reperiri posse, qui ex fundamento, non solum huius, sed aliarum etiam in medicina quotidie obuiarum operationum intellectum humanum transcendentium exquisitam reddere rationem potuisset vel posset, ex quibus apparet magnalia Dei esse infinita, magnæque in alijs etiam in medicina vtilibus latitare occultata arcana, quorum quidem operationes oculis nostris indies videamus manibusque palpemus, causas autem harum ignoremus. Quod etiam in meo pulvere sum-expertus, qui quidem occultas habet proprietates, manifestas tamen operationes, ac tales quidem, ut omnes corruptos humores vel putrefactos catarrhos homini à vertice capitis ad pedum plantas usque varijs accidentibus insensos radicitus ac ex fundamento extirpet, corpus ab omni immunditie ac impuritate, veluti sapo pannum, liberet, viribusque natura resumptis, bonum ac laudabilem sanguinem de nouo procreet. De possibilitate itaque nemo dubitet, sed sufficiat admiranti eiusdem in aliquot centum hominibus, tam viris quàm mulieribus, fortioribus & debilioribus in 18 etiam mensium infantulis maximo cum fructu comprobata virtus, non complexionibus agrotorum, sed morbos potius purgantibus eliminandos considerando: varia namque morborum sunt genera varijs ac diuersis aggredienda remedijs, quibus peccatorum nostrorum pœnis varias constituimus medelas, diaphoretica sc. diuretica, cordialia, anodyna, somnifera siue hypnotica, alexipharmaca, styptica, attractiua, phlebotomiam item, scarificationes, frictiones ac diætam, &c. in summa, quilibet morbus certa methodo ac regulis prudenti medico scitu necessarijs, curandus est ac persanandus. Ideoque non exhibeo puluerem meum in omnibus siue curabilibus: siue incurabilibus morbis, sed in iis solum scio eundem futuram proficuum, quorum paulo post prolixus sequetur catalogus, nam; Contra vim mortis non est medicamen in hortis.

PVLVERIS HVIVS ADMIRANDI VIRTUTES.



Rimum sciendum puluerem hunc omnem bilioforum ac pituitosorum noxiam copiam attenuare ac exterminare, quod deinde sudorem etiam

promouet, somnumque naturalem promouet, his ideoque vtilis, qui destillationibus capitis sunt obnoxij, vnde oriuntur cephalalgia, diminuta memoria, imaginationis ac ratiocinationis deprauatio, auditus grauitas, visus debilitas, genarum tumores, putrefactio ac erosio gingiuarum, dentium casus, pectoris dolores, asthma, tussis, quotidianæ à pectore purulentæ ejectiones, &c. hic enim puluis omnes à catarrhis progenitos curat morbos, nam bis vel ter quotannis modo inferius tradendo vsurpatus catarrhos è corpore eliminat caputque ac sanguinem cum admiratione mundificat.

Præterea vtilis etiam est & quidem excellenter hydropicis aut œdematosis vbicunque etiam hi hæreant, tumoribus obnoxijis, quoties enim necessitas requisierit, naturam à copioso phlegmate liberat, obseruetur autem in his lunæ decrefcentia.

Maximæ etiam est efficaciæ contra dolores colicos vt & febres, iæctum aliasque à bilis copia exortas ægri tudines, aperit enim omnes internas hepatis, lienis, renumque obstructions.

Puerulis etiam in infarctu pulmonum & vermibus ab indigestis cibis pronatis, summo licet in vitæ periculo appareant constituti, ac jam suffocari quasi videantur summum est auxilium, itemque tussientibus, febrequè catarrhosa laboranti-

bus, vt & macie corporis phthysicorum instar ferme confectis hic puluis exhibendus, viscosum enim ac lentum in pectore contentum phlegma per expectorationem ejicit, vermes per aluum radicitus exturbat, potest commodè reiterari, sed ad minimum tertio à prioris vsu die.

In lue venerea corpus egregiè purgat, sanguinem mundificat, omnes tumores carnis œdematosos consumit, sanationique vulnerum promouendæ conducit.

Conducibilis quoque mulieribus, quarum matricès copioso phlegmate ac putrida scatent materia, vnde obstructions mensium, stomachi inuersio, nausea, inflationes, atrocissimi capitis dolores, lassitudines totius corporis spontaneæ, syncope, feruor ac ebullitio sanguinis, flatulencia aliq; innumera exoriuntur, corpus muliebri extruciantia vitia, vt impossibile sit hos propter affectus mulierem aliqua posse gaudere prole, huius verò pulueris primo vel secundo vsu, mundificatur cum ipsa matrice totum corpus.

Item ad attenuandam materiam difficulter ejicibilem, sumatur sæpius de die qua exhibetur brodium aliquod carnis, quod expectorationem egregiè adiuuabit. Quibus verò huiusmodi materia in vetriculo impacta hæret & non in pectore, in his nihil ejicitur per asperam arteriam, sed materia peccans exterminatur per aluum.

Tandem denique summum est remedium ac in plurimis mulieribus expertissima medicina in ejiciendis mortis periculum minitantes secundas, in debita enim (habita ratione ætatis ac virium) quantitate exhibitus hic noster puluis brevissimis horis post illas expellit & cor-

pus ab omni immunditie absque periculo liberat, interim tamen bene tecta puerpera in loco calido quiescat vtaturque cibo & potu optimè, vt decet corroborantibus, tunc æterni conditoris propter summas terræ huius nascentis virtutes summè admiraberis omnipotentiam. Summatim, qui hæc medicinâ prudente iudicio vtitur, is pro summis suis bonis æterno rerum omnium creatori meritas ac debitas habebit occasionem fertilissimam agendi gratias. Ne verò in dosi quippiam peccetur, ac nobilissimum medicamentum, deleterium fiat injustè vsurpatum venenum, quod non solum cum præsentè nostro puluere, verum etiam cum aliis purgantibus, vt rhabarbaro, mechoacanna, turpetho, manna, cassia, diagrydio, colocynthide, agarico, fol. sennæ, helleboro, cataputis, tithymalis, elaterio, &c. euenire potest, cum in omnibus vsus laudetur, crimen verò abusus habeat, omneq; nimium vertatur in vitium. E.G. vbi quis ebiberet eadem quantitate vinum maluaticum, vt cereuisiam, spiritum vini, vt vinum, vtereturque eadem dosi oleis aromatum, cinamomi sc. caryophyllorum, nucis moschatæ, &c. vt ipsi aromatibus puluerisatis, huius certè de vita actum esset, ideoque in subsequenteribus verum ac legitimum huius pulueris, habitâ ratione ætatis ac circumstantiarum, vtendi modum edocui.

Quando, quomodo ac quoties puluis hic vsurpandus?

Puluis hic præcipuè tempore vespertino, luna decrescente cum cochleari vini, cereuisiæ, brodio carniū vel convenientibus syrups, ægroto decumbenti in lecto exhibetur, maximè verò in necessitatis casu post cœnam. Si veniat reiterandus, ad minimum de tertio die fiat interitum.

Ad ejiciendas autem secundinas nullum obsequandum statutum tempus, sed

quò maturius, eò offertur ille melius, quocunque etiam tempore, siue interdiu siue noctu, ante vel post sumptum cibum, dosis à ij. ad iij. gr. pro ratione virium puerperæ.

Ad præcauendos verò hos omnes hoc in tractatulo recensitos affectus, semel sufficiat in anno sumptus, tempore sc. vel verno vel autumnali.

Dosis.

Infanti octodecim mēsum gr. β.

Binulo verò vel trimulo gr. j.

Quadrinulo, quinquenni ac sexenni ad summum gr. j. β.

Novem verò annorum pueris ad decimum vsque quintum annum gr. ij.

Ab anno decimo quinto ad decimum octauum vel vigesimum & vigesimum quartum, si robustæ sat fuerint naturæ, gr. ij. β.

Itemque à vigesimo quarto ad sexagesimum vsque ordinariæ doses sunt gr. iij. tam in viris quàm in mulieribus, robustioribus exhibentur gr. iij. robustissimis verò gr. v.

Debilitatis verò senioue confectis sufficiunt gr. ij. vel ad summum gr. ij. β.

Nota. Subsistatur semper in minori dosi potius, quàm ascendatur, nihilque interest, si non in omnibus aluum moueat, quod tamen rarissimè euenit, operationes namque suas per sudorem exequitur, &c.

De complexionum differentia.

Faciles ad purgandum sunt ij, qui debiles ac delicatuli, cachectici, macilenti, oculi quorum concaui, tenerima quibus cutis, subito frigore subito etiam laeduntur calore, incessu debilitantur, paucos assumunt cibos, multa tamen per aluum ejiciunt; item qui crassi albicantes, similiter quorum corpora tumescunt, manus ac facies pallent, vno verbo phlegmatici

phlegmatici ad purgandum sunt faciles.

Cholerici verò ac melancholicis, cum durioris sint alui, plus dandum præ alijs.

Sanguinei, qui simul aliquantulum macilenti, difficulter etiam mouentur.

Obeli autem sunt similes phlegmaticis.

Tandem denique à morbis chronicis reconualescentibus vnica dosi, rarò reiteratis vicibus, dandum.

De diata ac alijs in vsu huius pulueris obseruandis.

Medicina hæc requirit, vt ægrotus die vsus in calido loco permaneat, vtaturque cibis ac potu concoctu facilibus. Vinum bibatur pro ratione ægritudinis, præsentem enim febre vel alio calore vinum decocto aliquo temperatum vel leuidense aliquod bibendum itemque cereuisia, brodium vel alius conueniens liquor, &c. pro ratione ægritudinis, cuiusque facultatis morumque populi. Summatim, natura debilitata, in totum refocillanda, & quantum possibile cibo ac potu reficienda, corroboranda, sanguisque renouandus hæc confortandus. Quàm impossibile enim est lampadem oleo destitutam posse ardere, tam impossibile etiam hominem succo nutritiuo ac bono sanguine priuatum, detractaque naturæ alimoniam posse vigere aut viuere; temperantia tamen hominis est vita.

Sciendum præterea, quòd si forte quispian purgatione fuerit factus debilis, illum iuscule aliquo è vino cum vitellis ouorum ac saccharo parato, vel vino maluatico, succo caponum, pane martio,

marmeladâ cydoniorum, &c. esse reficiendum. Cui verò curta est domi suppellex, angusti loculi, loco vini maluatici vel alterius generosi vtatur dimidio cochleari spiritus vini saccharo temperati, quo egregiè confortabitur, brodio item calido, vel cereuisia butyro, ouis, macere, cinamomo vel alijs aromatizata.

Cauiio, quibus scilicet huius pulueris vsus vitandus.

Infantulis infra decimum octauum mensem constitutis nunquam hunc puluerem exhibui, nec alijs, quantum scio, id concessi.

Pregnantibus item (licet aliquæ curiosæ absque sui aut embryonis noxa eo fuerint vsæ) nisi fortè prudentis alicuius medici iudicio summâ urgente necessitate vsæ sint, summè, vt & alia similia, dissuadeo.

Tandem denique iis etiam huius pulueris vsus non est aded interdum proficiuus, quibus venter tumet, breuioris sunt colli, angustique œsophagi, non quidem, quasi nullum illis sit laturus fructum aut auxilium, sed ided, quia plerique summo cum nisu euomunt spirandique difficultate laborant.

Horum, quæ circa huius pulueris legitimum vsum necessariò obseruanda duxi, annotatione cuilibet satisfecisse me existimo, benedicat pulueris huius operationibus in posterum etiam vt hætenus is, qui omnibus, cui sit laus & gloria in infinita seculorum secula; Amen.

INDEX RERVVM ET VERBORVM.



<i>Cacia fructus</i>	33	<i>Aqua Aesculapij</i>	583
<i>Acacie purgandi modus</i>		<i>Aqua Aluminis</i>	ibid.
<i>ibid.</i>		<i>antidotalis</i>	581
<i>Acacia succedaneum co-</i>		<i>antropolectica</i>	698
<i>positum</i>	ibid.	<i>antepileptica</i>	ibid.
<i>Acerum bezoardicu</i>	382	<i>arthritica</i>	709
<i>Acerum contra ptyem</i>	380	<i>antipodagrica</i>	581
<i>Acerum pro pauperibus tempore pestis</i>	384	<i>Basilij Valentini</i>	246
<i>Acidum Tartari chalybeatum</i>	671	<i>benedicta optima</i>	561
<i>Acidum Tartari simplex</i>	670	<i>Cinamomi</i>	582
<i>Aer pestilens quo pacto noceat</i>	376	<i>contra ariduram</i>	585
<i>Agarici vitium eiusque correctio</i>	23	<i>cordialis aurea</i>	694
<i>Alexiterium regium</i>	705	<i>contra Lumbricos</i>	585
<i>Alexiterium Antimoniale</i>	646	<i>Diane</i>	684
<i>Aloes species & eiusdem bonitatis signa</i>	20	<i>Aquarum differentie</i>	49
<i>Aloes vsus quibus fugiendus</i>	21	<i>Aqua Epidemica</i>	399
<i>Albumen oui quorum clarificationi conueniat</i>	7	<i>Aqua florum Caryophyllorum</i>	56
<i>Ammoniacy Gummi purificatio</i>	34	<i>Aqua florum Cichorij</i>	579
<i>Ampulla trium fistularum</i>	555	<i>Aqua florum sambuci</i>	56
<i>Analogia Martis cum ferro</i>	179	<i>Aqua fontana cum spiritu uirgoli</i>	582
<i>Antidotus Cardui Angelici</i>	685	<i>Aqua Harimami</i>	587
<i>Antidotus Caryophyllata</i>	695	<i>Aqua Ischiadica</i>	584
<i>Antidotus contra pestem specificus</i>	396	<i>Aqua liliorum conuallium</i>	56
<i>Antidotus pretiose qualitatis</i>	420	<i>Aqua Magnanimitalis</i>	588
<i>Antidotus Cordialis</i>	393	<i>Aqua necessitas</i>	47
<i>Antimonij vomitorij vires</i>	446	<i>Aqua odontalgica</i>	710
<i>Antimonij virtutes secundum antiquas</i>	4265	<i>Aqua opthalmica</i>	587
<i>Antimonij vires secundum neotericos</i>	266	<i>Aqua pugillum</i>	566
<i>Antimonij diaphoretici vires</i>	307	<i>Aqua Raymundi calicea</i>	552
<i>Antimonium diaphoreticum</i>	302	<i>Aqua Regis Angeli Sale</i>	246
<i>Antimonium diaph. aliud</i>	306. 307	<i>Aqua Rosarum destillatio</i>	55
<i>Antimonij argenti viuum</i>	273	<i>Aquam Salvia destillandi modus</i>	ibid.
<i>Antimonio an metalla insint</i>	ibid.	<i>Aqua soluens philosophica</i>	603
<i>Antimonium quomodo corpori humano nocet</i>	269	<i>Aqua spermatis Ranaarum</i>	580
<i>Antimonio vitrum liquida substantia insit</i>	275	<i>Aqua Taurisarsata</i>	581
<i>Antimonij qualis tinctura esse potest</i>	276	<i>Aqua Theriacalis optima</i>	397
<i>Aphorismi chymiatrici</i>	214	<i>Aqua Veronica</i>	579
<i>Apoplexie remedium</i>	424	<i>Aqua vite Angelica</i>	304

ET VERBORVM.

Aqua vite aromatica per infusionem	93	Aurum potabile antiquorum	209
Aqua vite anisi	100	Aurum potabile aliud	600
Aqua vite aërea	96	Aurum potabile aliud	248
Aqua vite carminativa	103	Aurum potabile Basilij Valentinij	254
Aqua vite cephalica	98	Aurum potabile compositum	238
Aqua vite cephalica alba	99	Aurum potabile cum corrosiuo præparatum	601
Aquarum vite componendarum ratio	91	Aurum potabile Francisci Anthonij Angli	257
Aque vite compositæ variae	90	Aurum potabile Philosophicum	602
Aqua vite cordialis	95	Auri præparatio ad liquidam substantiam	256
Aqua vite discuryonis	97	Aurum purgatum	648
Aque vite differentiae	79	Auri solutio	169
Aqua vite fructuum	88	Auri solutio magistralis	241
Aqua vite frumentacea	87		
Aqua vite Imperij	102	B	
Aqua vite liliorum consualium composita	99	B Alneum Mariae cum arena humida	51
Aqua vite limonum	102	Balnei vsus tempore pestis	389
Aqua vite Menthae	100	Balsamum aloeticum	20
Aqua vite pectoralis	99	Balsamum apoplecticum	703
Aqua vite rectificatio	88	Balsamum Benzoininum fragans	599
Aque vite requisita	91	Balsamum cephalicum	598. alius 703
Aqua vite theriacalis	103	Balsamum cordiale	703. alius 383
Aqua vite ex vino Rhemano nun melior	80	Balsamum diambre	703
Arcanum antepilepticum	574	Balsamum Moschatum	704
Arcanum vitrioli	ibid.	Balsamum pestem fugans	707
Ardoris febrilis remedium	540	Balsamum Rhodinum	704
Argenti Anatomia	173	Balsamum stomachicum	703
Argentum cui Luna dicatur	172	Balsamum serpentum	640
Aristotelis de Mentha opinio	101	Balsamum sulphuris	599
Arsenicij præparatio	596	Balsamum sulphuratum	700
Artbritici doloris remedium	428	Balsamum vitriolatum	330
Asse dulcis cū sulphure minerali conuenientia	38	Balsamum vite liquidum	699
Asse dulcis purgatio	ibid.	Basilij Valentinus de auro potabili	254
Asthmatis curatio	425	Bdellij destillatio	65
Auri à menstruo separatio	170	Bdellij solutio	35
Auri Calcinatio	199. 237	Bezoardici descriptio	464
Auri Calcinati solutio	202	Bezoardicum antimoniales	307
Aurum ci r sol nominetur	163	Bezoardicum auratum minerale	661
Auri in medicina utilitas	167. & 207	Bezoardicum chrysocolalinum	683
Aurum neque aquam neque oleū suppediat	164	Bezoardicum Diasolis	465
Auro an insit substantia potabilis	198	Bezoardicum Iouiale	663
Aurum an materia medicinae vniuersalis sit	208	Bezoardicum Lunare	662
Auri partes substantiales	195	Bezoardicum Martiale	663
Auri per alembicum elenatio	205	Bezoardici vsus contra febrem ardentem	484
Aurum potabile an sine corrosiuo fieri possit	210	Bezoardici vsus in curatione pestis	477
Aurum potabile an Panaceæ loco haberi possit	211	Bezoardici vsus in præseruatione pestis	474
Aurum potabile Anglicanum	603	Brodium Gallinae Cardiacum	728
		Brodium ex succo Carnium	729

INDEX RERVM

C.

C Alcinatio auri	602
Calculi curatio	510
Calculosis opium exhibere licet	541
Canceri remedium	429
Candele contra pestem	380
Caphura qualitas	67
Cataplasma ad tumorem pestiferum	411
Cataplasma astringens	740
Cataplasma in gangrena	513
Cataplasma hepaticum	740
Cataplasma splenicum	ibid.
Cataplasma stomachale	ibid.
Cathari curatio	425
Cathari remedia	497
Catharticum polychrestum	675
Cautela in vsu vomitoriij benedicti	673
Cautela in vsu polychresti cathartici	676
Cautio in pilulis familiaribus	ibid.
Causa aerem corrumpentes	376
Causticum Angeli Sale	665
Cauterium actuale absque dolore	664
Cere destillatio in oleum	66
Cervarie Radicis vsus	627
Cersa antimonialis	311
Chirurgica medicamenta ex Antimonio	ibid.
Chrysologia	192
Chymia quid in preparatione auri possit	211
Chymicos veros a falsis discernendi argumenta	373
Claretum pectorale	651
Clareum violaceum	621
Clyssus Cardui benedicti	570
Colicæ passionis remedium	427
Colocynthis malignitas	27
Colocynthis dos substantiatriplex	ibid.
Confectio Arthritica	678
Confectio diartari	114
Confectio dysenterica	331
Confectio hyacinthi aurea	395
Confectio Rosarum vitriolata	330
Confectio stomachalis & Cardiaca	388
Consultatio 3. erronearum opinionum de laudano opiato	544
Contusionis remedium	430
Contra anxietatem Cordis in peste	415
Contra astum in pectore	ibid.

Contra dolorem capitis	416
Contra gravitatem capitis	ibid.
Contra linguæ & faucium adustionem	ibid.
Contra nauseam & vomitionem	ibid.
Contra venis obstructionem	417
Consolidans decoctum	508
Copal quid	37
Cordis defectionis remedium	471
Corallorum generatio	608
Cornu cerui per calcinationem præparatum	683
Cornu cerui per macerationem præparatum	ibid.
Corrosivum in Magisterio Auri	163
Cremor hordei	727
Crocus chalybis ruber	706
Crocus Martis aperitivus	560
Crocus Martis astringens	649
Crocus Metallorum	445
CrySTALLUS minerale cum Saccharo	641
CrySTALLUS Tartari	640
Cuprum in destillatione non elevatur	52
Cupri qualitas & nomen	105
Curatio accidentium pestis	408
Curatio abscessuum pestilentialium	410
Curatio Asthmatis	458
Curatio Cathari cum febre	447-449
Curatio cathari suffocati	448
Curatio colicæ passionis	452
Curatio defluxionis in pectus	451
Curatio defluxionis podagrica	450
Curatio defluxionum in genere	448
Curatio febris ardentis	ibid.
Curatio febris vngaricæ	450
Curatio intoxicatorum	470
Curatio Luis gallicæ	452
Curatio Paralysis	ibid.
Curatio paroxysmi epileptici	448
Curatio partus difficilis	453
Curatio Phthisici	451
Curatio variolarum.	488

D.

D Ecoctum hepaticum	723
Decoctum hordei simplex	720
Decoctum hordei pectorale	723
Decoctum Miliij	ibid.

ET VERBORVM.

<i>Decoctum panis</i>	720	<i>Elixir cephalicum</i>	698
<i>Decoctum Scortzgeræ</i>	722	<i>Elixir Cinamomi</i>	695
<i>Definitio Pestis</i>	374	<i>Elixir citri</i>	398
<i>Dementia curata</i>	178	<i>Elixir cordiale</i>	694
<i>Destillatio à quo & quando inuenta</i>	49	<i>Elixir proprietatis</i>	605
<i>Dieta colica laborantium</i>	474	<i>Elixir vite</i>	96
<i>Dieta in febre intermittente</i>	502	<i>Emplastrum ad anbraccem</i>	483
<i>Dieta tempore pestis</i>	386	<i>Emplastrum emolliens</i>	ibid.
<i>Diacinamomum</i>	697	<i>Emplastrum griseum animoniale</i>	313
<i>Diaphysanthum aureum</i>	395	<i>Emplastrum magneticum in peste</i>	334
<i>Diamargaritum vomitorium</i>	301	<i>Emplastrum Martiale</i>	710
<i>Diasenna Angeli Sale</i>	392	<i>Emplastrum Melilori</i>	635
<i>Diasolis compositio</i>	465	<i>Emplastrum paralyticum</i>	501
<i>Diaphoreticum Antimonij</i>	684	<i>Emplastrum saturninum</i>	710
<i>Diaphoreticum in morbillis</i>	492	<i>Emplastrum sticticum Martiale</i>	92
<i>Diaphoreticum in peracutis</i>	576	<i>Emplastrum rupestrium</i>	409
<i>Diaphoreticum in peste</i>	404	<i>Emulsio amygdalarum</i>	725
<i>Diaphoreticum pretiosum</i>	682	<i>Emulsio pap. albi</i>	726
<i>Differentia destillandi duplex</i>	449	<i>Empyreuma aquarum quomodo contrahatur</i>	60
<i>Digestio quando necessaria</i>	57	<i>Enema abstergens</i>	732
<i>Directio in vsu Bezoardicorum</i>	467	<i>Enema carminativum</i>	734
<i>Dolor aurium</i>	540	<i>Enema consolidans</i>	ibid.
<i>Dolor capitis</i>	ibid.	<i>Enema emolliens</i>	733
<i>Dolor colicus</i>	541	<i>Enema euphorion humectans</i>	732
<i>Dolor dentium</i>	540	<i>Enema laxans</i>	733
<i>Dolor lateris</i>	480	<i>Enema leniens</i>	ibid.
<i>Dolor post partum</i>	541	<i>Enema pro calculosis</i>	734
<i>Dolor renium</i>	ibid.	<i>Epilepsie auxilium</i>	540
<i>Doloris vniuersale remedium</i>	539	<i>Epilepsie curatio</i>	496
<i>Dysenteria cura</i>	492	<i>Epilepsie remedium</i>	424
<i>Dysenteria leuamen</i>	541	<i>Epithemata ad plantas quid conferant</i>	741
<i>Dysenteria remedium</i>	426	<i>Epithema cordiale refrigerans</i>	738
		<i>Epithema in febribus malignis</i>	739
		<i>Error communis in saparum preparatione</i>	9
		<i>Error in essentia Myrobalarum paranda</i>	10
		<i>Error Medicorum</i>	54
E leosaccharum citri	697	<i>Essentia Absinthij</i>	16
<i>Eleosacchari commeda</i>	161	<i>Essentia Acetosæ Saccharatæ</i>	159
<i>Eleosacchari preparatio</i>	45	<i>Essentia Agarici</i>	23
<i>Ebuli bacca quomodo purganda</i>	29	<i>Essentia Angelicæ</i>	18
<i>Electuarium diatarari</i>	122	<i>Essentia Borraginis</i>	5
<i>Electuarium hydragogum</i>	678	<i>Essentia camphoræ alexiterica</i>	600
<i>Electuarium pulmoniacum</i>	651	<i>Essentia caryophyllorum</i>	18
<i>Elementi Aquæ natura</i>	47	<i>Essentia centaurei minoris</i>	9
<i>Elixir antepilepticum</i>	698	<i>Essentia Croci</i>	695. & 19
<i>Elixir anti febrile</i>	672	<i>Essentia colocynthis</i>	27
<i>Elixir aureum</i>	693		

E.

INDEX RERVM

Essentia corticum citri	18	Extractum castorei	ibid.
Essentia caputum papaveris Saccharata	160	Extractum Hellebori	633
Essentia cucumeris Asinini	29	Extractum Mumie	631
Essentia Euphorbij	24	Extractum Scammonij	633
Essentia florum Hyperici	699	Extractum Rhabarbari	631
Essentia florum Rosarum saccharata	160	Extractio Salis virioli	441
Essentia florum Tunicæ	6		
Essentia florum violarum Saccharata	160	F.	
Essentia florum violarum simplex	6		
Essentia foliorum Sennæ	22	Fæcula Aronis	13
Essentia fructuum	9	Fæcula Bryoniæ	14
Essentia fructus Rubi Idæi	10	Febrim intermittentium cura	429
Essentia Glycyrrizæ	12	Febris intermittens remedia	501
Essentia Glycyrrizæ Saccharata	160	Febris intermittens sedatio	540
Essentia granorum Alkekengi	10	Febris malignæ remedia	501
Essentia gratioli	29	Febris quartana innumerate cura	503
Essentia Hellebori	26	Fermentatum Bezoardicum	157
Essentia Hyperici	7	Fermentatum Betonicæ	154
Essentiarum inventor	2	Fermentatum Cinamomi	155
Essentia ligni Guajaci duplex	12	Fermentatum cordiale	156
Essentia Mechoacæ	23	Fermentatum florum Aurantium	153
Essentia Myrobalanorum	10	Fermentatum nephriticum	157
Essentia oculorum Absinthij	16	Fermentationi quæ simplicia apta sunt	84
Essentiarum parandi modus secundum chymicos		Fermentatum Radicis Scorzonere	ibid.
3		Fermentatum Rosarum	153
Essentiarum parandi modus secundum antiquos		Fermentum singulare	158
2		Fermentatum stomachale	157
Essentiarum parandarum observationes genera-		Fermentatum succi cydoniorum	154
les	48	Fermentationis virilitas	84
Essentis parandis quæ simplicia conveniant	14	Ferrum cur Mars dicatur	179
Essentia pomorum dulcium	11	Florum Antimonij præparatio	297
Essentiæ quæ pars simplicium conjuncta manet	2	Flores Antimonij purpurei coloris	309
Essentia Radicis Esulæ	25	Flores Antimonij diversæ	656
Essentia Rhabarbari	21	Flores Antimonij Tenzelij	655
Essentia resinosa ligni Aloes	19	Flores Sulphuris	650
Essentia rosarum rubrarum	17	Flores Sulphuris albicantes	651
Essentia Scammonij	27	Flores Sulphuris Benzoinati	700
Essentia Scorzonere	11	Fluxus muliebri remedium	427
Essentia Tamariindorum	9	Fluxionum in genere remedium	539
Essentiæ Tartaræ vegetabilis destillatio	66	Fluxus ventris remedia	426. 481
Essentia Turpiti	25		
Essentiæ varia acceptio	2	G.	
Essentiæ vegetabilium Saccharatæ	159		
Essentiarum usus mirificus	4	Gargarisimus abstergens	729
Esulæ malignitas	26	Gargarisimus Scorbuticus	730
Extractum Esulæ minoris	635	Gargarisimus pro vulva laxata	ibid.

ET VERBORVM.

Geberi Arabis sententia	236	Instrumenta destillatoria	50
Gelatina in Dysenteria	729	Instrumentum cauteriale	665
Globus aolius ad sigillationem hermetica	669	Interperiei calidae exoratio	478
Glycyrrhizæ noxa	12	Intestinorum dolentium remedium	472
Glycyrrhizæ succi depuratio	31	Iulepus aureus	724
Gonorrhææ remedium	427	Iulepus ex vino	725
Granorum Ebuli incommoda	30	Iulepus de rubo Idæe	724
Guaiaci ligni duplex substantia	12	Iulepus hemereticus	646
Gummatum ferulaceorum destillatio	65	Iulepus in variolis	490
Gummatum substantia duplex	35	Iulepus mastichinus	725
Gummi Guaiæ purificatio	28	Iulepus rosatus	724
Gummi Ladani purificatio	36	Iulepus rosatus ruber	ibid.
Gummi Stryacis Calamitæ purgatio	ibid.	Iulepus stomachalis	725
		Iulepus violatus	724

H.

Hæmorrhagiæ remedium 539
Hartmanni Beyeri Laudanum mercuriale

250

Hebetudo memoriæ eiusque remedium	494
Hellebori indigere vnde prauerbium natum	26
Hemicranii curatio	493
Hepatis imbecillis remedium	471
Hepatis obstructio	506
Herniæ dolores opio mitigantur	541
Historia de Euphorbio	24
Horatius de vino	625
Humidum radicale simplicium per exsiccationem non perit	15
Hydromel spirituosum	151
Hydromel passulatum	ibid.
Hydroscaccharum compositum	ibid.
Hydrosaccharum	693
Hydroscaccharum vinosum	150
Hydroscaccharum clarum	720
Hydropica curata	178
Hydropis remedia	507
Hyoscyamus virum venenum	620
Hyperici virtutes	7
Hypericæ barbis remedium	541
Hypochondriacæ passionis remedium	425

I.

Incubi remedium 425
Infusio aquarum destillatarum 57

L.

Lac perlarum	726
Laconium D. Genandij Parisiensis	668
Ladani purgatio.	36
Ladanum duplex	ibid.
Lapis philosophorum	660
Laudanum angelicum	686
Laudanum liquidum	630
Laudana opitata tria diuersa	535-536
Laudani vsus genericus et specificus	539
Laudani in vsu quæ obseruanda	543
Leibnizii cura	495
Lienis obstructio	506
Ligni Aloes veri signa	20
Liquor Anodynus	630
Liquor Antimonialis	314
Liquor cardiacus	329
Liquor contra arenulas	332
Liquor contra pleuresin	331
Liquor contra pestem	333
Liquor contra pestem alius	334
Liquor contra prunellam	332
Liquor Diane	575
Liquores fermentati compositi	156
Liquor fermentatus medicinalis	152
Liquor martialis	672
Liquor nephriticus	586
Liquor oculorum Cancro	585
Liquor restitutus	330
Liquor vitrioli acidus	317

INDEX RERVM

Liquor vitrioli analepticus	327	Mercurius auratus catharticus	185
Liquor vitrioli diaphoreticus	324	Mercurius auri currens	164
Lixivium Calcis pro Saccharo	139	Mercurius aurati vires	186
Luna coagulatio	174	Mercurius deieflorius	661
Lunaris lapidis redutio	176	Mercurius martialis	663
Luna magifterium	174	Mercurij natura & nomina	92
Luna potabilis	605	Mercurius rerum naturalium	58
Luna folutio	174	Mercurius ne venenum	444
		Mercurius vite	442
		Methodus generalis curandi pestem	403
		Mixtura Abfimbriaca	44
		Mixtura Acetofa	41
		Mixtura Alebinilla	45
		Mixtura Alibea	42
		Mixtura Anagallidis	ibid.
		Mixtura aperitiva calida	40
		Mixtura aperitiva refrigerans	ibid.
		Mixtura Artemisiae	44
		Mixtura Betonica	42
		Mixtura Bugloffi	ibid.
		Mixtura carminativa	40
		Mixtura chalybeata	44
		Mixtura contra vermes	707
		Mixtura diambra	697
		Mixtura dianepenthes	688
		Mixtura diuretica	40
		Mixtura Dysenterica	705
		Mixtura Myrtillorum	43
		Mixtura odontalgica	688
		Mixtura Papaneris	43
		Mixtura Rubi Idæi	ibid.
		Mixtura Saxifragie	679
		Mixtura scorzonerae	44
		Mixtura Tuffilaginis	43
		Mixtura vulneraria	710
		Modus Acaciam purgandi	33
		Modus conferuandi pilulas	677
		Modus aquas deftillandi	49
		Modus deftillandi acetum pro Magifterio Anti-	
		monij	307
		Modus deftillandi fpiritus ex falibus vegetabi-	
		lium	133
		Modus eodem deftillandi melior	51
		Modus effentias aromaticas conferuandi	20
		Modus effentias parandi	5
		Modus exhibendi grana Ebuli	30
		Modus	

M.

M Agifterium Aluminis 584
Magifterium Antimonij diaphoreticum

306

Magifterium Auri 168
Magifterij Auri virtus 172
Magifterium Auri liquidum 689
Magifterium corallorum 658
Magifterium lapidis Bezoar compofitum 693
Magifterij Luna ab aqua feperatio 175
Magifterium Luna deieflorium 642
Magifterij Luna vires 176
Magifterium perlarum folubile 693
Magnetis arfenic. lis preparatio 409
Mangonia oleorum pretioforum 66
Mars rubificatus 180
Maslach Turcarum quid 623
Manellum ligneum anglicum 668
Manellum fudoriferum 666
Medicamenta varia cum fpiritu vitrioli parata

370

Medicorum officina 54. & 66
Mel Bete 718
Mel de baccis Iuniperi ibid.
Mel Iuniperi ibid.
Melicraui deftillatio 87
Mel paffularum 718
Mel rofatum ibid.
Menftrua ad effentias extrahendas 5
Menftrum Bafily pro auro potabili 603
Menftrua feminarum fuppreffa 586
Menftrua earundem nimis fluentia 541
Menftrum fupprefforum remedium 428
Menftrua ad extractionem vegetabilium qua
quantitate adhibenda 16
Mentha Crifpa qualitas 102

ET VERBORVM.

Modus extrahendi essentias ex simplicibus viri- dibus	8	Observationes de Mercurio aurato	186
Modus extrahendi salia ex vegetabilibus	129	Observationes de Sale vitrioli	438
Modus extrahendi Tartarū ex vegetabilibus	128	Observationes in destillatione spiritus salis	135
Modus operandi in auro	603	Observationes in vsu Rose mineralis	749
Modus opium à sulphure narcotico purgandi tri- plex	583	Observatu necessaria circa opium	537
Modus pręparandi Antimonium	279	Observatu necessaria in vomitoriorum admini- stratione	454
Modus pręparandi crocum metallorum	295	Oleum Amygdalarum dulcium absque igne prę- paratum	742
Modus purgandi Gummata ferulacea	34	Olei Anisi proprietates	68
Modus purgandi opium	32	Oleum Anodynum	711
Modus saccharum colligendi	137	Oleum Antimonij	314
Modus separandi olea ab aquis	68	Oleum ad variolas	319
Modus simplicia siccandi	14	Olea Aromatum quomodo destillanda	68
Modus solvendi Baellium & Myrrham	35	Oleum Arsenici	597
Modus succum Glycyrrhizę purgandi	31	Oleum Baccarum Lauri	590
Modus substantias Antimonij separandi	282	Oleum balsami Peruvian	597
Modus vomitoria medicamenta comparandi ex Antimonio	298	Oleum Balsamicum	711
Modus vasa destillatoria obturandi	5	Oleum Balsami vniuersalis	567
Morbi gallici remedium	429	Oleum Benzoin	64
Morbilorum remedia	482	Oleum caphura	67. 592
Muscum instrumentum aquę vitę beneficio ope- rans	554	Oleum carminatiuum	743
Mucilago seminis cydoniorum	730	Oleum cinamomi	741
Myrrha balsamum	35	Oleum cordiale odoriferum	595
Myrrha destillatio	65	Oleum corticum Aurantiorum & citri	71
		Oleum Ebulinum	591
		Oleum Guajaci	592
		Olei incorporatio	71
		Oleum Iuniperi	ibid.
		Oleum ligni cupressi	72
		Oleum ligni sassafras	73
		Oleum ligni Rhodij	ibid.
		Oleum liliorum conuallium	70
		Oleum Melissa destillatum	69
		Oleum Philosophorum	67
		Oleum Rosarum destillatum	69
		Oleum Rosar. stillatiuum aliud	590
		Oleum Sacchari	147
		Oleum succini albi	591
		Oleum sulphuris campanatum	595
		Oleum sulphuris D. Fincelij contra pestem	596
		Oleum styracis	37
		Oleum Tartari quid ad extractionem simpli- cium faciat	23
		Oleum Tartari rectificatio	119
		Olei Tartari vsus	115

N.

Natura & origo luis pestiferę	375
Natura Metallorum	193
Narcotici somni remedium	479
Nauseę & vomitionum sedatiuum	540
Nauseę remedium	426
Necessitas respirationis	375
Nepentes aureum D. Angeli Sale	537
Nepentes Tenzelij	617
Nitrum pręparatum	681
Nominis essentia ratio	2

O.

Obligatio contra Laudanum opiatum	544
Observationes de Auro analogico	163
Observationes de Magisterio Lune Ang. Sale.	168

INDEX RERVM

<i>Olei vitrioli rubrum</i>	593	<i>Phiola circulatoria ad cinabarium Mercurij con-</i>	
<i>Oleum vitrioli Smaragdinum</i>	593	<i>ſciendam</i>	669
<i>Opj actiones cur diuerſimodi effectus ſint</i>	529	<i>Phrenitica curata</i>	178
<i>Opj Eſſentia</i>	33	<i>Phrenetiſ remedium</i>	425
<i>Opj colligendi modus</i>	32	<i>Pilula Angelica contra peſtem</i>	391
<i>Opj confectiones tres diuerſe</i>	535	<i>Pilula Angelica Tenzelij</i>	636
<i>Opj correctio</i>	627	<i>Pilula Antimoni ales</i>	301
<i>Opj deſcriptio ſecundum veteres</i>	522	<i>Pilula Baſamica</i>	502
<i>Opj probati ſigna</i>	32	<i>Pilula capitales</i>	493
<i>Opj proprietates</i>	527	<i>Pilula cephalica</i>	677
<i>Opium purificandi modus</i>	32	<i>Pilula familiares</i>	676
<i>Opium purgandi modi tres</i>	533	<i>Pilula laxantes in peſte</i>	562
<i>Opj qualitas</i>	32	<i>Pilula Scammonij polychreſta</i>	634
<i>Opj tinctura</i>	534	<i>Plantas reſuſcitandi ſecretum</i>	576
<i>Opj vera preparatio</i>	532	<i>Pleuritiſis curatio</i>	486
<i>Opj uſus intra corpus tutus an ſit</i>	522	<i>Pleuritiſis remedium</i>	425
<i>Ophthalmicum Crollij</i>	587	<i>Plumbi qualitas & nomen</i>	189
<i>Ophthalmicum Ioniæ</i>	104	<i>Plumbi uſus externus</i>	191
<i>Oxycratum</i>	720	<i>Pomambra tempore peſtiſ</i>	383
<i>Oxyrrhodinorum cautio</i>	736	<i>Pomum odoriferum contra peſtem</i>	384
<i>Oxyrrhodinum refrigerans</i>	ibid.	<i>Porismata de auro potabili</i>	212
<i>Oxyſaccharum purgans</i>	674	<i>Potio benediſta purgans</i>	640
<i>Oxyſaccharum vomitiuum antimoniæ</i>	300	<i>Potio è foliſ Sennæ</i>	731
<i>Oxyſaccharum vomitiuum contra peſtem</i>	391	<i>Potio è Rhabarbæro</i>	ibid.
<i>Oxyſaliſ diaphoretici preparatio</i>	45	<i>Potio contra dyſenteriam</i>	ibid.
		<i>Potio in pleuriſide</i>	487
		<i>Potio hydragoga in hydropæ</i>	507
		<i>Potio purgans in febribus intermittentiſibus</i>	502
		<i>Potio purgans in febre quartana</i>	505
		<i>Potio purgans in Scabiæ</i>	510
		<i>Præcipitatum nobile</i>	657
		<i>Præparatio magnetiſ arſenicaliſ</i>	483
		<i>Præparatio Mercurij vitæ</i>	444
		<i>Præſeruatio peſtiſ per medicamenta</i>	390
		<i>Præxiſ cum auro potabili</i>	604
		<i>Proiectio Magiſteriij Auri</i>	171
		<i>Pulviſ Auri</i>	170
		<i>Pulviſ Bezoardicus ſerpentinuſ</i>	638
		<i>Pulviſ Bezoardicus Smaragdinuſ</i>	697
		<i>Pulviſ contra epilepſiam infantinuſ</i>	328
		<i>Pulviſ diachermes</i>	696
		<i>Pulviſ diacartari ſoluiinuſ</i>	677
		<i>Pulviſ ophthalmicuſ</i>	722
		<i>Pulviſ purgans in menſium obſtructione</i>	509
		<i>Pulveris Roſæ mineraliſ proprietates</i>	747
		<i>Purgatio in Catharriſ</i>	497

P.

PAlpitationiſ Cordiſ curatio

Panarella

Panchymagagon Mercuriale

Paralyſiſ remedium

Paralyſiſ cura

Partes Hyperici duplices

Paſſula purgantes

Partuſ diſſiciliſ auxilium

Partuſ laborioſi remedium

Pedanuſ Dioſcoridiſ Author eſſentiarum

Peſſariuſ in menſium obſtructione

Peſtiſ fera ægriſ correctio

Peſtiſ externa quid ſit

Peſtiſ indiciæ in genere

Peſtiſ interna quid

Peſtiſ internæ ſymptomatu

Peſtiſ præſeruatio

Petri Beloniſ de opio hiſtoriæ

Pyropyron Zyuingeri.

Q.

Quercetani Aqua vite
Quercetani Aurum vite
Quercetani aurum potabile
Quercetani Mercurius Auri
Quercetani tinctura Auri
Quinta essentia Cerasorum
Quinta essentia laxativa
Quinta essentia Sambuci

R.

Rhabarbarum album
Rhabarbari correctio
Rhabarbarum quibus conveniat
Rhasis & Albucasis aurum
Reductio Argenti
Refrigeratorij instrumenti necessitas
Regulus Antimonij
Remedium ad Anthraxem
Remedium ad deliria
Remedium ad dissolutionem stomachi
Remedium ad glandulas
Remedium ad tumores retinentes
Renum ardor & curatio
Responsio ad objectiones Laudanum improban-
tium
Restaurantia in peste
Restibile succorum destillatorum non est essentia

S.

Sacchari Abusus
Sacchari anatomia
Saccharo condita non reicienda sunt
Saccharo conditorum superfluitas
Sacchari depuratio

664 Sacchari differentia *ibid.*
Saccharo difficulter in medicina cavere licet 143
Sacchari necessitas ad simplicium conservatio-
nem *ibid.*
249 Sacchari proprietates 140
ibid. Saccharo que conditi possunt 142
250 Saccharum quid sit 137
249 Sacchari oleum 147
ibid. Sacchari utilitas 142
557 Sacculus ad pectus 738
562 Sacculus cephalicus calefaciens *ibid.*
555 Sacculus contra destillationes *ibid.*
Sacculus contra flatus 740
Sacculus stomachalis 739
21 Sal Absinthij 637
633 Sal Armoniacum regeneratum 641
21 Sal Auri quid sit 166
49 Sal Diaphoreticum 686
348 Salium e vegetabilibus proprietates 131
68 Sal Nirri cum Saccharo preparatum 148
280 Salis rerum naturalium vsus 58
482 Sal Tartari vitriolatum 121
480 Sal Tartari vitriolatum aliud. 641
ibid. Salis Tartari vsus 115
482 Sal vitrioli 320
ibid. Salis vitrioli proprietates 441
472 Sal vitrioli D. Tenzelij 637
Salis vitrioli vsus 674
543 Sanguinis Draconis artificialis compositio 38
413 Sanguinis Draconis nativi & suppositivij signa *ibid.*
Sanguinis Draconis purgatio *ibid.*
579 Sanguinis Draconis quid sit. *ibid.*
653 Sapo medicamentosus 712
652 Scabiei maligna cura 510
567 Scabiei remedium 429
324 Scammonij malignitas 25
396 Scammonij purificatio *ibid.*
651 Scorbui remedium 427
Senna correctio 632
Senna in purgando incommodum 22
140 Sententia Medicorum de Styrace 37
146 Serum lactis aluminosum 722
145 Serum lactis Tamarindinatum *ibid.*
145 Sigillum hermeticum 667
138 Similia similibus curantur 67

INDEX RERV

<i>Simplicia acriora per vesicam destillanda sunt</i>	54	<i>Spiritus vitrioli quid in extractione simplicium praestet</i>	18
<i>Simplicia essentis parandis apta</i>	4	<i>Spiritus vitrioli vsus externus</i>	372
<i>Symptomata ordinaria peste laborantium</i>	413	<i>Spiritus vitrioli vsus internus aututus sit.</i>	362
<i>Somniferum remedium</i>	539	<i>Spiritus vini destillatio</i>	86
<i>Spasmi remedium</i>	424	<i>Spiritus vini pro simplicium essentia paranda generalis menses non est</i>	5
<i>Specificum purgans Paracelsi</i>	594	<i>Spiritus Vini Rhodofaccharatus</i>	563
<i>Specificum purgans alterum</i>	654	<i>Spiritus vite aureus</i>	560
<i>Spiritus antapoplecticus</i>	564	<i>Spiritus vite rubens</i>	ibid.
<i>Spiritus antepilepticus Basilij</i>	577	<i>Spiritus vite Rulandi</i>	559
<i>Spiritus antepilepticus alius</i>	575	<i>Stanni Nomen & proprietates</i>	188
<i>Spiritus cardiacus</i>	565	<i>Stomachi compressi remedium</i>	471
<i>Spiritus cephalicus</i>	564	<i>Structura fornacis pro oleo vitrioli Smaragdino</i>	594
<i>Spiritus cerevisiae destillatio</i>	76	<i>Stryacis Calamitae destillatio</i>	64
<i>Spiritus citrinatus</i>	563	<i>Stryacis liquida clarificatio</i>	37
<i>Spiritus flatus discutiens</i>	565	<i>Stryacis liquida probe signa</i>	ibid.
<i>Spiritus mineralis acetosus</i>	570	<i>Stryacis purgatio</i>	36
<i>Spiritus Nitri correctus</i>	684	<i>Succi acidi nullam in destillatione aquam propriam suae virtutis emittunt</i>	53
<i>Spiritus purgans</i>	558	<i>Sudoriferum</i>	485
<i>Spiritus Rosarum</i>	88	<i>Sugillatorum remedia</i>	511
<i>Spiritus Rosismarini</i>	557	<i>Sulphur caeleste</i>	551
<i>Spiritus Sacchari</i>	149	<i>Sulphur verum naturalium</i>	58
<i>Spiritus Salis</i>	681	<i>Sulphur vitrioli dulce</i>	630
<i>Spiritus Salis Absinthij</i>	135	<i>Sulphur vitrioli Paregoricum</i>	ibid.
<i>Spiritus Salis compositum</i>	568	<i>Suppositoriorum in vsu cautela</i>	735
<i>Spiritus Salis corallatus</i>	569	<i>Suppositoriorum varietas</i>	ibid.
<i>Spiritus Salis rectificatio</i>	134	<i>Syrupus Acetofellae</i>	717
<i>Spiritus salium vegetabilium</i>	569	<i>Syrupus Acetosus</i>	715
<i>Spiritus Tartari</i>	685	<i>Syrupus Acetosus Citri</i>	714
<i>Spiritus Tartari compositus</i>	126	<i>Syrupus Cydoniorum</i>	716
<i>Spiritus Tartari rectificatio</i>	125	<i>Syrupus Corallorum</i>	694
<i>Spiritus Tartari vires</i>	126	<i>Syrupus de bacis Sambuci</i>	715
<i>Spiritus Saturni ardens</i>	565	<i>Syrupus de Papavere violatus</i>	716
<i>Spiritus Solis</i>	184	<i>Syrupus de Rubo Idæo</i>	715
<i>Spiritus Stomachicus</i>	564	<i>Syrupus de Succo Berberum</i>	714
<i>Spiritus Tartari</i>	685	<i>Syrupus dysentericus vitriolatus</i>	370
<i>Spiritus vitrioli, Euphorbij & similium acrem qualitatem non corrigit</i>	361	<i>Syrupus Gratiolæ</i>	29
<i>Spiritus vitrioli caluminiatores refutantur</i>	367	<i>Syrupus pectoralis vitriolatus</i>	371
<i>Spiritus vitrioli cum Spiritu Sulphuris affinitas</i>	361	<i>Syrupus Rosarum laxativus</i>	716
<i>Spiritus vitrioli multiplex vsus</i>	368	<i>Syrupus Violarum</i>	717
<i>Spiritus vitrioli ob vim corrosivam non dammandus eiusque rationes</i>	366		
<i>Spiritus vitrioli ob temperamentum calidius non reijciendus eiusque rationes</i>	365		
<i>Spiritus vitrioli Philosophicus</i>	577		

T. Abis curatio Tartarum Aceti 425 124

ET VERBORVM.

Tartari acidum chalybeatum	114	Trochisci contra pestem	880
Tartari acidum quid sit	112	Trochisci pro fumo	704
Tartari acidi qualitas	113	Trochisci sublinguales	ibid.
Tartari à face vini distinctio	108	Turbid. minerale	659
Tartarum Agrestæ	115	Tussis remedia	498
Tartarum Aloedarium violatum	115	V.	
Tartari compositum purgans	ibid.	V Ana persusio est antiquos nil ignorasse	8
Tartari electio	109	Vasorum destillatorum forma	53
Tartarum ex quolibet vino & aceto extrahitur	112	Vasorum cupreorum noxa	ibid.
Tartari Etymologia	105	Vena sectio qui tempore pestis administranda	417
Tartarum Lutosum Cardui ben.	128	Veneri per Bezoardica expulsio qui fiat	468
Tartarum Lutosum lupuli	ibid.	Veneris vsus tempore pestis	389
Tartarum Melissæ	126	Ventriculi imbecillis remedium	426
Tartarum Mororum	ibid.	Vertiginis remedium	495
Tartari ortus	107	Vinum hippocraticum antimoniale	299
Tartarum palmatum & pampinorum	124	Vinum martiale	180
Tartari per vulcanum anatomia	ibid.	Vinum martiale compositum	181
Tartari pulvis phlegmagogus	121	Vinorum qualitates & differentiæ	80
Tartari Pulvis Stomachalis	122	Vitrioli anodynum	323
Tartari purificatio	111	Vitrioli arcannum	574
Tartarum Radicis Ononidis	128	Vitrioli boni notæ	362
Tartari rubri purificatio	113	Vitrioli descriptio	342
Tartarum Saluæ	128	Vitriolata omnia spiritum acidum habent à sul-	
Tartarum Scordij	ibid.	phure	360
Tartari species & differentiæ	106	Vitrioli partes essentielles	357
Tartarum Tamarindorum	126	Vitriolum purgans	322
Tartari vsus & dosis	114	Vitriolum regeneratum	323
Tartari virilitas	109	Vitrioli sal an tuò intra corpus exhiberi possit.	
Temperatum Solare	169	442	
Terra vitrioli	321	Vitrioli spiritus rectificatio	3191
Theophrasti Paracelsi de opio doctrina	531	Vitrioli spiritus virtutes	318
Theophrasti de tribus substantiis doctrina	58	Vitrioli substantia cuprea	321
Theophrastus de rosa minerali.	654	Vitriolum Veneris	349
Theriaca pauperum	398	Vitrum Antimonij	286
Tinctura Auri quid	165	Vitrum Antimonij hyacinthinum	645
Tinctura Corallorum	608	Vnguentum ad bubones pestilentes	482
Tinctura Croci	600	Vnguentum album antimoniale cum Mercurio	313
Tinctura florum Solarium	ibid.	Vnguentum Bezoardicum	466
Tinctura Lime	173	Vnguentum contra Scabiem malignam	513
Tinctura Opj	534	Vnguentum in hydropse	507
Tinctura Rhabarbari	608	Vnguentum in timore pestilentiali	410
Tinctura sacchari	147	Vnguentum mercuriale	187
Tinctura simplicium ad coloris ratione sic di-		Vnguentum mercurialis virtutes	ibid.
cantur	18	Vnguentum paralyticum	500
Tinctura Smaragdi	612	Vnguentum pectorale	499
Thomas Bonius de Gratiola	29	Vnguentum Sambucinum	744

INDEX RERVM ET VERBORVM.

<i>Unguentum saturninum viriolatum</i>	339	<i>Vomitorium in dysenteria</i>	492
<i>Unguentum somniferum</i>	ibid.	<i>Vomitorium in pleuritide</i>	486
<i>Vomitoria antiquis vsitata</i>	436	<i>Vomitorium in variolis</i>	489
<i>Vomitorium benedictum</i>	672	<i>Vomitorium Mercuriale</i>	444
<i>Vomitorium è Croco metallorum</i>	445	<i>Vomitorium viriolatum</i>	440
<i>Vomitorium è vegetabilibus</i>	485	<i>Vomitorium vsus</i>	432
<i>Vomitorium febrifugum</i>	647	<i>Urina retenta remedium</i>	427
<i>Vomitoria Hermeticorum</i>	439	<i>Vsus pulueris Rosæ mineralis.</i>	748

F I N I S.



ANGELI SALAE,
VICENTINI,
MEDICI SPAGIRICI,
Tractatus Duo :

D E
VARIIS TVM CHYMICORVM,
tum Galenistarum erroribus, in præpa-
ratione Medicinali commissis.

OPVS ITALICE AB AVCTORE CONSCRIPTVM,
*jam verò eodem requirente, in Latinam linguam, stylo quàm
simplicissimo translatum, labore & conatu*
M. A. R.

Et nunc primum reliquis A. Salæ operibus adfociatum.



ROTHOMAGI,
Sumptibus, IOANNIS BERTHELIN, Bibliopolar.

M. D C. L.



VIRO MAGNIFICO, NOBILISSIMO,
Amplissimo atque Prudentissimo,

Dn. IODOCO CHRISTO-
PHORO Kress von Kressenstein in
Rezelsdorff.

INCLYTÆ ET LIBERÆ REIPUBLICÆ NORI-
bergensis Senatori, ac Scholarchæ Eminentissimo,
Vniuersitatis Altorfinæ Procuratori grauiissimo,
Eiusdémque Reipublicæ
ad

Conuentum Osnabrucensem ac Monasterialem iam temporis Legato
splendidiſſimo, Domino ac Patrono meo submiſſè jugitérque colendo.

DVABVS potissimum inducor causis, Vir Magnifice, Nobilissime, Amplissime, ac Prudentissime, Domine ac Patrone perpetuò deuenerande, duabus inquam inducor causis, quare pagellas hæcæ illustri Tuo nomine condecoratas velim atque insignitas. Vna est, vt publicum hîc de liberali Tuo ergame, omnesq; bonos affectu ac fauore. præberem testimonium, quo nullo non tempore me nil tale commerentem aded complexus es, vt beneficium, alterum beneficium quasi trudens, in me effundere haud dubitares. Quibus aded me Tibi deuinctum tenes, vt nisi publicè de ijs verba facerem, (aliud cum mihi nullum compensandi genus relictum sit) ingratitudinis notam subire viderer.

Ang. Sale.

D d d d

Hiscce omnibus, Vir Magnifice, effecisti, ut cum illo cogar clamitare; me vivere & mori ingratum. Altera est profunda rerum medicarum, quâ condecoratus es, eruditio, qua licet à studio tuo ac professione aliquantulum aliena esse videatur, ea tamen est, qua doctos quoque Medicos à tergo longo post se relinquit interuallo. Non enim existimes velim, fugitivam mihi oblivionem illud subduxisse temporis, quod de varijs minùs dextris Medicamentorum præparationibus vulgò vsualibus doctè loquendo, me auditore, traduxisti, varios in illis crassè commissos errores accuratè commonstrando, coarguendos. Quâ dexterrimâ rerum disjudicatione, ab acriori tuo judicio, tanquàm à perenni omnis eruditionis fonte profluente, summam in admirationem tractus, sic affectus sum, ut semper pura electorum medicamentorum elaborationi (absit tamen omnis jaectantia) studere contenderim.

Videns igitur verè aureum hunc Candidissimè Chymici Angeli Sala de varijs Pseudo-Chymicorum & Galenistarum erroribus tractatulum, à reliquis illius Operibus exulare, à multisq; publici vsus studiosis anxie desiderari, pro meâ, quam publico debeo, opellâ facere non potui, quin reliquis Angeli Sala Operibus adsociandum, publiciq; juris faciendum allaborarem; Ut ita per me non quidem nasceretur, sed renasceretur, & ab interitu ac oblivione vindicaretur. Neque est cur, Te maximo fauente Patrono, triobolarium Chymicæ Oforum sinistra pertimescam iudicia, quorum iniqua nobilissima rei reprehensio, quid nisi meram coarguit inscitiam? qui, tantum abest, ut Chymicæ dignitati nugis suis aliquid demere valeant, ut potius ignorantia tenebris occæcati ad abjecta quedam ac sordida hominum sodalitia se à Natura detrusos esse commonstrent, nec dignos, ut ad hæc admittantur sacra.

Benevolè igitur accipe leuidentse hoc, ut ille ait, murusculum, non ut me artetis tibi obstrictum hocce liberem, sed ut magis me tibi devinciam, majoraq; debere ostendam. Cuius rei hoc velut tabulam Confessoriam esse volo. Hiscce vale Vir Magnifice Nobilissime, ac tuo me patrocinio complecti nunquam desine. Dabam Noribergæ è Museo 5. Octobris 1648.

Vestræ Magnificentiae Nobili-
lit. & Amplitud.

Subiectiss. Cuius

Sebastianus Schroderus
Pharmacopœus.

5

ANGELI SALAE,
Vicentini,


MEDICI SPAGIRICI,

De

ERRORIBVS PSEVDOCHYMICORVM.

L I B E R I.

PROLOQVIVM.

 I qua in mundo scientia, & ars homini utilissima, & maximè necessaria sit, querere velimus, comperimus, post S. Theologiam, medicam artem primum sibi locum vindicare, quando etiam post cognitionem Dei veram, & salutem animarum pretiosior thesaurus, quàm corporis sanitas in terris non reperitur, vt è qua reliquarum scientiarum, & artium speculatio, inuentio & experientia dependet. Homo enim corpore infirmus ad nihil penè est idoneus, & spiritus eiusdem ob mutuam vtriusque sympathiam afficitur, quamquam nunc maligni astutia per praua instrumenta tantæ scientiæ veritatem obfuscauerit & obscurârît.

Etenim quod à benignissimo Deo conditum fuerat in simplicitate, id quaesupere mortales ob innatam sibi auaritiâ, ambitionem, superbiam, & inui-

diam deterius reddere, & vitare: ita quidem, vt hodiernâ die nihil magis corruptum, & difficile reperiatur, atque ipsa ars medica, quam ex simplici obseruatione ab hominibus collectam, peruersitas nostra sub veritatis prætextu, in speluncam seductionis conuertit, nec non labyrinthum mandragorarum, lolij, opij & aconiti: clamantque alij à partibus sumus Galeni, alij partes tenemus Paracelsi, mutuas contentiones, & dissidia subinde mouentes, & interim paucissimi reperiuntur, qui dicant, se à partibus stare matris experientiæ, quique in sinceritate proximo suo succurrere contentant, vtrunque iam dictam experientiam à Galeno vel Paracelso acquisiuerint; hoc n. nihil interest. Scopus enim medicinæ super ea debet fundari, quæ nobis omnium bonarum rerum lucem, & vitam commonstrant.

Cuius semita, & via, ego quoque insistens, tametsi debile instrumentum, eo more omisso qui est citandi varios autores, in quibus plerunque contradictiones.

D d d d d ij.

reperiuntur, relinquens vnumquemque in proprio honore, & dignitate, præfens opus composui, citans duntaxat ipsam experientiam, per quam varij errores in præparatione medicinali tam à nostra, quam ab altera secta commissi deteguntur. Non quod hîc prætendam de re quavis minima differere, hoc namque mihi foret impossibile: sed præcipua quædam, & vtiliora in veritatis exemplum impræsentiarum depromo: sperans, annuente Dei gratiâ, me primâ occasione oblatâ in lucem emissurum aliud volumen, quod Thesaurum medicorum nuncupabo, in quo id breuiter absque ænigmatum obscuritatibus, & parabolis, quod ad scientiam præparationis medicæ, tum intrinsecus, tum extrinsecus applicandæ attinet, comprehendetur. Interim benignum lectorem vt exiguum hunc meum laborem æque bonique consulere velit rogans.

Pseudochymici quinam sint.

Pseudochymici sic dicti sunt, quod in suis operibus à vera, & canonica chymia naturali discedant, quorum duæ species reperiuntur: sed peiores & nequiores ij sunt, qui à flatu veniunt Chrysopoeico, qui postquam multis impo-
 suere hominibus, tum sublimis, tum infimi status, eisque persuasere, se velle mari aquam asserre, diuitias augere diuiti, atque è principibus facere Imperatores, tametsi ipsi sint ipsamet miseria aut paupertas, detecta sua astutia & falsitate, omni tum auxilio, & conditione destituti, artem medicam tentant factitare, mira-
 que in terris se facturos pollicentur, & quemadmodum in prima sua professione fuere synceri, tales & in hac esse compariuntur, cum enim careant fundamentis naturalibus, & humano sint amore expoliati, hinc fit vt duntaxat quærant

astutè posse ludere atque deludere, quorum etsi nonnulli in discursu Platones esse videantur, reipsa tamen aliud non sunt, quàm inter bonum granum fatoes Zizaniorum. Altera species est Chymicorum Empiricorum; qui ignoranter, & casu in arte procedunt, causas & rationes præparationum ac proprietatum rerum reddere nescientes, dosim pariter & applicandi modum, præparationes medicinales ignorantes. Talium impostorum inscitiam vt aliquâ in parte detegerem, primum hunc tractatum composui, qui eorum præcipuos errores manifestabit, ordine, prout hic sequitur.

De Auro.

Quoniam auri preparati vsus magnæ est potentiæ ac efficaciæ in medicinâ, idcirco visum est mihi errores nonnullos commonstrare, qui à pseudochymicis in eo committi solent, vt potè quæ nomina præparationum falsare non erubescant, earumque sensum, suæ autem operationis reddere ratione ignorent. Ac putant illi se aurum in præparationem adeò subtilem, & spiritualem posse reducere, vt non amplius in primam suam formam queat transmutari, & tunc id veram esse volunt medicinam vniuersalem, ad corporum humanorum conseruationem, & omnium morborum eradicationem, efficacissimam. Quibus primò quid circa eiusmodi præparationem, secundò quid circa illius proprietates sentiam, respon-
 debo.

Dubium non est, quin sicut infima quæque non tantum externa sua appareatia sunt adornata, verum etiam suis proprietatibus ab æterno Conditor in vsu medicinæ sunt insignita; ita & auri corpus non solum egregium, ac pulcherrimum efformatum sit, verum etiam multis, magnisque virtutibus in eiusdem

Medicinæ commodum, condecoratum. Quâ de re cûm multæ extiterint controuersiæ tum affirmatiuas, tum negatiuas partes tenentium, ego stylo meo insistenti ordinario, eo de subiecto discutam cum praxi duntaxat, & experientia in manu. Discutunt autem imprimis, num aurum per se solum, an verò additionis medio homini possit esse medicina. Ac vt Pseudochymicorum inscitiz respondeam, dico aurum esse corpus purum, & perfectum, & ita compactum, vt nulla possit poros illius impuritas subintrare. Et hoc patet, quia ne humidum illud putrefacere, neque calidum consumere valet. Quam etiam ob causam asseuerandum est, corpus auri ab homine non posse digeri, & per consequens humanas vires ab eo non posse beneficium consequi. Quod autem artis medio ita possit preparari, quemadmodum aiunt Pseudochymici, hoc à me pernegatur, & aurum sine additione impotens esse atque inutile in medicina firmissimis argumentis ab experimento ductis demonstro. Etenim sumatur aurum, calcinetur, reuerberetur, dissoluatur, sublimetur, & ponatur in putrefactione cum aqua regis, spiritu salis, spiritu vrinæ, aliæque media innumera adhibeantur, per quæ aurum in liquorem reduci potest, & in formam mellis, solubilem in omnem liquorem, nihilominus si additionem separet, etsi aurum per decennium in operatione extitisset redibit in corpus sicut fuit primò: Adducam enim ad hoc exemplum notabile, quod experto cuius Chymico minimè erit incognitum, nempe quod spatio temporis breuissimo aurum dissolui possit in liquorem transparentissimum, coagulari in crystallum, dissolui iterum in aquam rubeam, & tandem reduci in puluerem subtilissimum, qui sublimatus, & emollitus aded est diaphoreticus, vt ad pondus duorum, vel trium granorum exhibitus, ni-

rabiles per sudorem effectus pariat, atque à variis infirmitatibus corpora liberet. Qui si apponatur igni, auolat instar mercurij, aded subtilis est. Et tamen cementatus cum pauxillo sulphuris ad spatium dimidiæ horæ, reuertitur in corpus, de quo si vel libram comederes, nullos amplius producit effectus, & si ignem ipsi fusionis feceris, in metallum redit, sicut fuit primò. Sed quid etiam de argento referam, quod auro inferius est? Ei namque si imbibenda prabeatur quædam aqua lunaris quantam illud imbiberet valet, ac deinde in putrefactione ponatur, separetur, rectificetur, coaguletur, nunc cum aqua vna, modò cum alia, postremò redigitur in crystallum, qui ad pondus granorum quinque assumptus, magnoperè per secesum purgat, & quidem citra læsionem & detrimentum, summumque est in hydropre arcum, & aded subtilis est, vt in omnem liquorem aquaticum resoluatur: positus verò in crucibulo super carbones accensos, funditur sicut cera, & ipsum crucibulum olei instar penetrat. Item vritur vt sal nitrum, nihil residui post se relinquens. Interim qui negaret eum posse reduci in metallum, falleretur maximè, nam mixtus cum tartaro calcinato ana, & ad lentum ignem in crucibulo positus pariter in metallum vertitur, sicut fuit antè. Itaque dicere haud possumus, aurum posse destrui, & penitus extra suam formam immutari, sed potius quod illud vnà cum additione suas operationes efficiat, postquam nimirum rectè fuerit vnitum, dulcificatum, ad veram preparationem medicinalem redactum: vbi verò separationem vtriusque feceris, metallum iterum habebis inutile.

Hæc quamquam ita sese habeant, tantà nihilominus arrogantia efferuntur pseudochymici, vt etiam oleum ex auro se posse educere sibi persuadeant, quod an fieri possit, vel inde liquet, quia licet

*Reductio
in Corpus
vniuersale*

aurum ingenti admouēas igni, & diuturno, atamen ei nihil de pondere suo decedit, vnde magna illius fixitas apparet, quæ omni humore liquido, volatili, aut destillatio est destituta. Porro velle aurum reducere in materiam suam primæuam, perinde est ac velle mundum ipsum in suum chaos antiquum conuertere, quodque Deus perfectum fecit, velle reddere imperfectum, cuius destillationi & ordini, non est quod quis tentet cōtraire. Discendum est itaque rerum nomina distinguere, quando enim aurum est dissolutum, non oleum auri id debet appellari, sed solutio auri, & cum in forma est crystalli, ne vocetur sal auri, sed aurum crystallisatum, siquidem tales mutationes ab ipsis additionibus proueniunt. Quamobrem apprehende o Sophista veritatem, & in illius germana consistite, fallaciam autem procul abs te rejice, etiāque caue, ne dictis aliorum peperam intellectus fallus, & obfuscatus te in labyrinthos abducas. Dicitō autem quæso qui poteris mihi demonstrare, quod philosophi quotiescunque de auro potabili loquuntur, hoc innuant fieri ex auro vulgari: dicentibus illorum plurimis, & aurum nostrum non est aurum vulgi. Etenim si res velimus penitus indagare, inuenimus species marchasitarum, gemmarum, & salium in se occultum habere verum primum ens auri, & veram influentiam solis, quæ sunt velut amygdalæ cortici suo inclusæ, vbi tantummodò apertio desideratur, & separatio, qua facta visibili, tunc dici potest haberi verum aurum potabile absque additione & naturali vsu ipsius medicinæ, & hominis beneficio accommodatum. Sed non tantum in creatis prædictis, verum etiam in nonnullis herbis, & animalibus talis substantia reperiatur, ac vera proprietas solaris. Quamquam distinguere sit necesse eorum gradus, & efficaciam, cum sit in illis discrimen:

etenim alia est potentia seu gradus in auro compacto, alia in antimonio, alia in marchasita aurea, & sic in granatis, margaritis, vitriolo, ambra, moscho, croco, maci, melissa, antho, chelidonia, & similibus, quæ medici naturalis est scire; sed hæc à pseudochymicis non obseruantur. Atque hæ sunt præcipuæ causæ ob quas miserè falli solent, & ad exitium præcipitari, atque vnà cum ipsis mundus, qui tantà cum cæcitate rem vnā assumit pro alia, possibile a impossibili nescius discriminare. Ex his ergo quæ dicta sunt (tamen si alia multa adduci possent) necessariò inferendum, aurum realiter aperiri non posse, neque in primam suam materiam conuertri, reducendo illud in liquorem, aut sal, vt falso arbitrantur: quin etiam aurum per se inutile esse, & mortuum, sed additionis adminiculo præparatum multas exerere præclaras vires, prout in auro diaphoretico videre est, cuius quidem præparatio non est ignari scientiæ; aurum namque posse aperiri, & dissoluere res est minimè difficilis, verum illud nosse corrigere, temperare & medium lenire in ipso relictum, idque in vsum corporum humanorum qualificare, hoc paucis concessum aucto.

Quod verò aurum potabile vniuersalis medicinæ esse possit, vt Pseudochymici esse affirmant, hoc ego pernego, & falsum esse duobus potissimum rationibus conabor demonstrare. Etenim Deus O. M. vniuersi sapientissimus creator, qui ordinem & limites certos rerum natura constituit, is vnaqueque creatæ suis certis attributis, & specificis proprietatibus insigniuit, sic vt etiam quæ in hominum conspectu abjectissima videntur ac reputantur, peculiari sua virtute sint exornata, vt hinc appareat Deum omnia sapienter fuisse operatum, eumque nihil in mundo frustra extare voluisse. Quod ipsum manifestum faciunt crea-

tūrā innumera, tūm quæ in coelis sunt, tūm quæ in terra, quarum singulæ suo modo iuxta sibi inditas dotes, & facultates Deo creatori gloriam, & laudes tribuunt. Quod si vni corpori vniuersalis medicinæ virtus fuisset indita, si inquam tali benedictione, & proprietate aurum Deus condecorasset, nonne sequeretur, reliqua inutiliter, & frustra existere, & in finem inapem ab ee procreata fuisse? Hoc autem absit vt credamus. Nam ab omnibus creaturis vtique vult Deus agnosci, & in singulis earum, quantumuis minimis glorificari. Et vt aliquo exemplum idipsum quod dico, illustretur, en simplicissima illa herba campi hypericon dicta, potius imperialis nomine digna, cuius tanta est virtus, vt in quibusdam speciebus phrenesis, quas phantasmata appellare solemus, nec non aliis maleficiis, planè admirandas operationes efficiat in eiusmodi morbis expugnandis, & extrudendis, id quod nec aurum potabile, nec tinctura auri, nec magisteria gemmarum, nec quicquid aliud, quod dici excellens queat, præstare sunt idonea, vel opportuna. Sed non tantum in simplicioribus herbis campi, & eiusmodi rebus minimis Dei mirabiliter elucet gloria, verum etiam in rebus deformibus, sordidis, & penè monstruosis, ceu serpentibus, bufonibus, vermibus, & similibus. Notum est enim viperam medicamentum esse aduersus venenum, bufonem aduersus pestem, scorpionem aduersus morsus animalium venenatos, vermen vnum, alium necare, & complura talia existere particularibus atque occultis virtutibus prædita, quibus aurum neutiquam insignitum est. Et hæc sunt vera magnalia Dei, quantò enim magis per hæc minima & infima operari dignatur, eò maior apparet ipsius gloria & sapientia. Ad hæc si quotidianam quoque experientiam consulere velimus, comperiemus quod varij Principes, &

Magnates mundi, podagrà, aliisque sauis infirmitatibus laborantes, auro, & argento non parcerent, si modò tantæ efficaciz reperiretur medicamentum. In quibus quidem apparet, quantum Pseudochymici auro suo potabili sephistico præstent, atque proficiant. Verum his sufficit aurum nosse corraderè, & suffurari, vt cunque jam arroganter sibi Dei dona vsurpent, & sanitatem hominibus polliceantur. At dolendum est etiam viros probos, & simplices sæpe deludi, & falli, quos maxime optatim perpendere, quòd ipsa duntaxat medicinæ præparatio hominis sit opus, sanitatis autem restitutio, & benedictio opus solius Dei. Porro tales impostores etiam ex methodo, quã vtuntur, apertissima possumus cognitione dignoscere; Nam ecce aliud non norunt quàm quid pro quo, & illud quidem malè præparatum administrare. Vnde non mirum si multis tot importent damna, & exitiabiles inferant ruinas, vt quibus non vereantur vendere, & exhibere sal armoniacum tinctum, aut sal aliud loco sacchari auri, aquam vitæ tinctam pro aqua auri, & nonnulli meram solutionem auri cum aqua regis, pro oleo auri, & id genus alia perpetrare, quæ, quia longum esset referre, taciturnitatis silentio præteribo.

De Antimonio.

Antimonium est marchasita admodum magisteriosa, è qua sulphur combustibile, argentum viuum, spiritum arsenicalem, sal minerale, & sulphur incombustibile potes separare, item aurum, cuprum, &c. Summa, chaos est tantoperè harmoniosum, vt in ipso subinde noua aliqua experientia reperiatur: & juxta diuersas præparationes, diuersæ quoque operationes sunt illius, concitat n. verbi gratia vomitum, purgat per

sedem, prouocat vrinam, sudorem, somnum, &c. Proinde ei qui verus velit esse Spagiricus, summè est necessarium, vt substantiam vnam ab alia, naturas, & proprietates rerum, adeoque medicinam à veneno sciat discriminare. Ad quod examen si venerimus, inueniemus Pseudochymicos in hisce distinctionibus iudicio, scientiâ, discretionem, & praxi esse destitutos. Et hoc ex iis quæ dicturus sum faciliè patefiet. Præparationes antimonij Pseudochymicas eas intelligo, quæ corpora cum vehementia purgant per vomitum & per secessum, & qui singulas partes sæpe stupefaciunt instar alicujus opij, cujus generis sunt vitra antimonij parata diuersis modis, flores antimonij flauï, & albi, olea antimonij, sic ab ipsis falsò nuncupata, quandoquidem ea liquorum, & additionum adminiculo sunt confecta. Non quod hic intelligi velim, quasi operationes purgatiuas culpem, aut narcoticas, quæ in medicina admodum sunt necessariae, sed purgatiua, & narcotica inter se distinguens, reipsa comperio, ea quæ in specie ex antimonio sunt præparata, esse medicamenta brutis potius animantibus, quàm humanis corporibus conuenientia. Et hoc hominum infinitus numerus faciliè posset testificari, qui miserè ab istis impostoribus fuere antimoniatï, quorum plerique in deliquia, syncopas, debilitationes totius corporis, stupores membrorum sunt delapsi, nec non oppressiones spirituum vitalium, aliæque grauiora mala passi sunt, quæ ipsa mors vt plurimum consequi solet. Quod si forte accidar, vt corpus aliquod Samsonicum, ac robustum inde beneficium sentiat, certum est tamen aliis millenis damnum, vt dixi, & noxam importari. Et causa præcipua hæc est, quia in iis præparationibus concurrunt Mercurius (cui soli purgationis effectus est assignandus) nec non sulphur combustibile, & arsenicum:

non quod rejiciam Mercurium, & sulphur, cum fuerint pura, sed tali cum spiritu, hoc est, arsenicali fermentata, minime probare possum. Ac quod tres istæ substantiæ tales effectus pariant, in hunc modum ostendo. Accipe antimonium, & separa tres illas substantias visibiles more nostro, de remanenti si vel integram libram comedas, amplius non purgabit; & nihilominus sub eo residuo, quod à chymicis Empiricis caput mortuum nominatur, vera pro corporibus humanis delitescit medicina, paucis admodum cognita; illi interim arcano relicto, stercus eligunt pro balsamo. Tenendum est igitur, antimonium donec dictos effectus producit, non esse intra humana corpora sumendum, quandoquidem alia purgancia nobis Deus non denegauit. Atque ex iis quæ adduximus manifesta sit Pseudochymicorum imperitia, qui tamen opinionem suam tueri volunt sententiâ illa philosophicâ abs se non intellectâ, nempe, sicut antimonium purificat aurum, sic eadem ratione, ac forma purificat corpus. At non distinguunt ignari isti, quænam sit auri purificatio, & quæ purificatio microcosmi, neque discrimen faciunt inter vnum corpus & aliud. Neque enim consistit in hoc corporis humani purificatio, vt nimirum ab eo cieatur vomitus, & purgatio per secessum, verum vt sanguis restitueatur, aperiantur & mundificentur internè omnia organa microcosmica, quod spiritus vitæ liberam circulationem habeant, & vt corroborentur partes nobiles, expellendo diaphoreticè humiditates superfluas generantes putrefactionem, & quasi ignis alicujus naturalis instar operando; ipsi naturæ amici, adeoque talibus vtendo medicaminibus, quæ etiam quotidie si opus fuerit tutò, & innoxie intrò assumi possunt. Hac ratione comperi ego species nonnullas lepræ, nec non alios sauiores morbos

morbos curari, & profligari, quos nunquam deprehensum est expelli eiusmodi perniciosi purgationibus, quæ tollunt duntaxat sterces præparatum in centro, & si quando atterant vicinos stomachi humores, neutiquam tamen quas dixi operationes efficiunt. Proinde præctici in his & experti esse debemus, non ignari ac temerarij, quoniam omne opus medici siue bonum fuerit, siue malum, Deus postremo in iudicium adducturus est.

De Talco.

Conatur vtrò, ac tentat Pseudochymica schola oleum elicere ex talco, quod ceu miraculi speciem inferre possit in conseruatione faciei; ac reliqui corporis, sic vt ipso vtens, vix vnquam senio confectus esse videatur. Circa hoc tenendum est, liquorem nullo modo posse haberi è talco. Quòd verò remedia dentur, quibus carnes conseruari queant, huic sententiæ non contradico. Etenim si natura subministravit pro cadueribus balsama, multò magis fuerit illa pro viuientibus prouida. Vbi nunc, & quo in corpore quæri debeant eiusmodi balsama, hic non explicabo, propositum enim meum duntaxat est, vt infectiam, & fraudem pseudochymicorum patefaciam. Est igitur talcus materia aridissima, quæ medium tenet inter marchasitam & lapidem, naturæ adeò stypticæ, vt ipsi Marti possit, quoad suam stypticitatem, assimilari. Ejus triplex habetur genus, album, aureum, & rubeum. Sed hic de albo tantum est quæstio, cujus pariter duæ species reperiuntur. Prima est instar salis gemmæ transparentis, quæ potest secari in bractæas crystallo similes. Et inde solent nonnulli efformare laternas, candelâ enim in aliquod latius decedente non vritur; nec illius impedit splendorem. Altera species alba est, & instar lapidis, quæ dum contunditur, ar-

gentum ei videtur inesse. Porro isti seductores juxta syluestrem suam philosophiam somniantur hoc materiale iis potentiis præditum esse, quæ supra sunt commemoratæ, tametsi cum ad rei effectum deueniunt, se falsos persentiscant. Nec mirum. Experientia enim nobis palam indicat, quod talcus ita crudus, & solus etiam in diuturno, & vehementi igne positus nullum præbeat liquorem, Quod pariter deprehendentes Pseudochymici, rem aliter aggredi tentant, quipè extructo potentissimo igne illum conantur calcinare, sed adhibita aliquâ additione, siquidem difficillimè calcinari potest, (prouis ipse aliquando curiositatis gratiâ sum expertus qui licet talcum per quadraginta dies fuisset in fornace vitrea, suam tamen formam nullatenus immutauerat) eo jam calcinato volunt in humidum resolvere, sed tunc laterem lauant: quod quamuis obtinerent, nihil tamen haberent aliud, quàm sal aliquod corrosiuum, quod nullo modo oleum esset appellandum, neque ideorum proposito inferuiret. Verùm vt dixi, nunquam resoluitur, nisi addito alterius generis sale, seu tartari & simili: sed tunc solutio elus salis debet nominari, non oleum talci. Quare cùm illi animaduertant rem nullo modo sortiri effectum, vt tamen peractos labores compensent, sumptis ejusmodi additionibus, Principissas, aut diuites aliquas matronas adeunt, quibus manifestas falsitates, ac mendacia obrudentes, talem liquorem diuendere non erubescunt. Hæc verò quoniam libros Pseudochymicos eâ de re loquentes fortassè legerunt, qui omnibus fraudum, & mendaciorum generibus solent esse repleti, simpliciter dictis assentientes, liquorem illum ceu pretiosissimam gemmam persolunt, licet is aliud non sit, quam solutio tartari, vel solutio sublimati Veneti, aut quid simile. Ecce quemadmodum impostores

Ecccc

fraudem solent facere qui sunt in malo acuti, & subtiles, perinde vt Diabolus, apparentes hominibus in forma Angelorum lucis : quibus nihilominus à nonnullis maior adhibetur fides, quam ijs, qui veræ sunt artis discipuli, & synceræ veritatis amantes.

De tartaro.

Pseudochymia à vero oleo tartari discedens, oleum audet appellare id, quod non nisi sal resolutum est. Et hoc ita demonstro. Si accipiens tartarum crudum ipsum distilles, exibat inde aquæ copia cum pinguedine quadam supernatante nigra & fetente, hæc pinguedo separata, & in alembico posita cum paulillo salis, si distilletur per arenam emit tit oleum rectificatum, quod est oleum genuinum, & instar auri flauum, quod si iterum rectificetur, adhuc reddetur transparentius. Aqua verò seu Sp. tartari pariter potest rectificari, donec deueniat limpidus : & ambæ hæc substantiæ sunt in medicina virtutis admirandæ, tametsi adusti aliquem retineant odorem. Residuum à destillatione sal est, seu alkali valdè corrosiuum, quod in loco humido positum, resoluitur in liquorem, hoc autem non potest appellari oleum, sed solutio salis tartari, etenim si humiditatem, quam attraxit, exhalare facias, sal manebit coagulatum, sicut antea. Ad Pseudochymicos venio. Hi juxta nescio quam speculationem verum oleum comburunt, verumque liquorem consumunt, postea præternaturaliter oleum nominant, quod oleum non est : nimirum sumunt tartarum, & illum in vehementi igne calcinant, & tunc fit, vt prædictæ 2. substantiæ absumentur nilque remaneat aliud quàm sal, quod est supra reliquos sales corrosiuum. Et quoniam illi fortè audierunt aut legerunt alicubi oleum tartari, vel eiusdem Spiritum po-

tenter valere intrinsecus assumptum in hac, vel illa infirmitate, administrant horum loco solutionem ipsius tartari. Ecce quid pro quo, tam in præparatione, quàm in administratione : Proinde non est quòd miremur, si vbi languentes curandi essent, contorqueri soleant, aut enecari. Nam adueniens talis liquor in stomachum, & organa, per quæ transit, illic coagulatur in suum sal, eumque locum corrodit instar alicuius caustici. Certum est enim inter corrosiua, ea quæ corporalia sunt magis esse periculosa, distillata namque sine læsione transeunt, si modo alijs liquoribus fuerint admixta.

De lapidibus Pretiosis, Coralliis & Perlis.

Opinantur insuper Pseudochymici educi posse olea, & aquas è lapidibus pretiosis, sed pessimè falluntur. Etenim tales lapides adeò sunt in suis substantijs compacti, & humore volatili destituti, vt non nisi dementia sit, ab ijs velle prolektare liquorem. Nihilominus Pseudochymici, ne solitam suam doctrinam omni subindè fallaciarum genere contaminatam obliuiscantur, addunt dictis lapidibus liquores, & ita distillant, ac quod ex illis additionibus provenit, oleum, aut aquam, juxta nomen lapidis non verentur appellare. Nonnulli verò sumunt liquorem destillatum, quem tingunt tornâ solis, & cum aquam granatorum nominant, vel flore æris eundem tingunt, aut vitriolo Ungarico viridi & talem nuncupant aquam smaragdi : item azuro, aut lapide lazuli, & tunc ipsum vocant aquam saphyri, pariter rosæ, & sandalis, aliisque tincturis, eumque appellant aquam rubini. Omalitiâ Diabolicam, quam dubio procul tãquam flagellum in terris extare diuina iustitia permittit. Interim non

negō lapides pretiosos, perlas, & corallia solui posse in liquores, ab eisdemque suas posse substantias extrahi, adhibitis nimirum medijs, & additionibus, verum ubi hæc separantur, redeunt illa in coagulum siccum, & aridissimum: proinde talis liquor, solutio aut extractio illius lapidis est nominandus, non eius oleum aut aqua, vt sic vnaquæque res proprio nomine designetur, ne rerum sensus confundatur. Ad perlas quod attinet, & corallia, idem in eis reperitur abusus: licet enim arbitrentur nonnulli se velle ab ijs extrahere tincturam, vltimò tamen se imbrem in cribrum gerere deprehendunt. Quare sumunt aliqui succum berberorum, quidam tingunt liquorem sandalo, gummi lacca, quem postea venditant pro tinctura coralliorum. Verum est quidem, quòd si acetum destillatum infundas super corallia calcinata, id per aliquod spatium in arena relictum, sal in se attrahet, ac rubeum fiet subobscurum: sed perperam & falsò id à multis tinctura nominatur: quia si pariter infundas acetum super aliud calcinatum, idem consequetur effectus. Ergò non sic debet nuncupari, sed acetum corallinatum, acetum perlatum: vt hac ratione suus veritati relinquatur locus. Nec inter centenos laborantes, quibuscum conuersatus fui, vnquam vidi eorum aliquem ita expertum, qui realiter potuerit, & sincèrè extrahere coralliorum tincturam sine mixtione. Proinde sola experientia rerum magistra dicenda est, quando huius lumine fallacia, quasi nebulæ solis radio euanescent.

De extractis in genere.

Per multis, ijsque non parui momenti erroribus, etiam in extractorum præparatione impliciti sunt Pseudochymici, ex quo planum fit, eos verè intelligen-

tia lumine esse destitutos. Sibi enim se posse persuadent omnis generis aromatum, herbarum, florum, radicum substantiam elicere aquæ vitæ medio: cuius quidem potentia ego non contra venio, sed res in eo est sita, quod illi rerum non norunt naturas distinguere: videre namque est, ab eis parata extracta aromatum, aliarumque herbarum odoriferarum & fragrantium nullius valoris esse. Et hoc inde euenit, quia in exhalatione, & separatione, quæ sit aqua vitæ à substantia extracta, eleuatur cum ea, & abit subtilior pars essentialis aromatis, aut herbæ, ita vt residuum non sit nisi spissitudo terrestris, omni potentia, & virtute expoliata. Itaque hic alia requiritur scientia, nempe operæ pretium est, vt scias discernere quæ sint illa, quæ supradicto modo corriguntur, & præparantur, & quæ nam sint ea, quorum potentia debilitatur. Sunt enim exempli gratia scammonium, colocynthis, agaricus, tithymalus, gratiola, elleborus, opium, & huiusmodi complura, quæ cum aliquid in se habeant spiritus venenati, talis operationis medio veram correctionem, & exhalationem illius noxiæ partis acquirunt. Verum si eadem ratione in aromatibus procedas, perinde est, atque cum euolauit auis, caueam claudere. Siquidem consistit aromatum efficacia in ipsorum odore, & gustu, quibus remotis corpus insipidum manet, atque inutile.

De quinta Essentia vini.

Si errantium auctorum numerum qui de hac materia scripsere referre valem, si varios item modos, quibus volunt procedere, nec non temporis spatium, & instrumenta diuersa, quibus vtuntur, adeoque destillationes, & earundem sine fine repetitiones, haud facillè finem imponerem. Sunt verò in eà opinione, vt

Eccce ij

existimēt quintam vini essentiam, seu aquam vitæ circulatam pollere vi omnia metalla dissoluendi, & lapides pretiosos. Verūm quānam fieri istud poterit, quando neque saccharum in ea dissoluitur, taceo vt dicam posse in ipsa dissolui metalla. Dicendum est ergō Pseudochymicos verum philosophorum sensum (quibus vt plurimum dicta sua ænigmatum in volucris, & verborum obscuritate placuit obterege) minimē fuisse assecutos. Varia namque sunt vina, & variæ sunt essentia. Quinetiam ab vno vino plura eliciuntur, vt verbi gratia, aqua vitæ rectificata, quæ & sulphur vini potest nuncupari, item essentia phlegmatis vini, essentia tartari, essentia aceti, & tamen illa omnia sunt essentia à vino provenientes, differentibus inter se facultatibus præditæ. Quare non semper, vt autumant Pseudochymici, quinta vini essentia, aqua vitæ destillata est intelligenda. Sed non absimili errore, & cœcitate sunt inuoluti, qui sophisticè, ignis sc. adminiculo coagulare prætendunt aliquam roris Maij partem in crystallum, quē pariter habere vim cuncta metalla dissoluendi arbitrantur. Opinio bestialis quidem, sed ridicula magis, cuius integram tragœdiam, si vellem commemorare, res in volumen excresceret. Constat quidem naturam ob frigus extremum, in summitate montium, niuib. sub horridis crystallum producere, an autem illic subit ignis, ignoro. Verūm etiam si darem talem aquam posse fixam reddi, (quod neutiquam tamen concedo) ni hil id perinde prodesset: quoniam vnum fixum non valet aliud fixum persolvere. Et hoc patet in salibus, seu armoniaco, vitriolo, nitro, & aliis, quorum medio dissoluuntur omnia metalla, qui licet mera sint naturæ coagula, nisi tamen distillantur, & Spirit. eorundem extrahantur, dictam efficere operationem nequeunt, vti cūque iam eam præstare iis

propriè conueniat, tantū iam ab erit vt aqua roris Maij tale quid valeat peragere, quæ est materia dulcis, & omni corrosiuitate, ac penetrantia destituta, vt sine quibus operationibus nempe corrosiui, & penetratiui, sophistæ sint quicūque metalla resolui posse, sentiunt.

De aquis destillatis.

Et in hoc admodum præternaturaliter procedit Pseudochymicorum ratio, quoties aquæ communis sumit s. quantitatem, herbarum & florum manipulos, & destillat in vesica cupri, quodque inde prouenit, tanquam aquam herbarum realem vendere non erubescit.

De oleis destillatis.

Diabolus hostis ille humani generis fallacissimus, lolium suum ubique serere non desistit, siquidem non desunt qui hæc quoque in parte illius maliciis insistentes, aromatum & herbarum olea impudentissimè audeant adulterare. Quānam verò fraudis eorum ratio? R. cinnamoni, aut caryophyllorum lib. i. radicam pini mitim incisarum lib. iiii. vel circiter, mace-rentur, & destilla secundum artem. Olei autem quod inde educitur maxima pars, è radicibus illis constat. Huiusmodi Sophismata multa culinam galenicam majorem in modum solent locupletare.

De Balsamis Aromaticis.

Seçtatores imposturæ, quos nunquam vlla molestia deterret, aut verecundia, insigne quoque commenti sunt artificium, quo vnguenta fucosa parando, ea pro balsamis norunt distribuere. Et vendunt illa magnatibus pretio auri, quorum pauci sunt in Germania, qui eorum pixidem collo appensam tanquam gemmam

aliquam pretiosam non gerant. Quid verò illud est? nimirum adipis suillæ, ceræ albæ, sacchar. albi, olei amygdalini, aliarumque eiusmodi mixtionum compositum est, cui tot guttula olei carophyllorum, aut cinnamomi admixtæ sunt, quod sufficere valent, vt ei odorem aromaticis impertiantur: quod postea colore aliquo exornant aromate etiam ipso minutissimo. contuso sæpè ad eundem effectum vtentes. O mundi extremam nequitiam, & quid pro quo Diabolicum, quid enim id est aliud quàm fallacia pro veritate? discedere nimirum à rerum sincero balsamo, quod est ipsarum oleum, & adipem porcinum, atque vnguenta fucata eius loco obtrudere. Non quod inficias eam, aliquam ipsis inesse efficaciam, sed cum vero Balsamo comparata nullius penè valoris illa esse deprehendo. Hæc & eiusmodi aliæ, si persequi esset animus, comprimis quas circa olea sulphuris, camphoræ, zibetæ, ambræ, moschi, committunt falsitates Pseudochymici, finis non esset. Arbitror autem ea quæ hæc-

nus commemoravi ad impostorum scelera, atque fallacias aliqua saltem ex parte dignoscendas, non parum profutura. Probis autem & honestis nihil hic de suo honore detractum volo, quorum haud dubiè in mundo etiam aliquis existit numerus. Interim exhortor eos qui spagirticæ artis doctrinam, & operationes tanquam rem diabolicam sibilis conscindunt, & maledico dente carpunt, ne incomperta sibi, & nescia, temerariæ vocis loquacitate ex more hallucinantium criminantur. Sed potius vt discussa caligine, & oculis mentis apertis, veritatem propius studeant intueri, adeoque eam à falsitate, verumque rerum vsum ab abusu ipsarum discernere discant. Si quidem iniquum æstimandum est facinus, audere id quod nescit quis improbare, ac rerum momentis non perpenſis velle fallaciam insonti veritati præjudicare, quam quisque omni conatu deberet niti, vt intelligeret, intellectuamque vt amplecteretur, tanquam Dei donum pretiosissimum mortalibus in terra concessum.



ANGELI SALÆ,

Vicentini,

MEDICI SPAGIRICI,

De

ERRORIBVS GALENISTARVM.

LIBER II.

*Pharmacia Galenica cur sic dicta, &
quæ sit via ipsius.*



Pharmacix Galenicæ nomine ea intelligitur, quæ omnis generis præparat medicamenta tum interna, tum externa iuxta methodum Galeni eiusdemque sectatoribus originem trahentem. Et est illa quæ in præcipuis orbis partibus officinas apertas habet, non minus quam si terrestres essent paradysi, cum tamen vix aliud sint quam vasa immunditiarum. Eadem à veritate & experientia naturali procul abscedens, non quærit horum medio facere medicinam, verum potius vanitatis titulis, & dignitatibus contenta, fallaci sua nixa theoria ægris mortalibus tentat opitulari. Iuxta quam viam tametsi paucissimos ad salutem reduci comperiat, nihilominus ulterius non est sollicita penetrare, volens potius in sua antiquitate persistere, quam verum medicinx scopum, & centrum peruestigare. Ac ei

sufficit citare Galenum, Auicennam, Rasem, Mesuem, & innumeros eiusmodi autores Arabes, Græcos atque Latinos, quorum dictis tanquam veritatis columnis innititur, cum tamen re ipsa appareat eorum error, & imperitia. Porro principales illius operationes aliud non sonant, quam contundere, cribare, infundere, decoquere, lauare, & incorporare, bonum, æquè ac perniciosum quæ in praxi vel ab ipsius rusticis coarguitur, qui luminis naturæ insistentes, granum à paleis, à fursibus farinam, & vinum à vinaceis sejungunt, puritatem cum impuritate nequitiam confundentes, quemadmodum faciunt hi qui citra meritum rationales volunt nuncupari, quorum methodus, & via alia non est, quam purum confundere cum impuro.

*Pharmacia Spagirica quænam sit, &
quæ sit via ipsius.*

Pharmacia spagirica est illa, quæ vulgò chymica appellatur, & à prædicta differt sicut lux à tenebris, siquidem illius

rationes fundatæ sunt in experientia earum rerum quæ reuera demonstrantur, neque dictis aliorum acquiescit, sed soli experientiæ. Et ignis medio vnum elementum ab alio segregat, vnam substantiam ab aliâ, balsamum ab immunditie rerum: ex quibus operationibus vera postea addiscitur theoria, vt quis tunc certo asseuerare queat, hanc herbam frigidam esse, illam calidam, &c. Hanc herbam præcipuas suas virtutes habere in sale suo, aliâ in sua aqua, aliâ in suo oleo vel resina. Etenim dum corpus aliquod aperitur, eius substantiæ segregantur, quarum singulis cum per se vtimur, in cognitionem venimus quâ in parte sit proprietas vniuscuiusque earum. Id quod Galenici nullo modo efficere possunt, qui tamen etsi coquant, reipsa tamen ignorant quid sit in ipso decocto, quid sit in eo, quod effectum producat, num album sit vel nigrum, dulce an salsum. Etsi quando loquantur de acrimonia & salsedine, aut aliis gustibus, verba sunt illa nullius solidæ cognitionis testimonio comprobata, imitantes nimirum aniculas, quæ fabulas suas ex eo confirmant, quod illas ita narrari ab aliis audierint. Et sic vult mundus decipi, creditque sese iis hominibus qui se pro rationalibus venditant, cum tamen ignari sint, & vâldè imperiti. Via erga Pharmaciæ Spagiriæ est separatio puri ab impuro.

Quæ sint Galenicorum præcipua calumnia aduersus Pharmaciâ Spagiriâ.

Innumera sunt conuitia, & calumniæ Galenistarum in Pharmaciâ Spagiriâ, quas hic recensere omnes valde prolixum foret. Proinde septem principales hic duntaxat connotabo subjungens vni-cuique earum responsionem conuenientem.

Prima calumnia hæc est, Chymici ho-

mines sunt idiotæ, indocti, & rationalis discursus scientiâ destituti.

Responsum. Chymici veri neutiquam sunt idiotæ circa opera lucis naturæ, attinentia, tam ipsam medicinam, quàm speculationem eperum diuinorum, tametsi apud Galenicos velut insipientes æstimentur. Sed hoc veritatem, quæ fucum nunquam sectata est, minimè impedit: quin id semper fuit sapientissimi Dei placitum, vt mysteria, & opera sua mirabilia non tantum spiritualia, verùm etiam temporalia hominibus coram mundo abjectis, & vilibus voluerit reuelari, vt ita juxta verbum suum æternum humana sapientia confundatur. Quod verè expressit Syrach iniquens, multi sunt excelsi, & gloriosi supra modum, sed mansuetis reuelantur arcana.

Calumnia secunda. Chymia res noua est, & inuentum Sophistarum, contrâ, & præter methodum antiquorum medicinæ Principum.

Responsum. Chymia operatio est antiquissima & naturalis, adeo vt illico à creatione initium suum habuerit: siquidem nulla existit creatura viuens, & cibum comedens, quæ tribus non fungatur muneribus principalibus, nempe cibi præparatione, separatione, & expulsi-one. Hæ autem operationes scopus sunt, & basis chymicæ naturalis. Ex quo judicari potest num hæc sit inuentio noua. Verum hoc dicemus quod noua sit eam non possidentibus, quorum alij inuidia, aut ambitione moti, alij densis ignorantie tenebris ducti, & erroribus infuscati, præclaram hanc scientiam non verentur improbare, eam appellantes nouam, ac si omnipotens, & immensus Deus medicinam in Galeno, & reliquis eiusdem farinæ hominibus terminare constituisset: error quidem admodum intolerabilis. Deus namque infinitus est nec eius sapientia, quæ circumseptam non habet regionem à nostris potest

comprehendi. Sed fingamus ita esse, fingamus inquam chymiam inuentum esse nouum, ac non ita pridem exortum; haud continud tamen sequetur propterea esse rejiciendum. Quoniam si ita sentiendum foret, pari sequeretur ratione, & reliquas præclaras artes, postremis sæculis hominibus patefactas, nec non & cætera inuenta recenter introducta, & excogitata in hominis vsum, & beneficium, eò quod noua sint, pro nihilo putanda, & despiciatui esse ducenda. Quod quam absonum sit, & absurdum, nemo est qui non prouideat. Adde quod non præsens sæculum sicut elapsum, nec hodierna dies sicut hesternæ. Quemadmodum enim declinat mundus versus finem suum, sic etiam vires hominis declinare non est dubitandum, sic quod præteritis retrò sæculis illi fuerat medicina, hodiè nil aliud sit quàm naturæ impedimentum: vt e. g. caules antiquis fuere panacea, at nunc non item. Pariter elleborus Romanis medicamen fuit vniuersale, nobis verò quasi venenum est, & quomodocunque id præparetur, administrari tamen à medico non sine periculo potest. Quod si maioribus nostris ea vis inerat vt eiusmodi medicamenta impuriora digerere possent, talem & nunc inesse nobis re ipsa non comperimus. Quapropter mundi misertus clementissimus Pater, homines vltimis hisce temporibus dignatus est suscitare, quibus veræ curandi cognitionis munera impertiuisset, vt hæc ratione discussâ caligine, de tenebrarum profundo in lucem veritatis medicina emergeret, atque huius ope mortales ægri à morbis variis recrearentur.

Calumnia tertia. Chymici vtuntur medicinis corrosiuis, nec non mercurio, antimonio, & eiusmodi rebus venenosis, ac proinde non sunt ab hominibus vllatenus assumendæ.

Resp. Miror D. rationales tantum in suis scholis non profecisse, vt corrosium

vnium ab alio corrosiuo, id quod sub gradu est ab eo quod est extra gradum, rem præparatam à non præparata, nec non dosim, & modum res administrandi distinguere non didicerint. Adde quod non chymica medicamina sola, sed & Galenica ipsa in se corrosiua includunt. Cuius rei veritas apparet non tantum in mineralibus, verum etiam in saccharo, & melle, è quibus eiusmodi aqua educitur, quæ margaritas dissoluere potest: imò mel solum, si ipso inungas cuprum, hoc ita corrodit, vt inde eliciat viride æris. Sed & oleum oliuarum, terebinthina, multique alij vinctuosi liquores, qui sunt veluti naturæ ballama, eundem producant effectum. Et sal commune, quo in cibis quotidie vtimur, (sine quo humana corpora corrumpere, restantque coctionem non efficerent, cum sit eorum balsamum, atque etiam reliquarum creaturarum terrestrium, vt experientia testatur, is omnibus inesse sal, quod cum res soluitur & corrumpitur, creaturæ infirmantur ad mortem, prout in morbis resolutis laborantibus videre est) sal inquam, quod tanti momenti est, vt penè sine eo natura foret imperfecta, corrodit ipsum ferrum, æs, plumbum, stannum, aliæque corpora, hominis corpore solidiora, præcipitat argentum viuum, & nihilominus temperatè administratum, dici potest quodammodo hominem viuificare. Pariter in vino tartarum est aded corrosiuum, quod non solum cuprum, verum etiam argentum corrodit, homo verò vino moderatè vtens, fulcres vite acquirit. Quod si iam doctores rationales chalcantho, h. e. vitriolo corporali vt non verentur in theriaca, vt corporibus internis illud administraretur, imò etiam in nonnullis collyriis, in quo vitriolo est sal fixum, & valde corrosiuum, cur iidem sese chymicis opponunt, eosque probris laceant, qui corpore vitrioli relicto, Spiritu, & balsamo illius duntaxat vtuntur? At nihilominus

nihilominus Galenici non desinunt simplicioribus persuadere, agentes, en spiritus vitrioli, oleum vitrioli, oleum sulphuris, spiritus salis &c. sicut ligna exedunt, corium, chartam, &c. sic etiam interna corporum humanorum corroduunt. Oboni viri, si vos vitriolum absque discretionem, ac malè præparatum exhibetis, quo iure meum ritè paratum, & correctum, & quod tanquam balsamum æstimandum est audetis contemnere, & improbare? Adde quod ingens discrimen est inter corpus viuum & non viuens, & insensibile, pariter discrimen est inter administrationem spiritus vitrioli puri, & inter administrationem eiusdem temperati? volo enim in omnibus certam dosim obseruari, discretionemque, & prudentiam adhiberi. Quod si vos pariter exhiberetis vitriolum, & alumen crudum in maiori quantitate quàm soletis, obessent illa sanè corporibus magis, quàm spiritus eorum. Quà in parte tinctores panni lanei, & serici nigri nos sufficienter condofaciunt, qui quoties discretionem, & mensuram in tingendo non adhibent, pannum adurunt, & in frusta corroduunt, tametsi vitriolo crudo & non spirituali vtantur. Sed quid opus est pluribus. Nonne videmus potentias corrosiui naturæ arcana esse ad alia expugnanda corrosiua? Manifestum h. e. in corrosiuis quæ sunt in sale tartari, & oleo sulphuris, quæ simul mixta, ambo suam corrosiuitatem depouant, & mirè corriguntur, ac citra vllum periculum humanis corporibus possunt administrari. Nec solùm emollit sal tartari sulphuris liquorem, verùm quascunq; corrodes aquas fortes, aquas regis, & similes. Pariter acetum distillatum adeo potens est, vt vim habeat leniendi omne sal corrosiuum. Veruntamen vrgetis vterius, ac dicitis chymiam vti rebus venenosis, ceu antimonio, argento viuo &c.

Ad hæc respondeo, propterea non

Ang. Salus

paruam laudem nostram mereri scientiã, quæ venena norit in balsama reducere. Et sanè cum eiusmodi materiæ vt decet, præparantur, medicinæ sunt longè præstantiores, quàm vestri ellebori, collocynthides, mezerea, scammonia, tithymali, & opia. Sicut experientia me docuit reuerberationis medio, & circulatione cum aceto radicato sic posse corrigi antimonium, vt id non amplius per sedem purget, nec per vomitum, etiamsi quis ea in magna vesceretur dosi, & tunc potentissimum est arcanum aduersus multas infirmitates. Insuper non tantùm corpora à naturâ creata in medicinæ vsum nosse corrigere datum est mihi, verùm etiam extinguere, & omninò tollere è variis venenis partem eorum officientem: sicut e. g. sal nitrum more nostro depuratum ita mitigat arsenicum, vt intrò assumptum amplius non lædat. Et hæc sunt magni Dei opera admiranda quæ apparent in naturæ operibus, sapientibus mundi incognita, iis verò reuelata qui rudes à vobis reputantur, & idiotæ. Quod si iam dicis acquiescere adhuc nolit, quid potero de vobis referre, qui in principali vestro composito opiato, theriacalimurum vtimini veneno, sine quo compositio illa verè foret imperfecta? Hoc si fateri os vestrum nòlit, vestra tamen conscientia id cogetur asseuerare. Ergo si data fuit sapientia vobis vt è vipera possitis medicamentum conficere, eandem Deus Opt. Max. omnis boni autor, & mihi dedisse potest, quâ ex antimonio medicamenta præstantia, & salutifera valeam præparare, eadèmq; cum iudicio & prudentia ægrotis administrare. Exempla hæc pauca ideò recensere volui, vt præstantia Spagiricæ artis, & vnâ vestra inscitia ex parte dignosceretur. Siquidem gloriamini posse vos corrosua & venena intra humana corpora existantia depellere, cum tamen ne extrinsecus quidem tale quid præstare possitis.

F f f f f

Quæ ergo in vobis eminentia tanta est, vt voluimetiplos ea in parte laudibus audeatis efferre, cum nec rerum noscatis inimicos, earumque præparationem & methodum ad rectam doctriam requisitam? An autem ignoratis microcosmi anatomiam docere nos anatomiam ipsius microcosmi? & physicæ, ac medicinæ cognitione externa nos informari ad cognitionem internæ? Quæ si vobis sunt incognita, fateamini igitur candidè vestram ignorantiam, ne dum rationalium nomen vobis arrogatis temerè, vniuerso terrarum orbi sapientiam vestram insipientissimam prodatis.

Calumnia quarta. Chymici medicinæ præparationem, & correctionem ignorant.

Resp. Imò ipsi Galenici quid præparatio, & quid correctio sit, minimè percipiunt. Quod in præparatione diagridij, colocynthidis, aliarumque rerum videre est, vbi purum ab impuro non sejungunt: Ac proinde dementi illi possunt non immeritò comparari, qui cum ventris onus in cubili deposuisset, postmodum odore thuris, styracis, & myrrhæ fœtorem voluit corrigere, stercus interim (auribus honor sit) eodem loco relinquens. Atqui necesse est vt purum ab impuro (hoc enim sæpè dicendum est) separetur, quemadmodum id etiam natura requirit, & tunc medicamina nullâ correctione indigebunt, vt potè à quibus venenum quod in se continent, ea ratione remouebitur. Et hæc veritas vel à quouis plebejo poterit comprehendendi.

Calumnia quinta. Medicamenta Chymicorum præstare quidem aliquid possunt in variis infirmitatibus, quæ incurabiles æstimantur, attamen qui ab illis sanantur vitam non agunt diuturnam.

Responsum. Agritudo incurabilis apud me æstimatur illa quæ est mortalis, quæque hominem non deserit vsque ad mortem: ita vt dici possit, eum, qui incu-

rabili morbo laborat, non habere vitam, verum potius versari in continuâ morte. Iam ergo quæ fieri potest vt ei, qui à tali infirmitate liberatur, abbrevietur vita, cum potius contrà medicinæ potentiâ & virtute, humanitatis loquendo, è mortis faucibus euaserit. Sane longè maior spes vitæ est in eo cuius natura ab hoste suo destructore fuit redempta, quàm quando ab eodem adhuc vexatur, & detinetur. Etenim vbi tunc cibi, & potiones non poterant debilitatam naturam restaurare, neque in bonum chylum conuertere, nunc quia impedimenta remota sunt, id nullo negotio præstare possunt. Vnde apparet liquidò absurdam esse calumniam. Etenim si ita esset, vt inquit, sequeretur hominem à morbis per medicamina liberatum & restitutum ruere in deterius debere, & magis ac magis consumi. Quod quàm absurdum sit, nemo non exiguè humanitatis sensum ferens iudicabit.

Calumnia sexta. Medicamenta chymica etsi non vsque aded sunt improbanda, tamen quia magni sunt pretij, non facile à quouis possunt comparari: cum n. eorum præparatio maximi sit laboris & molestiæ, sæpe & iactura, quietiam sumptus ingentes ad eam cum requirantur, velut lignorum, carbonum, vitrorum, variorumque instrumentorum, hinc fit vt illa cariori pretio diuendantur.

Resp. Tantum abesse medicamenta chymica esse magni pretij, vt etiam viliori emanant quam Galenicorum. Quod ex iis quæ subnectam, perspicuum fiet. Quotiescunque infirmus aliquis Galenicâ medicinâ vti constituit, inprimis necesse est, vt medici curæ, & discretioni se subijciat, pharmacopolæ autem misericordie sese commendat, & hinc primus notatur sumptus. Postea id quod medicina chymica, breuius, compendiosius, & efficacius in morbi curatione præstare consuevit, contrà Galenica, dum corpus spissis

sympis, & variis decoctis præparat, & portiones purgantes ægris propinat, longas admodum connectit moras; & tormentis mille patientes affligit. Et quia eiusmodi medicamina inimica sũt, & impura, hinc fit vt plerumque imber geratur in cribrum, & quod peius est, vbi in vna parte feces tollunt, in altera gignunt putrefactionem, & prauas reliquias post se relinquunt in corporibus humanis, sicut experientia quotidiana miserorum languentium damno id nimium testificatur, quibus syrupi non tantum pecuniam, verũ etiam, proli dolor, ipsum sanguinem sapissimè perdiderunt. Et vbi chymica medicamenta bona sequi solet corporis constitutio, & redintegratio, Galenistarum contrà stomachi debilitates, flatus, tormina, nausea, aliæque mala quàm plurima subsequuntur. Interim hoc notum esto, si officinæ omnis generis remediorum Chymicorum publicè aperirentur, quæ exitum haberent continuũ, hoc certè polliceor quod tunc præberi posset dosis aurĩ diaphoretici, pretio dosis putridi alicuius syrupi de ligno guaiaco, & emi dosis magisterij corallorum & margaritarum, pretio quo emitur dosis specierum alicuius confectionis aromaticæ. Id quod à veritatis amantibus faciliè supputari potest.

Calumnia septima. At quomodo cunque sit, inquiunt Galenici, Chymici tamen non omnes infirmitates curare possunt.

Responsum. Væ mundo, si homini medico data esset virtus, & potestas vt cunctas posset mortalium ejicere infirmitates. Notum est enim sapientissimum Deum per ipsas solere multos peccatores vocare, & deducere ad pœnitentiam: qui eũ experiuntur sibi non prouesse medicinam corporalem postquam eius medio fuere vsi, coguntur tandem recurrere ad cœlestem medicum, quod ab eis non fie-

ret, si pecuniâ possent sanitatẽ redimere. Quin imò hoc dicam, cum statutum sit omnibus hominibus vt semel moriantur, inciderent plerique in desperationem, si ipsi adhuc sanis vita cum morte esset commutanda, vbi aliàs per infirmitatum occasionem velut à Deo ipso præparantur ad dispositionem benè moriendi. Insuper si id foret, ea esset medici superbia, & auaritia, vt vix miseris & pauperibus, si argenteo & auro sanitas iis comparanda esset: auaritia enim extrêmâ hâc mundi senectâ, ad summum redacta est, & iniquitas Caini nondum est extincta. Ego verò agnosco medicinæ duntaxat præparationem scientiam esse & opus medici, sanationem autem, ac benedictionem proprium esse misericordiæ, & sapientiæ diuinæ, quæ in omnibus pro suo arbitrio, & beneplacito operatur. Nec eam laudem tribuo Chymicis, quod mortuos valeant resuscitare, absit, hoc enim cum opus sit merè supernaturale, scientiam tantæ rei nostram ducimus infirmitatem transire, verũ Spagiricæ artis, quæ nunquam satis laudari poterit, excellentiam commendando, atque deprædico, quam si cum Galenica comparare volemus, illam veluti spiritum quendam esse, hanc ceu putridum cadauer inueniemus.

*Duellum inter Pharmaciã Galenicã
& Spagiricã de præparatione &
compositione medicinali.*

Pharm. Gal. quandoquidem perspexi audaciam eorum orbis seductorum qui Chymici appellantur, dignitatem meam labefactare; operæ pretium me facturam arbitror, si varias præparationes, & compositiones medicinales aggrediar declarare, easque breuiter comprehensas sub aspectu ponere, vt hâc occasione impulsus, & incitatus pharmacia spagirica

Fffff ij

cogatur præbere propositis meis responsa, ex responsis autem, illius imperitia deprehendatur. Etenim cum sit illa in studio philosophico minus exercitata, & discursus rationalis spoliata ornamentis, eamque rerum fugiant causæ, fugiant rationes, inducam ipsam haud dubiè in tales labyrinthos, è quibus non facile poterit emergere, quin etiam vulnerabo illam variis lanceis, adeò ut confusa & superata succumbat. Primò autem adducere ea media incipiam, quibus majorem partem medicamentorum præparare, componere, & conservare consuevi. Sed ecce opportunè pharmaciam spagiricam conspicio aduenientem. Phar. Spag. Loquentem te audiebam è longinquo, & quidem triumphum ante victoriam decantantem. Verùm ut superfluitatem sermonum qui mutuo inter nos possent exoriri, euitemus, rogo te ut propositum aggrediaris, promptam enim me, & paratam ad respondendum cuicumque tuo quesito es inuentura.

De aqua communi.

Pharm. Gal. Initium igitur faciam ab aqua communi, quæ à te tantoperè solet contemni : ac dico tibi eam inter præcipuas claves medicinæ esse connumerandam, idque propter duos effectus principales. Primus est, quia tanquam corpus liquidum, & apertum, medio decoctionis vel infusionis rerum, vim habet in serapiendi & attrahendi virtutes illarum. Secundus, quia loco vehiculi inseruit medicinæ, ut earum inferat efficaciam in singulas partes internas corporum.

Pharm. Spag. Omnino æstior tibi aquam esse elementum id mundo per quam necessariū, verū quod sit clavis medicinæ, quodque duabus à te nominatis potentiis imbuta sit, à me non conceditur. Et ratio est, quia basis infirmitatum elementarium in microscop-

mo est ipsa corruptio ; porro inter omnia elementa aqua est illa quæ maxime est corruptioni obnoxia, quæ etiam absque igne, & aëre penitus periret. Et cum sit talis non potest perfectè attrahere puritatem rerum. Et hoc vel inde liquet, quia si decoctionem aut infusionem consistere aliquandiu sinas, statim vides illas putrescere, atque corrumpi, & ita quidem ut mucor sæpè, & vermes in eis prædominentur. Unde est confectarium, quod res quæ in seipsa est tanquam mortua, minimè possit esse vehiculum quo aliis rebus vita & assistentia præbeatur : imò ob rationes prædictas est eis majori impedimento. Aliter autem me docuit experientia attrahere virtutes rerum nempe liquoribus naturæ balsamicæ, & puris in suo esse, qui non tantum perfectam attractionem efficiunt omnium substantiarum, & corporum, verum etiam illis sunt adjuvamento. Et quoniam eiusmodi liquores admodum sunt essentielles ac penetrantes, & ad regeneranda, ac fortificanda corpora, appropriati ; hinc sit ut inferant pariter, spiritum medicinæ in omnes partes internas, & indagent centrum morbi, quem cum inuenere, naturæ humanæ tanquam eius amici assistunt, & opitulantur, ut vnà illius destructorem expellant. Quam operationem aqua præstare neutiquam potest, imò cum ea sit viribus hominis inimica, generat vndique flatus & tormina, debilitat stomachum, & extinguit calorem naturalem, sicuti in infœlici operatione tuorum syruporum, julapiorum & aquarum videre est, quas administras in morbis calidis absque discretionem, non animaduertens calorem ipsam vitam esse, & frigus, mortem, calorem verò plerumque ob causam frigidam alterari. Quamobrem ô ignara disce accidens inprimis tollere quod calorem alterat, &

ventum stude remouere, qui ignem immoderatè exagitat, ipsum verò ignem noli extinguere, vt soles. Quod si hæc te lateant arcana, meum accede lyceum, & ego docebo te.

De aquis destillatis.

Pharmac. Galen. Quoniam rejicere ausa es mihi aquam communem, minor an etiam aquas meas destillatas sis aspernatura, quarum mea officina plena est; & hæc e variis herbarum generibus sunt destillatæ, essentielles, & magnæ efficaciæ, ac omnimodam virtutem in se continent earum rerum vnde eductæ sunt.

Pharm. Spag. Destillatio in manu tua perinde est atque arsenicum in manibus alicujus infantis, judicio & discretione carentis, qui illud à saccharo non distinguens ori admouet, & seipsum occidit. Hoc in eum finem dico, quia eam hic patefacis stultitiam, vt velis aquas tuas essentia, & integræ virtutis rerum vices obtinere, cum tamen nil sint aliud quam separatum à corporibus, quod minimam in se potentiam includit: & excipe quod aliquem retinet odorem, & gustum illius herbæ ex qua eductum est, prouenientem à minima parte sulphuris, seu olei ipsorum quod in destillatione ascendit, (hoc enim nō esset, aqua foret insipida, nec discreparet à communi) nec non correctionem exigam ab igne acquisitam, in reliquis nihil est aliud quam aqua, sicut cætera quæ corruptioni, & putrefactioni sunt obnoxia, imò ob suam cruditatem etiam congelationi. Quod testatur diligentia illa quâ vitra tua recondis, & præseruas à violentia frigoris tempore hyemali.

Ita vt aqua semper sit aqua, frigida & humida, tamen discriminem sit inter aquam menthæ, & aquam lactucæ, & dici possit aquam menthæ frigidam esse & hu-

midam, cum pars eius calefactiua & confortatiua in oleo suo remaneat, & pars balsamica in suo sale, quod in tuâ destillatione non ascendit. Vnde dignosci potest quid sit destillatio, nempe non aliud quam separatio vnius elementi ab alio, vniuscusque substantiæ ab alia. Sed qui ex aquis aliquod beneficium consequi vult, iuxta virtutem herbarum, hoc modo procedere debet. Primò destilla herbam viridem quantum potest, postea reicta aquam illam super herbam remanentem, ac redistilla, & sic major pars eius oleo sitatis cum ipsa ascendet: deinde residuum in cineres adure, & super eos infunde aquam quam destillaueris in vase vitreo, eamque insolabis aut in loco alio calido pones vt rectificetur, & tunc attrahet in se proprium sal: post hæc separa illam per inclinationem aut per chartam in alio vase, claram quantum fieri potest, & aquam habebis cum suo spiritu, & balsamo, quæ quidem ad aquas tuas comparata essentia dici potest, siquidem hæc non facile corrumpitur, neque est cruditati subiecta ob rationes in processu, contentas, & longè majoris est efficaciæ, quàm aquæ illæ tuæ secundum artem præparatæ, vt potè x. herbarum manip. 10. aquæ communis quantitatem, destilla per vesicam cupream, nec aliud tibi curæ est, quam vt eius magnam copiam elicias, teque postea non pudet eiusmodi aquas appellare essentielles, quæ tamen si forent sincere destillatæ, non essent tamen nisi debilior rerum pars, quin etiam vt te stolidam prodas, & præter naturalem dilatas, & diffundis exiguum illam vim, & essentialitatem quæ ipsis inesse potest aquæ communis additione.

De saccharo & melle.

Phar. Gal. Velim nunc ex te scire, nūm etiam virtutes, & proprietates vniuersales rejicere velis, quæ in melle &

saccharo inueniuntur, materialib. à natura tam vtiliter preparatis, & qualitatibus ad id temperatis præditis, vt pro cōdimento & conseruatione inferuire possint omnium specierum, herbaram, fructuum, florum & radicum ad medicinam pertinentium, quin etiam vera sunt illius basis vt videre potes, cum nulla penè fiat preparatio, aut compositum absque mellis & sacchari intermedio, cuiusmodi mea sunt electuaria, condita, conseruæ, syrapi, iulepi, Looch, & similia medicamenta, quæ eorum medio à corruptione vindicantur, nec non suauissima redduntur in gustu.

Phar. Spag. Amica mea jamdiu est quod tuam methodum damno meo perspectam habeo, cum & ipsa aliquot annos in praxi tua exercenda consumserim. Ac verum quidem est, quod absque melle & saccharo tua culina debilis & infirma foret, verum quod inde sequatur methodum hanc tuam meliorem esse, hoc à me ob sequentes rationes pernegatur. Etenim dubium non est, quod, cum Deus & natura frustra nihil faciant, per consequens in melle saccharo sua sint reconditæ virtutes, ac proprietates in medicinæ vsum, siquidem ab illis extrahi potest essentia subtilis, & odorifera, quæ ex se valet variis morbis resistere, sed non consequitur inde ipsa esse posse medicinam vniuersalem, eaque nominatas operationes efficere cum talis essentia sit suo cadueri, & immunditici colligata, proinde ibi requiritur hyssopus, id est, mundificatio, non sicut tu arbitraris melle nimirum sumpto, & aqua communi, & ouorum albumine, spumentur, & clarificentur secundum artem, &c. sed separatione opus est subtilis à spisso, balsami à stercore, & substantiæ à cadauere: non tamen quod te perpetuò subijcere velim eiusmodi purificationi, & mellis ac sacchari more tuo clarificati improbare ad aliquas operationes vsum,

sed vt tibi auri & plumbi differentiam commonstrem. Itaque dilecta soror, admodum falleris cum hoc tuo misce, nam non animaduertis creatorem sacchari, & mellis, rutam pariter, salem & berberos creauisse, variavit ille rerum formas & gustus, & sic earundem proprietates, vt vnum quodque suo tempore suam exereret potentiam, neque enim sua dona Deus in rerum natura imperfecta dedit, quanquam mundus ob peccatum sit corruptus, & homo in cæcitate permanserit, ita vt dementia sit summæ, vel le id dulcificare, quod in sua debet amaritudine operari. Atque hinc fit quod rustici & mulierculæ empiricæ, quia rebus in earum simplicitate vtuntur, curas faciunt magis laudabiles quàm tu quæ canonica nuncuparis, adde quod rerum virtutes etiam debilitas, aqua, melle & saccharo, ita vt in sua medicina pars & puritas quæ morbo resistere deberet, boni grani instar suffocetur sub pælarum quantitate, quemadmodum passim ex tuis dispensariis potest iudicari, vbi syrapi tui sunt mel aut saccharum cum aqua ana. O ignorantiam! num hoc est naturam coadiuuare, an eam potius destruere? Aut quid plura dicam ego? Si hæc tua medicamenta necesse est balsamari, cur ea igitur non nominas merdicamenta? aut quid poterit res corrupta aliam ejicere? Hæc vtique est vetularum quarundam cantilena, quæ inquit, *malum malo abigendum* sed falluntur maximè. Quod si conseruare velis aut balsamare succos tuos, infusiones & decocta, &c. id facere debes veris balsamis spiritualibus, & mundis quæ non tantum vt balsama inseruiunt, sed etiam vt vehicula, vt spiritum medicinale in centrum morbi apportent, coadiuuantia virtutem preparatiuam, separatiuam & expulsiuam stomachi microcosmici. Quod autem per mel & saccharum pharmaca reddantur ma-

gis grata & suauiora, ad hoc respondeo, quod non omnia, est enim c. g. discrimen inter syrupum de succo cidoniorum, & inter syrupum de absinthio, aliasque portiones amaras, aduersus quas saccharum non potest praeualere. Præterea necesse est scire cum talis dulcedo sit necessaria nec ne, nonnullis enim conuenire potest, ple-
risque verò displicet, vt quib. nauscam, tormina, & deliquia causant, id quod dulces tui, & spissi syrups efficiunt, qui ipsi Marti tremorem incuterent, si foret infirmus. Proinde qui saccharo vti velit & melle, operæ pretium est vt distinguere sciat, quibus maximè conueniant, & quibus non, adeoque quibus cum gustibus magis possint concordare, coniungendo illa cum substantiis puris, & non cum cadaueribus, siquidem cum balsamis, mel & saccharum balsama sunt, cum corruptibilibus autem corruptibilia. Porro vera ratio, quâ medicinæ reddi possint suauiores, ea est, quam spagirica docet, cuius adminiculo ad verum efficaciar gradum reducuntur, quorum vnica drachma plus valet, quam integrum poculum tuarum potionum, nec dubium est, quin quilibet patiens libentius esset assumpturus ad co-
clearis mensuram, liquorem amarum transparentem, quam dulcem aliquem syrupum. Si nunc subjungas, mel & saccharum lenire corpus, preparare humores, &c. ad hoc respondeo, idem quoque præstare pruna, cerasa dulcia, aliosque fructus in iure vitulino decoctos, ac in cibum paratos, qui maiorem habent cum corporibus humanis sympathiam. Deinde non semper est necesse lenire, aut preparare, ac putrefactionem addere, vbi nulla est, sed est duntaxat remouenda materia putrida jam preparata, & si ob ariditatem aut aliud accidens corpus obstructum sit, illic sola aperitiens opus est, non putrefactione & euacuatione per secessum, quemadmodum tu in varijs casibus procedere soles, vbi potius necesse esset hu-

morem addere, quam expellere. Multa alia quæ dicenda essent prætermitto, ea in aliam occasionem seruans. Interim exhortor te, vt veritatem tandem amplecti velis, nec amplius conscientiam tuam à verme ambitionis aduri patiaris.

De conseruatione succorum.

Quoniam arbitraris haud posse quicquam conseruari, quod ad medicinam spectet cum melle, & saccharo; monstro iam tibi modum, quo vti consueui ad conseruandos omnis generis succos herbarum, ne corrumpantur: modus verò hic est. Processus.

1^a. Herbam, quam voles aut flores, contunde, & inde succum exprime, hunc impone cacabo, & aliquot ebullitionibus ferueat, ac probè despumato, deinde coletur, & sinatur frigesceri: eodem implebis vasa vitrea ad collum vsque cui superaddas oleum oliuarum, idque ad crassitudinem duorum digitorum supernatet: & hoc conseruat succum ne corrumpatur. Quid dices ad hæc?

Phar. Spag. Conseruatio ista tua valdè mirabilis est, attamen hoc miror, quòd quantamcunque in ea diligentiam adhibeas, vix tamen illud consequaris, vt succi tui per annum conseruentur. Cui veritati ipsamet poteris testimonium perhibere, si modò fateri velis, quod cum eleum è vasis cautè vis remouere, existimasque te infusionem tuam, aut succum adhuc integrum & purum reperituram, contrà cum sapè fœtidum, & vrinæ putridæ instar (vt saluo honore dicam) redolentem inuenis. Quem nihilominus, quoniam tibi pecunia constitit, non vis abjicere, verum illi potius adjungis mel & saccharum & syropos secundum artem componis. Nimirum præclara hæc est conseruatio tua. Sed naturalis & vera methodus qua ego vtor longè est à tua differens, quâ nimirum succos ita condio, vt

nonsolum per integrum conferuentur annum, verum etiam annorum decades in sua virtute & efficacia: & hi verius naturæ magisteria, quam quidvis aliud dici merentur, & hunc modum non in tui gratiam, sed veritatem amantium declarabo. Processus.

Modus succos herbarum rectificandi, & conservandi more Spagirico.

Accipe succum melissæ, aut eius herbæ, quam voles, is aliquandiu bulliat, & probè despumetur, ac quartam partem humiditatis superflue leniter finito exhalare, illum deinde percolabis, & vasi vitreo affundes, addens vnicuique libræ uncias duas cum dimidia Spiritus vini sine phlegmate, vas interim ritè obturetur, & ponatur ad solem, aut alio in loco calido per aliquot dies, & succus reddetur purissimus: porrò in fundo vitri relinquet excrementum, quod circa illud adhærebit: tunc colabis ipsum per inclinationem in alio vase, quantum fieri poterit clarum. Hic autem ut dixi asseruatur in annos citra periculum corruptionis. Atque hic verus est succos conservandi modus, quo quidem haud scio an melior posset reperiri, quandoquidem spiritus vini spiritus est vegetabilis, naturæ omnium vegetabilium appropriatus, qui minimè alterat qualitates ipsorum, sed potius eorum vim & potentiam adauget, & ob incorruptibilem suam naturam illa à putrefactione tuetur.

De decoctis in genere.

Phar. Gal. Quoniam medicina manca foret, & quodammodo imperfecta absque usu decoctionum, tam purgantium quam aliter operantium, utpote quarum medio syrupi componuntur & apozemata; idcirco rationem quâ solent præparari silentio non præteribo. Est autem hæc.

Processus.

Recipe herbas, radices, flores, & fructus, prout erunt illa quæ præparare constituisti, hæc suo ordine secundum artem decoque in cacabo aquâ repleto, usque ad consumptionem partis dimidiæ, deinde filtro transmittite decoctum.

Phar. Spagi. Decoctiones tuæ qualescunque illæ sint à me nihili penduntur, & nullius esse valoris reputantur, tum ob causas in capite de aqua communi commemoratas, tum etiam quia in tuis coctionibus duo insignia menda, & errores committuntur: quorum primus est, quod subtiliorem partem Mercurialem rerum quas coquis patiaris auolare, unde in decocto non remanet nisi terrestris quædam substantia. Alter est quod cum inter varia decocti ingredientia plerumque aliqua reperiantur quæ sunt falsedine aut acore aliquo imbuta, hinc sit ut ab his corrodi possit, & attrahi cacabi prava qualitas, quemadmodum multis contigisse sæpius compertum est, quos ea ratione medicinam facere existimantes rem virulentam præparasse fuit deprehensum. Porro etsi decocta apud me non veniant in consuetudinem, modum nihilominus hic præscribam, quem tenerem ipsa si ijs luberet uti.

Sume herbas, radices, flores & fructus, ut voles, hæc in vitreum alembicum immitte, & illis affunde tantum aquæ communis destillatæ, quantum potionis habere desideras, deinde alembicum probè contextum in balneo maris per spatium duarum aut trium horarum collocabis, quod inde destillabit excipies; postea colabis decoctum, & illi id quod antea distillarat, adjunges. Et hæc vera est ratio quâ possumus herbarum virtutes consequi, etiam ne illarum diffundatur efficacia. Quod autem ad illud attinet, ut quævis herbæ suo ordine in decocto collocentur; siue fructus, flores aut radices; id iuxta differentiam qualitatis mollis, aut
habito

Habito respectu gustus quo præditæ sunt, erit obseruandum.

Decoctum de ligno Guajaco.

Pharm. Gal. In iis quæ hæcenus deprompsi, conatu prorsus irritò atque inani videor laborasse: attamen vtcunque de illis senseris, non ambigam tamen impræsentiarum, quin saltem sis laudatura decoctum meum de ligno guajaco, quod est medicina Vniuersalis apta ad exsiccandas superfluas humiditates corporum humanorum; In specie verò ita potens est aduersus gallicam luem remedium, vt pene simile non reperitur ei. Cujus parandi rationem siquidem nosse cupias, sciendum est tibi illam esse variam: alij namque in eius coctione addunt vinum, alij non addunt, quidam sumunt guajacum cum sarsaparilla, alij addunt illius cortices, nonnulli aromata varia. Proinde simplicem illius percoquendi modum hic duntaxat recensebo. Processus.

℞. Lignum guajacum minutim incisum, nec non cætera ad id requisita ingredientia, affunde iis omnib. quantitatem aquæ & in vase lapideo, aut terreo vitrato ritè operculato ad lentum ignem fac vt bulliant vsque ad certam consistentiam & spissitudinem ac postea percolabis. Decoctum hoc appellatur syrupus, qui exhibetur in sua dosi, tempore matutino, stomacho ieiuno. Remanenti injicies nouam aquam, quam etiam coques, & hæc est decoctio ordinaria, vini loco, patientibus assumenda: qui non hoc solum debent abstinerere, sed etiam cibus humidis & sale, vtentes vnâ diætâ angustiori, dies circiter triginta, aut quadraginta.

Pharm. Spag. Non sine ratione decoctum tuum de ligno guajaco vniuersale quid nuncupandum esse concedo, quando ei vis & proprietates insita est vniuersalis putrefaciendi corpora humana, producendi repletionem superflue humi-

Ang. Salæ

ditatis in venis, corrumpendi ipsum sanguinem, nec non alterandi & debilitandi vniuersum corpus. Quod non tantum ex se facit, verum etiam ob additionem caninæ methodi, atque irrationalis obseruationis supradictæ praternaturalis diætæ.

Quare ejusmodi potionem porcis potius, quàm hominibus propinandam esse judico. Dicam autem quæ mea sit methodus circa ligni guajaci præparationem (quamuis alia sint mihi sudorifera excellentiora) vt saltem inde mundus errores tuos & incitiam valeat coarguere. Processus.

Accipe ligni sancti minutim incisum libras tres, Sarsæ parillæ contusæ libram vnâ; zinziberis albi vncias duas, galangæ vnciam dimidiam. His omnibus Aquam vitæ optimam affunde, eamque in loco calido appositè concluso repone, tres aut quatuor dies, hinc exprime totam substantiam & aquam vitæ destilla, donec extractum redactum sit ad consistentiam mellis, postea residuum in cineres adure cujus sal extrahes aquâ communis more Chymico destillata, tandem hoc adjunges dicto extracto, & sic absolutum habebis magisterium.

Volens jam illud administrare, naturæ sum edoctus, vt longè aliam à tua methodum obseruem. Soleo enim vinum concedere patienti, & cibum quantum flagitat necessitas, vt hæc ratione natura in suo vigore persistat. Salis quoque vsum permitto quanto opus est, cum aliud sit balsamum corporum nostrorum, & sine quo effici recta digestio non posset.

Quod si tuæ diætæ præceptis insisterem, nonne sic robar ipsi naturæ detraxerem? qua deficiente vires pariter deficiunt medicamenti. Experienciâ autem compertum habeo per rerum necessariarum interdictionem, quibus nimirum homo est assuetus, fieri alterationem naturæ, ex quâ mala plurima postea conse-

Ggggg

quantur. Itaque ea sola prohibenda sunt, quæ morbum nutrire aut augere possunt, minimè vero quæ naturæ esse adjumento, eisdemque robur afferre debent. Methodus porro administrandi extractum hoc meum guajaci; hæc solet esse, initio exhibeo purgantium appropriatum aduersus ipsum morbum, quo stomachi putredines arceantur, dein præbeo dictum guajacum ad dosim vnius drachmæ pro vice cum vino albo generoso ac nonnihil tepido. Ad hoc æger decumbens lecto, sudat horam vnā aut alteram, prout fert eius constitutio, postmodum tradit se quieti, ac demum surgit.

Tum jubeo eum refici cibis maximè nutritiuis, velut ouis recentibus, aut aliis escis quæ vim habeant substantiuam, cyathum quoque vini vel vltra prout placuerit non denego. Si tempus sit æstiuum, consulo vt prodeat, & in maiori exercitio, major est operatio medicina.

Vbi sitiuerit, iusculi è carne vitulina, aut vini albi tenuis vsum præscribo, sæpè etiam exhibeo duas aut tres guttulas spiritus vitrioli cum vino ad mensuram cochlearis, aut cum aqua ægro conueniente. Hic spiritus cā est vi præditus vt sitim sedeat, mundificet stomachum & vrinam moueat.

Talis curatio continuari solet per quindecim aut viginti dierum spatium, plus vel minus iuxta necessitatem, purgatione singulis septem diebus si res postulauerit non intermissa, & symptomatibus obseruatis, quæ ad medici cognitionem spectant. Et hoc dictum sufficiat quoad vsum ligni guajaci.

De infusionibus.

Pharm. Galen. Ecquid tibi videtur de inuentione & vfu infusionum, prout in specie, rosarum simplicium & solutiuarum, quæ sunt syruporum rosatorum & mellis rosati bases? Illæ sanè à præscis se-

culis ad hæc vsquè tempora tanquam li- quores vtilissimi, imò medicinae per quam necessarij semper in magno pretio fuerunt habitæ. Et vt earum valorem melius cognoscas, hanc tibi pro forma præparationem describam.

Infusio rosarum simplex.

Recipe florum rosarum libras sex: horis octo macerentur libris quindecim aquæ calefactæ in vase terreo vitreato, orificij strictioris, operculato, postea colentur. Eidem aquæ calefactæ rosarum recentium tantundem immittitur, & tamdiu maceratur & colatur, id si velis seruare oleo affuso, & eodem vase benè operculato dies quadraginta insola, vocatur id saccharum rosarum. Eodem modo proceditur in infusionibus violarum & florum persici, aliorumque florum: & si velis eas habere solutiuas, repetatur infusio super novos flores vsque ad sextam vicem septimam, octauam, & nonam, deinde seruetur in vsum.

Pharm. Spag. Effectus ad quem fuerent infusiones introductæ, non est omninò inanis, quantum nimirum attinet ad operationem earum: & maiori in pretio apud me sunt, quàm ipsa decocta, siquidem illarum virtus vnita retinetur. Verumtamen est discrimen inter vnā infusionem & aliam. Sunt enim aliquæ infusiones quæ viles esse possunt, aliæ verò inutiles, ac prout sunt materiæ quas vis infundere, ita & iis appropriatus requiritur liquor, quo illarum attrahatur virtus, & conseruetur, & vehiculi atque auxilij loco sit, ac non destructiuū munere fungatur. Propterea vsum ille tuus qui est infundendi singulas res in aquam communem (cuius prauas qualitates superius sufficienter exposui) à naturâ & à me neutiquam potest probari, & in specie rosas, & violas extrahendi, quæ corpora sunt cruda & putrefactioni maximè obno-

xia, unde corruptibile additum corruptibili putrefactionis gignit multiplicationem. Quare non sine causa miseri languentes conqueruntur, eo quod tuarum infusionum operationes proprii saepe sanguinis poenâ persolvere cogantur. Quod attinet ad tuas infusiones florum, eas tibi libenter donatas volo; erudiuit namque me experientia earum loco vinis purgantibus vti, vel extractis delicatis, quæ corpus naturaliter euacuant sine læsione & detrimento, quod syrupi tui rofati, aut violati præstare non possunt, qui sanguinem corrumpunt, ventosque & alia mala causantur. Et si fortè dicas remedia à me iam commemorata neutiquam eius esse efficaciam, cuius sunt rofæ aut violæ, respondeo quod longè majori, quoniam ob suam vim aperiendi & consolidandi causantur exhalationem vaporum calidorum, calorem naturalem refocillant, & stomachum in statu suo conseruant. Quod iam tales syrupi valeant ad extringendam sitim, tuam ignorantiam manifestas, tum quia humorem multum tollunt à corpore, tum quia illud magis relinquant constipatum, quam antea fuerit, neque enim ubi de sedanda siti questio est, illuc est purgationi vacandum. Idèd vtor ipse in eiusmodi casibus spiritu vitrioli transparenti, crystallo solubili, alabastro fluente, quorum minima dosis quemuis superfluum calorem extinguo, & in febribus ardentibus, cephalalgia, angina, aliisque accidentibus vera sunt naturæ arcana, nec non id efficiunt, quod cunctæ Europæ rosæ aut violæ perficere non possent, suntque medicamenta incorruptibilia; quæ si pariter nosse cupias, veni & vnâ cum Vulcano operare.

De julepis.

Pharm. Gal. Iulepi nostri adeo suaues sunt & transparentes, in varijs ægritudi-

nibus viles, vt vix credam, te tale quid facile nosse præparare. Et modus eos conficiendi hic est.

℞. Aquæ rosarum libras quatuor, sacchari clarificati libras duas: fiat cum diligentia secundum artem. Virtus eius. Febrium, thoracis, ventriculi incendium caloremque flammæum extinguit, sitim inextinguibilem sedat.

P. S. Iulepos tuos magni facio in vsum nimirum infantium dum ejulant, sed postmodum vix ventri ob vermes. Item ad vsum ebriorum, qui ob nimiam crapulam siti & calore vexantur, quibus tuum exhibes julepum cum aquis cichorij, borraginis, buglossi &c. Sed postea vix illis, quoniam posterior ruina ob julepum attracta peior est prima per vinum accersita, etenim ille repercutit calorem naturalem, eumque opprimit, obstruit hepar, efficit debilitatem stomachi, & alia mala producit. Quare illius vsum non admitto, nisi eidem addatur aliquod incisuum, mundificatiuum, atque aperitiuum, prout ego facere consueui si quando julepis vti lubet, & hic est modus.

Recip. Iulepi de aqua cichorij, vel hepaticæ, aut alterius herbæ appropriatæ constitutioni corporis eius cui est exhibenda, vncias 6. spiritus vitrioli rectificati scrupulum: de hoc bis aut ter in die singulis vicibus pleno cochleari præbeo in febribus ardentibus & aliis alterationibus calidis, nam aperit, exhalationem caloris promouet, stomachum reconciliat & prouocat vrinam. Sed magis adhuc laudo, vt aqua pura cum spiritu præbeatur, absque saccharo, dummodo corpus non sit flatibus repletum: tunc enim spiritum cum vino albo exhibendum censeo, prout medicus viderit esse necessarium.

De syrupis.

P. G. Accedo nunc ad syruporum effici-
G g g g g ij

cacem compositionem, qui sunt corona officinæ meæ, eamque suâ præsentia & vtilitate mirificè adornant. Atque hi sunt varij generis, etenim nonnulli è succis componuntur, nonnulli è decoctis ex herbis, floribus, fructibus & radicibus, alij vero proprietatem habent purgandi, alij constringendi, refrigerandi, calefaciendi, iuxta nimirum eorum compositiones diuersas. Seruantur autem in magna copia à me in vasis terreis vitreatis, stanneis & vitreis. Adde quod si quis ingrediatur officinam meam, conspiciatque insignem illum quem teneo ordinem syruarium, magno stupore, & admiratione affici cogetur. Sed & à magnatibus & principibus fuere syrapi magni perpetuè æstimati, adeoque hac nostrâ ætate magno adhuc in pretio habentur. Quin imò ipsi reges conati sunt insignis alicujus syrupicæ compositionis esse inuectores, prout exemplo nobis esse potest. Sapor Medorum & Persarum Rex, cujus syrupum hîc tanquam exemplar, & formam quandam vniuersalem describere decreui. Syrupus autem iste nomen suum acquisiuit ac retinuit à dicto rege, qui anno à Christo nato ducentesimo sexagesimo subegisse dicitur Valerianum Romanorum Imperatorem. Ex quo colligi potest syrupum hunc jam diu famam obtinuisse.

P. S. At quando tandem finem impostura es? Equidem videris mihi idem præstare velle quod prægnans ille mons, qui mundum inuitat ut se parturientem spectatum veniret, cum autem accessisset, res in ridiculi muris partum fuit conuersa.

Ita planè & tibi nunc arbitror contingere velle, etenim sic auspicaris sermonem acsi de lapide aliquo physico tractatura esses, cum tamen conclusio fortasse de pomis futura sit.

P. G. Adeonè impatiens es, ut ne quidem processum me patiaris absol-

uere? sed nunc propositum aggrediar. Proc.

Syrupus saporis de pomis.

℞. Succorum pomorum fragrantium ℥ ij.

Buglossi & borraginis depuratorum vtriusque ℥ ij.

Folliculorum sennæ mund. vnc. quatuor.

Seminis anisi vnciam dimidiam.

Croci drachinas duas.

Sacchari albi libras tres.

Folliculi sennæ parum contriti, cum aniso horis 24. macerentur in succis, deinde semel aut bis feruefiant, & collentur, expressum, clarificatum, & colatum cum saccharo coquatur in syrupum. Crocus autem panno lineo ligatus inter coquendum infricetur. Virtus. purgat melancholiam, expellit flatus, materias crassas incidit, & omnes corporis debilitates vniuersaliter restaurat.

P. Sp. Quoniam video syruos tanti à te fieri, & eos instar columnæ medicinalis in officinis haberi: mearum quoque partium erit paulò prolixius respondere tibi, ordine prout sequitur.

Dico autem omnes tuos syruos in genere, quomodocunque à te præparentur, variisque etiam modis adornentur, nil esse aliud quàm ignarissimorum inuenta, atque inutilissima composita, vsui potius coquinarum, quàm corporum humanorum destinanda. Nam si velimus sequi cursum quem nos docet speculatio philosophiæ naturalis & operationis chymicæ, distinguere debemus naturam & potentiam rerum medicinalium in tres præcipuos gradus, ut omnis earum substantia, ut par est, separetur. Sed tu hic aliter procedis, & quidem præternaturaliter. Siquidem non discernis quâ in parte consistat rerum virtus, iuxta earum species, nam nisi hoc esset,

Studeres procul dubio medicinam vegetabilium in aliam formam, & eam quidem efficaciorē, corporibusque humanis magis appropriatam & conuenientem reducere, quam quæ est syruporum, ordinem sequendo supradictum, & perpendendo, quod inter tres gradus & naturas in genere omnium creatorum medicinalium terrestrium, quæ distinguuntur in vegetabilia, animalia & mineralia, infimum & maximè imbecillum gradum in sua efficacia teneant vegetabilia, secundum verò & his potentiorē ipsa animalia, tertium, eumque supremum, mineralia, sub quibus metalla marchassite, lapides, sales, &c. comprehenduntur.

His consideratis iudicium tunc, & discretio adhibenda sunt, vt abunoquoque creato sua pars pura ad medicinam spectans sciatur separari; quā in re studendum est non debilitationi ipsius, verum potius cum diligentia illius exaltationi, & reductioni ad concedentem & ordinatum gradum. Ad hoc autem opus peragendum scias alium requiri modum in vegetabilibus quorum est virtus debilis & volatilis, alium in animalibus, idemque de mineralibus intelligatur, vt sic cum sapientia & methodo naturali procedenter vtamur gradibus caloris, & mediis humidis ad efficiendas attractiones debiles, aut potentes, effectus vnus & alterius prout res est quā vti constituimus. Etenim alio liquore & gradu caloris separatur substantia herbarum, alio autem medio separatur substantia gummi, alia lignorum, & sic de cæteris gradibus medicinalibus intellige: sicut e. gr. est liquor qui dissoluit perlas, & earum attrahit substantiam, is tamen idem non agit in corallia, imò potius contrarium præstat. Pariter id quod dissoluit aurum non dissoluit argentum, & quod argentum soluit, aurum fixat, & innumera ejusmodi quæ

breuitatis gratia reticentur. Iam cum ad syropos tuos me conuerto, oppositum te facere deprehendo vtpote in vegetabilibus, loco eius, quo ipsorum puritatem deberes extrahere, prout à natura creata sunt, tu cum iis magnam adjicis aquæ quantitatem, & facis decoctum aut infusionem seu potius confusione, adeò vt minima illius rei efficacia dilatetur & amittatur, non aliter, quàm si vini cantharus in lacum quempiam projiceretur. Neque hoc solo contenta es, verum mel, & saccharum addis & diu coquis, vsque ad syrupi consistentiam. In hac verò ebullitione auolat pars essentialis & inutilis crassitudo reliqua manet. Non est hoc naturam coadjuuare, verum eam maximè debilitare. Quod jam hi tui syrupi sint corporibus humanis inutiles & noxij, ex dictis rationibus colligo: Cum enim illi adeò pseudonaturaliter à te præparentur, hinc quoque necessariò sequitur quod nullam habere efficaciam possint, imò sint naturæ impedimento & eius viribus maximè resistent, tantum abest, quod illam à morbo valeant liberare. Adde quod deformissimum quem gerunt colorem, vnà & gustum intemperatum, spissamque ipsorum consistentiam infirmus cum animaduertit, ab iis illic abhorre incipit & tepidus sit animus ipsius, adeoque nauseam concipit incredibilem: proinde eam ob causam medicus sæpe & pharmacopæus adeunt patientes, vt iis verbis consolatoriis affistant, ac vt potionem hilaris animo effundant, persuadeant, promittentes eisdem quod post tam inutile medicamentum, vitam & sanitatem sint adepturi. Quin imò sæpe vt infantibus, post haustrum aliquid dulcis & grati saporis pollicentur. Inter has angustias constitutus ager quid faceret? Miser aliud non videns remedium, cernens vnà Doctoris præsentiam & auctoritatem, patitur sibi id

omne persuaderi & patientiâ armari coactus, pannum prius supponens naso, quo ingratum odorem non sentiat, festinanter haustum facit. Ad hæc quid sequitur? Cùm natura jam sit tanquam percussa & oppressa, & stomachus debilitatus adueniente in ipsum medicina, passiones oriuntur & tormina, & hoc, quia Pharmacum nullius valoris est, deinde quia natura facta imbecillis, præparate, separare, & expellere non potest. Vnde euenit ut humano corpori venenum fiat, quod debuerat esse medicina.

Potestremò tamen si ridicula sit syrupica tua pomorum præparatio à Rege Sapore ut ais excogitata, inde fortè ostentare simplicioribus volens, aut persuadere rem dignam esse & maxime efficacem; Respondeo tibi non Imperatorum nomina aut Regum medicinam facere efficacem, sed veram, & naturalem præparationem, quæ sit Chymix adminiculo, dum hæc medicamenta naturalia exaltat utcunque illa simplicia videantur. Quod verò syrupus ille valeat aduersus melancholiam, aliasque à te nominatas infirmitates, dico, tibi rem ipsam loqui & effectum te coarguere ob infinitam languentium copiam, qui in his ciuitatibus reperiuntur, quos minimè sanare vales, quotquot exhibeas, iis parata poma. Imò si omnes officinæ tuæ syrupos assumerent, semper tamen in eodem versarentur statu. Porro & si syrupicas compositiones non profitear, haud desinam tamen liquorem propriæ inuentionis præscribere, eius valoris & efficacæ, cuius tuum esse prædicasti, & is à me vocabitur liquor cardiacus more nostro compositus. Proc.

Liquor cardiacus.

℞. Cinnamomi electi.
Zedoariæ ana ʒ iij.
Macis ʒ j.

Moschi optimi ʒ iij.

Aquæ vitæ rosmarinatæ.

Aquæ rosarum damasc. ana ʒ iij.

Prædicta ingredientia crasso modo contunduntur, distisque aquis infunduntur in vase vitreo probè occluso dies tres, donec illa rerum tincturam extraerint, postea colantur per chartam, colaturæ adduntur.

Sacchari candidi ʒ ij.

Salis perlarum ʒ j.

Hæc omnia in vas vitreum immittantur ritè operculatum, in aqua tepida donec sal dissoluatur, postea seruantur. Hic liquor est instar balsami. Dosis est à ʒ j. vsque ad ʒ. pro vice cum vino optimo, jusculo, aut aliis aquis destillatis. Mirabiliter confortat stomachum, corroborat cerebrum, resoluit sanguinem coagulatum & adustum & vaporosa excrementa, sudoris subtilis viâ euacuat, nec non crudatatem internam per vrinam expellit: nam in eiusmodi casibus non intestina purgare, seu per secessum emittere, sed resoluerè oportet & confortare, ut harum operationum medio natura restau- retur & partes nobiles infectæ, veluti splen, hepar &c. à morbo liberentur, quia sita non est in stercore melancholia. Vfus eius in frigidis & humidis esto drachmarum duarum pro vice, mane, jejuno stomacho, & ubi præualet calor, sumatur vespere à cœna. Iuuat digestionem & vrinam prouocat, aliisque præclaris virtutibus pollet, quæ à quouis naturali facile cognosci poterunt. Ut plura depromam.

Pharm. Galen. Insignem adducam descriptionem syrupi purgantis, aduersus graues agridudines valentis. Processus.

Syrupus de epithymo descriptione Mesuæ.

℞. Epithimi ʒ 20.

Myrobalanetum citrinorum.

Myrobalanorum ana 3 15.

Cuscuta.

Fumi terræ ana 3 10.

Thymi.

Buglossi.

Calaminthæ.

Myrrh. Emblicorum.

Bellericorum.

Glycyrrhizæ.

Polypodij.

Agarici.

Stæchados ana 3 6.

Rosarum.

Fœniculi.

Anisi ana 3 2. & semis.

Aquæ quantum sufficit.

Sacchari lb 4.

Sapæ lb 2.

Coquantur secundum artem.

Virtus. Atram bilem & alios humores vstos vacuat, ob id morbos ex his nascentes, elephantiam, cancrum, vlcera maligna, fistulosa, pforam, lepram, præcauet curatque.

Phar. S. Haud existimarem tempus me inuiciliter truisse, tecum discurrendo, si modò vera essent quæ de hoc tuo syrupo prædicasti. Sed ea mera insomnia esse reputo. Quæ si vera sunt, quæ sit igitur, quod tot nosocomia leproforum plena non studes emundare, cum opus hoc foret misericordiæ insignis? Verùm opera magistrum laudant & ipsa effecta duntaxat fabulosa te narrare demonstrant.

Relinquens ergo tibi artem syrupicam dabo tibi in remunerationem, vini purgantis descriptionem, cum me experientia doceat hoc maiorem habere vim penetrandi, discutiendi, mundificandi & consolidandi quàm aqua communis.

Proc.

Radicum mechoacæ ana 3 2.

Agarici albißimi.

Diagridij nostri ana 3 2.

Florum betonicæ manip. 1.

Zingiberis albi.

Galangæ ana 3 1.

Vini albi odorati 3 40.

Contundantur ingredientia grosso modo, deinde asperguntur vnciis tribus aquæ vitæ melissinæ, ac dicta materia vino imponitur in vase vitro & per dies tres ita sinitur, à calore tamen remota. Colatur & rectificatur per chartam, & singulis octo vnciis additur spiritus vitrioli transparentis 3 1. & colatum seruatur optimè oclusum. Eius dosis est ab 3 2. vsque ad 3. iuxta occurrentiam.

Mundificat stomachum, rectificat sanguinem, aperit obstructions hepatis, aliasque mirificas proprietates habet, quin etiam cerebrum à superfluis humiditatibus purgat, & eo quicquid citra vllum periculum vti potest, habito ætatis respectu, constitutionis corporis, & causæ morbificæ. Hic autem liquor in multos asseruatur annos, absque saccharo aut melle. Hæc pauca volui asserre circa syruporum materiam, nam singulis si respondere vellem, tempus & charta me utique deficerent, ac video tuum Valerium Cordum genera circiter numero 40. recensere. Mea autem professio est constringere, medicinam, non tantum in dose, verum etiam in numero compositorum. Proinde ulterius perge.

Ph. Gal. Quoniam scammonæa est purgans valde vniuersale, quod ingredi solet varia genera pilularum & electuariorum purgantium, idem & modum præparationis illius abs re non erit adducere. Processus.

Scammonæa præparatio.

3. Scammonæa optima 3 4.

Contere in subtilissimum puluerem.

Vinum mundificatum nostrum.

Epithymi recentis.

deinde insperge illi olei violati optimi modicum ut fiat massa, deinde excava aliquot cytonia mala magna, & in cavitatem eorum inpone massam scammonæ & cooperi foramina cytoniorum, postea assa in fornace cum pane donec cytonia perfecte sint assata, deinde exime scammonæam & inpone sequenti diluto.

℞. Carnium myrobalanorum citrinorum ʒj.

Succi cytoniorum ʒiiij.

Conterantur myrobalani & miscantur cum calefacto cytoniorum succo, & stent in infusione horis 24. Deinde leuiter cola, in colatura verò infunde scammonæam & optimè simul misce, vltimò in loco calido exsicca, & exsiccata reponere scammonæam.

Ph. Sp. Mirabar num scammonæa suis obliuiscitur, cum ea in cunctis penè pilulis suis & plerisque præparationibus purgatiuis cantare soleat, prout in tuo dispensationario videre est. Sed nolim te vnà damnum ac noxam dissimulare quam illa corporibus humanis apportat, quamquam existimes te illam corrigere posse: sed ea correctio non nisi insectia & abusus est. Proinde ostendam ego tibi alium eius præparandi modum. Processus.

Scammonæa præparatio more nostro.

Sumito scammonæam optimam ʒiiij.

Aquæ vitæ sine phlegmate vnc. xvij.

Hæc omnia pone in alembico vitro ad calidos cineres, aut in balneo donec scammonæa dissoluatur: Deinde partem dissolutam cola per chartam. Residuum quod nil aliud est quàm materia feculenta, fœtida sicut sterces, arenis, aliisque excrementis plena abijcitur. Partem colatam impone sartagine terreæ vitreæ, si rem citò velis expedire & lento igne, sine exhalare aquam vitæ, donec fumens scammonæam in acie cultri illico indurescat sicut pix, lucida & flaua, tunc eam

ab igne remoue, & cito manibus tractato, hinc conficies pilulas, quas inunges oleo caryophyllorum & h. e. diagridium nostrum.

Quod si velis parcere aquæ vitæ, talis operatio fieri potest in alembico vitro, & fit destillatio, donec materia in dicta consistentia remaneat in ipso vitro, verum difficulter postea erui potest. Porro de hac mea scammonæa à 15. ad 20. vsque grana, tutò & absque periculo administro & corpora absque vlla noxa & detrimento purgat. Sed non ob scammonæam tantummodo tuam correctionem digna es reprehensione, verum & ob alias præparationes, ceu colocyntidis, squilla, mererei, esulæ, & similia quæ breuitatis gratia prætermitto. Sufficiat hoc solum à me demonstrari te in medicinæ scopo ignaram esse.

De confectionibus aromaticis, ac primà de electuariis purgantibus.

Ph. G. Cum sint electuaria magni momenti & valoris & à variis autoribus ad varios effectus producendos reperta, eaque tum lenientia, tum purgantia, vix credam te aduersus illa aliquid responsuram. Depromam autem hic vnum inter cætera quod in Indiis orientalibus inuentum fuit & vsitatum, apud nos verò maxime celebratum est, processus.

Electuarium indum majus D. M.

℞. Turbith opt. drach. 50.

Sacchari Crystallini.

Penidiarum vtriusque drach. 20. & non vnc. 20.

Diagridij drach. 20.

Cinnamomi seu canellæ selectæ.

Caryophyllorum.

Nardi Indicæ.

Rosarum rubrarum.

Cassia lignæ arom. & non purgatiua.

Macis

Macis.

Cyperi, singul. drach. 4.

Santali citrini drac. & semif.

Ligni aloës.

Nucis moschatæ vtriusque drach. 2.

Galangæ tenuioris ex China ad nos alata.

Heyl, id est, cardamomi ma. ex serap.

Cardamomi min.

Asari.

Mastiches singul. drac. 1. & semif.

Ex arte fiat pulvis ol. amygdalarum dulcium confricandus, & sequenti syro po excipiendus.

℞. Succorum cydoniorum Granatorum Apij & sceniculi depuratorum sing. lib. semif.

Mellis optimi despumati & cocti triplum, h. e. vnc. 36. seu. l. 3.

Virtus. Excrementa humorum maxime pituitosorum ac putridorum è ventriculo & alijs instrumentis educit, crassos in ijs etiam flatus dissolvit, malaque hinc nata sanat, v. gr. inflammationem ventriculi, colicos & renum dolores.

Phar. Sp. Certè electuarij nomen majè admodum à te intellectum fuit. Etenim cum electuaria compositiones selectæ & puræ esse debeant, vt sic rei nomen consonet; ea cum nil aliud esse comperio quàm mixturas impuras & imperfectas. Quanquam autem ipsa floccifaciam, cum sint mihi alia validissima & selectissima medicamenta purgantia, veluti rosa mineralis, sanguis mercurij, Crystallus Dianæ, cremor tartari & vegetabilium diuersa extracta, quæ materias putridas & preparatas duntaxat arcent, nouas minime cumulantia, sicut tua faciunt pharmaca, quæ audes electa nominare, nihilominus adducam & ego ali quod electuarium, quod licet calendarij more non sit compositum sicut tuum, est tamen maioris virtutis & efficacæ.

Ang. Sala.

Diacitonium purgans nostrum.

℞. Pulpæ cytoniorum cond. vnc. 2.

Sacchari rosati nostri vnc. 1.

Extr. lapidis vini drac. 2.

Magisterij galangæ gutt. 10.

Diagridij lucidi vnc. semif.

Fiat electuariū sine igne more nostro.

Dosis eius à drach. duabus vsque ad drach. tres. Expellit sine læsione & detrimento materias stomachi putridas, incidit, mundificat, discutit flatus, & vrinam promouet.

De electuariis cordialibus.

Ph. G. Licet meas compositiones pro arbitrio vilipendas, non desinam tamen in illis depromendis procedere. Præscribam autem tibi receptam electuarij cordialis, insignis valoris, quod corona dici potest omnium compositorum cordialium, prout ex eius compositione poteris judicare. Processus.

Confectio alchermes D. M.

℞. Succu pomorum odoriferorū & aque rosarum, vtriusque libr. 1. & semiss. Serici crudi succo gran. tinctorum recens tincti lib. 1.

Infundantur simul horis 24. deinde paulisper coquantur donec liquores isti rubeant. Quos (expresso & abjecto serico) coque cum sacch. optimi drach. 150. vel libra vna dimidia, & drach. sex ad mellis crassitudinem.

Ab igne depositis, & adhuc calentibus misce, Ambra crude minutim concisæ, vnc. dimidiam, quâ liquatâ, injice puluerem sequentem.

℞. ligni aloës crudi optimi, vel santali citrini.

Darcheni, i. e. cinnamomi selecti vtriusque dr. 6.

H h h h h.

Lapidis Cyanei lazuli, vsti & loti.
Margaritarum albarum vtriusque
drach. 2.

Foliorum auri optimi drach. 1.

Moschi orientalis optimi scrup. v-
num.

Fiat electuarium vasi vitrato diligen-
ter obturato reponendum.

Ph. Sp. Placet mihi compendium in-
gredientium quæ hoc tuum compositum
intran, & procul dubio magna erit vir-
tute imbutum, comprimis ob succum po-
morum in sua proprietate mirabilem, &
ob sericum crudum, quod quanti sit mo-
menti neminem latet, sed deest filum
cannabis ad vestitum perficiendum, quod
obliuioni tradidisse te puto, fortasse
quia nimis vile est, & exigui valoris.
Quod attinet ad granum, maioris illud
facio, sicut & ambram, lignum aloës, ci-
namomum, moschum, hæc quibus tua
ista compositio nullius esset efficaciar. Sed
cum ad aurum venio, video te valdè hal-
lucinari, cum enim ad eius digestionem
faciendam non habet homo struthioca-
melinum stomachum, vel humidum aquæ
regis in suo corpore, arbitror illud ad
deauranda intestina, eaque ab ærugine
preseruanda, potius quàm ad aliud quip-
piam posse inferuire. Margaritas & lapi-
dem lazuli, si naturaliter procedere vel-
les, longè aliter præparares quàm facis,
tamen si lapidem lazuli quasi præparare
incæperis, sed eum postea imperfectum
relinquis, non perueniens ad iustum ter-
minum, & hoc inde provenit, quia spagi-
ricæ non nosti gradus. Nunc liberalita-
tem tuam compenso. Processus.

Confectio alchermes nostra.

Ex. Extracti grani tinctorum dr. 2.

Duritatis margaritarum dr. 1.

Auri cordialis spagirici, id est, ad gra-
dum medicinale præparati drac.
semis.

Ambræ griseæ.

Moschi optimi ana scrup. semis.

Olei cinnamomi puri gutt. 6.

Spiritus vini sine phlegmate dr. 1.

Extracti berberorum dulcium vnc. 1.

Fiat compositum. Eius dosis est à gr. 6.
vsque ad scrup. sem.

Estque sudoriferum cordiale, magnæ
efficaciæ.

Ph. G. Contemne medicinam meam ut
voles, non desinam propterea officinam
meam aperire, eiusque ostentare gloriam.
Et in signum, ecce tibi aliud electuarium
efficacissimum. Processus.

Electuarium latificans Rhasis.

Ex. Seminis melissæ.

Corticum citrei mali.

Caryophyllorum.

Galliæ moschatæ Mesuæ.

Mastiches.

Croci.

Cinnamomi.

Nucis Moschatæ.

Cardamomi maioris.

Neremisch, pro quo potest semèn poro-
niæ accipi.

Rosæ asininæ.

Been albi.

Been rubei.

Zedoariæ.

Doronici.

Seminis ocymi caryophyllati ana vnc.
semis. scrup. 1. gran. 4.

Sacchari albiissimi q. s.

Fiat confectio s. a.

Virtus. Confortat omnia membra
principalia, ex quibus virtutes manant
naturales & animales, iuuat calorem na-
turalem & spiritum viuificat, compescit
malas cogitationes, & bonos mores lati-
tiam atque gaudium gignit.

Ph. Sp. Placet mihi bona voluntas tua,
eamque ego minimè aspernor, ac dico
necesse esse hoc tuum electuarium magnæ

esse potentia, cum illud tot materia cordiales ingredientur, comprimis autem obrosam asininam. Verum hac in parte (pate tua dixerim) tui errare principes, quod ei titulum electuarij asinini non indiderint, nam asinis procul dubio magis coarsenisset. Quod verò iis virtutibus sit præditum, quas enarraſti, arbitror in hoc te somnare. Itaque videbo ipsa an possim meæ inuentionis electuario tibi respondere. Processus.

Electuarium lætificans nostrum.

- * Magisterij melissæ dr. 3.
- Magisterij de florib. caryophyllorum od. dr. 2.
- Extracti corallorum rutilantium scrupulum 1.
- Oleum nucis moschatæ gutt. 8.
- Mellis odoriferi albif. vnc. 3.
- Corticum malorum citreorum cond. vnc. 1.

Fiat electuarium more nostro absque igne, idque si placet experire, vt vtriusque videas discrimen: hoc enim attuli comparationis causâ, alias namque in officina mea præstantiora istis habeo cordialia, vt sunt aurum essensificatum, Elixir lætificans, oleum croci, liquor cardiacus & similia, quorum minima dosiſ efficacior est, quàm magna quantitas è tuis *jusculis auenaceis*. Iam velim vt promeres aliquam è tuis confectionibus cordialibus in forma solida.

Ph. G. Lubens obsequar, & quidem talem depromam quæ iudicio meo non tibi displicebit. Processus.

Confectio liberantis.

- * Radicum tormentillæ.
- Seminis acetosæ.
- Endiuia.
- Coriandri præparati.
- Citrei mali ana drach. 1. & semis.

Santalorum omnium.
 Diſtamni albi ana drach. 1.
 Boli armeni præparati.
 Terræ sigillatæ (loco eius bolus leuanticus. i. e. orientalis fumatur) ana drach. 3.
 Margaritarum.
 Coralli albi.
 Coralli rubei.
 Carabæ.
 Rasuræ Eboris.
 Spodij.
 Eboris vſti, de quo in finē.
 Ossium de corde cæruī.
 Been albi.
 Been rubei.
 Doronici.
 Cardamomi.
 Cinnamomi.
 Macis.
 Ligni aloës.
 Cassiæ lignæ, aut succedani eius.
 Croci, zedoariæ ana drach. semis.
 Smaragdi (loco eius hyacinthi aut granati.)
 Hyacinthi, granati.
 Serici crudi torrefacti & incisi ana scr. 1.
 Penidi.
 Sacchari Candi ana, scrup. 2.
 Florum nenupharis i. e. nymphææ.
 Buglossæ.
 Rosarum ana scrup. 1.
 Camphoræ gr. 7.
 Moschi.
 Ambre ana gr. 3. Sacchari albiſſimi.
 Virtus. Contra pestem plurimum valet, tutatur corpus ne lædatur à pestiferor aëre, & præseruat humores à corruptione.
 P. S. Arbitror equidem te aliquando petiſſe bellum, quandoquidem corpus hominis mihi videris assimilare magnæ alicui vrbi, in qua sit præsiduum militare. Illic n. haberi solent milites omnis generis experti, ac ij quidē in varias stationes
 H h h h h ij

& classes dispositi, quorum una pars ad portas excubat, ne eas inuadat hostis, alia in propugnaculo vigilat, alia circumcundo speculatur, alia verò in meditullio urbis, aliisque partibus adstat, alia denique aliis fungitur officiis, ut ciuitas ab omni hoste tuta esse possit. Quod etiam in hac tua confectione facis, in qua tam multa ingredientia adhibes, ut hæc ratione existimes eam ab omni mala suspicione tuò posse corpus defendere, aut liberare. Munisti enim arcem tuam hyacinthis, granatis, smaragdis & similibus, quam si vel struthiocamelus quispiam aggrediretur, minimè posset expugnare. Sericum autem adustum quod addis tantæ est efficaciam, ut qui illud videat non sit cæcus. Præterea corallia rubra & alba exhibes, sed nigrorum oblita fuisti. Summa; est collectio mirabilium ingredientium quæ corpus præseruant à putrefactione, dum tamen hæc procul absit: sed volo compensare munus quo me affecisti, iuxta simplicem statum meum. Processus.

Antidotum liberantis nostrum.

℞. Magisterij scordij.
Extracti cardui benedicti ana drach.

4.

Spodij dr. i.

Extracti smaragd.

Spiritus sanguinis cerui ana drac. semiss.

Sacci florum solarium scrup. semiss.

Olei de radicibus Angelicæ gutt. 15.

Spiritus succini albi gutt. 6.

Fiat compositum. Dosis est à granis 12. usque ad 15. & 20. pro vice.

Hoc est donum, quo te compensare volui, sciasque illud magni valoris esse, sed arcana alia possideo aduersus pestem maioris momenti, quàm hoc sit, prout sunt aurum philosophicum, Spiritus veneris diaphanus, balsamum benedictum,

theriaca nostra, terra gratia Dei, aqua draconis dulcit. arcanum vitrioli contra pestem, Laudanum aureatum, Diaphoreticum magnum, & similia, quorum unicuique granum maioris est efficaciam, quàm integra libra tuæ confectionis, siquidem ista sunt medicamenta quæ ignis exanimare suèrè subiecta, nec amplius sunt corruptioni obnoxia, sicut tua sunt. Quia verò hæc sunt cibis tibi nimium durus, qui nec docetur coqui in tua officina, idèò hunc tibi apponere volui, quia est tener & infantibus accommodatus. Eius dosis est à scrupulo ad drach. semiss. pro vice.

Ph. G. Ulterius pergo, & nunc tibi communico nobilis confectionis receptam, quæ utique magnæ virtutis est. Processus.

Manus Christi perlata.

℞. Sacchari clarescenti lib. i.

Aquæ Rosarum lib. semiss.

Concoquantur dum aqua rosacea igni euascescat, & saccharum iustam crassitiem consequatur: in fine margaritarum minutissimè tritarum vnc. semiss. addatur, ac super marmor aqua rosacea inspersum fiant rotulæ.

Virtus. Medetur deiectionis viribus, ardentibus febribus, & imaginationes falsas abolet.

Ph. S. Si vera essent quæ narraſti de tuæ manus Christi virtutibus consulere vellem tibi, ut ipsamet eà vtereris, ad abolendas falsas imaginationes quas aduersus me temerè concepisti. Sed saluo honore tuo dixerim, nonnisi mera mendacia refers. Ratio est, quia perla corporales talem potentiam & vim minimè possunt exerere. Etenim quid vis stomachum hominis perlas posse digerere, quas vix potentissimus ignis potens est calcinare? Hic equidem non paruus est solacismus: quem non in perlis tantummodò,

verum etiam in præparatione coralliorum, gemmarum, aliorumque corporum compactorum committis. Nihilominus vis nominari rationalis, injuriisque me perpetuo prosequens ais me rerum ignorare præparationem, Interim tum propriae tuae conscientiae, & mundo imponis, dum etiam folia auri & argenti in variis tuis compositis adhibes, corpora quæ ab igne nequeunt deuorari, & tamen vis ea à debili languentis alicujus stomacho posse digereri. Equidem nosse deberes quod omnia corpora quæ caloris medio naturalis & humoris hominis non aperiuntur & separantur, ea pariter nullum ipsi alimentum aut substantiam præbere possint, sicuti granum donec relinquitur in suis paleis, nutrire quempiam non potest. Cum verò patiens aliquis in extremis laborat, misces aquam rosarum, borraginis aut similem, cum lacte amygdalino & perlis contritis, ac ejusmodi aquam perlarum nominas, cum tamen perla in aqua illa penitus nihil efficiant. Det tibi Dominus spiritum meliorem quo proximo tuo meliora impetiri scias. Ut autem magis proficias hic tibi datura sum viceuersa receptam quæ si tibi non placuerit, placebit aliis. Processus.

Manus Christi perlata nostræ.

- ℞. Sacchari albissimi vnc. 4.
Liquoris margaritarum drach. 1.
Moschi & ambre grise ana gr. 2.
Fiant rotulae.

Valet aduersus varias passiones cordis, & cerebri & dosis esto drachma pro vice.

Ph. G. Habeo insuper varij generis species cordiales num. circiter 30. aut 40. è quibus paro confectiões tam liquidas quam in forma solida, nec non multos purgantes pulueres suauissimos, si plura audiendi desiderio tenearis, in iis declarandis labori non parcam.

Ph. S. Si vellem subinde aurēs tuæ garritati præbere, sanè ad finem nunquam deuenirem, quandoquidem tua praxis nihil præter horrendum chaos est. Tuas species cordiales non curo quotquot eius habeas genera, etenim duabus duntaxat guttulis essentiae alicujus cardiace plura præstare possum, quam tu ingenti sacco tuarum specierum. Quod ad pulueres purgantes attinet pariter eos floccificacio, vtens extractis rerum eorum loco. Itaque vt discursus abbrevies, velim aggrediaris confectiões tuas opiatas, ac primo celebratissimam theriacam.

De confectiõibus opiatis.

Ph. G. Cum talem mihi exhibeas honorem, vt me adhuc audire non graueris, admirandam theriacæ meæ compositionem in medium asferre non recusabo, cujus autor extitit Andromachus Cretensis præcipuus in doctrina, & experientia medicus temporibus Neronis sexti Romanorum Imperatoris. Hoc compositum tanquam thesaurus in terris æstimatur, & quociens ad eius præparationem accingor, conuentus sit collegij medicorum qui circiter sexaginta quatuor ingreditur abfque Vino, & melle, tam orientalia, quam alterius generis solent inspicere, ac demum magna cum harmonia & tinnitu, hoc medicamentum præparatur, cui nulum aliud potest æquiparari. Processus.

Theriaca Andromachi.

- ℞. Trociscorum scilliticorum drac. 48.
Trociscorum de vipera.
Trociscorum Hedichroi.
Piperis nigri.
Opii Thebaici, ana drach. 24.
Rosarum, Scordij Cretici.
Seminis Buniadis agrestis.
Iridis Illiricæ.
Agarici albi Põici, id est, in Põro nasci.

Cinnamomi.
 Succī glycyrrhizæ.
 Opopalsami, loco eius olei caryophyl-
 lorum ana dr. 12.
 Myrrhæ Trogloedicæ.
 Croci cilicij.
 Zingiberis.
 Rheupontici id est, Rhabarbari.
 Radicum quinque folij.
 Calaminthæ montanæ.
 Marrubij comarum.
 Stœchadis comarum.
 Costi recentis, videlicet veri, non
 adulterini.
 Piperis albi.
 Piperis longi.
 Dictamni Cretici.
 Thuris masculi.
 Petroselinij Macedonici.
 Schananthi.
 Terebinthinæ Chiæ id est, in Chio in-
 sula natæ.
 Cassiæ fistulæ, videlicet Cassiæ lignæ
 veræ.
 Spicanardi Indicæ ana dr. 6.
 Gentianæ.
 Polij minoris comarum.
 Syracis optimæ.
 Sefelios Masiliensis.
 Abrotani.
 Seminis Thlaspios.
 Ammij.
 Chamædryos comarum.
 Chamæpithyes comarum.
 Hypocystidis.
 Malobathri.
 Nardi Celticæ i. e. spicæ Romanæ.
 Anisi Helladici, i. e. anisi à regione vbi
 optimum est.
 Mei Athamantici, sceniculi.
 Sigilli lemnij.
 Boli armeni.
 Chalcitidis semi-assatæ.
 Anomi.
 Racemi.
 Acori.

Cardamomi, Phu Pontici, accipē vē-
 rum quod in hortis colitur.
 Carpobalsami.
 Hyperici comarum.
 Acaciæ liquidioris.
 Gummi vermiculati.
 Dauci cretici.
 Galbani puri.
 Opopanacis.
 Sagapeni Persici.
 Bituminis Iudaici, id est, Asphalti.
 Centauri minoris comarum.
 Castorij.
 Aristolochiæ tenuis ana dr. 2.
 Vini veteris odorati quantum liquoribus
 & gummis dissoluendis satis erit.
 Mellis despumati optimi triplum. Hoc
 est lib. 14. vn. 6.

Confice sic. Cinnamomum, crocumque
 (vt Aetius vult) vnumquodque per se
 terito, & si voles, etiam rhabarbarum &
 Hedichroos trosciscos, misce deinde inui-
 cem optimè, postea reliquas herbas, ac
 radices, & omnia atida similiter tundito,
 semper similia cum suis similibus, aroma-
 ta per se, ac reliqua etiam per se seorsim.
 Postea (si Aetium imitari est animus)
 crocum, cassiam, cinnamomum & lem-
 niam terram in pilâ cum vino optimo te-
 re, atque vnito, ac reliqua omnia secun-
 dum artem addito, & melle despumato
 vniuersa excipito.

Virtus. Theriaca in omnibus antidotis
 ob multiplicem vsum potiores partes ob-
 tinet, est enim famosa & salubris contra
 genera ægritudinum plurima. Valet enim
 ad grauissimas passionēs totius corporis
 humani, epilepticis, catalepticis, apo-
 plecticis, cephalalgicis, stomachicis, hæ-
 micranicis prodest. Ad rauedinem vocis
 & constrictionem pectoris optima est.
 Arteriæ, asthmaticis, hæmoptoicis,
 ictericis, hydropicis, peripneumonicis,
 iliofis, & vulnera in intestinis habenti-
 bus conducit. Nephriticis, calculosis sub-
 uenit, menstrua educit, fetum mortuum.

expellit, lepras & variolas, & frigus & cæteras passionēs inueteratas emendat, præcipue contra omnia venena & serpentium morsus & reptilium valet. Sed diuersa est eius dosi pro quantitate & qualitate vniuscuiusque passionis. Omnem defectionem sensuum, cor, cerebrum, hepar, stomachum confortat, totum corpus incorruptum ducit & custodit.

Ph. S. Heu quàm doleo quod jam vexillum meum experientia cogar explicare, & sagittas veritatis aduersus te insingere: Arbitror autem te diu Arithmeticæ frequentasse lyceum, vbi rectè multiplicandi addidiceris rationem, quia in prædicto composito tuo ingredientia numero circiter sexaginta quatuor tam orientalialia, quàm occidentalialia (absque vino & melle) adhibuisti. Verùm scire te velim, quòd ob nimiam curiositatem istam scopum medicinæ negligas, quæ neuti-quam subiecta est hominum compositioni, nec eorum sophisticæ Theoriæ. Deus enim sapientissimus absque opera tua, veram ipse rerum naturalium fecit compositionem, & illam quidem in simplicitate consistentem, ac vni herbæ indidit virtutem purgatricem, alij virtutem diaphoreticam, tertiæ narcoticam, quartæ cardialiam, quintæ resistentem venenis. Itaq; non est quod tu ingenio tuo præclaro existimes posse subjugare naturam, constituasque te veluti Deum illius, inquis frigus esse expellendum calore, calorem frigore, humidum sicco arcendum, & contrà, addens in vno composito magnam ingredientium copiam, perinde vt adhiberi solent milites multi ad expugnandam aliquam areem, ceu Martinus, Iohannes, Huldricus, Wolfgangus, Vlysses, Hercules, &c. vbi discutiri solet, inter hos quod vnus perficere non poterit, proculdubio supplebit alter. Non ita se res habet: quin potius quare quibusnam reb. Deus opt. max. specificas proprietates indiderit quæ valeant ejicere morbos, &

corpora à venenis tueri: & cum hoc inuenieris, enitere, ut rei se pares substantiam, eamque ad sublimen suum gradum exaltes. Tunc reperies composita esse longè præstantiora, quàm quæ mortalium vllus posset præparare. Volens autem compositionem aliquam efformare, ne adhibeas centena ingredientia, sed pauca, & eque concordantia & ritè parata. Aliàs enim reipsam subinde caluaberis, ac decipies, & alios vnà in foueam errorum pertrahes, clarum ab obscuro & prudentiam ab ignorantia non discernens. Et certè si aliud studium non apprehenderis, quàm vanæ theoriæ sicut hæcenus fecisti; futurum est, vt ab ipsa rudi experientia percutiaris ac condemneris, à quâ non est, quod postea misericordiam expectes. Animaduertit enim & peruidet quilibet idiota tuam temeritatem & stultitiam, sicut & in hoc tuo pharmaco ea maximè apparet; tam multa enim ingredientia in aliqua compositione, scientiæ & experientiæ incertitudinem denotant. Propterea aiebat quidam etiam sœnum præi hac ratione mirabilia posse efficere, cum in eo plurimæ herbæ admixtæ reperiantur. Iam verò qualis est curiositas velle tot sumptibus id inuestigare & habere, quod Deus Turcis, Egyptiis & Barbaris suppeditarit, atque id negligere, & prætermittere quo te domi benignè & largiter donauit? Ac si creator ipse sapientissimus non satis fuisset vnicuique genti & nationi prouidus. An autem ignoras medicinam sub pane quotidiano comprehendi: sicut ergò diuina bonitas homini de cibo prouidit, ita & de necessaria medicina. Odonata Iuniperus quæ tuis pedibus conculcatur, & in cibum mitti solet, ipsa tuam in arte excellentiam manifestat, similiter & Angelica, Imperatoria, Valeriana, Gentiana, Ruta, Rosmarinus, & ejusmodi prætiosæ plantæ, quarum singulæ seorsim preparatæ, & ad suam puritatem redactæ, majorem exerunt

potentiam quàm hoc tuum arcanum. Sed quid dicemus de alio quod tuo proprio damno nominas theriacam rusticorum, eò quod per illud à variis venenis soleant liberari. Dico quæso mihi, quid est illud quod infirmus quærit, num rusticitatem medicamenti aut nobilitatem eius, an verò ipsam sanitatem? Certè hanc quærit ille: quam proculdubio majoris facit Arabia, Ægyptus, Palestina, Hispania Indiis nouis & aliis mundi partibus: & illud medicamentum quo curaturus id eius vera theriaca est? O malè persuasi homines, qui ad ymbra dormitis somniferæ mandragoræ, expergiscimini tandem ab alto vestro sopore. Sed hoc audire non vultis. Putatis namque si hac ratione vitam fecerimus longam, & artem breuem, quo deuentura esset gloria nostra? Nonne Academici nostri honores, & nostra stipendia euanescent? Vbi enim experientiam theoriæ loco tractare vellemus futurum esset, vt à muribus nostræ bibliothecæ corroderentur: Quia etiam calamus quo stylum exercere & ingenium ostentare solemus, quiesceret, à chartis ad carbones descenderemus, recipe nostrum nullum habiturum esset locum, principes viri & magnates nos mæchanicos æstimerent, adeoque rude vulgus viles reputaret. Absit, absit, vt hæc nobis in mentem venire pariamur, quin tela hæc potius procul arceamus à nobis, acuamus calamos, extruamus propugnacula, strenuè nos defendamus, & nauem quantum fieri potest propellamus. O miseri & infelices, ergòne Dei gloriam & vtilitatem proximi delicatis vestris desideriis, & mundanæ vanitati audetis postponere? Exhortor vos vt respiscatis, ne fortè quod hac die præstare ambitiosa obstinatione renuitis, redarguat serum tempus, & irremediabilis penitentia castiget.

Porro quod ad compositionem Theriacæ tuæ attinet, tametsi minima sit in hac virtus, est tamen inscitissimè præparata.

Primum, quia materialibus vteris impuris, indigestis & corporalibus, confundisque columnas illius copiæ & superfluitate ingredientium, deinde quia magnâ additione mellis vires eiusdem debilitas. Vt autem amorem in te meum perspectum habeas, donabo tibi descriptionem theriacæ meæ, quæ appellatur Iuniperina, cui tametsi sophisticè esses contradictura, admirandi tamen illius effectus, illicè tibi os essent occlusuri. Processus.

Theriaca Iuniperina nostra.

- ℞. Magisterij de ligno iuniperino vnc. i.
- Tincturæ Hypericonis drach. 7.
- Extracti allij drach. 6.
- Succi veronicæ condensati.
- Extracti gentianæ an. drach. 5.
- Extracti opij dr. 4. & sem.
- Cornu ceruini diaphoretici.
- Florum sulphuris diaphor. an. vnc. 5.
- Croci orientalis.
- Spiritus mumie veræ.
- Spiritus tartari rectificati an. dr. 2.
- Camphoræ liquefactæ drach. sem.
- Olei rosæ marini.
- Florum succini albi.
- Olei ex radicibus Angelicæ ana scrup. 7.

Hæc omnia simul incorporantur abluque igne in mortario vitreo, sicut pharmacologia docet, postea seruatur compositum in vasis aureis, argenteis, vitreis, terreis vitratis, & cum duriusculum deuenit, etiam in vasis ligni durioris potest reponi. In vasis autem oricalchi, plumbi, stanni minimè seruari debet.

Hæc theriaca resistit omnibus morbis quibus & Andromachi theriaca destinata est, sed efficacità longè maiori, atque in minori dose exhibetur, prouocatque sudorem & vrinam, præbita in forma pilulæ cum vino aut alio liquore. Eius dosis est à scrupulo dimidio ad grana 15. aut 20. iuxta occurrentiam. Hoc verò medici est scire.

Ecce theriacale meum compositum, quod vt melius intelligas, variorum eius ingredientium præparationem breuibus declarabo, deinde aliam theriacam describam adhuc maioris potentie quàm hæc sit, vt videas qualia dona in finis ac simplicibus Deus benignissimus sit clargitus.

Magisterium juniperinum.

Id est Spiritus vini sublimatus & affusus ligno Iuniperino, collecto in vera influenza, qui postea declinatur & reiteratur infusio toties, donec liquor fiat subniger & talis potentia, vt vna aut altera gutta tingere possit cyathum aquæ odore & sapore juniperino.

Tinctura Hypericonis.

Id est succus florum Hypericonis redactus ad consistentiam mellis, sic tamen vt retineat suum colorem rubeum obscurum.

Extractum allij.

Nempe allium minutim incisum & suæ aquæ per cineres destillatæ affusum, & postquam per tres dies dicta infusio in calore lento fuerit relicta, tunc colatur & non exprimitur, dicta autem colatura redigitur ad consistentiam picis.

Succus veronica condensatus.

Intellige sicut de Hypericone, sed hic redigitur ad consistentiam picis & est niger.

Extractum gentiane.

Intellige eius succum condensatum, si possis habere recentem, aut extractum eius per aquam vitæ.

Extractum opij.

Opium exsiccatum super lamina ferri
Ang. Sala.

in pulcrem contere, & extrahe succo citriorum destillato, deinde coagula ad consistentiam picis.

Cornu cerui diaphor.

Cor. Cornu cerui vsque ad albedinem calcinati dr. 1.

Spiritus vitrioli rectificati dr. 2.

Olei de radicibus Imperatoriæ scr. 1.

Fiat incorporatio in mortario vitro, & spatio sex horarum per se exsicceetur, ita vt cõfici possit pulvis qui seruatur occlusus.

Flores sulphuris diaphor.

Vitrioli vngarici rubificati.

Tartari vsque ad albedinem calcinati an. lib. 1.

Sulphuris flauī lib. 2.

Fit sublimatio more Chymicorum, eaque quinquies reiteretur, sumendo semper recens vitriolum & tartarum. Postea vnicuique vnciæ florum adduntur ambra griseæ, moschi, ana gr. 10. olei de macis guttulæ 5.

Spiritus mumie.

Hoc est mumia vera destillata & liquor circulatus & rectificatus donec fiat rufus.

Solutio camphoræ.

Id est Camph. drag. semis. quæ soluitur in drach. 2. spiritus vini ad aquam tepidam.

Ph. Gal. Quis quæso harum tuarum locutionum poterit esse capax, vtpote extrahendi, coagulandi, sublimandi, &c. Adde quod sumptus magni in eiusmodi præparationibus requiruntur. In præscriptione quidem hujus tuæ theriacæ dulcis ea videbatur sed cum ad effectum compositionis ventum est, re-

peri eam colocynthide amariorem.

Ph. S. Non est ignotus rudis stylus meus, quando etiam theoria mea sita est in operatione, proinde quod scribo, minime intelligi ab iis potest, qui duntaxat chartam & libros tractare sunt assueti, in quorum numero & tu comprehenderis, amans nitidas & mundas conseruare manus, ut eas nimirum gratiosè porrigere possis iis, quos soles inuifere iuxta aulicam potiùs, quàm medicam professionem. Sed minus à Pharmacopœis qui nil aliud norunt, quam coquatur & incorporetur secundum artem hæc mea praxis intelligitur, iis namque panis conuenit furfuraceus. Sed iam excipe alteram à me promissam theriacam, aduersus quam si quid habueris, respondebis, sin minus ad alia enarranda progredieris. Processus.

Theriaca aureata nostra.

℞. Thiri nostri ab aquila rapti & à Tartaris liberati.

Auri diaphoretici per lacrymam draconis chymicis præparati.

Tincturæ lapidis granati.

Quintæ essentia corallorum rutilantium.

Extracti florum lætitia.

Lacrymæ cerui repurgatæ.

Tincturæ microcosmi ana drac. i.

Extracti libanotidis viridis vnc. i.

Fiat compositum more chymico & seruatur in valis aureis aut vitreis.

Exhibetur in parua dose. Sed potentia eius magna est: etenim singula ingredientia per se maiore sunt virtute & efficacia prædita, quàm tota tua theriaca, cum vniuersa officina.

Ph. Gal. Perspicio me de vno in alium labyrinthum duci, nam neque hæc tua dicta percipio, minus iis respondere valeo, nam huiusmodi composita in mea officina minime sunt in usu.

Ph. Sp. In labyrintho quidem versa-

ris, sicut semper vērſata fuisti. Quoad meorum arcanorum declarationem, cum sint cibi tibi nimium duri & stomacho tuo delicato minus conuenientes, ea in mei similium gratiam conseruare malo.

Ph. Gal. Ut verum fatear, penè ambigere incipio de principum meorum doctrina: Nihilominus quia majores mei hanc calcarunt semitam, eam nec ipsa transgrediar. Proinde propositum meum continuabo, valeat quantum valere potest: & licet theriacam meam improbaueris, non desinam tamen idcirco afferre compositum opiatum potens ad placandos varios dolores internos. Processus.

Aurea Alexandrina secundum descriptionem. M.

℞. Azari.

Carpobalsami, aut alicujus succedanei.

Seminis hyosciami albi ana drac. 2. & semif.

Caryophyllorum.

Opij Thebaici.

Myrrhæ.

Cyperi rotundi an. drac. 2.

Opobalsami (loco eius olei caryophyl.)

Cinnamomi.

Euphorbij.

Folij (aut succedanei eius) Zedoariæ,

Zinziberis.

Costi veri.

Coralli.

Cassia lignæ veræ.

Tragacanthæ.

Thuris masehuli, Mei.

Styracis calamitæ.

Saljuncæ i. e. spicæ celticæ, quæ nunc

Romana dicitur.

Cardamomi minoris.

Seselios.

Seminis napi.

Seminis saxifragiæ.
 Anethi.
 Anisi ana drac. i.
 Ligni aloës.
 Rhabarbari.
 Alistæ moschatæ.
 Castorei.
 Spicænardî Indicæ.
 Galangæ.
 Opopanacis.
 Anacardij.
 Mastiches.
 Sulphuris viui.
 Radicis præoniæ.
 Eryngij videlicet radicis eius.
 Rosarum, Thymi.
 Acori veri (siue calami aromatici).
 Pulegij.
 Aristolochiæ longæ.
 Gentianæ.
 Corticum radicum mandragoræ.
 Chamedryos.
 Phu, Baccarum lauri.
 Ammij i. e. ammeos.
 Dauci cretici, eius loco licet accipere
 fœli creticum.
 Macropiperis.
 Leucopiperis.
 Xylobalsami aut alicujus succæda-
 nei.
 Carui.
 Amomi.
 Petroselinî.
 Seminis leuistici.
 Rutæ.
 Sinoni ana drach. semis.
 Auri costî, i. e. omnino igne depurati
 & synceri.
 Argenti meri.
 Ambarum margaritarum.
 Blattæ Bizantiæ.
 Ossiu de corde cerui ana scrup. i. gr. 13.
 Limaturæ eboris.
 Calami aromatici.
 Pyretri an. gr. 8.
 Mellis despumati triplum.

Virtus. Contra defluxiones capitis
 frigore conceptas efficax remedium est,
 oculorû lachrymas exsiccat, dentium do-
 lores lenit, aduersus capitis cruciatum
 summopere prodest, illitum fronti comi-
 tiales, insanos, vertiginosos & in vniuer-
 sum omnem capitis noxam mulcet, tabi-
 dis, tussiculosis, humorem à thorace reji-
 cientibus, cardiacis sanguinem excrean-
 tibus præsentî est auxilio, Ischiaticis, coli,
 & renum cruciatibus. Aduersus difficul-
 tatem vrinæ & ejusdem stillicidium va-
 let, calculos comminuit, ab omni ventris
 malo liberat, quotidianis & tertianis fe-
 bribus circa accessionis initium, sufferue-
 facta aurea stœchadis iusculo medetur.

Ph. Sp. Quoniam ignorantiam tuam
 satis per ea detexi, quæ à me fuerunt su-
 perius dicta, ita quidem vt veritas à quo-
 uis faciliè dignosci possit, ideo nunc à
 multa sermocinatione subsistam, vt qui
 sciam te non tantum hœ opiatum, verum
 & plura alia habere, quibus sæpe soleas
 omnes penitus leuare dolores & patientes
 ab hac lacrymarum valle liberatos ad
 requiem æternam transmittere. Sed &
 auream meam quam subnectam, perpen-
 de, vt videas quantum sit inter vtramque
 discrimen.

Aurea nostra.

32. Extracti opij sicut in theriaca junipæ-
 rina dictum est.
 Extracti rosarum albarum, i. e. succi
 earum condensati an. dr. 3.
 Ignis mineralis in summo gradu re-
 ducti.
 Extracti myrrhæ.
 Croci an. drach. i.
 Materiæ periarum drach. semis.
 Olei majoranæ.
 Caryophyllorum an. gutt. 6.
 Misce & fiat massa. Dosis est à gran. 3. ad
 5. pro vice.
 Compositum hoc miros effectus fa-

cit, & licet aurum illud non intret tamen verè aureum debet nuncupari, quia eius virtutes cuiusvis auri pretio sunt æquiparanda. Et valet ad sedandos omnes dolores internos corporum humanorum ac tuto præberi potest senibus ac juvenibus, tum mulieribus gravidis, habito respectu dosis, & temporis quo debet administrari. Alia quoque arcana hoc multò potentiora & penè admiranda, eundem parientia effectum mihi liberalissimus Deus non denegavit, ut ipsum perpetuò laudandi mihi nulla occasio defuit.

De Trochiscis.

Ph. Gal. Sunt etiam mihi varia generâ Trochiscorum non parvi momenti: sed ne nimis diu in hac umbra videar otiosi, subijciam hîc duntaxat compositum Trochiscorum viperinorum quod inter præcipua ingredientia theriacalia connumeratur. Proc.

℞. Carnis viperinæ cum anetho, sale & aqua coctæ dr. 8.

Panis triticeï purissimi triti & cribrati vnc. 2.

Formentur Trochisci cum jussculo in quo decoctæ fuerunt carnes viperinæ & inungantur cum opobalsamo aut oleo macis, aut caryophyllorum aut nucis moschatæ, siccantur in loco umbrato, libero, ventoque exposito.

P. S. Quoad Trochiscorum tuorum præparationem in genere attinet eam minimi facio, quia res est corporalis & minimi valoris. Propterea ego uti soleo extractis, magisteriis & eius generis præparationibus purioribus: tamen si fatear non tantum Viperæ, sed & aliis serpentibus magnas inesse virtutes. Verum res tota sita est in præparatione. Quod si eius generis animalibus uti luberet, ea ad longè puriorem, & magis correctam præparationem reducerem quàm tua sit. At quia mirabilis Deus alia multa non absi-

milis potentia creavit: idcirco theriacam meam viperis subijcere nolo, quæ nec ubique reperiuntur. Itaque sumo alias materias quæ & inuentu faciliores & virtute atque efficacia sunt præstantiores.

Ph. G. Sed quid jam dictura es aduersus artificiosum pilularum inuentum? Quod quàm sit necessarium apparet, quia ubi compositum eius propter ingredientia futurum erat patientis palato injucundum & minimè gratum, ars docuit illud redigere in pilulas, ut jam facilimè & absque vlla molestia ab eo possit deglutiri. Et ut aliquam eius compositi formulam videas, præsentem descriptionem subijciam. Proc.

Pilula lucis majores, descriptionis Mese.

℞. Rosarum.

Violarum.

Absointhij.

Colocynthidis.

Turbith.

Cubebarum.

Calami atomatici.

Nucis moschatæ.

Spicæ nardi Indicæ.

Epithymi.

Carpobalsami.

Xylobalsami.

Seseleos. aut eorum succedanæorum.

Seminis rutæ.

Schananthi.

Mastiches.

Azari.

Caryophyllorum.

Cinnamomi.

Anisi.

Fœniculi.

Apij.

Cassia lignæ, videlicet veræ.

Croci.

Macis ana drach. 2.

Myrobalan.

Citrinorum.

Chebulorum.
Indorum.
Bellericorum.
Embllicorum.
Rhabarbari ana drach. 4.

Agarici.

Sennæ ana drach. 5.

Euphrasie drach. 6.

Aloës succotrinæ ad pondus omnium
i. e. vnc. 12. & drach. 2.

Succi fœniculi q. s.

Contunde & fiat massa.

Virtus. Excrementa capitis pituitosa
educunt, visumque roborant.

Ph. Sp. Pilularum vsus & forma à me
non improbantur, sed tuam compositionem
tanquam inutilem & stomacho hu-
mano noxiam rejicio, vteris namque in
illa ingredientibus corporalibus, ac pul-
uerem duntaxat ex ijs conficis, deinde
massam, sub quibus ingredientibus sæpè
ligna, & radices duræ, aliaque impura
comprehenduntur, quorum concoctio
valde longa est & difficillima, ita vt ægrè
corpus inde attrahere puritatem possit &
beneficium consequi, imò cum patientis
vires iam sint debilitatæ, sicut plerumque
accidit in morbis, fit vt praua medicamen-
ti compositio illius, impediat operatio-
nem, adeoque non leue apportet nocu-
mentum. Præterea cum multas pilulas vna
vice soleas exhibere, hinc etiam euenit vt
patiens nauseam concipiat, ob quam pa-
riter bonus non potest effectus sequi. Sed
ne in longum exeam, mutuum tibi redde-
re constitui. Processus.

Pilule cephalice nostræ.

℞. Sennæ mund. vnc. 4.

Epithymi vnc. 3.

Agarici albi vnc. 1.

Aloës epat.

Scammonæ ana vnc. semis.

Zingiberis albi drach. 2.

Fiat extractio cum aqua lilij conuallij

acuta, & reducatur ad consistentiam pi-
cis, deinde adde singulis vnc.

Arcani vitrioli acidi scrup. 1.

Moschi electi gr. 4.

Olei amaraci gutt. 3.

Fiat massa.

Dosis harum pilularum est à drach. 5.
ad drach. 1. Purgant sine læsione corpus,
robur addunt cerebro, confortant stoma-
chum, superfluas humiditates exsiccant,
conducunt mirabiliter asthmaticis, flatu
discutiunt & vrinam prouocant.

De eclegmatis seu looch in genere.

P. G. Hæc etiam medicamenta non
sunt prætermittenda, quarum forma est
medium quid inter syrupum & electua-
rium. Prout e. gr. è præstantioribus vnum
hic tibi depromam. Proc.

Looch de papauere descriptionis Mesuæ.

℞. Papaueris albi drach. 25.

Amygdalarum dulcium.

Pinearum.

Gummi Arabici.

Tragacanthæ.

Succi glycyrrhizæ an. dr. 10.

Amili.

Seminis portulacæ.

Seminis lactucæ.

Seminis cydoniorum an. dr. 4.

Croci dr. 1.

Penidiarum albarum vnc. 4.

Syrupi de papauere lib. 3.

Omnia contendantur & incidantur at-
que cum syrupo excipiantur secundum ar-
tem. Porro iste syrupus de papauere sic
confici debet.

℞. Capitum papaueris albi recentium.

Capitum papaueris nigri recentium
an. vnc. 6.

Seminis lactucæ.

Florum violarum ana drach. 1.

Aquæ q. s. aut lib. 8. f. decoct. &

colaturæ adde sacch. lib. 4.

Coquantur ad spissitudinem.

Virtus. Iuuat tussim & gutturis asperitatem à catarrho calido, tenui (quem sputum liquidum indicat) cum enim coquit & incrassat, confert etiam febribus ardentibus, dolenti thoraci, pleuritidi.

Ph. Sp. Non ignorabam ego morem tuum fallacem & phantasticum qui est imponendi nomina tuis arcanis Arabica, Græca aut alia peregrina, nempe vt tali pompa atque apparentia maiorem tuæ merces efficaciam habere videantur. Virtus enim non est tantummodo in vegetabilibus, animalibus & mineralibus, sed etiam in verbis, quæ admodum efficacia sunt, imò ipsa plus faciunt ad culinam tuam pinguefaciendam quam ipsamet medicina, interim ego quoque Looch meum afferam, quod tamen diamargariton liquidum libentius appellarim. Proc.

Looch perlatum nostrum.

℞ Penidiarum albarum vnc. 4.

Solutionis margaritarum dr. 3.

Crytalli Catholici & solubilis scr. 1.

Olei anisi gutt. 3.

Penidiæ liquefiunt in mortario vitreo cum infusione glycyrrhizæ recentis quantum satis, sic vt consequantur formam syrupi spissi, postea adjicitur solutio Margaritarum cum oleo anisi & in vsum reponitur compositum. Valet efficaciter in iis casibus, quibus tuum ais esse destinatum. Resistit insuper passionibus cordis & restaurat humidum radicale.

Ph. G. En tibi adhuc aliud Looch insignis ad sauiissimas infirmitates curandas mirificè potens. Processus.

Looch de pulmone vulpis descriptionis Mesuæ.

℞. Pulmonis vulpini siccati.

Succi glycyrrhizæ.

Seminis anisi.

Seminis fœniculi.

Capilli veneris ana vnc. 1.

Sacchari clarificati in syrupum cocti vnc. 15.

Conterantur omnia tenuissimè & cum saccharo excipiantur.

Virtus. Absterget & consolidat vlcera pectoris & pulmonis & præferendum est aliis remediis in phthisi.

Phar. Sp. Audaciam & temeritatem tuam, certe non possum satis admirari, verum tuamet opera te abundè contemnant atque coarguunt. Quæso enim te quot Asthmatici phthysici tuas incolunt ciuitates, quorum ne vnum quidem es valida restaurare? & licet iis cunctos pulmones Polonarum Vulpium præberes comedendos, semper tamen eos idem status maneret, vsq; dum Looch, seu verius *Loch* germanicum ad se penitus liberatos recipiat. Quia verò medicamentum hoc tuum tanquam summum quoddam arcantum extulisti, idèd non abs re fuerit, si & ego aliquid depromam, cui tuum resistet, sicut resistere solet nix soli. Processus.

*Fouea
id est
tumulus.*

Looch sulphuratum nostrum.

℞. Sacchari albiissimi pulueris.

Mellis optimi clarificati ana vncias 2.

Florum sulphuris drach. 1.

Elixiris proprietatis, id est liquoris ab aloë myrrha & croco extracti scr. 3.

Spiritus mumiz gutt. 12.

Ambra griseæ gr. 10.

Fiat Looch in mortario vitreo s. ar.

Hoc medicamen seipsum approbat, & experimentum eius laudes canit. Alia autem medicamina eiusdem valoris habeo, imò multò præstantiora, veluti balsamum Antimonij diaphoreticum, extractum cranij. Oleum viriolati auratum & dulce Oleum tartari verum & non falsum tartari resolutum (prout hoc sophiste

oleum solent nominare) illud est instar olei amygdalini vnctuosum; & flauum, sicut aurum, quib. omnibus vti soleo ad necessitatem.

istis auspicans insignem hic descriptionem subnectam. Processus.

Oleum castorei descriptionis Iacobi de Manliis.

De nonnullis medicamentis applicatiuis, clysteribus, suppositoriis, puluinaribus, nasaliis & similibus.

Ph. Galen. Superest nunc vt discurram de medicaminibus applicatiuis, quæ in variis casibus multiplicem vsum habent.

Ph. Sp. Puderet me bacchantica ista infamia & præternaturalia in medium afferre, & in specie clysteres, ac suppositoria, quibus patientum posteriora (salua reuerentia) soles contemplari, ac si natura aliter non fuisset prouida, & vnctionum atque suffumigationum adminiculo infirmis subueniri non posset. Quot verò tuis clysteribus perdidisti? debilitando vim expulsiuam & naturam illis temerè aduofaciendo. Igitur discite internum vas inprimis mundificare, & causam morbi efficientem tollere, ac demum tibi nomen rationalis vsurpa. Non quod omnino in casibus necessitatis bona remedia quæ ad manus veniunt culpæ velim, vt proximo succurratur, sed dico vtendum esse fundamentis naturalibus, & minime super commentis & fabulis vt tu facis, debet medicina fundari. Sed perge vltèrius, & aliquid dicito de fundamento præparationum chirurgicalium deinde finem insulis tuis natrationibus impo- nito, quæ igneum veritatis examen ferre vilo modo non possunt.

De medicamentis chirurgicis.

Ph. Galen. Proculdubio optimè nosti quam sim chirurgicis medicamentis instructa, veluti emplastris, ceraribus, vnguentis, oleis, & similibus. Quia verò præcipua horum basis sita est in oleis, ideo ab

R. Castorij.
Styracis calamitæ.
Galbani.
Euphorbij.
Cassia lignea veræ.
Croc.
Opopanacis.
Carpobalsami, aut succedanei eius
Spica nardi Indica.
Costi an a dr. 2.
Cyperi.
Schananthi.
Macropiperis.
Melanopiperis.
Sabinæ.
Pyrethri an. dr. 2. & semis.
Olei lib. 3.
Vini odoriferi lib. 2.

Contusa omnia coque in duplici vase ad vini consumptionem. Cola & serua.

Virtus. Est optimum contra omnes ægitudines frigidas præsertim nervorum & juncturarum, medetur paralyti, spasmus, tetano, & sedat acerrimos rigores & frigora februm, si spina dorsus liniatur.

P. S. Formam tuorum emplastrorum ceretorum & vnguentorum non contemno, hoc tamen improbo, quod in iis non vtaris rebus naturæ balsamica, extractis, magisteriis, quæ vlceras præferunt à petrefactione, & vim habent efficaciorē penetrandi, abstergendi, mundificandi, incarnandi, cicatrizandi quàm cætera ingredientia corporalia, quæ tu soles adhibere, quorum præstantiam commendant tuæ ciuitates ulceratis plenæ, quibus cuncta tuæ officina remedia nequeunt opitulari. Quare non video ad quid tua arcana prosint. Quod autem concernit oleorum præparationem, dico

methodum tuam nullius valoris esse. Ratio est, quia cum exempli gratia vteris oleo oliuæ corporali, hoc vim penetrandi & attrahendi ad se virtutes ingredientium habere non potest. Quinetiam sæpè sumis florum liliorum aut violarum manip. 1. Olei oliuarum poc. dimidium & tam exigua florum copia arbitraris te posse tingere in eorum odore & efficacia olei quantitatem. Atqui hæc est inscitia atque temeraria summa, preinde ostendam tibi modum quem ego teneo, circa olei purificationem antequam ipso utar.

Rectificatio olei oliuarum.

℞. Olei oliuarum lib. 1.
Cinerum vnc. 4.

Distilletur id omne quod educi potest per retortam. Destillatum in usum reponito. Hoc relinquit post se omnem crassitiam, & infusum herbis aut aromatibus, perfectam attractionem facit substantiæ eorum vntuosæ. Dices fortasse oleum per destillationem acquirere naturam magis igneam. Ad hoc tibi respondeo ideo præstantius esse, siquidem pleraque olea tùm simplicia, tùm composita in hunc finem ordinata sunt vt calefaciant. Nam quod attinet ad morbos calidos, nosse quidem debes oleum illis esse venenum. Et hoc quotidiana experientia manifestum facit per damnum ab indoctis chirurgis inferri solitum, qui dum ardorem aliquem mitigare autumant, utpotè erysipelatum aut similius, vtentes oleis rosaceis vel liliaceis, causantur sæpè patientibus spasmodum, contracturas & alias eiusmodi apportant noxas, quandoque causantur febres quæ agros ad vitam melioris originem perdacunt, & hoc euenit, primò propter olei caliditatem, secundò ob eius crassitiem vntuosam quæ poros cutis

obstruit & intercludit, unde humor exhalare non potest. Quam etiam ob causam dicendum oleum destillatum adhuc melius esse, quia saltem subtile est & aperitiuum tamen in eiusmodi occurrentiis alijs remedijs vti satius sit. Sed vt finis tandem nostris discursibus imponatur, conclusionis ergo præsentem subijciam receptam. Processus.

Oleum ad morbos frigidos inuentione nostra.

℞. Zingiberis albi vnc. 2.
Castorei.
Styracis Calamitæ.
Myrrhæ ana vnc. 1.
Rutæ siccæ manip. 1.
Croc. dr. 2.
Olei oliuarum rectif. vnc. 15.
Olei succini albi vnc. 2.

Zingiber, & reliqua contundenda contundantur crasso modo, singula imponantur vasi vitro ritè operculato, insola dies viginti si tempus sit æstiuum, sin hyemale, in loco calido pones, deinde cola, & habebis oleum rubeum, obscurum, instar balsami, quod intrinsecus & extrinsecus potest administrari aduersus varias infirmitates frigidas. Porro Pharm. Galen. iter tuum abeas, & tuam ne deferas culinam moneo, ego enim reuertar ad meum laboratorium Chymicum, sperans tempus veritatis amicum veræ artis medicæ sinceritatem extremo hoc æuo mortalibus patefacturum. Aeterno & vero Medico, à quo omnis sapientia salus & reliqua bona manant, omnis benedictio, honor, & gloria reddatur in secula. Caterum si in hoc volumine aliquid minus rectè aut minus appositè dictum reperiatur, id solius hominis imperfectioni attributum esto.



